

Bien. 5D. 113

N^o 2.
M.
Annales BENEDICTINI.
A.R.P. Gabrielis Bucelini.



Monasterii Plocho-Pultavien. Ord. S. Benedicti.

REVERENDISSIMO ET

AMPLISSIMO DOMINO

AD D^N. VRBANO

ILLVSTRISSIMI CELEBERRI-

MIQUE ADMONTENSIS IN STYRIA

COENOBII

Vigilantissimo Meritissimoque

ABBATI

DOMINO ET MECENATI GRATIOSISSIMO,

OBSERVANDISSIMO.

Nurbanus omnino essem, VRBANE Reverendissime
Præsul, qui tamen Nominis Tui à primâ juventâ obser-
vantissimus, Tibi autem mille nominibus fui deinceps
obstrictissimus, nisi tot beneficiorum à Te acceptorum
memor, urgente & perurgente conscientia tantorum debitorum, aut
censualis Tibi fierem, aut proprius. Illud juratæ paupertatis homini
cum minus congruat, quam istud, in Tuam, quod unum possum, lu-
bens, libens, inhiantissimè insuper, concedo potestatem. Ne tamen
omnino nihil una mecum conferrem, syngrapham saltem volui, me
etiam tacente ut illa loqueretur, & hoc crassum tenuis ingenii filum,
hilo ut potior Tibi essem aut nihilo, qui id saltem conor quod pos-
sum, quod non possum, satisfacere tot tantisque Tuis in me benefi-
ciis, animitus desidero. Ea describi quia fers iniquissimè non ausim,
abstineo tamen quam ægerrimè ab illis, quæ merito recolo quotidie,
& gaudeo domi inter amicos, & ad aram Ipsi Numini recensere &
commendare. Conqueror autem identidem, cum laudare prohi-
beor quod tantopere gestio, & haud minimùm doleo, mihi saltem
non licere quod partium mearum est, cum Tu, quod Tuarum est,
prudenter quidem facias & religiosè laudes Tuas averfando, minus
clementer tamen, quos ipsa cogit æquitas, prohibendo. Id unum so-
latur moerorem meum, nemini latere posse, quantus ille sit Montiū
Præses & vertex VRBANVS meus, qui montes revera omnes Styriæ
æques animi magnitudine, superes ingenii sublimitate. Ita Te emi-

nuz

nus contuetur Vienna, æstimat Cæsar; ita propius veneratur Græciū,
ita tota miratur Styria, Austria, Carinthia, nemini mirum ut esse pos-
sit, quomodo tantillus, uti stipula, uti atomus ad Te rapiar, quomo-
do attinear, qui Magnatum omnium attraxisti animos, omnium in a-
moribus es, summaque in Veneratione, mihi uni durior Montibus
Tuis es, adeo rigida tristisque laudum Tuarum prohibitione, cæterum
tractivā tot beneficiis virtute, magnetis potentissimus & in me, & in
omnes quotquot manum experti sunt Tuam proprietate. Et quan-
to plausibilis est, à congruenti Magnis celebrari Liberalitate quam
ipsa Magnitudine? Cætera non attingo, magni Tui Nominis ingen-
tia monimenta, Tuis minimè Montibus conclusa, sed in clivos usque
Sclavonicos, in Ungariam usque & oculos Turcarum Christi & Ec-
clesiæ hostium exporrecta. Loquetur me tacente, notabit digito, mi-
rabitur & depræcabit posteritas universa. Mihi satis est, etiam absque
me, Te vel invito quidem, prodi merita Tua, ipso Cænobii Tui Ad-
montensis splendore, quod Tua opera eo usque excrevit, ut ipsum
etiam cælum rapere videatur, nedum terras & terrigenas ad contuen-
dum invitare. Ita taceo, simulque in sinum rideo, dum facere prohi-
beor meum pro debito officium, erumpere aliunde, multo potiores
meis, pro prohiberi se non patiantur plausus, quibus concors ego ani-
mi mei ferventissimo voto, etiam dum taceo clamo plaudo & ap-
plaudo, proque prohibitis ne erumpant æstuantissimi cordis pulsi-
bus, sed & pro meis tot tantisque debitis, totidem quotquot liber hic
habet syllabas ac litteras, silenter ad numero, meque quam humillime
& devotissime commendo. Veldtkirchii Rhætorum Christi anno
1656.

Reverendissimæ & Amplissimæ Dominationis V.ª


Clientum ultimus, sed observantissimus

F. Gabriel Buccelinus

LECTOR BENEVOLE.

Annales damus Ordinis, non illos quos expectas, quosque vel maxime vellemus & meliori servamus tempori, nempe universales; sed illarum solummodo rerum, & ex innumeris paucarum, quæ vulgare jam nimis factum, illud Sectariorum, Ordinisq; Monastici honestium scommata: *Monachos inutilia esse terra pondera, commentum esse doceant, dignum vulgantibus, & ipsorum, qui ab initio mendax fuit, patre omnis invidia auctore qui, utinam! inutiles solummodo essent, nec ita perniciosi ac pestilentes S. R. Ecclesiæ & pacis publicæ turbatores comprobentur.* Pauca proin ex innumeris afferimus, eaque vix obiter attingimus, non alio fine, quam ut calumniam ab Ordine sanctissimo, amplissimo, deque Ecclesia Christi optimè semper merito, amoliamur. Quod dum facimus, & cum Apostolo, *quia oportet* (2. ad Corinthios 12.) *gloriamur, ne forte ob scandalum, sive æmulationem, ut sit subinde, nonnullorum, minus expediat gloriari, pauca præfari volumus, atque in primis protestari: Tantum abesse, ut per hæc, quæ de Benedictino Ordine, contra ora loquentium iniqua deprædicamus, quidquam cuicunque Religiosæ familiæ, cum antiquæ, cum novæ, & recens etiam natæ, seu edendæ deinceps, detractum sive præreptum, ut neque comparatum cum quocunque Ordinum velimus: cum in omni potius occasione laudis, omnibus & singulis ultro deferamus, & in novissimis æquè ac primis, eandem DEI manum, eundem spiritum, religiosissimè & devotissimè veneremur.* Afferimus proin ea solummodo quæ post receptam, inque Urbem Romanâ introductam, & approbatam, superstite etiamnum plurimis annis Sanctissimo Legislatore nostro, ab Hormisda Papa, Benedictinam Regulam, ab ejusdem cultoribus & professoribus, in orbem quamprimum universum beneficia dimanarunt, nec ea, ut nonnemini videri posset, hoc loco producimus, quæ communi cum Vetustissimis, coævi Apostolis, tantopere à Divino Dionysio laudati *Monastici Ordinis* titulo, merito etiam usurpare possemus; verum illa potissimum, quæ, ut diximus, ab Ipsa maximè, dictatâ à Divino Spiritu Divo Patri BENEDICTO Regulâ, à tot deinceps Romanis post Hormisdam Pontificibus, à tot Conciliis approbatâ, orbique universo commendatâ, neque Occidenti solum, sed & Orienti, Asiæ, atque Africæ, Justiniano Magno efflagitante ab ipsomet Magno Patriarcha nostro Benedicto per suorum introductas Colonias illatâ, haud sine Divino miraculo statim se prodidere ingentia, & incomparabilia merita, ut haud immerito magni nominis Doctor apud Arnoldum Duacenum asseverare sit ausus: *Post sacratissima & sanctissima Ecclesia Sacramenta, nihil ita in Ecclesia utile fuisse, atque Sanctorum Monachorum Benedictinorum Ordines & Instituta.* Fuit liquidem Sanctissimus Pater Noster, non tam novi Ordinis sub nova omnino Regula Institutor, quam Veterum Monachorum sub diversissimis Regulis, institutis & consuetudinibus, diversimode viventium, Reformator, ut qui Divino dictante Pneumate, Regulas omnium in unum collegerit Compendium, inde merito à præseis & sanctissimis Patribus, nomine *Regule Patrum* appellatum. Quæ causa fuit, ut ipso etiamnum superstite S. P. N. non Italiæ solum Scotiæ, Hiberniæ, Galliæ atque Hispaniæ Cænobia, illam adeo suis conformem institutis ætati insuper mundi, nec non naturæ hominum adeo congruam certatim amplecterentur Regulam, sed & Orientis plurima eandem magno fervore expeterent atque susciperent, Justinianus autem Imperator non in Bizacena solum provincia, sed in Asia passim universa, Ægypto, Thracia, Lybia, Armenia & triumphata nuper Africa, propagari longè lateque expeteret, sed ab ipsomet Sanctissimo Patriarcha (uti plurima cum sacri Casinatis, cum Sublacensis Cænobii quam disertissimè restantur monumenta) eodem micti Monachorum colonias ferventissimè perurgeret, & ex Imperiali liberalitate, & partibus per eadem amplissima Regna spoliis, in fundanda Cænobia, sumptus penè, incredibiles faceret. Et vero licet aliqui sive ex Diyi Basilii, sive Patricii aliorumque Institutorum

entorum ritibus, quædam Divi BENEDICTI Regulis non adversantia subinde retinuerint, constat tamen non uno unius Monasterii sed ex innumeris millium Canoniorum documentis, plerisque in hanc usque diem à proximâ Divo BENEDICTO ætate conservatis, ne unum quidem, ab Hiberniæ & Scotiæ Monachis sit conditum, in cujus primæ foundationis tabulis, Pontificû Rom. & Regum Diplomatis, non expressa Regulæ Divi BENEDICTI mentio habeatur, ita ut superstite (verbi gratia) Divo Columbano & sociis atque discipulis: *Sub Sancti BENEDICTI, & Domini Columbani Regula, &c.* Bonifacius V. Pont. Max. Columbano æqualis, alique seu Pontifices seu Reges confirmatas à se sive factas Foundationes Monasteriorum affirmarent; ut taceam, nullius omnino Regulæ, præter Divi BENEDICTI, ab hujus ætate à tpc decursu sæculorum ad usque annum Christi millesimum & 88. Norberti & Ivonis tempora, sive in Universalibus S. R. E. Conciliis, sive particularibus diversarum Synodis, sive quibuscunque Comitibus & Conventibus publicis, vel minimam quidem fieri mentionem, cum in illis solemnissima jussione Monachi omnes ad Regulam Sancti P. BENEDICTI remitterentur, eademque universis publicè prælegeretur & quasi inculcaretur; à præfata autem Divi Norberti ætate plurima deinceps aliarum Regularum mentio incidat, & innumera ex eodem tempore sit monumenta reperire. Quod ideo scribimus, ne falcem mittere in alienam messem videamur. Eademque est ratio dum Canonicos subinde aliquos nostris adscribimus, quos nunquam, nisi Monachi fuissent adscriberemus; sunt enim in manu etiamnum diversissimarum tota Europa Cathedralium Ecclesiarum, indubitata fidei Diplomata & Diplomatum rescripta, quibus ingens earundem numerus, Monachorum fuisse comprobatur, multisque sæculis non alios Canonicos quam Monachos habuisse quam evidentissimè demonstratur. Habeturque idem de Collegiatis etiam Romanæ inprimis Urbis Ecclesiis, quæ in viventis etiamnum Magni Legumlatoris Benedicti, multosque annos cùm Vaticanum Lateranum Canoniis reali & personali præsentia Antistitis, verba & Regulam juravere, quæ cum pleraque constet ad annum usque millesimum centesimum Monachorum fuisse, & subinde Præpositos atque Decanos pro reformatione disciplinæ monachicæ è Monasteriis, Casinensi, Caveniensi, Gluniacensi petiisse & accepisse, inde factum est, ut suo loco dicemus, tot tantosque ex iisdem ad supremum in terris honorum apicem Christi vicariam cathedram assumptos ascendisse. Evenitque idem aliis plerisque Europæ Cathedralis, ut vel primos vel præcipuos eodem ex Ordine Pontifices meruerint, pleræque eosdem & subjunctæ Dioceseos & Apostolos & Tutelares. Cæterum merita singulorum etsi obiter, & è plurimis paucissimorum, ipso decursu libri dabimus, Apostolica inprimis tot gentium & Regnorum conversione admiranda, & planè incomparabilia, quam ipsam gratiam Archiparenti nostro BENEDICTO DEUS ipse pollicetur, ipsum ultimum ætate Apostolum Italiæ, ad evertendas tanto post Idololatriæ reliquias, non solum eligendo, & destinando: *Te namque elegi* (ait apud S. Gordianum in Vita S. Placidi) *ex omnibus incolentibus orbem, tu Evangelii mei tuba celestis existens, spiritu meo repletus, surge jam & vade ad castrum Casinum & populum &c.* sed & discipulos ejusdem ad totius orbis conversionem designando, uti disertè magnus noster Ecclesiæ Doctor Divus Gregorius asseverat: *Sanctus BENEDICTUS precatus fuit DEUM* (inquit libro 20. cap. 17.) *ne permetteret Monachos suos ab infidelibus interimi, quoniam decreverat, ut illi nomen ejus, per totum orbem terrarum ferrent, predicando Evangelium &c.* quod partim ex præsentiliquebit opere, partim è Menologio Sanctorum & Illustrum Ordinis, aliisque quæ propediem edemus innotescet. Ista monere Te volui, simulque rogare si quid Symbolarum conferre possis. Cælicum honorem concernentia, conatibus meis congrua, impertiri non differas parato vicissim si qua re possit tibi quam promptissimè inservire.



ANNALES BE- NEDICTINI,

Quibus potiora Monachorum ejusdem ordinis facta, &
merita ad Compendium referuntur,

AUTHORE

R. P. D. GABRIELE BVCELINO, &c.



BENEDICTINI Ordinis originem, et si ad eum potius, à quo omnis est Benedictio, gratia, & sanctitas, Divinum spiritum referamus; & vero ejusdemmet Divinae Hildegardi, dictatis, quin, & sanctissimorum virorum Ruperti, Godefridi, Bernardi, Ioachimi, Abbatum, Petri Damiani S. R. E. Cardinalis, pluriumque maximorum orbis Pontificum auctoritate, certissimus, post illum verò, non tam ad Benedictum, quam Benedictam illam, & Admirabilem Dei Matrem, Caeli terræque Imperatricem, cuius favore, Benedictus, (illo à secretis tantæ Augustæ compertissimæ fidei Alano Authore,) tam *Divinae Monasticae institutionis fundator fieri meruit*, toti respiciamus, ejusque sapientiæ, & viscerum misericordiæ, nec non thesaurorum gratiæ profunditati quidquid amplissimus ordo meruit, unquam, siue in orbem transfudit universum; jure merito totum transcribamus: quia tamen, cum de illius Benedictam plenè inhabitantis, Benedictum *spiritu iustorum omnium implentis*, gratia, & benedictionibus, prolixè, & frequentius alias egimus, de istius verò in ordine jure, & proprietate, iustis, nec paucis voluminibus, comprobata tantæ Matris familias, in plenitudine Sanctorum habitantis, legitima ac perpetua possessione, ex instituto tractavimus, & à conditæ primum ejusdem familiæ initis, ad hæc usque tempora probavimus, & demonstravimus, decretum jam est, designatam eorundem

A. B. pars I.

electione atque informatione Magni ordinis Patriarcham obiter describere, & quæcum ab ipsomet, tum ab instituto ejusdem, in orbè, dimanarunt universum, immortalia beneficia compendio explicare. Quod ipsum invocata Divini Spiritus gratia, ope ac favore Benedictæ Dilectricis, Matris, & virginis, ab ipsis Benedictini ordinis, & Benedicti Patris incubulis aggredimur atque inchoamus.

A. C. 680.

S. P. B. I.

Nascitur hoc anno, maximo orbis Christiani bono, magnus Monachorum Patriarcha, exercituum Domini sacrorum Archidux, atque imperator, verè gratia, & Nomine Benedictus; parentibus nobilibus, uti concorditer Romanæ, & Græca testantur Ecclesiæ; Anicio Eutropio patre, Claudia Abundantia matre, uti vetustissima cum Nursiæ tum Sublaci atque Casini, innumera præterea antiquissimorum Cœnobiorum pergamenò descripta, in parietibus depicta, marmoribus insculpta, ære, argentoque tula, sacris tabulis expressa monumenta, & insignia; plurimum insuper, & præstantissimarum familiarum Frangepaniorum, Justinianorum, Michaeliorum, Brancalonum, Stephanescorū, Tusculanorum, Aquini, Signiæ comitum, aliorumque Dynastarum, vetustissima documenta, constans traditio, & deductiones probationesque eorumque stemmatographiæ perhibent; Nursiæ, in palatio recens à patre structo, de cujus regio splendore, & magnificentia, veteres Annales, & monumenta ejus-

A dem

dem urbis habent, necnon Adrevaldus Floriacensis, vetustissimus, & tertio post S. P. N. sæculo clarissimus. *Tanta*, inquit, *magnitudinis, perplexique operis, ex fundamentis constituisse convincitur, ut qualibet palatia potentissimorum superaverit Regum, nec modicis queat reparari impensis, &c.* quo ipso deinceps loco, primo Religioſæ vitæ Tyrocinio, à Magna Magni Patris & Scholaſtica ſorore conſecrato, inſigne paulo poſt virorum etiam Monafterium cõſurrexit, & in ipſa natiuitatis area, ſtructa Baſilica atq; ara nomen Benedicti non tam Nurfia quam innumeris eo cõfluentibus peregrinis, tanto decurſu ſæculorum commendavit, & urbem ipſam ſupra omnem priſcæ magnificentia gloriã, & venerabilem reddidit.

Natus eſt autem ſanctiſſimus, & admirabilis Pater, afflictiſſimo tunc Reip. Chriſtianæ ſtatu, ſingulari optimi numinis providentia, morbo deploratiſſimo, feliciſſimum hunc medicum ſubmittente, qui ferventi non ſolum tunc malo, ſed ſequuturus quoque de hinc ſæculiſ repullulaſcenti, occurreret, & mederetur. Obſervavit idem eminentiſſimus eruditione nõ minus, quam dignitate Annalium Tomo 6. Cæſar Baronius, & his ipſis verbis memoravit: *Sanè quidem, in S. Benedicti vocatione ſumma Dei in conſulendo ſua Eccleſia innotuit providentia. Etenim tempore, quo (ut diximus,) univerſa Italia, Gallia, Hiſpania atque Africa à Gothiſ, & Vandalis Hereticis Arianiſ poſſidebatur, oriensque penè totus eſſet interſectus hereſibus, in tam tetra noctis obſcuritate, denſaq; caligine, eiſmodi claritudo lucis effuſit, qua univerſus Catholicus orbis illustraretur. Quatenus autem ſplendor ex viro Dei Benedicto, ad Eccleſiam illuminandam divinitus emicuerit, inferius ſuis locis, ordine temporis enumerabimus. Ita Polyhiſtor Baronius.*

Præſtitit abundè, & ſeipſo, & per ſuos Benedictus; ita ut non dubitaret, noſtri temporis, apud Arnoldum VVionem, magnæ auctoritatis ſcriptor de tanti Legumlatoris Regula, & ſacra poſteritate, hoc elogium texere: *Poſt ſacraſſima, & ſanctiſſima Eccleſia Sacramenta, nihil ita Eccleſia utile, atque Sanctorum Monachorum Benedictinorum ordines, & inſtituta. Quippe, ut ſub unum ferè obtutum, orbem (qui haud fruſtra in unico ſolis radio oculatiſſimo Patri noſtro prodigioſiſſimè obiectus eſt,) univerſum, deque hoc ampliſſima atque immortalia Benedicti filiorum, que Monachorum merita, abducamus:*

Chriſti ſe legibus imbutas, adeoque inferiſ ipſius faucibus ereptas Benedicto immortaliter debent.

DEBENT BENEDICTO:

Anglia univerſa
Northumbria
Berniciorum
Deirorum
Lindiffinorum
Merciorum regiones ampliſſimæ
Orientalis, &
Occidentalis Saxonia
Franconia
Noricum Vniverſum
Bavaria ſupra inferaque
Styria
Carinthia
Superior atque inferior Austria
Palatinus uterque
VVeſtphalia
Taxandria
Kempinienſium provincia
Flandria, & Flandria ocellus
Antuerpia, & qui prope accolebant
Huſtenſes
Birſitani
Haſnenſes
Axellani
Vyaria
Helſinga
Daventria. Sed &
Batui
Bommelenſes
Tielenſes
Teiſterbandi
Sorabi
Hunni
Boruchtuarii
Rugii
Friſia Orientalis &
Occidentalis
Transilvania
Hollandia
Zelandia
Belgium omne
Pomerania
Stormaria
Dithmarſia
Clivia
Iuliacum
Berga
Bohemia
Moravia
Sileſia
Vngaria
Dalmatia
Croatia

Sclavonia
Polonia
Lithuania
Russia
Prussia
Sarmatia Univerſa
Wandalia
Suecia
Gothia
Dania
Orbis partes Septentrionales omnes
Bulgaria
Valconia
Imo felicitatis potiora ipſæ etiam
Suevia
Helvetia
Lotharingia
Burgundia
Gallia atque
Italia.

De quibus omnibus dignius, & pro-
lixius ſuo loco, & tempore, in
decuſu præſentis
operis.

*Multis in partibus ſeu ab Gentilitate ſive
Hæreſi liberata.*

Hibernia
Scotia
Venetiæ
A ſchiſmate liberatæ
Hiſpania ab Arianismo revocata
Africa à Donatiſtis erepra
Ægyptus noviter excultis ſolitudinibus
barbarie abſoluta
Græcia ad unitatem Roman. Fideiſæpius
pellecta, convicta, inclinata
Armenia Minor Majorque
Macedonia
Perſia
Syria
Paleſtina
Orientis Imperium omne
Noſtrorum ſanguine ſæcundatum
Æthyopia
Braſilia
America
Orientalis Occidentaliſque Indiæ
A noſtris, poſt Apoſtolos Chriſti primos
primum fidei lumine illuſtratæ
Omnes omnino Martyrum noſtrorum
ſanguine purpuratæ.

VT jure ſanè merito, poſt DEVM Ter.
Optim. Maxim. Sanctoſque primos
Chriſti diſcipulos, Benedicto Patri no-
ſtro ſanctiſſimo, tanquam potiori, plenio-
ris ſuæ felicitatis Auctori, orbis terrarum

univerſus, æterno debito obſtrictiſſimis,
& obligatiſſimus, quod Beatiffimus ille
ſumus Pontifex, Stephan. III. nongentos
ferè ante annos, (ſtantibus Regibus Ca-
rolomanno atque Pipino, ejusque filiis
Carolo, & Carolomanno juniore, & S.
R. E. Cardinalibus, ac Romanis Patriciis,
eundem Sanctiſſimum Patriarcham al-
loquutus, inclamet ingeminerque.)

*Ave Chriſti Diſcipule, Ave veri ſponſi ami-
ce, Ave Predicator veritatis, & Doctor gen-
tium, ave Legiſlator univerſalis; ave Abba
Abbatum; ave Archimandrita Occumenice;
ave columna orthodoxie: Tuus ego, & hi ſe-
ptem Epifcopi, (imo Gentium omnium fi-
liorum tuorum, per Evangelium, & in
Spiritu Filii filiorum tuorum in tot cathe-
driſ ſucceſſores innumeri.) Tuus clerus,
tuus populus Romanæ urbis. (pariter, & or-
bis.) Tui & hi Patricij. (Principes omnes
Chriſtiani.) Tua Lateranenſis Eccleſia, & in
qua alijs, & nutritus es. (Quippe, qui ea
in Eccleſia Hormiſda Papa ſedente, ædi-
ficato à ſe Monafterio, cui & ipſe primus
præſuit, & ex qua tota Romanorum Pon-
tificum cohors prodiit, chorum institu-
it, & ſcholas Romæ aperuit.) Tuum Ca-
ſinenſe Cænobium, in quo corpore, & ſpiritu
habitas. Non patiaris. Nos ovibus tuis ex-
cludi; Sedem Apoſtolicam protege: Romanum
Imperium, & hos glorioſos Patricios, corpore
tibi ſimul, & mente proſtratos, ab hoſtibus vi-
ſibilibus, & inviſibilibus defende, & Chriſto
pro omnibus ovibus funde, quatenus hic, & in
æternum, omnes tuo munere letemur. Ita Ste-
phanus Papa, ſermone Caſini habito ex
monimentis ejusdem loci, Anaſtaſio Bi-
blioth. Alph. de S. Viſt. Conſt. Cajetani.
Mauro Marchefio Aquila noſtri. Bened.
Sed certa ſæculorum annorumque ſerie
Monachorum ſtudia, & præclare geſta
numeremus.*

A. C. 686.

S. P. N. B. 7.

Hic primùm annus, Orbis Vrbi, & ca-
piti Romæ, patriæ parentum ſuo-
rum, Benedictum dedit, ut qui olim or-
bis Patrum Religioſum adeo glorioſè a-
cturus erat, læcularis etiam, urbis patriæ
Principem, non minus præclare ageret, ju-
ventutis. Et verè egit, cum in patriis re-
gionis Tranſyberinæ ædibus, tum in Pa-
triarchio, (ut jam ex Stephano Papa in-
telleximus.) Lateranenſi, illis S. Felici
II. Papæ, cognato optimo, Magni Gre-
gorii patruo comendatus; ſolatium San-
ctiſſimi ſenis, juventutis Romanæ, & Pa-

A 2 - triciæ

triciæ ornamentum singulare. Et facile Nursini Palatii, patris, matris, jam tunc amoribus valefaciens, adeo felix Felice patre, ut Felix ille filio tanto, ac nepote, etsiam tunc totus ab illa penderet Matre, quæ deinceps, & ipsi, & Ordini, non minus, quam *Virgo* dicitur, *Mater* extitit verè *Singularis*. Extat Romæ etiam num effigies, in qua puer tantus, tantam Matrem adeo deamavit, ut per suum illum à secretis secretissimum Alanum de Rupe, sanctissimum candidissimæ Dominicanæ familiæ alumnum, fateretur tanta Augusta: cultu sui, & devotione erga te, adeo singulari, singularissimum illud à filio suo meritum. *Vitam Divinæ Monasticæ institutionis*, (uti supra retulimus,) *Fundator fieri mereretur*. Et sanè admirabilis jam tunc puer, ut deinceps Pater; Matris Sapientiæ Magisterio, tantum Romæ profecit, ut supra omnem Philosophorum veterum, eminentiam potius, in fastidio rerum humanarum, quam veram sapientiam, & professionem, imple verè, & reapse, puerili etiamnum ætate, omnem sæculi gloriam, in tanto ejus applausu fastidiret: ita ut discipulo etiamnum, non minus quam postea Magistro, convenire jam illa Sancti Vincentij Ferrariensis, (sermone de S. P. N. viderentur: *Beatus Benedictus, famosus de vita, & de scientia non acquisita; sed habuit scientiam infusam, &c. scrivit plus quam Aristoteles, vel Ptolomeus, vel aliquis Philosophorum, &c.* Ita Sanctus Vincentius. Quæ quidem omnia, uti Magnum illum Theologorum solem, Anicii item generis sobolem, Thomam Aquinum, ad Crucifixi; sic Benedictum ad Crucifixi Matris Imaginem, divinitus tradita, credimus accepisse. Vt haud immerito, illam ipsam mox ab obitu Sancti Patris effigiem, constructo Romæ oratorio, ejus discipuli honorarent, simulque tanti Patris, erga tantam ordinis Matrem, & Magistram, studium, & juxta, studii tam digni imitationem omni ejus sacræ posteritati filiorum commendarent. Ex vita ejusdem cum typo vulgata tum M. S. Menolog. & diversis oper. nostr. Mauro Marchesio, Cajetano, Monimen. Casin. & Sublac.

A.C. 493.

S. P. N. 14.

ORbem terrarum universum, ulterius multo feliciusque Magno Alexandro triumphat, etsi puer etiamnum, Magnus Archidux noster Benedictus, &

quem calcaverat pridem, invicto animo, generoso pede, gloriosissime rejicit, omnem Philosophorum, & septem sapientum sapientiam, septuenni studio transgressus, usus occasione felicissima, Felicis cognati Pontificis morte; cujus adeo amanter sibi, intendentis, cum neque animum paternum turbare, neque oculos vellet fallere ubi primum hoc ille in somnum mortis clauferat, fugæ consilium, & mox fugam iniit, ne incomitatus tantus abiret Princeps, cœlestis aulae Ephæbos duos meritis, qui quo Divinus vocaret Spiritus, securè conducerent, simulque latera tegerent, nuspiam hominum industria, nisi in D E O reperitum. Solùm videre fugientem, & assequi Cyrilla Nutrix, pia sollicitudine sua meruit, & magna fidelis & longi servitii merces fuit, frui ultimam meruisse, atque insuper cœlestium illorum geniorum, spectabili humanis oculis forma, cœlesti spectaculo in terris recreari. Meminit memorabilis hujus fugæ etiam Cæsar Baronius, & his verbis retulit: *Hoc eodem anno, Magnus ille Monachorum Patriarcha, Occidentalis Ecclesiæ decus Benedictus, Nursinus patria, Romæ litteris dans operam, ab urbe recens, profecturus in solitudinem, sublimioris vitæ Monachicæ, prima jecit feliciter fundamenta, &c.*

Miratur super hoc fugæ consilio magnopere Magnus ille Odo Cluniacensis, & quamvis Magno Turonensium Pontifici Martino, exemplo ipsiusmet Benedicti, mirificè addictus, tanto Tutelari utriusque istum, in hoc ipso præferre non ambigit: *Nam, quam magnificum, inquit, illud est; quod paternas, ut fertur, eo deserente opes, ad modum domicilij sibi Spiritus Sanctus in ejus sacro pectusculo collocaverat, qui esse Philosophorum inania studia, adhuc tenerimus cognovit, qui grandævō animo, jam tunc eremi vastitatem subire ausus est; quod nec ipse quidem Martinus toto orbe mirabilis, ante eum fecisse refertur; & quia jugum non solum ab adolescentia, sed etiam ab ipsa infantia portavit, &c.* Ita Sanctus Odo.

Latuit Effide primum. (Aufidena in arce,) sub tutela Apostolorum Principis, in Ecclesia ejusdem, paupere juxta Tugurio Magnus puer, & jam tunc Apostolicum, ut sequutus exemplum, ita imbibit spiritum, ultimus ipse Italiae, & per suos deinceps discipulos, tot tantarumque orbis provinciarum, Apostolus futurus.

A.C.

A.C. 644.

S.P.N. 15.

PIO furto Cyrillæ nutrici suffuratur pius puer, & totum ab hominibus se abripiens, ut totum Deo daret, obvio pauperi togam Romanam elargitus, cum cilicina veste mutat, fune ad renes constricta, & ad talos usque propendente; pileolo ejusdem materiei, caput adeo Augustum coopertus; quem ex itinere occurrens Romanus Monachus, sacra in super veste impertitur cui soli cognitam eremum, & specum ingreditur: Eremitarum occidentis non minus Patriarcha futurus, quam Cœnobarum, quibus utriusque deinceps regulas condidit, ipsis etiam urbibus inducens tranquilissimam solitudinem, vitam, quam usque hodie mirantur universi, & ordinem, ut vocant, inclusorum. De quo videantur nostri in regulam Commentarii, Matth. Raderus, Maturus Marchesius, Const. nostr. Benedict. &c.

A.C. 647.

S.P.N. 18.

Tribus annis, excepto Romano Monacho, hominibus incognitus manserat Benedictus, in speleo adeo horrido, ut tenerimo adolescenti, equulei instar esset, & per longos omnino cruciatus, juxta perpetuata jejunia, & vigiliis, Martyrem faceret, cum super candelabrum ponere lumen tam illustre numini placuit, & ipsa quidē maximi Festorum Paschali solemnitate, cœlesti oraculo Presbytero cuidam proditus, deinceps pastoribus, uti infans verbum innotuit; imo insonuit quamprimū, & velut, *vox clamantis in deserto* invaluit, Apostolica jam tunc vocis virtute, ita quidem, ut ut *Nomen ejus per vicina loca cunctis innotesceret*, (verba Magni Gregorii sunt,) multique ad pietatis gratiam, à bestiali mente mutarentur.

Indoluit infero nimium à juvene triumphari, & cum desperaret alio quovis pugnae genere jam tunc ipsum aggredi: illo statuit, quo Goliathi, quo Magni Macedones, quo invictissimi Cæsares, Victores victi sunt, tantoque magis victi, quanto minus, ab imbelli muliere viri, & tanti meruebant. Et vero Romanum, & Augustum juvenem, augustissimæ formæ Veneribus provocabat; certus jam vincere, etiam cum vestem ille, quo felicius luctaretur, abjiceret, donec toto cruentatum corpore, animam primum, & accendi ad pugnam videret, & sagum jam pro rogandum, totum in spinis floridum,

totum purpureum, imo igneum totum, Maxima Virginum clientem, *rubum ardentem incombustum*, intueretur. Tanti arcam illam Mariani pugilis, septingentis post Benedictum annis, Seraphicus ille Franciscus fecit, ut velut calentem etiam num, & fumantem sanguine inpicere gestiret, coque peregrinatus coram venerari, in cujus oculis, (res admiranda!) vepretum illud ex tempore, præter tempus floruit, & virginitatis fructus, stupenti ostendit, rosas Francisco dignas, dignas Benedicto. Luc. VVaddingus Cher. Mirtius, March. &c.

A.C. 698.

S.P.N. 19.

Cœperunt postmodum multi (pergit Gregorius) iam mundum relinquere: atque adejus Magisterium festinare. Et mox causam subdens: *Liber quippe à tentationis vitio, verò jure, jam factus est virtutum Magister.* Quo tempore, ne absque Legibus discipuli viverent, dum Regulam meditatur, & in seipso, velut ad cotem acuit acuratque omnia, à Divino dictatam spiritu meruit, ipsa, quæ post Deum, non tam fortunæ conciliatrix ipsi erat, quam Fortuna, Mater Gratia, & Felicitatis, Regina Cœli, Hildegardem suam edocente, *Vocavit*, inquit, *DEVS Benedictum in montem.* (Simbroinum,) & composuit eis Regulam de spiritu DEI, &c. Quam quidem Regulam, illa ipsa veritatis Mater, & sapientiæ, & Moysen hunc nostrum mirificè commendans, eidem Magnæ Prophetissæ, quantum auroræ lucem, à solis vincit claritate, manifestum est, tanto excellere Benedictum insinuat: *Aurora*, inquit, *initium hujus conversationis; quæ primum in solitudine, & in speluncis post beatam doctrinam germinavit, demonstrat: Sol autem, discretam, & bene dispositam viam in sermone meo Benedicto declarat, &c.* Vnde eadem Hildegardis in Reg. S.P.N. *Nihil*, inquit, *eidem doctrina, addendum, vel auferendum est, quia ei nihil deest, quoniam in Spiritu Sancto facta, & completa est.* Inde S. Petrus Damiani: *Spiritus Sanctus*, inquit, *servum suum Benedictum propria vocis organum fecit, & S. Bruno; B. Benedicti auctoritas maxima est, utpote, in quo Spiritus Sanctus loquebatur.* Gotfridus Vindocinensis, S. R. E. Cardin. *Fuerunt*, inquit, *ante S. Benedictum Abbates, & Abbatum Institutores, sicut ante Christum Legislator exitit Moyses. Bonam quidem, & sanctam legem Iudaico populo Moyses attulit, sed Christus Christiano populo attulit meliorem.* Ita Sancti viri illius

temporis, secundum datam sibi à DEO gratiam, Monachorum leges statuerunt. Sed Pater, & legislator noster Benedictus, sicut à DEO maiorem gratiam percepit, ita meliorem legem instituit, &c. Item Cardinales: sicut post Beatos tres Evangelistas, Matthæum scilicet, Lucam, & Marcum, eorum quartus Ioannes scripsit, & melius, sic vir iste Beatus Benedictus, &c. Sed antiquis unum ex recentioribus, summæ tamen auctoritatis, Romanum Pontificem, Urbanum Octavum addamus: *Quidquid in vita Sanctorum, ait, imitabile est, quidquid altum sub lumine fidei, (grandis revera sentus, & profundissimæ doctrinæ nostrorum exhortatio!) ad vestram vocationem pertinet. Spirituales gratiæ, quæ alios ordines sanctificant varietate incomprehensibilis earum divisionis, unam partem constituunt plenitudinis earum, quæ ordini vestro communicantur: Quandoquidem illius institutor plenus erat spiritu omnium iustorum, &c.* Ita Urbanus VIII. Sed de Regula satis, quam et si Iepesius aliique Casini seu scriptam primum, sive absolutam contendunt, Sanctus Leo tamen Novus Pont. Max. aliique disertè Sublaco tribuunt, docentque vetustissima Sublaci monumenta, nec juvenilis obstitit ætas Benedicti, quam in Samuele, ac Daniele specialiter delectam novimus, quo magis Divini se spiritus gratia proderet, ac manifestaret. Ex cit.

A. C. 505.

S. P. N. 26.

ET si iam plures discipulos numeraret Benedictus, sua se tamen specu eoque continuit donec à Monachis S. Cosmatis, ad sui regimen Cœnobii vocaretur: minimè, ut prædixerat, diuturnum, quod quos in discipulis suis requirebat mores, ab horum nimis quam alieni essent. Itaque veneno, sed nec quidquam, appetitus specu se denuo sua recondidit, ubi multo tempore mansit, postquàm plures jam discipulos (ut ex Gregorio patet,) habuisset quos cum antrum illud deserti non caperet, sive ipsi è diversis locis ad ipsum recurrebant; sive Magister (neque enim Abbatis, junior etiamnum, etsi ante ætatè maturescens, titulum admiserat.) Alter Occidentis Antonius ad discipulos, pro informatione eorumdem occurrebat, & tam pro Anachoretica, (cujus ipse deinceps plurimos sectatores felicissimos habuit,) quam pro Cœnobitica vitæ ratione, præclarissimè instituebat.

Ex vita MS.

A. C. 506.

S. P. N. 27.

PRIMA Cœnobiorum suorum fundamenta jact hoc anno, magnus Monastici Ordinis fundator, plurima jam collecta discipulorum multitudine. Quorum cum alii remotius abessent, & magna cum difficultate, ad Scholam viræ, & salutis occurrerent, eorumdem misertus pius Magister, tectum aliquod latius sub quo se reciperent substruere voluit, Monasterium, ipsis Ordinis tanti primitiis, omni posteritati venerabile, Sublacense, primum è Schola privata, publicum gymnasium, maximorum deinceps Academiam Philosophorum, nec tam mundi hujus, quam cali sapientum, donec Casini, de qua suo loco, plenissimam, magno splendore, erigeret universitatem. Chrō. Subl. Cherub. Mirt. libr. donat. Vita MS. cit.

A. C. 512.

S. P. N. 33.

MEMORABILIS hic annus, & sequentes, cum plurimum Cœnobiorum haud longè à Sublaco, tum deinceps in diversis etiam provinciis constructione, cum ad ipsum, virtutis fama longè lateque celebratum, magnus jam concursus fieret, cœperatque cū annis prædicationis Christi, & Ioannis, & multo deinceps ferventius conversioni incolarum intendere, & priusquam Casinum pergeret, ut disertè notavit Gregorius, à bestialimēte, & vitæ ratione irrationabili, multos ad saniora consilia vocare, cujus inter miracula doctrinam posuit idem Doctor, &c. inquit, *nolo te lateat, quod Vir DEI inter tot miracula, quibus in mundo claruit, doctrinæ quoque verbo, non mediocriter fulsit, &c.* Quo quidem factum omnino credendum est, ut priusquam Romanæ urbis nobiles aliique viri illustres ac potentes, Monasteria ejusdem amplis possessionibus dotarent, ipse & primæ ejus discipuli, collatis concurrentis populi symbolis, & elemosynis, aliquot annis viverent; Factumque est, ait Magnus Ecclesiæ Doctor, *ut ex illo jam tempore à multis frequentari cœpisset: qui cum ei cibum afferent corporis, ab ejus ore, in suo pectore alimenta referrent vitæ.* Ex Monim. Sublac. Cherub. Mirtio, Cajet. Matchef.

A. C. 520.

S. P. N. 41.

INNOTUISSE jam pridem Romæ non fama solum, Patriarcham Sanctissimum, sed ex facie atque operibus, cum ex Venantio Fortunato illius ævi scriptore constat,

tum

tum ex epistola Sancti Remigii, & vicissim ad Remigium Benedicti; quam etsi convellere quidam nisi sint, perennat nihilominus constans traditio, ipsaque fidem meretur sancta antiquitas, & communicatio ejusdem antiquæ traditionis, ante septingentos jam penè annos, ipsa etiam antiqua, ubi tunc indubitata, ita religiosius observanda, nec ita temerè, nulla sufficiente causâ trahenda in dubium, quam florentissimum sanctitatis opinione Rhemensium Monachorum collegium apud se summo in pretio, & æstimatione habitam, casinatibus non minus tunc celebribus sanctitate sub Anno Ch. 1000. ex speciali transmiserat dono religiosæ affectionis. Et sanè Vaticano jam tunc Cœnobio præfuisse, (ubi tria postea Monachorum collegia, & quartum insuper Virginum Cœnobium religiola disciplina instituit, haud verò absimile est, quod tamdiu à suis abesse non poterat, nisi majoris causâ fructus atque utilitatis, dum ad *Principis Apostolorum Confessionem sedulo excubasse*, à Beato Venantio memoratur, quod ipsum *sedulitatis* verbum, nemo non videt, & temporis diuturnitatem, & studium atque industriam notare, *excubasse* autem sollicitudinem, & munus aliquod subindicat, uti pastores benè dicuntur pro gregibus suis excubare. Quod autem *cum auxilio sacri corporis*, (Divi Petri Apostolorum illi conditi Principis,) *plurima patrassè signa virtutum*, dicitur manifestum omnino reddit, cum auctoritate illic præfuisse, cum præterea sexcenta alia suppetant argumenta, simulque tot familiariter colentium Romanæ Urbis procerum doceant, & donationes, & quorum aliquot supersunt usque hodie litteræ donationum, Benedictum per hæc tempora, Romæ, & pluries, & diutius comoratum, priusquam ab Euticio, & Tertullo Patriciis, ut mox videbimus pro familiari necessitudine, sui que animi pabulo, & filiorum institutione atque oblatione, inviseretur. Venant. Fortun. Hincmarus Archiep. Flodoardus Hist. Rhem. l. i. c. 12.

A.C. 523.

S.P. N. 44.

Reverterat superiore anno Sublacū S. P. N. solitudinis amantior, quam ejus, cujus jam puer fastidio afficiebatur urbis, & frequentia, ut, etsi occupatior tanti condendi Ordinis magna molitione, quietius nihilominus, quantum sinerent labores, cum sibi intenderet, tum corpori

sacræ quam condiderat Reipubl. invigilaret universo. Traxit tamen, etiam urbem in solitudinem tanti viri desiderium, ita ut viri Patricii, & post Cæsares maximè, Sublacensia deserta, splendori urbis præferrent, & ad solem inde Occidenti Orientem, tanta sydera respicerent. E quibus Equitius, sive Euticius Senator, Tertullusque Patricius, hoc ipso, quem Gordianus annotavit anno, religiosissimo studio occurrere. Versabatur tunc magnus legislator, in Sanct. Clementis, (columbariam posteri dixere,) ad lacus Sublacensis ripam Monasterio, in quo hortum pomiferum plantaverat, solitus ipse tantis, alijs negotiis, hæc etiam jungere, ne qui in alijs omnibus, suis exemplo esset, in labore deesset manuum, cui post ipsum tanto promptius Carolomanni, Rachisii, alique Reges, & Principes, manus quoque suas strenuè adhiberent. Nec tam salutatores venerunt illi, quam supplices, ut se, ut suos, ut sua omnia Benedicto commendarent, rogarentque commendatis haud aliter atque domesticis consulerent, Romam sæpius occurrere, cœpta illic feliciter, prosequi constanter, urbiumque Principem, & per hanc orbem, atque Orbis Imperatorem, imò cœlum ipsum demereri. Obtulit uterque præter alia tantis digna Principibus munera, & donationes, suum quisque charissimum proprii pectoris pignus, Augusta prolapsa filios, Maurum Equitius matre Iulia editum, duodecim tunc annos natum; Tertullus Placidum Faustinae matri charissimum, Boetio Severino gratiosissimum, qui Placidum eodem postea in Cœnobio complexus est, multaque ejus etiam gratia contulit, & donavit Sublaco, quod Elpis, quam conjugem meruerat, Faustinae soror esset, haud minore studio erga Placidum, quam ipsa mater affecta, in quo deinceps, virtutis, & sanctitatis famam, supra omnia necessitudinis jura respexerat, & adamaverat. Et mirum sanè, septuennem etiamnum, dilectissimè diligentissimas à se tam promptè dimisisse, Tertullum obtulisse, ut appareat, quantum se Patrem oculatis parentibus Benedictus commendaverit, ut ipsius filios mallent esse quam suos: minusque mirandum sit, quod ipse postmodum Maurus tantus testis contestatus de tanto Patre est, tanto numero, qui se paternæ ejus fidei crederent confluisse, ut priusquam vita excederet, tanta Domino millia, acquirere perfectorum Monachorum, tanto-

rum tantus pater lectissimorum filiorum. Ex Gordiano, Monim. Subl. Cherub. cit. Cajetan. Margarino, Thoma Porcaccio, Ioann. Petr. Villa decanibus, Marchesio, &c.

A.C. 524

S.P.N. 45.

Iustinus Imperator, exporrectis ab Occidente ad ipsum etiam Orientem sanctitatis radiis, & fulgoribus Benedicti; tantam eidem à Tertullo patricio donationem, *Imperiali sanctione roborat*, & ad illustrandum etiam Orientem sua sive per seipsum, sive per suos suaque Ordinis Monastici Instituta, praesentia solemniter invitat, & verò etiam amplissimis ad id ipsum donationibus attrahit, etsi ante Iustiniani Imperium, non constet pro certo, Colonias in Orientem destinatas, priusquam Graeci etiam Monachi, inde ad ipsum occurrerent; & Magno ille *Patri suo Basilio* tantus filius, sic etiam ipse in sua coronide Regulæ Basilium appellat; in restituenda, & colligenda multis in locis ac Regnis ejus familia, præclarissimam, & gratissimam operam navaret, tanto magis ad Benedictum, & promptius respicientibus Basilianis, quanto diligentius ipse Basilium coleret, patrem agnosceret, pleraque & potiora ejus Regulæ in sua haberet, ejusque & nomen, & sanctitas, atque apud Cæsarem auctoritas mereretur. Ex Moniment. & Donat. Sublacens. Chron. Cherub. Mirtii Anastasio, Cajetano, & cit.

A.C. 525.

S.P.N. 46.

Confluentibus ad S.P.N. non illustribus solum, & patriciis Romæ, & Italiae viris, sed etiam variis, & sub vario eoque instituto viventibus viris Religiosis, tanta ejus Sanctitatis fama illectis mirificè consuluit Italiae Magnus legumlator, & magnum illum titulum meretur, quo usque hodie per totum terrarum orbem, magnus Monastici Instituti per Occidentem non solum Author sed & *Reformator*; S.R. E. & Martyrologii Romani verbis celebratur; quibus, non de discipulis, sed de ipso dicitur: *Monachorum disciplinam in Occidente penè collapsam restituit* (quod ad Monasteriorum antiquorum reformationem nemo non spectare videt,) & *mirificè* (novam ad se conditam.) *propagavit*, novis insuper plurimis (teste Sanct. Mauro: *tot Sanctorum existens Fundator Monasteriorum*.) Sub hoc ipsum tempus per Italiam sparsim universam exaëdificatis; quorum aliqua, sua ipse praesentia ho-

noravit, alia designata, manu propria Idea (quam utinam non minus quam Regulam, tanti majores, litteris saltem descriptam, post tot primævæ modestiæ ædificiorum ruinas, posteris transmississent) tantus Architectus ipse architectatus est; ut de prodigiola illa nihil Idea dicam, quam, mirabiliter praesens cum etiam absens esset, suis de structura anxiiis discipulis prope Terracinensem urbem, teste magno Gregorio designavit.

A.C. 526.

S.P.N. 47.

Celebre jam sub hoc tempus Benedicti in Gallis nomen, apud Remigiū in primis Rhemensem antistitem, qui etsi Pontificem dignum cathedra ageret, quidquid tamē à publicis otii concessum Monasticis dabat suisque Cathedralibus Ascetis exemplo præibat, ita ut haud absque fundamento Trithemius, Andreas Bambergensis, Christophorus Hartmannus aliique, Remigium nostratibus adjungerent, ita pendentem à nostris, ut alios quoque multos, eodem traheret, magnus Benedictini Ordinis, ante Maurum in Gallis promotor atque propagator. Illi familiaris admodum fuit Romanus S. P. N. lectissimus discipulus (alius ab illo Sublacensi, qui & ipse in Gallis tunc vixit, & Remigio innotuit) Vigili Papæ consobrinus, Mentuniacensis postea Abbas, egregia sanctitate Monachus, quem pro sua & Magistri dignitate Remigius plurimum coluit, incertum, qua primum occasione in Gallias delatum, utrum petente, postquam Benedictus per litteras eidem cognitus est, Remigio; an potius singulari Numinis destinatione. Certè sic meruit de Gallis, & Rhemenfibus Romanus, ut Remigio transeunte ad superiores, ipse eidem succedere in Pontificatu cogeretur primus è nostris inter Galliarum Pontifices, & vere ut loco, & honore proximus Remigio, sic & meritis atq; eximia vitæ sanctitate. Christ. Hartm. Const. Cajet. & citati.

A.C. 527.

S.P.N. 48.

Nec infelicius Gallis Germania, eadem ex Schola S. Fridolinum meruit, qui regio apud Scotos genere editus, pro Christo spontè exul, & peregrinus, viatoris vulgo nomen obtinuit, inter primos ex Ordine Apostolos, merito censendus: *Sane verò*, inquit, eruditissimus Coccius, *sicut D. Benedicti disciplinam, Alsatia nostra benigne complexa est, ita eam longè lateq; Sancti Patris alumni, insigni meritorum, & rectè factio-*

rum gloria repleverunt. Quorum Principem, referunt Veterum Annales, S. Fridolinum, Regio Scotorum sanguine editum, cognomento Viatorem, quod ad cultum Religionis Christiane inserendum multas terrarum oras indefessus obiret, &c. Is transitis Vogesi jugis, in Alsatiam devenit, & Argentoratum subiens, incultas partim vana Deorum superstitione adhuc obtenebratos: partim Arriana scabie infectos, Christum servatorem ac sanam fidem condocfecit. Mox Rheni littora legens, non sine Divini verbi praeconio, multorumque, parta salute Seckingam, olim Sacconiam nuncupatam, deveniens, in ea geminum domicilium, virorum unum, alterum sanctimonialium figere capit, &c. Jamque alios etiam populos ad salutarem doctrinam adducendi, magno ac caelesti quodam igne vir Apostolicus ardens, primo ad Burgundionum fines, mox longa ac difficili peregrinatione ad Grifones progressus est. Exinde Constantiam, & per montem Vocetium aspero itinere Claronam appulit, populosque ab Idolorum cultu abstractos ad Christi lavacrum perduxit, &c. Hucusque Coccius. Ut videas, quantum superstitie etiamnum, & rerum in Italia satagente Benedicto, primi ejus alumni, excitato in te Magistri, cui ipse inservierat Spiritu, pro Ecclesia, & Regno DEI laboraverint, de quorum deinceps laboris profectu ac fructu, mira audiemus. Iud. Coccius in vita Dagoberti. Chron. Alsat. Nottarus Abb. Ioan. Leflaeus, Arn. Duac.

A.C. 527.

S.P.N. 49.

Mirifice efflorescit restituta plurimis Europæ in Regnis disciplina Monastica, per Galliam imprimis, Hyberniam, Scotiam, quibus etsi incertum, quo primum anno, novi à Benedicto conditi, & tantopere à viris sanctissimis comprobati Ordinis, felix fama innotuerit, certissimum tamen est, cum plurium monumentorum, & authorum fide tum magni Rhemensium Antistitis Remigii assertione, toto jam orbetanti Magistri, & Legumlatoris nomen insonuisse, qui aliquot, ante hunc, annis, ob hoc ipsum, in DEI laudes, & gratiarum actiones erumpens, cum tantopere jam tunc DEI in Benedicto magnalia suspexisset, argumentum nobis præbuit, de cæteris ominandi, gratias Tibi Christe Redemptor clementissime, inquit, qui nostra tempora, tanta sublimasti gratia, ut in speciali famulo tuo Benedicto, tota te per orbem magnificet Ecclesia, &c. Quo quidem haud video, quid amplius de tanto magistro, à tanto Pontifice dici potue-

rit, ex quo, de præsentiore saltem ipsi, in Gallis fructu, oculato, & tantæ fidei testi animi accommodans, multa alia facile conjecteris.

A.C. 529.

S.P.N. 50.

TANTO Novelli Ordinis flori, reflorescenti veterum Ordinum novitati, nimium invidens cacodæmon, dum nihil non contra molitur; Presbyterum quendam contra Monachos excitat juratissimum tanti hostem boni odoris, & floris Florentium, mille deinceps hostium antesignanum, qui cum in Benedictum, nec veneno quidem potentissimo quidquam posset, in discipulos saltem tanti Magistri, grande scelus machinatus, parum habuit, si corpore perderet, si fortunæ quas pridem riserant exueret, nisi æternæ mortis reos faceret, & quæ omni charior vita, fama, & tanti patris gloria filios, dispoliaret. Inventum scelerati ingenii ut nequissimum, sic turpissimum, Gregorius retulit, ut de industria superfedeamus. Mœrorem ex scelere presbyteri, & discipulorum periculo, Sanctissimi Patris, gratiosissimo solatio DEVS ipse sustulit: Gordianum lectissimum ejus discipulum, imò solantis verba Numinis, & ad Apostolatus vocantis munus ac dignitatem, audiamus? *Ut quid dulcissime ac dilectissime Benedicte tristaris? Te namque elegi, ex omnibus incolentibus orbem: Tu Evangelij mei tuba caelestis existes; Spiritu meo repletus, Surge jam, & vade ad Castrum Casinum, & populum ejusdem Provincia, qui adhuc idolorum nefandis cultibus servit, & in quorum precordiis Sathana versutia regnat, sermone vivifico prædicans, meum ad cultum convertere stude: quia tecum ego ero, & non te deseram, & confundam omnes adversarios tuos. Proficiscere Idolorum ad pugnam, confortare, & esto robustus, &c.* Ita Gordianus. Proinde, solemniori jam Numinis vocatione ac jussione, (ne filiis suis Apostolico exemplo deesset) ipse etiam Prædicationis munere, strenuè functus est; suumque caput, si ita Numini vitium Gentilium furorilibens objecit; Nam in montem Cassinum concedent: *Vbi vetustissimum sanum fuit* (verbis Magni Gregorii referimus.) *In quo ex antiquorum more Gentilium, à stulto rusticorum populo Apollo colebatur. Circumquaque etiam in cultu demonum luci succereverant, in quibus adhuc eodem tempore, infidelium insana multitudo, sacrificijs sacrilegis insudabat. Illuc itaque vir Dei perveniens, contrivit idolum, subvertit aram, succedit lucos, atque*

in ipso templo Apollinis, Oraculum B. Martini, ubi vero ara ejusdem Apollinis fuit, Oraculum S. Ioannis construxerit, & commorantem circumnequaque multitudinem, predicatione continua ad fidem vocabat, &c. Ita locus olim celeberrimus, frequentissima, & ornatissima Vrbe (quam nobilem Romanorū Coloniam Livius, Illustrissimam Latinorum civitatem Strabo, appellant) egregiè cultus, Marci præcipuè Varronis Illustri Domilio, & Amphitheatro, Tullio Ciceroni comendatissimus, singulari Numinis providentia ac benevolentia, Sanctissimo Patri nostro reservatus est, quo nimirum nemini post Beatos, & primos (ut loquitur B. Faustus) Christi Apostolos secundus, ejusdem Collegij Apostolici Principibus Petro, & Paulo, in præcipua Europæ, imò universi portione Italia, simili legatione ac functione succederet, eamque provinciam, quæ cæteris longè obstinatio, longo sanè errore pertinacior multa, & in scelere audentior, sua denique constantia edomaret. Quippe demonum Idololatria (ut benè observavit, in suis Abbatum Casinarum elogijs eruditissimus Scipio.) Tam altè Casini radices egerat, ut missi postmodum, ab ea provinciæ perversione in eam Regionem sanctissimi Episcopi, Severus in primis, (quem spectata virtute celebrem, deque re Christiana optimè meritum, duobus Cõcilijs interfuisse comperimus,) eam tamen assidua predicatione, crebrisque miraculis convellere nequiverint: Idolorum sacrificiis sacrilegas aras ac Fana, inq. animis oppidanorum penitus infixam superstitionem, acerrimè propugnantibus.

Meminit migrationis ejusdem è Sublaco Casinum, Cæsar Baronius. Hoc ipso, inquit, anno Magnus ille Benedictus, ex angustijs Sublacenſium montium, Divino monitu egressus, Cassinum petens, ad cujus Montis radices, erat sita villa M. Varronis, illic excitato Monasterio Monasticum Ordinem mirifice propagavit, &c. Corrigendum tamen in paulo post consequentibus venit, dum pergit: *Vt autem ad Casini montem, Christi Athleta divinitus vocaretur, certatim, quod adversus demones, mox ibi esset initurus, causa fuisse videbatur. Nescio enim, qua incuria dormitantium Episcoporum, quæ longè lateq. in Christiano orbe extincta erat Idololatria, in monte illo altioribus fixa radicibus, adhuc vivebat. Ibi namque fortis armatus, tanquam Impietatis arce munitus (Quæ summa Imperatoris nostri Benedicti laus est, hoste, unico denique hoc præsidio, asylo atque propugnaculo exturbasse) cultum à sibi*

subditis infelicitè exigebat: sed cum fortior ipso venit, penitus cedere cogitur, &c. Præclare de Benedicto temerè non nihil, de Sanctissimorum Episcoporum oscitantia, quorum nos plures scimus, inquit Scipio, in loco expurgando, & expugnando, strenuè, fructu tamen aut nullo, aut modico, quemque sceleris vorago, mox voraverit laborasse. Sed de hoc alibi. De conclusi illic angustiatique inferni Principis, lamentis ac molitionibus, plura Magnus Gregorius, & ex hoc Baronius, quæ consulto hîc præterimus, istum autem, quin denuo admiratione defixum, super successu felici Sanctissimi Patris nostri, & felicitate Casini, recitemus, præterire non possumus: At, quis Dei consilium, inquit, non magnopere admiretur? Dum considerat eodem sermè tempore, quo in Oriente Monachismus esset magna ex parte collapsus, compluribus ex iis, à fide Catholica, ad diversos Hæresum errores deficientibus, alijs quoque, ab illo veteri instituto rigido in delicias prolapsis: eodem, inquam, tempore, in Occidente instaurari, atque longè lateque diffundi observantiam Monastica disciplina, eamque adeo facundo germine propagari, cum veluti è surculo pragrândium exorta sint frugiferarum arborum sylva, quæ universam repleverint Occidentalem Ecclesiam; extiteritque locuples Seminarium, ex quo plurimi progressi sint, Sanctissimi diversarum Ecclesiarum Episcopi: nec de fuerint ex iis, qui in throno Apostolico confidentes, universam Catholicam Ecclesiam, cum vehementiores surgerent fluctus (id ingens nostrorum de universo periclitante, & immortale meritum, suo loco memorabimus) constantissimè gubernarint: progressiq. ex eodem ordine Monachorum sint, qui Apostolico munere complures barbaras nationes, Christi jugum ferre impatientes, tandem ad Christianam fidem spontè capeſſendam converterint: prodierintq. alij, qui ob suscepta grãdia pro Religione certamina, sint victores consequuti coronam Martyrij. Præterimus modo illos, qui sacrarum rerum scientia nobiles, inter scriptores Ecclesiasticos floruerunt; nec numeramus, quæ numerari vix possint sacrarum examina Virginum; sicut nec facili sit recensere, quot ex hoc uno, verè dicendo sui humilitate fonticulo, immensa flumina sint derivata: quot, inquam, ex Benedicto, diversorum Ordinum sint progressa agmina Monachorum, qui licet diverso nomine, in Ecclesia Dei, circumamicta varietate censeantur, instituti tamen esse S. Benedicti, & ab ipso progredi gloriantur. Hac tantà tibi hic, uno intuitu, tanquā immensum Cælum in parvo globo descriptū, inspicieda obiter modo

modo proponimus, quo sentias, facturos opera pretium, si tanti viri primordia atque progressus, temporum ratione distinctos, quantum licuerit, Annalibus interseramus, atque cum opportuna se occasio dederit, ejusdem contigerit meminisse. Huc usque Baronius.

A.C. 530.

S.P.N. 51.

DV M discipuli passim alijs in diversas mundi effusi plagas, Christi simulque Benedicti patris legem promulgant, totum se ipse Archidux noster hoc anno in evellendis radicibus Idololatriæ per Italiam Reliquijs impendit, & ut loquitur Magnus Ecclesiæ Doctor Gregorius *Predicatione continua* (ne putes, unius diei opus fuisse) indomitum populum edomat, frendente simul infero atque ingemiscen- te, adeo firma atque antiqua possessione se ejici, nec jam dolorem porro dissimulante, quin lamentis atque ejulatu maximis proderet, eoque ipso rei ipsius magnitudinem, & Benedicti merita, vel invitus commendaret. Apertam hac cacodemonis, & inferni Principis Confessionem, prolixius idem Gregorius describit, & conatus atque stratagemata à Benedicto cum fortiter, tum sapienter elusos recensens, sic inter alia inquit: Sed antiquus hostis, tacite non ferens, non occultè, vel per somnium, sed aperta visione ejusdem Patris oculis sese ingerebat, magnis clamoribus vim se perpeti conquerebatur, ita ut voces illius etiam fratres audirent, quamvis imaginem minimè cernerent. Vt enim discipulis suis venerabilis Pater dicebat, corporalibus ejus oculis idem antiquus hostis teterrimus & succensus apparebat, quin in eum ore oculisque flammantibus sævire videbatur. Iam verò, quæ diceret, audiebant omnes; prius enim hunc vocabat ex nomine. Cui cum vir Dei minimè responderet, ad ejus mox contumelias erumpebat. Nam cum clamaret dicens: Benedicte, Benedicte, & eum sibi nullo modo respondere conspiceret; protinus adjungebat, maledicte non Benedicte quid tecum habes? quid me persequeris? &c. Ita Gregorius de Principe tenebrarum ut ex dolore hujus jacturam, & cladem, ex his de gloria, & victoria Imperatoris, & Apostoli nostri facile omineris.

A.C. 531.

S.P.N. 52.

QVantia autem meriti, quantæque auctoritatis Sanctissimus Patriarcha noster haberetur, hoc denique anno manifestius constitit universis; quando per oc-

casione Generalis Concilii, quod Bonifacius II. sub hoc tempus Romæ coegerat, raro exemplo evocatus, cæterisque inter Christiani orbis Pontifices, & Christi sacerdotes confidere est jussus. Illic nomen etiam suum apposuisse compertum habemus, ex vetustissimo M.S. codice Bibliothecæ Vaticanæ, Pauli V. Pont. Max. jussu, ex Bobiensi Cœnobio deportato, & à M. Ant. Scipione citato: Prodente nimirum fama Benedictum: Eo quod jam tunc liquido omnibus patuit, quod virum venerabilem, teste Gregorio, *latere nil posset, in cuius auribus tacita etiam cogitationis verba sonuissent, &c.* Et, qui Prophetico non solum, sed Spiritu iustorum omnium plenus, de plenitudine utique illa, sacro illi, collecto in nomine Divini Spiritus Patrum Senatui, tanto uberius communicare posset, quanto magis in ipso Sancti Spiritus gratiam, & gratiæ abundantiam, recens victoria, tot signa, & prodigia, vox populi, vox Dei loquebantur, & nemo non ex illis, suscipiebat, & venerabatur. Retentus eodem anno, suis per urbem Cœnobiiis consuluit, & petentibus Pontifice, ac proceribus, plura deinceps per eandem Monasteria cum noviter instituit, tum antiqua reformavit: succrevitque hoc ipso statim tempore, cum placeret tantopere summis Pontificibus, & Ecclesiæ Christi universæ, Divinum hoc ordinis Monastici institutum, ut teste egregii nominis, & eruditionis Doctore, Raulino aliisque *Roma tunc, vigente cælestis patriæ desiderio, omnes Ecclesiæ Titulatæ atque collegiatæ (res admiratione immortalis dignissima?) Monachales factæ sint; Quinimo Beati Petri Ecclesiæ tribus Monachorum Collegiis, & eorum frugè vita adornaretur, &c.* Ita citatus Author, &c. & præter alios multos Cajetanus, marginus, Marchesius, &c.

Certè ut aliquas saltem, cum superstitè etiamnum S. P. N. tum non multo post ejus gloriosum ad cælos transitum, Speculensi Congregationi seu juncta siye subiecta, è Monimentis, Casinatis, Sublacensis, S. Pauli Romanò aliorumque Cœnobiorum memoremus; fuere ordinis nostri tria in primis juxta Vaticanum, primum S. Stephani, secundum SS. Ioannis, & Pauli, tertium S. Martini præcipui Tutelaribus Benedictini nomine, in quibus, uti & Lateranensi S. Pancratii, & SS. Ioan. Bapt. & Evangelistæ Sanctissimus Patriarcha Chororum, & Scholas instituit, eoque de Rom. Ecclesia, & Vrbe mirificè meruit: *Fundo, ait Alphonsus de S. Victore, e scuela publi-*

cas en Roma que fuerá de ser todos los Monasterios de nostra Sagrada Religion, universidades, y todas las universidades, Monasterios de nuestra orden, &c. Et vaticanis quidem Transmundum præpoluit, Lateranensi Valentianum, quo dictante multa Gregorius Magnus de vita S. P. N. excepit, & posteris commendavit. Ita S. MARIE Majoris, ita S. Laurentii, & cætera Patriarchalia Monasteria, sive de novo fundata, sive novo Legislatoris nostri instituto reformatæ sunt; ita ut nullius deinceps Regulæ nisi Benedictinæ in Conciliis universalibus mentio habeatur, & Monachi (ut ex ipsismet actis pater) omnes ad illam remittantur. Sic in sola urbe, præter jam dicta Cœnobia duæ, & viginti aliæ Abbatia, ejusdem ordinis, diversis in Diplomatribus nominantur: SS. Cosmæ & Damiani in Vico aureo; S. M. V. in Monte Aventino: S. Sabini Episcopi: S. Cæsarij in Palatio: S. Pancratii via Aurelia; S. Thomæ juxta forum Claudii alias juxta formā claudiam; S. M. V. in capite, alias castro Aureo; S. Blasii inter Tyberim, & portam S. Petri; S. Blasii juxta Trajani Palatium; S. Laurentii in Panisperna; S. M. V. in capitolio, ubi est ara filii Dei, S. Agathæ in Suburra; S. Sabæ, cellæ Novæ; B. M. V. in Pallaria; SS. Alexii, & Bonifacii; S. M. V. in Monasterio juxta S. Petrum ad vincula; S. Trinitatis Scotorum; S. Silvestri inter duos hortos; S. Agnetis Virginis extra muros; S. Anastasii via Ostiensis; S. Valentini juxta pontem extra Urbem via Flamminia; S. Gregorii in Clino Scauri, ut de plurimis aliis, quorum hodie penè omnino intercidit memoria, sileamus. Ex quo manifestum apparet, quantum Romæ consuluerit, tanta multitudo, primævo in primis in flore Ordinis tam benè instituti Religiosorum quorum pleraque cum non unum solummodo sæculum, sed plura incoluisse Monachos, quamplurimis instrumentis litterarum possit edoceri, & ex his plerisque Romanorum Pontificum ad annum usque Christi millesimum centesimum, ad Petri Cathedram, summumque orbis Christiani Imperium constet extractos atque subvectos, nemini non rem serio expendenti patebit, quot, quantosque Ecclesiæ amplissimus hic Ordo pastores dederit, quorum non nemo, supra certum triginta numeravit, de quo numero, etsi necdum certi quid statuamus, donec tamen tot Romanæ Urbis Ecclesiarum, & Monasteriorum tam diuturna possessio, maximam omnino inde Pontificum eo-

piam prodiisse, quam productis in publicum documentis, & diversorum Monasteriorum monimentis, ut extra controversiam deinceps res verletur Monastica, speramus cum tempore evidenter demonstrare.

Ipslo anno, Romæ agentem, & comorantem Sanctum Patrem, fama concitatus tantæ virtutis atque sanctitatis, convenit, & veneratur, magnus ille Turibius Palentinæ postea sedis Episcopus, attonitusque sublimioris vitæ exemplo, accenseri tanti Magistri discipulis, suppliciter ab eodem expolcit, ac meretur, quod ipsum familiaris Turibio S. Maximus noster, Cæsar Augustanus Archiepiscopus, his ipsis verbis diligenter annotans: *Aera* 569. inquit, *Thuribius Palentinus à Sancto Benedicto Roma accipit habitum*. Dignus revera tanto Magistro discipulus, de cujus meritis, uberius tractabimus.

A. C. 532.

S. P. N. 53.

ID E M, de quo nunc primum Turibius, in magnæ spem sementis, & messis Hispanias repetit, adjuncta insigni Monachorum Colonia, quam in magnum sane opus, cum infidelium atque hereticorum Regnis illis incumbendum, ad gremium Romanæ Ecclesiæ adducendorum, tum sanctioris vitæ, & disciplinæ Monasticæ latius propagandæ, ipse Sanctissimus Archidux Monachorum, maximo Hispaniarum fructu eidem addiderat, exquisitissima semina recens ab ipso met plantatæ, Religiosæ perfectionis. Enumerat ex iisdem aliquot, oculatus rerum testis S. Marcus Maximus Cæsar Augustinus: *Euphemium, Exuperium, Venantium, Adelphium, Exuperantium*; quorum aliquot, inquit, *de facie novi*. Qui ad diversas postea extracti Cathedras, admirabili Sanctitate Pontifices, Hispaniam universam mirificè illustrarunt. Ex M. Max. Hist. Juliano, Laurentio Ramirez, Francisco Bivar. Const. Cajet. Alfonso de S. Viç. Mauro Marchesio, &c.

A. C. 533.

S. P. N. 54.

MAgnum in Oriente etiam, non solum Occidente, Benedicti nomen, apud Iustinianum in primis cognatū Cæsarem plurimū potuit; qui sub hoc ipsum tempus, & ipse Benedictinorum non unā sed plures Colonias, novæ Romæ, & diffusissimo Orientis Imperio mitti efflagitavit, & ad varia, per diversa Regna ejusdem, ac provincias, construenda Cœnobia,

bia, Augusta sanè liberalitate, maximas opes, & possessiones obtulit: in provincia quidem Bizatena, Carathum, Gatum, Isirià, Lymnidem, &c. in Ægypto, Thmucos, Afroditum, Pelusium, Nicium, &c. in Thracia, Patiticum, Libissam, &c. juxta Alexandriam: Aristicum, Vicundium, Talaim, &c. juxta Antiochiam, nullam Sycamam, & modica terre viginti millia: juxta Damascum, Nemesiam, Heriopolim, & plurima alia, de quibus omnibus, nimis quam disertè, ipsa litterarum, & diplomatum nec non M. SS. Codicum, diversissima, cum Sublacenensis, tum Casinatensis Coenobiorum, monimenta, ut ad illas, in fine Historiæ Ostiensis, recurrere non oporteat, quibus præfata simplicitate scriptor, dum testium subnotat nomina, insignia cujusque familiarum notans, Leonifer, Lucifer, &c. fidem suam suspectam reddidit, & ex diversis cum Iustini, cum Iustiniani Imp. aliorumque donationibus, compendio facto, in scitè potius quam perfidè agens, fidem, quam maximè astruere videbatur, non meruit plurimis aliis documentis, donationes amplissimas confirmantibus, & multa Italia quoque Tyrannorum, quæ Cæsares contulerant, ratihabitione firmata, cum neque Augusti suo in Occidentem jure cederent, & donationes è jure suo facerent, etsi roganda quoque illorum gratia esset, qui alieno Imperio, & possessionibus per tyrannidem incutiebant.

Meruit, & de Oriente tantopere Magnus noster Legumlator, tantumque meruit, ut vetustissimi Græcorum Ecclesiarum Fasti, miniato charactere tanti Tutelaris nomen, inter festa, seu duplicia reponerent, & præter Romanæ Ecclesiæ, (ut in plurimis solemnitatibus alijs,) consuetudinem, non duodecimo, Calen. April. sed pridie Iduum Martii, Magni Monachorum Patriarchæ diem Natalem his ipsis verbis, interprete Genebrardo, designarent: *Sanctus Pater noster Benedictus*. Dignam Magno Basilio Magistro rependente vicem Magno Benedicto, qui cum in Oriente non minus, quam Occidente, ob invalescentes hæreses, disciplina Monachica plurimè nutaret, opportunè subvenit, suosque illuc lectoris notæ discipulos destinans, plurima Regna immortaliter demeruit. Minimè auso reclamare, quocumque suos mittere rogaretur Sancto Patre, ut cui volente id fieri, ac jubente numine, certum esset, uti disertissimo è cælis oraculo edoctum S. Faustus discipulus affirmavit. Ex cit.

A. B. pars I,

A. C. 534.

S. P. N. 55.

NEQUE verò Asiæ solum contentus consulere, & Bizantinis provinciis Cæsar Iustinianus illatis Benedictinæ ubertatis felicissimis seminibus, subactis hoc anno per Belisarium Wandalis, & Africa in Iustiniani potestatem redacta, eo quoque quamprimum Monachorum Archiducem invitavit, & magnâ denuo possessionum multitudinem obtulit, illa quoque amplissima ut Regna, inmissis cælestis viæ ac vitæ ductoribus atque doctoribus bearet. Extant Donationum diplomata, & vetustissima Imperatoriæ Pietatis ac liberalitatis, in Archivis Casinatibus, & Sublacensibus monimenta, quibus juxta Carthaginem, idem Augustus, ad Monasterium construendum, modica terræ viginti millia; totidem juxta Hipponem Regiū, triginta millia, in Cæsarea Mauritanæ, plurima alia diversis locis Deo, & S. P. N. obtulit, & juxta suum, Divinum quoque honorem ac Regnum verè pius, verè felix, verè Augustus propagari voluit.

Sed & maturè admodum, incertum an eodem promotore, an potius, (quod de discipulis Christi aliquot legitur) utili admodum navigantium errore, impellente Numine, ad amplissimas Abyssinorum Æthyopum atque Armeniorum appulisse regiones, non tam scriptorum nostrorum fide, & relatione quam constanti eorundem traditione habemus, & probabile omnino reddit, maxima Coenobiorum Ordinis multitudo, quorum in sola Armenia mille circiter sub legibus Magni Patriarchæ nostri degere oculati testis, superioribus annis Romæ procuratorem Patriarchalem agentis, asseveratione docti sumus Reverendissimi D. Arachielis Beglierij S. Stephani, ejusdem Ordinis, ppe urbem Spaanensem in Perside, Abbat, viri spectatæ probitatis, & eruditionis, qui apud eisdem strictissimam etiam nū vigere Regulæ observantiam affirmavit non solum præcepta, sed & cōsilia S. P. N. religiosissime observantes, ita, ut non cōtenti sint à carnibus perpetuo abstinere, sed & in quadragesima nec piscibus quidem utantur, omne autem anni tempore præterquam in Missæ sacrificio vino sibi interdican, verba illa, magni Patris: *Vinum omnimodo non esse Monachorum* adeò cautè, & religiole excipientes, ut ad ejus beneplacitum conformare se malint, quā indulgentiā uti quadam, & concessione. Et verò maximam eorundem cum apud

B

ple-

plebem tum apud procères esse auctoritatem, tanquam virorum, & olim & hodie de re Christiana meritissimorum, de quorum, & vitæ integritate omnibus constet, & eruditione, è quibus nostra, & proxima nobis ætate, virtutis opinione maximi Gregorius, David & Andreas Patriarchæ Ierosolymitani, insigniter exsplenduerunt. Certè apud Abyssinos tanta in veneratione ulque hodie Archidux noster est, ut vulgo etiam, Angelum appellant, *Abba Bruck Amlak.* (*Abbas Benedictus Angelus.*) alterum scilicet in terris, per tot, toto orbe provincias, ministerio discipulorum suorum Incarnati Numinis Angelum, & Nuncium, cujus ipsi seram posteritatem, *Malkos*, vel *Rooban Abbuna Abba Bruck Amalak* appellant; id est *Monachos* vel *Fratres Patris nostri Abbatis Benedicti Angeli*, ea & ipsi apud *Aseid* est Imperatorem (alias Presbyterum Ioannem.) auctoritate, ut siquid in moribus sive regimine exeret, ipsi libere Principem adeant corripiantque claro sanè argumento Apostolici Spiritus à Magno Benedicto in remotissimis Regnis per tot sæcula propagati. *Sufenius cogn. Michael, Sertedengelius, Arachiel Beglierius, apud Maurum Marchesium, & Constantinum Cajetanum.*

In Hispaniis maximis se meritis commendant, missi nuper à magno Patre nostro magni discipuli, & Hispaniarum illuminatissimi Doctores, è quibus, primus hoc anno ad Episcopales expetitur infulas, & renitens in cathedram Telensem sive Palentinam evehitur, S. Turibius noster; qui magno quamprimum animo, & Pontificia auctoritate, cum in idolatriæ evertendas reliquias, tū hæreses profigandas totus incūbit, & mire proficit.

A. C. 535.

S. P. N. 51.

Insigni erga sedem Apostolicam, & lacra limina studio, Scoti atq; Hyberni Monachi dum Romam frequentius repetunt, & fama etiam proclamante mirifica de magno Benedicto, gratiosissima de eius legibus, discipulis, & restituto ordine Monachico condiscunt, & verò etiam cum Romæ, tum, alia sacra invisentes loca, suis oculis usurpant, & ad tuos referunt, magno omnes gaudio afficiunt, universis quamprimum Spiritus Divini operationem in tanto Legumlatore agnoscantibus gratiā Numinis adorantibus, exemplaria novæ disciplinæ inhiantissimè expetentibus, tanto non solum illorum Regnorum fructu, sed & aliarum amplif-

simarum provinciarum, ut totas deinceps Germanias, Galliasque ex instituto Benedicti, Hyberni atq; Scoti implerent, plurima in hodiernum usque diem florentia Cænobia conderent, atque immortalibus meritis, tanta Regna demererentur.

Quo ipso etiam tempore, ad renascentem in Occidente disciplinam Monachicam, tanti syderis fulgoribus velut stella Magi in Oriente, excitati Græci Monachi, à discipulorum exemplis ad ipsum Magistrum abrepti, contempto omni terra marique discrimine in Italiam convolarunt, tanti ut Magistri ac Patris cōtuitu, alloquio, & benedictione fruerentur. Retulit rem memorabilem, in occurſu quandoque Græcorum factam, Sanctus Desiderius Casini Abbas, dein Victor III. Urbis, & Orbis Pontifex consalutatus: quod cum in Spiritu Sanctissimus Patriarcha eorum aduentum prævidisset, convocatisque Fratribus prænuñciasset, iisdem ad milliare à Casino, obvium cum Fratribus processisse, exhaustosque ac fractos longi itineris laboribus, & maris iactatione, præter Cænobii consuetudinem, etiā carnibus vesci voluisse: *Quibus illatis,* (verbis Benedicti Bobiensis ex Desiderio referimus) *cum moneret illos, ut manducarent, scandalizati sunt, & noluerunt. Quod adverteſſi, mellis suis cepit eos verbis consolari, & ut cum charitate comederent, etiam viris exemplis,* (discipulorum pro ipsa magistri tanti iussione ex obedientia comedentium) *exhortari. At cum consolari nollent; Domino nostro se committens, duxit eos ad cæmeterium Fratrum, & facta oratione vocans mortuos, Fratres, clara voce precepit, ut omnibus audientibus dicerent, si penam aliquam sustinerent pro comestione carniū, quas iussu ejus comediſſent. Mirares, & omnino stupenda! clara voce, omnibus audientibus responderunt: Immo, Pater Sancte, magna est nobis gloria; & quia mandatis tuis in omnibus obedivimus, in sinu Abrahe collocati sumus & ante conspectū Divinæ Majestatis, cum Angelis & S. Sanct. confessoribus semper astamus, donec dies iudicii veniet, & resumptis propriis corporibus duplicem stolam recipiamus. Tunc iussu ejus iterum dormierunt, & Græci poenitentes, mirifice consolati recesserunt. Ita Desiderius, Benedict. Bob. Const. Cajet. Maurus Marchesius, &c.*

A. C. 536.

S. P. N. 57.

Memorabili omnino prodigio, orbis terrarū universus, divino quodā in solis radio, illuminatissimo Divinitus Patriarchæ

Patriarchæ ostenditur, & quasi adducitur atque Abrahamo nostro, (juxta illud, *universa terra quam conspicias tibi dabo, & semini tuo.*) stupendo quodam contuitu exhibetur, tanquam tot Regnorum atque provinciarum futuro deinceps in suis discipulis Apostolo, magno omnino Regni, & Ecclesiæ Christi in terris, post primos, ac præcipuos Christi Apostolos propagatori. Dignissima omnino res, quam ex Magno Ecclesiæ Doctore Gregorio repetamus: *Cum vir Dei Benedictus, quiescentibus adhuc Fratribus, instans vigiliis nocturnæ orationis tempora prævenisset, ad fenestram stans, & omnipotentem Deum deprecans: subito, intempesta noctis hora respiciens, vidit fusam lucem de super cunctas noctis tenebras effugasse, tantoque splendore clarescere, ut diem vinceret lux illa, quæ in tenebris radiaisset: Mira autem res valde in hac speculatione sequuta est: quia, sicut post ipse narravit, omnis etiam mundus, velut sub uno solis radio collectus ante oculos ejus adductus est, &c.* Ita Gregorius, quæ quidem mirabili in visione Dei ipsius juxta essentiam contuitum, gravissimi Theologi & Doctores inprimis Salmanticensis affirmarunt, accedente ipso met Magno Gregorio, dum visionem explicaret. *Quia anima, inquit, videnti creatorem, angusta est omnis creatura.* Benedictum ob hanc ipsam gratiam dignissimo, tanto post elogio, celebrante paucos ante annos S. D. N. Urbano II X. Pont. Max: in Bulla de festo S. P. N. anno 1632. expedita, apud Tambur. t. 3. disp. 24. q. 5. *Divina, inquit, interiori luce splendens, sublatum in mentis lumine, superior mundo, & expansum in Deo, mentis laxato sinu, beatifico lumine humani imbecillitatem intellectus elevante, Deum ipsum, & in ipso Deo, adhuc mortalis, omne, quod infra Deum est, videre meruit, &c.* Ita Urbanus Papa. Quo quidem ipso tam admirabili in spectaculo, illa præ aliis vidisse censendus est, quæ ad se, & ad suos, in conversione scilicet orbis, & adducendo ad Deum, sicut à Deo ad se ducebatur, orbe, potissimum pertinere videbantur. Gregor. M. Marcus Ant. Scipio, Ant. Iepéz. Alfonso de S. Victore, Const. Cajet. & nos prolixius in vita S. P. N. alii que rer. Bened. Hist.

Eodem anno Legati Calaritanorum cum muneribus, ad Sanctum Patrem nostrum à Sardinia occurrunt, & ab eodem enixissimis atque humillimis precibus, Monachorum coloniam pro Regno illo atque insula perunt. Quibus cum ille propria ad id ipsum Divina vocatione, & ele-

ctione deesse non posset, pro voto satis fecit, lectissimosque è Scholis suis discipulos, & jam perfectionis Magistros, & professores, magno cunctorum plausu destinavit, Sanctos Raynerium, Florum, & Vidrianum, qui plura deinceps per Sardiniam Monasteria, & Florus quidem Beat. Mar. Virg. de Pala, Raynerius Sulcitani, Vidrianus autem Sanct. Nicolai Calaritanum, ante alia, construxere, mirificè efflorescente quamprimum ibidem disciplina Monastica, & ope piorum plurimis conditis Cænobiis, quæ non multo post persecutione Vandalica per Africam sæviente, magno ditata sacrorum codicum, & Reliquiarum thesaurorum, Magni etiam Aurelii Augustini illato corpore, illud religiosissimè ad annū usque Christi septingentesimum vigesimum quintum custodierunt, donec ex Sardinia item periclitante, Papiam ductum, recens, nostris à se condito, Sanct. Petri in Cælo aureo, per Luitprandum Regem Longobardorum inferretur. Ex Ioan. Cajo Canon. Caralit, Franc. Bivar. Alfonso de S. Victore, Cajet. &c.

A. C. 538.

S. P. N. 58.

Demeruerat jam pridem, incertum, quo primum anno, Siculos Sanctus Patriarcha, & (ut ex diversis Siciliæ monumentis docet manifeste doctissimus atque meritissimus de te Benedictina R. P. D. Maurus Marchesius Panhormitanus) per regnum utrumque recens à se conditam Regulam transmiserat hoc tamen anno, ut speciali aliquo, & quasi convulso ab ipsis suis visceribus, & medullis munere eodem honoraret, filium, & nepotem charissimum Placidum, eodè ablegavit. Is cum Messanam applicuisset, sibi quæprimum ac fociis Monasterium condidit, & Divi Ioannis Baptistæ honori nuncupavit. Vbi parvo tempore, triginta sibi Mon. sociatis, initium Congregationi novæ (reliquis ad ipsum, tanquā alterum sui parentis oculum, respicientibus) quæ post ejus mortem, Sicula appellata est dedit, regnis Siciliæ, multis deinceps sæculis utilissima, ex qua maximi Pontifices Doctores, S. S. Ioannes, Zozimus, Elias, Sophronius, Theodosius Siracusani Episcopi; Ss. Faustus, Clemens, & Robertus Abbates ibidem; Ss. Iacobus Martyr, Sabinus, & Leo Thaumaturg⁹ Catanensium Antistites, Ss. Potamius, & Gregorius Agrigentini, aliique magni Ecclesiarum pastores prodire. Illud stupendū omnino, & tane prodigiosissimum,

simum, quo tanti Magistri discipulus, sui, Regno utilissimi, adventus auspiciatissimū initium commendavit, & Sicilia non solum universā, sed finitimis quoque Appulia, & Calabriae urbibus atque provinciis mirificè innotuit, ac benefecit, dum in transeundo omnes, oblatos quoscunque infirmos sanitati reddidit; sed dum molestiores, dies noctesque deinceps Messanā occurrerent, diē indicta, omnes undecūque Regni, & confinium aegros, debiles, mancos, &c. ad se confluentes, raro atque inaudito ad eam diem exemplo, *per meritā viventis etiamnum*; Sanctissimi Patris ac Magistri sui Benedicti sanos esse iussit, meruitque non tam prodigio ipso, non minus magno cum multo, atque pro reverentia tanti patris tam diligens atque reverens filius immortalī memoria ad posteros celebrandus. Vt ex hoc ipso juxta appareat, quanta hęc fundamenta fuerint disciplinæ Monasticæ per Siciliam superextruendæ, & longè latèq; in tali applausu populorum propagandæ.

A.C. 538.

S. P. N. 59.

ET si jam pridem cum ipsi Cœlorum Augustæ tum Cœlitibus, & Numini pro singulari suo atque eximio in DEIPARAM studio tum in opere se probaverit, & comendaverit Mariani Nominis, honoris, & Regni Magnus assertor, & promotor Benedictus, & verò, uti libri dictū initio, ab instantia cœperat, & ob id ipsum ad id eminentiæ provectus sit: sub de hoc tamen imprimis tempus memorandum censuimus, non tam privatim adamatū, sive inter domesticos Sublaci seu Casini parietes conclusum atque coercitum tantæ Reginæ obsequium, sed per urbem, sed in orbem longè lateque sparsum, longè pulcherrimū illud, utilissimum Psalterii Mariani luventutum, tantæque demerendæ Dominæ exercitium, quod tanto post candidissimus ille Dominæ Dominicus, Novæ familiæ Marianæ, cœlis dilectissimæ, institutor, veteris Reformatore ac Restitutor, ipsamet plaudente DEI matre, post septingentos verè annos, inveteratum atque in oblivionem deductum, de novo in orbem introduxit, eoque ipso, supra omnia alia, etsi maxima ut plurima, sese merita cœlo terrisque amabilem reddidit; illud, inquam, illud ipsum Psalterium, sub postremos maximè suæ ætatis annos, destinatis ad tam diversas mundi plagas, discipulis, Sanctissimus Patriarcha noster,

immortali cum fructu atque merito protulit, cœlum terræque amabili nexu illigavit; tanto proculdubio, feliciore Apostolicarum missionum successu, quanto discipuli ejusdem, cum Fide Christi, Apostolorum queque Reginæ cultum, exemplo tanti Magistri sui, & Patris promotum voluissent. Retulit id ipsum, magnus ille à Secretis Cœlorum Augustæ, ab ipsamet annullo è capillis Virgineis donatis, & sponsi honore ac nomine insignitus, S. Alanus de Rupe Dominicanus Monachus, tertius à Benedicto, & Dominico, ipsamet jubente, & cogente DEI para mirificus promotor atque Restitutor in suo, quod de Psalterio Mariano. scripsit volumine his ipsis verbis tanti Patriarchæ, in ulurpando atque propagando, ejusque Discipulorum studium atque devotionem celebrans: *Sanctus Benedictus, novi factus Instituti Patriarcha inclytus cui ante diu insueverat, Psalterium MARIE simul, & inter suos, non tam præcepto ullo, quam usu ipso, in Sanctam consuetudinem introduxit, quæ in Religionem dein vertit, ac insedit, &c.* & iterum: *Sanctus Benedictus porro, inquit, Sacri Ordinis Amplissimi Patriarcha dignissimus, ea cura, & religione, Sanctum in Psalterio saluatorio, cultum DEI familiarem sibi, perpetuumque voluit, & observavit sic, ut eo tam Divina Monastica Institutionis, & Autor fieri mereretur. Tanti Patris ab exemplo, sacer mox chorus Fratrum universus, per orbem latè secum circumtulit Psalterium, & cetera præter, consuetæ Ordinis, exercitia Divina, istud quoque velut privatum quisque, in deliciis suis secretioribus deamavit interius, & in eo Almam Virginem Matrem, Sponsam Sponsi sui, sancta quadam familiaritate, cordialius dissuaviavit, &c.* Ita parte 1. Apologiæ pro prædicatione sua de Psalterio S. Alanus cap. 8. num. 7. & parte 2. & 4. num. 1. Ioann. de Prato, Coppenstein, & nos in Gerardo Belga nostro, & Hist. Monast. &c.

A.C. 539.

S. P. N. 60.

NOVAM denuo Coloniam in Hispanias mittit Sanctus Pater noster, & Toletanum Regnum atque Urbem demeretur, duodecim è suis destinatis discipulis, quem numerum pro reverentia Apostolici Collegii, in condendis quoque primis per Valeriam Cœnobij observavit, eoque per singula duodecuplicato, uti fervorem primitivæ Ecclesiæ, sic & numerum Fratrum (Actuum cap. 1.) centū viginti repræsentavit magno deinceps, & à

& à prima, & ab altera missione fructu per Hispanias consequente. Quo ipso tempore plura jam per eadem Regna Benedictini Ordinis Cœnobîa constructa memorantur, eaque inter celeberrimum illud Lorbanense in Portugallia, de quo vetustissimæ in Archivo ejusdem tabulæ attestantur: *Domus nostra Lorbanensis constructa fuit, vivente Patre nostro Benedicto.* Cæterum de propagatione Regulæ per Hispanias superstitit etiamnum Sancto P. N. legendi Ambrosius Morales, Hieronym. Zurita, Genebrardus, Alphons. de S. Viçtore Cajet. Marches. alique

A. C. 540.

S. P. N. 61.

Solatur exilium suum, cucullo, & Monasterio S. Silverius, superiore anno, summam per injuriam à Belisario, in exilium deportatus, & veste Monachica indutus, quam ipse haud invitus complecti potuit, tantopere à se ante Pontificatum adamatam, & ut nonnullis visum est, ab ipso met S. P. N. pridem expetitam atque susceptam. Cæterum Palmariam jam tunc Insulâ Sanctissimo Patri nostro dono datam, & immissa Monachorum Colonia occupatam, monimenta Sublaciensia habent, in qua etsi exulem ageret Sanctus Papa, & absque furo sanguine Martyr moreretur, magno tamen solatio fuit, exulare cum sponte exulantibus, famere cum famentibus, non alio mœrore consumptus, quam ex scelere alieno; illic à militibus, qui servabant malè habitus, ut molestia eadem eorumdem, Sanctissimi Monachi caruisse non videantur, facti cœmartyres Eusebii condolentissima tanto Patri, filij observantissimi Compassione. Maurus Marchesius Monim. cit. Const. Cajetan. &c.

Laborat grandi fame Italia, fit magnus egentium ad Sanctissimum Patrem nostrum occurfus, quibus mira pietate, & prodigiola ipse liberalitate occurrit, Author præcipuus cum per se tum per suos innumerabilium per orbem terrarum, Xenodochiorum, Nosocomiorum, & Hospitalium condendorum; imò, sua omnia Cœnobîa pauperibus, & hospitibus, memorabili in exhaustæ liberalitatis exemplo aperiens, Hospitalitatem suis præcipiens, necessaria quidem omnia, primum domesticis, & à Deo atque altari fervientibus, honestè concedens, cætera pauperibus, & Hospitibus. (*Qui nunquam desunt Monasterio*) non solum liberalissimè tribuens, sed & superiores Cœnobij, ipsum

quæ Abbatem, ad pedes eorumdem lavandos abiciens, *ut impius sanè sit*, inquit Gerardus Belga, *qui illos excludat*; cui Dominus ipse *januam aperit*, idem alias asseverans; pleraque Ordinis, quæ esse desissent Cœnobîa, sive in commendam data essent, *ipsa in hospitalitate, thesaurorum congregatione, & pomposa adiumstructione, exigente super pauperum atque hospitum querelis, justissimam vindictam Numine meruisse.* Quantum autem sæpe læpius multæ orbis terrarum provinciæ commodi, innumera pauperum greges, auxilii, de pauperum Nobilium liberi, subsidii, à Benedictinis habuerint, prolixius alias demonstramus, & supera omni, atque nostra etiam ætate, maximis à Numine commendatam Hospitalitatem Benedictinâ miraculis, plurimis, & gravissimis exemplis confirmamus. Quod quidem inter tanti Patriarchæ præcipua de orbe merita, numerandum, jure merito hoc loco celebrandum esse existimavimus.

A. C. 561.

S. P. N. 62.

ABARES, Manucha Ducè; Siciliam populantur, & dignissimum Christo hostiam Placidum Sanctissimi Patris nostri nepotem ac discipulum, Cœlo transmittunt. Occubuit Magni Ordinis felicissimus Protomartyr tertio nonas Octobris, Faustini, Firmati, & aliorum insuper triginta Monachorum Martyrum comitatu dignè stipatus, sed & Euticii, & Victorini ac sororis Fluvie egregiorum Principum, singulari tunc Numinis voluntate, & concessione, ad se invisentium, longi, & difficillimi certaminis sociorum, communi triumpho, præcipuè à Deo honoratus, ut non jam ut be solum rem in solitam admirante, qualem in Placidi majoribus, Sexto Anicio Probino, & Hermogeniano germanis fratribus, iisdemque simul semelque designatis consulibus Fasti cōsulares deprædicant, verum orbe terrarum universo applaudente, multo melius de quadrisida beatitate, Placido nostro. Claudianus multo probatior, ut minus claudicans veri atque æterni honoris celebratiore, accinat:

Omni nobilior lustro, tibi gloria soli

Contigit, exactum nunquam memorat à per ævum

Germanos habuisse Duces, &c.

Ut vix plausibilis Germanis hisce, & ipsi maxime Placido esse possit quam tantæ gloriæ ut triumphi collegas sese mutuo meruisse, habuisse.

B 3

Intui

Intuitus in Spiritu hæc omnia Magnus Patriarcha, ipsa hora, qua Placido triumphatis hostibus decretus triumphus est, plenus ipse gratulationis, ad suos Casini congregatos rem omnem retulit. Placidi autē, an tanti parentis ejus meritis, grandiorumdem piratarum peste Italia, & orbis liberatus, & Manucha cum sedecim fuorum millibus, & octingentis, ultricib⁹ Oceani procellis absorptus est. Siculus vero ager, fecundo sacratæ cohortis cruore irrigatus, accepta Religionis incommoda, latiore in posterum proventu rependens, copiosissima semper Monachorum sobole redundavit.

Superstesne Anicius Tertullus filiorū tam illustri triumpho fuerit, an è cœlo spectarit, & expectarit incertum, certum autem ab ipsomet Sanctissimo Patriarcha domum Placidi in Monasterium convertam. Quo ipso tempore Romæ aliquamdiu subsistentem conveniens B. Sylvia Anicii Gordiani conjux lectissima, prægnās tunc, magno revera filio, à Magno Benedicto amantissimè compellata, & mirificè recreata, prophetico Spiritu ab eodem, de Nativitate, Nomine, & officio ejus quem gerebat in utero infantis, Magni per omnia Gregorii edocta est, magna, & ipsa vitæ sanctitate, & egregia cum marito in Sublacense non ininus quam Casinense Archisteria liberalitate, præcipuè primorum Ordinis Cœnobiorum Fundatorib⁹ jure merito accensendam. Ex Petro Diacono, libro de ortu, de vita Instit. Casin. Monim. Sublac. pervetusto Martyrolog. Codice quodam Bibl. VVeibling. Marchesio, &c. Dom. Vischero &c.

A.C. 542.

S.P. N. 63.

ADMIRANDUM omnino æternis sæculis, imperterriti invictique animi exemplum, quo ut Castrorum acies ordinata, unus contra potentissimū Reipubl. Christianæ hostem, victor perstitit, & de grandi illo universi terrore, flagello non minus DEI, atque se Attila jactabat, de Totila inquam Rege, felicius Narsete, & Belisario, quin & Cæsare ipso ac Magno Macedone triumphavit. Quippe fastu majore an contemptu adventantem, tantus solo magni Imperatoris nostri Benedicti à conspectu, horror invasit ac percussit, ut etiam humo, trementem affligeret; imò ira affigeret, ut nec suspicere quidem ac hircere ausus, etiam jussus non posset, prius quam auxiliatricè, & benefica victoris manu allevaretur: Verbis ex Greg.

Bar. referamus. Tunc per se idem Totila ad DEI hominem accessit; quem cum longe sedentem, (neque enim occursum suo DEI hostibus blandiri, ut neque metuere eisdem noverat) cerneret; non ausus accedere, sese in terram dedit. Cui, cum vir DEI, bis terve diceret, surge, sed ipse ante eū de terra erigere se non auderet, Benedictus Christi IESu famulus, per semetipsum dignatus (Ecce, cum victoria, usum digna quoque animi submissione,) accedere ad Regem, prostratumq; de terra levavit, & de suis actibus increpavit: atq; in paucis sermonibus cuncta quæ illi erant eventura prænuñciavit dicens: (O inauditam animi, non coram Theodosio Catholico Cæsare, sed Totila Tyranno libertatem.) Multa mala facis: multa mala fecisti; iam aliquando ab iniquitate conquiesce. Equidem Romam ingressus es, mare transiturus, novem annis regnans, decimo morieris. Profecit multum exhortatione sua admirabilis orator noster, si nulla porro realia, de universo, de Italia, deque utriusque capite Roma longè meritis: equidem his auditis, pergit Gregorius, Rex vehementer territus, oratione petita recessit: atq; ex illo jam tempore minus crudelis fuit, &c. imò, quod Baronius paulo post, anno eodem subtexit: Benedicti montis redditus minor, ut ejusmodi humanitatis non solum, sed & continentie exempla ederet, unde factum, ejus ut nomen, ut sapientia, ita & benignitas, celebre apud Romanos jam esset, & maximi fieret. Ita Gregor. Baron.

Nec minore in Gallum Totila Ducem usus constantia, grandi insuper prodigio, sævitiam hominis compescuit, dum solo aspectu, captivum, quem ille locis arctissimè constrictum ante equum impulerat, nexibus absolvit, & Gallum, pari quo Totilam terrore, in terram dejecit. Sed de his, aliisque fuscè Gregorius noster, cujus Natalem hunc ipsum, quo hæc gesta sunt annum, haud improbabiliter, ominamur, etsi sint, qui prædictionem ejusdem in utero latentis, adeoque etiam nativitatis annum, maturius antevertant.

A.C. 543.

S.P. N. 63,

sive 64.

MORITUR invictus Sanctissimi sui, & jam multorum millium, dum superstes esset Perfectorum Monachorum, ut loquuntur Sancti ejus discipuli Maurus, & Faustus, deinceps autem inmensi atque innumeralis exercitus Dux, & Imperator Benedictus, æternum gloriosissimæ, & felicissimæ mortis speculum; eandem longè etiam possi-

positis discipulis non solum prenuñcians, verum ipsa suprema hora eidem latus occurrens: quippe in Oratorium à suis se deportari præcipiens, Sacrosancto Domini corporis, & Sanguinis epulo refectus, aperto, quem sibi ac sorori paraverat tumulo, elevatis in cælum manibus, digne Cæsareano illo: *Oportet Imperatorem stantem mori*; stans, inter discipulorum Sanctissimorum suprema obsequia, & profundissimè haustos singultus, victricem animam ad triumphos æternos, Creatori transmissit; visus memorabili prorsus triumpho, via longè, quam Appia, cultiori, ut longior, *patulus strata* cœlestibus, & innumeris corusca lampadibus, à terris, (prò quanto interstitio:) ad summos usque porrecta cœlos, ovans ac triumphans cōscendere. Vixit annos tres sive quatuor supra sexaginta, totidem, quot, vulgatiore opinione, Admirabilis illa Dei, & Benedictini Ordinis Mater, seu consimili prorsus de ætate controversia. Ejus ea merita omnia esse, quæ à seipso non solum, sed sui Instituti posteris, & universis Regulæ sectatoribus facta sunt, & nos paucissima ex innumeris præsentis volumine referimus, expertus autem deprædicat etiam fidens orbis universus, revelatione Numinis didicit Magna Gertrudis nostra, & libello Insinuationum Divinæ pietatis, insinuavit nobis, orbis cōmunicavit, ut merito, non tantum tot millium sacra generatione filiorum Admirabilis Pater, sed tot sine numero meritorum copia quasi imensa, gratiarum Oceanus aliquis deprædicetur. Præter illa autem, quæ plurima, & summo Ecclesiæ bono à filiis ejus instituta per universum postea dicemus, eique uni etiā, & quidem tanquam parenti, & fonti referenda jam diximus, fuit Sanctissimæ ejus Regulæ, à Spiritu Sancto, ut jam supra docuimus inspiratæ, in universum propagatio, qua Magno Iustiniano patruele suo, multo gloriosior, quos ille conditis, & collectis ac compositis Legibus, à feritate ad humanitatem traduxit, ipse ex hominibus Angelos fecit. Præter autem Angelorum Reginæ ipsorumque Angelorum (ipsi spectabili forma familiarium, & servientium) cultum, miro prorsus studio, & à se, & suis mirificè propagatum, salutationisque Angelicæ congeminatum, & toti orbi cōmendatum fructuosissimè visum, primus idem manifestius videtur orationem vocalem ad septem horas Canonicas reduxisse, quando quidem solertissimus hujus indagator, verè Eminentissi-

mus eruditione, & Religione Illustr. S. R. E. Cardinalis Bellarminus: *Et nomen, & tempus Completorii* (septimæ horarum Canonicarum,) *primum invenio, in Regula S. Benedicti*. Idem Magnus institutor, quæ erat mirabili in salutationem Angelicam studio, ut orationis Dominicæ prærogativam orbi Christiano exponeret, deficiens in sublimitate interpretationis, eam, ut in SS. Missæ Sacrificio alta voce, sic in officio quoque Ecclesiastico seu horario, & quidem à nemine nisi Abbate dici voluit, & sua lege complexus est. Idem ex Magno Augustino atque Ambrosio, solemne illud mutuatus Hymnū: *Te Deum* laudamus, primus Matutinis univit. Idem Damasi, Hispani, Romani Pontificis in celebranda Gloria SS. Trinitatis reverentiam tantopere suspexit, ut primum præceperit suis, in recitatione versus ejusdem, omnes consurgere, & tantam Majestatem pro dignitate revereri, qui deinceps, in omnem Christi Ecclesiam emanavit. Vnde de alijs per ipsummet institutis, & promotis, compendii studio, omnino fileamus. Meruit Patriarcha felicissimus, quod Sanctorum vix alicui contigit, tres omnino Christi Vicarios Summos Pontifices, eodemque omnes rara sanctitate conspicuos, vitæ atque à se gloriosè gestorum dignissimos concinnatores: Magnum Gregorium, Principem Ecclesiæ Doctorem, Sanctum Zachariam qui Græco sermone Græcis, & Orienti cōmunicavit, & S. Victorem III. qui Baronio, & Petro Diacono testibus, mira ejus libris omnino quatuor complexus est. Nos fusius volumine singulari, & compendio vitæ superioribus annis typis vulgato, Tom. I. de SS. Ord. & alias referimus, ut de sexcentis alijs, quos passim allegamus, hic nil superet meminisse.

De Divi Mauri, paulo ante mortem Sanctissimi Patris, in Gallias legatione, ut & fructu, qui initio, prædicente admirabili Patriarcha, est impedimentum passus, anno sequente dicemus.

Isto, rursus in acceptis Benedicto refert Cæsar Baronius, occupata Neapoli, & qui parentatque accolunt in deditio-nem acceptis. Totam in omnes tanta mansuetudine usum, imò universos tanta benevolentia complexum, quantam nec ab Amicis expectassent. Vt rursus, Regnum amplissimum, & urbs pulcherri-ma atque opulentissima debeant, ejus se auspiciis, & providentia conservata. Causam ex Baronio audiamus: *Quod verò To-*

*tilas tantam præstiterit superatis humanitatem, non parcendo tantum, sed alendo, & com-
meatum ipsidem præbendo, ut neque aliquis pro-
pinquorum, vel intimorum Amicorum talia
illis officia exhibere valuisset; planè apparuit,
quantum ex S. Benedicti congressu atq; moni-
tis barbarus profecisset, effectus insuper Sum-
ma Iustitia, cultor cum videlicet anno sequen-
ti, in armigerum suum animadvertit, quod
Virgini vim intulisset, cui & morte affecti ar-
migeri, bona dari voluit, &c. Hucusque Ba-
ronius.*

Vixit sibi, sed vivit suis, & in suis ab hoc
anno Magnus Patriarcha noster, etiam in
terris immortalis; tanè in sæcula omnia Re-
divivus, quando ab isto ejus mortis, nullū
ad hoc usque postremum, & infimum af-
fluxit, quo non aliæ atque aliæ provinciæ,
cum tempore senescentibus, & languen-
tibus alijs, alij, & alij, diversis, & ipsidem, no-
vo fervore, & Spiritu, maximo universæ
Ecclesiæ bono, & exemplo, nascerentur
quotidie, & adolescerent. Quæ suis singu-
la locis referemus.

A. C. 544.

S. P. N. 64.

CELEBRATA per orbem Univerſum
eximia vitæ Sanctitate Beatissimi Pa-
triarchæ nostri, missis adeundem anno su-
periore oratoribus, insigni pietate atque
inocentia Cenomanensium Antistes In-
nocentius, aliquot tantæ virtutis æmulos
ad propagandam Monachorum sobolem
in Gallias postulaverat. Commissa pro-
vincia Mauro est, multa in agendis dex-
teritate, sed & constantia sacri rigoris, cæ-
terarumque virtutum probatissimo. Ad-
diti Comites Faustus, Constantinus, &
Antonius, digni omnes quos sibi Gallia
universa mirandos imitandosque propo-
neret. Sed sublato morte Episcopo,
cum lucta mora intervenit, donec Patro-
num alium nacti, multa auctoritate, & po-
tentia Principem, cujus hoc anno studiis,
& munificentia, insigne illud Glanoso-
liense Galliæ Archisterium surrexit. Flo-
rus is erat, Theodeberto Regi in paucis
unice carus, qui perspecta familiari usu,
miranda Mauri sanctitate, adeo in amo-
rem ejusdem reventiamque exarsit, ut di-
cato amplissimis redditibus Cœnobio, nō
satis habuerit, novo quotidie nomine, &
liberalitate, magis magisque de eodem
mereri, nisi stupente Gallia, filium insu-
per, quem habebat unicum, Bertoldum
adderet, & DEI obsequijs in Religioso
statu manciparet. Ejus exemplum plu-
res quam primum è proceribus alijsque

subsequuti, tanto numero cucullum ex-
ambierunt, ut præter innumeros, quos
in diversa à se condita Cœnobia distribu-
it, centum ipse, & quadraginta Cœnobij
Glanosoliensis choro, & laboribus refer-
varet. Ingenti prorsus Regni amplissi-
mi commodo, quod opera assidua Mau-
rus ita exercuit, ut longe Religiosissimū,
& Copia Sanctorum fecundissimū, myria-
des perfectorum integras cœlo submitte-
ret. Ex S. Fausto, & diversis rer. Gall. &
Monast. script.

A. C. 545.

S. P. N. 65.

PRI-MÆVO ordinis flore, fragrantissimus
odor, universam terræ superficiem op-
plevit. Italiam tamen præcipuè, præci-
pua orbis provinciam, cui præ aliis hoc
anno, opera, exemplo, & meritis præstitit
Sanctus Constantinus, solus tanto ex perfectō-
rum Monachorum exercitu, supremis à Be-
nedicto Magisterij, & Imperatorii mune-
ris honore dignissimus, quem Cassinen-
si, Abbatia sublimatus, ita gessit, qualem
Maximo optimoque successorem boni
omnes ultro delegissent. Sumpsit hoc
præfule, nō indigna principiis incremen-
ta, sacer ille Cassini mons, quibus in eam
denique sublimitatem succrevit, qualem
deprædicatissimi montium suspicerent,
& adorarent, ab ea in primis unius unici
Cœnobij Sanctorum Monachorum fer-
tilitate, quam in maximorum Regnorum,
& provinciarum magnitudine, multitu-
dinem, omnis jure merito posteritas mi-
raretur. Eam tanè ut numero præfinire
difficillimū fuerit, superasse tamen quin-
quies mille quingentorum summam vetera
Cœnobij ejusdem, monumenta habeant,
quodq; prodigii simile sit, numerum tan-
tum Cœnobij unius de Canonizatis so-
lum (quos publica Ecclesiæ, & Pontificis
auctoritas inter cœlites adnumeravit, &
coli præcepit,) esse intelligendum. Ut
nemo satis explicet quantum denuo Or-
bis debeat Christianus uni huic Italiæ Ar-
chisterio, quod unum videtur Sanctitati
Ecclesiæ probandæ quodammodo suffi-
cere potuisse, imò exemplo prorsus inau-
dito, æternitati sæculorum, gloriam tam
singularem addere, & faciem præferre.
Celebravit hanc Cassinatis Cœnobij etiā
amplitudinem, dignissima attestazione
Cardinalis Baronius; Sed ut illud, inquit,
absq; trepidatione mendacii asseri jure potest,
nullum unquam toto Christiano orbe extitisse
aliquando Monasterium, ex quo tot viri san-
ctitate conspicui, atque doctrina, tanta nume-
rosi-

resitate, ad regimen Sanctæ Apostolicæ sedis, adsciti fuerint, ut plane dici possit, fuisse idem aliquando, seminarium Sacrorum Antistitum, prout quæ suo loco dicturi sumus, docebunt. Ant. Iep. t. 1. Ann. Marc. Ant. Scipio, Arn. Duc. Baron. &c.

A.C. 546.

S.P.N. 66.

NE quanti faceret, Monachorum virtutem, & ex coactam cellulae solitudine, & sacro otio, scientiam sapientiamque, nullo exemplo Romana Ecclesia proderet, Herculænum eximia vitæ integritate Cœnobio extraxit, & vivente etiam tunc Sanctissimo Patriarcha nostro, Perusinum Pontificem renunciavit. Is quandiu commendatis sibi ovibus præfuerit incertum hoc certum est anno, re obita, & multa cum Ordinis Monastici cœmendatione præfulatu defunctum, Martyrio insuper nobili Italiam illustrasse. De eo prolixius hoc anno Gregorius, & Baronius. Hac laude post mortem longè maximus, quod Totilæ impijssimo Regi, maximè invisus, sed & primus è nostris Episcopus, honore insuper illum, sanguinis purpura condecoravit tamque egregium de se dignissimum tanto Ordine Episcopi exemplum præbuerit. Iepes, &c. Breviarium Perusinum, &c. Fuit supremus hic quoque annus S. Romano Abbati, decrepitæ ætatis, multorumq; meritorum sanctissimo seni, illi ipsi, quem Sanctissimus Patriarcha noster consilij sui ducem, sed & in eremo (juvenilibus annis,) nutritorè habuerat. Meruisse id denique mercedis à Deo Opt. Max. & Sanctissimo nostro Patre, ut superstitè hoc eodem, an jam Cælite ejus institutis à discipulo Mauro informaretur, quidam è nostris volunt, & alios inter Antonius de Yepes, vir doctissimus, & de ordine nostro meritissim⁹, cōtendit, etsi non nemo existimet, etiam in Gallia sedulo, in successus Benedicti inquirentem, ante alios omnes Regulam novam complexum, alios item induxisse, & ut Maurus mitteretur per Episcopos sollicitasse. Nos beneficium in Patre acceptum rite agnoscimus, & gratia saltem compensamus. Ex vita Cajetan. Marches. &c.

Quæ in favorem Monachorum sub hæc tempora Sancta decreverit Ecclesia, minimè prætereundum. Eorum crescentibus pia liberalitate fidelium fortunis, ne ullo titulo sæculares, seu Ecclesiastici inhiarent, aut usurparent, sequuturis quoque sæculis cautum voluit. In Concilio siqui-

dem Valentia celebrato, statuitur: Ne Clerici vel sæculares teneant, aut usurpent possessiones Monasteriorum, cum titulo: quod à Patribus suis fuerint condita. Tales esse homicidas, & interfectores pauperum, &c. Buccardus l. 3. c. 10. Et in Concilio Leridenfi: De Monachis vero id observare placuit, quod synodus Agatensis vel Aurelianensis noscitur decrevisse. Hoc tantum modo adijciendum, ut pro Ecclesie utilitate, quos Episcopus probaverit, in Clericatus officio cum Abbatis voluntate debeant ordinari, ea vero quæ in jure Monasterij de facultatibus offeruntur, nulla Diœcesana lege, ab Episcopis contingantur, &c. Ex est Concil. &c.

A.C. 547.

S.P.N. 67.

FLORO, de quo superius, Principi, Sancti Mauri discipulorumque integritate, & exemplis capto, non satis, unam posteritatis sui que generis spem, Bertholdū filium devovisse; Oblatis D E O fortunis ac sobole, locupletissimum se arbitratus, si profusa in Christū liberalitate, seipsum, ac sua eidem tradidisset: volens ac lubens Monasticæ vitæ se addixit. Cui postmodum cucullum induenti, cum Theodebertus Rex intervenire voluisset (mirandum sanè celebritatis Monachicæ argumentum!) eidem proximè post S. Maurum, præ gaudio ac Religione manantib⁹ lachrymis capillum totondit; Regem subinde primores aulae (qui frequentes convenerant) in sacra cæremonia imitati. Ita Scipio noster, & S. Faustus. Illud celebrius multo de meritis Mauri, & Discipulorum ex submissione, & devotione tanti Regis, (Theodeberti) iudicium: quos nimirum tanti ipse fecerat, & suspexerat, & ad pedes eorundem, prostratus, non nisi elevatus à Mauro surgeret, imo eorundem quibusvis precibus non parere, nefas putaret; hanc unam officii, obsequii, atque amoris mercedem impensissimè flagitans; ab iisdem communi fratris Titulo censerī, & Sancta operum piorum communicatione accenserī. S. Faust. in vita S. Mauri, Rer. Gall. script.

A.C. 548.

S.P.N. 68.

SVstulit optimum hunc Regem hic annus, & quod sperandum, promoventibus nostris, cœlo invexit prodiga liberalitate de Mauro longè meritissimum. Excepit honorem Patris, Theobaldus filius, idemque Mauri alumnus; & discipulus, quem illo Magno Abbati, Regno formandum, atque ut Sancto viro videba-

rigendum, & movendum penitissimè commendarat. Meruisse de se & Regno universo Maurum, Regia in nostros magnificentia testatus splendide est Theobaldus, ita ut mortui Patris ijs Manibus, pium bellum indiceret, quo uterque de suis in Monachos affectu, & liberalitate contenderent, uterq; vinceret. Rer. Gall. script.

A.C. 549.

S.P.N. 69.

TRAXERE omnium obtutus, & oculos non intuentium modò, sed longè lateque inaudientium animos DEO attrahente, miranda nostrorum per Italiã, Hispaniam, & Gallias gesta, & merita, ut suas, multa mortalium millia, opes ac Fortunas, acervatim congererent, seque ipsos cum iis, quæ sperare etiam poterant, una contraderent, fuit contempti honoris præ omnibus speculum felicissimus Magni & Admirabilis Patris nostri nepos, & discipulus suo si quis ullus alius nomine, professione, & sorte Benedictus; qui Magistrû fedula imitatione consequutus, nobilitatis Romanæ speculum circa hæc, maximè tempora, singulari Numinis gratia, velut repercussi solis, charissimè resplenduit. Nec minor speciosi, & Gregorii per Italiam fama, Theodori, Honorati, Paulini, atque Augustini summa perfectione Monachorum, laus in ore omnium, amor in animis singulorum, quotidie invaluit. Antonius etiam Surrentinus Abbas, & Benedictus Iunior, sed & Marcius eremita ille, quem vivens Sanctissimus Patriarcha noster catena abolverat, iis verbis; *Si servus DEI es, non te teneat catena ferri sed catena Christi*, legibus denique nostris addicti iisdem recto directi tramite perfectionis culmen attigere.

In Hispaniis mirificè sese, incomparabilibus meritis commendat S. Turibius noster Palentinus Episcopus, & felici admodum successu Idololatriam profligat, Hæreses fugat, Concilia promovet, & disciplinam Monasticam propagat; quæ omnia fusius, rerum Hispanicarum scriptores persequuntur, celebrat autem nonnulla Montanus Toletanus Episcopus, data ad ipsummet Turibium insigni Epistola, dignissima quæ hic inferatur.

Domino eximio, præcipuoque Christicolæ, Domino, & filio Turibio, Montanus Episcopus: Alumnum te fidei, & Catholicæ Religionis amicum, etiam in actis mundialibus conversantem, (nempe ante professionem

Romæ in manus S.P.N. factam, ut supra vidimus) valde, & novimus, & probavimus Cum enim adhuc flores in sæculo, ita claritas tuæ vitæ perpatuit, ut secundum sententiam Domini, & quæ sunt Caesaris Casari non negares, & Deo quæ sua sunt devota mente persolveres. Iure etenim te Divini cultus, in hac præsertim provincia te nominabo Putasne quanta tibi apud Deum maneat merces, cujus solertia atq; instinctu, & idololatriæ error abscessit, & Priscillianistarû detestabilis, & pudibunda secta contabuit (magna omnino commendatio.) Si tandem adhuc, & in nomine honorare desistant, cujus per tuam admonitionem collapsa esse opera non ignorant. Nam de terrenorum Dominorum fide quid loquar? Cui ita tuum impendisti laborem, ut feroces tibi cohabitantium animos, ad salubrem regulam, & normam Regularis discipline duceres præstitit Divina Clementia: quoid, quo summo labore conatus es, precibus, & oratione perficeres. Quæ tamen ad nos ex palatino Conventu pervenerint, Celsitudini vestre indicari curavi, quo facilius per vestram increpationem, nefanda præsumptio in posterum conquiescat, &c. Hucusque Montanus Toletanus Episcopus.

A.C. 550.

S.P.N. 70.

Multiplicatis per Italiam Univerfam Cœnobiis, cum plurimi relicto veteri instituto, tantis tot Sanctorum provocati exemplis, iisdem institutionibus parem profectum sperarent tales sibi itineris ad cælum probatissimos Duces, omnes undique expetiere, & Benedicti Regulam omnia fere Italiæ, Galliæ, Hispaniæ, Scotiæ Cœnobia amplexa sunt. Vixisse Græcorum consuetudinibus Dionysium illum quem vulgo *Exiguus*, magni, & docti *Maximum* deprædicant, incomperatum licet, haud improbabile tamen, veroque simile est. Ejus accessione, sub hæc tempora, commendatio Ordini haud modica accessit, quam ipse dein Dionysius, multo, tam in re litteraria, quam sacro Regularis disciplinæ profectu, summopere non solum auxit, verum fulgidissimis suæ doctrinæ, & sanctitatis radijs in orbem terrarum universum latissimè propagavit. Pari in Ordinem nostrum propensione affectuque struxisse circa hunc annum, & legibus nostris addixisse Vivariense illud celeberrimi nominis Cœnobium Magnum illum V. C. Cassiodorum, vere, & convenienter annis gestisque ejusdem Antonius noster de Yepes habet. Nos plura de Cassiodo-

doro, quando se in Monasterio eodem, Deo, tantæ gloriæ Princeps, quem in vi-
variente à conditum pellexerat, & pluri-
bus etiam annis sub legibus iisdem con-
vixerat, quorum nos paucissima hic sub-
denda censuimus: *Scripturas* (de Diony-
sio inquit Cassiodorus) *Divinas tantæ cu-
riositate discusserat, atque intellexerat, ut un-
decunque interrogatus fuisset, paratum habe-
ret competens, sine aliqua dilatione responsum.*

Qui mecum Dialecticam legit (in Cænobio
intellige, vetustissimo Monachorum in-
stituto, & usu, quod alibi, fusc proba-
vimus, & Historiarum vel leviter peri-
tis, evidentissimum est) & *in exemplo
gloriosi Magisterij, plurimos annos vitam su-
am, Domino præstante transiegit. Pudet
me de consorte dicere, quod in me nequeo repe-
rire. Fuit in illo cum sapientia magna sim-
plicitas, cum doctrina humilitas, cum facun-
dia loquendi parcitas &c. Interventat pro
nobis, qui nobiscum orare consueverat: ut cu-
jus hic sumus oratione suffulti, ejus nunc pos-
simus meritis adjuvari, &c. Qui tanta La-
tinitatis, & Græcitis peritiis fungebatur, ut
quoscunque libros Græcos in manibus acciperet,
Latine sine offensione transcurreret, iterum-
que Latinos Attico sermone legeret, ut crederes
hoc esse conscriptum, quod os ejus inoffensa ve-
locitate fundebat, &c. Paschali Cyelo,
sed & tralatis è Græco Canonibus, præ-
cipua autem in primis Sanctitate de Ec-
clesia universa meritissimus. De præcla-
rissimis ejus scriptis plura, & dignissima
memoratu, nisi compendium non ad-
mitteret, ad manum effluerent, videat-
ur etiam. *Ant-de Tepest. i. cent. i. Trithem.
Hieronym. Platus.**

A. C. 551.

S. P. N. 71.

QVAM prodesset mundi, hujus seu
naufragis, sive periculorum saturis,
tutissimus, & quietissimus vitæ Mona-
sticæ portas, subistum jam annum, et-
iam Reges testati suo exemplo sunt,
quando plures Regni, & honorum di-
gna nausea, fastidientes, cellulæ dulcedi-
nem quæsierunt, inveneruntque tantam
sacra cum voluptate, etiam utilitatem,
ut ea eorum solum numero, qui habenas
imperii, & fasce tractaverunt, aliquot
supraviginti, inter consecratos sive Ca-
nonizatos, ut vocant, præter eos, qui
pari honore, & opinione celebrentur,
dignissimo sanè regibus exemplo, nume-
remus.

Hoc anno Sanct. Clodoaldus Clodo-
miri Aureliorum Regis filius, & Sancta

Tichildis sive Chendéchildis Clodovæi
magni filia, cucullo dignius, quam au-
ro, & purpura exsplendueret; quos sæcu-
lis consequentibus tanta Regibus nato-
rum, etiam unicorum, & primogeni-
torum, multitudo est consequuta; ut ho-
rum, verè expertorum exemplis, ridenda
planè, cum omni Regnorum opulentia,
sæculi vanitas, manifeste comprobetur.
Floruere item diversis provinciis multi
ex ordine nostro viri perfecti: Sanct. Li-
phardus præ aliis hoc anno, ex Mona-
cho Magdunensi apud Aurelios, dein
Abbas, in Gallia, in Scotia Sanctus Con-
vallanus, & ipse Abbas Insulæ Ionæ, u-
terque eximiis meritis commendantur:
Tepest, Trithem, &c.

A. C. 552.

S. P. N. 72.

UNiversi oculus in Italiam defixus, ob
admirandam Monachorum nostro-
rum sanctitatem, sed & per Galliam San-
cti Mauri opera, & auctoritate, tanta
multitudine cænobia ope, & facultati-
bus piorum surrexerunt, quanta Aleman-
niæ juxta, Galliæ; atque Britannia si-
mul juxtaque sufficerent. Vnde colo-
niæ quamprimum ductæ, provincias et-
iam eadem opplevèrunt. Sanè in Fran-
cia solum Maurum centum supra, & se-
xaginta monasteriorum conditorem, ve-
terum monimenta asseverant, præter ea,
quæ suis, aut vetustioribus obligata legi-
bus, in Benedicti Regulam, primis sta-
tim à Mauri adventu annis, juravere.
Meminit hujus successus in Divi Majoli
vita, etiam Odilo noster, quam Surius
tomo tertio, Maii undecima inseruit:
*Post Sancti Benedicti migrationem, per Bea-
tum Maurum illius discipulum, omnis pene
Gallia ejus institutionis & Religionis instituta
suscepit.* (Canonicorum nimirum quæ-
dam, & Clericorum, sed & monacho-
rum collegia, ubi tanti à Regibus suis fi-
eri, sed & esse nostros, planius animad-
vertere) *atque per eundem Maurum, eosque
quos ille ad justitiam erudit, per longa tem-
porum spatia, eadem Religio ad perfectionis
cumulum crevit, &c.* Primum vere, ac
præcipuum, quod nostræ se Regulæ, &
Mauro Galliæ Generali subdidit, mo-
nasterium Sanct. Martini, vulgo Ma-
jus dictum, fuit, cænobium si qua rea-
lia, exuviis ejus, cujus nomen gerit,
Magni Turonensium Pontificis, longè
felicissimum, Martino utique ipso agen-
te, Patriarchæ nostro Benedicto com-
mendatum, quod singulari, dum vive-
ret,

ret, in Martinum amore, atque observantia meruisset. Protulit Archisterium hoc, cum sibi subditis Cœnobiiis, novos quamprimum novis auspiciis fructus, & plurimas dein Sanctorum copias, & à primis statim annis Sanctos Venantium, Leobardum, sed & veterem nostrorum instituto, in proximo Virginum. Parthenone Monegundem aluit, alioque de Ecclesia Regnoque Galliarum longè meritissimos: de quibus legendi *Yepes* tomo I. *Greg. Tur. VVion. & alij.*

A.C. 543.

S.P.N. 73.

SPECTACULUM factus mundo, & Angelis, & hominibus, hoc maximè tempore orbem intolenti fama implevit M. Aurelius Cassiodorus noster, Vivariensi condito à se in Cœnobio Monachum professus, quem sumis defectum honoribus, irrisu eorumdem omnis posteritas æternum commendabit. Is nobilissimo ortus genere, eruditione, rerum gerendarum dexteritate, supra fidem, & præconiū omne excelluit, primum comitiva rerum privatarum, deinde largitionum sacrarum insignitus est: insuper præfecturis provinciarum Siciliae utriusque Brutiorum atque Lucaniae potitus, Patriciatus postea sublime suggestum cōscendit. Palatinae item quaesturae munere functus, crevit in magistrum officiorum, mox præfecti prætorio grandi honore actus, verticem denique dignitatum, *Consulatum Urbis* meruit.

Sed nostrorum solida virtute motus, accipiens, susque deque habenda omnia censuit, dummodo ista potiretur, & Vivariensi Cœnobio constructo, quo nostris in id accitis familiariter ureretur, adeo paulo post, ubi solidiora Religionis Monachicæ bona penitus dignovit, periturorum bonorum atque honorum fastidio occupatus est, ut cucullum illico sit amplexus, quo æterna, & digna animo felicius assqueretur. Baronium audiamus: *Sed ratio temporis à nobis exigit, ut doctissimū illum, & æque sanctissimum virum, decus Romana Nobilitatis, præfecturis innumeris diutius illustratum conveniamus Aurelium Cassiodorum, non otiosum illum quidem, licet feriatum agentem in Monasterio, quod exstruxit: ubi velut in portu residens, post naufragia Regum Gotthorum, quorum Regna Prætoria præfectura curarat, DEO, & litteris vacans, reliquum vite tempus, ad obitum usque semper aliquem fertilissimi ingenij partum edens, effatam licet annis, secundam frugibus senectut-*

tem ducebat, &c. Et paulo post: Vi autem tanti viri memoria nostris Annalibus pressus inhæreat, &c. quæ sunt reliqua recolamus; ne, qui nobis scribentibus quamplurima suppeditavit, suumque sæculum mirifice illustravit, ipse obscurus prætereat, (ecce quantum se debere agnoscat uni Monacho Baronius, quid primum omnibus omnino orbis universus, à quibus solis ferè, litterarum, librorum, & Historiarum omnis thesaurus est reservatus.) atque ingrata nimis oblivione sepeliatur inglorius.

Quis igitur à tempore Theodorici Amali Regis, usque ad Vitigemtidem Italia Regem, apud ipsos Gotthorum Reges florentissime vixit, summis semper honoribus auctus, exsaturatus ad nauseam usque continuatione amplissimorum magistratuum quoturbulentius mundi pelagus magis expertus est, eo libentius tenui cymba, contulit se in solitudinem, exoptatum diu portum tranquillitatis, nempe in Monasterium à se constructum, de quo ipse pluribus in libris de divinis lectis meminit, &c. Hucusque Baronius. De Monachismo ejus Benedictino præter plurimos alios: Antonius de Yepes, Trithemius, Hieronymus Platus, Carolus Stengelius, &c.

A.C. 554.

S.P.N. 74.

NE Hispaniarum Regna, pro sua in Ordinem nostrum singulari propensione, nihil itidem singulare reciperent, præter doctrinæ, & sanctitatis illustrissima, & frequentissima exempla, Sanctissimus Vincentius, Hispaniae nostrorum numero *Protomartyr*, qui strenuus in conversione Sancti Ermenegildi, Leoyigildi Regis filii, Sancto Leandro nostro cooperator, jubente eodem impio Rege, ab Arrianis ob Catholicæ fidei defensionem Martyrio coronatus, sanguine suo, merita sua præclare insignivit, Hispanias irrigavit. Fuit Monachus, & Abbas S. Claudii Legionensis. Videantur *Anton. de Yepes, Arnoldus, Franciscus, Yuannes, Prudentius Sandoval, &c.*

Gallias illustrissimis sanctitatis radiis illuminavit Sanctus Carilephus, primus Aninsulæ Abbas, quod dein Cœnobium ob præclarissima ejusdem sui Antistitis merita, Sancti Carilephi nomen meruit, & plurimos rarissima virtute, Divos Cælo, Galliarum Patronos edidit. Fuit Carilephus discipulus S. Adjuti Abbatis. Vid. *Yepes, VVion, alij &c.*

Floruit hoc eodem tempore in Italia Sanctus Isaac Syrus, Græcus utique primum Monachus, sed qui sub Regula San-

Sanctissimi Patris nostri excitato Coenobio, eidem, novo instituto, Abbas prae- fuerit, & multis virtutibus Italiam egre- gia illustraverit. De eius gestis legendi, *Sanctus Gregorius libro Dialect. 3. Trithem. de viris illustr. Ordinis nostri, Annales Tepe- sti, &c.*

Obijt hoc anno Magna illa Franciae Regina Clotildis, Clodovei Magni uxor, Chilperici Burgundiae Regis filia, quae à morte mariti, prope Divi Martini Tu- ronicæ civitatis, in sacrarum Virginum Parthenone inclusa, Religiosis operibus addicta, multis annis vixit. merita de- nique felicia hæc tempora attingere, quibus Mauri adventu Gallia egregie re- floruit, ut & ipsa novis adstricta legibus, suprema senecta, Magni Patriarchæ no- stri filia renasceretur. Ejus ope primum, Maurus plurima Coenobia condidit, i- plam vicissim per suos ad summam vitæ perfectionem promovit, ut in vita post- que mortem plurimis prodigijs efflore- ret. *Ex vita, &c. & div. rer. Gall. Script. Fundator hoc ipso año celeberrimum, & Sanctissimum illud S. Iuliani Martyris, A- galliense Coenobium, in gratiam S. Eu- phemij nostri, Sanctissimi patriarchæ, & Legumlatoris discipuli ab Athanagildo Rege constructum, de quo S. Marcus Ma- ximus Cæsar Augustanus his verbis: Aera 592. Athanagildus Rex in planitie suburbij To- letani adificavit Monasterium Ordinis Sancti Benedicti in honorem Sancti Iuliani apud A- vernos passus, dictum Agalliense, ab Agallula vil- la propinqua, quod distat minus quam 120. pas- sus, ab Ecclesia Prætorienfi SS. Petri, & Pau- li, inter Occidentem, & Septentrionem situm, & sibi constituit primum Abbatem, Sanctum virum Euphemium, qui postea fuit vocatus, ad primam Toleti sedem, &c.* Nobilitatem hujus Monasterij extollit summo opere Ie- pesium, & vocat, *Seminarium Toleti Archie- piscoporum.*

A. C. 555.

S. P. N. 75.

NE sola Germania in communioribus plausu Benedictina semente, & fru- ctu careret, & destitutam se omni solatio gemeret, non diutius distulit bonum nu- men iplam quoque juvare, & à feritate, quatunc universa ferè laborabat ad hu- manitatem traducere. Ita ut Germania penè universa, (quod suo tempore reapte videbimus.) Magno Patriarchæ nostro debeat, non tantum Christianos se, ve- rum homines alere, tanta tunc vastitate,

A. B. pars I.

sive legibus sive urbibus, ea Regna jacue- rant. Gloria hæc primum Casinò de- bebatur, proin Leobardum ante alios, Sanctissimi Patris nostri discipulum Ger- mania suscepit, dein VVandelinum, de quo supra, utrumque Apostolorum labo- re meritissimum Disibodus exin, Hyber- norum Episcopus, invidentia suorum se- de pulsus, in Germaniam, dirigente Deo sub hoc tempus appulsus, hanc gratiam hospitæ terræ retulit, ut Coloniam Mo- nachorum nostrorum ei excolendæ ad- duceret, quoad è Gallijs denique Scotia, Anglia, Hybernia, justis Monachorum ex- ercitus affluerent, & provincias Ger- maniae omnes, admirando proventu fru- ctuum verè beatas redderent. Sed san- ctissimam nostram de Disibodo. Hilde- gardem audiamus, *Spiritu Divino dictante, hæc ipla quæ subjungimus prodentem: Agente autem Spiritu Sancto, omne animi sui studium. (Disibodus.) & voluntatem, ad vi- tam, & doctrinam Sancti Benedicti, qui jam ad DEVM transierat, & quosdam Beatos viros, sanctæ Institutionis suæ fideles ministros, iis temporibus adhuc superstites reliquerat, appu- lit: & ad longinqua loca, ubi ea institutio Reli- giosæ, & sanctæ colebatur, nuncios misit, sup- plices preces offerens, ut quidam ad ipsum ve- nirent, vineam Domini Sabbaoth, ad præscri- ptum doctrinæ B. Benedicti plantaturi. Ise- nim Sanctus Pater Benedictus, Regulam, quæ spiritualibus hominibus esset accommodata, & Sanctis viris Sancto Spiritu docente, & osten- dente, condiderat. Ita ergo quamplurimos Beatos Disibodus ejusmodi instituti, & con- versationis viros Religiosos ad se adduxit, qui- bus etiam oratorium, & congrua domicilia, in montis supercilio, propter difficilem, & ardu- um accessum, contra Orientem construenda cu- ravit, ne adventantis populi strepitu intertur- barentur, &c.* Pergitque atque hac ratio- ne effectum est, ut beata illa congregatio, annis duodecim ad quinquagesimum numerum us- que perfectorum fratrum. (quanta tantillo tempore meritorum, & fructuum accel- sio facta Germaniæ à tot unius Coenobij perfectis.) excreverit, illa enim tempestate, pauci hujus instituti homines visebantur. (no- stris nimirum eousque in Italia, Hispania, Gallia, Scotia, Anglia, Hibernia, Ori- ente, &c. occupatis, & solo Leobardo, in tantam Germaniæ messem non sufficien- te.) Nec quisquam vitam hanc, nisi probatus aggrediebatur, sed Spiritus Sanctus, qui con- gregationem hanc plantaverat, etiam rigavit eam, perinde ut ros solet, in pingue solum deci- dens, ita ut fratres in ea sub Monastica discipli- na vi-

C

na vi-

na viventes, de virtute in virtutem proficiscerentur. Ita Hildegardus.

A. C. 556.

S. P. N. 76.

INCREDIBILI, pro meritis, in nostros propensione, Childebertus Rex, ut quomodocumque eandem explicaret, innumera in Cœnobia nostrorum beneficia profudit; hoc verò præcipue anno, celeberrimam illam Parisiorum Basilicam Sancti Vincentij, addito cœnobio amplissimo extruxit, & Regia planè munificentia locupletavit. Sacravit magnum illud, & eximium Ordinis Benedictini decus, Sanct. Germanus, (à quo dein locus ille nomen invenit,) ex Abbate S. Symphoriani, Parisiensis Episcopus, qui ex cœnobio illo suo (quod, etiam Episcopus, nunquam deseruit,) Beatæ memoriæ Auctarium locò gubernando concessit. Potentissimum ad hæc usque tempora Cœnobium, sed cuius patrimonium ut, & plerorumque Gallia, alienigenæ indigenæ vorent, ut testatur doctissimus Breulius: *Nunc domus nostra, inquit, Abbate caret, sed non receptare, eoque Principe Liligero.* Effulserunt enim ex hoc loco, tanta Ecclesiæ Gallicanæ lumina, quæ universo suffecissent, primis præcipue annis præter Auctarium egregia virtute Antistitem, Sanct. Droctoveus, Sanct. Babolenus, Scubilio, & ex Abbatibus plures, ut cæteros prætereamus, qui cellula quiete multo feliciores, exemplis tamen mirandæ Sanctitatis, prodesse, & præesse tantorum sæculorum continuatiōe non desinunt.

Claruit eodem tempore, S. Briocus, Sancti Germani item discipulus, & ex Sancti Vincentij Parisiensis. Monacho, Sanvinctianæ sedis in Minore Britanniā Episcopus, cui ex in Sanbriocanz nomen perpetuum mansit, ea nostrorum apud omnes auctoritate, ut plurima orbis loca nostris non opem solum, sed nomen, & a nomine celebritatem sempiternam acciperent. Meruit autem de Gallia immortaliter Briocus à cuius extrema ac nobili Religione Armorica, verbo prædicationis, & exemplo vitæ potentissimo Idololatriam profligavit, & multum populum Christi Regno adjunxit. *Rob. canalis period. 6. Yepes. Hist. Gall. &c.*

A. C. 557.

S. P. N. 77.

HIBERNIÆ præ aliis Regnis, & provinciis, hoc in primis anno notandus splendor venit, qui post acceptam à no-

stris legem Patriarchæ nostri, usque adeo densitatem tenebrarum in remotissimis regnis flagellavit, ut ad intolerantiam lucis, omnes obstupescerent, alterius deinceps orbis, ignoti eousque incolæ, de eodem liberalissimè communicarent. Et quantum orbi utilitatis, Cœlo ornamenti accesserit, ex tanta multitudine perfectissimorum Monachorum, quis dignè unquam, aut latè explicet? Fuisse sanè Monasteria, in quibus duo, aut tria Monachorum millia Deo inservirent, plurimi, & fide dignissimi Authores habent. Nos, quid potuerint cōiuncti horum, seu alternis vicibus continuati gemitus precesque expendamus. De multitudine horum: *Videantur sepe sus noster, hoc anno, tomo 1. Hieronymus Platus l. 2. S. Bernard. Vit. Malach. &c.*

A. C. 558.

S. P. N. 78.

THEOBALDO Aurelianorum, & Australiæ Rege, egregio Sancti Mauri, & nostrorum fautore mortuo, ex Provinciæ Clotario obtigere, qui pari nō solum benevolentia Ordini nostro favit, sed Regni curam ac negotia cum Mauro ac Monachis ita partitus est, ut nihil fere, quam pro eorumdem arbitrio ageret, summisque eas honoribus, & beneficiis, quotidiana penè largitione plequeretur. Quantum suadente Mauro, per Regna hæc mali aversum, boni institutum, nemo facilius, & certius, quam qui de Mauro, ut æquū est, de Admirabilis Patris nostri selectissima cordis portione, sentiet, & judicabit. Propagatus ab eodem mirificè Beatissimæ Matris Virginis, cultus, & Sacratissimi ejusdem Psalterii usus, instituto Benedicti Patris, summo Regni Gallici bono, fidelibus longe, lateque commendatus est. Leg. Yepes, Alanus, &c. Subscripsit, hoc fere anno, an priore, Legibus etiam nostris, & institutis per Sanctissimum Maurum Glanotoliensi Congregationi se aggregavit, nobilissimum Lerinensis, Insulæ Monasterium, quod ex eo statim tempore, multo celebrius, & Sanctis viris frequentius, id nominis in hodiernam usque diem meruit, ut Sancta Insula diceretur. De Sanctis, qui illic ingenti numero floruerunt, & odore sanctitatis nō solum, sed & eruditionis fragrantissimi, universum impleverunt, cōsulariur Chronicō Lerinense, Ant. de Yepes, Wion 29. Maij, &c. Additū sub hæc tempora nostris Agaunète S. Maur. Asceteriū: Yepes noster, & alii meminere, certum

tertum, non multo post, sive ante Congregationi Glariofoliensi accessisse. Ex eo autem quam Illustres viri prodierint, indignum arbitramur, brevi hoc syllabo potius quam libro, vel quidem nominasse. Illud perpetuum ab hoc feret tempore, quo Sanctus noster floruit Marculphus Nantuum Abbas, celeberrimum sanè prodigium, quo Gallorum Reges, in hodiernam usque diem strumas curant, ejusdem Sanctissimi viri meritis debere, & grandis ad laudum Ordinis nostri Benedictini cumulum accessio est, uti & Francici diadematis, & honoris per egregia, & æterna commendatio. Videantur Papirius Massonus libr. 3. de S. Ludovico, Surius Tomo VII. Maij 1. Antonius de Yepes, VVion. 25. Apr. & nos tom. I. SS. Ord.

A. C. 559.

S. P. N. 79.

CLaret magnus ille Abbas Novaliciensis Sanctus Leonardus noster, de cuius meritis continuata tot sæculis memoria testatur, & infinita toto terrarum orbe ejus nomini, & honori, dicata, templa, statua, altaria, verè unicum afflictorum, & captivorum solatium. Floruit eodem omnino tempore, nec minore Sanctitatis opinione, nomine, ut celebritate par, Sanctus Leonardus Abbas de Vandopetra. De quo vide Vincentium in speculo Hist. lib. 21. c. 82. Trithem. lib. 3. c. 45. Ant. de Yepes tom. 1. VVion. c. 6.

A. C. 570.

S. P. N. 80.

FERTILISSIMUS Sanctorum hic annus; ampliorem requireret campum, si explicandus. Meritus de universo admiranda vitæ sanctitate, & Apostolici muneris functione de remotissimis provinciis, Insulis ex eo primum tempore verè Fortunatis, quas hodie Canarias appellamus, Sanctus noster Abbas Maclovius, qui in ea primum loca lacrae fidei semina intulit, & admiranda illic patravit, quæ in hodiernam usque diem Patronum suum Tutelaremque venerari Canarienses, Gózaga lib. de Orig. Seraph. Ord. & Honorius noster Philoponus in sua novi orbis navigatione attestantur. Nec minor S. Brandani hoc eodem tempore fama, quæ, Maclovii Magistrum, & Insularum primum Inventorum honoris causa, prius oportuisset nominasse; qui trium millium Monachorum in Britannia Abbas, non sat habens, tot tantisque benefacere, septem annorum difficillima, & periculosissima navigatione cum quatuordecim Monachis sulce-

pta sollicitè circumspexit, si quos exerrantes veris pascuis, Christiano gregi optimus pastor aggregaret. Legantur præter citatos Sigebertus Gemblacensis, maurolycus Abbas Messanensis. Wion, Yepes, &c. Inter plurimos alios præcipui effulserunt hoc ipso tempore Sanctus Vigor Bajocensis Episcopus, Sanctus ab Angelo, etiam antequam nasceretur prænunciat, de quo Trithemius, VVion, Claudius Robertus, &c. Sanct. Domitianus, de quo cit. VVion, & Trithem. Sanct. Liphand, de quo Yepes, &c. Sanct. Theodoricus, Sanct. Ebrulphus, Sanct. Scubilio, S. Briocus, S. Paternus, S. Vrsus, S. Leobadius, S. Basolus, S. Ioannes Abbas, viri longè meritisissimi, quorum laudibus, quia indulgere non licet, compendio huic ipsi subira-scimur. Videantur citati, Annales præcipue Ord. Hisp.

Casini, hoc ipso anno diem obiit suum, & Admirabili Patri suo in cælis triumphanti se addidit Sanctissimus Constantinus, primus ab ipso Casini Abbas, qui recens adhuc Ordinis Institutum latius propagavit, erectis plurimis apud exterarum nationes Monasteriis dignus magno illo honoris titulo, quo maximus à Petro Romanorum Pontifex, Gregorius noster Primus ipsum honoravit: Reverendissimus valde vir, universo huic tanto magis suspiciendus. Successit Sanctissimi Patriarchæ nostri alius discipulus, Sanctus Simplicius, vir præter integritatis egregium nomen, etiam à literis plurimum commendatus. Vid. Marc. Ant. Scipio Monachus Casinas, Leo Ost. & nostri serè omnes. Felicitatem Cœnobii hoc etiam anno plurimum commendaverunt, quia Regnis amplissimis prætulerunt, S. VVeinfredus Conani Scotiæ Regis filius (sanctitatis multo potius titulo, quam Regni, beatus) Ingertrudis ite Clotarii, & Cordilla Chereberti Francorum Regum filia, ipsa propè Divini Martini, hæc in Sanctæ Crucis Pictavis Ordinem nostrum professæ. Ex cit.

A. C. 581.

S. P. N. 81.

SANCTI Mayni, celeberrimum hoc anno in Minore Britannia, nomen, & tantum fuit, ut statim à morte ipsius, quod ipse præstantissimum inter alia condiderat piorum ope ac opibus Divi Ioannis Baptistæ honori Monasterium, quo honori tanti viri, æterna memoria Britannii consulerent, & gratiani immortali pignore ejus merita revererentur, deinceps Sanctæ Mayni appellarent. Quod ab eo

etiam tempore multo honoratius non solum opulentiufq; sed sanctitate præcipue, præcipua inter Britannia emicuit adeo magni, isto nomine, habitum, ut opulentissimi Reges, de quibus suo loco, Iudicæ I. Iudicæ II. Salomon &c. eidem Regnū, Regniue voluptates, & opes longissime postpōnerent.

In Hibernia sub hæc tempora, tanto numero, sed & Religione, & sacro rigore, crevere cœnobîa, ut Hiberni omnes, omnino *Monachizare*, imo Monachi esse, non fore judicarentur. Sanè, quod de Lerinensi Insula paulo superius, de ista tanto potius, quanto amplior patebat, Titulus *Sanctæ* decantaretur. Mansit in hodiernam usque diem, profundissimis radicata radicibus, & per nostros instillata pietas, in animis Hibernorum, qualem Apostolico quotidie exemplo, viri nobilissimi, & meliore fortuna digni (nisi istum singularem eorumdem commodo DEVS distulit) in montibus, & speluncis latentes, egentes, angustiat, digno æternitate omni cōstantia, & magnanimitatis clypeo peregre gredientur, nostrorum iuxta merita, & primi laboris fructum universo repræsentantes. *Ex fidele relatione Hibernorum, virtute, genere, & eruditione spectatissimorum, Steph. vito, &c. Hist.*

A. C. 562.

S. P. N. 82.

Magnus ille meritis maximis Pōtifex, Sanctus Samson, orbem, velut novum è coelis Sydus, illuminat, ea apud summos infirmosque auctoritate, ut maximi illum Reges humillimè venerarentur. Elevatus ad Pontificiam dignitatem, non plebis solum favore, sed Concilij totius Parisiensis auctoritate, & consensu, ex Abbate, & Monacho Dolensis cœnobii, primus, eodem nomine *Dolensis Metropolitæ* consecratus est. Quæ laus Benedictinorum longè maxima: amplissimos, & potentissimos præsulatus, & Archipræsulatus, eisdem Orignem non solum, sed, & opes, potentiam, auctoritatē, famam, nomen deniq; ipsum debere. Argumento sunt plerique per Angliā præsulatus, Hiberniæ, Scotiæ, &c. permulti; Germaniæ denique longè celeberrimi: Magdeburgensis, primatus Moguntinensis, Salisburgensis, Bremensis, &c. Archiepiscopatus: Herbipolensis, Erfordensis olim, Frisingensis, Argentinenensis, secunda Instit. VVerdensis, Eistertensis, pluresque alii Episcopatus, qui pro eo sanè, & longè pluribus aliis, multorum continuatione

sæculorum beneficiis, Ordini nostro æternum obstricti sunt atque obligati. Fuit idem Samson, Apostolicus sanè vir, cum S. Machute nostro, pro disseminanda Christi fide multas gentes, & provincias pervagatus, idem eo nomine de Armorici Britannis benè meritis, quo, cum S. Maino Abbate accessit, & Dolense Cœnobium condidit, cuius nunc diximus Episcopum ordinatum. De cujus Spiritu quo regebatur faciliè omnibus innouit. *Sedente namque illo in Cathedra*, inquit vitæ scriptor antiquus, *omnes qui ibi astabant, viderunt columbam super eum cœlitus emissam, vocem cōsuetam reddentem; atque super caput ejus tam diu immobilem stantem; quoad totum officium Completum est.* Celebrante autem illo eodem die (de solemni inauguratione ejus loquitur.) *Missarum solennia, coram omnibus, visum de Dubritio Episcopo, & aliis duobus Monachis, ignem de ore ipsius, & naribus emanare; atque, quod est mirabilius ex illo eodemque die, ad felicem vitam suam finem, quando Missarum solennia agebat, Angeli DEI ministri ei semper adstant, &c.* Ut nulla latius posteritas mirari possit tanta nostrorum exempla Episcoporum. De Sancto Samson vid. Trithem. de Vir. Illustr. Ord. lib. 3. cap. 41. & lib. 4. cap. 46. Robert. Cænal. lib. 2. Vincent. in Spec. l. 2. VVion. l. 1. Yepes Tom. 1. &c. Data hoc anno reperitur à Childeberto Francorum Rege Pragmatica Sanctis de bonis à se donatis Ecclesiæ, & Monasterio nostro Sancti Vincentij, quæ superius ipsum struxisse sumptuosissimè meminimus. Veneratur illud Donationis scriptum, ut *memorabilis antiquitatis monumentum* Cæsar Baronius, & Annalibus suis inserit apud quæ requiratur. Locupletavit Basilicam eandem pretiosissimis Sanctorum exuvijs Sanctus Germanus noster, quarum præcipuas, (eam ob causam Hierosolymam profectus) ab Imperatore Iustiniano retulit, de quibus nos in Ephemeridibus nostris, seu Calendario tripartito, quo, præter Sanctos ordinis nostri *Canonizatos*, alia serie, *Beatos*, sive Sanctorum ab Ecclesia universa receptorum necdum syllabo intertos: tertio denique *Sanctorum cujuscumque Ordinis ac status, in Cœnobiis tamen nostris conditorum*, memoriam inferimus; quorum sanè copia tanta est, ut præcipuorum toto orbe Sanctorum nobilissimæ exuviæ, magna ex parte apud nostros quiescere videantur, & Sancta Romana Ecclesia pro meritis Monachorum, sibi tot annis, & sæculis præcipue collaborantium,

tium, de Thesauro suo, Ordini dignissimo, liberalissime communicans, eo ipso merita ejusdem, æterno sanè monimento lequuturis quoque sæculis, quam manifestissime observetur commendasse. Præfert citatum à nobis, prolatum à Baronio Instrumentum seu Diploma, magnam sanctitati Germani nostri Parisiensis Episcopi, orbi universo propalandæ, facem; in quo, viventem etiamnum Childebertus Rex, Sanctissimum Parisiorum Urbis Pontificem, dignissima sanè appellatione veneratur. At quam profuerit Regi, Regno, immo illuxerit universo Germanus, præcedente anno commemoravit idem Baronius; his verbis: *Quod vero pertinet ad Sanctum Germanum: ipsum ex Abbate Monasterij S. Simphoriani, sanctitate vita, dignis moribus, & miraculorum editione præstantem, præcedentibus prophetiis vocatum ad regimen Parisiensis Ecclesiæ, Fortunatus Pictariensis Episcopus tradit, qui res ab eo præclare atque mirifice gestas enarrat. Sed & de Ecclesiæ Parisiensis felicitate, qua sub eodem S. Germano polleteret eleganti carmine ad Clezum Parisiensem inscripto Venanti⁹ Fortunatus cecinit:*

*Sub duce Germano felix exercitus hic est
Moses tendens manus, & tua castra juva.
Cuncta planè, pergit Baronius docuerunt,
maximo Dei beneficio, his calamitosi temporibus, erectum esse in sedem Pontificiam tantum Antistitem, cujus Virtutum fulgore, non Gallia solum, sed universus orbis occidentalis; illustraretur, proficerentque omnes tanti viri monitis, & exemplis. Inter alios autem, quantum sub eodem Antistite Childebertus Rex Francorum pietate enituerit, plura sunt exempla & egregia monumenta, atque imprimis Basilica, quam Sancto Vincentio, ipso Germano hortante construxit, &c. de Eleemosynarum vero copiosa largitione, Fortunatus, &c. habet his verbis: *Quæ inquit eleemosyna tam de rebus Ecclesiæ, quam populi oblatione, vel Regio munere, per manus ejus sanctificata sint, solus ille, qui omnia scit, novit, & numerat. Denique quadam vice præexcellens Dominus Rex Childebertus, cum ei direxisset sex millia solidorum, pauperibus eroganda: expendens tria millia, revertitur ad palatium. Interrogatusque à Rege, si adhuc resideret, quod egenis tribueret: respondit medietatem resedisse; nec invenisse se inopes, quibus mox totum expenderet. Erat spectanda contentio inter sacerdotem, & Principem: faciebant apud se de misericordia pugnam & de pietate certamen. Hæc Fortunatus. Addit Baronius: ut plane fuerit experimento cognitum, ubi sacerdotes**

Sancti, digne numeros explent suos, Reges sponte se illis suaque bona subicere, secundum vulgatum illud Machabeorum: Propter Omnia Pontificis pietatem, & animos odio habentes mala, fiebat, ut & ipsi Reges, & Principes locum summo honore dignum ducerent, & templum maximis honoribus illustrarent. Hæc Baronius; nec brevius nos de Germani meritis potuimus.

A. C. 63.

S. P. N. 83.

SUB hunc annum memoranda, quæ in cænobio dignius, quam in summis Magistratibus præclare gessit Magnus Aurelius Cassiodorus noster, qui tantus olim consul, vili cucullo tectus, etiam Ludimoderatorem inter Monachos suos agens, admirando humilitatis exemplo, etiam prima elementa, & rudimenta litterarum edocere minime est dedignatus. Sacra Baronii verba audiamus: *In quibus omnibus, (enumeraverat eius ingenii, de quibus nos interius monumenta. Sanè admirari non desino doctissimi viri incredibilem animi demissionem facti, secundum Apostolum omnia omnibus; etenim non quæ sua sunt querens, sed aliorum prima etiam rudimenta in decrepitate atate Monachos veluti pueros docere voluit, & tanquam puerorum manum tenere, & ad characteres rectè formandos ducere non recusavit, &c. Et Paulo post: Sed quid postea? Num hic finis ejus didascalie? minimè gentium. Etenim post hæc, quos rectè scribendi facultatem docuit, eosdem ante Grammatica reddere voluit diligenter exultos; dum eisdem de eadem Grammatica librum conscripsit: sed & postea de Rhetorica brevè adjecit compendium; de Dialectica etiam copiosius volumen, nec non de Arithmetica, de Musica, de Geometria, & Astronomia, non evanescens quidem in Philosophorum sententiis, (observatione dignissima periodus) sed de ea persecutus, quæ lectorem sobrium reddant, ac pium, &c. Ad postremum autem libellum addidit, de Paschali computo, &c. De quo hic, & sæpius multis Baronius. De scripturis etiam intelligendis suos edocuisse idem ibidem commemorat, & de se ipso testatur Cassiodorus; cujus dein docendi institutum, & publice, & privatim, diversis toto orbe cænobiis, eo successu fructuque sunt imitati monachi nostri ut videatur, Servata Rei litteraria corona, & tanta unis illis, post tantas Reipub. clades, orbis calamitates, & longissimam deploRANDAMQUE vastitatem jure merito deberi, sicut grati animi est signum, à viris doctissimis, eisdem deferri. Baronius cit. Idpes, Steng.*

A.C. 574.

S.P.N. 84.

VItæ rigore, & exacta integritate, sed & miranda prodigiorum fama celebratur hoc anno Sanctus Paulus, ex Monacho, Sancti Eltulti Abbatis nostri discipulo, ob meritorum magnitudinem, ad sublimitatem Leonensis Cathedralis ecclesiæ erectus. Neque ejus vacat aut licet magnalia referre, ne, quod jam sæpius contigit, denuo cōtingat, nimium diffuere. Quid judicarent Leonenses sui, de se Paulum Episcopum meruisse, contestati sunt immortalis gratæ voluntatis exemplo, ac memoria, qua Cathedrali exstructa Basilica, eamdem tanti Præsulis sui honoris, & nomini dicavere. Sed neque hoc exteris, si incolis fatis fuit, Ecclesiam ejus nomine nuncupasse, nisi etiam urbem ipsam, ceu habitatione Sancti Pontificis consecratam, sacratiori nomine, Divi Tutelariorum sui (S. Paul de Leon) honorarent. Vt novo jam denuo constet exemplo, alijs deinceps diversissimis provincijs usurpato, plerosque, & spectatissimos Præsulatus, dignissimos ex ordine nostro sibi patronos delegisse, & in hanc usque diem unice, & præcipue coluisse. *De vita Sancti Pauli consule Vincent. in spec. lib. 21. cap. 22. & 23. Trithem. de Vir. Illustr. Ordin. S.P.N. libro 1. c. 48. & libr. 4. cap. 134. Rob. Can. libr. 2. per 6. Petrum in Catal. libr. 3. Tepefium Chron. Tomoprino.*

A. C. 565.

S. P. N. 85.

HEROICUM planè, & æterna dignissimum cōmendatione facinus, quod magna illa Francorum Regina, Clotarii I. Galliarum Monarchæ sanctissima uxor Radegundis, sub hæc tempora, patravit; dum ultimum Regni Gallici Fanum, ad ea usque tempora, cultu sædissimo demonum execrandum, ipsa frementem inter populum, & micantes undique mucrones, immota imperterritaque cremari iussit, & everti, neque prius loco discessit, quàm eversum conspiceret, sed & furorem insipientis turbæ sopiret, eandemque DEO conciliaret. Sed longè majus illud, quod paulo post, & hoc ferè anno, mundo, sibi que ipsi, difficillimum sanè certamen indixit, & obstupescere Gallia, Regno florentissimo potentissimo Regi, eidemque sui amantissimo marito, valedixit. Importunis subinde precibus pulsato Rege, dimitti postulabat, ut, quod in deliciis unum haberet, Monachicum professæ institutum, Christi unius amoris liberius in-

dulgeret; verum furdo ad preces Clothario, ea excogitare cœpit omnia, quib⁹ Regis animum expugnaret. Proin exstructo Pictavis Sanctæ Crucis Cœnobio, favente, & juvante Rege, ea arte permovendum censebat; dum propria ipse munificentia delectaretur, tanto libentius eò concedere, Reginæ annueret. Sed pertinacior experta, obstinationem mariti in corpuscule suo ulciscitur, cilicium ad nudam carnem induta, quo omnem voluptatis venereæ motum, & incursum, iis armis eluderet, quo animadverso Clotharius, ne de die in diem crudelior ibi esset, invitatus tristisque assensum denique præbuit. Illa Novioduni primum, Chinoni dein, postremo Pictavis Cœnobio a se condito, nostris addicta legibus velum assumpsit, & professæ Monasticæ est. De exactissima ejus Regulæ observantia, vitæ admirando prorsus rigore, virtutum omnium amplissima, & absolutissima possessione, sed & miraculorum multitudine, & magnitudine, quavis, tacere arduum, loqui tamen, nec eloqui posse, respuente id cōpendio, indignum nimis est. De stupenda tamen tantæ Reginæ ad infima demissione, quin verbis Fortunati Episcopi aliquid referamus, omittere non possumus: Monachus omnibus soporantibus, calceamenta tergens, & ungens, transmittabat per singulas, &c. De officiis Monasterialibus nihil sibi placuit, nisi prima serviret: & ipsa se castigabat, si bonum fecisset post alteram. Ergo suis vicibus scopans monasterii plateas, simul, & angulos, quidquid erat fœdum purgans, & ante se sarcinas, quas alius horreret videre, nō abhorrebat evehere. Secretum etiam opus purgare non tardans, sed occupanter ferens fœtores stercoreum, credebatur se minorem sibi, si se non nobilitaret servitii vilitate, ligna supportans brachiis, focum flatibus, & forcipibus admovent, calens nec læsa se retrahebat. Extra suam hebdomadam infantibus serviens, ipsa cibos decoquens, agrotis facies abluens, ipsa calidum porrigens, visitabat, quas fovebat, jejuna rediens in cellulam. Illud quoque quis explicet; quanto fervore excitata, ad coquinam concursitabat, suam faciens septimanam. Denique nulla Monacharum de posticio, nisi illa, quantum ligni opus erat, sola ferebat in sarcina, aquam de puteo trahebat, & dispensabat per vascula, &c. videantur longè plura apud Fortun. cit.

Memorandum, & illud, majusne in Re-

ge, an Sancto Germano Archiepiscopo, humilitatis, & in tantam Reginam observantiae argumentum: Vincente carne, non longè post discessionem Radegundis: animum Regis, adeò, ut jam Turonem cum Sigeberto filio, eandem reducturus cõtenderet, comperto, quod res erat Regina, litteras quamprimum ad Germanum, qui cum Rege erat, quã occultissimè destinavit, divina obtestatione plenas: iter ille Regis averteret, & quibus posset modis, aliorum diverteret, quibus lectis, Sanctissimus Pontifex, apud Divi Martini sepulchrum, multis cum lachrymis, se ante Clotharii pedes prostravit, enixissime obsecrans, ne ulterius Pictavos progredetur. Precibus id charissimæ conjugis factum persentiscens Clotharius, affligi quamprimum capit, & mox detestari, istud, in Deo jam desponsatam, cogitare, necdum suscipere se ausum; proin & ipse ad pedes Germani abiectus, humillima prece contendit, pro se, ipse Pictavos quamprimum properaret, & à Radegunde veniam effligeret. Ita factum; ingressusq; cœnobium Sanctissimus Antistes, Regis nomine ad Radegundis pedes provolutus, veniam deprecatus est, facili ad preces illa, quod nec exprimeret, quanto, eo à metu libera, diffuebat gaudio, ob eam nimirum, qua tunc donatam se adverterat, serviendi DEO pleniorẽ iam libertatem. *Fortunatus & Baudomina, &c.*

A.C. 566.

S.P.N. 86.

Meriti, & hoc etiam anno, plurimi de universo ex nostris, quorum virtutis, fama, longè lateq; predicabatur. Inter eos præcipui, S. Tudualus Trecorensis Episc. S. Gildas. S. Winwalocus, S. Ethbinus, Abbat, pluresq; alii. Tudualus contempti etiam sæculi, & blandientis fortunæ irrisu sum opere laudatus, amplissimas opes, & spem Magni Principatus, cucullo posthabuit, quippe Rumulonii ex sorore Põpeia nepos, cognatus Derochi Britanniæ Regis, Monachus audire, & esse maluit, constructoq; Lambalieni cœnobio, ibidem professus Monachum, non ita multo post Abbas, septuaginta duos (sacrato à Christi discipulis numero,) ibidem Monachos aggregas, exemplo iisdem, & verbo illustrissimè præluxit. Verum aliquos post años monasterio extractus, instituto noviter, certè restituto per Derochum Regem Trecorensi Episcopatu, primus Pontifex datus, ita de suis meruit, ut à morte, Princeps Cathedralis Ecclesiæ Patronus deligere-

tur. Ejus memoriã celebrari proximè festum D. Ioan. Iun. mense, & magno peregrinantium concursu applausuq; sed & amplissimis propositis reatum indulgentiis, solemnitissimo in more positum Robertus Canalis prodit, *lib. 2. Rer. Gall. per 6.*

Nec minor de Sanctitate Beatiff. Gildæ opinio, qui minori item Britannia, meritis multum profuit, & plurimis conditis sub lege nostra cœnobiis, multitudini perfectorum, sed & naufragorum solatio, cœpum ingentem, & portum aperuit. Vid. Ant. de Yepes tom. I. an. 562. V Winwaloci, & Ethbini, præter innumera memoratu dignissima, minimè prætereundum, quod illi ex itinere minimè præteriere, projecti in terram scatentissimi ulceribus leprosi, vulnera fovere, & petente leproso, defluentium etiam narium saniem, Winwalocus lingua lambere, & molliter obire, usq; dum pretiosissimo in os Abbat. defluente lapillo, visi Ethbino Angeli cœlo descendere, & Christo, qui leprosus videbatur, occurrere cum his verbis eorum se aspectibus subducenti: *Non vos puduit mei in angustijs meis, nec me vestri pudebit in Regno meo. Hereditas vestra apud me est, & iis, pro quibus petieritis salus in Regno meo.* Ut manifestum fiat omnibus, quantum suis dein precibus, nostri isti meruerint, & mereri, si eorum implorètur suffragia, etiam hodie universo, sive, ut verius loquamur, impetrare possint. Ex vita, &c.

A.C. 567.

S.P.N. 87.

Incredibili successu propagatus in Scotia Ordo noster, Sancto Columba præcipuè rem promovente, ita ut redundante Monachis Scotia, totum ferè terrarum orbem paulo post implerent, & vix provincia superesset, cui non insigni sanctitate, aliquis è Scotia Monachus obtingeret. Qui ita, omnium iudicio, visi sunt de Germania, Gallia, cæterisque Regnis mereri, ut insolenti sanè privilegio, & beneficio excultis, frequentissima passim Cœnobio exstruerentur, quæ unis deinceps, per tot sæcula, Monachis Scotis paterent, & uti meritorum eorumdem, sic gratæ Germanorum memoriæ perennarent monumentum. Profecit non solum hac opera, Columba noster, verum prædicatione assidua, prægnantes sine numero manipulos legit, & obstinatos, longo sanè errore, Pictos, pulchra Ecclesiæ accessione, magna nostrorum laude, Christo adduxit. Cõdidit autem plurima deinceps cœnobio, è quibus totæ deinceps cohortes

Sanctorum Galliae atque Germaniae accesserunt, supersunt autem posteriores eorum usque hodie quamplurimi, etsi nunquam satis dedoleamus, pleraque ab ipsis condita monimenta atque illustria tot egregiis viris Monasteria, sive temporum sive hominum injuria destructa, & desolata perisse. Ceterum pro reverentia tanti viri, Columbæ, tantus deinceps ejus, in quo plerumque habitavit cænobio honor habitus est, & reverentia, ut successoribus ejus Abbatibus, ipsi etiam Episcopi provinciae subiacerent; de quo Ven. Beda noster; *Habere autem solet*, inquit, *ipsa insula rectorem semper, Abbatem, cujus juri, & omnis provincia, & ipsi etiam Episcopi, ordine inusitato, debeant esse subiecti iuxta exemplum primi Doctoris illius, qui non Episcopus sed presbyter extitit, & Monachus, &c.* Adduxit idem Columba secum 12. Monachos, qui, ut Lessæus scribit: *docendo, differendo, scribendo*, in conversione gentis plurimū allaborarunt. Lib. 4. rer. Scot. Extat vita ejus apud Henr. Canis.

A. C. 568.

S. P. N. 88.

Celebrati hoc anno, ex tanto Sanctorum millium numero, Sancti Launomarus, Maglorius, Afaphus, Eugenius, Marcius, Patroclus, &c. singuli singulis voluminibus dignissimi, olim si per vitam licuerit; prolixius commendandi. Launomarus Carnotensis primū in Gallia Abbas Corbionensis exin cænobii conditor; de quo videatur Cl. Robert. in Gall. Christ. Vsuarius, Sigebertus, Molanus, Anton. de Yepes, &c. Maglorii ingens gloria, & tanta fuit, ut Magistro optimo Sancto Samsoni, Archiepiscopus Dolensis (iis quippe ob horum virtutem Archiepiscopalis honor prius decretus, quam eo Turonenses deinceps insignerentur) succederet; sed longe major inde accessit, quando relicto rursus Archipræsulatu, cellula quietem repetiit, & aliud cænobium construxit, in quo innumeris coruscus prodigiis, de morte imminente ab Angelo edoctus, dum benedici ab eodem rogaret, ab Angelo audiit: *quoniam modo ego tibi benedixi, cui benedixit is, à quo Sancti omnes benedicti, & sanctificati sunt.* Extat ejus vita tomo V. Surii. de eodem Tritemius, Vincent. in spec. Cænalis, Yepes, VVion, nos, alique &c. Afaphi nomen, etiam pro sanctitate venerabile fuit; adeo ut ex Monacho Abbas, demum primus ejus cænobii Episcopus, à quo & Episcopatu

Sancti Afaphi nomen æternum mansit, fuerit ordinatus, quem eadem Ecclesia, insigni ordinis nostri honore, eundem Episcopum suum primum, & principem iuxta Tutelarem Divum veneretur. De Eugendo Surius, de Patroclo, ac marcio Sanctus Gregorius noster Turonensis, consulantur, quorum sanè omnium res gestas, multo cum dolore nunc præterimus, aliquando tamen grandioribus voluminibus promendas reservamus; & plerisque jam, dum publici juris fiant, honoravimus.

A. C. 569.

S. P. N. 89.

Magnus ille, & singularis Hispaniarum post Iacobum Apostolum Tutelaris Sanctissimus Aemilianus se sacratissimæ Regulæ nostræ legibus ultro emancipat; satis ipse testatus exemplo suo, quanti ordinem hunc faceret, vir vitæ rarissima sanctitate jam tunc celebratissimus, & à Spiritu Sancto illuminatissimus, quando relicto veteri instituto, ex Eremita factus est præstantissimus cænobita. Ab illò, hoc statim anno, initia celeberrimi illius cænobii Sancti Aemiliani Cogalliensis, vere, Sanctorum, & Pontificum Hispanorum, Seminarii, Domicilii, & Promptuarii, cui temporum decursu aliquot supra centum cænobia subdita, & annexa fuerunt, à quibus omnibus, singulisque quantæ Hispaniæ universæ, imò orbi ex tantorum totque meritis, averla incommoda, commoda promota sint, æquiori, digne expendentis, judicio relinquimus. *Annal. Ord. Hisp. Yep. &c. Cajet. &c.* Ipso anno Aidanus post Kinnatellum factus Rex Scotiæ, à sancto Columba seu Colubano nostro, cognomento seniore, Regni insignia suscipit; felicissimè universis inaugurari visus, siquidem à tantæ sanctitatis viro, ad solum regium eveheretur, & tantum Dei, suum quoque amicum meruisset; à cujus deinceps arbitrio totus pependit, ad omnem pietatem, magnam cum sua, tum Regni utilitate informatus. Neque multo post idem Rex memorabili victoria ejusdem Columbani precibus potitus est, qua non tam militum suorum virtute, & robore, quam ejus cujus se commendaverat patrocinio, de tribus Pictorum Regibus Ethelfredo, Brudeo & Culino felicissimè triumphavit. Ut nihil de admirandis aliis tanti viri Columbani, operibus memoremus. Ioan. Lessæus de reb. Scot. lib. 4. vitæ script. Anon. &c.

A. C.

A.C. 570.

S.P.N. 90.

Fertilissimus Sanctorum hic annus singulis pene per universum provinciis. Ex innumeris paucissimos, eosque sanè maximos, & celeberrimos referimus. Exemplenduere præ alijs, præter eos, quos proximis annis posuimus, Magnum illud Hispaniarum sydus, grande Ordinis nostri decus, Sanctissimus Leander Hispalensis Archiepiscopus; Sanctus verè Amabilis, singulare Galliarum ornamentum, Abb. Arvernensis; sed & in Fundensi Cœnobio, haud impari nominis veritatē Sancte. Felix Monachus; Sanct. Isanus etiam Abb. Divi Eluti nostri discipulus: Sanct. Martius Arvernensis Abbas; Sanct. Hospitius spiritu Prophetico admirandus; Sanct. Desiderius, Sanct. Barontius, Sanct. Spes, prope Nussiam Sanctissimi, & Admirabilis Patris nostri patriam, Abbas, S. Suranus Abbas de pauperibus ita meritis, ut amplius non posset, omnibus sui Cœnobii bonis in pauperes expensis; S. Droctoveus Sancti Germani discipulus, spectata Religione, & admiranda pietate vir. Quorum plerorumque, compendij angustis prohibiti, miranda cogimur tacere, donec pleno olim ore in eorum laudes erumpamus. Consulantur *Greg. Turonen. nost. Trithem. VVion. &c.*

A.C. 571.

S.P. N. 91.

Sancti Maclovij, sive Machuti, de cuius, in Fortunatis insulis fortunato successu superius dictum, ingens denuo in Britannia Celtica gloria, Episcopatu præsertim noviter instituto, ea in Vrbe, ubi veteris Alethæ ruinæ superfuerunt, cui *primus*, ipse præesse iussus est. Huic quantum debere se Britanni ut viderentur agnoscere, novo denuo grati animi signo, non solum, (quod in alijs nostri item Ordinis Sanctis jam supra observavimus,) à Maclovio templum, & Episcopatum, verum urbem etiam ipsam, *Divi Maclovij*, sive *Maclovium* appellavere. De gestis ejus admirandis multa extare volumina Arnoldus noster asseverat. Nos, si tanti viri merita singula, singulis tantum annis numeremus, quantum inde Ordini nostro oportebit accrescere: cum certum sit Maclovium, fuisse verè Macrobiū, & centum triginta trium annorum Solstitialium curricula complevisse, ut ridēdi sanè veniant ij, qui vitam hominis nō posse extendi ultra spatium centum vigintia annorum, humano nimirum iudicio decre-

vere, apud Hieronymum Magnum lib. 4. Pererium, Cornelium, Delrium Merse- num, & alios, &c. Vide etiam Salianum. De Maclovio, qui plura quærit, reperiet apud. *Sigebertum, Surium, & in Breviario Lingonensi, Bibliotheca Floriacensi, Ant. Tepe- sio, Arnoldo, &c.*

A.C. 572.

S.P.N. 92.

Hispaniarum Regna longè felicissima, multis, & præcipui nominis per universam Ecclesiam Sanctis opulenta; alios inter *Martino illo Dumienfi* beata, qui unus sæculi integri explere gloriam, ita ut sæculum sæculis omnibus foret admirandum: ijs, sub hæc tempora, ob præclare gesta, meritis, ut jure merito, ob Suevorum gentem ab Ariana Hæresi ad sanitatem revocatam, *Hispanorum Apostolus* prædicetur. De hoc Isidorus noster: *Martinus Dumienfis Monasterij Sanctissimus Pontifex, ex Orientis partibus navigans, in Galliciā venit: ibique conversis ab Ariana impietate ad fidem Suevorum populis, Regulam fidei, & Sanctæ Religionis constituit, Ecclesias confirmavit, Monasteria condidit, copiosaque præcepta piæ institutionis composuit, &c.* Fuit Abbas prius. Monasterij Dumienfis, quod vivente, ipso, & sic merente, Pontificali titulo insignitum, & ipse *primus Dumienfis Episcopus*, (sic iterum nostris Pontificatum insignem debet orbis Christianus) renunciatus est. *Ex diversis rer. Hisp. scrip. & Annal. Bened.*

A.C. 573.

S. P. N. 93.

Primus ex ordine nostro Sanctissimo, dignus qui pari cum Admirabili Patre nostro nomine, benedictionem Ecclesiæ summo cum honore inferret, summam in terris potestatem meruit, Cathedram supremam ascendit, *Sanctissimus Benedictus*, eo nomine *Primus*, creatus XVI. Calend. Iunij. Indiēt. X. Pontifex sanè, qui *Sanctissimi* nomen, non tam electione ferret, quam è Cœnobio afferret, sed & miranda in summo Pontificatu virtute tueretur, & confirmaret. De eo, sic antiqua pictura, & subscriptio in claustrò S.P.N. BENEDICTI de Mantua; Benedictus primus, ex Monachò servus servorū DEI, electus, & vocatus. Vide Constant. Cajetan. Ant. Yepes, Hieronym. Platus, Aug. Flor. VVion. Ciacon. &c. Eodem anno, ex Monachò Divi Martini Turonensis, Cælaroduni Turonum Pontifex creatur, *Magnus ille Galliarum Greg. vulgo Turonensis*, egregius Sanctitate, ut doctrina Epi-

Episcopus. De quo nos inferius plura. *Ejus vitam profert Surius tom. VI. Lippoman. tom. 3. de eodem agunt Vincent. in spec. Trith. VVion. Claud. Rob. contra Baronium, &c.*

A.C. 574.

S.P. N. 94.

Magnus ille Hispaniarum Patronus, Sanctus Æmilianus, vita mortali defungitur, protector Regni Hispanici singularis, ab Hispanis multa ante sæcula Patronus atque Defensor acclamatus, quod plus semel visus fuerat, in eorum patrocini-um, adversum Mauros pugnaturus coelo descendere: atque (ut dereliquis ficleam,) in uno tantum Martis discrimine octoginta hostium millia delere, &c. Vid. Antonius noster de Yepes tom. i. centur. 2. Const. Cajetanus, Aubertus Niræus Orig. Bened. Sandoval. &c. Tumulo ejusdem antiquissimis Gothicis litteris inscriptum Epitaphium Yepes Tom. i. inseruit.

Purgatissimi Apostolicique viri Æmiliani corpus, hic humatū jacet, qui postquam eremiticā vitam multis annis egit, et Clericalem. Tandem Monasticā pfectus, sub Regula admirabilis Benedicti curam gerens Abbatialem, obiit in Domino clarus miraculis, & prophetiæ Spiritu. Era D. C. XII.

Minoribus verò Gothicis litteris.

Natus est Æmilianus, devotis parentibus in oppido Vergegii, & cum vigesimum annum attingisset, relictis ovibus patris sui, Spiritu Sancto eū inspirante, & dirigente, ad Castellum Bibliense, quod decem, & quinque millia, à supra nominato oppido distat, & duodecim à Tritio, adiit, ut Magisterio Felicis Confessoris uteretur.

De ejus vita consulendus Sanctus Braulio Episcopus, Breviarium Hispanicum Ordinis nostri, Cajetanus, Anton. de Yepes, &c. alij. Claret hoc etiam anno cucullo dignius, quam purpura, & diademate, S. Andovera, Chilperici, Clotharii Regis filij, Galliarum, Regis uxor, astu Fredegundis pellicis in Monasterium detrusa; eademque Fortuna sua felicior, quam videri poterat S. Basina, Andovere ex Chilperico filia, utraque denique scelere Fredegundis, illa in Cænomanensi, hæc in Pitavenſi gladio crudeliter post novēniū cæsa. Vid. Script. rer. Gall.

A. C. 575.

S. P. N. 95.

Sanctissimorum ex ordine nostro præsulorum, & Monachorum copia, illustris-

simus annus, & in Regno, ante alia, Gallia, florentissimus rerum nostrarum status fuit, promoventibus præcipuè auctoritatem nostrorum integritas, sed formidanda etiam dignitas, quibus apud Deū etiam iptum valere, manifesto Clotharius argumento deprehendit. Et Fortunato audiamus: Cum Sanctus Germanus ad gloriosum Clotarium Regem occurrisset, nec tamen de Sancto viro stante ante Palatium ei fuisset indicatum: mora facta ante vestibulum, non presentatus domum revertitur. At sequens nox consuetis in Oratorio vigiliis ducitur. Rex dolore, atque febris infestatione torquetur. Vix primo diluculo ad domum Pontificis à proceribus concursatur: ptena Regis exponitur; & ut sua visitatione Regi doloris vim mitiget, optimates deprecantur. Mox apud pietatis virum injuria causa postponitur, & qui ante nec nunciabatur, intrat jam honoratus, & exoratus Palatium visitat. Tunc Rex, vir assurgens à lectulo, casum se Divino flagello conqueritur, allambitque palliolum, & vestem sacerdotis deducit gaudens per loca doloris: culpam namque confessus est criminis, & sic dolor omnis fugatur, &c. Vnde intelligas Clotharii in nostros propensionem, nostrorum per Gallias incrementa, eorum de Regibus ac Regno meritis, non ambitioni ulli, aut importunis flagitationibus adscribenda, ea omnium affectus propensissimi attestatione, ut sua quisque libens nostris concederet, & superstite etiam Mauro, Regnum ipsius verius quam Regis esset, affirmante leris, & posteris sæculis Carolo IX. Maurum solo Breviario suo, plures Monasterijs à se constructis in Gallia, divitias peperisse, quam Reges ipsi gladio, & potentia acquirere potuerint. Adeo, ut Maurus, Regnia potius, quam Cænobia, posteris suis reliquisse videatur, quippe quorum redditus annui, decies cetera aureorum millia confecerint, exceptis ijs, quæ paulo, & longè post, diversorum Principum largitionibus, nostrorum virtutibus, & meritis attributa, summam illam quam longissimè excessere.

Hoc eodem ferè anno, primus è nostris Gallias sanguine purpuravit Sanctus Arnulphus Novaliciensis Cænobij Abbas, à Longobardis Galliam irruentibus, Martyrio coronatus. Sed neque de illo, neque de alijs per promissam brevitatem ulterius quidquam licet, Rer.

Gall. script. Iepesius,

VVion, &c.

A.C.

A.C. 765.

S. P. N. 96.

TANTI ab universa Ecclesia facti Monachi, ut omnia jam Campania, Samnia, Valeria, Tuscia, Liguria, & aliarum Italiae provinciarum Monasteria, Sanctissimis se se Regulæ nostræ institutis addicerent. Ita, ante hunc, aliquot jam annis, testatus etiam est Bernardus Abbas Fundanus, in Epistola ad Simplicium, tertium Casini Abbatem. Extat apud Ant. de Yepes Tomo I. hoc an. cent. I.

Quo eodem anno, præter plurimos alios, excelluit egregiè Magnus hic Abbas Bernardus, ut & discipuli ejus Hugo, & Paulus, quos iisdem litteris Sancto Simplicio nostro voluit commendatos. Sanctus Launomarus item, & Sanctus Agnellus Abbas splendidissima sydera orbi illuxere. Sed fufius de his Tom. I. de Vitis Sanctorum nostrorum, paulo post à nobis explicando. In Vivariensi Monasterio, elarent BB. Chalcedonius, & Geronius, digni Cassiodoro discipuli. De relictis à Cassiodoro, (neque enim de mortis constat anno, ut ad eum referamus,) egregiis Divini ingenii monumentis, fuscè Baronius Tom. VII. *Antonius Possessinus, Anton. de Yepes &c. plurimi.*

A.C. 577.

S. P. N. 97.

ADministrato Sanctissimè Pontificatu summo, defungitur Sanct. Benedictus primus, ardua inter, & difficillima tempora, sed & onera tanti honoris, constantissima vitæ integritate, imperturbatus, indefessus de orbe non solum universo, sed & Petri Cathedra meritissimus, quam egregia Sanctitate condecorans, honorantem se, dignissima compensatione rehonoravit. Successit Pelagius eo nomine secundus, *pauca vitæ sanctitate*, ex eodem Sanctissimi Patris nostri Benedicti Ordine assumptus; ut videatur ex hoc statim tempore, ea sacrosanctæ Christi Ecclesiæ, quasi *consuetudo*, initium sumpsisse, quia plurium sæculorum decursu, Cathedra quamprimum suprema vacante, nō alios quam à plenitudine Contemplationis tanto oneri aptos, è Cœnobiiis Monachos extraxit, & lumina cum potestate, orbi terrarū universo præfesse, dignissimos indicavit. Nec mirum, si formati tam Divino Regulæ instituto nostrorū, ad maxima quæque præclare obetunda animis, & Lateranensi Constantia, S. Petri, S. Pauli, Sanctæ Mariæ Majoris, Sancti Laurentii, Sanctæ

Crucis in Hierusalem, & Sancti Sebastiani Basilicis (permultis aliis, & insignioribus etiam Romanis Cœnobiiis ac prioratibus nunc omissis) ad millesimum centesimum usque Christi annum, non alios, quam è Benedictinis Monachis, Canonicos, & clericos agnoscentibus. De quo, Illustrissimus genere, eruditione, & præclare de Ordine nostro meritis Dominus Constantinus Cajetanus, in suo Amalario Fortunato, & alibi constanter affirmare se probat, ex earundem Ecclesiarum monumentis; adduximusq; similia nos superius ex Raulino. Videantur etiam de Monachis Canonicis Anastasius Bibliothecarius in Gregorio II. & IV. & in Adriano I. Paulus Diacon. in Reg. S. P. N. cap. 53. Flodoardus Histor. Rhem. libr. 3. cap. II. & 28. & ad eum append. init. Vita S. Sulperti apud Sur. & S. Lugderi apud eundem. *Cardinalis Baronius Annal. Tomo 12. Reinerus alijque.* Vnde factum, ut ex his ferè Cœnobiiis, sive Monachorum Collegiis, tanquam propioribus, assumpti Pontifices, non ducentorum tantum, sive trecentorum (quod Trithemius noster R. P. Thomas le Branc, Soc. Iesu Theologus, & plures alii affirmant) verum septingentorum ferè annorum spatio, universæ Ecclesiæ curam ac labores soli sustinuerint, eandemque rexerint, ornarint, auxerint de quo disertè doctissimus Cajetanus, loco citato; nec dissimiliter, in insigni illa sua Epistola Encyclica ad universos amplissimæ ordinis D. D. Abbates, Spiritus Benedictini, & profundissimæ cogitationis plenissima, in qua, de Pontificum Romanorum è nostro ordine assumptorum multitudine, & meritis, differens, unum, & triginta supra centum Petri naviculæ clavo adnotos, mira prudentia, miraq; sanctitate feliciter eandem rexisse, & gloriose pertexisse, serio affirmat, & singulari cōmendatione se probare (quam expectare me propediem in suis ad me datis iussit) ibidè asserit. Sed de eadem Ordinis nostri gloria, extra hoc compendium historia, alibi nos prolixius.

A. C. 578.

S. P. N. 98.

SANCTI Ebrulphi Abbatis, ingens per hæc tempora gloria; quam insigni jam olim fortunæ beneficentissimæ contemptu (auctoritate siquidem, & gratia apud Galliarum Reges, Illustrissimi ejusdem parētes, cæteris proceribus longè præstabant) sanctitatis dein rarissime exēplo apud omnes meruerat. Quo adducti plurimi, & ipsi

& ipsi calcatis opibus, & spe honorum abdicata, ejus se Magisterio devovere, ut, paulo post Ebrulphus, mille, & quingentos, quibus præerat Monachos numeraret. Construxit proin plura etiam Cœnobiaz, & Ordinem nostrum mirificè propagatur. De admirandis ejus virtutibus, & prodigiose gestis alibi, quæ nemo sanè grandi volumine satis explicaret. Nec minor famæ claritudine hoc eodem anno Sanctus Eparchius Abbas, illustri, & ipse natus loco, cujus prima etiam conversionis initia, ita Monachis nostris commendata, ut mortuum, fortè prætereundo, in via repertum, illico ad vitam revocaret. De captivis præcipuè, & supremo supplicio damnatis alijs, alijs jam affectis, longè meritis, eosdem prodigiosissimè læpius liberavit. Sed prolixius de utroque in nostris de Sanctorum nostrorum gestis, lucubrationibus.

A nostris Admirabilis Matris Virginis cultum mirificè toto orbe propagatum, ab insigni præcipuè Sacratissimi Psalterij usu, ingens de cœlis æquè ac terris meritum nostrorum est. In eo autem uti jam sedulus in Galliis Maurus, ita in Hispaniis hoc jam tempore nostri à Desparente id meriti videntur, ut primum ejusdem Cœli Reginæ nomini, consecratum jam olim à Iacobo Apostolo monumentum, Sancta Maria de Pilari eis crederetur. De propagatione Rosarii nos alibi, & consulendus Alanus, &c. De templo autem memorato. Franciscus de Bivar. vir eruditissimus, & M. Maximus, in contin. Chron. Dext.

A.C. 569.

S.P.N. 89.

SUPREMUS hic vitæ annus Sanctissimo Germano nostro Parisiensium Episcopo, de quo licet multa plurimi, nemo dignè, nemo satis. Illud memorandum, dum ad tumulum, sacrum ejus corpusculum deportaretur, succlamantibus, & opem rogantibus captivis, illud in humeris deferentium ita degravatum, ut deponere, neque loco movere possent, quam solutis, qui captivi tenebantur, iidemque illud festos inter applausus, ad Ecclesiam prosequantibus. Honoravit illum insolenti prorsus honore Chilpericus Francorum Rex, dum arte, & ingenio propriis, composito rhythmicè Epitaphio, tumbam beati viri honoravit, & merita vix jam tumulo conditi, præclarissimè commendavit. Visum non abs re, hic inferere.

Rex Poëta.

*Ecclesia speculum, patria vigor, ara reorum**Et pater & medicus, pastor, amorque gregis.**Germanus, virtute, fide, corde, ore beatus,**Carnet tenet tumulum, mentis honore polum.**Vir cui dura nihil nocuerunt fata sepulchri.**Vixit enim: nam mors, quem tulit, ipsa timet.**Crevit adhuc potius justus post funera: nam qui**Fictile vas fuerat, gemma superna micat,**Hujus opem ac meritum, mutis data verba loquuntur,**Redditus, & cæcis prædicat ore dies.**Nunc vir Apostolicus rapiens de carne tropheum,**Iure triumphati considet arcethroni.*

Coruscasse eodem hoc anno Caluppam, sive Caluppanum, Meletentem Arvensis territorii Monachum, rara item Sanctitate virum, sed & Sanctum Patroclum ejusdem instituti, rigoris, & integritatis; plures è nostris, aliique, (quos inter Baronius, habent;) illos autem omnes, pro eximijs meritis, anniversaria memoria, universa Sancta colit Ecclesia. De quorum gestis egregijs, videndi Sanctus Gregorius Turonensis, Tepesius, &c. & nos in Tomis de rebus gest. Sanct. Ordin. S. Benedictini & SS. Ord.

A.C. 582.

S.P.N. 99.

PElagii nostri, summi Pontificis, infestus in arduis labor, & servatum Pontificii honoris decus, insigniter commendantur. In eo verò gloriam immortalem, & æternam ad posteros famam cōsequutus, quod agente partim eo, partim jubente, seu approbante, plura Concilia (quibus universo terrarum orbi, & Sanctæ Ecclesiæ, utilius nihil, nihil gloriosius esse posse, per se cognoscitur manifestum,) passim celebrata, & utilitati Reip. Christianæ, & Regnorum, provide est consultum. Sed quo facilius, & perspicacius, uni quasi oculorum, & primo obtutui, quæ per Benedictinos Pontifices, seu agentibus præcipuè nostris, sola Cōciliorum, & Synodorum celebratione, universo sint præstita universis pateat, & brevi syllabo omni posterorū ætati cōmendentur; potiora quæ occurrunt, & sub iis tantum, qui abique cōtro-

verum nostri sunt, & iam olim, à negli- Pontificibus, enumeranda, & subijci-
ge-rioribus rerum nostrarum, è nostris enda censuimus.
tamen esse manifesto deprehensi sunt,

Concilia per Benedictinos Pontifices.

- Concilium Parisiense in caussa Prætextati hoc anno.
- Concilium Cabilonense Anno Christi 582.
- Concilium Matisconense A. C. ... de anno dubitatur.
- Concilium Matisconense secundum A. C. 588.
- Synodus Terria Toletana, in qua Pelagij nomine præfedit, Sanctus noster
Leander, fuitq; septuaginta Episcoporum, &c.
- Concilium Narbonense. Incertum quo anno.
- Concilium Romanum.
- Concilium Brenacense. Anno Christi 583.
- Concilium Constantinopolitanum A. C. 572.
- Concilium Hispalense A. C. 590.
- Concilium Lugdonense II. A. C. 587.
- Concilium Toletanum III. A. C. 589.
- Concilium Valentinum. A. C. 579.
- Sub Pontificatu Magni Ecclesiæ Doctoris sanctissimi Gregorij Primi.
- Concilium Hispalense, præfidente rursus Sancto Leandro nostro.
- Concilium Osenense, cuius duo extant Canones A. C. 598.
- Concilium Narbonense in Gallia.
- Concilium Barcinonense, A. C. 599.
- Concilia Nicenum, Constantinopolitanum, Ephesinum, & Chalcedonense à S.
Gregorio nostro Primo Ecclesiæ Doctore confundata, & ut SS. Quatuor
Evangelia colenda, & sacra iussa. *Vid. Breviar. Rom. & Histor. Eccl. Sub S. Bo-*
nifacio IV. eius nominis Summo Pontif.

*Concilia per Ordinis nostri Pontifices maximos aliosque
è nostris Episcopos.*

- Concilium Toletanum æra 648
- Sub Adeodato Papa.
- Concilium generale Toletanum.
- Concilium item Toletanum Vndecimum.
- Concilium Bracarense Tertium.
- Sub Sancto Agathone Papa.
- Concilium Anglicanum. A. C. 679.
- Concilium Mediolanense. A. C. 679
- Concilium Romanum. A. C. 680.
- Constantinopolitana Synodus. A. C.
- Concilium Constantinopolitanum. III. A. C. 680.
- Concilium Toletanum XII. Anno 681.
- Sub Sancto Benedicto II. Papa.
- Concilium Toletanum. A. C. 684.
- Sub Sancto Sergio I.
- Concilium Toletanum XV. A. C. 688.
- Concilium Cæsar Augustanum III.
- Concilium Toletanum XVI. A. C. 693.
- Concilium Toletanum XVII. A. C. 694.
- Concilium Traiectense, præfidente Sancto Willibrordo nostro, A. 697.
- Sub Ioanne VI. Papa.
- Concilium Toletanum XVIII. A. C. 701.
- Sub S. Gregorio, II.
- Concilium Romanum I. A. 721.
- Concilium Rom. II. A. 724. In caussa S. Corbiniani nostri.
- Concilium Rom. III. A. 726.

Sub S. Gregorio III.

Concilium Romanum I. Anno 731.

Concilium Romanum II. A. 731.

Sub Sancto Zacharia Primo PP.

Concilium Ratisponense A. C. 742.

Concilium Leptinense A. 743.

Concilium Romanum A. 743.

Synodus Sueffionensis A. 744.

Concilium Germanicum auctoritate S. Bonifacii nostri A. C. 745.

Concilium Rom. II. eodem anno.

Sub Sancto Stephano III. PP.

Concilium in Palatio Vermio. A. C. 756.

Sub Sancto Stephano IV. Papa.

Concilium Romanum A. C. 769.

Concilium Wormariense A. C. 770.

Sub Sancto Leone III. Papa.

Synodus Romana A. C. 800.

Concilium Altinense A. C. 802.

Concilium.	{	Aquisgranense.	{	Anno Christi.	809.
		Arelatense IV.			813.
		Turonense III.			eodem.
		Cabilonense II.			eodem.
		Moguntinense.			eodem.
		Achemanense I.		
		Theodisvillanum.		
		Noviomense.			814.

Sub Sancto Paschali I. PP.

Concilium Aquisgranense A. C. 817.

Concilium Attinacense A. C. 822.

Sub Sancto Gregorio IV. PP.

Concilium.	{	Parisiense	{	Anno Christi.	829.
		apud Compendium			833.
		Merense			835.
		Theodonis villæ			835.
		Aquisgranense			836.
		Lugdunense.			836.
		Conventus Cabilonensis			839.
		Aquisgranense II.			842.
		Constantinopolitanum.			842.

Sub Sancto Leone IV. PP.

Concilium.	{	Parisiense.	{	Anno Christi.	847.
		Moguntinum I.			847.
		Moguntinum II.			848.
		Turonense.			849.
		Synodus Regiaticina.			850.
		Conventus Ticinensis			852.
		Moguntinum III.		
		Sueffionense.		
		Romanum.			853.
		Constantinopolitanum.			854.
		Valentinum.			855.
		Ticinense.			855.

Sub Joanne IX. Papa.

Concilium Romanum, Anno Christi. 996.

Sub

Sub Sylvestro II. Papa.

Concilium Romanum, Anno Christi. 999.

Sub Sancto Sergio IV. Papa.

Concilium Bambergense, Anno Christi. 1011.

Sub Ioanne XVIII. aliis XIX. Papa.

Concilium Lemovicense, Anno Christi. 1029.

Concilium Pampilonense. A. C. 1032.

Sub Sancto Leone IX. PP.

Concilium.	Romanum.	Anno Christi.	1049.
	Rhemenfe.		1049.
	Moguntinum.		1049.
	Romanum Secundum.		1050.
	Vercellenfe.		eodem.
	Covacense.		eodem.
	Romanum Tertium.		1052.
	Romanum IV.		1053.

Sub Sancto Gregorio VII. PP.

Concilium.	Romanum Primum.	Anno Christi.	1074.
	apud Sanctum Genesium.		eodem.
	Anglicanum.	
	Romanum Secundum.	
	Moguntinum.		1075.
	Anglicanum Secundum.		eodem.
	Romanum Tertium.		1076.
	Romanum IV.		1078.
	Romanum V.		eodem.
	Romanum VI.		1079.
	Britannicum.		1079.
	Romanum Septimum.		1080.
	Lugdunense.		1080.
	Avenionense.	
	Meldenfe.	
	Romanum VIII.		1081.
	Romanum Nonum.		1083.
	Romanum Decimum.		1084.

Sub Sancto Victore III. Papa.

Concilium Capuanum, Anno Christi. MLXXXVIII.

Concilium Beneventanum

Sub Beato Urbano II. PP.

Concilium.	Romanum Primum.	Anno Christi.	1089.
	Troianum I.		eodem.
	Tolosanum.		1090.
	Melfitanum.	
	Beneventanum.	
	Troianum Secundum.		1093.
	Constantienfe.		1094.
	Ostionense.	
	Placentinum.		1095.
	Claromontanum.	
	Anglicanum.	
	Turonense.		1096.
	Barenfe.		1097.
	Romanum Secundum.		1098.
	Romanum Tertium.		1099.
	Hierosolymitanum.	

Sub Sancto Paschali II.

Concilium.	Pictaviense	} Anno Christi.	1100.
	Lateranense		1102.
	Londinense Primum	
	Londinense Secundum.	
	Trecense Primum		1104.
Concilium.	Florentinum	} Anno Christi.	1105.
	Quintelinburgense	
	Moguntinum	
	Guaftellense		1106.
	Hierosolymitanum		1107.
	Tercense Secundum	
	Londinense		1108.
	Beneventanum I.		eadem.
	apud Cyperanum		1113.
	Belluacense.		1114.
	Syriacum.		1115.
	Troianum.	
	Colonienſe		1116.
	Lateranense III.	
	Romanum	
	Pictaviense II.		1109.
	Rhemense	
	Hierosolymitanum II.	
	Lateranense II.		1112.
	Viennense	

Sub Sancto Gelasio II.

Concilium.	Capuanum	} Anno Christi.	1118.
	Colonienſe		1119.
	Frideslariense	
	Viennense	
	Rhemense.	
Concilium.	Lateranense Generale Oecumenicum.	} Anno Christi.
	Neapolitanum.	
	Romanum primum.	
	Romanum II.	
	Toletanum.		1123.

Sub Innocentio IV. Papa.

Concilium Lugdunense I. Generale.

Sub Clemente VI. PP.

Concilium Toletanum, &c.

Ecce si nihil debeat orbis terrarum universus Benedictino Ordini, quid debeat, aut non debeat, ob tot Concilia, per Monachos eiusdem indicta seu approbata. Sed hæc obiter; neque enim longè plurimum aliorum ex Ordine nostro Pontificum, hoc loco licuit meminisse.

Ad alia maturandum.

A. G. 581.

S. P. N. 501.

CLaret inter innumera Ordinis nostri sydera, Gregorius noster Turonensis Episcopus ex Monacho Urbis eiusdem, vir doctrina, sanctitate, & meritis per universum celebratissimus, nullis ritè laudibus, aut cuiusquam facundia exornatus, acerrimus Catholicæ fidei defensor, & Mysterii Sacrosanctæ Trinitatis, contra Arianos propugnator. Relictis dignissimis tanto nomine, librorum monumentis, de Ecclesia universa præcipuè meritis. Ant. de Yepes, Stengellus, &c. Cæterum idem Gregorius, quanta constantia atque auctoritate Chilperici Regis se licentiæ in publico Episcoporum Conventu opponeret, & pro Iustitia stare contra Regem non vereretur, mirandum omnino est. Placet ipsummet audire: Nam dum cæteri Concilij Patres timore concepti, ob furorem Gallorum, & impiæ Reginæ Fredegundis conticelcerent, Gregorius animo interrito, sic loqui orsus est: *Attenti estote quas sermone meo, o Sanctissimi sacerdotes Dei, & præsertim vos, qui familiares esse Regi videmini. Adhibete ei Concilium Sanctum, & sacerdotale, ne exardescens in ministrum DEI (Prætextatum Episcopum à Rege male habitum intelligit,) pereat ab ira ejus, & Regnum perdat, & gloriam. Illis vero silentibus, adieci, Memento Domini mei Sacerdotes, verbi prophetici, quod ait; Si viderit speculator iniquitatem hominis, & non dixerit, reus erit animæ pereuntis. Ergo nolite silere, sed predicate, & ponite ante oculos Regis peccata ejus, ne forte ei aliquid mali contingat, & vos rei sitis pro anima ejus. Duo adulescentes ex ipsis (quod de Episcopis dici dolendum est) nunciaverunt Regi dicentes, quia nullum maiorem inimicum, quam me haberet. Illico unus ex aulicis cursu rapido ad me representandum dirigitur. Cumque venissem, viso me, Rex ait: O Episcopo, iustitiam cunctis largiri debes, & ecce ego iustitiam à te non accipio, sed, ut video, consentis iniquitati, & impletur in te proverbium illud, quod coruus oculum corui non eruet. Ad hac ego; Si quis de nobis, o Rex, iustitia tramitem transcendere voluerit, à te corrigi potest; si vero tu excesseris, quis te corripiet? Loquimur enim tibi; sed si volueris audire; si autem nolueris, quis te condemnabit, nisi is qui se pronunciat esse Iustitiam? Ad hac ille (qui erat ab adu-*

latoribus contra me accensus) ait: Cum omnibus enim invenio iustitiam, & tecum invenire non possum. Sed scio quid faciam, ut noteris in populis, & iniustum te esse omnibus perpatescat. Convocabo enim populum Turonicum, & dicam eis: Vociferamini contra Gregorium, quod sit iniustus, & nulli hominum iustitiam præstet. Illis quoque hac clamantibus respondebo: Ego, qui Rex sum, iustitiam cum eodem invenire non possum, & vos qui minores estis invenietis? Ad hac ego: Quod si iniustus tu nescis, scit enim ille conscientiam meam, cui occulta cordis sunt manifesta. Quod vero falso clamore populus, te insultante vociferatur, nihil est; quia sciunt omnes à te hac emissam, ideoque non ego, sed potius tu in acclamatione notaberis. Sed quid plura? Habes Leges, & Canones: hac te diligenter rimari oportet, & tunc qua præceperint, si non observaveris, noveris tibi DEI iudicium imminere. Ille vero porrecta dextera, iuravit per omnipotentem DEUM, quod ea qua Lex & Canones doceant, nullo prætermitteret pacto &c. Ita Greg. cap. 18. libr. 5. Quæ prolixius referre visum est, utpote, nostro sæculo, rationa, & quibus merito sacerdotum omnium studia, & fervor, in corrigenda quoruncumque Magistratum licentia, accendantur, & concitentur. Romæ quantumvis Cænobia plurima, superstite etiamnum Admirabili Patre, & Patriarcha nostro, & ad hunc usque annum multo plura, Monachis nostris constructa sint, imo Basilicæ Urbis præcipuæ, & collegiæ omnes Ecclesiæ (teste doctissimo Raulino) à nostris occupatæ; Gregorio tamen (qui dein noster; Magni nomen à meritorum magnitudine meruit) Urbis Præfecto, minimè visum satis, nisi etiam ipse, optimos quosque Monachorum fautores imitatus, de suo Cænobiū moliretur, immo aliorum liberalitatem longè transgressus, ædes ipse proprias nostris cederet, & congruè Monachorum habitationi appararet. De inducta Monachorum colonia, satis contra Baronium, Caietanum, Yepes, Reinerum, aliosque nostros, & ex superius dictis constat (quantumvis illud Sancti Equitii Cænobiū, quod Baronius obiecit, ex iis non fuerit, quæ prima duodecim Sanctissimus Pater noster construxit, quamvis multo plura dein ipse quoque condiderit) omnia, iam pridem Valeria Tuscia, &c. Cænobia, se nostris subdidisse: Sed

de his acuratus, & prolixius. Nec Romæ solum beneficentia Gregorij in nostros se continuit, in Siciliam usque amplissimè se extendit; in qua ipse provincia sex omnino Cœnobiiis exstructis, eadem necessariis multitudini Monachorum, redditibus dignè communivit. Hoc anno magnus ille Cœnobiorum Galliæ Archiabbas Maurus, mortis suæ, prædictione Sanctissimi Patris sui *Benedicti* præsciis, biennio ante, & sex ferè mensibus, quam communis illa mortalibus lex subeunda, Glanofoliensi Abbatia se abdicat. Neque visus dignior, qui tanto Antistiti succederet, quam Bertulphus Flori Principis filius, egregia sanctitate, & rerum gerendarum dexteritate laudatissimus. Maurus vero, meditationi Divinorum, & sublimioribus vitæ Contemplativæ exercitijs totum se impendens, imminentiad cælestes triumphos perfectioni se se accingebat. *Ex vita &c.*

A. C. 582.

S. P. N. 102.

Celebrata hoc anno duo Concilia Cabilonense, & Matisconense, utrumque Guntrammo Rege instigante, Principe, si quis ullus, verè nostro, adeo nostrorum consiliis, virtute, ope, nitebatur. Sed Pelagij nostri auspiciis, & sollicitudini cuncta adscribenda, cujus hoc eodem anno extat Decretalis, ad Episcopos Italiæ totius, & imprimis Campaniæ: *de accusationibus, & Iudicijs Episcoporum*, data Kal. Dec.

Meruit de cælo, & Gallia universa, hoc ipso quoque anno, Sanctus Maurus noster, qui intra paucissimorum mensium decursum centum, & sedecim è suis moriturus præcognoscens, eosdem, cæteroquin cælo natos, & formatos recto itinere cælo, & quidem pro Gallia strenuos deprecatores destinavit. *Ex vita, & tomo I. Sanct. Ord. De Sancti Gildæ meritis*, sub hoc ipsum tempus, toto pectore in Apostolicos labores incumbens, ita vetustimus vitæ scriptor apud Ioannem à Bolco: *Audiens igitur, quod gentes, quæ Aquilonarem plagam Britannia Insula incolebant, adhuc gentili errore detinerentur; & quod hi etiam, qui inter eos Christiani, non Catholici essent, sed diversis hæreticorum fraudibus irretirentur, &c. de Christi adiutorio confidens, cæpit illuc pergere. Stans autem succinctus lumbos mentis,*

inter paganos atque Hæreticos, indutus lorica Iustitiæ, & calceatus pedes, in præparationem Evangelii pacis, in omnibus periculis sumebat scutum fidei, in quo posset omnia tela nequissimorum demoniorum extinguere, galeamque salutis, & gladium Spiritus quod est verbum DEI. His itaque armis munitus Gildas Christi miles præclarus, prædicabat nomen Christi Gentilibus; Hæreticis autem Verbum salutis opponens à cunctis eos revocavit erroribus, & ad viam veritatis adduxit. Namque ei tantam dederat Dominus noster Iesus Christus gratiam sanitatum, ut eius orationibus cæci illuminarentur, surdis auditus redderetur, & claudis debilibusque gressus, demoniaci curarentur, leprosi mundarentur, & infirmi quique sanarentur. Pergebat igitur Gildas Beatissimus, Evangelium Christi predicando, docens veram fidem per universas provincias gentemque suam, ad veram Catholicamque fidem convertebat. Hæc & his similia agente B. Gilda, omnis Gens Aquilonaris (NB.) plagæ, ad eius prædicationis doctrinam, cæpit undique confluere, quatenus derelicto Gentili errore, & percepta eius admonitione Sanctæ Trinitatis fide, in gremio collocaretur Sanctæ Matris Ecclesiæ. Destruiebantur itaque idola, ab eis qui ea fabricaverant, & Ecclesiæ adificabantur per congrua loca, baptizabantur viri nobiles, cum uxoribus, & filiis, atque familiis, &c. Hæc in Britannia insignis iste Apostol.

Porro de eiusdem in Hibernia sudoribus, idem vitæ scriptor, his verbis prosequitur *Quia penitus Catholicam fidem, à maximo usque ad minimum, omnes amiserant: tunc Sanct. Gildas munitus clypeo fortitudinis & galea salutis omnes fines Hibernensium circumvit, & Ecclesias restauravit; Clerum universum in fide Catholica, ut Sanctam Trinitatem colerent instruxit. Populos graviter moribus Hæreticorum sauciatos curavit, fraudes hæreticas cum Auctoribus suis ab eis longè repulit, &c. Sed & de augmento vitæ Monachicæ, alijque magnis revera eius meritis agens: Multa deinceps, inquit, vir Beatus Monasteria construxit, in eadem insula, non paucos in eis Nobilium filios enutrens, & norma Regularis disciplinæ informans, & ut plures Domino offerre posset alumnos, iam factus Monachus collegit Monachos secum, tam ex nobilibus, quam ex pauperibus, pupillis, & orphanis; nec non & captivos tyrannica servitute, paganorum irretitos, misericorditer liberavit. Omnem denique regionem Hiber-*

Hibernensium, & Anglorum, nec non & exterarum nationum, suo instruxit exemplo, & eruditavit sermone; quarum gentes, & nationes, actus, & virtutes eius, usque in hodiernum diem honorifice venerantur ubiq., &c. Hucusque scriptor cit. apud Ioann. à Bosco Biblioth. Floriac. Caiet. Menol. nost. &c.

A. C. 583.

S. P. N. 103.

FVnestiorne an gloriosior hic annus Gallix Vniversæ, immo orbi Christiano, nemo, satis explicarit; tanto nimirum thesauro orbata terra, ut iure merito cælis invideat. Obiit Sanctissimus Galliarum Archiabbas Maurus, laterum dolore confectus, maior septuagenario. Ordinis sui institutum, admirabili vitæ innocentia, crebrisque miraculis coruscans, mirabiliter auxit ac propagavit: ut mirari satis non possimus, tantum tantillo tempore Monachorum copiam, summo Ecclesiæ universæ bono natam, florente sub hæc ipsa tempora Columbano nostro (quem de nobis nec quidquam detraxisse Tomcum Zagrabiensem tomo primo Constantiæ Benedictinæ clarissime demonstramus) tam providè, ut & strenuè propagatam, in incredibili Cænobiorum numero, uno sæpè sapius Abbate, Monachorum duo, tria vè millia gubernante, iisque ferè omnibus, rara vitæ integritate, inter quotidiana prodigia viventibus, una, sed plane *Sanctorum omnium Spiritu* bene imprægnata radice produsse. Ut satius proin sit, in tanto perfectorum Monachorum numero, multamillia, numerare, certius singulorum ætatem centenis millibus estimare. De Mauro nostro consulendi S. Faustus, & Ypes noster tomo I. De Sancto Magno Gregorio, ita ex Bertonio Bisciola: *Gregorius qui anno Domini 581. Præfecturam Urbanam gerebat, sed animo ad Monasterium anhelabat, nuncium remittens saculo, paulo post factus est Monachus.* At Pelagius Papa, qui benè cognitam eius virtutem habebat, doctrinam, pietatem, & in rebus agendis industriam, atque dexteritatem, statim ferè avulsum à Monasterio, Apocrisarium sedis Apostolicæ Constantinopolim destinat ad Tiberium. Quod munus, cum non nisi S. R. E. Cardinalibus committi moris esset, eum licet invitum ac renitentem, creat Diaconum Cardinalem. Sed de Monachis

mi Gregoriani annis, videantur nostri superius citati. Illud egregiam ad laudem Gregorij sanè peregrinum, quod legatus ipse Constantinopolim, miro quodammodo, ipsum Monasterium secum veheret, cum videlicet complures ex eodem ipse inde duceret secum Monachos, quo, ubicunque locorum esset, ijdem nobile redderent Monasterium. Vid. Baron. tomo VII, anno eodem.

Celebratum ipso anno Concilium Brennacense in causa Gregorii Turonensis nostri. Purgat se iuramento Gregorius, Regina Rigunthe pro ipso valde sollicita, & jejunium cum omnibus domesticis celebrante. Causa cognita, cælitus in accusatores nefarios animadversum. De Rege vero sibi conciliato, ipse Gregorius, se alloquentis, & valedicentis ponens verba: *ad me, inquit, conversus, postulat, ut accepta benedictione discederet, ait enim; dicam, inquit, tibi ô sacerdos, quod dixit Iacob ad Angelum, qui ei loquebatur: non dimittam te, nisi benedixeris mihi.* Acquievit Sanctus, & facile, quia Regi nunquam succensuit.

Interfuit Concilio eidem Sanctus Salvius noster, Albigenis ex Monacho Episcopus; qui ipsa die gravissima mala domui Regiæ imminuentia, Gregorio insinuavit; & consequuta quamprimum ingens populi, grassante per Gallias pestilentissima lue, clades; duo etiam Regis filii morte absumpti sunt. Fuit insigne Ordinis nostri decus, Ecclesiæ sydus, & ornamentum Sanctus hic Salvius, qui singulari etiam homine, ipso hoc anno, de Gallia meruit; Chilperico quippe Regi, averfanti iam Arianismum, sed in Sabellianismum declinanti, cum strenuè se opposeret Toronensis noster Gregorius, sed nihil, quam iram Regis mereretur, occurrens liberrime Sanctus Salvius, repugnantem deniq; flexit, & ingentia mala à Galliis avertit. Dignissimus ipse Gregorius Turonensis, qui de suo cum Rege conflictu audiatur: *Per idem tempus, inquit, Chilpericus Rex scripsit igniculum, ut Sancta Trinitas, non in personarum distinctione, sed tantum Deus nominaretur, asserens indignum esse, ut D E V S persona sicut homo carneus nominaretur; affirmans etiam ipsū esse Patrem, qui est filius. Sic, inquit, Prophetis, & Patriarchis apparuit, sic eum ipsa Lex nuntiavit.*

vit. Cumque hac mihi recitari iussisset; Sic, inquit, volo, ut tu, & reliqui Doctores Ecclesiarum credatis. Cui ego respondi. Hac credulitate relicta, pie Rex, hoc te oportet sequi, quod nobis post Apostolos alij Doctores Ecclesia reliquerunt; quod Hilarius Eusebiusq. docuerunt; quod & in Baptismo confessus. Tunc iratus Rex, ait; Manifestum est mihi in hac causa Hilarium Eusebiumque validos inimicos haberi. Cui ego respondi. Observare te convenit, neque Deum, neque Sanctos offensos. Nam scias, quia in persona aliter Pater, aliter filius, aliter Spiritus Sanctus. Non Pater assumpsit carnem, neque Spiritus Sanctus, sed filius, &c. At ille commotus ait. Sapientioribus te, hoc pandam, qui mihi consentiant. Et ego. Nunquam erit sapiens, sed stultus, qui hac, qua proponis sequi voluerit. Ad hac ille frendens siluit, &c. Porro de S. Paulo, ipse mox Gregorius subiungit; Non post multos vero dies adveniente Salvio Albigeni Episcopo, hac ei praecepit recenseri, deprecans, ut sibi consentaneus fieret. Quod ille audiens ita respuit, ut si chartam in qua hac scripta tenebantur, potuisset attingere, in frustra discerneret. Et sic Rex ab hac intentione quievit. Ita Greg. lib. 5. cap. 44. Ut videas, quam animosè Episcopi nostri se gesserint, cū pro Dei gloria, maximis esset Regibus obnitendum.

Nec minore laude, Ecclesie bono consulit in Hispaniis Sanctus Leander noster, Sancto Hermenegildo Rege opere maximè Ingundis coniugis, ab Arianismo converso. Vnde imminente eidem Hermenegildo, à patre Leovigildo, acri praelio, Leander idem legatus Constantinopolim ad Tiberium Imperatorem destinatur.

Eodem anno, relicta corporis sarcina, liber in cælum evolat, celeberrimus ille, & meritissimus de Vniverso, Sanctus Martinus, ex Dumiensi Monacho, & Abbate, primus eius loci Episcopus, doctrina, ut ait Biscoli, nulli suis temporibus secundus. Cui quantum (Apostolo nimirum suo) debeat Hispania, consulatur Baronius passim tomo VII. Eius Epitaphij pauca ponimus ex Fort. lib. V. & Bar. loco cit.

.... Martini Gallia Prisci
Excellente fide luminis arma capit.
Martini servata novo Gallicia plaude
Sortis Apostolica, vir tuus iste fuit.
Qui virtute Petrum, prabet tibi dogmate
Paulum.

Hinc Iacobi tribuens, inde Ioannis opẽ
Pannonia, ut perhibent, veniens ex parte, &c.

A. C. 577.

S. P. N. 97.

PRæter innumeros è nostro ordine viros, sanctitate, & doctrina celebratissimos, claret ante alios, & puro velut ac ludo exsplendescit cælo aureus sol, Sanctissimus Leander noster, Hispalensis Archiepiscopus, de cuius laudibus plura alibi, nunc de felicitate referimus, qua pari sanctitate, germanis tribus, Isidoro, & Fulgentio, iisdemque pari postea Episcopali dignitate fulgentibus, nec non Florentinæ sorori, omnibus, eundem Sanctissimi Patriarchæ nostri ordinem professis, pater iuxta ac frater exitit. Quorum egregia de Ecclesia merita suis annis, & ut licebit, prædicabimus; nunc auroram, & in ortu primam lucem obiter ostendimus. Videndus Yepes, & vita eorumdem Hispanicè edita. Transiit ad supera, isto etiam anno, Sanctus Eparchius Abbas Engolismensis, cuius. Cum Sanctitate vitæ, ut ait Baronius, admirabili, magna enitebat virtus in ostensione signorum. Quæ idem auctor (Gregorius Turo-nensis, lib. VI. cap. VII.) recenset, resque ab eo gestas, libello conscripsit.

A. C. 585.

S. P. N. 105.

Annus iste totus Leandri denuo laudibus assignandus, quamvis magnus Sanctorum syllabus occurreret. Is multa à Leovigildo Rege perpeffus, ob filium ab Arianismo revocatum (quem superiore anno occidi præceperat) patientia tandem Regis infesti animum mirè superavit, adeo, ut facti pœnitens, eidem ad se convocato, Recaredum filium commendaret. Ipsum de hac re Gregorium Magnum, Leandri diligentissimum, audiamus: *Leovigildus, oborta aegritudine ad extrema perductus est, & Leandro Episcopo, quem prius vehementer afflixerat, Recaredum filium suum, quem in sua Hæres reliquerat, commendare curavit: ut in ipso quoque talia faceret, qualia in fratre eius, exhortatione fecisset. Qua commendatione expleta defunctus est. Quam egregiè præstiterit, quod rogatus est, Lean-*

Leander, Reccaredi conversio, & laudatissima pietas, virtus, & fortitudo, universo patefecit. De quo Rege fusissimè Baronius, & alii, rerum præcipuè Hispanicarum, scriptores. Vt supra modum meritis denuo commendavit Sanctissimum Ordinem nostrum, Sanctissimus hic Doctor, & Pontifex Leander.

A. C. 586.

S. P. N. 106.

MAgnum illud Magni Gregorii nostri celebrandum hoc anno, quo Eutichius Patriarcha Constantinopolitanus, hac vita excessit. Is à Gregorio de resurrectione corporum palpabili dissentiens, adeo ut Originis errorem, in hoc suo, tueretur, & libro integro sententiam suam propugnaret, adeo à Gregorio convictus est, ut eius librum Imperator (Eutichio cæteroque addictissimus) in ignem iniiceret; sed & Patriarcha, cum paulo post in morbum incidisset, instante morte, pelle manus suæ, multis præsentibus, apprehensa, liberè assereret; *Confiteor, quia omnes in hac carne resurgemus.* Ex Breviario Romano, Ioanne Diacono, Baronio, & ut faciliè pateat, quantum pro hoc unico, debuerit Gregorio nostro Tyberius Imp. & Oriens, si sapere maluisset, universus.

Destructo hoc ipso anno Casinate Cænobio, Longobardorum furore, ut pridem didicerat & prædixerat Sanctissimus Patriarcha noster, nostri ad suos Romam diffugiunt, in Cænobium nimirum Lateranense; de quo Leo Ostiensis, Caietanus, Yepes aliiq.

Romam à legatione reversus Sanctus Gregorius noster, inchoatos Moraliū libros perficere curat. Tuetur insuper, egregiè, scripta epistola adversus Schismaticos, Eliam Episcopum Aquileiensem. Consulantur Baronius, Bisciola aliiq.

In Galliis defungitur Sancta Disciola Virgo, S. Salvii Episcopi Albigenensis neptis, monialis in Divæ Radegundis Pictavis, vel pro honore Salvii memoranda. In eius transitu, quæ admiranda effulserint sanctitatis signa, narrat sanctus Gregor. Turon. l. 6. Eodem anno, illustre Galliis, & orbi universo, contempti honoris exemplum, Bosso Austrasiæ Dux, Sigeberto Regi familiarissimus, exhibuit, dum cucullum, auro

gemmisque præferens, Mundum, exemplo Patriarchæ nostri, quo uti liberè potuisset, iam aridum quasi, cum flore despexit. *Arnoldus Anton. de Yepes, &c.*

A. C. 587.

S. P. N. 107.

EXcelluit hoc anno inter nostros Sanctus Sulpitius, cognomenro Severus Monachus & Abbas Sancti Nicetij Lugduni, vir Sanctissimus æquè ac doctissimus, à Guntheramno Regemaximi factus, & plurimis Archiprælatum Bituricensis ex ambientibus, merito prælatus. Eum, quod Gregorius noster Turonensis, à Rege, commendatum dicat à nobilitate generis, & tunc primum ad clericatum promotum, nihil officit eius Monachismo, quem alii constanter asserunt, locusque & dignitas Abbatialis utique non conficta, ut temerè, & nulla alia de causa de aliorum fide dubitemus, certè tam facile detrahamus. Videndus Wion aliiq. De Sulpitii nostri meritis alias plura. Requirendi Gregorius Turon. Demochares, & plures, quos iste allegat.

Edidit egregium hoc anno constantiæ exemplum, Beata Radegundis nostra, dum duobus Regibus, ambienti, & iubenti, absque metu, Sancta mulier, se ausa est opponere. Reccaredus Hispaniæ Rex, Chilperici Galliæ Regis filiam in uxorem expetierat: iste Basinam, Andovera uxore natam, spondet; quæ tunc in Radegundis cænobio alebatur; verum resistente Radegunde, & in hæc prorumpente: *non est dignum, ut puella Christo dicata, iterum ad sæculi voluptates revertatur;* tradita exin Reccaredo Balda est. Ex vita & tom. nost.

Moritur eodem anno, Sanctus Salvius noster, Episcopus Albigenis, quem *mirificè Sanctitatis virum* Baronius nominat. *De eius vita vid. Greg. Turon. & tom. nost. ord. S. S.* Martyrio item coronatur Sanctus Lupentius, Abbas Sancti Privati. Consul. iidem.

A. C. 588.

S. P. N. 108.

MAtisconense Concilium celebratur, ex quo plurima orbi, Annitente præsertim Pelagio I I. commodata, & Episcoporum negligentia medi-

medicina adhibita; Rege Gutheramno edictum dante ad Episcopos, & iudices, de predicatione verbi DEI, de munere Episcopali per seipsos, non per Vicarios exercendo, &c. Extat tomo 2. Concil. post acta Concilii Matiscon. Quod nostri dein, proximis sæculis, ad Pontificatus honorem eVecti strenuè præstiterunt. Videantur ibidem, & apud Baronium plura memoranda, in Concilio hoc præstita.

Eodem anno, horribili invalescente Parisiis incendio, Sanctus Germanus noster afflictorum dum viveret, sed & dum deportaretur ad tumulum, unicuique captivorum solatium, nec nunc quidem, tumulo latens, de victis mereri destitit; quibus in carcere prodigiis visus, comminuens trabem, ac catenas, quibus victi tenebantur, referat; que ostiis, eos liberat, qui ad eius tumulum per incendia fugientes, novo miraculo illic quoque inter ignium globos, cum Ecclesia Sancti Martini servati sunt. Histor. Franc. Gregor. Turon. lib. 8. c. 33.

A.C. 589.

S.P.N. 109.

Concilium Generale Toletanum celebratur, præsidebat Pelagii Patris nomine Sanctissimo Leandro nostro, congregatum ad condemnationem Heresis Arianæ, quam, altero iam è Regibus ad Catholicæ fidei veritatem traducto, fortissime attrivit, & profligavit, Sanctus hic Hispalensium Archiepiscopus Leander, de Regnis Hispaniæ, longe meritissimus. De Reccaredi, in Concilio hoc præsentis, Religione, virtute &c. videatur Baronius hoc anno, tomo VII.

Celebratum, eodem anno, Concilium Narbonense, & Synodus Valentina, Apostolica Pelagii nostri auctoritate, ut nunquam satis gratum se exhibeat, quantumcunque conetur, Pelagio nostro; & tantum negotium promoventibus Monachis, omnis posteritas, quæ sæpe tantorum, nec quidem memoriam aliquam consecratur.

De Fundato celeberrimo, & potentissimo Gabilonensi cænobio, per Gunthramnum Regem, deque eiusdem in nostros propensione, & laudatissimis virtutibus, multa, & dignissima hoc anno prædicat Antonius noster Jepe-

sius. Videatur tom. 1. centur. 2. fol. 366. & 367.

Celebrat idem plures nostri ordinis Sanctos, qui interfuere Concilio Tolitano III. Sanctum Eusebium, ex Monacho Agaliensi Abbatem ibid. & demum Archiepiscopum Toletanum, Sanctum Agapium ex Monacho item Episcopum Cordubensem, Sanctum Tonancium Episcopum de Palentio, Sanctum Eutropium Abbatem, &c. de quibus latius differit. Requiritur loco cit. fol. 369. & sequentibus. Evenit hoc ipso anno memorabilis illa Casinoclades, quam diu ante sanctissimus eius author, & fundator præviderat prædixeratque, meruerat autem ipse, ut fassus est suis, sibi animas donari, evadentibus in tutum universis, priusquam Saraceni in locum adeo sacrum impie, incumberent, & sacra omnia propharent. Bonitus Abbas cum Monachis, Romam profugit, de quo disertissimum Scipionem nostrum audiamus: *Monachicum Bonito Abbate silentij ac tenebrarum beneficio furtim elapsi, Romam incolumes ex fuga devenere; ubi ad Pelagium Pontificem adeuntes, comiter ab eo benigneque accepti sunt, & in Lateranensi Monasterio, (cui Valentinianus iam diu præsidebat, supra eximiam vitam sanctitatem, ipsiusmet etiam Divi Benedicti consuetudine, ac Magisterio venerabilis,) collocati. Et hac porro cænobij utriusque convictorum, non Domicilij magis quam instituti, atque animorum coniunctione, una atque eadem Congregatio Casinas coaluit, quam annis idemque præses, & utramque domum pari auctoritate moderabatur. Quo postea ex loco tam multi ad Christianam Reipublicam gubernacula nostri ordinis homines evocati sunt, ut verè totius sanctitatis, & meliorum artium clarissima palestra, idemque posset Romanorum Pontificum Seminarium nuncupari. Neque dubium est, quin rationes ad hoc ipsum comprobandum per multa, aliæque insuper dignissima relata suppeterent; nisi (magno sane, & irreparabili detrimento,) locum ipsum, & universa tabularij monumenta idem casus sustulisset, ut molestissime mihi ferendum sit, exceptis Abbatum nominibus, tam longo annorum decursu, nihil aliud relictum esse, &c. Sed spes est, brevifore unum aliquem è nostris, qui honestissimo hoc munere, (quod iam pridem laboriosè urget, feliciter ex animi sententia defungatur. Ceterum cum locus apud Lateranum angustior esset,*

esset, quam ut admittenda tot Religiosorum hominum multitudini sufficeret, ab eodem Pelagio denuo constructus est, qua Romanum Pontificem decebat, Aedium laxitate, & magnificentia, &c. Hucusque eruditissimus. M. Ant. Scipio.

A. C. 590.

S. P. N. 110.

ANnus, nostrorum successu, fructu, ac gloria, præcipuè memorandus; Pelagii tamen Pontificis Romani morte, & lue inguinaria grassante, qua sanctissimus vir sublatus est, funestior fuit. Eius præclare gesta, Conciliorum imprimis celebratione, & approbatione, satis innuimus, si non exhibuimus. His insuper meritis, dum domum suam, Xenodochium senum pauperum fecit, cæmeterium Beati Hermetis Martyris, & Basilicam supra corpus Beati Laurentij à fundamentis extruxit; & tabulis argenteis exornavit. De corpore Sancti Petri (id est) Confectione excolenda, sollicitus, idem argenteis similiter tabulis, & ad splendorem de auratis, honoravit. Concilium Romanum, quod celebravit de statutis Ecclesiasticis, eo quod ad annum certum referri non poterat, referre hic placuit. Evolvit ad sedes superas Beatorum Sanctissimus Pontifex VI. id Febr.

Solatus communem Ecclesiæ moerorem, post sex mensium, 21. dierum vacationem *Gregorius noster*, ab immortalis, gloriosissimè gestorum, fama, *Magni nomen*, iure meritissimo indeptus, amoribus S. P. N. à parentibus, Casinensi, & Sublacenſis cænobiorum præcipuis Doratoribus, à puero innutritus, cuius, & *nativitatem*, & *nomen atque munus* tanto ante, prægnanti tanto Doctore matri Silvæ, Benedictus prædixerat; ipse autem Gregorius, confirmaverat auxerat, & plura deinceps eiusdem ordinis cænobia, donec seipsum quoque impenderet, & DEO consecraret, de novo struxerat. De cuius Benedictino Monachatu, præter innumera tot Monasteriorum toto ordine, & orbe monimenta, & contestatissimas tabulis, Eiusdemnet à Gregorii discipulis varias fundationes, legendus iuxta alios multos, Antonius Iepesius, Clemens

Reinerus, &c. Extant parentum Gregorio, plures cum Sublaco, tum Casino factæ donationes, consignatæ litteris, quas inter, antiquitate cæteris præstans, illa Iustino Iuniore imperante: *In nomine Domini Dei salvatoris nostri, Imperante Domino Iustino iuniore P. P. Augusto anno IV. indict. 2, mense die Iulii 14. Sancto, & Venerabili Monasterio in Monte Cassino, à Beatissimo Benedicto, in quibus fiduciam habeo ego Anicius Gordianus pro Dei omnipotentis amore, & redemptione anima mea ac meorum parentum, &c. interventu quoque ac postulatione, dilectissimi filij mei Anicij Gregorij, de præsentis, in perpetuum concedo, dono & offero, &c. Actum Casini die, anno, mense & indictione supra scriptis. Ut mirum sit, in mentem venisse nonnullis Gregorium tot nominibus Benedicto obnoxium, aliam tunc, cum vel maximè florent, & orbem percellerent universum quam Benedictinam Regulam complexum tantoperè à se commendatam. Cæterum Gregorius gravissimas illico ad Imperatorem litteras dedit, disuadens confirmationem electionis suæ. Sed à Germano Urbis præfecto, his interceptis, aliæ pro confirmatione eius substitutæ sunt. Vestitu dehinc alieno, in spelunca quadâ delitescens, deprehensus indicio colunæ igneæ, tractusq; ad S. Petri, consecratus est; Eius, hoc statim anno, illustre factum, quo instituta septiformi Litania, & deportata ab ipso, Admirabilis Marris Virginis imagine, placat hoc Pontificis Religione Deus, & Angelus ad molem Hadriani visus nudatum gladium vagina recondere, quo facto, lues illa, maximo illico ex parte, cõquievit. Fuit consecratio Gregorii Græcis etiam ipsis, eo in honore, ut solemnem eius memoriam etiam posterì celebra- rent. Gregorius imminenti dein dirissimæ fami subsidium, simul ac ordinatus est Pontifex, è Sicilia frumentum advehendum curavit. Hisque tot, ac tantis circumdatus malis, non dimisit animum, sed quasi Monastica ut olim quiete frueretur, tum (ut ipse testatur epistola ad Sanctum Leandrum nostrum,) præclarissimum illum *de Pastoralicura* commentarium elaboravit. Ecclesiis plurimis per Gotthos vastatis, ope & consilio consulit, & ipso hoc statim anno omni conatu admittitur Schif-*

Schismaticos, derogantes quintæ Synodo, Ecclesiæ Romanæ adiungere. Ut nemo satis explicet, quid uni huic, soli que primo Gregorii anno orbis debeat universus. Celebratum hoc eodem anno Hispalense Concilium, præfidente rursus Sancto Leandro nostro, & synodi decreta ad Pelagium, quem vivere putaverat, destinante. Obijt Beata Radegunda Regina nostra, iam ante, omnibus Episcopis, per litteras, quæ extant, commendato suo, gravi cum obtestatione, Monasterio: quod fortasse præviderat, quænam per Gallias cœnobiis, multo post à Commendatariis lues, & clades immineret. Vitam eius scripsere Fortunatus Episcopus, & Bandoninia Monialis, eius alumna, quæ extat apud Sutrium 13. Augusti.

A.C. 591. S. P. N. III.

EXundant meritis Magni Gregorii nostri, singula etiam temporis momenta. In pauperes beneficentissimus, eorumdem numerum descriptum habebat; Urbanorum præcipue, quibus quotidie largius necessaria submittebat. Peregrinos mensæ quotidie adhibuit: *in quibus, Angelorum, Dominum.* (ex Breviario Romano) *peregrini facie accipit.* Episcopis præcipue invigilans, ne quid eorum negligentia grex Christianus offendiculi pateretur. Monachorum curam inter primas habuit, & bono eorumdem, omni quo poterat modo, consuluit. Præclarum illud, quo inhiantium fauces provide præclufit, illud admonens, *ne ullum, ex delictis alienis, Ecclesia fiscus commodum acciperet.* Sed Compendio parcimus.

In Hispania, felix nostrorum successus, & innumera Sancti Leandri nostri merita, quorum haud ignarus Gregorius, datis hoc anno, ad eundem, sibi longe dilectissimum, litteris, amorem suum egregie contestatus est; *Quamvis sentiam, inquit, absentem corpore, presentem mihi te, semper intueor, quia vultus tui imaginem, intra cordis viscera impressam porto, &c.* In nostros, hoc ipso tempore liberalissimus, Rex Reccaredus, plurima passim cœnobia molitur. Vid. Anti Iepsius tomo. 1. cent. 2. & supra Baron.

Baioariorum per hac tempora conversio (ingens sane ad gloriam ordinis

& merita accessio,) nostris debita. Theodonem ipsum gentis Principem, salutaribus verbis aggressus Sanctus Rupertus noster, Regio Francorum genere ortus; animum paulo post illius ita permovit, ut sacris expiatus undis, Regionem omnem exemplo suo, ad Christi fidem pelliceret. Extructo dein Iuvanij Divi Petri cœnobia Rupertus, eodemque sese cum fratribus concludens, Abbatibus iisdem titulo biennium præfuit; fundataque ex in Salisburgensi celeberrimo Pontificatu, primus eundem multo & perpetuo subditorum fructu, ingentiq; suorum gloria, gubernavit. Ut denuo, ordini nostro debeant orbis, & Germania, eiusque amplissimum tunc Regnum (sic enim non multo post appellatur.) Bavaria, potentissimi initia Archipræfulatus.


A.C. 592.

S. P. N. 112.

Magnus Gregorius, novo & ingenti merito, Africam, mox etiam Hiberniam, in quam usque error se Schismaticus insinuaverat, demeretur, in illa Donatistis oppressis; in ista, iis qui extraverant, ad Ecclesiæ finem recollectis. Baron.

Ordinem etiam universum, immensa Sanctorum copia nobilitat; ex quibus paucissimos nominamus: Floruit in primis, grande ordinis nostri decus, Sanctus Kentigernus, Eugenii III. Scotiæ Regis filius, sed sceptro contempto, Regius vili cucullo Monachus, Abbas dein cœnobii illius, quod à discipulo, & successori Sancti Kentigerni, Sancti Asaphi dicitur. Kentigernus Glascoensium primus Pontifex, eo honore abdicato, ad Monasterii quietem se contulit, in quo dein Abbas, sexcentis sexaginta tribus Monachis præfuit. Clarent item, Sanctus Batherius Abbas, Sanctus Cominus Abbas, Sanctus Eternanus, Sancta Emilianus, Sanctus Deicola, Sancta Adelgundis, Sanctus Aredius, Sancta Oda, Sanctus Sigerannus, &c. omnes præcipuæ sanctitatis, exemplis, de singulis provinciis meritiissimi. Vid. Annal. Ord.

Hispan.



A. C. 593. S. P. N. 113.

Abbati tradidit. *Annal. Eccles. & script. rer. Rom.*

HOc anno Magnus Gregorius no-
llet, sepositis nonnihil curis, stu-
dens solitudini, quatuor Dialogorum
libros composuit; quorum secundo,
Sanctissimi Patris sui Benedicti gesta
complexus, eiusdem memoriam, raro
exemplo, orbis Pontifex, orbi universo
commendavit. Transtulit in Græ-
cum sermonem Sanctus Zacharias Pri-
mus Romanus item Pontifex, & orien-
talibus Ecclesiis (bono nimirum no-
strorum illic agentium,) divulgavit.
Sed neque feriata quidem, secessio illa
brevis omnino fuit; quippe negotia
quamprimum gravia eius quietem tur-
bavere. Altercandum nimirum illi
cum Joanne Ravennate Episcopo fu-
it, qui obiurgatus, cum ægrius tulisset,
illa, Gregorio digna, audire meruit:
*Contra morem quippe Ecclesiasticum est, si
non patientissime toleratur (quod à nobis
absit,) etiam iniusta correptio, &c.* Ex
quæis constat, quæ Pontifici summo re-
verentia exhibenda. Corripiendi eo-
dem anno Dalmatiæ Episcopi; quod
se inconsulto, Prævum quendam, Salo-
nitanz Cathedralis suffecissent. Cæte-
ra apud Baronium videantur. tomo
VII. Sanè manifestum; Gregorium ni-
hil commodo suo, sed universi, om-
nia egisse, ideoque quam maxime me-
ruisse.

A. C. 594. S. P. N. 114.

Merita rursus Gregorii nostri in-
numera, ut studiosè, cæterum om-
nia prætereamus. Verbo, ingentia in-
nuimus verius, quam exprimimus.
Contra hæreticos certamen illi hoc an-
no, & in Africa quidem fuit, quam Do-
natistæ totam pervaserant. Sed & ad-
versum Manichæos præliandum in Si-
cilia fuit. Insuper Iudæi aggrediendi,
quos tamencaptos benevolentia, quam
minis aut malis, maluit. Denique in
convertendis Gentilibus Barbaricinis,
qui Siciliam in federant, nec vano labo-
re, strenuè laboravit. Ecclesiarum et-
iam in Urbe, ne exteris potius, quam
domesticis intendere videretur, cu-
ram diligentem habuit; interque ali-
as, Sanctæ Agathæ in Suburra restau-
ravit, Sancti Pancratii autem, à cleri-
cis derelictam, Monachis, & Mauro

A. C. 595.

S. P. N. 115.

PER hæc tempora clarent è nostris
multi egregia vitæ sanctitate, & do-
ctrina præstantes viri: Marinianus in pri-
mis, sive Marianus Archiep. Rav., ex Mo-
nacho Sancti Andree: Sanctus Maxi-
mianus Archiepiscopus de Zazagoza,
sive Syracusanus, alique cælestibus pro-
digis à DEO commendati. De u-
troque Antonius de Yepes noster, &
plura colligere licet ex Epistolis Gre-
gorii.

Fregit hoc anno, Joannis Constan-
tinopolitani Patriarchæ arrogantiam
Gregorius Pontifex, qui sibi universalis
Ecclesiæ Episcopi nomen arrogabat.
Quanti autem Marinianum nostrum
de quo paulo ante, faceret, eo ipso o-
stendit, quando Salonitanum intrusum
in Dalmatia Episcopum, ad se Romam
venire renuentem saltem Ravennam
venire annuit, illicque Mariniani iudi-
cio stare iussit. Nec minore in Virgili-
um quoque Arelatensem ex Lirinense
Monacho Episcopum benevolentia u-
sus, eidem pallio misso, vices juxta suas
in Gallia commendavit, additis ad Gal-
liarum Episcopos litteris, quibushorta-
batur, ut Virgilio paterent, seque in ipso
vicesgerente venerarentur. Hispa-
nias verò, vel pro amore Leandri sui,
singularius fovens, datis ad Leandrum
litteris, eisdem paternè iugiter prospe-
xit. Misit, & ad eundem hoc ipso etiam
anno librum Regulæ pastoris, & par-
tem Moraliū quam in promptu ha-
bebat: ut pateat clarè universis, quan-
tum ipse Leandro deferret, & quan-
ti idem, ab omnibus etiam posteris,
faciendus esset. *Ex Eccles. Annal. &
Civ.*

A. C. 596.

S. P. N. 116.

Obiit sub hæc tempora Gregorius
Turonensis noster, propugnator
Mysterii SS. Trinitatis invictissimus,
& scriptorum Monumentis clarissimus,
de quibus consule Yepesium tomo 1.
cent. 2. & libro eius Colon. editos.
Steng. V Vion, M. Gregorius Papa, præ-
ter innumera alia, destinat ad conver-
sio-

tionem Gentilium Anglorum, Sanctos nostros Augustinum, Mellitum, aliosque plures Monachos, de quorum Benedictina professione, infallibiliter asserta, necquidquam oppugnata, videatur in doctissimo suo tomo, Apostolus Benedictinorum in Anglia, Reinerus, noster, & in Gregorio suo Magno, Constantinus Caietanus, Antonius Yepes, Zippe, alii plurimi.

Singularem item curam, idem Sanctissimus Pontifex hoc anno habet Monachialium nostrarum; quarum tria circiter millia, in sola urbe Romana alebat, earumque precibus, tantus Pontifex, plurimum confidebat. *Harum vita, inquit, talis est, &c. ut credamus, quia si ipse non essent, nullus nostrum iam per tot annos in loco hoc subsistere inter Longobardorum gladios potuisset.* Hæc Gregorius, & quod addit ipse Baronius: *salutem urbis, ex harum precibus venire professus*, ne quis, nihil, aut parum Ecclesiæ sacras Deo virgines, utpote prædicationi, & activæ vitæ impares, prodesse, stultè, an impiè affirmaret.

A.C. 597.

S.P.N. 117.

Conversionis Anglicanæ, per nostros eo appulso, hoc anno initium factum, & Augustinus de licentia Pontificis, ordinatus Anglorum Episcopus, cum sociis fermè quadraginta, operam quam potuit strenuè navavit, adeo ut hoc ipso anno, ad Natales Domini ferias baptizata sint, plus quam decem hominum millia, auctore ipso Beato Gregorio. Edilbertus quoque Rex Christo adiunctus est. De his fusè præter nostros Cæsar Baronius. Eccles. Hist. tom. VIII.

De plurimorum sub hæc statim tempora Monasteriorum per nostros, & novitios Christianos erectione, videatur Yepes hoc anno, tomo citato.

Siciliam maximis meritis demerentur nostri, plerisque hoc ipso tempore, & aliquot deinceps sæculis, Pontificibus, non aliunde, quam ex Monasteriis, ad cathedras, (et si plerisque diu multumque reluctantibus,) utilissimè extractis. Ita ex Monasterio S. Lucie, quod S. Eulilius (apud quem diversus est Syracusis S. Fulgentius Ruspensis Episcopus) sub Regula S.P.N. condidit, post ipsum ad sedem illam non evehe-

bantur, nisi Benedictini fuissent, ut cum eius Ecclesiæ monumentis, affirmat Hieronymus Pauli Barchinonensis, in Provinciali Ecclesiæ, & optimè liquet ex Gratiani Decreto, ubi Glossa super verbum illud: *Syracusana* aperte fatetur hanc Ecclesiam Monachorum esse, sicut & Cantuariensem, &c. cæterum de aliis Ecclesiis, & Episcopis nostris per Siciliam, fusius Maurus Marchesius, Constantinus Caiet. & diversæ rer. Sicul. Script.

A.C. 598.

S.P.N. 118.

Hoc anno tandem urbi, & Italiæ pacem Magnus Gregorius noster ab Agilulpho Longobardorum Rege impetrat, misso in eam rem Probo Abbate, tantæ prudentiæ viro, ut ante, eum Abbatem Gregorius, quam Monachum faceret; qui negotio illo tam feliciter functus est, ut æternum etiam, de more nostrorum, Italiam, imo Imperium Romanum, faceret sibi ac Monachis obligatissimum. *Ann. Eccl. Hæreticorum Thessalonica exorientium semina*, hoc ipso etiam anno, opprimit, & evellit Gregorius. Iudæorum etiam, in Sicilia Agrigentino agro conversioni intentus, multa summo eorum commodo statuit, & suis præcipit observanda. *Baronius t. 8.*

A.C. 599.

S.P.N. 119.

Sanctorum copia copiosissimus annus. Enitet inter præcipuos, Sanctus Goar, vulgo Presbyter sicut Beda noster, à presbyteratus honore, quod inter Monachos olim presbyteri pauciores essent. Cæterum Monachus Trigoriensis, Monachicæ perfectionis speculum fuit, Præter plurimos, prope Treverim ad fidem conversos, vitæ exemplo longe plures Christo lucratus est. Invidentium gloriæ eius scelere, apud Treverensium Pontificem delatus, cum evocatus se sisteret, admirando prodigio, solari radio per rimam te immittenti, cucullum appendit, quem pro vecte aspexerat. Iactantiæ, & præstigiis magicis id Episcopus tribuit, quod ignorans fecerat Divus. Tentanda alio prodigio viri Sanctitas videbatur; nequē impune: quippe illato in medium trium dierum infante expositio quodamstū forte

fortè reperto, coactus Goar, cuius is esset enunciare, multum reluctans, tandem paruit, & infanti, ut rem ediceret, imperavit. Infans protensa manu, Episcopum designans, illum patrem esse suum, Flaviam verò matrem appellat i verbis disertissimis pronunciavit. Delatum dein Treverensem Pontificatum, multo maiore respuit gloria, quam si acceptasset; eo ipso tanto magis commendandus, quod flexo precibus, in voluntatem eandem Numine, cum morbo diuturno septem annis conflictatus neglecti honoris, & reiecti oneris, culpam tamen ipse nullam ferret, quod per ægritudinem, à Deo impetratam, Episcopatus laboribus impar esset. Cætera eius vitæ, & actuum legantur apud *Laur. Surium t. 4.* Agunt de eodem *Molanus, Maurolycus, Vinc. in Spec. Miraus, &c.*

Florentius super: Sanctus Similianus (Claudio Roberto, Samilianus, vel Samelianus) ex Abbate Cauracense, Episcopus Nannetensis; Sanctus Eutropius ex Monacho, & Abbate Sirbitano, Episcopus Valentinus de quo Franciscus Tarapha, Ambr. Moral. Trithem. V Vion. &c. plures item Sancti, quorum gesta, hoc anno enumerat *Yepesius Ann. tom. 1. cent. 2.*

Gregorii tamen Magni, super omnium omnia, & rursum hoc anno nova merita, ut quamvis iam undecim mensibus, perpetuis ægritudinibus affligeretur, nihil tamen prorsus Ecclesiasticorum negotiorum remitteret. Immo quod magis mireris, verba Baronii sunt, nullus est annus, in quo scriptæ ab eo plures reperiantur epistolæ, & negotia maiora pertractata, ut quem decumbentem in lecto vidisti, eundem epistolis suis, veluti alitem penne ferri, orbemque Christianum lustrantem, verbis instituere, ac disciplina corrigere sentias, &c. Laborat autem in primis, in conversione Schismaticorum, in partibus Istriæ; ut eam etiam Regionem, Monachis debere fatearis. Cætera vide apud *Baron. tom. 8.*

A.C. 600.

S.P.N. 120.

Sub hæc tempora fulgentissimum illud Hispaniarum sydus, Sanctissimus Fulgentius ex Monacho nostro, primum Astigitanus, dein Carthaginensis Episcopus occubuit; qui quantum in Pontificatu utroque fructus fecerit

(verba sunt Lucii Marinæ) plures testantur, Caterum, cum Ariana Hæresis Christianos à DEI cultu conaretur abducere convocato multorum Episcoporum, & Hispanorum Principum Concilio apud Toletum, Fulgentius concionibus suis, & miris operibus, Arianos omnes fortiter oppressit, & Christianos, qui à fide Christi non nihil erant alienati, summa prudentia, & exemplis, ad pristinum DEI cultum reduxit. Fuit autem, vir eruditissimus, quippe, qui linguam Hebraeam, Græcam, Latinam, & Arabicam callebat. Demum cum annum ageret sextum, & sexagesimum convocato Leandro fratre Hispalensi Episcopo, & Laureano amiciissimo Episcopo Gaditano, quem non secus ac fratrem diligebat, summa cum gloria, Calendis Ianuariis è vita migravit, cuius funus, à plurimis Episcopis, & à Recaredo Rege honorificentissimè celebratum est, &c. Scripsit, teste Mariana, librum de fide Incarnationis, aliisque nonnullis quæstionibus, & fratri suo Leandro, in conversione Reccaredi Regis egregiè collaboravit.

Claruit, an obiit, eodem fere tempore, sorore eiusdem Fulgentij Sanctissima Florentia, vitæ sanctioris exemplo, longe meritissima. Ordinis nostri Patres Hispani, ex Breviario Toletano in Divinis officiis ita legunt; Florentia, sive ut alii eam vocant, Florentina, Fulgentii, Leandri, & Isidori Episcoporum soror; cum à teneris annis, Virginitatem DEO novisset, Monasterium tandem Monialium Ordinis Divi Benedicti ingressa est, quod olim, ad Singulis fluminis ripam in agro Astigitano, trecentis, & eo amplius Christi Virginibus, ibidem congregatis, amplissimum fuit, in quo tanta vitæ, & morum sanctimonia Florentina Virgo præfulsit, ut non tantum huius, sed etiam aliorum plurium (quadraginta numerat Mariana) eiusdem Instituti Monasteriorum regimini præfecta fuerit: in quibus innumera Virgines (& quantum mereri poterat tantus numerus, si de longè minori tantum præsumpsit, ut supra vidimus, Magnus Ecclesiæ Doctor Gregorius) mira vitæ austeritate, & puritate Domino serviebant. Denique cum ultra septuagesimum ætatis annum vitam, quam Angelicam semper duxerat, produxisset, ad calum cum sponso Christo in perpetuum regnatura evolavit 12. Cal. Iulii, &c. Neque Sanctitatis solum, Germani isti, sed præ hoc contemptus opum, & hæreditatis amplissimæ (erant quippe Seve-

riano Duce nati, cuius pater fuerat Theodoricus Ostrogotthorum, & Italiae Rex) exemplo, ordinem egregie commendarunt; ostenderuntque manifesto, quanto potius esset cucullo latere, quam auro gemmisque aclato imperio explendescere. Videatur Caietanus in vita Sancti Isidori, Luc. Marinus, Ioan. Mariana, Ioan. Vassaus Chron. Hisp. an. 567. & alii.

Claruerunt inter innumeros, nostri Ordinis Sanctos, praecipue hoc anno, Sanctus Volfius, & Sancta Ermelinda; uterque prodigiose gestis, universo facem eximie lucis praeferentes de quibus consulatur Ypes noster *tomo 1. cent. 2. hoc anno.* De Volfii admirando vitae rigore ipsiusmet verbis, ita Gregorius noster Turonensis, ante illum caelo assertus; Columnam etiam statui, in qua cum grandi cruciatu, sine ullo pedum stabam tegmine itaque cum hyemis tempus solito advenisset, ita rigore glaciali urebar, ut ungues pedum meorum saepius vis frigoris excuteret, & in barbis meis, aqua gelu connexa candelarum more penderet, &c. Ut videas nostris, nec Styliarum quidem exempla defuisse.

A. C. 601.

S. P. N. 121.

BEne mereri de Ecclesia Vniversa, suo iam more studuit Magnus Gregorius noster, & praecipue hoc anno de Gallia, quam Symoniaca purgare labe omni industria conatus est, datis ad Brunichildem Reginam malorum omnium fontem, non semel litteris. Ipsumque non minore nostrorum laude, facit praesens, adulari nescius Reges ipsos, noster Columbanus (de cuius vera Benedictina origine, contra nonnulorum, & Tomici inprimis, opinionem multis, *tomo primo Constantiae Benedictinae, agemus*) quod absens Gregorius evincere litteris satagebat. In Anglia, nostri, universi Regni immortalis bono, strenue defudant; quibus, ipso hoc anno, pro insigni ex tantis laboribus fructu, gratulatur Gregorius; Regem item & Reginam amicissimis litteris compellat, & ad maiora exhortatur; partitur item, & designat per Angliam Episcopatus.

Sed quem de universo meritum, etiam de nostris omnibus meritissimum

audiamus: Cum autem adeo (verba Baronii ponimus, nequid nostris videamur affingere,) Gregorius laboraret corporis morbis, nihil tamen reperitur remisisse cura pastoralis, prospiciens cunctis, in omnibus vigilans, & laborans. Hoc namque anno collegit synodum Episcoporum, in qua ante vitae exitum, quem proxime imminere, ob ingem corporis malam valetudinem, sentiebat, voluit consulere Monachorum quieti, & indemnitati, probe sciens, ipse iam antea Monachus id expertus, quantas interdum solerent ab Episcopis Monachi molestias pati. Sic igitur collectis Episcopis viginti, Presbyteris pariter atque Diaconis Cardinalibus, Nonis Aprilis, pro Monachis edidit decretum, quod appellari consueverat Constitutum.

Gregorius Episcopus omnibus Episcopis.

Quam sit necessarium Monasteriorum quieti prospicere, & de eorum perpetua securitate tractare, ante actum nos officium, quod in regimine Canonici exhibuimus, informat. Et quia in plurimis Monasteriis, multa a praesulibus praedicia, atque gravamina Monachos pertulisse cognoscimus: oportet, ut vestra paternitatis provisio de futura quiete eorum, salubri disponat ordinatione, quatenus conversantes in illis, in Dei servitio, gratia ipsius suffragante libere perseverent. Sed ne ex ea quae magis emendanda est consuetudine quisquam Monachis quicquam molestiae praesumat inferre, necesse est, ut haec quae inferius enumerare curavimus, ita studio fraternitatis Episcopi debeant custodire, ut ex eis non possit ulterius inquietudinis occasio reperiri.

Interdicimus igitur in nomine Domini nostri Iesu Christi, & ex auctoritate Beati Petri Apostolorum Principis, cuius vice huic Romanae Ecclesiae praesidemus, prohibemus, ut nullus Episcoporum, aut saecularium, ultra praesumat, de redditibus, rebus, vel chartis Monasteriorum, vel de cellis, vel villis, quae ad ea pertinent, quocunque modo, vel qualibet occasione, minuire, vel dolos, vel immissiones aliquas facere. Si qua causa forte inter terram venientem ad partem suarum Ecclesiarum, & Monasteriorum evenerit, & pacifice non potuit ordinari: apud electos Abbates, & alios plures timentes Dominum, sive voluntaria delatione, mediis Sacrosanctis Evangelii finiatur.

De.

Defuncto autem Abbate cuiuscunque congregationis, non extraneus eligatur, nisi de eadem congregatione, quem sibi propria voluntate, concors fratrum societas elegerit, & qui electus fuerit, sine dolo, vel venalitate aliqua ordinetur. Quod si ipsi inter se personam invenire nequeant, solerter sibi curent de aliis Monasteriis similiter ordinandum. Neque constituto Abbate, quæcunque persona, qualibet occasione præponatur, nisi fortè extantibus, quod absit, criminibus, quæ Sacri Canonis punire monstrantur. Pariter autem custodiendum est, ut invito Abbate, ad ordinanda alia Monasteria, aut Sacros Ordines, vel Clericatus officium tolli exinde Monachi non debeant. Descriptiones quoque rerum, & charitarum Monasterii, ab Episcopo Ecclesiasticas fieri omnino vetamus: sed si quando res exigit, Abbas loci cum aliis fratribus, causas rerum inventarum faciat, & eorum consilio, & iudicio finiantur. Obeunte quoque Abbate, Episcopus in describendis providendisque rebus Monasterij acquisitis, vel datis perquirendis, nullatenus se permisceat. Missas quoque publicas ab eo in Cænobio fieri omnino prohibemus, ne in servorum DEI recessibus, & eorum receptaculis, ulla popularis præbeatur occasio conventus, vel mulierum fiat novus introitus; quod omnino nec expedit animabus eorum. Neque audeat ibi cathedram collocare, vel quantumlibet potestatem habere imperandi, nec aliquam ordinationem, quamvis levissimam faciendi, nisi ab Abbate loci fuerit rogatus: quatenus Monachi semper maneant in Abbatum suorum potestate. Nullumque Monachum sine testimonio, vel concessione Abbatis, in aliqua Ecclesia teneat, vel ad aliquem promoveat honorem.

Hanc ergo, scriptorum nostrorum paginam, omni futuro tempore ab omnibus Episcopis, firmam statuimus illibatamque servari, ut & suæ Ecclesiæ iuvante Domino tantummodo iure contenti, & Monasteria Ecclesiasticis conditionibus, seu angariis, vel quibuslibet obsequiis sæcularibus nullo modo subjaceant, nullis canonicis iuribus deserviant, sed remotis vexationibus, in cunctis gravaminibus Divinum opus cum

summa animi devotione perficiant. Hactenus Gregorii Constitutum.

Vniverſi Episcopi respondere; liberati Monachorum congaudemus, & quæ nunc de his statuit Beatitudo vestra firmamus. Sequuntur ista omnia subscriptiones, & primo loco eiusdem Pontificis hoc modo.

Gregorius Episcopus Catholica, & Apostolica Romana Ecclesiæ huic constituto à nobis promulgato subscripsi.

Agnellus Episcopus Sanctæ Ecclesiæ Ferenſis, huic Constituto à vobis promulgato subscripsi.

Humilis Episcopus Belitrenſis, huic Constituto à vobis promulgato subscripsi, & sic alii omnes Episcopi &c.

Hæc in Magni Gregorii nostri, apud suos commendationem, quorum rebus non tam providit, quam quæ consequuta de hinc, pridem prævidit; struentibus omni sæculorum decursu, Monasteriorum opibus, privilegiis, Abbatibus, insidias varias varijs, sed ope Divina, & Sanctorum, Gregorii imprimis, tanti Ecclesiæ Doctoris, ac Summi Pontificis; nec non aliorum item Sanctissimorum Orbis Pontificum, sua Decreta, Constituta, & jura, sua suosque defendentibus; nostris denique triumphantibus, gravi, & æterno plerumque eorum qui invaserant, aut ambierant, corporum, honoris, animorumque dispendio; quod in nostra Germania, & Vniversis tomis, evidenter docebitur.

Et quidem, uti in genere Cænobijs per universum universis, ad posteritatem sæculorum omnium consultum Constituto hoc voluit, sic & in specie diversis partim Cænobijs virorum ac mulierum ope, opibus, atque immunitate liberalissimè providit, dignè nimirum ea sua ad Bonitum Abbatem Casinensem seria contestatione pro amore nimirum, quem in communem Patrem, & Magistrum nostrum Benedictum, & in discipulos eius specialem, & singularem gerimus, &c., ut suis nimirum eodem Patre fratribus, viscera sua, revera consecraret. Ex Epistola ad S. Bonitum quintum Casinensem Abbatem conf. Const.

Calet. Matth. V. V. eis. alii plures.

A. C. 602.

S. P. N. 122.

STudiis & laboribus irrequietis Gregorii nostri, debet rursus Ecclesia universa, diversissimis Regnis, & provinciis submittentibus se, & devoventes ingenti numero Hæreticos, & Schismaticos. De quorum reversione seu conversione, exquirendus hoc anno Baronius. Rebus inprimis Africanis intentissimus, eo, operæ accogitationum hoc anno ferè plurimum contulit; Bizacense, inter alia, Concilium, sed & aliud in Numidia convocavit. Restituendis denique Sancti Pauli, & Sancti Petri in Vrbe, Basilicis animum ac sumptus impendit.

Clarent rara Sanctitate è nostris: Sanctus Paterius Brixienis Episcopus, è Monacho Sancti Andreæ Romæ, dignus Magno Magistro Gregorio discipulus de quo videndi Baronius, Prosper Martinengus, Arnoldus Wionius, &c. Sanctus Sindulphus Monachus Presbyter, Sancti Basoli Abbatis discipulus, de quo Trithemius *lib. de vir. Ill. Ord. 3. cap. 46. Baronius in notis Martyrologii Roman. VVion, &c.* Felicitatem etiam potior in cucullo, quam Regnis quærunt, Beatus Drostanus Aidani Scotiæ Regis avunculus, Regio, & ipse genere ortus, qui obediendo utilior Regno, quam imperando, Sanctitatis exemplo multos ad bonam frugem reduxit, quos pompis delusos mundus secum præcipitasset. Et Sopatra Mauritiæ Imperatoris filia, florente etiamnum in Imperio patre, imminente vel ideo cladi subducta, quod indemnitate egregio, & generoso fastus Imperatorii cõtemptu mereretur. Effulgit miranda, & ipsa Sanctitate, æternum Augusti Sanguinis exemplar, & ornamentum. *Videndi Leslaus lib. 4. de Drostano, & VVionius fol. 497. & 99.*

A. C. 603.

S. P. N. 123.

Effulget prodigiosissimus ille mirandorum patrator Sanctissimus Abbas Venerius, qui hoc ipso tempore, de Insula Palmaria immortaliter meruit; omnibus illius Cœnobiiis egregie restitutis, & ad certam vitæ rationem adductis. De mortuis ab eo suscitatis, & aliis insolentibus sane prodigiis, quibus Ecclesiæ Sanctitati dignissimus ipse

testis accessit, fusius alii, & legendi Antonius de Yepes tomo 1. cent. 2. hoc anno, Petrus de Natalibus, Philippus Ferrar. Petrus Equilinus, alii &c. Corpus mortui, raro etiam miraculo, Angelicis manibus, quod humanis id obsequii non conveniret, sepultum est, in Cœnobio Divi Prosperi. Cir.

Brunichildis Regina, quantumvis scelerata, & sacrilega, atque à nostris, pro sceleribus nefandis acius correpta, in se corripientes multa machinaretur, & gravia, de Ordine tamen universo quid sentiret, quidve ab eodem, saltem à morte, animo suo solatii seu remedii speraret, incredibili liberalitate in nostros jugiter testata est, quando tot, ac tanta, sacra construxit ædificia, ut incredibile videatur, teste Aimoino ab una fæmina, regnante duntaxat in Austrasia atque Burgundia, erigi potuisse. *Hist. Franc.*

Migrat hoc eodem anno, ex mortalibus, ad immortalia, & felicia illa Regna, Magnus Leander noster, Hispaniensium Archipontifex, Hispaniarum Apostolus: *vir, ut ait Isidorus, Suavis eloquio, ingenio præstantissimus, ut etiam fide eius atque industria populi Gentis Gothorum ab Ariana insania, ad fidem Catholicam reverterentur. Vid. Yepes, & Isidorus libro de viris Illustr. c. 28.*

A. C. 604.

S. P. N. 124.

VT illustrissimus meritis Magni Gregorii hic annus est, sic morte eiusdem longè tristissimus de quibus Baronius consulendus. Eum Alfredus Rex Angliæ, *immensum Thesaurum* appellat, *quia generis humani maximam partem calo lucrifecerit.* Isidorus, viventem hoc encomio ornat: *Organum Spiritus Sancti, per cuius gratiam, tantum scientiæ lumine praditus evaserit, ut non præsentium modo temporum, quisquam Doctorum, sed nec in præteritis quidem ipsi par fuerit unquam, &c.* *lib. de Viris Illustr. Eccles. Script. cap. 27.* Sanctus item Ildephonus noster: *Ita cunctorum meritorum, ait, claruisse perfectione sublimem, ut exclusis omnium virorum illustrium comparationibus, nihil ipsi simile demonstraret antiquitas; vicisse enim Sanctitatem Antonium, eloquentia Cyprianum, sapientia Augustinum, &c.*

Eius

Eius merita, quantumvis suspiciat, & deprædicet orbis universus, nulla tamen sæculorum posteritas commendando exhauriet sive æquiparabit. Præter Anglos, ab Idolorum veneratione, dæmonum servitute, vindicatos; *Ligures, Venetos, Hiberos*, aliosque à schismate sub libello confessos, Chalcedonensem synodum venerari compulso, ad unitatem Sanctæ Ecclesiæ revocavit; insuper *Barbaricinos, Sardos, & Campaniarum rusticos* à paganizandi ritu removit. Sed & *Donatistarum Hæresim in Africa, Manichæorum in Sicilia, Arianorum in Hispania, Agnoitarum Alexandria, Icriptorum suorum* validissimis rationibus, auctoritate, importunis que legationibus, compressit. *In Gallis quoque Neophytorum Hæresim* Symoniacis muneribus pullulascens, sustulit, nulli non, cognito tunc fere regno aut provinciæ, benefecit, sanè facere studuit. Debet

Gregorio nostro Ecclesia universa, & omnis posterorum ætas: *Ordinationem Breviarii Romani*, & alia inter, solemnem illum usum versus: *Deus in adiutorium meum intende, &c.* initio omnium Horarum Canonicarum, à Sanctissimo Patre tuo nostroq; Benedicto, primum in Cænobiis nostris institutum, iussu dein Gregorii in universam Ecclesiam introductum. Debet Ecclesia: *Antiphonarium* ab ipso de novo compositum. Debet: *Officia Fæstorum plurimum*, totum præcipue *Circumcisionis Domini*, & omnium ferè Sanctorum Romanorum Pontificum, ut Sancti Marcelli, Felicis, &c. *Omne vero officium Ecclesiasticum* stylo elegantiore, & compendiosiore renovando idem composuit. Vi. deantur Fasciculus temporum, Polyd. Virgil. de inuent. rer. Panvinus, Platina, Ioan. Beler. Iacobus Pamelius, Rat. Divin. Microl. Wion, &c.

Debet Ecclesia Univerſa Inſtituenti Gregorio:

Missæ sacrificium ita auctum, & pulchrè compositum, ut sensu quorundam minimè malo eiusdem quasi Auctor habeatur. Instituit autem de novo:

Introitum, loco psalmorum olim initio Missæ in Ecclesia decantatorum.

Gloria Patri, & filio, &c. post Introitum.

Kyrie eleison novies repetitum, nomine nimirum novem Angelicorum ordinum, quorum cultum, imitatione Sanctissimi Patris sui Benedicti mirificè propagavit, & de cælo terrisq; insigniter meruit.

Alleluia, ex usu Hierosolymitanæ Ecclesiæ, ipse in universam introduxit, extra tempus Septuagesimæ.

Tractum, omisso Alleluia, à Septuagesima nimirum usque ad Pascha. Collectas, sive orationes, Secretas item, & quæ post Communionem recitantur, ipse composuit.

Offertorium post Evangelium cantari instituit.

Præfationes alias auxit, alias sustulit.

SS. Missæ Canonem his verbis auxit: Diesque nostros in tua pace disponas: atque ab æterna damnatione nos eripi, & in electorum tuorum jubeas grege numerari.

Orationem Dominicam cum humili illa præfatione dici voluit. Præceptis salutaribus moniti, & Divina institutione, &c.

Antiphonam illam quæ dicitur Postcommunio ipse composuit, & cantari præcepit.

Denique supra Sanctorum Martyrum corpora celebrari voluit, & ab hora tertia ad Nonam, quia illa Iesus Christus linguis Iudæorum crucifixus; hac vero Spiritum Patri reddidit. Consulendi de his Amalarius Fortunatus noster, Berno, Abbas de offic. Missæ, Micrologus, Radulphus, Rhabanus, Platina, Rat. Div. Panvinus, Durandus, Yepes, Wion, &c.

Sed quanto plura commemoramus, tanto se amplior, & profundior nobis aperit meritorum Gregorii verè Magni Oceanus. Paucissima numeremus.

Debentur instituenti primum Gregorio nostro:

Dignissimus ille summo culmine, humillimus iuxta titulus: *Servus servorum DEI*, quo in hodiernam usque diem Pontificia Maestas utitur, eoque designatur.

Institutio Ieiunii adventus, ante Natalem Domini, quod ille sacrum tempus, *Feriale*, sic appellant, & Dominicale, officio à se composito exornavit, & in hanc usque diem Ecclesia Romana celebrare perrexit.

Institutio festi commemorationis Sancti Pauli Apostoli, cuius officium ut & *SS. Apostolorum Petri, & Pauli*, atque *Sanct. Andrea* ipse composuit, & eo præcipue de Sanctissimo Petro aliisque imo Roma ipsa, Romano Pontifice atque orbe universo insigniter meruit.

Institutio festi Dedicationis Ecclesie, qua Gregorius noster, ita de universo meruit, ut neque Ecclesia uspiam ulla esset, neque Tutelaris alicubi Divus coleretur, cuius ipse honori non consuluerit, & juxta, commoda inde nascentia peregre promoverit.

Institutio feriæ IV. Cinerum, in capite ieiunii qua mortalibus omnibus longè utilissimus, peccato omni, remedium certissimum, & efficacissimum, mortis memoriam obligavit.

Institutio lotionis pedum, die Jovis sacro, mos longè sanctissimus, & cum Pontificis Romani, aliorumque præsulum maiestate visendus.

Institutio adorationis Sanctæ Crucis in die Parasceves: quo ritu quantum Ecclesie DEI adjumenti accreverit, quantum bonis devotionis, malis verò, præcipue Iudæis, confusionis, judicent, contra inimicos Crucis Christi, vivifici signi amatores.

Institutio Cantus firmi, Romani, seu Gregoriani: qui ipsi debetur repertus, & institutus; aliis vero nostris, maximè item sanctitatis Monachis, posteris sæculis auctus, exornatus, propagatus.

Institutio Litaniarum, Rogationum, & Processionum: de quarum utilitate, & Gregorii inde meritis, ij solum ignorant, qui Historiarum ignari prorsus, ea nesciunt, quæ longè prodigiosissima, ope harum nostris successisse, est compertissimum.

Institutio stationum, sive indulgentiarum, ut vocant, iis, qui certis, & assignatis temporibus seu diebus, ad diversas urbis Ecclesias convenirent, collatarum, de quarum utilitate, adeoque Gregorii nostri meritis quid iudicent, opinio, & sententiæ eorum expendantur, qui tanto sæculorum decursu, tot mortalium, sine numero, millia, ex universo terrarum orbe, Romam confluxere. Quas vero instituit, præcipuæ sunt:

Stationes Urbis seu Indulgentiæ à Gregorio instituta:

Ferijs Quarta, sexta, & Sabbatho quatuor temporum.

Vigilia, & festo ipso Sacratissimæ Nativitatis Christi.

Diebus Sanctorum Stephani Protomartyris, Ioannis Evangelistæ & SS. Innocentum.

Diebus Circumcisionis, & Epiphaniæ Domini.

Dominicis in septuagesima, sexagesima, & quinquagesima.

A Feria IV. Cinerum, usque ad Dominicam in Albis inclusive.

In Litanis Maioribus die Sancti Marci Evang.

In festo Ascensionis Domini.

Vigilia Pentecostes usque ad Dominicam SS. Trinitatis exclusive.

In festivitibus Sanctæ Crucis.

In Anniversaria Dedicatione Ecclesiarum S. Salvatoris, & SS. Petri, & Pauli, &c.

Videantur, & de supra dictis consulantur: Ioan. Diac. Guil. Dur. Rhaban. Amalar. Fortunatus, Berno Abbas. Microl. Polyd. Virgil. Rupertus Abb. Ioan. Beleth. Radulphus. Parvi-

Panvinus, Platina, VVion, Tepez, Alphon. Villegas, VValafridus, Sigebertus, Alcuinus, &c. & ante omnes Gregorii ipsius opera Colonia edita, & alii plurimi.

Debet Gregorio nostro Terrarum Orbis Vniversus

Pacem universalem,

Quam nimirum, ea ad Canonem additione meruit, & *pacem tuam nostris concedere temporibus, &c.* de qua iam nos superius, & legendus etiam Wionius noster.

Debet particulariter Imperium Romanum, & Italia

Pacem Particularem,

Compositam inter Imperatorem Roman. & Agilulphum Longobardorum Regem, quem & ipsum ad preces Theodolindæ eius coniugis ex Ariano Orthodoxum fecit, Longobardosque (pro quanto merito!) Ecclesiæ adunavit. Acceptos etiam referant necesse est Titulos suos S. R. E. Cardinales,

Debent Gregorio S. R. E. Cardinales
Titulos suos

{ Sanctæ Balbinæ in monte Aventino.
SS. Marci & Achillei.
Sancti Xysti.
Sanctorum Marcellini, & Petri.
Sanctæ Crucis in Ierusalem.
Sancti Stephani in Monte Cælio.
Sanctorum quatuor Coronatorum.

Quorum nimirum Eminentissimorum Ecclesiæ Principum, meritis Magni Gregorii sui, Ordo noster iure perpetuo, patrocinium interpellat. Eius Magni Doctoris, opere omnia, quæ extant, excusa sæpius, bono universi maximo, Lugduni, Parisiis, Romæ, Veneriis, Colonia, &c. quæ quia cæteroqui longiores fuimus, consulto præterimus, & ad illa lectorem, immo ad solum Breviarium Romanum remittimus, in quo præcipuis ferè festis, Ecclesia universa, Gregorii verbis, suum de celebritate dierum solemnium, plausum, & sensum attestatur. *Videntur dilatus Tepezius noster, VVion, aliique supracitati.* Sed in ordine annorum, & nostro instituto pergamus.

A. C. 605.

S. P. N. 125.

Quanta Gregorii nostri de se merita fuerint, hoc primum anno, altero ab eius obitu, experti Italiæ, & Romanæ in primis Urbis incolæ, & inquilini; quippe urgentibus calamitatibus, & gravi ante omnia fame, cum Sabinianus Papa, liberalitati, & piæ Antecessoris consuetudini, Oeconomix, an qualicunque alio studio derogaret, *redivivum* voto suo Gregorium omnes optavere. Neque defuit hoc primum anno, etiam mortuus Gregorius, benè mereri: Sed monitum bis terque ac quater, acriusque pro tenacitate correptum Sabinianum, baculo denique deterfum, ita terruit, ut paulo post emoreretur.

Obit hoc eodem anno, & in Anniversaria quidem eiusdem Sancti sui Patris ac Magistri Gregorii, memoria, Sanctus Petrus, vulgo Diaconus, ex Monacho Sancti Andreæ Romæ, S. R. E. Cardinalis ab ipso Gregorio creatus, qui Collegii Apostolici eminentissimam dignitatem, Sanctitatis præcipuo ornamento, plurimum illustravit quem-

que ab eo tempore nostrorum plurimi, in sublimi Cardine honoris eminentia subsequuti, præter locatam insigni cum fructu, Ecclesiæ operam indetestam, innumeris prodigiosa Sanctitatis exemplis, eum ordinem, non tam ornare, quam consecrare ideoque se dignissimè ornantem, ipsi ad cælum usque extulere.

Clarent è nostris innumeri, diversissimis toto orbe provinciis, doctrina, Sanctitate, & prodigiorum immensa multitudo. De Gregorio supra, consulendi *Sigebertus noster, Baronius, & citati de sequentibus legendi Annales Ord. Tepezij.*

A. C. 606.

S. P. N. 126.

IN Belgicis partibus, nostrorum dignissimi labore successus, & Vincentius denique ipse, potentissimus Hannoniæ Comes, postquam nostris liberalissime benefecisset, immo plurimos nostrorum ex Hibernia adducendo (inter eos præcipui, Sancti Foillanus, Vltanus, Fursus, Etto, Eloquius Adalgisus, quorū memorandissima memorare vix nomē clatura isthac per Breviarium limi-

limites licet) de universo Belgio immortaliter meruisset, hortatu Sancti Auberti nostri Cameracensium Episcopi, extracto ad Sabim Altimontensi Monasterio, Deo, S. P. N. Benedicto, nostris denique seipsum devovit, & Sanctorum Belgii numerum auxit. Eundem pari quamprimum animo consequuta, Sancta V. Valde tridis, coniux illustrissima, excitato suis sumptibus Castrilocensi cœnobio, se mancipavit, & sacrum velamen à Sancto Auberto accepit. Confluente exin, tantæ Principis exemplo, ingenti Virginum multitudine, integram paulo post Heroinarum militiam Deo adduxit, & singularem illum, sponsum Christum sequentium Virginum, Hymnum, lubilum, & plausum egregiè iuvit, & accendit. Neque abs re videtur, hic saltem meminisse, dum numerare non licet, computato illo, de quo superius, Beatæ Florentinæ, Beatæ Virg. Radegundis Reginæ, Virginum Romanarum Deo sacrarum, à Magno Gregorio commendatarum, nec non Galliarum, Scotiæ Hiberniæ, Angliæ, Hispaniæ, &c. Monialium numero, facile è diversarum gestis evinci: *perfectarum*, adeoque *Sanctarum* numerum, ad hunc, ab obitu S. P. N. Benedicti, annum, *centum millium* parcius, quam amplius definiri. Vt vel uno, immo multo tot millium Virginum exemplo viri, & Heroes ipsi, omnium ætatum, discant, supra omnem Oratorum facundiam hoc argumento edocti, posse se etiam, *de mundo carne, diabolo triumphare*, quando infirmior multo sexus, & tenerimæ puellæ, summo cum Ecclesiæ ornamēto ac fructu, potuere. De SS. Vincentio, & V. Valde trude ex vita eorundem. Vid. etiam Miræus, Balderic. Chron. Camerac. V. Vion, & nos fusius alibi.

Immortale Ordinis, & Magni Ildorini nostri, de Vniverso, & Hispaniarum imprimis, Regnis meritum; Mahometis impiissimi Pseudoprophetæ fraudibus primum proditis ac convictis, ipso etiam ex Hispaniis pulso, iisque quos abstraxerat, seu abstrahere cœperat, ad gremium Sanctæ Matris Ecclesiæ recollectis. Ex M. Maximo, & Francisco de Vivar. necnon fascic. temporum, &c.

A. C. 607.

S. P. N. 128.

Illustrissimus hic annus Pontificatu Romano Sancti Bonifacii I V. is Ioannis Medici filius, Valerientis, Marfus, ex Monacho Sancti Sebastiani in Vrbe, Congregationis primæ Benedictinæ, ad honorum omnium summum apicem conscendere, eximia vitæ sanctitate, & prudentiæ laude meruit, renunciatus 5. Idus Iunii indict. 9. idem statim à consecratione, Magnum Gregorium imitatus, ædes proprias, in quibus educatus, an Cardinalis habitaverat, in cœnobium convertit, & innumero nostrorum numero, nisi aliquem saltem superadderet, satis non habuit. Meritus sub initia statim Pontificatus, non de Vrbe solum, Italia, atque terrarum orbe universo sed cælo etiam ipso, ipsiusque magna Imperatrice Virginum Virgine; cuius honori, nobilissimum illud delubrum, & vetustissimum Romanæ magnificentiæ, sed & miseræ iuxta servitutis, monimentum, Pantheon, ab antiquæ sordibus Idololatriæ expurgatum, dedicavit & nuncupavit, dignissimo sane titulo, D E O S seu Dæmones omnes, ipsa triumphante, isto Triumphatricem honorante. Illatis proin Sanctorum Martyrum exuviis, Sancta Maria ad Martyres, & paulo post à templi forma, Sancta Maria Rotunda appellatur. Baron, aliq.

A. C. 608.

S. P. N. 128.

Inter alia ordinis nostri sydera, egregium, ex Hispano climate, sydus, universum illuminat, Sanctus Helladius noster Toletanus Pontifex, ex Monacho Agaliensi eiusdemque cœnobij Abbate secundo, qui illustribus conversionis suæ initiis, vir in Regia spectatissimus, quid de instituto nostro sentiret, quantique Monachos faceret, manifeste ostendit. Dignum, ut ex Ildephonso nostro audiamus: *Helladius Episcopus post Aurassium, sedis eius adeptus est locum. Hic, cum Regiæ aulæ Illustrissimus, publicarumque Rector existeret rerum, sub seculari habitu, votum Monachi explebat, & opus. Nam ad Monasterium meum illud Agaliense, cuius me susceptio Monachum tenuit; quod munere DEI, perennisque ac patenti Sanctitatis, (intellege, quid uni huic cœnobio nostro debeatur*

beat Hispania, imo Ecclesia universa,) decore & opinabile est cunctis, & palam est totis, cum saepe discursantium negotiorum ductus itinere perveniret, remota clientum secularisque pompa decoris, adeo Monachorum peculiaritatibus inharebat, ut turmis junctus eorum, stipularum fasciculos ad Clibanum deportaret. Cumque inter decorem, insolentiamque saculi, solitudinis, & amaret, & sectaretur arcana, celeri fuga, relictis omnibus, quae esse noverat mundi, adiit Sanctum Monasterium, quod frequentaverat voto, venit permanens optati voti usu. Ibi factus Monachus, pariter meritis, & studiis sanctis vitam Monachorum debite rexit, & statum Monasterii totius, rei communis divitiis cumulavit. Ex hoc, fessis pene senio artibus, cum ad Pontificatus, apicem evocaretur: & quia vocaretur, victus pariter, & invitatus, illic maiorum virtutum exempla, quam Monachus, dedit: quia statum Mundi, (notanda sane periodus,) quem contempsit virtute, magna perhibetur rexisse discretionem, &c. Beatus habitus fuit, & post, beatam gloriam caelestis Regni bona plenus senectute, promeruit. Videatur etiam Baron. in not. Martyrol. Roman. Ambrosius de Morales, Vasæus, Rodericus Tolet. Alphonsus de Villegas, &c.

A.C. 609.

S. P. N. 129.

O Bije felicissime Magnus ille Anglorum Apostolus Sanctus Augustinus, primus Cantuariensis Archiepiscopus, de Regnis illis praecipue meritis, in quibus praeter plures celebratas Synodos; vicinos etiam ad societatem fidei pellexit, & plurima tanto praesule dignissima instituit, raris à DEO, & vivens, & mortuus prodigiis honoratus. Eius hoc Epitaphium Baronius protulit, ex Beda:

Hic requiescit Dominus Augustinus, Dovernensis Archiepiscopus primus, qui olim huc à Beato Gregorio, Romanae Urbis Pontifice. Directus, & à DEO miraculorum operatione suffultus, & Edilbertum Regem, & gentem illius ab Idolorum cultu ad fidem Christi perduxit, & completus in pace diebus officii sui defunctus est VII. Kal. Iunii eodem Rege regnante.

Successit autem, pergit Beda, Augustino in Episcopatu Laurentius, &c. qui Archiepiscopatus honore potitus, strenuissime fun-

damenta Ecclesiae, quae nobiliter iacta vidit, augmentare atque ad perfectum debiti cultum, & crebra voce sancta exhortationis, & continuis pia operationis exemplis provehere curavit. Denique (ut, quam amplemeruerit oriens iste, in occasu Sancti Augustini, Angliae Sol, probius intelligas) non solum nova, quae de Anglia erat collecta, Ecclesiae, curam habebat, sed & veterum Britanniae incolarum, necnon & Scotorum, qui Hiberniam Insulam Britannia proximam incolunt, populis pastorem impendere sollicitudinem curabat, &c. Fufius, qui ab exemplo maxime rem probatam velit, de his Beda Venerabilis, & Baronius ad annum Christi DCIV,

A.C. 610.

S. P. N. 130.

Dedicata hoc ipso anno, mirando sane prodigio, Ecclesia Sancti Petri Caenobii Londoniensis, ab ipso Principe Apostolorum Petro, in ingenti Caelitum caelo descendit frequentia, quam Romani Pontifices deinceps Dedicationem, plurimis miraculis confirmatam, ratam habuere. Eo egregio certe, praecipui in nostros amoris argumento testatus est primus, & princeps Christi, & à Christo Vicarius, quantum nostris, etiam tunc referret pro laboribus gratiae, & ab iisdem porro quid deinceps speraret, seu expectaret. Videatur hoc ipso anno Baronius tomo octavo.

Meruit, hoc etiam anno, eternum, si agnoscerent, apud Anglos amorem, Sanctus Bonifacius noster, id nominis Papa IV. qui solemne summo eorumdem bono, Romae Concilium indixit, & celebravit. In eodem egregio nostrorum honori consuluit, invidentibus iam tunc nonnullis, & dolentibus: Monachos, ceu sui officii ignaros, quod plangentium non docentium esset, inter turbas versari, summis honoribus, & honoratissimis laboribus fungi, quod suo alii detrimento, & adversum ambitioni fieri, imaginabantur. Existimavit, pro summa sua in Ecclesiam universam auctoritate Bonifacius IV. Monachos defendendos, & in synodo eadem Italiae Episcoporum, ita sanxit.

Bonifacii PP. IV. Decretum.

Sunt nonnulli, nullo dogmate fulti, audacissime quidem, Zelo magis amaritudinis, quam

quam dilectionis inflammati, asserentes, Monachos, quia mundo mortui sunt, & DEO vivunt, Sacerdotalis officii potentia indignos, neque pœnitentiam, neque Christianitatem largiri, neque absolvere posse, per sacerdotalis officii Divinitus sibi iniunctam potestatem. Sed omnino labuntur. Nam si ex hac causa veteres amuli vera predicarent, Apostolica Sedis compar, Beatissimus Gregorius, Monachico cultu pollens, ad summum nullatenus apicem conscenderet, cui quidem hac ligandi solvendi que potestas, à DEO summo conceditur. Augustinus quoque ejusdem Beatissimi Gregorij discipulus, Anglorum predicator egregius, & Pannoniensis Martinus Beatissimus, cujus Sanctitatis famam, longè lateque diffusam totus personat mundus (Ecce dignam Dumienfem Martino nostro, de quo superius, laudem, & commendationem, neque enim Turonensis, licet item Pannonius intelligendus est) aliique quamplurimi viri sanctissimi, pretiosissimo Monachorum habitu fulgentes, nequaquam annulo Pontificali subarrarentur, sed quamvis Monachi fuerunt, predictis uti perhibentur. Neque enim (Ecce causam cur Gregorius, &c. alii que honores ejusmodi admiserint) Sanctus Benedictus Monachorum praeceptor Almificus hujusmodi rei fuit aliquo modo interdictor; sed eos secularium negotiorum edixit expertos fore tantummodo. Quod quidem Apostolicis documentis, & omnium Sanctorum Patrum institutis, non solum Monachis, verum etiam Canonicis maximo opere imperatur. Nemo enim militans Deo implicat se negotiis secularibus. Nos vero, tantorum Patrum instituti exemplis, quibus periculosissimum est refragari, credimus à Sacerdotibus Monachis, ligandi solvendi que officium, DEO operante, dignè administrari, si eos digne contigerit hoc ministerio sublimari. Quod incunctanter affirmat, quisquis statum Monachorum, & habitum potestatemque evidenter considerat. Verbi gratia, Angelus græcè, latine nuncius sonat; Sacerdotes igitur Monachi atque Canonici, qui quotidie praecepta DEI populo nunciant, Angeli vocantur, ratione non incongrua.

Sed unusquisque Angelicus ordo, quanto claritatem DEI vicinius contemplatur, tanto majori virtute eius Divinitati adherens, sine dubio roboratur. Ergo Cherubim Ordo eximius predicatur; quorum figuram, Monachorum cultus competenter habere comprobatur.

Nam uti Cherubim, ita Monachi sex aliis velantur; dua quippe in Capucio, quo caput tegitur, verisimilibus demonstrantur assertionibus; illud vero tunica, quod brachiis extenditur, alas duas esse dicimus, & illud tandem quo corpus conditur, sex alarum numerum certissime implere asseritur. Decertantes igitur, Monachica professionis presbyteros, sacerdotalis potentia arcere officio, omnino praecipimus, ut ab huiusmodi nefandis ausibus reprimantur in posterum, quia, quanto quisque est Celsior, tanto in his est potentior. Hactenus Bonifacii decretum.

Rursum aliud celebrandum Toletanæ Conc. indixit idem Sanctiss. Pontifex Bonifacius, in quo Toletanæ sedis Primatum, & Metropolitanum honorem, Sancto Helladio nostro, successoribusque perpetuum decrevit. Ut denuo nostris plurimum debeat, & Sedes Hispaniæ Pontificum Princeps, & Hispania universa, à tantis præcipuè, è nostrorum numero, Pontificibus administrata, qui tantos honores, non rerum gerendarum solum dexteritate, sed rarissima in primis Sanctitate meruerunt. *Ex rer. Hisp. Script. & Annal. Ben.*

A. C. 611.

S. P. N. 131.

Occupat hunc totum ferè annum, solusque Sanctus Austre sigilus noster apud Baronium, vel inde eius merita æstimes, quod, dum Ecclesiasticum locupletissimè implet ut annum, totum sui admiratione mundum concitet. De admiranda eius, qua se Regis Theodorici avaritiæ, & Guarnerii exactiōi, vivus non solum, sed & mortuus opposuit auctoritate, eaque subditis plurimum profuit libertate, legenda vita eius apud Laur. Surium 20. Maii, & apud Baronium. Creatus est, ex Monacho Sancti Nicetii Lugduni, Episcopus Bituricensis, vir Sanctitatis, celeberrima longè lateque, & ad posteros fama, ingens Ecclesiæ Vniuersæ, & Regni Galliarum amplissimi ornamentum. Agunt de eodem Aymoinus, Claud. Rob. Petrus in Catal. Vince.

A. C. 612.

S. P. N. 132.

Inexplicabilia verbis, seu scriptis ullis, quæ sub hæc tempora Sanctissimus noster Columbanus gessit; cuius animum, adulari Reges ac Principes potentissi-

tentissimos nescium, incredibilemque animi constantiam, necesse est, omnis omnium saeculorum posteritas demiretur. Gratulabatur sibi summo opere. Theodoricus Rex, quod tanti Nominis, & virtutis Divum, in Regno ipse suo alere mereretur. Verum nulla Regis benevolentia captus Columbanus, de adulterio gravissimè correptum, ut agnito scelere, serio doleret effecit; modo pœnitudinè Regis, blandimenta Brunichildis an ira, non rursum divertissent. Audi insolens, magni Abbatis factum: Obtulit venienti ad Regiam viro Dei Brunichildis, filios Theodorici duos, sed ex adulterio natos, suam de Columbano opinionem testatur: quibus ille visis, quid sibi velint, sciscitatur. Cui Brunichildis: *Regis sunt filij, tu eos tua benedictione roboras.* Et ille: *Nequaquam, inquit, istos Regalia sceptrasusce- pturos scias, qui de lupanaribus emerferunt.* Iussit illa furens, abire parvulos, & exeunte Regiam Columbano, dum limitem transiret, terræ motu quamprimum exorto, domus universa contremuit; neque tamen misere fœminæ furorem compescuit.

Missa dein à Rege, regio sumptu fercula (dicebat namque Theodoricus; *melius esse Virum Dei opportunis subsidiis honorare, quam Dominum, ex servorum ejus offensa ad iracundiam provocare!*) abominatus ipse, munera impiorum, retulit, reprobatur altissimus, &c. iisque dictis, stupentibus ministris, disrupta omnia vasa sunt, cibis vinoque in terram effusis unde pavore perculsus Rex, primo diluculo cum aula ad Abbatem properans, scelorum emendationem serio promisit, & placare studuit. Verum denuo exacerbatus, Columbano minatur, dein in exilium agit; de liberatis, sola manus attactu ruptis, compedibus, plurimis per eundem captivis, de militibus cum quærentibus, sed miraculo delusis, de aliis eidem supplicibus, quod sibi metuerent, Columbano non extra provinciam depottato, de voluntario ejus habitu, aliisque lectu dignissimis, consulendus Ionas in vita, Baronius hoc anno, & nos de Columba veræ suæ Origini asserta tomo primo Constantiæ Benedictinæ parte I. alii que.

Ad Clotharium Austrasiorum Regem delatus, pari libertate usus, ejus tamen magis amorem accendit, & quæ repræhenderat, Rex illico corrigere aggressus est: ea in Columbanum propensione (res

miranda!) ut se etiam famulaturum, ad servitia Abbati offerret. Ejus prædictione tunc didicit Clotharius, triennio exacto, five potius aliquot post annos, se Theodeberti, & Theodorici regnis potiturum. Neq; tamen apud sui amantissimum consistere voluit Columbanus, iter in Germanias acceleravit, & primo statim ingressu, de iisdem egregiè meruit; plurimis apud Moguntiam congregatis, ab Idolorum cultu verbo juxta, ac grandi prodigio, aversis, & Christi legibus vindicatis. *Ex vita, & Annal. Eccles.*

A.C. 613.

S.P.N. 123.

Contentione orta, inter fratres Theodoricum, & Theodebertum Francorum Reges, venit ad arma, & utroque Gentium superbiente robore cum Theodebertus à beato Columbano, ex Divino instinctu moneretur, ut clericus fieret, ne simul cum damno præsentis Regni, æternæ pateretur vitæ dispendia, isque consilium averlaretur, prædixit, fore, ut brevi post invitus fieret. In pluribus igitur conflictibus superatus, & suorum proditione captus, missusque ad aviam Brunichildē, quæ alteri fratri favebat, clericus factus, nec multos post dies, ab illa perimī est iussus: Biscoliā; alii que.

Nec minore sanctitatis fama hoc ipso tempore Sanctus Gallus celebratur, individuus Columbani Comes, cum eodem in Germaniam delatus, multo illic labore, de ipsis egregiè meritis, quippe reconciliato Sanctæ Aureliæ templo, Idololatriæ scelus, omni contentione animi, exterminatum voluit, everfisq; ac coëminutis fanis, ac simulachris, gravissimum in se Gentilium odium concitavit. Quibus cedendum ratus Columbanus, in Italiam, ad Agylulphum Longobardorum Regē profectus, Gallum febribus detentum, una cum Magnoaldo, & Theodoro Monachis in Germania reliquit. Neque segnior in Italia, optione sibi à Rege data, ubicunque vellet habitandi, Mediolanensibus summo opere profuit, Ariana, qua laborabant, Hæresi, verbis, scriptisque constantissimè impugnata, felicissimè profligata: Ionas, Brev. Germ. Mortuis hoc anno, Edilbertho, & Saberetho Regibus, gravis procella Angliam concussit, filiis, qui successerant, paganismo additis, & Christianorum sacra impiè ludentibus. Sed de nostrorum laboribus deinceps. *Vid. Hist. Baron. Xepes, &c.*

A.C. 614.

S.P.N. 134.

Refloruit Anglia, & sopitis fluctibus, tanto felicius Christi navicula emer-
sit. Meruit novo merito de Anglis or-
do noster, & relapsos, (quod ut periculo-
sius, sic & multo est difficilius,) ad fidem
revocavit, ipso etiam Rege Adelualdo, in
sententiam pertracto, ut non solum liben-
ter suos Christo addictos vellet, sed & iis-
dem legibus se ultro addiceret, rejecto in-
super nefario connubio, quod multis aliis
solum impedimentum fuit, quo minus
videntes viderent, & audientes intelligerent.

Baronij opinione, periit hoc anno ictus
fulmine, an veneno per Brunichildem
sublatus Rex Theodoricus. Salutatus
quamprimum Sigebertus ejus filius, Rex
laudatissimus, sed quem bonus Deus, di-
gniore caelo, in paterni licet, vindictam
sceleris, paulo post superari praelio permi-
sit, cæteris etiam ejusdem fratribus, Theo-
dorici filiis, nec non Brunichilde ipsa à
Clothario interceptis, unaque omnibus
interemptis. Ejus insigne hoc dictum
factumque & Sancti Galli nostri juxta me-
ritum fuit; cum Fridiburgam Gunzonis
Alemanniæ Ducis filiam Gallus à Dæmo-
ne liberasset, eamque Sigebertus sibi de-
sponsam, solemnibus nuptiis ducere pa-
raret, ipsa autem aram amplexa, Regis vo-
luntati, ut poterat, obniteretur, quippe
tremementem, ac reluctantem Rex Virginē,
nuptiali nihilominus, ac Regio cultu ex-
coli; coronati diademate (sacro tamen
minimè detracto velamine) & ad se addu-
ci imperans, in hæc denique libera, & Re-
gia voce erupit: *Ecce, inquit, meis te nuptiis
preparatam, Sponsi celestis, Domini nostri Iesu
Christi, cedo complexibus, cumque his, dex-
teram ejus apprehensam ipse altari impo-
suit, & discedens ab Ecclesia, effusus in la-
chrymas, ejus amoris indices, quo in Fri-
diburgam ante ferebatur, Christum, &
ordinē nostrum egregiè honoravit. Ipsa
autem in Metensi nostro Virginum cæ-
nobia cucullo circumamicta, neque mul-
to post, præfecturam ejusdem merita,
multis à Rege muneribus est exornata.*
Baronius, & script. Gall. Eodem anno
Sanctus Gallus initium dedit celeberrimo illi, & sanctissimo Helvetiæ cænobio,
quod dein ab ipsomet meruit nomen Di-
vi Galli. Cui quanto in acceptis referre
habeat Germania Univerſa, cælum etiam
ipsum, cui Sanctorum integrum exerci-
tum peperit, alibi dicemus. *Chron. Iod.
Mez. M. S. Marianus Bucelinus, & M. SS.
Sangall. &c.*

A.C. 615.

S.P.N. 135.

Sancti Arnulphi nostri Metensiū Pon-
tificis virtus celebratissima. Is, ab ini-
to statim Austrasiæ potentissimo Ducatu,
in nostros propensus, consensu denique
conjugis, stupentibus insolentia rei uni-
versis, iisdem se prorsus addixit, & in cæ-
nobia Lirinenſi Monachum professus
est. Inde postea extractus, ac Metensiū
Episcopus renunciatus, eo honore & amo-
re à Clothario Rege cultus est, ut incon-
sulto ipso, nec Rex, neque Regina quid-
quam agerent, Dagobertum item filium
Regni hæredem instituendum, ipsi, re-
gnoque pro voluntate formandum, tra-
derent. Intolerantissimus ejus honoris
Arnulphus noster, nihil, quam cænobiū,
denuo cogitavit, & ut impetraret mole-
stus Regi, & odiolus esse non destitit, mi-
nimè tamen primis annis exauditus. Di-
gnissimū super hoc Epistolæ Regiæ fra-
gmentum recitat Ionas, & ex hoc Baro-
nius: *Hoc, scribit Clotharius, quod per Epi-
stolam vestram Domine Pater, rogare volui-
stis, ut in loco vestro alter substituat Episco-
pus, nullatenus nostra præsumptio facere præ-
sumit, sed potius, omni devotione rogamus, ut
se in bonorum operum exercitio vitam alibi du-
cere deliberatis, apud populum, vobis commif-
sum, sicut cæpistis, conversando, exemplum ei-
us sit promerenda salutis, &c.* Ita Clotharius,
jam Monarcha Galliarum, prædicente
Columbano nostro, factus, diligentissi-
mus meritum nostrorum expensor, &
remunerator.

Claret, mira etiam sanctitate, S. Godo-
berta, sacra Deo virgo Noviomi, discipu-
la S. Eligij Noviomensis Episcopi, Regi
Clothario acceptissima, cui, ejusque virgi-
nibus, raro sanè exemplo, Regiū ipse
Palatium cessit ad Monasterium exædifi-
candum, quod & villis liberaliter locu-
pletavit. Ut videas, quanti etiam Virgi-
nes nostræ fierent, quantumque Reges po-
tentissimi eorum meritis, & precibus spe-
rarent. *Ex vita, & tom. I. Sacro-Sanct. Or-
din.*

A.C. 616.

S.P.N. 136.

Splendidissimum illud Hispaniæ, imo
orbis universi, jubar, Isidorus Hispa-
lensium Archiepiscopus, fulgore novo,
mundum implet, & in sui admirationem
omnes convertit. De hoc Ildepho-
sus noster: *Vir decore simul, & ingenio pot-
lens. Nam tanta jucunditatis affluentem co-
piam in eloquendo promeruit, ut ubertas
admi-*

admiranda dicendi ex eo in stuporem verteret audientes: ex quo, audita, is qui audisset, non nisi repetita sæpius commendaret. Scripsit opera, & eximia, & non parva. Sed & Braulio Cælaraugustanus (prænot. lib. S. Isidori præfix. ipsius operibus.) Isidorus, inquit, vir egregius, in quo quiddam sibi antiquitas vindicavit, imo nostrum tempus, antiquitatis in eo scientiam imaginavit: vir in omni locutionis genere formatus, ut imperito doctoque secundum qualitatem sermonis existeret aptus, congrua vero oportunitate loci, incomparabili eloquentia clarus, &c. & inferius: Tu atatem patriæ, tu descriptiones temporum, tu sacrorum jura, tu sacerdotum, tu domesticam publicamque disciplinam, tu sedium, regionum, locorum, tu omnium Divinarum humanarumque rerum nomina, genera, officia, causas aperuisti. Quo vero flumine eloquentiæ, & quot jaculis Divinarum Scripturarum, seu Patrum testimonio, Acephalarum Heresim confoderit, synodalia gesta, coram eo Hispali acta declarant, &c. Plura alibi.

De prædicatur eodem tempore Sanctitas Beatæ Burgundoforæ nostræ, virginis & Abbatissæ, S. Columbani Discipulæ, eo ipso de Triumphante Ecclesia meritis, quod numerum cælestium illarum Heroinarum, de quo supra, plurimis Virginum vexillis, & amplissimis copiis auxerit. *Vid. vita ejusd. Tepes aliq.*

A.C. 617.

S.P.N. 137.

Egregium illud, afferendisque nostrorum meritis accommodissimum hoc anno argumentum (quod Yepes noster tomo 2. cent. 1. affert ex Vincentio Belluacensi) quod Concilij Gallici hoc ipso tempore celebrati, Patres subministrant, qui tunc egregia nostrorum commendatione, decreverunt: ad extirpandas Gentilium reliquias, & succrescentes Hereses Photini, & Bononij, neminem tam esse idoneum, quam Monachos Luxovienses. Satis luculentum eos Zeli, & industria sua documentum quotidie (observes velim) dedisse, in numero populorum, quos prædicatione sua ad fidem adduxerant, &c. Et sanè, hoc ipso quoque anno egregiam Ecclesiæ operam Monachos nostros navasse contra Agrestinum Schismaticum, & qui eum sequuti, ex Baronio colligimus, quodque mirandum magis, stupenda certè virilis animi constantia, etiam fæminas depugnasse, & Burgundoforam nostram Agrestino in faciem restitisse Ionas commemorat, & consulendus Baronius; ut planum sit omnibus, quid unico hoc anno, & quantum debeat Res-

publ. Christiana nostris, tam strenuè defensa & propugnata.

A.C. 618.

S.P.N. 138.

Quid nostrorum ex laboribus speraret quantumque accepisse Ecclesiam sentiret Bonifacius Papa V. hoc anno universis sæculis commendatum reliquit, data ad Iustum Roffensem, ex Monacho nostro, Archiepiscopum, epistola, cujus partem subjicimus: *Dilectissimo fratri Iusto, Bonifacius. Quam devotè, quamque etiam vigilantè pro Christi Evangelio elaboraverit vestra fraternitas, &c. Susceptis namque apicibus filij nostri Eadualdi Regis, reperimus, quantæ sacri eloquij eruditione ejus animum ad veræ conversionis, & indubitata fidei credulitatem fraternitas vestra perduxerit, (ecce indubitatum summi Pontificis juxta, & Regis, de nostrorum labore, & ex hoc fructu testimonium.) Quæ ex re, de longanimitate clementiæ celestis, certam assumentes fiduciam, non solum suppositarum ei gentium plenissimam salutem, imo quoque vicinarum, vestra quoque prædicationis ministerio credimus subsequendam &c. Misit in super grati animi, & amoris tesseram, pallium Archiepiscopale, & ordinationem Episcoporum concessit. Ut appareat denuo, quantum Anglia nostris debeat, & maximè Regni ejusdem insignis Archiepiscopatus, in gratiam nostrorum usque adeo exornatus. *Vid. Baron. Tepes, Hist. Angl. &c.**

Aggregata eodem anno Christi ovibus Edilberga Regina Eaduvini Regis uxor, Adalualdi soror, nostris salutem debet; debent & acceptum sanctioris vitæ adminiculum cænobio, sanctissimi Principes, Hildulphus Dux Laubiensis, & Aia Comitissa, Hannoniæ, conjuges; ista in Castrilocensi, ille in Laubiensi cænobio Regulam nostram professi, gravissimo sanè exemplo, mundi stultitiam, & divitiarum vanitatem arguentes, & damnantes. *Ex Hist. Belg. VVion. &c.*

A.C. 619.

S.P.N. 139.

Virorum sanctitate illustrium, omnes omnino Europæ provinciæ, ex Ordine nostro copia redundant; interque alios præcipui celebrantur: S. Eustasius Abbas, S. Bertulphus Abbas, S. Ethbinus S. Siviardus, S. Magnoaldus, S. Theodorus, S. Deicola, qui singuli grande volumen requirerent; aliquorum tamen fortè deinceps mentio facienda.

Eodem anno, celebrato Hispali Concilio, Patres denuo pro Monachis solliciti, quod

ti, quod metuerent (quod dein sæpius evenit) nequid à potentioribus paterentur, providè, & amanter eisdem cavit. De hoc videndus Yepes noster tomo 2. Digna sunt illa Canone II. ab eodem citata; dum *Maledicuntur ij, qui spoliant, aut destruunt Monasteria: sicut excommunicati, & alieni à Regno Dei, neque prosit illis ad salutem fides, neque opera qua fecerint, &c.*

Meritis Sancti Galli delatus Constantiensis, ad Acronium, & Rhenum amplissimus Episcopatus, illoque pro virili obnitente, insignitus eo honore est Ioannes ejus discipulus. Extat sermo Divi Galli, tunc recitatus, quem maximi facit Maldonatus, & Gretserus, litteris ad Iodocum Metzlerum datis; *Vnicus, ait, Divi Galli sermo, si Calvinianus essem, reduceret me in viam, &c.* Ut intelligas, quanto etiam hodie fructu, veterum nostrorum scripta exuberent. *Const. Ben.*

A.C. 620.

S.P.N. 140.

Svmmo in flore, suavissimo odore recreant universum, Sancti nostri Walbertus Abbas Luxoviensis Meldensis Episcopus, S. Columbinus Abbas Lutrensis, S. Winebaldus Trecentis, alique de quibus Arnoldus noster, & Trithemius, &c. Electus eodem hoc anno in Episcopum Meldensem, Sancto Walberto nostro ad cælos raptò, Sanctus Faro, Walberti frater, Monachus & ipse Luxoviensis. Fuit is, Agnerici potentissimi Burgundiæ Comitis filius, Clothario Regi familiarissimus atque unice charus: qui, quo astu Regis honorem servaret, dum in aula versaretur tradit Baronius tomo 8. anni. 614. moxq; de ejus conversione subjungit: *Interea cum apud Clotharium Regem multa præclare ageret, sororem Faram, Virginem Sanctissimam* (de qua, superius, eadem enim, quæ Burgundofora) *Cognovit, magno ipsius videndi desiderio teneri. Accessit igitur ad eam, & in tantum familiari ejus colloquio, sapientique sermone permotus est, ut amplissimos Palatii honores, Regisq; singularem amicitiam, sibi negligendam putavit, ipsius conjugii oblectamenta, adhuc vigente juvenutis flore respuerit, &c.* Præfuit, & profuit, raro exemplo, Ecclesiæ suæ sexaginta sex annis, inter alia, eo prodigio clarissimus, quo plures aqua submersos, simul semelq; ad vitam revocavit. Claruit, & in Galliis, suo ut nomine, sic virtutis præstantia. Clarus Abbas Sancti Marcelli Viennensis, à prima juventute miris à Deo honoratus. Ipso vivente, quanta in sola urbe Viennensi

Monasteriorum ac Monachorum copia floruerit referendum; unde Galliam dein universam æstimes; cujus, si singulis Canobiis singulos solum sanctos, seu perfectos connumereres, numerum depræhendas licet, quem summo opere demireris; cum plurima tamen in Gallia floruerint Monasteria, quorum singula, plura etiam sanctorum millia cælo pepererint. Monasteria autem, tam virorum, quam sanctimonialium, sub sancta professione viventium, pia districtione, tam in civitate, quam extra muros civitatis, hæc præcipua erant: Grimanensium, quadringentos Monachos alebat; sanctimonialium Beatissime Virginis Columbæ, triginta Monachos alebat; porro, S. Petri Monasterium, ad australem partem urbis situm, quingentos penè Monachos continebat; Sanctorum Prothasij, & Gervasij Venerabilis memoria, quinquaginta; similiter S. Ioannis Baptistæ Monasterium, quinquaginta, similiter, S. Vincentij Martyris, quinquaginta, Sancti quoq; Marcelli Martyris triginta; S. Blandinæ viduarum sanctimonialium triginta quinque; S. Andreæ infra mœnia urbis, centum; iterum aliud S. Andreæ, centum; S. Nicetij, ejusdem urbis gloriosissimi Episcopi, quadraginta; S. Martini, centum quinquaginta Monachos sub districtione Regulari viventes adunatos tenebat, &c. alia quoq; venerabilia sanctorum in unum converfantium habitacula penè ad sexaginta, sub cura S. Cadoaldi nostri, ex Abbate Viennensis Pontificis, in sola Diœcesi Viennensi sita affirmat, ut lucidissimarum stellarum multitudine, primis etiam num luce, & ardore vigentibus, sola ex hac unig Episcopi, ditione, Firmamentum induceres, & obstipares. De S. Claro, aliisque quorum supra meminimus, consulendi *Ant. Yep. Arnold. Vincent. Trith. Surius, Hereus, & tom. nostr. de vita SS. Ord. nost. &c.*

A.C. 621.

S.P.N. 141.

Sanctus Gallus noster, eradicandæ Idolatriæ intentus, eximiis meritis nomē suum Ecclesiæ commendat, dignè nomine, & munere, quo seipsum Legatum Dei appellabat, sermone illo, de quo nos superius; Apostolorum autem ejus Deus, grandibus prodigiis confirmat. *Ex vita, & Constantia nostra Benedictina.*

Clarent, & socij olim peregrinationis S. Galli, Eunocus, Comininus Atquotnanus; Luanus (qui solus centum construxit Canobia, ut quantos in his pro mundo

mundo deprecatores inutrierit animad-
vertas) Potentiamus, Agilo, Columba-
nus junior, senioris cognatus, sed & Sige-
bertus, Placidus, &c. viri doctrina, & san-
ctitate præstantissimi; Sancta etiam Clo-
deswida Mathensis, quæ sponsum suum
fugiens, velamen capitis à Deo per Ange-
lum sibi transmissum accepit, & egregia
se fide, constantia, & integritate, DEO
probavit. *Videantur Ionas, VValafridus,
Metzlerus, VVion, VVestmonaster. &c.*

Obiit hoc eodem anno egregius An-
glorum Apostolus, Sanctus Laurentius
Archiepiscopus Cantuariensis cui succe-
dit, pari doctrina, & sanctitate Sanctus
Mellitus noster, jam tunc Loudoniensis
Episcopus. *Videndi, Beda, Matth. VVestmo-
nast. Yepes, Arnoldus, &c.*

A. C. 622.

S. P. N. 142.

O Bijt hoc, an priore anno, Sanctus Er-
mentredus, ex Monacho Luxovien-
si Viridunensis Episcopus, Sanctitate illu-
strissimus cui successor paribus meritis, &
vitæ integritate, designatus Sanctus Pau-
lus, è Theologiensi Cænobio postulatus;
invitus quantumvis, & omni modo relu-
ctans onus Episcopale suscepit, & sum-
mo, non Ecclesiæ solum Viridunensis, sed
universæ bono, egregie multis annis susti-
nuit. Eum Sancti Parisiensis Germani
Germanum, alij, & melius, nepotem
fuisse affirmant. *Legendi Rosiers, Claud.
Rob. Trithem. &c.*

Clarent item, Sanctus Agapetus ex
Monacho nostro Cordubensis Episco-
pus, & Sanctus Amatus Abbas, de Repub.
Christiana meritissimus, Cænobio præ-
sertim Virginum condito, in quod tanto
numero adductas, & copulatas Sponso
æterno, congregavit, ut in septem distri-
butæ cohortes, & choros, neque diebus,
neque noctibus, pro universi salutē, pre-
cibus, & clamoribus cælum fatigare desi-
sterent. Imaginare, aliquas saltem mul-
tum apud Numinis Majestatem potuisse,
alij plerasque, & ferè omnes inter perfe-
ctas recenseant, & facile erit merita æsti-
mare. *Ex vita. & tom. cit.*

Obiit año eodem magnus ille Regum
terrior, & amor Columbanus noster, de
quo saepe superius.

A. C. 623.

S. P. N. 143.

CÆlum triumphaturus conscendit,
magnus ille, & egregius Bojorum
Apostolus, & primus Salisburgensium
Pontifex Sanctissimus Rupertus, cui suc-
cedit non dissimili sanctitate, Sanctus Vi-

talis Monachus, & Abbas Sancti Petri Sa-
lisburgensis. Sed de Magistri ac discipuli
laudibus differere studiose super sedem.
Videatur, & Yepes & cit. superius.

Venerati deinceps meritò Apostolum
suum, Patronum, & Authorem Pontifi-
catus S. Rupertum in seris etiam discipu-
lis, illustri grati significatione animi, po-
steri Pontifices, & Canonici Archiepisco-
palis Ecclesiæ Monachorum, (qui & Ca-
nonici cathedrales sub Ruperto, & deinceps,
usque ad Virgilium Episcopum fue-
rant) antiqua merita, dignè recognoscentes,
& ob ea ipsa digniorem iisdem locum
in Processionibus, ut vocant, Ecclesiæ so-
lemnioribus deferentes; de quo plura
etiamnum extant documenta; atque il-
lud inprimis Eberhardi Archiepiscopi
de anno 1210. *Innotescimus omnibus, &c.
qualiter Simon Abbas, & Fratres Ecclesiæ
S. Petri nobis obtulerunt quoddam Privile-
gium à Ven. Eberhardo antecessore nostro eis
datum; in quo plenè continebatur, quod idem
Eberhardus: Ob antiquam dignitatem Eccle-
siæ S. Petri, quæ metropolis fuit, & omnibus sa-
lutis fundamentum (dignissimum sanè elo-
gium) totiusque provinciæ, & multarum gen-
tium, à qua dignitas omnis, & magnificentia,
cum nullis etiam redditibus ad nostram Eccle-
siam processit; Fratribus ibidem annuentibus;
eam privilegiaverit eum consensu Canonico-
rum Ecclesiæ S. Ruperti: ut in perpetuum ulti-
mum, & digniorem locum habere debeant;
quemadmodum antea (NB.) semper habue-
runt, in signum pristina dignitatis, & antiqui-
tatis, &c. Nos igitur attendentes, antiquissi-
mam ejusdem Ecclesiæ dignitatem, & consue-
tudinem in Processionibus, &c. Quæ non mi-
nus pro Illustrissimorum Archipresulum,
& Canonicorum, religiosissimo erga Or-
dinem commendando studio, quam jure
aliquo nostrorum, & stulta honorum af-
fectione, inherenda censuimus. Ex Ori-
ginalibus editis à Reverendissimo D. D. Alber-
to meritissimo ejusdem loci Antistite, & docu-
mentis, antequam ederet, pluribus, Salisburgi
nobis communicatis, &c.*

Succedere Ruperto; longo deinceps
tempore, continua serie, lectissimi ex eo-
dem Cænobio Episcopi de quo Conradus
I. Archiepiscopus de anno 1139. his verbis;

*Notum igitur esse volumus, &c. Cum San-
ctus Rudbertus, Sanctæ memoria præcessor no-
ster, civitatem Iuvanensem denuo erigens, se-
dem suam Episcopalem in Monasterio Sancti
Petri collocasset; ac Fratribus quos ibidem sub
Regula Sancti Benedicti sibi perpetuos successo-*

res in eadem sede Episcopali instituerat, & curam Parochialem commisisset, & tradidisset, quam usque ad præsens fideliter exercuerunt, &c. Ex quo etiam videas Ruperti meritum, non solum Sedem instituentis Episcopalem, sed & Urbem de novo erigentis, & restituentis, ut hæc quoque celebrima civitas, ut pleræq; Germaniæ (quod suo demonstrabimus loco, & tempore) originem debeat, & referat ad Monachos suam, uti etiam deinceps, à tot sanctis gloriam, & à concursu civium, pleræque alia debent, incrementa.

Callias in sui admirationem convertit Sanctus Licinius noster Andegavensis, ex Monacho Cinciliacensi, Episcopus, cujus honorum, & potentia contemptus nullis sat unquam verbis potest deprædicari; quo tamen ipse multo spectatior, quam si cum Regibus, & in suo ipse Principatu spectaretur, sed & gloriosior ac felicius fuit. Renatus Benedictus, Annales Yepesij.

Meritus de afflictissimis quibusque, ac maximè captivis plurimis, prodigiosissima ope, sed & raro sanctitatis exemplo, Sanctus Winebaldus Tricasinus Abbas, Regi Clothario, pro eximia virtute, prudentia, & doctrina charissimus; unus solusque si fuisset è nostris, amplissimum ampli Regni decus, & firmamentum. Tom. SS. Ord. Yepes, Trith.

A.C. 624. S.P.N. 144.

Selectissimum illud Religionis, & miræ sanctitatis compendium, Sanctissimus Gallus, Helvetiis, Suevis, immo Germaniæ Univerſæ subtrahitur, cælo recipitur. De ejus mirandis, in vita, & à morte prodigiis, fuisse Sangallenses monachi, & hujus etiam sæculi peregregii scriptores, &c. Fuit Katernaci Scotiæ Regis filius, eruditione multimoda, & diversarum linguarum peritia instructissimus; suorum vero, perpetuante in Sangallensi Canobio, sanctitate, ad nostra usque tempora, terræ mirum cæloque felix, & immortalis.

Eodem anno Occidentalem Ecclesiā coruscasse deprædicat, insigni illo, ex Ordine nostro lumine, Sancto Mellito Dorovernensium Episcopo, Cæsar Baronis, quem & viri Apostolici nomine honorat, & ab eo sub vitæ finem illustri miraculo plurimum comendat, quo Dorovernensibus plurimum profuit, quando flagrantissimo incendio ardente, ipse se ægrum, ignibus adversum deportari jussit, atque

illico flammæ sopivit. Herm. Contr. Excepit mortui honorem, & onus, dignissimus è dignissimis, Sanctissimus Iustus noster Roffensis Episcopus, de quo pluribus Ven. Beda, & Anglicarum rerum scriptores.

Sancti Arnulphi Austrasiæ Ducis exemplum, hoc anno subsequuta Doda, fæmina Princeps, ejus conjux, in Deiparæ Virginis Treverensi se inclusit, & rigorem monachicum delitiis potioribus omnibus, antetulit. Arnoldus, &c. rer. Belg. script.

A.C. 625.

S.P.N. 145.

IN Anglia hoc anno, novus honor, & dignissimus per Paulinum Episcopum paratus, quo novo ipse, sed jam vetere, & proprio ordini nostro munere legatus à justo Archiepiscopo, ad Regem Regnumque Northumbriæ Christi imbuendum legibus est destinatus. Beda, Yepes, Baron. &c. Replet Gallias fama sanctitatis, & virtutis fragrantia Sanctus Austregisilus noster, ex Monacho, & Abbate Sancti Nicetij Lugdunensis, Archiepiscopus Bituricensis; quem mirandis prodigiis Deus universo honorabilem proposuit, eoque in primis, quo ipsi Ecclesiæ ostia reclusa sponte patuere, & ad miscendum vino aquam desideranti, miraculo allata est. Ex vita, &c.

Imperat Austrofrancis, in collegium Regni vocatus à parte Clothario, Dagobertus filius; dato tamen, cujus arbitrio, & voluntate se haberet, beato Arnulpho nostro Metensi Episcopo, qui Regnis Galliarum, plurimis modis, mirabiliter profuit. Hermannus noster, & rer. Gall. script. diversi.

A.C. 626.

S.P.N. 146.

QVos judicaret Deus ipse sumis dignos honoribus, & Ecclesiæ suæ fore utilissimos, sæpè alias, & hoc præcipuè anno prodigiola vocis significatione ostendit, quo, gravi clerum inter ac populum Bisuntinum, orta dissensione, ipse audientibus universis, Episcopum designavit sanctissimum Claudium, ex illustri Palatinorum Salinensium Principum familia; quem tamen non multis post annis, Idem qui ad Pontificatum ipsum vocavit, exim relicto Pontificatu Monachum nostrum fieri jussit. Ut videas, quibus gradibus, ad vitæ Monasticæ perfectionem direxerit Clau-

rit Claudium Deus ipse; & quanti multorum, paribus post Claudium exemplis, similis, atque eadem facienda sit. *Ex vita ejusdem apud Surium, Lippeolum, Haraum, & tomis nostris, &c.*

Sancti Mummolinus, Bertramus, & inprimis Bertinus, ex Luxoviensi Monasterio in Flandriam convenientes, Belgio universo, fulgentissimis raræ sanctitatis radiis, novam lucem affundunt, & sub hunc circiter annum, celeberrimi illius Sithivensis, hodie Sancti Bertini, Monasterij fundamenta jaciunt, ex quo diversis sæculis, sanctorum copiosissima multitudo cælo adolevit, & suæ utique in terris patriæ æternum proderit, uti prodesse nunquam desiit, & mala sæpe ingentia avertit. *Iperius, Ferreolus, Locrius, Miræus, &c.*

A.C. 627.

S.P.N. 147.

HOC anno, immortalis nostrum laude, partum Christo Northumbriæ Regnum, & Rex Edwinus cum gente sua baptismo lustratus est. De successu Paulini Episcopi, priusquam Regem converteret, ac postquam convertisset, fusè Beda, & ex hoc Baronius, anno isto, & præcedente. Inde rursus nostris, novi Episcopatus Eboracensis initium debetur; ut ejusmodi grandium meritorum, nec numerum quidem ineamus. Baptizati insuper plurimum debent Paulino, Osfridus, & Eadfridus filij Regis Eduini, nati ex Quenburga filia Cearli Regis Merciorum. Sed & non multo post, ejusdem opera Ecclesiæ additi, ejusdem Regis alij liberi, Edilburga Regina nati: Edilhimus, & Ediltridis filia, & alter filius Busctrea. Sed & Iffi filius Ostridi, & procerum atque nobilium plurimi. *Tantus autem fertur tunc fuisse fervor fidei, ac desiderium lavacri salutaris genti Northumbrorum, ut quodam tempore Paulinus veniens cum Rege, & Regina in villam Regiam, quæ vocatur Adregin, triginta sex diebus ibidem cum eis catechizandi, & baptizandi officio deditus moraretur: quibus diebus cunctis, à mane usque ad Vesperam, nil aliud ageret, quam confluentem eo, de cunctis viculis, ac locis plebem Christi, verbo salutis instruere, atque instructam in fluvio Gleni, qui proximus erat lavacro remissionis ablueret, &c. Hac quidem in provincia Berniciorum; sed & in provincia Deirorum, ubi sapius manere cum Rege solebat, baptizabat in fluvio Sualva, qui vicus juxta cataraçtam præterfluit. Nondum enim Oratoria vel baptisteria in ipso exordio nascentis ibi Ecclesiæ poterat*

*ædificari, &c. Vid. Baron. Neque hic solum Paulini labor, & meritum acquievit; per Eduinum namque Orientalium etiam Anglorum Regem Carpualdum, Christo lucrificavit insuper ad externos etiam Anglos fidei lumen propagavit, & provinciæ Lindis, quæ est prima, ad meridianam Humbri fluminis ripam pertingens usque ad mare, verbum Dei prædicavit. Verbo in gentem magnam brevi tempore, Paulinus noster profecit, & crevit. Et ne in sacris solum, consuluisse nostri Anglis videantur, ætatis, & læculorum omnium, solatium jucundissimum, pacem pepere-re, de qua ex Beda Baronius; *Tanta autem eo tempore pax in Britannia, quoquo versum Imperium Regis Eduini pervenerat, fuisse perhibetur, ut (sicut usque hodie in proverbio dicitur) etiam mulier una cum recens nato parvulo, vellet totam per ambulare insulam, à mari ad mare, nullo se ledente valeret. Tantum quoque Rex idem, utilitati suæ gentis consuluit (ecce insignem nostrorum prædicationis fructum) ut plerisque in locis, ubi fontes lucidos juxta publicos viarum transitus conspexit, ibi ob refrigerium viantium, erectis stipitibus, & areos caucos suspendi juberet, neq. hos quisquam, nisi ad usum necessarium, contingere, præ magnitudine vel timoris ejus, vel amoris, vellet, &c. Eodem anno, rursus alia Ordinis nostri merita per Sanctum Arnulphum Metensem; quibus Galliarum Regna egregiè nostris obstrinxit; composita nimirum gravissima dissensione, inter Clotharium, & filium ejus Dagobertum, Reges, exorta. Ejus inter alios meminit, Beatus Hermanus contractus noster, &c.**

A.C. 628.

S.P.N. 148.

LINDISFARNE provincie rursus utilis Sanctus Paulinus noster; ut sequuturis etiam annis consuleret, & eisdem æternum prodesset Lindisfarnensem instituit Episcopatum, & Sanctum Honorium è nostris assumpsit, qui primus verbo, & exemplo, novellam plantationem rigaret, & prodesse subditis pergeret.

Ornant, & ornantur à Sanctissima Regulæ nostræ professione singulare decus Ordinis nostri sub hæc tempora factæ, SS. Editha, & Syra; illa, Redualdi Anglorum Orientalium Regis filia, quæ accepto in dotem Ailesburij oppido, mundo, maritoque cui jam desponsata fuerat, valedicens, velo suscepto, in Sanctorum Apostolorum Petri, & Pauli post Abbatissa, præfici cæteris meruit, & illustribus exin miraculis illustrari; Sira, Eugenij IV. Sco-

torum Regis filia, Sanctæ Burgundoforæ se disciplinæ addictam maluit, & cucullo abdere, quam Regno, & purpura omnes præcedere. Vtraque in Sanctorum numerum relata est: quæ felicitas, ei, quod professæ sunt, instituto, indubie tribuenda. *Vid. rerum Angl. script. Arnoldus alii- que.*

A. C. 629.

S. P. N. 149.

Isidorus, scriptis libris de Ecclesia universa æternum meretur. Quippe compositis in Hispania rebus, & Hæreticis oppressis, Magnus Apostolus Hispaniarum, ne, quod Monachis lege nostra illicitum, inertio otio vitam ageret, plurimo felicissimi ingenii partu, universo profuit. Pauca hæc enumeramus.

Magni Isidori nostri Hispalensis Pontificis, Hispanorum Apostoli, ingenij monumenta;

Originum sive Etymologiarum libri viginti.

Liber I. de Grammatica.

Lib. II. de Rhetorica.

Lib. III. de quatuor disciplinis Mathematicis. *Mathematica latine dicitur, &c.*

Lib. IV. de Medicina.

Medicina est, quæ corporis, &c.

Lib. V. de Legibus, & temporibus.

Moyse genti Hebraica, &c.

Lib. VI. de libris, & officiis Eccl.

Vetus testamentum, &c.

Lib. VII. de Deo Angelis, & fidelium ordinib.

Beatissimus Hieronym. &c.

Lib. VIII. de Ecclesia, & sectis diversis.

Ecclesia Græc. &c.

Lib. IX. de linguis, & societatibus.

Linguarum diversitas, &c.

Lib. X. Vocum cæterarum Alphabetum.

Origo quorundam nominum, &c.

Lib. XI. de homine, & portentis.

Natura dicta est, &c.

Lib. XII. de animabus.

Omnibus amantibus, &c.

Lib. XIII. de mundo, & partibus.

In hoc libello, &c.

Lib. XIV. de terra & partibus.

Terra est media, &c.

Lib. XV. de ædificiis & agris.

De auctoribus, &c.

Lib. XVI. de lapidibus & metallis.

Pulvis dictus, &c.

Lib. XVII. de rebus rusticis.

Rerum rusticarum, &c.

Lib. XVIII. de bello, & ludis.

Primus bella intulit, &c.

Lib. XIX. de navibus, ædificiis, & vestibus.

Artium quarundam, &c.

Lib. XX. de penu, instr. rusticis, & domest.

Primus Dedalus, &c.

Fragmenta quædam, ut videntur, Etymolog.

Talentum est pondo, &c.

De differentiis sive proprietate verborum.

Inter polliceri, &c.

Lib. duo, de differentiis spirituum.

Inter Deum, &c.

Lib. item duo Synonymorum, sive soliloquiorum.

Lib. I. de contemptu mundi.

Venit ad manus, &c.

Liber, de norma vivendi.

Age fili, &c.

Exhortatio poenitendi.

Cur fluctuas, &c.

Lamentum poenitentiae.

Audi Christe, &c.

Orationes, & epistolæ ad diversos.

Lib. de natura rerum, sive mundo.

Illust. Dom. & filio Sisibuto, &c.

Chronicon ab initio mundi usque ad sua tempora. *Brevem temporum, &c.*

Chronicon Gotthorum.

Gotthorum antiq. &c.

Historia Wandalorum.

Wandalorum cum Alanis, &c.

Historia Suevorum.

Suevi Duce, &c.

Lib. I. Proemiorum Vet. Testamenti.

Plenitudo novi, &c.

Lib. II. Proemiorum novi Testamenti.

Evangeliorum, &c.

Commentaria

In Genesim.

Historia sacra, &c.

In Exodum

Quadam mysteria, &c.

In Leviticum

Hostiarum divers. &c.

In Numeros

Ideo hic liber, &c.

In Deuteronom.

Liber Deuteronomii, &c.

In Iosue

Post mortem Moyse, &c.

In lib. Iudicum

Historia Iudicum, &c.

In librum Ruth

Videamus nunc, &c.

In librum I. Regum
 In librum II. Regum
 In librum III. Regum
 In librum IV. Regum
 In lib. Esdræ
 In lib. Mach. de Antiocho &c.
 Allegoriarum Vet. Test. lib. Vnus.
 Liber II. Allegoriarum Novi Test.
 Lib. I. de vitâ & obitu SS. Veteris Testamenti.
 Lib. II. de vitâ & morte SS. novi Testam.
 Lib. de Nativitate Domini, Passione, &c.
 Lib. de vocatione gentium.
 Libri II. de officiis Ecclesiasticis.
 Lib. III. de summo bono, sive sententiarum;
 Regula Monachorum.
 De conflictu vitiorum, & virtutum, lib.
 Commentaria in Cantica Canticorum Salom;
 Lib. differentiarum sive de proprietate sermonis
 Lib. de viris Illust. sive de scriptorib. Ecclesiast.
 Lib. Glossarum.
 Commentaria in Regulam S. Benedicti.
 Liber de Conversis.

Post librum judicum, &c.
 Post mortem iteque &c.
 Succedit deinde, &c.
 Mittit Rex impius, &c.
 Iam quod etiam, &c.
 De Machabeis, &c.
 Domino Sancto, &c.
 Quatuor Evangelista, &c.
 Prefatio quorundam, &c.
 Zacharias, & Elisabeth, &c.
 Quaedam que diversis, &c.
 Quadam ex parte, &c.
 Quæris à me, &c.
 Summum bonum, &c.
 Plura sunt præcepta, &c.
 Apostolica vox, &c.
 Tangat me dulcedine, &c.
 Plerique veterum, &c.
 Quamvis superius, &c.
 Abs spontaneus, &c.
 Sicut unusquisque, &c.
 Non inchoantibus, &c.

Commentariorum Magni Isidori nostri,

In Tobiam lib. i.
 In Iudith. lib. i.
 In Esther lib. i.
 In Iob. lib. i.
 In Psalterium lib. i.
 In lib. Proverbiorum librum i.
 In Ecclesiasten lib. i.
 In librum Sapientia, lib. i.
 In Ecclesiasticum, lib. i.
 In Isaiam lib. i.
 In Hieremiam lib. i.
 In Ezechielem lib. i.
 In Daniele, lib. i.
 In duodecim Prophetas minores
 lib. 12.
 In libros Machabeorum, lib. 2.
 In quatuor Evangelia: Lib. Generat.
 In Epistolas Pauli, lib. 14.
 In Actus Apostolorum, lib. i.
 In Epistolas canonicas, lib. 7.
 In Apocalypsim. lib. i.
 Interpretationes Novi ac Veteris Te-
 stamenti, lib. 2.
 De Sancta Trinitate, lib. i.
 De Astronomia, lib. i.
 De Corpore & Sanguine Domini, li. i.
 De Cosmographia, lib. i.
 De officio Missæ, lib. i.
 De Hæresibus, lib. i.
 Ecclesiasticorum Dogmatum, lib. i.
 Mysteriorum Sacra Scripturæ.

Scriptit & alia, ait Sigebertus, *seculari litte-
 ratura competenti, quæ commemorare, nihil*

ad nos, &c. Et Trithemius; *alia quoque
 multa scripsit, quæ ad notitiam meam non ve-
 nerunt.* De pluribus aliis; Isidoro adscri-
 ptis, videndus Cajetanus noster in suo Isi-
 doro, & Iacobus Breulius, Arnoldus
 Wion, Yepes, &c. Grandis omnino li-
 brorum, & sanè juxta meritum amplif-
 simus Syllabus: Contempta corona glo-
 riosior, effulget sub hunc annum in ordi-
 ne nostro; Eadburga Redualdi Orienta-
 lium Anglorum Regis filia; Sanctæ Edi-
 thæ, de qua anno superiore, toror; id pro
 majestâte perituri Regni consequuta, ut
 totus illam hodie terrarum orbis sanctam
 veneretur: *Chorograph. Britannia, VVion;
 aliique.*

A.C. 630.

S.P.N. 150.

Celebratissimus hoc anno; sanctitatis
 fama, Sanctus Amandus noster, Ma-
 gnus Tungrosum, Eburonum, Brabantor-
 um, Flandrorum, Alsatarum, &c. Apo-
 stolus, de quo deinceps, pro meritis sæ-
 pius. Ejus hoc anno iussu, & suasionem;
 conditum Marchianense, primo virorum;
 dein Virginum, cænobium, per sanctam
 Rictrudem, mox in ordinem nostrum
 adscriptam, quod dein, ager fuit fecun-
 dissimus; ex quo multi, & graves cælo
 manipuli illati. Videndus Ferreolus Lo-
 crius, & quem citat, codex M. S. Fuit A-
 mandus, Sereni Aquitaniæ Ducis filius;
 tum vero, quando contempto Principa-
 tu, fa-

tu factus in oculis suis vilis, vere Illustrissimus, & serenissimus Monachus. Profectus Monachismum in Ogia Insula, inde Bituricensem ad urbem profectus, Sancti Wandregisli nostri ope, accuratus est. Tum primum, post diutinam probationem ipsemet iubente per visum Apostolorum Principe, infidelium se conversioni dedit, tanti meriti, assiduo labore factus, ut nulla tot tantarumque gentium, quas prædicaturus adiit, posteritas, illud satis deprædicatura sit, in sæculorum usque æternitates, consulendi Antonius de Yepes, vita ejusdem apud Surium, & script. rerum Belgicarum.

Cælo supremo recipitur hoc anno, illustrissima illa cæli Britannici stella, Sanctus Iustus Cantuariensium Pontifex. Succedit, pari sanctitate ex nostris, & simili prorsus Regni universi bono, Sanctus Honorius, de quo suo loco. *Vid. Beda Ven. Westmonast. alij, &c.*

A.C. 631.

S.P.N. 151.

Ablegat in cælum, causæ suæ felicissimum apud supremam Majestatem actorem, & patronum potentissimum, Sanctum Licinium Andegavensem Episcopum, Gallia contemptu sæculi, sacro vitæ rigore, nec non perfectissima vitæ innocentia, longè gloriosissimum. Is Warnerij Burgundiæ Comitis filius, à prima juventute Clotharij Regis aulam sequutus, ab eodem summis honoribus cultus, & comitatu Andegavensi donatus, mox Magister Equitum sive Palatij constitutus est. Verum, cum incitante Numine, omnis ipsi pompa vilesceret, abdicatis amplissimis opibus, & honoribus, felicitatem solidam quærendam in cucullo censuit, & in Cincillacensi cænobio, Monachismo se devovens, brevi, tantum Religionem profecit, ut sanctitatis culmen pertingeret, Monachisque non solum collegis, sed Audoeni inprimis Episcopo admirandus haberetur, quo meruit apud omnes, ut invitatus multoque cum lætæ suo, ab Audoeni morte, uno omnium voto ad Pontificatum raperetur. Præfuit tumo, non Andegavensis solum, sed universæ Ecclesiæ bono, & ornamento, miraculorum gloria admirandus, & hoc denique anno, post labores innumeros, & gravissima merita, præmiū meruit felicissimæ æternitatis, in numerum sanctorum relatus à Vitaliano Papa Anno Christi DCLXVI. & Patronus suæ Ecclesiæ

coopatus. *Videndi Renatus Benedictus, 13. Febr. Ioannes de Bourdigne Claud. Robert. contra Baronium, &c.*

A.C. 632.

S.P.N. 152.

Admiranda Dei in ordinem nostrum propensio, & manifestum indicium, qualiter sibi in suis, & Benedicti Patris filiis complaceat; quando illud perfectissimæ sanctitatis speculum, Beatissimum Bisuntinorum Pontificem Claudium, olim Divina item voce ad prælatum vocatum, ab eodem denique revocatum, perfici amplius, per contemplationis sublimitatem, in ordine nostro vellet. Quippe Angelo è cælis submisso, admonitus est, ut in Sancti Eugendi cænobio, Bisuntinæ Diocesis finitimo, sanctissimi Benedicti institutum complecteretur. Eo igitur se contulit vir sanctus, ubi tam præclaro perfectionis, & sanctitatis lumine omnibus præluxit, ut Injurius, ejus Monasterij tunc Abbas, vir sanè eximia item sanctitate, & prudentia, Monasterium ei regendum cedere voluerit; quod quidem tunc, cū pro virili detrectaret, detrectando evinceret, debuisse tamen, à morte Beati Injuriosi admittere, suo tempore referemus. Obstupuit raro exemplo abdicati tanti honoris, vicina Gallia, & Germania, & multis sanè res cordi fuit, ita, ut summo bono suo, plurimi exin alij consequerentur, ut deinceps patebit. *Ex vita, &c.*

Sub hunc ferè annum, quamvis alij posterioribus annis, & Baronius, præcedenti, referat; Magnus ille Gallici Regni splendor, & secundus à Rege moderator, sanctissimus Arnulphus Metensium Episcopus, Monasticum vitæ institutū, quod invitatus deseruit, reluctantem quantumvis Rege resumpsit. Discedendi copiam læpius flagitaverat à Dagoberto, quem educaverat, Rege, sed nequidquam; cū instantius denique urgeret, eo iracundiæ renuentem adegit, ut correpto mucrone, vel cū vulnere tandem à proposito averteret. Tum Arnulphus: (verbis Ionæ referimus.) *Quid agis miser? Mala pro bonis mihi rependere vis? Nunc autem quando quidem placet, servas in me quantum velis: ego pro illius amore mori non dubito, qui mihi vitam dedit, & pro me mortuus est.* Intervēnit è proceribus quidam, & blandioribus verbis correpto Rege, sopivit iras, & accedente paulo post Regina, eo doloris ex poenitentia concitatum se Dagobertus sensit;

fenfit, ut jam porro se minimè abstinere, quin cum Regina ad Sancti pedes accideret. Ita mutato Dei gratia animo, qui paulo ante mactatum præfulem voluit, ab eodem, prostratus jam, multis cum lachrymis, veniam & misericordiam implorabat. Verum, cum neque sic tandem Arnulphus, quod rogaverat impetraret, cōsulto Numine, & responso rogato atq; accepto, approbante vota, & proposita Deo ipso, rejectis tiara ac lituo, cucullum denuo amplexus, celeri se fuga ex aula proripuit. Vnde rursus æstimes licet, quid de utilitate, & præstantia Monachismi sentiendum. *Vid. Ionas & Baron.* Vltus dein, sive non multo post, Sancto Eligio nostro, Dagobertus, Solemniacensis canobij conditore, Monacho, & Abbate, admirandæ item Sanctitatis Confiliario, qui nolens quantumvis, ac oblitens abstractus canobio, Sancto Remaclo Abbatialem curam, & honorem resignavit. *Videndus Notgerus Leodiens. Episc. in vita S. Remaclo, &c.*

Obiit hoc eodem anno, Magnus ille, & Sanctissimus Bavo noster, de quo superius, contemptis amplissimis opibus & Principatu laudatissimus, de cujus mirandis fuisse Theodoricus, Sancti Trudonis Abbas (apud Surium, & Molacum, (ut brevitatæ causa hic prætereamus. *Quantus, quamque magni nominis fuerit, non solum miracula patefecerunt, quodque multa Ecclesia ab eo extructa fuerint, sed etiam quod viri celeberrimi eum religiosè visiterint. Siquidem Sanctus Amandus, Magnus ille Flandrorum Apostolus, noluit abesse cum ex hac vita migraret. Dominus Religiosissimus Presbyter ex Turolo, angelico ducatu advenit, ut ante mortem ei sacra Eucharistia viaticum traderet. Beatus Livinus Archiepiscopus, & Martyr in Flandriam adveniens, triginta diebus super ejus sepulchrum Missarum solemnia celebravit, & cum convertendis infidelibus operam dabat Florberto Abbati in ejus memoriam elegiacum carmen transmisit. Sed & S. Eligius Episcopus, non modo Sancti ejusdem reliquias visitavit, verum etiam è terra honorificè levavit, Kal. Aug. Ita Baronius, &c.*

A.C. 633.

S.P.N. 153.

Locuples Benedictini zeli, & Spiritus Argumentum edidit hoc anno Sanctus Amandus noster Tungrensium Pontifex, qui vultum Regis minimè reveritus, acrius eundem pro libidine reprehendit, & pro pietate exilium meruit. Eo ipse optimè usus, arrepta occasione, cum

& sanguinem pro Christo fundere optaret, in Vasconiam profectus, Gentilibus Evangelium prædicat, atque etiam ad alia loca digrediens, Gandavum pervenit, ubi plurima à Barbaris passus, Tornaci tandem resuscitato à morte, quem ipsi suspendio extinctum viderant, magni facti ad Baptismum concursus; longius etiam ad Sclavos, transito Danubio, studio lucrandi animas, & Martyrium adipiscendi progressus est, ubi, cum non constaret operæ fructus, ad proprias tandem rediit oves. Quis Tornacensium, à prædicatione Amandi, & à miraculo, de quo superius, fructus extiterit, ita refert Baronius: *Hoc ubi miraculum (excitati mortui) longè lateque divulgatum est, statim incola regionis illius, cursu celeri ad ipsum cucurrerunt, & ut faceret eos Christianos humiliter postulabant. Fana etiam, quæ ante adorare consueverant, propriis destruentes manibus, ad virum Dei omnes unanimiter convenerunt. Nam ubi fana destruebant, vir Domini Amandus, tam ex munificentia Regis, quam ex collatione religiosorum virorum, religiosarumque feminarum statim Monasteria, aut Ecclesias construebat, &c.*

Effulserit hoc eodem tempore è nostris, in Belgio quoque Sancti Amandi strenui successores, & egregij prædicatores, Sancti Floribertus Abbas Blandiniensis, & Livinus Episcopus, viri Apostolici, qui sua prædicatione, ingentes cælo exercitus conscripserunt. De utroque fusi Ypes noster, & Belg. rer. scriptores. Florbertum Arnoldus Rayssius vocat: *Exemplar Sanctitatis, & speculum totius Religionis.* De solo Livino, Aubertus Miræus ait: *innumeros ad Christi fidem verbo, exemplo, ac miraculis convertisse.* Eidem extractam à Barbaris linguam divinitus restitutam, tandem multis obtruncatum vulneribus Martyrem occubuisse, idem commemorat. Est Livinus Gandensium Patronus, ut vocant, sive Divus Tutelaris Provinciæ, ut Ordini denuo debeant nostro, frequentissima urbs, & ditio, tot annis, non solum utilissimè se defensas, sed & gloriose sanguinis pretio pattas seu reparatas.

Celebratum hoc aëno Consilium quartum Toletanum, incitante maxime, & agente, inno præsidente Sanctissimo nostro Hilpalensi Archiepiscopo, ut appareat denuo, Magni hujus Ecclesiæ Doctoris studium, & diligentia, qui nihil unquam intermiserit, quo videatur Ecclesiæ Christianæ prodesse potuisse. Memorabilis tunc pietas, & observantia erga Patres

tres Concilij, Regis Sisenandi, qui cum proceribus Ecclesiam ingressus, gravissimos inter singultus, & lachrymas, humo prostratus, omnium prius preces, & suffragia implorabat, dein ad rem strenuè gerendam, piè exhortatus est. Ut videas, quam mirandi posteris, Reges veteres, à nostris instituti, quantumque celebrandi sint. *Consulantur Isidorus noster, Baronius, Yepes, &c.*

A.C. 634.

S.P.N. 154.

Meritum ingens hoc anno S. Aidani nostri Lindisfarnensis Archiepiscopi, in convertendis Gentilibus Northumbris, juvante ipso etiam Rege, & pro concione Aidani sanctissimi viri interpretem agente. De utroque Beda: *Hujus (Aidani) Sanctissimi Antistitis doctrina, Rex Oswaldus, cum ea, cui praeerat, Gente Anglorum institutus, non solum incognita (NB.) suis progenitoribus Regna calorum sperare didicit, sed & (NB.) regna terrarum, plusquam ullus majorum suorum, ab eodem uno omnipotente Deo, qui fecit caelum, & terram consequutus est, &c.* Ut constet; Aidano, Patronum maximè diversissima Regna; Oswaldum ipsum autem, prae ter tot Regna, cælcon Principatum, tantamque sanctitatis in universo celebritatem, æternum debere; cujus Pontificis magisterio, tantus Rex didicerit tantum, quantum nullus majorum suorum ingenio, nedum gladio, sit assequutus. Progressus felicissimos, Regi Oswaldo, & Aidano debet, sub hac tempora, illustrissimum illud Lindisfarnense Monasterium, scientiæ, & sanctitatis felicissimum emporium, quod Cathedrale cum esset, Monachos tamen solos habuit, ex quibus cathedrale Collegium constabat. De isto fusius Beda, & Yepes noster, sed & Reinerus, Cajet. &c.

Iterum; magno Hispaniæ bono, coegente Isidoro nostro Synodus Toleti celebratur in qua decretum, ut post alios scribit Ioannes Mariana: *Missale, & Breviarium unum esto in Hispania. Ejus rei perficienda cura, quoniam Isidoro, qui primas partes in eo Concilio tenuit, creditur esse demandata, usus obtinuit, ut Missale, & Breviarium Mozarabum, hoc est, ex antiquo Gothorum more conservatum, sacrorum, precumque diurnarum, & nocturnarum ritus, Isidoro tribuantur, tametsi nonnulla Leander (itidem noster) invenit, plura progressus temporis addidit, &c.* Vid. Cajet. in Isidoro.

Emigravit in cælum hoc aëno sanctissi-

mus Iustus noster Toletanus Pontifex, habuitq; non impari sanctitate successorem, ex eodem, quo ipse extractus fuerat, Agaliensi Cænobio, sanctum Eugenium II. de quibus legendi, *Morales lib. 12. c. 21. & cap. 29. S. Ildephonsus de vir. illust. cap. 8. & 12. VVion. alij, &c.*

A.C. 635.

S.P.N. 155.

Grandi meritorum copia locuples hic annus, Sancto Birino nostro gloriatur. Ishonorio Pontifici promisit (tantus nostrorum animos fervor Gentium conversionis occupaverat!) se in intimis Anglorum partibus, quo nullus Doctor praecessisset, sanctæ fidei semina esse sparsurum. Proin jussu Honorij per Asterium Genuentem Pontificem, Episcopus consecratus, protectionis initia admirando prodigio illustravit: quippe oblitus pallæ, ab honorio Papa donatæ, qua Christi corpus involveret, provecta jam in altum nave, & velocissimo cursu propulsa, ipse fluctibus, Apostolico se credens exemplo, siccis vestibus, per mare ad navem reversus est. Angliam ubi attigit, Occidentales quamprimum Saxones, Gevissos dictos, verbis instruens, felicissimo successu cum Cynigildo eorum Rege convertit ad fidem, ipso Sancto Oswaldo Rege, eum de sacro lavaero suscipiente, ei; filiam in matrimonium elocante. Birinus, à Rege utroque Dorcinensi urbe, vulgo Dorcestre, donatus, inibi Dorcestrensi Episcopatu initia dedit. Quæ sedes, ex in Lincolniam translata, originem suam Birino nostro æternam debet. *Ex vita ejusdem, & Baron. &c.*

Receptus, hoc eodem anno, in beatorum sedes, sanctissimus ille Gerundensius in Hispaniis Pontifex Ioannes ex Monacho, & Abbate Vallis Claræ, ad eam dignitatem assumptus, vir undecunque doctissimus, zeloque Catholicæ fidei accensus, pro cuius defensione, multas ab Arianis passus est injurias, illustrissimis à Deo miraculis commendatus. Inter opera ejus; relicta ingenij monumenta præcipua. *Exhortationem ad Monachos, liber unus. Paralipomenon Hispania, libri decem;* qui sunt excusi, cum aliis rerum Hispanicarum scriptoribus Francofurti, Anno 1579. in fol. Videantur Vassæus, Morales, Trithemius: successit Ioanni in Pontificatu, æque ac sanctitate, pari splendore, illustre sydus, Sanctus Nonnitus sive Nonnatus ex Monacho nostro; *de quo audien-*
di San-

di Sanctus Ildephonsus, Yepes, Arnoldus, no-
stri.

A.C. 636.

S.P.N. 156.

SUstulit hic annus terris, cæloque intulit, splendidissimum illum Hispaniarum, & universi solem Sanctissimum Isidorum Hispalensium Archipræfulem. De hoc Tundensis in Cinthilano Rege; Anno primo, inquit, Regis Cinthilani, Doctor, & Legumlator Hispaniarum, Isidorus, stans in Ecclesia, peracto sermone ad populum, & expandens manus, benedicens omnibus, Deo, hætenus traditum sibi gregem commendans, felicissimo somno obdormivit in Domino. Decoratus quippe extitit sanctitate, Spiritu prophetia clarus, in elemosynis largus hospitalitate præcipuus, corde serenus, in sententia verax, in iudicio iustus, in prædicatione letus, in lucrando Deo animabus studiosus, in expositione scripturarum cautus, in consilio providus, in actu humilis, in mensa sobrius, in oratione devotus, honestate præclarus, semper pro Ecclesia & veritatis defensione mori promptus, & in omni bonitate conspicuus. Præterea, pater extitit Clericorum, Doctor, & sustentator Monachorum, & Monialium consolator mærentium, tutamen pupillorum ac viduarum, attritor super horum, persecutor, & malleus Hæreticorum, &c. Dignè meritis tanti viri Lucas; dignius autem illi, de quibus Ioannes Mariana lib. 6. capite 7. de Reb. Hispan. affirmantibus; Bonifacio Octavo Romano Pontifice deliberante de iis, qui Doctorum Ecclesia nomine, & numero essent cohonestandi: fuisse, qui Ambrosio Isidorum præferendum, aut quatuor certè aliis, quintum adjiciendum iudicarent, pergitque Mariana: opinioni fidem facit, tanti viri eruditio, in omni litterarum genere excellentis, & quoniam in eo numero duo Patres Italici generis sunt, nullus ex Occidente.

Sanè ad commendationem meritorum Isidori, quid amplius dici posset, minimè apparet, nisi par illud, quo Leo IV. Pontifex Maximus, eundem Doctorem Sanctum, pari, cum Hieronymi, & Augustini, titulo honorat, respondens Britannia Episcopis (apud Gratianum dif. 29. de libell.) Si illorum, ait, quorum meministis dicta, Hieronymi, Augustini, Isidori, ac cæterorum similium Sanctorum Doctorum, reperta fuerint, magnanimiter sunt retinenda, ac promulganda, vel ad Apostolicam Sedem referenda. De ejus meritis, & laudibus prolixius, Sanctus Braulius Episcopus Casaraugustanus in ejus vita, & in quodam Sermone Anonymus Benedictinus Monachus, de quo no-

A.B. Pars I.

ster Cajetanus, Sanctus item Ildephonsus Archiepiscopus, Lucius Marianus, Ioannes Mariana, Vassus, Lucas, Tundensis, Antonius de Yepes, Constant. Cajetan. Hisp. rer. scrip. Baronius, &c. Meruit hoc eodem anno, principe merito, de Austria, & Austria Metropoli Vienna, S. Gilaricus noster, Monachus S. Petri Salisburgensis, S. Ruperti discipulus, qui Episcopus ad conversionem Gentium ordinatus, iis locis splendidissimè eluxit, nomen æternum meruit. De Gilarico, vid. VVion. & quem citat Belforestius in descriptione Vienna, &c.

A.C. 637.

S.P.N. 157.

Felicissimè emoritur Sanctus Injurius Abbas Monasterij S. Eugendi, succellorque deligitur, Sanctissimus ille Claudius, de quo superius, olim Bisuntinensium Pontifex. Eo Abbate, quantum mundo meritorum accesserit, ex tanta Sanctorum, & Patronorum, quos ille educaverat, copia, æquo rerum æstimatori, post relata ex ipsius vitæ scriptore verba, relinquimus: porro in ea, inquit, prælatura constitutus, brevi, non ad suos tantum, sed ad exteros, sanctitatis suæ radios diffundere, cepit, prorsus, ut & illa intra tectæ parietes, & Angelorum in humanis corporibus quidam convictus videretur, & multi omnium ætatum ac ordinum homines, Claudii consuetudine exemplisque incitati, ad monastica vitæ disciplinam confugerent, &c. ex ea quæ est apud Lippeloum.

Germaniam nostram implent accenduntque fama, & exemplo Sanctitatis, Sancti, Magnus five Magnoaldus, Theodorus, alique Sancti Galli discipuli, superius memorari, non tam ætate, quam meritis provecti, de quibus plura reperies apud Goldastum, Henricum Canisium, Stengelium, & tomo primo Const. Ben.

A.C. 638.

S.P.N. 158.

Triumphatorum Regnorum, carnis, deliciarum, pompæ omnis ac sæculi universi, gloria insignes, orbi ac posteritati omni exemplum immortale prætulerunt sub hæc tempora, præter alios multos, strenuos pace ac bello Principes, Heroinæ fæminæ quamplurimæ, sacris nostris legibus addictæ, quas inter, principem sibi locum jure merito vendicat sanctissima Ebba, Ethelfridi Northumbria, Regis filia, quæ à morte parentis, ordinem nostrum in Coldingensi prope Scotia fides Canobio, professa, ita se gessit, ut tandem

G. dem

dem Abbatisſæ, Martyrii, & Canonizationis (ſic appellant) præcipuas dignitates mereretur. Obſtupelcat animoſitate generoſiſſima nobiliſſimæ Reginæ, mundi Univerſus. Irruentibus in Scotiam Danis, verita ipſane in libidinem infidelium incurreret, naſum ipſe ſibi, cum labro ſuperiore, ad dentes uſque præſcindens, horrendum de ſe ſpectaculum præbuit univerſis. Cujus exemplum, reliquæ omnes, grandi numero, ſubſequutæ moniales, caſtitati ſuæ, piſſima crudelitate, glorioſiſſimè conſuluerunt: tandemque omnes Monasterio incluſæ, bis Martyres, duplicata laurea, injecto ab hoſte igne immaculiſſimæ hoſtiæ abſumptæ, ſeu potius, per ignem cælo ingens gloria, tranſmiſſæ, feliciter abſumptæ ſunt. Videantur *Mattheus VVeſtmonaſt. Vener. Beda, Ant. Yepes, Arn. VVion. &c.*

De aliis Regiis, ſanctitate dignius, quæ ſanguine Virginibus, ordinem noſtrum profeliſis, pluribus agit Antonius de Yepes citatus tomo 2.

A.C. 639.

S.P.N. 159.

Illuſtris hic annus, revocatione ab exilio, ſanctiſſimi præfulis noſtri Amandi, eſt. Eum Dagobertus Rex, quod corripiantem non ferret, exulare jufferat. Sed octavo demum anno ſceleris pœnitens cum honore reduxit, dimiſſisque concubinis, ac illegitima uxore, admiſſa ad thalamum legitima, quem ex illa ſuſcepit filium, venia inprimis ab Amando poſtulatæ, eidem & baptizandum, & educandum obtulit. Abnuſit primum Sanctus Pontifex, & ne per officiij ſpeciem, ad negotia traheretur Palatina, proſum recuſavit: verum Regis demum, ac procerum victus precibus, aſſenſum præbuit. Inter baptizandum, illud rari prodigii, adſtantes omnes percepere; finita ſuper infantem oratione, cum nemo reſpondiſſet ex adſtantibus: puerum ipſum recens natum, in verbum ſolemne *Amen*, ſolutiſſima lingua erupiſſe. Ita reconciliatus, proſtrato ad pedes ſuos Regi, Amandus, prodeſſe Galliæ denuo cœpit, & faciliorem ad bona omnia Regem habere. Tantum, in Reges, conſtantia, plusquam proceres quicumque adulatione, noſtri potuere. *Videndus Aimoinus lib. 4. cap. 20. Vita S. Amandi apud Sur. Card. Baron. &c.*

Neque minori fructu, Biturigibus præfuit, ſub hunc eundem annum, Sanctus Sulpitius, cognomento, Pius, è Monacho Ordinis noſtri, & Abbate, Bituricensis

Archiepiſcopus, de quo legendus *Claud. Robert. Triſt. VVionius, aliq.*

A.C. 640.

S.P.N. 160.

Prolixus hoc anno, in laudanda Germania, Hiſpanus Yepesius noſter, ab eo nimium tempore, quo, barbarie à noſtris eſt abſoluta; probatque pulcherrimis argumentis, quid Monachis debeant Germani, ex belluis (nequid tetrius dicam) homines facti, & cælo renati errant tunc ſine legibus, ſine artibus populo; aut, ſi muris ſubinde, & urbibus clauderentur, paucis tamen, iisque in frequentibus, ſed & malè, per libidinem cujuſque qui plus poterat manu ſeu dolo, adminiſtratis. De urbibus, quæ prope, & propter Canobia exſtructæ, plures potentia, & opibus ſuccrevire, plura nos in tomo Conſtantiæ Benedictinæ, primo, ſexdecim omnino Diœceſeos ejusdem, præcipuas dignitate urbes ſeu civitates enumeramus, quæ in gratiam noſtrorum, ſeu à noſtris conditæ, originem ſuam, & bonum omne, monachis Benedictinis debent; unde judicium facias, de Germania Univerſa, tot tamque amplis provinciis ſubdiviſa. De hoc eodem argumento, ubi tractaſſet ſuſius Beatus Rhenanus libro 2. Rerum German. ſic denique concludit; *Igitur occasione Canobiorum in Germaniis provinciis, oppida iſta fieri cepta. Nec diſſimilia habent Munſterus, Georgi9 Braun, Ioan Stumpfius, Albertus Grantzius, aliique Germanicarum rerum ſcriptores, & cum his Bozius lib. 20. de ſignis Eccleſiæ, capit. 5. qui poſt alia, de hoc ipſo plurima: illud autem, inquit, non pigebit repetere, plerasque Septentrionis urbes juxta Monasteria conditas quod à Monachis ſcilicet, ad omne bonum populi olim Boreales inculti, & agreſtes inſtituerentur, &c.* Ecce; novam hodie faciem, imo bonum quaſi omne Germaniæ, in acceptis monaſtico ordini merito referri, & à monachis promanare. Quod de Germanis auſus ſit affirmare Æneas ille Sylvius, poſtea Pius II. Pont. Maxim. *Quod ſi vos amplius (ô Germani mei) appellaverint barbaros, ipſi verius Barbariſſimi tenſendi ſunt, ſive Græci ſive Latini.*

Exornavit hoc eodem anno cucullum æque ac genus Regium, egregia vitæ ſanctitate, Eracongotha, Earcomberti Angliæ Regis filia, monacham in monasterio Galliæ Brigenſi profeſſa, quam exin plures, tam è Britannia, quam ipſa etiam Gallia, ſubſequutæ, ordinem ſeipſis, univerſum autem grandibus meritis locupletarunt.

tarunt. *Matth. VVestmonast. Ven. Beda, Trithem. Baronius, VVion. &c.*

A.C. 641.

S.P.N. 161.

TRISTIS hic annus terris, cælis festivus est, transitu Magni, & incomparabili, Metensium Pontificis Arnulphi; cuius meritorum, si vel Syllabum, primis solum syllabis percenseamus, ingens planè, & molis improbe volumen componam. Verè Galharum Servatoris à Deo, & Deiparente; Regis, post Regem an supra Regem Titulo commendandus. Notandi hi versus Saxonis lib. 5. Annal. Caroli Magni ad Arnulphum Imperatorem.

Vnum commemorem tanto de germine Patrem

Quem Sanctum, Christi prædicat Ecclesia.

Scilicet Arnulphum, Francorum qui fuit olim

Princeps; ac Præsul post satis egregius.

Ductus amore Dei, qui spreverat omnia mundi,

Quæ mulcent oculos, quæque trahunt animos.

Malens Divinas, Mundi quam tradere leges,

Esse Dei famulus, quam populi Dominus.

Nunc ovât in cælis præbens miracula terris,

Sublimis meriti signa decora sui.

Indeque nostrorum totam feriem Dominorum

Stirpem nempe suam, protegit atque fovet.

Præ cunctis igitur tibi cura Nepotibus una.

Quæsumus Arnulphus, sit tuus homonymus.

De Sancto Arnulpho nostro, pluribus agit Antonius Yepes tomo 2. cent. 2. Baronius tomo 8. Vincentius lib. 24. cap. 75. Chronologia Lirin. Francisc. de Rosiers, Gothofredus Viterbiensis, Petrus Divæ 9 lib. 3. rer. Brabant. & nos tom. Vitæ SS. ordin. atque alii plurimi. Eodem anno claret, admiranda etiam vitæ sanctitate, Beatiſſima Rictrudis nostra, cuius dignum memoria eterna, illud ejus latidatissimum factum pia fraude Dagoberto Regi, eam à morte Adalbaldi mariti sui, ad secundas nuptias urgenti verius quam pellicienti: consilio quippe Sancti Amandi nostri usa illustrissima famina, regium Dagoberto,

suisque Regni optimatibus, in ædibus suis apparavit convivium. Inter epulas, sciscitata ex Rege: *an liceat, in ædibus propriis, quod vellet agere?* atque annuente Rege: quod sumpto nimirum poculo, putaret, seque ac convivas Principes ad potandum provocaturam ipsa virili animo, prolato è sinu velo sacro, quo ipsam Amandus donaverat, ipsum ipsa suo capiti imponit, & proripiente se quantumvis à mensa concitatissimo in furorem Rege, in proposito constantissime perleverat, quoad tandem, in eam quoque sententiam, adversantem nimis quantum Dagoberti animum, Sanctus Amandus inflecteret. Matris exemplum, rarissima ambitione sequuta, quatuor illustrissimæ proles, Maurontus filius, Eusebia, Clotsendis, & Adalsendis, ille, & priores duæ, etiam Abbatiali dignitate sublimati; omnes denique in sanctorum numerum relati sunt. De iis fusius Antonius de Yepes tomo 2. Aub. Miræus, Molanus, & ante omnes Hugbaldus noster, Elnonensis Monachus in vita Sanctæ Rictrudis, quæ etiam habetur tomo 3. Surij, &c.

A.C. 642.

S.P.N. 162.

EMicuit ut Lucifer, Alcuino nostro teste, Sanctissimus Richari9 noster Centulensis Abbas, de Pontina non solum provincia benè merit9, in qua incrementum fidei plurimum promoverat, sed de Ultramarinis insuper Britannia populis, quibus prædicatione sua plurimum profuit. Eum tanti fecit Rex Dagobertus, ut ad ipsum inviseris, patientissime, blandiri, veteri nostrorum more, nescium, sed actius corripientem attenderet, & humillimè veneraretur, ac preces efflagitaret. Aëgris, afflictis, captivis, pauperibus, ope, & prodigiola læpè affluit; de innumeris longè meritissimus; etiam à morte in supplices beneficus. De eo prolixius agitur in Annalibus Iepesij, tomo 2. & ab Alcuino, Vincent. Trith. &c.

A.C. 643.

S.P.N. 163.

INitia sub hunc annum debentur Sancti. Amando nostro potentissimi, & celeberrimi Episcopatus Argentoratensis, juvante conatus viri sanctissimi Dagoberto Rege, ipsumque primum loci ejusdem Pontificem designante. Grande rursum, & immortale beneficium Germaniæ, & maximè Alsatiæ præstitum, quod utinam, qui fruuntur, & fruebantur olim, agnoscerent, & Amandi promptius, ut &

felicius vestigia sectarentur. *Vid. Beatus Rhenanus, Franc. Guillmannus, Bernardus Herzog. &c.* Id ordinis nostri non leve decus, nobilissimam urbem, Argentoratū, studio nostrorū conditā, seu resuscitatam (cū Rhenano teste, ruinā tantū veteris Argentorati residerent) excitato illic nostris cānobio, optimo quovis, se proximū Monachis habitare posse, optante, exādicatas proximē cānobium aedes, pauloque post munitas, & muro clausas, maximam denique & munitissimam urbem succrevisse, itaque pergit Rhenanus, ex oppido cānobiali (nam cānobium potior pars erat) contractis eo vicis proximis, tanta posteriori tempore, est urbs constituta. Additque eadem ratione, nunc propius Rhenum, visitur Moguntiacum, quod olim plusculum distabat. Idem accidisse Spira conjicio, &c. Sanē dignius nihil, quam tantarum urbium, ex quibus præcipuus Germaniæ splendor, & opes, parentes quasi, & conditores monachos extitisse.

Conditā nonnulla, alia restituta, sub hoc tempus, Treveris cānobio Yepes noster commemorat: Horreum inprimis, verē Dominicum, perillustre Virginum Monasterium, liberalitate Dagoberti Regis, tanto sanctarum numero, quanto horrea spicarum, temporum exin decursu, opulentissimum, infertissimum. Illud insignivit sub hunc eundem annum, prima loci Antistita, egregia sanctitate virgo, Dagoberti Regis filia, Irmina; cujus vitam separatim, proprio libello scripsit Trithemius, & satis fusē refert idem lib. de Virg. Illust. ordin. nostri; Yepes item tomo 2. cent. 2. Effulget eodem tempore Treveris, in recens condito, per Sanctum Modoaldum Treverensem Episcopum, sancti Simphoriani cānobio, sanctissima fundatoris germana soror, Severa Abbatisa, de qua Stephanus Abbas Leodientis: *Severa secundum nominis sui convenientiam, digna præsentis animi severitate erat. Nihil enim illius severitate jucundius, jucunditate severius, lætitia illius tristis, tristitia suavis, inculta vestis, oculi demissi, incessus gravis, vibus tenuis: ita sanē, ut cum omnia digna Deo faceret, nihil tamen dignum se fecisse crederet, comitesque suas, plus exemplis doceret, quam verbis, &c.*

Nec minore sanctitatis fama, stella alia, altero Treverensium cānobio, Palatiolo elucelcit, sanctissima Adela, Irminæ, eisdem patre, & matre Regibus soror, quæ sororis exemplo, sponsum eligens Chri-

stum, omnem pompam terreni Principatus pro ejus amore contempsit, & postmodum in eo, de quo supra cānobio, quod Modoaldus Treverorum Pontifex construxit, prima Abbatisa constituta, & sororis suæ imitatrix in terris, & perennitatis in cælo sociæ extitit. *Belforest. Tepes, Trithem. VVion. &c.*

A.C. 644.

S.P.N. 164.

Illustratur hic annus Natali, viri sanctissimi Paulini Episcopi Eboracensis, quoniam nimirum mortalibus valedicens, ingenium meritorum, & laboris Apostolici mercedem adeptus est. Successit Ithamar Anglus, ordinis nostri monachus, è primis nostrorum discipulis, eo honore dignissimus. *Vid. VVion. Trithem & rerum Angl. script.*

Conditum hoc ipso anno celeberrimū illud Galliæ Archisterium Sancti Dionysianum, & quod prodigiosissimum, ab ipso Christo Domino consecratum, ut ambigere nemo possit, quam chara Deo ipsi, Principum in monachos pietas, sed & quam honorabile coram illo Monachorum nomen, quos nimirum tam illustribus rarissimæ benevolentiae signis prosequeretur, ac honoraret. De miraculosa illa Dedicatione, ut & conditis aliis à Dagoberto cānobis, multis agit Antonius de Yepes, tomo 2. cent. 2.

In Britannia, apud Orientales Anglos, fides Christiana felicissimē propagatur, teste Baronio, per Sanctum Furcū nostrum, virum Apostolicum, de quo infra.

A.C. 645.

S.P.N. 165.

Quid commodi, & quidem æterni, sperarent ab ordine nostro, testati illustriissimo sanē stupendoque æternis sæculis exemplo, sub hæc tempora, potentissimi Reges, Iudicael I. Britanniae Armoricae in Gallia Rex, Iudicael II. Iudocus, & Winocus, ejusdem filij, omnes omnino, posthabito cucullis Regno, in Divorum referri album sanctitate vitæ meriti. Iudicaele patre, abdicatorem regno, Deo in Divi Maini cānobio famulante, ambitionis inter filios, & contentionis insolentissimæ miraculum, ex Hieronymo Plato Societ. Iesu viro Religiosissimo, accipe: *Ille vero, ait, egregia emulatio, qua inter duos fratres, Britanni Regis filios contigit. Nam cum Iudicaellus (sic alij Iudicaelem, quidam etiam Gothelū vocitant) Qui in regno successerat, Iodo-*
co fra-

cofratri consilium aperuisset, quod jam constituerat religiosi status capeffendi, proinde se pararet ad Regni administrationem, quod illi relicturus esset is octo ad deliberandum diebus postulatis, fratrem praeveniens, clam ipse, ne quid impedimenti objiceretur, ad Monasterium abiit, ita secum reputans: si regnandi conditio ejusmodi esset, ut eam relinquere fratri expediret, ne sibi quidem expedire ut eam acciperet. Ita Platus lib. 2. cap. 26. de bono status Religiosi; Sed fusius Yepes, & Florentius Abbas in vita. Videantur item Trithemius, Cænalis, Meyerus, Belforestius, Vincentius, &c.

Hispanias rursus replet admiratione Sancti. Fructuosus noster, ex illustrissima Principum familia, Monachus, & Abbas Dumienfis, multorum in Hispania Cænobiorum Conditor, & fundator, de quo pro meritis alias frequentius. Vid. Yepes, Ambros. de Moral. Vasæus, &c.

A.C. 646.

S.P.N. 166.

PAUCIS præfuisse annis (si tamen primo statim à se honorem abdicavit) Argentorato Sanctum Amandum nostrum, successio eorum, qui proximè consequuti, & certè assignati Sancto Arbogasto nostro anni, argumento sunt. Sed & brevem iis fuisse præfecturam, qui Chronico Argentinenfi Amandum inter, & Arbogastum Episcopi numerantur, annorum, & temporum ratio persuadet. Hoc, ad commendationem Ordinis nostri est, præter auctorem præsulatus Amandum, repertos etiam alios è nostris, nec longè quæritos, qui proximi Amando succederent, viros Sanctissimos Iustum, & Maximum, è Vallis Gregorianæ Cænobio petitos, qui prudentia non solum, sed miro sanctitatis fulgore Alsatia illuxere. Vid. Chron. Argent. Bern. Herzog. &c. Illustrissimus illustrissimo teste idem annus, Sigeberto Anglorum Orientalium potentissimo non solum, sed & felicissimo Rege; qui, ubi nostrorum instinctu operaque Cantabrigienfi instituta Vniversitate, sive studio universali, novo novi meriti exemplo, de universo optimè esset, & singulariter meritis quanto potiore in his etiam meritis, Regnoque, atque immortalità meritis Regnoque fama, Monasticæ vitæ professionē æstimaret, reapse ostendit quando, stupentibus Regni proceribus, angustias cellæ Monachicæ, amplissimo, & compositissimo ad voluntatem, & voluptatem Regno præposuit. De ipso

Platus, paulo ant. cit. libr. & capite eodem Sigebertus, ait, Rex, tum litteris, tum multo magis pietate præstans, annu circiter D.C. XL. multa prius in Regno suo ad Dei cultum promovendum præclare constituit, deinde se quoque ipsum, eidem Deo consecravit in Monasterio. De hoc etiam memorabile fertur; cum aliquanto post tempore, Pendas Mercia Rex Northumbriam cum magnis copiis invaderet, omnes se ad eum convertisse, ac denique etiam compulsi se, ut totius Regni propugnationem in tanto periculo ad Dei gloriam resumeret: illum autem, ob rei Christianæ causam, profectum quidem esse in castra (Ecce constantem tanti Regis in dignitatis Monasticæ observatione, & reverentia voluntatem) Sede eodem habitu, quo in Monasterio, cum virga tantum, quam inermis manibus gestabat, exercitum moderaretur. Sed tamen cum, Deo volente Christianorum exercitus à barbaris illis fusus esset, ipse una cum Rege cæsus, eam ob causam nonnullis inter Sanctos Martyres referendus visus est. Hucusque Platus. Vid. Yepes Polidor. Virgilius, Beda, Westmonast.

A.C. 647.

S.P.N. 167.

BELGIUM universum ea innocentia Sanctis fortunatum, ut Paradyfus reuera videtur. Bearunt, hoc præcipue anno, Sancti Gislenus, Waldegruda, Aldegundis nostri; ut prætereamus cæteros, qui sola nomenclatura celebrati, silenti, & brevitatis nostræ obstinationem damnaverent. Gisleni merita in hodiernam usque diem perpetuitas gratæ memoriæ & mortui ipsum corpus loquitur: quod Raytio testante, ab innumeris propemodum hominibus quotidie visitatur. De V. Valdegruda superius, quam alii extinctam pridem contendunt. Aldegundis, miranda prorsus Sanctitas fuit, tanta omnino, ut singulariter etiam in terris eandem Numen solaretur, aquam in vinum verteret: sed & Angeli frequentius eidem familiares, nihil unquam tristitiæ gravioris ad ejus animum admitterent. Consulendi, Molanus, Mireus, Stengelius, Yepes, &c.

Sulpitii etiam Bituricensis Episcopi merita, luctu communi comprobavere Gallia populi, sed testante maxime Deo, viri Sanctitas cælestibus prodigiis commendata, honorem, & æternitatem Nominis per universum meruit. Script. Gall. & auctor vitæ ejusdem. Dignissimum contempti honoris exemplum, eodem anno Orbi prætulit fulgidissima illa Belgii gemmula, Sanctissima Gertrudis Pipi-

G. 3.

ni Du-

ni Ducis, cognomento Landensis, vidua, quæ cum matre sua Itha five Iduberga, velo è S. Amandi nostri manibus sumpto, Deo Nivellis consecratur 11. Decembr. Miræus in Annal. Belg. consulatur etiam Ypestomo secundo, &c.

A. C. 648.

S. P. N. 168.

Sancti Fursæus, Foillanus, & Vltanus, Germani fratres, Vibeani five Philtani Hiberniæ Regis filij, gloriosiore autem titulo, Monachi, omnes omnino Sanctitate rarissima conspicui, Hiberniam, Galliam, immo universum ipsum, prodigiorum cælestium insolentia percellunt, & exemplo non solum suo, sed & constructis variis Cænobiis, plurimorum vitæ perfectioris Monachorum meritis egregie juvant. *De his hoc anno Aub. Miræus in Annalibus Belgicis, Ant. de Tepes, &c.*

Neque minore vitæ laude, sanctissimæ germanarum sororum Virginum, Berlendis, Nonæ, & Celsæ ternarius in Belgio illucescit, de quibus videndi, *idem Miræus, aliq. rer. Belg. script. Tepes, VVion. &c.*

Memorabili sub hoc tempus prodigio, in oculis gentilium Apostolatam S. Livini nostri Numen confirmat, & promovet (etsi nonnulli maturius Martyrio coronatum velint) cum enim frendentē infero, felicissimis ille successibus, per Flandriam, & Brabantiam, *innumeros ad fidem Christi, verbo, exemplo, & miraculis converteret*, ab obstinatiores quibusdam infidelium tentus, & crudelissimè exagitatus cum exsecta radicitus lingua, & canibus projecta, nihilominus constantissimè, & distinctissimè Christum annuntiaret, magnis auctus prædicationis, & laboris Apostolici, agonem denique felicissimum, illustri martyrio consummavit. *Ex vita per Anon. Aub. Mir. Tepes, rer. Belg. script. &c.*

A. C. 649.

S. P. N. 169.

Quam procul à Spiritu Benedictinò ambitio honorum esset, & abdicato antea Argentinenfi, & Leodiensi etiam, hoc anno, Pontificatu, Sanctus Amandus ostendit. Multo autem manifestius ea prodit Epistola, quam ad Martinum Papam dedit zeli pro Dei domo plenissimæ, qua ratam haberi abdicationem suam, Clericorum vitia pertæsus sollicitabat. Abnuvit primum Pontifex, & alia epistola dehortatus est. Sed evicit constantia Martinianum Divus, & solutionem denique impetravit. Ita evenisse hoc anno,

Claudius Robertus, alij etiam prius habent; Baronius anno sequente refert, Sed quid Magnus hic Pontifex tunc à Martino impetraverit, suo loco nos dabimus. Mirandum sanè, quanta, quotque uno ferè eodemque tempore in Gallia, Hispania, Anglia, Germania, & Belgio Cænobia condita, eadem, ut innumera Monachorum copia, frequentissima, sic singula, primis statim initiis, sed & longo dein temporum decursu, viris ac fæminis, admiranda sanctitate conspicuis, quasi consecrata; ut si vel unig Cænobij monimenta diligentius inspiciamus, toti inde mundo singulare ornamentum & commodum, sed & Ordini nostro immortale meritum accessisse judicemus. *Videndi Tepes, sub hoc anno Miræus, Ferreolus Locrius, Claud. Rob. & alij rer. Hispan. Gallicar. Belgicar. Germanic. scriptores.*

A. C. 650.

S. P. N. 170.

Amandus noster ipse Romam profectus, & à Martino Papa perbenignè susceptus, munus prædicationis ingentibus, denuo suscepit, cū sociis sanctis Landoaldo, & Amantio; *qui fructus uberes, Baronio affirmante, ex Gentium conversione collegere.*

Condedit idem Landoaldus Monasterium S. Petri in Winterhofen, & insignem illic religiosorum numerum, qui assidua prece Numen orbi conciliarent, instituit, ipse exemplar Monachorum, vir omnino talis ac tantus, ut uni ipsi, tanquā optimo præceptori, admirabilis puer S. Lambertus Stabuleri Monachus, instituendus traderetur, cujus, & suo merito hic ipse prunas ardentes sinu illæto portavit, & tantum deinceps sanctitate profecit, quantam postea Univerſæ Ecclesiæ comprobavit. Verum postea Landoaldus Romam profectus, ob insignem, & eruditionē, & sanctitatem summo in pretio habitus S. R. E. Presbyter Cardinalis creatus, honorem illum Apostolico labore insigniri voluit, Christi, & Apostolorum prædicationis, & paupertatis studium præclare consecratus; paratissimus, si visum Numini esset sudores etiam suos proprio sanguine, pro salute fidelium, Deique gloria consecrare.

Neque minore laborum pro Christo sacra ambitione accensus Landelinus noster (eum perperam Bisciola Episcopum Cameracensem appellat) eodem ferè tempore pro causa eadem Romam veniens

niens (ut videas, quam potiores, nostris, labores semper honoribus fuerint) Pontificem in vota sua promptissimum expectatus est, & Apostolica auctoritate iussus, talentum quod à Domino acceperat, optimè impendit, rarissimis etiam à Deo prodigiis ipse confirmatus, audientibus probatus. *Videndi Baronius, Bisciola, Surius in vita Yepes, script. rer. Belg. &c.*

A. C. 651.

S. P. N. 171.

SANCTI Aydani nostri, viri verè Apostolici, virtus admiranda, potentissimum etiam Angliæ Regem ita percelluit, ut ad Sanctissimi Pontificis se pedes abjiceret. Quod nostrorum plurimis sæpius evenit, ut, quibus nec maximi quidem exercitus obfisterent, Monachi tamen formidandi essent, tanto majore digni veneratione, quanto minus gratiam seu familiaritatem Principum exambierant, imo constanter scelera eorum repræhendebant. Officinus egregia pietate, & Religione Rex, Aydano equum Regium dono dederat, quo amnes trajiceret, vel, siquæ alia necessitas urgeret, uteretur (quippe Aydano, tanto Pontifici, mos erat, itinera peditem conficere, & quod pastoris verè est, etiam post oves currere, ipsum, atque unum omnia agere, neque onere tanto ad pompam seu voluptatem abuti) sed aula egressus, occurrenti tum fortè pauperi, equum, ut erat, phaleris, & cultu regio, illico donavit. Renunciatum id Regi, qui ad mensam vocatum Præfulem, propter id factum, quamvis modestissimè perstrinxit. Ex Beda, & Baronio, verba ipsa, & quæ consequuntur referimus, omnium omnino oculis digna, & nullo non volumine orbi commendanda: *Quid voluisti, rex ait, Domine Antistes, equum Regium, quem te conveniebat proprium habere pauperi dare? Nunquid non habemus equos viliores plurimos, & alias species; quæ ad pauperum dona sufficerent, quamvis illum eis equum nō dares, quem tibi specialiter possidendum elegi? Cui statim Episcopus: Quid loqueris, inquit, Rex? Num tibi charior est ille filius equæ, quam ille filius Dei? Quibus dictis, intrabant ad prandium, & Episcopus quidem residebat in suo loco. Porro Rex venerat de venatu, & cepit consistens ad focum calefieri cum ministris, & repente inter calefaciendum recordans verbi, quod dixerat illi Antistes (tantum verbo poterant nostri, ut nihil non sanctè prolatū, reverentius susciperent Reges, & sollicitè expenderent) discinxit se gladio suo, & dedit*

illum ministro, festinusque accedens, ante pedes Episcopi corruit, postulans, ut sibi placatus, ignosceret; quia nunquam inquit, deinceps aliquid loquar de hoc, aut judicabo, quid vel quantum de pecunia nostra filius Dei tribuas. Quod videns Episcopus, multum pertimuit, (ne de submissione Regis sibi ipsi blanditum arbitreris,) ac statim exurgens levavit eum, promittens, se multum illi placatum esse, dummodo ille residens ad epulas tristitiam depone-ret. Dumque Rex jubente ac postulante Episcopo latitiam reciperet; cepit contra Episcopus tristis usque ad lachrymarum profusionem effundi. Quem dum Presbyter suus, lingua patria, quam Rex & domestici ejus non noverant, quare lachrymaretur, interrogasset; scio, inquit, quod nō multo tempore victurus est Rex. Nunquam enim vidi antehac similem Regem; unde animadverto, citius illum ex hac vita rapiendum: non enim digna est hac gens, talem habere Rectorem. Nec multo post, dira Antistitis præsentia, tristi Regis funere impleta sunt. Sed & ipse, Antistes Aydanus, non plus quam duodecimo, post occisionem Regis, (per prodicionem is interfectus,) quem amabat, die, id est pridie Cal. Septemb. de saculo sublatus, perpetua laborum suorum à Domino præmia recepit. De meritis Aydani, fusè Beda, Baronius, rerum Angl. script. Yepes, alij.

Eodem anno, alij atque alij ex Ordine nostro Apostoli, diversis locis ac provinciis, mereri de Univerſo nunquam destiterunt. Plures Aubertus Miræus, in Annalibus suis Belgicis enumerat hoc anno: Sanctum Ethonem Episcopum ex Monacho, Sanctum Bertwinum, Sanctum Eloquium, & alios multos ex Scotia, & Anglia peregrinos; addit, Sanctos Adalgisum, Moimbolum, Wafnolphum, Autbodum, aliosque plures, qui verbum Dei in Gallia, & Belgicis maximè provinciis, multo fructu seminaverunt. Sed, & Sancto Eligio nostro, teste eodē, sub hunc ipsum annum Apostoli titulus debetur, ob prædicatam, & latè propagatam, apud Antwerpos & Flandros Christi doctrinam.

Eorum, sicut & aliorum, de quibus superius, opera, grandi numero, Cænobia paſsim extructa, adjuvantibus præcipue Principibus provinciarum, & Regibus, quorum, unus Sigebertus, duodecim hinc inde Monasteria condidit, & liber-

lissimè dotavit. Videndi superius citati, & rer. Belg. scriptores, &c.

A.C. 652.

S.P.N. 172.

ADmirandum, & inauditum sanè æternis sæculis, charitatis, sic vocant, fraternæ exemplum, quod Sanctus Emmeramus noster, insolenti spectaculo, universo exhibuit. Illud ex Reverendissimi Brenz-Anhufani Abbatis, Caroli Stengelii Elogiis Sanctorum Benedictorum reformimus; Is alter, à Sancto Ruperto nostro *Bojorum Apostolus*, Pictonum Vrbe Augustoritum in Aquitania oriundus litteris sacris, & disciplina CHRISTI à puero domi eruditus, ubi adolevit, Hunnos in Pannoniis ad Christi sacra conatus est adducere. Delatus in Boicam Reginoburgum, incidit in optimum Principem Theodonem, qui illum omni ratione cœpit retinere, & persuasit, ut in Boica rem Christianam adjuvaret. Emmeramum, præ Ducis verbis, res ipsa movit. Recentis in Christiana fide Boij à simulachrorum cultu vix temperabant, majores præsertim natu: Hos pleterosq; emendavit sanctitas & virtus Emmerammi, qui totum triennium in agro Boico excolendo posuit. Cum post Divino spiritu afflatus, iter Romam, Religionis nomine adornaret, Vtha Theodoni filia, ex Sigibaldo primariæ nobilitatis juvene ventrem ferens, & idem Sigibaldus (neque res diutius celari poterat) Emmerammum, de discessu cogitantem, supplices adeunt, & ad pedes abjecti, opem miserandum in modum implorant. Episcopi animum, adolescentum miseratio subiit, graviter increpitis, in se transferendi potestatem facit, ipse viam ingreditur. Trium dierum iter progressus, nulla manifesta de causa expectabundus substitit, mirantibus comitibus. Vta interim stuprum fassa, ipsi imputaverat. Pater iratus, bonis exitam, in Italiam exulatum misit. Lantbertus frater, Emmerammum citato cursu insequitur, & ut Helfendorff substiteret, brevi assequutus, statis tertiæ horæ precibus, ante sacras reliquias lucernis ardentibus, una cum Clericis vacantem reperit. Mox productum, acerbè irridens, salve, inquit, Episcope; salve affinis, simulque Scipione quem manu gestabat, in astantis pectus tortiter impacto, satellitibus excarnificandum tradit. Per omnia membra scævum, oculi eruti, lingua, aures, nares, manus, pedesque, & quæ honestè nominari non possunt amputata, nullo interim lethali vulnere, quo mortem inter summos dolores in longum traheret. Ipse Deum laudibus & precibus conti-

nenter venerans, de curru depositus expiravit; immensæ simul lucis splendore perfusus, quæ morientis ore progressa, & recta in cælum lata, spectantium oculos, in fulminis morem perstrinxit. Accidit 22. Septemb. Vide etiam Velferum lib. 4. rer. Boicar. congestum Illustriss. Viror. Ord. S. Benedicti; vitam S. Emmerammi, & tomos nostros sæpè cit.

Sanctus Landelinus, non de exteris solum benè, sed de nostris optimè meretur, conditis sub hæc tempora præstantissimis illis Cænobiis, Alnensi, Guaslarienti, Crispinienti, & Lobienti, quæ, velut cornucopiæ, sanctorum virorum perpetuis meritis & exemplis, nunquam exhausta cœlum sobole sua replevere, terras ditavere; Lobientem, etiam Episcopali titulo decoratum, eundem, quem Abbatem, etiam Episcopum habere diu postea meruit: ut insignem, & Episcopis Sanctissimis opulentissimum Episcopatum rursum nostris debeat Ecclesia universa. *Ypes, & Belgicar. rer. script.*

A.C. 653.

S.P.N. 173.

HOC año Concilium Toleranū VIII. celebratum, nostrorum ferè opera qui præcipuis tunc honoribus fungebantur, & præter Archiepiscopalem, Episcopalem, &c. dignitates, longè splendidiore titulo Sanctitatis, præstabant, & effulgebant. Subscripsit inter Abbates, quarto loco, magnus ille Hispaniarum Patronus, decus Ecclesiæ universæ, Sanctissimus Ildephonsus noster, Agaliensis Cænobii Abbas, jam tunc libris scriptis, & purgatissimæ vitæ exemplo, de intuitibus, atque inaudientibus, meritissimus. De Agaliensis Cænobij conditore, & foundationis anno, sic Maximus noster Cæsar-Augustanus Episcopus: *Aera DXCII.* (anno nimirum Domini DLIV.) *Atanagildus Rex, in planitie Suburbij Toletani, edificavit Monasterium Ordinis Sancti Benedicti, in honorem Sancti Iuliani, apud Arvernospassi, dictū Agaliense, ab Agallula villa propinqua &c.* De quo, Sanctorum Episcoporum quasi seminario, pluribus agit Antonius de Ypes noster tomo primo.

Ferreolus Locrius, in sua Maria Augusta, lib. 3. cap. 8. postquam Sanctissimi Patris, & Patriarchæ Monachorum Benedicti ordinem, ab ejus nascentis exordio, Beatissimæ Matti Virgini Sacrum fuisse ostendisset, de Ildephonsi; adhuc vero latentis per cæli Reginam præsignatione, ita dicit; *Impletur matris uterū Ildephonsus, nondum*

nondum lucem, nondum legem subierat; appareret Beata Virgo prœgnanti, & quis futurus fetus; prænuñciat. Ut vero is Monachatum induit; & inde Toletanam Sedem Pontifex implevit, gemina apparitione Virginis in se affectum, dato etiam pignore, satis superque intellexit. Fuit familia ortus illustri admodum, & potenti Ildephonsus, ut tanto magis cætera ejus spectentur, & æstimentur, cû constet primis statim vitæ initiis, de mundo, & carne in primis, suis nempe parentibus, gloriosè triumphasse. Ita Breviarium Hispano monasticum Benedictinum: Mundi cupiens laqueos declinare, in Agaliensi monasterio, sub Divi Benedicti Regula monasticam vitam agere decrevit; parentibus nec quidquam omnia tentantibus, ut ab ejusmodi proposito ipsum deterrent. Monachi, non multo post, in demortui Abbatis loco subrogantur, &c. Sed de Ildephonso sæpius.

Eodem in Concilio, Sancti Isidori nostri, jam cælitis honori, hoc encomio à Patribus Concilij consultum. *Nostri quoque sæculi Doctor egregius, Ecclesiæ Catholica nobilissimæ decus, præcedentibus ætate postremus, doctrina comparatione non infimus, & in sæculorum fine doctissimus, atque cum reverentia nominandus, &c.* Neque minore ejusdem commendatione ejus meminit Conciliû Aquigranente, cujus Patres, Isidori doctrinam per multis Sanctis anteterendam Doctoribus judicarunt. Deo nimirum ipso, etiam in pueritia ejus contestante, in cujus nimirum infantis os, Valsæo, Marianaque testibus, examen apum (quod de Ambrosio quoque legitur) visum ingredi, & egredi, & in cælum usque evolare.

In Angliam nostrorum opera fides egregiè propagata, & mediterranei ad Ecclesiam aggregati. Evolvit eodem anno in cælos Sanctus Honorius noster, quintus ab Augustino Dorovernensis Archiepiscopus, cui post menses sex supra annum Sanctus Deus dedit, & ipse è nostrorum numero subrogatus. Porro hi omnes, ait Baronius, insignibus meritis videbantur columna; ipse vero Honorius inter Sanctos relictus, anniversaria commemoratione in Ecclesia celebratur, &c. script. Angl. Ipso hoc anno Regia sanguinis Regij purpura decus æternum addidit Ecclesiæ universæ, & maximè Anglicanæ, Sancta Ositha nostra, Trithewaldi Regis, & Wilteburgæ, Penda Merciorum Regæ natæ, filia, quæ à Sancta Moduvena Abbatissa in Cæno-

bio educata, contra votum nuptui tradita, & abrepta, Sigerio Orientalium Saxonum Regi, sed ab eo intacta, ad monasterium regredi permissa, dum illic sub imperio sororis suæ Edithæ in omni sanctitate plurimum profecisset, hoc tandem anno, ab irruentibus Danis gentilibus confossa, & capite truncata, illud insigni prodigio, per stadia ferè tria, usque ad Ecclesiam sanctorum Petri, & Pauli deportavit, & sic per Martyrij gloriam cum laurea cælum ovans intravit. *Vid. Baronius, Albericus verus in vita quæ extat apud Surium, Chorog. Britan. &c.*

Gloriosus hic etiam annus est, mortis Sancti Iudoci Regis Britonum filij, qui post innumeræ merita, & miracula, prodigiosa è cælo vocè dum sacris adstaret altaribus ad coronam vitæ vocatus est: *Quia paterni Regni pro me refutasti culmina, præparavi tibi coronam inter Angelorum agmina, eròque loci hujus in quo resolveris defensor, & custos, &c.* Præter auditam hanc vocem multa in populi frequentia, visa etiam in aëre manus, quæ Iudocum consignans, benedictione eundem Divina confirmavit. Obiit vir sanctissimus Idibus Decembris hoc anno, qui, auctore Florentio Abbate, in carne præter carnem vivens, Angelus esse videbatur, non homo. Corpus ejus ita salvum ac integrum in tumulto repertum post annos ferè sexaginta, ac si Spiritus vitæ in eo foret. Recensendis ejus à morte miraculis imparè se fatetur idem Florentius, ad quæ, nec memoria, neque sermo ullus queant sufficere. Illa rariora, quibus plures ipse inortuis vitæ reddidit, eosque inter, partim suspendio, partim aquis suffocatos, aut alio quovis genere morbi extinctos; *quorum unus Ioannes nomine, ait idem vitæ ejus scriptor, per biduum aliquando submersus, adhuc penes nos est Monachus, utriusque post explorata illa vitæ alterius, à viventibus aliis, longè alius.*

Rursum illustri exemplo, cuculli præstantiam, & commoda probat Sanctus Remaclus noster abdicato Trajectensi Pontificatu, quem Cænobio extractus invitatus susceperat. Reversus ad Cænobium suum, invito quantumvis Rege, sed & ingenti comploratione, desolatos se, gementibus populis. Commendavit autem eisdem pro se, dignissimum è monachis olim suis, S. Theodardû, Deo tantum charû, ut ipsum denique etiam Martyrij co-

rona honoraret. Fuit Sanctus Remaclus, & ante, & post Episcopatum de nostris, & exteris optimè meritis, plurimis passim extractis Cænobiiis, in quibus, Norgero Leodiense Episcopo affirmante, discipulorum complurium Pater fuit, & Institutor, quorum, ut ipse Christo lucratus est animas, sic & illi eorumque successores, multorum animas ad Christum adduxere. Videndus inter alios Antonius Yepes tomo 2. Miræus in Annal. Belg. hoc anno, &c.

A.C. 654.

S.P.N. 174.

Celebrat hoc anno Martyrium S. Livini nostri Baronius, nos anno Christi 633. ex Belgicarum rerum scriptoribus, quibus sua competiora, quam Baronio peregrina arbitramur, dedimus. *Hoc tamen ad commendationem, ne nihil Baronij, hoc loco admittamus, subdamus: Habent, inquit, Natalem Levini indelebili inscriptione notatum tabula Ecclesiastica; eundemque consueto præconio annis singulis anniversaria die in Ecclesia exhibent 12. Novembris, &c.* In laudem dein, pro immortalibus meritis, Sancti Vincentii nostri, ex Comite Hannoniæ Monachi Altomonasteriensis effusus, quem *Auctorem* bonorum omnium, quæ prædicationem Levini, Foillani, Fursei, Vltani, Eloquii, Etthonis, Adalgisi (quos ipse ex Hibernia adduxerat) consequuta ipse memorat, digno planè elogio facit, & deprædicet; ut rursum Cæsaris Historici verbo, & litteris constet, quantum Monachorum meritis ab omni posterorum ætate deferendum.

Coronatus corona Martyrii longè augustissima hoc etiam anno, Sanctissimus Foillanus noster, Philtani Hiberniæ Regis filius, Sanctorum Fursei, & Vltani frater germanus, de quo superius dixeram: ipsum auctoritate Sancti Martini Papæ, Apostolico prædicationis suscepto munere, eidem ferventissimè instituisse. Passus est cum sociis tribus in sylva Carbonaria apud Hannones; ita ut novo denuo merito, & sane regio, Regij nimirum sanguinis copia, aliam rursum provinciam, Hannoniam, purpuratam non solum, sed ex in fecundissimam nostri fecerint. *Videndi Moëanus, Miræus, Baronius, &c.*

Adroaldus vir nobilis, hortante Sancto Bertino donat, unde origo celeberrimo illi Monasterio Bertiniano, quod solum integram in cælum messem Sanctorum intulit, ut uno hoc anno, quod certis ne-

quimus, tantos, totque manipulos, simul semelque proferamus. *Videndi rerum Belgic. scriptores, & Miræus in Annal. Belgic. hoc anno.*

A.C. 655.

S.P.N. 175.

Qvanti faceret, quamque gratam haberet professionem Monachicam, etiam Sacrarum Virginum, nedum virorum ad omnia prædicationis, &c. munia utilium, Deus illustrissimo sanè, hoc ipso anno, prodigio manifestum fecit. Oswi Rex Anglorum, gravissimas diu injurias passus à Penda Merciorum Rege, cum neque muneribus denique amplissimis placare iracundi, & præterocis ingenium Tyranni posset, comparatis exilibus (si cum Penda grandi, & numerofo exercitu cōparētur) copiis, voto se numini obtulit, *quod si Victor existeret, filiam suam Domino sacra Virginitate dicandam offerret, simulque duodecim possessiones prædiorum, ad construenda Monasteria donaret.* Votum consequuta quamprimum admiranda, & prodigiosissima victoria, & præter Pendam ipsum, triginta Pagani Principes, qui auxilio venerant propè omnes interfecti. Promissi autem memor Oswi, abundè omnia præstitit; atque inde per nostros Christiana fides latissime, & felicissimè propagata. *Vid. Vener. Beda, Baronius, & omnes ferè rer. Angl. script.*

Admirandum istud, quod referimus, servatæ justitiæ, & auctoritatis Pontificiæ exemplum, quod hoc ipso anno, è Benedictina nostra familia, egregiæ sanctitatis, & meritorum grandium *Apostolicus vir, Ceadda, sive Ceddi* Londinensis in Anglia Episcopus posteritati Pontificum omnium imitandum reliquit. Excommunicaverat Episcopus Comitum quendam ob illicitum conjugium. Ab hoc invitatus fortè Rex epulo adfuit, eoque absoluto Comitum domo egressus, in Episcopum incidit. Quo viso, *mox tremefactus* (verbis Bedæ referimus) *desiluit equo, ceciditque ante pedes ejus, veniam reatus sui postulans; nam, & Episcopus pariter desiluit, sed erat enim & ipse in equo* (ad loca nimirum longè distacientia in caula verbi Divini profecturus: *) Iratus autem tetigit Regem jacentem virga, quam tenebat manu, & Pontificali auctoritate protestans: Dico Tibi inquit quia voluisti te continere à domo perdit, & damnati illius, tu in ipsa domo mori habes. Quod & contigit, ulciscente Deo inobedientiam*

Princi-

Principis cæteroquin religiosissimi, & de Ecclesia meritisissimi, sed & pro scelere dignè, & cum merito pœnitentis. Neque minus pius, quam severus, Ceddi noster, Episcopus, adulari indoctus, sed assuetus benè mereri, cujus res gestas Beda profequitur, nos brevitatis studio prætermittimus. *Ex Beda, &c.*

Celebratur hoc eodem anno Conciliū Toletanum nonum præsidente, magno cum Ordinis nostri honore Sancto Eugenio nostro Archiepiscopo Toletano, & aliis è familia Benedictina Sanctis Pontificibus, Reipub. Christianæ egregiè consulentibus. *Baronius, Tapes, &c.* Supremus hic idem annus sanctissimo Principi Furseo, Philtani Hiberniæ Regis filio, monacho Cnobhersburgensi, & Abbati Latiniacensi, cujus corpus quanto post anno incorruptum prorsus, Sancti Antbertus Cameracensis, & Eligius Noviomenfis Episcopi, 17. Septemb. è terra elevarunt. *Videndi Venerab. Beda, Miræus, Baronius, &c.*

Demissa petentibus Calaritanis, ab Archiduce nostro Benedicto, lectissima monachorum colonia, superius jam, ad A. C. 536. diximus, apud quos, cum hoc ipso tempore, præter sanctitatis celebre nomen, summopere insuper Liberalium artium, atque Divinarum litterarum studia florarent, procellis Hæresum valide in S. Rom. Ecclesiam insurgentibus, magnis precibus hoc anno, in auxilium Orthodoxæ Fidei adversus impietatem Arianum, Romam vocati sunt: Extat Epistola apud Anastasium Bibliothecarium, S. Anastasij monachi, discipuli S. Maximi Abbatis Romani, missa ad cōmune monachorum apud Calarim Collegium, in qua sanctus vir latè & profundè explicat Monachis Calaritanis, repullulantes Hæreses, contra duplicem naturam & voluntatem Christi, & subnectit: *Quia ergo in magno propter hac sunt periculo, res penè totius Catholica & Apostolica DEI Ecclesia constituta, pro ea deprecamur & obsecramus sanctissimos viros, ne hanc despiciatis periclitantem, sed adjuvatis tempestatibus laborantem, scientes, in tempore tribulationis, dilectionem, qua in Spiritu Sancto est, nasci. Et, si possibile est, vos transire citius, quasi alia pro causa, ad Senioris Romæ, pios & firmos ut petram viros, qui videlicet vobiscum Tutores nostri sunt semper, & propugnatores, &c.*

Ita Sanct. Athanasius Roman.

A. C. 656.

S. P. N. 176.

Concilij Toletani Patres, illustri existimationis summæ argumento eligunt & constituunt Archiepiscopum Bracarensem, Sanctum Fructuosum, Complutensis nostri Cænobij Abbatem, regio Gothorum ortum sanguine, sed cucullo nobiliorem, virum, Hispania universa contestante, sed & Baronij accessione, sanctissimum, nobilissimum, cujus Anniversaria memoria recolitur Aprilis 16. Corpus Compostellam translatus magna populi veneratione colitur. *Consulendi Iepesius, & script. rer. Hispan.*

Evolavit in cælos anno eodem, magna illa & laudatissima Princeps, Hamaticensis Abbatissa Gertrudis, Sanctæ Eusebiæ proavia, plurimarum rara vitæ sanctitate Virginum monialium mater, adeoque ingentium meritorum fecundissima genitrix. *Miræus in Annal. Belg. &c.*

In Anglia clarent Augustissimæ in cucullo Principes Ermenburga & Bona. Illa Mervaldi Merciorum Orientaliū Regis uxor, cum ejus consensu castam ducere vitam eligeret, constructo celebri Cænobio, Sanctis Athelberto & Athelredo Martyribus sacro, septuaginta sibi Virginibus Societatis, eisdem sanctissimo exemplo præstitit & profuit. Bona, Sigeberti II. Austrasiæ Regis filia, ab ineunte ætate Deo dicata, & Monasticen in Divi Petri Rhemenfi professæ, iis meritis fuit, ut primum ejusdem Cænobii electa sit Abbatissa, dein una cum nepte sua Doda, in numerum sanctorum, summa cum Regni tum generis sui gloria, felicissimè relata. Renatus Benedictus in ejus vita, *Westmonast. Vincent. Bel. VVion. &c.*

A. C. 657.

S. P. N. 177.

Felicissimè in cælum invehitur Sanctissimus Toletanæ Ecclesiæ Archipontifex Eugenius noster, ejus nominis tertius. Ordinem Sanctissimi Patris nostri in monasterio Sanctæ Engratiæ professus. Ejus laudes describit discipulus ejusdem Sanctus Ildephonsus, apud quem videantur, extantque ex parte apud Baronium tomo octavo, hoc anno. Inter alia viri sancti merita annumerandus etiam libellus, quem scripsit de Sacro-Sanct. Trinitate, & eloquio, ut Ildephonsus ait, *nitidus, & rei perspicuus*, quo orientis erroribus necessario duxit occurrendum. Cantus passivis usibus vitiatos melodiarum, cogni-

cognitione correxit; officiorum remissos ordines curamque discrevit. Cætera videantur loco citato.

Successit Eugenio, idem ejus vitæ scriptor, singulare Ecclesiæ Catholice ornamentum, Beatissimus Ildephonsus noster, si nulla aliare, eo unico longè meritissimus, quo Calites juxta omnes singularissimè demerebatur, propugnato acerrimè Divinissimè illius Celi terræque Imperatricis, Augustissimæ Matris Virginis honore, quem Hæresis Elvidiana perpetua ejusdem Matris Virginitate irrita atque explosa, nequissimè laceraverat, sed & felicissimè, pulsus universa Hispania Hæreticis, vindicato. Explicavit disputationem illam, libro, quem, inscripsit de Maria Virginitate: em, miraculo inaudito planè & prodigiosissimo confirmante. Cum enim Alphonfus (idem quod Ildephonsus, &c.) ad preces Maturinas Expectationis Beatæ Mariæ (quod ipse honori ejus Festum instituerat) in Ecclesiam nocte descenderet, comites ejus in Ecclesiæ limine fulgore quodam repentino deterriti retrocesserunt. Ille verò intrepidus ad aram progressus, Virginem ipsam, solio Episcopali residentem intuitus, eam adoravit. Illa supplicem hilari vultu ac voce sic alloquuta est: *Propera in occursum serve Dei charissime, accipe munusculum de manu mea, quod de thesauro Filij mei tibi attuli. Sic enim tibi opus est, ut benedictione tegminis, quæ tibi data est, in meo tantum servitio utaris. Et quia oculos Fidei fixos in meo servitio tenens permanisti, & laudem meam, diffusa in labijs tuis gratia, dulciter in cordibus fidelium depinxisti: & vestimentis Ecclesiæ jam in hac vita ornatus eris, & in futuro in promptuariis meis cum alijs servis Filij mei letaberis. Et hæc dicens, ab oculis ejus, una cum Sanctis Virginibus, quas secum adduxerat lubtracta, in cælum remeavit. Vid. Const. Cajet. &c.*

Neque minus prodigiosum, & ad commendationem meritorum Ildefonsi nostri, quod præsentem Rege ipso Recesuintho, & clero populoque frequentissimo, universis audientibus & intuentibus evenit: Ipso nimirum S. Leocadiæ solemni die, Alphonfus ad sepulchrum Beatæ Virginis illius accedens, flexis simpliciter genibus precabatur (verba Breviarii Hispanici, vitæ Ildephonsi auctoritate Apostolica approbata ponimus.) *Et ecce reserato repente sarcophago, Leocadia Sanctissimè prodit; videntibusque cunctis & audientibus, Alphonfi*

merita de Virgine Maria commendavit, dicens: O Ildefonse per Te vivit Domina mea, quæ celi culmina tenet, & Præsie collaudato redibat. Alphonfus, nec res sine testibus tantæ posteris referretur, arrepto Recesuinthi Regis gladio, velaminis partem, quo caput Leocadiæ tegebatur resevit: eamque cum Regio simul cultro, celebri pompa in sacrarium intulit, ubi usque hodie reservatur, &c. Hucusque Breviarium Hispanicum.

Vincentius Beluacensis, etiam Beatissimam Dei Genitricem, quam ipse familiariter dilexerit, eidem apparuisse, & insigne illud, quod ipse de Virginitate ejus composuerat, volumen manu præterentem, eidem pro tali opere gratias retulisse, affirmat. Quæ omnia, insigne planè tanti Pontificis meritum arguunt de prædicantque, De Ildephonso videantur, S. Iulianus in Appendice ad libellum Sancti Ildephonsi de Viris illustribus, Sanctus Eladius in ejus vita, Rodericus Archiepiscopus Toletanus rerum Hispan. lib. 2. cap. XII. Lucas Tudensis lib. 3. Chron. Mundi, Cixila, Mariana, Vincentius in Spec. Card. Baron. Maldonatus Vasæus, Franc. Tarapha, Maximus Cæsaraugustanus, Prudentius Sandovallius, Constant. Cajetanus, Yepes, &c.

A.C. 658.

S.P.N. 178.

Sanctus Theodardus noster monachus Stabulensis, dein Abbas, denique invitatus quantumvis retinensque abstractus. Cænobio, & ad cathedram Leodiensem subvectus, pro libertate, & immunitate Ecclesiastica gladiis impiorum impiissimè contrucidatur. De eo sic Martyrologium Romanum 10. Septembris: *Leodij in Belgio S. Theodardi Episcopi, & Martyris, qui animam suam posuit pro ovibus suis, & post mortem miraculorum gratia illuxit. Videantur Sigebertus, Molanus, Tritheimius, Ioan. Chapeavillus, Card. Baron. in Annal. & notis ad martyrol. Rom. Aubert. Miræus, qui tamen ut & Chapeavillus in anno dissentit, quibus, & Claudius Robertus accessit, &c. Successit S. Theodardo, sanctissimus ille, & præcipui, à sanctitate & meritis, nominis, Lambertus litteris, ut vitæ ejus auctor, & in Episcopatu successor Stephanus Leodiensis celebrat, Divinis eruditus, & Monasticis disciplinis à prima juventute, præclare instructus. De quo suo loco & tempore, pro meritis, sæpius.*

A.C.

A. C. 659. S. P. N. 179.

BEatissima Virgo Gertrudis, præcipuum ac singulare sæculi huius ornamentum, Abbâtissa Nivellana, ad cælos emigrat. Contra Baronium, & Sigebertum, quique eos sequuti, plurimos. Rarum tamen eius præconium, quamvis alieno anno; ex Baronio exscribamus: *Transit hoc eodem anno, ex hac vita insignis illa virgo Francorum Nobilitatis decus & ornamentum, Sancta Gertrudis filia Pipini Ducis. Extant eius res præclare geste, omni fide posteris tradita, ex quibus per paucam hac retulisse, sat sit: Fuit Virgo clarissimis, & pervulgatis, orta natalibus. Ab ipsius pueritia annis, viam mandatorum DEI ingressa, omnem lubrica ætatis levitatem fugiebat; & assidue matri Itha adherens, ab ore eius trahebat verba vitæ & disciplinæ. Ancillis suis se ancillam præstabat, nec usquam natalium suorum sublimitatem attendebat. Dum autem altiore proposito Virgineæ pudicitie sigillum consecrare vult auctori castitatis Domino Iesu, supervenit ad ades paternas Rex Dagobertus, in cuius comitatu erat Ducis cuiusdam filius, qui eam in matrimonium postulavit. Sed Virgo, Regi, parenti, & reliquis Principibus respondit; ego mihi sponsum delegi, cuius æterna pulchritudine omnis creaturarum pulchritudo resplendet, in cuius divitiis cælum & terra, & omnis ornatu numeratur, cuius æterna pulchritudine omnis creaturarum pulchritudo resplendet, in cuius divitiis cælum & terra, & omnis ornatu numeratur, cuius nobilitatem Angelica sublimitas cum tremore veneratur.*

Iacta sunt eiusmodi fundamenta ad celsam valde molem erigendam, quam ex rebus ab ea præclare gestis descriptam iam celsam præ oculis habes. Hic sat sit meminisse ipsius, cuius Natalem Catholica Ecclesia anniversaria memoria colit die 17. mensis Martii. Sed non prætereat, pergit porro pro nobis Cæsar Cardinalis, meminisse hic Sanctæ Matris ipsius Gertrudis, quæ Iduberga nomine, & Itha cognomine, uxor Pipini, viduata marito, à Sancto Amando sacrum Religionis velamen accipiens, ex agro Sanctæ continentie sexagesimum collegit fructum, adeoque profecit, ut inter Sanctas & ipsa mereretur adnumerari, &c. Has fixit beata illa familia in caloradices, ex quibus Francorum Regum progenies, facundæ cespitis, pullularet, ubi truncus vetus familia Clodovei arescere capit a vitæ defectu virtutis. Huc

A. B. pars I.

usque Baronius. Nos additum tanto generi, Gallie, & Orbis splendorem, cucullo deberi, in sinum gaudemus, & acceptam denuo gratiam Deo referimus. Consulendi Ioannes Chapeavillus, & Bucherius, Rayssius item, Miræus, Ferreol. Locrius, &c.

Claruit, & meruit, hoc eodem tempore, egregia vitæ Sanctitate, Sanctus Vrsmarus noster, à Domino electus, & prædestinatus, priusquam in lucem ederetur, primum Laubacensis Monachus, mox Abbas dein ad Barbaricæ gentis conversionem Episcopus consecratus multos ad fidem CHRISTI convertit in partibus Gallie, in Fania videlicet, & Theoracia, multasque construxit Ecclesias. Inde autem ad prædicandum Flandriæ se contulit versus Menapum fines, qui adhuc detinebantur ritugentis vanis superstitionibus, qui etiam eius miraculis & prædicatione assidua, ad fidem conversi sunt, &c. Ex Haræo, Molano. Ratherio, Yepes, &c. Vixit vir sanctus, ut vix viveret, usque adeo Sanctum corpusculum abstinencia cruciabat, novem integris annis nec panem quidem degustans. Ex vita, &c.

A. C. 660.

S. P. N. 180.

SANCTI VVandregisili Abbatis meritis Gallia ita impletur, ut multis dein sæculis redundarit; Fontanellensi præsertim Cænobio extructo, quod dein pinguiissimæ sanctitatis dulcissimum ac plenissimum apiarium fuit. Ex innumeris paucissimos referimus, qui ex hoc Cænobio prodire viri longe illustrissimi. Sunt autem inter alios celebratiores post VVandregisilum, Sanctus Lambertus Lugdunensis Episcopus, de quo supra; Sanctus Ansbertus Rotomagensis, Sanctus Erembertus Tolosanus, Sanctus VVifrannus Senonensis, Sanctus Bainus Tornacensis, admiranda sanctitate, & meritis maximis, dignissimi Pontifices: Sanctus Hilebertus, Sanctus Benignus, Sanctus Hugo, Sanctus Laudo, Sanctus VVaundo, Sanctus Austrulphus, Sanctus Gervoldus, Sanctus Trasarus, Sanctus Hildelbertus, Sanctus Hemardus, Sanctus Ansigisus, Sanctus Fulco, Sanctus Girardus, Sanctus Gradulphus, Sanctus

H. Gis-

Gisbertus de Alemania, Sanctus Galtherus, omnes huius unius Cœnobii Abbates, præter plures eiusdem dignitatis; Conventuales autem ut vocant, penè dixerim, innumeros, qui diversis sæculis, assidui in choro clamore, gemitu in cellulis, iram DEI non solam sæpiissime flexere, sed rarissimas in super à Numine gratias, Mundo impetravere. Wandregisilus ipse summo loco natus, Patrem Waltchisum consobrinum Pipini Francorum Principis habuit, summis dein in Regia honoribus perfunctus, renunciatus Comes Palatii, quæ summa fuit dignitas, his denique omnibus renunciavit non solum, sed & sponsæ Principi persuasit, illibato candore Virgineæ castitatis, & ipsa pari consilio Monasticem sectaretur. Ipse ad montem Falconis Monachum professus, constructo demum Fontanellæ Cœnobio, opibus præcipuè Beati Godonis neporis sui, inde ad Fiscamnense moderandum vocatus est. De eius præclare gestis, fusius Yepes, & Synchronos vitæ auctor apud Surium. Istud negligendum minimè duximus, quo restituta apud Caletum fide penè abolita, æternum meruit. Sed de hoc fusius, legantur citati.

Floret hoc eodem anno Marculphus ille noster, relictis ingenii monimentis commendatissimus, quæ paucos ante annos Cuiacius, Briffonius, Pithori fratres, alique plures egregie commendavere, & ut ipse quoque de posteris mereretur, Hieronymus Brignonius, ad fidem veterum codicum emendata, & notis aucta atque illustrata Parisiis anno M. DC. XIII. edidit. Miræus, &c.

A. C. 661. S. P. N. 181.

GLoriosa Sancti Audomari ex Monacho Luxoniensi Morinensium Episcopi morte nobilissimus hic annus, quæ nona Septembris die, sæpius expectata, atque expectata eidem obtigit. Debet Audomaro plurimum Ecclesia universa, ob rarissimæ Sanctitatis illustrissima exempla, atque ob Gentilium felicissimam conversionem, Taruanensium præcipue, quorum ex provincia Idololatriam & barbaros ritus felicissime proscripsit, & apud Morinenses imprimis Christi fidem amplissime pro-

pagavit. Ex vita, auctore Folcardo Bertin. Videndi item Bucherius Wion, Yepes, &c.

A. C. 662.

S. P. N. 182.

HOc anno Sanctissimo Amando nostro, Traiectensium quondam atque Argentinenſium Pontifici, trophæum statuendum. Defunctus, hoc denique anno, tantis laboribus, iure id merito sibi exigit. Nec dignius, quam mutuatis à Cardin. Baronio verbis instruemus, quamvis Chapeavillum, Bucherium, Miræum, cæterosque Belgij scriptores sequuti, in anno non sineratione, dissentiamus. Sic autem de anno superiore Augustus Historiæ Dictator loquitur: *Annus Christi sexcentessimus sexagesimus primus, &c. veluti face magnopere illustratur natali Sanctissimi viri Amandi Traiectensis Episcopi, Flandrorum Apostoli nuncupati. Plurimum quidem eius virtutibus atque miraculis Gallia Belgica coruscavit; siquidem eius admonitionibus & exemplis, quamplurimi nobilissimi viri ac femina, sublime secundum Christianam perfectionem, vivendi genus arripuerunt. At minime cõtentus fuit terminis suæ Dioecelis, sed inibi constituens Vicarium (ecce quo fine, & quando Vicarij substituti) Sanctissimum Landoaldum Archipresbyterum, aliis etiam Gentibus Christum prædicavit, ut Sclavis circa Danubium, Vascionibus circa Pyrenæos saltus, & in Flandria Gandensibus, & Pabulensibus potissimum. Gandenses vero, à Mercurii, & aliorum idolorum cultu avocavit, ibique duo celeberrima Monasteria Blandiniense & Gandense erexit, ac Sancto Bavoni Hasbania Principi DEVM syncre colendi leges dedit, &c. Tandem Apostolica virtute & spiritu plenus, apud Pabulenses, in Elnonensi Monasterio, quod hodie ab auctore proprie dicitur Sancti Amandi mortem obiit, &c. Videantur Molanus, Yepes, script. rer. Belg. &c. Nos de ipso passim superius, locupletius autem in tomis nostris vitæ SS. Ord. Benedictin.*

Exsplendescit prodigiosis miraculis, & vitæ innocentia singulari sanctus Autbertus noster ex Monacho Luxoviensi Cameracensis, & Atrebatensis Episcopus. Videatur Colvenerius in suis ad Cameracense Chronicon ipsum, omnesque Belgii scriptores, &c.

A. C.

A. C. 663.

S. P. N. 183.

Germaniam atque inprimis Alsati-
am vitæ sanctioris exemplis nobili-
tat, fructu uberrimo ditat, Sanctus Flo-
rentius noster ex Monacho Scoto Ar-
gentinensis Episcopus, qui quanti meri-
ti apud Deum esset, adeoque quid, si
Patronum pro Germania pergat agere,
apud omnipotentem etiam hodie pos-
sit, multis argumentis mundo universo
factum manifestissimum. Eius, iam
ante Præsulatum ea sanctitatis nota fu-
it, ut & virtus feras sylvestres attineret,
quæ iussu eius turmatim confluentes,
pro eius se voluntate, ad obsequium
offerebant. Auferentibus vestem, us-
que adeo nihil succensuit, ut eos ipse se-
quutus, securim quoque quam penes
se reliquam habebat, & ipsi fortè non
viderant, eam quoque si vellent, tolle-
rent, spontè offerret. Sed equis eo-
rum Divina virtute ligatis, cum progredi
non possent, reversi, & viro DEI fa-
cti supplices, quæ abstulerant reddidere.
Equo regio, & regie exulto, ad Dago-
bertum vocatus, uti noluit, sed a fello vi-
li vectus, exceptus pro dignitate est.
Regiæ limen attigerat, cum stupendo
miraculo, filia Regis ab ortu luminibus
orba, & muta, facultate videndi, & lo-
quendi illico donatur, & in ignoti Flo-
rentii nomen, hilaris erumpit. Regem
allocuturus, cum non adesset, cui pal-
lium commendaret, solo solis radio ri-
tè pendulum tamdiu suspendit, quo-
usque colloquio absoluto, illud ipse re-
sumeret. Ei Dagobertus Rex, ma-
gnam Sylvæ Haslensis partem cum vil-
lis adiacentibus donavit, ubi Hasla-
cense condens Cænobium, illic deni-
que sepulchrum meruit. Videndi Lau-
rentius Surius tomo 6. Yepes tom. 2. Ia-
cobus Wimpheling Franciscus Guilli-
mann. Bernardus Herzog. &c.

A. C. 664.

S. P. N. 184.

Vita felicissime defungitur, teste Bu-
cherio, Sancta Aldegundis nostra,
de cuius laudibus nos suo loco superius.
Fuit Regali orta prosapia, VV al-
berto patre, matre Bertilia, opibus, &
potentia longe clarissimis. Verum ex
tantis nequidquam reservans, prædia,
verba Hucbaldi Elmonensis Monachi
sunt, possessionesque infinitas, ad usus, Regi

*Christo famulantium publica donatione con-
cessit, cetera autem universa in sumptus pau-
perum delegavit, nihil sibi (Ecce veram
Monachicam paupertatem) præter vile
reservans indumentum, Sanctæ Religioni
congruum, atque victum, quotidianum, quo
cum reliquis ancillis DEI communiter vive-
bat, &c.* Meruit hac plenissima pau-
pertate Virgo Sanctissima, plenissimam
Dei benignitatem, quam illico ab hac
rerum abdicatione experta, raro prodi-
gio, sibi aquam in vinum conversam mi-
raculo sensit. De mortis suæ hora e-
docta, eandem feliciter obiit XXX. Ia-
nuarij, divina luce ædibus in quibus de-
cumberebat perfusus. Videatur etiam Mi-
ræus, Carolus Stengelius, alii rer. Bene-
dictin. scriptores, maxime Belgica-
rum.

Hoc eodem anno Sanctus Aigul-
phus noster ex Monacho Floriacensi
Abbas Lirinenfis, pro Sanctissimæ Re-
gulæ nostræ observantia multa passus,
cum dignissima perfectorum Mona-
chorum cohorte, post abscissionem lin-
guæ, effossionem oculorum, crudelissi-
me obtruncatus, cælum egregia milit-
tum accessione locupletavit. Relati
omnes in Sanctorum Martyrum album,
anniversaria memoria coluntur tertio
Septemb. Videantur, Chronicon Li-
rinense, breviarium Monasticum Hi-
span. Vita eiusdem Sancti apud Su-
rium, & apud Nic. Camuzat. Biscio-
lam, &c.

A. C. 665.

S. P. N. 185.

Sancti Eligii morte, sive potius ad fe-
licissimam immortalitatem transitu
felix hic annus. Nos, ne quid nostro-
rum amore, in amplificandis meritis
prolixius egisse videamur, Baronii an-
te alios iudicium celebrius, & sensum
proferimus libenter, & lectori ingeri-
mus: Eodem, inquit, CHRISTI anno
(de præsentis agens) Sanctus Eligius,
Admirandus Noviomensis Episcopus, Flan-
drorum Apostolus nuncupatus, sæculi huius
splendor ex hac vita migravit, miraculis
celebris, & egregiis factis insignis, cuius
præclaras res gestas, vir æque sanctitate cla-
rus (& ipse noster) Audoenus eius æ-
qualis, tribus libris digessit, quos consulere
quisque potest. De ipso autem hic elogium
ex iisdem ab erudito viro Molano exce-

ptum intextumque in Natalibus Sanctorum Belgii, reddere sat erit: Hunc, inquit, & Flandri, & Antuerpienses merito ut Apostolum suum venerantur: multum enim in Flandris laboravit, iugi instantia Andoverpis decertavit, pastoris cura sollicitus lustrabat urbes, & municipia circumquaque sibi commissa; sed Flandrenses atque Andoverpienses, Frisones quoque & Sueci, & barbari quique circa maris littora degentes, quos velut in extremis remotos, nullus adhuc predicationis vomer impresserat (viderint illi qui nominis Apostolici tam rigidi censores, de tantis viris, tantum nomen tam facile detrahunt) primo, eum hostili animo, & aversa mente susceperunt: postmodum vero, cum paulatim per gratiam his Verbum DEI insinuare cœpisset pars maxima trucis ac barbari populi, relictis idolis, conversa est ad verum DEVM, Christoque subiecta. Fana nonnulla CHRISTI clypeo protectus cum Apostolica auctoritate destruxit, idola quoque diversigenis, ubicunque invenit, funditus subruit. Inter hac autem frequenter laceratus, ab ingrato, & perfido populo, & penesque ad contumeliam provocatus, nullatenus a cœpta doctrina arcebat: sed magis ipse lenis, patiens, humilis, & mitis, pro eis Dominum deprecabatur. Hac, & alia multa scribit de eo Sanct. Audoenus, qui & Dado Episcopus Rothomagensis, eius aqualis, vitæque scriptor. Aldenburgi, Rodenburgi, Oostburgi, Brugis, & alibi (NB.) sacras ades inchoavit.] Hac summam ipse, ex ampla messe paucas spicas perstringens manipulo uno. Hucusque Baronius. De prodigiis mox ad tumultum gestis fusius ipse, & Audoenus, quæ brevitatis causa negligimus.

Eodem anno, ne vivens solum profuisse Gallix videri posset idem Eligius, etiam à morte profuit, & sæpius per noctem visus cuidam, celeberrimæ illi Galliarum Regina Bathildi, salutis monita transmisit, & ab eadem iam vidua, gemmas, & vestem luxumque regium removit. Renunciavit paulo post Regno ipsi, pompisque universis, relinquens filiis amplissimi administrationem Imperii, felicissima Regina, & stupente universo, ad tantæ insolentiam rei, in Monasterio Calensi, à se condito, Monacham professâ, nostræ Regulæ tam observans fuit, ut ea tanquam lima exposita, ad Angelicam vitæ puritatem, in carne pertingeret; illud egre-

gie factis merita, ut paulo post obitum inter Divos adscripta, toto in hanc usque diem orbe celeberrima habeatur. Baronius, Gall. script. &c. & VVion. Supremum hunc annum habuit Sanctus Wandregisilus noster, Regum Gallie cognatus, & Abbas Fontanelle Calenensium Apostolus, quadraginta post mortem annis repertus integer totus, & incorruptus. Ex vita eiusd. & Baronio.

Obiit eodem anno Sanctus Deus dedit Archiepiscopus, quem verè DEVS dedit singulari Ecclesiæ suæ ornamento, & emolumento. Relatus inter Divos Id. Iulii ex vita, & tomis nostris sæpè Cit.

A.C. 666.

S. P. N. 186.

Sancti Cudberti (qui dein Lindisfar-nensium fuit Pontifex) Monachismo illustris hic annus, cuius rursus suo tempore, ob præclarissima in Episcopatu merita, facienda erit mentio. Is longè ante & circa hæc maximè tempora, predicationis assiduo labore æternum meruit: quippe in Meilrosensi Cænobio Monachum professus, à morte vero Sancti Boisili, eidem præfectus, non Monasterio solum ipsi Beda testante Regularis vitæ monita simul, & exempla præbebat, sed etiam vulgus circumpositum longè lateque à vita stultæ consuetudinis ad cælestium gaudiorum convertere curabat amorem. Nam & multi fidem, quam habebant, iniquis profanabant operibus, & aliqui etiam tempore mortalitatis, neglectis fidei Sacramentis, ad erratica Idololatriæ medicamina concurrebant, quasi missam à DEO conditore plagam per incantationes, vel phylacteria, vel alia qualibet damoniaca artis arcana cohibere valerent. Atque adeo, ad utrorumque corrigendum errorem, crebro ipse de Monasterio egressus circumpositas veniebat ad villas, & viam veritatis prædicabat errantibus, quod ipsum etiam Boisil facere suo tempore consueverat (ut intelligas, antiquum, & perpetuum usum benefaciendi Monachis, sed & docendi fuisse) Caterum Gudberto, tanta erat dicendi peritia, tantus amor persuadendi quæ docuerat, tale vultus Angelici lumen, ut nullus præsentium latebras ei sui conditus celare præsumeret, quin omnes palam quæ gesserant, confitendo proferrent: quia

quia nimirum hac eadem illum latere nullo modo putarent, & confessa dignis, ut imperabat pœnitentia fructibus abstergerent. Solebat autem ea maximè loca peragrarè, & illis prædicare in vinculis, qui in arduis asperisque montibus, procul positi, aliis horrifierant ad visendum, & paupertate pariter (delicati quippe prædicatores forent, qui opulentiam solum magnarum urbium quererent, & Principum largissimas manus, & mentas exambirent, provincias autem pauperiores, & villularum tuguriola declinarent) ac rusticitate Doctorum arcebant accessum. Quos tamen ille libenter, pio mancipatus labori tanta doctrina solertis excolebat industria, ut de Monasterio egressus, sæpè hebdomada integra, aliquando duabus vel tribus nonnunquam etiam mense pleno domum non rediret, sed demoratus in montanis, plebem rusticam verbo predicationis, simul & opere virtutis, ad caelestia vocaret. Hæc fusius: unde nimirum plenus Benedictinus ille zelus, fervor, patientia, humilitas, & constantia seipsa commendarent.

A. C. 667.

S.P.N. 187.

DE Sancto Ildephonso nostro, sic hoc anno Baronius Cardinalis: Hoc anno, mense Ianuario, Magnus ille meritis Sanctus Ildephonsus Toletanus Archiepiscopus ex hac vita migrat, &c. Eius laudes vide apud eundem, ex codice quodam Vaticano depromptas, quas nos tanto libentius, sicut & innumera ab aliis eidem conscripta encomia præterimus, quanto iis omnibus maiorem eum cognoscimus; ne sexcentis quidem voluminibus merita eius dignè adumbrari posse, pro compertissimo habemus. De illustrissimo hoc Ecclesiæ sydere, sic Rodericus Archiepiscopus Toletanus: Quia Divina gratia perfuderat os illius, Ildephonsus os aureum dicebatur: & etiam, quia in diversis libris mellisflue loquebatur, & de Virginitate Beata Virginis nitido politoque eloquio peroravit, Anchora fidei eius tempore in tota Hispania, Gotthica Gallia roboratur, & libri ab eo editi, postquam fuere in Conciliis lectitati, & ab omnibus approbati, tanquam cibi Divina gratia, in fide pusillanimes refecere, &c.

Lucas Tudensis, quasi Luciferum inter Sydera tam morum honestate, quam

signorum claritate in Ecclesia Dei fulsisse deprædicat.

Longè autem illustrius Encomium est, quod solemni omnium Patrum Concilij ad Pennam Fidelem in Hispania celebrati, consensu, eidem decretum Canone undecimo; quo *Gloriosa Virginis Dei Matris Capellanus, & Virginitatis, eiusdem specialis præco, Patriarchalis Toletana Ecclesiæ Praesul &c.* appellatur. De Alphonso laudibus, multa Caietanus libro trium Benedictini Ordinis luminum, &c. & Antonius Yepesius noster tomo 2. cent. 2. Iulianus, & Elladius Toletani Episcopi, Lucas Tudensis, Rodericus Archiepisc. Tol. Luc. Martin. M. Maxim. Cæsaraug. Valæus, Alu. Gom. Vinc. Bell. &c.

Libri præcipui ab Ildephonso nostro summo Ecclesiæ Vniuersæ atque omnis posteritatis bono scripti:

Liber Prosopopœia imbecillitatis propria

Liber de Virginitate Sanctæ Mariæ.

Opusculum de proprietate Personarum,

Patris, & Filii, & Spiritus Sancti.

Liber annotationum actionis diurnæ.

Liber Annotationum in Sacris.

Liber Annotationum in Sacramentis.

Liber de cognitione Baptismi.

Liber de progressu Spiritualis deserti;

Liber Epistolarum diversarum.

Liber Missarum, Hymnorum, atque Sermonum.

Libri variorum; in quibus Epigrammata, Epitaphia, &c.

Liber, alius à superiori citato: de laudibus Virginis Mariæ contra Hebræos.

Liber, de Scriptoribus Ecclesiasticis.

Supplementum ad Chronicon Isidori.

Breviarium deniq. Mozarabum, vigiliis non solum Isidori,

Sed & Ildephonsi tribuendum. Vnde ille Breviarii titulus:

Incipiunt Hora canenda, vel recitanda, secundum regulam Maximi Doctoris Hispaniæ.

Beatissimi Isidori, ac egregii Confessoris Ildefonsi, Toletani Praesulis, Magistri.

De cæteris Ildephonsi ingenij monumentis, & de Ecclesia meritis, confulantur auctores superius citati, & Cæsar Baronius, &c.

Claret hoc eodem tempore, & mortuo in Hispaniis Ildephonso, alia orbis parte, novum Ordinis Benedictini Sy-

us elucescit in Belgio, Sanctus Humbertus noster claris Francorum proceribus genitus, Beato patre, Popita Matre, à prima pueritia egregiæ Sanctitatis signis proditus. Vixit ad Sacerdotium usque in nostro Lugdunensi Cænobio; Sanctum Amanidum dein nostrum secutus, constructo demum Maricoleni Cænobio Abbas præfuit. Præter hunc honorem, etiam Episcopali ad Gentium conversionem insignitus, Brabantinis maxime, & Antuerpianis Evangelium prædicavit, iuxta vetustos versus illos:

Inclyte qui meritis fulges Humberte coruscis.

Cuius ad exemplum vita ac moderamina quondam

Barbara doctrinam nacta est Antuerpia Christi,

Te duce Cænobium felix radiat Maricollis, &c.

Honoratus à DEO Humbertus est, vivens, & mortuus, illustribus miraculis. Eius sanctissimum corpus, centum quinquaginta tribus post mortem annis, repertum illæsum, & incorruptum, sed & linteamina quibus fuit involutum, immo & herbarum sive flores, quibus dum sepeliretur, vestitus atque ornatus est tumulus, tanto tempore, nec quidquam corruptionis admisere. Ut insolens sanè miraculum demirere. *Ex Vita, & Mirao.*

A.C. 668.

S.P.N. 188.

DE Sanctissimo Theodoro nostro Cantuariensi Præsule, hoc anno, ordinato, fufius Baronius, quem ob merita, Magni dignissimo titulo honorat, nec minus opere quam sermone pollentem deprædicat. Quanta autem Theodorum, rebus ex in Pontificatu præclare gestis consequuta est fama, tantam rarissima animi demissione, & eximia meruit modestia, hoc eodem anno, Hadrianus Abbas itidem noster, Græcæ, & Latinæ peritissimus, Monasticis atque Ecclesiasticis disciplinis institutus, qui à Vitaliano Papa Cantuariæ Archiepiscopus renunciatus, dignissima contentione Pontifici obstiterit, atque alium aptiorem se ostendere posse respondit. Mirum prorsus! non repertos in Ecclesia qui dignius atque utilius præesse possent,

quam nostri, ab universis censerentur. Obtulit Vitaliano pro se, alium è nostris Hadrianus, egregia sanctitate Monachum, Andream nomine, vicino tunc Virginum Cænobio præfectum, in quem illico, utpote dignissimum, Papæ atque omnium voces consensere. Verum, & ipso reclamante, quod debilius corporis infirmitatem obtenderet, res ad Hadrianum recidit, & is obtenta venia si alium susteret, Theodorum denique reperit, quem & ipsum, quantumvis invitum ac reluctantem, assumere Pontificatum coegit Vitalianus, addito eidem in Britannias comite Hadriano, cuius ope nimirum atque consilio, in juvandis Britannis, & convertendis uteretur. Quid si hoc solo atque unico, contempti honoris perillustri exemplo, omnibus sequuturorum, sæculorum Episcopis, nostri faciem prætulissent, an non præstanti merito suspiciendi, & commendandi essent? Sed universæ insuper Angliæ laboribus indefessi, plurimum dein profuerunt. Vid. rer. Angl. script. Baron. &c. Hoo eodem anno Magnus ille, & celeberrimus Augustodunensium Episcopus Leodegarius, Regi Chilperico longè acceptissimus, ex aula profugiens, abdicato Pontificatu, nec quidquam deprecante Rege Monachum professus est, & admiranda dein vitæ Sanctitate, universo profuit: qui soli antea Galliarum consuluit. Cæsar. Baron. Bisgiola, &c.

Ebroinus priore anno Luxoviensi Cænobio egressus, cum Theodorico Rege in gratiam rediens, cum obniti impiis suis ausis Sanctissimos viros, Leodegarium, Lambertum, Amatium, & Philibertum nostros adverteret, eos omni modo persequi non desinit, Lambertumque Episcopum sede sua, Philibertum item Abbatem Cænobio pulsos, exulare cogit. Lambertus Stabulense Cænobium ingressus, obedientia exin, & sacro vitæ rigore, omnibus miraculo fuit. Ex vita SS. & tomis nostris, nec non script. Gall. sæpè cit. Prævidit, prædixitque scelera hæc omnia Apostatæ Ebroini, Sanctissimus, & Admirabilis Pater noster Benedictus, & ne quis ambigeret, admirandis prodigiis confirmavit: visus per noctis quietem Monachorum Luxoviensium cuiuspiam desperationi, ex quadam animi anxie-

tate proximo, quem & certum fecit, à primo conditi Cænobii anno, omnes eiusdem inquilinos Monachos, cælo receptos, recipiendosque quotquot tunc in eodem degerent, Ebroino excepto, quem turpi aiebat paulo post Apostasia, deserto Ordine, Maioratum Galliz invasurum, sequuta, quæ promissa confirmarent, stupenda prodigia; de quibus consulendus Antonius Yepesius, Bibl. Floriac. & tomus noster sæpe cit. de vita Sanctissimi P. N. & c. Cum vero certissimum sit, amplissimo numero Monachos Cænobium illud perpetuo incoluisse, & sub hunc ipsum annum, trecentos minimum Sanctos Monachos ibidem convixisse, Lectoris æstimationi relinquimus, quantam judicet, tanto tempore, Perfectorum segetem inde cælo illatam, sed & ex tanta femente, terræ fructum, immo sequuturis etiam sæculis exemplorum immortalium copiam succrevisse, remansisse.

A. C. 669.

S. P. N. 189.

Mortuo Vitaliano Summo Pontifice, successor è nostro rursus Ordine assumptus egregia Sanctitate, & Monachicæ disciplinæ observantia longe illustrissimus, Sanctus Adeodatus, Joviani filius, Romanus, Monachus Sancti Erasmi in monte Cælio, teste Baronio, *Omniis gratissimus, de quo etiam ista Anastasius: In tantamagnitudine fuit mitissimus ac benignissimus, ut omnem hominem à maiore usque ad minimum libenter susceperet: peregrinus (ita Regulæ nostræ institutis profecit) compassionem exhibuit, ut etiam unusquisque quod postulavit, sine dubio impetraret, &c.*

Sub hæc eadem tempora, Sarracenis Siciliam populantibus, Ordo rursus noster, suo illustrem sanguine dignissimam Triumphanti Ecclesiæ cohortem submisit, in Messanensi maxime Sancti Placidi Monasterio, omnibus omnino Martyrio affectis. Videndæ super hoc Monachorum Siculorum ad Casinates litteræ, aliæ item Vitaliani Papæ ad Siculos apud Leonem Ostiensem, & apud Cardinalem Baron.

De nostrorum, Theodori nimirum Archiepiscopi, & Hadriani Abbatis in Anglia meritis, sed & hæc ipsa conse-

quente Anglorum summa felicitate, ita Venerabilis Beda noster: *Theodorus autem, ad Ecclesiam suam, secundo postquam consecratus est anno, pervenit. Moxque peragrata tota insula, quaquaversum Anglorum gentes morabantur (nam & libentissimè ab omnibus suscipiebatur atque audiebatur) rectum vivendi ordinem, ritum celebrandi Pascha canonicum, per omnia comitante, & cooperante Hadriana, disseminabat. Isque primus erat Archiepiscopus, cui omnis Anglorum Ecclesia manus dare consentiret. Et quia litteris sacris simul, & secularibus, abundanter ambo erant instructi: congregata discipulorum caterva scientia salutaris quotidie flumina in rigandis eorum cordibus emanabant; ita ut etiam metrica artis, Astronomia, & Arithmetica Ecclesiastica disciplinam, inter sacrorum apicum volumina suis auditoribus contraderent. Indicio est, quod usque hodie supersunt de eorum discipulis (NB.) qui Latinam Græcamque linguam æque ut propriam (ecce, quam versati in rebus Historicis, qui nostros nec extra Cænobia, nec nisi Theologiam, aut Philosophiam docuisse tradidere, quando certum est, nostrorum Magisterio, tantum in Græcis, immo, ut alibi videbimus Hebraica, Syriaca, Chaldaica, &c. præter Latinam discipulos profecisse, quantum paucissimi hodie in una Latina) in qua nati sunt norunt. Pergit Beda; Neque unquam prorsus, ex quo Britanniam petierunt Angli, feliciora fuisse tempora, dum & fortissimos Christianosque (nostrorum ut supra vidimus opera cōversos) habentes Reges, cunctis barbaris nationibus essent terrori, & omnium vota, ad nuper audita Regni celestis gaudia penderent, &c. Videatur libro 4, cap. 2. & Baronius hoc anno.*

A. C. 670.

S. P. N. 190.

Gallias illustri sanguine, supra purpure pulchritudinem exornant, generosissimi Martyres nostri, Sancti Proiectus sive Præiectus Arvernensis Episcopus, ex Monacho, & Abbate Candidinensi, & Amarinus sive Marinus Abbas Claroangi in villa Arverniz Morago de quibus videndi Trithemius Claudius Robertus, VVion, Author vitæ S. Proiecti apud Surium, Baronius in Annalibus, & Notis Martyrol. Rom. Calend. Thuan. Sigebertus, Contra-ctus, &c.

H 4

Obiisse

Obiisse hoc anno Sanctam V Valde-
trudem nostram, Castrilocensis Mona-
sterii Fundatricem, Bucherius, & Miræ-
us referunt, ætate sane decrepita, quam
insolenti vitæ rigore, tot nimirum, quot
in Cænobio egitannis, fovisse nostro-
rum plures, quam abruptisse, sexcenti
senes nostri exemplo sunt, adeo ad di-
uturnitatem Vitæ, rigor Monachorum,
& studia faciunt. Meruit Sanctissima
Abbatissa, ut in hodiernam usque di-
em Tutelaris Divina à Montensibus
colatur, & celebretur. Quod rarius
omnino, apud nostros tamen frequens
fuit, ut è Sacris Virginum seu viduarum
nostrarum, nedum virorum cœtibus, in-
tegris etiam provinciis, & Regnis Patro-
ni deligerentur.

Claret in Belgio eodem tempore, Il-
lustrissimus Abbas ille noster Bertul-
phus, patria Alemannus, cuius præter
innumera alia, admirando aliquando
prodigio sanctitas effulsit, exorta gra-
vissima tempestate, ipso ab eadem non
solum nihil passo, sed & cum lectioni in-
tenderet, missa è cælo face ipsi lumen
subministrante, sed & aquila caput pro-
regente. De collectis sub eius Magi-
sterio discipulis, & fructu consequuto,
videatur vita eiusdem apud Surium, cõ-
sulendi insuper Molanus, Aub. Miræus,
Ferreolus Locrius, &c. De Angliæ
felicitate, & nostrorum meritis, amplif-
simis, plura rursus Baronius, Beda, &
rerum Anglic. scriptores, &c.

Sub hunc ipsum annum fontes flu-
viorum Europæ Illustrissimo sanguine
suo tingunt, & purpura cælesti miscent
Illustrissimi, & vetustissimi Disertinen-
sis in superiore Rhætia Ascetæ, ab Vn-
garis eas partes invadentibus, crudeli-
ter vexari atque interempti, ulciscente
quamprimum Amicos suos Numine,
omnibusque hostibus eo ipso loco, à
collecto Rhætorum exercitu ad inter-
necionem deleris, ut hæc ipsa Rhæto-
rum victoria, & oppressæ atque inge-
mifcentis sub pondere tanto patriæ li-
beratio, Monachis Disertinensibus jure
merito transcribatur. Augustinus S.
R. I. Princ. Abbas 16. Monim. Desert. &
Fabariens. &c.

A.C. 671.

S. P. N. 191.

CLaruit hoc anno admiranda sancti-
tate, inter Sanctos Cænobii Stabu-

lenfis Monachos, Sanctissimus Lam-
bertus Tungrensis Episcopus, ordine
licet (vi præcepti Regulæ nostræ; quia
fero Cænobium ingressus erat) inter
Monachos postremus, pietatis tamen,
ac devotionis studio, ut vitæ auctor habet
præcipuus. Ei fortè de nocte ad pre-
ces clandestino surgenti, alter è calceis
manu exciderat, quo exaudito strepi-
tu, expergefactus Abbas, ignarus quis-
nam è suis esset, illico ad crucem se con-
ferre, & pœnitere iusserat, stetit proin-
nudus, ut tunc erat, immani in frigore
sub dio, tantus Pontifex, quoad deni-
que fratres, ad Matutinas confurge-
rent. Visus tunc omnibus, vultus ad-
mirando splendore effullescere; &
cunctis cum Abbate ad eius pedes pro-
volutis, dignissimis eisdem ille verbis
avertens: *ne queso, inquiebat, charissimi,*
ne sic loquamini, surgite ocius, & meis potius
erratis vos ignoscite. Videndus Stepha-
nus Leodienfis, in vita, Chapeavill. cum
Bucherio, &c.

De innumero Sanctorum nostri Or-
dinis numero, qui innumeris penè Cœ-
nobijs, hoc ipso tempore, in Gallia,
Anglia, Hispania, Italia, Belgio, &c.
florere, ex diversorum eorumdem vi-
ta, & gestis constat, ut necquidquam
in eo, quod numerare nemo possit,
numerare, nedum describere laboremus.

A.C. 672.

S. P. N. 192.

DE Sancti Audoeni nostri meritis, u-
bi de peregrinatione eiusdem ad li-
mina Apostolorum, sic Vitæ auctor a-
pud Surium, & hoc anno apud Baroni-
um: *Post fundatam in fide Ecclesiam, post*
doctrinam fluentem, post tot adificata Mona-
steria, post tranquillatum totius Franciæ Re-
gnum, urbem Romam, caput orbis, &c. adi-
re constituit. Visitavit autem vir sanctif-
simus limina Apostolorum, multa stipatus
Sanctorum comitum copia (ut videas, quā
multis nostri, ad optima quævis pro ex-
emplo duces fuerint, neque grana agri
Dominici tam selecta, quam cum fructu
centesimo ponderanda) *elemosynarum-*
que benedictionibus onustus, qui cum ad Petri
confessionem hunc versum inciperet: exul-
tabunt Sancti in gloria; divinitus (grandi
prodigio) responsum est: latibuntur in cubi-
libus suis, divinis acceptis responsis, cum
multarum Reliquiarum suffragiis, venera-
bilis

bilis senex in Galliam revertitur, & tanti insuper illatione thesauri, rursus de Regno amplissimo immortaliter meretur.

Theodoti vero Cantuariensium Archiepiscopi beneficiis nemo numerare; nedum condignè laudare queat. Hoc anno non tam de Anglicana, quam Ecclesia universa meritum longè gravissimum fuit, in quo coacto omnium Angliæ Episcoporum Concilio, Ecclesiasticæ disciplinæ decem Canonibus præclarissimè consuluit. Videndi Severinus Binius, Beda, Baronius, &c.

Hoc eodem anno cælum petijt, pestilenti in Anglia lue grassante, Sanctissimus, & nunquam satis ab eximiis meritis commendandus Ceadda Episcopus, de cuius laudibus Beda legendus, ut & de Ouuino, magni item meriti viro, perfectissimo Monacho, deque pluribus insigni sanctitate virginibus, sub beatissima Edilburge Abbatisa, ex hac vita, ad immortalem vocatis, ipsiusque Edilburgis felicissimo transitu, signis cælestibus earundem sanctitate omnibus testata. (Videndus idem. lib. 4. cap. 7. 8. 9. & 10. Baronius, Bisciola, &c.)

Obiit hoc ipso etiam anno Augustus ille Orientalium Saxonum Rex Sebbi, voto, & voluntate jam pridem noster, nisi coniugis Reginæ obstinatio prohibuisset, interim, Beda attestante, Religiosis actibus, crebris precibus, piis elemosynarum fructibus plurimum intentus, vitam privatam & Monasticam cunctis divitijs & honoribus preferens, quam & jam olim, si non obstinatus animus coniugis divortium negaret, relicto Regno subiisset. Impetravit denique quamvis ægrè ab Regina, jam morti propinquus, cum eandem moneret; ut vel tunc Divino servitio se pariter manciparent, cum amplius pariter mundum amplecti, vel potius mundo servire non possent, vocato proin Londinensi Antistite, per eius benedictionem, habitum Religionis, quem diu desiderarat, accipere meruit. Sub mortis extrema anxius, nequid doloris ex vehementia, indignum se, ore seu quovis gestu exprimeret, visione cælesti recreatus est, & divinitus edoctus, absque doloris ullo sensu, tertio post die, cum magno lucis splendore, sese hora diei nona ad supera emigraturum. Ita factum, & grandi insuper à

morte prodigio, cum sarcophagus palmo brevior esse corpore deprehenderetur, adstantibus Episcopo, filioque Regis, ac Monacho Sighardo, subito extensus lapis, ita, ut cervica etiam ad caput admitteret, à parte vero pedum, mensura quatuor digitorum lapis corpus excederet. Relatus, cum ijs, de quibus superius, in Sanctorum Cælitum numerum, Anniversaria in hodiernum usque diem memoria, ab Ecclesia colitur. Videndi Beda, V. Vion. Baron. Yepes, &c.

A. C. 673. S. P. N. 193.

ANdennense Cænobium fundat, & Belgium non solum, sed orbem quoque terrarum universum, sanctitatis & contemptarum opum generosissimo exemplo, excitat Sanctissima Begga nostra, eiusdem dein Cænobii sui Antistita. Fuit hæc Pipini primi Brabantiae Ducis filia, Ansigilo primo in Duci, Sancti Arnulphi filio nupta, ex quo Pipinum avo cognominem suscepit, & propagato genere nepotem Carolum Martellum, pronepotem Pipinum Regem, abnepotem denique Magnum illum Carolum Imperatorem habuit; ut videas, iam olim, potentissimis quibusque Regibus, & Principibus, si ad maiorum exempla recurrendum, suprema virtutis specimina, in Cænobiis fuisse requirenda: quibus sui plus sibi famæ & virtutis congegnerint, quam Regijs opibus atque potestate comparare valuissent. Retulit eadem Becca multas Roma Sanctorum exuvias, quibus patriam longè beatissimam fecit, ut, si nullo alio titulo hoc uno satis superque fuerit meritissima; ut si leamus, quantos suo exemplo, optimo Pastori CHRISTO ovicularum innocentissimarum greges adduxerit, & in hodiernum usque diem quantum Patrocinio, subiectis olim sibi, & nunc devotis provinciis amplissimis profuerit. Videndi Albertus Miræus, Raysius, Bertels, Bucherius, &c.

✠ (o) ✠
✠ (o) ✠
✠

A. C.

A.C. 674.

S.P.N. 194.

A.C. 675.

S.P.N. 195.

Sancti Philiberti Gemmeticensium Abbatis exempla, quo pluribus prodesse, exilium hoc tempore eiusdem iuvit, quo damnatum ab impio Ebroino superius dixeramus. Sed & causa propter quam passus, ad singularem Ordinis nostri facit commendationem, veterem nimirum nostrorum omnium & continuata tot sæculis constanti generositate, Principes adulari nescientium, quod illustri sanè exemplo, Philibertus etiam ostendit, quando reprehendendam Ebroini nequitiam censuit, & ad eum suscepto itinere, Apostatam appellare ausus est, asserens, nullum hominum Christianum eum eo communicare debere. Struxit per longiorem exilii sui moram magnus Abbas, in Herio Insula egregium Cænobium, in quod, è sanctissimo suo Gemmeticensi Asceterio, dignissimam Monachorum coloniam traduxit, eo aliisque exemplis, exin pluribus auctor fuit, plurimas passim, & in Neustriæ præcipue provincia, sacras DEO ædes & Monasteria condendi, ex quibus ingens provinciarum fructus consequutus, & sancti sanctæque grandi numero prodire. Meritus de terris non solum, sed cælo ipso, & tanto quidem merito est, sola unius fundamine Gemmeticensis Cænobii, ut nullius facundia linguæ, sufficiat exprimendo, cum ex solo Gemmetico, plurima Sanctorum Monachorum millia cælo sint destinata, uno eodemque tempore idem Cænobium nongentos vitæ libro, absque sanguine, Christi nimirum confessores, inscriptos (quod rarius omnino, & æternis sæculis mirandum est) alio rursus tempore nongentos item Martyres, triumpho æterno submiserit, alias, bis mille quadringentos, perfectissimæ vitæ Monachos, simul semelque ibidem DEO famulantes aluerit &c. ut reliquum, diversis sæculis, perfectorum Monachorum numerum, ne æstimare quidem satis, nedum computare quisquam possit. De admiranda Sancti Philiberti Vita, rebusque gestis, consulendus vitæ ipsius scriptor ad Coschinum Abbatem M.S. apud Surium, Haræum, Yepes, &c.

Sanctissimi Leodegarii nostri Augustodunensis Episcopi Martyrium, alii decennio post, nonnulli quadriennio prius retulere, nos, rationes aliquot sequuti, isto damus. Is à suo abstractus Episcopatu, diu & crudelissimè ab Ebroino totus, quod scelera eius probare in animum nunquam induceret, post famem & carceris squalorem, post oculorum evulsionem, post plantarum concisionem, post linguæ & labiorum excisionem, tandem abscisso capite de tyranno triumphavit. Extant eius nomine plurimæ per Gallias Basilicæ, ex quibus merita eiusdem æstimes, quibus, tot tantisque ingrata sæpe alioquin posteritas, se plurimum debere, æterno sanè & multiplici monumento declaravit. De rebus eiusdem præclare gestis, fusius vitæ scriptor apud Surium die 2. Octobr. Mortuus est inter verba orationis pro suis hostibus, eiusque exanime corpus capite truncatum, per horæ penè spatium in pedibus constitit, quoad à carnifice, qui illico à dæmone arreptus est, in terram detruderetur. Quo nimirum invictam Benedictini Martyris constantiam, ut & aliis innumeris deinceps prodigiis eiusdem sanctitatem, Deus universo commendavit. Ex vita, &c.

Non superfuit diu Ebroinus Tyrannus, & digna sceleribus morte sublatus, prædictione Leodegarii, & imprimis Maximi Patriarchæ nostri Benedicti etiam nunc, & æternum luit. Reversus eodem anno, incredibili omnium plausu ab exilio, sanctissimus ille Tungrensium Pontifex Lambertus, suis deinceps longè latèque verbo, & exemplo, plurimum profuit. Ex vita, & sæpe cit.

A.C. 676.

S.P.N. 196.

Cælo receptus hoc anno Adeodatus summus Pontifex, vir sanctitate & immortalibus meritis, æternum suscipiendus: cuius res gestas intercidisse plurimum Cæsar Baronius lamentatur, sed & mortem eiusdem elementa lugere visa, exortis, qualia nulla hominum ætas meminisset, tempestatum, inundationum &c. procellis, & terroribus, idem ex Anastasio commemorat.

In

In Anglia Theodori nostri indefessi labores, quique iam non ut Episcopi solum, sed & ut Legati Apostolici, novis eris augebantur. Instituit pro nova auctoritate multa Theodorus, multa item correxit æterno merito, & immutavit. De quibus consulendi Anglico rer. scriptores sæpe citati.

Floruerunt item, in regno eodem, rarissima sublimissimæ perfectionis, & Sanctitatis laude, Sanctissimus Erconvaldus, sub hoc idem tempus, à Theodoro in Londoniensem Cathedrâ subvectus eiusdemque dignissimi Præsulis Beatissima soror Edilburga Abbatisa, cum suis absolutissimæ item Sanctitatis Virginibus, de quibus Beda, Polydorus, aliiquerer. Angl. scriptores. *Florebat siquidem, verba Bedæ sunt, his temporibus Ecclesia Anglicana, velut Paradisus Domini, abundans liliis Sanctarum virginum, atque violis catuum Sanctorum Monachorum humiliori loca latentium, sed & Sanctissimis quoque abundavit Episcopis* (omnibus omnino tunc temporis è nostrorum numero assumptis) inter, quos pariter idem, de quo mentio est, Erconvaldus, egregia claruit sanctitate, &c. Videntur Beda cit. & Cæsar Baronius; alii rer. Angl. script. & de Episcopis Angliæ, ex solo Ord. nostro petitis, Reinerus in Apost. Angl.

Nec minora eodem anno, Sanctissimi Audoeni nostri in Galliis, quam Theodori in Angliâ, merita; præter alia præclarissimè ab eo gesta, pace ab eodem facta grayissimis litib. sopitis, & composita periculossima dissensione, Pipinum inter & Gislemarum Duces exorta. De quo vid. Bucherius, & rer. Gallic. script.

Hoc ipso quoque anno, Sanctus Philibertus Abbas, post Octennii (aliis novennii) exilium, Gemmeticum rediit, & Sanctorum phalanges integras cælo genuit. Ex vita, &c. cit.

A.C. 677.

S.P.N. 197.

DE Sanctissimi Audoeni nostri obitu, sic Baronius: Eodem anno, Audoenus ille admirandus, Rothomagensis Episcopus, ex hac vita migravit. Meruit rursus vir Sanctissimus, & Galliarum Regnis longe utilissimus, paulo ante mortem, grandi omnino merito; componendæ pacis causa Coloniam

profectus, acerbissimis inter se odiis, Austrasius, & Francis dissidentibus ibi obvium forte mutum, crucis signo communiens eloquentem fecit, instauratoque pacis fædere, per Austrasiam Viridunum profectus, illic pari prodigio Dæmonicam occurrentem, eius attractu capitis, pessimo inquilino liberavit. Audoeni res gestas fulius descripsit Friedegofus apud Surium, &c.

In Anglia, bellis exagitata, constantia nostrorum præclare enituit, de qua consulendi Ven. Beda, Baronius, aliique. Substitutus eodem anno Sancto Audoeni, sanctissimus ille Ansbertus noster, de quo sæpius.

A.C. 678.

S.P.N. 198.

Illustrissimus hic annus, assumpto rursus ex Ordine nostro, qui universo præsideret, & ad Petri clavum faderet, Sanctissimo Agathone, Sancti Hermetis Panhormi, Congregationis Siculæ, Monacho, qui primò statim Pontificatus anno, de Ecclesia universa, & Pontificia in primis sede, supra omnia omnium merita, longè meritissimus, datis ad Imperatorem litteris, pessimam illam consuetudinem sustulit, qua pro confirmatione Romani Pontificis, Imperatori Constantinopolitano, summa pecuniaria solvebatur. Tanta ab indignitate vindicati, æternum Agathoni nostro debent Romani Pontifices, longè pluribus nominibus in aliis plurimis eidem obligati. Legendi Sigebertus Gemblac. Onuph. Panvinus, & alii.

Eiusdem præclarissimis gestis, eodem anno adscribendum; Ecclesiam Ravennatensem, sub Mauro, & Reperto Archiepiscopis, à Romanæ Ecclesiæ corpore & obedientia, se subtrahentem, ad obsequium reduxisse. Baronius, Panvinus, &c.

Hoc eodem anno, exorta inter Wilfridum nostrum Eboracensem, Episcopum & Regem Ecgridum dissensione: Episcopus sede deiectus, altero subrogato, appellans Romanum Pontificem, dum Romam iter intendit, tempestate ad Frisios gentiles delatus, *primus ibidem opus Evangelicæpit, honorificè susceptus à barbaris, ac Rege illorum Aldigislo, predicabat eis Christum, & multa eorum millia verbo veritatis instruens, à peccato-*

suorum sordibus, fonte Salvatoris abluit, & ritè expendant. Ex Beda, & script. Angl.
 Ita Beda, & totidem ferè verbis Marcellinus, additque Cæsar Historicus: magna sane enituit DEI providentia, ut sanctissimum Episcopum permiserit, à Christiano Rege, sede turbari, quo ad sitientes Gentes Evangelii fluentia portaret, ut & ipsi, ob Apostolicum munus, aequè propheticum dictum aptari posset: Qui sunt isti, qui volant sicut nubes? &c. utpote qui flante vento, delatus in terram aridam, eandem mox callestibus imbribus irrigavit, &c. Sed de grandi fructu, prædicationem V Vilfridi consequuto, alias pluribus.

A.C. 679.

S.P.N. 196.

Sanctus Agatho noster, rursus univervo, mira sollicitudine benefacit, ejus imperio, toto passim Occidente, diversis in Gallia, Anglia, Italia, &c. Synodis convocatis, quibus nimirum, toto jam orbe irrumpens Monothelitarum Hæresis proscriberetur. Anglicani Concilii illud observandum, contra Græcorum pertinaciam: Sanctum Theodorum nostrum (qui summa ordinis nostri gloria eidem Apostolica auctoritate præfederat,) natione Græcum, meritis insignem, Sanctis quibuslibet veteribus comparandum, atque doctrina clarissimum, aequè cum universa Catholica asserere Spiritum Sanctum à Patre Filioque procedere, sicut non à Latinis tantum, sed & sanctis Orientalibus Doctoribus affirmari certo sciebat. Vnde erubescant magis recentiores Græci, cum à suis ipsis, qui sanctiores, & doctiores fuere, erroris redarguantur. Ex Biscoliola, & Baronio.

Audito Sanctum V Vilfridum in causa sua, superius memorata, Romam venisse, eidem partes suas Theodorus committit, & nomine totius Ecclesiæ Anglicanæ, Synodo Romanæ interesse præcipit. Ut stupeam totus, uti ante ad constantiam V Vilfridi, contra potentiam tanti Regis, sic nunc ad Theodori magnanimitatem, Wilfridum contra Regis voluntatem etiam tuentis & exornantis. Ex script. Anglic. & vita eorundem, tomisque nostris. Servavit eodem anno Angliam, novo rursus merito, sepe nominatus Magnus Theodorus noster, pace inter Ecgrifidum & Edilredum Reges composita, graviam prælio, confligentes. Quæ utinam merita, qui paci aucti sunt, agnoscant,

A.C. 680.

S. P. N. 200.

Celebrata hoc anno, convocante Agathone nostro, Romana Synodus centum, viginquique Episcoporum, in qua Sanctissimus Eboracensis Pontifex V Vilfridus noster pro omni Aquilonari parte Britanniarum, & Hiberniarum, Insulis quæ ab Anglorum & Britonum, nec non Scotorum & Pictorum gentibus, incoluntur, veram & Catholicam fidem confessus est, & conscriptione sua corroboravit. Synodus non aliam ob causam convocata, quam ad fidem Catholicam confirmandam (ecce quanta Pontificum nostrorum vigilantia) & Legationem Constantinopolim ad Synodum Oecumenicam decernendam, quæ ipso hoc anno, mense Novembri cœpta est. De Conciliorum auctoritate & utilitate, nec non convocantium meritis, alibi quæ, tantilla sermonis brevitatis, indigna est, vel obiter quidem tangere, nedum aliquatiter referre. Vid. Sever. Binius, Gabr. Biscoliola, Baron, &c.

Eodem anno S. Hildæ obitum, dignum tantis Annalibus, celebrat Baronius. Videatur, &c.

V Vamba sive Bamba Hispaniarum Rex longe potentissimus & felicissimus, lethifera potione ab Eruigio Comite propinata, à sensibus alienatus, Cænobio includitur. Verum, ope Divina, paulo post sibi redditur, admirando æternitati omni exemplo, iniuriæ omnis Tantus Rex, tantusque hostium Triumphator, prorsus immemor, tantum abest, ut in scelus Eruigii animadvertit, ut ipsum, tanquam optimè de se meritum, etiam Regem inungi ipse præceperit, & Ordinem nostrum in Cænobio de Pampliga, Burgos inter & Vallisolerum sito, professus, Monachatu, quam Regno, & rebus in hoc præclarissime gestis, multo gloriosior, speculum contemptæ fortunæ, & gloriæ sempiternum effulserit; illud à morte eximia vitæ sanctitate meritis, ut inter Divos, & Regni sui Tutelares accenseretur. Ipsi Hispania, imo Ecclesia universa debet frequentiore Concilia celebrandi morem, diutius intermissum, ipsius flagitatione & adnitu, revocatum: adeo;

adeoque, alia inter, VVambæ debetur celeberrimum illud Concilium Tole-
tanum Quartum, in quo ipse Hispaniæ
Episcopatus, æterno merito, certis li-
mitibus, distingui impetravit. Ex to-
mis nostris de vita SS. Ordin. nostri, &
ex Juliano Tolet. Tudenfi in Chron.
Francisco Farapha, Ambros. de Moral.
Didaco Valera, Mariana, Baronio, &c.

Hoc ipso etiam anno obiit, Sanctis-
sima illa Virgo, Pauliacensis Abbatissa
Austreberta, singulare Belgii lumen,
cuius Monasticæ vitæ professionem,
quam expeteret, quantique faceret,
prodigio rarissimo Numen ostendit;
quando, cum ad nuptias expeteretur,
ad Sanctum Audomarum nostrum, pro
sacro velamine contendens, in fuga,
ponte per inundationem submerso, il-
læsa cum comitibus super aquas ambu-
lavit. Consulantur Molanus, Ferreolus
Locrius, vitæ auctor, &c.

A. C. 681.

S. P. N. 201.

Celebrata, & absoluta, opera & méri-
to immortalibus Agathonis nostri
Sexta Generalis Synodus, Constanti-
nopolitana Tertia, contra Monotheli-
tarum gravissimam Heresim; in qua
hæc omnino damnata est, & felicissi-
me profligata; uti judicat etiam inter-
scriptio in quinto inter fenestrio ad dexte-
ram Bibliothecæ Vaticanæ, iussu Sixti
V. depicta, quæ his legitur verbis.

Sancto Agatone Papa, Constantino
Pogonato Imperatore.

Monothelitæ Hæretici, unam tantum
in Christo voluntatem docentes
exploduntur, &c.

Quid vero amplius ad commendationem
Ordinis, & Agathonis, sed &
utilitatē orbis excogitari potest? quam
eius meritis deberi, Concilium Gene-
rale Sextum, ad Nicenum, Ephesinum,
Chalcedonense, & Constantinopolita-
na duo adiectum, quibus Summa Fidei
Christianæ fundata est? Ex tom. Conc.
Platina, Paulo Diacono, VVione, &c.
De Concilio fufius agens consulendus
Baronius, &c.

Eadem Synodo, pro Sanctorum ima-
ginibus definitum; ut imagines sacræ
divorum in templis haberentur, ma-
gnaque veneratione colerentur, utpo-
te, quæ imperitioribus loco litterarum
forent. Ex actis Synodi. Ut manife-

A. B. pars I.

stum fiat, quantum Agathonis nostro,
Cælitates etiam ipsi debeant, quorū ho-
nori, tam præclare consuluit.

A. C. 682.

S. P. N. 202.

Sanctissimus, & de Ecclesia universa
longè meritissimus, Romanæ Urbis
& Orbis Pontifex Agatho, felicissimè
emortuit, inter Sanctos, tota Ecclesia
celebratus. Occumbente tanto sy-
dere, aliud quamprimum in Gallia ex-
splenduit, S. Ansbertus, supra nomi-
natus, Rothomagensis Episcopus, ex
Monacho, & Abbate Fontanellensi,
Sancti Audoeni successor; hoc ipso an-
no, summo cum Ordinis nostri splen-
dore, Ecclesiæ universæ, atque in pri-
mis Gallicæ, utilissimus, celebrato ni-
mirum Rothomagi Concilio, cui sum-
ma auctoritate ipse præfederat, & cum
Sanctissimis Coepiscopis, & Abbatibus,
&c. plurima præclare instituerat. Ex to-
mis sæpè cit. & Gall. rer. script. nec non
Baronio.

Illustri item contempti seculi exem-
plo, facem universo prætulit, & de-
eius Spectatissimo Ordini addiderunt,
Sancta Bertha, vidua, Sigeberti, Illustris-
simi Principis, Comitissæ Pontivenensis, qui
fuit Regis Theodorici consanguineus,
nobilissima coniux, & Gertrudis ac
Deotila filia; quæ loco ab Angelo de-
signato, Blangiacense Cenobium con-
struentes, eidem se, Religionis nostræ
suscepto habitu, addixere. Videndi Mo-
lanus, Locrius, Miræus in Annal. & Ori-
gin. &c.

A. C. 683.

S. P. N. 203.

NE à virorum nostri Ordinis illustri-
um meritis, omnem solum fami-
liæ nostræ splendorem comprobemus,
memoranda hoc anno venit, admiran-
da Sanctitate, & grandi merito præstan-
tissima Princeps Ediltrudis, sive Ethel-
dreda Angliæ Regina, Annæ Orienta-
lijum Anglorum Regis filia, his de-
sponsata, inaudito tamen, & memo-
rando æternis sæculis exemplo intami-
nata perpetuo castitate, marito utri-
que, ad pulcherrimam Virginitatis
lauream Ductrix; posteriore etiam (Eg-
frido nimirum Northumbriæ Rege cui
duodecim annis Virgo convixerat)
annuente, & probante, Ordinem no-
strum

strum in Coldingensi Canobio professa, è manibus Sanctæ Ebbæ, Egfridi mariti sui Amitæ, diu desideratum habitum & velum sumpsit, & stupente super his Anglia, & tunc orbe universo, exemplo, prodigiis cælestibus, & assiduo denique labore, plurimas DEO animas adduxit. Meruit vitæ & à se gestorum, concinnatorem & scriptorem dignissimum, Sanctum Venerabilem Bedam nostrum, qui consulendus, uti & tomi nostri de Viris SS. Ordin. VVallinghamus præterea, VVestmonasteriensis, & Vincentius, &c.

A.C. 684.

S.P.N. 204.

Lexone Papa mortuo, electus rursus Lex Ordine nostro Benedict. II. *Roma ab infantia Monastica vitæ consecratus* (ita Platus) doctrina, & exercitatione rerum Divinarum in tantum excellens, ut ob idem Admirabilis, & singularis ab omnibus haberetur. Requirendi etiam Bugianus, Yepes, VVion, &c. In eius gratiam sanctionem condidisse Constantium Imperatorem (de simili superius dixeramus) ne deinceps in Pontifice creando Imperatoris assensus expectaretur, Platus, Baronius, alique memorant, quod cum iis minime pugnat, quæ Agathonipaulo ante adscripsimus, & confirmata in Benedicti nostri gratiam ab Imperatore ipso videmus; nisi dicere malimus, rei indignitatem, sub Agathone ex parte solum ablatam, quando præter confirmationem quam expectare à Cæsare cogebantur, etiam pecuniarum summam soliti persolvere Romani Pontifices; quod indignum plane erat Pontificia auctoritate. Adeo ut Benedicto equè ac Agathonip plurimum debeant Petri successores, in optatam, & pristinam libertatem, quam, teste Baronio, nullus Sanctissimorum prædecessorum Pontificum consequi poterat restituti. Legendi Sig. Pativ. Platus, Arnoldus, &c.

Meruit, & aliud à Deo singulare, quod nomen tanti Pontificis rara felicitate, æternum posteris commendetur. Vigente nempe, tunc temporis consuetudine, ut per capillorum exhibitionem quis alicui offerretur in filium, & qui eas accepisset, Patris nomen consequeretur. Sic pius Imperator Constantinus capillos Dominorum Iustiniani, &

Heracii filiorum ad Papam direxit, & ipse cum clero, & exercitu, inquit Anastasius, quasi dicat, cum quadam solemnitate suscepit. Itanimirum Concilio illo per Agathonem convocato, sed & amore ac reverentia Benedicti gloriosus hic Imperator accendebatur, ut filios, non tam sua, quam Religiosi Patris Pontificis relatione æstimaret. Ex Annal. Eccl.

A.C. 685.

S.P.N. 205.

Ejusdem Benedicti Romani Pontificis egregia rursus merita: Fidem nimirum, ut ab omni novitate conservaret, datis ad Episcopos litteris, quod in sexta Synodo, verbis ambigua nonnulla definita essent, serio, & sollicitè cavuit; voluitque ut eadem declararent; quæ Hispani dein Patres in Concilio XV. Toletano post biennium celebrato excusaverunt. Operam dein accuram ad restituendas Ecclesias convertit; unde Roma ipsa advertat, quantum nostro huic Pontifici debeat, plurimis per Urbem Ecclesias restauratis atque exornatis; principe in primis Divi Petri Ecclesia, sed & Sancti Laurentii, quæ appellatur Lucinæ; Beati Valentini via Flaminia, Beatæ Mariæ ad Martyres, aliisque. De quibus legendi Anastasius, Biblioth. Baronius, Panvin. Ciacon. &c.

Verum toto animi nisu, his maximisque rebus Christianæ Reipub. intentum, Cælices collegam voluerat; ad quos post ingentia, brevi Pontificatu, merita, feliciter transiit, septimo Maij, in Sanctorum Pontificum numerum, ut è nostris ferè omnes ad eam dignitatem vocati, relatus cuius eminens virtus, verbis Plati utor, ostensa est potius Ecclesiæ, quam data. Sublatus cum omnium dolore ac lachrymis, hoc anno. Ita præter Platum paulo ante citat.

A.C. 686.

S.P.N. 206.

Sanctissimi Kiliani nostri, immortalis ab hoc anno fama, & tanta, ut ab eadem Pontificiæ dignitati Sanctissimi Canonis Papæ, splendorem, & gloriam mutuare, Baronius minime addubitet. Ubi enim notatum ab Anastasio Canonem retulit, mox subiungit. *Illustrat vero è contra Canonis nomen,*

Apo.

Apostolatus Sancti Kiliani Martyris, qui ab ipso Episcopus est ordinatus. Audiamus effusorem rursus in Monachorum laudem. Accidit enim temporibus istis, ut in Hibernia, ubi vigeat Monastica disciplina, cum nonnulli ex Monachis exsolvisent numeros omnes Ecclesiastica Institutionis, ad maiora anhelarent, secundum illud Apostoli; emulamini charismata meliora, magis autem ut prophetetis, &c. cuperentque Evangelium annunciare gentibus, qua illius reperirentur expertes, sed ita, ut consulto precibus Numine, ad opus assurgerent, Divini Spiritus instinctu. Eminebat inter eos Kilianus, &c. Successit prospere Kiliano legatio, ita ut in Franconiam delatus paulo post prædicatione, & exemplo Gosbertum Ducem ipsum cum gente sua ad Christi fidem adduceret. De Chiliano, sic antiquissimus vitæ scriptor: Tantam gratiam ei Dominus contulerat, ut brevi tempore, & gentis idioma perdisceret, & ipsis eorum lingua veritatis semina jactaret. Mirabantur autem omnes non solum doctrina novitatem, sed magnam quoque eloquentiam, vim, & copiam. Porro sermonis facundiam, virtutis efficacia comitabatur. Impletumque est in illo, quod veritas Apostolis promisit: Ego, inquit, dabo vobis os, & sapientiam, & iterum; opera, quæ ego facio, & vos facietis. Sed cum iam Divini Eloquii semina succrescerent, & in plebe sensim minuerentur errores Gentilitatis, usque ad Principes populi, Sancti viri fama perlata est &c. Inde cum latius conversionem Ducis Gosberti narrasset: Atque ita factum est, inquit, ut tota penè Orientalis Fræcie provincia, relicto demonum cultu Divina Religioni operam daret, &c. Ut videas, quam æmulo primorum successu Apostolorum, nostri deinceps Apostoli feliciter in agro excolendo Dominico laborarint. Ex vita, Chron. Herbipol. Yepes, Caiet. &c. Ex vita, tomis Cit. Baronio, Yepes, &c. Convicit egregiè hoc eodem anno, tribus libris, Judæorum insolentiam, & oppressit, Sanctus Julianus noster Toletanus ex Monacho Ageliensi Archiepiscopus; qui Christianis falsam annorum supputationem ab origine Mundi, exprobrabant. Ex scriptoribus Hispan. diversis, & Baronio, &c.

A.C. 687.

S.P.N. 207.

AD superos reiecta corporis sarcina exolavit, illustrissima Duacensium Princeps, Sanctissima Rictrudis, Marcianensis Abbatisa, cui ante Ordinis Monastici professionem, quatuor dignissimi tanta matre liberi, Maurontus (dein Abbas) tres filia Clotsendis, Eusebia, & Adallendis, omnes omnino Sanctitate præcipua conspici, & Monachico instituto institutissimi obtingere. Ipsa, Cunctis bonorum operum, verba Hugbaldi sunt, se exemplū præbens, in humilitate, in patientia, in obedientia, in jejuniis, in vigiliis, in orationibus perpetuis, famularū famulam se exhibens, nec unquam extra monasterii septa, (vixit autem in Cænobio annis quamplurimis) progressa est. Obijt ætatis anno septuagesimo quarto, plurimis à morte miraculis celebrata. Vid. Locrius. Implet Galliam fragrantia odoris suavissimi. Sanctissimus Amatus Senonensis Episcopus, ex Broilensis Cænobij Abbate, plurima pro iustitia constanter perpeffus, demum in Broilensi Monasterio, tanquā in quadam æternæ quietis specula, (unde olores Monachismi intelligant, ad quid Monachorum quies conducatur) Celestibus inhians, Divinorū contemplationi vacabat, &c. Ex vita, & tomis nostris, &c.

A.C. 688.

S.P.N. 208.

Magnæ Ordinis nostri gloria, celebrato rursus Toleti Concilio, LXI. Episcoporum, Sanctissimus Iulianus noster Archiepiscopus præsidet, plurimorum, quæ ad commodum Ecclesiæ attinebant universæ, felicissimus Auctor, & Institutor. Quantum detulerit Concilii Patribus quantave auctoritate eadem Synodus celebrata, ad pedes Patrum prostratus piissimus Rex Egica plane demonstravit, de quo consulendus in Annal. Ord. Yepesius, & Cæsar Baronius, nec non Gaspar Scioppius in Consult. de componendo Religionis dissidio.

Electus hoc ipso anno, è Monacho Ordinis nostri, Sanctus Sergius Primus, Pontifex Maximus, Divino Spiritu Clerum populumque ad electionem ejus permovente qui plebis auxilio, immo eiusdem potius, qui electioni aderat

I 2 Spiriti-

Spiritus Virtute, primo statim incurfu de Schismaticis triumphavit. Ex monumentis Cznobii Mantuani Sanct. Benedicti apud Arnoldum, & Bugiano, &c.

Celebrat sub hunc annum, plures nostri Ordinis, Sanctitate eximia, ut & contemptu Regiarum opum ac potentiz illustrissimos, Yepes noster: Sanctum Eadbertum Lindisfarnensem, Sanctum Eattram ibidem, Sanctum Bossonem Eboracensem, Archiepiscopos; Sanctum Eleutherium, Sanctum Winfridum, Sanctum Eddonem, Sanctum Erchenbaldum &c. Episcopos; Sanctam Sexburgam, S. Ermenildam, S. Wereburgam, & S. Etledam, S. Ethelfridam, S. Chineburgam, S. Eadburgam S. Vvedam, S. Quinesdridam, S. Milburgam, S. Miltridam, Sanctam Edilburgam, &c. Omnes Reginas, & Regum potentissimorum filias, quæ spectaculum Vniverso sacra, cucullum præseptris, & Regnis omnibus amplexæ, utilissimam Cznobiorum foundatione, & quietem suo exemplo, clarè testatae sunt; Decus æternum Ecclesiae Christi, Regni, generisque sui egregia vitæ sanctitate effectæ. De aliis aliisque subinde mentio facienda singillatim; omnium solo nomine memoriæ consulendum. Ex Ven. Beda Yepes, VVion, &c.

A.C. 689.

S.P.N. 209.

Illustrissimo Martyrio, gloriosissimus Franconia Apostolus Chilianus, cum sociis Columanno, & Totnano occumbit, institutis prius in fide Christiana Franconibus, & celeberrimo Herbipolenſi Præſulatu facti initio; quem continuata deinceps serie in Sancto Burcardo nostro institutum suo tempore dicemus. Certè in Apostoli sui Chilianus sanguine fundatus primum Episcopatus, & ager Franconiae universæ factus irriguus, ut rursus debeat pulcherrima provincia, Fidem ipsam, salutis unicam portam, Monacho nostro Episcopo suo; & ab hoc æternum ad posterum derivatum Patrocini tanti Patroni sui emolumentum. In interemptores Divinitus rigidissime animadversum, omnibus ferè per impietatem, & blasphemias, morte horrenda, ad æternam præcipitantibus. Ex vitæ ejusd. auctore, & Baronio &c.

Moritur eodem anno felicissime, & ad decretos sibi pro meritis gravissimis triumphos pergit, Magnus ille Heros, & invictissimus Visigothorū Rex Bamba seu VVamba, Regii sanguinis dignitatem, animi summa demissione eminentissime superans, fastidio Regni ante Regnum, atque ex in gloriosissimo contemptu eiusdem longè illustrissimo contemptu eiusdem longè illustrissimus. Debent Bambæ, præter superius memorata, Tyrannos plures gloriosissime superatos, subditi Hispani, & pacem Regnis redditam; debent etiam plurimum iidem; debellatis Asturibus, & Valconibus domitis, æternum nomē Bambæ suo, & longam felicitatem. Sed in primis Saracenis superatis, merſa, & triumphata ducentarum septuaginta navium classe, quibus Hispanias invaserant, Hispanis suspiciendum Bambæ nomen & virtus, ut taceam, quæ se Imperatori muneris functione æternum æternis sæculis exemplar Regibus atq; Imperatoribus universis exhibuit; dum expiandi ante prælium exercitus benè memor, horrenda quidem, at dignissima severitate, in libidinosum militem genus animadvertit, & illis omnibus, quos adulterio contaminatos compererat, virilia amputari præcepit, in illud, Imperatore dignissimum, erumpens: *Ecce iam iudicium imminet belli. & licet fornicari, ut Deus ad iracundiam provocetur? Frustra* (hoc illi frequens in ore) *Frustra, ait, pergit ad bellum, quem iniquitatis comitatur exemplum.* Qua nimirum æquitate, & puritate Sanctus Rex meruit, ut Divino munitus auxilio, Angelis conspicua etiam forma exercitum ambientibus, & protegentibus, de tantis hostibus triumpharet. Obiit, perfectissimi Regis, & absolutissimi Monachi speculum XVII. Cal. Febr. Didacus Valera, Ambr. de Mor. Francisc. Taraphas Iulianus, Tolet. Tudenſis, Mariana, & nos tomo 1. Sanctorum Ord. &c.

Memorabili contempti Regni & deliciarum exemplo, mundo valefaciens Rex Angliæ Cedualla, servitutem Christi in cucullo amplectitur; de quo ita Baronius; *Magnum plane tunc datum est, universi generi humano, de contemptu mundi huius exemplum, dum Rex armiger, natura servus, hostium victor existens, quem, si non aliud, æmulatio saltem ipsa externorum, sibi Britanniam vendicantium retinere de-*

re debuisset in armis, ut eos patrio solo pelleret: Horum nullam rationem ducens, lucrum maximum existimavit, facere de iis omnibus, pro caelesti regno, iacturam, &c. Ita Baronius, hoc anno tomo 8. cuius tantæ rei auctorem, ipsi fuisse Sanct. Wilfridum existimat, cum magnam eos inter constet necessitudinem intercessisse.

A.C. 690.

S.P.N. 210.

Sanctus Egbertus noster, studio incensus, invehendi in Germaniam Evangelium, Divina edoctus revelatione, ad aliud convertitur, & ad instituenda Columbæ Cænobia pergit. Excepit voluntatem Egberti Sanctus Wiltbertus, & in Frisiam navigans, biennium ibidem, grandi merito licet, fructu tamen nullo posuit. Id vero advertens Egbertus, dimisso Romam Villibrordo, benedictioneque ac facultate Evangelizandi gentibus à Sancto Sergio Papa acceptis, eundem cum Sanctissimis comitibus, Suiberto, Acca, VVigberto, VVilibaldo, VVinibaldo, Lebuino, Euualdis fratribus duobus, VVerenfrido, Marcellino, Adalberto in Frisiam destinavit, quos Apostolico numero, munere, & merito egregios operarios ingens paulo post fructus, solatus est; de quo uberius alibi. Belgii script. Baron. *Hoc quoque anno, teste in Annalibus suis, Baronio, Magnus ille Theodorus (de quo iam ob frequentiam & magnitudinem meritorum sæpius) Roma missus in Angliam, Dorovernenſis Archiepiscopus Legatusque Apostolica Sedis Sanctitate clarus, doctrina eximius moritur, de quo inter alia, Venerabilis Beda: ut enim breviter dicam, tantum profectus spiritualis tēpore præsulatus illius Anglorum Ecclesia, quantum nunquam antea potuerunt, capere, &c.* Epitaphium dignissimum eius tumulo inscriptū, sic habet.

Princeps Pontificum, felix summusq;
sacerdos, &c.

Sustulit hic idem annus, plura alia Ordinis nostri, immo Orbis universi decora, & in cælo collocavit: Sanctum Amatam Senonensem Episcopum, cui solipse raro, & in solenti ministerio an mysterio famulus, cucullum nescienti excepit, & radio sustinuit pendens; Sanctum Aubertum Atrebatensium Ponti-

ficem, cuius vitam Fulbertus conscripsit; Surius mutilam protulit; Sanctum Adrianum Abbatem, strenuum Theodori cooperatorem, & de Regnis Angliæ meritissimum; Sanctum Iulianum denique Toletanum Archiepiscopum, supra laudatum; omnes in Sanctorum numerum relatos, quos pro meritis, annua memoria, per Ecclesiam universam celebrari Pontifices Maximi instituere. Et quanto volumine opus, si laudes horum vel leviter aggredi conaremur? Vid. Yepes & supra citati diversorum Angl. Hispan. Belgicarum scriptores.

A.C. 691.

S.P.N. 211.

Sanctissimus, & ob rarissimam vitæ integritatem ac præclarissimè gesta decantatissimus Mommolenus, vitam Monasticam in Divi Bertini professus, eiusdem Cænobii Abbas, & Noviomensis demum Episcopus, mortalibus valedicit, gravissimis de Episcopatu suo meritis, nunc vero Patrocinio Noviomensium tam diuturno, immortalis. Videndi, Molanus, Henricus Costerus in arbore Bertiniaca, Surius in vita Sancti Audomari, VVion, Joannes Buzelinus libr. 2. Annal. Galloſand. qui tamen obiisse ait anno 686. Sed isto anno alii, cum Ferreolo Locrio.

Celebratus hoc eodem anno, miranda sanctitate, & ingentibus meritis Sanctus Vulmarus noster, Altimontensis primum Cænobii Monachus, dein Abbas in nemore apud Boloniam Franciæ. Is illustri quantumvis genere natus, vilissima tamen à fratribus, & Abbate demandata servitia minimè detrectans, circa pascendos boves, & ligna ad Fratrum officinas portanda versabatur. Honoris si quis ullus, grandi fastidio, diversa in loca, famam fugiens agebatur. Eum tanti fecit Cedula Occidentalium Saxonum Rex, ut iam opera nostrorum in Britannia factus Catechumenus, ad Vulmarum se conferret, quò magistro, in fide Christi magis instrueretur, & confirmaretur. Tribus excitatis Cænobiis, plurimos Mundi cœno merſos extraxit, & cælo genuit. Sanctimoniales ipsius fidei commissæ, miraculose sæpius ministratis alimentis refectæ, ut nemini dubiū esse

13 possit

possit, cibos eiusmodi, plurimum etiam animos confortasse, immo tanti Magistri opera, si non omnes, pleraque celo assertas, Divorum numerum, & Ecclesie thesaurum insigniter auxisse. Vt vero vivus Vulmarus, sic mortuus, innumeris prodigiis de terra mereri nec destitit, neque desinit. Ex vita apud Surium, Yepes, Trithem.

A. C. 692. S. P. N. 211.

Meritus præclarissime hoc anno de Ecclesia universa, Sanctissimus Sergius noster Summus Pontifex, constantissime se opponens sancitis Pseudo, Concilij Constantinopolitani, hoc anno celebrati, sed & ipsi Imperatori, id primum enixe petenti, dein extorquere paranti, cuius protospatharium ad se capiendum missum, dignissima sanè tanto Pontifice pietate, a furore militum populique lectulo suo absconsum liberavit ac fovit. Vt præter Pontificiam dignitatem, summam iuxta mansuetudinem, rumpantur licet Apostatæ Hæretici, etiam nolentes debeant admirari. Videndus Th. Bozcius, Paulus Diac. Beda Baron. &c. Claret hoc eodè anno illustrissima Ordinis nostri gemmula, Sanctissima Othilia, Adelrici sive Attici Ducis, Francorum Regum consanguinei, filia, Altitonensis Cænobij Abbatissa, quod pater eius ut & alia multa, pro nostri Ordinis Religiosis exeruxerat. Quæ, quantos cælomanipulos intulerit, quis satis explicet, cum in solo Altitonensi Cænobio exempli sui diligentissimas æmulas, & discipulas, trecentas triginta numeraret. Præter innumera, quibus à morte illustrata est, miracula, patrem suum assiduis precibus, & lachrymis, è Purgatorii ultricibus flammis liberavit; vel eo solo nomine de tanto Duce, & patre suo longè meritissima. Videnda eius singulari libro excusa, & apud nos etiam MS. &c.

A. C. 693.

S. P. N. 213.

Rursum nostri, ne nulli non provincie, de amore suo, sed & sanguine impertirentur, nobili pro fide Christi Martyrio Saxoniam fertiliorē reddiderunt. Evvaldi duo cognomines, è duodenario illo Apostolico, studio

convertendi Antiquos Saxones, ad eos profecti, à barbaris interfecti sunt: quod hi vererentur, ne, si ad Principem gentis penetrarent, eum à prisco suo cultu averterent. Cælestia mox affuere miracula, cum proiecta in flumen corpora, adverso cursu per quadraginta milliaria recurrerunt ad locum ubi socij Apostoli erant, cælesti de super lumine, iis etiam qui occiderant spectantibus, ea indicante. Illa Colonia Pipinus Francorum Dux multa gloria condidit, anniversariaque Sancti per Ecclesiam memoria, tertio Octobr. coluntur. Ex vita, Baronio, &c.

Eodem anno, Drantio, sive Dianto, Morinensium Episcopo mortuo, eidem succedere iussus Sanctus Bainus noster, Monachus Fontanellensis, raræ sanctitatis radiis Galliam longè lateque illustravit, æternum Morinensium Syndus, & ornamentum. Vid. Ferrar. Claud. Rob. Molanus, Miræus, &c.

A. C. 694.

S. P. N. 214.

Sanctissimi Lamberti nostri Traiectensium Episcopi fervor ingens, & ab hoc longè uberior fructus; quippe minimè contentus, suis præfuisse, ad exteros etiam excurrit, & in Campaniam Brabantinam profectus, barbaros etiamnum, & gentiles ad Christi aulas aggregando, post plurimas perpeffas injurias, & convicia, victa tandem, & triumphata per mansuetudinem barbarie, everfis Idolis, & tota illa Regione Christo consecrata, Apostoli Talexandrorum, sive Campaniæ Brabantinæ immortale nomen promeruit. Ex vita, & Arnolde nostro. Videndus etiam Miræus anno 692. in Annal. Belg.

Conditum sub hæc tempora, celeberrimum in hodiernum usque diem Vedastinum Atrebatii Cænobium Yepes refert, ex quo totæ etiam cohortes cælo conscriptæ, una hic memoria celebrantur. De Orig. eiusdem requirendus Miræus in origin. Bened. Claudius Robertus, Ferr. Locrius, &c.

A. C. 695.

S. P. N. 215.

Ecclēsia rursum Frisiorum, feliciter Martyrum nostrorum sanguine propagatur: nam præter duorum fratrum Martyrium superius enarratum, conti-

git

git & Sanctum VVigbertum, unum item ex duodécim illuc missis, Martyrio coronari. Is aliquando captus à barbaris, & in carcerem occultè necandus coniectus, visibili accessu Angeli liberatur, stupentibus qui aderant barbaris, & Christo nomen dantibus; inde progressus in villas & pagos, per Frisiam, Hollandiam, & Teisterlandiam multa passus, Evangel. disseminavit, bono provectu, accedentibus miraculis. *Specialiter hic nominatus, verba Baronii sūt, Apostolus Teisterbandia VVestphalia, & Boruētuario- rum.* Sed & apud Frisones universim, Batuos Bomelenses, Tienses, Belgii populos, sacrosanctæ fidei lumine illato, eos æternum sibi devinciens, *Hollandia insuper & Saxonia Apostolus dici & esse meruit.* Videantur, Marcellinus in vita, Crantzius Metrop. l. i. c. 6, Yepes, Wilson, &c.

Eodem anno, die nona Februarii, Sanctus Ansbertus Episcopus Rotomagensis, vir sanctitate clarissimus ex hac vita ad immortalē felicitatē migrat, cum ante calumniam passus, missus fuisset in exilium, cuius illæ ærumnas, nullo extante crimine, humiliter subiit. De eius Monachatu, vita, & prodigiis, consul. Vita apud Surium, Yepes, &c.

Cælum eodem anno applausu implevit, Sanctissimus Audomarus noster, Morinensium Pontifex, de quo ista Baronius: ne tam gloriosos titulos, nostra præsumptione nostris affingere, cuiquam videamur: *prædicatur iste Apostolus Farvanensium, & iure quidem: nam licet diu ante, populus ille Evangelii prædicatione imbutus esset, tamen negligentia Præsulum, in deterius lapsus, iterum idolorum cultum, quem reliquerat, est sectatus, sed tanti viri prædicatione, excultus est, atque perfecte redditus Christianus, operante Divinitus, una cum prædicatione, miraculorum quoque virtute.* Consulendus etiam eius vitæ Scriptor, & tomi nostri, &c.

A. C. 696.

S. P. N. 216.

HOC anno summo Ecclesiæ bono, nostriq; Ordinis ornamento, Sanctus VVillibrordus, ante sexennium ad conversionem infidelium à Sancto Sergio nostro summo Pontifice missus, Romam proficiscitur, & ab eodem Sergio, non sine Divina revelatione, ho-

norificè exceptus, Traiectensis Episcopus est ordinatus. Mox longe lateque prædicans, plurimas Ecclesias, Monasteriaque exstruens, Antistites & laboratores instituit; excitatis mortuis, aliisque miraculose gestis, plurimos ad fidem convertit. Vivens interim summo in honore, & Apostolica sane functione in maiori humilitatis, verba Marcellini recitamus, *mansuetudinis, simplicitatis, & iustitiæ perfectione; capturnque Evangelium opus constanter explens, oppida, rura, casas, vicos, castella, propter evangelizandum, non equitando sed Apostolorum more, pedibus incedendo peragrans, etiam longe lateque Frisiam, Hollandiam, & præcipue Comitatum Teisterbandia (in quibus VVigbertus præcesserat,) pervagatus, multum populum ad Christum doctrinis ac prædicationibus reduxit, ubique solerter, idololatricam extirpavit, &c.* Legendus præter Marcellinum, Baronius, & Belgæ Scriptores, &c.

A. C. 697.

S. P. N. 217.

FELICISSIMA hoc anno nostrorum adventu Germania; quæ qualis antea fuerit, quidve Suiberto, VVillibrordo ac sociis debeat, nequis putet, quidquam de primis CHRISTI Apostolis eorumque discipulis detrahi, & nostris à nobis omnia affingi, Cæsa-rem Historicum audiamus: *Germania à novo Apostolo (VVillibrordum intellige) summa industria excolitur, atque ad fructum uberrimum restituitur, quod diu ante, ab ipso ferme nascentis Ecclesiæ exordio, Germania cœpit suscipere Evangelium, illudque diutius summa Religione possedit: (quod tamen universaliter minimè intelligendum) verum exundantibus præliis, iam spiritualibus destituta cultoribus conversa erat (ut dicam cum propheta) terra fructifera in saluginem. Sed eius tandem misertus DEVS, à longe cultores misit qui novale novarent, &c.* Plura dein Baronius, applicans, illud Isaia, Germaniæ opera nostrorum DEO adductæ, & vere purgatæ; gloria Libani data est ei, decor Carmeli & Saron, &c. & de Suiberto, Comitatuque Teisterbandia, cum tota fere Batua, & magna parte inferioris Frisie, per eum conversa agens, pergit porro; non solum Frisiam dein, & Thuringiam sive Hervingiam eosdē convertisse, sed, & in Daciam usque sive

Daniam penetrasse, populumque prædicatione assidua ab Idololatria retractum Orthodoxæ fidei junxisse. Videndus latè Baronius, Marcellinus, Albinus Flaccus, Annales Germaniæ nostræ, &c.

Eodem anno Sanctus Hubertus, Sancti Lamberti nostri discipulus ab præclarissimè gestis celebratur, quem Sancto eidem ab impiis crudelissime occiso in Episcopatu susceptum Miræus, alique tradunt, nos, quia disputare præsentem opere negligimus, maiorem, & Baronii, sequimur,

A. C. 698.

S. P. N. 218.

Illustratus hic annus teste Cæsare Baronio, & Martyrio viri sanctissimi, Lamberti Tungrensis Episcopi, Taxandria Apostoli nuncupati, cum in Episcopatu ageret annum quadragesimum: cum enim Beati Ioannis Baptiste exemplo, Pipinum Brabantix Ducem, nihil potentiam Principis, neque impotentiam libidinosis pellicis, veritus, quod Alpaidi superducta, Plestrudem uxorem dimisisset graviter increparet, & ut illam reijceret, continuo hortaretur, ab impio Dodone, Alpaidis fratre, in villa Legia, ante altare Sanctorum Cosmæ & Damiani orans, & in modum crucis expansus, lancea transfoditur. Videantur Olanus, Platus, Chapeavillus, Bucherius, Surius, Stengelius, tomus secundus noster Sanctorum Ordinis nostri, Misæus, qui tamen cum Chapeavillo, & Bucherio ad annum Christi 696. mortem Lamberti retulerunt.

Sanctos Bertinum, & Begham, singularia Ordinis nostri lumina, hoc etiam anno ad supera concessisse, Baronius auctor est, de quorum grandibus meritis, & sanctitatis viræ exemplis consulendi viræ illorum Scriptores, &c.

A. C. 699.

S. P. N. 219.

Prægnantissimus nostrorum meritis annus iste est. Quantum deberent Sanctissimo Pontifici suo Lamberto Leodicenses, rarissimo, & ad eam diem exemplo planè inaudito, ostendit, S. Hubertus (olim cum gentilis esset à Christo ipso ei inter cervi cornua apparente, & ad eundem Episcopum missus, ab eodem in fide instructus, post

Martyrium autem divinitus Leodien- si in Cathedra successor deputatus) quando primo statim à morte Lamberti anno Ecclesiæ suæ, ad fidem catholicam retinendam, & merita Lamberti æternitati commendanda publicum tradidit sigillum S. Lamberti imagine insignitum, cum hac inscriptione. S. Legia. Rom. Eccl. Molanus ex Plac. Bar. Bisc.

S. Sergius noster de amiranda sanctitate & doctrina S. Anthelmi à Monacho Meldunensi Schireburnensis Episcopi à peregrinis edoctus, eum hoc anno Romam evocat. Liberavit vir Deo acceptissimus Sanctissimum Pontificem (Sergium) à turpi calumnia, grandi prodigio, per os infantuli, eum innocentem pronunciantis. Debet Ecclesia Anthelmo præter alia plurima, fructum in gentem ex eo libro consequutum, quem sanè egregium adversus errores Britonum scripsit de celebratione Paschatis, ut & adversus alia Ecclesiasticæ charitati & paci contraria multis ex in ad Catholicam Paschæ celebrationem perductis, ita Baron, &c. Eius alia præclarissima inter, opera numerantur: De Laudibus Virginitatis lib. 2. Bibliothecæ SS. Patrum, Aenigmata carmine excusa Basileæ anno 1557. Epistolarum ad diversos lib. 7.

Eodem anno Scotorum pars plurima in Hibernia, & nonnulli etiam de Britonibus in Britannia legitimum Pascha suscepit, opera & prædicatione S. Adamanni nostri Huenfis Archimandritæ. Quæ Ordinis nostri rursus gloria immortalis est.

Sed & hoc ipso atque sequenti anno, perscribente, rogatu Naitani Regis, ritus Catholici rationes, S. Geolfredo Abbate nostro, Pictorum gens Romanæ Ecclesiæ se conformavit.

A. C. 700.

S. P. N. 220.

Sanctus V Vilfrannus ex comite Monachus, dein Abbas Fontanelle, Archiepiscopus denique Senonensis de Ecclesia univèrsa hoc anno meritis- simus, cuius caulis ovium multa millia adduxit, ex Frisonibus præcipuè, quorum Apostolus iure merito centendus. Inter alios Radbodi quoque Regis filium cælo regeneravit, Sed & Radbodem

bodum quoque ipsum eo perduxit ut baptizari expeteret. Sed positum ille pedem ad lavacrum, cum audisset plures, suorum progenitorum scelera apud inferos luere, quam celo frui, retraxit, dicens: Se plures malle sequi, quā pauciores. Quos utique paulo post sequutus est, misera morte ad æternam abreptus. Vid. Baron. Vudon. Yepes, rer. Gall. Script. Vita S. Wulfranchi, &c.

A. C. 701.

S. P. N. 221.

EXsplendescit admirandę sanctitatis, & doctrinę radijs, alter Occidentis Sol, (ita eum Bellarminus honorat) Venerabilis Beda, noster, quem quanti faceret, quidque de eodem Ecclesia speraret, datis hoc anno ad Ceolfridum, ejus Abbatem, litteris, manifeste Sanctissimus Sergius noster, Orbis Pontifex prodit; quibus Bedam ad se mitti rogat, ob quasdam Ecclesiasticas causas (ita Bisciola) Romę consulendas. *Erit (ait in Epistola Sergius) ut confidimus, etiam cunctis tibi creditis profuturum quidquid Ecclesia Generali claruerit per eius præstantiam impertitum, &c.* Vnde videas, quantā iam tunc, unius è nostris, simplicis auctoritas Monachi, & fama esset. Vid. Baron.

Rapuit hoc eodem anno terris cælum, meritis immortalibus immortalē, eundem Sanctissimum Sergium, Romanę Urbis Pontificem, inter cuius præclarę gesta, memorandę Litanie quas instituit, in Festo Pręsentationis Domini, siue Purificationis toto Orbe celebrari. Albinus Flac. c. de Divinis offic. Mirum quod de eodem refert Anastasius, & commemorat Baronius, de Basilicis ab eodem erectis, resectis magnæque & incredibili impensa argenteis operibus, & Musino exornatis. Statuit quoque ut tempore confractionis Dominici corporis, Agnus DEI, qui tollis, &c. à Clero, & populo decantaretur. Sed & Ecclesiam Sanct. Marię in via lata: olim Hospitium Pauli Apostoli, ab eo dedicatam, felicitati tanti Pontificis adscribitur, præter illam beatitatem, qua ipsum Deus etiam in terris Beatum voluit, dum eidem illam salutiferę crucis portionem, quam quorannis Christianus populus die Exaltationis Sanct. Crucis in Basilica Con-

stantiniana veneratur prodigioſe, ubi lateret revelavit. Obiit Sanctissimus vir 9. Septemb. cuius memoriam posteris singulis annis redvivam, S. Ecclesia Catholica, in Ecclesiasticis tabulis religioſe conservat. Successit S. Ioannes VI. nostri item Ordinis Monachus. Ita Monim. Mantuana.

Rursum hoc anno unius è nostris Apostoli merita celebranda: S. Trudonis nimirum, Apostolica sanctitate viri, qui Hasbania prædicatione verbi Divini Ecclesię adducta, Hasbaniorum meruit, verba Baronii sunt, Apostolus appellari, & hoc anno felicissime cursu vitę absoluto occurrentibus sibi Sanctorum choris, cum iisdem in gaudium Domini introivit: Ingentibus etiam ab obitu miraculis à Deo cultus: in SS. Cælitum numero relatus celebratur 23. Novembris.

Hoc ipso etiam anno mortalitati valedicens S. Maurontus Abbas, contemptu sæculi illustrissimus Sanct. Rictrudis filius, ad immortalia felicissime transiit. De quo vid. Molanus, Ferr. Locrius, Miræus, Sigebertus, Wion, &c.

A. C. 702.

S. P. N. 222.

Celebrat hoc anno gesta Magni & Sanctissimi Pontificis V. Vironis nostri Antonius Yepes, cuius vita extat tomo 3. Surij, & compendio relata in Breviario Ecclesię Cathedralis Ruremundanę, &c. Enituit admiranda sanctitate etiam ante Episcopatum Monachus, ob quam ad Præfularem dignitatem evectus, & consecratus à summo Pontifice est. Verum benemerendi, perpetuo nostrorum studio, incensus, ad prædicandum Gallis Belgicis Evangelium Christi amore incitatus ad Pipinum Francorum Ducem se contulit. Cognitus, & charus Pipino ob rarissima Sanctitatis exempla condito ad Ruram ope eiusdem Principis, Cznobio, in monte D. Petri, hodie S. Odilię, abdicato rursus Pontificatu, quanti præ illo Monastica vitę instituta faceret, palam omnibus voluit, & cucullum reassumpsit. De Pipino, ut alios taceam, meritissimus, eius actionibus omnibus præfuit, & consilio direxit; quem adeo Pipinus suspexit ac veneratus est, ut eodem à confessionibus usus, non quam detractis calceis, accedere

dere ad eum præsumeret. De vitæ eius reliquis consulendus Yepes, Surius, Hæreus, &c.

A.C. 703.

S.P.N. 223.

Memorabilis hic annus morte S. Benedicti Abbatis; de quo Sigebertus, & Beda nostri. Eum miræ Sanctitatis titulo commendat Baronius. Quæ præstiterit, quantumque illi debeat Ecclesia Catholica, & Regna in primis Angliæ, Beda, inter alia, his verbis satis innuit. *Quamdiu supererat corpore pro gloria sanctæ Dei Ecclesiæ, & maxime pro huius Monasterii pace, honore & quiete semper laborare præstabat, Toties mare transiit, &c.* & paulo post: porro huiusmodi Fundatore propagatus est in Angliā mirificè Monachismus; ut plane Insula illa, ita Divini Spiritus imbribus irrigata, Dei esset Paradysus effecta; apud quem dum Monastica, viguit, integra, in nulla læsa aliquando Disciplina, (observatione dignissima periodus) nulla ad eam Hæresis accessum habere potuit, &c. Unde de utilitate vitæ monasticæ concludamus.

A.C. 704.

S.P.N. 224.

Emergit in tutissimum naufragis, Religionis portum Sanctissimus Edigerus Merciorum Rex, postquam triginta & unum annos, Regno præfuerat ac profuerat. Addit Baronius; Ita plane primitivæ illius Ecclesiæ Anglicanæ, fuit erga sacram Religionem vigens fervensque cultus, ut ob frequentiam DEO philosophantium Monachorum fuerit insula referta undique Monasteriis, in quibus Reges ipsi, qui fuerant Leones in prælio, mox in sacris septis, caelestibus caulis inclusi, redderentur agni mitissimi. Favebat sane Dominus coalescenti tunc Ecclesiæ Anglicanæ, ut omnibus eam charismatibus reddiderit affluentem, in virtutum, & signorum præsertim ostensione, quibus quisque licet invitatus trahi posse videretur ad mundi contemptum. Debet victoriam hoc anno, debet partum hac victoria Regnum Aripertus Longobardorum Rex, sed & restitutum ab ea victoria Principatuque Ariperti, Alpium Cortiarum Patrimonium, ipse S. Petrus Successoresque Pontifices debent, Sanctissimo Præfati nostro Bonito, Arvernensium Episcopo, cuius precibus fa-

ctum, ut non solum victoria potitus Aripertus, sed etiam Regem hostem in inguine, vulneratum captivum traxerit, quod fufius vitæ Scriptor, & ex hoc Baronius tradidit, qui in laudibus & miraculis Boniti prolixiores, consulendi sunt. Bonitus inter alia, rara DEI in se collata beneficia, favorem Admirabilis Matris Virginum Virginis, ac amorem singularem meruit; etiam Ildephonso ipso, de quo superius, amplius, & gloriosius honoratus. Ex vitæ Scriptore audiamus. *Bonitus cum se totum contulisset ad perfecte amandum Christum, & eius Sanctissimam Genitricem, quodam tempore cum turbis ingressus in templum Sancti Michaelis, in angulum se abdedit. Peractis mysteriis, aliis abscedentibus, ille in suo permansit latibulo, talisque ei, prolixè oranti visio oblata est: Repente, à Cælo insonuit vox tanquam suavis melodia, & micantibus luminaribus, vir Sanctus quasi multitudinem quandam conspexit eo adventantium. Ingressa autem in templum est V. Al. Maria, cum candidissimo Angelorum, & Sanctorum hominum catu, tanquam Regina circumstante exercitu? Cantabant autem omnes illi laudes CHRISTI, & Matris eius; Atque ipsa etiam Sanctissima Virgo in laudibus Filii sui vocem exercebat suam. Procedeant autem per medium templi in chorum; cumque ventum est ad altare, quasitum est à Sanctis nonnullis, quisnam Missam celebraret? Tum Virgo Beata; ecce, inquit, adest hic Bonitus Præsul vere bonus (ô Encomiasten, ô Encomium) & bene dignus cui hoc munus demandetur; Audiens hoc ille, timuit, seque subducere conabatur; cui sane lapis cessit, in quo hodieque eius rei apparent vestigia. Tandem quasitus, & inventus, & illum beatissimum Conventum per ductus est, Sanctisque ministrantibus vestibus sacris indutus est, & Divina ara applicatus: consummato autem ea, qua par erat, ratione Sancto illo opere, Sanctissima Virgo valesaciens Dilecto suo pro munere caelestem illi, candoris eximij vestem largita est. In ipsa Arvernorum urbe eadem vestis in præsentem diem populis ostenditur, cuius quidem materia, & textura à nullo mortalium potest dignosci, estque candoris eximii, miraque tum tenuitatis tum lenitatis. Ex vita apud Surium. De eodem Srengehus in Icon. SS. Ordin. Caieranus, &c. Bonitus paulo post, abdicato à se Pontificatu, arctioris vitæ studio,*

studio, Sanctitatem in cucullo auxit, & in Magnilocensi Canobio vitam Sanctissime finiit. Vide VVion, Yepes, &c.

A.C. 705.

S.P.N. 225.

S Wilfridus noster mirificus ille Sanctus (sic eum Baronius appellat) ab Rege Alfrido multa passus, denuo Romam appellans, ibidem honorifice pro meritis habitus, & absolutus; Alfridus vero obtemperare contemnens paulo post morte sublatuſ est. De hoc vid. fusè Baronius, & Beda.

Obiit hoc anno *Sanctissimus vita* (à Baronio rursus huic iste tribuitur titulus) & meritis spectatissimus Heddi Occidentalium Saxonum Episcopus ex Monacho Sreneshalcensi. De cuius admirandis fusè Beda, qui consulendus. Illud prodigiosissimum; quo locum etiam ipsum, in quo magnus hic famulus ejus decubuit, & occubuit, Deus honoravit, pulveri inde sublato eam virtutem fuisse, ut omnis generis morbi per eundem aquæ mixtum, aspersione, vel sorbillatione pellerentur. Relatus inter Cælites, Nonis Iulii tota Ecclesia celebratur. Vid. etiam Baron Wion, Yepes, &c. Eodem anno ingens ad messem Ecclesiæ accessio; opera ac indefesso labore S. Suiberti nostri, dignissimi Ordinis nostri Apostoli, qui post prædicationem Brunsvicensibus, & aliis finitimis populis ministratam, quos Evangelio imbuens, & virtute miraculorum confirmans reddidit Christianos, ad Boruëtuariorum iterum se culturam convertit. De conversione efferatissimi populi multis agit B. Marcellinus in eius vita, interque alia: *Et licet Boruëtuarii essent gens barbarâ, sava, & inculta, & plures DEOS adorarent, prophanis, & sacrilegis sacrificiis responsa à demonibus exquirentes, auguriis, & divinationibus servientes, crebris devotionibus, & mirabili sanctitate, DEO auxiliante, eos ad agnitionem veri perduxit, & luminis: ita relictis dolorum sordibus in CHRISTVM credentes, phana, in quibus idola ante adorare consueverant, propriis manibus destruentes, Ecclesias construerent de quib. videatur etiam Baronius:*

&c.

A.C. 706.

S.P.N. 226.

Hoc anno referendæ res præclare gestæ Sanctissimi Gurhlaci, illustrissimo & Regio Britannorum Regum genere orti, verum calcatis honoribus, & blandientis mundi delicijs, Monachum in nostro Rependonienſi Canobio professi, qui denique in horrida Crolandiensis insulæ vastitate, vivens solitarius, multis virtutibus illustratus, prophetiæ dono imbutus, & miraculorum, gratia insignis extitit. Fuit cælesti prognostico antequam in lucem ederetur designatus, manu rubri nitoris cælitus missa ad ostium domus ejus genetricis, ineffabili fulgore coruscante, ac ingenti hominum multitudine, ad prodigium concurrente, donec ab obstetricibus natus infans nunciaretur. Angelo ita familiari est usus, ut quotidie manè ac vespere insimul colloquerentur, & conversarentur. Sub ejus obitum vidit Sanct. Bertelinus noster insolitam claritatem, igneæ turris instar à terra in cælum protensam quæ solis splendorem superare videbatur. Post mortem, elapso anno, repertus in tumulo dormienti simillimus, totus cum vestimentis etiam ipsis incorruptus. Vid. Gulielm. Ramæserius, & Felix Cronlandiensis, Monachi nostri in eius vita, quæ extat apud Surium, & Lippeloum, &c. S. V. Willibrordi nostri in Apostolatu felicissimi successus, & multa hoc anno apud Principes gratia, Pipinum præcipuè, qui medietate Fisci Epternacensis eidem donata, alteramque largiente Irmina Dagoberti Regis filia, Epternacense Monasterium egregie innuit, ex quo dein multa illi provincie utilitas dimanavit. Vid. Miræus in Fastis, & God. don. Excessit factorum gloria omnem verborum copiam Sanctissimus Hermelandus noster, ex Monacho Fontanellensi primus Antri Abb. Canobitolim celeberrimi. De illo præter alios Igebertus noster, & Auctor Anonymus vitæ ejusdem tomo 2. Surij, Yepes tomo 2. Anno 704. Clauit sub hac eadem tempora S. Maurentus Abbas, S. Florentij Glannensis, cuius animam memoratus iam primum S. Hermelandus, ab Angelis vidit in cælum deferri, idque ipsum fratribus suis, nunciavit ipsa hora, qua excessisse missio de in qui requireret, rescivere.

Ex

Ex vita S. Hernelandi. Obijt eodem anno S. Thomas Abbas Farsensis Cænobij, monitu B. M. Virg. sub annum 680. restituti, totoque mundo celebrimi, de quo V Vion communicante Con. Caietano.

oborta persecutione facta est proficua discipulorum circumquaque dispersio. Ita Baronius, &c.

A.C. 708.

S. P. N. 229.

A.C. 707.

S. P. N. 227.

S Marcellini nostri unius è 12 Apostolis, de quibus superius, in Germaniam destinatis, merita, nemo post Deum melius noverit, quam ipse ille quod ad exemplum posterorum, ubi de sociorum laboribus egisset, de suis addidit: *Et ego Marcellinus presbyter inutilis à Praefatis Pontificibus missus ad partes Transiselas, locum Aldenseel, Trentam, & Tuventam, & Conordiam, ac Daventriam, rego, & DEI providentia totum ferme populum, Christo prædicando lucratus sum, & purgavi ab idololatriæ cultu, &c.* Ut nemo satis referat, nedum explicet labores nostrorum, & qui inde fructus Ecclesiam universam beaverunt, celestia impleverunt.

A.C. 708.

S. P. N. 228.

Hoc anno Ecclesia Boructuariorum in Germania, invidente successibus diabolo, & Sanct. Sviberto Pontifice id minitante, ipso sui ortu, grandi procella dissipatur, Christianis qui in ea erant, alio migrare coactis, quando inter Regionis incolas atque accolas immane conflatum est bellum. Suiberus divina revelatione admonitus Coloniam se ad Pipinum & Plectrudem Duces recepit, neque minus ibi, quam apud Beructuarios bene operando, & merendo profecit; de quo Baronius digne his verbis hoc anno agit. *Quamodo autem Coloniam perveniens exceptus à Plectrude coniuge Pipini, ubi plura Apostolo digna operatus est, & à Pipino vicum & Verulam in insula Rheni imperans nobile illi condidit Monasterium, Marcellinus plurimum narrat. Et de Monasterij illius utilitate sedulitateque Sanct. Suiberi differens pergit. Fuit ea erectio fortis munitio ad expugnandam perfidiam Saxonum; sicque accessit, ut ubicunque vir Apostolicus fuerit semper profuerit, illa Christianorum dispersio, conversa fuerit ad maiorem fidei profectum: sicut contigit ipso exordio nascentis Ecclesie, cum Hierosolymis*

Occubuerunt hoc Anno duospectatissima Ordinis nostri Sydera SS. V Vilfridus Eboracensis Archiepiscopus, & Anthelmus sive Althelmus Schireburnensis Episcopus, uterque pro meritis, in Sanctorum albo conscriptus. Prioris Epitaphium Beda exscripsit, & Baronius recensuit, quo pauca ex grandi meritorum numero referuntur. Althelmi, monumenta æterna perstant, quæ sua ipse sibi manu, atque ingenio posuit, opere in primis illo, quod geminato labore, metricè in primis, soluta de in oratione composuit, in quo optimus meritissimi parentis sui, Admirabilis Benedicti, honori consulens, ubi de vita ipsius prolixius egisset, denique subiungit.

Primo qui statuit nostræ certamina vitæ,

Qualiter optatam teneant cænobia formam,

Quoque modo properet directo tramite Sanctus

Ad superum scandens cælorum culmina cultor, &c.

Dein fructum eidem ex Anglia debitorum copia celebrans, pergit.

Huius alumnorum numero glomerantur ovantes,

Quos gerit in gremio fecunda Britannia cives

A quo iam nobis Baptismi gratia fluxit,

Atque Magistrorum veneranda cetera cucurrit, &c.

Ita de ijs, quos viderat Althelmus, à S. Gregorio in Angliam missis Apostolis, de quibus consulendus doctissimus, & de ordine nostro meritissimus Clemens Reinerus in suo Apostolatu Ben. Angl. De Althelmo autem inter alios agunt Beda, Eguavinus Episcopus, Guilielm. Malmesburiensis, Mat. Westmonast. Tepez, V Vion, &c.

Eodem anno S. Hubertus divinitus admonitus corpus S. Lamberti nostri Traiecto Leodum, & una sedem Episcopalem transfert, ut etiam Leodenses initia præsulatus sui, ut & Patronum suum Cælitum Ordini nostro debeant, imo

imò verè agnoscant , & dignè recolant.
Miræus, Bucher. &c.

A. C. 710.

S. P. N. 230.

DE Ethelredi Regis potentissimi, Monachica professione superius dictum. Choenredus fratris filius successor fuit, verum is, *posteriorem vitam*, verba Hieronymi. Plati, *patruo magis invidens, quam priorem, cum annis tantum quinque regnasset. Romam profectus, à Constantino primo Pontifice, habitum Monasticum suscepit, reliquumque vita in ea urbe cum summa sanctitate transegit.* Additque. Porro huic Choenredo, (idem Choenredus,) *tum itineris, tum consilii socius fuit, Rex alter Ossa Orientalium Saxonum, in eadem Anglia, qui item in ipso ætatis flore, in summa mundana felicitatis abundantia, omnia spernens ac conculcans, ab eodem Constantino detonsus, tunicaque Monastica ornatus est.* Ita Platus: Factum id Chineswithæ conjugis hortatu, quæ Pendæ Merciorum Regis filia, & Offæ nupta, non sua solius salute contenta, spolum Gentili etiamnum errore detentum, cœlesti Regno vindicavit, à quo licentia Deo se consecrandi obtenta, ordinem etiam nostrum professâ, nobile virginitatis propositum, quod illibatum semper cum suo sponso servaverat, nobilius perduxit ad senium, sanctorum denique numero inscribi merita. *Vid. Matth. Vestmonast. Contractus, Polydorus, Beda, VVion, &c.* Sic summis Regibus, & Principibus omni sæculo Asylum Cœnobio, & securus post longa pericula portus extitere imò ad vitæ sanctioris perfectionem inæstimabiliter profuere.

A. C. 711.

S. P. N. 231.

EX innumeris hoc tempore firmamenti Benedictini in Anglia Stellis, præcipuas inter exsplendescit hoc anno Sanctus Ioannes ex Monacho Monasterii S. Hildæ, sive Strenes Halcensi, Episcopus Hagulstadenfis, à morte verò S. Vvilfridi ad Elboracensem Cathedram subvectus, vir doctrina ac sanctitate illustrissimus. Is post navatam strenuè Anglis operam quanto pluris faciendâ, quantoque utilior summis honoribus vita Monachica esset, suo exemplo prodidit, dum abdicato Episcopatu, ad Cœnobii, &c. Cellulæ suæ silentium se recipiens, rara illic virtute enituit, & in Monasterio denique S. Petri Sylvæ Deirorum, relicta corporis sarcina, felicissimo transitu, cœlum immigravit. Extat ejus vita apud Surium, T. 3.

A. B. pars I.

De eo agunt, *Beda Vsuardus, Folcharus Dovernensis, Alfredus Beverlacensis, Polyd. Virg. Trith. &c.*

Rursum nostris potentissimi Episcopatus debentur sub hæc tempora, initia VVerdenfis nimirum, sive Cæsaris VVerdæ, constructo illic primum à S. Swiberto nostro, ex illustri Comitum Nortgallicæ sanguine Bearmenfi Monacho, celebri Cœnobio, à quo Episcopatus origo, & ipse primus loci Episcopus, quem inde ex eodem Monasterio plures in eo honore sublequuti, egregia Sanctitate de Ecclesia universa benemeriti, Cæsaris VVerdam in primis ornavere, auxerè, & Patrocinio suo etiam in cœlis juvere. *Vide Marcell. in vita Suib. Crantzius in annis tamen graviter lapsus Anton. Yepes fuscè hoc anno*

A. C. 712.

S. P. N. 232.

Dignissimum maximis, & assiduis hoc anno laboribus, quos nulla sæculorū vetustas, Germanorum, & Belgarum præcipuè cordibus expungat, Sanctissimi ex ordine nostro Apostoli, S. VVerintridus, S. VVilleicus, & San. Achatius, qui fidem Christianam longè lateque disseminantes, non verbo solum, sed & maximè Sanctitatis illustrissimæ exemplo, innumeros mortales ad felicissimam immortalitatem asseruere. Profunt hodieque iis in quibus olim vixere provinciis, Patrocinio suo, sed & prodigiis, & miraculis, impios etiamnum Hæreticos convincunt. VVerenfridus ante alios, qui morbo articulari laborantibus, certus medicus, eo in primis nomine celebratur, & colitur. De iis legendi *Marcell. in vita S. Suib. Mosander t. 7. Surit. Molan. Miræus, Trith. VVion. Yepes, &c.*

A. C. 713.

S. P. N. 233.

EGregium admirandæ Sanctitatis, & cōtemptu sæculi, generosissimum exemplum Sanctissima Oda, Boggis Aquitanorum Ducis vidua, nata Sueviæ sive Alemanniæ Ducissa, Ordinem nostrum Amanii Cœnobio propè Huyum pfecta, fama, & virtute Galliam implet: pridem etiam dum opibus polleret, meritissima, plurimis passim, excitatis restitutisque Cœnobiis, & Ecclesiis, ex quibus lucrum immodicum Ecclesiæ universæ, & Cœlo ipsi accrevit. Fuit hæc felicissima mater plurimum Sanctorum opinione Molani, qui tamen eam uxorem Childeberti Regis Franciæ facit, sororemque Dagoberti. Iudicio lectoris relinquinus, donec in aliis

K

nostris

nostris operibus, ipsi definiamus. *Vid. Mirans in Annal. & in fastis, Francisc. Rosiers, Molan. VVion. &c.*

Exceperunt, foverunt, ac bearunt sub hæc tempora præter plurimos alios Reges ac Principes, Regumque ac Principum filios, longis curis ac laboribus arduis fatigatos, & fatiscentes Cænobia nostra, Mailronenle S. Ealfridum, sive Alfredū, potentissimum Northumbriæ Regem, virum præter generis dignitatem, undecunque doctissimum, & litteratissimum, cum annis unde viginti Regno utilissimè præfuisset. S. Mauri verò Cænobium Sanctos VVimocum & Arnocum, Iudicacelis II. Britannia Regis filios, & Sanctorum Iudoci, & VVinoci ex fratre nepotes, qui exempla patruorum patrisque, & avi Regum sequuti, pro Christi amore, regnum avitum, & paternum relinquentes, in eodem quo pater, & avus humillimè versabantur Cænobio, eandem vitam professi, cum iisdem toto jam orbe Sanctitatis fama celebrari meruerunt. *Vid. Vincent. Belluac. in specul. libr. 23. & de Sanct. Alfredo VVern. Rolewinck. in fasc. temp. Bugianus. VVion. &c.*

A.C. 714.

S.P.N. 234.

MIRACULUM contempti honoris, opum, deliciarum patriæ, & pro his ex ambitorum contemptus, inopiæ, rigoris, laborum atque exilii, sub hæc tempora Sanctus Adalbertus noster Edilwaldi Deirorum Regis filius Magni Willibrordi nostri discipulus, Epternacensis Cænobii multo tempore Monachus, ex Magnis illis Germaniæ, de quibus supra Apostolis duodecimus. Is postmodum crescentibus meritis Traiectensis Ecclesiæ Archidiaconus factus, & ad prædicationem gentium missus, in Hollandia in primis, & Kenemaria plurimos manipulos collegit, & felicissimè meruit. Denique apud Egmondam mortuus, pro meritis Sanctorum albo inscriptus est. Ejus vitam Egbertus Trevirensium Pontifex, ejusdem Sancti ope à valida febre exemptus per Medelocenses Monachos describi curavit, extatque inter Historias Sanctorum mensis Junii. *Ex Molano, VVione. Stengelio, Surio.* Qualiter hoc anno morienti adfuerit, & profuerit Pipino Duci S. Svibertus consulendus Baronius hoc anno, &c.

A.C. 751.

S.P.N. 235.

SANCTUS Gregorius ejus nominis secundus, ad Romanæ, & summæ Cathedræ

sublimitatem priore anno evectus, primi Gregorii Sancti æmulus, egregio specimine edidit, quæ à Monachis sperare univèrsus, longo multorum exemplo jam doctus didicerat. Quippe ipso Pontificatus initio, muros urbis instaurare incipiens, & partem jam aliquam absolvens, novis motibus, (ita Bisciola ad eos qui præcesserant alludens) impeditus est; Si quidem Longobardi sub dolo pacis Cummarum castrum, Iuris Ecclesiæ occuparunt; quod ut restituerent, sæpius à Gregorio admoniti, & rogati, ultione etiam divina intentata, nunquam in animum induxerunt. Sed consilio, & providentia Pontificis, accito in auxilium Duce Neapolitano cum exercitu, nocturno improvise adortu est receptum, trecentis Longobardis, cum eorum Gastaldione occisis quinquentis captis. Profuit hoc exemplo multum posteris, non minor magno Gregorio, alter ex eadem familia nostra Gregorius, qui necessario exemplo docuit, etiam sanctitatem cum armis consistere, neque Pontificem dedecere bona Ecclesiastica armis vindicare. Quod ipsum Baronius probe advertens; *Vidisti, inquit, Lector Pontificem aequè ac Gregorium primum in numerum Sanctorum receptum, bona Ecclesiastica ab hostibus in vasa, minimè contempsisse, vel recuperare desuisse, quantumlibet impossibilis videretur penè ejus expugnatio loci, sed quod minus posset suis, id alienis armis recipere procurasse, omnique studio præsto fuisse, consilio, ope, pecunia adjuvise, &c.*

Claruere hoc eodem anno viri ex ordine nostro maximi, & illustrissimi, quos inter nō infimum locum occupant Eleutherius Austrasiæ Dux, Martini Ducis filius Princeps potentissimus, qui cucullum Imperio præferens, eo ipso ostendit, quā minimè vanus vana abjiceret, illudque vitæ institutum amplecteretur, quod regnis omnibus, & summo in terras imperio dignius esset; Sanctus Sebaldu deinde, Daciæ Regis filius, qui sponsa relicta, mundi abdicatis pompis, in Cænobio denique S. Martini Norimbergæ Monasticem amplexus, Norimbergensibus egregio Sanctitatis exemplo præluxit, si sequi mallèt, quam bonis Cænobii illius, quod dein ab eo nomen meruit, inhiare. *Vide Chron. Chronicor. VVion. Tepes.*

A.C. 716.

S.P.N. 236.

GREGORII nostri summi Pontificis laudes, sexcentis foliis quam anno hoc di-

digniores. Meruit autem cessante, de quo superius tumultu, immortaliter adjecto ad Monachismi collapsi, restitutionem animo, & ad Monasteriorum restorationem: Nam, ut ait Anastasius, *Monasteria quę secus Basilicam S. Pauli erant, renovavit, atque ordinatis, servus DEI Monachis congregationem per longum tempus restituit, constituitque ut ibidem die noctuque Monachi redderent DEO laudes*: Hic Gerontocomium, quod post absidem DEI Genitricis ad Prasępe situm est, Monasterium instituit, atque Monasterium S. Andreae Apostoli, quod Barbara nuncupatur, ad nimiam deductum desertionem, in quo ne unus quidem habebatur Monachus. adjcit is Mon. ordinavit, atq; (NB.) ut utraque Monasteria ad Sanctam DEI Genitricem singulis diebus atque noctibus laudes DEO canerent, &c. Hoc anno restitutum Casinense nostrum Archisterium per S. Petronacem Abbatem, centum quadraginta annis ab ejus vastatione interlapsis. De fructu Petronacis studium consequuto sic Baronius, *Mirum dictu, quanta mox ex ea nova Plantatione Petronacis fuerint propugnata eo in loco germina Monachorum, & aucta ipsorum examina instar apum, quę ex turgescuntibus abveariis prodeuntes, in diversa loca ad factus multiplicationem volaverint. Sed & illud securę, absque trepidatione mendacij asseri jure potest, nullum unquam toto orbe Christiano, extitisse aliquando monasterium ex quo tot viri sanctitate conspicui atque doctrina tanta numerositate ad regimen Sanctę Apostolicę sedis adjciti fuerint, ut planę dici possit, fuisse idem aliquando seminarium sacrorum Antistitum, &c.*

A Monasterio retulit Sanctus Pontifex animum ad reparandas, & ornandas Basilicas S. Pauli S. Laurentii foris muros, S. Hierusalem de quibus nominatim Anastasius, & ex hoc Baronius, &c. Hoc eodem anno S. Corbinianus noster invitus, ab eodem S. Gregorio nostro Episcopus esse jubetur; & gentium Apostolus, accepto etiam pallio; & licentia ubicunque vellent, prædicationis officium exercendi. Is in Germaniam, & Boicam delatus, Frisingensium Pontifex primus fuit, ibidem in honorem Sanctissimi, & Admirabilis Patris nostri BENEDICTI Cathedrali excitata, & dedicata Ecclesia, *Baron. VVion. Grethferus, &c.* Vt iterum nostris celeberrimi Episcopatus institutionem debeat Ecclesia universa, & Frisinga, imò Bavaria Patronum singularem.

A.C. 717.

S.P.N. 237.

Rursum Sanctissimi nostri Gregor. Papę laudibus vacandum, qui per hos dies matre defuncta, Magnum Gregoriū imitatus ædes etiam proprias in Ecclesiam convertens, S. Agathę honori nuncupavit, & addito Cœnobio, redditibus liberaliter locupletavit. Videndus Baronius, &c.

Obiit hoc eodem anno S. Ceolfrius noster Abbas Anglus, admiranda sanctitate conspicuus. Consule Bedam, & Biscio-lam.

Ipsa hoc anno moritur Mirificus ille, nomenclator Baronius est, Saxonum & Frisonum appellatus Apostolus, Primus VVerdensis Episcopus S. Suibertus, quem S. Marcellinus noster ait omnium virtutum charismate plenum, ex omnibus medullis, videndi Deum desiderio, flagrasse, cumque festo Principis Apostolorum S. Petri ad Cathedram in suo Monasterio Divina celebrasset, mox læguore eum invadente lecto decubuisse, &c. Marcellinum plura de ejus à morte prodigiis commemorantem, sic sequitur Baronius: *Videbis enim eum, in quo primitie earum gentium sunt consecratae non tantum cum viveret, sed & post obitum Apostolicis corruscare miraculis, quo prædicata ab eo fides, multiplicibus consignata testibus posteris traderetur.*

Suibertum digno titulo Teisterbadię, Westphalię, Frisię, Boructuariorum, & Saxonum Apostolum Miræus, & plerique alii honorant.

A.C. 718.

S.P.N. 238.

Rursum ex infinito penę Sanctorum numero unicum Winocum proferimus cujus paulo ante à contemptu sæculi audita laus est nunc à Monachismo ipso, & morte repetenda, sed verbo unico, VWinocum verę Regem, ut generis in sæculo dignitate, sic in Cœnobio Humilitate fuisse: cuius inter alia peregrinum illud amoris fraterni, ut & amici laudatissimę demissionis argumentum, molā suis ipsum met manib; versasse, ad pauperum usum, cui post longos labores, ætate jam in decrepitam vergente, id tantum à Numine datum, ut grandi miraculo, mola seipia moveretur, & moleret. Excitavit ope & opibus piorum celeberrimum illud Cœnobium VVormhultanum, ex quo cælo manipuli rursum plurimi illati sunt. Consultatur ejus vita apud Suriū, & Harzū, Mir. &c.

Hoc eodem anno Magnus ille, & Prin-

ceps Apostolus, Sanctissimus Bonifacius, Roma profectus, à Sanct. Gregorio nostro Prædicandi potestatem in Germania accipit. *Ita Serarius, & ex hoc Miræus in Annal. Belg. &c. contra Baronium qui sequente refert.*

A.C. 719

S.P.N. 239.

ISTO denique Anno Illustrissimus ille Phæbus Germaniæ illucescit. Roma cū potestate Apostolica veniens Sanctissimus Bonifacius, multa animi demissione, tanquam Villibrordo nostro minister missus Legationem suam exorsus: *in hoc, ait Cardinalis, vera signa sui Apostolatus expressit, dum Christianam humilitatem amplectus, licet Apostolica legatione dux videretur verbi effectus tamen sui Tirocinia Apostolatus* (notent illi qui solis sibi omnia arrogāt) *noluit sub alio profiteri, coadjutor accedens in Frisiorū conversione Magno illi Clementi.* Adhæsit Villibordo Bonifacius in verbi ministerio fidus comes, & cooperator, à quo cum rogaretur Episcopus sibi succedere, renuens licentia petita discessit. Neque segnior in exteris juvandis, quam suis, quos in Anglia reliquerat curādis, dedit sub hunc annum ad suos Adelcancastrensis Cœnobii Monachos Epistolam, quam dignissimam suis Annalibus Baronius censuit, sed & aliam idem descripsit ad Sanctimoniales Anglas, quibus negotium suum serio commendat, adeoque magnum ex earum precibus fructum sperat; in qua Epistola flagitatis earum precibus egregiam rursus animi demissionē depromit. *Qui ultimus, & pessimus sum omnium Legatorum, quos Catholica, & Apostolica Ecclesia Romana ad prædicandum Evangelium destinavit, ut omnino sine fructu non moriar, & vacuus filiorum, & filiarum numero non revertar, ne de abscondito talento Domino veniente, reus esse judicer, &c. Vid. Baronius, &c.*

A.C. 720.

S.P.N. 240.

EVOLAT in Cœlum felicissimus Sancti Vvlfraanni nostri Senonensium Pontificis animus, cum post quinquennium in Frisia Apostolatum, qui multo labore, sic multo fructu susceptum, ac Fontanellenense suum Cœnobium recepisset. Ex vita apud Haræum personam Monachum, &c. In Oriente splendidissimus ille Orientis Sol, Sanctiss. Ioannes Damascenus enitet, ad Lauram S. Sabæ prope Ierusalē Monachus, extat vita Tom. 3. Suriij, apud Lipomanum item, & Iacobum Billium de eodem Triphem. *Vvion. Steng. in Icon. &c.*

In Belgio exsplendescit S. Erminus Lobienfis Episcopus in Galliis Villicarius ex Archiepiscopo factus Monachus. *Vvion. &c.*

A.C. 721.

S.P.N. 241.

GALLIA stama implet Sanctissimus Rotomagensium Archipræsul Hugo, quem nonnulli etiam Parisiensibus præfuisse scribunt Baiocensis olim Episcopus, post tantos denique honores, in Gemeticensi Cœnobio nostro humilis Monachus; Gemeticum utique minime vana spe, aut turpis solum otii gratia expetens, sed quo altius ad æternorum contemplationem conscenderet, & fructu Cœnobii, qui Sanctitas vitæ plerumque erat, plenè frueretur. De Ecclesia universa uti semper, ita etiam hoc anno bene meritus Sanctissimus Papa Gregorius, Synodo Romæ celebrata, cui ipse præsedit, & pro dignitate in illicita conjugia contrahentes; animadvertit. Anathema item in Clericos comam relaxantes pronunciavit. *Baron.*

A.C. 722.

S.P.N. 242.

DE San. Bonifacii nostri in Germania fructu, ne nimis ipsi laudare videamur, audiamus Annalium Ecclesiasticorum scriptorem, seu potius Dictatorem, Baronium; *Quod vero ad Occidentalem Ecclesiam pertinet, (de gestis in Oriente egerat) hoc anno ipsa mirum in modum in conversione gentium propagatur: siquidē hic annus tertius est, quo recedens Bonifacius à Clemente Episcopo Traiectense, non solum quam plurimos Frisiorum, sed & Cattorū, qui contermini sunt Saxonibus populi, ab Idolorum cultu ad fidem Christi convertit, & Sacro Baptismate imbuunt, &c. Misit vero hoc anno ad S. Gregor. cum literis Legatum, qui de felici rerum successu Pontificem edoceret, & quadam salutem populi cōcernentia proponeret. Vid. Baron. &c.*

A.C. 723.

S.P.N. 243.

HO canno Gregorius Papa Bonifaciū nostrum Romam evocat, cumque magna ac digna tanto munere (Apostolico) ab eo edita facta novisset, eundem Episcopum consecrat. Consulendus hic rursus Bonifacius, prolixior in Bonifacii laudibus quem, & Conitruū filium appellat, dicens quod *Fulminis instar impietatis destruxit munitiones, extolientes se adversus scientiam Dei &c.*

Denique idem ad Germanos Hæreticos, & recentiores Saxones conversus (vide

(vide quam absolute Apostoli Titulum Bonifacio tribuat, quem nonnulli Ducibus nostris pro viribus detrahere conati sunt) *A hac rursum recentiores provoco Saxones, atque Germanos Hereticos, ut respiciant à quibus Sanctum receperint Evangelium, & qui qualescunque, aut cuius fuerint fidei, qui primam eis veritatem Catholicam propinarunt à quo fluente Apostolica doctrina manarit, & videant à quibus defecerint, & quibus adhaerint. Vivit quidem, vivit in caelis Tantus Germanorum Apostolus, qui in novissimo die ab ipsis singulis sigillum suae praedicationis, & collatae fidei depositum sit apud Magnum iudicem exacturus. Erit namque, & ipse vir Apostolicus sedens cum Apostolis iudicaturus.*

A. C. 724.

S. P. N. 244.

COMMENDANDA hoc anno immortalis memoriae, insignis Sanctissimi Frisingensium Pontificis Corbiniani magnitudo animi, & constantia, qua nihil reveritus faciem Principis, Grimoaldum Ducem acriter corripuit, quod vitam fratris Pidrudam sibi copulasset mundans, quam primum ut eam admitteret, alioqui se illius contemptum vitaturum, effecitque partim minis partim blandioribus verbis, ut poenitens uterque ad pedes ejus provoluti, veniam rogarent, & piaculum acciperent. *Vid. Baron. Bisciola, &c.*

Conditum hoc aëno per S. Pirminium, ex Monacho Andegavensi, Meldensem Episcopum potentissimum Germaniae Coenobium, Augiense, quod à divitiis deinde Divitis Augiae nomen traxit, & perpetuum ad hæc usque tempora habuit. In quo quot millia Germaniae procerum, Comitum, Principum è misera seculi servitute in libertatem filiorum Dei vindicati sint, vel ex eo satis patet, quod à primis conditi Coenobii aënis frequentissimo semper monachorum Collegio, nec locus quidem inferioris sortis hominibus, aut spes ulla ingrediendi relicta, maximis Principibus ac magnatibus, sacra, & laudabili ambitione sacrum hunc locum, & cucullum avidè expetentibus, & dignè ambientibus. Ut videas quid uni huic Coenobio Germania debeat, quod præcipuam semper ejus nobilitatem, ad se è mundi innumeris periculis lugientem, verum, & jugiter parens asylum recepit, ut pia mater aluit, imò novo, & feliciore generatione Caelo genuerit, & educaverit. Vide Chron.

MS. & Brusch. Mir. Ochem. Rader.

A. C. 725.

S. P. N. 245.

Hoc anno conversionem suam Halisia Bonifacio nostro debet, sed & in Thuringia ab eodem maximo cum fructu laboratum. Verum in multam mestem operarios paucos secum habens, plures ex Anglia advocavit, omnes egregia sanctitate Monachos, ut ante & super omnia Germani omnes Bonifacio sint obligatissimi, adeos quos ipse pertransire prædicando non potuerit, benefaciendo tamen penetrasse, accitis, qui, quod minas ipse posset, omnibus Germaniae provinciis panem frangerent, & verbum Dei annuntiarent. In suis præcipui fuerunt, SS. Burchandus, Lullus, wiliboldus, wilibaldus, & ejus frater Vitta, & Greg. Sed & Sacrae Deo Virgines advocatae, quæ Monachicam etiam disciplinam in Germaniae Matronas ac Virgines inducerent, suoque exemplo Christo eas copularent. Inter eas celebriores; Cunigildis, S. Lulli matertera, Bertgictis, Cunitridis, Thecla, Lioba, V. Valpurgis, Sancta Cunigildis, & filia ejus Bertgictis liberalibus scientiis eruditæ, apud Thuringos Magistræ sunt constitutæ. Cunitrudis missa est in Boianam, ut verbi divini sementem illic faceret: Theclam apud Moganum fluvium & Ochhofurti voluit manere; Liobam denique Virginibus sacris apud Bischofsheim præfecit. Ita Baronius.

Favebat Bonifacio in Evangelio laboranti, universa Ecclesia Anglicana; interque alios præcipuè Edilbertus Cantiae Rex, qui hoc ipso anno, patri in Regnum succedens, honorificis ad Bonifacium datis litteris, gratulatur deprecans, ut pro se oret. Litteras inseruit Aëalibus Baronius, ut & Galdburgæ Regiæ, foeminae Abbatissæ, aliasque lectu dignissimas: quæ vid. Colligas autem licet ex paulo ante dictis, quæ debuerit Anglia ritibus ex Ordine nostro sanctissimis abundare, quæ tam copiosè exteris ministravit, & commodavit.

A. C. 726.

S. P. N. 246.

ICONOCLASTARUM Hæresis in Oriente repente invalescit, promulgato edicto, sacrae ubique imagines delerentur, ita jubente impio Leone Isaurico. Opposuit se imperterritus tanto Imperatori Sanctissimus Gregorius noster Romanus Pontifex, & convocata Romæ Synodo, sancto, & ipse decreto, piissimum cultum Sanctissimarum imaginum, quæ fortiter Cæsar impugnat, tam cōstanter ipse roborat.

K 3

Sed

Sed & datis hoc anno ad eum fortissimis litteris, minimè reveritus iracundiam effertissimi Principis, gravissimè eundem pro scelere corripuit. Remisit minaces litteras Leo Imper. magno furore concitus, se eum vinctum ab urbe abstracturum & relegaturum, sicut olim Constantinus Aug. Martinum Papam Chersonam relegarat: adjecit infans se quoque missurum Romam, qui æneam Petri imaginem prostantem confringeret. Quibus acceptus Gregorius litteris, nihil territus, & Sacerdotali constantia, & invicto animi robore, furenti Imperatori restitit, acres & fortes ad eum litteras mittens, quas recitat Baronius, & dolemus nos brevitatè suscepti operis minimè ferre, in quibus alia inter, dignum tanto nostro Pōtifice votum: *At enim nos per terrefacis, &c. Atque utinam Dei munere nobis cōtingat, ut per Martini viam incedamus; tametsi ob plebis utilitatem vivere volumus, & super vivere, &c. Veruntamen per Dominum te obsecramus à juvenilibus & puerilibus factis avertere, &c.* Aliis item datis, sed & Legatis missis, eundè ad obedientiam adducere conatus nihil profecit, Legatis etiam carceribus emancipatis, & mori coactis.

Hoc eodem anno obiit Tobias Rosenfis Episcopus ex Monacho SS. Petri & Pauli, vir eruditissimus, & de Ecclesia meritissimus, Cræcè, Latine, & Saxonice ita doctus, ut linguas eas æquè ac naturalem familiares haberet. *Vid. Beda.*

A.C. 727.

S.P.N. 247.

Scripsit hoc anno dignissimum pro Imaginibus librum S. Ioannes noster Damascenus, & zelo pietatis accensus, plures Epistolas, eodem argumento evulgavit, quibus eruditissimè cultum Sanctarum imaginum comprobans, de cœlitib⁹ & Ecclesia universa præcipuè meruit, sed & Cōstantiam suam æternis sæculis commendavit. Baronius.

Germaniæ præter Bonifacium, alioq; è nostris, mirabili successu profuit etiam Sanctissimus Pirminius, qui prædicationis, & efficacia, & suavitatè singulari, omnes longè latèque ad se populos attraxit, Monachicam verò vitam summoperè per Germaniam propagavit, plurimis passim ope Principum exstructis Monasteriis, quæ inter præcipua numerantur præter Augiam, de qua supra, Altaich, utrumque superius, vulgò, & inferius, Amerbach, Fabarias, Murbach, Gengenbach, Morsmunster, Schuteren, Neuville, Schwar-

zach, &c. Ex quibus dein quanta virorum Sanctitate, & doctrina illustrium copia prodierit, nullis digne litteris potest explicari. *Vid. Brover. in Sider. Raderus, Chron. Aug. S.M. Stengelius.*

A.C. 728.

S.P.N. 548.

SVB hunc annum Historiam Ecclesiasticam Anglicanam scribit Sanctissimus & Venerabilis Beda noster, neque Angliam solum, sed orbem terrarum universum fama doctrinæ, & Sanctitatis rarissimæ implet. Profuere Monachi nostri ejusmodi aliisque ingenii sui monumentis usque adeo Posteritati sæculorum omnium, ut Monachorum assiduitati omnis ferè Historiæ perpetuitas (qua nihil excellentius Orbis habet) debeatur, quod ex Baronio in primis, & cæteris, qui Chronologiam aliquam pertexuerunt, facile liquet, nostrorum præcipuè opera, & ope, seriem ferè annorum sæculorumque omnium contextam. In Germania nostra fidei semen latè propagatur, distributis in certas provincias, iis de quibus superius, ex Anglia petitis, operariis Sanctissimis, qui hos annos meritis ita implent, ut meminisse tanto ægrius nobis accidat, quod solum meminisse debeam⁹, in quorum singulorum laudes malleus integrum volumen pertexere.

A.C. 739.

S. P. N. 249.

IMMORTALITER rursum meruit, de urbe & Orbe, servato Pontificio decore & Majestate, Gregorius noster Pont. Max. expugnato singulari animi mansuetudine potentissimo Longobardorum Rege Luitprando, qui perluasus ab impiissimo Leone Isaurico, jam in Pontificis necem, captionemque Spoletani ac Beneventani Principum, sed & Romæ ipsius, cum Exarcho cōspiraverat. Prodigiosissimum istud, quod Sanctitate & Constantiæ Gregorii nostri tribuendum. Iam Rex Spoletum venerat susceptoque ab Duce utroque Sacramento atque obsidibus cum exercitu suo in campo Neronis, prope Vaticanam Basilicam confederat. Anastasium audiamus; *Ad quem egressus Pontifex, eique representatus, studuit, ut potuit, Regis mollire animum, commonitione pia. Ita ut ipse Rex (res admiratione æterna dignissima) se prosterneret ejus pedibus, & promitteret nulli inferre lesionem. Atque sic ad tantam compunctionem ipse piis monitis flexus est, ut qua fuerat indutus arma exueret, & ante corpus Apostoli poneret, mantum, armillam, bal-*
the-

theum, spatham, atque ensen deauratum, nec non coronam auream, & crucem argenteam. Post orationem factam, obsecravit Pontificem ut memoratum Exarchum ad pacis concordiam suscipere dignaretur: quod factum est, &c. Ad- dit Baronius. *Ista quidem Gregorius, ubi- que mirandus, nimirum quod accensos hostis ani- mos ira, restrinxerit, quod & furentem armis Regem crucis potentia exuerit, deque illius opi- mis spoliis trophæa ad Petri Apostoli confesio- nem erexerit, &c. Sed & mirandus non minus in eo Gregorius etiam fuit, dum eundem Ex- archum, quem sapius vidimus conspirasse in necem suam, amicè suscepit, imo, & auxilia- ribus copiis, præsto fuerit: quæ Anastasius tu- se commemorat. Vid. Eodem anno Gre- gorius idem, dissensionem inter Graden- sem, & Foroiulientem Episcopos, utilissi- mē componit. Leg. Baronius.*

A.C. 730.

S. P. N. 250.

INcredibili magnanimitate S. Gregori- us noster rursus in Leonem Imperato- rem inductus, cum sapius, per litteras ejus dementiam perstrinxisset, & salutaria lua- fisset, eundem denique hoc anno, utpote penitus impœnitentem, Hæreticum co- gnitum, & declaratum anathemate exe- cratum, Romanos Italosque ab ejus obe- dientia recedere penitus fecit, qui hæte- nus, (militare benevolentem etiam hosti- supremo, Pontificem) habenas populi re- bellantis, continuerat, non curans se obe- causam sæpe in discrimen adductum. Ita dignissimo exemplo cavit suo tempore magnus æquē, ac ille etiam primus, secun- dus Gregorius, ne qui in Orbe regnare si- nerentur Principes Hæretici, &c. *Annal. Ecclesiast.*

De Ioanne nostro Damasceno, multa hodieque utilia recitat Baronius, nostri quoque ævi, Hæreticis obijcienda non solum, sed errores pessimos profligantia, ut hodie redivivus, noster Damascenus æ- ternum de orbe mereatur. *Consule Ba- ron.*

A.C. 731.

S. P. N. 202.

Obiit ingente Orbis Catholici luctu S. Gregorius II. de quo longè meritissi- mo, jure hoc Cæsar Cardinalis; Grego- rius defunctus receptus est inter Sanctos, anniversariæque memoriæ cultu in Eccle- sia perseverat, cujus si scripta extarent, resque ab eo gestæ diligentius Scriptis mandata essent, Gregorio Magno haud minorem æstimates, &c. Vt nemo di- gnè explicet, quantum huic ex Thesauto

Monastico gemmæ æstimatione tribuen- dum. Successit alius æquē dignus, & eorum qui elegerant omnium opinione dignissimus Gregorius Tertius, ex Mona- cho nostro Cardinalis, de quo ita Anasta- sius; *Vir mitissimus, & valde sapiens, in divi- nis Scripturis sufficienter instructus, Græcæ, Latinæque lingua eruditus, Psalmos omnes per ordinem memoriter retinens, & in eorum sen- sibus subtilissima exercitatione, limator, lin- gua quoque in lectione politus, exhortatur o- mnium bonorum operum, plebi florentissimè salutaria prædicans Fidei Catholicæ, & Aposto- licæ immunitatis conservator, perenniter suo monitu fidelium corda corroborans, Orthodo- xæ fidei amulator, & defensor fortissimus, pau- pertatis amator, & erga hospites provisor, nō so- lum mentis pietate, sed studij sui labore sollici- tus, captivorum etiam redemptor, orphanorū quoque, & viduarum largitor, necessaria tri- buens, amator Religiositatis, in Christiana nor- ma, & religiosè volentibus vivere, & timorem DEI habentibus, in suis præcordiis director ex- istens, & quem viri Romani seu omnis populus à magno ad parvum, divina inspiratione per- moti subito, cum ejus decessor de hoc sæculo mi- grasset, dum in obsequio sui antecessoris esset in- tentus, Vi abstollentes in Pontificatus ordinem elegerunt. Huc usque Anastasius.*

De Bonifacii nostri ad novum Pontifi- cem legatione consulendus Baronius. Hæreticos extirpare, inter primas curas, nec ea quicquam antiquius, Gregorius habuit, proin missa ad Imperatorem Leo- nem legatione, eundem ad obedientiam reducere omni ope conatus est. De Beda nostro fusè Baronius, nos alibi plura com- modius.

A.C. 732.

S. P. N. 252.

Rursum magno' universi Orbis Chri- stiani bono à nostro S. Gregorio III. Concilium Romæ cogitur, cum in causa Gregorii Legati ptiore, id est, primo pon- tificatus sui anno aliud coegisset. Hoc firmavit, antiquas Patrum traditiones, de cultu imaginum sacrarum, & anathe- mate feriit omnes eidem adversantes; & ejusdem Concilii decreto, missæ commo- nitoria ad Imperatorem, &c. *Ex Ana- stasio.*

Beda finem imponit historiæ suæ An- glicanæ ætatis suo anno quinquagesimo nono. *Mir. Baron. &c.*

A.C. 733.

S. P. N. 253.

Annus iste totus in magno sed inutili, Attamen meritorio Gregorii nostri

K 4 labo-

labore totus versatur laborantis omni industria Leonem Isauricum ad sanitatem reducere, Detentis Legatis, & in risu acceptis, denique per ludibrium dimissis, serio tamen agens Gregorius, adhortatorias rursus litteras, per eorum defensorum dirigit sed fructu nullo.

De Bonifacio nostro ita acta ipsius lib. c. 17. ubi inter alia; Bojariorum Regiones, quibus per id tempus dominabatur Hugbertus, Dux, invisit, prædicationisq; munus apud illū studiosissimè exercens Ermwolfum Hæreticum pestilentem, magno Divinæ æmulationis fervore incensus, ex Canonum præscripto damnavit, & ab Ecclesia ejecit. Ac deinde ad suæ Diocesis homines reversus omnia circumibat instaurans ea, quæ Ecclesiarum cura potius videbatur.

A.C. 734.

S.P.N. 254.

IN Anglia magnum Ordinis nostri Iubar occidit Tacuinius Dorovernensis Archiepiscopus, vir, teste Beda nostro, Religione, prudentia, & sacra doctrina insignis. Successit Nothelmus pari laude dignissimus, quem uti, & Pectelmum Magnus noster Germaniæ Apostolus Bonifacius in rebus difficillimis consuluit. Cōsulendi Annal. script. Extant ad hos Epistolæ Bonifacii, & in primis S. Gregor. III. leg. Quorum tu dignitatem ex Consulente Bonifacio æstimabis.

A.C. 735.

S.P.N. 255.

Persecutione ab Icomachis orta plurimi e nostris (extructis multis, vivente etiamnum Admirabili Patre nostro, Cœnobiis) in Oriente pro cultu Sanctarum imaginum occubuerunt: de quibus passim in Mart. VVion noster, & nos Tomis diversis.

Honori Ecclesiæ hoc anno egregiè cōsuluit in Gallia præcipuè Sanctus Theodulphus noster Abbas, & Episcopus Laubiensis, ad conversionem infidelium destinatus: innumeri item in Gallia, Hispania, Belgio, Anglia, Germania, Sancti, ut nunquam a nos minus comptos, quam in tanta plenitudine describamus. *Vid. rer. Belg. Gall. Hist. omnes omnino scriptores.*

A.C. 736.

S.P.N. 256.

AVgiensis in Germania nostra, potentissimi dein Cœnobii, primis jam annis fructus fuit, ut ad summos Præfulatus ejus dulcedo expeteretur, proin duodecimo ab exstructione aſio, Erentridus, loci illius Monachus summo Ecclesiæ Con-

stantiensis bono inde extrahitur, qui tantum eo in munere se præstitit, ut Monachos ex ambire Episcopatus ille multis sæculis non desineret, tandem Monachos pro Canonicis adoptaret, ut, & aliis quoque non per Germaniam solum, sed & Italiam, Galliam, Hispaniam, Angliā, &c. locis, non per alios quàm Monachos plurimæ Ecclesiæ Cathedrales administrarentur. *Vid. Tep. Reinerus, Greg. Mangol. &c. & de Ernfredo Chron. Constant. Manuscr. 7. Chron. S. Blas. Constantia nostra sacra profana Roman. Aleman. &c.*

A.C. 737.

S.P.N. 257.

Nequissimi hostis opera, hæresis Germaniam pervasit, qua tractum Bonifacii prædicatione ortum, & maturum, præfocatum inferus voluit. Quod igitur Bonifacius sibi decertandum sciret, non solum adversus Gentiles, quorum causam receperat Apostolatū, sed & adversus Hæreticos, ea occasione, atque etiam ad eundi limina Apostolorum, & coram Pontificem venerandi, sed & plura functione Apostolatus sui attinentia impetrandi, perfectionis consilium coepit, Romamque sequenti anno pervenit. *Bayonius.* Hoc ipso anno Celeolulphus potentissimus, Northumbriæ Rex, ille ipse, cui Beda noster suam Historiam inscripsit, cum annis octo imperasset, imperando fessus, parere in cucullo utilius judicavit, & stupente universo eo se induit in Cœnobio nostro Lindisfarnensi, in quo post vitam sanctissime exactam, sepultus est juxta S. Cuthbertum Archiepiscopum, cujus miracula, quæ ad sepulchrum ejus innumera fiebant, quanti apud Deum meriti, indicant. *Continuator Bedæ. Matth. VVestmon. Tepes, VVion. Hieron. Platus, &c.*

A.C. 738.

S.P.N. 258.

Inter innumera nostrorum, nihil cogitare libet, neque licet, quam Magnū Germaniæ Apostolorum Bonifacium, qui meritis prægnantissimus, innumera prole Ecclesiam beavit. Is hoc anno Romam profectus, plurimis pietatis studio comitantibus, benigne à summo Pontifice, digne à populo Romano exceptus est. Retulit Romam reversus multas Sanctorum exuvias, quibus Germaniam nostram ditavit, si nullo alio Titulo Dotatoris dignissimo Titulo, tanto liberalius honorandus, quanto istæ, divitiis omnibus præstant, & loca etiam, quibus invehuntur, efficiunt veneranda. Baron. In Germaniam reversus Bonifacius, de Boiariis æternum meruit,

fuit, & plurimos eorum Christo adjunxit.
Stengel. in Chron. Fribald.

A. C. 738.

S. P. N. 259.

MORTE Magni Clementis, Sanctissimi nimirum VVillibrordi, memorabilis annus, de cujus meritis, quamvis multa superius, nihil tamen retulisse censendi sumus ita facultatem dicendi omnem superavere. Fuit Apostolus non Frisæ solum utriusque, & Borealium omnium, quæ Pipino parcere Regionum sed zelo in super Christianæ fidei incensus, ad extremos usque, & ferocissimos Daniæ populos penetravit, Ongendo ipsi eorum Regi venerandus, qui tamen fera omni crudelior, indignum Fidei dono se ipsum fecit. Moriturus ad suum Epternacense Monasterium se contulit, quo nimirum exemplo orbi universo esset, quam in cœnobio mors omnibus expetenda, ubi quique cura omni solutus soli Deo atque animi sui salutis totus intenderet. De miraculis ejusdem, aliisque vitæ præclarioribus, constructis Cœnobiis, reparatis Ecclesiis, Alcuinus noster, vitæ scriptor consulatur, & tomi nostri SS. Ord.

S. Bonifacius, suo jam more pergit æternum de Germanis mereri Episcopos ordinando diversos, Gentiles convertendo, Hæreticos revocando, Ecclesias, Cœnobioque passim moliendo de quibus fuisse rerum Germ. Scriptores.

A. C. 740.

S. P. N. 260.

DEBET hoc anno Monasticæ cellulæ, quietem, salutem, felicitatemque potiore emergens è sæculi fluctibus Sanctissimum Occidentalium Saxonum Rex Inas, artibus belli, & pacis, inclitus, is ipse qui immortalis nomine, rarissimo exemplo de Ecclesia Romana est longe meritiſſimus, quippe præter multa dum imperreret Sanctissimè instituta, & facta, Basilicam Velleiæ magnifico apparatu, D. Andree Apostolo Sacram, eandem Episcopali sede illustriorem fecit, Glasconienſe item Princeps templum extruens, & multis possessionibus locupletans, nostrorum esse voluit, ac denique Romam profectus ubi Regnum suum Romano Pontifici vestigale fecisset, adeoque opes S. R. E. egregiè amplificasset, & Apostolicæ sedis honori splendidissimè cōsuluisse, cuculum amplexus, eodem à Sanctissimo Gregorio nostro investitus in Sanctorum à morte Catalogum referre meruit. Inter alia in Regno dignè curata, quo suos

ad benè beatèque vivendum institueret, Sanctissimas leges condidit; Hæ fuerunt,

Legum Religioſarum lib. unus.

Statutorum Municipalium lib. unus.

Ad Greg. II. Epistola una.

Vid. Yepes, VViô. Matth. VVestmonast. Hier. Platus, Baronius, Bisciola, &c.

Hoc eodem anno, celebrato in Germania Concilio, summa auctoritate jussu Gregorii nostri Summi Pontificis præſider Sanctus Bonifacius, magno Ordinis nostri laude, & bono Germaniæ, imò Ecclesiæ universæ longè maximo. De canonicis in eo sancitis cōsul. Bar. on.

Longobardorum Rege denuo contra Pontificem, incitatione Cæsaris, insurgente, Gregorius à Carolo Marcello Francorum Duce auxilium implorat. Extant litteræ in quibus, bis illum Christianissimū filium appellat, propagato ad hæc usque tempora honorificetissimo titulo, quem, haud minima nostrorum laus est, à Benedictino Pontifice profectum, hodieque cum Galliæ potentissimis Regibus suspici ac deprædicari. *Vide Baron. Bisc.*

A. C. 741.

S. P. N. 261.

IN Cœlum evolat Sanctissimus noster Gregorius tertius, de cujus meritis sanè maximis, & præter supra memorata, plurimis constructis ac reparatis, in urbe præfertim Cœnobiis atq; Ecclesijs, Centumcellensisque civitatis muris, pene à fundamentis fortissimè eductis, videndus Anastasius. Inter alia quæ scripsit extant.

Commonitorii ad Leonem, & Constantinum Imp. lib. I.

Ad eod. lib. I.

Contra eod. lib. I.

Epistolarum, lib. &c.

De eo Hieron. Platus lib. 2. de bono statu. Rel. c. 28. ubi de nostris Pontificibus, & Greg. II. egisset; *Alterius, inquit, (Gregor. III. intellige) etiam Gregorij, nobilitata est sanctitas, & fortitudo ipsius præsertim præliis, quæ pro Catholica fide gessit, adversus Leonem III. Imp. Hæreticum, & sacrarum imaginum hostem, quem etiam ob hanc causam Imperio, & fidelium communione privavit. Atque ut eo nihil fortius contra inimicos, ita nihil mitius ac liberalius in pauperes, viduas, pupillaque quorum omnium Pater ac Tutor vulgo appellabatur, &c.*

Creatus quam primum fieri potuit in ejus locum, è nostris rursus alius assumptus, Sanctus Zacharias ejus nominis primus, vir insignis sanctitatis, mitissimi in-

ingenii, &c. legat. Anastasius, qui paulo post subdit; *Divino nutu prænominatus Sanctissimus Pontifex Zacharias ad Pontificatum est elevatus, cui omnipotens Dominus tantam contulit gratiam, ut etiam pro salute populi Romani suam ponere animam non dubitaret. Missa igitur legatione ad Regem Longobardorum Luitprandum, salutaria illi pradicavit. Cujus Sancti viri admonitionibus inclinatus, prænominatas quatuor quas à Duce Romano abstulerat civitates, reddere promisit, &c.* Tantum primo Pontificatus anno profecit profuitque Sanctus hic Pontifex noster, unde facile cetera ejus liceat estimare.

De Carolomanni Regis laudibus, qui hoc anno successit Patri, alibi dicendum.

A.C. 742.

S. P. N. 262.

Constanter pro Ecclesia laborat S. Bonifacius, adjuvante pios conatus Carolomanno Rege, cui accepto Regno nihil potius, ac prius fuit, quam eodem benè uti, Apostolico viro Bonifacio obsequi, illique consulere, quæ ad Religionem cõservandam non solum, sed & propagandam spectare viderentur. Coacta proinde utriusque, & Regis, & Episcopi opera, Synodo, cui jubente Zacharia Romano Pontifice Bonifacius præsedet, multa summo Germaniæ bono, & sequentis sæculis exemplo, definita, & decreta sunt: quæ hodieque extant, teste Baronio; Sæcularibus, & Ecclesiasticis utilia.

Sed Zachariæ Pontificis, quis satis præconia celebret? aut merita verbis seu litteris explicet? qui opinione Sanctitatis, etiam apud hostem tantum potuit, ut non solum resistere porro non auderet, sed & quacunque postularet concederet. Debet eidem hoc anno, Patrimonium suum Divus Petrus, à Longobardorum Rege, admirando sanè modo, receptum, quod ut prolixius commendaremus, utinam Benedictinæ Historiæ compendium admitteret. Sed Anastasius requirendus. Quippe Luitprando differente an tergiverlante, quas promiserat superius Vrbes reddere, ipsum Pontificem Interamnæ agentem conveniendum putavit à quo honorificentissimè exceptus, piis admonitionibus ita ejus animum flexit, ut non solum dictas restituerit Vrbes, sed & Sabinenſe Patrimonium, quod 30. ferè ante annos fuerat ablatum, insuper Narniense, & Auximanum, & Anconitanum, nec non, & Polimarenſe, & Vallem quæ dicitur Magna in Territorio Sutрино, per donationis Titulum Principi Apostolorum

reddiderit, pacem cum ducatu Romano per 20 annos firmarit, captivos denique omnes diversis ex provinciis illi donarit.

Hoc eodem anno S. Erckenbodus noster Morinensium Pontifex, & Antistes Bertinensium, morti concedens Superis jungitur. Is quanti fuerit meriti, vel eo fit satis manifestum, quod in hanc usque diem tanta veneratione colatur & frequentetur. *Iperius, Molan. Meyer. Miraus, Locrius, &c.*

A.C. 743.

S. P. N. 263.

Grandi peste Germaniam hoc anno, & Regna vicina liberavit Sanctissimus Bonifacius noster, victis condemnatisque nequissimis duobus Hæreticis Adelberto, & Clemente, de quibus constat ex litteris Zachariæ ad ipsum, ut & exactis Concilii alterius, grandi commodo Germaniæ, & summa auctoritate Bonifacii nostri celebrati, ut meritum ex merito perpetua serie oriatur. Invere strenuè Bonifacium optimi & Religiosissimi Principes Pipinus, & Carolomannus, uterque nostris addictissimi, & quasi pro ministris Apostolo nostro servientes, de quibus dignissima admiratione in Epistola ad Bonifacium Zacharias, hæc habet. *Indicasti nobis quomodo, & qualiter tetigisset Deus corda excellentissimorum filiorum nostrorum Pipini, & Carolomanni, ut tibi in predicatione socij, & adjuutores esse niterentur ex inspiratione Divina, quorum merces copiosa manet in caelis; quoniam Benedictus homo, per quem benedicitur Deus, &c.* Tanti ac tales nostrorum opera hi Principes evasere.

A.C. 744

S. P. N. 264.

Luitprandus Longobardorum Rex moritur, vel ex eo maximè hic nomine memorandus, quod præter admissa in Ecclesiam, & Pontificem præclare gestis plurimis excelluit, & de ordine nostro æternum meruit, multis extructis, & egregiè dotatis Cænobiis, quibus res Monachica mirificè adjuta & propagata. *Baronius, &c.*

Celebravit hoc anno Synodum Romanæ, utilissimus rursus Ecclesiæ, Zacharias, in qua 13. capita sancita de Ecclesiastica disciplina.

Consuluit insuper Ecclesiæ universæ, & imprimis Alemannicæ viginti septem capitum responsione dignissima, & æternum profutura, ad quæ sita Pipini, in ea Epistola benè longa, quam profert hoc anno Baronius ex cod. MS. Vaticano. leg.

Eodem

Eodem ipso anno Princeps illud, & lō-
gē celeberrimum ac potentissimum Ful-
dense Monasterium construitur à S. Bo-
nifacio, opes suggerente, & ministrante,
Rege Carolomanno; ex quo Litterarum
omnium, & probatissimæ viræ atque san-
ctitatis Athæneo, quanta Germaniæ non
solum, sed terrarum Orbi universo, lux af-
fulserit, emanarit felicitas, & emolumentū,
necij quidem ignorant, qui rerum, & lit-
terarum omnium ignari sunt, ita toto Or-
be Cænobiū hoc pro meritis celebratur.

A. C. 745.

S. P. N. 265.

Rursum celebrato in Germania Con-
cilio summa auctoritate præest San-
ctus noster Bonifacius, in quo multa utili-
ter decreta, & iidem, de quibus superius
Hæretici damnati, exauctorati, & incar-
cerati: gesta ejus concilii eodem anno à
Zacharia confirmata. *Baron. Miræus, &c.*

Ipso hoc anno Primus Moguntia Ar-
chiepiscopus ex incertæ antea sedis Ar-
chiepiscopo creatur, idem Magnus Ger-
maniæ Apostolus, ut rursus debeat no-
stris Metropolitana celeberrima sedes
Moguntina, primum, & continuatum tot
sæculis honorem, insuperque tanta San-
ctitate Patronum atque Antistitem. *Ex
Miræi Ann. Belg. Baronio, &c.*

Nec mereri satis habuit Bonifacius de
sua jam Germania, nisi & sollicitus de reli-
cta Patria, Regno nimirum Angliæ, omni
modo atque opere consulere; extat ejus
ad Æthelbaldum Regem Epistola, qua
zelo charitatis exæstuans, nihil odia prin-
cipis veritus, de gravissimis eum non solū
iple sceleribus arguit, sed & Concilii au-
thoritate id facit. Quo exitu incomper-
tum: hoc certum, biennio post Regem à
suis miserandum in modum contrucida-
tum. *Ann. Eccles.*

A. C. 746.

S. P. N. 266.

Duplex, & immortale, præter innu-
mera alia, præ aliis tamen spectatissi-
mum Germani anno uno accipiunt à Bo-
nifacio beneficium, duobus potentissimis
conditis seu institutis Præfulatibus, quos
primo statim tempore nobilissimis duo-
bus, & Sanctissimis commendavit Epi-
scopis, Aychstettensem VVilibaldo, &
Herbipolensem Burcardo; de quibus am-
plius suo loco dicendum. *Hermann. Con-
tractus, &c.*

Anno eodem evecto ad Cælos Ernfrido
Constantiensis, ex Monacho Augiæ
Episcopo, Sidonius ex Cænobio eodem

eligitur, Episcopatus quidem utilis, cui
multis post sæculis, multum successores
debuere, ejus nimirum in gratiam Ielonii
Colmariensis redditus annuos à Bertrada
Pipini conjugē, mensæ Episcopi accessis-
se; nemini vero quam Monachis sibi que
ipsi iniquior, quos gravi animi sui dispen-
dio, seu professo odio appetiit, Sanct. O-
thomarus, S. Galli Abbatem, Cænobio
pellendo, seque ipsum intrudendo; quem
tamen omnia in Cænobio pro suo arbi-
trio disponere parantem, Divina mox ul-
tio consequuta est: Ad S. Galli quippe
profectum, jamque templum turbulentē
ingressum ante ipsum S. Galli altare repē-
te corripuit; ita ut eodem loco (ita non-
nulli, alii prius in Augiam deportatum
volunt) profluvio ventris, extis etiam e-
rumpentibus, miserando & terribili mor-
tis genere, intolerando cum fœtore ani-
mum efflarit, cum Episcopatus annis 13.
præfuisset. *Ex constantia nostra profana, &
Constantie Benedicta. to. 1. & 2. Contra-
cto, Manlio. Alf. Chron. Const. Rerum San-
gall. Script. &c.*

A. C. 747.

S. P. N. 267.

Stupendum hoc anno æternis sæculis
Exemplum Carolomanni Austrasiæ
Regis qui hoc anno à lummo, sed præci-
piti Regni fastigio, ad tutius Monasticæ
humilitatis iter descendens, post Odilo-
nem Baioariæ Regem, Homoaldumque
Aquitaniæ Principem, Alemannos, Sa-
xones, &c. seu debellatos, sive vi terrore-
que repressos, potentissimo Principatu
abdicato (tam latè nimirum patēte, ut 12.
olim Regibus suffecerit) in Monte Sora-
cte Cænobio condito, nostris se ultro Le-
gibus emancipavit. Ita Contractus. De
eodem Hier. Platus. M. Ant. Scipio. Tri-
them. Sigebert. Lamb. contra Baron. Ve-
rum propter Urbis propinquitatem, quo-
tidianos Francorum concursus molestē
ferens, ignotus Casinum contendens,
pro ignoto inter Casinates Monachos
admittitur, & humillimis exercitiis ejus
Virtus probatur. Sed inferius alia.

A. C. 748.

S. P. N. 268.

Sanctus Sturmus, sive Sturmio Romæ,
atque inde Casinum profectus, juben-
te Sanct. Bonifacio, ut inde, tanquam à
fonte Monachismi, perfectionem obser-
vantia Regularis reportaret, qua nimi-
rum, tanto majore utilitate, quanto et-
jam majore auctoritate, recenter per Ger-
maniam conditis sub Regula D. P. N.
Benedicti

Benedicti Monasteriis, consuléretur, Vniformitate in omnibus servata, cui se libentius omnes accommodarent, eo quod à Principe Ordinis Cœnobio profecta essent. De quo consulendus doctissimus P. Clemens Reynerus in suo Apost. Anglic. *Cajet. VVion. Tepes, &c.*

De celebritate Dedicati à S. Zacharia PP. Cœnobii Casinensis legatur Leo Ostiensis, ut & de privilegiis ab eodem hoc anno concessis.

A.C. 749.

S.P.N. 269.

Sanctus Swibertus noster, non satis habens, dum viveret de terris ac militante Ecclesia immortaliter meruisse, novo merito, ut grandi prodigio, hostes Ecclesiæ juratissimos Saxones, westphalosque vincit, ac profligat. Eos primum lubege- rat Pipinus, sed per compendia itinerum ac devia, majores audentia ac furore re- versi, dum, Regi optimo exitium immineret, ipse ad terram prostratus Deo & D. Swiberto supplex, vovet si victor evadat, Swiberti tumultum, tum proceribus supplicem se visitaturum. Quo nuncupato voto, statim lux imensa super exercitum Christianorum splendens paganos adeo exterruit, penè excacatos, ut consilio celeriter inito, duos ex primoribus ad Pipinum miserint, se dedentes, & quæ viderant exponentes. Quibus auditis Pipinus lætus cum suis proceribus ad terram abiectus, Deum adorans, & gratias agens, acceptis obsidibus S. Swiberti sepulchrū discalceatus cū Regalibus muneribus, & oblationib⁹ piè visitavit, & deinceps Swibertum in specialem Patronum, & advocatum adoptavit. *Ex Epistola Ludgeri Monasti. &c.*

In Oriente nova exurgente Hæresi, pridem extincta Gnaphei in lucem revocatur, cui nisi citius S. Ioannes Damasce- nus occurrisset sui celebritate nominis, ingentem intulisset cladem Ecclesiæ. Ita Baronius. Extant ejus contra eandem Hæresim scripta, quæ ex parte, idem Baron. recitat, viro à Spiritu S. Illuminatissimo dignissima.

A.C. 750.

S. P. N. 270.

Obstupescantibus universis, Rachisius Longobardorum Rex potentissim⁹, tertio quam Carolomanus Rex Cœnobium inierat, Regno feliciter administra- to renuncians, regio abdicato cultu, Monasticum iplomet impertiente Zacha-

ria suscepit, & Cassinum contendens S. P. M. institutum complexus est. Nec mino- ri Religione idem institutum amplexa Thesia Regina conjunx, ac Tatruda filia, ædificato, prope Cassinum montem Vir- ginum Cœnobio, eodem se concludere. Rachisius agello sibi postulato, vineam jubente Abbate coluit. Omnes ex in Sanctitate eximia florentes, pro terreno sem- piternum Regnum indepti sunt. *M. Ant. Scipio. Tepes VVion. &c.*

A.C. 751.

S.P.N. 571.

Hoc anno rursus novo merito S. Bonifacius noster Moguntinæ Cathedra consulens, eam Metropolitanam cōfirmari, certis subjectis Ecclesiis impetra- vit, sed & Fuldensi suo Cœnobio prospiciens, privilegia exemptionis, ut nulli nisi Rom. Pōtifici subiaceat à S. Zacharia ob- tinuit. *Vid. Brovverus, Bisciola, &c.*

S. Carolomannus quondam Rex toto orbe spectatissimus, toga sagoque felicis- simus, Casini, incognitus, indignus, exer- cetur, & coquinæ servitio tantus Princeps deputatur. Nactus coquum insigniter morosum, præter contumelias, verbera, & colaphos, frequenter, & patienter, ac- cepit, & tulit. Longa sic patientia probatus, ex Rege denique factus opilio, sce- pro in pedum commutato quotidie ju- bente Abbate educebat ad pascua gre- gem, adque caulas reducebat. Imbecillem aliquando oviculam in humeros sub- latam, lotio ab eadem inter eundem per- fusus, eam fœditatem, ac sordes nihil ab- horrens, ad Cœnobium deportavit, & tanta humilitate summam vitæ sanctitatem paravit. *M. Ant. Scipio. Rader. & ex parte Hieron. Platus Tepes VVion. &c.*

A.C. 752.

S. P. N. 272.

Consuluit hoc anno egregie Franco- rum Monarchiæ S. Zacharias noster Rom. Pontifex Pipinum in Regnum Gal- liarum subvehendo. Is in civitate Suef- sionum à S. Bonifacio nostro in Regem unitus, & regio honore sublimatus est, ut nemo satis deprædicet, quid à nostris hoc ipso Gallia acceperit tanto Rege, & ab eo natis, & ornata, & exaltata. *Vid. Ann. Gall. script.* Obiit eodem anno post Pon- tificatum Sanctissimè, & utilissimè admi- nistratum S. Zacharias noster, inter San- ctos, & noster ferè omnes, pro meritis re- latus. Successit Stephanus II. quo mox post 4. dies vita functo, summo universi bo-

bono è nostris rursus eligitur S. Stephanus III. Cassinensis Monachus, verus pauperum pater, cujus prima cura in Pōtificatu fuit plura statim Xenodochia partim restituere, partim construere. Baron. Bisciola. Scipio, &c. In Bavaria florent e-
gregia Sanctitate Sanctissimus Altho-
noster, in cujus hoc anno gratiam Pipin⁹
Rex Altomonafteriense Cænobium cō-
didit, & largissimè dotavit, quod dein per
Guelphones Principes usque tertio trans-
latum, hodie Vinearum nomine, inter
præcipua Germaniæ celebratur. Ferunt
S. Althonem primum loci Abbatem, ubi
cultro arbores circumscripsisset, easdem
absque labore à fratribus dejectas, in ulū
Cænobii celsisse. Fuit Cænobium VVein-
gartenſe, securissimus longo seculorum
decurſu Principum procerumq; Germa-
niæ è pelago mundi hujus emergere cu-
rantium portus, & viris, generis splen-
dore, doctrina, & sanctitate, ad hæc usque
tempora celeberrimis claruit. Fuit postre-
mus ferè Sanct. Bonifacii in Germania la-
bor, susceptum, jussione divina, iter, ad
nostrum D. Althonis Cænobium, ut illud
solemni Ecclesiæ ritu, ac cæremonia con-
secraret, una dein cura qualiter à se Ar-
chipræsulis honorem abdicaret, & in suo
Fuldenſi Cænobio ad optatissimam Cel-
lulæ quietem reverteretur. Sed alii nimi-
rum provinciæ, quod paulo post videbi-
mus, servabatur. *De his fuisse in diversis no-
stris operibus, vinea præsertim nostra, & Con-
stantia Benedicta.*

Nonantulano Cænobio in agro Muri-
nenſi constructo, summa omnium admi-
ratione, principatum cucullo post habuit,
& à se abdicavit, Anselmus Foro julienſi-
um potentissimus Dux Aistulphi Longo-
bardorum Regis affinis, in quo Imperio
omni potiore, Sanctitatem, & vitæ sum-
mam perfectionem meruit, ut eum inter
Sanctos Ecclesia veneretur. Abbas deni-
que electus mille ducentos omnino Mo-
nachos Sanctissimè imperio jam novo
continens, cælo utique manipulum gran-
dem intulit. *Bar. Xepes, Vvion.*

A. C. 753.

S. P. N. 273.

Sanctissimus Metropolitanoſter, & A-
postolus Bonifacius, ultimo in Frisiam
se confert. In ea quanto fructu, ut nusquā
fine maximo, ageret ex ejus Vita agnoscitur,
quam gravi stylo, VVilibaldus ipse
composuit, & plures dein in tanti Præsuli-
lis rebus præclare gestis, memorandis,
VVilibaldum secuti sunt. Sed antequam

A. B. pars I.

luos relinqueret, ne pastore eodẽ desti-
tueret, iisdem consensu Pontificis Maxi-
mi, Lullum præfecit, Sanctissimæ Vitæ
discipulum, & Magistro zelo Religionis
proximum, quem Moguntina Archiepi-
scopalis sedes rursus Benedictino Ordi-
ni debet, ut nunquam se debito sit ex so-
lutura, nisi agnoscendo beneficiis impa-
rem esse, Tanta se à nostris accepisse. Bo-
nifacius ad Frisios delatus plurimis illic
sacris Deo ædibus exstructis, brevi tem-
poris spatio prædicando tantum profuit,
ut virorum atque mulierum multa millia
sacro fonte ablueret. *Ex vita, & Germ.
Script.*

A. C. 754.

S. P. N. 274.

Sanctus Sturmio admiranda effulget
sanctitate, & meritis gravissimis beatif-
simam Germaniam facit, non Monacho-
rum solum sanctitate illustrium copia,
quorum quadringentos jam ille in Cæno-
bio habebat, sed verò maximè etiam lit-
teris, quas primus ille, universali, quasi stu-
dio Germaniis invexit, Monachorum a-
liis, choro vacantibus, aliis lectiones pu-
blice prælegentibus, nonnullis, Græca
volumina, in sermonem Latinum vertē-
tibus. Ex quo uno Cænobio, velut in ex-
hausto fonte, in diversissimas exin roto
orbe provincias copiosissima doctrinæ
flumina derivata. Quod tanto magis in
Sturmione nostro commendandum,
quanto difficilius explicatu est, mundo
exhausto quodammodo doctorum viro-
rum ingeniis, ex hoc Cænobio, velut sa-
pientiæ, eruditionis ac optimorum penu,
verba Ioan: Bonifacii Hispani sunt, tot E-
piscodos, Archiepiscopos, &c. prodiisse.
Vid. Trithemius, Broverus, & Bonif. cit.

Sanct. Stephanus noster Summus Pō-
tifex in Gallias priore anno delatus, labo-
re itineris, lethali morbo contracto, divi-
na visitatione recreatus, & (tanti Numen
Pontifices nostros fecit) per Apostolos
Petrum, & Paulum, & gloriosum Marty-
rem Dionysium Sanitatem recepit, & ab
eisdem jussus altare dedicare in S. Diony-
sii Basilica, in honorem B. B. Apostolorū
Petri & Pauli, inter ejus consecrationem
Pipinum, & duos ejus filios Carolum,
& Carolomannum cum Bertrada uxo-
re, unxit in Reges Francorum, aucto-
ritate Beat. Petri obligans Francorum
proceres, ne unquam perpetuis tempo-
ribus, alium quam ex ea stirpe præsumant
Regem Fran. constituere. *Baronius, Biscio-
la, Ferr. Locrius, Miræus, &c.*

L

A. C.

A. C. 755.

S. P. N. 275.

HOC denique anno Aistulphus fæd-
fragus, & periurus Longobardorum
Rex, perfidiæ venia impetrata, cogente
Pipino in gratiam cum Stephano Pontifi-
ce redit, & ablata restituit. In gratiam ve-
rò ejusdem Sanctissimi Pontificis Dona-
tionem amplissimam Pipinus cum filiis
fecit, firmavitque quod Stephani nostri
meritis hodieque Pontifices successores
debent. Ann.

Clauditt tandem Apostolici sui mune-
ris functionem hoc anno fine felicissimo
Gloriosissimus Germaniæ universæ, nec-
non Frisiæ Apostolus sanctissimus Boni-
facius, qui in Villa Dockum, ab impijs qui-
busdam ficariis, cum sociis Monachis
quingenta duobus, cōtrucidatus Mar-
tyrio coronatur. De corpore ejus Traje-
ctum, dein Moguntiam, denique Fuldam
transportato, vitæ auctor pluribus narrat.
consulendus in lib. Antiqu. Fuldenf. Bro-
werus. Memoria dignissima Epistola illa,
quam paulo ante Martyrium Fulrado S.
Dionysii Abbati, quasi mortis suæ præci-
us destinavit, ex qua Apostolorum no-
strorum, verè Apostolico exemplo, sine
baculo & pera proficiscentium, non pin-
gues provincias, aut Principum mensas
sectantium, zelum laborum famique to-
lerantiam, aliorum item è nostris (quod in
hanc usque diem cōstantet observatum)
eidem ope, & opibus succurrentium prō-
prietudinem agnoscas. Sic habet.

Bonifacius gratia Christi Episcopus,
carissimo Confacerdoti Ful-
rado Presbytero.

*Deprecor ut meo verbo gloriosum, & amabilem
Regem nostrum Pipinum salutes, & ut illi refe-
ras, quod mihi, & amicis meis similiter esse vi-
detur, quod vitam istam temporalem cito de-
beam finire. Propterea deprecor magnitudinē
Regis nostri, pro nomine Christi filij Dei ut mi-
hi nunc viventi indicare, & mandare digne-
tur, circa discipulos meos, qualem mercedem no-
stram de illis facere voluerit. Sunt enim penē
omnes peregrini quidam presbyteri, per multa
loca, quidam Monachi per cellulas nostras, &
infantes ad legendas litteras ordinati: sunt et-
iam aliqui Seniores, qui longo tempore mecum
viventes laborare, & me adjuvabant. De
his omnibus sollicitus sum ut post obitum meū
non dispergantur. Et propterea hoc fieri ma-
ximè peto, quia presbyteri mei prope Marcam
paganorum pauperulam vitam habent; panem
acquirere ad manducandum possunt sed vesti-
menta ibi invenire non possunt, nisi aliunde*

*consilium & adjutorium habeant. Et si pietas
Christi hoc vobis inspiraverit, per hos missos
meos presentes, aut per litteras pietatis vestre
hoc mihi mandare non dedignemini, ut eo lati-
or in mercede vestra, vel vivam, vel moriar.*

In qua Epistola illud observandum Pres-
byteros, qui Monachi fuere, à potiore,
quod est Sacerdotiū, denominatos, quod
tanti fecit Bonifacius, ut jam Fulradum i-
psū potentissimi jam Cœnobii Abba-
tem, non aliter quam presbyterum, & Sa-
cerdotem compellet. Quod, & alibi, & in
vita, observandum.

A. C. 756.

S. P. N. 276.

MAgistri sui Bonifacii exemplum di-
gna æmulatione consequutus, San-
ctus Sturmio Fuldensis Cœnobii Abbas,
non satis habuit, Monachis suis, ad San-
ctiorem vitam exemplo esse, juventutem-
que Germanicam Fuldense ad Monaste-
rium, velut celeberrimum tunc toto or-
be terrarum, liberalium artium empo-
rium, convocare, nisi ad exteras ipse pro-
vincias progressus, Prædicationis quoque
munus susciperet. De hoc Apostolici viri
munere sic Breviarium Majoris Ecclesiæ
M. S. Venerabilis itaque Sturmius Abbas,
anno decimo, postquam Fuldense fundaverat
Cœnobium, & ibidem multos in servitium
Dei coadunaverat, Sanctique à DEO dilecti
Magistri sui Bonifacii triumphum passionis
consummatum esse cognoverat, destinatus à
Rege Carolo, ad gentem Saxonum fidei subju-
gandam, modis omnibus curam adhibui, ut
populum Domino non parvum acquireret; in-
stans, oportune importunè, docebat eos ut idola
& simulachra vana derelinquerēt, & Ecclesias
edificarent. Cujus prædicationis instantia,
dicta gens Saxonum mollita, Domino credi-
dit, & à Beato viro Christiana Religionis initia
sumpsit, &c. Refert idem in Abbatum Ful-
densium Chronologia Christophorus
Browerus, Sturmionem Apostoli Titulo
honorans; Saxoniam, inquit, doctrina, &
& vitæ exemplo Apostolus illustravit, à condi-
to Cœnobio circiter decimo, Christi DCC. LIV.
Verum in anno satis graviter exerrans
particula circiter non nihil dilatata, de-
ceptus nimirum verbis illis ex Breviario
Manuscript. citatis (Ann. decimo post-
quam Fuldense fundaverat Cœnobium)
cum extendendus potius fundati Cœno-
bii annus fuerit, ad ejusdem Cœnobii ab-
solutionem, cum certum Bonifacium nō
ante Christi Ann. 755. Martyrio corona-
tum, & multi pro an. 756. laborent, Chron.
Fuld. Brower. Mas. &c.

A. C.

A.C. 757.

S. P. N. 277.

INTULIT hoc ipso anno Magnum Cœlo gaudium ingens se ipso trophæum meritis maximis locupletissimus, Sanctus Stephanus Tertius Orbis, & Urbis Pontifex, qui primus supremi honoris Majestatem, & ornamenta in Cœnobiorum Princeps, Casinense invexit. In Pontificatu, præter reliquarum virtutum præsidia, quibus per Cœnobii sacra exercitia, egregie instructus, insigni fortitudine optimi Principis partes, ac numeros omnes explevit. Primum omnium ad Ecclesiæ laborantis, rationes, & commoda conversus, Lateranensem conventum indixit, in quo adhibitis ex Italia, Galliaque præfulum sapientissimis, dissolutam Cleri disciplinam, pro temporis, & rerum opportunità, severioribus statutis coercuit. Deinde Michaellem, diris gravibus devotum ob invasum Ravennatem Archiepiscopatum, benevolentia nimirum Desiderij Longobardorum Regis, nihil reveritus Principis iracundiam, constantissime deiecit. Multaque alia magnanimitatis tanto honoris apice dignissimæ specimina edidit. Posuit in hoc muneris altissimi maximo labore, annos tres, & paulo amplius, & magno sui relicto desiderio decessit; sepultus in Basilica Principis Apostolorum VI. Kalend. Maji Indictione X. De hoc Marcus Antonius Scipio noster in suis Abbatum Casinensium elogiis. *Monachorum gens, unde tantum lumen, & decus in publicum prodit, non tantum Alumni sui amplissimis honoribus insignitur, gloriaturque, quam, quo in supremo dignitatis gradu, Religiose disciplina apprimè memor, ac tenax, privatis suis rationibus publicas res; magistratu ac vita potiore semper habuit Sanctitatem.* De eodem Anastasius Bibliothec. & ex hoc Benedictus Luchinus ubi de obitu Sanctæ Zachariæ nostri Summi Pontificis: *Idem vero Sanct. Papa Zacharias debitum natura exsolvens migravit ad Dominum, & Stephanus Sanctissimus, ac Beatissimus, & Casinensis Cœnobij Sol splendidissimus in Apostolicam sedem Pontifex subrogatur.* Observandum tamen in hujus dignissimi viri Pontificatu, multa cū Stephani IV. rebis gestis confundi, quem alij diversa supputatione, omisso Stephano alio, qui paucissimis diebus præfederat, tertium appellant. Vt & illa putantur, quæ de dejectione Michaelis Raver-natis, alij atque alij tertio, & quarto assignant. Sed cuicumque debeantur, quia uterque nostris, uterque item Sanctitate ra-

ra excelluit, hoc opere decidere nihil refert, præstat in Chronicon nostrum universale differre.

A.C. 758.

S. P. N. 278.

EFFECERE hoc anno summa Monachorum nostrorum merita, & optima de ejusdem concepta à Desiderio Longobardorum Rege spes, ut in eos affectu propensissimus, nihil non in eorum gratiam faceret, amplis muneribus Cœnobia ditaret, aliqua à fundamentis excitaret, ac nova conderet. Inter ea præcipuum ferè, quod Numini, & honori Sanctissimi, & Admirabilis Patris nostri Benedicti extruxit, & nūcupavit in agro Brixiano, de quo hoc anno Baronius. Sed Ansilbergæ, Regis ejusdem filia, longè dignior de nostris æstimatio, quos Regnis omnibus, ac immensis opibus, longè superiores admirata, non prius conquievit, quam felici eorum contubernio bearetur. His denique sub hunc annum se addixit, Ordinem ptesa in Cœnobio S. Salvatoris, & S. Iulii Brixien-si, quod pater ejus Desiderius extruxerat, & amplissimis redditibus locupletarat, in quo denique Abbatissa, annis plurimis religiosissime supervixit. *Vid. Morigia in Historia Mediol. l. i. c. 8: Bergomensis in suppl. Chron. VVion.*

Ejus exemplum paulo post consequuta ejusdem soror Hermingardis, cucullo item spem Regis mariti, ac Regni posthabuit, quam in regimine Cœnobij ejusdem Ansilbergæ successisse tradit wion noster lib. 4. cap. 24. *Ligni Vita.*

Admirandum item hoc anno contemptus sæculi exemplum Eadbertus sive Egbertus potentissimus Northumbriæ in Anglia Rex se ipso edidit, quando amplissimi Regni, viginti jam ipsos annos summa felicitate, & dexteritate administrati, habenas rejiciens, fessus honoribus in Cœnobium se recepit, & Monachum S. P. N. professus, parendo multo se feliciorem, quam imperando, putavit non solum, sed expertus est; in quo vitæ instituto pluribus annis ad mortem usque felicissime militavit. De eo Baronius: Eodem anno egregium specimen Religiosissimi Regis edidit Eadbertus Rex Nondanumbro-rum in Anglia, cum sublimioris Christianæ Philosophiæ amore nuncium remittens Regno, Osnulfo Filio relinquens illud, inter Monachos profiteri coepit.

A. C. 759.

S. P. N. 279.

EFFULGET hoc anno, & admirandæ Sanctitatis radiis Germaniam universam illumin-

illuminat, Sanctissimus, & Deo dilectissimus Abbas Cœnobii Sangellensis in Helvetia Othmarus, illustri inter Rhætos sanguine editus, & de Sanctiss. illo multorum millium perfectissimorum Monachorum Domicilio, longè meritissimus vir, indignissimè habitus; ut Martyr occubuit. De ejus vitæ præclaris fusè *Walafrid. Strabus, Mezler. MS. Sangall.* extantque Germaniæ universæ, decantatissima, ut consulo superfedeamus.

Hoc anno cum Vvarinus, & Ruadhardus, Alemanniæ pro Pipino Imperantes, bonis Cœnobij inhiantes incumberent, Othmarus rei indignitate permotus, Pipino facinus exposuit, isque graviter, ni ablata restituerent Principibus interminatus est. At illi neglecto mandato cum Abbas rursus Regem adiret, retractum ex itinere in vincula conjiciunt, & Lamberto ejus Monacho persuadent, ut viro castissimo libidinis impingat crimen, quo deponendi occasio ministraretur. Mox in calumniæ testimonium, Lambertus divina ultione percussus, febrium vexatione persuasus, membrorum vigore resolutus, paulatim sic contractus est, ut capite ad terram more quadrupedis inclinato, non solum deformitate figuræ terribilis esset, verum etiam viva voce in Sanctum peccasse semper fateretur. Verum Othmarus in carcerem detrusus, longa illic fame dire excruciatum est, donec à discipulis Perrechtgozus occultè ad carceris fenestellam pervadens, alimenta subinde Abbati suo ministraret. *Vid. cit.*

A. C. 760.

S. P. N. 280.

Sanctus idem Othmarus Abbas altero exilii anno, in Rheni insula Stein felicissimè moritur 16. Kalend. Decemb. cujus corpus in eadem insula tumulatum multis illic diebus mansit incorruptum. Decennio verò evolutus, cum effossa terra corpus discipuli eruerent, absque ulla corruptione repertum integrum ad D. Galli per Rhenum atque Potamum evehunt. Prodigijs ea in navigatione à Deo rarissimis vir Sanctissimus honoratus, grædi exorta tempestate, & metuenda mole surgentibus fluctibus, verum navicula adeo concussa, ut nec appetita videretur. Fugiente, quacunque tenderet, procella, & utrinque à latere eandem in muri speciem muniente. Sed & præcipitantibus undique imbribus, ne guttula quidem in navem incidit, cereique ad caput ac pedes sacri corporis inextincti, nihilque à ven-

torum turbine passi, indeficiente cera lumineque ad usque Cœnobii Divi Galli, navigantibus miranda luce præfulsere. Cœvexerant navigantes, in frugalem mensam, & virium suppetias alimentis non nihil, & parvo in flacone (sic vocant veteres lagenulam) pauxillum vini, unde vix quisque gustaret, nedum siti, satisfaceret crevit miraculo vinum, adeo ut quantuncunque, & quotiescunque bibentibus, nunquam deficeret, quoad saturati omnes DEO tribuenti gratias retribuerent. Pro fuit dein admirandis prodigijs in Cœlo Divus, hodieque velut in terris redivivus, per sacras sui exuvias, dante Deo, de ægris debilibusque ac afflictis, meriti non desinit, & circumjacentium undique Hæreticorum errores convellere, & nequitiam pertinaciamque confundere; ut inter meritissimos hodie quoque jure meritissimo sit referendus. Vid. supra cit. & maximè Mezlerus in lib. 8. rerum Sangal. ubi hoc anno contra quosdam alios mortuus asseritur. De Sidonii Episcopi Constantiensis, S. Galli ex in jura invadentis, (velut ab obitu Abbatum sæpius jam olim Episcopos multa sibi arrogasse ex cautione Sancti Gregorii Magni superius docuimus) miserando interitu, non paucis ante hunc annis, & priore ipse quoque Baronius, qui, & hoc alio paulo mitiore exemplo, ab ambiendo res Ecclesiasticas Principes deterret; Sancto Remigio nimirum Pipinum Regem per jussu flagellante, dum Princeps optimus putaret licitè se bonis Ecclesiæ cujusdam uti potuisse, sub censu annuo, Pontifice in plures pro meritis Ecclesias, id ei concedente. Remigii inter afflicta verbera hæc exprobatio fuit. *Tu, quid hic facis? quare intrasti in hanc cellam, quam mihi te de votior homo dicit: quamque ego Ecclesiam Domine mea S. Dei Genitrici donavi?* Pipinus valida exin correptus febre, ex ea longè post graviter laboravit: Addit Baronius: *Discant homines quam periculose, si ve sub annuo pratensu censu, si ve alio modo, homo laicus, possideat res Ecclesiæ quas sæpe invitatus ac nolens, fatigatus precibus, vel aliis compulsus occasionibus, vel deceptus falsis suasionibus Pontifex Romanus illis possidendas indulget.*

A. C. 761.

S. P. N. 281.

Hoc anno in Anglia moritur Sanctissimus, & nullis ritè laudibus promeritis celebrandus Eboracensis Archiepiscopus Egbertus, cum annos Ecclesiæ suæ prætuisset, summa utilitate, unde triginta.

Fuit

Fuit felicissimus, hic Pontifex, si nulla re alia, Discipulo, & digno non solum Monastica perfectionis, sed & scientiæ omnis æmulo, B. Albino, sive Alcuino Flacco, quem jure orbis Univerfus, velut Archimagistrum, absolutissimum scientiæ omnivariæ, morum, atque Religionis Professore suspicit ac veneratur. Sed meritissimus insuper, Egbertus ipse, utpote qui teste Baronio, sed & Flacco ipso, inter alia insignia opera publicum litterarum sacrarum Gymnasium Eboraci instituerit, eamque insuper Ecclesiam (à Monachis etiam tunc, & diu post, ut pleræque Cathedrales Angliæ habitam, & habitatam) nobili valde Bibliotheca dotaverit. *Vid. cit. & de Monachatu Cathedrali fuscè Clemens.* Reynerus, unde colligas, quam paucissima nos ex innumeris depromam, & minimè quæsitis in rem nostram argumentis, exemplis, & meritis utamur, qui dante Deo, pro singulis, quæ nunc obiter notamus nostrorum meritis sexcenta, & mille proferemus, cum tamen meritum nec umbram quidem adumbrare nos posse, ultro confiteamur.

A. C. 742.

S. P. N. 282.

Sancti, & verè Venerabilis Bedæ nostri celebranda memoria, qui sub hæc tempora doctrina, & sanctitate admirandus, toto terrarum orbe habebatur, adeò ut, quod Sanctorum contigit nemini, etiam viventi is honor in Ecclesia haberetur: receptis nimirum ad Divinum Officiū Homiliis, quas ipse composuerat quodque Sanctitatis Titulus viventi non congrueret, iidem sub nomine Venerabilis (non Sancti) publicè recitatis. Quod deinceps ad perpetuam rei dignissimæ memoriam, viro Sanctissimo perpetuum mansit, ut venerabilis à morte diceretur. Habuit in tota vita nihil prius quam ut vel oraret, vel legeret, vel scriptitaret ac doceret, quod facilius credet, qui libros ejus numeraverit. Ita de se ipse: *Cum essem septem annorum cura propinquorum datus sum educandus Reverendissimo Abbati Benedicto, ac deinde Ceolfrido, cunctamque ex eo tempus vita in Monasterii habitatione peragens, omnem meditandis Scripturis operam dedi, atque inter observantiam Disciplinæ Regularis, & quotidianam cantandi in Ecclesia curam, semper aut discere, aut docere, aut scribere dulce habui. Ut cum Malmesburienfi mirari liceat virum, qui in extremo natus orbis angulo, doctrinæ corusco, terras omnes perstrinxerit. Sane ita celebre viventis Bedæ, teste Trithemio nostro, nomen fuit, ut in quæstionibus enodandis, indigeret eo subli-*

mitas Romana. Syllabum eorum quæ scripsit, quæque solum extant 8. Tom. distincta, & A. C. M. DC. XII. Colonia edita, promamus, quo de tanti viri laboribus, & meritis, etiam tomos illos non habentibus constet, & ea unius viri magnitudine cæterorum longè plurium, atque celebrium eodem ex Ordine dignitatem submeriaris:

Cunabula Grammaticæ artis Donati.	lib. i.
De octo partibus Orationis.	lib. i.
De arte metrica.	lib. i.
De schematibus scripturæ.	lib. i.
De Tropis S. scripturæ.	lib. i.
De Orthographia.	lib. i.
De Arithmeticis numeris	lib. i.
De computo Dialogus.	
De divisionibus temporum.	lib. i.
De Arithmeticis propositionib.	libell.
De ratione calculi.	
De numerorum divisione.	
De loquela per gesta digitorum.	
De ratione unciarum libellus.	
De argumentis lunæ	
Ephemeris sive computus vulgaris.	
De Embolismorum ratione computus	
Decem ovals circuli.	
De Cyclo Paschali.	
De mundi cælestis terrestriæque constitutione	lib. i.
De Musica Theorica.	
De Musica quadrata seu mensurata.	
De circulis Sphæræ, & polo.	
De Planetarum, & signorum cælestium ratione.	
De Tonitruis.	libell.
Prognostica temporum.	
De mensura Horologii.	libell.
De Astrolabio.	libell.
De minutione sanguinis.	libell.
De nativitate infantium.	libell.
De septem mundi miraculis.	libell.
Hymni.	
De ratione Computi.	libell.
De Natura rerum.	lib. i.
De ratione temporum.	lib. i.
De sex ætatibus mundi.	lib. i.
De Temporibus.	lib. i.
Sententiarum	libellus ex Aristotele.
Sententiarum	libellus ex Cicerone
sive Axiomata Philosophica	
Proverbiorum.	lib. i.
De Substantiis.	
Elementorum Philosophicæ.	lib. 4.
De Paschæ celebratione sive de Æquinoctio vernali.	lib. i.
De divinatione mortis, & vita.	
De arca Noe.	
De gentium linguis.	

- Sybillina oracula.
 Gentis Anglorum Ecclesi-Hist. lib. 5.
 Epitome ejusdem Historiæ.
 Vitæ aliquot Sanctorum.
 Martyrologium.
 De situ urbis Hierusalem.
 Interpretatio nominum Hebraicorum,
 & Græcorum in S. Bibliis.
 Exceptiones, & collectanea quædam.
 Hexameron.
 In Genesin expositio.
 In Exodum explanatio.
 In Leviticum explanatio.
 In lib. Numeri explanatio.
 In Deuteronomium explanatio.
 In Samuelem Prophetam allegorica
 expositio. lib. 4.
 In libros Regum quæstiones.
EXPOSITIO,
 In Esdram, & Neemiam Allegor. lib. 3.
 In lib. Tobie Allegor.
 In Iobum. lib. 3.
 In Parabolas Salomonis lib. 3.
 In Cantica Cantic. lib. 7.
 De Tabernaculo, & vasis ejus, ac vesti-
 bus Sacerdotum. lib. 2.
 In Matthæum. lib. 4.
 In Marcum. lib. 4.
 In Lucam. lib. 6.
 In Ioannem.
 In Acta Apost.
 De Nominibus locorum in Act. Apost.
 In D. Iacobi Epistolam.
 In primam Divi Petri.
 In secundam ejusdem.
 In primam, 2. & 3. S. Ioan.
 In Epistolam Iudæ.
 In Apocalypsim Ioan. Apost.
 Retractationes in Act. Apostol.
 Quæstiones in Acta Apost. sex.
EXPOSITIO IN EPISTOLAM,
 S. Pauli ad Rom.
 S. Pauli priorem ad Corinth.
 In posteriorem.
 ad Galathas.
 ad Ephesios.
 ad Philippenes.
 ad Colossenses.
 priorem ad Thessalon.
 posteriorem ad Thessal.
 primam ad Timotheum.
 secundam ad Timotheum
 ad Titum.
 ad Philemonem.
 ad Hebræos.
 Homiliæ æstivales de tempore. 33
 Homiliæ æstivales de Sanctis. 32
 Homiliæ Hyemales de Tempore. 15
 Homiliæ Quadragesimales. 22
- Homiliæ Hyemales de Sanctis. 16
 Sermones ad populum varii.
 Scintillæ sive loci communes.
 De Muliere forti. libel.
 De officiis. libel.
 Fragmenta quædam in lib. Sapientiæ,
 & Psalterii.
 De Templo Salomonis. lib. 1.
 De sex dierum creatione. lib. 1.
QVAESTIONES.
 super Genesin.
 super Exodum.
 super Leviticum.
 super Librum Numeri.
 super Deuteronomium.
 super Librum Iesu Nave.
 super Librum Iudicum.
 super Librum Ruth.
 super Libros quatuor Regum. lib. 1.
 In Psalmorum librum Commentaria.
 Vocabulorum Psalterii expositio; item
 de diaspalmate collectio.
 Commentarius in librum Boethii de
 Trinitate.
 De septem verbis Christi Oratio.
 Meditationes passionis Christi per 7.
 diei Horas.
 De remediis peccatorum.
 Hos posterorum sera cura, egregii Eccle-
 siæ Doctoris labores è cineribus eruit, præ-
 ter plures alios etiamnum irreperitos, de
 quibus cõsulenda vita ejus in fronte ejus-
 dem Operum Coloniae editorum.
 A. C. 763. S. P. N. 283.
IN Alcuinum velut Archimagistrum u-
 niversi, & summum litterarum atq; ar-
 tium liberalium dictatorem omnium ob-
 tutus defixi, & nomen ejusdem, ac præco-
 nia omnium ore versantur. Is Londini pri-
 mum Monachum professus, in Cantuari-
 ensi dein Cænobio plures annos vixit. Po-
 stea Eboraci publicè sacras litteras profes-
 sus, è ejus schola cum alii viri excellētes,
 tum S. Ludgerus, ex Monacho primus
 Monasteriensis Episcopus, & Apostolus
 prodire. Sed & Cantabrigiæ post Bedam
 omnes liberales artes docuisse, Academię
 Cantabrigiensis Annales ferunt. Ita ut
 hoc ipso tempore, jam longè ante de uni-
 verso meritissimus Alcuinus, præstantissi-
 mos juxta doctrina ac Sanctitate Magi-
 stros, diversissimis regnis formaverit, &
 multo cum fructu, uni ferè eidem referē-
 do, submiserit. Sed de meritis ejusdem
 prodigiola multitudine, & magnitudine
 admirandis, suo tempore fusi, certè sæ-
 pius. *Matth. V. Veiss, Lycao Bened. Clem. Rey-
 nerus, Ant. de Tepes, V. V. d. n. &c.*

A.C. 764.

S.P.N. 284.

CLaret eximia Sanctitate, sed & doctrina rarissima laude Sanctissimus Hariolphus noster, Lingonensis in Gallia Ecclesiae Pontifex, qui longè illustrior Pontificatus amplissimi abdicatione, quam ipsa sui electione, tunc multo digniorem se ostendit, quando honorem rejecit, quam quando acceptavit, quamvis eodem dignissimus, & pro meritis electus fuerit. Enituit verò multo felicius cucullo, & Cœnobio, quod ingressus hoc anno, omnium magna admiratione, & paulo post, à Carolo Magno primus Elwacensium Abbas institutus, mira dehinc Sanctitate, utilitatem Monachismi commendavit. Eum VVion noster ex Abbate Episcopum, sed contra Claudius Robertus, ex Episcopo Abbatem asserunt. Videndi Molan. in additiō. ad Uluardum. *Ferrarius tab. Topogr. Martyrol. Posssevinus in appar. Chron. Elvacens.*

Tanta Sanctorum hoc ipso tempore ex ordine nostro prodiit copia, ut non nisi per legiones esset numeranda, cum ex tot Cœnobiis millibus, quæ hoc anno jã constructa erant, vix paucissima sit reperire, cujus non sub hoc ipsum tempus, insignes aliquot Sanctitate, & doctrina Monachi essent celebrandi, cum tamen sequuturis proximè sæculis longe plures, ut & meriti majoris, totum penè universum impleverint. Consulendi qui de Orig. Cœnob. scripsere. *Aub. Miræus, Brusch. Claud. Robertus, Yepes, &c.*

A.C. 765.

S.P. N. 285.

ORnat Ordinem amplissimum, & Ecclesiam universam meritis gravissimis lætificat Sanctus Gregorius noster ex Monacho VViltaburgensi Trajectensi Pontifex (ita Othlonus; quem alii nunquam fuisse consecratum Episcopum, sed Ordinis secundi Antistitem, graduque presbyterum, & Abbatem, Apostolatum, & diœcesin amplissimam habuisse cōtendunt) vir rara, & admiranda vitæ Sanctitate, ut & præcipuè in Ecclesia auctoritatis, quam ex eo manifestè colligas, quod Maximo illi Germanorum Apostolo Bonifacio, Comes itinerum, consorsque laborum, ac secundus Thuringiæ pastor accitus, in Apostolico ex munere, eidem succedere meruerit, ad sublimissimam illam functionem à Sanctissimo Papa Stephano dignissimus judicatus, atque elevatus, insigni exin fructu in Frisonia labora-

vit, Dorstadi præcipuè, & Trajecti Apostolus nuncupatus. Eum vitæ Sancti Ludgeri Scriptor Grandium meritorum virum appellat, & viventem etiamnum *Luciferam Christi Ecclesiae lampadem* Sanctus Lullus Moguntinensium Pontifex salutat. De eo Gerardus Noviomag. Catalogo Episcoporum Trajectensium: Gregorius, inquit, à Bonifacio Sanctissimo Præsule, Vltraiectino populo in Episcopum ordinatus: quæ in opere Evangelico D. VVillibrordus, & Bonifacius inceperant, impigrè perfecit. Vt proin rursus Apostolo huic æternum Orbis, & Ecclesia debeat Monumentum.

A.C. 766.

S.P.N. 286.

VEnerabilis Bedæ nostri in hunc circiter annum mors referenda, quamvis eam plures alii, sed nimium sanè acceleraverint, nonnulli Ann. Christi 734. Sigibertus 731. obiisse putant, sed quia ad 766. annum opus Epitomes produxisse constat, neque aliud vitæ longioris dignum suppetit argumentum, nos isto vivere desisse arbitramur. De meritorum ejus copia pauca ex innumeris superius, ut nunquam dignius commendemus, quam liberè profitendo, cōmendationi ejusdem facundiam omnem imparem, multitudini meritorum, numerum omnem nimis brevem esse. Admirandum prorsus, virum ætate exacta, debilem, exhaustum, & morti proximum, quamvis emigrationis suæ præsciis esset, & orandi studium multo ardentius quam unquam antea complecteretur, à docendo tamen atque dictando nihil quidquam remisisse, quin potius, excitasse discipulos, ut identidem quærerent ac discerent, cum non diu deinceps habituros Magistrum ipse prænunciaret. Cūque jam dies ascendendi in cœlum Christo sacer appeteret, totus, & ipse in cœlo fuit, ascensuro similis magis, quam morituro, atque in illa oratione. *O Rex gloria Domine virtutū, qui triumphator hodie, &c.* Sanctissimum reddidit spiritum. *Ex vita, ante ejus opera Colō. excusa, & ex Lyceo Bened. R.P. Matth. VVeis, alma Vniuersitatis Salisburg. Rectoris.*

A.C. 767.

S.P.N. 287.

In Oriente Catholicorum ingens persecutio, sed Monachorum imprimis, ex quibus plurimi Ordinem etiam nostrum professi, pro cultu Sanctarum Imaginum fortissimè decertantes, gloriosissimo Martyrio coronati, Cœlum triumpho,

terras meritis impleverunt. Videndus hoc a^{no} Ant. noster de Yepes, & frequentius passim, &c. *VVion. alique.*

In Occidente, licet sine sanguine hoc anno, æquid tamen laboribus, & fructu ingenti, nostri in Vineâ Domini defudarunt. Multos ex Episcopis enumerat Yepes noster sub hæc tempora, nos unius meminisse, lat habeamus, Abelis Sanctissimi Lobicensium Abbatis; Archiepiscopi ad conversionem gentium designati, viri meritis spectatissimi, qui plurimis ædificatis Ecclesiis post longa prædicationis, & discursuum incommoda ad lucrum denique æternum abiit, cujus festum nonis Augusti agitur. *De eo vid. Molanus, Yepes, Trith. l. 3. & l. 4. Cratopol. VVion, &c.*

A.C. 768.

S.P.N. 588.

ELigitur summo Ecclesiæ bono; quam plures Pseudopontifices diu multumque affligere, Sanctissimus Stephanus noster, Papa ejus nominis IV. ex Monacho S. Chrysogoni Romæ ad Summos quovis honores à diversis ante Pontificibus evocatus, in quibus ita sese pro honore Ecclesiæ gessit, ut ejusdem clavum denique moderari dignissimus haberetur. Is more nostrorum veteri, ad juvandam Christi Ecclesiam illico conversus, quæ per hæc tempora gravissime turbaretur, Legatos ad Francorum Reges pro Concilio congregando destinavit. *Leg. Baronius, Yepes, VVion, Platina, Trith. Panvinus, Hieronym. Platus.*

Celebratissimus fama hoc eodem tempore per Europam, & Germaniam imprimis nostram Etho, sive Hettho ex comite Habsburgio, Monachus Augiensis Cœnobii deinde ejusdem Abbas, ac denique Episcopus Argentinensis, egregius Simoniacæ Hæreseos expugnator, quam sua præcipue diocesi proscribens, multis insuper Cœnobiis exstructis, dotatis, & ad integriorem Sacrarum Legum observationem adductis, de Ordine nostro, & Episcopatu suo æternum meruit. *Bernard. Herzog. Arnoldus VVion, Antonius de Yepes, MS. Chron. Augiensis. &c.*

A.C. 769.

S. P. N. 289.

PROVIDIT Ecclesiæ universæ Sanctissimus Stephanus noster Summus Pontifex, celebrato Romæ Concilio, in quo gravissimis malis occurrit, abrogatis ante omnia Constantini Pseudopontificis committis, omnibusque ejus Concilii actis combustis, & ne qua deinceps ejusmodi pestis

Romanam Sedem invaderet, lequuturis quoque sæculis cavens, statuit, nequis imposterum nisi Diaconus, aut Presbyter Cardinalis ad Pontificatum assumeretur; ut omnia Constantini in acta Ecclesiastica irritarentur, præter Baptisma & Crisma; ut Episcopi Presbyteri, Diaconi, cæterique ab eo consecrati, iterum cōsecrarentur; Severissima item censura in Pseudopontificem eundem animadvertunt: Sicque Baronio teste, *Omnibus invasoribus Apostolica Sedis, occlusus est aditus, veluti alto interiecto pariete, quo profanum esset à Sacro divisum, &c.* Neque hic solum vigilantia meritissimi Pontificis nostri constitit: cōfirmato eadem etiam in Synodo, cultu sanctarum imaginum, quem impius Imperator Constantinus sustulerat; quod ipsum significare per litteras, eidem crudelissimo Tyranno minime exhorrescens, serio insuper admonuit, ut ab errore desisteret; *Ex Hadriani Epistola, Anastas. Baron. Bisc.*

A.C. 770.

S. P. N. 290.

NEC minore Constantia idem Sanctissimus Stephanus, meritissimo cæteroquin Principi, Carolo Magno, Galliarum Regi, hoc anno, Pontificatus sui tertio, se opposuit: quando de Caroli ejusdem cum Desiderii Longobardorum Regis filia cōtracto connubio rescians, sub gravissima, & Sanctissima adjuratione, & sub Anathemate interdixit, prudentissimè rursum Ecclesiæ universæ consulens, ne in ejusdem præjudicium perfidæ Longobardorum genti, Romanæ Ecclesiæ intensissimæ, Reges Francorum fœderati, animos hostium plus nimio attollerent, & ad opem dein ferendam, ipsi tegniores fierent. Sed & de Galliis æquè meritis, sollicitè iisdem cavit, ne præclarissima gens, per perfidam, horridam, & fatentem Longobardorum gentem (sic enim ipse appellat) pollueretur. *Baronius.*

Caroli quoque res peregre regiæ gestæ, hoc aliisque annis, Ordini nostro in acceptis referendæ, qui nostrorum consiliis non solum à puero, sed verius dixerimus nutu, & pro arbitrio Rex ducebatur. Alcuini in primis, quem ipse Magistrum à puerilibus annis habuit, ejus, denique opera, restituto passim, admirando fructu, liberalium artium studio, de universis orbe, & sæculo immortaliter meruit, aliorum dein plurimum nostris, quos ille pro rariore vitæ Sanctimonia, ut Magistros, imò parentes reveritus, nihil non quam pro illorum voluntate,

tate, & jussione administravit. Celebratum connitente eodem, ac suadentibus nostris hoc anno Concilium VVormatiense, in quo post dignam fidei confessionem, octoginta Canonibus, bonum Ecclesie insigniter promotum est, de quo consulendus Sever. Binius, Baron. &c.

In Gallia, Germania, Belgio, Anglia, Scotia, &c. plena Sanctorum Monachorum, plura Cœnobiorum millia, de quorum fertilitate alibi plenius. In Hispaniis celebratur doctrina, & Sanctitate clarissimus è densissimis Regnorum illorum tunc tenebris exsplendescens S. Beatus Monachus de Valcanado, acerrimus Hæreticorum hostis, de quo vid. Morales Histor. Hisp. l. 12. c. 26. & 27.

A. C. 771.

S. P. N. 291.

HOc anno repudiata à Carolo Magno Francorum Rege Hermingardis Regina, quod vitio corporis infœcunda esset summa voluntate Desiderii Longobardorum Regis, Patris sui, in Divæ Iuliæ Brixienſi Cœnobio Monachismum professâ, virtutis exemplo fœcundissima, novo vitæ instituto felicissima fuit, ut facile potentissima Regna fastidiret, quæ nobilitatem servitii Christi experta, jam in atriiſ domus Dei verſaretur. Meruit exin à morte sororis suæ B. Anſilpergæ eodem in Cœnobio Abbatiſſæ communi omnium voto eidem succedere, & multo digniore, quam Galliarum Principatu, dilectissimis Regum Regis ſponſis, præſſe atque imperare. Ita Yepes, VVion, &c.

Offensus gravissimè divortio hoc Sanctissimus Princeps Adelhardus, Pipini nepos, ac Caroli Magni confobrinus, viginti tunc annorum juveni, illico valefaciens aulam, quod indignum Carolo facinus putaret, nec aspicere quidem illum ultra ſuſtinuit. Ad Corbiense Sanctissimum Gallie Cœnobium delatus, cuculli amori, ſpè omnem gloriæ potentiæque poſthabuit, illoque donatus atque Monasticen professus, ne lautius cæteris haberi videretur, horti cura demandata, jussus est, in sudore vultus ſui, manducare panem ſuum, profecitque obedientia, humilitate, & omni virtutum fama, ut admirandus paulo poſt toto orbe haberetur. Ex vita, Yepes, Baron. VVion, &c.

Claruit hoc eodem tempore, præter plurimos Regum potentissimorum, & Principum filios, Ægidius Pipini Regis Gallie filius, frater Caroli M. exemplum S. Carolomanni Patruſi ſequutus, & in eo-

dem quo primum ipſe, Cœnobio montis Soractis Monachum professus, ut vel uno tot Principum exemplo diſcas, quanti cœnobio, & Cellulæ Monachorum faciendæ, quæ ſummis orbis proceribus, veluti civitas refugii, & portus quietis, ac æternæ ſalutis, tam utiliter, tot ſæculis patnere. Vid. Miraus in Stemmat. Princ. & in Annal. Belg. Yepes, Reuſnerus, &c.

A. C. 772.

S. P. N. 292.

Afflixit graviter hic annus bonos omnes, morte Sanctiss. Stephani Papæ funestus, qui multis profligatis, erroribus meritissimus admiranda constantia, inter impetuosiſſimos fluctus, incôcuſſus ſemper rara inſuper ſanctitate conſpicuus, enituit. De meritis ejusdem rebusque præclare geſtis fuſè Anaſtaſius, Platina, Baronius alii que.

Ad immortalia hoc anno regna conſeſſit Sanctissima Princeps Amelberga, admirando Virginitatis triumpho inclyta, quem in Martyrologio ſuo refert wionius noſter his verbis ſexto Id. Iulii. In portu Gandano, in monte Blandinum dicto, Sanctissima Virginis Chriſti Amelberga: cuius brachium, conſregit Carolus Marcellus Princeps, dum eam ſibi ſponſam rapere volebat: quæ planè cœpiſſet, niſi pudicitia virginis de eo triumphans obſtiſſet. Monasterium Belſiſſe ingreſſa, & velo aſſumpto, Ordinis noſtri inſtitutiſ initiata, Magiſterio Sanctiſſimæ Landradæ ita profecit, ut ex in rara celebris ſanctitate, etiam à morte inter ſanctas Virgines Pontificia auctoritate referri, & coli per univerſum meruerit. Ejus vitam ſcripſiſſe S. Trudonem refert Molan. de eadem Rayſius, Mir. VVion, &c.

A. C. 774.

S. P. N. 294.

Irradiat mundum, & Germaniam maximè noſtram Apoſtolicus ſanè vir, admiranda ſanctitate illuſtriſſimus S. Virgilius, Salisburgeniſ, ſive Iuvanieniſ Pontifex, ex Monacho Ordinis noſtri, & Abbate S. Petri Salisburgeniſ, S. Joanni ex ejusdem Cœnobij Monacho, & Abbate, Episcopo, ſuſſectus. Præter innumera, quibus de Iuvaviſſibus meruit immortaliter, merita jecit circa hunc annum fundamenta templi Cathedralis Auguſtiſſimi, admiranda amplitudine, ſectò marmore rarè in Germania noſtra exēplo, firmiſſimi, quod duorum annorum ſpacio felicissimè abſolvit. Operat⁹ per eū Deus cū Baſilica illa ſtrueretur miraculū planè inauditum, ſed Virgilio quotidianum:

num: quippe pecuniam ipse operariis in pelvim conjiciens, ut inde sibi quisque quantum ea die meruisset ipse acciperet; prohibitis grandi prodigio singulis plusculum accipere, quam labori diei cuiusque, & personæ conveniret. Transtulit in absolutam Basilicam Magnus Præful, cum corpore Sanctissimi nostri Rupert, Boioariorum Apostoli, & primi Salisburgensium Episcopi, Cathedralē quoque sedem, & Collegium Monachorum Canoniorum, eousque Episcopis ē Monasterio S. Petri assumptis, & à Monachis Cœnobij ejusdem electis, atque abdicata à se Abbatia, quam juxta Pontificatum antecessores moderabantur, soli deinceps Episcopali muneri sollicitè intendit; copia benefactorum, & præclarissimè gestorum id cōfectus, ut inter Cælitēs solemni Romæ Pontificis Canonizatione adscriptus, alter à Divo Ruperto, sed pari honore, Patronus, & Tutelaris Archiepiscopus Salisburgensis perpetuo colatur, & celebretur. Retulit ad annum 767. initia templi Salisburgensis per Virgilium eundē Hundius, sed à seipso diversus, quando ante quatuor annos à Stephano Pontifice Romano creatum, duobus à Rege Francorum Pipino ob eruditionem, & sanctitatem detentum, alijs duobus Pontificalibus abstinuissē affeverat, quæ omnia nimis quam incongrua, dum paulo post quarto nimirum ab creatione ann. 767. postulantibus subditis consecratum affirmat: Sic quippe nec Stephano III. Papæ, qui obiit Anno 757. nec quarto, qui primum electus 768. convenire consecrationem Virgilij quarto ante 767. anno nemo non videt, ut proin jure merito ab ejus opinione discessimus, sed plura ejusmodi in alijs nostris operibus discussa atque examinata componemus.

Fundatum hoc anno potentissimum Campidonense in Rhætia Cœnobiū in Imperio Romano spectatissimum per S. Hildegardem Caroli Magni conjugem, natam Sueviæ sive Alemanniæ Principē, ex quo multi deinceps spectatissimi per Imperium Principes summo Ordinis, patriæque ornamento atque cōmodo prodire, de quibus alibi. *Ex Manuscr. Chron. ex Crusio, Bruschio, &c.*

A. C. 775.

S. P. N. 265.

Implet universum, meritorum fama Sanctissimus Saxonum Apostolus ex monacho, & discipulo Sanctissimi Germanorum Apostoli Bonifacii Moguntinus Archie-

piscopus Lullus, de cujus prædicatione, atque meritorum etiamnum superstes multis egit idem ejus Magister dignissimus. Qui requirendus in libr. Epist. & ex parte apud Christ. Browerum in Antiqu. Fuld. *De eo Vincent. in Spec. Herman. contract. Molan. Baron. &c. extatq; vita ejusdem Tom. 5. Surij 16. Octobr.*

Plurima condita circa hos annos Cœnobio celebrat Antonius Yepes noster, ut plurimum rursum debeat Ordini nostro cœlum multis perfectorum Monachorum millibus ex hinc locupletatum, terra verò universa, tot tantorum suffragiis toties adjuncta, & æternum juvanda.

A. C. 776.

S. P. N. 296.

Morte felicissima ad immortalitatem transit Sanctissimus Gregor. noster Ultrajectinus Pontifex, Thuringiæ, Dorstadi, & Trajecti meritissimus Apostolus, Sanctitate vitæ, & miraculis planè admirandus. Ejus vitam scripsit S. Ludgerus ejus discipulus, quā refert Christoph. Browerus in fidei viror. Illustr. Germaniæ, Yepes alijsque.

Eodem ipso anno occumbente præclarissimo hoc Ordinis nostri sydere, oritur, & non dissimilibus radijs orbi illucescit, ejusdem Sancti Gregorii discipulus, & vitæ auctor primum memoratus, Sanctus Ludgerus, quippe Alberico à Gregorij morte, in locum ejusdem, ac sedem subrogato, non visus dignior, qui Alberici successor, in S. Salvatoris Trajectensi Cœnobio esset, quam Ludgerus, Magisterio Greg. ad omnem Sanctitatem, ut Alcuini plures ante annos, in omni scientiæ genere effectus atque instructus. Exortus est grandibus meritis, ut & laboribus, solum munus jam Abbas Ludgerus, & in Frisiā, ac finitimos ad Saxones, Princeps eorundem Apostolus futurus quamprimum excurrit, & pro virili, & incredibili zelo ac fidei ardore, in vinea Domini, nullis unquam fractus laboribus, strenuè sudavit. *Ex ejus vita Browero, VVione, Yepes Trithem. alijsque.*

A. C. 776.

S. P. N. 296.

IN Germania claret rarissima admiranda Sanctitatis laude Sanctus. Wilibaldus Richardi Angliæ Regis filius, ex Monacho V. Valtheimensi, dein Casinensi Primus Eistettensium Episcopus, præclarissimus Germaniæ Apostolus, olim Magni illius Bonifacii nostri coadjutor egregius, qui verbo, virtute, atque exemplo pluri-

plurimas gentes convertit ad Christum. Extant ejus res gestæ apud *Gretserum, Stengelium, Reginoldum, Trith. &c.*

Sanctissimæ VValpurgæ sorori ejusdem (eodem Patre Richardo Rege, & Matre Bona, five Vvna S. Bonifacii sorore genitæ) annus supremus fuit, quæ à Bonifacio avunculo ex Anglia evocata, dignissimo tanè exemplo Heydenhamensi Virginum Cœnobio præfuit. De ejus admirandis, in compendio rerum immensarum tantillo, scribere superledemus, perpetuum tamen ex innumeris miraculis, in hodiernum usque diem continuatum præterire non possumus, quin attingamus, quorariissimam utique in Virgine integritatem, prodigiosissimè Deus universis, mûdo, & sæculis commendatum voluit: Stillat usque hodie castissimæ Virginis corpus, sacrum oleum maximè ex pectoralibus, quod cæcis lumen, surdis auditum, claudis gressum læpe cõtulit: observatum etiam ex hoc Sanctum oleum tunc cum Corporis, & Sanguinis Christi Mysteria in Altari sub quo conditum corpus, tractantur, copiosius stillare; Tunc verò cum vasa pro ejus receptione indebite disponuntur, cohærere etiam guttas in modum botri (prodigiosissimum!) ne extra locum debitum cadant; sicut etiam evanescere penitus læpe solet, minus honesto vase, aut loco, ubi peccari solet, repositum. Religiole verò servatum ad ducentos aîos incorruptè perdurasse comperitum est. Istud mirabilius, quod tum aliquando Civitas Eystettenfis Ecclesiastico subjaceret interdicto, stillare penitus cessaverit, usque dum Ecclesiæ restituta est. Quo tempore, cû Episcopus indicto jejunio, nudis pedibus lineis vestibus exutus, cum universo populo solemnem supplicationem ad S. VValpurgam instituisset, sub confectionem Ss. Sacramenti rursus ubertim fluere lacrum oleum, cum ingenti omnium gaudio cœpit, cujus, anno integro, prius nullum vestigium apparuerat. *Ex vita S. Vvunibaldi per Steng.* Vt videas quantum in hodiernam usq; diē etiam Sacræ Virgines (rumpantur licet Hæretici, & detractores, in exemplo, & vitæ sanctitate Ecclesiæ conducant, quæ etiam à morte operari, terris prodigiose, ita volente, ad confusionem errantium, Numine, nunquam desinunt.

A. C. 777.

S. P. N. 367.

HOc circiter anno Sanctissimus Sturmio Fuldenfis Cœnobii dignissimus

Abbas assumptis aliquot discipulis in Saxonum fines profectus verbi divini prædicatione, & virtutum magnarum exemplo eorundem pervicaciam, & Idolomaniam constantissimè oppugnavit, demû ad interiores etiam Saxones, quibus Evangelii fax nondum illuxerat, se conferens, doctrina verbi, & exhortatione Sancta, eosdem pro virili Christo, adducere cœpit; profecitque tantum continuo labore, ut idola suis ipsi manibus comminuerent, dæmonibus consecratos lucos exciderent, & verò Deo templa erigerent, id consequutus, ut haberetur tanquam alter Bonifacius, Thuringorum, & Saxonum, wederoviæ in primis celeberrimus Apostolus. *Ex vita ejusdem per VVicetum Brovverum, &c.*

Ipso quoq; anno Campodunense Cœnobium sumptibus B. Hildegardis Caroli Magni conjugis cum templo absolutum, pompa solemni ab iplo summo Pontifice consecratur, *ex Manusc. Bruschio, Crusio, &c.*

In Galliis claret Turpinus ex Monacho S. Dionysii Parisiensis Rhemorum Archiepiscopus, inter innumeros nostri Ordinis viros Sanctitate, & doctrina conspicuos, Caroli Magni amicitia, & familiaritate maximè celebrandus, *vir, Trithem. nostro teste, in Divinis Scripturis eruditus, & in secularibus litteris nobiliter doctus, carmine, & prosa exercitatum habens ingenium, pauperum advocatus, vita, & conversatione Deo dignus.* Scripsit eleganter gesta Caroli ejusdem libris duobus. Epistolarum ad diversos lib. I. *Repes.*

A. C. 760.

S. P. N. 280.

Mltus in Caroli Magni laudibus hoc anno Baronius, adeo ut à Deo Ter. Opt. Maximo tituli partem mutuetur, (dissimili tamen sensu) Carolum Ter maximum deprædicare non vereatur, bellicanimum fortitudine, scientia, & pietate celebratissimum. Atqui nostrorum institutione litterarum, & pietatis non solum rudimenta posuisse, sed & assiduo convictu, litterarumque instituto cum iisdem commercio Theologicam denique facultatem ita imbibisse, ut ipsum Magister etiam suus ipse Alcuinus subinde cõfuleret, rerum nostrarum scriptores omnes dignè cõmemorant. Neque enim, quod Baronio, idem illico omnibus videtur, Alcuinum (quem ipse passim Carolus Magistrum suum fatetur,) eo quod in aliqua dubia mentem explorarit Caroli, hujus

hujus ejusdem in rebus Theologicis Doctorem non fuisse, cum sæpè professores quoque ipsi discipulorum subinde felibus ingeniis juventur. Sanè propositis utrinque atque impugnatibus rationibus, tū denique re melius discussa, planius definiant. Et verò licet Theologica Caroli Alcuino non debeantur; certum tamen nostrorum opera, quibus puer à Pipino parère creditus, ab iisdem educatus, & quod dictum superius, quorum temper voluntate ad extremam usque senectam se ipse composuit, tantum evasisse, adeoque nostris Caroli omnia, post Deum ipsum deberi, & quod bellicam etiam fortitudinē attinet, seu Caroli pietati, sive assiduis Monachorum precibus, fortuna debeatur, nostris deniq; temper in acceptis referendam. Vid. Ant. Yepes, Weis in Lyceo. VVion, &c. Constantiæ nostræ Benedicti t. 1. & t. 2. & t. 5. in Synopsi. Grandia hoc eodem anno Caroli atque Alcuini nostri de Ecclesia universa commendat Baronius idem merita: Alcuini gravissimum illud: Opus, nimirum verba Baronii sunt, *ingens, quo totus Scriptura tam veteris quam novi Testamenti vulgata editio emendata est.* Effusus totus in commendatione hujus meriti est Cardinalis, & sane omnium sæculorum compilatores Alcuino plurimum debere, compertius est, quam ut explicatione egeat nostra, ut proin merito prætereamus.

Sed quid insuper? (in commendatione meritum Caroli, & Alcuini nostri pergit Baronius) & *libros ejusdem de quo diximus Albi Flacci de Divinis officiis monitum ejusdem Caroli fuisse ab eo elaboratos, firma est omnium sententia. Quin etiam qua ad officia Ecclesiastica ritè disponenda Hadrianus Papa elaboravit: Antiphonarium atque Responsoriale: ea omnia peritione Caroli ab eo edita esse pariter existimatur.*

Grandia sanè ac multa, quibus ut majora, & plura ab Alcuino nisi immodestus non exigas, accipies tamen suo tempore longè digniora, copiosiora.

Laus Vluardi quoque hoc ipso anno celebrata, quod Caroli ejusdem jussu diffusius explicatis Martyrum agonibus, (Flori Trudonensis Ordinis nostri item Monachi exemplo) aliorumque Sanctorum succinctè per Ephemerides antea enarratis, famosissimi nomen operis, ad

hui commendationem Ecclesiæ tradiderit. Ex Brovvero, Yepes, Bisc. &c.

A.C. 779.

S.P.N. 299.

Sancti Ludgeri nostri in Frisia ex assiduo labore multiplex fructus, in quo plura Idolorum, sub hoc temp^o fama destruxit, ipsis spectantibus Idololatriæ, & Dei virtute, ne prohiberent, agente. Gloria verò Apostolatus ejusdem longè lateque clarescente, qui sub Albino profitebatur ejus condiscipulus ejusmodi salutationem ad eum hinc versibus scripsit.

*Frater amore Dei, cognato dulcior omni,
Et sanguineis, merito pretiosior ipsis
Ludger amate mihi, Christi te gratia salvet.
Vive tue gentis Frisonum clara columna,
Presbyter occiduis laudabilis Orbis in oris.
Doctus in eloquio prudens, & mente profundus, &c.*

Devictis rursum hoc anno VVestphalis, & Saxonibus sese dedentibus, Ludgero, aliisque nostris verbi Dei præconibus, ex Victoria Caroli, auctoritas major, & successus felicior tuit, ut multa millia manipulorum eorum laboribus, sub hæc tempora debeantur. Sanè præcedenti anno de meritis Ludgeri jam agens Baronius, S. Ludgerus, inquit, *genere Frisius, Frisonumq; Apostolus jure dicendus, hoc tempore Frisonum conversioni operam dabat.* Vid. & *vita Ludgeri per VVerdenses Monachos apud Surium t. 2. & apud Brovverum.*

A.C. 780.

S.P.N. 300.

Hoc anno felicissimus ille Thuringorum, & Saxonum Apostolus Sanctus Sturmio Abbas Fuldenis, Apostolica functione VVederoviæ consulens, quod Carolus Rex majore mole bellum in Saxones instauraret, jam tunc ætate fractus, & invalidus, Eresburgum concedere iussus, illic morbo supremo conflictabatur; verum ut in suo Fuldensi seu vires reciperet, sive libentius in legem naturæ cōcederet deportatus, inter suorum preces ac suspiria Sanctè exspiravit, XVII. Kal. Ianuarii, multis post mortem clarus miraculis, præter Apostolicum quod strenuè gessit munus, instituto Fuldæ litterarum Lyceo ex quo viri Sanctissimi æquè ac doctissimi prodire, nō de Germania solum sed universo meritissimus sepultus est, in Cœnobio Fuldensi primario. Ita annum mortis annotat Sigebertus, quem Marianus anno prævertit. Ex *vita gestis, Brovvero, alijsque.*

Ex innumeris sub hæc tempora nostri Ordinis Sanctis, efflorescunt Regio generi

neri Sanctitatem vitæ coniungentes SS. Fremundus Offiæ Merciorum Regis in Anglia filiz, & Idaberga, sive Itisberga Pipini Brevis Galliz Regis filia, Caroli Magni soror; ille insuper à fratre proprio innocens mactatus, Martyrii laurea decoratus: hæc post multorum annorum Areæ Artēsiæ Cænobio exacta curricula, cum multa miraculorum attestazione, cælo recepta die 21. Maij. *Troph. Eccl. Angl. Chorograph. Brit. Molan. VVion. &c.*

Initia hoc item anno ponit Yepes noster illustrissimi Patavini Cænobii. S. Iustinz honori nuncupati, perpetui exhibent ad hæc usque tempora eximiorum Monachorum Sacrarij.

A.C. 781.

S.P.N. 301.

EXcessit hoc anno è vita, & valle miteriarum Sanctissimus V Vilibaldus primus Eystettensium Episcopus, olim à Gregorio III. Summo Pontifice in auxilium Sanct. Bonifacij, Apostolico honore, destinatus, præfuit Ecclesiæ cum multiplici bonorum operum fructu, animarumque lucro, *Confessor officio ex vita apud Stengelium studio, & multorum annorum laboribus Martyr.* Debet Germania V Vilibaldo non multorum solum è detestandis scelerum atque Idolomaniz vinculis vindicias, verum præter amplissimi templi, potentissimi insuper Episcopatus, sed & nobilissimæ atque pulcherrimæ Urbis Eystadiensis initia: ut proin solis V Vilibaldi meritis annus hic prægnantissimus, nihil porro admittere videatur. Restat tamen ingens Sanctorum Syllabus, uni huic anno debitus, quem quia longus, & in explicatione meritorum insilire non licet, prætermittimus. Sancti Deodati tamen ex Monacho Nivernensis Episcopi, rursusque ex Episcopo Monachi non meminisse non possumus, cujus ea, relicto Episcopatu in Vogasi montis celeberrimo Cænobio, Sanctitas fuit, ut loci illius præclarissimo sanè monimento, suam erga eundem reverentiam atque observantiam satis testari se non pnsse crederent, condito illic oppido, quod a Sancto Deodato appellatum Sanct. Diè, merita tanti viri vel solo saltem nomine referret. Ut proin duas civitates uno anno nostris adscribere habeamus. *Rosiarf. Claud. Rob. Wion. &c.*

A.B. pars I.

A. C. 782.

S. P. N. 302.

SAxonibus rursus ex rebellione ar-
ma capientibus, & novellam Christi Ecclesiam turbantibus, Magnus noster Apostolus Ludgerus, Christi concilio, furori gentilium cedendum ratus, ad Adrianum primum Pontificem Romam abiit, à quo perbenignè susceptus, & ut Adamus in Bremensi historia recenset, *consolatione relevatus*, ad Cassinense, Princeps Ordinis nostri domicilium se contulit, illic dum aliis non posset, ad maiorem dein aliorum utilitatē, & unde gentibus abunde communicaret, per sacram rursus Cænobij quietem sibi ipsi consuluit; quoad revocante denique Carolo, laboribus denuo sedare, & juvandis miseris totum impendere juberetur.

Eodem ipso tempore alius rursus è nostris Apostolus Sanctissimus V Willehadus, labores suos, & ex his fructum uberimum Ecclesiæ DEI commendavit, in eo ipso primum loco, Dockum Frisiz, ubi Maximus ille Christi Athleta Sanctissimus Bonifacius noster gloriosissimè occubuit, plurimos Christo lucratus, salutaribus undis expiavit; inde, ad Huchmarckos profectus plurima, & gravissima hilaris pertulit, Drentiamque delatus felicissimis ibidem successibus aliquandiu substitit. Eversis vero per novos Christi fideles idolorum templis, à concitatis gentibus Willehadus gravissimè cæsus, cum quidam nequidquam caput eidem amputare conaretur, inde eiectus est. Tum vero V Vigmodiam se conferens conditis illic Ecclesiis (sanè si supputandus Ecclesiarum à nostris, ne dum propter nostros, sive prope Cænobia ipsa, conditarum numerus, debere Ordini nostro supra centum millia Orbem universum, vel obiter observanti erit quam manifestissimum) populum saluari prædicatione alacriter erudit; quod Christi anno septingentesimo octuag. primo Frisones omnes circumcirca degentes Christianam fidem se amplexuros promitterent. Turbavit hoc anno ansequente successus, Dux V Vedekindus, quoad à Carolo victus, tangente Deo, & ipse se Christo adiungeret, & revocatus à Carolo Willehadus, suis laboribus alacrius insisteret.

M

A.C.

A.C. 783.

S. P. N. 303.

Mirum Sancti Suiberti nostri iam pridem celo recepti Patrocinium, inter præcipua anni huius primum commemorat in suis Annalibus Baronius, militi cuidam Brunoni impensum, qui quantumvis vulneribus confusus, hasta in pectore confixus, pedibus equorum proculcatus, mori non poterat, à Sancto Suiberto, quem coluerat, & eo in discrimine sibi advocarat, vitæ meliori reservatus. Ita à Victore exercitu agnitus, & Carolo Magno, prodigij raritate attonito adductus, ad S. Suiberti tumulum oblatus stupentibus universis curatus est, Carolusque Sanctum eundem deinceps præcipuè coluit, plurimique Saxonum Westphalorum in specialem eum Patronum adoptarunt. *Ex Bisfiola, Baron. Vita per S. Ludgerum.*

Anno eodem mortuo Silone Hispaniarum Rege potentissimo, & pijsimo, Adosinda sive Egimonda eius uxor Regina Monasterium S. Joannis de Pravia, vulgo Betellenfe, ingressa, Cænobialem vitam luxui Regio prætulit, se ipsam offerens Christo, quæ priori, secundum carnem, marito duo Regna Asturum, & Legionis contulerat, unica Alphonsi I. Catholica filia. Matris exemplum sequuta Maria filia, eodem in Cænobio Monacham professa, eo se instituto beatior quam Regio, minime vana opinione, est arbitrata. *Morales, Tepes, Baron. VVion, &c.*

A.C. 784.

S. P. N. 304.

Clarent præstantissimis de Ecclesia meritis Sancti Beatus, & Etherius nostri, qui hoc ipso anno gravissimam Elipandi Episcopi Hæresim convinctes, duobus doctissimis libris ejusdem errores summo Ecclesiæ bono refutaverunt. Asserebat Elipandus, Christum Dei filium, quod ad humanitatem spectat, dicendum esse adoptivum, & non proprium ac naturalem, ex quo necessario consequebatur, ut duæ essent in Christo personæ, duoque filij, naturalis unus, alter adoptivus, sicque horrendum dictu, damnata olim in Oriente, Nestorij Hæresis, in Hispania reviviscebatur. Deferendum in prospecto feliciter errore non parum Ado-

sinda Regina nostræ, quæ scelus primum Elipandi prodidit, à quo fraude detenta, ad hos viros Sanctissimos illico rem detulit, eademque Cænobij asylo recepta, isti egregiè hanc ab Ecclesia pestem avertere. *Ex Tepes, Baron, Bisfiola, &c.*

Eodem ipso anno moritur Sanctissimus Virgilius Salisburgensium sive Juvaviensium Pontifex illustrissimus, præter cathedralem sedem, ubi nunc visitur, translata Basilicam incredibili mole, ac sumptu exædificatam, Carenthorum Apostolatu, populis iis ad fidem Christi conversis, de Ecclesia longè item meritissimus, & pro singularibus etiam meritis Cathedralis Ecclesiæ Patronus coaptatus. *Ex Vita, & MS. & Hundio, &c.*

A.C. 785.

S. P. N. 305.

Devictis Saxonibus revocatus ab Italia Frisæ restituitur suus Apostolus Sanctissimus Ludgerus noster, etiam honoribus auctus, ac Lutosa Cænobio præesse jubetur, munificentia Caroli Regis, quinque Frisonum pagos (quæ amplissima tunc ditio) accepit. Verum Treverensi Archiepiscopali oblata cathedra, eam Apostolus noster, maiore gloria Ordinis contempsit, quam quivis dignissimorum gesserit. Gratulatus sibi immodice Carolus Magnus pro causa, quam obiecerat Ludgerus, ne Trevirensis Pontificatum admitteret, convertendarum nimirum gentium, & Saxonum, Frisonumque ad veri cognitionem luminis adducendorum. Proinde Occidentales Saxones curare iussus, in Frisia Saxoniaque rem optime ac felicissimè gessit, & multa mortalium milia, felici immortalitati asseruit. *Ex Vita, Brownero, &c.*

A.C. 786.

S. P. N. 306.

Inter innumeras Benedictini firmamenti Stellas, fulgentiores sub hæc tempora elucet genere, doctrina, dignitate, fama, & rariore super omnia Sanctitate illustrissimi, SS. Albericus, Remigius, Bertricus, Deotinus Adalvvinus, Simpertus, &c. Albericus contempto in primis Regali fastu gloriosus, quamvis ex Regio Frisorum Regum sanguine genus duceret, cucul-

lum tamen splendori, pompæ, regnis quoque ipsis charius habuit, Monachūque Sanct. Salvatoris in Traiectensi Cænobio professus, rara doctrina, ac Sanctitatis fama celebratus, ex in Traiectensem ad Pontificatum euectus, pluribus annis eidem cathedræ utilissimè præfuit, & miraculorum gloria illustris inter Sanctos referri à morte ad 12. Kal. Septemb. meruit. Sanctus Remigius illustrissimis & ipse Natalibus, facile tamen fortunam omnem risit, dum eucullum amplecti placuit. Illud in valle D. Gregorij amplexus, extractus denique ad culmen Episcopale Argentoratensi Ecclesiæ multo fructu ac laude præstitit, & inter Divos denique Tutelares Argentinenſes à morte inscriptus est.

S. Bertricus Monachum in D. Petri Iuvaviensi Cænobio professus, ac Monachis ibidem pro vitæ Sanctioris exemplo prælatus, dignissimus denique habitus, qui Magno illi Salisburgensium Pontifici Virgilio succederet. Nec minore cum laude Adelvinus S. Emmerammi Monachus ad Ratisponensem Insulam vocatus, prudentiæ in primis laude admirandus effulſit. De S. Simberti meritis in hodiernam usque diem decantatissima in vulgo plurima celebrantur, quamvis de ætate nonnulli dissentiant, nos præſenti opere, quia disputare inconceſſum, maiorem sequimur, & sub hæc tempora plurium opinione, eius memoriæ consulimus. Fuit, si quis alius unquam, de Augusta Vindelitorum Vrbe, & Diœcesi meritiſſimus. Elogium eiusdem ex Caroli Stengelij nostri lucubrationibus exscribere non negligimus. S. Simbertus Amberto Duce, & Symphoriana Pipini Regis filia natus, lectissimos quamvis parentes virtutis laude superant. Puer in Murbacense Cænobium erudiendus datus pietatem, & litteras graviter coluit, qua re factum ut Abbate defuncto, consentientibus fratrum votis sublegeretur. Cum vero Carolus Magnus Augustam superiorum temporum injuria, Boicis præsertim bellis, magnopere vexatam, & afflictam instaurandam, cives recreandos ornandosque suscepisset, quod Ecclesia Sedes iam diu vacaret Simbertum illi, quem Angelicam vitam inter homines ducere creberrima signa testarentur, approbante Summo Pontifice, dedit Episcopum. Quo ille munere per omnia egregie functus,

spem de se conceptam abunde implevit. S. Affra Basilicam ad ipsam urbem flammis absumptam, & in alpium faucibus Sanct. Magni Monasterium disiectum restituit Dioecesi Leonis III. Pontificis, & Caroli Imper. auctoritate ultra Lycum (eius enim tum alveo finiebatur) longè in Boicam extendit. Ordinationis anno trigesimo IV. Id. Octobris Spiritum D E O reddidit, cui quam charus vixerit multa post obitum quoque ostendere miracula. Huc usque Stengelius. Unde intelligas, quid Augustissima Diœcesis Augustana huic uni monacho debeat amplificata, sanctitate ejusdem illustrata, miraculis, meritis, & Patricinio tot jam sæculis adiuta, & protecta. Vid. etiam eiusdem gesta, & de SS. Superioribus Yepes noster VVion. Chron. Alsatia.

A.C. 787.

S.P.N. 307.

EGregium Ordinis nostri decus, atque rarissimum inter innumera alia ornamentum effulget Beatus Paulus Diaconus Casinensis Monachus, doctrina, & vitæ, morumque laudatissima innocentia celebratissimus. Is blandientis Fortune sæculique illicia diu consequutus, Desiderij Longobardorum Regis aulam ingressus, liberalium artium insigni commendatione, in intimam familiaritatem irrepsit, eo successu, ut perhonorificum regia gesta literis consignandi munus, & Aquileiensis Ecclesiæ Diaconatum, herilis benevolentie præmia retulerit. Hinc Paulo, Diaconi cognomen, etiam sprete denique ea dignitate, perpetuum mansit. De hinc inclinante Desiderij fortuna, Regi de se optimè merito, fidus Comes captivo, inque Gallias abducto adhæsit. Illic ob ingenij dexteritatem, & politioris doctrine studia, conciliato sibi Caroli Regis favore ac gratia, nunquam tamen in animum induxit, conclamatis Desiderij rebus, amplissimas Galliæ opes, & efflorescentem gloriam anteferre. Demum invidorum fraude in supremum vitæ discrimen adductus, quasi necem per insidias Carolo molitus esset, ut Desiderium in libertatē assereret, iudicum sententia exulatum in Diomedis Insulam relegatus est. Verum custodis ope, ac beneficio inde elapsus, ad Arichim Desiderij generum profugiens, Salverni summis

cultus honoribus biennium commoratur, ubi fallibilem fortunę expendens inconstantiam, prudenter denique constituit, aula simul ac sæculo valedicere, proin Cassinatense celebri sanctitatis fama notissimum petens Cœnobium, cucullum induit, atque inibi Sanctissimo vitæ instituto totum se mancipavit. Simul autem Carolus Rex recens Pauli consilium, & susceptæ vitæ rationem cognovit, teneri non potuit quin eidem metto exaratis literis, arreptæ disciplinæ, locique Sanctitatem etiam atque etiam gratularetur. Partem litterarum Caroli hoc loco subdendam cœsumus, ut ex his existimatio tanti Regis de Sanctitate Congregationis Casinatensis palam omnibus fiat.

*Hinc coler egrediens, celeri mea charta
volatu*

*Per Sylvas, colles, valles quoque prapete
cursu.*

*Alma Deo chari Benedicti tecta require.
Est nam certa quies fessis venientibus il-
luc.*

*Hic olus hospitibus, pisces, hic panis abun-
dat,*

*Pax pia, mens humilis pulchra, & concor-
dia fratrum,*

*Laus, amor, & cultus Christi simul omni-
bus horis.*

*Dic patri, & socijs cunctis, salvete, va-
lete;*

*Colla mei Pauli gaudendo amplecte bœni-
gnè,*

*Dicto multoties, salve, pater optime, sal-
ve, &c.*

Respondit suo, & fratrum nomine Paulus, pro effusa in ipsos regiæ voluntatis significatione grates quam diligentissime persolvens. Neque hic salutandi inter ipsos, ac litterarum fines, sed suavissimæ impofterum amicitix, sermonis per Epistolas frequens communicatio intercessit. Verum de dignissimis tanto viro lucubrationibus, & benè gestis, postea, ex M. Ant. Scip. Yepes, Wione, Baronio &c.

Carolus Magnus potitus sub hæc tempora Benevento Orationis causa Casinum tetendit ad corpus Sanctissimi Patriarchæ nostri Benedicti, se que Monachorum illic agentium precibus commendavit, neque multo post, per Aldegarium Episcopum eo litteras destinavit, quibus à Theodemario Abbate contendit, ut sibi è Casino dirigeret,

qui collapsam in Francia disciplinam Monasticam juvarent, & restituerent, Videat, Leo Ostiensis l. 1, cap. 17. & Baronius.

A.C. 788.

S.P.N. 308.

INitium hoc anno, immo seipsam, finesque ac reditus annuos tot sæculis debet Sanctissimo VVillehado nostro, Bremensis Cathedralis Ecclesia in Saxonia, quam eheu multis jam annis Hæreticorum sitis rabida exhaustit: Ordinavit Sanctissimum, & verè Apostolicum virum (ita & Baronius eum veneratur.) Adrianus Pontifex, prosequutusque Roma reversum, summis honoribus Rex Carolus, qui & Ecclesiam illam amplissimis redditibus auxit, finesque ejus certis limitibus circumscriptis, ut videre est in vita Sancti ejusdem apud Surium, Haræum, &c. Baron. Bisciol. Ita rursus potentissimus Episcopatus primum è nostris non solum Episcopum, sed & Apostolum, & perpetuum in Cælis Tutelarem veneratur.

Hoc eodem anno Tassilo Bavarix Dux à Carolo Rege devictus, cum Theodone filio, concessione Victoris, ingredi Cœnobium permissus, ad Laurissense S. Nazarij haud procul VVormatia concessit, illicque vitæ reliquum sanctissime transigens, atque à miraculis illustribus Sanctorum cætui conjungi & adscribi meruit. Baron. Yepes, Abb. Stad. Raderus, &c.

S. Ludgerus in prædicatione verbi Dei assiduus Mirmigarnofordensi, quæ nunc Monasteriensis, Ecclesiæ præficiatur. Brouver.

A.C. 789.

S.P.N. 309.

HOc anno insigni pietatis, & laudatissimi contemptus exemplo Veremundus Ranimiri Pater, Ordonij avus, Magni Alphonsi proavus, Astutum atque Legionis Rex potentissimus abdicato à se Imperio in cucullo Monastico emancipat. Rarosanè exemplo è Cœnobio vocatus ad Regnum, regnoque relicto reversus ad Cœnobium, ne dulce malum inexpertis Monasteria arbitreris, ad quæ, pauci, nisi per scelus ea reliquerint, non reverti expectaverunt, aliqui per dolum sacrum ac
piam

piam vim reversi sunt. *Ex Tepes, Franc. Tarapha Mariana, Illeacas, &c.*

Incredibili solitudine in gentium conversione laborant Sanctissimi Apostoli nostri Ludgerus, & Willehadus. *Vid. Wion. Brouver.*

Clarent rara vitæ innocentia Regi-
næ moniales plurimæ. Ada sive Oda
Pipini Franciæ Regis filia, primum Tre-
veris apud D. Maximini Deo consecra-
ta, ex in Argentolij prope Parisios in Ab-
batissam electa. Lytopyrge etiam Taf-
silonis Bavaricæ Ducis uxor, Desiderii
Longobardorum Regis filia, quæ quan-
tumvis coacta primum, ex in volentissi-
ma, ubi dulcedinem vitæ Religiosæ ex-
perta est, deliciis atque Pompis omni-
bus longè prætulit. *De pluribus aliis vid.
Tepes, VVion, &c.*

A. C. 790.

S. P. N. 310.

EMotitur felicissimè Sanctissimus ille
noster Frisiæ atque Saxoniarum Aposto-
lus VVillebadus tertio ab ordinatione
sua anno, cum Bremæ ædificasset in ho-
norem Christi Domini, & Apostolorum
Principis Templum elegantissimū,
atque in ea urbe Episcopalem sedem
constituisset, eo nomine, alijsque æ-
ternum obligatis Saxonum, Germa-
norumque omnium animis. Vixit
vitam admirandam verius, quam imi-
tandam, sibi ipsi rigidissimus, ut præter
Regulæ Institutum, quæ carnibus qua-
drupedum suos interdicat, etiam à pis-
cibus abstineret, quam ob rem Hadria-
nus Pontifex, reputans quanti Ecclesiæ
interesset, ne tanto viro per ægritudi-
nem orbaretur, eidem ut saltem pisci-
um usum admitteret, serio præcepit.
Præter autem assiduos in conversione
gentium labores, nullus prope dies a-
biit, quo non sacra Missarum solemn-
ia cum magna cordis contritione cele-
braret, insuper nonnunquam duo, vel
tria, psalteria lætitans: ita nimirum vir
beatus doctrinam suam egregiè orna-
bat, exemplo suo confirmans, quod
ore prædicabat. *Ex vita apud Surium,
& Hærum, &c.*

Inter alios doctrina, & meritis de Ec-
clesia illustres celebrantur sub hæc
tempora Dacrianus Abbas Ordinis no-
stri vir litteratissimus, qui Monacho-
rum speculum scripsit, & vitæ spiritua-
lis documenta, quæ extant tomo 5. Bi-

bliothecæ Patrum. De eodem vide,
tomum 9. eiusdem Bibl. PP. Possivi-
num, Gaultarium, &c. & Antonius
Melyssa, de quo Bellarm. Sec. 8. & Gaul-
tereas.

Ex genere illustrioribus, eiusdemq;
præ eucullo contemptu celebrantur
Sancta Irmina Ducissa, neptis Gisberti
Franciæ orientalis Ducis filia, Monia-
lis in Carelsburg, de qua consulenda vi-
tæ gesta D. Burcardi Herbipol. Episco-
pi, Maria item, & Beatrix Austrasiæ
Principes, Lamberti Ducis filia, patris
exemplum sequutæ, ac vitam Monasti-
cam professæ, altera Treveris, in S. Ma-
riæ; altera in S. Mariæ item Colonien-
si. *Vid. Wion.*

A. C. 791.

S. P. N. 311.

Reliquit magnum in terris sui desi-
derium ad Regnum immortale co-
cedens Sanctissimus Burchardus no-
ster, primis Herbipolensium, sive Wirz-
burgensium Pontifex; à quo primum
potentissimi Episcopatus initia, & con-
tinuata tot sæculis felicitas Francorum
fluxit, cui præter plantatam longè late-
que Religionem, seiplos debent, eius
Patrocinio, & Tutela in hæc usque tem-
pora, ceu manu benefica ducti, & su-
stentati. Extat vita viri Maximi, lectu
dignissima apud Surium, Hærum aliosque,
qui requirendi.

Sed amplius longè, quam compre-
hendi hoc possit opere, meritum, Al-
cuius aliorumque ex Ordine nostro est,
qui sub hunc fere annum celeberrimæ
illi per totum terrarum Orbem Acade-
miæ, sive ut hodie vocant, universitati
Parisiensi initium dederunt, ex qua de-
in tantum Ecclesiæ ornamentum atque
commodum dimanavit, unde viri do-
ctrina maximi velut Troiano ex equo
prodeuntes, densissimas ignorantie te-
nebras, clarissimis scriptorum radiis, ex-
pulere. *Vid. Tep. Gaultarius, Wion, Weiss.
&c.*

A. C. 792.

S. P. N. 312.

Cumulum cumulo congefere no-
stri, paulo post, atque ut alij volunt
hoc statim anno, favente in primis Ca-
rolo Rege, novam rursus, & haud mi-
norem celibritate Academiam in Italia
instituentes, ne non multo magis de

provinciarum dignissima mereri viderentur, parique beneficio, & Galliam sibi, atque Italiam obstringerent. Papiensis illa fuit, quæ in eum, quem nunc universi miramur, splendorem excrevit. Fundamenta jecit, primumque docuit Joannes Scotus noster Londinensis Monachus, Giribernæ congregationis, Bedæ Venerabilis dignissimus tanto Magistro discipulus, de quo suo loco plura referenda. *Ex VVione, Tepes, VVeiss. &c.*

Splendidissimum aliud eodem tempore editet Sydus ex Ordine nostro, Sanctus Angilbertus, Sanct. Richarii in Centula Abbas, & cuncti in primis irrifusum celebrandus, quippe Maximi Regum Caroli gener, generis nobilitatem opibus atque auctoritate pro nihilo duxit, ut Monachismo honoratior fieret. Proin extracto sive potius reedificato Centulensi Monasterio, eisdem admiranda demum sanctitate Abbas præfuit. Repertum à morte octavo supra vigesimum anno incorruptum corpus, integritatem vitæ raro prodigio comprobante. Hoc anno convictum Ratisbonensi in Synodo Felicem Urgelitanum Episcopum Hæreticum, idem ad Adrianum Summum Pontificem Romam perduxit. Vid. Baronius, Bisciola. Ipso quoque anno Pipinus senior Caroli Magni naturalis ex Himeltrude filius, cum procerum nonnullis in caput optimi parentis coniurans, quo scelus expiaret, Monachus fieri jubetur. Vixit denique in Cænobio Prumiensi felici sanè fortè tua contentus, cui vel parens ipse, cæterum felicissimus, eo tamè ipso quod Religiosissimus, non poterat non sanctè invidere. *Tepes, Wion, plurimiq. alij.*

A.C. 743.

S.P.N. 723.

PAtuit, hoc denique anno, ex gravissimorum scelerum abyssu emergenti securissimus salutis portus VVeruvelense VVintoniensis Dioecesis Cænobium, Alfredæ sive Ælfrithæ Anglorum Reginae potentissimæ, quæ cum morte viri sui Ethelredi, Edgarî Anglorum Regis sibi nuptias comparasset, sed & Ethelredo filio suo, Eduardi principis sui sceleratissima cæde, viam ad Regnum munivisset, facti tandem penitens, quo gravitatem ejus digniore

aliquo, & egregio facinore elueret, patrimonium omne suum in pauperes distribuit, & cucullum Monasticum velumque, purpura ac diademate, in dicto Cænobio mutans, corpus jejunijs ac verberibus conficiens, vitam durissimam egit, facta speculum Religiosissimæ vitæ, & raræ pœnitentiæ, id consequuta, ut non multo post, quæ antea ambitione, cum elatissimis comparanda, qui unquam vixere Principibus, iam Sanctitatis dignissima laude etiam vivens longè latèque celebraretur. *Ex Hist. Angl. VVion e, item Tepes, &c.*

Institutum sub hæc tempora sive compositum ab Alcuino nostro Officium, & festum Sanctissimæ Trinitatis, & diversis Provinciis, dignissima sanè solemnitate introductum. Quod denique ipsum, non tamen ante Pontificatum Alexandri Tertij, à Romana, & universa Christi Ecclesia receptum. *Yepes, Durand. Bellarm. Azor. Gaultenius.*

A.C. 744.

S.P.N. 314.

BPaulus, vulgo Diaconus Monachus Casinensis, ne quiescere, & soli sibi vacare ab ingressu Cænobij videretur, verum ingenium ac litteras ad aliorum etiam fructum, atq; utilitatem accommodaret: Divorum aliquot egregia facinora, & laudes, luculentis versibus est complexus; alia dein dignissima tanto nomine suscepit, quorum potiora, cum ijs quæ ante Monastici professionē instituti absolvit, in syllabū coacta subiungimus.

*De Vita S. Gregorij Papa l. 13.**De Vita Sanctissimi, & Admirabilis Patriarchæ nostri Benedicti. l. 1.**De Vita S. Mauri. l. 1.**De Vita S. Scholasticæ Virginis. l. 1.**De eadem Virgine versus nonnulli extant apud VVionem.**De Vita Sancti Arnulphi Metensis Episcopi. l. 1.**Hymnorum de pluribus Sanctis diversometro. l. 1.**Carminum diversorum. l. 1.**De gestis Episcoporum Metensium. l. 1.**De gestis Episcoporum Papiensium. l. 1.**Homiliarum quinquaginta. l. 1.**In Regulam S. Benedicti. l. 1.**Epistolarum ad Carolum Imper. l. 1.*

De

De gestis Longobardorum.

De Vita S. Cypriani Episcopi, & Martyris. l. 1.

Ad Historiam Eutropij. l. 2.

Epistolarum ad diversos. l. 1.

Lectio in officio Divino Ordinem, debere Alcuino, multaque alia jussu Caroli, ab eodem, Festo cuique totius anni assignata, præcipua Pauli nostri, & ab hoc rursus Ordinis Benedictini, laus est. Carolum ipsum Epistolam illam, quæ Homiliario Alcuini præfigitur audiamus. *Denique qui ad Nocturnale officium (Matutinum hodie dicimus) copulatas quorundam cassi labore; licet recto intuitu, minus tamen idoneo, reperimus lectiones, quippe quæ & sine Auctorum suorum vocabulis essent posita, & infinitis vitiorum anfractibus scaterent; non sumus passi, nostris in diebus, in Divinis lectionibus, inter sacra officia, inconsonantes perstrepere solacismos, atque earundem lectionum in melius reformare tramitem, mentem intendimus, idque opus Paulo Diacono familiari clientulo nostro eliminandum injunximus: scilicet, ut studiose Catholicorum Patrum dicta percurrere, veluti e latissimis eorum pratis, certos quosque flosculos legeret, & in unum, quaque essent utilia; quasi fertum aptaret. Qui nostra Celsitudini devotè parere desiderans, tractatus atque sermones diversorum Catholicorum Patrum perlegens, & optima quaque decerpens, in duobus voluminibus per totius anni circulum, congruentes cuique festivitati, distincte, & absque vitis nobis obtulit lectiones. Quarum omnium textum nostra sagacitate perpendentes, nostra eadem volumina auctoritate constabiliimus, vestraque religioni in Christi Ecclesiis tradimus ad legendum. Ita Carolus. Eius inter alia ingenii præclarum quod reliquit monumentum, Hymnus ille per Universam Ecclesiam festo dignissimo Præcursoris Domini decantatus, pulcherrimo metropædumque consonantia admirabili compositus: Ut queant laxis, resonare fibris, &c. Ex quibus omnibus fit manifestum, quid uni Paulo debeat Ecclesia universa, & tot sæculorum sera posteritas, cui in acceptis referre habet, quæ quotidie eius calami dictata æternum Psallentium ora mandunt, atque degustant. Vid. Ypes, Chronic. Cassi. Petrus Diacon. Trithem. Paulus ipsè, Marc. Ant. Scipio, &c.*

Conditum hoc ipso anno D. Albani

Moguntia Cænobium, inter præstantissima orbis Gymnasia laudatissimum, ex quo velut Alveari tota virorum Sanctorum æquè ac Doctorum examina prodire. Trith. Ypes, &c.

A. C. 745.

S. P. N. 315.

Mortuo hoc anno Adriano Summo Pontifice, acerbo omnium luctu, eius merita contestante, non visus dignior, aptiorque, quam rursus è Benedictinis Leo Tertius, vir præstantissimus, scientia scripturarum, & Sanctitatis laude celeberrimus. Eum Canonicum prius Regularem, quam Ordinem nostrorum profiteretur, fuisse, Ciaconius affirmat his verbis. *LEO Tertius, Azupij filius Romanus, ex Canonico Regulari Monachus ordinis Sancti Benedicti, Sanctæ Romanæ Ecclesiæ presbyter Cardinalis Titulo S. Susana ad duas domos. Verum Ecclesias Romæ penè omnes, & Titulos à nostris habitos, suo iam loco satis diximus, & de Lateranensi in primis, multis aliquando probabimus, plurimos è nostris Pontifices prodijisse, quos plerique hodie è Clericorum Ordine nil minus dubitant ad eam evedos dignitatem, Orbi terrarum summa cum potestate præstitisse. De Leonis laudibus fusè Anastasius, & Baronius, qui posterior de eius electione concordat, sic ait. Probat quidem insignem Leonis Sanctitatem ipsa Omnium consensu electio quàm celerrime facta, utpote qui eximio virtutum fulgore, mox omnium oculos in se converterit, neque filij tenebrarum (si qui essent inter eos) ausi sunt resistendo tantam eius gloriam obscurare. Electus plane à Deo, ut magnapateretur, sicut de Paulo dictum est ad Ananiam à Domino. Ostendam illi quanta oporteat eum pati pro nomine meo. Electus pariter ut magna præstaret, qui videlicet Apostolica auctoritate Imperium restitueret Occidentalibus oris. Sed de his suo loco.*

Hoc eodem anno rursus à Benedictino Pontifice initium sumit alia Ecclesia Cathedralis, Paderbornensis nimirum in Saxonia, Primus is Episcopus fuit Hathmarus sive Harimarus, Sancti Burcardi nostri discipulus, quamvis nonnulli consecrationem eius ad propiores morti Caroli Regis annos differant, *Videndi Baron. Bisciola, Krantzi-*

us, &c.

M 4

A. C.

A.C. 766.

S. P. N. 316.

Commentar. Interposita exposit. ex Patrum
sententiis, in Genesim forma Dia-
logistica.

ENgilberti Abbatis nostri in Cænobio
S. Richarij illustris hoc anno ad San-
ctissimum Leonem Summum Pontifi-
cem Legatio, cum muneribus amplif-
simis à Carolo Rege destinatis. Misit,
& Albinus noster ad eundem litteras,
in quibus plura de ingenti sua animi
submissione, & devotione erga Roma-
num Pontificem, & eiusdem Roman.
Pont. prærogativis, hodieque Hæreti-
cis nostris inculcanda.

De eximijs vero meritis Leonis, hoc
anno omnibus ferè Urbis Titulis, &
præcipuis Ecclesiis, quam splendidissi-
me auctis, atque exornatis, prolixè Ana-
stasius, & Baronius, adeo ut optimus
Pontifex largissimam Caroli oblationem
totam, in Clericos erogaret, atque
in ornamenta Ecclesiarum converte-
ret. Eum, quippe ait Anastasius, Cleri-
cis stipendia auxisse, plurimas Ecclesias, &
Cemiteria restaurasse, sed in primis Titulum
B. Susannæ ubi ordinatus fuerat, magnifi-
centissimè exstructum pretiosis muneribus
locupletasse. Variis Ecclesiis vestes sericas,
holosericas, pretiosas, gemmatas, cortinas &
vela contulisse, cruces, imagines, calices, coro-
nas, turibula, ciboria, canthara, candalabra,
lampades obtulisse, in quorum sumptum sub-
ducta ratione expensas plus quam 150. libras
auri, & 1500. argenti, &c. Tantis
meritis auspicatus Pontificatum suum,
Sanctissimus Pontifex, tantumque uni-
rursus è nostris Pontifici Basilicæ Ur-
bis, sed & clerus, & populus Romanus
debent.

Hoc eodem anno quantum præsta-
ret, Monachum quam Episcopum esse
suo exemplo testatus est Ilduinus, reli-
cto potentissimo Archipræsulatu Lug-
dunensi Monachum in Sancto Lirinen-
si nostro Cænobio professus, *Ado, in
Chron. Arn. Wion.*

A.C. 797.

S. P. N. 317.

ALcuini nostri sparsa per orbem fa-
ma, ut in ore jam omnium versaretur,
fuitque relatum ad eum quidquid
ferè uspiam dubij oriretur, ipso ad que-
stiones omnium summa cum admira-
tione respondente. Sed de eius præ-
clarissimis ingenii monumentis com-
pendio referamus.

Expositio,

In quindecim Cantica graduum exposi-
tiones.

In Psalmum centesimum decimum octa-
vum.

In septem Psalmos penitenciales

In Cantica Canticorum. l. 1.

In Ecclesiasten. l. 1.

In Evangelium Ioannis. l. 7.

In omnes Epistolas S. Pauli.

In Apocalipsim. l. 1.

De Sancta Trinitate. l. 1.

De adoptione filiorum Dei. l. 1.

De vita S. Richarij Abbatis. l. 1.

De vita S. Vedasti.

De vita S. Vvillebrordi. l. 1.

De virtutibus, & vitiis ad Guidonem.
lib. 1.

Ad quaestiones Fridegesi. l. 1.

Confessio fidei sive doctrina de Deo. l. 1.

De Ecclesiasticis Dogmatibus. l. 1.

Speculum parvulorum. l. 1.

Quaestionum in Genesim. l. 1.

De Nominum Dei proprietate. l. 1.

Dialogorum ad discipulos. l. 1.

De Septem artibus liberalibus. l. 1.

Enchiridion in Psalmos. l. 1.

De benedictionibus Patriarcharum. l. 1.

Sententiarum. l. 1.

Epistolarum ad diversos. l. 1.

Rhetorica, & Dialectica institutiones. l. 1.

Ejus instituto, sive potius invento
debet præter Officium Sanctissimæ Tri-
nitatis, ejusdemque festum quotannis
solemne Ecclesia universa, Missas voti-
vas vulgo dictas, quas inter prima, &
princeps illa ab ipso composita, quam
etiam maximo illo SS. Trinitatis die in
hodiernam usque diem quotannis de-
cantatur per universum; Benedicta
sit Sancta Trinitas, atque indivisa uni-
tas, &c. cujus etiam rei causa de ea-
dem Sanctissima Trinitate, & fide Ca-
tholica tres libros doctissimos conscrip-
psit, qui excusi sunt cum Homiliario.
Alijs autem ferijs, ex ejus institutione
tali Ordine Missæ votivæ decanta-
bantur.

Feria II. De Sapientia.

Feria III. De Spiritu Sancto.

Feria IV. De Charitate.

Feria V. De Angelis.

Feria

Feria VI.
Sabbatho

De S. Cruce.

De Beatissima M. Virgine
Maria.

Vid. Marc. Ant. Scipio in Eleg. Abb. Cassi.
Cajet. &c.

A.C. 799.

S.P. N. 319.

Alia quæ compositæ Missæ ab eodem, multo Ecclesiæ fructu, ab eadem approbatæ, hæc sequentes numerantur.

De uno Apostolo.

De pluribus Martyribus.

De uno Martyre.

De uno Apostolo, Martyre, vel Confessore.

De pluribus Martyribus.

De iis qui requiescunt in Ecclesia Sanctis.

De iis quorum aliqua reliquia ibi requiescunt.

De omnibus Sanctis.

Pro Inimicis.

Pro confitente peccata sua.

Pro salute vivorum, vel requie mortuorum.

Quas omnes tam in Missalibus Romanorum quam Monachorum reperiri VVion noster asseverat, certè paucis immutatæ in Ecclesia aliquæ, aliquæ integræ hodieque usurpantur. Ut proin merita Alcuini omnes qui in hanc diem utuntur seu fruuntur æternum deprædicent. *Vid. Rat. div. offic. Durand. Iac. Pamel.*

A. C. 798.

S. P. N. 318.

PRæter innumeros amplissimi Ordinis nostri viros Sanctitate conspicuos, alij doctrina illustrissimi novam omnino diem Orbi invexere. Quadrigam scientiæ omnis Clementem, Rabanum, Claudium, & Ioannem Scotum appellamus, tantum quatuor his luminibus debet hoc tempore orbis Univerfus, ut de Alcuino, & Paulo Diacono, cæterisque vel meminisse superius satis habeamus. Eos in præcipuis hoc tempore Academiis auditos, etiam nunc orbis audit universus. Hoc singulare Ordinis nostri, præter Academiæ per nostros primum institutas, nostros in iisdem primos, tanto Orbis ut exemplo, sic fructu laborasse, & in imitantium ore, atque opere perpetuo nimirum merito perennare. *Vid. Yepes, VVion, Polyd. Virg. VVeiss. &c.*

Cassini floret egregia nominis, & virtutis fama Gisulphus, ex Beneventano Principe Archisterii eiusdem Abbas.

Orbem fama, Urbem gloria, Cælum ipsum admiratione implet constantia Sanctissimi Pontificis nostri Leonis Tertij. Eum implacabili odio Paschalis Primicerius, & Campulus Saccellarius, cum alijs invidentibus, prosequuti, eo tandem furoris, & insanitiæ sunt provecti, ut sacrilegis in ipsum injectis manibus, in terram dejecto, concissoque, oculos eruerent, linguam radicatus præciderent, idque in sacri muneris functione, inter expiatum per litanias ritu solemnem populum. Sed & Sacrilegia Sacrilegiis cumulantibus, Sanctissimo Pontifice, rursus in Ecclesiam ante altare, juxta confessionem tracto, tantum repetiverunt flagitium, & semivivum ante altare in sanguine revolutum dimisere. Veriti autem ne à fidelibus inde eriperetur, abstractum in Monasterio Sancti Erasmi in arcta custodia recluserunt. Restitutus prodigiosissimè Ecclesiæ afflictæ, & gementi, sanus & incolumis mira DEI bonitate, & suffragante Apostolorum Principe Leo, & oculos & linguam grandi miraculo recepit. Ereptus è custodia, & in Gallias ductus honorificentissimè exceptus, & digno comitatu pompaque reductus in Urbem, mansuetudine supra miraculum omne excelluit, dum ne supplicio capitis, aut mutilatione quavis in nocentissimos reos, animadverteret, Rex Carolus intercessit, & impetravit. *Baron. Yepes, &c.*

Claruisse sub hæc tempora cucullo quam scepro gloriosiores Gisalam, & Theodoram, illam ex Hildegarde hanc ex Fastrada filias Magni Caroli, auctores habent, sed Scriptorum inopia, an incuria quæ gesserat, neglectum, aut minus dignè observatis, sufficiat, illustri exemplo Monachismi dignitatem, præ Regia habuisse, & tanto contemptu, honore omni digniores celebrandas. *Belforest. Basil. Geneal.*

Leonis Sanctitati an felicitati debeatur, non definimus, Saxonia Romanæ Ecclesiæ vectigalis facta. Certum Leonis nostro plurimum Carolum tribuisse, & quamvis ipse quoque in gratiam Pontificis

tificis multa faceret, honoribus tamen auctum, & precibus piorum adiutum, extra controversiam est, longè magis Pontifici nostro fuisse obligatum, & debitorem, ita sequens facile annus docebit.

A.C. 800.

S.P.N. 320.

INter præcipua & singularia Ordinis nostri de Ecclesia universa, & Romano Imperio merita, amplissimum sanè, & dignissimum quo hoc ipso anno æterno Orbis, & Ecclesiæ bono atque ornaménto, quam præclarissime Sanctissimus Leo noster meruit, fuit; Imperij Orientalis in Occidentalem translatio. Electio nimirum in Imperatorem gloriosissimo, & Augustissimo Cæsarum Magno illo (uno Barónii applausus Termaximo) Carolo. De cuius dignitate Cæsaris, ut & Sanctissimi Pontificis in transferenda Imperii Maiestate æquissimis causis, fusè Baronius, *Videndus etiam Yepes aliique.*

A.C. 801.

S.P.N. 321.

Leo noster rursum memorandus, præclarissime in Pontificatu gestis, & plurimis æterno Ecclesiæ bono institutis, planè admirandus: Tantis quippe terræ moribus Italiam concutientibus, ut & urbes conciderent, & montes disicerentur, constituit, ut triduo Ascensionem præcurrente Rogationes fierent, & in varias Ecclesias processiones: quod etsi non nemo, à Sanct. Mamerti temporibus, atque etiam antea Viennæ factitatum, velit, Leoni tamen nostro dandum in Romanum primum Ecclesiam, atque inde Vniversum induxisse, Ciaconus, Gualterius, Rursum vero, præter superius memorata, quæ idem Pontifex profusissimè in ornatum Ecclesiarum expenderit, fusissimè narrat Anastasius, ut planè non sine admiratione quisquam recitantem attendat.

Floruisse hoc tempore eodem Sanctissimos viros Marcellinum, & Godvvinum, Scriptores nostri celebrant. Godvvinus Apostolo suæ: primo debentillarum Fidei lumen Moravi. De quo in Apostolatu Benedictinorum nos pluribus.

A.C. 802.

S.P.N. 322.

Sanctus Ludgerus Frisonum, & Saxonum Episcopus (quantum huic quæso debentij, si hodie agnoscerent, cæci populi) ut nunquam quiescere poterat zelo, & fervore, ceu sacro quodam (meliore sensu) igne concitatus ita in confinia usque Danorum excurrens Fosetreslandiam Insulam integrâ Christo lucratur, dæmonemque inde sub specie caliginis densissimæ coactum virtute Divina Insula pellit. Normannos etiam, & Hyperboreos Danos, nimirum Norvyegos, aliosque remotiores populos Evangelij causâ lustrare parantem, Carolus Imperator impedit; veritus nempe ne tanto lumine Saxonia Frisiaque orbaretur. De stupendis eius prodigijs alijsque consulendus vitæ auctor. In Fuldensi, Augiensi, Sangallensi, & plurimis toto orbe Cænobijs præter Academijs à nostris institutas, & superius laudatas, admirando fructu, litteræ florent, & virorum doctissimorum, integra undique agmina, ceu flumina copiosissima, ad irrigationem aridæ effunduntur. *Vid. diversis locis Yepes, Baron, alij.*

A.C. 803.

S.P.N. 323.

INter innumera splendidissimi Ordinis nostri Columina, & familiares Magni Caroli consiliarios, quorum arbitrio Carolus ipse, ad bonum universi, & maximæ molis negotia, potissimum utebatur, ne Galliæ, Italiæ, Angliæ, Scotiæque Monachi, à Carolo undique acciti, quæsitique, omnia sibi arrogent, vendicentque, florere hoc anno summa auctoritate, & gratia VValdo, & Haytto nostri, ille Sangallensi ex Monacho, loci ejusdem Abbas, mox Ticinensis, & Basileensis Episcopus, Divi Dionysij item Parisiensis Cænobij Abbas, Magno insuper Imperatori, non in ijs solum quæ spectarant Imperium, arbitri, sed animi quoque ipsius Dux, & Imperator, ipsi à Confessionibus dum viveret fuit. Haytho ex Augiensi Monacho loci ejusdem Abbas, ac Basileæ demum post VValdonem Pontifex, vir præter vitæ raram integritatem, ea prudentiæ rarissima existimatione fuit, ut neminem summis Legationibus digniorem illo æstimaret, atq;

ita

ita illum honoratum vellet, ut eiusdem in gratiam Basileensi Episcopatu non solum Basileæ Urbis Dominium adijceret, verum ita locupletaret, ut eo ducti an decepti argumento nonnulli institutum à Carolo Basileensem Episcopatum, primumque eius Pontificem Hayththonem fuisse affirmarent, quamvis minimè negemus Carolo ac Hayththoni maiores quam primis Conditori ac Antistiti gratias referendas. *Ex MS. Sangall. Augiens. Constantiæ nostra Benedictæ tomo 2. Christiano Vratislavo Chron. Basil. Ioanne Aegonio alijsq.*

A. C. 804.

S. P. N. 324.

Sanctissimus ille Suibertus noster Saxonum Frisiorumque Apostolus, de quo multa superius à Beatissimo Leone nostro Summo Pontifice, maxima cum solemnitate, inter Sanctos refertur, & coli præcipitur. Acta hæc VVerdæ præsentē Carolo Augusto, innumerisque Pontificibus, & Galliæ atque Germaniæ primatibus, quo ipso tempore Sanctissimi Suiberti Sanctitatem, tantum non inspiciente Carolo, admirando prodigio Deus confirmavit resuscitato à morte Præfecti cuiusdam puero, quindecim horis aquis submerso. *Vid. vita S. Suib. Baron. Annal. Franc. &c. & diversi Script. rer. Saxon. De Alcuini nostri morte hoc anno Baronius, nos multis rationibus, & auctoritate plurimum convicti, superstitem etiamnum gratulamur, quamvis dignius, & convenientius Ecclesiæ universæ eo superstite gratulemur.*

Rursum Cathedralis in Hispania Ecclesia, vulgo Valpuesta, propter nostros condita, nostris Originem fama, & gratias debet, de qua requirendus Yepes *tomo 3. cent. 4.* hoc anno. Tantum posteritatorum reposcere, seu expectare, in gratiam Majorum suorum tribuenda, debent, & possunt.

Obijt hoc eodem anno gravissimus ille, & Sanctissimus Abbas Nonantulanus Anselmus, relicto celeberrimo Ducatu Foroiulensi, & amplissimis opibus, in eodem Cænobio cucullum amplexus, in quo dein Abbas mille centum, & quadraginta quatuor Monachis, dempto etiam parvulorum numero, sanctissime præfuit, ut vel ex tanto numero liceat unius Cænobij obiter

congesta pijs operibus merita, æstimare. Sororem habuit Giseltrudem Astulphi Longobardorum Regis uxorem, unde ab Affinitatē tanti Regis, Anselmi gloriosissimum sæculi cōtempum tanto pluris facias, quanto minoris ille fortunæ favores maximos fecerat. *Ex VVione & MS. Chron. Nonant.*

Mauris hoc ipso quoque anno Hispanias vastantibus, in triumphum immortalitatis laureati abeunt felicissimi nostri Martyres ducenti in Monasterio S. Petri de Cardena. *Morales, & eorundem passionis libellus sing.*

Sanctissimus, & toto orbe, scriptis, exemploque celebratissimus Hamularius Fortunatus ex Monacho Luxoviensi fit reverentis Archiepiscopus, de quo pluribus ob ingentia merita suo loco. *Steng. Caiet. &c.*

A. C. 805.

S. P. N. 325.

Quamvis illustri Sanctitatis exemplo, toto passim orbe, omnibus Cænobijs se nostri commendarent, ne quis tamen Virgines Sacras, iisdem legibus devinctas, tanti non faceret, quanti Prædicatores verbi Dei, aliosque è Monachorum ordine doctrina, atque exemplo præstantes fieri potius semper aut frequentius fuit, admirando sanè prodigio virtutem earundem, meritaque Carolo quoque ipsi Maximo Cæsarem, Proceribusque eius, ac Imperij Magnatibus fieri manifestam Numen voluit. Forte Imperator prope Salvatoris Monasterium, Morsellensis villæ, Venationi deditus, locis vicinis feras è saltibus exegerat, cum inter alias ursus, mira visendus magnitudine, in patentem latè planitiem se proripiens, unde non esset effugium retro propero cursu terendit, & in Sanct. Salvatoris irrupit Ecclesiā. Prodigium ! Fera, ceu ratione pollens, exuvias primum Sanct. Gudilæ nostræ (illic tumulata) venerata procubuit, ac feritatis dein oblita suæ, etiam virginibus cæteris adblandita est submisso humiliter capite, flexa cervice vestigia advenientium Sanctimonialium lambens. Exorta proin magna inter omnes admiratio, quæ Augustum maximè ipsum perculit, & ursus è Sylvestri domesticus, etiam deinceps apud Virgines easdem, non aliter, quam pro illa-

illarum arbitrio, ac iussu vivens se habuit. Ex Annal. Franc. & Vita S. Guldæ. His iisdem temporibus plurima per Italiam, Germaniamque Scotis Monachis (eosdem præ multitudine vix capiente Scotia) felicissima exundatione rursus implentibus omnia, ex ædificata passim Cænobia, ex quibus proles innumera, utilissima Universo fecunditate prodijt, & plurimi summo Ecclesiæ bono ad Episcopatus promoti, rem strenuè gesserunt; alij collectis Eleemosynis; seu concitata fidelium liberalitate amplissima primum in Germania extruxere Xenodochia, unde æternum Christi pauperibus, ægris, desolatisque prospiceretur. De ejusmodi etiam Rhenanus lib. 2. rerum Alemann. sic ait. *Sed & ea tempestate, Scoti Monachi multa Xenodochia passim erexere, locupletiorum hominum auxilio, qui res suas in rem tam Sanctam, non gravatim communicabant. Huius generis diversorium fuit apud Divum Thomam Argentorati, multique inde ad Episcopi munus asciti sunt. Extat in volumine legum Francierum caput Meldensis Synodi, quo Rex admonetur, ut hospitalitatibus, tam Regiis quam Scoticis prospiciat, quorum res, in longè alium usum ab improbis vertantur.* Videndus etiam Yepes hoc anno.

A.C. 806.

S.P.N. 326.

HOc anno magnus ille, & Charissimus Imperatori Carolo Pontifex noster VValdo, quietisne amantior, ut se tanta negotiorum mole liberaret, an ut soli deinceps Augustissimi Principis salutis liberius invigilaret, pulcherrimo exemplo Abbatis se Augiensi & Sangalieni, nec non Episcopatu utroque Basileensis, & Ticinensis Ecclesiæ abdicans, ad Divi Dionysij se recepit, proposita tamen Carolo Haytthonis (de quo superius) Augiensis Monachi, Augusto familiarissimi, ad præsulatus utriusque administrationem aptitudine. Neque abnuil Imperator, de utriusque meritis dignitateque haud ignarus, & Haytthoni minimè ambitum, Augiæ Basileæque Præsulatum, maxima omnium voluntate concessit. Admirandum prorsus, quod fufius in Constantiæ nostræ Benedictæ, tomo secundo, referimus, plures eodem simul tempore in solo Augiensi Cænobio, ut alia

eorundem exemplorum fertilissima prætereamus, convixisse, relictis potentissimis Cathedris è diversissimis toto cælo Regnis eo convolantes. Celebrati inter alios Eginus Veronensis, Lambertus, Hartricus ille in Italia, hic in Saxonia Episcopi, neque enim sedis certæ nomen, incuriosi laudum suarum veteres nostri assignarunt. *De quibus nos tam, 2. Const. Ben. Ochernius, MS. Aug. &c.*

A.C. 807.

S.P.N. 307.

IN Aquitania nostrorum felicissimi successus, multiplicatis Cænobijs, & Cænobitis, quorum grandi numero, merita quoque aucta, & viri sanctitate, doctrinaque excellentissimi, orbem universum radiis implevere. Solus Ludovicus Caroli filius Aquitanix Rex, suo in Regno aliquot, & viginti Cænobia, legibus nostris parentia condidit, ac dotavit. Ea inter præcipua. Monasterium S. Philiberti, Monasterium S. Florentij, Monasterium Karileffi Mon. Concas. Mon. S. Maxentij. Monasterium Menatæ, Mon. Magnilocense. Mon. Musciacum, Mon. S. Sabini, Mon. S. Pascentij. Mon. Doforæ, Monasterium Solemniacum, Monasterium Puellare S. Mariæ. Mon. Puellare S. Radegundis. Mon. de vera, Mon. de utera in Pago Tolofano. Mon. Vadala in Septimania, Mon. Calynæ, Mon. Sanct. Laurentij, Mon. S. Mariæ quod dicitur Nirubide, Mon. Caunas, & cætera plurima, quibus veluti quibusdam lychnis Aimoinus ait, totum decoratur Aquitanix Regnum. Pergitque: *Hoc eius exemplum non modo Episcoporum multi, sed & laicorum quam plurimi emulati, collapsa restaurabant, & novacertabant Monasteria instituere, &c.* Plura dein de Regni subdit felicitate, vid.

Quantum vero hoc tempore debuerit, debeatque æternum Italia, universi oculus à Sanctissimo Adelardo nostro, Caroli Magni consobрино, Monacho Corbeienfe felicissimè administrata, nullis sanè dignè verbis explicari potest meritis se ejus etiam in Græciam usque extendentibus. Paschasium nostrum Ratbertum, in vita, quam contraxit non nihil Hæreus, audiamus. *Iustitiam quantum sectatus sit, testis est Francia, & omnia Regna terrarum (videlicet etiam huius*

huius consilio an arbitrio, nihil non à Carolo Augusto actum) Maxime tamen Italia, quæ sibi commissæ fuerat, ut Regnum; & eius Regem Pipinum Iuniorem ad statum Reipubl. informaret. Thesaurarius erat pauperum, orphanorum Pater, mærentium consolator, brachium infirmorum, & fortè simul superbientium flagellum, ita tamen, ut plerisque de supercilio mentis deponeret artificioso. Cum ad Romanorum pervenisset fines à Domino Leone tunc temporis Apostolico officiosissime est exceptus, ut neminem Francorum constiterit tanto familiaritatis officio ante suscepisse: unde nostrorum, inquit Ratpertus, quidam narrant sibi iocoso dixisse animo. France, sciendo scias, quia si te aliud invenero, quam te credo, non ultra necesse Francorum aliquem huc venire, cui credere debeam, &c. Flebat autem diebus singulis, si non amplius, semel aut secundo, manè videlicet, & vesperi: cuius rei causam cum ego exiguis aliquando ab eo requirerem; plango, inquit, fili: me plango, non ut altiora celi sacramenta conspiciam; sed me, inquam, quid sim, considerans, plangendo lugeo. O profunda humilitas. Quod si inter mundi discrimina huc illucque pro Ecclesiæ negotio occupatus esset: instituta tamen Regula nunquam deserebat. Erat autem filius pacis, charitatisque catena, uti novit, (noverit) Spoletum, & Beneventum inter se per eum reconciliata. Vnde & non solum apud eos, sed etiam apud Græcos, & omnes maris Insulas, nimiam promoverit amoris gratiam, &c. Et quid amplius dici potuisset.

A.C. 808.

S.P.N. 328.

DEbet hoc anno nostris Regnum suum Northumbro- rum Rex Ardolphus, sive Arnulphus, à suis pulsus, quem per legatos Leo noster restituit, & suis quoque additis, sive potius nostris Rattfrido Notario, & Nazario Sancti Audomari, Abbatibus, Magnus Carolus, adeo ut Regem suum absque contradictione rebelles reciperent. Nefas omnino ducentes, verba Baronii sunt, non parere Romano Pontifici, atque tanto Imperatori resistere. Addit idem de Carolo, Regem pro ope ad Roman. Pontificem destinante; Vidisti, inquit, in his Romani Pontificis auctoritatem factam expressam. Quod enim non satis sibi suppetere iuris intelligeret Imperator, Regem electum in Regnum pristinum

A.B. pars I.

restituere ab ipso Roman. Pontifice, id præstari posse sciens, dimittit ipsum Regem Regno privatum Romam ad Leonem Pontificem, cuius auctoritate restituatur. Vidisti pariter quantum Papa detulerunt Angli licet furore perciti, & regnandi cupidine inflammati, ut expulsum à se Regem, eum restitutum auctoritate Pontificis: recipere non de tractarent, sed statim paruerint.

In Germania clarescentibus nostrorum meritis summus eisdem honor, ita ut Principes quique tituli iis deferrentur, præsulatus, Archipræsulatus solis ferè paterent. Sola Augia (Dives vulgo) tam viris illustribus clara, ut vel una in omnes Teutonum fines lat lucis dispensasset, si sola illuxisset. Verum mille Cænobijs infinita, sic liceat dicere, lumina colluxere, ut inde splendorem universi admireris. Ex Const. nostra Benedicta, &c. Ochemio, Egonio, &c.

A.C. 819.

S.P.N. 329.

Occumbit, sive potius cælo exortur, Illustrissimus Germaniæ Phæbus, Sanctissimus Saxonum, & Frisiorum Apostolus, primusque eorundem Episcopus, donec & certæ sedis, primus item Monasteriensis ordinaretur. Magnus ille Ludgerus, cuius singulis annis meritorum plane miracula non occurrissent, verum se ingessissent, nisi obstinatio Breviarij nostri obnixa esset. Ne frustra solis splendorem attribuisse videamur, vitæ scriptores probatissimos audiamus. Ex eo quo obierat loco, visus est veluti splendentis ignis fulgur subito emicuisse, quod diurnæ lucis claritate, totam illam provinciam illustravit, ac in sublime conscendens, ipsum conspiciebatur calum intrasse, &c. Vidit quoque hoc & mirandus Imperator Carolus qui eo tempore, in Aquis Palatio moratus est. Eadem namque hora, pro inspectione siderum cum Alcuino (utrique superstite) à quo Astrologiam didicerat, fuerat egressus. Sed quid significaret ignarus. Postmodum vero, dum veniens ad Comitatum Gerfrid (is inter alios sub mortem eadem viderat) de transitu eius Imperatori significaret, de luce quoque qua visa fuerat, non celavit. Porro Imperator de die, & hora diligenter interrogans ipsum eo momento migrasse comperit, qua lucem cum Alcuino conspexit. Eius Epitaphium.

N S. Lud.

S, Ludgerus Proto-episcopus Monasteriensis, principalis
 DCCLXXVII, sibi ostiensis, quievit
 in pace, idque

in Billerbeck Anno DCCCIX.

A. C. 811.

S. P. N. 331.

Werdenæ sepultus, &c.

Vt iterum amplissimi Episcopatus
 Auctorem habeamus. Ex vita Brovve-
 ro, &c.

Eodem anno Augiensis Cænobii do-
 num iussit Carolus Ulmensem pagum
 qui Monachorum partim ope, partim
 auctoritate, & commerciorum institu-
 tione in urbem longe opulentissimam,
 & potentissimam excrevit. Ex MS. diver-
 sis, Ochemio. Const. Ben. &c.

A. C. 810.

S. P. N. 330.

Claritate sua terras, & cælum implet
 hoc anno mortuus sanctissimus no-
 ster V Vilhelmus ex Aquitaniæ Duce,
 & primæ cohortis Magni Caroli Prin-
 cipe Gellonenfis Monachus, inter alia
 merita, Francia à Sarracenis liberata,
 celebratissimus. Excelluit in Cæno-
 bio admirandis humilitate, & patien-
 tia. Vnde fratribus aliis inserviens, &
 officia eorum viliora ipse subiens co-
 quiniæ servitium, tantus Princeps sus-
 cepit. Utque adhuc magis humilia-
 retur, pistor esse iussus, insigni miraculo
 à Deo honoratur. Nam cum instru-
 menta purgandi clibani deessent, signo
 S. Crucis munitus, ardentem clibanum
 ingressus, veste illa sa carbones expor-
 tavit. Orationi sine intermissione in-
 cumbens, totisque in ea noctibus per-
 severans, centies in die, & centies in
 nocte coram altaribus genua flectens,
 non solum pro suis, sed etiam pro pec-
 catis omnium Dei misericordiam im-
 ploravit. Ob memoriam passionis Do-
 minicæ virgis cædi, & flagellari solebat.
 Spiritu quoque prophetiæ pollens,
 diem obitus sui prædixit. In cuius
 transitu omnes circumquaque camp-
 næ sponte sua, nullius hominis opera,
 sonitum dare sunt auditæ. Ex eius vita,
 & Stengelio, &c.

De Augiensium celebrato tota Ger-
 mania Gymnasio, in quo non in libera-
 libus solum litteris, verum Sanctioribus
 potius, & juxta disciplinis Germaniæ
 procerum vulgariūque liberi insti-
 tuebantur, Erlebaldo in primis Mo-

Hayttho noster Augiæ Abbas, i-
 demque Basileensis Episcopus Ca-
 roli Imperatoris nomine Legatione ad
 Imperatorem Constantinopolitanum
 functus, ut de limitibus Imperij, san-
 ciendaque inter Augustos pace ageret,
 indignè à Stauratio accipitur. Tulit
 si quid unquam, molestius Cæsar, &
 Legatis Occidentalibus paria rependit,
 dum quanto honore ac amore Hayt-
 thonè prosequeretur coram ostendens,
 tanta confusione eosdem opplevit, ut
 rubore atque consternatione penè ex-
 animarentur, ijs tamen, ut & de Ori-
 enthe Hayttho mereretur, veniam &
 gratiam ab Augusto impetravit. In-
 credibile dictu quantum Principum
 è gravissimis mundi turbinibus emer-
 gentium numerum, hic unus annus,
 & consequentia proximè tempora pro-
 ferant, in Religionis, & Ordinis no-
 stri sinum securissimè receptorum. In
 vicem omnium solos Caroli ipsius libe-
 ros recenseamus, qui nomen Mona-
 chismo dare, quam regiè vivere, & vi-
 deri maluerunt; Præter quippe Pipinum
 Seniorem, de quo superius, Prumi-
 sem Monachum, Drogo Caroli ex Re-
 ginobyrga filius, Monachismum in Lu-
 xovio professus, ubi tanta virtute ex-
 celluit, ut tandem ad Cathedram Me-
 tensensem extraheretur, de Imperio me-
 ritissimus, ut suo loco dicemus. Hu-
 go item de Reginobyrga eadem natus,
 primum Aquitaniæ Dux, mox omni-
 bus relictis S. Bertini Monachus, in Ar-
 chiepiscopum denique Rothomagen-
 sem propter eximias animi dotes ele-
 ctus est. Gisala item ex Hildegarde
 Regina, & Theodora ex Fastrada geni-
 tæ, longè dignius nostrum institutum
 coluere, quam purpura atque Imperio
 summo cultæ fuissent. Theodoricus
 item Adelinde satus, invitus licet Pro-
 vincię Ducatu à fratre, cui adversaba-
 tur, pulsus, Monachismi denique felici-
 tatem probavit. Vid. Yepes, & rer.
 Gall. Script. De Euphrasia item eius-
 dem filia Abbatisa. Cl. Robert. in Episc.
 Bitus.

A. C.

A.C. 812.

S.P.N. 332.

Alcuinus noster meritis de Republ. Christiana nunquam nisi summa reverentia nominandus, non contentus solum Eboraci olim & Cantabrigiæ, Parisijs dein, mox Ticini, sive Papiæ, de litteraria strenuè meruisse, ut plurimis Theatris spectaretur Sueffione quoque, & pluribus annis Romæ docuit, ibidem in Lateranensi Cænobio agens, in quo Custodis, & Ministri Lateranensis Ecclesiæ officio fungebatur ad hunc usque annum, audiente ipsum Rhabano nostro, de quo deinceps sæpius mentio facienda. Eiusdem vero etiam consilio operaque Carolum in singulis Monasteriis, & Episcopis, Ansegiso restante, Grammaticæ, Musicæ, Arithmeticæ studia constituisse; sed & in Ecclesia Osnabruggenfi, scholas litterarum Latinarum atque Græcarum, ut ad usum Legationum in Orientem pueri erudirentur, institutas Alcuino initia debere, nobis, & penitius rem indagantibus est extra dubium. Grande illud, quod de eodem etiamnum in Galliis agente (ad quod tamen Regnum, etiam Roma ad Carolum excurrere frequentius debuit,) Sangallensij Monachus in Gestis Caroli, iure deprædicat. Dedit Albino Carolus Rex Abbatiam S. Martini juxta Turo-niam Civitatem, ut quando ipse abesset, illic requiescere, & ad se confluentes docere deberet: cujus in tantum doctrina fructificavit, ut Moderni Galli, vel Franci antiquis Romanis seu Atheniensibus æquarentur; De Parisiorum etiam celeberrima Vniuersitate, ita Poeta.

Quid non Alcuino facunda Lutetia debes.

Instaurare bonas, ibi, qui feliciter artes,

Barbariemque procul, solus depellere cæpit?

Ex Ansegiso, Meginfredo, Ant. de Yepes, Matth. Weiss. alijsq.

Plurimorum sub hæc tempora ex Ordine nostro Pontificum meminit Yepes tom. 3, cent. 4, requirendus:

A.C. 813.

S.P.N. 333.

Illustrissimus hic annus præstantissimo ex Ordine sydere, Sanctissimo illo,

& mille modis de Ecclesia Vniuersa meritis Trevirensium Archiepiscopo Hamulario Fortunato, cuius res gestas admiratus spectatissimum sæculi nostri lumen Constantinus noster Caietanus; non potuit non Italus in Germani Sancti admiranda curiosius intendere, & quæ miraretur orbi communicare, dignissimo de vitæ ipsius raris libro, ex ejusdem ipsius Divi scriptis scitissime confarcinato. Eum Leo Pontifex ex Monacho Luxoviensi, ob eximiam rei benè gerendæ spem Anno Christi 804. Galliarum Belgicarum Primatem, Trevirensiumque Archipræsulem iussu, clarum dein in præcipuis dilexit. Hoc vero imprimis anno Carolus Imperator benevolentiam Pontificis imitatus, summis honoribus augendum censuit, & gravissimo Reipub. Christianæ in negotio, ad confirmandam cum Michaele Curop. Constantinopol. Imperatore pacem, aliaque tractanda in Orientem Legatum misit. Additus pari functione, pari item doctrinæ, prudentiæque laude celebratus Petrus Nonantulani Cænobij in Italia Abbas, Anselmi illius mille, centum & quadraginta quatuor Monachorum Patris eodem in Cænobio dignissimus successor, de quo superius. Vid. Baron. Bisci. Yepes, Steng. &c.

Nec minore laude, quam Treverensem Cathedram humularius, rexit, hoc eodem anno ad eandem assumptus, Moguntinam Haistolphus Fuldensis Monachus, arctissima retentâ cum attrice Religione, societate à Brovvero commendatus. Vid. Fuld. ant. l. i. c. 16. Ut appareat quid Germaniadebeat tantis Pontificibus.

A.C. 814.

S.P.N. 334.

SRhabanus noster Fuldensis, mille alijs de hoc anno contendentibus, si omnibus præripiat, Solusque impleat, nemo nisi imprudens impudensque inficiabitur. Is Roma priore anno (illic Alcuinum audisse didicimus) in Germaniam ad suum Fuldensem reversus, meritorum atque famæ immortalitatem Germaniæ nostræ intulisse; tot artibus cumulatus, ut verè scientiarum armarium dici potuerit; ac deinceps Germania exuta barbarie, ita bonis & multis doctoribus ac Magistris

N 2

ab.

abundavit, ut litteræ non illatæ, sed natæ inter nostros Monachos viderentur. Nam simul ac Roma Fuldam suam revisit, continuo quasi signo data, undiq; concursus factus est, ut præter Monachos, Nobilitas quoque Generis sui, & familiæ spem, litteris & politioris litteraturæ artibus formandam tradiderit. Yepes, Weiss. &c.

Luctuosus idem annus Divi Caroli Cæsaris morte, Principis verè Magni, non facti tantum per Universum præclare, sed expensis in sacros usus piè ac liberaliter: quem Monachi nostri, ut patrem merito luxere, quosque ille ut filios, & filiis potiores habuit dilexitq;. Ea Augusti laus non postrema, quod acceptorum gratè memor, agnosceret Benedicto Patri nostro Admirabili, debere sese, quidquid pietatis sibi, quidquid per hanc felicitatis, accessisset. Neque immerito; quippe Benedictinis Magistris, Regno formatus, neque jam rerum potens, iisdem abstinuit. Monachorum consiliis administratum Imperium, latæ leges, tubacta Regna, adscitæ in fidei societatem gentes, nunquam moderatius, nunquam feliciter imperatum. Benedictum Patrem diceres, quos contempserat olim fusus, in Carolo demum filio resumpsisse, &c. *ita in Const. nostra Ben. & fusus, alias.*

A.C. 815.

S.P.N. 335.

Iterum Originem Monachis debet florentissima, & celeberrima Helvetiorum Vrbi Lucerna, Cænobio ibidem primum exstructo, conditore V Vighardo. Ruperti Sueviæ seu Alamanniæ Principis germano, ad quod incolæ ac colæque confluentes, frequentiore occursum, & des denique muris concludere, & successu temporum ac fortunæ nobilissimam Urbem juribus, & immunitatibus amplissimis condecorari impetrare. *Vid. Ioan. Stumpf. Naucle. Munst. Crus. Const. Ben. &c.*

Sub hæc ipsa tempora illustrissimo sanè exemplo potentissimo se Archiepiscopatu Lugdunensi abdicat Leidradus noster, & Successionense ingressus Cænobium pallium itidem sacrum, cucullo permutat, præstantissimis meritis reformato in primis Clero laudatissimus. Illud singulare ejus Lectores in

Theologia atque Grammatica Lugduni instituisse. *Vid. Ado in Chron. Cl. Rob. Wion, &c.*

A.C. 816.

S.P.N. 336.

Cælos triumpho implet felicissimo transitu Sanctissimus Papa noster Leo III. Compestellani Præsulatus, paulo ante mortem, Hirienti sede eo translata; auctor, Ovetensem item in Hispania cathedralem, Archiepiscopali honore insigniens; admirandus sanè Ecclesiarum Urbis reparator, in quarum ornatum, jam tertium profusissimus, hoc, an priore anno rursus, ducenta penè annorum millia liberalissimè expendit. Præter egregiam sanctitatem, ita afflictis Ecclesiæ rebus intendens, ut septies, noviesque eadem die pro eiusdem bono insolenti sanè exemplo, sacris operaretur. Successit Stephanus noster quintus, ab ipsa statim electione miraculis à Deo honoratus. *Vid. Baron. Anast. Bisc. Yepes, &c.*

Novum denuo in Orbe Sydus, novus Apostolus, à rerum gestarum magnitudine Magnus cognominatus Sanctissimus Anscharius, orbi universo. Septentrioni maxime illucescit, & frigidas illas Regiones accendit. *Vid. VVion, Yepes, Loc. div. Cranzius, Lac. Mag. Ramp, &c.*

A.C. 817.

S.P.N. 337.

Stephano nostro Sanctissimo Vrbis, & Orbis Pontifice mortuo, miro totius cleri, & populi consensu, eligitur, & è Cænobio nostro Divi Stephani Romæ, reluctans quantumvis obnixusque Paschatis Primus extrahitur, de cuius vitæ integritate, doctrina, in egentes, ac peregrinos, hospitesque beneficentia fusa Anastasius, & ex hoc Baronius. Ejus inæstimabilia merita inferius suo loco attingemus.

Hoc eodem anno celebrato Abbatum a quibusgrani conventu celeberrimo, plurima summo Ordinis nostri bono sancita, & instituta, ex quibus fructus incredibilis in omnes universi provincias redundavit. Extant apud nos

acta MSS. *vid. etiam Yepes,**&c.*

A.C.

A. C. 818.

S. P. N. 338.

ACceperat priore anno litteras à Paschale nostro Magnus ille splendor Orientis Theodorus Studita, quibus missa hoc anno Legatione respondit, & cum hac tum alia occasione datis ad diversos litteris egregius Economiastes Paschalem nostrum ab eximijs meritis de fidelibus Orientis dignissime commendat. lib. 2. Epist. 121. sic inter alia ad Thomam Patriarcham Hierosolymitanum. *Quod sane Occidentis Apostolus cum prastitisset, quantum profuerit, quid opus est loqui? Partim quidem resistentium mentes summopere confirmans, partim impiorum insolentiam, à spiritu profectareprehensione, profligans: quo quid esse potuisset salutaris, &c.* Hoc vero anno ad ipsum Paschalem scriptis: *Per omnia Religiosissimo Patri supremo lumini, universali Domino nostro, Apostolico Papa, &c. Vos illustris ac sincerus ab initio fons Orthodoxæ veritatis, vos adversus omnes Hæreticam procellam tranquillius sepositus portus Ecclesiæ universæ, &c.* Vid.

Sed & eodem anno rursus de Oriente idem Pontifex noster meritissimus, missa Legatione, cum litteris adversus Iconomachos, eosdem erroris redarguit, & ab Ecclesiæ Romanæ communionem indicat separatos. Græcos dein Romam confugientes, benignè excipit, verus omnium Pater, iisdem de necessarijs vitæ providet Monachis; item eorundem Cænobium apud S. Praxedem constituit. Titulum eundem Presbyteralem collabentem restaurat, ornat, & multa Sanctorum corpora infert. Vid. Baron.

De Casinatis vero Cænobij sub hæc tempora dignitate, & utilitate, sic item Baronius. *Vt autem de rebus occidentalibus aliquid attingamus, dicenda sunt aliqua de Cænobio Casinate, ubi vigeat his temporibus Monastica disciplina, ex quo tanquam ex fonte fluentia Regularis disciplina manabant cum floreret viris Sanctissimis, & inter alios, qui creatus fuit hoc anno, eiusdem Cænobij Abbas Appollinaris, qui eo miraculorum gratia est sublimatus, ut Lirim amnem sicco vestigio pertransiret, &c.* Et paulo post. *Liceat autem de remotis alijs partibus ad dictum Cænobium frequens esset accessus; illorum tamen qui ex diversis regionibus Italia, tanquam ad Civita-*

tem Refugij, atque ad asylum Christianæ libertatis illuc confluere solent, seque illic cum suis divitiis Deo offerrent, frequentior erat adventus, ut ex Leone Ostiense re eiusdem Monasterii describente, quis poterit intelligere. Ita Baron.

A. C. 819.

S. P. N. 339.

MOritur felicissime dignissimum Italix ornamentum admirandæ sanctitatis Monachus in D. Bervigni prope januam conditus Beda, cum humanarum, tum Divinarum scientia litterarum præstantissimus, tot nominibus Imperatori Carolo acceptissimus, quem multis præfectum Episcopatibus volebat, illo pertinacissime ad cellulæ suæ quietem, dimissionem flagitante, Qua denique impetrata ad Sanctissimū Guilielmum nostrum, qui tum Cænobio cuidam juxta Gavellum fluvium non longe ab Urbe Hadriæ, cum Venerio socio se contulit, ubi sacro rigori, contemplationi Numinis, ac Scripturarum Sacrarum expositionibus totum se dedit. Visa Columba jussu mirabilis ad cellæ ejus fenestram persistere, & auribus viri Sancti, quæcunq; dictare volebat, instillare, & quotiescunq; Oratorium introibat, cum eo simul, & illa ingredi. Eam semel Venerius deturbare volens, prohibitus à Beda est, dimitte eam, inquiebat Sanctus, nec enim à Deo ad infestationem, sed ad magnam consolationem transmissa est. Relicta ingenii monumenta præcipua sunt.

Commentaria super quatuor Evangelia.

Commentaria super librum Actorum Apostolorum.

Commentaria super Epistolas canonicas.

Commentaria super Apocalypsim.

Commentaria super Parabolas Salomonis.

Liber Martyrologij, & computi.

Chronicon à Mundi principio usque ad Gratianum.

Tractatus plures stilo prosaico, & Metrico.

Vt venerabilem illum æquæ nostrum, Bedam plane, sancta quasi æmulatione, imitatus videatur, nisi scripta eorundem, certissimo diversorum, inter se confundantur. Ex Vita Yepes, Wicon. In Germania claret admiranda sanctitate, Fuldensis Cænobij Magnus Abbas Sanctissimus Ægil, cuius vitæ res gestæ requirendæ apud Brovverum.

N 3 Inter

Inter innumeras Doctorum stellas celebratur hoc anno Claudius Scotus, & Sedulius Scotus uterque nostri, de quibus Bellarm. Weiss. Wion, Hepidamus, nos in Const. Ben. &c.

A. C. 820.

S. P. N. 340.

Virorum Principum cohortes integræ in Cænobijs nostris salutem quærunt, plurimi etiam in mortali hac vita rarissimis à DEO prodigijs cultis inter quos Sanctus Fintanus ex Laginæ Principe, Monachus Rhenungæ, quo longius à suis abesset in Germania professus, admirando vitæ rigore, & sanctitate, dæmonibus ipsis formidandus, quorum totos exercitus ipse unico cuius objecto, in fugam vertit, de pauperibus meritissimus, & non sine prodigijs liberalis. Ex Vita. Claret item Vigefius Spoleti Dux, de quo Hier. Plarus: Ferricus item, & Anna Austrasiæ Duces, cæterorumque Principum cucullo, quam opibus, laudationum ingens numerus, quos omnes Sanctissima nostra Religio, ut amantissima mater, benignè fovit, lactavit, & cælo educavit. *Vid. Wion, Yepes, &c.*

In Hispania effulget præcipuæ Sanctitatis radijs Sanctissimus Froillianus Legionensis Episcopus ex Monacho, & Abbate de Morervela, cuius vitam descripsere. *Alph. Villeg. Ambr. Morales, Iarapha, &c.*

Sub idem tempus Prædicatione Apostolica per Saxoniam meritissimus fit Episcopus Werdenfis S. Kortilla Monachus, & Abbas Amarbaricanus. *Vid. Kranzius, &c.*

A. C. 821.

S. P. N. 341.

Magnus ille Magni Caroli confortatus, Sanctissimus Adelardus, à morte Caroli, invidentium molitionibus in exilium actus, resipiscente Ludovico Cæsare redire ad suum Corbeienfem Cænobium invitatur. Certe cum appareret, Rathbertus noster ait, publice, improbos illos suos æmulos in aula quacunque nequaquam reverendos posse fieri, sed ab omnibus desiderari. Adelardum fontem consilij, justitiæ Regulam, mittuntur tandem à Rege qui eum honorificè reducant. *Ex Mirai Annal. ex Vita per Rathbert. & ex Vi-*

ta Ludovic. Imperat. per Anonymum, &c.

Emigrante ad immortaliter feliciam, Sancto Gigile Fuldensi Abbate, Harabanus (verba sunt Brovveri) ut cælestis ingenij ornamentis, & immensitate Scientiarum, sic administrandi ratione, & ea percolendi, quæ præclare majores inchoarant, exsplendescens, præesse jubetur.

Iterum pro Ludovico Cæsare, huic æquè ac Carolo Patri, unicè charus Haytho noster Augiæ Abbas, & Basileus Episcopus ad Paschalem Papam Legatus Romam destinatur. Ex Const. Bened. Eodem anno Paschali nostro Sanctissimo Pontifici S. Cæcilia Virgo, & Martyr. apparuit, & de sui corporis thesauro latente eum certum reddidit. Repertum in Cæmeterio Prætextati, aureis inductum indumentis, iisdemque reperis sanguine, incorruptum, simul eum corporibus Sanctorum Martyrum Valeriani ejus sponsi, Tiburtij, Maximi, nec non Urbani atque Lucij Romanorum Pontificum, quæ omnia transtulit in ejusdem Ecclesiam, quam colapsam restituit, auxit, ornavit, & Cænobium nostri Ordinis Virginum adjecit. Ut rursus spectatissimum in Universum Titulum Roman nostris debeat, & bis debeat, jam olim è nostro Gregorio Primo excitatum, nunc verè recitatum. *Ex Baron. Yepes, Bisc. &c.*

A. C. 822.

S. P. N. 342.

Sanctissimus Adelardus superiore anno Corbeiani suam reverti ab exilio permissus, & iussus ab Augusto, quanto indignus olim expulsus, tanto gloriosius in aulam accersitur. De fructu qui eius reditum consecutus ita Pascasius: *Vbi cum introisset, velut quidam ait quia venit Titani, apparuit illico nudata insipientia, quæ tegebatur pallio caliginis, & factus est stupor nimius, quis senatum populi ad tantam ineptiam deduxisset. Qui comperito non parum eos invidia fuisse delusos, duxerunt in irritum penè quidquid per hoc tempus (exilij nimirum) ut eis visum est, argumentose tractaverant. Certe ipse gloriosus Imperator, publicam ex nonnullis suis reatibus penitentiam suscipiens, (videatur etiam Baronius) factus est omnium humillimus, ut quorum oculi offenderant in de-*

in delicto, satisfactione Regia sanarentur.

Provocavit vix reverſus Adelardus Cæſarem ad pœnitendum, effecitque ut publicam etiam pœnitentiam, magno humilitatis exemplo, tantus Imperator ſubire voluerit, in celeberrimo Aliniacenſi conventu Episcoporum, Abbatum, Principum, & Magiſtratum, ut veteres Annales habent, & alij omnes rerum Franc. Scriptores. Ex eo vero, teſte Baronio, & cit. nimio afflictuſ eſt dolore, quod in virum Sanctiſſimum (Adelardum) adeo enormiter deliquiſſet, in cuius ſcleris expiationem, Corbeiam Saxoniz ſub hunc annum condidit, cui primum Abbatem, eundem præſeſſe voluit. Ita Lambertus, & Baron. *Fuit autem, pergit Cardinalis, aliquamdiu idem Monasterium Schola Sanctiſſimorum virorum, inter quos primus enituit Anſgarius, (utique reverſus) Apoſtolus Suevorum atque Danorum reliquorumque inferiorum Germanorum.*

A.C. 823.

S. P. N. 343.

Pſchalis noſtri Summi Pontificis innumera merita. Iſtud inæſtimabile, quod hodieque Hæreticorum impia eſuries, impiiſſimè invidet inhiatque. Patrimonium Sancti Petri præcipuè auctum, & Eccleſia Romana locupletata; & in Summum ſplendorem aſſerta. Seculares enim Magiſtratus, qui in Pontifice eligendo, partes ſibi indebitas uſurpabant, confregit, & abjecit; liberali Pontificis Romani, cum Episcoporum eligendorum (antea enim in ea re Imperatores conſulebantur) poteſtate Eccleſiz reddita. Romam, & Italiz Regiones aliquot, Exarchatumque Ravennatenſem (pro quanta hæc merita) à Longobardis S. R. E. ereptum, eidem reſtitui poſtulavit, & impetravit à Ludovico Pio Imp. ut diſt. 63. cap. Ego Ludovicus Imper. Auguſt. &c. apud Gratianum videre eſt. Fuerunt autem in Ethruria, Aretium, Volaterra, Cenſium, Florentia, Piſtoria, Luca, Piſa, Peruſia, addita, & Vrbe veteri. *Ex Gratiano, Volaterr. Platina, Eruſio, Tepes, VVione, &c.*

Clarent inter Principum virorum præcipuos præcipui, qui ſub hæc tempora Monachi vixere BB. VVala, & Bernarius, Pipini Magni nepotes, San-

cti Adelhandi fratres, ille in Corbeienſi, hic Luxoyienſi Monachos profeſſi, & Theodorada atque Gundrada illorum ſorores Sacræ Deo Virgines: de quibus in vita S. Adelhardi. *Ratbertus. Vid.*

A.C. 824.

S. P. N. 344.

H Aytho noſter Baſilienſis Pontifex, rariffimo exemplo, quanto magis ab Imperatoribus colitur & honoratur, tanto majore ſaſtidio gloriam famamque aſpernatus, Pontificatu abdicato, Cellulæ ſe rurſum quieti emancipat. Alij ante biennium, ut & nos in Conſtantia, abdicationem liberam poſuere, nos latentem, ceu miraculum protrahimus, etiam noſtri ævi Principibus admirandum. Paſchali noſtro Papæ, ſupremuſ hic annus, & rurſum merita alia atque alia ad ſupremum uſque anhelitum continuata, ſunt referenda. Multa Sanctorum corpora diligenter perquiſita digno honore recondidit. Stipendium Clericis auxit: captivos in tranſmarinis regionibus viros, & mulieres, & in partibus Hiſpaniz, & alijs longinquis regionibus, Sicut bonos Paſtor, redemit. Eccleſias plures reſtauravit, ornavit, dotavit, &c. *Vid. Anaſtaſ. Baron. Biſc. Tepes, &c.*

A.C. 825.

S. P. N. 345.

S Sanctiſſimis Anſcharii noſtri Maxumi Sueonum, Gothorum, Danorum, & Aquilonarium Partium Apoſtoli, labores, & merita immenſa. Quippe (quod ad annum certum referre non licuit) Gothia, & finitimis cum Rege Olao, ad fidem converſis, in Sveciam profeſtus, incredibili fructu in eo Regno laboravit, ſummo honore à Rege Berone exceptus, in Civitate Birchenſi Verbum DEI maximis induſtria, & conſtantia diſſeminans, idola evertit, Eccleſias condidit, quo ad Beronem quoque ad complectenda Chriſti dogmata adduceret, & baptiſmo initiaret. *Vid. Crantzius, VVion. MS. vita eiufdem, &c.* Incredibile ſanè, quantum hic unus Apoſtolus noſter in Vineâ Domini laboravit, profeceritque, ut planè attoniti nos ipſi, toties lecta, & audita nunquam ſatis admirerur.

Obijt hoc anno magnum Ecclesiæ decus, & ad superos abiit, Haystolphus Moguntinus Archiepiscopus, cui tamen hoc ipso statim anno, vix decedentis, fertilissimus tantorum virorum ordo noster substituit, sive potius substituendum permisit, egregium sanctitate, & doctrina præsidem. Sanct. Amelgarius, sive Amelgarius, primum Campidonensis Cænobij Abbatem. *De quo Vid. Crus. Brusch. Belforest. VVion, &c.*

Emigravit in cælum eodem anno magnæ sanctitatis, & meriti eximii vir S. Attilanus Zamonensis in Hispania Episcopus Monachus Cænobij de Morerucla discipulus Sanct. Froillani, de quo superius, *Vid. Morales, &c.*

A. C. 826.

S. P. N. 346.

HOc anno rursus nostrorum opera Rex potentissimus, & Regnum amplissimum ad Ecclesiam CHRISTI accessit, Harioldus, sive Haraldus Danorum Rex, baptizatus cum uxore, & magnæ gentis suæ multitudine à Sanctissimo Amelgario nostro Moguntinensi Archiepiscopo; & fructu ex in incredibili in conversione Daniæ à Sanct. Anschario nostro laboratum. *Crantz. vita Ansgar. MS. VVion, Baron. Bisc.*

A. C. 827.

S. P. N. 347.

Hunc annum meritis gravissimis ornerat Sanctissimum illud Ecclesiæ columen B. Hamularius Fortunatus Treverensium Pontifex spectatissimus, libris in primis illis sequuturis æternum sæculis, æternum profuturus, quos de officiis Ecclesiasticis, summus Ecclesiæ universæ bono composuit. Ejus ingenij monumenta nobiliora sunt.

De Ecclesiasticis officiis. l. i.

De Ecclesiasticis item officiis, fusior dispositio. l. i.

De Septuagesima. l. i.

De Officio Missæ. (alius hic liber à quatuor illis. l. i.)

Itinerarium Legationis suæ Constantino-politana. l. i.

De ordine Cantatorii. l. i.

Lectiōnariū. l. i.

De Ordine Antiphonarij. l. i.

Restauratio, & renovatio status nostræ innocentia. l. i.

Epistolarum ad diversos. l. i.

Commentarium, & librum alium de diurnali officio alicubi promittens, an absolverit incertum. Vid. Constant.

Caiet. Trith. Sigebert. Berno August. &c.

Rursus alius circa hæc tempora potentissimus Episcopatus in Suecia Upsalensis nimirum, nostris originem, seque debet, quamvis incerto anno: hoc certum, primum ibidem Ansgarium nostrum præstitisse, ut præter dignitatis auspiciatissima initia, etiam Patronum, modo hodie agnoscerent, & tutelarem dignissimum acceperint. *Magnus Vpsal. &c.* Fit Pontifex ex Monacho nostro S. Valentinus vir Magnæ Sanctitatis, *Baronius.* Floret Ansegisus Laubienfis Abbas celeberrimus, ille qui edicta Magni Caroli, eiusque filij Ludovici Pij in ordinem digessit. *Miræus.*

A. C. 828.

S. P. N. 348.

Rursus in sui admirationem alius è nostris Orbem universum convertit Sanctissimus Gregorius IV. Summus Pontifex, ex Monacho Fossæ Novæ propè Tarracinam, congregationis primæ Benedictinæ, Valentino nostro suffectus, cum is vix quadraginta diebus, aliis non nisi mense uno, ad clavum Ecclesiæ consedisset. Gregorius, Magnum illum æquè nostrum. Primum hoc nomine Pontificem, invitandum sibi in omnibus proposuit, ut facile æstimes, quanti hoc statim conatu facendus is, qui sibi summa solum proposuit. Fuitque in prima electione ipsum affectus, dum pari submissione, summam dignitatem pro vili detrectaret, latebras quæreret, & invitus denique, ac dum posset, renitens, admitteret. Adeo extra ambitionem nostri, ut etiam extra suspicionem fuerint, Proin ad tantam sibi à DEO creditam expavescens præfecturam, suis penitus diffidens viribus implorandum prius Numinis auxilium, Sanctorum maximè patrocina putavit, & Magnum in primis Gregorium (cuius sepulchrum frequentare solebat) demerendum sibi digno obsequio suscepit, corpus ejus Sanctissimum, in digniorem locum transferendo, fabricatoque peregre regio Orato-

Oratorio, illud ibidem cum plurimis Sanctorum exuviis collocavit. Baron. Primo quoque Pontificatus anno, mereri non tam incipiens, quam pergens, Sancti Saturnini Martyris, via Salaria, Ecclesiam à fundamentis restituit, excoluitque. *Anast. Baron. &c.*

Claret egregia Sanctitatis, & doctrinæ fama S. Rixfridus ex Monacho S. Salvatoris Trajectensis Episcopus. *Vid. Wion. &c.*

A. C. 829.

S. P. N. 349.

UT plurimæ toto passim Orbe Urbes Nostris initia referunt sua, ita minime ambizioso conatu Ostia Tiberina munire hoc anno aggressus Sanctus noster Gregorius, defendendæ quibuscunque viribus Italiæ animum adjecit. Saraceni quippe per hæc tempora, potiti Sicilia, universas Italiæ oras classe piratica infestabant, ut universa potirentur, in eo jam nervis omnibus contendentes, proin imminens malum antevertere statuit, & Ostia Tiberina, jam vetustate mœnibus collabentibus, eandem civitatem novis muris munire aggressus est, & veterem in novam mutare, quam absolutam Gregoriopolim appellavit. *Anast.* Neque contentus, tantos pro Italia sumptus profundere, pergens in sancto suo Sanctos demerendi studio Sancti Marci Titulum hoc ipso quoque anno à fundamentis restaurat, & nobili exornatum structura, pretiosa suppellectile liberalissime locupletat. Id. ib. Evidus hoc eodem anno ad Principem Cardinalium S. R. E. dignitatem Beatissimus Hamularius noster Fortunatus Treverensium Pontifex, Sacro illi collegio doctrina, & Sanctitate splendidissimum sanesydus accessit. *Const. Caiet. Steng. &c.*

A. C. 830.

S. P. N. 350.

CLaritatem Galliæ, atque etiam Ecclesiæ universæ infert sub hæc tempora maximam Beatus Theodulphus noster, ex Monacho, & Abbate Floriacensi, Aurelianensis Episcopus plurima ab æmulis ob virtutem constanter perpeffus: Illud ejus in Ecclesia perpetuum monumentum, quod tanto seculorum decursu per Univerſum manſit

receptissimum: Hymni nimirum suavissimi, & spiritus quo ipse plenus erat, plenissimi: Vexilla Regis prodeunt, &c. & Gloria laus, & honor tibi sit Rex Christe redemptor, &c. ille tempore, quo Passio recolitur Dominica, & Triumphus Sanctissimæ Crucis; hic, ipsa Palmarum Dominica die decantari soliti, ab ipso compositi, & primum etiam decantati. Composuit, & alia opera præclara.

Hymnorum diversorum. l. i.

Epistolarum ad diversos. l. i.

Annales gestorum Caroli Magni, & Ludovici pij. l. i.

Eum Posssevinus Sanctum, & miraculis clarum affirmat, & auctor vitæ Ludovici Pij apud Pythæum, virum undecunque doctissimum prædicat. *Vid. Sigebertus, Glictovæus, Durandus, Hen. Canis. Crantzius, Trith. &c.*

Claret Alpaida Ludovici Pij filia Beggonis Principis potentissimi uxor, & ab ejus obitu Abbatissa Sancti Petri Rhemens. Renat. Bened. in vita S. Rigobert.

Conditum sub hæc tempora Sanctissimum illud Hirsaugiense Cænobium, quod unum, si sua in universum orbem connumeret merita, haud videmus majus, aut amplius, quidquam ab Ordine nostro desiderari posse, Tantas totque emeritorum cohortes, solum unicunque ad illa felicitatis quietissimæ Sanctissima otia promovit, induxitq;. *Vid. Trith. Xepes, &c.*

A. C. 831.

S. P. N. 351.

IN Dania totum se in labores expendit, & in sudorem, imo ignem pene defluit admirandus ille Septentrionis Apostolus Beatissimus Anscharius, ejusque Comes individuus Aurbertus, Corbeiensis item, sed novæ (id est Saxonicæ) Monachus, fructu quidem, & successu, de quo æternum sibi Ecclesia universa gratuletur. Instituisse etiam in quibus pueros erudirent Scholas, sed & studiose inquisisse, ut emerent (tanta animum incitabat, promovendi cultum divinum, & fidei dogmata, Sancta quædam ambitio) quos ad servitium Domini educarent, M. S. codex, qui penes nos est, paulo post edendus, asserit.

Missus hoc eodem anno Legatus ad Grego-

Gregorium Summum Pontificem S. Hamularius Trevirensis Archiepiscopus, *Requir. Baron. Steng. Caiet.*

A.C. 833.

S.P.N. 353.

Ut nunquam, ut sine laboribus nostrorum, sic nec sine succo & sanguine esset, hoc quidem anno Martyrii laureolam meritissimus Christi Confessor meruit S. Harruchus V Verdensis Episcopus ex Monacho Amarbaricensi. Et plurimum jam annorum decursu, Oriens Sicilia, Hispania, Anglia, Scotia Martyrum nostrorum exundarunt, Mauris, Saracenis, Agarenis, Nortmannis omnia vastantibus, quæ ad certos annos, referre compendii brevis prohibuit.

A.C. 832.

S.P.N. 352.

Involvunt penè numerositate sua, merguntque deprædicantis verba, sensumque omnem merita tanta cum non contenti difficillimas provincias suscipere, convertendarum gentium, Apostoli nostri, & in gelidissimas, asperrimas, & sui horrore incognitas penè, Septentrionis regiones excurrere, ad ipsos etiam inferos zelo accensi nimio, penetravere. Amulario nostro, vel solo hoc Titulo, verè Fortunato æternum debent, afflictissimi purgatricibus flammis animi, opem ac remedium tantis malis Sanctum hunc Archiepiscopum invenisse non solum, sed & omnium sequuturis sæculis torquendorum cruciatibus prætendisse. Officio nimirum Mortuorum composito, atque ordinato, de quo ipse ait, in libro de ordine Antiphonarii cap. 65. *Post officium Sanctorum* (quod per universam Ecclesiam solemne instituisse S. Gregorium IV. post dicemus) *inserui officium pro mortuis: multi enim transeunt de presenti sæculo, qui non illico Sanctis coniunguntur, pro quibus solito more Officium agitur ex VVione, &c.*

Hoc eodem anno Amaburg. civitas Transalbinorum Metropolis statuitur omnibus nationibus, Danorum, Suecorum, itemque Slavorum, ejusdemque Archiepiscopus primus consecratur Sanctissimus Anscharius noster, à Drogone nostro Metensi Episcopo Ludovici Cæsaris fratre Germano. Ut rursus plurima maxima, & potentissima Regna nostris primum Imperii, & gloriæ suæ honorem debeant. *Ex Adam. Brem. Cranzio, Baron, &c.*

Beneficium grande in acceptis referat necesse est Imperium universum, & Galliarum in primis regna amplissima, Gregorii nostri Summi Pontificis, Sanctissimæ voluntati, qui gravissima, & detestanda inter Ludovicum Imperatorem, & Reges filios, exorta dissensione, ut eam sopiret, difficillimo suscepto itinere, sed amore, & cura, vere Apostolicis, ipse in Gallias properavit. Vtrinque, & à Patre Ludovico, à filiis ipsis, & Principibus exauctorato, indignè susceptus, & à Lothario ex in plurimas injurias pro amore referente, pessimè exagitatus, ut quamvis nullo aut modico fructu illic egerit, plurimum tamen eidem à posteris pro incredibili sollicitudine, & labore, sed & constantia sit tribuendum.

Fuit annus felicissimus, & expectatissimus Sanctissimo Hamulario Fortunato, quo ad immortalia, valedicens mortalibus abiit. *Vid. Caiet.*

A.C. 834.

S.P.N. 354.

Quod Gregorio debere superiore Anno dixeramus Imperium Romanum, & Galliarum Regnum, quamvis irritato conatu, nunc debere bis dicimus Drogoni nostro Metensi, ex Luxoviensi Monacho, Pontifici, pro suscepto difficillimo negotio, sed felicissimo successu: Restituto nimirum in Regnum Ludovico, & compositis turbis, filiisque cum Patre optimo reconciliatis, quo non video dignius, aut utilius, sed & ad splendorem Ordinis nostri gloriosius fieri quidquam potuisse. *Wion. Belforestius in ann. Franc. &c.*

A.C. 835.

S.P.N. 355.

Quantum alij eodem tempore è nostris benè mereri de Gentibus ad fidem convertendis, alij de Inferis, animis nempe defunctorum è pœnalibus flammis eximendis, summa cum pietate atque immortalis laude elaboraverunt, tantum, & æquè laudabilis operæ Gregorius noster Summus Pontifex posuit, in Sanctis Cælitibus demerendis. Fuit vero immortale hoc eius studium, hoc maxime anno, Ecclesiæ universæ honorificum, Sanctis omni-

omnibus gratum, & acceptum: quo in capite Kalendarum Novembrium *Festum omnium Sanctorum*, à fidelibus per totum mundum celebrari præcepit, *Officioque proprio, quod ipse composuit*, decoravit; ut quidquid humana fragilitas per ignorantiam, vel negligentiam, in solemnitate singulorum Sanctorum minus plenè seu dignè peregisset, in hac observatione solveretur. Celebravit solemnitatem hanc soluta oratione, & versu Rhabanus noster, de quo *Platina requirendus. Rationale divin. Offic. Ioann. Belet. Plat. Pigebert. Wion. &c.*

A. C. 836.

S. P. N. 356.

MOritur circa hæc tempora Decus illud Magistrorum omnium, Academicarum orbis præcipuarum, institutor, Rector, & Animus Magnus Flaccus Albinus, sive Alcuinus sæpe ante à Doctrinæ immensitate, nunc sanctitate commendandus. Eum Sanctissimum, & Doctissimum Anno 778. Baronius appellat. Rhabanus Maurus eius discipulus, Magistro maior, aut non multo minor, Martyrologio suo eius nomen adscripsit. Vetus auctor eius vitæ, ex ore Sigulphi Alcuino familiarissimi, narrat inter alias virtutes, hac etiam eximium fuisse, quod nihil eligeret vel ageret discipulus, quod Magistri Sanctissimi Egberti auctoritas non probasset prius, nullas etiam diaboli insidias persenserit, quas non continuo ad Magistram (ex SS. nimirum Regulæ auctoritate) referret. Cum aliquando coram Magistro, & condiscipulis, de more S. Joannis Evangelium legeret, subito conticuisse, & quem S. P. N. Benedictus sub uno solis radio, Alcuinum sub exiguo circulo, totum mundum conspexisse, id postea Magistro, etsi diu reluctantem, confessum fuisse. Exinde Romam ab Eadbaldo propallio missum, in reditu obviam habuisse Carolum, ab eo benignissimè invitatum fuisse: præter summè festivos dies Ieiunium in vespere produxisse; prophetiæ spiritu clarum; occultissima quæque, & futura cognovisse; Carolo Magno è tribus filijs successorem prædixisse; incendium jam late vagans, oratione extinxisse, oculorum lumen, qua lavabatur aqua, cuidam restituisse: cacodæmonem tetrissima specie

apparentem fugasse: sanctissime denique, in hac oratione: O clavis David, sceptrum Domus Israel, &c. Spiritum Deo reddidisse, cæloque obviam eunte Levitarum choro, receptum esse: *Ex Matth. Weiss.*

Baronio certum quasi priore anno superstitem ex Argumento scriptorum ejus eodem anno; ut videatur hoc ipso, saltem non multo post, feliciter post tantos labores, ad quietem æternam abiisse.

Eodem hoc anno absolutam Gregoriopolim, ac contra incursiones Saracenorum egregie munitam, Gregorius noster solemniter dedicavit. *Videat. VVion.*

A. C. 837.

S. P. N. 357.

SANCTUS Rhabanus noster, quantumvis Fuldenis Abbatiz onere pressus, tantum tamen abest, ut à consuetis studiis non nihil remiserit, ut potius tanto maiore studio eadem, jam quasi facta sibi expensarum copia apud omnes promoverit, quos ipse, non solum in sacris litteris, sed & sæcularibus, sedulo erudit. Nec Fuldenses solum Monachos, sed etiam ex diversis locis aliis, ad se transmissos, in omni genere doctrinæ discipulos instituit. Factumque est trithemio ex vita eiusdem Rhabani, per Meginfredum scripta, exscribente, *ut non solum Abbates Monachos suos, sed & Nobiles Terra filios suos Rhabani docendos Magisterio subdiuerint.* Pergit de docendi ratione differere. *Fuere tum in eo Canobio Monachi centum quinquaginta; Doctissimi eorum dicebantur Seniores (erant verò duodecim) cum quis sive ad aliud Canobium missus, sive morte sublatus fuisset continuo ex Doctioribus, & Sanctioribus alius in eius locum, Rectoris, & Seniorum electione constituebatur. Legebant singulis diversarum facultatum singuli. Decimus tertius (ut tum Rhabanus) erat principalis Magister, & omnium lectionum deputator. Id maxime observabant ut, cum litteris virtutis amorem, & Mundi quoque contemptum instillarent, nec se multum discipulis profuisse arbitrabantur, nisi inter docendum, virtutem quoque persuasissent. Quod quidem Rhabano non in more fuit, sed & facillimum, quod, cum eloquentia valeret, ad persuadendum esset poten-*

potentissimus. Quod si quem pravis moribus deditum, & ab honestate morum abhorrentem cognovisset, tanquam profanum, & bonis artibus abusurum, aditu Lycei sui prohibuit.

Fuit illud etiam Rhabani nostri, de patria meritum singulare, magna cum nominis sui gloria, tum Germaniæ emolumento, *Primum eidem Græcas litteras invexisse*, quod minimè ignoraret omnes ferè artes elegantiores à Græcis vel inventas, vel excultas, ac proinde litteraria maximè futurum, si easdem cum Latinis coniungeret. Ut proin non immerito hoc tribuat Trithemius Doctori tanto. *Nec Italiam Rhabano, similem, nec Germaniam æqualem vidisse.* Ex Trith. Weiff. &c.

A. C. 838.

S. P. N. 358.

Claret hoc tempore Lupus Ferrariensis Abbas, vir doctissimus, & spectatissimus, Ludovico Imperatori, sed & Carolo Iuniori longè charissimus, de quo consulas velim hoc eodem anno Baron. Debet circa hoc tempus salutem suam Corsica Insula Gregorio nostro Summo Pontifici, à Saracenorum incursionibus liberata. Bello quippe à Corsicæ Principe in Africam illato, domum se ad sua tutanda, ipsum omnesque, qui eius sequuti auspicia redire coegit: ut proin difficillimis temporibus redditum sibi Principem, & sua defensa, nostris ditio, & provincia amplissima debeant, agnoscantque. Ex Wion, &c.

Ex Monacho, & Abbate Laurissensi fit Episcopus VVormatiensis Samuel, de cuius laudibus. *Vid. Demochares, alique.*

Moriturus doctissimus Gozbertus Divi Galli Abbas, cuius inter ingenij monumenta liber de vita S. Galli compositus. Claret virorum doctrina, & Sanctitate ex Ordine nostro, illustrissimorum copia ingens, Const. Bened.

A. C. 839.

S. P. N. 359.

Rursum de Gallia meretur amplissimè Sanctissimus Papa noster Gregorius datis gravissimis ad Galliæ, & Germaniæ Episcopos litteris, quibus Ecclesiis eorundem consuluit, & gravissimas disensiones composuit. Est

vero Epistola eadem à Baronio tantifaceta, ut solam toti huic anno Ecclesiastico sufficere censeret, & sanè inter merita præcipua, de universo, Gregorii nostri adscribenda, utpote ex qua Gratianus noster lucidissimus ille Canonistarum Phæbus, complura summo sæculorum omnium bono, volumini suo Decretorum miscens, Orbi propinarit.

Hirsaugiensi Cænobio primus statim Abbas famam longe lateque celeberrimam comparat, unde & Cænobii incrementa immodica consequuta. Eratenim, inquit Trithemius, *Lintbertus, vir multum reverendus, Regibus ac Principibus notus, & familiaris qui semper ex eo, quo Monasterium ingressus est, non solum irreprehensibiliter vixit, sed quod amplioris censetur virtutis, tanta sanctitatis emicuit, ut omnibus vera perfectionis, in sua conversatione praberet exemplum.* Et paulo post, *quinam Exemplum hoc fructus consequutus subiungit: fama Sanctitatis eius, & eruditionis eius, se per omnem circaregionem diffundente, multi viri nobiles filios suos Magisterio eius instituendos tradiderunt. Complures etiam ex his qui clari apud homines in saculo videbantur, ultro se eius disciplina propter amorem Regni caelestis subdiderunt, unde numerus fratrum brevi auctus valide capit crescere, & substantia temporalis multorum oblatione dilatata fuit.* Chron. Hirsaug.

A. C. 840.

S. P. N. 360.

Debet hoc anno Ecclesia Universaligentem thesaurum Monachis nostris repertum, corpus nimirum Sanctissimi Apostoli Bartholomæi, quod olim loculo plumbeo injectum, & in mare mersum à paganis, non ferentibus illud propter nimiam signorum claritatem, ab omnibus venerari, ab India usque ad Liparam Insulam ultro fuerat delatum, Cujus ossa modo à Saracenis huc illucque dispersa, Monachus denique, Anonymum dolemus, ipso revelante, meruit invenire, colligere, & bono publico, veneranda proponere. *Ex Leone Ostiensi.*

Eodem anno Trithemius noster, in laudem Ordinis erumpens, sic ait: His temporibus, claruerunt in Ordine nostro Benedicto, multi celeberrimi viri, Sanctitate Scripturarum insignes, qui velut

velut astra cæli totam Ecclesiam moribus, & doctrina multum illustrarunt, &c. *Videatur Chron. Hirsau.*

A. C. 841.

S. P. N. 361.

HAymonis viri Sanctissimi, & Doctissimi incredibili fulgore rutilat mundus universus, & meritis copiosissimis turgescit. Is hoc anno ob eximiam virtutem à Cænobio Fuldensi extractus, & Halberstädiensibus Episcopus præfectus est. Præcipuus vulgo Homiliarum Declamator celebratur. Alcuini primum auditor, ex in doctissimos inter sui temporis viros numeratus, Scripturarum imprimis sagacissimus interpres. Sanctitatem etiam eximiam doctrinæ coniungens, compo-
luit in omnes libros Testamenti utriusque dignissimos commentarios, pietate, brevitate, dictionis simplicitate ac perspicuitate laudatissimos, in quibus, quæ à veteribus interpretibus, vel erant scripta doctis obscurius, vel apud populum dicta fusi-
us, egregio sane omnium commo-
do in compendium redegit, adeo perspicua, & lucida brevitate, ut & ab occupatis parvo temporis dispen-
dio legi, & à simplicibus leviterque li-
teratis facillimè intelligi possint. Ver-
satus autem est termè semper in Allego-
ricis, & Anagogicis sensibus: quos ve-
luti spiritualis apicula, ex omnium anti-
quorum hortis ac pratis florentissimis de-
cerpsit, quo legentibus universis esset parata saluberrimi mellis copia. *Vid. VVionius.*

Eodem anno ex Monacho, & Abba-
te inferioris Altaichæ in Baioaria, fit
Episcopus Herbipolen-
sis Gotvvaldus, sive Godeboldus. *Demorh. Bellforest. &c.*

A. C. 842.

S. P. N. 362.

Sveviæ Regno amplissimo, novum
jubare exoritur, Sanctissimus Stepha-
nus, ex Corbeix Saxonice Monacho,
Vpsalensis Episcopus. Hunc prædi-
candæ fidei zelus, ita succendit impu-
litque, ut relicta Vpsalia, ubi nulla pro-
pagandæ fidei spes supererat, ad Helsin-
gosse, Suecorum ultimos, conferret,
quos suis prædicationibus maxima ex
parte adducens, primus eorundem &
præcipuus Apostolus meruit appellari,

Vid. Ioan. Magnus de Vita, & gest. Pontif. Vpsal. & alii.

Ad cælos transijt eodem anno San-
ctus Hildemannus, 8. Decemb. ex Mo-
nacho Gorbejensi Belovacensis Episco-
pus. De eo *Surius in Vita S. Adelhardi, Molan. in Natal. Claudi, Robertus, Flodoar-
dus, &c.*

A. C. 843.

S. P. N. 363.

A Rectæ omnium aures dum Stra-
bum nomino: tanto is Nomine est,
ut vel auditus, eruditorum omnium a-
nimos percellat. Is Fuldæ, Augiæ, &
ad Divi Galli celeberrimis per univer-
sum Scholis, facem, stupente ad inso-
lentiam luminis universo, prætulit, & si
nulla realia, maiore tamen, & dignio-
re meruit, quam ulla ætatum conse-
quentium facundia eloquatur, com-
pottata (cum humanis litteris apprime
eruditus esset, & Sanctarum Scriptu-
rarum lectione dives) ex opusculis &
scriptis Sanctorum Patrum Glossa,
quàm vocant Ordinariam. Tanto ma-
gis, ab omni posteritate colendus, & su-
spiciendus, quando, & primus invenit,
& tam pulchro ordine collegit coegit-
que. *Sixtus Senensis, Trithem. Brovve-
rus, &c.*

Tristissimus idem annus Ecclesiæ V-
niversæ obitu Sanctissimi Papæ Grego-
rij nostri I V. ob merita ingentia in ho-
diernum usque diem celebratissimi,
quæ fuse commemorat Anastasius &
plurima inter etiam Beati Petri Apo-
stoli Basilicam, vetustate collapsam re-
staurasse, atque exornasse. *Vid. Ba-
ronius, &c.*

A. C. 844.

S. P. N. 364.

Iterum qui Episcopatus initia nostris
debebant, debent hoc anno Archie-
piscopatus amplissimi, & potentissimi
originem iisdem Bremenses Sanctissi-
mo Anschario sive Ansgario nostro,
hoc ipso anno primo Bremensis Eccle-
siæ Archipræsuli designato. Ut de-
nuo novum decus Germaniæ & Saxo-
niæ, ita merentibus nostris accessle-
rit. *Alb. Abb. Stadens. Cranzius, Trith. &c.*

Obiit eodem anno Alphonsus vulgo
castus Asturum, & Legionis Rex ex
Monacho S. Facundi invitatus ad Regnū
O dispen-

dispensatione Pontificis extractus, Votorum, ut poterat, pertinax custos *Virgo* nimirum Cænobio egressus, *Virgo* in ævum permansit, proinde & Numini charus, summa felicitate, Asturiis, & Legionibus annis omnino quadraginta, & uno præstitit, multis contra Mauros, prospero successu præliis fortunatissimus. *Gonzalvus Illefcas Abbas S. Thomæ l. 4. aliq., &c.*

A. C. 845.

S. P. N. 365.

Obstupescat rursus necesse est Historiarum peritus, vel amans, quicumque legerit Hincmarum hoc anno, Benedictinis deberi, cui noverit tantum reverentiæ Imperium, & Galliarum primis Regnum debere: ut nihil nunc libeat dicere, sed cum cæteris mirari. Extant plenæ nomine Hincmari Bibliothecæ, ut Hincmarum satis superque deprædices, si vel solo suo nomine appelles. Trithemius brevi elegio Maximum deprædicat, dum in tanta hoc tempore Doctorum nostrorum copia, virum dicit, in Divinis Scripturis. Singulariter doctum, & in sæcularibus litteris nulli suo tempore secundum. Electus proin hoc anno exigentibus meritis, à clero, à populo, & Concilio (Bellovacensi) universo Rhemenfis Archiepiscopus, Ecclesiæ eidem multis annis strenuè consuluit. Vid. Frodoardus, Gordon. Baron. Contractus, &c.

Nec minor auctoritas aut fama Hilduino, Hincmari Abbatis, Archicapelano sive Antistiti sacro Palatii Imperatoris Ludovici Pij de quo & pro quo plura amantissimus filius Hincmarus idem: quem Trithemius in Divinis Scripturis eruditissimum, & in sæcularibus valde peritum, metro & soluta oratione excellentem commendat. De utriusque Hilduini, & Hincmari scriptis idem consularur. Agobard. Bell. Flodoard. Claud. Rob.

Meminit hoc anno dignissimæ ultionis, Baronius, qua S. Maurus noster Fossatensis Cænobij usurpationem gravissimè ultus est, metuendo planè Abbatibus commendatariis exemplo. Acceperat Cænobium idem à Rege Francorum Guidolphus Ravennas, ne nullo dante, seu annuente invalisse arbitraris, ita ut expulsis inde Monachis, ac prophanato loco, etiam in convivio jacti-

taret, quæ impiè fecisset. *Visus illico super Mensam astare Sanct. Maurus ferulam manu gestans, qua illum validè in caput, & ventrem calce forti conamine percussit; qui illico amens effectus, inclamare cepit, Maure tu me interficis, cumque hac atque alia cunctis qui aderant audientibus, frequenter repeteret, effusis intestinis infelicem finivit vitam.* Vid. Odo, & Baronius. Grande hoc meritum Sanct. Mauri nostri, etiam pridem cælo recepti, modo essent, qui sibi non blandientes, iudicium DEI in solo Guidolpho exercitum, non missum sibi exemplum judicaret.

A. C. 846.

S. P. N. 366.

Admirandum iterum Sydus, quod vel solum toti sæculo suffecisset, hoc anno Freculphus effloruit, Lexoviensis ex Monacho Fuldensi Episcopus; quem tanti ipse quoque Rhabanus noster Archimagister fecit, ut lucubratione in Genesim operis honorem, inscriptione sua eidem detulerit. Illud eius immortalis omnium admiratione laboriosissimum, & dignissimum opus, quo septem voluminibus, ab exordio mundi, usque ad Nativitatem Salvatoris rerum gestarum tam Gentilium, quam Iudeorum Historiam contexuit. In quo etiam opere multas Divinarum Scripturarum difficiles quæstiones subtiliter enodavit. Scripsit & alia plura, quibus æternum de litteratis meruit. Vid. Trith. Claud. Rob, &c.

A. C. 847.

S. P. N. 367.

Felicissimus sanè Orbis, novo Pontifice, cuius electio ipsa miranda fuit, quod optimo Pontifice mortuo Sergio III. ipsa eadem die uno omnium, consensu felicissimè successerit. Is Leo noster Quartus eo nomine, fuit, gente Romanus, Rudolpho Patre, Sanctorum Silvestri, & Martini, Congregationis primæ Benedictinæ, Monachus dein Cardinalis Presbyter Tituli SS. quatuor Coronatorum, vir gestis præclare in Pontificatu planè Admirandus. Inchoavit primo statim Anno dignitatem, quam invitatus renitensque susceperat, meritis sanè ipsa æternitate nunquam satis deprædicandis, quorum illud

Iud ut singulare, sic primum à Baronio, Bisciola, aliisque celebratur. Vindicata nimirum in libertatem Romani Pontificis electione Lothario, & Ludovico, vindicantibus sibi electi confirmationem, quibus constantissime obstitens Leo, evicit denique ut consenserint, ne electio nisi ex Canonum præscripto fieri deberet. Extat huiusmodi decretum eiusdem Pontif. ad eosdem Imp. his verbis: *Leo IV. Lothario, & Ludovico A. Inter nos, & vos pacti serie statutum est, & confirmatum, quod electio & consecratio Rom. Pont. non nisi iussu, & canonicè fieri debeat, &c.* dist. 63. c. 31. Ut proin Leoni æternum debeat Rom. Ecclesia, & Pontif. Rom. universi: neque hi solum, sed & omnis Augustorum posteritas, ac Cæsarum Maiestas, quibus vice versa, suo & Pontificum successorum nomine pollicitus est, illibata Imperii iura, & nunc, & in ævum conservanda, &c. Insuper Romanorum civium memor Pontifex ab Imperatoribus iisdem impetravit, ut antiquis legibus vivere permitterentur. Ut nihil à Pontifice maius, dignius, aut utilius requirere quisquam, seu expectare possit.

Nèque hic anni unius, & primi merita substitere; accessere prodigiosa, quibus mirifice profuit atque pestiferi basilisci metu, & exitio Urbem liberavit, Processione solemnè indicta, intrepidus ipse tantus Pontifex ad specum accedens, unde pestifera illa afflatio erumpebat, sublatisque in cælum manibus, oratione pestem bestiamque conficiens. Pari felicitate incendium per ædēs Saxonum, & Longobardorum D. Petri Basilicę imminens, solo adhibito crucis signaculo, furentium flammarum impetum illico dissipavit atque extinxit. Quæ duò, quòd in die Assumptionis B. M. V. & eius octava perpetrata fuerint, is postea, ut festus celebraretur ab eodem præceptum, sed & cum octava, sic vocitant, institutum est. Platina, VVion, &c. Mirum verò, ait Baronius, & Bisciola, quot, quanta, & quam pretiosa ornamenta ex auro, argento, & gemmis contulerit, unus hic Pontifex noster S. Petri Basilicę, & S. Pauli, à Saracenis direptis, & spoliatis, ut gestis tanti viri obstupescamus. Vid. Anastasius.

Eodem anno, mortuo Moguntię Otgario Rhabanus Maurus noster Ful-

denfis Monachus creatur Archiepiscopus, sæpius pro dignitate memorandus. Brovver, aliique: Fuld. Trithem. &c. Inchoavit is, uti Leo Papa Pontificatum peregrinè gestis. Concilio imprimis celebrato, quò rem Ecclesiasticam mirè iuvit. Baron. Bisciola, &c.

Floret eodem tempore Hecti Treverensis ex Mediolacensi Monacho Pontifex, ut videas omnes ferè, & florentissimas cathedras, nostrorum opem ac operam exambivisse. Trithemius, &c.

A.C. 848.

S. P. N. 368.

Iterum Rhabanus noster indicto Moguntię Concilio, ad quod famosissimi doctrina ac Sanctitate confluxere Pontifices, omnes ferè è Monachis assumpti, universę Ecclesię profuit immortaliter, impiissimo Godscalco Hæresique eius nefaria condemnatis, aliisque plurimis ad bonum, & decorem Ecclesię constitutis. Trith. Pithæus, Baron. &c.

A.C. 849.

S. P. N. 369.

Quid verò de meritis rursus Sanctissimi Papæ nostri Leonis dignè dicamus, anxij prorsus hæremus, rursusque obstupescimus. Is hoc anno tribus classibus coactis, Neapolitana, Amalphitana, & Caietana in urbis subsidium, Romanas copias, nulla re magis, quam Divinis Mysteriis armatas, in Mauros seu Saracenos immisit; & pieque administrati belli felix exitus fuit. Navali pugna Sarracenis ad Ostia Tiberina superatis, Victoria insignis est relata. Miræus, Baron.

Efflorescit mira nominis celebritate Einhardus sive Eginardus ex Imperij Cancellario Monachus, & Abbas denique Selgenstadenfis, vir doctus, & Religiosissimus, inter alia eruditionis monimenta scripsit gesta Magni Imperatoris Caroli uno volumine, Historiam quoque sui temporis, & alia quedam, quibus se non modo Latinę linguę, sed etiam Græcę peritum ostendit. Trith.

Sed & Angelomus Luxoviensis Monachus in exponendis Scripturis Divinis, hoc tempore doctissimus apparuit. Vid. Chron. Hirs.

O 2

A.C.

A.C. 850. S.P.N. 370.

Leo Pontifex victis hostibus Eccle-
siæ, Divi Petri Basilicam, ab iisdem
dirutam, reparare cepit, novoque ad
usum rei Divinæ, eoque magnifico
Campanario exornavit, & ne eiusmodi
impolterum, obnoxia impressioni-
bus ac direptionibus esset, accumulans
meritis merita, Vaticanum ipsum mu-
nire, & lapideis muris sepere instituit.
Mox convocata Romæ Synodo Ana-
stasium S. R. E. Cardinalem Tir. S. Mar-
celli, ex eo maxime, quod Parochiam,
contra veterum Canonum statuta,
quinquennio deseruisset, honore de-
jecit. Platina aliique Gest. Pont. Scrip.
Vandelbertus Prumienlis Monachus
inter Scriptores enitet, Auctor Marty-
rologij Merricæ scripti, opera Molani
cum notis editi Anno 1573.

Nobilitavit hoc anno illustri Marty-
rio Ecclesiam Sanctissimus re & nomi-
ne Perfectus Cordubensis Cænobii S.
Aciscii Monachus. *Is cum nobili erudi-
tione, Ecclesiasticisque disciplinis institutus,
& Arabici sermonis usu litteratè peritus,*
(verba Martyrologij Benedictini sunt
apud VVionium) *eam ob causam Mauris
notus esset, de Christo, & Mahomete testi-
monium proferre aliquando iussus, exposi-
tis, exaggeratisque nefariis istius facinori-
bus, explosaque doctrina: Christi Divini-
tatem libere professus, à Maurorum cohorte
comprehensus, ad ludicem raptatur, cuius
iussu compedibus vinctus; in ergastula tru-
ditur; ubi in Vigiliis, jeuniis, ac orationibus
frequens, Spiritus Sancti virtute roboratus,
liberius fortiorque animo sententiam suam
confirmavit. Itaque multis post mensibus
è carcere eductus, constantissima Christi con-
fessione Mahometis cultum detestans, gladio
percutus coronatur. De eodem Martyrol.
Romanum.*

A.C. 851.

S.P.N. 371.

ADolphus Angliæ Rex vulgata Le-
onis Pontificis Sanctitate permotus
una cum filio Romam venit, à quo
benignè exceptus, cum ad Basilicam S.
Petri adisset (ecce quid iterum Sancti-
rati tanti Pontificis debeat Ecclesia?)
Regnum suum Tributarium Ecclesiæ
Romanæ constituit; singulis familiis
nummo aureo in singulos obligatis.
VVionius aliique. Mauri constantia

perfecti Monachi irritati, in odium
Christiani nominis exarserunt. Eo-
rum autem, qui hoc ipso anno egregie
martyrium consumarunt, historiam S.
Eulogius noster præsens inspector sin-
cerissime scripsit in libro, cui Titulum
fecit; Memoriale Sanctorum, &c. Pri-
mus hoc anno passus S. Isaac excepto-
ris officio, sed & genere nobilis, de-
mum omnibus relictis Monachus; rur-
sum alii sex monachi Petrus Sacerdos,
VValabonius Diaconus, Habentius,
& Hieremias mox etiam S. Theodo-
mirus; neque viri solum, verum, &
virgines maria, & Flora, quarum ta-
men prior solum sacra Deo fuit in Cæ-
nobio nostro de Cureclara. Videndus
fusus de his omnibus agens Yepes no-
ster, & Baronius, &c.

Walafridi Strabonis nostri relictæ
ingenii monimenta commendanda,
quando non pauci sunt, qui cum jam
morte subtractum, ante magistri sui
Rhabani Mauri obitum contendant:
quamvis non nemo Strabones duos nu-
meret, & ratio temporum, sed & gesto-
rum subinde varietas, idem prodere vi-
deantur. Verum utrumque Fuldæ e-
gisse extra controversiam est, nos de
Augiensi Monacho, & qui præfectus
denique Augiæ Abbas est, hoc loco a-
gimus. Ornavit vero sæculum, & Ec-
clesiam ipsam sequentibus fere labo-
ribus.

Glossa Ordinaria Moracenſi laboris
opere.

In Genesin Comment. lib. 1.

In Exodum Comment. lib. 1.

In Leviticum Comment. lib. 1.

In multos item alios Bibliorum libros
comment. lib. plur.

In Numeri comment. lib. 1.

In septem Epistolas canonicas. lib.
Scripsit insuper comment, & explica-
tiones.

In Epistolam S. Hieronymi ad Mar-
cellam de Hebraicis nominibus.

Eius item opera alia.

Eclogæ Tractat. in Psalter. Volu. 1.

Vita S. Galli. lib. 2.

Eadem vita metricæ. lib. 1.

Vita S. Othmari. lib. 1.

De officiis Divinis, five de exordiis,
& incrementis rerum Ecclesiasti-
asticarum liber unus passim excu-
sus. Romæ. Venet. Paris. Colon.

De

De comparatione mundanarum, & Ecclesiasticarum dignitatum. l. i.

Epistolarum ad diversos. lib. i.

Opus integrum Vitæ S. Mammetis Martyris & Monachi, visionis Wettini, & Epigrammatum extat tomo 6. Hen. Canisij.

Hortulus eiusdem ad Grimaldum Abb. S. Galli lib. i.

Tractatus de subversione Hierusalem in cap. 19. Lucæ.

Chronicon Fuldens. quod tamen non perfecit.

De Arithmeticis dimensionibus libellus.

Vt unius rursus Monachi, ex tot millium, quos præterimus, saltem labores videas, atque inde reliquorum liceat æstimare, Ex Const. Ben.

A. C. 852.

S. P. N. 372.

Cælum ipsum gaudio implent, & gloriosissimo triumpho felicem Ecclesiam exornant, purpurati, & laureari Martyres nostri SS. Gumesindus, Servidens, Christophorus, Leovigildus, Emila, Ieremias & Rogellius, de quibus fuscè Yepes, Baronius, & Rerum Hispan. Scriptores, &c.

Hincmari Rhemensis Archiepiscopi, de quo superius, fama per universum vulgatissima, sed meritum multo majus, cujus lucubrationes sub hæc tempora, ad debellandam extinguendamque Godescalci Hæretici Hæresim pertinaciamque Frodoardus commemorat. Agnovit meritissimum de Ecclesia eundem Leo Pontifex, & usum pallij quotidianum, rara concessione, uni huic singularem voluit, eamque ob causam Hincmarum idem Leo monuit privilegii rarissimi, se nulli unquam antea, Archiepiscopo usum ordinarium, & quotidianum pallij concessisse, nec in posterum ulli unquam concessurum, &c.

A. C. 853.

S. P. N. 373.

NON Hispania solum hoc anno, sed insuper Gallia, nostrorum sanguine purpuratæ, iucundissimum cælo spectaculum exhibent, terrasque felicissimo rore fecundant. In Hispania quidem, constantia tortores vincunt, &

gloriosissime occumbunt SS. Fandila, Anastasius, Felix, Dina, Columba, Pomposa, aliique è nostris. In Gallia autem, multo maiore numero cum Normannis zelo fidei, non armis, congressi, uno in Turonensi Cænobio Centum viginti Monachi, gratissima Deo victima, cadunt. Vid. Yepes. Leonis nostri gloria singulis per Pontificatum annis aucta: gravissima hoc in primis anno accessione: Celebrato nimirum Romæ Concilio 67. Episcoporum, quomirum in modum Ecclesiæ consuluit universæ. Extant Canones numero 43. ex quibus maximo universi bono nonnullos in Corpus Canonum Grati-
anus noster retulit. Baron. &c.

Præter Principum plurimam copiâ, purpura rejecta cucullo splendidam salutem in eodem quasiere optimi Principes sub hunc annum, Pipinus Aquitanix Rex, & germanus eius Princeps Carolus, ille S. Medardi Sueffionense, hic Corbeïense Gallicum ingressus, ut planè perpetuo plurimum debeât Provinciæ, & Regna universa Ordini nostro, Principes de se optimè meritos, post multos deniq; labores, ad sanctam quietem recepisse. Yepes, &c.

Moritur splendor Ecclesiæ militantis egregius, & Cælo inseritur B. Haymo Halberstadenſis Ecclesiæ Episcopus, cuius præclarissima opera saltem hic numeranda.

Commentaria,

In quinque libros Moysis.	lib. i.
In Iosue.	lib. i.
In Iudicum.	lib. i.
In Ruth.	lib. i.
In Regum.	lib. i.
In Paralipomenon.	lib. i.
In Tobiam.	lib. i.
In Esdram & Neemiam.	lib. i.
In Judith.	lib. i.
In Hester.	lib. i.
In Job.	lib. i.
In Psalmos excusa Friburgini in fol.	
In Isaiam, & Hieremiam, Ezechielem, Daniele, XII. Prophetas, & Cantica Canticorum excus. Colon.	
In Epistolas D. Pauli interpretatio impress. Parisiis.	
In Apocalypsim.	libri 7. excusi Parisiis.

○ 3 In Ev-

In Evangelia Homiliarum. Tomi duo. Antverp.
 In Actus Apostolorum. lib. 1.
 In Epistolas canonicas. lib. 7.
 De varietate librorum. lib. 3.
 De Mundi voluptate. lib. 1.
 De Sancta Trinitate. lib. 1.
 De Christianarum rerum memoria. lib. 3.

A.C. 854.

S.P.N. 374.

Leonis Pontificis suo loco, dignæ memoria, & gratitudine æterna, res gestæ celebrandæ, quas inter unum pro mille numeramus, Centumcellense oppidum, ante quadraginta annos à Saracenis eversum, eiusdem expensis, & labore, opportuniore etiam loco, ob aquarum copiam restauratum, & à suo nomine Leopolim appellatum, ut paulo post maximarum Urbium, & munitissimorum locorum præsidia à nostris maiore ex parte extructa, seu restituta videamus. Ecclesias ibidem extructas locupletasse insuper, & ornasse Anastasius commendat. Vid. Baron. In Anglia, præter eos quos ob multitudinem ne suspecta sit, sed & ob numeri extensionem numerare non licet, claret admiranda Sanctitate Sanctissimus Suuithunus, Wintoniensis Episcopus. Vid. Sur. t. 4. 2. Iulii. Apud D. Galli Helverii viri doctissimi æquæ ac Sanctissimi clarent, B. Yso, B. Marcellus, B. Marcus, ex Episcopo Scotiæ ibidem Monachus, de quibus fusè in Constantiæ nostræ Benedictæ tomo 2.

Potentissima Tigurinorum civitas constructo ibidem jam pridem Cænobio, atque eo multis propter nostros confluentibus, maximis incrementis surgit, præstet ibidem ordinem nostrum professa Hildegarda Ludovici Germaniæ Regis filia. Ita eodem anno originem suam Tigurum, sive Tigurinorum nostris, Metropolis debet lib. cit.

A.C. 855.

S.P.N. 375.

Stupefcente rei novitate universo Lotharius III. Occidentis Imperator Augustus cum annis quindecim Imperatorio munere functus fuisset, in portum se Religiosæ quietis in Cænobio S. Salvatoris Prumiæ agri Trevirensis recepit, & conclusit. Bar. & Hist.

Mon. script. omnes. Ita Biscoliola ex Baronio. Eodem anno Imperator Lotharius, relicto Imperio atque Regno diviso, Ludovico Italiam, Lothario Regnum quod in Francia possidebat, dedit, præter provinciam quam Carolo tradidit; ceteris que rebus cunctis, benè dispositis, abdicans se ab omnibus humanis curis, Prumacense ingressus est Monasterium, ubi coma deposita habitans, Sanctæ Religionis habitu accepto fit Monachus.

Lugente Ecclesia valedicit mortali- bus Leonoster, Pontifex, si quis ullus alius vere Maximus cuius alia merita, quæ in certos annos referre non licuit, explicavit Baron. & Anast. Præter plura Concilia eius iussu, & approbatione celebrata, præter novam civitatem à se conditam, in quam Corsorum Coloniam induxit, originem eidem debene Hortana, & Amerina civitas, sane agnoscant oportet, se munitas, & auctas. Vicum etiam Sardis, Sardiniam Insulam relinquere compulsis habitandam dedisse, indeque loco celebritatem ex innumeris paucaquæ referimus. Eidem & vitam & opes, multis nominibus Itali debent, de quibus alias.

Obiit eodem anno Galliarum ornamentum præstantissimum S. Folquinus, ex Monacho Bertinensi Tarvanensis, sive Morinensis Episcopus, de cuius actibus gloriosis, multa admiranda narrantur. Ex Mon. Bertius, Yepes, &c.

In Hispania etiam pro Christo rursum nostri, & pro Ecclesia sanguinem expendunt, interque alios in primis S. Petrus, prædicationi, & conversioni gentium deditus, merito Apostolis accensendus Morales, Yepes. Alph.

Claret S. Adventitius ex Abbate S. Arnulphi Metensis Episcopus. Vid. Cler. Robert. Vasburg. Tillius, Aymoinus.

A.C. 856.

S.P.N. 376.

Amplissima Martyrum seges, & ea in primis germinat Ecclesia atque augmentatur. Protulit hoc plures Hispania; quos inter Principes numerantur. S. Elias, S. Paulus, S. Isidorus, S. Argimirus, & S. Aurea, quorum triumphos Morales, & Yepes æternitati scriptis suis commendaverunt.

S. Hi-

S. Hieron noster Apostolico apud Frisones intendens muneri, plurimis ad fidem conversis Martyrii laureolam meretur. Nec desinit quidem in hanc usque diem mereri, quando beneficio eiusdem plurimi res perditas, prodigiosè recipiunt; Vnde & dies eius festus Hollandis in primis notus est & celebratus. Notat prodigium versus antiquior.

Rebus in amissis Ieron sapiissime fulget.

Inquit, Molanus, Miræus, Stégenus.

Obiit hoc anno Bassatus testatæ sapientię, & Sanctitatis Antistes, Casinensium Abbas. Eius sollicitudini, & curæ debetur Campania à Saracenis liberata, cum ipse profligādis iisdem Ludovicum Imperatorem Casinum è Gallia deduxit. Substitutus admiranda Sanctitate clarissimus Regia Gallorum familia oriundus S. Bertharius, cuius, exigente virtute, alias memoriæ consulendum. Eodem pariter anno Illustrissimus ille Germaniæ Phæbus, doctissimus æquè ac Sanctissimus Rhabanus Moguntinus Archiepiscopus terris occubuit, celo splendidior exortus; cui debetur ab universo Expositionis Sacrę Scripturę quę Isogrammatica vocatur, id est Æquilitteralis Inventio. Et quidem labore ingenti, hac scribendi ratione absolvit Commentariorum libros omnino centum, atque octo supra septuaginta, quos ex omnibus Latinis Patribus continuata serie à Hieronymo usque ad Bedam collegit, servatis ubique ipsorum dictis ac sensibus, & in his locis in quibus Patrum expositionē non invenit, propriis explanationibus usus est, notatis in fronte paginarum tam suoquam aliorum interpretum nominibus, & quid ab eis haberet, & quo iudicio singula forent legenda. Eorundem librorum placet Syllabum pertexere, ut ex eo unius Monachi labores æstimemus.

Commentariorum,

In Genesin incipit: Magnorum virorum, &c. lib. 4.

In Exodum. Inter cæteras scripturas. lib. 4.

In Numeros. Numerorū librum. l. 4.

In Deuteron. Diversis igitur. lib. 4.

In Leviticum. Sequentis libri. lib. 4.

In Ecclesiasticum. Sciens benevolentiam. lib. 10.

In Ieremiam. Post commentarios. lib. 18.

In Threnos. Ultimam partem. lib. 3.

In Iosue. Domino beatissimo. lib. 7.

In Iudicum. Post mortem Iosue. lib. 2.

In Ruth. Scrutantibus ergo. lib. 1.

In Regum. Fuit vir. lib. 4.

In Paralipom. Adam. &c. lib. 4.

In Eldram & Neemiam. lib. 3.

In Iudith. Domine electe, & merito. lib. 7.

In Hester. Quem, &c. lib. 1.

In Tobiam. lib. 1. In Iob. lib. 1.

In Psalmos. lib. 1. In Proverbia. lib. 1.

In Ecclesiasten. lib. 1. In Cantica. lib. 1.

In librum sapientię. lib. 3. In Iezachi-
elem. lib. 1.

In Daniele. lib. 3. In 12. Prophet.
min. lib. 12.

In Machabeorum. lib. 3. In Matthæū.
lib. 8.

In Lucam. lib. 3.

In Marcum. lib. 4.

In Iohannem. lib. 1. In omnes Epist.
Pauli. lib. 23.

In Epistolas canonicas. lib. 7. In A-
pocalypsin. lib. 1.

Iam opera eius reliqua numeremus:

De corpore, & Sanguine Domini.
lib. 1.

De Naturis rerum. lib. 5.

Dictionarium mysticarum significa-
tionum ad spirituales Sanctorum
voluminum sensus intelligendos
lib. 1.

De virtutibus, vitijs, Cæremoniisq;
antiquæ Ecclesię. lib. 1.

De rebus gestis à Lothario, Ludovi-
co, & Carolo Imp. Ludovici Pij
filiis carmine Heroico. libri
plures.

De Vniverso ad Haymonem Episco-
pum. lib. 22.

De Vniversali natura. lib. 1.

De signis Nativitatis Domini. lib. 1.

De virtutibus Numerorum. lib. 1.

De origine rerum. lib. 1. De compu-
to Dialog. lib. 1.

De quæstionibus Canonum. lib. 1.

Canonum penitentialium ad Reginaldum. lib. 1.

De benedictionibus Patriarcharum lib. 1.

Sermonum innumerabilium ferè. lib. 1.

De Sacramento Eucharistiæ. lib. 1.

Epistolarum ad diversos. lib. 1.

De Divinis officiis. lib. 1.

Convivium Dei ad Ludovicum Imperatorem. lib. 1.

De Christiana fide. lib. 4.

De Institutione Clericorum. lib. 3.

Revelationum. lib. 1.

Opus deniq; illud admirandū prorsus, & profundissimæ doctrinæ, & ingenii eruditissimi, subtilissimique æternum monumentum, quod de S. Cruce composuit. Præter universalia merita quibus demereri Ecclesiam studuit universam: non Germani solum, verum Galli eidem plurimum debent, ob Academiam Lutetianam, à nostris primum excitatam, ab hoc verò Rabano nostro ad summam perfectionem atque omnis subtilioris eruditionis cumulum apicemque perductam. De Rhabano sic in Fuldensibus Antiquitatibus: inter alia Brovverus. *Nullius omnino liberali homine digna facultatis artis expertus, ferè nemini concessam hac ætate excellentissimæ doctrinæ palmam obtinuit; immenso quippe captu, vastoque librorum complexu, docendo, dictando, scribendoque Divinos apices totis dispersos Bibliorum membræ rimatus, portentosi ac sæcundissimi ingenii merito nescias utrum illi plus decoris librorum conscriptorum auctoritas, quam profunda atque inexhausta mentis admirabilitas adiecerit. Vnde cum publico Fulda docendi fungens munere, explicaret itidem immensi ingenii sui divitias, facile vicinorum non solum, sed & remotiorum, in tanto Gymnasii splendore, ad se studia, atque ora convertit: ut concursus etiam audiendi causa ad eum ex tota Germania, Galliaque fierent, &c.* Sed de Rhabano satis; cui nescimus an plus Orbis debeat pro doctrina, an pro ornamento, quod sibi, eo Præsule, accessit Moguntia.

A. C. 857.

S. P. N. 377.

NEcedere quidquam Rhabano præclare gestis successor in Archiepiscopatu Moguntino Carolus noster, Pipini Regis filius, ex Rege Aquitanix

Corbeix Gallicæ Monachus videretur indicta Moguntix Synodo, Rei Ecclesiasticæ egregiè consuluit, & nomen sibi Ordiniq; percelebre, ac æternum comparavit. Vid. Baron. Binius, &c.

Initia circa hæc tempora percelebris loci, Episcopicellæ, vulgo Bischofszell, nostris debetur, & sub eisdem ferè annos oppidi munitissimi Cellensis alterius, ad lacum inferiorem Bodamicum, ut conditarum Urbium Titulus iure Sanctissimo Legislatori nostro Benedicto adscribatur, cuius filiorum hæredū in gratiam, sive eorundem opera, alibi probabimus, Urbium, Oppidorumque millia condita, seu restituta, toto orbe extitisse. Vide Const. Bened.

A. C. 858.

S. P. N. 378.

COpulatas hoc anno Bremensem & Hamburgensem Episcopales Cathedras S. Anschario nostro Germania debet; Cuius rei privilegia diligenter asservari in Bremensi Ecclesia, Anscharium quoque ipsum, & Successores eius (ecce quid Successores Episcopi Antecessoribus suis Monachis debeant) Legatos, & Vicarios Apostolicæ sedis constitutos, in omnibus Gentibus, Danorum, Suecorum & Sclavorum, Cræzius habet, & de eodem consulend. Adam. Brem. &c.

Meminit hoc eodem anno cladis, & stragis Danorum admirandæ Baronius, ex cit. consequutam non sine prodigio, in vindictam, quod tunc Evangelio iidem restiterint, quos tanta utrinq; cæde, Adamus, jam citatus concidisse, affirmat, ut vulgus omne caderet, de stirpe autem Regia, nemo omnino remaneret, præter unum puerum nomine Henricum. Iste mox ut Danorum Regnum suscepit, ingenti furore super Christicolæ, Sacerdotes Dei expulit, & Ecclesias claudere præcepit. Ad quem Sanctus Confessor Dei Ansgarius venire non trepidavit, comitante gratia Divina trucem Tyrannum, sic placatum reddidit, ut Christianitatem ipse susciperet, suisque omnibus ut Christiani fierent per edictum mandavit, & insuper aliam in portu Regni apud Ripam extruxerit Ecclesiam, in Dania secundam. Ita rursus alium Regem convertit unus Apostolus noster Vid. citat.

A. C.

A.C. 859.

S.P.N. 379.

A.C. 861.

S.P.N. 381.

Meruit hoc denique anno iis accenseri, & eadem laureola Martyrum donari S. Eulogius noster, ex Monacho, & Abbate S. Zoili Cordubæ, Archiepiscopus Toleri electus, quorum gloriosos prius ipse agones descripsit. solum ipse in carcere positus certamina Martyrum, sed & plurimis ad Martyrium fortiter subeundum, & ambiendum auctor fuisse perhibetur. Extant hac nostra ætate e latebris antiquitatis eruta, præclarissima Scriptorum eius monumenta, quæ Apostolicum Spiritum redolent, & purissimam illam pristinam sinceritatem referunt, imo vivam ipsius imaginem reddunt. *Baron. Yepes, Marina, Stenglius, &c.*

A.C. 860.


S.P.N. 380.

Compositis in Dania rebus, novam illic exstructam in Ripa Ecclesiam Sanctissimus Ansgarius, S. Remberto nostro committit, qui in Gentium conversione Regnis illis plurimum profuit & decus inæstimabile Ordini nostro ipse Monachus addidit. Reversus Hamburgum relicto Remberto Ansgarius, mirandum in modum saluti omnium consuluit, deque venditione Christianorum Nordalbingos corripuit. Inde ad Frisios pergens, eosdem Dominicæ diei transgressores acrius corripuit, pertinaces, & contemnentes, antiquo, & inusitato prodigio, cælesti nimirum igne multavit. De aliis admirandis eius prodigiis fusè Adamus ut & de variorum hominum, & fæminarum Collegiorum cura, & cultu. Nosocomiorum item & Xenodochiorum, &c. quæ obstupefascas totus oportet, si intelligas, ab uno Monacho tanta in barbaris provinciis, intra tam modicum, & difficile tempus instituta. *Vid. M. S. vita Cranz, &c. Baro. Bisciol.*

Obiit eodem anno S. Rodolphus Aquitaniarum, sive Bituricensis, ex S. Medardi Abbate Archiepiscopus, meritis admirandus, *Vid. Claud. Rob.*

Trith. Arn. VVion,

&c.



Sanctissimus Bertharius ex Regia, Galliarum Regum prosapia, Casinensis Abbas Italiam immortaliter Ordini nostro devincit, toto animo, ceu in Patriæ liberationem civis optimus, curam omnem intendens, alia inter consulendo Italiæ præclare ausa factaque, sæpius suscepto in Gallias itinere, ac Cæsare Ludovico secundum adducto, tertio eundemnet per litteras ac nuncios evocatum, una cum Angilperga coniuge apud Casinum liberali hospitio accepit, inde porro transeuntem in Apuliam adversus Satracenos sequutus, nihil omisit quod ad arcendos ab Italiæ cervicibus Barbarorum enses opportunum arbitrabatur. Tantam iuvandorum quocunque modo ac ope proximorum studium nostris semper fuit, ut Patres Patriæ Monachos merito nominares. Extructa ab eodem S. Germani nomine prope Casinum Vrbs eidem debetur, ut alios pari opera & labore atque industria eodem tempore quam maximè desudantes prætereamus, *Conf. M. Ant. Scipio, &c.*

Claret apud Tigurinos Bertha Ludovici Germaniæ Regis filia, Secunda SS. Felicis, & Regulæ Abbatissa; ex Canobio paulatim Vrbs potentissima, & longe pulcherrima excrescit ornaturque, *Const. Bened.*

A.C. 862.

S.P.N. 382.

Novum Ecclesiæ Universæ ornamētum S. Notgerus Divi Galli apud Helvetios Monachus Mundo lucem, & duplicem affert. Ita nos in Constantia nostra Benedicta ex Act. Canonizat. eiusdem. In Divinis scripturis eruditissimus, in secularium quoque litterarum disciplinis omnium sui temporis doctissimus, Philosophus, Poeta, Musicus, Astronomus, Theologus celeberrimus, disciplinarum exactor acerrimus Sophiæ doctrina famosissimus, meritorumque Sanctitate beatissimus. Et ut in brevi omnes Sanctitatis eius complectar dotes, Vas erat Spiritus Sancti, quo suo tempore abundantius nullum, &c.

Plura ibidem, & tom. 2. Const. nostræ Bened. Clarent item Ericus, Orttridus, Rapertus, &c. Monachi nostri, viri

virī doctissimi, & pietate illustrissimi
Gaulter, Bucelinus, Equonius, &c.

A. C. 863. S. P. N. 383.

NE sola Germania his temporibus, nostrorum sanguine non purpurata; indignior Regnis ac provinciis aliis appareret, purpura omni pretiosiore tinxit Sanctissimus Meinradus, sive Meginradus, ex Zollerensi, ac Sulgovienſi Comite Augiæ Divitis Monachus, Cænobii illius primus auctor, pro cuius Origine progressuque, nulla se satis gratam Numini posteritas & ætas exhibere poterit, promerentibus illic æterna Religionis, & sacre observantiæ constantia Monachis nostris, ut Cælo descendens Cælitum Imperatrix ibidem ad juvandos Germanos, Christianosque omnes eo confugientes sedem fixisse videatur. Einsidlense Helvetiorum Cænobium loquimur, de quo gratulantium sibi Principum Germaniæ, sed & salute impetrata, afflictorum, dignius tu plausum exaudies. Ita Meinradi mortem Einsidlensia monumenta, contra somnia quorumcunque assignant.

Obiisse eodem anno felicissimum cucullo Lotharium Imperatorem, jam Prumiensem Monachum nonnulli habent; nos consultius Adoni nostro subscribendum biennio post censuimus.

A. C. 864.

S. P. N. 384.

PRincipum ac Regum in Ordine, nostro multitudo, circa hos maxime annos eius utilitatem posteritati omni, nomenque ac decus summum commendant. Enitet inter muliebrem sexum, masculino anistro, & virtute Hermingarda Imperatrix Lotharii Augusti conjux, quæ marito sacra æmulatione invidere felicitatem visa, idem consequuta propositum, ea virtutis existimatione in S. Iulii Brixienſi Cænobio, nostris devincta legibus vixit, ut Amalpergæ dignissimæ Anstisti succedere meruerit. Dereliquorum copia consulendus *Wionl. 4. multis capitibus.*

Apud D. Galli, in Corbeia Saxonum Gallorumque, & omnibus passim Cænobiis Sanctorum Monachorum tantus numerus, ut sub hos ferè annos,

ducenti, trecentique Sanctitatis opinionone celebrati, in uno Divi Galli Archisterio summo Germaniæ bono; Orbis atque Ordinis ornamento conviverent. *Ex Pistorii Manu Scriptis Metzler, Mariano Bucelino, Constantia Bened. &c.*

A. C. 865.

S. P. N. 335.

Cælum universum occurrit applausu meritissimo Christi pugili, & Heroi invictissimo, hoc anno ex hac lacrymarum valle transeunti Sanctissimo Anſchario nostro, Sueonum, Danorum omniumque Aquilonarium Regnorum, ac provinciarum maximo Apostolo, cujus nos vitæ admiranda propediem luci asseremus tamdiu desiderata.

Transit eodem pariter anno, ad felicius multo quam reliquerat Imperium Beatissimus Prumiensis Monachus Lotharius quondam Imperator, & Galliarum Rex, illud in Cænobio consecutus, ut à morte inter Divos referretur, idque per eum Imperium universum, ut fidissimum in Cælo Tutelarem habeat, habueritque tunc maxime, quando Ludovico, & Carolo fratribus imperantibus, summe tanti Augusti Cælitis ope, ac suffragio indignisset. *Scriptores Annal. pl. & maxime Ado noster. VVion, alique.*

A. C. 866.

S. P. N. 386.

DERhabani Mauri discipulis hoc anno dicendum, qui Germaniam in primis meritis, ac doctrina implevere. E pluribus pauciores recensemus, ac consequutum, Magisterio tantorum fructum, expendendum (nisi superet iudicium omne captum que) tibi relinquere malimus. Præter quippe Walafridum Strabum, quem, ante Magistrum excessisse, superius diximus, maximi famia atque eruditione discipuli ejusdem celebrati, hoc ferè tempore Mundum exornant, excoluntque; Freculphus Lexoviensis Episcopus ex Monacho Fuldensi, de quo item jam supra, Linbertus P. Hirsaugiæ Abbas Hyldolphus primus ibidem Scholarum Magister vir eruditione præstantissimus. Ruthardus secundus ibidem scholis præfectus, Bernardus Hersfeldensium Ab. Ioannes, qui primus apud

apud Germanos (egregium sanè, & hoc meritum) Cantum Ecclesiasticum varia ut ait Trithemius, modulatione composuit: Alfridus postea Corbeiz Saxonum Scholasticus inde Hildesheimensis Episcopus, quorum singuli singulis sæculis etiam ad miraculum sufficissent. *Videndus de his copiosius agens Trithemius.*

A. C. 867.

S. P. N. 387.

Ad mirando sanè successu laborat in Christi Evangelio longè lateque disseminando Sanctissimus Bremenium, & Hamburgensium Archiepiscopus Rembertus, & plures in societatem Apostolici muneris adsciscit, per quos, inquit *Vita eius scriptor, & verbum DEI gentiles audirent, & solatium Christiani captivi acciperent, quique Ecclesias longè remotas (attende quæso Apostoli huius amplissimum studium, & sementem) quandoque gravissimum erat, non sine magnis Pelagi discriminibus adeundas inviserent. Quæ tamen, pergit, discrimina ipse frequentius subibat, ita ut non raro in id periculi coniectus sit, ut propemodum dicere potuerit cum Apostolo, nocte, & die in profundo maris fui, &c.* Multus idem auctor est in commendanda quoque eiusdem in captivos liberalitate, ita ut vasa quoque altaris impendere non dubitaret; juvendis vero pauperibus ita studuit, ut extra diocesim suam ubicunque esset, marsupium ad zonam suspensam haberet, ut absente forte eo, quem Eleemosynis præfecerat ipse dispensaret: cuius peregrinum illud dictum; absque cunctatione egenis tribuendum, quando quis eorum sit Christus, vel quando ille veniat ad nos ignoramus. Sed & illud scriptori dignissimum commendatione visum, quod quantumvis gravissimis perpetuo occupationibus penè obrueretur, nullam tamen Pastoralis occasione curæ, perfectionis Monasticæ jacturam fecerit, &c. *Vid. id. apud Surium, Haraum, aliosq.*

A. C. 868.

S. P. N. 388.

Hinc mari nostri Rhemensium Archiepiscopi eximia existimatio, & tanta fuit, ut componendus gravissimis per Imperium turbis, Regibus ipsis ut vellet flectendis, aptissimus ab Hadria-

no Pontifice judicaretur. Inter alia Hincmarum Adrianus ipse, in Epistola hoc anno ad eum data sic alloquitur: *Licet frequens Sanctitatis tua fama, quæ nunquam nisi cum laude semper existit te nobis dudum fecerit manifestum: tamen, ut virtutum probabiliumque morum tuorum prædicamenta liquidius agnosceremus, fratrum nostrorum videlicet Arsenii venerabilis Apocrisarii Sedis nostræ, quin & Actardi Sanctissimorum Præsulum nec non & dilectissimi filii mei Sancti Sedis Apostolica Bibliothecarii fecit Anastasii multis præconiis plena, delectabilisque relatio. Quæ de re, sic animam meam tua dilectionis ardorem concepisse cognosce, tamquam si millies mutuis frueremur colloquiis, &c.* Commendat exin eidem Apostolici honoris defensionem contra Reges, & à præclarè eiusmodi iam ante præstitis sic eum commendat. *Quamobrem fraternitatis tuæ industriam specialiter admonemus, uti quod super hoc olim negotio gessisti studium, nullatenus enervari consentias. Sed vice nostra fretus coram Regibus & Præsidibus de testimoniis Domini loqui non cesses, &c.* Vnde priora Hincmari merita, & quæ de eodem sibi promiserit Ecclesia satis cognoscas, quæque exin plane consequuta suo loco ostendemus. *Ex Baron. Bisc. &c.*

Floret eodem tempore, ut ex his ipsis patet litteris Anastasius ille noster, cognomento Bibliothecarius S. R. E. Cardinalis, vir litteratissimus, & si nulla re alia de universa Ecclesia, scriptis Rom. Pontificum gestis, longe meritissimus, cuius operam frequenter, & digne usus est Baronius, & si quidem illa desiderarentur, ingentem planè jacturam Historia Ecclesiastica pateretur. Ita diligentia nostrorum omnis Historia, unica Temporum lux in orbe substitit, cum penes nostros tota fere Historiarum series, & fides potissima sit, & librorum five Auctorum cæterorum reliquæ, unis ferè Monachorum bibliothecis debeantur.

A. C. 869.

S. P. N. 389.

Navarunt circa hæc tempora egregiam nostri convertendis Bulgaris operam. Quanti verò prædicatorum suorum vitam, institutumque faceret Trebellius circa hunc annum, facto ipso

ipso contestatus, vitam & cucullum Monasticum digniorem potioreque Regno amplissimo habuit, & exambivit. Proin abdicato à se Imperio stupefcente Occidente, & Oriente universo curisque ac honore in filium translatis ipse Monachum sub instituto nostro professus, inter Monachos humillimus ex potentissimo, & summo vixit. Neque minus à professione novæ vitæ, suis profuit, ut maximo sanè jure eundem ex Monacho Bulgarorum Apostolum nomines; quippe filio paulo post ad pristinam impietatem reverso, verba sunt Hieronymi Plati, tantum in eo potuit zelus, ut Monasterium egressus, recepto Regno, invenem in potestatem receptum (Pater filium) luminibus orbaverit, insuper etiam perpetuo carcere multavit: denique Regnum Alberto minori filio cum salutaribus monitis consignans, ad suam se recepit cellam. Et cingulo militari denuo reiecto, vitæ reliquum in Sancta conversatione transegit. *Theatrum Convers. gentium. Regino Prumiensis. Hier. Platus. Ant. de Tepes, Trith. VVion. &c.*

Obijt circa hunc annum Sanctissimus Hunfridus Morinensium sive Tarnensium Pontifex. Illud eius inter alia miranda celebratum, cum sede sua à gentilibus pulsus esset, & ad suum Sithiense Cænobium revertisset, quæsitum à Sede Apostolica (negligens honoris, & extra suspicionem ambitu Præsulatus erat) num revertendum sibi esset ad Ecclesiæ regimen, an in Monasterio manendum. Suasit Pontifex Nicolaus, rediret ad Ecclesiam; cuius responsum habetur in Decreto *causa 7. quest. 1. cap. Sciscitaris, &c. Vid. Molan. Meyerus. Galefin. Miraus, &c.*

A.C. 870.

S.P.N. 390.

Purpureus totus hic annus, nostrorum sanguine, lætificat domum Dei, atque Ecclesiam præstantissimo fructu ditat, sed & Angliam in primis atque Scotiam fecundat. Irruentibus nimirum gentilibus Danis in ea regna, magna Cænobiorum ruina, & Strages Monachorum, quibus Anglia atque Scotia ita tunc abundabat, ut totos in diversissima Europæ Regna, iam olim, & non ita pridem, exercitus sacros destinaret. Virorum, ex muliebri constantia fortitudinem æstimemus. Ebba,

digna genere suo, sed multo magis Sanctissimo Ordine nostro Virgo, Ethelfridi Northumbriæ Regis filia, Collinghamenks Cænobij Abbatis, meruens, ne & ipsa, cum sibi subiectis virginibus ludibrio traderetur paganorum, & pudicitiam amitteret Virginalem, convocatis in capitulum sororibus universis, in hanc vocem prorupit dicens: *Ad venerunt nuper, inquit, ad partes nostras pagani nequissimi, & totius humanitatis ignari, qui loca Regionis huius singula perlustrantes, nec sexui muliebri, nec parvulorum quidem parentes atati, Ecclesias, & personas Ecclesiasticas destruunt, summas Sanctimonialiales prostituunt, & obvia sibi quæque conterendo consumunt. Itaque si consilium meum acquiescere decerneris, spem certam de clementia Divina concipio; quod & barbarorum rabiem effugere valebimus, & perpetuam Virginitatis pudicitiam custodire.* Cunctis annuentibus, illa admirandæ generositatis, ac fortitudinis heroina, arrepta novacula, nasum proprium cum labro superiori ad dentes usque præciciens, horrendum de sese spectaculum præbuit. Quod, factum mirabile, subsequutæ ceteræ supervenientesque manè Barbari ubi tam enormiter mutilatas, atque ad plantas usque sanguine defluente tabefactas conspexere, cedentes cum festinatione iniecto igne, cum Sanctimonialibus Cænobium concremavere, *Matth. VVestmonast. hoc anno, Tepes, Stengelius, &c.*

Quanta contentione pro cucullo Monachico currebant, concurrerentque, exemplo sint soli hoc anno tres Magni Ragneri Austrasiæ Ducis liberi, Hildebertus Colonia, Ermingarda ibidem in D. Mariæ, & Eva in cognomine Cænobio Treverensi Ordinem nostrorum professi ut minorum Dynastarum, Comitum, atque Baronum nec meminisse quidem liceat, qui potentissimorum Principum exempla subsequuti, agminatim ad Cænobia nostra properarunt. *VVion. MSS. Sangallensis, & Angiensis &c.*

A.C. 871.

S.P.N. 391.

Ansegisi rursus Senonensi Archiepiscopi laudibus hic annus tribuendus, de Gallia universa, sed sua in primis Ecclesia meritissimi, dignissimi Sancti Egilis

Ægilis, & Venilonis, Monachorum nostrorum in eodem Archipontificatu successoris. Ejus super omnia commendandum opus, quo Leges Francorum complexus, auctor exin pluribus, admirando sane fructu, & bono universi, paria audendi, quibus sequuntur quoque posteritati utilissimè prospiceretur. Eum MS. à Claudio Roberto cit. vocat. *Virum in cunctis optimè agentem, cujus tempore Ecclesia Senonensis magnò ac Pacifico vigeret honore, &c.* Sed in primis merita commemorat sepulchralis inscriptio eidem posita.

Antistes Senonum, reverentia magna potentum

Ansegilus in hoc conditus est tumulo.

Vt Primas fieret Gallorum, Papa Ioannes

Instituit, meritis hoc tribuendo suis.

Caroli Romana cinxit caput iste corona.

Et dedit in cunctos Imperium populos.

Gregorij Papæ secum caput abstulit inde.

Hic locus ossa fovet, spiritus astra tenet.

Videndus prolixior in ejus meritis laudibus Antonius de Yepes noster hoc anno. *Claud. Rob. Sigebert. Trith. &c.*

Nec minore ob Sanctitatem eximiam fama Gallias ornat Sanctus Adelinus ex Monacho Sanct. Carilephi Sagienfis Episcopus, vir doctissimus, ingenij sui monumenta aliqua posteritati relinquens. *Claud. Rob. VVion. &c.*

Odo item ex Monacho, & Abbate Corbeia Gallicæ Bellovacensis Episcopus, vir suo tempore facundissimus, multis Legationibus tam Ecclesiasticis, quam secularibus egregiè de Gallia meritis, magnà inde laudem, & gloriàm consequens. *Trithem. & Nicolaus ipse Papa Epist. 24.* Attulit hic ipse ornamenta Regia Ludovico filio Ludovici Balbi morientis. *Consulantur Flodoardus Aymoinus, Lupus Ferrarius, &c.*

A. C. 872.

S. P. N. 392.

Stellas facilius numerarit, quam qui nostri Ordinis viros illustres sub hac tempora numerare contenderit: soli Hartmundo D. Galli Monacho tantum gloriæ, & splendoris, ut nec alios attenda-

A. B. Pars I.

mus, quando unius splendor oculos obtundit. De hoc Trithemium audiamus: Hartmundus S. Galli Monachus Rhabani Mauri quondam auditor atque discipulus, vir undecunque doctus, ingenio subtilis, eloquio disertus, vita conversatione devotus, Græcæ Latinæ, & Hebraicæ peritus, adde, & Arabicæ non ignarus, scripsit tam metro, quam soluta oratione, multa præclara opuscula. Feruntur autem super quibusdam Bibliorum libris Commentarii ejus non abjiciendi, item Epistolarum ad diversos liber unus, sermones quoque, cantus, Hymni, & varij in scripturis Sanctis tractatus, &c.

Conspiciend⁹ etiam occurrit Bertholfus ex Abbate Mediolacensi, Treverensis Archiepiscopus vir ingenio acer, & de Ecclesia sua merissimus.

A. C. 873.

S. P. N. 393.

Sanctissimo Remberto nostro comes, & socius itinerum atque laborum miles Sanctus Adalgarius Corbeia Saxonicæ Monachus, incredibili labore in Daniam, Sueciam, Gothiam excurret, & manipulos in Christi horrea colligit. *Ex vita S. Remberti MS. &c.*

Anno eodem cum B. Salomon noster Constantiensis Ecclesiæ, magna pietatis, clementiæ, aliarumque virtutum laude annos quadraginta duos utilissimè præfuisset, ac post conditum Ratholdicense oppidum, etiam Canonicorum D. Steph. in Vrbe Basilicam fundasset, relicta magna nominis reverentia, ad felicem æternitatem concessit. *Ex nostra Constantia Sacra profana. Rem. Alein. Greg. Mang. &c. Mariano Bucelino, &c.* In Burgundia à Rudolpho Rege expetitus ab Hartmuoto consanguineo S. Galli Abbate B. Yso monachus, Burgundis, doctrina, & sanctitate mirum in modum illucescit. Ex cit. Apud D. Galli item admirandis prodigiis Sanct. Othmarus generi humano prodest, & languores accurrentium prodigiosè curat. Ibid.

A. C. 874.

S. P. N. 394.

Ad cumulum hoc anno verè felicitatis, post professionem Monasticæ perfectionis, adjectus à liberalissimo Numine honor Martyris Sanctissimi Salomoni ex Rege minoris Britannia, Monacho Sanct. Mainensi. five S. Maini. De cuius nec dum relicto Regno erga Rom. sedem studio videndus *Baron.*

P

Efful.

Effulget in Gallia Wallo ex Monacho nostro Altisiodorensis Episcopus, de quo Trithemius: fuisse virum scientia, & moribus clarum, cujus maximum fuerit studium Magistros, & professores litterarum charitative amplecti, eorumque consiliis uti, atque alloquiis perfrui. *Vid. Chron. Hirsaug.*

A.C. 975.

S.P.N. 395.

Iterum Regio, & provincia amplissima Monachorum nostrorum opera Ecclesiae adjecta. Helmoldum audiamus. *Tradit etiam veterum antiqua relatio, quod temporibus Ludovici II. egressi fuerint de Corbeia Monachi Sanctitate insignes, qui salutem Sclavorum sitientes, impenderunt se ipsos ad subeunda pericula, & mortes pro Legatione Verbi Dei, peragratisque multis Sclavorum provinciis pervenerunt ad eos, qui dicuntur Rani, siue Rugiani, & habitant in corde maris, ubi fomes est erroris, & sedes Idololatriæ. Predicantes autem verbum Dei omnem Insulam illam lucrati sunt, &c.* Sed de perversione, & conversione rursus eorundem suo loco. Sufficiat nostros hoc anno strenue laborasse, & vitam cum sanguine pro Christo conjicere in discrimen, Monachos nunquam dubitasse. *Vid. Baron. Bisc. &c.*

A.C. 976.

S.P.N. 396.

EX Hibernia, quæ sæpe dixeramus, subsidio Germaniæ doctissimorum Monachorum agmina misisse, Carolo Calvo imperante, catervatim rursus confluunt, & Germania, Galliaque aureis quasi scientiæ, & doctrinæ omnis, venis, ita dives fuit, ut inde sequutura æternum sæcula, nunquam exhauriant, quantumvis hauriant. Vnde ad Carolum, singularem nostrorum, & liberalium artium Mæcenatem Ericus Altisiodorensis Monachus in datis hoc ferè año litteris. *Quid Hiberniam memorem? contempto Pelagii discrimine pene totam cum grege Philosophorum ad littora nostra migrantem, quorum quo quisque peritior est, ultro sibi indicit, exilium, ut Salomoni sapientissimo famuletur ad votum.* Quanta vero virorum doctissimorum copia ex institutis per nostros in Anglia Academiis, & Scholis publicis, Regna in primis illa dein Europæ universa impleverit, deq; Theologia Scholastica, Philosophia aliisque artibus jam tunc alternantibus pervices professoribus. *Videndi Reinerus, Tepes, VVeiss. aliq. &c.*

A.C. 977.

S.P.N. 397.

Hinc mari nostri Rhemenfis Archiepiscopi iterum merita referenda, quibus mirandus etiam omni sæculorum posteritati, & nostri sequuturiq; sæculi Principibus utilissimus esse pergeret, si sæpius manibus tractaretur. Carolo Imperatore hoc anno Medici scelere sublato successit in Imperio Ludovicus Balbus cognomine. Eum ad Numinis voluntatem movendum dirigendumq; suscepit, ac proinde datis ad eum litteris, officij egregie non solum comonuit, verum etiam scriptis doctissimis de instituendo regno, de veneratione sedis Apostolicæ, de convocando generali Procerum conventu, de cura animi, deq; aliis Regni, Regnoq; dignissimis atque utilissimis instruxit, ut merito, obsequutum Pontifici cum de Regni cura superius admoneret colligas non solum, sed certo deprehendas Hincmarum Regnis Galliæ utiliorē, quam Reges fuisse, utpote cum supra Reges ille, ij vero non nisi arbitrio illius regerentur. *Ex variis ejusd. & Synchron. Epist. Baron. Bisc.*

A.C. 844.

S.P.N. 364.

Galliam viris ex Ordine nostro doctissimis refertissimam superius diximus, & quidem ex Anglia ad Mæcenatem litterarum Carolum confluisse, & ejus in litteratos propensio, & necessitas juxta coegerat. Quippe Danis Angliam vastantibus, everfis, Cænobiis Monachisque, quos offenderant, trucidatis, qui Evangelicum sequuti consilium, effugere poterant, in Galliam ferè ac Germaniam profugi veniebant. Ita ad hunc usq; annum pulcherrimum illud Angliæ Regnum, vastum incultumq; jacebat. Sed qui in illud Christianam primum Religionem, hoc etiam anno litteras, cumque iisdem felicitatem omnem in Regnum reduxere, imò Regem Regno suo restituere. Secessit in solitudinem, ne Regnum Christianiq; oviculas omnes defererent, S. Neotus noster, & ut licuit, bono publico sese reservavit, & nemorum latebris texit. Eū forte ante hæc tempora, ædificationis, sic vocant, gratia contigit ab Alfredo Rege visitari. Westmonasterienlem audiamus: *quem vir Dei Neotus, inter alia familiaritatis colloquia acriter (ut solitos nostros sæpius diximus) de suis pravis actibus increpavit, penas ignis æterni apposuit, potentes potenter passuros, ostendit, & præter hæc omnia ferè, quæ ei affutura erant præfago spiritu revelavit.* Ab
ad-

adversariis Rex, inquit, multa pateris, sed adhuc mala majora patieris. Nam Regno, quo tumes, quo immoderatam debachando tyrannidem exerces, unde ante Divina Majestatis intuitum, ubi humilis apparere deberes, & non facis, à Gentibus Christum ignorantibus infestaberis, & vix ab illis evadens, profugus latitabis, sicque per dies aliquot, peccatis exigentibus permanebis. Sed tamen (observa quid unius saepe Monachi oculitis gemitibus, seu precibus bonum concedat Numen) apud Deum precibus obtinui, ut sit à tuis servis retraxeris actibus, & libidinis incendius, adhuc misericordia sua vultum super te praten-det, sceptroque pristino, prosperitatique restitu-tuet, &c. Quæ ita evenere singula, cum paulo post Rex insignem & memorabi-lem de hostibus victoriam reportavit, ac tam utilem sibi, etiam dum in terris age-ret, apud Deum Patronum, sanctissimè colendum, eique in omnibus parendum existimavit.

A.C. 879.

S.P.N. 399.

Proin reportata ex hostibus tam illustri victoria, & Gritone Danorum Regè in deditionem, non alia conditione, quàm ut Christi se addiceret Legibus accepto; Neoti id quoque precibus concessum arbitramur, quod ea Regis conversio, ex eo quod ipse impetravit fuerit consequuta, ut proin duo jam simul Reges Monacho uni debeant, & ille se Regno restitutum, & hic Regum Regi Deo conciliatum, sed & ab ipso Neoto (sanè aliis ex Ordine nostro) formatum, & institutum. *Westmo-nast. Matth. Weiss.*

Iuvit eodem tempore Catholicam Ec-clesiam verbo non minus quam exemplo B. Paschasius Ratbertus, Monachus Cor-beiæ, ac post Canobij ejusdem Abbas, nō absq; Divino instinctu, mirabiliter, sequu-tur quoq; Hæresibus occurrens. Græco quippe, & Latino sermone insigniter in-structus; *De Sacramento Altaris*, ad Placi-dum Abbatem, doctissimū librum com-posuit, in quo dilucidè, & clarè Corporis, & Sanguinis Domini in Eucharistiæ Sa-cramento veritatem, cum refutatione di-versarū circa hoc Hæreseon, Spiritu quasi prophetico, apertissimè demonstravit, & tanti Sacramenti majestatem & dignita-tem intrepidè tutatus est, & fideliter de-fendit. Est excusus liber in folio Parisiis apud Michaelē Sonnium An. Ch. 1576.

A.C. 880.

S.P.N. 400.

Debet hoc aŋo Anglia Vniverſa Sanct. Neoto nostro, Oxoniensem Acade-

demiam præcipuo Regni bono institutā (sive potius restitutā, quam nostri pri-dem Sigeberto Rege instituerant) in quā undiq; viri doctissimi è nostris accersiti. De Neoto ita Polyd. Virgilius l. 4. *Histor. Angl. Alvredus.* (Alfredus seu Elfredus) Neotum imprimis Monastica professionis virū sanctissimum ob eximiam eruditionem, mirō amore complexus est, quo hortante Oxonii Gym-nasium instituit, proposita mercede omnibus (in sustentationem utique honestam) qui publicè bonas artes profiterentur, quo multi dō-ctrina clarè confluxere docēdi gratia. Et paulo post. Academia Oxoniensis statim à principio tum divinarum, humanarumque litterarum studiis, tum mira hominum doctrinis incum-bentium frequentia, multo celeberrima esse cē-pit, deincepsque usque eo floruit, ut jam facile cum quovis alio totius Orbis Gymnasio de No-minis gloria certare posset; in qua Scholastici ipsi, ut cujusdam Religionis observatione à pri-mo imbuti, ne utiquam minus animos bonis moribus, quam litteris excolunt, habent enim Canobia, magnifico apparatu constructa; mul-torum cum Episcoporum, tum Regum nobi-liumque hominum, ac faminarum probatissi-marum muneribus opulentissima; quæ Collegiā vocant, quod eorum Collegia eo loci collocati sint; quorum Magistri sunt viri doctrinā im-primis probati, & honesti, &c. Hæc ille ad Henricum III. Anno 1533. ut facile anim-advertas, ait Weiss. Benedictinos ejus A-cademiæ nō solum auctores fuisse, & pri-mos Magistros, sed etiam propagatores, ac nisi Henricus, ejurata Religione, quid-quid à Majoribus præclarè institutum erat evertisset, tuturum fuisse, ut hodie quoq; ex illius Academiæ Cathedris Benedicti-ni audirentur. Plura addit de studio Pa-trum nostrorum in Capitulo provinciali Northamptoni Anni. 1444. quo nimirum Academiæ Oxoniensi egregij perpetuo ex Ordine nostro Magistri, subministra-rentur. Videat. id. & Reimerus.

A.C. 881.

S.P.N. 401.

Incredibilis ex Ordine nostro Marty-rum numerus, per Italiam, Galliam, Belgium Cælo triumphans excipitur, po-pulantibus longè lateque omnia Sarace-nis atque Normannis. De quorum felici sortè, *Antonius de Tepes noster, Molanus aliique.*

Meretur egregiè hoc anno de Ecclesia Romana Ioannes Diaconus, egregij ope-ris de vita Magni Gregorii, quam libris quatuor complexus est, Auctor, qui inter

alia gravissima merita fraudem Græcorum nequissimam sub hæc tempora detexit, & impudentiam eorum meritisimo jure confudit, præstantissimum Ecclesiæ Doctorem Magnum Gregorium ab illorum calumnia defendens: quod cum expressissimis ipse verbis Spiritum Sanctum à Patre filioque procedere asseruisset, ipsi quasi erroribus suis faventem abradendo verbum illud Filioque fraudulentè vertissent. *Vid. Baron.*

A. C. 882.

S. P. N. 402.

IN Anglia florent doctrina & Religione celeberrimi Grimbaldus, & Ioannes Scotus, professione Monachi, gradu Sacerdotes, quos, ut ait Ingulphus, tales existimavit Ælfredus Rex, quorum opera, litteræ denuo, quasi postliminio, in Angliam reverterentur. *Videndi etiam superius citati.*

Obiit anno eodem Hincmarus noster, sæpe laudatus, de quo Baronius *fuisse eum peritia Canonum eruditissimum* (quamvis subnotet eum Canones subinde Apost. Sedis decretis prætulisse) *in Theologia etiam excelsissimum*, aitque, *liquere ex iis quæ scripsit contra Hæresim Prædestinatorum, &c. consul. In reliquis, pergit, talis existimatus, quem consulerent plures variis questionibus.* Ejus insigne ante mortem meritum: Beati Remigij corpus furorem Gentilium prudenter prævertendo, Gallis reservasse. *Bar. Bisc.*

Iterum Martyrum totæ legiones ex Ordine nostro, militiæ triumphantis Ecclesiæ adscriptæ, in solo S. Vincentij ad Fontes Vulturni Cænobio nongenti è Sacra D. P. N. Benedicti familia, simul semelque contrucidati victimæ cælo cecidere. *Ex Ioan. Mon. item Rheg. &c.*

A. C. 883.

S. P. N. 403.

APeruit paucos ante annos, faventem Ælfredo Rege publicum studium sive ludum doctissimus, & Sanctissimus nostri Ordinis Meldunensis Monachus Ioannes Scotus in eodem Malmesburiensi (idem quod Meldunum) Cænobio. Ibi hoc anno, incertum quæ de causa, ingratis discipuli, in Magistrum insultantes, graphiis armati, ita fodiunt, eo acerbius, quo lentius, ut dum iniquitas (quemadmodum ait Ingulphus) valida, & manus infirma, sæpe frustraretur, & sæpe impeteret, amaram mortem obitet. *Vt videas Scholas quoque ipsas, nostros*

purpura atq; lauro, quo pluris eos Magistros, & Scholas faceres, suo nimirum sanguine decorasse. Ejus Epitaphium descripsit Malmesbur. &c.

Clauditur hoc tumulo Sanctus sophista Ioannes

*Qui dicitur erat jam vivens dogmate miræ.
Martyrio tandem Christi conscendere Regnum
Quo meruit: Sancti regnant per sæcula cuncti.*

De eodem agit Martyrologium Romanum Anno 1583. exculum. *VVion. Reiner. & cit. Baron. Bisc.*

A. C. 884.

S. P. N. 404.

Iterum, unum unicum Casinense Princeps Ordinis nostri sanctissimi Cænobium, ne minus cæteris per Galliam Germaniamque fecisse videretur, integrum purpuratorum exercitum cælo transmittit: Imperator Duxque tantarum copiarum Bertharius fuit. Regio ut genere, sic virtute Casinensium Antistes quem Fidei hostes, commodum tunc Sacris operantem, victimam cædunt, obtruncantque. Monachorum numerus, qui cum eodem, occubere, ab eodem tantum iniri potest, qui cumulatam mercedem, & coronas eisdem est impertitus; & quidem numerum inde colligas ingentem fuisse, quando constat, frequentissimum per te Casinense collegiū, nunc vero maximis incrementis auctum fuisse, ex omnibus Italiæ Cænobiis, nec dubitamus, quin & ex multis Galliæ Saracenorum timore eō Monachis confluentibus, tanquam ad tutissimum aylum, & universalem Cænobitarum parentem Bertarium. *Ex Baron. VVione, Yepes, M. Ant. Scip. &c.*

A. C. 885.

S. P. N. 405.

Instituta sub hæc tempora per Alemanniam Congregatio Fraternitas, sive secundus aliquis Benedictinorum Ordo, unde grande in Germaniam bonū, mox in Terrarum deniq; Orbem redundavit universum: Sæculi nimirum Principibus potentissimis, Imperatoribus, Regibus, Pontificibus, Monachorum cucullum, amorem, suffragia ex ambientibus: Admissi certis conditionibus in participationem meritorum Ordinis, & fraternitatē quandam Principes, alique, qui zelum imprimis suum, & erga Deum pietatem nostris probassent. Nec de conditionibus jam ipsis, precibus, Regulis agere licet per compendium, certum admirando sanè fructu novum hoc institutū, latissimè pro-

propagatum, & in constantia nostræ Benedictæ tomis, Imperatores, Reges, Principes, Præfules potentissimos numeramus, ex innumeris paucos, qui Fratrum conscriptorum adscribi numero, ardentissimis votis expetierunt. Religione ex in & pietate mirificè in secularium animis propagata. Augiensibus imprimis, dein Sangallensibus, atque Campidonensibus deberi utilissimum hoc institutum, alibi probabimus, hic satis ducimus, recensuisse. *Ioan. Aegonius, Marianus, Buce-
linus, Marchesius, alique.*

A. C. 886. S. P. N. 406.

Obligatissima iterum Benedictinis Gallia, pro accepto ab iisdem tam illustri Præfule Fulcone, qui Hincmaro Magno illi syderi, haud inferior sapientia, sane sanctitate nulli antecessorum secundus, in Archiepiscopatu potentissimo atque amplissimo successit extractus è Cænobio S. Bertini, cujus, ut & Vedastini Abbas fuit. Illud unicum hujus ejusdem meritum, sed grande, & immortale huic anno damus, quo Rhemensium Scholarum auctor sanè restitutor dignissimus fuit; ex qua, ut & Parisiensi, veluti fonte felicitatis Galliam irrigavit universam. *Vid. Ferr. Locrius, Flodoardus, Molanus Miraus, Clar. Rob. &c.*

Episcoporum sanctitate, doctrina, genere ex Ordine nostro illustrissimorum ingens Ecclesiis Galliæ, Germaniæ, Italiæ, Hispaniæ, &c. præfider numerus: paucos qui occurrunt numeramus: B. Gebhardum I. Constantiensem ex Augiæ Monacho Episcopum, Walbertum ex Corbeienfi Monacho Hildesheimensem, Chadoldum ex Augiensi Novariensem, Goslinum è S. Germani Parisiensem, Isbertum è D. Emmerami Ratisponensem: alios eadem ex causa ne quidem nominandos.

A. C. 887. S. P. N. 407.

Obstupescit manus ipsa, tot Sanctorum Pontificum, & maximè Martyrum Sacratissimo numero. Vnum iterum unicumque Gemmeticense, verè gemeum Cænobium ad triumphum æterni gloriam cælo mittit nongentos Martyres Monachos, de quorum gloriosissimo agone querendus *Antonius de Yepes noster, Matth. Vestmon. Arnold. VVion. &c.*

Anno eodem S. Richarda Imperatrix, abdicata purpura Andloviense nostri Or-

dinis Cænobium ingressa dulcedinem non solum Cellulæ gustavit, sed felicitatem ejusdem experta admiranda excelluit Sanctitate. *Const. Bened. &c.*

A. C. 888. S. P. N. 408.

Maximis, & innumeris opulentis meritis cælum triumphans invehitur Sanctissimus Rembertus noster Bremensis Archiepiscopus, Magnus ille, ita eum celebrat Baronius Danorum Apostolus, successor S. Ansgarii in amplissima, & verè Apostolica functione scriptorque vitæ ejusdem ac imitator egregius. Successorem meruit pari zelo, ac sanctitate verè tanto Apostolatu dignissimum S. Adelgarium Corbeiensem item Monachum, qui in functionem illico suam, & labores gravissimos, indefessus incubuit, & merita sua Ecclesiæ fructu ingenti commendavit. *Ex vita, Yepes, VVione MS. &c.* Commendat hoc eodem anno originem celeberrimi illius, & Sanctissimi Monasterij nostri in Monte Serrato, Antonius de Yepes noster, cujus unitus propagatam in hodiernam usque diem dignitatem ejusdemque Cænobij Patrum Monachorum ab exemplo virtutis ac Sanctitatis, nec non impensa curandis, & juvandis proximis opera, & in peregrinos ex toto confluentes orbe inæstimabili beneficentia, profusissima merita nulla coram intuentium, vel solum audientium se facundia satis posse eloqui, seu deprædicare, non sponte tantum, sed & convicta confitetur. *Vid. Yepes cit.*

A. C. 889. S. P. N. 409.

Illustri denique sub hæc tempora Martyrio Apostolicum suum munus consummat Sanctissimus Stephanus Sueciæ, Gothiæ, & Helsingæ magnus Apostolus Vpsalensis, ex Monacho S. Viti Corbeix, Episcopus, cujus labores accuratius describunt Ioan. Magnus, & Yepes noster qui Erici Gothiæ Regis conversionem, aliaque per eundem gesta præclare commemorant. *Videantur.* Plurimos hic Sanctissimus Pontifex in labore Evangelii annos laudabiliter exegit, & Sancto Adelgario jam Bremensium Pontifici etiam in sua provincia adjutor extitit, ut iidem citati pulchrè probant, contra eos qui nimis maturè eum laboribus hisce subtrahentes, cælo pridem receptum asseruerunt.

Clarent eodem tempore SS. Otgerus, & Adel-

& Adeluardus, Adelgarij, & Stephani strenui coadjutores, & ipsi earumdem Regionum, Monachi S. Viti Corbeien-
sis, cit.

Illustrissimus gravissimis nostrorum meritis hic annus; cum SS. Cyrillus, & Methudius nostri, Sancti Andreæ Cænobii Romani Monachi, ad conversionem gentium ordinati Episcopi, in Moravia primum, dehinc, & Boemia strenuè defudantes Apostolorum denique apud gentes easdem titulum mererentur. Ab his sub hunc annum in Moravia maximè huc fidei, propagata; & Suatopultus Moraviæ Rex, gremio Ecclesiæ aggregatus; excitatis exemplo ejus non solum Moravis, sed & vicinis quibusque in Christiani nominis professionem inclinantibus. *Ex Boemia diversis script. Dubravio, Bartholdo Pontano, & nostris German. Annal.*

A. C. 890.

S. P. N. 410.

STrenuus ille imperterritus, & invictus Ecclesiæ Catholicæ defensor, Mahometicæ impietatis expugnator, Martyrū Christi eorundemque honoris, ac gloriæ felicissimus assertor S. Sampson noster ad præmia ingentium laborum imensa, inæstimabiliaque evocatur. De eo ita Bisciola ex Baronio. Hoc anno moritur. *Vir insignis sanctitate atque doctrina Sampson Abbas Sancti Zoili Martyris Cordubæ Civitatis, qui tempore persecutionis ab Eulogio descriptæ claruit: Cui fuit certandum non solum adversus Saracenos, sed & adversus malos Christianos Martyrum derisores: inter quos eminebāt Hastigesius Malacitanus Episcopus, & servandus Comes; ambo egregiæ impietatis homines, Saracenorū Principum amicissimi, ex Apologetico ipsius Sampsonis, quod adhuc Toleti extat Gothicis litteris descriptum.*

Virorum his temporibus ex ordine nostro doctissimorum, magnam copiam fundit Trithemius noster. Inter illos eminent Wallo, ex Monacho Altisiodonensis Episcopus, Ericus S. Amandi Monachus, cujus liber de sobrietate ad Imperatorem Carolum Calvum (ita nostri è Cellulis suis, juvandis Principibus, & orbi plurimum laboris contulere) alius item de vita S. Amandi commendantur. Hunibaldus ejusdem cænobii Monachus in Muscis laudatissimus. Hugbaldus cænobii Eluenensis Poeta & Rhetor sui temporis omnium celeberrimus, cujus illud opus Calvorum miranda inventionem, verbis

omnibus à C. littera inchoatis, Carolo Calvo inscriptum. Bertramus Monachus de Ecclesia meritissimus, & Hæreseon malleus, qui & ipse sicut in Raberto superius observatum, quasi futurorum præcius, Hæreticis ætatum sequuturaru obvius ac obnixus, scripsit ad Carolum Regem *de prædestinatione.* Item *de Corpore, & Sanguine Domini, &c.* Richbodo Hirsaugienfis, tam in divinis, quam in secularibus litteris eruditissimus. Reginbodo ex Canonico Constantiensi Hirsaugienfis item Monachus. Sanctus Ansbaldus Abbas Prumiensis, Almañus Alcivillarenfis Monachus vir undecunque doctissimus qui multa ingenij sui præclara reliquit monumenta. Remigius Monachus Altisiodorensis, dein Episcopus, hæc tempora docendo, & scribendo illustravit. *De aliis videndus ipse Trithemius Chron. Hirsaug. & de script. Eccles. &c. Yepes, & alij, &c.*

A. C. 891.

S. P. N. 411.

BSunderoldus Moguntinus ex Fuldensi Monacho Archiepiscopus, gloriose pro patria occumbit. Vnde animadvertas, quam præclare se nostri pro subditis exposuerint, quando coacti denique in populo Principari, ipsi sese vudique pro subjectorum salute murum opposuere. De eo ita Browerus in antiquit. Fuld. lib. 1. cap. 17. Ea Sunderoldi immortalis cum gloria conjuncta animi magnitudo fuit, quod fluctuoso Regni Lothariensis tempore, Nortmannis ingenti terrore extrema Mosæ Rhenique fluminum irrumpentibus, ac mediterranea invadentibus, ipse inter alios proceres pro Patria pugnans, in acie profusa vita, vix gustato Archiepiscopatus honore, in occasu suo, fidi Reip. Principis splendorem retinuit, &c. Successit magna rursum Ordinis gloria, Regij generis splendore contempto Monachus Augiensis, ac dein Abbas Hattho, de cujus laudibus suo loco. Trithem. Baron. Bisc. qui brevi sed grandi juxta encomio Hatthonis gloriæ applaudentes hoc anno, ubi de Sunderoldi sive Sunzonis morte egissent, sic de Hatthorie: *in locum ejus subrogatur Hattho Abbas Augiensis Monasterii, Totius Germaniæ Bonæ utpote qui ad restituendam collapsam Ecclesiasticam disciplinam plurimum laboravit, cujus rei causa Generalis conventus Episcoporum est collectus.*

A. C.

A.C. 892.

S.P.N. 412.

Rursum Ecclesiam circumamictam omni varietate, sacratissimo suo sanguine tingunt, pinguntque Monachi nostri, interq; illos hoc præcipuè anno Sanctissimi Prumiensis Cænobii Cænobitæ laudatissimi: quorum agones Regino descripsit, tunc temporis digna fuga vitæ consulens, quam egregiis sanè laboribus reservavit, & ipsius Cænobii præfecturæ, atque alia inter operi illi celeberrimo, quo ab origine Mundi, ad usque sua tempora Chronologiam pertexuit virorū doctissimorum manibus in hanc usque diem tristissimam, quoque de re Historica meritisimus, gratiam ab omni æternitate, cum summa gloria meruit. *Trith. Ypes, Baron. Bisc.*

A.C. 893.

S.P.N. 413.

Quanti faceret, quantumq; speraret, in sanctitate industria, & ope Beatissimi Fulconis ex Abbate S. Bertini Rhemensis Archiepiscopi, Ecclesia Christi universa, patet ex datis hoc anno litteris ad eundem Formosi summi Pontificis. In quibus, Baronio teste, *monet eum debere compati Romanæ Ecclesiæ, atque imminenti ejus subvertendæ ruinæ* (intelligis nimirum auctoritatem Fulconis, quæ sufficere in sustentationem Ecclesiæ apta videtur Formoso ipsi) *net ei suam præsentiam denegare* (invitat eundem Romam) adjungens undique hæreses ac schismata pullulare, *net, qui ad resistendum occurreret, esse.* Dicitque longo retroacto tempore perniciosas hæreses Orientem confundere, & Constantinopolitanam Ecclesiam nociva Schismata perturbare. Simul etiam Regionis Africanæ legatos insistere responsa petentes, produdum exorto inter Episcopos ipsarum provinciarum Schismate. Diversarum quoq; partium legationes diversa responsa petentes instare. Cujus rei gratia Generalem Synodum die Kalend. Mart. Indict. II. se inchoare disposuisse, ad quam eundem remota omni dilatione, admonet festinare, ut colloquendo largius de his valeat pertractare, &c. Debet Rhemensis Ecclesia Fulconi eidem plurimas professions, villas, inique dudum subtractas, ab eodem autem recuperatas, de quibus ipse datis ad Pontificem litteris agens, easdem, ut confirmaret summus Pontifex, impetrat.

Clarissimus eodem tempore Amelricus ex Monacho Wisenburgensi Episco-

pus Spirensis cui hoc ipso anno mortuo successit ex eodem Cænobio Eberhardus, sive Gebhardus. *Vid. Clem. Rob. Ypes Regino.*

Rursum strenuè laborat, & immortaliter meretur B. Methudius noster, ex Moraviæ Apostolo Apostolus Boemorum præcipuus effectus, ipso Borivorio Duce eorū Christianæ fidei præceptis imbutus, & lacris undis expiato, sciscitanti, ignorantium, & barbarorum more, qui utilitate solum omnia metiuntur, quidnam inde sibi lucrificaret, si pluribus neglectis, Deum unum coleret? Methudius, præter æterna prophetico spiritu felicitatem suæ suo ex sanguine posteritatis prædixit; *Hæc, inquit, Deus rerum omnium author, & cognitor, tibi per me significari jussit: si tu abrenunciaveris idolis, & diabolis illa inhabitantibus, eris dominus dominorum tuorum. Omnes inimici tui te pertimescent. Progenies tua futuris temporibus amplificabitur sicut fluvius, quem subintrant rivuli multi, etenim Moraviæ Regnum in stirpem civitatemque tuam quam nunc incolis transferetur.* Hæc Methudius, quæ postea eventus comprobavit, & Borivorius suscepta semel fide, Divini amoris flammis accensus, aurora, & Lucifer Christianæ Religionis à suis merito est appellatus. *Dubravins AEn. Sylvius, Pontan. Ypes, &c.*

A.C. 894.

S.P.N. 414.

Quantumvis graviora sibi, diocesi que ubique Rhemenfi non nesciret mala imminere Beatus Fulco noster Rhemensium Pontifex, iustitiâ potiore habuit, & Galliarum Regno pro virili consuluit. Formosum Romanum Pontificem serio cohortatus, ne confirmationem Caroli legitimi successoris in Regno Franciæ prohiberet; verum afflictis Galliæ rebus consuleret, atque Odoni Regnum invadenti, utcunque posset auctoritate occurreret, immo Arnulphum atque eundem Odonem, à bello absterritos, etiam anathematis, ni pareant, interminatione cohiberet. Luit iustitiæ zelum, & patriæ amorem indignè Fulco, Rhemis, & quæ Præsulatus erant impiè ab iisdem quos prohibuerat vastatis, durante tamen contra scelera constantissimo Pontifice, & à Deo remedium flagitante. *Rer. Gall. Scriptores Baron. Bisc. aliique.*

Anno eodem Suatacopius Moraviæ Rex, quanti cucullum faceret, non multo post conversionē ex Gentilitate ostendit,

co bono ita contentus, ut ad mortem usque Regem se, & Suatocopium fuisse libenter dissimularet. *Aeneas Silvius in Hist. Bohem. Tepes, &c.* Ex ingenti Principum numero excellunt Æthelswitha uxor Burghedi Merciorum Regis, filia Ælfredi Anglorum Regis, & S. Algina ejusdem Soror Schaisterburiae Ordinem nostrum professæ. *Vid. VVestmon. Polyd. Virg. &c.*

A.C. 895.

S.P.N. 415.

Celebratum hoc anno Triburiense Concilium in quo nostrorum summa a Pontifice, & S. R. E. Cardin. auctoritas fuit, ut sanè obstupefcat qui audiat tanta illic tydera confluisse. *Videndus Antonius de Tepes, hoc anno.*

Claret egregia Sanctitate, & immortalibus meritis Beatus Tuto ex Monacho S. Emmerami Episcopus Ratisponensis, cui illud debet Germania universa, Magni illius, & Divini Dionysij Galliarum præcipui Tutelariorum corpus in Patriam intulisse, quod hodieque in D. Emmerami conditum Cænobio fervari, quidquid reclamet Galli, certò credimus, & si quid scienti, licet, constanter affirmamus. *Vid. VVig. Hundius.* Intulit, & alia, Arnulfo Cæsari commendatissimus, & de Ratispona in primis Vrbe ampliata; & gloria auctissima, meritissimus.

A.C. 896.

S.P.N. 416.

Abundante licet nostrorum meritis amplissimis, & exundante hoc tempore Germania; liceat tamen ab una unica Diocesi Constantiensi provinciae universae mutuare. Ita in tomo 2. ejusdem. Salomonis Constantium præsulis (fuit is familia comes de Ramschwag. ordine Benedictinus, Cænobio Sangallensis Monachus) toto Romano orbe celebre nomē, & prima ab Rege ac Hatthone nostro Moguntino, auctoritas. Nihilque quam volentibus his ac jubentibus in Imperio gestum. Hatthonem vulgo, *Cor Regis* dixere. Et dubium habueritne verius an fuerit. Illud *Benedicti Patris, & Benedictæ Constantiæ* (sic res Benedictinas Constantiensi Diocesi, & hoc titulo designamus, & tomis quinque complectimur) *singulare*, & multis jam annis tales habuisse, quorum prima post Cæsares gloria, etsi quæ re bene gesta, laus nostrorum magis, quàm Cæsarium fuerit. Magno Carolo ac Pio filio probata res. Heythonem, & Waldo-

nem habuere. Crasso dein ita Monachi cordi fuere, ut supremo infortunio Asylum appellaret. Nec sæculi unius felicitatem hanc Monachorum, an Imperii, fuisse postea ostendemus. Propagavit in ulterius Salomon, & Wittegovius Augia, Divi quoque Galli Burcardis splendorem diu post retinuit. Ita nos loco cit. & totius anni, cæteris studiosè occlusis, hoc unum damus.

A.C. 897.

S.P.N. 417.

Ordinem immo orbem exornat universum Fridericus Caroli Calvi filius Lotharii ac Carolomanni Frater, Monachus Fuldenis, Patriarcha denique Aquilegiensis, inter alia præclare facta seu instituta, dignissimum illud, & gloriosissimum Magnæ Virginis, Admirabili Matri Festum Conceptionis, primus & instituens, & celebrans. *Vid. VVion. Stengel. &c.*

Virorum illustrium doctrina ac Sanctitatem ingens numerus. Solus Trithemius obiter res nostras perstringens multos rursus circa hæc tempora recenset. Inter alios Linthelmus Magister Scholarum Hirsaugiensium, *in omni scientia doctissimus, qui tantam in docendo Monachos diligentiam adhibuisse legitur, ut multos jam deinceps propter inestimabilem scientiæ prærogativam, ad diversa Cænobia Monachos Hirsaugiensis Congregationis Abbates, & plerosque etiam Episcopos fieri contingeret, &c.* Rupertus in D. Albani Moguntiae Græcæ, & Latine doctus, cujus ingenii extant præclara monumenta plura. Sebulo Abbas S. Dionysij, tanta auctoritate atque fama, ut ob sapientiam, prudentiamque planè admirandam. *Regibus etiam ipsis esset mutuendus* (dicere nimirum voluit) *reverendus.* Berno ex Comite Abbas Gigniæ: Odo Turonensis. Sigismundus ex Monacho Hirsaugiensi postea Episcopus Halberstattenis, Cunzigo, & Hardericus Monachi Hirsaugienles, de quorum scriptis consulendus Trithemius, *Chron. Hirsaug. & lib. de script. Eccl. &c.*

A.C. 898.

S.P.N. 418.

Iterum, suo jam quasi jure, sanè tot sæculorum deinceps, & ante hac consuetudine Apostolicum jus noster sibi ordo vendicat, & usurpat, non Adelgario solum Brémensi Archiepiscopo Danorum, Suecorum, &c. Apostolo, sed & VViggariorum, live VVidogero ex Ottobrunensi Alceta Augustano Pontifice, Helvetiorum

rum denique Prædicatore, verè Apostolico. *Consul. Const. Bened. ex MS. VVeingart. Democh. VVion. &c.*

Dignissimum hoc anno factum B. Fulconis nostri Rhemensis Pontificis, quod Baronijs celebrat; cū pace paulo ante inter Odonē, & Carolū Reges composita, rursusque rupta, Carolus diffusus viribus cum, Nortmannis iniire foedus, & eorum auxilijs bellum gerere decrevisset. Quod statim, ut audivit Fulco (audi quo eum titulo condecorant Baronijs, & annales concinn.) vir præstantissimus, Sacerdotali constantia restitit, atq; ab instituto revocavit, gravissimā ad eum scribens Epistolā cuius partem adferunt Frodoardus, & Baroni. Debet hoc Gallia, & Imperium universum, Fulconi nostro, pestem hanc non advocatam, multo minus admissam. Sane, & Carolo salutaribus monitis parenti adfuit Deus, & iniquum mox sustulit adversarium, quem nulli Nortmannorum copias evertissent. Multus in laudibus Fulconis. *Baron. Consul. &c.*

A. C. 890.

S. P. N. 419.

Alius rursus Apostolus Frisiæ agros percolit, senticetis obnoxios, & zizanijs faciliores, Sanctissimus Radbodus noster ex Monacho S. Salvatoris Traiectensis Episcopus; vir genere Illustrissimus, (ex Regio nimirum Francorum, & Frisiæ Regum sanguine editus, Radbodi cognominis Frisiorum Regis pronepos) sic virtute, & sanctitate admirandus. De meritis ejusdem, & laboribus fusè hoc anno Yepes, extatque vita, tomo Surij Sexto. Cujus exigent illustria facta, etiam alibi nos ejusdem facere mentionem.

Ad Divi Galli Helvetiæ Sydera tria splendidissima Germaniam omnem illuminant BB. Notgerus Balbulus, Ratpertus, & Titulo, omnes maximorum Principum familijs oriundi, & ad antiquos Saxones genus referentes, quorum singuli, non annos solum singulos requirerent, verum sæcula plura, si & vita, & laudibus implerent. *Const. Bened. MS. S. Gall. Metzlerus, Marian. Butelin. &c.*

Tantis tamq; profundis radicibus pietas à SS. Methudio, & Cyrillo nostris in Borsivorijs sive Borsinoi Boemorum Ducis pectore est plantata, ut adversa quævis, Christiani nominis causa magnanimiter perpeffus, Principatu etiam dejectus, nihil de fervore semel concepto remitteret,

Methudique promissis confusus, solius se Numinis arbitrio libens permetteret. Ut autem perpetuo nostri præter fidei semina, Admirabilis Matris Virginum Virginis honorem propagare perpetuo studio conati sunt, ejusdem etiam Borsivojus ope implorata, templum consolatrici afflictorum vovit ubi primum in Principatum suum restitueretur. Mirum dictu; Adfuit, paulo post emissum votum, Boemiæ legati, reditum sui Ducis constanter flagrantem, reversusque cum Cyrillo Princeps optimus, & Ludvillam exin conjugem, & populi ingentem multitudinem insigni, & felici rerum successu à Cyrillo bene instructos baptizari curavit: tertioque ab reditu die, templum Lætæ Curiae Pragæ Veteris in B. M. V. Assumptæ honorem proprijs sumptibus exadificari imperavit, tanta deinceps rerum omnium per Boemiam consequente abundantia, ut ab inmemorabilibus annis felicitatem illam Boemiæ nunquam obtigisse, ipsi etiā Gentiles taterentur, & ad fidei Christianæ sacra amplectenda summo opere accenderentur. *Ex Dubravio, Sylvio, Pontano, Iepesio, &c.*

A. C. 891.

S. P. N. 420.

HOc anno, verba Bilciolæ ponimus: laudatissimus ille Archiepiscopus Ecclesiæ Rhemensis; Fulco, column Francorum Ecclesiæ; jussu impij Balduini Flandriæ Comititis, interfectorum Duce quodam Winismaro, interficitur: quod ipsum invadentem res Ecclesiarum privatis, litteris, atq; Synodalibus monuerat, atque arguerat Sacerdotali libertate pariter & charitate, cuius rei causa potissimum eum sibi reddidit intensum, &c. Dein agit de Winismari interemptoris dignissima tanto scelere morte. Rursusque de meritis Fulconis subdit: Ecclesiam Rhemensem ab eodem mirificè illustratam, & inter plura corpora Sanctorum etiam S. Remigii reductum, ab Orbacensi Canobio in Civitatem Rhemensem. Subjicit ex Fodoardo de Scholis liberalium artium ab eo institutis. De eodem sic Henricus Costerus in Arbore Bertiniaca. Sanctus Fulco Archiepiscopus Rhemensis, diætæ domus (Canobij Bertiniani) religiosus, Martyrio pro defensione Ecclesiasticæ libertatis coronatus XV. Cal. Jul. Ann. C. M. Fuit tutor Regis Caroli, imo Pater ejus, cuius prudentia atq; auctoritate totū omnino regnū nitebatur

batur; quodque ipse multis annis gubernabat. De quo Yepes noster consulendus. Reliqua ejus merita, quia grandia, & multa nimis, nunc præterimus, pauca ex Epitaphio ejusdem cognoscenda proponimus.

Hoc tumulo Magni Fulconis membra teguntur,

Rhemorum Sedis Præfulis eximii, &c.

Hunc Deus assumptum statuit virtute probatum

Ecclesiæ speculum, Pontificemq; piū, &c.

Auxit Episcopium, super addens plurima rerum.

Vrbis, & istius mœnia restituit.

Imo non restituit, quando ex probatissimis, & Synchronis Scriptoribus constat Hincmari nostri tempore, muris cinctam non fuisse, ut Rhemorum inclita civitas etiam Ordini nostro, & Fulconi debeat, primò se munitam atq; exornatam fuisse.

Orbis honor, Patriæ Tutor, pietatis amator

Pro studiis pacis, confoditur jaculis, &c.

Vid. Yepes, Miræus, Ferreol. Locr. Iac. Meyerus, Frodoard. Cl. Rob. &c.

Claret eodem anno B. Margarita Veneta S. Euphemie de Majorbio Monialis miraculis hoc ævo spectatissima; Sanctiq; Ordinis innumeri. Scardeon. aliique.

A.C. 901.

S.P.N. 421.

Sacratissimus hic annus est incredibili copia Sanctorum Martyrum nostrorum, ab ingruentibus undique Gentilibus peremptorum. Sola Sicilia locuples seminarium Martyrum fuit, jam aliquoties à barbaris infestata; sed tanto semper postea felicioribus nostrorum incrementis aucta. Hoc anno invadentibus rursus Saracenis, ac Monachis plerisque ad S. Placidi Messanæ Cænobium confugientibus (sicut reliquos Italiæ Monachos ad S. P. N. Casinense se recepisse superius dixeramus) purpuratorum inde laureatorumque Christi militum electus exercitus, cæloque sanguine transcriptus est. De his Wion in Martyrologio Benedictino. Messanæ in Sicilia passio infinitorum Sanctorum Monachorum, qui ab Abraymo Sarracenorum Duce pro Fide Christi necati sunt. Petrus Diacon. retulit ad priorem annum. Anno, inquit, Domini 900. indict. 3. die 1. Augusti, Sarraceni cum Abraymo Rege suo à Babylonia, & Africa advenientes, Siciliam invadunt, & Monasterium S. Placidi ingressi evaginati gladiis Monachos

aggrediuntur, illosque Christum negare, & nefandam Religionem venerari compellunt: quod dum contemnerent, omnes in eodem loco una cum Monachis Casinensibus, qui ibi ab Abbate suo directi fuerunt Sarracenorum gladiis occisi sunt, &c. Vidend. Ant. de Yepes, Leo Ostien. & citatus Petrus Diaconus Cassinens. Auctor item Martyrij S. Bercharij. Illustri exemplo, multis, & æternum, proceribus, contemptu sæculi prævit, atque hoc anno, abdicatis à se Valconum, & Navarræ Regnis, Monachum professus est Fortunius, verè Fortunatus, in Monasterio S. Salvatoris Leirensis. Vid. Ambros. Moral. Ioannes Mariana, Yepes, &c.

Fit eodem anno difficillimis sanè temporibus, bono Ecclesiæ maximo Summus Pontifex Ioannes I X. ex Monacho Sancti Benedicti Tyburtino. Yepes, Baron. Panvin. Platina, AEquilin. &c.

A.C. 902.

S.P.N. 422.

Illustrior honorum contemptu, quam quivis ex sæculi hujus honoratissimus, Sanctus Grimbaldus Monachus, & Abbas Sithienfis, cum ab Eduardo Rege ei Cantuariensis Archiepiscopatus deferretur, laudatissimo neglectu contempsit, sola ibidem Wintoniensi Abbatia contentus, Ejus ingens meritum, par cum B. Fulcone Rhemensium Antistite, causa, propter quam Sanctus hic vir, pro defensione nimirum, Iperij verba sunt, Religionis & libertatis Ecclesiastica, in exilium profectus, in eoq; mortuus. Ferreol. Locri, Yepes.

Smaragdus Abbas quamvis alij in annis non consentiant, vir eruditissimus sæculum hoc exornat, in Scripturis Divinis præcipuè, jugi nimirum earundem studio, exercitatus, quem Trithem. lib. de script. Eccles. Aurigam vocat disciplinæ Regularis, & qui Sanctas scripturas exponendo longè latèque Nomen suum commendavit, magna opinione, & scientiæ, & conversationis Sanctæ comparata. Propter plures commentariorum in Scripturam Tractatus, ejus libri hodieque in manibus omnium tritissimi. In Regulam S. Benedictini liber 1. Diadema Monachorum, lib. 1. In totum Psalterium lib. 1. Sermorum plurimum, lib. 1.

Trutperrinum Cænobiū per Comites Abtenburgenses restitutum, ubi iidem qui & Habspurgenses, conditi jacent. Ex eo deinceps Monachorum illustrium plurimi effulserunt. Const. Bened. MSS. Trudpertina, &c.

A. C.

A.C. 963.

S.P.N. 423.

Iterum Fidei testes egregij ex Ordine nostro, Ecclesiam purpura sanguinis condecoraverunt. In solo Nonantulano Cænobio, plurimi contrucidati, de quorum numero quamvis non constet inde colligas licet, maximum fuisse, cum non ita pridem S. Anselmi Abbatis ejusdem Cænobij memoriæ consulentes, asseruerimus, mille centum, & quadraginta quatuor Monachis ibidem præfuisse, numero interim si non aucto, sanè parum iminuto. *Yepes, Sigonius, VVion, Baron. &c.* Et quantum quæso debebit Orbis Ordini nostro, tot tantorum Patrocinio, mille utique è periculis ereptus, & deinceps eripiendus, imo tam gloriosè pictus, impinguatus, & exornatus.

A.C. 964.

S.P.N. 424.

Magnò extincto lumine lugèt Germania, B. Ratperto nimirum ad D. Galli Monacho. Ita mortis annum in Constantiæ nostræ Benedictæ to. 2. contra Sangallenses ipsos signamus. Inter alia, quibus egregiè de Germania meruit (Scholis quippe sæcularium multo tempore præfectus, viros doctissimos lumino Patriæ bono instituit, ac formavit) Ecclesia illi debet universa, Hymnos sive cantus plures ab eodem compositos, ut hodieque ex corde Majorum nostrorum, sensuque plausum Deo, ac superis universis faciamus. Meminit ejus operæ Eckehardus Minimus S. Galli item Monachus. Scripserat idem, inquit, librum de Casibus Monasterij, incipiens à temporibus S. Columbani, usque ad Salomonem Episcopum. *Dictaverat etiam Litaniæ, quas Ecclesia canit per totum Orbem in diebus Rogationum, præter alia plura quæ fecerat, &c.* Ejus egregia illa ab Numine petitio: qua serio precatus est, *ut se diutius morbo coqueret.* Mortuus inter discipulorum manus, cælum triumpho implevit. Celebratur, & illud ejus dictum; quod propter, non ita gratus remissioribus in rigore Monastico fuit: *Labes Monasteriorum maxima impunitas.* Ex scriptis diversis rerum S. Galli, &c.

Clarescit item magis magisque Beatus Notkerus ejusdem Cænobij Monachus, inferis ipsis semper formidandus, quibuscum frequentius acerrimè conflixit, & dæmonem non semel, corpore assumpto assultantem, verberibus strenuè dedolavit. Eodem ipso tempore copia Sanctorum ingens Cænobij ejusdem, ut solum

posset colonias in singulas Germaniæ provincias Sanctorum integras emittere, quamvis hinc singulæ suis abundarent, *script. Sangall. rer. &c.*

A.C. 965.

S.P.N. 425.

Afflictissimo Reip. Christianæ statu, barbaris Regna omnia vastantibus, direptione, incendio, cæde omnia miccentibus, diversis pro Imperij Corona decertantibus, illud maximis malis, gravissimum insuper accessit, sæculi principes, quantumlibet Christianos, jus sibi Pontificis Romani eligendi arrogasse. Obtigit denique singulari Dei dono, legitimus, atque imprimis Ecclesiæ utilis ex Ordine nostro Pontifex *Ioannes IX.* quæ superius dixeramus anno Christi 901. electum in quo uno nonnihil longus Christianorum, & fidelium labor & dolor semetipsum solabatur. Ingens planè, & imortale meritum Ioannis, brevi Pontificatu tria Concilia celebrasse, rebusq; Fidei præclarissimè consuluisse. De ejus laudibus videantur Anton. de Yepes noster, Platina, Illescas, &c. ejus sepulchri Epitaphium Manlius exscripsit dignissimum, quod interamus.

*Ecclesiæ specimen clarissima gemma bonorū
Et mundi Dominus hic jacet eximius,
Ioannes meritis, qui fuit in ordine novus
Inter Apostolicos quem tulit altitonans.
Conciliis ternis docuit qui dogma salutis.
Observare; Deo munera Sacra ferens.
Temporibus cujus novitas abolita mali est.
Et firmata Fides quam statuere Patres.
Qui moriturus eris, lector, dic: Papa Ioannes
Cum Sanctis capiat Regna beata Dei.*

A.C. 966.

S.P.N. 426.

Iterum Martyribus nostris sæcundissimus annus, Nortmannis, Vngaris Saracenis multos passim contrucidantibus. In solo Novaliciensi Cænobio, etiam altera vice, pleni manipuli cælo illati, & plurimi concisi sunt, eo nimirum Cænobio Monachis semper frequentissimo. De ejusdem unius Cænobii Bibliotheca hoc ipso anno, libris ejusdem in Catalogum relatis, reperta librorum sex millia, sexcenti insuper sexque & sexaginta. Ut inde labores nostrorum æstimes, & diversas toto orbe Bibliothecas in Cænobiis nostris, bono universi, & posterorum asservatas, quidq; debeat asservantibus posteritas omnis, judicium feras. *Ex Pingonio in Aug. Tarv. Yepes, &c.*

A.C.

A. C. 907.

S. P. N. 427.

Iterum è Nostris lūmum Pastorem Romanorum Pontificem assumit Ecclesia, Sanctum Leonē, eo nomine quintum ex Monacho de Brandalo Congregationis, primæ Benedictinæ; egregia Sanctitate virum, quem impiè Christophorus presbyter Cardinalis in carcerem detrusum, abdicare à se lūmum honorem coegit, deī Canobio inclusit, ubi afflictæ condolens Ecclesiæ, paulo post dolore contabuit. Christophorus intrusus & ipse post 7. ferè menses dejectus, Cassinum se contulit, ibique Monachismi rigore scelus expiavit, & mœrorem solatus, est. *Baron. J. epes, VVion. &c.*

Illuxit hoc tempore egregio doctrinæ, sanctitatisque nomine Germaniæ universæ, Beatus Tutelo Sangallensis Monachus, artibus Apellæ, Poetica, Oratoria, Musica celeberrimus, Latina, Græcæque lingua exquisitissimè eruditus, cui Ecclesia etiam debet universa, cautus plures in Divino officio usurpatos, quo (ejus nimirū doctrina, & sanctitate illecti) maximi imperatores per litteras familiarissimè usi sunt, Carolus imprimis Crassus, componendi cantus Ecclesiæ rationem à nostris edoctus, qui cum Tutelone subinde pia quadam æmulatione concertans, compositione alterna, semet concitabant, Tutelonem non Cæsares, sed ipsa Cæsarium Imperatrix, Cælique Regina, maximi faciebat, ita ut quandoque in sua imagine Metis depingenda laboranti, ipsa assistens, non solum præsentia sua illum honoraret, verum etiam colores ministraret, radium, sic vocant veteres, sustineret: cumque eo miraculo proditum se animadverteret Metensibus, occultè imperfecta relicta imagine, ad Divi Galli aufugisset, ipsa imaginem absolvens, Tutelonis opus perficeret, ac raro miraculo commendaret. *Vid. Const. Bened. Script. rer. Sangall. &c. Compend. Bucelini, &c.*

A. C. 908.

S. P. N. 428.

Salomoni ex comite de Ramswag: (illustris olim, quæ nobilis hodie, familia fuit) Monacho S. Galli, dein Constantiensium Pontifici, iterum debet Germania, urbem amplissimam, etsi non primo conditam, tamen præcipuè auctam, ornatam atque munitam) *Constantiam* nimirum ad Rhenum, quam tanto ampliorē, firmioremque, quam fuerat extruxit, ut facile invadentium frequentius Germa-

niam Vngarorum impetum, non sustineret solum sed eluderet, atque frangeret, *Secundi conditoris* Titulum jure sibi Salomone vindicante. De hoc nos pridem egimus in Constantia nostra Sacra profana Romana Alemannica. *Vid. Crusius, Chron. pl. Const. MS. &c.*

Ordinem nostrum, & Regium juxta generis splendorem, rarissima vitæ sanctitate nobilitat S. Verona Ludovici Germaniæ Regis filia, id in Canobio consecuta, ut à morte Divorum catalogo adscripta, meruerit ab universo æternum honorari, quæ nisi Regnum reliquisset, in solo illo, & paucis dum viveret annis honorata, & dubium, an gratia, subditis fuisset. *Cratopolius.*

A. C. 909.

S. P. N. 429.

Moritur, ut immortalis fiat Sanctissimus, & meritisimus de Suecis, Gothis, Frisonibus, eorundem Apostolus, & prædicator egregius Adalgarius ex Monacho Corbeix Saxonum Bremensis Archiepiscopus. De quo plura in vita Sancti. Ansgarii, & Remberti, paulo post proponemus, & meminit ejusdem Grantzius, Trith. Alb. Stad. &c.

Succedit eidem, pari zelo fervens, & laboribus indefessus, S. Hogerus sive Ogerus, Corbeiensis item Monachus, qui ut & antecessor, gravissimos inter tumultus, & discrimina infinita, imperterritus salutis animorum intendens, suam corporis libentissimè neglexit. *Vid. cit.*

Claret item apud Herbipolim, ejusdē Urbis Episcopus ex Monacho Neostadiensi Thiedo. *Vid. Demochares, Belforest. Bruseh.*

A. C. 910.

S. P. N. 430.

Sotgero Balbulo Ecclesia acceptas re-ferat necesse est Sequentias, sic vocamus, cantum illum, qui SS. Missæ Officij Graduale sequitur ab ipso compositas, ea gravitate juxta ac suavitate, ut Innocentius Pontifex, qui præerat Ecclesiæ Fridrico II. Imperante, vel ab ipsa quidem cantus dulcedine argumentum sumeret, ejusdem rarissimæ Sanctitatis, quod non nisi Spiritus Sancti singulari dono ejusmodi componere potuisset. Exaudiuntur in hodiernum usque diem, suavissime Notgeri compositiones, & non nisi ingenti affectuum motu, & concitatione, etiam nū vix sine lachrymis à piis toto orbe clericis atque Monachis decantantur, laude

laude utique semper, & merito aliquo in Notgerum, & ordinem reduntande. *Ex Const. Bened.* Fundatum circa hoc idem tempus Cænobium illud Augustissimum Cluniacense, cujus si intelligere velis profectum, ut numerum colligere perfectorum monachorum cognoscas licet ex numero Cænobiorum, quæ sese Divi Odonis arbitrio submisere, cum eorum supra duo millia numerentur, & si cujus eorundem duos tresve probioris notæ Monachos assignes, dignam sanè uno Odone provincia Sanctorum numeres, cum plurima constet singula, plures sexcentis perfectis aluisse. *Tepes, &c.*

A. C. 911.

S. P. N. 431.

Avgiensis cænobij tanta ex famæ incrementis celebritas, ut Græcorum etiam animos percelleret, & ad se usque pertraheret. Elucescit hoc anno rara ibidem Sanctitate Beatus Simeon Achaicus, cognomento Bardo, ex Græcia oriundus. Is summis honoribus sublimis, primus Magnatum Constantinopolitanæ aulæ, Belli Imperator supremus, & unius Provinciae Dux, monente intrinsecus Numine, calcatis omnibus, valedicto Patriæ, in Germaniam, Augiamque delatus, Monachum ibidem professus, eximiis virtutibus se ipsum excolens, ad triumphos æternos præparavit. Illustrissimorum Principum, Comitum, & præcipuorum Germaniæ Magnatum, eodem tempore ingens in Augia numerus, ut uni illi Cænobio successu temporum debeat Germania, patriæ Nobilitatis non pauca millia calo asserta, cum septem ferè sæculis, non nisi ejusmodi Magnatibus in Augia locus esset, tanto tunc numero Principes patriæ nostræ consecrare se Numini in cucullo gestiebant, & concertabant. *Ex Ochemio, MS. Chron. Aug. Peregr. B. Sim. &c. AEgonio, &c.*

Rebus præclarissime gestis, Germaniã atque Imperium demeretur Hattho noster Moguntia Archiepiscopus, sed & rei Ecclesiasticæ egregiè consulens, ut Baronijs aliique attestantur, multorum tamen invidentium subinde calumniis laceratur quas nos facile ab ipso avertimus, *tom. 2. Const. Bened.*

A. C. 912.

S. P. N. 432.

BEati Notkeri Balbuli Sangallensis monachi morte gloriosus hic añus. Tanti habitus ab Imperatoribus hic vir Sanctus,

ut ad eum frequentius inviserent, & de rebus gravissimis ejus mentem exquireret, quibus precum suffragio non solum verum Concilio plurimum profuisse, adeoque Germaniam strenuè demeruisse arbitramur. Miraculis à morte claruit innumeris, & recentissimis etiam nunc benefacere sese interpellantibus non desinit. De ejus nos præclarioribus vitæ gestis multa, & rara in tomo sæpe citato Constantiæ nostræ Benedictæ secundo. Reliquit alia inter sequentia ingenii monumenta.

De vita S. Galli, lib. 3.

Vita ejusdem Hexametricè, lib. 3.

De expositionibus Sacræ Scripturæ, lib. 1.

Martyrologium. Extat to. 6. Henrici Canisij.

Vt videas quam strenuè nostri semper pro Martyrum honore laborarint.

De Musica, & Symphonia, lib. 1.

Epistolarum ad diversos, lib. 1.

Sacra Epigrammata varia.

De vita Caroli Magni, lib. 2.

Eodem ipso tempore claret S. Welfridus ex Comite Nagolts & Kalvu primus Abbas in Hohenwiel, hodie castro munitissimo, vir sanctitate, & prodigiosè factis celeberrimus, *lib. cit.*

A. C. 913.

S. P. N. 433.

Moritur, & ad feliciorē migrat vitam Hattho Moguntinus Archiepiscopus Augiensis Monachus, Germaniæ decus & Salus; quem ob egregiè gesta, & ab his Cæsarum in eundem propensione, etiam vulgo *Cor Regis* appellavere, fuit Regum Galliarum sanguine oriundus, quem perperam alij Regis Galliarum filium dixerunt; Arnulphi Cæsaris compater, Ludovici Quarti Imperatoris Tutor nonnullis, & quod administratio universi Imperij penè uni ipsi incumberet *Secundus Imperator* nominatus. Beato Salomoni Constantiensi Præfule familiarissimus, docti uterque convivas fallere, & quando vinum bibere, visi frigidam propinare, & rigorem quo sibi severiores erant dissimulare, & tegere. De utriusque laudibus nos fusius loc. cit. Successit Herigerius, Monachus quidem Ordinis nostri, at incertum cujus Cænobij, nobis certum Augiensem fuisse, sicut & in Constantia nostra asserimus, eximiorum meritorum Antistes, & Imperio utilis. *Vid. Democh. Const. Const. Bened. Bruschi. Serarius, &c.*

Q

A. C.

A. C. 914.

S. P. N. 434.

A. C. 916.

S. P. N. 436.

IVra, & bona, Ecclesiæ Constantiensis prima, & antiquissima debent sub hoc tempus defensa, & servata Salomoni nostro Pontifici suo, qui ea propugnando, nec potentissimos quidem Germaniæ Principes reveritus, supremum non semel vitæ discrimen adiit, quoad denique capti Alemanniæ Duces Bertholdus, & Erchingerus, supplicio supremo addicerentur. Impetravit primū veniā, & gratiā iisdem à Cæsare, verum paulo post eadem contra Salomonem repetentes, atque ideo capitis damnatos non aliter quam à se trucidati essent serio dolens, & de se supplicium exigens, animis saltem illorū piissimus Pontifex consultum voluit; pulcherrimo exemplo mansuetudinis faciem universis Principibus præferens, sicut defensi Ecclesiastici viris Episcopus prætulerat. Ex tom. cit. & constant. Sacra profana.

In Divi Galli tanta Sanctorum copia Ordinem Orbemque illustravit, ut Waldramus hoc ipso tempore Decanus, salutato versibus Cæsare, non dubitarit affirmare, non mille sed millia Sanctorum jam felicem illius Ecclesiæ glebam condidisse; cum constet interim ab hoc primū tempore longè plures, celeberrima Sanctitatis fama inibi vixisse. Ex versibus VValdrammi, & Mariani Buzelini Scriptis communicatis.

A. C. 915.

S. P. N. 435.

Felicitate æterna donatus, corpore solutus Magnus, & Sanctissimus Bremensium Archiepiscopus Hogerus, plurimis annis Saxonum, Danorum, Suecorum Apostolatu dignissimè summo fructu perfunctus, verum hinc Danis ac Sclavis, hinc Bohemis, & Vngaris Saxoniam ejusque Ecclesias laniantibus, se bono publico servare coactus, Namburgumque recipere, eidem ledi sanctissime præfuit. Ita difficillimis temporibus nostri ab Officio prædicationis nihil unquam remisere. Baron. Crantzius, VVion. &c.

Obiit hoc eodem anno exemplum egregiæ virtutis Beatæ memoriæ Angilberta Ludovici II. Imperatoris uxor Ludovici Germanorum Regis filia Abbatissa S. Iuliæ Brixienfis, &c. Petrus de Ripa Alta. Aimoin. Leo Ost. VVion. &c.

Claret in Anglia Æthelhunus ex Monacho, & Abbate Bercheleia Episcopus Wigorniensis. Rerum Anglic. Scriptor. &c.

Iterum egregium Apostolum Bremen-sibus, Archiepiscopum Ordo noster hoc ipso anno dedit Sanctissimum Wimonem, quem alij corruptè Vnni appellant, Corbeia Saxonica Monachum, qui Gothiam confidens de adiutorio Dei ingressus, efferatissimos bello, & assidua cede populos, ad mansuetudinem Christi invitans, verbum Dei longè lateque disseminavit. Helmold. Crantz. Alb. Stad. Tithem. &c. Electionis ejus sequenti anno meminit Baron. aitq; Conrado, & Henrico Imperatoribus familiarem & reverendum fuisse, nos plures sequuti, arbitramur Baronium, ex missione pallij sequentem annum Ordinationi tribuisse.

A. C. 917.

S. P. N. 437.

Cælum triumphans invehitur egregius Frilonum Apostolus, & Cultor Beatissimæ Matris Virginis laudatissimus S. Radbodus ex Monacho S. Salvatoris Trajectensis Episcopus cujus vita admiranda extat apud Surium tomo 6. & Antonium Yepes tomo 4. cent. 5. Ejus Sacratissimis exuviis clarior darentia, similibusq; Sanctorum reliquiis plurima universi loca donata atque ornata, famam, fortunas omnes, & felicitatem, monachis referant accepta necesse est, propter quorum etiam sacra corpora, auctæ aut conditæ Vrbes; sæpe in eam, qua superbiunt hodie, amplitudinem excrevere. Reliquit ingenii partus dignos S. Radbodus.

De S. Amelberga Virgine, serm.

Florum S. VVillibrordi, lib. I.

Vitam S. Lebuini carmine descriptam, lib. I.

De eodem Orationem Encomiasticam.

Homiliarum, & Sermonum, lib. I.

Officium quoque integrum de translatione S. Martin.

A. C. 918.

S. P. N. 438.

Immortaliter rursus debent B. Salomoni nostro Constantienses non solū, sed & Ecclesiæ eidem subiecta Diœcesis, inter Germanas amplissima, allatas Roma exuvias Sanctissimi Martyris, & Tutelaris Urbis, atque Episcopatus, Pelagii, cujus huc usque meritis, & Patrocinio florentissima civitas Magni Martyris nomine gloriatur. Ex Chron. Const. MMSS. pl. & Const. sacra profan.

Ingens virorum doctrina ac Sanctitate illustrium numerus in ordine claret, & Episco-

Episcopales Cathedræ pleræque à nostris
intellæ, gloriôsè administrantur. *Vid. An-
ton, de Yepes, Trithem. &c.*

A. C. 919.

S. P. N. 439.

MORITUR sanctissimè, & felicissimè al-
ter Vrbis Constantiensis Conditor,
& Dotator Salomon Episcopus. De quo
pluribus nros locis supra cit. Quinque
Regibus seu Imperatoribus familiarissi-
mus, ita ut à plerisque eo, & Harthone
inconsulto nihil in Imperio ageretur. Ejus
ingenii præclarissima monimenta extare
in bibliothecis Sangallensi, Constantien-
si & Einsidlenfi Hartmannus memorat;
servatur & in Bibliotheca Weingartensi
ejusdem labore collecti Dictionarij, seu
Vocabularij ingens planè opus, ut inter
ardua Imperii negotia, & tumentes bel-
lorum fluctus omnium Doctorum, atque
indoctorum mireris comodis providen-
tem, & quasi servientem. Protulit etiam
in lucem i. to. Antiq. lectionum Henri-
cus Canisius, quædam ejus carmine scri-
pta. Illud visum minimè prætereundum,
quo agnoscas, & rarum sanè prodigium,
& nostros etiam summis honoribus elat-
tos, animo tamen ac voto cum suis sem-
per domi degisse. *Recordatus aliquando,
ipsa die, quâ Antiphonam illam Ecclesia solem-
nem Pater justè, mundus se non cognovit, &c.
recitat, & o, inquit, quali studio & vocibus
futuram diem (occurrerat quippe hæc co-
gitatio ea nec dum die illucescente) Frã-
tres mei, apud S. Gallum sunt acturi? Illicoquè
consurgens, plurimis, ex Vrbe equo, curru, na-
ve comitantibus; in Spiritu Dei vectus circa
Nonam, Cænobium ingressus Antiphonam
præoptatam, ipse in Evangelium levavit, &
clare præcantavit &c.* ita Eckehardus, &c.

A. C. 926.

S. P. N. 440.

ORIGINEM Yepes noster celebrat hoc
anno potentissimi Cænobii Albel-
densis sive Albanensis in Hispania, quod
honori S. Martini Episcopi dedicatum:
cujus dein loci Abbates Episcopali hono-
re sublimati, decus egregium Hispaniarum
Regnis accessere. Conditum hoc ipso
tempore S. Flori in Arvernia Cænobium
Cathedralis item Ecclesiæ dignitate post-
ea excultum, quod & hoc, aliisque sæcu-
lis, Monachis nostris debet Orbis uni-
versus, non solum eorundem in gratiam,
sive suadentibus ac impetrantibus ipsis
Episcopales sedes institutas, sed & hono-
rem eundem Cænobiis illatum, & poten-

tissimos Episcopatus ab ipsis Cænobiis
sumpsisse initia, non exclusis propterea
Monachis, imo iisdem perpetuo eligen-
di jure, è gremio suo Pontificem eligenti-
bus: Sanctionibus Canonicis ita jubenti-
bus, ut Sanctissimo Patri, & Patriarchæ
nostro Benedicto consecrata, ejusdem &
filiorum perpetuo maneat: ita attestan-
te Innocentio ipso Romano Pontific.
ejus nominis Tertio, in Epistola,
quæ in operum ejus Colonia editorum
tomo 2. pagina 93. legitur, ex qua ista ex-
scripsimus: *Ita tamen, quod ab eodem Mona-
sterio Monachi nullatenus excludantur, ne for-
te venire contra Sanctiones canonicas videre-
mur, quibus provida deliberatione statutum,
at quæ semel Deo dedicata sunt Monasteria,
semper maneat Monasteria: cum, & hodie
generaliter statuatur, ut Ordo Monasticus, qui
in aliquo Monasterio secundum Deum, & Bea-
ti Benedicti Regulam dignoscitur, institutus,
perpetuis ibidem temporibus inviolabiliter ob-
servetur, &c.*

A. C. 921.

S. P. N. 441.

OPTIMè meritis de Patria, Germania
nostra Otfridus Wissemburgensis
Cænobii Monachus, cum (quod fieri no-
stra ætate dolenter advertimus) Teutoni-
cæ linguæ, magis magisque vitium accref-
cere, eique denique prorsum exitium im-
minere metueret, suo, quocunque, arbi-
bitrio, manca, mutila, depravata, disso-
nantia verba promente, & proferente, so-
lus, quod nemo antehac, dignissimo stu-
dio, consulere Germanis ausus, ad certas
Regulas, constructionesque grammati-
cales Teutonicam linguam revocavit; à
qua nominum proprietate, ita suo jam
tempore Trithemius noster, Germanos
queritur discessisse, ut nec intelligere qui-
dem Majorum suorum avitam, patriam,
& germanam linguam, ne dum ea uti
possint. Fuit hic Otfridus vir in Divinis
Scripturis eruditissimus, Philosophicis,
Rhetoricis, & poeticis egregiè cultus,
scripsit tam metro, quam soluta oratione
libros plures: ex quibus sequentes enu-
merat noster. Trithemius.

*Gratia Theotista. incipit. Dignitatis cul-
mine Gratiam, &c. lib. 5.*

*Ad Ludovicum Regem. Ludovico Ori-
entalium, &c. lib. 1.*

*Ad Salomonem Episcopum. Salomoni Epi-
scopo Otfrid. &c. lib. 1.*

*Ad Monachos S. Galli. Otfridus Wis-
semburg, &c. lib. 1.*

In Psalterium Commentar. Volum. 3.

De Iudicio extremo, lib. 1.

De gaudiis regni celestis, lib. 1.

Carminum diversigenis, lib. 1.

Epistolas ad diversos, lib. 1.

A. C. 922.

S. P. N. 442.

Iterum grandi merito præter & supra Chronologiæ præclarissimum opus, quod superius commendaveramus, summo & æterno bono Regino noster Prumiensis Monachus, scripsit & perfecit præclarissimum illud opus de Ecclesiastica disciplina, & Religione Christiana, quod ex *Decretis Sanctorum Patrum, & Generalium Conciliorum* duobus libris complexus est, & in nonaginta fere capita luculenter distinxit. *Trithem.*

A. C. 923.

S. P. N. 443.

Splendet Gallia universa Gilderici Abbatissæ S. Germani meritis, quæ Antisiodorensibus ita ipsum commendavere, ut Urbis ejusdem Pontifex renunciaretur. Cui debet Antisiodorum celeberrimas illas D. Laurentii reliquias à Ioanne Papa impetratas, & castrum Varziacum ab ipso exstructum. Flodoardus, Clem. Rob.

Rutgerum verò Archiepiscopum Treverensem longè digniora commendant, imo tanto electo Pontifice, collegium nostrorum, qui tum, & multis jam sæculis Canonicorum vicem explebant, egregie commendatur, ob raram illius quem elegere Virtutem & industriam. Rutgeri labor & meritum imortale fuit: *liber Decretorum* ab ipso compositus seu collectus, quem ipse collecta Synodo probatum laudatumque Solemniter approbavit, & bono patriæ evulgavit. *Const. Cajet. Trithem. &c.*

A. C. 924.

S. P. N. 444.

Cathedralem rursum sedem, & singulare provinciarum ornamentum, princeps commodum Germania nostra debet Burcardo nostro Miinensis Saxoniæ celeberrima civitas quem ob rarissimam virtutem, & ab hac famam & gloriam hoc anno Henricus I. Imperator, primū ibidem Pontificem instituit, atque ipse non sine sanctitatis celeberrima opinione laudabiliter gubernavit. *Cratopol. VVion. Trith. &c.*

Clarissimus hoc ipso tempore Richarius Leodiensis Episcopus, ex Abbate Stabulensi. *Vid. Baron. Anno 922. AEgyd. Bucher. &c.*

A. C. 925.

S. P. N. 445.

Vngarorum incurfione cruentus hic annus. E nostris non pauci Cælitum numerum auxere. In Divi Galli, celeberrima illa Martyr nostra Diva Wiboradis, decus singulare, illustri triumpho Germaniæ addidit. Octavo ab Martyrio die, tribus, quæ in capite acceperat, vulneribus, sponte cœuntibus, dormienti similis, & supra quam videbatur vivens, formosa apparuit, pede brachioque rigore contractis, libitinæ, grandi prodigio, se ultro accommodans. *Vid. Const. Bened. & Sangall. rer. script.*

Clarent eximia virtutis, & doctrinæ fama, Hirsaugienfes, S. Galli, S. Albani, Augienfes Monachi; celebratissimus inter alios Dethmarus Hirsaugiæ Abbas; de quo *Chron. Hirf. Trithemii consulend.*

A. C. 926.

S. P. N. 446.

Admiratione etiam Fidei hostes detinet, comovetque paratissimæ virtutis rarissima imagine, Sanctissimus Guilbertus noster Gemblacensis Cænobij Fundator & Monachus, qui neque Imperatore quidem cū exercitu occurrente, prior ipse, & solus occurrit insanienti Vngarorum genti, & consternatis constantia viri ipsis Victoribus, Christi Evangelium deprædicavit, dignissimo sanè Apostolatu, fortitudine seu magnanimitate incredibili Idolomaniam eorundem acriter redarguens, & multos Christi servitio emancipans. *Et vita, & Anton. de Yepes.*

Debent, & Constantienfes circa hoc ipsum tempus Urbem suam ab immanitate hostium liberam Salomoni Episcopo, ita munitam, ut Vngari, plurimis, & celeberrimis Germaniæ Urbibus occupatis, & everfis, in istam nulla vi quidquam proficerent, suburbanam tantum propugnatoribus vacua diruerent, atque incenderent. *Const. Sacra, Profav.*

A. C. 927.

S. P. N. 447.

Addidit egregium Germaniæ nostræ decus Beatus Hildebertus noster ex Monacho, & Abbate Fuldenfis Cænobii Archiepiscopus Moguntinus, hoc ipso anno electus, (sunt qui priore contendat) de Imperio universo meritisissimus, quod ejus præcipuè consiliis, auctoritate, atque sanctitate nitebatur, Otthone maxime Magno imperante, qui Hildeberto Archicancellario benè usus, tanto libentius in agen-

in agendis ejus arbitrio ducebatur, quanto certius non de prudentia solum ejus, sed providentia ex Prophetico etiam Spiritu constabat. *Videchindus, Visperg. Trithem. Regino. Lamb. Serar. Brovver.*

S. Benno Metensium Pontifex, ad eam cathedram biennio ante extractus è sua cellula, nefario scelere à suis civibus execratur. Porro ipse patienter omnia tolerans, exemplo relictus magnæ patientiæ viri, cognominatus est Benedictus, & ad solitudinem reversus in Einsidlensi Helvetiæ eremo vitæ reliquum transegit. *Baron. Bisc. Hartm. monim. Einsidl. &c.*

A. C. 928.

S. P. N. 448.

Ratherius Laubiensis Monachus, vir miræ simplicitatis, sed eruditione litterarum sacrarum atque profanarum celebratissimus, Veronensis Pontifex, ea per scelus Hugonis Cathedra dejectus, ab eodem restituitur, cujus eximium de Ecclesia universa meritum, ipso constantissimè eandem contra scelestissimam ac perniciosissimam Anthropomorphitarum Hæresim prædicando, & scribendo propugnante. *Baron. Trithem. Chronolog. Hirsaug.*

Eodem tempore Hilduinus Lobienfis Monachus, fit Episcopus Mediolanensis, affinitate junctus Hugoni Italiæ Regi, vir in Divinis maximè litteris eruditus, cujus etiam libri aliquot extant. *Vid. Trithem. VVion. &c.*

Hildesheimensibus ipso hoc quoque antio præficitur Diethardus ex Monacho Hirsfeldensi Episcopus Hildesheimensis citati.

A. C. 929.

S. P. N. 449.

Qvedlinburgense Virginum Cænobium Ordinis nostri conditur ab Henrico Imperatore, in quo Mæchtildis prima Abbatisa instituitur, ex omni virtutum flore compositissima, Cælaris ejusdem filia, & Magni Otthonis Soror. Cui uni Cænobio quantum debeat Germania universa, nunquam satis explicaverimus, incredibili Principum Germanarum numero, usque ad Lutheri tempora, in eodem salutis æternæ asylū quærente, & reperiente, quas Religio nostra sanctissima, benevolentissimè amplexa, cælo educatas Deo transmissit. *VVion. Trithem. &c.*

Sed & aliis passim Cænobiis hoc ipso

tempore, quid Regna, & Reges debeant patet facile ex uno rarissimæ Sanctitatis exemplo, unius Cænobii disciplinæ assignando in Sanctissima Regina Ælfleda, Alfredi Angliæ Regis filia, Æthelredi conjuge, Sanctæ Alginæ nostræ Schaffesburiensis Monialis sorore, Glastoniæ Ordinem nostrum professâ, quæ tanta paulo post enituit Sanctitate, ut ad eam Rex Æthelstanus læpius ea unica ex causa invileret, ut divinis ejusdem alloquiis frueretur, in cujus etiam præsentia illud miraculi Deus ostendit, quo deficiente vino illud grandi prodigio ministraretur. *Matth. VWestmonast. &c.*

A. C. 930.

S. P. N. 450.

Incredibili accessione Ecclesiam Christianam auget, sanctissimus Wimo noster vir verè Apostolicus, Hamburgensis Archiepiscopus, Danis hoc tempore ad fidem conversis, qui olim jam ab Ansgario Christo adducti, sed Regum scelere, & bellorum attritione, plerique detecerant. Igitur, inquit, Adamus, nihil asperū, & grave arbitrans subire posse pro Christo, latitudinem suæ Diœcesis per se ipsum elegit circumire. Sequutus est eum grex Bremensis Ecclesiæ universus (ecce populi erga tantos Pontifices amorem) pastoris boni absentia mæsti, secumque & in carcerem, & in mortem ire parati. Postquam vero Confessor Dei pervenit ad Danos, ubi tunc crudelissimus Gvorm regnavit, illum quidem pro ingenta flectere nequit scævitia: filium autem Regis Haroldum sua est prædicatione lucratus. Quem ita Christo fidelem perfecit, ut Christianitatem quam pater ejus semper odio habuit, ipse haberi publicè permitteret, quamvis nondum baptismi Sacramentum percepisset. Ordinatis itaque in Regno Danorum per singulas Ecclesias sacerdotibus, multitudinem credentium Haroldo S. Dei commendavit. Cujus etiam fultus adjutorio, & Legato, Omnes Danorum Insulas penetravit, evangelizans verbum Dei gentilibus, & fideles quos illic invenit captivos, in Christo confortans. Vide etiam Baron. &c.

A. C. 931.

S. P. N. 451.

Enumerat hoc uno anno Yepes noster Imperatrices, Reginas, Imperatorum ac Regum filias plures, relictis amplissimis Regnis cucullum amplexas, quarum pleræque egregia vitæ sanctitate, omnes exemplo virtutis, universo orbi, mutatione tanta obstupefcenti, plurimum profuere.

Q 3

Sakra-

Sacramentariorum quoque Hæresi, felici, & utili providentia occurrit Sanct. Ratherius, sive Bacherius Veronensis Episcopus, scripto pulcherrimo libro de corpore, & Sanguine Domini, ita unus Monachus contra duos exercitus Anthropomorphitarum, & Sacramentariorum, constantissimè depugnans, etiam sæculi nostri monstra nequissima, & infanda confundit expectoraturque. Ingenii ejusdem lucubrationes præcipuè commendantur.

Contra Anthropomorphitarum errores, & falsa Dogmata, lib. i.

De corpore & Sanguine Domini, lib. i.

De primo suo exilio (bis enim exulasse convincitur.) lib. i.

Alius qui vocatur Inefficax, lib. i.

De exilio suo secundo, lib. i.

Agonisticon id est Præloquiorum, lib. i.

Vita S. Vrlmari Lobienensis, lib. i.

A. C. 932.

S. P. N. 452.

Stupeñte orbe universo, ipso etiam Orientis Imperio, Magnus ille Venetorum Dux Vrlus Participatius, devictis Saracenis, qui Anconam cremaverant, Cretam occupaverant, & in Dalmatiam ulque progressi, omnem oram maritimam infestam reddiderant, & memorabili prælio profligatis atque sinu Adriatico ejectis, liberata atque pacata Italia, tantis titulis immortalis, & ab ipso Constant. Imper. Protospatarii Apocrisatorum nomine honoratus sponte Principatu se abdicans Cænobium S. Felicis de Amiano ingressus, atque Ordinem nostrum professus contemplationi Cælestium totum se dedit, id consequutus, ut multo celebriore quam in sæculo fama, raræ nimirum sanctitatis celebraretur, à Deo etiam post mortem miraculis commendatus, *Vid. Dandul. Marcell. VVion. Rerum Venet. Script. Vnguis noster Leonis Veneti, &c.*

Egregium ordinis nostri Sydus S. Birstanus Episcopus Wintoniensis. *De quo Script. rer Anglicarum.*

A. C. 933.

S. P. N. 453.

Sanctissimus Danorum Apostolus, Wimo noster minimè contentus amplissimum Danie Regnum, & merlas impetuossissimo Oceano Insulas Christi Regno adjecisse, in Sueoniam quoque, ac Gothiam iter intendit, & pari felicitate ad gremiū matris Ecclesiæ eadem reduxit, & *vestigia sequutus* (verbis Adami Bre-

menfis referimus) Magni Prædicatoris Ansgarii, mare Balticum navigans, gravi labore, venit Bircam, quo post S. Ansgarium annis 70. nemo doctior ausus est pertingere, præter solum ut legimus Rimbertym, &c. (Rembertym nostrum) Ita persecutio nostros obtinuit, &c. In eo portu Confessor Domini egressus, insolita populos appellare capit legatione. Et de difficultate conversionis agens pergit. Quippe Sueones, & Gothi, vel ita si melius dicuntur Nordmanni, propter barbarica excursionis tempora, qua pacis annis multi Reges cruento dominati sunt Imperio Christiana legis penitus obliti, haud facile poterant ad fidem persuaderi, &c. Sueones igitur, & Gothi à S. Ansgario primum in fide plantati, iterum relapsi ad Paganismum à S. Patre Vnni sunt revocati, &c. Hæc Adamus.

A. C. 934.

S. P. N. 453.

Claret egregia sanctitate Sanct. Eberhardus ex Franciæ Orientalis Ducibus, Hassiæ, Weteroviæ comitibus, & Franconiæ Ducum frater, Conradi primi Imperatoris ex fratre nepos. Is Angelo duce ad Eremum Deiparæ ductus amplissimi Monasterii structuram, hæreditatem expendit. Inde celeberrimi cænobii Einsidlensis successio præsulū perpetua, & ille in Germaniam fructus redundavit, quem in hodiernam usque diem perpetuo gustu etiam remotissimorum Regnorum inquilini peregrino munere testantur. *Ex Hartmanno, & Einsidl. MS.*

Eodem anno in calos emigrat Beatus Notingus è Monacho D. Galli Constantiensium Pontifex, Comes Veringensis, Sanctitatis doctrinæ, generis claritudine præcipuus. De ejus vita scripsisse Epistolam S. Vdalricum Augustanum Episcopum Haiminsfeldius habet, & nos nondum vidisse dolemus. Scripsit Notingus soluta, & ligata oratione non pauca: Et, qui nostrorum proprius, & perpetuus labor, in sacra volumina Commentarios edidit, in Evangelistas nimirum omnes, quos ipse dignè ingenio, & inprimis sanctitate, qua præpollebat, egregiè explicavit. Autor insuper fuit, multarum cantionum, quarum etiamnum ulus superasse perhibetur. *Const. Bened. &c. Marianus Bucelinus, &c.*

Electus communi omnium consensu S. Gerardus noster ex Cathedrali Ordinis nostri Monacho, successor declaratus, à puero in Divi Galli, dein à B. Notingo Constantiæ educatus. *Mangold. Const. Benedictin. &c.*

Ipsa

Ipso anno Burcardus ex Monacho Hirsfeldensi fit Herbipolensis Episcopus. *Vid. Trith. VVion. &c.*

A. C. 935.

S. P. N. 454.

Cænobii Cluniacensis tanta ab sanctitate fama, ut universus orbis impleretur. Ingens inde fructus, ut paucos intra annos, multis Sanctorum millibus frequentia Ordinis augetur, consternatis tantæ perfectionis, prodigio Summis Orbis Principibus, & sua omnia paulatim, sensa, judicia, ac se ipsos Monachis subicientibus, ut quererentur paulo post Monachi, ad se causas, & negotia orbis devoluta quæ illi minimè ambientes, sed pro virili removentes, admittere tamen coacti sunt, Principibus eo, velut ad Delphicum, Gentiles oraculum, sed amore Numinis, non Idoli stulta veneratione, undique confluentibus, & responsa sollicitè flagitantibus. *Ant. de Ypes, tom. 4. Cent. 5. ex Epist. Biblioth. Cluniac. &c.*

A. C. 936.

S. P. N. 455.

Qvanti vero ab Ecclesia universa, & Pontifice Romano fieret unus Odo Cluniacensium sanctissimus Abbas, hoc anno gravissima in causa, universis apparuit, quando à Leone VII. Romam evocatus, flagrante inter Hugonem Italiæ Regem, & Albericum Romanæ Urbis Principem, gravissima dissensione, utius componendæ sufficere visus est, sed & collapsam in Italia restituere disciplinam, & præcipuum Urbis D. Pauli Cænobium restaurare est iussus, *Legatur Barón. Bisc. & vita Odonis, ubi & facta ejus Romæ egregia celebrantur.*

Decessit hoc eodem Anno, Magnus ille Danorum, Gothorum, Sueonum, Sclavorum, Sembrorum, sed & Scytharum Apostolus, Sanctissimus Wimo, sive Vnni, in oppido Sueciæ Birckenfi, ibidem conditus, cujus tamen caput Bremam translatum plurimis ibi sæculis digna veneratione asservatum est. *Adam. Helmold. Crantz. Yep.* Ipso quoque anno delati Orthoni Magno Imperij fasces, & primus Germanorum ipse solemni pompa, ab Hildeberto nostro Moguntinensium Archiepiscopo, frustra renitentibus Trevirensi & Coloniensi, Aquis inauguratus, & cinctus diademate est; Summa Ordinis gloria, cui translatum etiam in Occidentem Imperium deberi superius diximus. Sane Hildeberto exin plurimum debuit Ortho, & indubium nobis,

tam Sancti Pontificis benedictione, plurimum adjutum. *Vid. Trithem. Brouver. &c.*

A. C. 937.

S. P. N. 456.

Ingentia Divi Conradi nostri Constantiensis Pontificis merita, & tanta sunt, quæ neque in hodiernam diem, tot sæculorum decursu, ingens pauperum multitudo exhaustit: & Clerici, Canonique ejusdem liberalitate dignè statu suo, & conditione etiamnum sustentantur. Duo, isti, Collegia in Vrbe eidem debent; & Xenodochium pauperibus, tanta in eodem benevolentia significatione, tanta, in pio opere contentione struxit, ut suis ipse manibus, tantus Princeps (fuit illustrissimo Guelphorum Inferioris Bajoria Principum sanguine editus) & humeris lapides comportaret, & struentibus cementum ministraret. *Ex Const. Ben.*

Eodem anno ex Monacho S. Vedasti fit Noviomagensis, & Tornacensis Episcopus Transmarus cujus hortatu Arnulphus Magnus Flandriæ Comes multa bona Ecclesiastica restituit. *Leg. Miræus, Cod. donat. Cl. Rob.*

A. C. 938.

S. P. N. 458.

CRudelissimo fratris consilio, & scelere S. Wenceslaus Bohemiæ potentissimus Dux, cum emisso voto jam monachi decrevisset, eaque ex causa ad Romanum Pontificem Legatos misisset, ut benedictione ejusdem percepta liceret inter D. Patriarchæ nostri filios vitæ agere, interimitur. Ejus sanctitati insolenti prodigio, testis adfuit ipse Deus, illo ipso die, quo gloriosissimus Martyr fratris Idolatræ manu occubuit per visum Daniæ Regi apparens, jubensque Martyri suo Wenceslao ab eodem Ecclesiam exedificari. Is quantum disciplina nostrorum, inter Regni curas agens, profecerit, exemplo sufficiat; regiæ oblitum dignitatis tempore mæsis, & vindemiæ ipsum mæsisuisse, & vindemiasse, quod Sacrificii hostias, Sacerdotum manibus offerretur. De certa ejus voluntate, & concepto jam voto Monachismi, præter alios dignissimi fide, Ioannes Dubravius, & Aeneas Sylvius, ut eum jure merito nostris accenseamus, quem pro hac voluntate Deus singulari præmio, & Martyrii insuper laurea decoravit.

De Sanctissimo Odone nostro, sic hoc anno ex Baronio, Bisciola. Hoc eodem

anno accidit, ut Odo Abbas Cluniacensis, post biennium quam antea Romam venerat rediret, & quas bene plantaverat plantus Sanctæ Monasticæ institutionis, sua præsentia atque munitione rigaret. Quæ autem tunc contigerint, admiratione digna, tu pete ex Annalibus, de codice vitæ S. Martini sub ingenti pluvia non madefacto; & de lacu in montibus, eo deprecante effecto, quo Monachis pisces suppeditarentur, qui ab esu carniū retrahi non poterant. Ita planè Magno Odo, hoc deploratissimo sæculo, à Deo fuit electus, ut egregia sanctitate, & admirandis signis, collapsam, per diversas provincias Monasticam disciplinam restitueret. *Hæc Biscoliæ.*

Ipso hoc anno fit Episcopus B. Guntharius, vacante sede Ratisponensi, ab ipso Otthone inibi agente promotus, non sine prodigio, jubente per noctem Numine, ut qui primus pullanti è Divi Haymerammi occurreret, eum Episcopum Urbis juberet. Occurrit Frater Guntharius, nec pluris seu majoris oblatum Pontificatum duxit, quam ut læscitanti Augusto, quidnam sibi responderet, si ipsum Pontificem renunciaret, calceum pro tendens, istum inquebat, gratiæ loco esse vellem. *Vid. Rader. VVion. Hund. VVig.*

A. C. 949.

S. P. N. 459.

Otho Magnus quanti nostros faceret, & quam sibi curæ esset, nequid nostris detraheretur, sed condita pro monachis eorundem perpetua essent exemplo, æternitate dignissimo, hoc anno ostendit. Illud tanti Baronius ipse fecit, ut Annalibus suis inter potiora enumerandum & adscribendum censeret. Cum desertus ipse à multis Principibus, hostibus proderetur, Comes quidam, qui ei aderat cum selecta militum manu, occasionem captans, extorquendi, quod alioquin injustum erat, ex ejus necessitate: Abbatiam sibi dari petiit, prædiis ditissimam, cui Rex præcisè negavit, exprobrans, quod comminatione id extorquere voluisset, abiret si vellet, cum cæteris desertoribus, non esse danda sancta canibus, & dicata militantibus Deo, militantibus sæculo. Quibus auditis rubore suffusus ad ejus se pedes abiciens veniam petiit.

Floret hoc ipso anno admiranda sanctitate Beatissimus Gerardus Broniensis Abbas, nobili Austrasiæ Ducum prolapia ortus, ad restituendam Monasticam

disciplinam, non aliter atque Beatus Cluniacensis Abbas Odo singulariter vocatus, ex qua reformatione is postea fructus consequutus, ut flexus tot Sanctissimorum Monachorum precibus DEVS innumeris afflictissimi Orbis malis mederetur, & multa millia horum exemplis ad frugem se meliorem reciperent. *Vid. Baron. vita, &c.*

A. C. 950.

S. P. N. 460.

DE Anglorum Regno meritissimus S. Dunstanus, cujus consilio Rex Edmundus utebatur. Adeo invaluerat toto Orbe consuetudo, ut ipsum Romanum Imperium, tunc maximè, ut & regna potissima feliciter administrarentur, quando nostrorum consilio, & precibus nitentur. Ut difficillimis huc usque temporibus ij plerumque lucerent, qui ab hac antecessorum consuetudine desciscerent, pro ambitione atque arbitrio suo, sibi omnia arrogarent. Henrico, & Othone Cæsarib9 restitutæ paulatim res, quando viris sanctitate conspicuis se ipsos, nedum sua, credidere, & de Divina solum voluntate solliciti, Monachos non doctos solum, sed subinde simplicissimos, pro responsis, mittentes, eosdem beneplaciti Divini interpretes, & deprædicatores, pro sceleribus subjectorum adhibuere. Expertum re ipsa hoc anno Edmundum Regem, quid in Dunstano nostro spei repositum ac consilii esset, si sanctè eundem coleret, quidque ex in metuendum si negligeret, Baronius attestatur: Is cū æmulorum luasione ab Dunstano aversus, eum aspernatus eiecisset, suo periculo didicit, quanti Principes facere debeant veritatis amatores, Verba Biscoliæ, ex Baronio sunt. *Egressus namque Rex ad venationem, cum cervum insequeretur, ab equo ruptis habenis verus præcipitium abripitur, in illa trepidatione, & angustiis constitutus, recordatur injuriam Sancto viro illatam, emendationem proponit, consistit equus; ipse à periculo liberatur. Sanctum Episcopum in aulam revocat, & veniam de injuria petit, donat quoque locum ad edificandum Monasterium quod Glasconia appellatur. Huc usque Biscoliæ.*

Claret admiranda prorsus sanctitate, & eximia maximè humilitate, jucundissimum universi spectaculum Sanctissima Mathildis, ex Henrici primi Imperatoris augustissima conjuge humillima Quedlinburgensis Monialis; de cujus eximiis virtutibus alibi, *Fascic. temp. Tep.*

A. C.

A.C. 941.

S.P.N. 461.

Inexplicabili merito universum obstrin-
git Beatissimus Ordo noster Cluniacen-
sis Abbas, propagata per Gallias non so-
lum, & Italiam, sed Germaniam insuper,
ac Hispanias longè latèque Sanctissimi
Ordinis reformatione tanto ubique suc-
cessu, ut hoc ipso jam anno supra duo Cœ-
nobiorum millia unus ipse ad perfectio-
rem SS. Regulæ observantiam adduce-
ret, attonitis insuper rei novitate mundi
Principibus, & ex toto orbe confluenti-
bus, qui ad famam tantæ sanctitatis viri
Cluniacum perentes, ejus se admitti in
contubernium, & adoptari ab eodem in
filios, sancta ambitione & æmulatione
sollicitè, & humiliter flagitarent. Patuit
universis, grandi prodigio unum Cœno-
bium, & benevole liberaliterque omnes
omnino peregrini hospitesque excepti
habitique. De quo S. Petrus Venerabilis,
loci ejusdem sanctissimi Abbas, lib. 5. Epi-
stolarum. *Factum est* (Cœnobium Clunia-
centle) *à sui principio, non solum extraneorum*
hospitum, non tantum confugientium Asylū,
sed, ut sic loquar, Republica Christiana ara-
rium, agit parcus in proprios, profusus in alie-
nos, nec attendit quid possit, sed quid supervie-
niens velit. Ea de causa, nec sua ei, nec aliena
sufficiunt, quia longè major est quantitas ero-
gatorum, quam liberalitas largitorum, &c.

A.C. 942.

S.P.N. 462.

Hoc tandem anno, fervente denuo
inter Hugonem Italiæ Regem, &
Albericum Urbis Principem gravissima
dissensione, quos ante sexennium inter
se conciliarat, rursus à furore revocatur
Sanctissimus Odo noster, cum in diffi-
diis Principum componendis, Ecclesiis
pacem conciliando, Monasteriis reform-
mandis consenuisset, Romæ ex febris mor-
ibundus mortis inducias impetravit, do-
nec Turones reversus, S. Martini, quem
unicissimè dilexerat, Tutelaris sui solem-
nitatem celebrasset: tunc febris redeunte,
Sanctis Ecclesiæ Sacramentis munitus
inter suas fratrumq; preces animam Deo
reddidit. Ex vita & Baron. Inter alias è
cælo gratias, non minima illa, quod ad
eundem Sanctissimus Patriarcha noster
Benedictus, nec non Martinus Beatissi-
mus Turonensium Episcopus, frequen-
tius inviserent, & cum eo familiarissimè
colloquerentur, qui Odoni obsequentes,
favoribus, negligentes vindicta cælitus
prolequebantur. Ei debet præter innu-

mera alia, sequutura posteritas, & S. Ec-
clesia plura sanctissimè instituta, scripta,
composita, interque præcipua Officium,
& Antiphonas, cantumque in hodiernā
diem festo S. Martini toto orbe usurpata,
item de S. Maria Magdalena, Lauda Ma-
ter Ecclesia, &c.

Sacrorum Hymnorum diversorum, lib. 1.

Homiliarum ac Sermonum ad Fratres
suos, lib. 1.

De Vita S. Gerardi, lib. 1.

Chronicæ succinctioris, lib. 1.

Vitæ, & translationis, lib. 1.

Abrenunciationum Moralium Sancti.

Gregorii Magni, lib. 20.

In Hieremiam Prophet. Comment.
lib. 3.

Alia insuper plura, de quibus videatur Bi-
bliotheca Cluniacensis, Trith. Yepes.

A.C. 943.

S.P.N. 463.

Illustris hic annus abdicatione amplif-
simi Regni Scotiæ, ita fastidiente in-
constantiam periturorum Constantino
III. Scotiæ Rege, cui sese exambienti, be-
nigna Mater Religio nostra, piè adfuit, &
mundi turbinibus emergentem, non be-
nignè solum amplexa, verum materno
affectu inter optimos filios adoptavit. *Les-*
laus Boetius Yepes.

A.C. 944.

S.P.N. 464.

Profuit universo, illustrissimo sæculi
exemplo Hugo Italiæ Rex Lotharij
Imper. Pronepos, qui post ingentia, varia
fortuna prælia, post vigesimum Imperij
annum, purpuram cum vili tunica, am-
plissimum Regnum cum exigua cellula
permutans, hoc anno celebri illi Cœno-
blo, sub nomine S. Petri in partibus Bur-
gundiæ à se constructo, thesauris omni-
bus quos secum asportaverat prius ibidem
contraditis Monachus effectus est. Nec
minore de nostris æstimatione sensit ac
proiti cucullum exambiit Guilielmus II.
Nordmanniæ Dux potentissimus, voto
revera noster, & jure merito nostris ac-
cenfendus, cui à pueritia Ordinis nostri
amplectendi desiderium concrevit, ve-
rum patris ac procerum obstinatio prohi-
buere. Proditione hoc anno sublati,
quid propositum habuisset à morte satis
indicavit: dum namq; sic loquitur Cran-
zius, exanime corpus revehunt mœsti sa-
tellites, rimantur cruore profusum, &
multis cū lachrymis nudantes, inveniunt
in lumborum strophio claviculam argen-
teā. Mirantib; quod foret, supervenit Ca-
merarius

merarius minister qui cistellam in penitioribus esse affirmabat, quæ vestem includeret Monachalem, &c. *Rob. Gaguin. Crantz. Ypes, VVion. Baron.*

A. C. 945.

S. P. N. 465.

A Morte Sanctissimi Principis Wenceslai, turbatum fidei negotium in Bohemia Boleslao impio regnante, jam pridem à B. Ioanne nostro, sub annum 900. Christianæ fidei feminibus jactis, & feliciter fructificantibus. Verum mortificanda magis grana, ex quibus tota dein Regni paulo post ubertas, & felicitas nostris adscribenda; S. Ioannis inprimis Cænobio Pennensi, quod primum à B. Ioanne Monacho fundatum, ex in viris Sanctissimis Regnum locupletavit. Ita turbatissimis rebus, proficiunt bona, & dum opprimi putantur, maxime efflorescunt. *Dubrav. Steng. Ypes Rer. Boem. script.* Claret spectatissimus sanctitate B. Vdalricus Augustæ Vindelicorum Pontifex, nostris tanto magis accensendus, quanto eorum esse magis laboraverat, cum nunquam de ejusdem erga nostros propensione tam evidenter constare potuisset, nisi publicâ Patrum voce, unoque consensu Ingelheimensi in Concilio prohibitus fuisset abdicato pontificatu; nostris se devoveret. Fuit tamen extra Cænobiū verè noster, quando, ut alii inviti ac renitentes è cænobiis ad cathedram Episcopalem extracti, ita ipse coactus, fastiditum honorem Monachus gessit, cucullumque indutus, deinceps in Pontificatu ipso, longè difficiliore, quam in Cænobio conditione, Sanctissimam Regulam nostram diligentissime observavit. *Ex vita, & R. P. Carolo Stengelio, &c.*

A. C. 946.

S. P. N. 466.

DE Sanctissimi Duncani nostri meritis præclarissime rursus sentit Baronius hoc anno; Mortuo nimirum Anglorum Rege Edmundo, cui superius à consiliis fuisse S. Dunstanum jam diximus, nunc vero Edredo, novo Rege, fratri subrogato, commendat Regni felicitatē, non consultore solū Dunstano adhibito negotiis regni, verum Regnū ipsum administrante. Ita & Bisceiola; hoc anno, inquit, *Anglicana Ecclesia, novo Rege Edredo subrogato fratri suo Edmundo, bene disponitur, dum Sanct. Dunstano tantum Regnum gubernandum committit, quod tenuit annis novem, &c.*

Iterum novo sole, jacenti in tenebris

orbi ex Ordine nostro consulitur, S. Guiberti nostri rarissimo sanctitatis exemplo; de quo iidem. *Florebat hoc tempore sanctitate clarus Guibertus: cujus præclaras res gestas Sigebertus scriptis mandavit, lucerna planè inter tot tenebras ardens, & lucens; à quo inter alia egregia Sanctitatis Monumenta hoc eodem anno erectum est in Gallia nobile Monasterium Gemblacense, &c.* Ex quo ingens illustrium Syderum Orbi universo claritas affulsit. *Vid. Miraus, Cl. Rob. Sigebert.*

Vt taceamus innumera beneficia à solis sanctorum nostrorum exuviis terræ relictis, in hodiernam usque diem universo exhibita, post tot mortis annos effulget denuò, & optimè de universa Gallia meretur hoc anno, & deinceps admirandis, & inauditis prodigiis S. Hunegundis nostra S. Eligii discipula. Quæ divina revelatione, ubi contenderetur, reperta, & elevata, & fidelium venerationi proposita est. *Quo spatio multa illic Divinitus sunt declarata miracula, atque ingens splendor perpetuo ad Sanctū corpus permansit, ita ut à pectore Virginis, & sursum pro sordibus pulveris nitentia relucere framina margaritarum, & quibusdam clarissimis erumpentibus scintillis aspicientium reverebantur obtutus, tanta etiā ibidem sentiebatur odoris fragrantia, ut omnium naves ineffabili satietate complerentur. Quicumque a. ad Sacrum illud corpus intueri poterant (ò miraculi novitatem) quocumque essent affecti morbo, illico curabantur.* Ex ejus temporis auctoris narratione descripta.

A. C. 947.

S. P. N. 467.

TRistis hic annus morte Sanctissimi Ælphégi Wintoniensis in Anglia Episcopi Sanctitate clarissimi, & spiritu prophetico insignis. De cujus meritis videndi Rerum Anglicarum Scriptor. De ejusdem morte agit Baronius hoc anno, ut & præcedente de ejus Sanctitate.

Moritur eodem anno Hugo ex Monacho S. Maximini Leodiniensis Episcopus, cujus merita sufficiat ex hoc ejus elogio apud Ægidium in Leodient. Pontif. gestis c. 43. celebrare.

*Amor plebis, tremor Hugo potentum,
Clarum Avis, Clarus studiis recreator
egentum.*

Virorum doctrina illustrium ingens numerus singulari non ornamenti solum universi, sed bono maximo, oppresso, nō solum Hæreticorum orientium cum semine fructu, sed planè agro Dominico, contra

contra sequuturas, olim inimici superseminantis, insidias, obsepto, & munito. De quo consulendus Iacobus Gualterius in test. decimisæculi.

A.C. 948.

S.P.N. 468.

Singularissima planè Dei gratia, qua propter, & apud nostros, orbi & Germaniæ in primis nostræ admiranda planè benignitate benefecit, hoc in primis año, quando perfecto Deiparentis templo, & sacello Einsidlensi ipse Dominus visus cælo descendere, & proprium illud ac verè speciale Admirabilis Matris Cæli Reginæ in terris domicilium consecrare. Ita qui ipse coram intuitus est, Sanctissimus Constantiensium Pontifex, & Patronus, litteris commendavit his verbis. *Descendit inquit, Dominus de Calis, casula violacea ante altare, ad sacrum officium celebrandum, cui quatuor Evangelistæ insulam capiti ejus imponentes, Angeli aurea thuribula deferebant, alis suis, ut ramis arborum stabant juxta Dominum, S. Gregorius flabellum in manu tenens, S. Petrus in manu tenens baculum pastorem, S. vero August. & Ambros. stabant ante Dominum. Maria Virgo ante altare stabat, splendida sicut fulgur, S. Michael præcantor erat, S. S. Stephanus legit Epistolam, B. Laurentius Evangelium. Sanctus cantabatur sic; Sanctus Deus in aula gloriosa Virginis miserere nobis. Benedictus Maria filius in æternum regnaturus qui venit, &c.* Hactenus D. Conradus, eò viso extra se raptus, quoad meridie appetente; reliqui urgerent Antistites, tandem consecrationem Sacelli aggredieretur eoque visa objiciente, etiam eundem perurgerent, ac jam cogerent, vana quæ vidisset, interpretati: Ita obsequi parantem audita ab omnibus lapsa cælo vox, prohibuit dicens; *Cessa, cessa, Frater Conrade Divinitus Capella consecrata est.* De quibus omnibus fusius agens legendus in Annalibus Einsidlensibus Hartmannus. Vid. etiam Mart. Pœnitent. Hermannum contractum; &c. Ita nostros, filios nimirum suos optima Mater, dilexit semper, fovitque, quos novit perpetuo, præcipuos sui honoris propagatores, ut apud filios sanctos commorata, juxta illud: in plenitudine Sanctorum detentio mea, æternum apud & propter eosdem non desinat de universis ad se confugientibus benemereri. Sicut quotidianis, in Sanctissimo illo Einsidlensi Cænobio exemplis fit manifestissimum.

Hoc eodem anno plurimos ex Ordine

nostro Episcopali, & Archiepiscopali honore, nec nō rara sanctitate insignes enumerat Yepes noster, meritis nostrorum, tempora hæc, & sæculum totum implentibus.

A.C. 949.

S.P.N. 469.

Claret Artaldus ex Monacho S. Remigij Rhemensis Archiepiscopus, vir doctissimus, Religiosissimus, & de Gallia atque in primis Ecclesia sua meritissimus; verum, quanto cæteris omnibus præstabat, tanto magis per invidentiam atque ambitionem, indigne traductus, quoad in Nationali denique Concilio ejus honor, summa cum optimi præfulis gloria ab calumniantium injuriis vindicaretur. Inter alia ejus memoranda, unxit Ludovicum Regem ultramarinum, ejusdemque Regis Ludovicum filium baptismo lustravit, ejusdem item unctione inauguratus Rex Lotharius, cum paulo ante ejusdem Patrem Ludovicum in suo D. Remigij sepelisset. Inter plurima alia debent eidem successores Episcopi Ecclesiam egregie ditatam, ornatamque, jus item, & facultatem à Ludovico Rege acceptam cudentæ monetæ, & Comitatum denique Rhemensem. Ita suis Ecclesiis nostri plerumque præfuere, ut hodieque successores nostrorum meritis, ac laboribus, summo in otio, atque summa in gloria, felicissimè perfruantur. *Ex app. Flodoard. Clem. Rob. Ant. de Yepes qui plura de eodem dignissima commemorat.*

Benè fecit hoc año, Sanctissimus Odo noster, plurimos recipiendo in tutum, sæculi Principes, & abscondendo in penetralibus Domini. Alios inter Gregorius Edovardi Anglorum filius, contemptis blandimentis fortunæ rarissimis favoribus, cum antiquissimorum Regum longa serie nepos, Regis filius, trium Regum Adelstani, Edmundi, & Eldredi frater, Affinis Magni Otthonis Cæsaris esset, tantis pro tantillo, imo nihilo habitis, in cucullo, post Deum spem omnem reposuit, atque in Einsidlensi Cænobio, ad quod trina cælitus missa voce, totidem distinctis noctibus, evocatus illud induit, atque in eo rarissimam vitæ sanctitatem consequutus etiā sanctis viris, tunc efflorescentibus, admirandus omnino visus est. *Ex Annal. Einsidl. & Constant. Bened.*

Clarent item Edfleda, & Eadburga nostræ Gregorij torores ibid. in arb. Gen. &c. *Ex Rer. Angl. Scriptor.*

A.C.

A. C. 950.

S. P. N. 470.

INgens in sola diœcesi Constantienſi Sanctorum numerus, ut ex una ſexcentarum provinciarum multitudinem ſubmetiaris. In Divi Galli, ut alios taceam, illuſtiores tantum eodemque ſanctitate eminentiores indigito; Gerardum, illum Divi Ioannis Evangeliftæ animum, Notkerum, vulgo Phyſicum, Walpertum, Wicpertum, Hartpertum, &c. In Einſidlenſi, præter Gregorium ex Angliæ Regibus memoratum, Alaticum, ex Alemanniæ Magnis Ducibus, Eberhardum, ex Franconiæ Principibus, &c. ut nihil de Augienſi, de Campodunenſi, Sancti Blaſij, & cæteris memoremus. *Ex Conſt. Ben. tom. 2. Mariani Bucelinii rer. Sangall. compendio, &c.*

Wormatiensis Eccleſia egregiè dotatur, atque exornatur in gratiam Annonis noſtri ex Monacho, & Abbate S. Maximini Wormatiensium Episcoporum, ut paulatim, niſi ſtudioſè temperemus, & parcamus compendio, ſingulas Germaniæ Eccleſias, meritò noſtrorum auctas referamus: quas, ſufficit ſemel dictum, omnes omnino propter, & per noſtros locupletatas, atque ornatas, ad ſummum ſplendorem, magno Germaniæ Episcoporum fructu, atque auctoritate evecas efflouiſſe. De Annone ſic loquitur ſepulchri inſcripto.

Anno vir juſtus, primus dilectus (princeps inter amicos) Othoni,

Ergo virum multa concumularit ope.

Anno magis Regis ſummi ſed amatꝝ olympi,
Quocirca cæli Regna beata colit.

Ex ſyllabo Episcoporum Wormatiensium. *Ex Bruſch. item & Demochære, aliisque.*

A. C. 951.

S. P. N. 471.

ITerum Reginam potentiffimam ſuſcipit, fovetque Ordo noſter, Geloiram, quæ & Tarafia dicta, cognomento Florentina, Sancti Abarcæ Valconum Regis filiam, & Ramiri II. Aſturi, & Legionis in Hiſpania Regis uxorem, quæ poſt viri obitum ad Monafterium S. Salvatoris à Ramiro extructum, ubi Elvira ejus filia Sanctimonialis agebat, aulam fugiens, acceſſit, & Regiis ornamentis depoſitis, humiles Religionis veſtes aſſumpſit, malens in ſimplici veſte Regum Regi ſervire, quam in ſuperba, in Regum palatiis exſplendescere. *Beuterus, VVion. &c.*

Per Sanctum Conradum mirificè do-

tantur, atque exornantur Eccleſiæ Urbis Constantienſis, Cathedralis imprimis, & varia paſſim Xenodochia. Quæ una noſtrorum cura fuit, etiam poſteris Clero, atque pauperibus providere, ſicut plerique ſola veterum, & maximè noſtrorum, & noſtris ob merita, impenſa liberalitate, hodie vivunt. *Ex Mangoldo, Chronicisque MSS. variis, Manlio item aliisque.*

A. C. 952.

S. P. N. 472.

INgentem Monachorum multitudinè celebrat, ut & ex iisdem Sanctitate atque doctrina illuſtrium copiam, Trithemius noſter, hoc anno; dein ad Scholarum utilitatem converſus, commendat mirificè ſtudia noſtrorum, ex quibus ſanè in Orbem terrarum Vniverſum, incredibilis felicitas, & fructus atque dignitas redundavit. Enumerat vero è multis pauca, quæ hoc ipſo tempore, doctrinæ non ſolum, ſed inſuper Sanctitatis fama celebratiſſima univerſo patuerint apud noſtros Athenæa. *Fuldense, Sangallense, Augienſe, Sancti Albani Moguntinenſe, Corbeienſe, Prumiense, Mediolacense, S. Dionyſij Pariſienſe, S. Maximini Treverense, Rhemenſe, Sancti Maximini Treverense, Rhemenſe, Altiſiodorenſe, Tronenſe, Stabulense, VViſſenburgenſe, &c.* Quanta ex his aliearibus prodierint apum examina, lectoris iudicio atque æſtimationi relinquimus, ut Vniverſitates interim alias, à noſtris curatas, taceamus.

A. C. 953.

S. P. N. 473.

ITerum opulentiſſima hodie, ſed telicior olim, Vrbs, Sangallensis nimirum, propè Cænobium Divi Galli, noſtris Originem, & ſe totam debet. Annoni imprimis Sangallensis Cænobii Antiftiti, qui primus eam colere aggreſſus, muris cingere & munire capit, quod luceſſores dein Abbates cœptum prolequuti, ſtrenuè perfecerunt.

Benemerentium ex Ordine noſtro Episcoporum, atque Archiepiscoporum multus numerus, Moguntia præfuit Fridericus, ex Lotharingæ Duce Fuldenſis Monachus, ex Monacho Archiepiscopus, argumentum munificentia ejus extat hodieque Collegium Canonicorum, cum Eccleſia Sancti Petri ab ipſo fundatum ac dotatum amplis poſſeſſionibus. De quo vid. Brow. Serar. &c. Archiepiscopale Senonenſium Cathedram multo Eccleſiæ monimento, tres hoc tempore ex ordine noſtro ſibi ſuccedentes inſedere.

Gui-

Guilielmus ex Monacho S. Petri vivi. Gerlacus ex Monacho S. Germani Altifiodorēsis, & Vildemannus ex Monacho S. Dionysii Parisiensis, utilissimi Archipræfules, de quibus aliisque *consulendi Flodoardus, Yepes, Trithem. VVion, &c.*

A. C. 954.

S. P. N. 474.

Quam sibi charior esset Regum bonitas, & æquitas, quam gratia, seu propensio eorundem, præclaro argumento probavit B. Ratherius noster, in Hugonē, pridem, Regem, alios dein Principes, Pontificali sanē constantia, ob gravia eorum delicta in vectus, qua æquitate, veritate, & sincera dilectione, iterum meruit, Pontificatu, usque jam tertio deiici, nullis unquam iniuriis fractus; quin de omnibus optimè mereri, & de iis maximè, qui in se maximè injurii fuissent, sollicitè pergeret. *Vide Rothgerum in vita Brunonis, Aegid. Bucher. &c.*

Eodem anno de Imperio universo meritissimus S. Vdalricus noster, in Otthonē Regem, filiumque ejus Luitolphum, paratis jam ad pugnam utrinque exercitib⁹, sequester pacis intercessit composuitque. Causam in ulciscentem Deum reiecit Baronius ipse, quod Ottho in gratiam Adelvidis, matri Bertæ, Abbatiam Laurishaimensem dederit, exempla hujusmodi Cōmendarum jam olim severissimè damnans. Videndus in alio consimili exemplo terribili idem Baron. Anno 952.

A. C. 955.

S. P. N. 475.

Merseburgenſis amplissimi Episcopus fundatio, S. Vdalrico nostro Augusto debetur, quem vovit hoc anno Ottho Imperator se conditurum; si Victor è gravissimo contra Hungaros prælio reverteretur. Sequutus Imperatorem Vdalricus inter medios telorum jactus, Sacerdotali stola tectus volitabat, & cruce divinitus per Angelum missa ac prælata, mox consecuta de barbaris victoria est. Ecce iterum quid nostris debeatur. *Baron. Steng.*

Hoc eodem anno, quid incommodi, viris Sanctis neglectis, consequatur Reges, ac Regina, illustri exemplo coacta dicere Anglia, mortuo Religiosissimo Angelorum Rege Eadredo, & per successionem Edruinum S. Dunstano nostro in exilium relegato, omnibus pessum euntibus, & exitio proximis. Causa exilii, pro qua innocens Dunstanus luit, beneficium & charitas fuit, qua Regē ab interitu vin-

A. B. Pars I.

dicare voluit, quod Dunstanus nimirum Regem è sinu impudentissimarum foeminarum, matris, & filia, quæ procacissimè ejus nuptias ambiebant, violenter abstraxerit. dignissimum Episcopo factum. Verum Rex ob scelus in virum Dei commissum, pellendo eum è Regno, ipse è regno pulsus, vindice Deo, paulò post luit, & Dunstanus Regno restitutus Angliæ ex in multo utilior, fuit. *Flod. Histor. Matth. VVestm. rerum Angl. Script. &c.*

A. C. 956.

S. P. N. 476.

Sancto Adomaro Cluniacensi Abbati, sponte eo se honore abdicanti, successerat Sanctissimus Maiolus, vir præclarissimè gestis, planè prodigiosus, cujus illico laboribus per Galliam & Italiam fructus Ecclesiæ Dei ingens accrevit, miraculis verò innumeris, ita afflictus omnibus adfuit profuitque ut nec Sanctorum quicumque ita iisdem enituisse videatur. De quo Sanctum Petrum Venerabilem l. 2. de miraculis audiamus. *Is enim, inquit, Sanctus, sicut penè cunctis Gallia populis notum est, ut magnus vita, sic miraculis, & dum mortalibus viveret, & post mortem maximè insignis extitit. Hac miraculorum gloria in tantum jam per centum sexaginta duos annos, hoc est à tempore suæ mortis claruit, ut post Sanctam Dei Genitricem nullum Sanctorum in tota Europâ nostra, in hujusmodi operibus parem habeat, &c.* Sed de tanti viri præclare factis requiratur. *Odilo in vita. Biblic. Clunia. Yepes, &c.*

A. C. 957.

S. P. N. 477.

Respavit illico Regnum Angliæ, revocato S. Dunstano nostro, & Rege Edwino, qui innocentem expulerat, ipso in exilium pulso. Eum invitum licet ac renitentem Edgarus Rex VVigorniensis Ecclesiæ præfecit, & Episcopum jussit. In cujus consecratione illud accidit mirandum, ut S. Odo Archiepiscopus expressis verbis consecraverit eum in Cantuariensem Archiepiscopum, prophetice, quod esset futurum præsignans. Ex vita. Baron. Bisciola, &c. Commendatum iterum ab Edgardo Rege Dunstano Regnum, & Rex ipse ab ejus arbitrio atque Imperio pependit. *Ex vita, &c.*

A. C. 958.

S. P. N. 478.

Cælum petit hoc anno sanctissimus Cille Broniensis Cœnobii Abbas Gerardus, vir cœlo dignissimus, cum nō Broniensis solum, verum omnibus Galliæ Belgicæ Cœnobiis multis annis, summo

R uni-

universi Belgii bono atque ornamento, utilissimè præfuisse. Prodigijs & vivus, & mortuus admirandis meruit. Arnulphum Flandriæ Comitem à gravissimo calculi morbo, liberavit, à morte verò usque in hunc diem mereri nunquam de ægris destitit. Extat Bronii puteus etiamnum, è quo hausta aqua, & ab ægris epotæ, juxta promissionem S. Gerardo ab Apostolis Petro, & Paulo factam, pristinam illis sanitatem restituit, æterno miraculo. Inscripti puteo versus.

*Concurrant ægri, sani, bibuli, sitibundi,
Præstabocunctis dulce refrigerium.*

Ex vita, Rayssio, Yepes, VVione, Gerardo, Belga, &c.

A.C. 959.

S.P. N. 479

PRIMUS hoc anno ad conversionem Rufforum Episcopus, è Monacho Sancti Albani ordinatus Sebutius, primus iis gentibus grandi nostrorum gloria Evangelium Christi nunciavit. Ita rursum hujus etiam gentis primitiæ DEO consecrandæ per nostros erant, quamvis nequitia incolarum, & Reginæ Helenæ, paulo post subtractam Evangelizantibus fidem, & injurias gravissimas irrogatas simus audituri. *Ex Reginone, Baron &c.*

Arraldi hoc eodem anno meritis debetur, Rhemensem Episcopatum ab Arnulpho Comite liberalissimè ditatum, sed & ipse Arnulphus præter valitudinem pro voto receptam Sancto Gerardo nostro, quem superiore anno extinctum diximus, sanitatem insuper mentis debet, ad meliorem ejus opera frugem conversus, à qua conversione multum in Ecclesias CHRISTI, ac pauperes fructus conlequutum. *Annal. Belg. script. & vita S. Gerardi.*

Edvirum Regem, jam quoque diximus scelus in Dūstanum admissum gravi exilio luisse, Regno exterminatum; vexatio tamen Regno, & ab obnoxiiis Edvino metuebatur, quoad hoc ipso anno idem extinctus est. Porro Edwini animam, ne penitus ad inferos damnaretur, precibus Sancti Dunstani quem affligerat, impetratum, Otbertus in Dunstano narrat. Vid. Adeoque iterum Regem

cælo nostri asseruerunt, jam præcipitio proximum, & æternum luiturum.

A.C. 960.

S.P. N. 480.

MORTUO hoc anno Sebutio nostro, primo Rufforum sive Ruthenorum Apostolo, secundus eidem è Sancti Maximi Treverensi Cænobio Episcopus destinatur Sanctissimus Adalbertus noster, qui plurimum in ea provincia, multo merito, sed fructu modico desudavit, cumq; videret, se in fidei negotio, pro quo illuc missus fuerat, parum aut nihil proficere, populoque duræ cervicis, & in vitiis enutrito, inaniter prædicare, eorum excæcationem miseratus, post multas ab illis perpeffas injurias, mortis imperium vix elapsus, ad suos reversus est. *Vid. Baron. Yepes, Crantz. Regino, Trith. &c.*

Ipsa anno S. Dunstanus fit Archiepiscopus Cantuariensis, qui pro pallio ipse Romanam profectus, Sanctissimus Episcopus, Põtificem moribus perditissimum veneratur, in eo nimirum agnoscens Petri personam, & reverentiam. *Ex Baron.*

Moritur hoc anno felicissimus ille Ioannis Evangelistæ cultor S. Gerardus Sægallensis Monachus, ipso die quo, & natus Cænobium ingressus, Ordinem profectus, presbyterque ordinatus est; reversus à prædicatione verbi DEI, ubi populo valedixisset, ac Cænobii valetudinarium ingressus convocatis Patribus, sibi ipsi ciliicum, ac cineres sparsisset, ridenti similis cõspecto occurrente sibi Sanctissimo Turtelari, inter verba benè veni Dõmine, benè veni Domine, spiritum duci suo consignavit, vir doctissimus, & doctrina sua de plurimis meritissimus. *Ex Manusc. S. Galli. Mezler. Bucelino, &c.*

A.C. 961.

S.P. N. 481.

CIRCA hoc tempus Ecclesia Dei atque Imperio, meliorem in formam reductis, Monasteria quam plurima, ait Sigebertus, partim extructa, partim restaurata, atque amplificata ad Dei, & Sanctorum honorem, amplissimo rursum fructu consequente.

Excellit, ac fama per Europam deprædicatur universam VVidi chindus Corbeiensis Saxonix Monachus, vir in divinis humanisque litteris eruditissimus; cui omnis sæculorum posteritas debet, summa fide relatam Saxonum Historiam in tres libros distributam, gesta item Magni Otthonis lib. i. Scripsit & vitam Pauli Eremitæ lib. i. Passionem S. Teclæ Virg. metricæ lib. i. aliaque plura eodem anno, præter alios ex Principibus plurimos, salutem

in Cœnobio, quod olim reliquerat ut conjugio Edgari Anglorum Regis potiretur rursus quæsit, & invenit, adducta etiam filia Editha, atque utraque à S. Ethelwodo consecrata, in pœnitentia perseverans, bonis plena operibus diem clausit extremum. *Polyd. Virg. Matth. Vvestm.*

A. C. 962.

S. P. N. 482.

Moritur splendidum illud Belgii ju-bar Sanctissimus Guibertus ex Regum Austasie familia, Monachus Gortziensis, ac fundator Monasterii Gemblacensis, quod ex castro seu palatio ipse convertit. Translatum est viri beatissimi sacrum corpus ad Gemblacense suum Cœnobium, multis ibidem à Deo prodigiis honoratum, multa exin populi frequentia confluentes, sed & sedem ibidem figente, ita ut nobile paulo post oppidum ibidem consurgeret; rursus Ordine nostro, Conditoris Titulum Sanctissimo Patriarchæ nostro amplificante. *Miræus, Haræus, Baron. &c.*

Orbi egregium addit ornamentum Flooardus S. Remigii Rhemensis Abbas de omni posteritate meritissimus *Chronico suo*, quod verè aureum appellat, eoq; potissimum utitur Miræus, eo quod fidelissimè temporum rationem continuata serie deducat. *Cl. Rob. &c. Mir. &c.*

A. C. 963.

S. P. N. 483.

Felicissime cœlo immigrat B. Tiethlandus, Burcardi Magni Alemanniæ Ducis frater qui S. Eberhardo Duci Franco-niæ, ex Monacho, primo Einsidlensium Abbati successerat, neque difficile in Gregorium virum Sanctissimum Eduardi Angliæ Regis filium, Adelstani, & Edmundi Regum fratrem, vota omnium consensere. Scripsit inter alia Commentaria in D. Pauli Epistolas Thietlandus, ut conjunctam nobilitati generis, & eximie virtutis, etiam doctrinæ excellentiam non neccias. *Ex Hartm. & Einsidl. Syll. Abb.*

Hoc ipso anno fit Episcopus VVintoniensis S. Ethelwoldus noster ex Monacho Glasconiensis, & Abbate Abendonien-sis, ut prodigiosissima Sanctitate, & me-ritorum immensitate celebratissimus, qui rursus in Anglia ingentis ejus Regni fructu Monachos propugnavit, & plurima Cœnobio construxit, unde ingens Regno emolumentum accessit, & Religionis incrementum vel maximum est consecutus. *Ex rer. Angl. Script. diversis, & ex vita.*

A. C. 964.

S. P. N. 484.

Aliud in Anglia hoc ipso tempore Sy-dus splendore etiam orbem illuminat univerſum, Sanctissimus Oswaldus ex Monacho Floriacensis in Gallia Cœnobii, Episcopus in Anglia VVigorniensis, accerrimus Inferi exercitus debellator, & gloriosissimus triumphator. De ejus eximiis meritis plura habent. *Script. rerum Angl.*

Claret hoc eodem tempore Bauco Morinorum, sive Bononiensis in Gallia Episcopus ex Monacho Corbeienſi. *Vid. Cl. Rob. VVion. & Demochares, &c.*

A. C. 965.

S. P. N. 485.

Villa Italiæ Regina Berengarii II. Vxor, filia Bolonis Tulciæ Marchionis, post mortem mariti, contempto sæculi fastu, humilis sub cucullo latere præelegit, in filiam à Sanctissimo Patre nostro adoptata, felicitatem omnem Imperio potiore eidem debet. Trithem. VVion. app. ad Reginonem. *Xepes, alique qui requirantur.*

Apud Divi Galli in Germania claret eximia Religionis laude Burcardus cognomento ingenitus, Henrici primi pronepos, ex Principe Rhetiæ, Comite Lingzovix ac Buchorni Monachus ac postea Abbas Sangallensis, admiranda fanè in pauperes effusione verius quam liberalitate, de qua aliisque ejus virtutibus consulendus Eckehardus Monachus. Nec minor laus utriusque Eckehardi senioris, & Junioris, eodem Divi Galli in Cœnobio Monachorum, quorum virtus eximia tantum ab omnibus æstimabatur, ut Imperatoribus, summisque Orbis Principibus familiarissimi, eorundem consuetudine, sæculi magnates frequentioribus ad virtutis stimulis excitarentur. Vnde maximum in Germaniam atque Imperium omne bonum redundabat. *Ex Constit. Bened. & rerum Sangall. Scriptor.*

A. C. 966.

S. P. N. 486.

Sanctissimus Adalbertus de cujus apud Ruthenos seu Ruscos Apostolatu superius, elegitur Abbas Herbipolensis, vir eximie Sanctitatis ob cujus rarissimum splendorem Otthoni Augusto inprimis charus summo habitus in pretio, liberalissimè donatur, & colitur. *Ex Crantz. Reginone, VVionio, &c.*

Spectatissimus meritis atque auctoritate in Imperio Hattho noster ex Abbate

Fuldenfis Cœnobii Moguntinus Archiepiscopus, quem plane in meritum sera posteritas, ab fabulis invidentium gloriæ ejus veterum nonnullorum fæde traduxit, verum Serarius in Mogunt. serio asseruit, & nos in Germaniæ nostræ Benedictæ to. 2. vindicavimus.

In Hispania celebratur egregia Sanctitatis fama S. Isaurus Episcopus Aurariensis, in Portugallia, prodigiis à Numine ipso, hujus sæculi, & posterorum fidelibus commendatus. *Morales, &c.*

A. C. 967. S. P. N. 487.

EXemplum dilectionis, liberalitatisque in proximos immortale exhibet Sanctissimus Ethelwoldus noster, ex Monacho Glascoviensi, Wintoniensium Pontifex, ut eum, velut unicum Patrem, ægri, egentes, aut quomodocunque affecti aspicerent, colerentque. Harum ex VVolstano audiamus, breviter ac compendio prolixam ejus liberalitatem complectentem: *Etenim, inquit, cum acerba famēs universam Britanniam vehementer opprimeret, deficiente pecunia, tolli jussit ornamenta, & per multa vasa argentea ex Ecclesia The-sauris cum multo cordis gemitu testans. Se a quo animo ferre non posse, muta metalla durare, integra, hominem vero factum ad imaginem Dei, pretiosoque Christi sanguine redemptum, mendicitate, & media confici: Atque ita scilicet sustentavit innumeram multitudinem pauperum, qui periculum famis evadere cupientes, ad eum undique confugebāt, quos ipse in plateis destitutos, omni solatio, refocillabat, singulis necessaria præbens, donec misericordia Dei de cœlo in terram prospiciens, malum inopiæ temperaret. Ex vita. Ut videas non de Principibus solum, sed de pauperibus nostros æquè semper mereri studuisse. Ekehardi Junioris Sangallensis tanta ab virtute fama, ut Otthonis, Junioris item, moribus præfectus, Imperio. Principes educare, formare, imò per hoc imperare, ipse Monachicis, ut poterat, exercitiis unice addictus videretur. Et sanè ita Principibus adfuit Ekehardus, alique nostri, ut nunquam sibi defuerint, Cœnobio verò abfuerint invitissimi, cellulæ solitudinis in aula adfuerit, & domando corpori addictiores, quanto à suis remotiores, vigilantissimi vitiorum in Principibus censores, sicut in uno Dunstano nostro sexcentis colligimus argumentis. Ex Const. Ben. Germ.*

*Ben. Scriptor. rerum
Sangall. &c.*

A. C. 968.

S. P. N. 488.

Terum, circa hæc tempora Originem suam, initia successusque debet Monachis nostris Milverburgensis sive Citizenfis in Misnia Episcopatus, cujus primus hoc anno Episcopus à S. Adalberto nostro ordinatus Sanctus Hugo, excellenti virtute Monachus, & egregia celebris sanctitate. Nec quærendus hoc anno alius Adalberto titulus; quam sedis incertæ, Archiepiscopi nempe ad conversionem Gentium ordinatis unde seducti non pauci certam eidem ante tempus sedem, de qua suo loco, designarunt. Paulus Langius in Chron. Citizenfi, Cratepolius, &c. Plurimum ex Ordine nostro virorum illustrium famæ ac immortalitati consuluit Antonius de Yepes noster, hoc anno, ubi requirendus; ut perpetua virorum illustrium series continuetur. *Videndus item Trithem. Chron. Hirsaugiensi, & lib. de script. Eccles. &c.*

A. C. 969.

S. P. N. 489.

Merleburgensis quoque Cathedralis in Thuringia Ecclesiæ jacta sunt fundamenta, ita vovente (ea in pugna, de qua supra dictum, contra Vngaros longe difficillima) Othone Cæsare, votumque ex-cipiente, & probante, imo, ut videtur, proponente, S. Vdalrico nostro. Eo se tandem solvit hoc anno Augustissimus Cæsarum Ottho, neque visus dignior; qui Ecclesiæ præficeretur, quam ex Ordine nostro, & ex D. Emmerammi Ratisponæ Cœnobio, Bolo Monachus generis nobilitate, honestate morum, & scripturarum scientia, (quæ propria olim nostrorum fuit) clarissimus, atque honore illo dignissimus. Vid. Trith. VVion. &c.

Moritur Imperatorium sanè Ordinis nostri decus sanctissima Mathildis Henrici I. Augusti. conjux felicissima, Othonis I. Mater; prophetico spiritu prædicens mortem, id consecuta in Cœnobio, ut admirabilis sanctitate toto terrarum Orbe celebretur. *Vrsperg. Trith. Yepes, &c.*

Claret admirabilis ille humilitate Monachus, vere spectaculum mundo factus, & Angelis, & hominibus Comes Oforius Gutierrez, de cujus prodigiola vitæ mutatione Yepes noster fuit tom. 5. cent. 5.

A. C. 970.

S. P. N. 490.

Meritum hoc anno gravissimum Sanctissimi Dunstani nostri Archiepiscopi Cætuariensis, cujus sollicitatione celebra-

lebratur Concilium Generale adversus incontinentiam Clericorum, jussus præsidere à Ioanne Rom. Pont. ipse Dunstanus, & exequutores denominati Sanctissimi Pontifices nostri Oswaldus VVintoniensis. *De quo vid. res gesta S. Osualdi, Script. verum Angl. & Baron.*

Aliud rursum, admirandum constantiæ Pontificalis argumentum, & exemplum ipso eodem anno S. Dunstanus exhibuit universo, dissimulare, & adulari prorsum indoctus. Cognito nimirum Edgarum per vim renitenti Sacræ cuiusdam Virgini vim intulisse, occurrentem forte Regem, & manum de more porrigentem, Pontifex alpernatus, manum retraxit suam, & nec contingi se passus est; ex quo Rex attonitus (non enim illi constare putabat) cum manum non offerret, inquisivit. Nec exhortuit, in faciem hæc fundere Principi. *Tu postposito omni pudore, adulterium commisisti: Tu despecto DEO, & signum castitatis non veritus (velum scilicet, quod puella statim arripuerat, putans per illud à vi se tutam fore) Virgini suam integritatem præripuisti, & cur manum, summo Patri Virginum immolanti, impuris manibus non tradam, quæris: Lava prius per penitentiam, tuas à sordibus tuas, & tunc demum, quo gratia DEI reconcilieris, honora & amplectere manum Pontificis.* Overè Ambrosium! Territus ad hæc ille, terræ procumbit, pedes Antistitis, petit, se peccasse, gemitu verba interrumpente, contestans. Condoluit penitenti, & comploravit, Præsul optimus, & septem annorum in iunctam ab Dunstano penitentiam Edgarus patientissime amplexus, Ordini imprimis nostro addictissimus, plurima Cœnobîa construxit, & in constructa plurima expendit. Osbert. in Vita, &c.

Nec minori constantia usus Dunstanus in præpotentem quendam Comitem, qui cognatam suam illicito sibi matrimonio copulaverat: admonitum siquid tertio, monita negligentem communionem interdixit. Rege intercessore adhibito, sed & missis Romam Legatis, qui ad Dunstanum mandatum impetrent, vinculo ut eum absolvat excommunicationis, nihil efficit, respondente constanter Dunstano; cum eum poenitere videro, tum præceptis D. Papæ parebo; Sed ut ipse in peccato suo jaceat, & liber ab excommunicatione nobis insultet, & rex inde gaudeat, noli Deus. Pervicat apud obstinatum constantia præsulis, & abdicato conjugio, nudis pedibus, laneis indutus indumentis, virgas præferens,

manu, concilio se ultro ingessit, & ante pedes Dunstani gemitibus, & ejulans corruit, & demum à Patribus omnibus postulatus serio flagitanti, misericordiam Dunstanus impertivit. *Baron. ex Oberto, &c.*

Quam propitium Tutelarem Divum VVenceslaum Boemiarum Duces populatque haberent, hoc anno edoctus prodigiole Boleslaus Pius Princeps religiosissimus; cum Boleslaviam, ad tumbam S. VVenceslai peregrinatione suscepta, inde reversus, somno ipso in itinere tentaretur & succumberet. Brevis unius horæ somno, in terram abjectus, quæ in cælo pro Boemis VVenceslaus jugiter ageret, contemplatus est. Fassus id ipse est, quomodo S. VVenceslaus Deum sibi fecerit propitium: qua de causa, & locum signari iussit, & S. Basilicam S. VVenceslai, quæ Proßick dicitur, æternæ gratiæ animi monumentum, condidit. *Ex Boem. ver. Script.*

A. C. 1071.

S. P. N. 491.

AVspicatur iterum à nostris, dignissimus tanto honore, Archiepiscoporum, & Primatum Germaniæ nostro seriè hoc anno; Sanctissimus Adalbertus noster, primus Magdeburgensium Archiepiscopus renunciatus. Addita Ecclesiæ urbs nobilissima, Magdeburgum; & quinque Suffraganei subjecti, Magno Otthone, tanta homini suo monumenta statuente. Baron. Exemplum egregiæ etiam constantiæ edidit hoc anno (Baronius priore edidit) S. Ethelwodus VVintoniensis Pontifex, qui cum sæpius monuisset suæ Canonicos Ecclesiæ, de impudica vita, nec profecisset, paratis aliquando pluribus Monachalibus vestibus, & cucullis, illisque in medium chorum projectis, hortatus est eos ad poenitentiam habitum suscipiendum, alioqui expellendos, quibus correctionem in posterum, ut sæpius fecerant, pollicentibus, illoque non credente sed instante, aliqui Monachi facti, alii de Ecclesia expulsi. *Ex Ethelwoldi vita, &c.*

Ipso etiam anno Petro Archiepiscopo Ravennate sponte se abdicante egregio illius Ecclesiæ emolumento sufficitur Sanctus Honestus noster ex Monacho & Abbate Classensis Monasterii, qui S. Romualdum Monachico habitu induit. *Baron. Bisc. Cl. Rob. &c.*

A. C. 1072.

S. P. N. 492.

IN cælum abiit meritis immortalibus locupletissimus circa hæc tempora. Beatus

R. ; R.

Ratherius noster Veronenſis quondam, & Lugdunenſis Episcopus, Anthropomorphitarum Hæſis extirpator egregius, ſed & invictiſſimus veritatis zelator, & exactiſſimæ diſciplinæ, morumque integritatis cuſtos, ac vindex egregius. Vnde factum ut plurimorum odia, inſidias, injuriasq; perpetuas ferret, quos nunquam deſtitit ipſe, ad ſaniora conſilia revocare, ſcelera eorundem corripere, & patientia Principum furorem vincere. Deceſſit autem vir Sanctiſſimus in Cœnobio ſuo Laubienſi miraculorum gloria clarus, ibidem ſepultus. De ejus ingenij monumentis ſatis ſuperius. *Vid. Sigebertus in Chron. Trith. de vir. ill. Ord. & ſcript. Eccl. Aegid. Bucherius. Baron. VVion. &c.*

A.C. 973.

S.P.N. 493.

Implet Orbem admiratione Sanctiſſima Imperatrix noſtra Adelheidis, rariſſimo ſanè, ſummo honoris, opum deliciarumque contemptu, æternis ſæculis celebranda. Filia fuit Rudolphi Burgundiæ, & Italia Regis primique nuptiis copulata eſt Lothario Italia Regis, Hugonis Regis filio: quo deſuncto; Otthoni I. Roman. Imperat. nupſit, eoque vitam univerſæ carnis ingreſſo, vitæ Monastiæ ſe devovit in condito à ſe Sehlſenſi ad Rhenum Cœnobio, egregia illic vitæ proficiens Sanctitate, & plurimis à Numine prodigiis honorata: *VVion. Lupold. Bebenburg. fragmentum ad Albertum Argentinenſem. Cratopolis, & in Conſtantia noſtra Benedicta Tomo 3. &c.*

Obiit hoc anno Vulfarſus, ex Monacho & Abbate Floriacenſi Episcopus Carnotensis, vir laudatiſſimus. *Videndi Sauſſeius, Claud. Rob. VVion. aliq.*

Clarent viri ex Ordine illuſtres innumeri, aliosque inter ſummo in honore ab ſumma ſimplicitate celebratur Richardus ex Monacho S. Germani Antiſiodorenſis Episcopus, de quo Trith. Clemens Rob. Herigerus item Abbas Bobienſis, &c. Plura, Bibliothecis univerſi, opera reliquit.

<i>De Diſſonantia Eccleſia.</i>	<i>lib. 1.</i>
<i>De corpore, & ſanguine Domini.</i>	<i>lib. 1.</i>
<i>De Divinis officiis.</i>	<i>lib. 1.</i>
<i>De vita S. Vrmari.</i>	<i>lib. 1.</i>
<i>Ad Hugonem de quaſtionibus.</i>	<i>lib. 1.</i>
<i>Gēſta Episcoporum Laubienſium.</i>	<i>lib. 1.</i>

Vt videas noſtros Eccleſiæ etiam in cellulis perpetuò invigilaſſe, & glifcentibus Hæſibus, Euchariſtico Sacramen-

to inſidiantibus, providè, & ſtrenuè occuſſiſſe. *Vide Trithem.*

A.C. 974.

S.P.N. 494.

IAcenſi in tenebris orbi, & Romana in primis ſede ſcelere perversiſſimorum aſſiduè impetita, admiranda luce, Syduſ novum, imò ſol novus ex Ordine noſtro exoritur, Beatiſſimus Romualduſ Congregationis Sanctiſſimæ Camaldulenſiū feliciſſimus inſtitutor, de quo hoc anno Biſciolam ex Baronio audiamus; cum enim de Sanct. Honeſto noſtro ex Claſſenſi Abbate, & primo S. Romualdi inſtitutore, de in Ravenate Archiepiſcopo, egilſet, ejusque de Ravennatibus merita cōmendafſet, ſubdit. *Inchoato quarto anno ejus, (Honeſti) Episcopatus in tanta peccatorū caligine, Deus pro ſua miſericordia eximium ſanctitatis lumen oſtendit, Sanctiſſimum Romualdum, qui Ravennas, ex nobiliſſima Ducū ſtiſpe oriundus, primo Claſſenſis Monachus, poſt Anachoretæ ſecundus in prole occidentalem Eccleſiam Sanctis replevit Anachoretis, quorum aliqui Apoſtolatum ad Gentes meruere, & inſigni Martyrij corona decoravi, cujus res præclare geſtas, ſcripſit Petrus Damianus Ravennas ſanctitate, & doctrina notiſſimus, qui his temporibus proximus vixit. Ita Biſciola.*

A.C. 975.

S.P.N. 495.

EGregiè Monachorum utilitati in Eccleſia ac honori conteſtatus hoc ipſo anno deus, dum prodigioſiſſimo ſanè miraculo pendentis in Cruce imago, plenifſimo in Episcoporum ac Clericorum Cōcilio pro Monachis definivit. Eos Clericorum opera, poſt mortem Edgari Regis, utpote Cathedralibus templis, inutilis, an indignos, quieti ſolum & cellulis devovendos, iſdem expulerant, reinductis clericis, plures Angliæ Principes: cumque proin convocato & celebrato Concilio gravior in Clericos cenſura lata, & pro Monachis Patrum ſententia ſtaret, magnoperè ſolicitantibus clericis Regē, ut vel hac unica vice, ejus apud Patres interventu, veniam mererentur, & de Eccleſiis reinveſtirentur; Silente Primate Dunſtano, quidque potiſſimum de negotio agendum eſſet, demifſo capite pertraktante, ſilentio item omnes occupante, & ad reſponſum. Pontificis aures erigentibus: *Tunc ſubito crucifixi Dei imago ſigno crucis in edito affixa, audientibus cunctis dixit: Non fiet, Non fiet; judicatis benè, mutaretis non benè. Obſtupelcentibus, ac cōtremefactis univerſis ſubdidit Dunſtanus: Quid ampli-*

amplius vultis fratres mei. Divina sententia audistis definitum negotium præsens. Aiunt, audivimus verè. Nec deinceps Monachis ulla est illata molestia. Ex Osberto, Baronio, &c.

Meretur de Historia, & universo præclarissimus Annalium Scriptor Floriacensis Monachus Aymoinus, in sacris humanioribusque litteris versatissimus. Idem admirabilis Patris, & Patriarchæ nostri honori egregiè consuluit, scripto libro de ejus miraculis. *Vid. Trithem. in Chron. Hirsaug. & libr. de Script. Eccles. Gaultierius, alii-que.*

A. C. 976.

S. P. N. 494.

Spectatissimi doctrina, & Sanctitate Archipræsulis, & Primatis, Magdeburgensis primi Antistitis Adalberti, meritis Illustrissimus annus, quo ipse, tantus Pontifex, nullis parcens laboribus, neque ullis itinerum deterritus difficultatibus, & discriminibus, in Vandaliam ulque excurrit, & plurimis prædicatione assidua Christo adjunctis Apostoli Vandalorum dignissimum titulum meruit. *Vid. Regino Crantzius, Trith. VVion.*

Condita Cœnobia refert Trithemius, & Antonius de Yepes cent. 5. quæ omnia sub primo statim initia, perfectissimis Monachis, mundi scelera, deplorantibus, & DEO pro iisdem satisfaciuntibus, fuere frequentissima, ut ex Annalibus seu Originibus plerorumque Cœnobiæ sita-
pertissimum.

A. C. 977.

S. P. N. 497.

Iterum tutelarem è nostris meretur Belgium, Velfensi Diœcesis Harlemensis, pago, Sanctum Ingelmundum Kenemariensium Apostolum, quem è terra hoc anno elevatum, ac fidelium venerationi expositum Miræus habet, &c.

Fama longè lateque celebratur S. Guarinus Abbas noster ex Regulæ Sanctissimæ præscripto post longam in Cœnobia exercitationem, ad singularem eremi pugnam instructissimus. Profuit exemplo Summis Orbis Principibus, ut ad eum turmatim, sæculi pompis calcatis neglectisque profugerent. Ejus viventi institutum hoc anno æmulatus S. Romualdus Clafsensis Monachus, eximiis denique orbem fructibus cumulavit. Damianus. Baro. &c. Obiit eodem anno mira miraculo-

sus ille Compostellanus Episcopus

Rodofyndus noster,

Tepes, &c.

A. C. 978.

S. P. N. 798.

Grandibus incrementis subito efflorescit, Sanctissima illa Camaldulensium Anachoretarum Congregatio, & primis statim initiis Angulares, & verè fundamentales præter lapides Guarinū, & Romualdum, de quibus superius, coaptat, coopratque sibi Petrum Vrseolum, Venetorum Ducem rebus gestis, & contemptu tanti honoris, fortunæque planè admirandum, qui Guarini, & Romualdi Abbatum persuasionebus inflamatus, uxore, liberis, ac Ducatu relictis, clam noctu in Aquitaniam concessit, ac Monasterio nostro S. Michaelis de Cusano, sub Monastico habitu se inclusit, ubi eligione, ac sanctitate florens, miraculisque ante, & post mortem coruscans II. Januarii, Monachus sui XIX. decessit ac Sanctorum albo inscriptus est. Visitur in palatio Sancti Marci cum hoc (quæ illi debeant Veneti, dignissimè exprimente) elogio.

Ecclesiam Sancti Marci prior edificavi.

Deinde, & Monachus factus, miracula plurima egi.

Alii ejus præclare gesta; Palatium Ducis majori quam antea splendore exædificavit; Saracenos Barum Apuliæ expugnantes fudit, fugavitque. Tabulam Summæ æræ S. Marci ditissimam, & artificiosissimam ex auro mirabili nobilitate gemmarum ornatam, Constantinopoli delatam, templo Divi Marci intulit. Sequitur exemplum Mariti uxor Felicitas, Patris filia Felicitas, eodem quo mater nomine, & ordinem nostrum professæ sunt: Grædonicus item æquè nobili ac Vrseolus genere, qui omnes Ordini decus ingens addidit. *Ex Yepes, VVione, Marcello, Dandolo, Henninge, &c.*

A. C. 979.

S. P. N. 799.

PRODIGIOSA sanè admirabilis viri, Sanctissimi Dunstani nostri, Constantia, quando nullius potentia Principis absteritus, nec Regis, juvenilem etiam animi, impetum reveritus ambitionis eundem constantissimè dominatum, consequutura ejus imperium mala, palam confessus est. *Quoniam, inquit ad ipsum Regem, aspirasti ad Regnum per mortem fratris tui, quem occidit mater tua, propterea audi verbum Domini. Hæc dicit Dominus. Non deficiet gladius de domo tua serviens in te omnibus diebus vitæ tuæ, interficiens de semine tuo, quousque transferatur Regnum tuum in Regem alienum, cujus ritum & linguam gens cui præsidet, non*

novit: nec expiabitur, nisi longa vindicta, peccatum tuum, & peccatum matris tuae, & peccatum virorum illorum, qui interfecerunt consilio ejus nequam. Post hanc Dunstani viri Dei prophetiam nubes per totam Angliam nunc sanguinea, nunc ignea visa est. *Conl. westm. Oibert. Baron. &c.*

Synodo hoc eodem anno Calnæ celebrata, confidentibus una totius Regni Senatoribus, clericis animosè rem suam cōtra Monachos agentibus, cum Dunstanū quasi Ecclesiæ murum, multorum jacula convitiatorum impeterent, nec vincerent, Solarium subito totum, quo confidebant, corruit, omnibus qui cum Dunstano sentiebant salvis, reliquis aut exanimatis, aut perpetuo languore retentis. Contulit denique Dunstano pacem, & Monachis hoc miraculum, & Monachorum opera Anglicana Ecclesia gravissimos inter motus servata est. *Ex citatis Rerum Anglic. divers. Script.*

A. C. 1080.

S. P. N. 500.

Celebratissimus ille Germania nostra univēsa Divus VVolfgangus noster, ex Monacho, & Decano Einsidlensi Vngarorum Apostolus, Ratisponensis denique Episcopus, natus Comes Achelmenfis, & Pfulingenfis, admiranda explendescit sanctitate. Nec Vngarorum solum (quorum quinque salutaribus tinxit aquis) Sed & Austriorum, & Boemorum animos pertentasse, priusquam Ratisponæ Pontifex deligeretur, gloriæ Ordinis, est accensendum, quamvis isti Vngaris pertinaciores fuerint: alii utique, ut mox audiemus, à Numine reservati. *Ex Const. Benedict. & ex vita, &c.*

Virorum Sanctorum, & illustrium frequentia ex Ordine ingens. Vna Constantiensis Diocesis, tantis viris exuberavit; præter SS. Conradum, & VVolfgangum, Gamenolphum, Gebhardum Episcopos, Adalricum ex Alemaniz Duce, Chunonem item, & Vdalricum è Saxonia Ducibus, æquè virtute ac genere illustres, Comitēs, Barones sine numero cucullo felices, aluit, & Cœlo educavit. *Const. Benedict. Annales Einsidl. Chronicon, Augiense, &c.*

A. C. 1081.

S. P. N. 501.

Multus Sanctorum numerus in uno D. Galli Cœnobio, quorum nō paucos, annus iste Cœlo intulit: Burcardū inter alios loci Abbatem, Cæsaribus Otthoni utrique tam familiarem, ut magnus

Ottho eundem filii loco diligeret, junior non aliter quam germanum fratrem haberet, coleretque. Sed & duos Notkeros unus hic annus sustulit, Medicum nimirum cognomento, & eum qui resignanti olim Burcardo jam memorato, successit. Isti perfectam seu absolutam Sangallenses urbem, illi ægri, & debiles plurimi seiplos restitutos debuerē, non medicamentis solum naturalibus, verum prodigiis sapius adjuti. *Vid. Hen. Canis. Marian. Buce- linus in Notis, Metzlerus.*

Circa hoc idem tempus Sanctissimus Adalbertus noster summo omnium consensu eligitur secundus Pragensis Ecclesiæ Episcopus, discipulus B. Adalberti primi Magdeburgensis Episcopi, VVandalorum Apostoli, quo ipso tempore ejusdem opera Scholæ Magdeburgenses egregiè floruerē: & sanè orbi univēso, atque Ecclesiæ ingenti cum ornamento, satis multum fructum intulissent, si unum Adelbertum educassent, quem tot ac diversæ exingētes, Apostolum suum agnovere. *Aeneas Silvius. Dubravius Bonifinius, Cromeus, Michonius.*

A. C. 1082.

S. P. N. 502.

IDEM S. Adelbertus Boemorum Conversioni sedulo incumbit, & quantumvis obstinatos plerorumq; animos offenderet, Bohemorum tamen Apostoli nomen, tanto magis meretur, quanto majoribus laboribus desudavit. *Ex vita quæ est apud Hen. Canisum.*

Hildesheimensi Episcopatu beneficit, ejusque redditus augeat, Canonico- rum item præbendas, sic vocant, multa liberalitate, & æterna sui relicta memoria, dignè tanto præsulatu multiplicat; Othwinus noster, ex Augiensi Monacho Abbas Bergensis, ex Abbate Hildesheimensiū, Pontifex, ut tot tantisque sæculis, ea tanti Pontificis munificentia usi, Othwini memoriam sanctè debeant colere, qui hodie, utpote Hæretici, contemptim habere, cujus opetam deliciofum, & commodum fuit nomen tueri Nobilitatis. *Ex VVernh. Zimb. MS. Augiensi, &c.*

A. C. 1083.

S. P. N. 503.

Cælo recipitur mortali liber carcere Sanctissimus Adalbertus primus Magdeburgensium Archiepiscopus VVandalis conversis de Ecclesia meritissimus. Electus uno omnium consensu, eo honore dignissimus Othericus, Corbeiensis Monachus, vitæ integritate, & omnis eruditionis

ditionis amplissima laude optimus, maximus. Is electioni de se factæ invitatus, more nostrorum assensum præbuit, & sollicita prece ab Numine contendit, ne se Episcopum fieri permetteret, idque ipsum impetravit, ipso in itinere, pro confirmatione, Romam proficiscens, morte felicissima præoccupatus. *Trith. VVion.*

Eodem anno cum S. Adalbertus Pragensis Episcopus, Boemos frustra cum a feritate, & rapinis, tum ab impio Dæmonum cultu revocare conatus esset, pertæsus eorundem pertinaciam, Romam demigravit, unde Pontificis Maximi permissu, Casinum se transferens, Monasticæ vitæ exercitationem rursus de integro complexus est, & aliquot ibidem exigens annos, cum nihilominus ut Episcopus Cassini uteretur, Romam se denuò conferens in nostro S. Bonifacii Cœnobio, Magisterio B. Leonis Abbatis se subdidit, & sanctissime vixit. *Ex vita, Marco Anton Scipione, & aliis.*

Ethelredo Anglorum Regi, eadem quâ aliis Regibus constantia minatur, & avaritiam exprobrat, S. Dunstanus noster, cū ille Roffensem Ecclesiam premeret, & Episcopus centum libris argenti malum redimeret, prophetica prædicens spiritu mala, quæ postea regi evenerunt, cum invasiones Danorum Rex decem millibus libris coactus est redimere. *Ex Angl. Rerum script. vita Dunst. Baron.*

A.C. 984.

S.P.N. 504.

MORITUR ipsis Kalend. August. S. Ethelwoldus noster VVinthoniensis, nec non Roffensis Episcopus, ille, de quo superiore anno, cujus prædicens exitum deploravit Dunstanus, tanto viro, tot discriminibus laborantem Angliam destituit. Vnde merita nostrorum æstimes, ut & cælitibus rursus contestantibus, cum Clerici rursus instarent, se in VVintonientem Ecclesiam restitui, Sanctus Andreas Apostolus, cui præcipuo affectu addictissimus, erat Dunstanus, mandavit, ut nihil hæsitans Elphegum Abbatem Bothoniensem, Ecclesiæ vacanti præficeret, quod & perfecit. *Ex Osberto &c.*

Migravit eodem pariter anno in Cœlum ex hac vita Sanctissima Editha Virgo, Edgari Anglorum Regis filia, S. Eduardi soror VVintonientis Sanctimonialis, miraculis prodigiosis gloriofissima, quâ cum à morte fratris, conarentur proceres Regni ad Regni gubernacula Cœnobio extrahere, omni quo potuit modo resti-

tit, evicitque. Ejus mortis horam, Numine docente, præcognoscens inter Missarum solemnias S. Dunstanus, in lachrymas prorupit, & à Diacono cur fieret requisitus, suspirans & ab imò pectore trahens vocem; *Hæc, inquit, Deo dilecta anima, (de Editha loquebatur, quæ sacro intererat,) hæc gemma siderea, ad patriam Sanctorum ab illuvie terrena, & hac arum nola vita rapietur, Neque enim flagitiosus hic mundus tantæ lucis presentia dignus est. Tertio & quadragesimo die occidet nobis hæc stella luculenta. Ecce autem tolluntur ex erg. stulo nostro Sanctorum lumina, & nos in tenebris, & umbra mortis sedemus. Nos pigros senes damnat ætas immatura, dum nobis dormitantibus illa cælos penetrat.* Hæc Dunstanus. Profuit Sanctissima Regina ut viva exemplo, sic admirandis prodigiis mortua. Et salutem debet Canutus Rex, naufragii periculo metuque liberatus apparente ad preces Virgine, atque illico sopita tempestate. Eam ille olim cum minimè Sanctam crederet, inque cachinum resolutus, nunquam se crediturum diceret, Editham, filiam Regis Edgari, Sanctam esse, cujus pater libidini semper ac tyrannidi addictus fuisset. Cōtra dixit Regi Ednotus Episcopus, & statim tumultu Virginis aperto, illa cingulo tenus se erigens, in contumeliosum Regem, impetum facere visa est, Rexque consternatus, ceu ex animis humi corruit, tandemque respirans, lætus erubuit, Edithamque perpetuo deinceps obsequio sancte coluit. *Ex vita.*

A. C. 985.

P. N. 505.

PRODEST consilio Principibus non solum sæculi, sed & Ecclesiæ Dei Pontificibus, Adalbertus ex Monacho Hirsau-giensi Abbas in Klingenmunster, omni eruditione, & præcipua vitæ integritate tota Germania celebratus. De cujus laudibus consulendus. *Chronico Hirsau-giensi Trithem.*

Sydera Ordinis multiplicata, toto orbe circa hoc tempus elucescunt, ex quibus paucissima hic numeramus. Odo ex Abbate Corbeix Gallicæ, Bellovacensis Episcopus, tam eruditione Scripturarum, quam vitæ Sanctioris commendatione, ab omnibus summo in honore habitus, qui Apostolicis, Regiisque Legationibus, difficillimis in negotiis strenue perfunctus est. Erhardus Monachus Lunæburgensis, in Saxonia, inter alia ingenii monimenta, exquisitæ doctrinæ specimen edidit, Commentaria in Genesin, Exodum, Le-

viti-

viticum, & plerisque Sacrae Scripturae libros. Algeri viri doctissimi longè major laus, & meritum, à duobus præclarissimis operibus, quibus prophetico quasi spiritu insurgentibus deinceps Hæresibus obstitit, de Sacramento Altaris, & libero arbitrio eruditissimè scribens. Bruno ejusdem cum Algero Cænobii Corbeienfis in Saxonia Monachus, Verdensis exin Episcopus frater Henrici Ducis, filius Otthonis Sueviæ, & Bavariæ Ducis, nepotis ex Ludolfo Ottonis Magni Imperatoris pari doctrinae laude excelluit. Rhemenfium Pontificum gesta, sed & Moguntinorum ad usque sua tempora debemus, illa Flavaldo Rhemenfi, hæc Theodorico S. Albani Monacho, qui & aliis pluribus labores suos posteritari commendarunt. Nec minori laude digni Osbernus Glasconiensis in Anglia Monachus Arnoldus, sive Arnulphus Hierfaugienfis aliique innumeris scriptis immortales. *Vid. Trith. Yepes, &c.*

A. C. 986.

S. P. N. 506.

NE virorum doctrina excellentium solummodo meminerimus, occurrit hoc anno fæminæ miraculum: Rosvveidis nimirum, sive Rosuita Ordinem nostrum in Cænobio S. S. Anastasii, & Innocentii, Pontificum in Civitate Gandersheimensi, professa, inter Scriptores hujus sæculi, de posteritate omni meritissimos, celebratissima, quæ linguarum Græcæ, atque Latinæ cognitione clara, miro ingenio, & doctrina ad miraculum usque excelluit, & in utroque scribendi genere, metro & prosa admirabilis extitit. Oratores enim dicendi arte supergressa, Poetarum quoque sui temporis nulli inferior cessit, loquentibus, quæ scripsit, operibus, iisque quidem, ut multis, ita, & tantæ Virginis famam immortalem reddentibus. Ea sunt.

De laudibus Beatissimæ Matris Virginis, Elegiaco, & Hexametro versu incipit unica spes. lib. 1.

Passio S. Dionysii Episcopi, & Martyris versu Elegiaco. lib. 1.

De Sanct. Gangulpho, & aliis Sanctis plura. lib. 1.

Passio S. Pelagii Martyris Hispani. lib. 1.

De Gestis Otthonum Imperatorum. lib. 1.

Ad Virgines Sacratas exhortationes. l. 1.

Alii plura de quibus conf. Yepes, VVion, Trith. Gaultier. &c.

Alteram hoc ipso anno non minorem merito, & gloria Virginem producimus,

hoc ipso tempore, inter dumeta Boemiæ, summo cum decore enascentem Sanctissimam Miladam, sive Mariam, Boleslai Sævi, Bohemiæ Regis (sive potius Ducis) filiam, quo hoc ipso anno, auctoritate Ioannis Roman. Pont. Monasterio. S. Georgii in ipsa arce Pragensi extracto, ac in eodem Sanctissimis Regulæ nostræ institutis se devovens, consummato Religionis cursu, cum maxima Sanctitatis opinione in cælos evolavit. Eidem debent Bohemi sumptibus ipsius primum in Bohemiæ Regno Scholas publicas institutas, erectaque in eam rem Collegia varia, & templa. Extractum ab eadem Templum Sancti Viti magnificentissimum, aliaque præclare gesta, quorum non pauca Anonymus Poeta Boemus decantat.

At quo te memorem pia, Milada carmina Virgo.

Dignapios inter nomen habere Duces. Quæ non est studiis illustrior altera Sacris, Altera nec magis est digna puella cæmi, &c.

Et post pauca:

Tu Sacra fundasti nitidis Collegia templis. Quæ pubes studiis est bona culta piis, &c. Conspicitur quod adhuc Viti venerabile Templum.

Nominis est ingens munus honorque tui, &c.

Excelluit eadem Rhetoricis artibus studiisque Latinam æque ac Bohemicam docta. *Vid. Ioan. Dubravius Hist. Boh. lib. 6. Aenas Sylphius. Hist. Bohem. c. 16. &c.*

Attollit dignissima laude meritissimū Cassinensium Abbatem Sanctum Aligerum Baronius, hoc anno in cælos evocatum. Sed nimis quantum Mantionem deprimit, Successorem, cæu inutilem, & ob vitam indignam syllabo, Præfulum Cassinensium expunctum, quem tamen Cassinensium monumenta imprimis commendant, non genere solum (fuit Pandulphi Capuæ Principis consobrinus) verum virtute egregium in cujus gratiam inter alia, Pandulpho donante, Casinates Aquinensis Comitatus possessione aucti sunt. *Vid. Marc. Anton. Scipio in Elogiis Abbas Cassin. &c.*

A. C. 987.

S. P. N. 507.

Imperio, velut alter Imperator, consilio atque auctoritate summopere prodest, VVittegovius Abbas Augienfis, vir immortalium meritorum, à doctrina, prudentia, rerum gerendarum dexteritate, egregia vitæ integritate, nunquam satis laudandus.

bus. Vulgo, Os, & manus Regis appellatus, nonnulli, inter Catholicas columnas primam, seu Primatem dixere. De eodem versus illi vetustissimi.

Rege iubente suis parent simul omnia dicitis,

Contra velle suum se vertit nemo retrorsum.

Ut tanè, si quid ab Imperio mali aversum, uspiam benè cœptum, hujus prudentiæ, posteritas omnis jure merito adscribat. Ex Monim. Augienf. MS. Chron. Augienf. Const. Ben. &c. Ejusdem laudes libello integro decantavit Burckardus Augienfis Monachus, VVittegovii discipulus. Claret doctrinæ fama celeberrimus ille Bobienfis Cœnobii Monachus Adelbertus, Gemblacensis dein Abbas, Gymnasii Bobienfis Professor egregius; ex cuius schola Magnus ille Burcardus noster *Decretorum*, seu *sacrorum Canonum collector* nominatissimus prodiit. Sed & Muscorum ille Antesignanus, de *Re Musica* meritissimus, Engelbertus Treverensis S. Matthiæ Monachus effulget, cuius præclarissima extant de Musica, & Monochordo Syntagmata. *Vid. Trithem. Ypes, & alij.*

A. C. 988.

S. P. N. 508.

ITerum Apostolus, & fulgentissimum Germaniæ ac finitimis ex Ordine nostro tydus exsplendescit, Sanctissimus Lubentius, sive Libentius, Bremenfis Archiepiscopus hoc anno electus, qui prædicatione sua Ecclesiæ Dei plurimum profuit, & insigniter de eadem meruit. *Vid. Histor. Eccl. Adami, Abbat. Stad. Crantz. &c.*

Supremus hic idem annus S. Dunstano nostro Angliæ primati, Ecclesiæ Christi columnæ præcipuæ, & veri Patriæ Patris, Prophetæ, Apostoli, & triumpho tot adverforum, & adversariorum verè Martyris. De eo sic hoc anno Bisciola: *Moritur hoc anno mirificus ille Dunstanus, Archiepiscopus Cantuariensis, quem egregia vita Sanctitas, Sacerdotalis immota constantia, claritudo miraculorum, & omnia Spiritus Sancti charismata illustrarunt, &c.* Successit iterum ex ordine nostro Æthelgarius ex Monacho Monasterij novi apud VVintoniam Cantuar. Archiep. *Ex Angl. rerum script. VVion. &c.*

A. C. 989.

S. P. N. 509.

Seria Boemorum supplicatione audita hoc anno, à summo Pontifice, reverti ad Apostolatum suum cogitur S. Adal-

bertus noster Pragenfis Archiepiscopus, in eoque indefessè laborat, ac plurimum meretur. Ita ut nullum tempus hac ætate, ut & omni decursu sæculorum, à prima Ordinis origine esset, quo nostri nō summa vigilantia domum Dei custodirent, alii in vinea Domini laborarent. Dignissimum Pontificis Romani ad Legatos Bohemorum responsum, minimè prætereundum, quod collecta propter idem negotium, in causa Adalberti, Synodo, audientibus Patribus, dedit; *Reddimus*, inquit, *quod justè querunt malè merentes filij. Sed dabitur eis hac lege, si audierint eum, teneant cum benedictione Dei, & faciant sub eo fructum centuplum; si autem à consuetà iniquitate recedere nolunt, hoc est, si ad voluptates suas, & desideria, luxuriante malitia redirent, absque periculo sui capitis malorum consortia declinet.* Flens igitur ad Episcopatum rediit. *Vid. Baron. Dubrau. Silvius, Bonfin. &c.*

A. C. 990.

S. P. N. 510.

Non contentus Bohemiæ finibus S. Adalbertus noster, in Vngariam usque excurret, & Geisa Duce ad fidem Christi adducto, & sacro baptismo tincto, plurimis passim extructis Ecclesiis, per Apostolum nostrum fides in Vngaria mirifice propagatur. Natus Geisæ filius Stephanus, Sanctissimus ille Vngarorum Rex ab eodem Adalberto baptizatur. Et Adalbertus sciens Apostolatum ad gentes non sponte suscipiendum, sed à primario Ecclesiæ capite imponendum Romam proficiscitur. *Ex citatis.*

Claret in Ordine nostro Cixilena, Ervigii Visigothorum in Hispania Regis uxor, de qua *Vid. Mariana, VVion. &c.*

A. C. 991.

S. P. N. 511.

HVnc annū Tribunus Memus, Dux Venetorum professione Monachismi nobilitat. Is multis pro Repub. præclare gestis, patria contra Otthonem Imperat. fortiter defensa, & Cœnobio S. Georgii Majoris constructo, tandem pro pulla veste purpuram mutavit, in D. Zachariæ Monasterio se nostrorum Imperio lubdens. Epitaphium in Ducali Palatio istud meruit.

*Regis ab insidiis, defendens Imperialis
Othonis Patriam, pondera multa tulit.*

Requirendi rerum Venet. Script. *Dandulus lib. 8. Martellus: Ypes, VVion. &c.*

Compostellana Ecclesia Cathedralis sub hac tempora debet S. Petro nostro cognomento Monforio, omne ferè Patri-

monium suum, eidem injuria temporum, & sceleratorum unquam antehac, & uspiam subtractum, quæ ejusdem Petri, Sanctitatis reverentia, Veremundus Rex Ecclesiæ restituit. *Vid. Vassius in Chron. Ioan. Mariana, &c.*

Ingens ex Ordine nostro virorum illustrium exercitus producendus, quando, ut doctrina sola, & Sanctitate præstantes raceamus, vix Episcopatus erat, de quo hoc ipso tempore nostri non ita mererentur, ut memoriam æternam cum æterna gratitudine referrent. *Conf. Yepes, VVion, & omnium ferè Cathedralium Eccles. Histor. &c.*

A. C. 1012.

S. P. N. 512.

CLaret admirandæ sanctitatis Abbas Cœnobii Floriacensis, B. Abbo, de Romana Ecclesia meritissimus, Apostoli nomen prædicatione sua in Vasconibus meritis, Martyrii denique corona donatus. *Vid. Yepes, Chron. Floriacense, Baronius, Gault, &c.*

Cælo recipitur S. Oswaldus noster VVigornienfis Episcopus, Angliæ alter post Dunstanum nervus, imò ab obitu hujus animus, de cujus prodigiosa morte, dignissima admiratione, mirabundus ipse adfert Baronius, merita ipsius, ipso Numine Orbi & posteritati omni approbante, *Harpfeld, Eduard. Maihevv.*

A. C. 1013.

S. P. N. 513.

Moritur Magnus ille Ordinis nostri post S. Odonem reformator Sanctissimus Maiolus Abbas Cluniacensis, cujus opera, multa rursus operariorum millia ex Ordine nostro agrum Dominicum colere cœperunt, tantus ipse prodigiorum virtute, ut post Apostolos parem non habuisse, B. Odilo deprædicet; Principum verò hujus sæculi Oraculum fuit, ut proin nemo satis æstimet, quantus à tanti viri æstimatione, & consiliis fructus sit in DEI Ecclesia consequutus: Eum Ottho II. Romanum Pontificem esse voluit, quod prudenter ille à sese, & Religiose onus avertit. *Vid. Yepes, Baronius, Odilo, in vita, &c.*

Sancto VVolfgango quoque Ratisponensi Episcopo, VVngarorum, & Carinthiorum Apostolo fuisse hunc annum, vitæ ultimum auctores tradunt, & nos in *Const. Bened. asserimus.*

A. C. 994.

S. P. N. 594.

Ingens Vniuerso Orbi affulget rursus lumen, Sanctissimus Odilo, Cluniacensis Abbas, cujus vitæ res præclare gestas commendavit posteritati Sanctus ille, & Magnus S. R. E. Cardinalis Petrus noster Damiani, propagavit non minori felicitate Cluniacensem reformationem, ex qua primum in Cœnobia, dein in provincias Orbis omnes, Orientales etiam ipsas, incredibile pietatis, & Religionis augmentum consequutum, ut jure merito Odo, Majolus, & Odilo, inter præcipuos Ecclesiæ benefactores sint referendi. *Vid. Yepes, alyque.*

A. C. 995.

S. P. N. 515.

ÆTerno Sanctissimi Ordinis nostri cum honore missus à Ioanne XV. summo Pontifice Legatus in Gallias S. Leo noster, S. Bonifacii in Vrbe Abbas, Rhemis Concilium celebrat, eidemque summa cum auctoritate præsidet. Consul. Baron. auctor ad Aimoinum, &c.

Summa in Imperio pollet auctoritate, & apud Reges Principesque gratia Eggebardus Sangallensis Monachus vulgo Palatinus. Ejus Magisterio, & curæ debetur formatus Imperio Ottho Tertius Imperat. multi item Principes, dignissima sanè promptitudine tanto viro obsequi paratissimi. *Et rerum Sangall. Script. & Constant. Bened.*

A. C. 996.

S. P. N. 516.

SVMMO Orbis uniuersi & afflictissimæ Ecclesiæ bono, rursus ex Ordine nostro Romanæ Ecclesiæ Pontifex assumitur Gregorius eo nomine V. Cujus vix inito Pontificatu, tanta fuerit de Romano Imperio, & Germania imprimis nostra merita, ut nulla sæculorum æternitate, satis illud iisdem liceat demereri. Is primum Othonē III. Imp. coronavit, unde quàm primum Romanæ Ecclesiæ ab Augusto Pontifici gratiam referente, id commodi obtigit, ut impiissimi Crescentii gravissima tyrannide liberaretur. Gregorius verò vicissim Imperio consulturus, collecto Episcoporum Romæ Concilio, de constituendis Imperii Electoribus ad Patres retulit, & septem Imperii Principes Ecclesiasticos partim, partim sæculares deinceps Imperatorem electuros esse & fore, perpetuo sanxit. Vt hodieque iidem Principes

cipes Gregorio nostro acceptum honorem, & potentiam referant, & sequuturis sæculis omnes agnoscere debeant. *Ex Baron. Constant. Cæsar. &c.*

Debent hoc eodem anno S. Romualdo nostro Tiburtini, nomē, vitam, omnia & seipfos, quos exscindere prorsus venerat Ottho Imperator, quibus multa denique prece Romualdus eos conciliarat. Tantum autem primo hoc ab ipsa coronatione anno, verbo poterat atque exemplo apud Imperatorem Otthonem Romualdus, ut voto tantus Cæsar jam noster fieret, sancteque viro Sancto promitteret, se relicto Imperio, Monachicum habitum suscepturum. Confessus de peccatis Romualdo eidem Augustus, ea contritione ab eodem recessit, ut poenitentiae causa, nudis pedibus de Romana Urbe egrediens, sicutque ad Garganum montem ad S. Michaëlis (stupendo sanè humilitatis exemplo) pergeret Ecclesiam. Per totam verò quadragesimam in Classensi Monasterio B. Apollinaris, cum paucis jejunio, & psalmodiæ vacavit, cilicio ad carnem indutus, & lecto stramineo usus. Tanta, exemplo, apud tantos, nostri potuere. *Ex Baron. &c.* Eodem anno S. Romualdus ad Cassinense Coenobium inviens, Sanctissimi Patris sui vestigia, & exuviās corporis veneratus est. Nec minus in Cassinenses propensus Ottho Imperator, eadem ex causa eo profectus, multa ibidem donaria obtulit. Leo Ostiensis. Cogitantem aliquando Imp. suadente Pontifice, & aliis zelo bono ductis Ecclesia S. Pauli amovere Monachos dissolutiores, & inducere Canonicos per vitium B. Apostolus Paulus movuit; Si bono zelo ducerentur, non expellendos Monachos, sed corrigendos. *Ex Glabro, Bisc. &c.*

Ipsa anno reverti ad Archiepiscopatum, denuo cogitur S. Adalbertus noster, ac ingenti fructu Vngaris, Polonisq; prædicat, *Baron. &c. Chron. Bohem. &c.*

A. C. 997.

P. N. S. 517.

Denuo à Bohemis expulsi in Poloniam proficiscitur S. Adalbertus, ac Miecislauum Polonorum Ducem cum omni populo suo ab Idolorum cultura avertens Gnesnensi Archiepiscopatu functus, substituto pro se B. Gaudenzio Breunovienfi in Bohemia Monacho, ipse in Prussiam proficiscitur, ibidem denique Magnus Boemorum, Vngarorum, Polonorum, Luiticorum & Prussorum Apostolus, Martyrio co-

A. B. Pars I.

ronatur. Cum enim defixus in cælestium rerum meditatione, ipsa Crucifixi Domini memoriæ Sacra die, versaretur, conto à nefario homine prosternitur, humi prostratus terræ figens oscula: *Benedictus*, ait, *Deus, benedicta misericordia DEI, si plus non accipiam, pro crucifixo meo, unum pretiosum ictum habeo.* Septem denique lanceis à barbaris confossus manibus in modum crucis extensis, felix est factus Christi victima. Corpus Martyris Poloni æquali auri pondere (tanti jam tum faciebant Apostolum suum,) redemptum Gnesnensi Ecclesiæ intulerunt, ubi immensis claruit miraculis, quorum fama permotus Ottho Imper. ab Italia Gnesnam usque est peregrinatus. *Ex Cartutio, Lamberto, vita ejusdem, Steng. &c.*

A. C. 998.

S. P. N. 518.

PROficit mirabiliter hoc anno Castro S. Germani (ut videas quid nostri precibus contra potentissimos Reges possint) S. Odilo noster Cluniacensis Abbas, cum Robertus Galliarum Rex, cum universo bellico apparatu illud everurus imminet, nec quidquam obsessis veniam deprecante Odilone, subito prodigiosa exoriēte nebula, castrum circumdatum, atque ita tectum, ut aspectus illius qui fortis erant, prorsus adimeretur, & ab obsessis gravi cæde oppugnatores prosternerentur. Ita neglectas Sanctissimi viri preces dignè, sed durè, Robertus luit, doluitque. Rerum Galliæ. Scriptores. Quid non solum Orbis uterque, & sequutura posteritas, verum Inferus etiam Purgandorum Odiloni nostro debeat, nullius unquam ingenium, seu labor quantuncunque assequetur, *Instituta solemnī illa fidelium Defunctorum Commemoratione*, tot jam ab Odilone sæculis perpetua, & sequuturis quoque sæculis perpetuanda, ab eo maxime, post Hamularium nostrum, per diffusam toto jam Orbe Cluniacensium Congregationem, in Regna, ac Provincias omnes introducta, & dein Pontificum Rom. auctoritate probata, & præcepta. Cujus nimirum ope suffragii, tot animorum purgatricibus flammis addictorum myriades Cælo assertæ, & deinceps in finem usq; mundi asserendæ, Cluniacensibus sanè Monachis obstrictissimæ, gloriæ Ordinis nostri, meritisque immortaliter applaudunt. Quæ verò præter solemnem illam diei memoriam, Cluniacenses iidem animis juvandis, excogitarint, fecerintque, quot unus Odila, flam-

S mis

mis eripuerit, & deinceps continua assuetudine, tot Cœnobiorum millia, tot Monachorum centena millia, eorum denique exemplo (fructu semper, & gloria ingenti in auctores redundante) fideles toto orbe reliqui, tot jam sæculis iuvarint, & liberarint, inensum, innumerum, definiendum, ei qui potest, relinquimus. De Cluniacensium piis susceptis laboribus, ut & Odilonis consulenda *Bibliotheca Cluniac. aliique plu.*

A. C. 999.

S. P. N. 519.

Moritur Gregorius noster S. Pontif. Max. meritis de Ecclesia, Imperio, Germania immortalis. Successit ex ordine rursus nostro Magnus ille, & doctissimus Gerbertus, sive Gilbertus, ex Monacho Floriacensi Rhemensis primum, dein Ravennas Archiepiscopus, jam pridem de Gallia meritisissimus, Rhemenfibus nimirum Scholis propter incomparabilem scientiam præfectus de quarum Scholarum præstantia sic Massonus in Hugone Capeto; *Rhemenfis Schola*, inquit, *ceteras antestare videbatur, propter Gerberti auctoritatem, præstantiamq., cui ob eam causam Otto, & Robertus in disciplinam sunt lati, &c.* Vir fuit omnium longè doctissimus; Philosophicis, & Mathematicis scientiis admirandus, unde factum ut propter insolentiam doctrinæ magus putaretur, quam vulgi opinionem, aranei nostri temporis hæretici prorsus intulerunt, cū tamen de Ecclesia Rom. meritisissimus, & nimis quā longè ab infandissimo illo scelere abesset. Ciaconio teste, natura prudens, pietate præstans, fidei insignis, constantia mirabilis, in consiliis providus, &c. *Vid. Baronius, Bapt. Masson. Avent. Genebrad. Parvin. Moral. Hieron. Platus, &c.*

Hoc statim aŋo percrebrescente fama de admirandis, & immensis S. Adalberti nostri Boemorum, Vngarorum & Polonorum Apostoli, Roma Gnesnam usque ad ipsius sacratissimas corporis exuvias Ottho noster Rom. Imp. Augustus peregrinatur. Ex Baronio. Romæ Germani Ducis militibus Monachorū S. Pauli præta occupantibus Cælum contra eisdem dimicavit, divinitus cū fieret, Diethmaro teste; ut obducto cœlo nubibus terribili tonitru minantibus fulminibus, aliquot eorum interfectis, cæteri diffugerent.

A. C. 1000.

S. P. N. 520.

Hungaria, Regnum, & coronam debet hoc anno Sylvestro nostro summo Or-

bis Pontifici, sed & metropolitanum honorem Strigonienfis Ecclesia, primo quidem Vngarorum Rege S. Stephano Regis titulo ab eodem honorato, & Stephano ex Monacho Cœnobii nostri S. Martini, primo Strigonienfium Archiepiscopo renunciato. *Vid. rer. Vngar. Scripto. & Baron.*

Illud in tituli Regii ac coronæ transmissione mirandum evenit, coronam eandē quam Poloniæ Duci mittere proposuerat Pontifex S. Stephano obtigisse, monito divinitus Sylvestro; eam Stephano Vngarorū Regi deberi. Misit cum diademate etiam crucem ante Regem tanquam Apostolatus insigne: ob multos infideles ab ipso ad fidem adductos, gestandā, Caruitio in Stephani vita, & gestis testante. Vnde nimirum eadem pro Regni insignibus perpetuo assumpta, hodieque Sylvestri, & nostrorum merita loquitur, quorū laboribus talem etiam Regem Vngari habere meruerunt. *Vid. etiam Baron. &c.*

A. C. 1001.

S. P. N. 521.

Perpetuus ferè nostrorum Apostolatus. Ingenti hoc ipso tempore, & anno in Vineæ, & agro Dominico labore defudat, & in honorem Ecclesiæ manipulos sine numero congregat, Sanctissimus ille Hunorum, Slavorum, & Ruthenorum sive Russorum Apostolus Bonifacius, S. Alexii Romæ Monachus, Otthonis Imperatoris consanguineus. De quo pluribus agit *Yepes Tom. 5. Annal. sive Chron. Ben. Damianus.*

A. C. 1002.

S. P. N. 522.

Moritur Ottho III. Imperator, voto, & promissione Sanctissima verè noster, sed quo minus exequeretur, bello Romano, & morte præventus, merito tamen suo nostris accensendus. Bis nimirū, Casinum ad Sanctissimi P. N. ac sui, sacra vestigia, & reliquias venerandas pfectus, duas ibidem Coronas Regias destituit, ut dum iple caput suum abiceret, submisisset diadema Patriarchæ nostro eo dono testaretur. Gault. Leo Ostiensis, &c. Incredibilis nostrorum per Vngariam labor, dignissimus ex labore fructus, iuvante imprimis ope, & studio omni Sancto Stephano Rege, à nostris baptizato, educato, & ad bona omnia moto, & permoto. Ex operariis Vineæ Christi potiores fuere; Sanctus Anastasius Abbas, Monachi plures Casino postulati, alii item Roma missi de quibus legendi. *M. Ant. Scipio, Ant. de Yepes tom. 5. aliique.*

A. C.

A.C.1003.

S.P.N.523.

MOritur meritissimus de Romana Ecclesia Sylvester II. Pont. Max. cuius pro meritis memoriam insigni consuluit Sergius successor. Ejus inter præcipuas laudes retulit Baronius, & Biscola; *Cultorem fuisse Sanctorum virorum tunc viventium, cupidumque Monastica observantia, atq; malorum acerrimum correctorem, nec non egregium (..) defensorem jurium Ecclesia. Denique ipsum planè primum extitisse (ingens revera meritum) qui Sacra militia classicum occinuerit.* Ut amplius dici, & prædicari de Roman. Pontifice non posse videatur.

Gilberto, sic enim ante Pontificatum vocabatur, inter alia etiam merita debetur inventio Horologii, & Organi aquatici. De quo continuator Bedæ, Vincent. Belvacensis. Erfod. Mon. VVion, Yepes, &c. Ejus item lucubrationes sunt, liber unus de Sphæra, alius de compositione Astrolabii, alius item Epistolarum, Opuscula plura Mathematica. *Cons. VVion. lib. 5. c. 7. Yepes Tomo 5.*

Ut intelligas quanta per universum orbem nobilitas, generis splendorem, deliciarum blanditias, opelque cucullo posthabuerint, ex sola Orthonis Imperatoris prole intellige quam ambitiosius videntur Cœnobium, quam mundi Regna omnia exambuisse: Sophia, ab ipsa juventute, nostro se ordini in Cœnobio Gandersheimensi addixit, ibidemque honorem denique Antistitæ meruit, & Sanctæ Sanctis convixit. Adelheidis non minori laude, in Quedlinburgensi se condidit, inde ad Gandersheimensem præfecturam à morte sororis evocata; S. Felicitas in S. Felicis, & Iuditha in Ratisponensi Monachismum professæ.

Ex hac calamitatum valle cum Martyrii laureola evolat in cælos, S. Abbo sive Albo, de quo jam superius, Vasconum Apostolus, vir Sanctissimus æquè ac doctissimus. Scripsit super calculo Victorii lib. i. Additiones in eundem lib. i. *Vid. Haymo Floriac. in vita Sigebert. &c.*

A.C.1004.

S.P.N.524.

Pessima, & perniciosissima Berengario-rum Hæresis pullulat, & paulatim serpit, cui ex prophetico sanè spiritu è nostris plurimi, multo jam ante, relictis ingenii, & solidæ pietatis, atque in fide constantiæ momimentis, occurrere, & jam nascenti alii, atque alii egregia Sanctitate atque

doctrina Monachi sese opposuerunt, imò ipse etiam Galliarum Rex potentissimus Robertus, à nostris puer doctus, & educatus, Leuthericus Episcopo, lumina sane gloria, contradixit, & ab errore revocavit. Sed ante omnes, primum Berengario discipulo suo, optimus, & Sanctissimus Magister Fulbertus, Carnotensis Episcopus, restitit, qui omni ope ac studio eum retrahere ab illa ingenii in malum proclivitate satagebat. Vid. Baron. Glaber. Cl. Rob. aliiq. Claret admiranda Sanctitate S. V Vilhelmus filius Alduini, vel potius Harduici Italiæ Regis, de quo suo loco, Abbas Fructuariæ, cujus inter alia merita, gravissimis quibusque admirandum, periculosissima à Galliis bella inter Reges exorta avertisse, pacem cõposuisse, consilio atq; auctoritate, & sanctitatis imprimis opinione Principibus diversis plurimum profuisse. *De eo fuse Ant. de Tepesto Tomo 5. cent. 6. hoc anno.*

Archiepiscoporum atque Episcoporum toto orbe integri Syllabi pertexendi, qui omnes Ecclesiæ in primis universæ, dein quisque propriæ strenuè consuluerunt, quos tamen omnes compendii nostri ratio excludit. *Vid. VVion, Yepes Trith.*

A.C.1005.

S.P.N.525.

Meritis Alwici ex comite de Sulz Monachi Augiensis, ex Monacho Episcopi Argentiniensis, debuere Episcopi successores, ipsum Argentoratum, urbem opulentissimam ac potentissimam, ab Henrico Cæsare donatam, multa insuper alia, quibus insigniter dotatus Episcopatus, in eum postea splendorem excrevit. Urbis dominio quamvis posterius successores, per oscitantiam, sive injuriam exciderint, Alwico tamen, ex fructibus partam, jure merito referunt in acceptis, & potentiam, & feram felicitatem.

Auctus hoc ipso tempore opibus atque auctoritate Episcopatus Basileensis meritis, & pietate Adalberonis, ex Monacho S. Blasii, Basileensium Pontificis, plurimum Rege Burgundiæ Rudolph. & Henr. Cæsare tribuentibus, & Ecclesiam ejusdem ditantibus. De Alwico, & Adalberone fusi *tom. 3. Const. Ben. ex diversis.*

Hoc anno Sanctus Ansfrius, abdicato à se Pontificatus Trajectensis honore humilitatem Monachicam potiore habuit, & amplexus est in Cœnobio Montis B. Mariæ Virginis prope Amerfordiam, multis ex in virtutibus clarissimus; cui successit Adelboldus Laubienfis (aliis Bobi-

S 2 ensis)

ensis) Monachus, Henrici Cætaris aliquanto tempore Cancellarius, vir doctissimus. Scripsit de laudibus Sanctissimæ Crucis, Beatissimæ Mariæ Virginis, diversorum item Sanctorum, tam metro, quâ prosa, de vita item, & gestis S. Henrici II. Imperatoris, & alia plura. *Vid. Trithem. Vvion. &c.*

Clarent varia doctissimorum virorum ex Ordine lumina, inter alios: Remigius Abbas Mediolanensis, & Theodorus S. Matthiæ Treverensis Monachus, uterque apertis publicè Scholis, summo Germaniæ bono, meritissimus. *Consul. Trith. libr. de vir. illustr. & Scriptoribus Eccl. & Chron. Hirsau.*

A.C. 1006.

S.P.N. 526.

FAME gravissima, & inaudita orbem terrarum Univerſum vexante, ingentes nostrorum eleemosynæ, multas hominū myriades sustentavere. Sancti Odilonis liberalitatem hoc ipso anno dignam Annalibus suis Baronius censuit, ubi celebrat, eam jam omnibus arariis & horreis exhaustis, vasa sacra confregisse, & distraxisse, sed & coronam auream qua ipsum Sanctus Henricus Imperator honoraverat expendisse, ut pauperes juvaret. Quis verò tot millium Cœnobiorum uno anno, nedum seculo, imò tot jam sæculis, in pauperes expensas numeraret? Biscola, S. Odilonis liberalitatem immensam appellat *Vid. Cit. & diverse Sanctorum res gestæ sub hac tempora viventium, &c.*

Hoc ipso anno meritissimus ille de Anglia universa S. Elphegus, Balneensis Monachus, ex Episcopo Vintoniensi creatur. Primas & Archiepiscopus Cantuariensis, Romam pro pallio profecturus à civibus oppidi cujusdam spoliatur, quod illico horribili incendio affligitur, illud verò pœnitentibus de scelere civibus, quamprimum Elphegus prodigiosè restinguit. *Ex Osberto. Vid. Mal. Baronius &c.*

In Polonia, Vngaria, Bohemia, nostri in fide propaganda strenuè laborant. *Ex Dubravio, Bonfinio, &c.*

A.C. 1007.

S.P.N. 527.

Rutilat per Ecclesiam universam igneo splendore insignis meriti, egregius Doctor, incomparabilis vir Sanctissimus Fulbertus noster, S. Petri apud Carnutum Monachus, qui hoc anno ad Carnutensem evectus Pôtificatum ampliorem benè merendi occasionem accepit. De hoc ipso anno, Baronius his verbis. *Est hic item*

annus, quo in Gallis super candelabrum extulit Deus, linternam ardentem atque lucentem, cum virum Sanctitate atque doctrina insignè Fulbertum, ex Monacho Monasterii S. Petri apud Carnutum assumpsit in Episcopum Ecclesia Carnutensis, &c. prædicat, & Glaber hujus temporis Scriptor Fulbertum, virum sapientissimum, Præsulem incomparabilem. Fuisse quidem ipsum vita sanctissimum atque Prophetiæ spiritu imbutum, testatus est Guilerinus ex quo Vincentius Belovacensis descripsit: quod enim omnium sui temporis Doctorum doctissimus prædicaretur: ad illum confluere consueverunt omnes, qui eum de rebus dubiis interrogarent Episcopi, atque etiam ipse Robertus Rex Francorum, quod scriptæ ab eo ad diversos Epistolæ docent.

Meritissimus hoc statim anno ab eodem Baronio idem Fulbertus laudatur ob indictum quasi bellum, rerum Ecclesiasticarum persuasoribus, & usurpatoribus in quo egregiè laboravit, ne beneficia Ecclesiastica Sæcularibus dentur. *Vid. Baron. & Fulberti Epistolæ. De Fulconis cōversione per Fulbertum cum egisset Baton. mox subdit. Fulberto igitur muralis jure corona debetur, qui hoc sæculo primus, reperitur superasse muros Babylonica civitatis, cujus Principes Tyrannica violentia jura Ecclesiastica occupassent.*

Hoc eodem anno S. VVolfgangus noster, ad cuius tumultum frequentissimè invisebat S. Imperator Henricus ejus quondam discipulus, eidem Imperii fasces deberi, per somnum indicat.

Ipslo quoque anno insigne Ordinis nostri lumen S. Romualdus Abbas D. Emericammi exstinguitur, cujus feretro ipse Henricus Rex, postea Imperator, ad portandum humeros supposuit. *Ex Baronio Biscola, Radero, &c.*

A.C. 1008.

S.P.N. 528.

MARTYRIO cōsumatur illustrissimus ille Prussorum, & Lituanorum apostolus, S. Bruno ex Comite de Querfurt, fratre Gebehardi Saxonum Ducis Monachus S. Joannis Magdeburgensis, dein Ruthenorum Archiepiscopus, à summo Romano Pontifice creatus, & ad concessionem Sarmatarum legatus, cum Lituanos brevi temporis spatio Christo adduxisset, nec modico fructu in Prussia laborasset à nonnullis duræ cervicis hominibus manibus, pedibusque præcis capite truncatus est. *Vid. Dishmannus, Marian. Scottus, Baron. &c.*

Aliud

Aliud ingens, & immortale hoc ipso anno meritum de Ecclesia, & orbe universo celebratur à Sigeberto, & Genebrardo, nostris, inter præcipua Ordinis referendum: quando Burcardus Monachus Laubienfis, ac dein Vormatiensis Ecclesiæ Episcopus, *Antiquos Canones in unum Decretorum volumen colligens*, summo universi bono monumentum sibi ad posteros æternū transmissit ipsum illud, quod dein *Canonistarum Phæbus*, Dux, & Magister *Gratianus noster* in compendium contraxit.

A. C. 1009.

S. P. N. 529.

ITerum augustissimo sanguine foecundiores, reddit Otthonis III. consanguineus, Sanctissimus Bonifacius Hunnorum, Slavorum, & Russorum Apostolus, siccitatem sterilibus Ruthenorum provinciæ, cum Regem imprimis ac populum Regni pene universi baptismali unda expiasset, à fratre denique Regis interemptus, quem tamen ipsum à morte grandi miraculo punitum, & sospitati restitutum cum cæteris obstinatoribus Ecclesiæ gremio indidit. Ex Petro Damiani in gestis S. Romualdi. Ei debentur præter fidem, sanguinem, & exin gloriam, & salutem tot populorum, Gnesnensis Archiepiscopus initia, quæ in D. Adalberto Episcopali jure originem habuere. *Petr. in Catal. VVion, Yepes, &c.*

Accepto de morte Bonifacii nuncio, S. Romualdum intolens planè Martyrii desiderium incessit, impetratoque à Romano Pontifice consensu, viginti sex Monachis in societatem adscitis, & ex iisdem duobus Archiepiscopali honore condecoratis, sola Numinis voluntate prohibitus est; cum proximus Vngariæ, quo tendebat, finibus ulterius progredi conatus, morbo præpeditus, quotiescunque verò reverteretur, eodem levatus esset. *Ex Baron. & vita, &c.*

Eodem año extincto Ioanne XIX. summus Pontifex ex Ordine nostro creatus Sanctus Sergius eo nomine Quartus, vir si nullo alio nomine, sanctitate meritissimus, quæ summa sedit summum decus addidit. *Bugianus, Illescas, VVion. Hieronymus Platus, &c.*

A. C. 1010.

S. P. N. 530.

Rursus Regnum nobilissimum purpura Sanctissimi sanguinis sui tingunt felicissimi ex Ordine nostro Martyres Ss. Benedictus, Matthæus, Ioannes, Isaac, Christianus Breunovienses Monachi, Bar-

nabas, eorum locius & ipse Monachus, per absentiam servatus, sed longiori Martyrio, rigoris nimirum Monastici reservatus; quorum triumphus sera Polonorum, apud quos passi, & Bohemorum, apud quos educati, posteritas æternum triumphat, & gloriatur. *Ex Dubravio, &c.*

Celebratur hoc eodem anno à Baronio memoria Beatæ Theresiæ Veremundi Regis, & Geloiræ Reginæ Filia, quæ contra voluntatem desponsata Regi Atabum Habdallæ, ab eodem graviter, vindice DEO, punito, dimissa cum muneribus Ouneiti Ordinem nostrum in S. Pelagii professæ. *Vide Ambros. Moral. Baron. &c.*

A. C. 1011.

S. P. N. 531.

Aliud item hoc anno Regnum, Angliæ nimirum, sanguine Martyrum nostrorum irrigatur, Danis rursus in Angliam irruentibus, & nostros promiscuè decimantibus, & contrucidantibus. Inter captivos abductus Sanctissimus Elphegus noster Cantuariæ Archiepiscopus, tanto illustriore merito hunc annum condecorat quanto magis mirando quod de hostibus meruerit, quos cum divina statim ultio sequeretur, gravissima in exercitum lue immissa, ipse Benedicto pane hostes ab internecione servavit. Ex Osberto, & Baron. Obiit hoc anno Tagmo Magdeburgensium Pontifex ex Monacho S. Emmerammi Ratisponæ, & Henrici Imper. Cancellario, vir egregia sanctitate laudatissimus, quem pro meritis Ditmarus plurimum commendat, subditque post eius verba adducta Baronius; in quem tantum Patrem sæculi huius decus, & ornamentum, utinam aspicerent filii desertores. Successit VValterdus, Magdeburgensis Monachus, S. Adalberti discipulus sacerdos Dei, ait Baronius *pariter laudatissimus*.

Cassini moritur S. Ioannes Abbas, de Vngaris meritissimus ad quos suorum Coloniam destinavit, sed & Illiricis pari beneficentia obligatis. Sub eo Pandolphus Salerni Principatu dimisso, salutem Religionis portui, in quem admissus, debet, religiosa exin in Cœnobio Casinensi servitute nobilior. Successit Athenolphus Pandulphi, item, sed Beneventani Principis filius. Clarent inter alios Cassini sub eodem miraculorum frequentia Ss. Guinizo, Nicolaus, & Ianuarius.

Vid. Ant. Scipio Leo

Ostiensis.

S 3

A.C.

A. C. 1012.

S. P. N. 532.

FELICISSIMO transitu, cœlitibus jungitur S. Georgius IV. Pontifex Maximus, de cuius meritis satis Epitaphium. Inter alia.

*Hic simulata jacent pastoris membra sereni
Quæ decus Ecclesie contulit omnipotens.
Pauperibus panis, nudorum vestis opima,
Doctor & egregius qui fuit in populo &c.*

Alius rursus è nostris Martyr, quid hoc quoque tempore, Austriæ de nostrorum triumpho desit, provinciam illam morte sua beatam facit Sanctus Colomannus Monachus Huensis, & Abbas Amarbaccensis, Archiepiscopus denique Lindisfarnensis; qui in ea Norici parte, quam hodie Austriam dicimus, post longa, & plurima tormenta in arbore suspensus, lauream Martyrii meruit. Duobus cum latronibus suspensus, cum eorum carnes avium, & bestiarum moribus laceratæ essent, Sancti viri corpusculum unguibus cū barba Cæsarieque crescentibus sine corruptione permanēs reffloruit, sed & arbor, in qua integro anno cum dimidio perpēdi vixit, cumque venabulo transfigeretur, & carnes ex corpore rescinderentur, calidus semper sanguis defluxit. Tandem honorificè sepultus, innumeris claruit miraculis. *Ex Breviario Melicensi. Steng. Baron. Gualterio, &c.*

A. C. 1013.

S. P. N. 533.

Hungaria mille modis nostris obligatissima, quam ait hoc denique anno fidem palam, seu publicè professam Gualterius ex Palm. Clarent in eadem admiranda sanctitate, & meritorum immensitate Monachi inprimis Sammartinentes, quibus S. Stephanus Vngarorum Rex ita addictus fuit, ut decimum quemque ex ipsis Hungaris, nedum ex certis Regni fructibus eisdem mancipatum vellet. Vide Yepes. Baron. Bonfinius, &c. Clarent item in eodem Regno S. Anastasius, S. Maurus, Sanct. Andreas, Sanct. Benedictus, Sanct. Bonifacius aliique nostri. *Legendus Cartutius.*

A. C. 1014.

S. P. N. 534.

Sippo noster Abbas Stabulensis, familiarissimus Sanct. Henrico Cæsari, cum à Rege magnificentissimè exciperetur, acriter ipsum corripit, corrigitque. Ita nullis blanditiis nostri deliniti, peccata Principum constantissimè redarguentes, æterno se exemplo, & merito posteritari

commendant. Qualiter autem eidem obtemperare, & revereri solitus sit Henricus Augustus, fufius in vita Popponius tradit *Everhelmus requir.*

Qualiter eodem tempore suspexerint, & coluerint Sanctum Odilonem Benedictus ipse summus Pontifex, & Henricus Imperator, consule Baronium ut inde merita ejuldem, ex opinione, & spe summorum orbis Principum facilius liceat æstimare.

A. C. 1015.

S. P. N. 535.

IM M E N S A Berwardi Hildesheimensis Episcopi merita memoranda forent, modo & sufficeret ingenium nostrum & compendium admitteret. Is totus noster, ab Oldacho nostro Hildesheimensi item ex Monacho Augiensi, Episcopo, educatus, post longos, & multos in Episcopatu, post Magistrum, labores, sub hæc tempora denuo noster factus, cucullo se denuo abdidit. Ei sub Otthone plurimum debuit Imperium ejus consilio administratum. Hildesheimensis Civitas eidem, & jura urbis, & mœnia debet. Sed plura in vita à Browero edita requirantur. Ita rursus civitate illustri per nostros Imperium ornatum, & munitius redditum.

A. C. 1016.

S. P. N. 536.

Post superatos gravissimos tumultuantis mundi fluctus, recipitur in felicissimum Religionis portum Arduinus Italiæ Rex, ab Italis adversus Hæricum Sanctus electus, Monachum in Cænobio Fructuariensi professus, in quo duobus annis in penitentia luctu perseverans, felici permutatione, pro terreno Regno cœleste acquisivit. *Carolus Sigonius, Phil. Pingonius, &c. Yepes, &c.*

Moritur hoc anno illustrissimus ille prodigiis Monachus Sancti Benedicti ppe Mantuam, de quo fusè *Yepes, & VVionius.*

Scripsit hoc anno præclarissimè ad Henricum Cæsarem, Berno Augiæ Abbas Religiosissimus, & doctissimus Tractatum de vera laude Regis; ut videas Sanctum Imperatorem non puerili solum in ætate, sed in omni etiam matura, & ad senium vergente nostrorum studiis circumdatum, atque contra omnem scelorum in cursum præmunitum fuisse. *Ex constantia Bened. & Ochem. &c.*

Eminet præcipua in Imperio auctoritate Erchenboldus Moguntinensis ex Mo-

Monacho Fuldenſi Archiepiſcopus, qui virtutis, ſapientiæ, ac Religionis fama eam Cathedram inſigniter illuſtravit. Studium ſuum in Deiparentem Virginē immortali monumento teſtatus, Baſilicam eidem, addito Canonicoꝝ collegio, exſtruxit, & dotavit. Ita ut ruſum in hodiernam diem Canonici S. Crucis, ita enim hodie in Eccleſia illa titulum gerit. Erchenboldo noſtro, eos ex quibus liberaliter ſuſtentantur ſumptus debeant *Broverus.*

A. C. 1017.

S. P. N. 537.

Speculum exactiſſimæ poenitentia exhi- bendus hoc anno Sanctus Hartke- rus Divi Galli Monachus, quem omnis jure merito poſteritas demiretur, & grata memoria ſe debito quadantenus exſol- vat, innocentiffimo viro pro tot nocenti- bus lucente, & in ſe ipſum animadvertente. De eo ſic Marianus Bucelinus. *Hartkerus inſignis Sancti Galli Monachus, plus quam triginta annos in cellula, in qua prius B. Pertherada Sacra Virgo, incluſa vixerat, ſum- mis vitæ rigoribus, cum propter cellula angu- ſtias erigere ſe nunquam poſſet, incurvus ſem- per ſtaret, ſanctiſſimè exi- gens, cum ante mor- tem Angelorum choros vidisset, animam ef- flavit, &c.*

Iterum præter plurimos alios è Princi- pibus, ſulcipit, & fovet Ordo noſter hoc anno potentiſſimam Hispaniæ Regnam Elviram Veremundi Secundi Regis Hi- pan. filiam, Alphonſi V. matrem: de qua conſul. Yepes hoc anno Tom. 5. cent. 6. Repullulatens in Gallia nequiſſima Ma- nichæorum Hæreſis opprimitur ab Ro- berto Rege, noſtris in primis rem ſubodo- rantibus, & Fulberto Carnotente noſtro, à quo Epifcopi omnes & Rex pendebant, rem urgente. Colligitur. *Ex Epistol. Fulb. & rer. Gall. Script.*

A. C. 1018.

S. P. N. 538.

Meritiſſimus ille de Re Historica B. Ditmarus ex Monacho S. Ioannis Magdeburgenſis Mersburgenſis Epifco- pus moritur. De quo his verbis Baronius, cum Borealiū Eccleſiarum cladem ex eodem deſcriptiſſet: Porro, *his enarratis, Dietmarus ſinem ſcribendi fecit, pariter & vi- vendi, anno ætatis, quadrageſimo primo, mul- tipli- ci quidem nomine commendandus, ſed in primis, quod in omnibus optimi paſtoris ſpecimen edidit, in cunctis ſemper ſui accuſa- tor exiſtens, aliorum verò commendator exi- mius. Ceditque inſuper ipſi magna laudi,*

quod iam argumentis mille, & exemplis innu- meris egregiè fidem Catholicam teſtatam reli- quit, adverſus tot gentiles apoſtatas, novato- res, qui noſtro hoc ſæculo emereſere. Hæc Ba- ronius.

Moritur hoc quoque anno Lamber- tus ex Monacho Petruſiano Conſtanti- enſis Epifcopus, cui inter plurima alia de- bent Conſtantienſes Cathedrale templū magnificentiſſe exſtructum & ornatum. *Ex Chron. Conſtant. Manuſc. Vidmero, &c. Conſt. Bened.*

A. C. 1019.

S. P. N. 539.

Ingens ruſum meritum Adalberonis Baſileenſium Pontificis, qui ope etiam S. Henrici, magnificentiſſimam illam, e- gregiis, mole, ſumptu & opere, Cathedra- lem Baſileæ Baſilicam condidit; hoc an- no præſentibus Auguſto, & Auguſta, & innumera Principum, ac Dynaſtarum in frequentia dedicatam. Inter ampliſſi- ma alia, quæ in gratiam dilectiſſimi Adal- beronis, Eccleſiæ tum Henricus contulit, fuit altare, ſui ſacelli Palatini: ſeu domeſti- ci, laminis auro ſolidis fabrefactum, ex- preſſis in eodem, quos vitæ ſuæ actionum- que tutelares præcipuos delegerat, Chri- ſtoque adſtantibus, Sanctiſſimo Patriar- cha noſtro Benedicto, SS. Michaeli, Ga- briele, pluribusque Angelis, ipſo Henrico cum Chunegunde conjuge ad pedes eo- rum geniculantibus. Debent inſuper (& ſi fortassis dein eis ſpoliati ſint, ſeu ipſi di- lapidarint,) Adalberoni Baſileenſes acce- pta tunc dominia duo, ſeu diſtriſtus, cum arcibus Pfeffingen, & Laudehre, ut planè poſteritatem omnem immortalibus me- ritis habeat Adalbero obſtriſtiſſimam, i- pſam etiam urbem, quam ſplendidè or- navit: modo ingrata Hæreticoꝝ lues ſeu agnoſceret, ſive agnoſcere vellet. *Ex Conſt. Bened. Viſtiſio, &c.*

Claret ſyduſ illuſtriſſimum Ordinis, Doctor egregius, Sanctiſſimus Oſbertus, ſive Olbertus, magiſter digniſſimus Ful- bert Carnotenſis, Monachus Laubiſenſis, de Belgis imprimis meritiſſimus, apud quos publicè lectiones Scholaſticas pro- feſſus, plurimum profuit, & doctiſſimos poſt ſe ſummo Europæ bono diſcipulos reliquit. *Truth. Yepes, Myraus, &c.*

A. C. 1020.

S. P. N. 540.

Moritur Sanctiſſimus VValbodo Epi- ſcopus Leodiſenſis, ex Monacho Sta- bulenſi, filius Godefridi Ducis, & Io- annæ Flandriæ Comitiffæ, Capella- nus

nus S. Henrici Augusti, & Imperii Cancellarius. Inter alia ejus merita, ut erat de omnibus, imò Imperio ipso meritissimus, erat professio Scripturæ, qua confluentes ad se discipulos egregiè instituebat, & perficiebat; in summis honoribus sibi vilissimus videbatur, etiam in palatio Imperatoris summi rigoris observantissimus, tantæ in pauperes propensionis, ut suppellectilem Ecclesiasticam in eodem exhauriret. De vigiliarum ejusdem, algorisque patientia miranda fusè describit Ægidius in Pontificibus Leodiensibus. Meritum rursus grande istud, quod longas inter Henricum Cæsarem, & Heribertum Archi-Episcopum Coloniensem, similtates ita composuerit, adeoque flexerit Sanctum Henricum ut Coloniam properans in Natalitiis Domini feriis publicè coram omnibus Heriberto fatistecerit.

Instituit etiam Processiones solemnes Cleri Leodiensis certis diebus ad Basilicam Cathedralen, multisque brevi Pontificatu præclarissimè gestis in amplexu sanctissimæ Crucis felicissimè exspiravit. Tantis à morte miraculis celebratus, ut Abbas S. Laurentii per Divinum nomen contestatus sit ut ab illis temperaret, tantæ Monachis fiebant per occasionem infirmorum noctu & interdiu molestiæ. *Ex Anselmo Leodiensi, Ægidio Auneavallensi, Capravillo, & Bucherio, &c.*

Floret multo nomine, & auctoritate Fridebaldus Abbas S. Vdalrici Augustæ, quem S. Henric. Imper. cui à confessionibus fuerat, tanto amore pariter, & honore prolequatur, ut quotiescunque curiam Imperat. adiret, ei cum primatibus assurgeret, & nunquam prius ipsi daret licentiam abeundi, quam aliquod cledonium pro munere acciperet à Rege. *Ex Steng.*

A. C. 1021.

P. N. S. 541.

CLaret meritis immortalibus celebratissimus Ss. Guido noster Monachus, & Abbas S. Crucis de Avellana sex Notarum Musicalium, ac manus Musices inventor, acerrimusque hostium Ecclesiæ, Hæreticorum expugnator. Is sub hæc tempora, cum instantissimis precibus numen sollicitaret, ut sibi facilem instillaret modum, tradendæ rudibus Musicæ, quo universæ Ecclesiæ ipse in hoc opem ferret, positum sibi in mente cœlitus sensit, eum ex initio Hymni. *Vt queant laxis resonare fibris, mira, &c.* delumi posse. Ad quæ

oculos conjiciens sex Syllabas, ut, re, mi, fa, sol, la, ex eo notans, novam vocum flectendarum edidit disciplinam, quæ in hunc usque diem à Musicis constantissimè observatur. Manum præterea, ut vulgo vocamus per litteras flexurus digitorum sinistre manus adjungere docuit, ex quibus omnis Musicæ perfectissima hodie redditur institutio, ut ex Musicorum omnium testimoniis, manifestum est. Ad hoc verò propositum scripsit de Musicalibus duos quos extare dicit VVion in Bibliotheca Georgii Fabricii. *Libr. ex Trith. VVione, Ypes, &c.*

De eodem sic ex Baronio Biscola: Guido, &c. *[Maxima omnium admiratione novâ discendi Musicam, rationem invenit, ita ut puer paucis mensibus disceret, quod pluribus annis, vix homo quilibet pollens ingenio ante capere potuisset, quæ etiam de causa Romam vocatus est à Benedicto Pontifice, postea vero sub Ioanne XX. Benedicti successore, anno ætatis 34. edidit de musica librum, quem Micrologum nuncupatum, dedicavit Theobaldo Episcopo Aretino. Videndæ ejus Epistolæ recitatæ à Baron. XI. &c. De eo contra Hæreticos scripsit suo loco, &c.]*

A. C. 1022.

S. P. N. 542.

HOc anno Imperatorem suum Henricum Ecclesiæ, & universum Imperium debet Sanctissimo Patriarchæ nostro Benedicto. Hic cum apud Casinum, ad vestigia Sanctissimi Patroni sui invisisset, asperissimo calculi dolore, (quo sæpius urgeri cōsueverat) solito vehementius cruciaretur, Benedictus clientem suum per quietem de cœlo invisens eo doloris, sensu ac molestia perfectissimè in reliquum vitæ tempus liberavit. Henricus postridie mane cōvocatis in exedram Theobaldo, ac Monachis humiliter eos ei sciscitatur qua tandem mercede remunerandum censeant, cujus opera desperatam ipsi valetudinem recepisset, cumque omnes exquisitis muneribus donandum pronunciasent, opelque Coenobii promptissimis animis eam in rem detulissent; atqui scitote, excepit Henricus, mercedem à me vobis dependi oportere, quorum parens Authorque Sanctissimus, recrudescente morbi acerbitate, confectum me ac penè deficientem proxima nocte sanitati restituit. Quæ cum diceret prolatis tribus calculis, quos mane è lecto confurgens ex nocturna Benedicti vaticinatione egresserat, lachrymis prægaudio ac Religionem perfusus, fidem miraculo adstruit.

De

De Donariis ab eodem, & Benedicto Summo Pont. tunc quoque presente S. P. N. oblati fuisse *Leo Ostiens. Baron. Scipio.*

Nec tatis Henrico magnas Regni opes Benedicto obtulisse, nisi seipsum quoque Magnus Imperator offerret: voto proinfecto, per sancte Deospondet Religiosam inter Casinates Monachos vitam, & ubi primum gravissimis Imperii curis se expediisset, abjecta purpura cucullum amplexum noster revera est factus, & priusquam licet cucullo se occuleret morte sublati pro voto, à Deo coronatus, & Benedictinis Cælitibus sociatus. *Ex Leone Ost. Baron, Scip. Const. Ben.*

A. C. 1023.

S. P. N. 543.

Claret B. Ledovinus Abbas S. Vedasti, summa apud Principes æstimatione quem virum plane dignum omnium dilectione Robertus Rex in script. Ch. appellat, & Varinus Bellovacensis Episcopus de seipso prædicat. *Ego meo bono omine interfui* (scilicet Consilio Regis Roberti in Compendio palatio) *cum ibidem tanti viri* (Leduini Abb.) *notitiam, & sacra Societatis præsidium paraverim mea dignitati.* Citat. Claud. Rob. Chart. in Episc. Bellon.

Fit Episcopus Halberstadenfis ex Monacho Fuldensi Branthous, multiplici egregiorum operum fructu celebratus; cui posteritas inter alia merita duo Canoniorum debet collegia S. Ioannis Bapt. intra urbem, alterum S. Bonifacii in Bosleve. Quibus utique sperandum, nostros exactis Hæreticis potitos, gratiam Branthoo relatuos. Lamb. Trith. Prover.

Claret egregium Germaniæ tydus Gothardus de cuius præclaro miraculo dum ad Consilium pergeret hoc anno Bar. Vid. Sed de viris hoc tempore ex Ordine illustribus doctrina, & sanctitate consulendi Yepes, & Trithemius, dignissima sane referentes.

A. C. 1024.

S. P. N. 544

Morte Sanctissimi Henrici nostri Imper. tristissimus hic annus, cuius præclare gesta omnia, nostris referenda, in acceptis, duplici nomine tum quod à nostris, à puero Henricus ad mortem usque regeretur, tum vel maximè quod Cassinatibus se devovens, totus quantus in purpura, ac cucullo fuisset, noster esset. Moriturus ad præsentis Episcopos, & Abbates, ait, recipite quam mihi tradidistis Virginem vestram, Chunegundam tra-

dens. De quibus Baronius. Vidit infatu-
læculum, nunquam hætenus visum in
continentia tantorum Imperatorum mi-
raculum; gloriaturque jure Germania u-
no se edidisse partu, Augustum, & Augu-
stam Sanctos Imperatores inter Sanctos
relatos ambos, & in tabulis Ecclesiæ per-
petua memoria illustres. Ita Baronius, ut
tanto magis gloriatur Ordo noster quam
Imperium, nostrum utrumque esse, &
Legibus iisdem nobiscum paruisse, qui
Orbi antea imperaverant.

Eodem anno Benedictus Pontifex
mortuus S. Odiloni æternum debet, ab
eodem ex purgatricibus flammis, testan-
te Damiano ereptus. Videndus idem Da-
mianus in Epist. ad Nicolaum S. S. Pont.
in qua recenset numerum eorum qui e-
xemplo Benedicti territi, ab Episcopali se
munere abdicantes, cucullum amplexi
sunt. *Vid. & Baron, alique.*

A. C. 1025.

S. P. N. 545.

Ipsa die anniversaria obitus Henrici Im-
per. ejus conjux Sanctissima Chunegū-
dis Augusta, in Monasterio Confugiensi,
à se erecto, in dedicatione ejus Basilicæ
inter Missarum solemnità; dimissis orna-
mentis Imperialibus, crineque deposito,
ab Episcopo Monasticum habitum sul-
cepit quem sibi ipsa, suis manibus opera-
ta fuerat, atque in eodem Monasterio ad
obitum usque annis quindecim perleve-
ravit cæteris monialibus summa humili-
tate deserviens, quæ pluribus descripta
habentur ab ejus vitæ Auctore, qui & mi-
racula ab eodem edita recenset. *Vid. Divos
Bamberg. Gretseri, &c.*

Eodem quoque anno noti minore ex
Ordine nostro æstimatione conjungere
se nostris gaudet, contempto insuper Ita-
liæ Regno Guilielmus, IV. Aquitaniæ
Dux Monachum in Monasterio S. Cy-
priani Pictaviensis professus. De oblato si-
bi Italiæ Regno ita ipse; *quantum enim in
ipsis fuit* (de Longobardis loquitur;) *partem
erat mihi Regnum Italia si unum facere volu-
issem, quod nefas judicavi, scilicet ut ex volun-
tate eorum Episcopos qui essent Italia depone-
rem, & alios rursum eorum arbitrio elevarem.
Sed abstineo me rem ejusmodi facere, ut pastores
Ecclesiæ quibus mei Patres semper honorem ex-
hibuerunt, quos ipse quantum valui semper
exaltavi, sine crimine in honorem sub hac con-
ditione, vellent mihi primores Italia me seu
filium meum Regem facere, &c.* Ita curas
ingentes Regni cucullo tantus Princeps
redemi.

A. C.

A. C. 1026. S. P. N. 546.

Illum triumpho implet, transitu, felicissimo Sanctissimus Burcardus noster VVormatiensium ex Latubiensi Monacho Episcopus; ad quem priusquam pro diademate Romam proficisceretur, conferebat se, tanquam ad patrem suum & nutritorem Conradus Cæsar; eum humanissime, & gratissime sibi salutandum duxit. Qui cum diu ante paralyti lecto decumberet, à Deo precibus obtinuit, ut valeret, dum Regem dignè suscipere. De sanctissimo ejus obitu, ut & insolenti vitæ rigore narrat in vita ejusdem quidam è domesticis. Reliquit, inquit Baronius, egregia sua pietatis, & ingenua monumenta, nempe libros viginti Decretorum, ex sacris Conciliis, summis Pontificibus Sanctisque Patribus collectorum, quorum novissimo libros penitentiales nempe, Romanum, Bedæ, & Theodori, simul jungens in viridem observantiam revocavit pristinam Ecclesiæ disciplinam. Insuper ad Clerum suum admonitionem in Ecclesià à Diacono post Sectionem S. Evangelii recitatam de his quæ præstanda essent ab ipsis, sexaginta sex brevibus capitibus distinctam scriptam reliquit, ut sic perseveraret apud nos in compendium redacta doctrina Canonum. Hæc Baronius.

Ita Sanctissimus vir Commodo Sanctæ universalis Ecclesiæ, maxima cum suatum Ordinis nostri gloria studuit, & seipsum impendit. Debent enim Vangiones Urbem suam, post everisionem, & excidium, restitutam muris, fossis, turribusque munitam. Ex Epitaphio, & gest.

A. C. 1027. S. P. N. 547.

Rursum cæli ingens gratulatio in triumphali occurſu Sanctissimi Romualdi nostri qui hoc anno ad gaudium Domini sui vocatus, innumeros meritorum manipulos, thesauro Ecclesiæ intulit & reliquit. De Romualdo sufficiat unum Hieronymi Plati testimonium adferre lib. 2. c. 22. de bono statu Rel. Romualdus, adeo, inquit, exemplo & Sanctitatis opinione homines permovit, ut nisi ipse met cohibuisset, totus terrarum orbis (sic enim scribitur) religiosam disciplinam subiturus videretur, &c. Ut nihil dicamus de nostris Europæ Regnis, quibus hoc ipso tempore, ab viris Sanctissimis, & Cluniacensium, & Camaldulensium ex Cōgregationibus ingens felicitas accessit, & quotidianis incrementis accrevit. Hoc ipso anno de Ægyptiis quoque ipsis ac O-

riente Sanct. Bononius noster meruit, atque in nostras illas Babyloniam, & Ægypti solitudines, Monachorum agmina, & semen condidit Religionis, & revocavit. Ita in vita ejusdem Monachus Locedensis: Evenit autem, inquit, fama ejus, & virtutum fragrantia ad Ægypti incolas pervadente, ut ea capti ac deliniti Ægyptii proceres, ac potior pars populi ad eum amore ac singulari benevolentia complectendum vehementer incitarentur: ita quidem ut potestatem facerent ea istis in locis restituendi, qua ad Religionis restorationem barbarica feritate conculcatam pertinere censuisset. Quod cum frequenterurgerent, gavisus pius Pater, & Deo, qui feroces barbarorum mentes mitigasset, gratiam referens, occasionem tantam minime sibi negligendam ratus, operi sedulo institit, primum divuta multis in locis templa restaurans; & post factum hoc Virtutum suarum, quasi spiritale fundamentum, Monasteria deinde plurima reparans, per quæ cætus Monachorum distribuit, Abbates constituit, eosque secundum à Divo Benedicto præscriptam Regulam Vitam Religiosè traducere jussit. &c. Vid. & Ypes, &c.

A. C. 1028. S. P. N. 548.

Iterum ingens terris lumen extinguitur, cælo exoritur; Beatissimus Fulbertus ex Monacho S. Petri Carnuti, Urbis ejusdem Pontifex; de quo Monachus Silviniacensis in vita, Sanct. Odilonis; Vir, ait, Sanctitate laudabilis sapientia mirabilis, in cujus morte studium Philosophiæ in Francia periit, & gloria Sacerdotum pene concidit &c. Sunt vero plurimorum de eodem Scriptorum dignissima Elogia ut Glabri Adelmanni Brixiensis, auctoris Historiæ Aquitanicæ, Antonini, Bellarmini, Baronii atque aliorum. In quo præter scientiam, & vitæ integritatem, maxime commendatur, quod erga Sanctissimam Virginem Dei Genitricem addictissimus servus, & promptissimus ejus amator fuerit, in cujus laudem librum conscripsit, basilicam construxit gloriamque cecinit; ab ea vero singulari remuneratus est dono, dum ipsi ægrotanti per visum apprensus, fugenda aperuit sacra ubera: sicut testatur Guillerinus, & ex eo Vincentius, qui etiam tradunt eum prophetiæ Spiritu fuisse imbutum; sed & in extremis positum, haud dubium reliquisse testimonium, de Berengario olim suo discipulo, cum à plurimis visitatus, inter alios oculis rimatus Berengarium, nisu quo potuit, expellendū censuit, eo testatus, im-

nem

nem Dæmonem prope illum consistere, multoque ad eum sequendum blandiente manu, & illicitis corrumpere. Testatur eadem VVilhelm. Malmesburiensis, de Berengario funestam texit historiã. Adversus cuius etiam errorem idem Fulbertus antidotum voluit reliquisse benè compositum, dum in Epistolis ad Adeodatũ, & Finandum, de veritate Corporis, & Sanguinis Christi in Sacramento Eucharistiæ, dogma statuit, ac disertè confirmavit. *Ex Bisciola, & Baron. &c. Vid. Cl. Rob. Sixt. Sen. Gualter. &c.*

A. C. 1029.

S. P. N. 549.

Quid speraret à Monachis nostris, quantique preces eorum, & vitam faceret Augustissima Galliarum Regum familia, pluribus agit hoc anno Baronius ex Helgardo Historico sincerissimo, qui ubi ab Hugone Magno ejusdemque conjuge Adelaide, femina, ut ait admirandæ pietatis, recensuisset constructa Monasteria, & Ecclesias, subjicit. *Erant siquidem, huic generationi speciales amici Sancta videlicet Maria, & Pater & Dux Monachorum, Sanctus Benedictus, Sanctus quoque Martinus, &c.* Ut inde quoque merita æstimes hujus temporis Monachorum, quando in iisdem ceu thesauro Regni sui, spem post Cæliares omnem maximi Reges repositam habuere. *Vid. Baron. hoc anno.*

In Vngaria ingenti à nostris fructu laboratum de Copia Sanctorum nostri Ordinis in eadem, ut & vitæ res gestas Sancti Anastasii nostri, primi Coleciensis in Vngaria Episcopi vide fusc Ant. de Yep. t. 5. cent. 6. ut & de Sancto Emmerico, Sancti Stephani Regis filio, nostris Monachis familiarissimo, immo ab iisdem educato, qui Castitatem cujusque ex odoris fragrantia dignoverat, memoratu dignissima, apud eundem, & Bonfinium atque Cartuium, &c.

A. C. 1030.

S. P. N. 550.

Iterum Orbi universo summa Dei liberalitate novus exoritur Phæbus, lumen insolens, mirandum, immo ex sole tanto, calor fovendo agro Dominico aptissim⁹, unde exin fructus incredibilis consequutus, in sanctam Dei Ecclesiam: Sanctissimus Ioannes Gualbertus, qui cum inimico, quem in potestate habebat, per Christi passionem, quæ ipso die colebatur salutem deprecanti, non solum ignovisset, sed etiam ultro eum amplexatus, fratris loco,

quem is occiderat, accipere se dixisset, tātopere id factum Deo placuit, ut eo statim Ecclesiam proximam ingressò, Crucifixi imago lignea, ad quam orabat quasi ei ad blandiens, caput inflexerit, ita ut crepitus è ligno audiretur, insuper etiam eidem Religioe vitæ amorem inspirarit, quò accensus, cum Monachi S. Miniatis ipsum metu patris ejusdem, recipere metueret, ille cucullo Fratris cujusdam apprehenso, ipse se eo, veste prius in altari posita, induit, & ingenti deinceps in Domo Dei, fructuum copia multiplicatus in gentem deinceps magnam crevit, ut suo loco dicemus. *Ex Ant. de Yepes. Vita ejusdem.*

A. C. 1031.

S. P. N. 551.

Ingens hoc anno meritum S. VVilhelmini nostri, flagrante bello civili, Galliarum Regno, cum Robertus, & Henricus filii contra Robertum Patrem insurgerent, sedatis nimirum discordiis, quas ambitiosa de eorundem in Patris Regnum successionem cogitatio succenderat. Eos Pater cum dein acriter persequeretur, paulo post agente eodem VVilhelmo ad pacem redeuntes benignè recepit. *Requirendus Glaber. Baron. Bisciola alique.*

Euehitur hoc anno ad Archiepiscopale Cathedralis Moguntiarum culmen Sanctissimus ille Bardo Hersfeldensis Monachus à Sanctitate eximia, & gestorum gloria, toto orbe decantatissimus de quo fufius. *Trithem. Yepes alique consulendi.*

A. C. 1032.

S. P. N. 552.

Claret eximia Sanctitate in Cænobio Cluniacensi S. Casimirus, dein Poloniæ Rex, insigni Dei providentia quo deinceps Regno magis prodesset in Cænobio institutus, cum ipse nihil minus quam Regnum cogitans, in cucullo, se Regni cælestis triumpho appararet, nec porro quidquam de terreni Regni curis somniaret. *Ex vita, & Anton. de Yepes. Menologio nostro, &c.*

In Regno Vngariæ Magnus ille Hungarorum Apostolus Sanctissimus Gerardus Monachus Sancti Georgii Majoris, incredibili fructu operatur, Regnum etiam ipsum, Vectigale, novo plane instituto facit, Magnæ illi Cælitum Imperatrici, Matri Virgini, cujus non minori studio, cultum & amorem quam alii è nostris fidem, propagat. *Ex Vita & MS. diversis.*

A. C.

A. C. 1033.

S. P. N. 553.

Moritur egregius & piissimus Franco-
rum Rex Robertus, affectu & pro-
pensione non solum, verum & societate
noster, quibuscum plerumque conver-
satus, etiam chorum adiit, Psalmos con-
cinuit, in hoc Hugonem patrem imita-
t^o, qui pari pietate nō tā nostrorum quā
noster fuit. Monitionem supremam fi-
liis datam, alii Roberto, plures Hugoni
hanc tribuunt; Specialiter tibi inculco
nullo pacto, Ducem omnium, Patrem
dico BENEDICTUM, à te patiaris divelli
illum apud communem judicem salutis
aditam, tranquillitatis portū postq; carnis
obitum securitatis asylum, &c. *Ex Hel-
galdō, Chron. Mag. Belgico, Baronius, Ye-
pes, &c.*

Profecit nostrorum convictu, & insti-
tutione ita Robertus, ut etiam prodigiis
eximplendesceret, debiles solo tactu, &
Crucis signo curaret, cæcum, quasi per jo-
cum aspersa dum man^o lavaret, aqua illu-
minaret, &c. Et sane tantos hoc tempore
Cæsares, Reges, Principes, omnia fere Re-
gna nobis debent, *Helgald. &c.*

Moritur eodem anno S. Guilielmus
Abbas S. Benigni, discipulus S. Majori in
vita, & post mortem, prodigiose meritis
clarent eodem tempore, multa in Ordine
Sanctorum millia, imò si quis numeret
benè, in quavis Cluniacensium, Camul-
dulensium, &c. congregatione, nullum
numeret, quando numerum pene in nu-
mero non depræhendet. *Vid. Yepes, VVion.
Trith. &c.*

A. C. 1034.

S. P. N. 554.

TOta Europa fama repletur Sancti Pop-
ponis Stabulensis Antistitis qui meritis
plurimis universam Ecclesiam demere-
tur. Ea expendens Conradus Impera-
tor Cathedra Pontificali sublimandum
censuit. Proin vacante tum Sede Argen-
tinenfi Popponem Episcopum esse iussit.
Sed qui obedire in vita omni didicerat, in
uno hoc Imperatori restitit, evicitque, ut
ab hoc quidem liber onere, à graviore
tamen minimè esset; quippe Conradus
humilitate viri magis incitatus, plurima
primum illi Cœnobia restituenda, dein
provincias etiam integras commisit, ut
insignis paulo post Monachorum exerci-
tus Imperator, esset. Ejus inde labores
fructus haud immodicus consequutus, &
fervor Monachorum, in incendium etiā
læcularium excrevit. Ita ferventibus no-

vis Cluniacensium atq; Camuldulensium
institutis, novis ignibus Belgium, & Gallia
summo cum Ecclesiæ universæ splendo-
re, exarsit. *Ex vita Yepes, &c.*

A. C. 1035.

S. P. N. 555.

Monachorum nostrorum in Sinay
Arabiz monte Sanctitatem, & me-
rita describit Antonius de Yepes noster,
hoc anno Tom. 6. cent. 6. led & de Beth-
leemitico Cœnobio nostro, & de S. Syme-
one hujus primum Cœnobii Monacho,
dein Sinaytani Monasterii Rectore, qui
mira denique providentia Numinis ab
Oriente, in Occidentem delatus, Treve-
ris Sanctissimè obiit. *Vid. Yepes eundem, &
vitam Sancti Symeonis, VVionem item plures-
que alios, &c.* Fuit Symeonis Cœnobium
eo tempore, quo fames inaudita Ægy-
ptum, Arabiamque premebat, Regnorū
illorum indeficiens horreum, & prom-
tuarium, dan te DEO precibus Mona-
chorum nostrorum, ut quantumcumque
quotidie erogaretur, in undique conflu-
entem multitudinem, nunquam tamen
copia ad elargiendum non suppeteret.
Tantum possunt, & potuerunt semper
Monachorū ad Deum vota, & suffragia,
quod mille exemplis, omni que sæculo fa-
ctum est quam testatissimum.

A. C. 1036.

S. P. N. 556.

Berengariana scelestissima Hæresi jam-
jam in apertum erumpēte, nostri qui-
cunque cellulis abditissimi, quo S. R. Ec-
clesiæ defensione erumpentes, omnibus
viribus, in ea explodenda, convincenda,
& evertenda laborant. Inter primos, præ-
ter Fulbertum nostrum, qui nec dum in
publicum emergentem straverat, & Be-
rengarium ipsum prophetico spiritu, gra-
viter perstrinxerat, & notaverat, fuere Ro-
gerius Corbeiz Saxonica Monachus Al-
geerius ejusdem eodem in Cœnobio col-
lega, & Adalmannus Fulberti discipulus
(ut in Fulbertum etiam Secundariū glo-
ria cadat) qui doctissimis scriptis Ecclesiā
fortissimè propugnauerunt, & nomen
suum æternæ memoriæ immortaliter merito
consecrarunt: Rogerius tres contra Be-
rengarium libros, & alia nonnulla edidit:
Algerus, præter libros, itidem tres contra
Hæresiarcham eundem, etiam aliis non-
nullis repullulascensibus Hæresibus oc-
currens, librum etiam scripsit doctissimū,
de gratia, & libero arbitrio, plura insuper
alia ingenii monimenta reliquit, & Epi-
stolas nonnullas, ex quibus abunde de zelo

nostorum, & meritis lequuturum constare æternum possit posteritati. *Trith. Caulber. Yepes, VVion. &c.*

A.C. 1037.

S. P. N. 557.

NON contentus suo apud Ungaros Apostolatu, & Silesios ad fidem convertit Sanctissimus Gerardus, primus Canadinensium in Ungaria Episcopus, de re Christiana meritissimus, qui gravissima inter pericula imperterritus, ne in Episcopali munere, quidquam de rigore Monastico remitteret, apud urbes, ad quas concionaturus veniebat cellulas sibi in silvarum secretioribus locis construxit, in quibus ligatus pernoctasse, multasque afflictiones soli Deo cognitatas pertulisse memoratur. Ex vita, & Ant. de Yepes, &c.

Ita præter fidem Silesii, & Moravi debent etiam primam in suis finibus Cathedralē Ecclesiam, primumq; Sanctum Pontificem, tutelarem, & Apostolum Ordini nostro.

A. C. 1038.

S. P. N. 558.

B Hermanus contractus ex comite Veringenfi Augientis Monachus novum Orbi, & Ecclesiæ sydus exoritur. Ei, cum Deigenitricem pro valetudine consequenda precaretur, ab eadem per visum optio datur: utrum omnium Scripturarum scientiam an bonā corporis valetudinem consequi mallet: cumque illud huic prætulisset, ex eo tempore, cum rudis esset, & idiota, rebus tamen spiritualibus, ac pietati deditus, & scripturarum studio accensus, usque eo profecit, ut & in divinis literis, & in omnibus humanis disciplinis Philosophia, Astronomia, Musica, Poesi ad summam eruditionem perveniret, nulloque ætate sua secundus fuerit. Trium quoque linguarum idiomata, Latinæ scilicet, Græcæ, & Arabicæ (cuius quidē usus ad Philosophos Arabes intelligendos qui eo tempore clarebant, non parum utilitatis afferebat) perinde callebat, ac si eas cum nutricis lacte suxisset. Inter alia quibus egregiè de posteritate meruit, sunt:

De Musica. lib. 1.
De Monochordo. lib. 1.
In considerata mora.
De sex ætatibus mundi. lib. 1.
A. B. pars I.

Prima est mundi huius, &c.
De Compositione Astrolabii. lib. 3.
In metienda igitur, &c.
De Utilitate Astrolabii. lib. 1.
Quicunque Astronomica, &c.
De Eclipsibus. lib. 1.
De Computo. lib. 1.
De quadratura circuli. lib. 1.
De Conflictu Rhythmicæ. lib. 1.
Qui peritus Arithm. &c.
De Physiognomia. lib. 1.
Clari viri, & prud. &c.
Vita plurium Sanctorum. lib. 1.
Chronologia Vniversi. lib. 1.
Extat tomo 1. Canis. &c.

Ex MS. Aug. & S. Galli. Trith. Ioan. Bonifac. Spinello, & innumeris Auth.

Moritur hoc ipso anno felicissimus Vngariæ Rex, Sanctissimus, Stephanus totus noster, cum à matris utero à nostris susceptus, ab eorundem nutu, & arbitrio ad mortem usque pependerit. Inter alia præcipuè celebrandus, quod primus Virginum Virgini Admirabili Matri, sceptrum, coronam & Regnum, *Suadente, & efficiente Sanctissimo nostro, & Principe Vngarorum Apostolo Gerardo* obtulit & Vngarorum gentem dignissimo nomine, familiam Sanctissimæ Virginis, appellavit. & esse meruerit. Ex vita, & rer. Vngar. Script.

Gisla Regina S. Henrici Imperatoris soror, S. Stephani Regis uxor à morte mariti viduitatem solata cucullo est; in quo pleniorē felicitatem quam in Regno experta, vitæ rara integritate, merita est, ut Helicæ S. Henrici Imperat. & suæ amitæ in Abbatiæ honore Patavii succederet, in quo honore plurimos annos sanctissimè transigens, ad Regnum Regis Regum evolans, Stephano rursus suo feliciore societate iuncta est. *Ant. de Yepes, sepulchralis inscriptio, Avent. &c.*

A.C. 1039.

S. P. N. 559.

Iterum alius è nostro Ordine Heros egregius, pro Sancta Dei Ecclesia adversum. Inferi & Berengariorum exercitum insurgit, & in campum descendit Beatissimus Guido Aretinus S. Crucis de Avellana Monachus, superius de admiranda tradendæ Musices ratione, & inventionē laudatus, qui libro doctissimo de Corpore, & Sanguine Domini in Sacramento Eucharistiæ errores de-

T restan-

testandos Berengarii rejecit oppressitque. *Vid. Trith. de vir. illust. Ord. S. P. N. & de script. Eccle. Sigebertus Volaterranus, August. Florent. &c.*

Scriptorum Ordinis nostri illustrium numerus ingens excelluit. Bernonis tamen Augiæ Abbatis super alios virtus enituit. Cui præter innumeros, eosdēque communes cum Regibus, labores & onera, studium litterarum perpetuū fuit, ut labores eius, cum ociosissimi hominis liberalissimo ingenio metireris. Vnius tantum anni labores referimus, unde cæterorum fructum omineris: fuit liber unus, De jejuniis Sabbathi, de officio Missæ alius, De Ieiunio quatuor temporum item alius. Et quod miramur maximè seria ipsum ludicris tam scitè interposuisse, ut Mathematica juxta, & Musica interferens, de Musica & Symphoniarum Regulis, librum cōcinnaret; alium insuper de Monochordo mensurando, ultra Regulam Boethii, & Guidonis, supponendo unum tonum Tetrachordo Hypathon, & cōtra usum majorum in ipso utiliter inferendo synemeton scriberet. *Vid. Constan. Bened. Chron. Aug. &c.*

A. C. 1040.

S. P. N. 560.

Circa hoc tempus replet Ecclesiam Vniversam novo gaudio, novo plausu Sanctissimus Gerardus Canadensis Primus Pontifex, propagato eius sanctissima consuetudine in Orbē Vniversum, insolenti tunc titulo nunc Germanis nostris Germano: Dominæ Nostræ. Cum enim ille, inter cultores Admirabilis Matris præcipuus, nec nomen quidem illius exaudire, nedum proferre posset, quin totus amore eiusdem in lachrymas deflueret, & quasi colliquesceret, remedium Passionis inveniēns Dominæ Nostræ titulum primus evulgavit, qui dein per orbem paulo post universum invaluit. Ut deinceps Vniversus omnino Orbis, eandem ex Ore Gerardi nostri, utinam eodem ex affectu consalutarit. Et apud Vngaros primum, Gerardi instituto, insolentior cultus Reginæ suæ crevit, dein apud orbem invaluit, & omnem posteritatem.

Obiit eodem anno S. Chunegundis nostra Imperatrix. *Vid.*

Grets. &c.

A. C. 1041.

S. P. N. 561.

Remisit hoc anno, si quis unquam benè fuerit institutus, formatissimū Regno, Regem, Sanctissimum Casimirum, Cluniacense Canobium, septem jam annorum, probatissimum omni virtute, & exactissimo vitæ rigore, Monachum Diaconum. His conditionibus absolutus à Romano Pontifice Religionis votis.

1. *Vt Poloni singulis diebus Mercurii jeiunent unica tantum refectioe contenti.*

2. *Vt iidem omnes, rotunda in morem Monachorum tonsura capillorum utantur nec ultra auriculas, ritu barbarico quisquam omnino comam promittat.*

3. *Vt festis solemnibus dum sacra peraguntur, singuli equites fasciam lineam candidam in modum stola, qua in sacris utuntur Sacerdotes, atq; Diaconi, è collo suspensam ferant.*

4. *Vt de singulis capitibus, exceptis nobilibus, & qui sacris addicti sunt quotannis tres oboli, & cribrum avena in lucernam perpetuo in D. Petri ad arsum pendantur.*

Quam utilis Regao, gloriosus Ecclesiæ, Monachus hic ad Regnum subvectus fuerit alibi dignius commemorabimus.

A. C. 1042.

S. P. N. 562.

OVone sive Vuone Tyranno, contra Petrum Vngariæ Regem insurgente, Principibusq; ac clero universo, uno ferme omnium consensu Tyranno consentientibus, sane manum dantibus, cū ab uno Gerardo nostro maximè coronari, & eius gratiam demereri Tyrannus satageret plus quam Herculeæ constantia, Apostolicus Præsul Tyrannum rejicit. Sed & cum ad eius Ecclesiam profectus cum universo Pontificum ac Principum comitatu Rex eundem quā humanissimè invitaret, & ab eodem coronari expeteret, Gerardus primum quidem nec ingredi Ecclesiam annuēs, mox ingressus ac suggestum conscendens, publice Regem præsentem coram omnibus redarguit, prædicens eum anno tertio usurpati Regni ultore gladio periturum. De Sancti Pontificis Constantia vide pluribus agentem *Baronium & vita Ger. script. aliosque*. Vnde colligas quam potior nostris semper iustitia quam adulatio fuerit.

A. C.

A. C. 1043.

S. P. N. 563.

Meritis innumeris gratiam merentur à Numine Orbi universo, & misericordiam innumeri Sancti ex Ordini nostro Monachi, precibus singultibus, votis ac suffragiis assiduis; quorum in uno Cænobio Cluniacensi Sanctorum subinde sub hæc tempora milia numerata, non repentina, ut sic loquamur, gratia gratis data in numerum Martyrum cooptatorum, sed longo perfectionis usu sanctissime conviventium. Decuius Cænobii admirando profectu, ac in Ecclesia Dei fructu requirendus *Antonius de Yepes tomis 4. 5. & sexto.*

A. C. 1044.

S. P. N. 564.

Iterum ex ordine nostro caput Ecclesie Vniuersæ petitur, & statuitur Sanctus Gregorius IV. Pont. Maxim. qui initio statim Pontificatus de Romana Ecclesia ita meruit, ut eidem immortaliter successores debeant; quippe Romani Apostolatus statum per incuriam antecessorum diminutum, in antiquum ius reformavit, grassatores ac prædones, precibus partim, partim armis coercuit, multas possessiones, & civitates ad Romanam Ecclesiam pertinentes recuperavit, pacem denique & securitatem quasi postliminio reduxit. *Ex Const. Caietano, Baronio, Malmesburiensi.*

A. C. 1045.

S. P. N. 545.

Afflictissimum Poloniæ Regnum Ajuvit egregiè, & restituit Sanctus Casimirus Monachus Rex, ut jure merito verum Patriæ Patrem Poloni hodieque, & præcipuum ab Adalberto Regni Tutelarem, imo Apostolum agnoscant. Is hoc anno compositis Regni rebus Legationem ad Pontificem mittens, promissionem de obolo superius memoratam confirmavit. Quippe magno Principum Regni conventu celebrato, eorum consensu impetrato, æterno sane meritò, & pulcherrimo exemplo Regnum Poloniæ Romanæ Ecclesie, & Vicario Iesu Christi summo Pontifici feudale seu Tributarium fecit. Quæ verò ex hac submissione ac donatione, quamvis graviter principio proceres Regni acciperent, & ferrent, Regno deinceps commoda consequu-

ta, narrat Longinus Polonus, & nequiter Chromerus prætermisit. *Vid. etiam Baron. &c.*

Moritur hoc anno Sanctissimus Guntherus, S. Stephani Vngarorum Regis cognatus, Monachus Althahensis de cuius prodigiosissime gestis videantur. *Matt. Raderus, &c. & Henr. Canis.*

A. C. 1046.

S. P. N. 566.

Exemplo humilitatis stupendo sanè, & inaudito, Sanctissimus Gregorius noster, cum eidem instaret Henricus Rex, prætextu indignissimo ambitione occultans (quod absq; assensu suo electum doleret) ut summo se Pontificatu abdicaret, cernens ea occasione gravissimum denuo schisma cõflandum, imitatus ipse Gregorium Nazianzenum, qui ob pacem Ecclesie conciliandam Episcopatu Constantinopolitano sponte se abdicavit, & ipse eodem anno, eademq; virtute, Pontificia sede Romana libenter cessit, & ad Cluniacense secedens Cænobium, ibi vitæ reliquum securius, quietiusq; sanctissime transegit.

A. C. 1047.

S. P. N. 567.

Iterum Regnum præstantissimum Sanguinis Benedictini purpura insignitur, Sanctissimi Vngarorum, Moravorum, ac Silesiorum Apostoli Canadinensis Episcopi Gerardi, qui primus in Vngaria Martyr, inter protomartyris laxa, & verba occumbens triumphantem in cælos misit animam 24. Septembris: Si quis unquam Sanctorum de cælo meritis, qui Cæli Imperatricem, ita terris colendam instituit, ut nemo unquam eius ita honorem promeruerit, de terris iterum meritis, ut qui Amatores Magnæ Matris omnes exemplo præiverit, & eius amore mundum accenderit. *Videatur vita eiusdem à nobis in compendium redacta post partem 1. Operum Gerardi Belga, Yep. &c.*

De B. Petri Damiani nostri apud Pontificem Max. ac Imperatorum auctoritate requirit, hoc anno Baron. &c.

A. C. 1048.

S. P. N. 568.

Moriur hoc anno Sanctissimus ille Abbas noster Odilo quem tali ex Baronio encomio colit Bisceiola. *Hoc anno, eiusdem exordio, Calendis Ianuariis Admirandus ille Odilo Cluniacensis Abbas, sa-*

culi huius astra lucidissimum, quem, ut vidimus, Reges, Imperatores, atq. Romani Pontifices coluere, quemq. pro egregia virtutum excellentia, Fulbertus nominat Archangelum, ex hoc mundo apud Silviniacum migravit ad Cælum. Consulendus prolixior in eius laudibus Baron. Quot vero eidem se erepti debeant ex Purgatorii flammis animi, quot è mortis animæ atque corporis vivi faucibus, nulla unquam satis poterit lingua exponere seu exprimere leg. Yepes, & Biblioth. Cluniac. &c.

Petiit eodem anno, haud imparibus meritis cælum, Sanctissimus Poppo Stabulensis Abbas, de quo Baron. & vita auct.

A. C. 1049.

S. P. N. 569.

Afflictissima diu Romana Ecclesia variis dissensionibus, hoc denique anno felicissima novo Pontifice reflorescit, Sanctissimo Leone IX. ex Tullensis Canobii Monacho, ac dein eodem nomine Urbis Episcopo, ad summum Pontificatus culmen evecto. Is cum auctoritate Imp. Henrici II, Pontifex renunciatus, habitum Pontificiũ, quo indutus Romam petebat, suasionibus, & consiliis Abbatis Cluniacensis, & Hildebrandi Monachi (qui postea fuit Gregorius VII. PP.) tanquam male acquisitum dimisisset, & seipsum Pontificatu abdicasset. *Electione libera clero, & populo Rom. restituta* (ecce quantum bonum à Monachis) factum Deus insigni miraculo comprobavit voce de cælo lapsa dicente: *Ego cogito cogitationes pacis, & non afflictionis.* At vero Romanus Clerus, eundem Pontificem elegit quo eodem ipse die consecrationis munus, & coronationis insignia suscepit. Cæpit Pontificatum ingentibus statim meritis Leo, & Concilia eodem anno tria, insolenti planè usu, sed summo Ecclesiæ bono, Papiæ, Rhemis, & Moguntiz celebravit, Simoniacæ Hæresi funestissimum bellum indixit, nefanda carnis vitia (suadente, & incitante in primis S. Petro Damiano nostro) excidit, & miraculis insuper ipse illustris, Ecclesiæ honorem, & decus perpetuum addidit. *Vid. Baron. &c.*

Inter præcipua merita, Leoni adscribit Baronius. S. Humbertum nostrum una secum Romam adduxisse; ita enim ait: *Debuit plurimum Ecclesia Romana Leoni, qui tantum virum* (Humbertum

Tullensem item Monachum) otiosum fortasse in Lotharingia commorantem, his opportune temporibus in orbis theatrum, pro universa Ecclesia Catholica constituit laborantem. Sed de hoc sæpe inferius. Eum Leo hoc statim anno ad prædicandum Siculis Verbum Dei Archiepiscopum ordinavit, dein ad Cardinalatus apicem promovit. *Vid. Lanfr. Bar. Vita Leon.*

A. C. 1050.

S. P. N. 570.

Hoc uno anno, quo Remp. Christianam imminente gravissimo malo, Hæreseos Berengarianæ liberaret, summo Ecclesiæ Univerſæ bono duo Romæ Concilia celebrat Leo noster Summus Pontifex. In altero eorundem Conciliorum, transtulit Leo Patriarchatum Gradenſis sedis ad Venetos, adeoq. eorundem gloriam mirificè auxit, ut tantum honorem, Leoni nostro, jure merito posterì Venetorum referant in acceptis. Eiusdem voluntate, celebratum item Coyacense in Hispania Concilium, ita ut plurimis subsidiis, auctoritate, industriaque Leonis Ecclesia universa egregiè iuvaretur. Ex Seu. Binio Baron, Lanfr. &c.

Claret egregia nominis celebritate & eximiis apud Polonos meritis Aaron Archiepiscopus Cracoviensis ex Monacho Cluniacensi de quo *Vid. Mart. Cromerus in Pol. Hist. l. 4.* De plurimis nostri Ordinis eximiis sub hæc tempora Sanctis, Episcopis, Abbatibus, Monachis, leg. Yepes, & ipse Baronius, de Roberto Alvernensi, Alferioque Cavenſi, viris Sanctissimis, & miraculorum frequentia verè prodigiosis.

A. C. 1051.

S. P. N. 571.

Permagnis incrementis, instituitur propagaturque incredibili Ecclesiæ ornamento, universi commodo, cæli applausu Sanctissima Ordinis nostri Congregatio Vallumbrosana. Ipso etiã anno, eius Sanctissimus Institutor Ioannes Gualbertus Leonem Pontificem in monasterio Passiniano hospitio excipit, & miraculosè, grandi prodigio, in aqua nullius unquam Piscis ferace, capitis duobus miræ magnitudinis Lucis imensa reficit. *Ex vita, & Baron.*

Iterum Leo, meritisissimus Pontifex, totum se impendens necessitatibus Ecclesiæ, Romæ Concilium congregat, & plura utiliter sancit, & nequissimum libidinis scelus undiq. proſcribit. *Bar.*

Dedit

Dedit iterum Moguntiz Ordo noster, Patronum seu Tutelarem Divum Bardonem, qui hoc anno Archiepiscopali honore, & vita defunctus, intercessurus Numen inter ac Moguntinos, celos petiit. *Ex Baron. Brovvero, &c.*

Quanti habitus toto orbe S. Hugo Cluniacensis Abbas, multis probare possemus, si vacaret, constet saltem ex hoc, dum summis Orbis Principibus prælatus ab Henrico III. Imp. accersitus est, ut filium ex Agnete Imp hoc anno natum, è sacro fonte levaret. *Ex vita Mathild. Baron. &c.*

A.C. 1052. S.P.N. 572.

Ingens Leonis studium, immortalis commendatione dignissimum, quo Sanctissimus Pontifex difficilimo itinere in Germaniam hoc anno properavit, ut gravissimas inter Henricum Imperatorem, & Andream Vngariæ Regem discordias componeret. Ita cordi nostris pax publica semper fuit, ut mille eiusmodi exempla suppetant, quæ si vel unica solummodo essent, æternam Ordini ab Orbe gratitudinem meruissent. *Ex Baron. &c.*

Profligavit hoc anno æterna cum Ordinis nostri gloria, unus noster Petrus Damiani damnatissimam exurgentem adversum S. Ecclesiam Hæresim de reordinandis ordinatis à Symoniacis gravissimis scandalis ac perplexitatibus mundum involventem. De cuius mirando sane triumpho, ita ex Baronio Bisciola: porro cum adversus novam eiusmodi de reordinandis ordinatis à Symoniacis emergentem Hæresim Petrus disputasset, demum in fine compellat Episcopos omnes, ipsumque etiam Summum Pontificem ut iam matura zizania ad messem parata, & à tritico separata tradant ad comburendum. Cuius quidem scriptionis tanta fuit auctoritas, ut nullus amplius sit repertus, qui eidem fuerit patrocinator erroris, &c.

A.C. 1053. S.P.N. 573.

S. Leo Papa cum Imperatore egit de Northmannorum insolentissima, & intoleranda immanitate ab Ecclesiæ cervice deijcienda, & priusquam contra Northmannos propugnaretur, egregio sane exemplo contestatus, quid à Monachis ipse, & Ecclesia subsidii speraret. Cassinum profectus, se prius omnino Monachorum precibus com-

mendatum voluit, multis argumentis suam in eosdem benevolentiam designans. Captus dein à Northmannis, ipsis etiam hostibus venerationi fuit. *Ex Bar. &c.*

De Leonis meritis ita Desiderius Abbas Cassinensis, qui dein Victor III. fuit: *Vir per omnia Apostolicus, regali genere ortus, sapientia præditus, Religione conspicuus omni Ecclesiastica doctrina apprime eruditus, ac qui (quemadmodum scriptum est) cepit invocare nomen Domini. Quem ipse etiam vidi, eiusque familiaritatem habere merui: sepe etiam eo in Ecclesia Missas celebrante, cum illo ad Divinum altare sacris indutus vestibus steti, eique Evangelium legi. A quo omnia Ecclesiastica studia renovata, & restaurata, novæque lux mundo visa est exoriri. Hic sepe sacerdotale Concilium advocans, sacerdotes, Diaconos, & reliquos clericos non regulariter ordinatos removit, & in eorum locis ad veri, & Summi Dei cultum, qui digne ministrare possent constituit. Quotidie quoque per se suosque discipulos ubique missos, populis viam Domini litteris, & verbis prædicans ostendebat. Qui per Apostolicam viam semper gradiens Apostolicos etiam viros in miraculis est imitatus, &c. Ita Desiderius.*

A.C. 1054. S.P.N. 574.

Illius hoc anno summa cum potestate à Leone IX. in Orientem legatus S. Humbertus noster S.R.E. Cardin ex Monacho Tullensi, ut Constantinopolitanam Ecclesiam cum Romana conciliaret, & Græcorum errores confutaret, qui tanta maiestate, & verborum facundia, de fide sacrosancta coram Imperatore disseruit, ut & Michaelém Constantinopolitanum, & Leonem Acridanum Episcopos confunderet, Nicætamque Pætoratum Monachum, in præsentia Imperatoris, & præfatorum Episcoporum librum suum, quem contra Romanam Ecclesiam conscripsere, anathematizare, & manu propria comburere coegerit. Quidquid autem disputando dixit, ipse dialogice scripto complexus posteritati ingenii æternum monumentum reliquit. *Vid. Plat. l. 2. capitul. 32. Leo Ostiensis, Baronius Trithemius, Vion, Yepes, &c.*

Moritur eodem anno S. Leo IX. immensa meritorum copia opulentissimus & à morte etiam prodigiis à Deo honoratus, & ab Ecclesia inter Divos relatus.

Eum inter alia Baronius à singulari Angelorum cultu commendat, inde Confortio Angelorum dignum esse habitum. Is hortatu Damiani nostri totum se ad extirpationem Hæresis Berengarianæ, dein ad vitiorum carnalium excidium convertit. Sepulchrum Dominicum restituit, Germaniæ patriæ, omni modo consuluit, plura concilia celebravit, in suos, Monachos nimirum propensissimus, eos unice coluit, bis minimum Cassinatem Montem adiit Pontifex, & Monachorum ibidem pedes lavit. *Vid. Baron. Plat. Ost. &c.*

Obiisse hoc quoque anno B. Hermannum Contractum nonnulli habet, ei Ecclesia præter plurima alia debet, cælestem planè illam Antiphonam seu salutationem Beatissimæ M. V. *Salve Regina, &c.* item *Ave Regina Calorum, &c.* & *Alma Redemptoris, &c.* ut eo jam tot sæculis interprete ad Maiestatem illius Augustissimæ Cælitum Imperatricis totus Orbis, Clerus, ac populus utatur &c. De Antiphonæ illius solemnibus: *Salve Regina, &c.* præstantia ita inter alia S. Bernardus, à Summis labiis Canticum istud effusum venit. Habet enim fundamentum eius in montibus Sanctis, &c. A Sanctis compositum, à Sanctis institutum, digne frequentabitur etiam à Sanctis. Et verè nisi à Religiosis, & affectione Sancta ferventibus, nec subtiliter intelligi, nec efficaciter poterit decantari. Est enim tam suave ad gratiam, tam fecundum ad sensum, tam etiam profundum ad Mysteria. Tale enim est, quod à nobis considerari, & discuti, prout dignum est non valeat, &c. *Vid. in oper.*

A. C. 1055.

S. P. N. 575.

Admirandum prorsus, imo stupendum est, quod summa cum auctoritate Romanæ Ecclesiæ gessit hoc anno B. Hildebrandus noster Cluniacensis Monachus S. R. E. Subdiaconus, Legatus à Latere missus, ad reformandas Galliæ Ecclesias; Is in quadam Episcoporum Synodo, cum Episcopus quidam de crimine Simoniaci confiteri detrectaret, repente eundem iussit versum *Gloria Patri, &c.* recitare, cumque is *Patrem & Filium* proferre, *Spiritum Sanctum* vero minime posset, ac proin convictus confessusque abdicato Episcopatu, dein libere etiam *Spiritum, &c.* proferre posset, id eo miraculo effecit Hildebran-

us, ut eo in confesso, præter alios Ecclesiæ Prælatos 27. Episcopi quadraginta quinque Simoniacos se esse confessi fuerint, & suis honoribus absque ulla accusatione renunciaverint: Ita unus hic Monachus Ecclesiam repurgavit. *Vid. Desider. Ab. Cass. Damian. Malmesburg. Hugo Ab. Clun. Baron. &c.*

Porro non hac duntaxat Actione, sed & alias sæpe Hildebrandum gratia Spiritus S. cogitationes aliorum prophetico mentis intuitu cognovisse, aliæque futura prædixisse, seu ex visionibus Divinis illustratum fuisse, testis Wilh. Malmesburiensis noster huius sæculi Historicus, ex irrefragabili relatione Sanctissimi Hugonis Cluniacensis, ipsius familiarissimi, constatque ex ipsiusmet Hugonis vitæ actis, ab alio Hugone conscriptis.

Præcipuè autem eiusdem in Galliis invigilavit sedulitas, ut Berengarium rursus, Hæresin, quam fuerat detestatus, defendentem ac propalantem, vel in meliorem sensum reduceret, vel synodali sententia damnaret. Quamobrem ne subterfugendi amplius locus esset, domi suæ eum conveniendum esse ducens, Turonis Concilium Apostolica auctoritate indixit, in quo Berengarius, iterum detestatus errorem, Fidei Catholicæ propria manu subscriptæ ac jurejurando confirmavit. *Lanfr. Guilmund. Baron. &c.*

A. C. 1056.

S. P. N. 576.

Inæstimabile prorsus meritum, quo Cælum ipsum, cælique ipsius Augustissimam Imperatricem V. M. demeruit, Ecclesiamque universam æterno sibi debito obstrinxit, S. Petrus Damianus noster, instituto primum apud Monachos suos usu Officii Beatissimæ Virginis, dein in Ecclesiam introducto, quem mox initio usum per insigni confirmatum miraculo ipse Damianus, & ex hoc Baron. attestatur. Quo hodieque Officio tam officiosè, non Monachi solum, sed & horum sequuti exempla Clerici sæcularesque incredibili sanè fructu, servitium suum Magnæ Dominiæ commendant, & innumera quotidie averti ab Univerſo mala impetrant; principio boni omnis ad nostros referendo. Eodem ipso tempore, etsi non Damiano auctore, certo tamen, imò præcipuo propagatore, introductus, voluntaria

tarix pœnitentiæ causa, publicus flagellorum, & flagellationis usus, ipso quoq; etiam Imperatore Henrico eundem in se suscipiente. Dominico in primis Loricato nostro, *pœnitentium omnium æterno speculo ac miraculo*; de cuius admiranda vitâ consul. *Surius, Yepes, &c.*

Quod in super alios ritus spectat, *suorum Monachorum institutione* servari ceptum, ipse asserit. Damianus, quod nos jam summa Ecclesiæ utilitate toto receptum orbe gaudemus: nempe *ut feria II. animabus defunctorum liberandis*, (ô majus quacunque æstimatione meritum!) Sacrosancto Missarum officio sit adscripta; *Feria sexta Dominica Passionis memoria* eodem Sacrificio, in super jejunio & verberum afflictione colenda esset; *Sabbato vero, in honorem Sanctissimæ Dei genitricis celebrandum idem incrementum Sacrificium Missæ*. Patet ex Epist. eiusdem ad Desid. Ab. Cassia. *Vid. Bar. &c.*

A. C. 1057. S. P. N. 577.

Iterum in Cassinense Cænobium invehit summam Pontificatus Maximi dignitatem, Fridericus è Lotharingæ Duce, Gozilonis Ducis filius, Monachus, dein Abbas Cassinensis, ex eodem Cænobio, ad Principem omnium ac primam in orbe dignitatem extractus. Is hoc anno nunciato Victoris Papæ obitu mirifica totius Sacri Senatus gratulatione, in demortui locum sublegitur, adeo invitatus ac reluctans, ut pervim ex hospitio ad Basilicam S. Petri ad Vincula educendus fuerit, posttristiongenti omnium Ordinum acclamatione Stephanus IX. salutatus. Qui quidem ita permisit in locum suum eligi Abbatem Cassinensem, nempe Desiderium, ut tamen non nisi à sua morte succederet, tam visum Sanctissimo Pontifici Pontificatus Maximi honorem, & Abbatibus Cassinensis benè congruere. *Ex Ost. Script. Baron. &c.*

Meruit hoc statim anno Stephanus, de Ecclesia Univerſa inæstimabiliter, extrahendo summa omnium gratulatione, & elevando ad S. R. E. Cardinalatum S. Petrum Damianum, quem eam ob causam idem Damianus *Persecutorem suum* appellat *Bar. &c.*

Initium hoc anno ab nostris sumit, à Monasterio nimir. S. Mariæ Conventrenſi, eiusdem nominis Ecclesia Ca-

thedralis in Angliâ, sed more antiquo, cum antiquum id nostris eo in regno, ab ipsis Cathedralibus Ecclesiis omnes Originem derivare. *Vid. Yepes, &c.*

A. C. 1058.

S. P. N. 578.

Ad Cælos felicissimè concedit S. Stephanus noster IX. (alii X.) quavis infirmus corpore, assidue tamen pro Ecclesiæ Dei tranquillo statu laborans, decreta paulo ante mortem Legatione in Orientem, ad Ecclesiam Constantinopolitanam Schismate scissam, postolicæ communioni consociandam. Eius commendatur insignis constantia qua Henricum Imp. aggredi non veritus, eundem quod Sacerdotia, Abbatis, Episcopatus, aperta factorum nundinatione, venalia haberet, cum Simoniacæ hæreseos insinulavit, tum piorum cætu prohibuit. A funere multis nobilitatus prodigiis, superum beatitatem juxta, & summam mortalium venerationem cultumq; promeruit. *Ex Bar. M. Ant. Script. Yepes, &c.*

Moritur ipso eodem anno Casimirus noster ex Monacho Cluniacensi, Poloniæ Rex, magno sui relicto desiderio, cui æternum Poloni debent, restitutum, collapsum penitus antea, Regnum, & Polonicam Ecclesiam mirificè illustratâ, Pietate is quoq; meritis inter Beatos celebrari. *Longin. Bar. Yepes, &c.*

A. C. 1059.

S. P. N. 579.

Immensa iterum copia & affluentia Noſtri Ord. meritorum: Relapso quippe jam tertium, in Hæresin Berengario Hæresiarcha, adeo insigniter nostri undecunque verbo ac scriptis, publicè privatimque occurrunt, ut denuo eandem, ejurare Hæresin compellerent. Inter Scriptores æternum de Ecclesia meruere, contra Berengarii errores invictissimi Christi pugiles, Sanctissimus Lanfrancus, Guitmundus Aversa- nus, Algerus Cluniacensis, S. Wolphelmus Brunvilerensis Abbas, & Albericus in primis Monachus Cassinensis. Is unius spatii hebdomadæ petitis induciis, librum adversus Berengarium conscripsit de Corpore Domini, tantis SS. Patrum testimoniis obſignatum, & roboratum, ut omnes eius assertiones omnino destruxerit, æternæq; oblivioni tradiderit, & Domini sui causa tam

strenuè defensa, jure tanti Sacramenti fautor, & propagator invictissimus dici & prædicari meruerit, *Pet. Diac. Ost. Baron. &c.*

Sancti vero Petri Damiani singulare rursus hoc anno meritum; reductis ad unionem S. Rom. Sedis, Mediolanensibus, qui jam à ducentis ferè annis abducti, exerraverant, Simoniaca, & Nicolaitarum Hæresi, excæcati. Ita ipse de se *Damianus, Yepes, VVion, &c.*


Urget idem Damianus anno eodem dimissionem à Cardinalatu, libello supplici Nicolao Papæ, sed necquidquam, porrecto; ex eo tamen deinceps senunquam Cardinalem seu Episcopum, sed peccatorem Monachum scripsit & appellavit, *Baron. &c.*

A. C. 1060.

S. P. N. 580.

FRagrantissimo odore Sanctitatis exhilarat, & ubertate pinguedinis, impingat agrum Dominicum, universam Dei Ecclesiam, absolutissimo perfectionis exemplo instruens Sanctissimus æque ac doctissimus noster, Lanfrancus Beccensis Monachus, Abbas Cadomensis, cuius rarissimum illud præstitum Orbi universo beneficium est: publicis de Dialectica Scholis institutis, quibus ipse præfuerat Theologiam sensim enatam, quam hodie Scholasticam appellamus, sacris nimirum Dogmatibus, quæ prius in Patrum monumentis sparsim jacuerant usuque Dialecticæ, quæ ordinis mater est ac methodi, quasi ad artem revocatis. *Ex VVesc. VVers. &c.*

Claret per insigni nomine in Germania Beringerus ex Luzelburgenfi Comite Abbas Weingartensis, translato paucos ante annos in montem Cænobio, ubi hodieque visitur, à Guelphone IV. quem alii tertium appellant, qui raro sanè exemplo Regium ipse suum palatium Monachis cessit, quo commodius ipsi, quam eousque egerant, habitarent. *Ex Const. Ben. MS. &c.* Fuit ex in loco major celebritas, & plurimum sanè eidem debet Germania universa, tot Regni proceres, ex sæculi fluctibus emergentes in securissimum Religionis portum suscepisse ac fovisse: de quo pluribus suo loco.



A. C. 1061.

S. P. N. 581.

ABdicat se Episcopatu necquidquā reclamante Hildebrando nostro Petrus Damiani, & in Cænobio se suo recondit, consentiente quidem sed invito admodum Alexandro Pontifice. Ingruentibus verò fluctuum ac tempestatum gravissimis in navem Petri turbinibus, eiusdem perpetuo solitudo inquietatur, jugiter instantibus pro ope ac consilio Alexandro, & Hildebrando quod probè scirent quam esset Ecclesiæ Romanæ proficuum perditissimis hisce temporibus (gravissimo schismate scindente Ecclesiam) Damianum assistere Summo Pontifici. Proin urgentem assidue Hildebrandum Damianus, Virgam Assur, & Sathanan Sanctum appellat, ut videas quam anxie Hildebrando cordi esset Ecclesiæ negotium, quæque ipse de se submissè sentiret, quantumque item Damiano nostro deferret quantum denique utrique debeatur, cum sollicitatione assidua Hildebrandi cogeretur ille, etiam dum privatus ageretur, publicas subire functiones, jussus ab Alexandro Legationes varias suscipere, & Conciliis interesse, ut fidem faciunt cum scripta illius tum quæ de eo suis locis dicuntur. Sed neque ipse in sacro illo otio suo curam Ecclesiæ, & boni publici deposuit, certare nunquā prætermittens tum contra corruptos eius temporis mores, tum adversus Schismaticos, & Hæreticos Catholicā Ecclesiam propugnando. *Vid. fusè Baron. &c.*

A. C. 1062.

S. P. N. 582.

MEretur immortaliter de Ecclesia Univerſa, & Pontificatu Romano B. Petrus Damianus noster, Pontificis in Gallias Legatus missus ad Conciliū Osboriense, cui tunc Imperator ipse intererat, scriptione illa à se composita, qua texta haberetur longa disceptatio inter Advocatum Regium, reprobantem Alexandri Papæ electionem Romæ absque Regis consensu factam, ac defendentem Cadaloī Antipapæ ordinationem; & Romanæ Ecclesiæ defensorem; Alexandrum adversus Cadaloū protegentem. Idque adeo feliciter processit, ut in ea Synodo omnium consensu, electione Alexandri comprobata, damnatio Cadaloī concl-

mata fuerit ipsis Vigiliis SS. Apostolorum Simonis, & Iudæ. *Ex Bisciola Baron, &c.*

A. C. 1063.

S. P. N. 583.

Implet unus sæculum non solum istud sed sequutura omnia idem toties laudatus Damianus; qui uti superiore anno Cluniacensium admirandam Sanctitatem intuitus commendavit, sic isto in Cassinates amore reverentiaque totus exarsit; quibus deinceps ad virtutem stimulos perpetuo addidit, & semetipsum vicissim, aliorum exemplis extimulavit. De iis quæ apud Cassinenses egerit, fusè Leo Ostiensis, & Baron. Ex hoc Bisciola sic deniq; concludit: Porro tanta erat eiusdem Petri (Damiani) in Ecclesia Dei existimatio, ut quæ ipse facienda moneret, tanquam oracula Divina pij quiq; perciperent.

Liberavit hoc anno populum Florétinum à Simoniacæ Hæreseos virulentissima labe S. Petrus Vallis Umbrosæ Monachus, Abbas dein Ficedensis, ad Cardinalatum deniq; pro merito evehctus, qui iussu S. Ioannis Gualberti Magistri sui, ut ostenderet Simoniacam labem, quæ Episcopum omnemq; civitatem invaserat, Deo invisam, ignem in medio succensum spectâre populo, nudis pedib; miraculosè incolumis transiit, & Urbem ab ea peste liberavit: ab eo exin miraculo Petri Ignei nomen consequutus, *Ex vita Ioan. Gualb., &c.*

A. C. 1064.

S. P. N. 584.

Perpulit hoc anno literis suis, sacerdotali dicendi libertate conscriptis Hæricum Imper. Petrus Damiani, imò cōminationibus effecit, ut collabenti Ecclesiæ adversus Cadaloum, nova indies molientem, occurrens Legatum Romam mitteret, S. Annonem Archiepiscopum Colonensem. Annoni modeste conquerenti de Alexandro, quod contra morem absq; mandato, & assensu Henrici Imp. Pontificatum suscepisset, sufficienter satisfactum ab Hildebrando nostro, & Episcopis, celebrataq; Mantuæ Synodo Cadalous omnium sententia damnatus est. Mirandum prorsus sub tantis oneribus Damianum, & Hildebrandum non defecisse, neque Regis seu Principis cuiusq; potentia absterretos, ut murum æreum pro domo Dei se opponere aulos esse, *Consul, Bar., &c.*

Incredibilis ex Ordine nostro Episcoporum copia, ex Cassinensi, Cluniacensi, aliisq; Cænobiis extractorum; de quibus leg. *Trith. Yepes, Baron. &c.*

A. C. 1065.

S. P. N. 585.

Iterum Petrus Damiani incredibili labore pro Ecclesia Dei desudat, cum ex Concilio Mantuano, cui iussu Alexandri interfuerat reversus, totum se adversus improbissimam Nicolaitarum Hæresim convertit. Sed & mox alia invalescente Hæresi Incestuosorum, adversus eos etiam insurgit; rursusq; alia Hæresi, ementium Episcopatus, invictissimus & constantissimus Christi Athletæ, inæstimabili merito S. R. Ecclesiam propugnat, *Baron. &c.*

Sub hæc eadem tempora cucullum Regnis omnibus præponunt Sanctissima Agnes Henrici III. Imperatoris uxor Augustissima Monialem primum Fructuariæ professæ, dein vitæ reliquum Romæ in D. Petronillæ Religiosissimè exigens; de cuius laudibus sæpe Damianus. Et Sancita Castiliæ, & Legionis Regina Ferdinandi Magni coniux. *de qua Vid. Yepes, t. 6. cent. 6. Et de illa, Granz. Stad. Sigon. VVion, & Yepes cit.*

A. C. 1066.

S. P. N. 586.

Alexander Papa Cassinum venit ipse, & quod reapse experiretur, quam opportunum Ecclesiæ Monachorum auxilium esset, plures ex illius Sanctissimi Cænobii fratribus, suo lateri sociabat, & in S. R. E. Cardinales cooptabat, alios ad diversos undique Pontificatus administrandos distribuens. De quibus *Leo Ostiensis. Bar. Scip. &c.*

Illustrat, inter alios nostri Ordinis Sanctos, insolentissimo Orbem, Hesperiam maximè Vniversam, lumine S. Dominicus de Silos, Abbas eiusdem Cænobii, vir admirandæ sanctitatis, innumeris prodigiis in vita, & à morte, de afflictis quibusque, captivis maximè, meritissimus. Cuius res gestas memoratu longe dignissimas multis celebrat *Ant. de Yepes noster hoc anno.*

Laborat egregie in convertendis Slav. S. Benno noster ex Monacho Hildesheimensi Misnensis in Saxonia Episcopus. De quo conf. *Hier. Epserus, &c.*

Claret etiam S. Wolphelmus Abbas Brauvvilerensis, Hæresis Berengarianæ egregius debellator. *Legendus Conradus Monachus in vita, Yep. &c.*

A. C.

A.C. 1067.

S.P.N. 587.

Virorum in Ordine illustrium ingēs numerus, nec facile quis uniuspos- sit digne memoriam & merita celebra- re. Inter alios effulget Marianus Sco- tus, S. Pataleonis Coloniz Monachus cuius est celebratissimum, illud ab ori- gine Mundi Chronicon, mille Scripto- ribus celebratissimum. *Vid. Trith. &c.*

Claret item Leo Ostiensis Monachus Cassinensis, vir doctissimus, & Summis Pontificibus commendatissimus, Lam- bertus Schafnaburgensis, Monachus Hirsfeldensis, Chronographus insignis Theodoricus S. Albani, Bernardus Cluniacensis, Anselmus, Rhemenfis, Ruthardus Hirsfeldensis, Wilramus Mersburgensis, Theodoricus Trudo- nensis, Guntherus S. Amandi Mona- chus, Bernardus Corbeiensis, &c. alii- que ex Ordine doctrina celebratissimi, de quibus cōsul. *Yepes, Trith. Wion, &c.*

Efflorescit longē lateque & viris san- ctissimis Ecclesiam juvat Congregatio Ordinis nostri, dicta Columbina, ex qua præter Damianum excelluere Gui- do Aretinus, & Guimundus illustrissi- ma huius sæculi, etiam cum admirati- one maximorum quorumvis, lumina. *Ex VVione, Gaultier. &c.*

A.C. 1068.

S. P. N. 588.

Flt Abbas Hirsfaugienfis Magnus, ille & admirabilis Wilhelmus Abbas, Ordinis Benedictini reformator post D. Hugonem præcipuus, cuius unius merita laudesque, si quis grandi, sed uno, conetur volumine complecti, nã ille æquē facile Iliadem nuce compræ- henderit. *Ex Trith. Const. Ben. Yepes, &c.*

Post Damianum, & Hildebrandum excellit præcipua per Ecclesiam aucto- ritate B. Desiderius Abbas Cassinensis, exin S. R. E. Cardinalis, & per Cam- paniz Principatum, Calabriam, Apu- liam, amplissima cum potestate Lega- tus. Ipso Abbate, dedicatum ab Ale- xandro Summo Pontifice Cassinense templum præsentibus quatuor, supra quinquaginta, Antistitibus, quos inter duodecim ex Ordine Benedictino Car- dinales eminebant, Principes, & Ma- gnates plurimi, Celebratissimus vir- tutum fama Desiderius, remotissimis

ex locis summa observatione honora- tus est. Ipsum, præter Europæ no- stræ maximos Principes, Alexius Cō- nenus Imperator, destinatis nunciis ac muneribus ab Vrbe Bizantio, apertis- simo, quantum Desiderii tribueret San- ctitati, argumento, veneratus, ex ipso Imperii Censu, viginti quatuor, in sin- gulos annos, auri pondo, Cassinati Cæ- nobio legavit, eiusque donationis ta- bulas, aureo sigillo pensili munitas, cum magna munerum copia ad Desi- derium transmisit. Agnes quoque Im- peratrix, in Imperii etiam tunc culmi- ne constituta sex totos menses, admira- tione defixa Cassini substitit, falsa non semel, multo maiora esse, longeque admirabilia, quæ ipsamet oculis præ- sens subiecisset, quam quæ vulgato ru- more, apud exteras gentes, de illius San- ctissimi Collegii moribus, integritate, disciplina, amplitudine circum ferrētur *Ex. M. Ant. Scip. Leon. Ost. &c.*

A.C. 1069.

S. P. N. 589.

Damianus noster bono Ecclesiæ na- tus, gravissimo infamiz malo Cæ- sare, & Imperium liberat, dum mis- sus in Germaniam à Summo Pontifice legatus, Henricum jam repudiare pa- rantem, Bertham coniugem, ea qua va- lebat gratia atque auctoritate, à consi- lio revocat. *Ex Bar. Bisc.*

Clarent ipso hoc tempore professæ tres Henrici III. Imper. & S. Agnetis Augustæ filiz, ut ex his solis, cætero- rum Principum, quorum meminisse in tanta materie copia non licet, multi- tudinem, adeoque his receptis ad qui- etem sacre solitudinis, Ordinis meri- tum metiaris. *Ex Ant. de Yepes anno 1065, cent. 6. tom. 6.*

A.C. 1070.

S. P. N. 590.

Profuerit sub hæc tempora egregie nostri afflictissimo Hildephonso, si- ve Alphonso Hispaniarum Regi, quem cum captivum detineri à fratre B. Hugo Cluniacensis Abbas intellexisset, illico Patrum Monachorum Collegio solem- nes indixit preces, effecitque ut vel ip- so quidem teste Petro Apostolo, Rex li- ber à vinculis dimitteretur, & ex appa- ritione Petri Liberationis suæ auctores agnosceret. *Vid. Bisc. Clar. &c.*

Eodem

Eodem anno admirandus ille doctrina ac Sanctitate Lanfrancus, ex Monacho Beccensi, Abbas Cadomensis, fit Archiepiscopus Cantuariensis: quem pro meritis Baronius, & Bisciola appellant: celeberrimum huius saculi in Ecclesia Catholica lumen supra tantum candelabrum erectum. Eius non possumus, quin querelas apud Alexandrum, propter Ordinationem suam depositas, proferamus, quippe vulgaris pertæsus gloriæ, & tanti seu honoris, seu oneris infuetus, post gemitus, meditata fuga, Alexandro Pontifici, cui alias carissimus erat ita scribit: *Nescio cui aptius, calamitates meas explicem, quam tibi Pater qui ipsarum calamitatum mihi Author existis. Nam cum de Beccensi Congregatione, in qua habitum Religionis assumpsi, à Principe Northmannorum Wilhelmo abstractus Cadomensi præessem Canobio, imparque existerem paucorum regimini Monachorum, incertum habeo, quo iudicio omnipotentis Dei, factus sum, te cogente speculator multorum, numeroque carentium populorum. Et paulo post: Adversus hoc imbecillitas mearum virium, morumque indignitas prolata in medium, nihil profuit excusatio incognita lingua, gentiumque barbararum nullum apud eos locum invenire prevaluit.*

Quid plura Assensum præbui, veni, suscepi; in qua tot molestias, tot rædia, tantumque ab omni ferè bono, defectum mentis, quotidie sustineo, tot aliorum in diversis personis perturbationes, tribulationes, damna, obturationes, cupiditates spurcicias, tantumque S. Ecclesia casum incessanter audio, video, sentio, ut tadeat me vita mea, doleamque plurimum, me usq; ad hac temporæ pervenisse.

Audi, & deprecantem; Meminisse inquit debetis, nec tradi oblivioni oportet, quam benigne vestros consanguineos, aliosque à Roma scripta deferentes, in præfatis adhuc Canobiis constitutus, sæpè recepi, quam studiosè eos, pro capto meo ingenioque ipsorum, tam in sacris, quam in secularibus litteris erudivi, &c. Nec tamen à se impetrari ullis precibus passus est Alexander, ut amicitiam, Ecclesiæ emolumento, præferret.

Expertus eodem rursus anno idem Alexander Pontifex, quanti faciendi Monachi essent, audito Ioannis nostri, Lucensis Monachi, merita tanta esse, quod aqua quibus lavasset manus, febrem omnem depelleret, cum ipse gra-

vissima detineretur, ea sibi deferri latenter, iussa, ac epota, repente restitutus est. *Ex Desid. Ab. Cass. & Baron. &c.*

A.C. 1071.

S.P.N. 591.

DE celeberrima omnium, quæ uspiâ reperiuntur, Cassinensis Basilica Dedicatione; per ipsum Pontificem facta, præsentibus omnibus S.R.E. Cardinalibus, Archiepiscopis decem, Episcopis quadraginta tribus, pluribusque Principibus ac magnatibus, supra in desiderio diximus, & hoc anno refert Baronius, qui vid.

Eodem anno cum Lanfrancus Cantuariensis Archiepiscopus Romam, de more pro pallio venisset, Alexander Pontifex accedenti propius, non assurrexit modo, sed & præter pallium consuetum, quo plenitudo potestatis significatur, suo quoque pallio, summi videlicet amoris symbolo, hominem donavit. Cui eidem ab Alexandro Legationem in Anglia decretam constat ex litteris ab Alexandro per eum missis ad Wilhel mum Angl. Regem. *Vid. Bar. Weifs. &c.*

Commendat sua merita B. Guidmundus Aversanus, ex Monacho Ordinis nostri Archiepiscopus, tribus præclarissimis editis contra Perengarii errores de Sacramento Corporis, & Sanguinis Domini voluminibus, de quo *Vid. Bell. Gaultier. Bib. PP. &c.*

A.C. 1072.

S.P.N. 592.

HOc anno S. Petrus Damiani, patriam Ravennam, supremo beneficio demeruit, ad concives ab Alexandro Pontifice legatus; quibus opera eiusdem à Schismate revocatis, & Romanæ Ecclesiæ reconciliatis, cum perfuncto egregie munere Damianus reversurus Faventiam pervenisset, illis octo decumbens dies, octava, denique meritis innumeris cumulatissimus cælum invehitur. De operibus ab eo scriptis, hic agere non solum non vacat sed neque nunciare libet, tot ac tanta à diversis recensentur. *Vid. Wion. Tepes, &c.*

Damianum quidem Deus, verba Baronij referimus, in hoc deploratissimo saculo, cum excrevisset ad Ecclesiam obruendam diluvium, carnis, dedit Mundo, qui austerissimo vita exemplo, verbique prædicatione, & scriptis exsiccaret tandem putredinem; pariterq; pugnaret adversus Simoniacam Hæresin, quæ ubique locorum grassabatur impune, &c. Ei successit B. Gerardus sive Geraldus

duſ noſter in Epiſcopatu Oſtienſi, vir eo honore digniſſimus, utpote, qui teſte Bertholdo Conſtantiſi, *Scientia ſcripturarum inſignis, & moribus Damiano non impar fuerit.* Ut multum ſibi Ordo rurſum noſter gratuletur, Eccleſiæ, *Damiano nō imparē, iterum concedere potuiſſe.* Vid. Baron.

De Beato Wulſtano noſtro Wigornienſi Epiſcopo, rem mirandam narrat idem Baronius, ut qui ſua ante ſede, indignus ob ſimplicitatem putabatur, ex in venerationi non ſolum ſed & admirationi ipſis Metropolitanis eſſet. *Videretur.*

A.C. 1073.

S.P.N. 593.

SEquentes anni meritorum admiranda copia, ita animum ac manum aggravant, ut obiter & perfunctorie ne in immenſum creſcat hitoriæ compendium placeat attingere. Suggest materiam tantam maximus ille Romanorum ex Monacho Cluniacenſi Pontifex, Gregorius VII. antea Hildebrandus dictus, rebus geſtis, doctrina, & eximia in primis rariſſimæque Sanctitate, & conſtantia incredibili miraculoſiſſimus Eccleſiæ Antifites; qui mortuo hoc anno Papa Alexandro, illico univerſi populi voce acclamatus Rom. Eccleſiæ Pontifex Maximus his verbis: *Hildebrandum Archidiaconum B. Petrus elegit.* Quo audito vir Sanctiſſimus nimium expavit, & quaſi extra ſe raptus, mox ad pulpituſ cucurrit, & populi vocem acclamationeſque compeſcere & avertere contendit. Verum Hugo Candidus Card. ubi omnium vota in Archidiaconum conveniſſe indubitanter cognovit citius præcucurrit, & populuſ ipſum, in hunc modum alloquutus, eſt: *Ecce chariſſimi Patres, Scitis, & indubitanter cognoscitis, quod à diebus B. Leonis Papæ, hic Archidiaconus tanquam vir prudens atque probatus, hanc Sacroſanctam Romanam Eccleſiam, plurimum exaltavit (ecce hæc ante Pontificatuſ quanta iam merita) & Civitatem ipſam ab imminentibus periculis liberavit.* Vnde quia idoneorem ad Eccleſiæ regimen invenire nequiverimus; Nos Epiſcopi Cardinales, unanimiter ipſum nobis, & vobis, in Patrem & Epiſcopuſ animarum noſtrarum eligimus. Et continuo Univerſitate populi, & Cleri acclamante; Dominuſ Gregoriuſ Papam B. Petrus elegit, indutus

rubea chlamyde (ſicut eſt moſ) & papali mitra inſignitus, & marens in B. Petri cathedram ſuit inthronizatus. Hæc acta ex Baron. &c.

Vix adito Pontificatu, vix Orbis Univerſi provinciam reliquit, de qua non illico mereri ſatageret: Verum ante omnia novo aſtu apud Imperatoreſ inſtitit, quo eiſ electionem improbareret. Sed nec quidquam pia proficiens fraude, ad negotia quamprimum Eccleſiæ animum totuſ convertit ac operam: Legatuſ in Hiſpanias deſtinavit, Principibuſ omnibuſ Chriſtianis, facta copia ad belligeranduſ contra Sarracenoſ animum addidit. Legatuſ item ad Michaelem Ducem Imper. pro componendo inter Græcoſ, & Latinoſ Schiſmate miſit; Lanfrancuſ item Cantuarienſem, ad vindicandam in Scotiſ, & impediendam uxoruſ venditionem inſtigavit; in Simoniacoſ Pontificiuſ gladiuſ ſtrinxit, Godefreduſ Mediolanenſem excommunicavit; Ducem & Populuſ Venetuſ, quod Patriarcham ſuū inopia laborare paterentur corripuit; Vratiſlauſ Bohemiæ Duceſ per Legatoſ convenit, conqueſtuſ de ſuperbia Ioramini Pragenſiſ Epiſcopi, cui excommunicationeſ minatuſ eſt, Sardiniaſ Clericoſ reformavit; Saxoneſ contra Imperatoreſ arma moventeſ cohibuit; Philippuſ Francoruſ Regem de Simonia increpavit, & niſi abſtineret, regno deiectuſuſ minatuſ eſt; Monachoſ ad profectuſ incitavit, ad demerenduſ Imperatoris animum omnia egit, Conciliuſ Generaleſ Romæ indixit, decretuſ de Clericiſ uxoratiſ renovavit. Tantavix inito Pontificatu, Vnuſ Gregoriuſ egit, quamvis pauciſſima ex multo pluſribuſ enumeraverimus. Vnde reliqua cogitare liceat, & ſi fieri poteſt, ut æſtimetur, æſtimare. Ex Baron. auct. vita, Bernried. &c.

A.C. 1074.

S.P.N. 594.

IMmenſa Gregorii merita, iteſ innumeramus, cum numeroſ vix ordiamur. Urget hoc anno gravibuſ comminationibuſ Epiſcopoſ, ad promulganduſ decretuſ contra Clericoſ uxoratoſ renovatuſ; Robertuſ Guiscarduſ Northmanoruſ Duceſ excommuni-

cat,

cat, sæpiusque pro absolutione interpellatus renuit: arma contra Northmannos, & Sarracenos parat, Encyclica ad omnes Principes Christianos missa pro expeditione contra Sarracenos in Orientem suscipienda, ea tamen timore Henrici Imper. & aliis causis dilata; Wilhelmum Anglorum, Philippum Francorum Reges exhortatur: Concilium indicit & delinquentes Episcopos aliosque ad dicendum causam citat: iterum Galliarum Regi pro nequitia excommunicationem minatur; Salomonem Vngariæ Regem increpat, quod Regnum Vngaricum, Romanæ Ecclesiæ proprium, ausus sit in feudum accipere ab Imperatore Germ. Ita paucissima rursus, quamvis magna eadem, de Gregorio memoravimus, *Ex Baron. aliisq. &c.*

A. C. 1075.

S. P. N. 595.

EXundant undique meritorum copiam; solis, quo magis miremur Gregorii laudibus insistendum; Egregio exemplo præsidet ipse iudex, ad decidendas causas totius orbis terrarum in Roman. Concilio, & multa in eodem præclarissime gerit; Visitatores Ecclesiarum per Italiam mittit, plurimumque pro Ecclesiæ Christianæ reformatione laborat: Concilium in Anglia celebrari jubet: Sueonem Daniæ Regem in Italiam invitat, fidem exploraturus, quidque ab eo Ecclesia sperare posset: pacem conciliare Geysam inter, & Salomonem Vngariæ Reges, omni modo laborat. Boleslaum Poloniæ Regem ut Russis ablata restituat commonefacit: per Regnum eiusdem, qui ordinem Ecclesias Legatos submittit; Ipse eodem anno, pari Martyrum merito à Cincio Urbis præfecto pessime tractatus, & incarcerationatus, à populo denique Romano, omnia, quæ Cincii erant, ferro, & igne vastantibus ereptus est. *Ex Baron. vita S. V. dabrici, & cit.*

Ex innumeris per universum orbem dynastis nomen Benedictino Ordini hoc anno, & seipsam consecrat Cecilia Wilhelmi Conquestoris Anglorum Regis filia, *Vid. Matth. Paris. Virg. V. Vion, &c.*

A. C. 1076.

S. P. N. 596.

Efflorescit, & summo Ecclesiæ bono mirifice per Galliam propagatur

A. B. pars I.

Congregatio nostra Grandimontensis, auctore S. Stephano Abbate: de quo fusè Yepes, Wion, aliique, ut unus hic magnus Abbas, sæculo meritis implendo sufficeret.

Rursus Gregorii celebrandæ solæ nomenclatura laudes: Evocat hoc anno incredibilem Magnanimitate nihil re-veritus ferocissimi Regis immanem sævitiam, Henricum Imper. Romam, ad dicendam ob multa perpetrata flagitia, causam, proscissus ab eodem calumniis, rebellem in Concilio Romano excommunicat, & excommunicationem toto orbe promulgat; Longobardiæ item Episcopos Schismaticos, & multos præterea Antistitem Galliæ sacris interdicat: ad omnes Christi fideles datis literis eos admonet ut Henricum Imperatorem præcipitem revocent: Comitibus Triburiam indicit, & eo Legatos destinat contra Henricum eundem: Deme-trium Croatiæ, ac Dalmatiæ Regia exornat dignitate: ut coronas Regnorum istorum Austrii hodieque, & ex tantis laboribus fructum, & Ecclesiæ decus immortale, posteri omnes, uni Gregorio nostro in acceptis referant. *Vid. Bar. & sæpius citat.*

A. C. 1077.

S. P. N. 597.

Sigefridus ex Monacho, & Abbate Fuldeni Moguntinus Archiepiscopus, cum fastidio aulæ ac mundi Cluniacum secessisset, cucullum denuo amplexus, invadentibus Simoniacis sedem Moguntinam jubente Abbate suo eam denuo resumit: *Vid. Marian. Scotus, aliique, quem Gregorii per multas tribulationes adiutorem indefessum Bertholdus Constantiensis celebrat.*

Gregorius etiam usque in Flandriam se extendit, fornicarios ibidem Presbyteros corrigit: in Germaniam ipse profectus, ad Comitibus Canisii subsistit, admiranda Pontificiæ maiestatis auctoritate, Henricum Imperatorem ad se nudis pedibus venientem, post quatuor denique dierum jejunium admittit, certis conditionibus absolvit sumpta Eucharistici Sacramenti parte, canonice innocentiam suam probat, eandemque purgationem Imperatori offert, de eiusdem pœnitentia, & absolutione ad Principes, & populum Germaniæ scribit, insidias ab Imper. passus, iterum de

V

co-

eodem apud Germ. Principes queritur; legationem ad Venetos, in Hispanias, Gallias, Aquileiam in gravissimis negotiis mittit: Synodum Lingonensem celebrari mandat, in qua de investituris laicorum prohibendis decretum sanciretur. Fatigamur commemoratione. Ex citat.

A.C. 1078.

S.P.N. 598.

DOlemus maxima aliorum hoc anno gesta celebrari non posse, ea rursus nimia sui præstantia, & magnitudine Gregorii gestis obumbrantibus; celebravit rursus hoc anno Generale Romæ contra Schismaticos Conciliū, in quo contra plurimos Ecclesiæ Antistites, pro æquitate sententiam profere eosdem honore deiecit, sollicitè pro restituenda Imperio pace laboravit. Northmannos rursus excommunicavit, aliud ipso anno Concilium Romæ celebrat, Guibertum Ravennatem deponit, Iordanum Capuanum Principem corripit: laicorum investturas publico decreto, prohibet, & tollit: Norvegis ratione fidei dilatarandæ consuluit. Singula singulis voluminibus celebranda.

A.C. 1079.

S.P.N. 599.

Meretur immortaliter de Ecclesia Catholica S. Bruno sive Brunus noster, doctrina, & sanctitate hoc sæculo clarus, victo, & triumphato jam quartum ad vomitum reverso Berengario, in pleno Patrum Concilio Romani, hoc rursus anno à Gregorio indicti, & celebrati confessu. Creatus Bruno, non multo post, invitatus licet sed cogentibus divinitus ostensis visionibus Episcopus Signienfis Petr. Diac. Wion. Yepes Baron. &c.

Gregorius suo jam more, præter illud ipsum Concilium indictum, infinita pro dignitate, & bono Ecclesiæ agit, pacem inter diversos conciliat: invasores Regni Dalmatici, minis coercet. Alfonso Hispaniæ Regem ad contemptum mundi exhortatur, & accendit, Boleslaum S. Stanislai interfectorem Regno privat; Wratislaum Bohemiæ Ducem ab communione cum excommunicatis revocat; aliud Romæ rursus Concilium celebrat laicorum rur-

sus investturas interdicat: Schismaticos denuo, & Henrici Imper. fautores excommunicat; Petrum item Ecclesiæ Narbonensis invasorem. Sed de aliis legendi Bernriedens. Bar. &c.

Claret admiranda sanctitate S. Anselmus noster Lucensis Episcopus, quæ relicto Episcopatu rursus ex Canobio extraxit. S. Gregorius noster ipsique Mathildem Comitissam, celeberrimam illam Ecclesiæ dotatricem commendavit. Vid. Bar. Gault, &c.

A.C. 1080.

S.P.N. 600.

HOc anno celebrato Romæ Concilio rursus Gregorius Henricum Imp. excommunicat, & simili vindicta in Northmannos animadvertit. Rudolphum item Rhinfeldensem creatum Germaniæ Regem confirmat, eidemque sceptrum, & coronam Regiam destinat quem vicissim Henricus sede Pontificia, necquidquam deicere molitur, & Moguntiz primum, dein apud Brixiam Conciliabulo celebrato, Guibertum Schismaticum, ex Archiepiscopum Ravennatem contra eundem intrudit, &c. virulentissima Epistola eius honorem proscindit; Verum, suo more nostrorum plurimi, Ecclesiæ, & Pontificis honorem defendendum suscipientes, egregiè pro Gregorio se opponunt, & famam eius vindicant; quos inter meritissimus S. Anselmus Lucensis Episcopus, qui pro defensione Gregorii Apologeticum scripsit, duobus distinctum libris, adversus Guibertum. Vid. in commendationem Anselmi Baronius ex ore etiam Schismaticorum.

Mirandum tunc accidit, tanto Schismate, tot ab Ecclesia desciscendentibus Episcopis, ac Principibus; Robertum Guiscardum, juratissimum Ecclesiæ antehac hostem, vel tunc maximè penitentem, ad Ecclesiam, & Gregorium confugisse, Siciliam, Apuliam, Calabriam Ecclesiæ submisisse, annuam pensionem promississe; sed & mirabilius multo, Gregorium inter tot adversa, imperterritum, atque immotum, minime reveritum, auctoritate uti Pontificia, & graviter in quoscunque Principes, pro delictis animadvertere; nullius gratiam ex ambire, sola æquitate subnixum, Apostolico sane spiritu, & virtute, fulminare, & detonare; quippe hoc

hoc ipso anno, comminatus Alfonso Hispaniarum Regi pluribus ex causis, prohibet insuper, ne Iudæos sinat Christianis dominari, sed & laborat pro milite cogendo contra Nicephorum Bontoniatem Constantinopolitanum Imp. expeditionem etiam parat contra Guibertum Antipapam. Ut hæc omnia stupentes commemoremus, pleraque prætereamus.

Interea hos inter tumultus tantum abest ut Ordo noster sibi deesset, verum Principum ac Magnatum plurimi ne se negotiis Cæsaris immiscerent, turmatim ad Cænobia confluere, illicque se conderent testantibus Naudero aliisque, plures sua bona, ne direptioni paterent in Cænobia expendere, alia restituerent, alia de novo fundaret, & exstruerent. *Vid. etiam Ant. de Yepes, &c.*

A. C. 1081.

S. P. N. 601.

Iterum Romæ Concilium celebrat Gregorius noster Pontifex verè Maximus rursus Henricum Imp. ac fautores excommunicat, formam dein præscribit juramenti ab eo præstandi, qui eligendus esset in Regem Germaniæ. Regno eidem summa sollicitudine intendit, prævidens inferenda ab Henrico Imp. Ecclesiæ mala fideles ad tolerantiam adversorum exhortatur; congratulatur Visigothis ad fidem conversis, eosdemque præceptis salutaribus instituit, Andegavensem Comitem excommunicat; Venetos inire amicitiam cum Schismaticis prohibet; exigit pecuniam à Galliæ Rege à Carolo Magno S. Petro promissam; Cum interim Imperator cum exercitu Romam usque contendens, vicina populatur, urbem obsidet; constanter Romanis pro Pontifice stantibus. Ex alia parte distractus ancipiti bello, quo nimirum inaudito ad eam diem exemplo, utrique se Occidentis atque Orientis Imperatoribus Pontificia maiestate opponens, misso cum copiis ad Alexium Constantinopolitanum Imperatorem expugnandum Roberto Guiscardo Apuliæ Duce eundem hoc anno, cum quindecim armatorum millibus insigni prælio superavit, cum adversus Robertum Imperator, centum septuaginta millia produxisset, Ex sæpe citatis.

Effulgent inter tantam toto orbe tempestatem, egregia ex Ordine nostro lumina, & quidem pene innumera, meruit ea inter egregiè de Carthusiani Ordinis sub hæc tempora institutore, Sanctissimo Brunone, S. Hugo noster Gratianopolitanus, ex Monacho Casæ Dei Episcopus, cui præstantissimus ille Carthusianorum Ordo Carthusianos montes, adeoque nomen, imo originem quasi suam post Brunonem. Ita nostri, in hanc usque diem aliis quoque Ordinibus, opem, consilium, immo se ipsos impendere. Ex vita S. Brunonis Yep. &c.

A. C. 1082.

S. P. N. 602.

Hic annus grandi miraculo S. Gregorii nostri Sanctitatem commendavit; militari namque stratagemate, Guiberto Antipapa, per proditorem S. Petri Basilicam incendere moliente, adeoque vicinis jam ædibus incendio flagentibus, quo nimirum ad restinguendum concurrentibus civibus, ipse cum Imperatore, de improvviso per portas irrumperet: Gregorius incendio conspecto, illico milites ad propugnacula concurrere iussit, ipse vero solus fiducia S. Petri fretus, facto crucis contra incendium, signo, ignem progredi ulterius non permisit. Ex Bertholdo.

S. Norberto felicissimo Sanctissimi Præmonstratensium Ordinis Institutori, sub hæc tempora nostri quoque insigniter profuere; eorum quippe juvenis, consortio delectatus, spiritualis vitæ apud Sigebergenses Monachos rudimenta non solum posuit, verum gravibus subinde tempestatibus jactatus, in Cænobio eodem, quietem ac solatium quæsit. Ut rursus, dilectissimi tanti Patris filii, veteri jam exemplo Patris necessitudine, nostris sint devincti, & nostrorum, in Archimagistrum suum benevolentiam hodieque amplectantur. Ex vita Yepes VVion, &c.

A. C. 1083.

S. P. N. 603.

Hoc anno Henricus Romam aggressus Guibertum Antipapam apud S. Petrum inthronizavit. Gregorius vero occupato etiam Palatio Lateranensi, ad Castellum S. Angeli se recipiens, infractus ipse, rursus Henricum excommunicat.

Insignis eo ipso tempore constantia desiderii Cassinensis Abbatis qui minis Henrici Imp. venire coactus cum ab eo jaberetur, sibi fidem jurare, ac Monasterium de manu eius suscipere, constantiis animo contempsit, dicens: se non modo Monasterii causa sed ne pro mundo toto quidem id facturum. Mirum sanè, quod Chron. Cassinense de eodem refert; quod toto eo tempore quo cum Imperatore egit, cum multi Episcopi & honorati viri, amici etiam sui, quamplurimi (fuit desiderius Beneventani Ducis filius) & Imp. Cancellarius sibi occurrissent, neminem sit osculatus, cum nullo eorum oraverit, comederit vel biberit. *Vid. etiam Bar. &c.*

Cænobium Hirsaugiense mirum in modum efflorescit; & plurimos pro Mundo deprecatores S. Wilhelmus egregie instituit, ut abundante malitia, in nostris gratia augeretur, *Ex Trith. &c.*

A. C. 1084.

S. P. N. 604.

HOc tandem anno, vocato ex Oriente Roberto Guiscardo de Henrico Cæsare triumphat Gregorius Robertus namque relicto cum exercitu Boamundo filio, armata manu urbem invasit, rebelles subegit, & Cæsarem expulit, & hic resistere porro non valens, festinanter in Germaniam se recepit, Baron.

Res gestæ Gregorii hoc eodem anno Divinitus comprobata; victo namque Cæsare, ad Sanctissimi Patriarchæ nostri, Patris optimi dignissimus filius, limina invisens, dum ibi aliquando ad aras starer, visa columba, & niveo candore aliis humeros protegere, & demum rursus ad cælos remeare de hoc pluribus. *Ost. Baron. &c.*

Eodem anno Gregorius Robertum Apuliæ Ducem in Orientem remisit, rursusque eodem Duce, ingentis navali prælio devicta classe Alexii Imperatoris, triumpho insigni, animos fidelibus auxit. Nec minori felicitate, Catholici in Occidēte, insignem de Schismaticis victoriam reportarunt, benedictione corroborati S. Anselmi nostri Ducensis Episcopi. Tam validæ semper Episcoporum nostrorum vota, & preces fuere. *Ex Baron. &c.*

FVnestissimus, si quis ullus alius, hic annus, morte duorum maximorum in Orbe Principum, Sanctissimi Gregorii nostri Summi Pontificis, & Roberti Guiscardi, quem nonnulli Orbis terrorem appellavere. Gregorius à prima pueritia à nostris notatus, honori tanto natus quasi, certè à Deo destinatus, cum infans, etiamnum segmenta lignorum, infantibus aliis alia struentibus, ipse litterarum ignarus, elementa non solum formaret, sed distincta positione segmentorum, rem ipse nesciens his verbis signaret; Dominabitur à mari usque ad mare: Ornamentum æternum Ecclesiæ; exemplum æternitatis diadema Pontificum omnium extit. Nomen & Titulum. Defensoris Ecclesiasticæ libertatis, verè meritis. Igneus revera Pontifex, ex cuius etiamnum Monachi, cuculli manicis, dum excuteret, visus ignis proflire: Martyrii honore mille modis celebrandus: Beatissimæ Matris Virginis cultor singularissimus, in quem illa vicissim studio ita propensa, ut in muta etiam imagine, arridere aliquando, aliquando complorare eidem visa sit, cuius eiusdem etiam ope, magnis aliquando æstuans febribus, vir Sanctus convaleuit. Inter alia Sancte instituta, ut Sabbathum abstinencia à carnibus perpetua celebraretur instituit. Ita Gratianus de Consec. dist. 5. Ordinem sive Congregationem Vallumbrosanam confirmavit: Vt in septimanis Paschæ, & Pentecostes tres tantum Psalmi in Nocturnis decantarētur instituit: Multa præclara, scripsit infinita quasi, immortalitate dignissima, sed quæ ob multitudinem referri saltem dignè non possint, egit. Mortuus Salerni, etiam à morte miraculis illustratur, cuius corpus post annos quingentos ferè integrū repertum est, atq; Pontificalib. etiamnum indutum. Guiscardus in Cassinenses benevolentissimus, pretiosissima S. P. N. Benedicto dona variis temporibus detulit. Northmannorum, insolentiam primo, visibiliter sæpius S. P. N. Benedicto retundente, & copias eorundem, priusquam Dei & ipsius manum agnoscerent profligante. *Vid. Leo Ost. Bar. Microlog. vita Greg. Gretf. Berried. &c.*

A.C. 1086,

S.P.N. 606.

ADMIRANDUM hoc anno, æternis sæculis de se spectaculum, adhibuit Sanctus Desiderius noster Abbas Casinensis, Beneventani Principis filius unicus verum contempto Principatu, & paratis nuptiis Monachismum complexus; qui multo majore animi demissione, quam ullus alius ambitione, Pontificatus Maximi, summum honorem, & tanta quidem contentione subterfugit, quantam nec Ecclesiam de ullo sibi eligendo, capite contendisse, proditum est. Bisciolam ex Baronio audiamus: Anno Domini 1086. indict. 9. Cum diu multumque laboratum esset à Catholicæ partis Cardinalibus, ut eligeretur Gregorii Papæ successor, tandem omnibus Romam convenientibus, Desiderius Presbyter Cardin. titul. Sanct. Cæcilie, Abbas Casinensis, patria Beneventanus, nobilissima prosapia ortus, de quo sæpissima facta est superius mentio, ingenti desiderio ab universo clero, & populo expetitus, cum nullis precibus ac persuasionibus flecti posset, ut adhibita invitatus ac renitens in diaconiam Sanctæ Lucie perductus, ipso die Pentecostes electus est Pontifex ac Victor ejus nominis Tertius appellatus; Verum post dies quatuor Romam egressus, insignia Pontificatus Tarracinæ dimisit, & Cassinum se recipiens, rigidus in proposito, nullius aliorum precibus, lachrymis, rationibus, persuaderi valuit ea resumere. Sicque in iterum annus elapsus est. Hæc Bisciola, ut nec de eligendo quasi Pontifice alio cogitaret, quam de Desiderio, Ecclesia unice sibi desiderato.

Mortuus hoc anno Sanctus Anselmus noster Lucensis Episcopus, innumeris coruscavit miraculis, quibus etiam à morte plurimos Schismaticos convertit, & ad Ecclesiæ gremium reducit considerantes eum à Deo honorari, qui pro Gregorio stare, & pugnare nunquam desisset. Ita vivi mortuique nostri profunt Ecclesiæ, atque Orbi etiam universo. Quod sexcentis ejusmodi exemplis probatissimum omni sæculo fuit perpetuatis nonnullorum ad hanc usque diem miraculis, plurimos ex Hæreticorum massa vindicantibus. *Vid. Yepes Baron. &c.*

Eodem anno fit primus Toletanus Archiepiscopus, & Primas Hispaniarum

post recuperatam à Mauris Urbem Sanct. Bernardus Monachus Sanct. Aurentii de quo fule hoc anno Yepes. Ut rursum nostris non initium solum, sed & Tutelarem tanta sanctitate tantisque meritis, Divum debeat Princeps illa Hispan. Ecclesia Toletana. Verum quidquid sit de electione, certum, aliquot primum post annos à B. Urbano II. confirmatum. *Rodri. Mar. Vvion, &c.*

A.C. 1087.

S.P.N. 607.

HOC demum anno victor electus Pontifex, victus tandem precibus & rationibus Præsulum ac Principum Pontificatum admittit: Quia vero minus distinctè Bisciola, tergiversantem descripsit, cum tertio coactus, vix tandem assensum præbuerit, ex accuratissimo & doctissimo Scriptore M. Antonio Scipione, reimplenius audiamus: *Extincto apud Salernum Gregorio Antiqua sanctitatis Pontifice, & Ecclesiastici juris propugnatore accerrimo proximis inde Cardinalium Comitibus, Desiderius communi omnium consensu, Christiana Reipubl. præficitur; quo ille accepto nuncio, tanquam repentina calamitatis inopinato casu percussus, vehementer indoluit, tantumque oneris ac periculi constanter à se rejiciens, nunquam persuaderi potuit, ut sacri Senatus voluntati, decreto, precibus, assentiretur. Itaque absolutum jam confectumque negotium eo solum disiciente, qui maxime confirmaturus videri poterat, res Pontificia in præsens refixit. Cum vero iterum aliquot post menses, coacto Patrum conventu ad suffragia ventum esset, iterum in Desiderium universi consensere, ac ne rursus effugio relinqueretur locus, cum delata amplissima dignitatis nuncio, nec opinanti coccineam chlamydem injiciunt, quo minus albam quoque inducerent ipsemet contranitente impediti: Nomen Victoris III. est inditum. Verum ne ita quidem res processit; nam Victor quatrinduo post Roma digrediens, ubi Terracina ex itinere attigit, discretè contestatus se Pontificem esse nolle depositis sacris insignibus, Cassinum ad suos remigravit. Anno demum proximè insequente per occasionem Capuam conventus, cui cum cæteris Episcopis & Cardinalibus Victor quoque præsedebat, denuo accerrimè oppugnatus, cum nihil de pristina animi firmitate remitteret; tam vero sacrati Præsules universi cum Iordane Capua Principe ac Rogerio Calabria Duce ad ejus pedes provoluti omnibus precibus orare, atque obtestari ne Pontificatu diutius recusando,*

rem Christianam gravioribus incommodis affectam vellet, nevetotius Cleri, totque Procerum infimas supplicationes ac vota frustrari pergeret, quibus omnino deliberatum esset, ac constitutum, neminem alium (ipso quidem superstite ac vivo) ad illud dignitatis culmen evehere. Hunc in modum Victor aliquando victus sacrorum Antistitum arbitrio ac potestati se tradit. Ita Scipio.

Non fefellit opinionem adeo se desiderantium Desiderius, & dignè novam quam primum Victoris nomine conscriptis, undique copiis, quo tandem gravissima Saracenorum peste Italiam & Europam liberaret, in Africam transmissis exercitu, Saracenorum vires, impotentemque audaciam adeo fregit, ac contudit, ut primo armorum congressu ex eis centena millia occisione occisa sint; cujus adeo celebris victoriæ lætitiā, rei gestæ admirabilis nuntius, multo etiam reddidit insigniorem: cum eodem die triumphus de Sarracenis, & relatus in Africa sit, & in Italia auditus ac cognitus. Neque verò in reprimendis civilium seditionum authoribus, quam in profligandis barbaris, minus fortem atque invictum se præstitit: quippe Clementem Pseudopontificem, Romæ divina humanaque, pro libidine miscentem, vi atque armis à civitate exturbavit. Verum huiusmodi intentum, & contra Schismaticos eorundemque Imperatorem pugnantem in Concilio Beneventano læthalis morbus pertentat: qui illico suprema imminere conjiciens, Cassinum, ut in Sancto illo monte moreretur deportari voluit, & nominato, quem sibi succedere, si ita Patribus visum, Otthone Ostiense Episcopo (quem & Gregorius Septimus moriens post Desiderium, si ille renuisset, eligendum suaserat,) designatoque prius in ipsa Capituli abside ac aperto tumultu ingenti omnium mœrore ac luctu immatura morte præripitur; XVI. Calend. Octobris. Quem nonnulli Martyribus accensendum, veneno nimirum à Schismaticis propinato, quo extinctus sit putant. Ex Scipione, Baronio, Yepes, VVione &c.

A.C. 1088.

S. P. N. 608.

NOSTRORUM fidem, industriam, felicitatemque felicissimis temporibus plane admirandam, experta jam toties Ecclesia, non potuit non, eo rursum, ad-

ipicere, & Gregorii in primis atque Victoris Sanctissimorum ac meritissimorum Pontificum, consilium supremum attendere, dein communi Cardinalium Episcoporum, Cleri, populorumque Catholicorum consensu applausuque, dignissimus eo honore, Pontifex Maximus salutatur B. Ottho Cardinal. Episcopus Ostiensis, Cluniacensis Monachus, & Urbanus II. appellatur. Eum tam Sanctum Pontificem huic Ordini debet Sanctorum Ecclesia: Cluniacensi imprimis in quo educatus, & Monachum professus est Cænobio; Cassinensi dein, & ejus Patriarchæ dignissimo P. N. Benedicto, ad quem ut inviseret idem jam Pontifex inter prima & convenientissima habuit; ubi laterum dolore pene exanimatus, insigni valetudini, ipsemet opitulante Benedicto restitutus est. Ex Leon. Ost. Scip. Baron. &c. Is præclarissimè illico mereri de Ecclesia aggressus, ante omnia Sanctissimi antecessoris Gregorii acta approbavit, & æterno sanè merito etiam posteris Hæreticis, & sui sæculi Schismaticis, strenue occurrit, atque ora obturavit; nisi alius atque alius ex profundissimo mendaciorum, eorundem barathro lubinde obganniret; datis proin ad omnes Catholicos litteris, se vestigiis Gregorii inhæsurum per omnia promittit; reformandæ dein Mediolanensi Ecclesiæ diligentissime operam intendit; Sancto Bernardo item Toletano Archiepiscopo, de quo superius. Primarum Ecclesiæ Toletanæ confirmat, & pallium mittit. Vid. Baron. &c.

Bernardi verò, eximia item quamprimum de Toletana sede merita in quam viros egregios ex Gallia secum duxit, eosdemque, & Monachos S. Facundi fundandis Ecclesiis primaria fundamenta providit, quorum solers prudentia, & honesta religio (verba Roderici l. 6. cap. 28.) causam dotationis, & incrementi Ecclesiis præbuerunt: sicut adhuc hodie patet in privilegiis possessionum, & libertatum, quæ Ecclesiis supradictis, ob eorum Sanctitatis reverentiam, Principes indulserunt. Egregia sane ab meritis æternis nostrorum commendatio. Vid. & Yepes cent. 7. Tom. 6.

A.C. 1089.

S. P. N. 609.

INSIGNE Ordinis nostri Sydus, inter tempestatum toto orbe, & in primis in Germania, molem, elucescit Beat. Gebhardus, ex Zaringiæ Duce, Bertholdi Alem-

lemanniæ magni Ducis Germano, Hirsaugiensis Monachus, ex Monacho Episcopus Constantiensis, insignis columna Ecclesiæ, quem pro meritis hoc anno Urbanus Pontifex, rarâ cōcessione, Germaniæ universæ Legatum Apostolicum renunciat. Quam autem strenuè primo statim Legationis anno se gesserit, ex Baronio discite.

Celebratum ipso anno Generale Romæ Concilium ab Urbano, centum quindecim Episcoporum, in causa Schismaticorum, & paulo post primum etiam in Apulia Ticianum cui 75. Episcopi interfuerunt: adeo indefessus Ecclesiæ fluctuanti prodesse Sanctissimus Pontifex laboravit, & æternum bene meruit. Quo eodem anno Guilbertus Antipapa Vrbe pulsus, coactusque juramento promittere, se Apostolicam deinceps sedem minime invasurum. Baronius. Claruit hoc ipso tempore, Constantinus Afer, Cassinensis Monachus, scientiæ omnifaræ prodigium, præter Hebræam linguam, Syriacam etiam, Chaldaicam, Græcam, Persicam, Arabicam, Ægyptiacam, Ætiopicam, Indicam, Latinam, & Italicam perfecte callens, totius Medicinæ artis illustrator, sive alter Galenus. Idem Philosophicis studiis plenissime eruditus, Orientis & Occidentis Magister, novusque effulgens Hippocrates de Carthagine ex qua oriundus egressus Babyloniam petiit, in qua Grammatica, Dialectica, Rhetorica, Geometria, Arithmetica, Mathematica, Astronomia, Musica, Physicaque Chaldeorum, Arabum, Persarum, Sarracenorum ad perfectum edoctus est; indeque discedens Indiam adiit, eorumque se studiis erudiendum tradidit: quorum artibus imbutus, Æthiopiam petiit, ubi rursus Æthiopicis disciplinis eruditur: exinde in Ægyptum profectus, Ægyptiorum quoque artibus informatus: denique Cassinum profectus, exemplum posteritati omni immortale præbuit, tum denique humanæ mentis tranquillitatem reperiri, quando in statu Monachico, & cellula religiōsa quæreretur. Ejus doctissimas lucubrationes VVion recenset. *Vid. Ant. Scip. Chron. Cass. Get. Diac. Trish. &c.*

A.C. 1090.

S. P. N. 610.

HOC anno, insigni sanè industriæ suæ commendatione duo celebravit Vr-

banus Concilia; Tolosanum unum, alterum Melfitanum: ita totus in iuvanda Re- publ. Christiana fuit; cum nec excogitari quidem dignius quidquam celebratione Conciliorum possit, in quibus tamen diligentissimi nostri Ecclesiam mirando studio iuverunt. *Vid. de actis Conc. Sen. Bn. & Baron.*

Immortali merito, Boemos suos sibi obstringunt Sancti. Adalbertus, & VVenceslus nostri, qui gravissimis fædissimi belli calamitatibus, turbatissimum hoc anno regnum liberant, cum VVratisslaus Rex pater, & filius Bretisslaus, infestissimis inter se odiis atque armis concurrerent: visi quippe captivis plurimis in custodiam regiam conjectis, quorum prodigiose vincula solverunt: *Ita, inqueiebant, in nostram Metropolit. Ecclesiam, pro hac vestri liberatione gratias DEO agite, atque indicate hac omni populo, maxime vero Regi, adjuncta monitione, ne DEV M ad indignationem majorem provocent, sed à bello & sanguinis effusione à modo abstineant.* Quo quidem prodigio territi Principes positis armis, supplices Divis facti sunt, ingentesque impetuosi belli fluctus, conquieverunt. *Ex Boem. rer. Script.*

Sanct. Thiemonis Salisburgensis, hoc anno ex Monacho Hirsaugiensi, Archiepiscopus, nunquam satis laudata virtus & constantia: plurimis injuriis ab Henrico Imperatore pro Ecclesia exatlati: de quo Bisciola; insigni plane encomio; instar S. Athanasii Alexandrini (miraculum is cōstantiæ fuit) nunquam penè liberum corpus, nedum liberam auctoritatem habuisse: omnia extrema perpeffum, tredecim, quibus præfuit annis, bellis, obsidione, gladiis, captivitate, afflictissimum. Ad quæ carcere detentum, missum aliquando tpiculatorem, gladio caput, iteratis summo nilu ictibus, amputare conatum, nec quidquā in impietate desudasse, summa tantum in cute, signa illati sceleris, & quidem deinceps incredibilia adhæsisse. *Vid. Bisc. & vita t. 4. Camisii.*

A. C. 1091.

S. P. N. 611.

OB sanctitatis B. VVilhelmi Hirsaugiæ Abbatis famam, plurimi eodem tempore sæculares homines, vitam Religiosorum simillimam in sæculo instituendo defendendos auctoritate sua Urbanus censuit, defenditque. Vide Yepes, Bertol. Conf. Baron. Bisciola. &c.

V 4

Mori-

Moritur decus Germaniæ nostræ meritis de Ecclesia universa S. V Vilhelmus, quem tantum virum celebrare ipsa multitudo prodigiorum prohibet, & copia annorum, etiam ipsum compendium magis stringit. Vid. Stengel. Baron. Yepes.

Iterum concilium celebrat S. Urbanus noster Beneventi, in quo Gilbertum Antipapam Romæ denuo receptum excommunicat. Eum ibidem convenit Beat. Aisbertus noster Crispiniensis Monachus egregius Ordinis reformator, & amore in proximis admirandus, Beatissimæ insuper Virgini Matri commendatissimus: de quo in vita apud Sur. & Script. Belg. &c.

A. C. 1092.

S. P. N. 612.

PRODIGIOSA constantia, pro Ecclesia contra Schismaticos pugnat, & gravissimis afficitur injuriis, multis ab Ecclesia sua annis ejectus B. Gelhardus Constantiensis Episcopus. Ecclesiam ex Ordine nostro viri Sanctissimi undique propugnant, & diversis licet congregationibus, multa Sanctorum millia. clarescunt, & propitium Orbi numen demerentur. Ex Trith. Yep. Conf. Bened. &c.

Iterum nova Cathedralis Catanensis in Sicilia Ecclesia, nostris originem debet, ab iisdem primum curata, & ad tantum honorem provecta. Vide Anton. de Yepes.

A. C. 1093.

S. P. N. 613.

CONCILIIIS celebratis immortale sibi nomen Urbanus, fructumque Ecclesiæ peregregium peperit; hoc in primis anno, indicta rursus Troian Synodo generali, in qua diversis Ecclesiarum necessitatibus provideri curavit. Adelheidem Imperatricem ad se confugientem benigne recepit, rursusque ob immania flagitia, Henricum August. excommunicavit. Nec minore favore exceptus ab Urbano Conradus Henrici filius, in Longobardia postea imperavit quo rerum successu Principes Germaniæ in Conventu Vlmensi statuerunt omnino, Legato Apostolico Constantiensi Episcopo Gebhardo se omnes submittere, & Urbanus insigni omnium gratulatione Romam rediens susceptus est. Ex Baron. &c.

Fit Archiepiscopus splendidissimus il-

le universi sol Anselmus, ex priore Becensi Cantuariensibus post Lanfrancum prælatus de quo sæpe inferius. Dignissima Lanfranci gesta, obruti multitudine meritorum Pontificiorum, negleximus, hoc negligere non possumus ejus arbitrio administratum Angliæ Regnum, nec inconsulto eo, V Vilhelmum quidquam feliciter gessisse; Rege etiam absente, penes Lanfrancum imperium constituisse. Vid. Angl. Script. &c.

A. C. 1094.

S. P. N. 614.

PROFLIGAT felicissimè novam Hæresim, seu potius antiquam Sabellianorum repullulascens scripto doctissimo volumine de Incarnatione Verbi, S. Anselmus Cantuariensis Archi-Episcopus, quod hoc anno examinandum misit ad Urbanum Pontificem. Ita rursus egregius bello Dux, in causa fidei, ex Ordine nostro, contra exercitus inferorum exurrexit. Dodechinus, Edinerus, Baronius, Yepes, &c.

Idem Anselmus honorifice primum à Rege susceptus, quod mille denariorum libras pro promotione sua dare seu rependere noluisse, è curia discedere coactus est. Hæc & longe deinceps graviora, pro gravitate Pontificia, & libertate Ecclesiastica conservanda, magnanimitè perferens imò pro Ecclesia tolerare, lucrum ducens. Ex vita.

A. C. 1095.

S. P. N. 615.

RURSUM Ecclesiæ Sydus eximplendescit, Divus Bernardus Florentinus ex familia Vbertorum, in Collegium Cardinalium ab Urbano II. cooptatus, egregius Schismaticorum expugnator, & felicitate victoriæ, plurimis ad gremium Ecclesiæ reductis, immortalis. Vid. Yepes noster t. 6. cent. 7.

Iterum Episcopatus Zamorensis, initia celebrat Yepes noster, nostris debita, qui fusior legendus hoc anno Tomo sexto cent. 2.

Eodem anno quietem, & salutem in Cœnobio, & cucullo reperit Adelheidis Henrici Imp. conjux Aug. Vid. Yep. Berthold. Dodechin. Trith.

Rursum Placentiæ generalem Italiæ, Germaniæ, Galliæ Episcoporum Synodum convocat Urbanus Papa, tam innumabili multitudine confluyente, ut in cam-

campo aperto celebranda fuerit. Placencia recedenti Pontifici apud Cremonam obuius progressus Conradus Rex, Stratoris eidem munus exhibuit. Iterum Clāromontanum celebrat Vrbānus Concilium, in quo Philippum Francorum Regem excommunicavit, & strenuè pro colligendo contra infideles exercitu laboravit. Baron. De Anselmi item in Anglia laboribus, & periculis, vide ib.

A.C. 1076.

S.P.N. 666.

INter prima, & præcipua Benedictinæ gloriæ, & meritorum monimenta, merito referendum: quod hoc anno, B. Vrbānus primus fuerit, Cruciatæ in infideles auctor classicum inter afflictissima licet Schismaticorum scelere tempora, omnibus Gentibus occinens, quam latè Imperii Christiani fines extendebantur ad sacrum bellum omnes omnino exstimulavit. Signum expeditionis, & conscriptorum crux purpurea, ex panno purpureo, vestibus super dextram scapulam assuta. Trecenta statim millia, prima expeditione, cruce signatorum numerata. Initium ante profectioem milites ipsi ab Iudæis sumpserunt, omnes qui Christo nomen dare renuerent contrucidantes. Videndi Guil. Tyrius, Chron. Hierosol. Volaterr. Plat. Blandus, &c. innumeri.

Nec minor eiusdem eodem ipso tempore gloria, eque celebre de cælo ipso, & cæli Regina meritum: quo Officium B. Mariæ Virginis a Monachis etiam ad clericos transtulit, & in Ecclesia recitari iussit: novem item Missarum præfationibus decimum addidit: Et te in veneratione B. M. semper virginis collaudare, &c. Tantum uno anno, & longè plura unus hic Pontifex noster. Vid. Ration, diu. Nauder. Yepes, &c. Celebratum ab eodem ipso anno Turonicum Concilium. Baron.

A.C. 1097.

S.P.N. 667.

PRiora quidem omnia cum admiratione, ista stupefacti prorsum, & in tanta brevitate, dum vix attingimus, nescimus an scribamus; quæ de Anselmi modo Cantuariensis Archipræsulis meritis referenda. Huic cum Rege rursus accorrimus pro Ecclesiastica liber-

rate conflictus intercessit. Post longam vero concertationem Anselmus ad Pontificem Rom. appellavit. In itinere quantumvis latere studeret, sua ipsum ubique sanctitas prodidit, & ad tanti viri miraculum, undiq; ac undecunque multitudo mortalium ingens accurrit. Susceptus ab Vrbano, & Romana Vrbe multo cum honore est, de quo ad Patres idem Pontifex: hominem, eum commendans omnium liberalium artium disciplinis eruditum, & quidem, inquit, eum illum pro Magistro teneamus, & quasi comparem, velut alterius orbis Apostolicum, & Patriarcham jure venerandum censeamus: ita tamen excellens menti eius humilitatis constantia præsidet, ut nec maris periculis, nec longissimis peregrinæ terræ spatiis terreri potuerit, quin vestigiis B. Petri, nostræ parvitatæ ministerio se præsentare, nosque magis illius, quam illum nostro egentem consilio super causis suis consulendos adire studuerit. Quapropter considerate, quo amore, quo honore suscipiendus sit, & amplectendus. Ex Edinero comite ipsius Sancti: quæ eadem, recitat Baronius.

Singulari providentia Numinis factum, ut hoc maxime tempore Anselmus noster in Italiam veniret, quo doctrina atque sanctitate diversissimis Regnis & provinciis, ac populis prodesset: quippe plurimi tunc sub Rogerio, infidelibus, & Mahometi cultoribus nomen militiæ dantibus, iis inprimis Anselmus prædicatione mirum in modum profuit, multosque Christo adduxit, in signe insuper volumen contra infideles elaboravit: quod *Cur Deus homo?* inscripsit. Appropinquante vero Concilii indicti tempore, hoc ipso anno græcis cum Latinis, de processione Spiritus S. altercantibus: opportune adfuit Anselmus, & pleno Patrum in confesso, cum omnium admiratione, eloquentiam eorundem compescuit, & egregiè convicit.

Confederat humili loco, qua summa erat animi demissione Anselmus, ita ut nec ab Vrbano, præsens notaretur. Verum græcis nimium Latinos urgentibus. *Anselmi recordatus Pontifex exclamat: viva vocis (verbis Malmesburiensis referamus) tonitruum adis capacitas, & turba multiplicitas ingeminant: Pater, & Magister Anselme Anglorum Archiepiscopo ubi es? Ille ubi se vocari audivit, in pedes constitit,*

Quem

Quem Apostolicus compellans: Nunc, inquit, Magister opus est scientia, opus eloquentia tua opera. Veni ascende huc, & defende Matrem tuam (ô digna Monachi Episcopi conpellatio) Ecclesiam quam Græci labefactare conatur. Succurre ergo, quasi a Deo huc missus. Continuo cuncti astantes, & assidentes, oculos & ora in eum conversi, percunctari quis esset annitentibusque proximis ad confessum Apostolici levatus, sedere jussus iuxta Rom. Archidiaconum, cui ante Papam sedere moris est: includamus inquit, hunc in urbe nostro, quasi alterius Orbis Papam, &c. Convicit adeo die sequenti Græcos Anselmus, ut ridiculo omnibus exponerentur, & plausu clamoreque gaudium testarentur Latini, sedatoque fragore, intendens in eum Urbanus, in hæc verba erumperet. Benedictum sit cor tuum, & Spiritus tuus, os sermo oris tui Benedictus. Inde in contra sentientes excommunicationis fulmen intorsit. Mox de Anglorum Regis sceleribus, edoctis Patribus conclamantibus omnibus adversum Regem, & parante jam simili vindicta in impium animadvertere Urbano, pulcherri- mo sanè charitatis in hostem infensissi- mum exemplo, Anselmus ad pedes Pō- tificis proiectus, dilationem enixe peti- it ac vix obtinuit, &c. Malm.

Nec eo solum Græcos Concilio con- fudit cōvicitque Anselmus, sed & eru- ditissimo scripto de processione Spi- ritus Sancti, volumine posteriorum quoq; errori, & sceleri occurrit. De quibus om- nibus fusè Baronius hoc anno.

A. C. 1098.

S. P. N. 618.

Plenissimus iterum annus nostrorū meritis indicente Romam Concili- um Urbano, & magna pace Urbem ac finitima componente. Interfuit Con- cilio S. Anselmus quem discedere pro- perantem ea causa Pontifex detinuit. Tanta auctoritate etiam apud hostes Schismaticos valuit, ut sæpe captivum tracturi in plateis concurrerēt, sed viso vultu eiusdem, abiectis armis supplices ab eodem benedictionem flagitarent. Edin.

Immortali memoria dignissimum quod de eo Wilhelm. Malmesburien- sis celebrat; Antequam ab Vrbe recede- ret, inquit, obedientia pertinax custos, cum Archiepiscopus libera potestatis esset, rogavit Papam Urbanum, ut sibi aliquem præponeret,

cuius iussis vitam disponderet. Is Edine- rum exhibuit (qui eius, alias discipulus, vitam descripsit) cuius Anselmus tanti ius- sa faciebat, ut cum eum cubili locasset (ô vero Martyrem obedientiæ) non solum sine praecepto eius surgeret, sed nec latus inverte- ret. Baron. Rursum ingenti ab Ordine nostro fructu Ecclesia, & Cælum ex- hilaratur, & impletur, instituta sanctis- sima, & lactea Augustissimæ Matris Vir- ginis Congregatione, sive Ordine Ci- stertienfi, per S. Robertum nostrum, in- æstimabili ubertate, & felicitate insti- tutionem consequente. Ex vita S. Ro- berti, & Baron.


A. C. 1099.

S. P. N. 619.

Romæ celebrat generale Conciliū Urbanus centum quinquaginta E- piscoporum, Abbatum, & Clericorum innumerabilium; mortuus ipse eodem anno 4. Cal. Aug. rebus jam sedatis, pa- ceque diu exule restituta, atq; ipsa Ec- clesia Catholica in tranquilliorē sta- rum revocata. Bar. Domnizo, de Epi- stolis eius decretalibus, quibus Ecclesiæ summopere consuluit ac profuit, Vid. Gratianus. Spectat ad eundem, felicis- sima hoc anno parta de Christianæ fi- dei hostibus victoria, & Hierosolyma per Godfredum Ducem capta; de qua triumphum ipse Sanctissimus Pontifex in Cælo egit, & cælites omnes applau- dentes habuit.

Instituit hic idem Urbanus, inter alia præclara pulsum matutinum, meridia- num, & vespertinum pro Dei miseri- cordia pugnantibus in causa fidei impe- tranda, quem 134. annis continuatum, & occupata rursus ab hostibus Palæsti- na, pietate languente, honori, & saluta- tioni Dei parentis Gregorius noster IX. assignavit. Vid. Bugian. Vrsperg. Yepes Wion. &c. Tanta rursus unus hic verè admirandus Pontifex præstitit.

A morte Urbani, calculi omnium il- lico, in Rainerum sive Raginerium ex Monacho item Cluniacensi Monaste- rii S. Laurentii, & Stephani Abbatem, Cardinalem tit. S. Clementis consen- sere, qui post biduum solemniter inau- guratus consecratione, Pascha- lis II. appellatus est. Ba- ron. &c.



A. C.

A. C. 1100.

S. P. N. 620.

Admirandum prorsus, quantumvis, quos celebravimus ex Ordine nostro Pontifices Ecclesie commoda ita promoverint, ut amplius quisquam nil agere potuisse videatur: nulli tamen Antecessorum, vel sanctitate, vel rerum gerendarum dexteritate, Paschalem II. cessisse. Eius Pontificatus initia felicissima statim fuere, interitu Guiberti Pseudopontificis, sed multo gloriosior exin successus, cum de tribus ex in eodem scelere succedentibus belluis, Alberto, Ludovico, Maginulpho, unus ipse triumpharet. Hoc ipso autem anno Ecclesiam in splendorem pristinum restituere cupiens, nonnullas civitates, & oppida ex perduellium manibus vèdicans, minis tyrannos perdomuit; Philippum dein Gallie Regem ad vomitum redeuntem, sacris interdixit, eamque ob causam per Legatos Concilium Pictavis celebravit; in quo undecim Sanctum canone adversus investituras Ecclesiarum per seculares principes, adversus item Simoniacos, & concubinariorum Clericos, &c.

In Oriente feliciter eius auspiciis res gesta, & antiquis renovatis miraculis, innumerabiles hostium infidelium copias profligatæ.

In Anglia, mortuo infelici obitu, Wilhelmo Rege, S. Anselmus summo honore à successore Henrico ad Ecclesiam revocatur: verum turbata quamprimum pace, cum acerrimus Ecclesiasticæ libertatis assertor Anselmus, adulari Reges nesciret, sed impiæ ambitioni obviaret. Ex Baron.

Hoc eodem anno Paschalis Papa ad regimen Ecclesiarum Germanicarum, quas Henricus Imp. Schismaticus persecutione vexabat, legationem Apostolicam credidit Gebhardo Constantiensis Episcopo ex Monacho Hirsauigeni, qui eam à Paschalis prædecessoribus, multis jam annis obtinuerat. De eo sic Baronius: Apostolicus plane vir, qui præ cæteris stetit pro muro domui Israel perditissimis hisce temporibus. Vid. & Const. Ben. &c. Berthold, &c.

A. C. 1101.

S. P. N. 621.

Laudanda æternum industria Sanctissimi Pontificis nostri Paschalis II. quo agente alia in Terram Sanctam

expeditio suscepta, & quidem ingenti numero ingentiora factura, si per Alexii Græcorum Imperatoris invidiam atque perfidiam licuisset. Illatæ inde plurimæ Sanctorum exuvie, aliasque inter D. Ioannis Baptistæ cineres nostris Pontificibus acceptæ debentur, quorum iussu & labore expeditiones eiusmodi susceptæ Europam dein nostram ita abunde bearunt. Ex Vrsperg. Tyrio, Baron, &c.

Mirandum, quod Henrico Angliæ Rege, & Anselmo, missis Romam Legatis, de investitura Ecclesiarum concertantibus, in itinere accidit: Herberto Norwicensi Episcopo Regis legato à prædonibus intercepto, & lytro persoluto, non ante dimisso, quam pot omne quod dicitur Sanctum iurare compulso, nihil se Romæ acturum quod spectaret ad incommodum Anselmi. Quibus videas adeo increbuisse nomen Anselmi, ut etiam latronibus esset in honore & defensione. Ex Malmesbur.

Multa Sanctorum millia in Ordine, diversis Congregationibus, Cassinensi, Camaldulensi, Valumbrosana, Grandimontensi, Cisterciensi &c. eodem ipso tempore convivere Episcoporum, Cardinalium, aliorumque Ecclesiasticorum procerum numerus ingens, quorum plurimi etiam in Palæstinam profecti, ibidem Cænobia condidere: eosque inter B. Gerardus noster ex Monacho Italo & Abbate Schaffhusano ad Rhenum, Archiepiscopus Cæsarensis, & Custos Dominici sepulchri electus, novam planè, tanto munere, in Ordinem felicitatem invexit. Ex Constant, Ben, Berthol.

A. C. 1102.

S. P. N. 622.

Concilium generale habitum ab ipso Paschale, in quo, cum secus quàm promiserat, adesse dedignaretur Henricus Imp. imo rursus alium Antipontificem intruderet, rursus excommunicatus est Baron, &c.

Anselmi opera strenuè consulitur Ecclesiis Anglicanis, indicto etiam Londinum Concilio in quo Ecclesiasticæ disciplinæ restituendæ conditi canones & Clericorum laicorumque mores reformati; nihil metuentes exulcerationem animi Regis Anselmo, cui in votis sem-

semper erat, pro commisso sibi grege vitam cum sanguine profundere. Wion, Malmesbur. &c.

Confirmat hoc anno donationem à se Gregorio VII. & Ecclesiæ factam Mathildis celeberrima illa Princeps famina, ita ut sub Gregorio & Paschale, quos illa unicissime coluerat, quam maxime auctum D. Petri Patrimonium fuerit. Ex Bisc. Baron, &c.

A. C. 1103.

S. P. N. 623.

Institutus celeberrimus ille fama atque utilitate Equitum S. Ioannis Baptistæ Ordo militaris, de Ecclesia meritissimus, nostris non solum juvantibus suo more, sed origine ipsa nostris referenda apud quos, diu etiam post, Magistri Hospitalarii eligendi potestas permansit, opem atque opes de suo ministrante Cænobio nostro Latinenſi Inſtitutor Ordinis præcipuus fuisse memoratur S. Petrus Panormitanus, Abbas Cavenſis; primus vero Ordinis Magister Gerardus eiusdem Cænobii Monachus, de quibus omnibus legenda Chronic. Cavenſe, Victorin. Ant. de Yepes t. 6. cent. 6. & t. 7. cent. 7. Arnoldus Wion, &c. Assumpfere dein milites illi Regulam S. Augustini de qua iidem consul.

Cavenſis Cænobii & Congregationis insignis per hæc tempora felicitas, affluente tanta mortalium ad conversionem turba, ut unus Petrus Abbas de seipſo scriptum reliquerit, se plus quam tribus, virorum millibus habitum Sanctæ conversationis imposuisse, ut unius ex Cænobii fructu, cæterorum toto Orbe omnium proventum submeriatis. Debet eidem Cænobio originem Major Ecclesia, Montis Regalis de qua (scriptorum monumentis celeberrima) in diplomate Innocentius Tertius. Sic ait de Guilhelmo Rege conditore: *statuit autem imprimis, ut Ordo Monasticus, qui secundum Dei timorem, & B. Benedicti Regulam, & Cavenſis Monasterii observantiam, in eodem loco institutus esse dignoscitur, perpetuis ibidem temporibus inviolabiliter observetur, &c.* Yepes & cit.

Eodem anno S. Anselmus, pari, qua superius meminimus constantia libertatis Ecclesiasticæ defendendæ studio Romam proficiscitur. Mittit pro se electum Exoniensem Episcopum Rex Hæricus, qui ea dexteritate Regis partes

defendit, ut plerique ex Patribus in eius sententiam concessuri viderentur, securior denique de opinione assensuque omnium redditus, ausus etiam in ista erumpere: *Regem nec pro amissione Regni passurum sibi Ecclesiarum investituras, auferri.* Ad quæ digna Summo Pontifice constantia Paschalis noster: *Nec ego, inquit, pro capitis mei redemptione eum investituras permittam impune habere.* Ad quam magnanimam vocem conversis in eius laudem contra sentientium linguis, legatus confusus obticuit. Verum Rege inaudiente, causa se cecidisse iussus per eundem legatum Anselmus, nisi investituris acquiesceret, in exilium concedere, libens exulavit. Ita potior nostris calamitas omnis, quam ingloriosa felicitas fuit. Ex Malmesb. &c.

A. C. 1104.

S. P. N. 624.

Claret egregia nominis fama, è Cluniacensi Cænobio usque in extremas Hispaniæ oras accitus Dalmachi, Primus Compostellanus Archiepiscopus, ut Principis apud Hispanos loci dignitas etiam à nostris sumat exordium. Vid. Yepes Valæus, Wion, &c.

Destinavit hoc anno varias passim legationes Paschalis noster, in Poloniam, in Gallias, & summo rei Ecclesiasticæ bono consilium Trecense per legatos celebravit, Baron.

Congregatione Cluniacensi tota jam Europa, diffusa, sed & in Orientem propagata in ipsum quoque novum Orbem Benedictinorum meritorum copia redundavit, præterque Persiam, Armeniam ac Palestinam à nostris institutas, in quibus Benedictinorum inquit Caietanus, *Monasteria nec quidem pauca, ad hanc usque diem extant; Æthiopiam etiam S. P. N. Legibus illustratam fuisse, non parum ipsi Æthiopes gloriantur.* Qua de re Magnum Benedictum, non modo Abbatem, & Patrem, sed etiam Angelum vocitant. Ea enim illorum lingua vox est; *Abba, Pruck, Amalack:* quod latine sonat: Abbas Benedictus, Angelus. Ex Caiet. &c.

A. C. 1105.

S. P. N. 625.

Baschalis Concilio apud Northusium celebrato Ecclesiæ egregiè consuluit præter legatos Ruthardum Mogunt. & Geb-

& Gebhardum Constantiens. Episcop. Baron. Ei denique se submittens Henricus Imp. Imperio se abdicat, & in locum privatus abscedit, sibi à legatis Pontif. assignatum. Decreto item Paschalis ossa Guiberti Antipapæ exhumantur, & in flumen projiciuntur. *Vid. Baron. &c.*

A.C. 1106.

S.P.N. 626.

Dignissima tanto Pontifice industria rebus Ecclesiæ intentus Paschalis Papa, in Galliam Cisalpinam usque ipse iter suscipit, & Guastallæ, sive Guardastallæ super ripam Padi, Concilium celebrat, in quo inter alia plurima, summa prudentia, & moderatione gesta, & statuta, ad ordinandam Ecclesiam, longiori Henrici senioris persecutione quassatam: omnes Episcopi, & cujuscunq; Ordinis clerici, in schismate ordinati, in suis officiis suscepti sunt, nisi qui aut in vasa, aut Simoniaci, aut alias criminosi probati essent. *Baron. Dominico, &c.*

Claret inter innumeros nostri Ordinis Sanctos, multa per Ecclesias Galliarum auctoritate S. Godefredus Episcopus Ambianensis, doctrina præclarus, & sanctitate conspicuus, & Pontificum decus; De quo memorabile sanè illud: quod cum Missam in Natalitio Domini celebraret, oblationes eorum, qui more muliercularum intonsam comam gerebant noluit recipere, qui agnita Pontificis auctoritate, certatim cultris, & gladiis (forfices n. deerant) pilos sibi amputarunt, miseros se putantes, si propter comas, tanti Præfulis benedictione privarentur. *Ex Claud. Rob.* Ejus inscriptum sepulchro, dignum tanto Pontifice elogium.

Gloria Pontificum, Cleri decus, ac Monachorum,

Forma, gregis Dux, exemplar morum Godefridus

Hic jacet, astra petens octava luce Novembris.

Innumerabilis hominum multitudo ad ordinem nostrum confluens, in nova Cisterciensium Congregatione à fluctibus mundi intutum recipitur. *Ex vita S. Bern.*

A.C. 1107.

S.P.N. 627.

Perpetua Paschalis merita, hoc rursum anno plurimum aucta Trecenti in Galliis Concilio celebrato, de cujus Canonibus, & actis leg. Sever. Binius, Baronius. Mortuo Otthoni è Comite Fundensi,

Cassinenfi Monacho, & Abbati (successerat is B. Odoriso Marforum Comiti, ex Abbate Sanct. Rom. Eccl. Cardinali) sufficitur S. Bruno, admirandus sanctitate, & doctrina Monachus, Berengarianæ Hæresis oppugnator gloriosissimus gemina Rom. Pontificis jussu legatione etiā ante indeptum Abbatum honorem, celebratus, quarum alteram ad Rogerium Apuliæ Comitem, alteram cū Boamundo Antiochiæ Principe in Gallia obivit: ubi Apostolica auctoritate ac præcepto, Synodum etiam celebravit. Inde Italiam repetens, in itinere grassatorum insidiis circumventus, ita eos perterruit, emicante ex oculis, totoque vultu splendore, ut accidentes ad ejus genua, destinati facinoris, veniam demissè petierint, eumque insuper per infesta latrociniiis loca, ne quid damni pateretur, officiosissime deduxerint. *Ex Marco Ant. Scip. &c. Tepes, &c.*

Plurima toto orbe condita Cænobia, & consequenter, in immensum Monachorum, hoc in primis sæculo perfectissimorum, auctus numerus. *Vid. Tepes Conf. Baron.*

A.C. 1108.

S.P.N. 628.

Nemo satis, nec unū quidem Paschalis Papæ præstitum orbi universo, & Ecclesiæ beneficium commemoret; quorum, ille copia etiam numerum omnem excessit: Hoc anno plures Tyrannos oppressit, & tumultuantium denuo Romanorum insolentiam compescuit iterumque Concilium Beneventi celebravit, quæ singula singulis libris celebrari digna essent.

Anselmi Cantuariensis non minor industria, qui summa auctoritate hoc anno Concilio Londoniensi præfuit, in quo de investituris lis denique, annuente etiam Rege terminata. *Malmesbur. Bar. &c.*

A.C. 1109.

S.P.N. 628.

Ocumbunt uno hoc eodemque anno illustrissima duo Orbis Sydera SS. Anselmus Cantuariensis Archiepiscopus, & Hugo Cluniacensis Abbas quorum sanctitatem Orbis universus, & posteritas omnis obstupescens admiratur: Hugoni suum Edinerum defuisse lamentatur Baronius, qui tanti Abbatis prodigiosè, & præclare gesta, ut ille Anselmi, descripsisset. Anselmi supra omnia pro Ecclesiâ exaltata, honor ex eo

præcipuus fluxit; quod Augustissimam illam Cælitum Reginam, Matrem Virginem, in solenti planè obsequio, & æterno elogio, posteritati omni commendavit primusque ejusdem Conceptionis annum memoriam, dignissimo concelebratam festo Orbi invexerit. In ejus brevibus opusculis, ait Demochares penè omnia firmis rationibus demonstrari quæ Petrus Lombardus, Magister Sententiarum in quatuor plenis voluminibus, multis SS. Doctorum auctoritatibus postea confirmavit. *Baronius; Stengel. Ediner. VVion. Tep.* Nullo respectu tanti Principis S. Paschalis noster excommunicationem, & privationem Regni indicit Alphonso Aragonum Regi, ob incestuosum, cum Vraca, tertio gradu consanguinitatis juncta, conjugium. Contemnens uterque ulciscens Deum experitur; Vraca morte subitanea per medium crepuit, Alphonsus à Sarracenis peremptus est. *Vid. Mariana, &c.*

A.C. III.º.

S.P.N. 630.

Induxit hoc anno Henricum IV. Imp. Paschalis noster, ut investiturarum vindicato diu à multis Imp. & Regibus juri renunciaret, libertatemque Ecclesiarum, ac restitutionem, & conservationem juri ac possessionem ad eas pertinentiū, concederet. Grande sanè meritum Pontificis, quantumvis concessionem suam impius Imperator denique rursus irritam veller.

De ipsis etiam Christi incunabulis S. Pontifex meritissimus, locum Christi nativitate illustratum, Bethleem in Sedem Episcopalem erexit. *VVilh. Tyrio, &c.*

Virorum ex ordine illustrium plurimos hoc anno, & circa hæc tempora Yepes, & Trithemius nostri, commemorant. Requirit.

A.C. IIII.º.

S.P.N. 631.

ENitet admiranda hoc anno constantia S. Paschalis nostri Summi Pontificis, qui Henrico Cæs. pro coronatione Romanam venienti, atque investituram reposcanti, pro auctoritate Pontifici egregie restitit à quo proin captivus, cum Cardinalibus, & magna Clericorum ac civium multitudine, abductus est. Verum suadentibus quos secum habuerat, Cardinalibus, propositis captivorum calamitatibus, urbis periculis, & gravissimo quod Ecclesiæ universæ imminerebat, Schismatis

scandalo, juramento promisit, se Henricum de investitura minimè inquietaturum. Ita dimissus, ipsum Imperatorem coronavit, & ut videbimus, dein juramentum, utpote extortum, rescidit. *Ex Baron.*

Nunquam vero satis laudanda excelsit hoc anno magnanimitas S. Brunonis Cassinensis Abbatis, & Signini Episcopi, qui minimè veritus, cum ipso Paschale concertare cum Paschalis, non statim factum suum revocasset, ipsum omni ratione monendum, & quasi cogendum censuit ut Henrico Imp. quamprimum occurreret, & vim illius atque ambitionem execraretur. Acerbè tulit correptionem Episcopi Papa, & virum Sanctissimum Abbatia Cassinensi abire jussit, quem alii detulerant, multa in Pontificem moliri. Bruno in Episcopatu vitæ reliquum sanctissime transegit, ab ipso Paschali commendatus: dignissimum illum esse, cui, se vita functo, Christianæ Reip. gubernacula traderentur. Ita egregii semper zelatores pro Domo Dei, ex Benedicto nostro Ordine florere.

Abolvit sub hæc tempora B. Rupertus noster Leodiensis Monachus, dein Tuiensis Abbas præclarum illud opus suum de Divinis Officiis. *Vid. Baron.* vita operibus ejusdem præfixa, &c.

Dignissimæ hoc loco ejusdem S. Brunonis nostri, Abbatis tunc Casinatis litteræ, intimi doloris testes, acrimoniæ, & querelarum plenæ, rei Christianæ ferventissimum studium, ut ait Scipio noster, & religiosi pectoris sinceritatem, constantiam, & ab omni privato comodo alienissimā mentem præse ferentes, quibus minimè exhorruit, ipsummet Paschalem Pontificem serio commonefacere, etsi necire non poterat, ægerrimè, ut post ipse expertus fuerat laturum. Audiamus.

Paschali Summo Pontifici

Brunus peccator, Divi Benedicti servus.

Quod tanto Domino, & Patri.

Inimici mei dicunt tibi, quia te non diligo, & quia de te malè loquor: sed mentiuntur; Ego enim sic te diligo, sicut Patrem, & Dominum diligere debeo, & nullum alium, te vivente, Pontificem habere volo, sicut ego cum multis aliis tibi promisi. Audio tamen Salvatorem meum mihi dicentem: Qui amat Patrem, aut matrem plus quàm me, non est me dignus. Vnde & Apostolus dicit: Si quis non diligit Dominum Iesum, sit anathema maranatha. Debeo igitur diligere te, sed

sed plus debeo diligere illum, qui te fecit, & me. Huic enim tanto amoris nihil unquam preferendum est. Fœdus autem illud tam fœdum, tam violentum, cum tanta proditione factum, tam omni pietate, & religioni contrarium, ego non laudo. At vero, neque tu, sicut pluribus referentibus audio. Quis enim illud laudare poterit, in quo fides violatur; Ecclesia libertatem amittit; Sacerdotium tollitur, unicum & singulare Ecclesie ostium clauditur, aliaque multa ostia aperiuntur, per quæ, quicumque intrat, fur est & latro? Habemus Canones, habemus Sanctorum Patrum Constitutiones, à temporibus Apostolorum usque ad te. Via regia incedendum est, neque ab ea in aliam partem declinandum, &c. Tulit acerbius initio Pontifex, perspectaque tanti Abbatis constantia: Si non accelero, inquit, tollere ei Abbatiam, futurum est, ut ipse suis argumentationibus, Romanum mihi tollat Pontificatū. Quare Brunoni per Epistolam mandavit, relicto Cassinati Magistratu, ad Signinensem se Ecclesiam referre.

A. C. III2. S. P. N. 632.

Paschalis Papa ad curandum Ecclesie scandalum, ex eo quod promiserat superiore anno Henrico Cæsari, exortum; Concilium Generale in Basilica Lateranensi Romæ celebrat. In eo rescissum privilegium Cæsari datum, idemque excommunicatus à Patribus, ita ut Paschalis contra juramentum ipse non ageret.

Memoranda æternis sæculis Paschalis Summi Pontif. in eodē Concilio humilitas, & poenitentia ex eo, quod ipse non tã Cæsaris metu, quam Ecclesie amore, ne schismate scinderetur, ac consiliis suorum faciens, tunc necessarium duxerat, quando admittebat; rejecta namque mitra, & manto semet Pontificatu abdicat, jussus mox à Concilio ipso Pontificalia insignia recipere. Ita charior nostris Summo Pontificatu ima humilitas fuit, & poenitentialis vita, Regum imperio potior vita. De eo sic Gotfridus Viterbiensis Notarius Imper.

Papa dolens lamenta dedit, totumque per orbem

Ecclesiam sua charta vocat properanter ad urbem

Hæc ubi cōcedit Cæsaris acta dedit.

Tunc ait: ô Patres, à Cæsare scripta notate

Et quodcunque placet super his decreta parate.

Me quoq; Pontificem non fore jussa date.

Peccatis mala vestra meis venisse notavi,

Officiis me destitui dignum reputavi

Me quoque deposui ne pereatis, ait Hæc ait & Mitram rejicit, mantumq; relinquit,

Ordinet Ecclesia sine me, quidquid placet, inquit,

Moreque Pontificis judicet ipsa sibi, &c.

Claret admiranda sanctitate Sanctissimus Stephanus Abbas 3. Cisterciensis, cujus opera, summo, & æternæ Ecclesie bono, felicissima Cisterciensium Congregatio maxima lumen s incrementa, de plenitudine tua universo mundo, imo cælo ipsi comunicat. *Ex vita ejus.*

A. C. III3.

S. P. N. 633.

Quod initio libri dixeramus, omnes nostrorum sanguine purpuratas orbis provincias, de Palæsthina denique hoc etiam anno probandum. Et quidem plurimi jam eam sanguine suo infuderant, ut meritissimus ille Ecclesie Salisburgensis Archiepiscopus, ex Monacho Hirsaugiensi S. Thiemonaster horrendis ibidem paucos ante annos suppliciis excarnificatus, alique. Hoc verò anno plurimi è nostris, omnes Cluniacensis Cænobii Monachi (colonia per insigni in Palæstinā ducta) in Monasterio montis Thabor, ne solo transfigurato illic Domino Moyses, & Elias testes essent, Martyres ipsi, felicissimum illum montem, nova beatitate illustriorem reddiderunt. Tyrius. Hic insuper annus est; qui S. Bernardi conversione à sæculo ad Cistercienses Ecclesie Dei extitit memorabilis (ita Baronius) cū ipse doctrina, vitæ exemplo Sanctorum fecunda sobole magnopere Ecclesiam illustraret. *Vid. Chryf. Henric. V Vilhel. Abb. S. Theodor. &c.*

A. C. III4.

S. P. N. 634.

Admiranda constantia in Henricianam Hæresim depugnat Cono sive Chuno Comes Vracensis, Congregationis Arosianæ nostræ Monachus S. R. E. Card. qui hoc anno Paschalis Pontificis Legatus ad Gallos, in Vrbe Bellovacensi Concilium celebrat, & nihil reveritus, insanientem ferocia Principem Henricum Imper. excommunicat, & excommunicatum proclamat. *Vid. Baron. luo. vita Godfred. Amb.*

Celebrat, & Paschalis ipse Ceperani Concilium, de quo leg. Pet. Diac. Binus. &c.

X 2

A. C.

A. C. III5.

S. P. N. 635.

IMplet orbem fama B. Guido Guilielmi Burgundie Comitis filius Monachus Fallerenſis, ex Monacho Archiepiſcopus Viennenſis, quem Petrus Venerabilis vocat; *verbo & opere Patriarcham Viennenſem, item; Regii ſanguinis nobilitate inſignem, ſed moribus, probitate, ac liberalis animi magnificentia longè inſigniore.* Et Sugerius in Ludovico Groſſo, *Imperialis, & Regia celsitudinis derivativa conſanguinitate generoſum, ſed multo generoſiorem moribus, & qui terrena nobilitatis celsitudine præcellit, ſed celeſtini nitore chariſmatum pulchrius eluceſcit, &c.* De eodem plura viri huius temporis ſanctiſſimi, & doctiſſimi; unde liceat ejus virtutem æſtimare. Eodem anno Paſchalis Papa Concilium Trojæ habuit, & res Catholicorum magis magiſq; invaluerunt. *Bar. &c.*

A. C. III6.

S. P. N. 636.

Aliud Generale Concilium Romæ in Baſilica Lateranèſi convocat Paſchalis, cujus memoratu digniſſima vide apud Baron. t. 12. Innumeri ex Ordine Sancti, & Eccleſiarum Antiſtites celebrantur. Inter alios decantatiſſimus multorum voce & ſcriptis Raynaldus. Archiepiſcopus Lugdunenſis ex Abbate Vigiliacenſi, cujus industria Eccleſia illa opibus egregie aucta: De quo ſepulchralis inſcriptio loquitur:

Vigiliacenſis prius Abbas, poſt Patriarcha

Lugduni fulſit, factus, honoris honor.

Prædicator theſauri, ſaſtigia cæſta loquuntur,

Quo ſtudio primo præſuit ille loco. Lugdunenſis apex junxiſſet cornua cælo,

Ni celer occaſus ſubripuiſſet eum, &c.

De aliis huius temporis viris illuſtribus videatur hoc anno Anton. de Yepes, &c.

A. C. III7.

S. P. N. 637.

ORigo Congregationis noſtræ Fontis Ebraldi, qui ad honorem perſonæ Beatiffimæ Virginis Matris Abbatiffa, tã viris nimirum quam ſæminis præerat. Ejus brevi tempore iſſe ſucceſſus fuere, ut quinquaginta poſt ortum Cænobii Ebraldini annis, ad quatuor ſerè aut quinque milliũ ejus loci ſanctimonialium numerus excrevit. *Ita Sugerius Abb. Yepes, &c.*

Loco, dum ſcriberet Iepheſius, non ſine

opinione ſanctitatis præſuit Eleonora de Borbonio amita Henrici Magni Regis Chriſtianiffimi Francorum, & Navarræ, quæ in Cænobio eodem ducentas, præter Religioſos, DEO dicatas Moniales ad omnem Religionem ſuo exemplo ducebat. *Vid. Baron.*

Eodem anno, qualiter S. Benno noſter Miſnenſis Epicoſopus etiam poſt mortem (decennio ab hinc obierat) miraculis contra Schiſmaticos, & adverſus ipſum Imperatorem Henricum depugnaverit, eo-que terrore Henricus concuſſus abſolutionem quaſierit, nec impetraverit, conſule eundem Baronium hoc anno.

Iterum Paſchalis, ſuo & noſtrorum more, quod nihil Eccleſiæ utiliſſe deprehenderet, Concilium in Apulia celebrat. *Vid. idem, &c.*

A. C. III8.

S. P. N. 638.

Moritur S. Paſchalis noſter Summus Eccleſiæ Pontifex, ſanctitate, patientia, conſtantia, meritis immortalis. De eo ſic Hieronim. Platus: *Paſchalis II. Caſſinenſis antea Monachus* (fuiſſe Caſſinenſem aliquando, dein ad SS. Laurentij & Stephani Abbatiam Cluniacenſium congregationis evocatũ, minimè repugnant) *ipſe quidem, nolens ac gemens (eligitur) ſed tanto populi & Cleri, Cardinaliumque conſenſu, ut reſiſtere non potuerit; Hic annis decem & octo Eccleſiæ præſuit, eaque in magna temporum varietate, in qua ſemper ejus fortitudo eluxit, cum ſchiſma quod multos jam annos Principum quorundam perfidia Chriſti gregẽ miſerè lacerarat, ipſe tandem tum prudentia, tum etiam felicitate quadam proſegavit, omninoque ſuſtulerit; deinde Eccleſiaſticam ditionẽ à multis diſcerptam reſtituerit, & ampliſicavit; denique cum multis alias ſeditiones; multa Chriſtianorum Principum, rerumque publicarum diſſidia compoſuiſſet; tantam apud omnes ſui caritatem excitavit, ut Romam rediens, ob ipſam multitudinem hominum obviam prodeuntium in morbum incidiffe credatur, quo etiam extinctus eſt. Hæc Platus, &c.*

Succeſſit Ioannes patria, & familia Cajetanus S. R. E. Cardin. & Monacho Caſſinenſi ſummo omnium conſenſu electus, & Gelafius eo nomine II. appellatus, qui prima ſtatim electionis die ſanguine ſuo Pontificatũ initiavit, à Cincio Frangipane pugnis, & calcibus percuſſus, & tanquam brutũ animal intra limen Eccleſiæ acriter calcaribus cruentatus, per capillos & brachia tractus, & captivus ad domũ neſarii Principis deductus. Quem tamen mox cives in libertatem vendicarunt, cum vix creptus

creptus ab Imperatore pari scelere appetitur, & vix in patriam Cajetam evadit. Romam reversus, iterum Frangipaniorum manus vix effugit, & in Galliam se denique recipit. *Vid. Baron. &c.*

Instituit hoc eodem anno Gelasius primum post captam Cæsar-Augustam, ejus loci Episcopum, peccatorum absolutione concessa iis, qui Ecclesiæ Beatissimæ Virginis ibidem, vulgo S. Maria de Pilari reedificandæ, seu Clericis alendis aliquid contribuerent. *Hieron. Blanca, &c.*

Ordo Templariorum sub SS. Regula nostra institutus, plurimum hoc seculo Ecclesiæ ornamenti, & utilitatis contulit: ac tantum ut nemo satis queat verbis exprimere. *Vid. Quil. Tyrinus, &c.*

Moritur Alexius Constantinop. Imp. qui quod fuerit Catholicus, & Ecclesiæ Rom. cōmunionē conjunctus, vel illud satis demonstrare ait Baronius; quod legationibus ac donis frequentasse reperitur Cassinense Cænobium, ipsamque etiam Romanam Ecclesiam. Vnde intelligas quid Humbertus ille noster Sedis Apostolicæ Legatus, ipsique Pontifices nostri effecerint, qualiterque in acceptis etiam toto remoti Oriente Principes, & Imp. Sanctissimo Patriarchæ nostro Benedicto, felicitatem suam retulerint, atque animi salutem, filiorum ipsius adjuti charitate, quod & in Calo-Ioanne Alexii successore manifestius patuit, ad quem uti, & Patriarcham Constantinopolitanum Petrus Abbas Cluniacensis statim post aditum Imperium litteras pro Cluniacensium, quod erat Constantinopoli, Cænobii restitutione dedit. Imo Ioannes ipse Confrater, & comparticeps, omnium spiritualium beneficiorum Congregationis Cluniacensis fuit. Maximis toto Orbe Principibus, Monachis fratrum titulo accenseri ex ambientibus. *Vid. Petrus Ven. in Epist. Baron. Bisc. Leo Ost. &c.*

A. C. 1119.

S. P. N. 639.

Moritur Sanctissimus Pontifex noster Gelasius Cassinensis Monachus celebrato Viennensi in Galliis Concilio, eoque absoluto, in Cluniacense Sanctissimū Cænobium delatus, provido ibidem mentis intuitu rebus Ecclesiæ consulens, felix quod apud suos, Sanctos nimirum inter Monachos, nec suis Cassinensibus impares, moreretur, in eodem Cluniacensi Cænobio conditus. Eum Hieron.

Platus ab sanctitate, continentia, doctrina insigni, ac dicendi quoque elegantia, quæ iis temporibus penè pro miraculo fuit, egregiè cōmendat: longè vero illustriori Encomio Baronius celebrat. *Post Martyres, qui fuso sanguine martyrium consummarunt, haud facile inter Romanos Pontifices aliquem quis invenerit qui breviori vita tempore, majora sit passus, ob idque præclariori corona donandus atque celebrioribus fuerit præconiis celebrandus.* Hæc Baron.

Electus à Patribus Guido Archiepiscopus Viennensis, Cluniacensis primum Monachus, Falleritanus dein ante Archiepiscopulū honorem, Abbas Regio genere ortus, longo tempore sub Palchali legatione Apostolica adversus Schismaticos strenuè functus, quem Magnum tempore Schismatis fuisse Catholicæ Ecclesiæ propugnaculum, Baronius asseverat. Is absens quidem electus, electionem sui per visum præcognovit; cum vidisset nimirū proxima electioni nocte, sibi à præpotente persona Lunam sub chlamyde repositā cōmitti, ne causa Ecclesiæ transitu Apostolici periclitaretur. Ita Sugerius additque Baronius: *quod magis magisque perspicuum reddiderunt eventa, siquidem diuturnū bellum ob investituras conflatum diu multumque Ecclesiam fatigans ac lacerans cedente tandem Imperatore, ab eodem Callisto Papa (sic relicto Guidonis nomine salutatus est) felicissime compressum est.* Nihilominus adveniens ipse post obitum Gelasij Cluniacum, & rursum canonicè electus, rejecit tamen, quantum valuit, tantum onus, donec victus aliorum precibus, & unanimi omnium consensu, invitatus admodum illud suscepit, cujus electio, mox Romæ quoque ab universo Clero ac populo est confirmata. *Vid. Baron. Sugerius, Bisciola, Pandulphus, Vrßberg. &c.* Primum statim Callisti meritum fuit: indictum Rhemenle Concilium, hoc ipso anno congregatū, in quo, cum investituris renunciare Imperator nollet, excommunicatus est.

A. C. 1120.

S. P. N. 640.

Debet Viennensis Galliæ celeberrima Ecclesia, cui ante sumum Pontificatum præerat Callistus Papa, eidem hoc anno acceptam Primatus dignitatem super septem amplissimas provincias, Viennensem, Bituricensem, Burdegalensem, Auxitanam, Narbonensem, Aquensem, & Ebrodunensem in quibus Archiepiscopus Viennensis Romani

Pontificis vices ageret, Synodales conventus celebraret, & negotia Ecclesiastica, canonicè definiret. *Vid. Pet. Diac. Pandolph. Baron. &c.* Exin Pontifex in Urbem profectus ibidem summa omnium gratulatione exceptus est. Burdino Antipontifice illico ad Sutrinam munitionem se recipiente. Paulo post eundem ut inde quoque expelleret Callistus Beneventum se contulit, ut Northmannos ad expugnationem Suttrini exhortaretur. Beneventi eum Regis Galliarum nomine Legatus convenit Sugerius Abbas noster. *De quo leg. Baron.*

A. C. 1121.

S. P. N. 641.

CAstillus Papa tyrannidem Burdini porro ferre non valens, qui ex munitione Sutrina persequi Ecclesiam, peregrinos prædari, & alia nefanda perpetrare non desisteat, collecto Romanorum, & Northmannorum exercitu eundem obsedit caputque. Nec minus Cincium Frangipanem edomuit, attrivitque alios qui contra Ecclesiam arma sumpserant. Quibus fractus, & exterritus Imp. Henricus firmissimam tandem servare pacem promisit. Ut annum hunc plenissimum meritis neglectis aliis finiamus. *Vid. Bar.*

A. C. 1122.

S. P. N. 642.

Concilium generale à Callisto Romæ celebratur, imprimis pro restitutione Ecclesiasticæ disciplinæ, diuturnis schismaticorum factionibus agitatur, in quo Canonès 17. condidit, maxima ex parte in Decretum à Gratiano nostro relatos, ut hodieque eis omnis posteritas fruatur, remissionem insuper peccatorum ad sacrum bellum proficiscentibus concessit, aliaque statuit, de quibus fusè Binius & Baron. Legatos denique in Germaniam direxit, ac Concilium denuo Wormatiæ edixit, in quo denique cor Imperatoris emollitum, ipseque investituris, ac electionibus Episcoporum, renunciatis, Summo Pontifici, Ecclesiæ, aliisque ablata hæctenus bona restituit. *Sicque cunctis prospere compositis (ex Bisciola & Baronio) plenissimæ tandem ingenti omnium gaudio restituta Ecclesiæ pace ipse Imperator Legatos proprios cum Legatis Apostolicæ sedis Romam ad Callistum cum muneribus direxit Ex vit. &c.*

Alphonius Lusitanæ Princeps memorabili Victoriæ potitur contra Albacazan Maurorum Regem, ducto secum ad prælium B. Aldeberto Priore Monasterij S. Ioannis de Tarouca, viro sanctissimo, quorante & instar Moysis manus levante;

pauci de ingenti montesque ac valles opulente atque operiente hostium exercitu prodigiosè triumpharunt. Quod ipsum litteris ad perpetuam rei memoriæ consignans felicissimus Princeps, amplas eidem Canobio possessiones contulit, & acceptum tantum beneficium largitate & pia agnitione compensavit. *Videantur ejus litteræ apud Angel. Manrique.*

Ingens ad sacram familiam nostram Cisterciensem concursus, iis quibus Monachos esse non dabatur, ipso etiam Galliarum Rege Ludovico, Cardinalibus aliisque Prælatibus ac principibus, inter familiares & Confratres recipi suppliciter expetentibus, & certis conditionibus receptis, memorabili omnino fructu, cum ab iisdem in quorum consortium recipiebant, siquid ipsi etiam Reges exerrarent, magna Spiritus libertate, tanquam jure confraternitatis corripere. Sicut & nunc memoratus Ludovicus, ad quem his ipsis verbis Abbas Cistercii Stephanus: *Eximio Regi Francorum Ludovico, Stephanus Abb. Cister. tutusque Conventus Abbatum, & fratrum, &c. salutem, &c. Rex celi & terre Regnum vobis in terra donavit, &c. Caterum vos, quoniam consilio, eisdem nostris pro vobis, quas, si recolitis, olim tam humiliter requisistis, modo tam acriter repugnatis &c. Hæc ita vobis & pro vobis, audacter quidem, sed amanter intimare curavimus, monentes, & rogantes, per illum invicem amicitiam nostram & Fraternitatem, cui vos dignanter sociastis, &c.* Ecce quam Venerabilis Religio, in verè Religiosis? cum pauperes Principibus, Monachos & pannosos homines Regibus æquaret; imo Regibus suspiciendos & metuendos redderet, tantoque majores in oculis apparerent alienis, quanto in suis, sibi metipsis minores & viliores apparerent.

A. C. 1123.

S. P. N. 643.

Ingens agnoscat oportet Compostella, Hispania ipsa, imo Orbis universus beneficium, quo cælum etiam ipsum, & Magnum cælitem Iacobum Apostolum demeruit Callistus noster, Compostellana Ecclesia, in Metropolitanam exaltata, & sanctissimi illius Apostoli honorem, summo Hispaniarum ornameto, orbis universi & poenitentium comodo, mirificè promovens: adeo ut S. Iacobi vitam (cujus erat studiosissimus) seu potius librum Miraculorum ipse conscriberet, & amplissimis, sic vocant Indulgentiis eo peregrinantes donaret, Anglos peregrinos magis

magis ad dictum Sanctum , quam Romam pergere admoneret. *Baron Malmesbur.*

Ingens eodem anno de Sarracenis Victoria reportata , Callisti & Antecessorum , qui eo misere exercitum , felicitati post Deum adscribenda *Baron.*

Dum totus in promovenda sacra Carthusiensium familia est S. Hugo noster Gratianopolitanus Episcopus, Mellissus Doctor non minus ad eandem affectus, eam mirifice colit ac veneratur, atque ut etiam demeretur, plures ad Carthusianos scribit melle ac lacte fluentes Epistolas, in quorum postea gratiam Cantica Canticorum explanavit. Hugonem vero nostrum alterum eorum conditorem, ipsummet contueri ac venerari volens, quanto exceptus sit gaudio, Godefridum Claravallensem synchronum & sanctæ fidei testem audiamus : *Quem prædictus Episcopus, tam grante & reverenter suscepit, divinam intelligens in ejusdem hospitis visitatione præsentiam, ut prostratus solentius adoraret. Videns autem servus Christi, Episcopum atate grandævum, celebrem opinionem, sanctitate conspicuum, coram se præcidentem, vehementer expavit, ipse quoque pariter corruens ante eum; & ita demum susceptus in osculo pacis, humilitatem suam tanti viri veneratione confusam, non sine gravi gemitu causabatur. In cujus pectore singularem obtinuit ex eo tempore locum, ut fierent deinceps duo illi filii splendoris cor unum, & anima una, & se invicem fruerentur in Christo. Sicut enim Regina Sabba de Salamone testatur: uterque se se in altero longè amplius, quam fama vulgasset invenisse gratulabatur, &c. Ex quo intelligas, quanti æstimandi sint illi, & quantum Ecclesiæ profuisse, qui Divinis illustrati splendoribus, cum tantus uterque esset, tantum se quisque contuitu alterius demisit atque humiliavit.*

A.C. 1124.

S.P.N. 644.

Illustrissimum sane orbi & Imperio maximè Germanico spectaculum exhibet, potentissimus ille, si quis unquam Germaniæ Principum Henricus, Bavarix, Saxonix inferioris, Hetruriæ Spoleti, &c. Magnus Dux, Princeps Sardinix, Marchio Veronenfis, &c. fama, virtute, & potentia tantus ut uni filio (de cujus ditionibus B. Ottho Frisingensis, qui comes ejusdem & agnatus omnia ipse perspexerat) terrarum ea spatia relinqueret ut à mari Meridionali Siculo ad usque mare Danicum æquinoctiale, dominaretur, destructo & reædificato Cænobio Wein-

gartsenfi, vili ibidem cucullo, tanta permutans, & senectam in Dei denique laudibus impigrè transigens. Mariti consilium propositumque sequuta conjux Wulphildis Saxonum Ducissa, inferioris Saxonix hæres, ibidem cucullata (additum eisdem olim redditibus Sanctimonialium Cænobium) ad mortem usque vitam dignissimam vixit. Quo eodem tempore memorabile illud accidit, ut in ipso eodemque Weingartsenfi Asceterio, cui tum post B. Walichonem (qui B. V. Vilhelmo Hirsaugiensi, ejus olim, discipulus, per omnia simillimus fuisse prædicatur) Chuno Comes de Thanri, & Dapifer de V. Valdpurg præerat, septem ejusdem familiæ Dapiferi Monachi, præter plurimos alios ex illustrissimis Germaniæ procerum familiis simul Monachi conviverent, interque eos Chuno & Henricus Abbatis memorati nepotes, non absque sanctitatis opinione decederent. Ita tunc Magnates Germaniæ cucullum præ omni hæreditate exambiebant. *Ex Const. Ben. MS. V. Weingart. &c.*

Claret S. Ottho Bambergensis Episcopus Pomeranorum Apostolus, quos sub hæc tempora ad fidem Christianam convertit. Ottho in nostra potestate quamvis Pontifex esset semper fuit, conatus rejecto etiam lituo, & tiara, cucullo se tegere, & nostris se legibus mancipare, quod cum prohiberetur, bono id publico factum, votum ac voluntatem viri sanctissimi, minime irritum fecit; quem Deus pro voluntate nostris accensuit, inter nostros merito nos æternum veneramus. *Ex Irenæ. vita &c.*

Ad finem vergente anno moritur S. Callistus Papa de quo Bisciola, & Baronius: Callisti memoria summa cum benedictione in Ecclesia Catholica perseverat, utpote sanctissimi Pontificis, cui Deus dederit tam brevi tempore adeo gloriola peragere, *Ecclesiamque Imperatorum Tyrannide servitutis iugo depressam vindicare in perpetuam libertatem.* Vid. Baron. &c.

Ipso anno Ecclesia Hibernica florantissima olim, sed postea penitus desolata restituitur per S. Malachiam nostrum Conneretensem Archiepiscopum, *leg. cit.*

Iterum demereri Præmonstratensem sanctissimam Divi Norberti familiam novo beneficio aggressus lactissimus Doctor noster, cum maximis ab eadem in Ecclesia fructus speraret, atque ut erat illuminatissimus, prævideret, sacros ejusdem alumnos, non in occidente solum sed & in

orientem promotos voluit, cum Rex Hierosolymorum Balduinus, post obtentam prodigiosam victoriam, eidem locum S. Samuelis haud longe ab Ierosolyma, simulque mille aureos struendo illic Cenobio dono daret, ipse regium munus quod par erat grata significatione animi suscipiens, mox tamen gratissimo sibi Ordini offerens, de quo ipse Epistola 252. *Apud Hierosolymam, inquit, Rex Balduinus, dum adhuc viveret, locum S. Samuelis donavit nobis, & mille aureos simul; de quibus edificaretur: Vos dono nostro, & locum habetis, & aureos haufistis, &c.* Novo rursus nexu, tot aliis accedente candidissimæ illius familiæ, familiarius, & sanctius nostris illigandæ.

A. C. 1125.

S. P. N. 645.

Moritur S. Bruno noster Signiensis Pontifex ex Abbate Cassinensi cuius sive admirabilem vitæ innocentiam, sive impensum juvandis hominibus studium, ac laborem, sive religiosæ vitæ flagrantissimum studiū, exactissimamque disciplinā, sive gestas pro Ecclesia legationes, sive libros pie luculenterque conscriptos perpendas, Brunonem virum planè admirabilem affirmaveris, & cuius Reip. Christianæ Ordini, si quem alium, maximè salutarem. *Et M. Ant. Scip. &c.*

Claret admiranda sanctitate, terror inferorum, mundi gloria Sanctissimus Bernardus Monachus Cisterciensis. *Ex vita.*

Insigniter de Regno Portugalliæ merentur Beati Ioannes Cyrita, & Aldebertus Abbates nostri, qui Tarasiam Reginā, Alfonsi Principis matrem desperatam à medicis prodigiōse curant & incolumitati restituunt. *Ber. Brito, Ang. Manriq. &c.*

Quo ipso anno Alphonsus Portugalliæ Princeps, primus postea Rex, Quadragesimam, apud Cistercienses nostros Tarouicæ totam exegit: *Ibi inter Monachos, (sic Lusitanus scriptor Brito memoriæ prodidit) tanquam unus ex eis degens, vitam communem imitatus est. In Choropsallens, in Ecclesia orans, in triclinio jejunans, in agro etiam laborans manibus propriis.* Sic cui scēptum Deus præparabat, ut Manrique ait, imposuisse ligonem pro eo nequaquam veritus, stemā regium, aut meruit, aut prævenit.

A. C. 1126.

S. P. N. 646.

Creatur ab Honorio Pontifice S. R. E. Cardinalis B. Matheus Cluniacensis

Monachus, cuius vitam planè admirandā Petrus venerabilis Abbas Cluniacensis scripsit, ipse vero virtutem, prudentiam, ac dexteritatem in agendis deinceps legationibus pro Sede Apostolica susceptis omni orbi, & posteritati egregie commendavit. *Baron. Bisciol.*

Eodem tempore egregiam sibi laudē, Ecclesiæ utilitatem, parit, felicissimo suo ingenio, sed & insigni ob sanctitatis famā auctoritate idem Petrus venerabilis, Petri de Bruis impij Hæresiarchæ erroribus execrandis explosis, & confutatis, ac Petrobussianorum Hæresi obtrita, *vid. Bisc. Baron.* Moritur S. Stephanus noster, Grandimontensis Ordinis institutor, ex quo ingens ad Ecclesiam lucrum accessit, & mirificè pietas propagata. *Ex vita.*

A. C. 1127.

S. P. N. 647.

Insigni sua atque Ordinis nostri commendatione præest Concilio Trecenti B. Matheus noster Cluniacensis Monachus S. R. E. Cardinalis, sedis Apostolicæ legatus, qui minimè ignarus quanti faciendus Bernardus Clarevallensis ejusque iudicium esset, eundem quantum vis renitentem Concilio adesse voluit, & de forma vivendi Templariis præscribenda requisivit. *Ex Baron.*

Ipsio anno Tyro nobili in oriente civitate ab infidelibus recepta primus è nostris, ejus creatur Archiepiscopus Wilhelmus, ex Priore S. Sepulchi Guil. Tyr. Ita rursus Archiepiscopus dignissimus à nostris originem meruit, &c.

Procul ab adulatione Divus Bernardus noster, dum hoc anno apud Ludovicum Regem Galliarum minus Episcopos reverentem, monitis nil proficit, etiam minis agit; iramque cælestem ipsi imminere prænunciat, diserteque supplicii genus, & primogeniti mortem prædicit: *Hec, inquit, tua Rex pertinacia, filii interitu multabitur.* Qui quam verus extiterit Prophetamorte hæredis, eaque infelici latis, & miseranda comprobatum est. *Paulus AEmil. Rob. Caquinnus.*

A. C. 1128.

S. P. N. 648.

Iterum insigni honore è nostris sublimatur, Stephanus S. Ioannis Carnotensis Abbas, hoc anno Patriarcha Hierosolymitanus, cōmuni Cleri ac populi universi consensu electus. Io. Balduini Regis affinis, sicut nobilitate ita moribus præstans, nec sanguinem, neque maiestatem Regiam aspexit seu pertimuit, quin adversus

verius Regem pro juribus Ecclesiæ Hierosolymitanæ strenuè ageret & se opponeret, nondum completo biennio, veneno ut creditur extinctus. Ita nostrorum cum summo honore, constantia etiam in Palestina, visa est & laudata. *Ex Tyrio, &c.* Quantum speraret nostrorum sanctorum in suffragiis, dignissimo hoc ipso tempore exemplo ostendit Boleslaus Poloniæ Dux longissimo itinere, cilicio indutus, comitante exiguo presbyterorum, aliorumque priorum virorum numero pedes veniens in Galliam, S. Aegyðii nostri sepulchrum visitaturus. *Geneb. Gault. &c.*

Quanta hoc anno Divi Bernardi nostri in Concilio Trecentensi esset Auctoritas his verbis, Mantique celebrat: *Hæc, & similia* (res illic gestas commemorat) *In Concilio Trecentensi acta firmataque licet cunctorum suffragiis decernerentur; soli tamen Bernardo imputabantur. Quippe tanta jam vir erat auctoritas, ut omnium Patrum vota, & voluntates, in ejus unius zelum compromisisse, nec quidquam se facturos, nisi per ipsum, firmiter statuisse judicarentur &c.* Quo ipso Concilio solus ille electus est, legibus Templariorum Ordini præscribendis, quæ deinceps Teutonico quoque Ordini cum Templariis communes exitire. *Ang. Manriq. &c.*

A.C. 1129.

S.P.N. 649.

Rursum Legatus in Gallias destinatus B. Matthæus noster S.R.E. Card. ibidem Virdunensem Episcopum honore dejecit: Halberstadensem Episcopum à Canonicis suis acculatum pari rigore depositum Dodechinus noster memorat. *Baron. &c.*

Claret admiranda nominis celebritate B. Rupertus Tuitiensis Abbas, *cujus doctrina excellentiam, non solum multa volumina ab eo scripta indicant, sed etiam miraculum quo eam doctrinam accepit* (verba sunt Hieron. Plati) *Nam cum ingenio tardior esset, instaretque precibus apud Virginem Dei Matrem ut sibi à filio scripturarum intelligentiam impetraret, apparuit illi Mater illa gratia, denuncians ejus preces ab se auditas tantumque ei lumen imperitum iri, ut nullus ejus ætatis doctrina ei æquari posset: tantum videret ne id talentum in terra æfoderet, sed strenue exerceret; quod quidem ab illo perfectum constat, nunquam enim deinceps à legendo, & scribendo cessavit, ita Platus.* Ejus omnia opera divina (sic appellat Wionius) quibus Sacrosanctam Christi Ecclesiam ultra omnem humanum modum juvisse fertur, excu-

sa sunt Colonia tribus tomis vid. Wion. citat.

A.C. 1130.

S.P.N. 650.

Obiit Honorius Papa in nostro S. Andree Canobio Romæ, cui sufficitur Innocentius II. noster, Gregorius ante vocatus, ex Abbate SS. Nicolai & Primitivi S.R.E. Cardinalis ab Urbano II. creatus, contra quem à nonnullis electus Petrus Leonis, dictus Anacletus II. qui graves in Ecclesia turbas excitavit, defendente tandem Deo ipso causam Innocentii, fortiterque agente pro eodem, Sanctissimo Bernardo nostro Clarevallensi.

Is cum Concilio Stampensi, quo de legitima sive Innocentii sive Anacleti actû electione, ascitus à Rege Galliarum, nec non cælesti præcedente visione monitus interesset, in ejus iterum sententiam (ut non ita pridem de Trecentensi dictum) Patres compromittunt. De quo Bernardus Bonævallis Abbas: *Celebrato prius jejunio, inquit, & precibus ad Deum fuis, tum de eodem verbo (Electionis) tractaturi, Rex, & Episcopi cum Principibus consediscent, unum omnium consilium fuit, una sententia, ut negotium Dei, Dei famulo (Bernardo) imponeretur, & ex ejus ore tota causa penderet, &c.* De agnito autem Innocentio, & legitimo pastore per Bernardum commendato, sic Theobaldus Episcopus: *Qui (Bernardus) diligenter persequutus electorum merita, & electi utriusque vitam, & famam, electionisque ordinem, aperuit os suum, & Spiritus Patris sui implevit illud. Unus ergo omnium ore loquutus, suscipiendum ab omnibus Innocentium nominavit, & ratum esse omnis pariter Ecclesia congregata, clamavit &c.* Ita Theobaldus. Moxque Ludovicus Rex primum per nuncios, fugienti Anacleti potentiam Innocentio, dein per seipsum occurrit. Ut videas quantum rursum uni Monacho delatum sit, quantumque debeatur.

Qua eadem felicitate, nec minore merito alterum quoque Regem Regnumque à schismatico retrahens Anacletus, ad verum pastorem adjunxit, Henricum scilicet Angliæ Regem pertinacius schismaticis faventem, quem ipsum conveniens, gravissimisque rationibus convincens, cunctantem nihilominus, & dubitantem: *Quid times? alloquitur Bernardus; Times peccatum incurrere, si obedias Innocentio? Cogita, quomodo de aliis peccatis tuis respondeas Deo: istud mihi relinque, in me sit hoc peccatum. Ad quod verbum persuasus Rex ille tam potens, extra terram suam Domino Papa occurrit usque Carno-*

Carnotum, &c. Ita sanctus scriptor Abbas Bonævall. cit.

Nec minus quam Bernardus potuit auctoritate sua Aniciensi in Synodo Sanctus Hugo noster Gratianopolitanus Episcopus, ad quem Innocentio se inclinantem, Pontifices quamprimum universi respicientes, legitimo Pastori se submisere. Quæ grandia sanè nostrorum merita nemo satis, & miretur, & deprædicet. *Ex Guigone Carth. Ang. Manriq. &c.*

A. C. 1131.

S. P. N. 651.

INsigne omnino, quod hoc anno, Bernardo textit Elogium Angelus Manrique, & merito inferendum. Vt solstel-
las, inquit, sic Bernardus Oriens, reliquos Sanctos obscurare visus est, ab ipsis etiam conversionis suæ initiis. Nunc cælum scandens, & humeris sustentans solem Christiani orbis, Innocentium nimirum Christi Vicarium. Solus ferè replet Historiam suorum temporum: nec Cisterciensem modo, sed Ecclesiasticam. Non quod Stephani, quantumvis jam fatiscente ætate prægravaretur, non quod Hugonis, Ioannis, utriusque Petri, atq; Amedei (hi inter Cistercienses nostros præ tot aliis clarius nunc exsplendescabant) gesta deficerent: non denique aliorum, quoscunque Annales illustratura, sed quod absorpta à majore claritate, lucem comprimerent potius, quam non haberent, &c. Ante, & post Bernardum radiantem, splenduerunt alii: ipso splendente lumen contraxere. Hinc est quod anno proximo, nihil aliud, hinc quod hoc ipso 1131, præter Bernardum, vix quidquam scribeamus. Hucusq; de Bernardo Manrique; moxque eundem describit, cum Innocentio Leodium ad electum Romanorū Imper. Lotharium occurrentem. Oportune admodum, cum pessimo Aulicorū Consilio Lotharius, ab exule, suæq; nunc vel maximè indigente opis, Pontifice, Investituras Ecclesiæ olim usurpatas, nuper à Calixto nostro vendicatas, rursus extorquere satageret, Bernardo in re maximè ardua, Regi potentissimo, quam constantissimè se opponente, & auctoritate sua ejus animum evincente. De quo Bernardus Bonævallensis: *Siquidem importanè ipse Rex institit; tempus habere se reputans opportunum, Episcoporum sibi restitui investituras, quas ab ejus prædecessore Imperatore Henrico, per maximos quidem labores, & multa pericula, Romana Ecclesia vindicaverat. Ad quod verbum expavere, & expalluere Roma-*

ni, gravius se se apud Leodium arbitrati periculum offendisse, quam declinaverint Roma. Neque consilium suppetebat, donec murum se opposuit Abbas Sanctus. (Bernardus) Audacter enim resistens Regi, verbum malignum mira libertate redarguit, mira auctoritate compefcuit, &c. Vt videas quantum apud tertium jam Regem, imo Regum Regem nempe Cæsa-rem, unus hic monachus potuerit, quantumq; demeruerit Roman. Pontif. & Ecclesiæ Christi universam.

Quo quidem in negotio conciliati Innocentio Lotharij, cum longè aliter scripsisse Petrum Diaconum constet: Restituisse nimirum Lothario Investituras, ne hic scilicet Anacleto adhæreret, non propterea meruit mendacissimus à Baronio appellari, cui sufficebat, falsum, & deceptum, fama id passim vulgante, potius exculari; cum multi viri etiam sancti potuerint in veneratione Anacleti decipi, quod & magno huic viro contigit, ab Anacleto inter Cardinales accenso, & Innocentii, quem subreptitiè electum putabat, proculdubio facta omnia, & celestem in Gallias fugam suspecta habenti, quæq; de illo spargebantur, firmiter credenti, adeoque prout senserat, non contra mentem, scribenti sive sentienti, ne nimirum plurima sanctè atque utiliter scripta, optimè meriti de omni posteritate viri, suspecta atque inutilia, adeo temere redderentur.

Eodem anno salutem in ordine nostro quæsit atq; indubiè rara animi demissione meruit Balduinus Hierosolymorum Rex, de quo Biscola: Balduinus Rex Christi verus confessor, post liberatam à Turcis irruentibus Antiochiam, ægritudine affectus, habitum religionis assumens, & vitam Regularem professus si viveret. Deo feliciter spiritum reddidit, &c. Adidq; quo etiam anno moriturus Stephanus Rex Vngariæ, in signum poenitentiae, & ipse Monasticum induit habitum &c. *Videndi Tepes, Vion. Bonfinius, Bokscharii, &c.*

A. C. 1132.

S. P. N. 652.

INnocentius noster summus Pontifex de Regno Galliarum meritisissimus, cum illud lustrans, & reformans, ab omnibus summa veneratione exceptus esset, Noviomensibus, qui ipsum verbis derisoriiis contempsissent, prodigioso incendio punitis, Romam iter instituit, ex itinere verò apud Astam palcha celebrans, partium illarum Episcoporum synodum Placentiæ indixit, in Roncaliis dein cum Lothario

thario Rege generale colloquium de statu Ecclesiæ, atque Imperio habuit, Pisanum dein cum Ianuensis bellum composuit. Adeoq; insigniter ubique meruit. *Leg. Baron. &c.*

A. C. 1133.

S. P. N. 653.

HOcanno Lotharius Germaniæ Rex, ab Innocentio nostro Romæ coronatur. Vid. Otth. Frising. Vita S. Bernardi. Baroni. &c. Implet Gallias, imò orbem universum fama, egregius de S. R. Ecclesiæ meritis. B. Hildebertus noster ex Monacho Cluniacensi Turonensis Archiepiscopus. Eum appellat sacerdotem magnū, & magnam Ecclesiæ columnam S. Bernardus Abbas Epist. 123. & 124. Quem pluribus alii commendant, & sua imprimis relictā ingenii monumenta, æternū posteritati deprædicant. Scripsit inter alia expositionem super SS. Missæ officio lib. i. de suo exilio l. i. Epistolarum, Hymnorum, orationum, Epitaph. l. i. De vita magistri sui S. Hugonis Abb. Cluniac. l. i. De eo vid. Possevin. Bellarm. Chron. Antisiod. Will. Gemmet. Picard. Trith. Claret & jam Hugo, ex Priore Cluniacensi Archiepiscopus Rothomagensis. Scripsit de Hæresibus in Armorica natis ad Albericum Ostientem. De eo sic Chron. Cluniacense. Hugo Monachus, & Religiosus Cluniacensis *Vir magnus, inter magnos*, qui & ipse pro sui dignitate, & meritis promoveri meruit ad Archipræsulatum Rothomagensium. *Vid. Petrum ven. in Epl. VVestmonast. Quercet. Neubrigens. &c.*

Excellit item Hugo ex Abbate Pontiniaci Episcopus Redonensis, de quo apud Claud. Robertum: Vir in Sacra Religione strenuus, & juxta propositum Ordinis sui miræ patientiæ in Ecclesiæ tamen *Hos districtus exequuntur iustitiæ*. Ex Chron. Luxovic. Vid. Henric. infulo. Cister. &c. Archiepiscoporum, Episcoporum, Doctorum, Sanctorum, ingenis in Ordine numerus. *Ex Yepes, VVion.*

De Bernardi ab Innocentio in Germaniam missi gravissima legatione, & admirandis in itinere gestis fute alii. De effectu missionis, Historia Polonica apud Pistorium Nidanum, breviter multā complectitur, certè magna, imò maxima: *In Germania*, inquit, & Italia *Conradus Suevus cum fratre Friderico*, contra Lotharium Regem arma sumiserant, donec victi ab eo, Bernardi Clarevallensis Abbatis, doctrina, pietate, & sanctimonia vita clari, opera, ipsi reton-

tiliati sunt. Grandi sane merito, Germania, post octo annorum Schisma Paci redita, & maximis calamitatibus liberata.

De beati viri Bennonis nostri primi Zwerinensis, tertii Mechelburgensis Episcopi Apostolatu maximisq; laboribus sic Cranzi9: Bennonis, inquit, primi Zwerinensis, sed Magnopolensis tertii Episcopi, cum & ille Apostolus fuerit praeipuus VVandalorum, memoriam sine culpa in rebus VVandalicis præterire non possumus. *Hic est ille, qui in gente dura cervicis, multas contumelias accepit, & verbera expertus, non destitit ab opere pietatis.* Et paulo inferius; *Incredibile est memoratū, quantos pro Christo pertulerit labores, quæ subjerit vitæ pericula, quoties ludibrio habitus, ad Sacrificia attractus est à barbaris.* Ille tamen per Christum confortatus, culturas demonum eliminavit; lucos succidit, bonum certamen tertavit, non solum fidem servavit, sed mirifice in populo barbaro ampliavit, &c. Ecce quantum denuo tantus noster Apostolus meruit, ut reliqua ejus gesta prætereamus.

A. C. 1134.

S. P. N. 654.

Celeberrimum iterum celebrat Concilium meritissimus de Ecclesiā universa S. Innocentius noster II. in Vrbe Pisana adversus schismaticos, quò eodem anno S. Bernardus Abbas de Mediolanensibus æternū mereretur, apud quos verbis; exemplis, miraculis plurimum profecit, eodemque Romanæ Ecclesiæ reconcilians à Schismate liberavit. Cæterum quanta ipsis in Concilio Pisano veneratio, quanta apud Mediolanenses esset sic Bernardus Bonævallensis: *Adfuit per omnia, & consiliis, (Pisis) & judiciis, & definitionibus omnibus S. Bernardus Abbas, impendebaturque ei reverentiā ab omnibus, & excubabant ante limina ejus Sacerdotes: non quod fastus, sed multitudo communem prohiberet accessum, & aliis egredientibus alii introibant; ita ut videretur Vir humilis, & nihil sibi de his honoribus arrogans, non esse in parte solitudinis, sed in plenitudine potestatis, &c.* De Mediolanensibus autem: *Vbi audierunt Mediolanenses Abbatem desideratum suis finibus appropinquare, longè à civitate miliaribus septem, omnis ei populus obviam, nobiles, ignobiles, equites, pedites, mediocres, pauperes, quasi de civitate migrarent, & distinctis agminibus incredibili reverentiā virū Dei suscipiunt.* Deosculantur pedes ejus universi, & licet hoc ille moleste acciperet, nulla potuit pronos ac devotos ratione compescere, nulla interdictione repellere. *Vellcabant etiam pilos,*

pilos, quos poterant de vestimentis ejus, & ad morborum remedia, de pannorum laciniis aliquid detrahebant, &c. Et de profectu negotij paulo post: *Et cum tractatum esset in publico de negotio, propter quod tam vir Dei, quàm Cardinales advenerant, oblita fortitudinis suae civitas, omni ferocitate deposita, ita se Abbati substravit, ut obedientia eorum non incongruè ille posset aptari Poetae versiculus:*

Iussa sequi tam velle mihi, quam posse necesse est.

Tantum unus poterat Monachus, tua ab opinione, & exemplo sanctitatis auctoritate. *Vid. Brun. cit.*

Admirando sanè exemplo Ramirus Sancti primi Aragonum filius, à prima juventute Monachismum in nostro S. Pontij Cænobio professus, deinde SS. Facundi, & primitivi Abbas, mox exigentibus tanti viri meritis Pompelonenfis, tandem Rotæ ac Barbastri Episcopus, Petro, & Alphonso Fratribus, sine mascula prole mortuis periclitante Regno intestinis tumultibus, ita sollicitantibus apud Innocentium Arragoniis, atque urgentibus, Regnum sumere, & uxore ducere compellitur. Hic Olcæ, regia hoc anno sumens insignia, cum Pontificiis infulis Regni purpuram, & diademata junxit, idem Rex, conjunx, Sacerdos Pontifex, & Monachus salutatus. Is cucullum sub veste regia nunquam exuit, & multa vitæ sanctitate Regnum administrans, plurimis constructis Cænobiis, Regno se denuo, relicta hærede filia, abdicans, Monasterio se reddidit, uti suo loco dicemus. *Luc. Marin. Sic. Vasaus, Tepes, &c.*

A. C. 1135.

S. P. N. 655.

Hoc anno potentissimum illum, sed impiissimum Rom. Ecclesiæ, & ejusdem tum Præsidis hostem, Wilhelmum Aquitanicæ Ducem, terribili exemplo ad partes Innocentii trahit, celebratis lacris Militeris eidem cum corpore Dominico occurrens S. Bernardus noster non supplicans sed minans, facie ignea, & flammis oculis, verbis terribilibus eundem adjurans, ut Princeps instar epileptici terræ provolutus, salivis diffunderet, quem vir sanctus pede pulsans surgere iussit, & Pictaviensi Præsuli præsentì reconciliari: ipse autem facile Aquitaniam omnem ad obedientiam revocavit, & Ecclesiæ reconciliavit. Videndus Henriquez, de Wilhelmo, exin Monachismum arripiente, & sanctitatis egregiæ exemplo, universis rebellibus prælucente, &c. *Baro-*

nus, &c. Ita rursus utius Monachi opera, amplissima Aquitanicæ provincia Christo parata.

A. C. 1136.

S. P. N. 656.

Meretur æternum de Galliarum Regno Magnus ille Abbas S. Dionysij Sugerius scriptorum monumentis celeberrimus, cujus non solum consiliis Gallia, sed & imperio regebatur, Rege absente, ipso tunc vices agente, seu, ut vocant, Vice Rege, & Regni administratore. Ab ipso ædificatum splendidissimum illud ingenti sumptu, mole, opere, Templum S. Dionysianum, Mausolæo Francorum Regum toto orbe notissimum: æternum sanè Sugerij monumentum. Ejus virtutè, famam, atq; merita, quamvis plurimi depingant, minimè tamen ne adumbrare quidem sibi videantur, inter alios dignè sanè celebrat Iosephus Sarabensis Episcopus. Epistola, quam profert Claud. Robert. Dilecto & merito diligendo Patri, & Domino Sugerio Abbati S. Dionysij Regni Francorum Regi, &c. Ioseph, &c. Opinonis vestræ odor, qui circumquaq; diffunditur, nos de transmarinis partibus in amorem vestri currere fecit. Venimus ergo de finibus terræ, vestram scilicet, nostri temporis Salomonis, audire sapientiā, audivimus, &c. & merito in illius Australis Reginæ voces erumpimus, quia pars non fuerit nobis nunciata, & quoniam major est sapientia, & opera quam rumor fuerit in terra nostra, &c. Quis enim non miretur hominē unum tot, & tanta sustinere negotia, ut & Ecclesiarum pacem conservet, statum reformet, & Regnum Francorum armis tueatur, moribus ornent, legibus emendet? Merito itaque mare intrare debuimus, & vitam nostram vento, & velis committere, & longi itineris innumeras experiri difficultates, ut ad vestram possemus pervenire notitiā, &c. Similia Robertus Exfordiensis Episcopus. *Vid. & S. Bernard. Epist. 78. 122. 268. &c. in Codice Thuano, quem citat Rob.*

Eodem anno paulo ante mortem, non (quod frequentissimum multis, & singularis Monachismi commendatio fuit) vestè solum Monachicam induere, sed & profiteri ordinem voluit Ludovicus Rex Franciæ. Vnde Sugerius. Videant, inquit, qui Monasticæ paupertati derogant, quomodo non solum Archiepiscopi, sed & ipsi Reges, transitoria vitæ æternam præferentes, ad singularem Monastici Ordinis tutelam securissime confugiunt.

Ex

Ex vita Lud. Baron. Pari Religione; sub hæc eadem temporâ; vocata militum cohorte (qui testes nimirum voti essent) palam Regno renunciat Ericus Rex Daniæ, & regiam vestem cucullo permutat. *Vid. Saxo Gramm. Ypes: VVion. &c.*

Ipsa anno S. Bernardus graviter redarguit Ioannem Archiepiscopum Hispalensem urgente tyrannide Principis Arabum à fide Apostatam; ut videas nostros sollicitudine sua etiam in remotissimis regnis pro Ecclesia laborasse. *Vid. Baron. &c.*

A.C. 1137.

S. P. N. 637.

HO anno B. Innocentius noster summus Pontifex; æterno merito gravi Romam atq; Italiam metu, & Tyrannide liberat, advocato in auxilium Lothario Imper. & Guelphone Duce; victo Rogerio Siculo, & Anacleto Pseudo Pontifice rejecto. Eodem anno contemnens monita S. Bernardi Rogerius à Rainulpho Duce prodigiosè per preces S. Bernardi vincitur. Sed conscius totius rei Bonavallentem audiarnus: *Sanctus Abbas* (Bernardus) *cum Regem in castris positum invenisset, per multas dies, vicinas acies ne prælium committerent impedivit. Denunciavit Regi: Quia si conflictum inieris, victus & confusus abibis. Novissimè vero cum ejusdem Regis plurimum crevisset exercitus; ignorans quod non in multitudine eventus foret belli, virum sanctum quarentem ea quæ pacis sunt, ulterius audire contempsit. At ille Ducem Rainulphum, & Catholicorum aciem verbis potentibus adhortatus, sicut Regi fugam, sic illis victoriam pollicitus est, & triumphum, &c. Cumque ad proximam villam declinasset (S. Bernardus) & instaret orationi, repente fugientium, & insequentium clamor auditur, siquidem per eundem locum fugientem Regis exercitum Rainulphus persequabatur. Egressus igitur Frater quidem ex his, qui cum Abbate erant, uni ex militibus occurrit, & quid accidisset interrogat? At ille, siquidem litteras noverat, Vidi, inquit, impium super exaltatum, & elevatum sicut cedros Libani: & transivi, & ecce non erat. Nec mora, Dux ipse sequutus, ut Monachum vidit, sicut erat armatus, equo desiliit; & ejus pedibus advolutus: Gratias, inquit, ago Deo, & fidei servo ejus (Bernardo) quia non nostris viribus, sed ejus fidei collata est hac victoria. Iterumque insiliens equo, hostes insequabatur, &c. Ita plus nostri, ut sæpe alias, precibus, quam potentissimi Principes armis potuere. *Petr. Diaconus, Baron.**

Eodem anno S. Malachias noster Hiberniæ universæ Metropoli Romam

venit, cui Pontifex de capite sublatam tuomitram, ipse imposuit, eidemque stolam cum manipulo dedit; quibus ipse inter offerendum uti consueverat. De disputatione ejusdem Malachiæ cum Sacramentario, atque inter Hibernos Apostolatu, *vid. Baron.*

A.C. 1138.

S. P. N. 639.

Ingens & immortalis meritum de universa Ecclesia Sanct. Bernardi nostri nullis rite laudibus celebrandum, agente eodè; Pacem denique sublato schismate Ecclesiæ redditam; ipso Victore Antipontifice, qui Anacleto, lectione impiorum succederat, depositis Pontificalibus insignibus; se Innocentio subjiciente. *Baron. vita Bernardi.*

Moritur Imperator Lotharius, à Baronio pro meritis laudatus, à nostris æterno præconio extollendus; quorum affectui ac propensione totus fuit. Sanè ut de solis Casinatibus dicamus: cum iidem decepti Anacleto Pseudo Pontifici adhæsisent; adeo pertinax Lotharius in demerendo eodem, irato Innocentio fuit, ut in hæc tandem erumperet (ubi per proceres subornatos, ipsamq; Augustam ejus animū flectere se non posse adverterat) Quoniam, inquit, ego tam multis incommodis; ac laboribus, pro salute Italiæ, pro defensione Sacrorum, pro comuni Christianæ Reip. bono, ac pace perfunctus; non sum apud vos tanti, ut religiosissimis viris, tam graviter severèque multatis piaculi moderationem, ac creditum in gratiam à vobis exorem: aperte edico; ac denuncio; me itidem cum Ecclesia Casinati post hac à vobis discessurum: Ad quam vocem; cum universus qui adstabat exercitus succlamasset: tum Pontifex vel periculi metu, vel postulati æquitate, vel acriore Cæsaris oratione permotus, ejusdem arbitrio Cassinensium causam humaniter tranlegit. Rainaldo vero Abbate Magistratum abdicante, Lotharius memorabili patientiæ exemplo à primo mane ad vespeream jejunos perduravit, donec Cassinates unanimi consensu Guibaldum sibi Antistitem delegissent. Idem Imper. quatuor Cænobii templa (ita plures Imperatores ac Pontifices sanctitate loci concitabantur) nudis pedibus de nocte invisebat: quotidie mane ternis sacris intererat, singulas Monasterii officinas solus accurate perlustrans, sedulo ipse providebat ne sanctissimarum legum decreta, & diuturno usu firmatæ consuetudines

Y. nes

nes temerè à quoquam violarentur, & sanctissimi Patriarchæ Benedicti disciplina quidquam detrimenti caperet. *M. Ant. Scip. Chron. Cass.*

A. C. 1139.

S. P. N. 659.

Celebrat B. Innocentius Papa Concilium Rom. Generale, in quo Rogerius Siculus excommunicatur, & Arnaldina Hæresis damnatur. Verum paulo post, à Rogerio quem excommunicat per insidias interceptus non sine prodigio ab eodem suppliciter colitur, cui Pontifex enixè veniam roganti, non ignoscit solum victori tanquam victo, verum Regio titulo exornat. De Rogerio asserit Petrus Venerabilis quod pace tacta, cū in Sicilia Cluniacenses jam Monachos haberet, magnopere optarit, & Cistercienses habere, quos à Bernardo acceperit. Profecisseque ex his adeo, ut magnopere ab eodem B. Petro meruerit commendari.

A. C. 1140.

S. P. N. 660.

Hoc anno execrandus ille Hæresiarcha Abailardus, ausus ad disputationem provocare ipsum S. Bernardum in Concilio Rhemenfi, forte ex itinere divertens Cluniacum, retentus à Petro Venerabili ejus loci Abbate; cujus opera (verba Bistiolæ, & Baronii sunt,) non solum errores abjuravit: eosque à suis libris abrasit, & cum S. Bernardo pacifica colloquia habuit, sed & Monachus effectus, permissus est à summo Pontifice ibi reliquum vitæ transigere. Denique, quod mirandum valde est, Abailardus pœnitens perseverans usque ad finem in arctissima Monastica observantia demum sancto fine quievit. Ita Petrus ipse, & cit. Ingens sane Petri meritum, & rarum in Hæresiarcha tantæ mutationis exemplum.

A. C. 1141.

S. P. N. 661.

Ingenti labore in vinea Domini desudat S. Vicelinus Sigisbergenfis primum Monachus dein Aldenburgenfium Episcopus, Sclavos denique Vandalos, idolis, & Idolorum templis everfis, ad fidei sanitatem traducens. Vnde non solum eorundem Apostolus coli, sed & nominari meruit. *Helmold. Crantz. VVion.* Ita rursus amplissimæ provinciæ nostrorum sudoribus Regno Dei accrevit.

Totus hoc anno in componendis intestinis tumultibus Innocentius fuit. *Requir. Baron. &c.*

A. C. 1142.

S. P. N. 662.

Insignia hoc anno SS. Petri Cluniacensis, & Bernardi Claravallensis Abbatum merita, quorum ille offensum Summi Pontificis animum adversus Galliarum Regem placare sollicitè curavit; iste Sugerio Abbati Dionysiano, & consiliariis sedulo institit, quoad denique Pontifex, & Ludovicus Rex in gratiam redirent. Meritum inter præcipua referendum. *Vid. Baron. Epist. Bern. Pet. Ven.*

A. C. 1143.

S. P. N. 663.

Hoc anno rursus de Rege Galliarum ritus Bernardus, cum ille juvenili ferocia Theodosij Imp. crudelitatem imitatus crudelius in comitatus Theobaldi subditos animadvertisset eundem graviter comonere minimè veritus, ne deinceps talè quid auderet effecit. Sed illius digna immortalitate verba audiamus, & adulari Regibus nescientis, zelum constantiamque admiremur. Ita proinde datis litteris Regem, alia inter, affatur: *Scit Deus, quantum vos ex quo novi, dilexi, & vestrum honorem volui: scitis vos, quanto labore, quantaque sollicitudine toto anno præterito, quærenda paci vestra intendi, &c. Timeo autem, ne sine causa laboraverimus in vobis. Vos namque, ut manifestum est à bono, & sano consilio, quod acceperatis, nimium cito, nimiumque leviter resilitis, &c. Vos nec verba pacis recipitis, nec pacta vestra tenetis, nec sanis consiliis acquiescitis. Sed nescio quo Dei judicio, omnia vobis ita vertitis in perversum, ut probra honore, honore probra ducatis, tuta timeatis, timenda contemnatis, & quod olim Sancto & glorioso Regi David Jacob legitur exprobrasse, diligitis eos qui vos oderunt, & odio habetis, qui vos diligere volunt. Neque enim, qui vos infligant priorem iterare malitiam (Aulici) querunt in hoc honorem vestrum, sed suum commodum; imo nec suum commodum, sed Diaboli voluntatem, &c. At quidquid vobis de Regno vestro, de anima, & corona vestra facere placeat, nos Ecclesie filii, Matris injurias, contemptum, & conculationem, omnino dissimulare non possumus, &c. Profecto stabimus, & possumus usque ad mortem, si ita oportuerit, pro Matre nostra, armis quibus licet, non scutis, & gladiis, sed precibus fletibusque ad Deum. Et ego quidem, qui me memini, præter quotidianas preces, quas pro pace, & salute vestra atque Regno coram Domino supplex ipso teste fundebam, etià apud sedem Apostolicam litteris, & nuntiis causam vestram egisse (fatcor usque penè propria conscientia lesionem, & ipsius su*

Pontificis justam contra me indignationem. Ego inquam, assiduis vestris, qua invocare quotidie non cessatis, excessibus provocatus, dico vobis, incipio penitere, super insipientia mea priori, qua plus justo, vestra adolescentia huc usque favi, & de cetero, pro mea exiguitate, non deero veritati. Non tacebo, quod cum excommunicatis iterato fœdus, & societatem inire satagitis: quod in necem hominum, combustionem domorum, destructionem Ecclesiarum dispersionem pauperum raptoribus, & pradonibus, sicut dicitur, adheretis, juxta illud Prophetæ: Si videbas furem, currebas cum eo, & cum adulteris portionem tuam ponebas. Quasi non satis, per vos mala facere valeatis, &c. Plura mala regeret, post quæ: Dico vobis, non erit diu inultum, si hæc ita facere pergitis. Et ideo Domine mi Rex, amabiliter moneo vos, & fideliter consulo vobis, ut citius ab hac malitia desistatis: si forte ferire jam parantis manum, Ninivita Regis exemplo, penitentia, & humilitate prævenire possitis. Durè loquor, quia duriora vobis formido: sed mementote à sapiente dictum, meliora esse verbera Amici, quam fraudulenta oscula inimici, &c. Huc usque imperterritus hic pugil Ecclesiæ, & alter Ambrosius, & si mielle alias defluens, acutum tamen, ubi necesse, vulnere intundens, idem & Ecclesiæ defensor strenuus, & servator Regum, & Regni Galliarum.

Eodem anno Lusitanorum Regnum orbipercelebre (quippe Africam Asiamque, Americam deniq; ex Europa occupans) Melliflui Doctoris nostri auspiciis initium habuit, annuo censu, inquit Manrique, statuto Claravalli, qui beneficium à sancto viro acceptum, simul, & Regiam pietatem attestaretur, &c. Rege Alphonsio, ut confirmaretur oblatum illi à subditis titulus Regis, per Bernardum à Rom. Pont. impetrantem; cujus extant litteræ apud Bernardum Brito, & Ang. Manriq. Idem aliis datis litteris, seipsum, & Regnum Claravalli feudatarium facit: *In Dei Nominè, quoniam decet quidem unumquemque fidelem de bonis sibi collatis à superno largitore &c.* Ideo ego Alphonsus, miseratione Divina Portugallensium Rex, noviter Deo jubente creatus &c. de consensu vasallorum meorum, me ipsum, Regnum meum, gentem meam & successores meos, sub Beata M. Maria de Claravalle Tutelam, protectionem, defensionem & Patrocinium constituo, & constituta fore decerno, ordinando & mandando omnibus & singulis successoribus meis in hereditatem hujus Regni legitime intrantibus, ut singulis annis eidem sanctæ Ecclesiæ S. M. de Claravalle, &c.

tribuant in modum feudi & Vasallitii quinquaginta Marabittinos auri probati, boni & digni, quod recipiatur, &c. Fratribus vero in dicto Monasterio de Claravalle & in aliis sui Ordinis Domino famulantibus, cura erit, statum Regni nostri Deo devote commédare &c. ut videas, quantum sanctissimi atque illuminatissimi Reges, Alphonsus iste, Stephanus Vngariæ, Henricus Germaniæ, Robertus Galliæ (de quibus alias) Monachis detulerint, quibus Seipfos & Regna commendarunt, omnem Regni salutem iisdem post Deum & cælites assignantes. Ex litt. ipsius Alfonsi apud Manriq; &c. Vid. Epist. Bern.

Eo ipso anno moritur plenus immortalium meritorum B. Innocentius Summus Pontifex, reddita Ecclesiæ pace æternum celebrandus. Vid. Baronius, de ejus maxime ædificiis & Epitaphi.

A. C. 1144.

S. P. N. 644.

Romanis hoc anno contra Pontificem insurgentibus, ac latè grassante Politicorum (Auctore Arnaldo de Brixia) Hæresi, eandem sequentibus, suo jam more Bernardus contra Romanos, ac Hæreticos omnes Ecclesiam propugnans in illos acerbissime invehitur, & ad subdendum se suo capiti exhortatur. Ex Epist. Bernardi, Bisceiola, &c.

Ingens auctoritas Petri Cluniacensis, & ejus Cænobij Monachorum, ad quos ex toto terrarum orbe causæ definiendæ deferuntur, & optimi quique eorum stare judicio cupiunt. Ut Romani Imp. imo Orbis curia, & cura iisdem incumbere videretur. Vid. Petr. Vener. in Epist. &c.

A. C. 1145.

S. P. N. 645.

LVcio Papa mortuo eligitur Eugenius III. S. Bernardi discipulus, ex Abbate S. Anastasij, cujus initiis Pontificatus, Armenij se Christo & Ecclesiæ addiderunt. Is S. Bernardo, munus dignum tanto Abbate commisit, & fideles ad protectionem Palæstinæ, & crucem suscipiendam exhortari voluit. Rursum eodem año idem Pontifex Romanos rebelles compescuit, & ipse ingenti omnium lætitia Urbem intravit. Adeoque Pontificatum multa statim Ecclesiæ beatitate Eugenius noster auspicatus est, ex Baron. Henriq. &c.

Sed candidissimum Canonicorum Regularium Præmonstratensem Ordinem hæreditario à Bernardo patre affectu, religiosi adamans, ac volens demereri, eorumdem Superiores, Præpositorum nomine antea appellatos, impostero Ab-

batiali gaudere titulo, ac dignitate fungi, datis de super literis ad omnes Ecclesiarum Antistites decrevit: Eugenius Episcopus servus servorum Dei. Venerabilibus Fratribus, Archiepiscopis, & Episcopis, &c. Religiosi Fratres Præmonstratensis Ordinis, per Dei gratiam in Religione proficiunt, &c. Vnde dignum est, ut boni Ecclesiarum Prælati eos juvare, & in tam sancto proposito confovere studeant, &c. Datum Sutriæ 15. Cal. Januarij Pont. nostri anno 1. Vt hoc quoque amoris & reverentiæ à nostris symbolum habeant, inconcussum huc usque permanfurum. *Vid. Ang. Manriq. &c.*

A.C. 1146.

S.P.N. 666.

Celebratur Concilium Carnotense iussu Eugenij nostri, pro expeditione in terram sanctam, cui etiam adfuit Rex Galliarum. Quid vero actum in eo fuerit, docet ipse S. Bernardus scribens ad Eugenium: nempe (quod planè mireris) eundem ipsum S. Bernardum omnium consensu Ducem totius belli, & Principem militiæ electum esse. Verum satis Eugenio visum si ille tuba sacerdotali indiceret bellum, & sive verbis, sive scriptis Christianum populum excitaret, quod illum felicissime sequentibus innumeris signis atque immensis prodigiis præstitisse, liquet ex Epist. ejusdem, & vitæ act. Bisc. Baronio.

Libet autem super re tanta, & quæ absque exemplo esset, ipsum quoque Baronium audire: *Illud in primis, ait, planè mirandum, quod obstupesceret omnes audientes: dum videlicet ibidem totius belli Dux, ipse S. Bernardus, omnium consensu deligitur, qui Principem militiæ agat, cui milites omnes & Principes subicerentur. Hoc decretum in Concilio, consensu omnium.* Ita Baronius, ut ex tanta omnium estimatione facilè Bernardum æstimes inæstimabilem plane virum, de quo tota sibi Ecclesia gratuletur.

Sanctissimæ & meritissimæ familiæ atque ordini Præmonstratensi rursus egregie consulit Eugenius noster Pontif. Maxim. & Episcopos, ejus progressus retardantes, compescit, atque illius quietem ac salutem promovet. *Ang. Manriq.*

Sequuti vocantem Bernardum Reges Germaniæ, & Galliæ, populi etiam Angliæ, Vngariæ &c. de quibus vid. cit.

Eodem anno suscepta alia rursus expeditione, mandato Eugenij adversus Bo-

reales populos paganos, de qua leg. Saxo Grammat. Baron. Bisciola, &c.

A.C. 1147.

S.P.N. 667.

EVgenij III. auspiciis ingens Catholicorum exercitus, Ducibus Conrado Imp. Aug. & Ludovico Galliarum Rege in Palæstinam proficiscitur, Galliæ interea Regno præesse iussu Sugerio nostro S. Dionysij Parisiis Abbate. Vt planè intelligas quantum semper Pontifices nostri, in promovenda re Christiana, & infidelium extirpatione laborarint, quantique habiti sint Monachi, quibus summa in Regnis potestas, nihil minus ambientibus delata, & tam securè credita sit. Sicut Sugerium in tanta sublimitate humillimū, adeoque extra invidiam purpuratorum, imperasse Francorum Annalibus proditum legimus, & ex ipso met cognoscimus.

Exortam sub hæc tempora Giliberti Porretani hæresim, ut extingueret omnimodo desudavit Sanct. Bernardus Abbas, quippe ab Archidiacono Giliberti de serpente, invalecente edoctus labe, zelo quo æstuabat fidei Catholicæ, una cum eis inviter egit, ut promulgatæ à Giliberto Episcopo Hæreses damnarentur. *Vid. Baron.*

Invaletcit eodem tempore per Tolosanam maximè provinciam Hæresis perniciosissima, Henriciana, quam egregiè illico scriptis confutarunt SS. Petrus Venerab. Abbas Cluniacens. & Bernardus Claravallensis, sed & Sugerius inisso Alberico Card. opprimere ac extinguere sollicitè curavit. Scribit vero Godefridus, comes Bernardi, adeo verbis, & miraculis à Bernardo Hæresim oppressam, ut ubi ea maximè vigeret, simplices in fide instructi fuerint, nutantes roborati, subversores autem & obstinati, ita repressi, ut ne apparere quidem præsumerent.

Sed & alia Hæresis ipso tempore Apostolicorum dicta exorta, ex Manichæorum erroribus dejurata in multis haud dissimilis ejus, qua hodie nostri delirant novatores, ab eodem Bernardo strenuè impugnata, confutata, & elusa est. *Vid. Bernardus ipse. Baron. Henriq. &c.*

Scalabim expugnaturus Alfonso I. Rex Portugalliæ votum Christo voti daturum se Ordini Cisterciensi cuncta quæ oculis cernere inde posset, decurrentibus aquis in mare, si meritis Divi Bernardi fretus, urbem cepisset. Cepit, & voti reus datis ad Bernardum litteris, qui Victoriæ ipsi certam promiserat Monachorum

chorum petit coloniam pro condendo Alcobatiæ Canobio, cui rescribens Bernardus, cognovisse se in Spiritu victoriam scribit, & prophetice item de successoribus prædicit, quæ proximo sæculo impleta esse manifesto constat: *Illud condentes, inquit, Monasterium, in cujus duratione & integritate, indelebile habebitis elogium Regni vestri, & in divisione reddituum, dividetur à vobis corona vestra, &c.* Quippe Cardinale Henrico, post Lusitanæ Rege, redditus Alcobatiæ dividente, & partem Abbatiæ in comendam dante, partem aliam Conventui reservante, vix duo anni, inquit Manrique, aut ne vix elapsi sunt, cū morte ejusdem, ac defectu successorum Regnum, cui hæcenus Lusiadæ imperassent, Castellanis Principibus accessit hæreditario jure possidendum. Ita perniciosum semper Principibus fuit, bona temel Deo dicata contrectare, atque in primis quando in tuos, & filiorum usus convertere aucti sunt (quod Religiosissimus cæteroquin Princeps minimè præsumpsit,) pronunciata siquidem contra illos stat, & stabit Divini Spiritus sententia: *Pone Principes eorum, sicut Oreb, & Zeb, & Zebee, & Salmana; omnes Principes eorum qui dixerunt: Hæreditate possideamus sanctuarium Dei, &c. erubescant, & conturbentur in sæculum sæculi, & confundantur, & pereant.*

A.C. 1148.

S.P.N. 668.

Immensitas meritorum explicanda foret, nisi compendio agendum esset. Ex innumeris pauca accipe. Summo Reip. Christianæ bono, concilium Rhemense Eugenius indicit: in eo multa summè necessaria atque utilia definita atque decreta; insana Eudonis de Stella Hæresis ejusque præstigiæ diabolicæ damnatæ. Ipse Eudo paulo post in custodia extinctus, discipuli concremati. Principum causæ cognitæ; incendia bellorum gravissimorum sopita. De Gilberti item erroribus pertractatum. Cumque soluto concilio Eugenius Papa Treveros accessisset, rogatus ab Archiepiscopo, quid de visionibus S. Hildegardis Virginis Monialis sentiendum esset missis qui ad eandem inviserēt, audita eorundem relatione, lectisq; ejusdem Hildegardis scriptis, ac habito cum S.R.E. qui aderant Cardinalibus, aliisque viris piis (inter quos ipse Bernardus erat) concilio, litteris saluatoriis Beatam Virginem ipse Pontifex visitavit, quibus concessa licentia ptoferendi quæcunque per

Spiritum S. cognovisset, eam ad scribendum animavit. Vid. Theodorus Abbas in rebus gestis ejusdem, & Baronius. Porro eam prædixisse Eugenio, ipsum non nisi extremis diebus in Vrbe Roma habitaturum, traditur à Ioanne Saresberienfi in Epist. S. Thomæ Cantuariensis. Vid. Baron. Moritur S. Malachias noster Magnus ille Hybernæ reformator, singulare universi tydus, de quo vid. S. Bernardus in vita ejusdem, Ant. de Yepes.

Fundatur hoc ipso anno Monasterium B.M.V. Alcobacense ab Alphonso primo Portugalliæ Rege, ex voto: Si meritis S. Bernardi Scalabim expugnet. Expugnavit, & voto se liberavit. Vid. Yep. cit. Sed de voto Regis satis anno superiore.

A.C. 1149.

S.P.N. 669.

Feliciter in cælum emigrat S. Raymundus noster Toletanus Archiepiscopus, de quo legendus Yepes sæpe cit. t. 7. f. 214. & sequentibus. Meritis non annum hunc solum, sed sæcula omnia, orbemque universum implet S. Bernardus prædicatione infinitam multitudinem hominum ad meliorem frugem convertendo. Hoc ipso anno de Germania maximè universa meritisissimus, Constantiæ, Basileæ, Spire, & quacunque pergeret, innumeris prodigiis, ejus prædicationi virtutem ex alto addeunte Deo. Ita universam Germaniam etiam inferiorem deambulans, & ex itinere ad dilectam Christi sponsam S. Hildegardem nostram invilens ab eadem multa perfusus consolatione discessit. Vid. vita ejus. Trithem. &c.

Ipso anno Henricus Ludovici Galliarum regis frater, incredibili suorum luctu in Claravalle cucillum amplectitur, magno maximi Regni exemplo, quo nemo nō mirificè accensus est, præsertim quod quanto antea fastu regius Princeps, tanto deinceps profundiore animi demissione emineret, pro meritis deinceps etsi lugenens reluctansque ad Episcopalem cathedram extractus, & de regno Galliarum multo nomine meritis. *Annal. Cisterci. &c.*

A.C. 1150.

S.P.N. 670.

Meretur suo jam more irremisse de Ecclesia universa, Imperioque in primis Romano Sanctus Petrus noster Cluniacensis Abbas, hoc anno Rogerium Siciliæ Regem inducens, ut pacem cōponeret cū Imperat. Conrado, contra

vero in Græcorum Angustum arma converteret, cuius prodicione & scelere totig penè Germaniæ & Galliæ flos, in expeditione sacra periisset. Egit fortiter à tanto viro concitatus Rogerius, quippe spoliatus paulo post captasq; ab eodem Corinthum, & Corcyram, Robertus in Appendice ad Sigebertum commemorat, & multa deinceps præclare contra Græcos gesta.

Memorabili omnino exemplo, præter multos alios ex Ordine in purpura sacra eminentissimos Cardinales, tres ex uno eodemq; Canobio, una eademq; hoc anno creatione, ad eundem honorem ex Claravalle ab Eugenio Papa evocantur, Hugo, Henricus & Rolandus qui omnes, omnium de se expectationem, sanctè & præclare gestis, insigniter compleverunt. *Gasp. Longel. Manriq.*

A. C. 1151.

S. P. N. 671.

SYDUS illud, imo Sol ipse Canonistarum Clarissimus, Gratianus noster, *Opus* illud *Decretum* illustrissimum absolvit, de quo Baronius: Hoc item anno Gratianus Monachus Benedictinus, collegit ampliori studio librum Decretorum, & per distinctiones & quæstiones ritè disposuit. *Vid. hoc anno Decretum autem Gratiani, sive ut ipse inscripsit: Concordantia discordantium Canonum,* ab Eugenio III. approbatum est. De quo legendi Iepesius noster, Matth. Weiss. Arn. Duac. &c.

Ipso anno, etsi Ioan. Picardus pro sequenti contendat, obiit Idibus Ianuarij magn9 ille Abbas, & alter Galliarum Regni animus Sugerius, quem supremum decumbentem, cum ipse non posset, per litteras invisit Mellissius Doctor, eique gloriam æternam repromittit, cui amorè suum usq; ad mortem non solum, sed etiam æternum contestatus: *Dilexit à Principio, diligam sine fine,* inquit, *fidenter dico, non possum perdere sic dilectum usque in finem. Non mihi perit, sed præt;* *cujus anima anima mea, adhasit glutino, quod non dissipabitur, & vinculo quod non dirumpetur. Tantum memento nostri, cum perveneris, quo nos præveneris, ut & nobis detur venire post te, & ad te pervenire, &c.* Ejus sanctum obitum Picardus describit, atque exequiis Regem interfuisse cum sex Episcopis multisque Abbatibus, de quo subjungit: *Christianissimus Rex Ludovicus, & pietatis memor, & immemor Regiæ celsitudinis, dum sepeliretur amantissime flevit, &c.* certus nimirum, quantum & ipse, & Regnum, & Consul-torem & Patrem perdidissent,

A. C. 1152.

S. P. N. 672.

MERETUR æterno merito de Romanis Pontificibus, orbisq; Episcopis universis S. Bernardus noster, scriptis quinq; illis admirandæ & profundissimæ sapientiæ libris: *De consideratione* ad Eugenium Papam; de quibus Baronius, postquam eosdem aureos appellavit, subdit: *Scriptit autem eos libros ipso petente Eugenio, quibus nō illum solum, sed Pontifices omnes, ad benè ministrandum Pontificatum informat, & multa ab ipso corrigenda deplorat, &c.* Vt videas quantum etiam sequuturis sæculis meruerit de lūmis Orbis pastoribus, adeoq; de orbe Christiano universo, si libri illi pro dignitate æstimentur, & serio volvantur.

Conditur hoc ipso tempore celebre illud, ab inhabitantibus deinceps, miræ Sanctitatis Virginibus, Schonaugiente Canobium, in quo exoritur sub prima ejusdem initia, magna illa Elisabeth, Spiritu Prophetico ventura prænuncians, & homines ad placandam justiludicis iram, scriptis suis admirandis, potenter provocans. *De qua legend. Trith. Iepes, Vita ejusd. & divers. rer. German. scriptor.*

A. C. 1153.

S. P. N. 673.

MORITUR S. Eugenius noster Pontif. Max. ingenti omnium luctu & mœnore, compositis deniq; intestinis tumultibus, sicui prædixerat B. Hildegardis, felicissimus, & grandibus meritis locupletissimus, miraculis etiam post mortem illustratus, cui Anastasius IV. ex Abbate S. Ruffi substituitur, ab egregiis meritis plurimum commendatus.

Ipso anno, festo & triumpho cælos implet S. Bernardus Abbas, corporis ergastulo solutus; *vir, Baronio teste, verè Apostolicus, imo verus Apostolus, missus à Deo, potens opere & sermone, illustrans ubiq; & in omnibus suū Apostolatū signis & prodigiis &c.*

De lactei Benedictæ Matris filii obitu multa narranda essent, ut & de variis ab obitu visionibus seu apparitionibus; ea tamen prætermitti non debet, quæ in Claravalle, non unialterive, sed cunctis visa, in Additis ad Exordium Magnum, integra fide descripta est, in hunc modum: *In ipso vero momento, quo ultimū exhalavit spiritum, visa est in eodem cubiculo, quo sanctus vir jacebat, piissima Dei Genitrix &c. innumera Angelorum ac celestium spirituum multitudinē, prout Reginā call. & Dominā Angelorū decebat, secum in comitatu habens; quæ cernētibus omnibus, qui ad funus venerāt sanctissimam*

Simam viri Dei animam, quasi ab ore ejus rapiens, usque ad penetralia celi, cum eodem comitatu latantibus Angelis, hymnosque caelestes per aera cantantibus perduxit, quo pia sui memorum immemor nequaquam existeret. Similiter & visa est eadem celi Regina, illam B. P. N. Bernardi animam in caelesti beatitudine, ad latus suum collocasse. Ita lib. cit. Ut quanto apud celorum Augustā, loco sit magnus hic ab Vbere tam felici Infans, ex Infante orator & Encomiastes Marianus facile Princeps, universis appareat, è cujus lacteo ore & gutture perfecta laus tantæ Matris, toto orbe exaudita est, atque etiamnum pro perfectione tantæ vocis exauditur, juxta illud: Ex ore infantium & lactentium perfecisti laudem, nec sonitu solum in aures, sed lacte quoque in ora redundante, quotquot Bernardi vocēs usque hodie exceperere.

Ipfius scripta atque opera, quæ dispersa & rara ipsius Deiparæ jussu conquisita collectaque ante ducentos annos plus minusve, publico usus Christiani orbis prodixisse, Angelus Manrique commemorat, ipsis etiam Hæreticis & Luthero Hæresiararchæ celebrata, ac veneranda.

A. C. 1154.

S. P. N. 674.

NE mortuo Bernardo, alter ejus similis afflictissimæ hoc tempore deesset Ecclesiæ, S. Petrum Tarentasiensem Deus opt. Maxim. verbo non minus potentem atque opere dedit, signis & prodigiis longè illustrissimum tanto facto ad ipsum undique concursu, ut vix ferveri à comprimente multitudine posset. De quo Gaudfred. Altecumb. Abb: *Tantas per eum prastitas sanitates Regio tota cognovit, ut incredibilis turba concurrens, ac si jurata foret in ejus necē, nō modo comprimeret sed opprimeret imbecilem. Vix tandem locus idoneus, locus tutus potuit inveniri, nisi turris basilicæ S. Eugendi, per duas hinc inde cochleas ascendenda: Illic posita sedes, lignis fortioribus circumsepta, ut solam manus impositionem, vel auditum, & responsa perciperent; qui per alteram seriatim cochleam ascendentes, per alteram exinde descendebant, ut neque hi illis, nec sibi invicem possent esse molesti. Tam multis inibi cæcis visum, surdis auditum, mutis loquelam; claudis gressum, & incommodis variis laborantibus contulit desiderata remedia, ut difficile quis dinumerare, nedum scribenda servare potuerit &c. Ut facile appareat, quantum unus hic Monachus, & Pontifex verbo potuerit, quod tanta, & vitæ, & virtutum exempla comitarentur.*

Ipso anno B. Gummarus Sardinia rex florentissimis ætate, & rebus cucillum apud Clarā vallem amplectitur. Quo etiam anno S. Vicelinus, Hollatiæ, Wandaliæ pluriumque provinciarum Apostolus, ad Apostolica præmia evocatur; cum totos triginta annos, tanto in munere, strenuè & magno cum fructu defudasset. *Ex vita, Chron. Slav. Baron. &c.*

A. C. 1155.

S. P. N. 675.

UTi Petrus Tarentasienfis per Galliā, & Sabaudiam, ita per Angliam & Scotiam, maximis, & immortalibus se meritis commendat S. Wallenus noster Meilrolensis Abbas; vir omnino mirificus ad quem cum tub hoc ipsum tempus magna ingruente fame ingens quotidie pauperum multitudo conflueret, & ad quatuor mortalium millia prope Carnobium considerent, & circa illud per duo circiter milliaria calas sibi, & tuguria construeret, omnes aliosque confluentes toto famis tempore mirifice sustentavit. Cæterum, ut alia fileam magna ejus merita, & prodigia, cum esset animo promptissimo juvandi proximos, persuaderi tamen non potuit, ut Metropolitanum honorem admitteret, Santandrenus Archiepiscopus, & Primas totius Regni electus; tanto indigniores se semper reputabant, qui ab aliis dignissimi habebantur. *Ex Vita per Ioscelinum, &c.*

Quanti Monachos faceret nostros; quantumque Imperio atque orbi universo prodesse agnosceret, datis hoc anno ad congregatos Cistercii Abbates litteris Fridericus I. Imperator manifestè declaravit, quæ quia longiores, partem transcribere placuit.

Venerabilibus in Christo Patribus, & amicis dilectissimis, &c.

Frideticus D. G. Rom. Rex semper Augustus, &c.

Si juxta veritatis vocem, ubi duo vel tres congregati fuerint in nomine Domini Iesu Christi, ipse in medio eorum est: Quid credendum est, ubi non solummodo duo vel tres, sed tot nobiles athleta Christi, tot excelsa columna (insigne elogium) Ecclesiæ suæ, in nomine suo, imo ad honorem nominis sui, de diversis mundi partibus coadunati sunt & congregati, nisi quod ipse in medio vestrum habitat, & spiritus suus, quem in vos ipse transfudit, & sanctissima pectora vestra seipso inflammavit. De qua igitur re succensi flamma charitatis consenseritis, certissime obtinebitis & fiet vobis, &c.

Credimus

Credimus enim, imo vero scimus, quod tanta est sanctitas huius reverendi Ordinis, tamq̃ est placens, tamq̃ suave & acceptabile holocaustum orationum vestrarum; quod ei quotidie offertis, sub carnis vestrae maceratione ac mortificatione: quod omne id quod à Creatore nostro duxeritis petendum, cum pius ipse sit, & promptus ad benefaciendum, obtinebitis à multitudine miserationum suarum. Est enim fides nostra, utique non parva quod hic mundus, qui lubricus, & immundus est, & in maligno positus, orationibus vestris (NB.) sustentatur, & à facie furoris, illius tremendi Iudicis, defensatur, &c.

Cum igitur hoc firmissimè credamus, &c. nos qui peccati pondere oppressos nos esse recognoscimus, omni humilitate, omni devotione ab universis vobis, & singulis petimus, & obsecramus omnium precum instantia, quatenus in fraternitatem vestram nos recipientes, & in consortium sanctissimarum orationum vestrarum nos colligentes, speciales creatori nostro preces effundere dignemini, ut gratia sua in nobis misericorditer deleat, & emendet, quidquid hactenus commisimus, &c. & in his quae sibi placita sunt, nos conformare dignetur: Det ipse nobis, vestro pio interventu, spiritum Iudicii & veritatis, ut sic sub nobis regatur Imperium, & disponatur, ut ad laudem & gloriam nominis sui, sancta sua Ecclesia, quam in ara Crucis sanguine suo redemit, pacis gaudeat optata tranquillitate; & nos, post decursum temporalis huius Imperii, una vobiscum, ad Imperium sine fine mansurum pervenire possimus, &c. Ita Fridericus Imp. Contrater factus; id deniq; assequutus, ut reconciliatus Roman. Ecclesiae, & in apparatu & procinctu Expeditionis sanctissimae & gloriosissimae moreretur. Ex Angelo Manrique, Aquilano nost. Benedict. &c.

A. C. 1156.

S. P. N. 676.

Institutus celeberrimus ille Ordo equitum de Alcantara, per Gometium Fernandum, sub Regula S. P. N. BENEDICTI insigni non solum addito Ecclesiae ornamento, sed & munimento, plurima Principum ac nobilium multitudine, ad infi-

delium everfionem, & Catholicæ fidei dilatationem, huic sacro Ordini se suaque omnia devotentibus. Ita ingens, & inexplicabile nostrorum studio meritum Ordinem & Regulam nostram Ecclesiae, & universo orbi commendavit. Legendus Repes.

Ingens sanctorum nostri Ordinis copia, in Gallia, Italia Germania, Hispania, ut in solis D. Galli, Hirsaugiae, omnium SS. Schathulæ, Casinenfi, Cluniacensi, Camaldulensi, Classicensi, Cavenfi, paucisq; aliis, brevissimum intra tempus aliquot millia numeremus, ne quis tantum numerum hoc loco recensendum arbitretur, sed de his, cum bono DEO, alibi aliquando:

A. C. 1157.

S. P. N. 677.

Iterum alterius Ordinis Militaris Illustrissimi, Summo Reip. Christianæ bono, initium hoc anno, Equitum de Calatrava B. Raymundo nostro Fiterij Abbate, æternò cū merito primum instituentem, qui non sine afflatu Numinis, non precibus solum, sed & instituta Religiosorum militum amplissima congregatione, confirmato mox à Rom. Pont. Ordine, etiam armis, contra infideles defendendum, desertum ab omnibus Calatravæ oppidum suscepit. Quo ipso anno moritur S. Petrus noster cogn. Venerabilis, invictissimum S. R. E. propugnaculum æternus Hæreticorum malleus: Regum ac Principum exerrantium reductor, conciliator Pacis, cujus gloriosissimo, tanti solis occasu (ut & Abailardi paulo ante ipsum extincti, cui ipse Epitaphium posuit, &c: Gallorum Socratem Platonem maximum Hesperiarum Aristotelem suum appellavit;) partem priorem Annalium claudimus, quod huc usque fere Historiam quoq; suam produxerit doctissimus Iepesius, cujus compendium subicere placuit, ut de utriusq; nostri instituto omnibus innotescat; & quæ consulto prætermisimus, ex altero compensetur.

55

FINIS Partis Prioris.



ANNALIUM
BENEDICTI-
NORUM,
PARS SECUNDA.

WILLIAM
H. MURPHY
JANUARY 1884



(3)

ANNALES BENEDICTINI,

Quibus potiora Monachorum ejusdem Ordinis facta & merita ad compendium referuntur.

PARS SECUNDA.

Authore R. P. F. GABRIELE BVCELINO. ejusdem Ord. Monacho,

Theologo. &c.

PUlcherrimum partis secundæ faciunt initium, gloriosissimæ nec non prodigiosissimæ. Admirabilis Archiducis nostri & Archistrategi exercituum Domini BENEDICTI hoc tempore expeditiones. Postquā enim tanto iam decursu sæculorum, cum per se, tum per suos, idem sanctissimus Pater & Patriarcha, non in Occidente solum, sed & Oriente innumerabiles planè gentes & populos, assidua prædicatione, crebrisque miraculis, Zelo ac merito Apostolicis Christi Ecclesiæ ac Regno felicissimè adjecisset, innumera item Monasteria, Xenodochia, Scholas Basilicas, diversis toto orbe provinciis exegisset, triumphatæ gentilitatis Trophæa excitasset; invalescente jam nimium, per Christianorum Principum dissensionem Saracenorum Secta, in eam quoque, si visum Numini, evertendam, certè à Fidelium Christi cervicibus avertendam, per lectissimos suæ militiæ Duces totus incubuit, & ut fine partis prioris vidimus duos jam Ordines de Alcantara, & Calatrava, tanquam duos diversis itineribus exercitus, ad circumveniendos felicius hostes direxit, ex hoc vero tempore longe plures, ut videbimus, sub Regulæ suæ auspiciis, Sacræ militiæ Ordines instituit, & immortalis prorsus merito Nobilitatem orbis universam mirifice excitans, generosissimos quosvis ad arripienda

pro Christi honore arma, exponendas liberalissimè facultates, objicienda hosti generosissimè pectora & capita concitavit, redundante incomparabili plano in Ecclesiam Christianam fructu, cū & innumerabiles deinceps tanto decursu, adhuc usque tempora, sæculorū, iidemque juratissimi ac potentissimi dejicerentur hostes, & qui per turpe ortium eousque in omne vitiorum se immerferant cœnum Principes & magnates, non solum emergerent, sed & absque numero triumphis Martyrum semperternis accenserentur, postquam sæpius in terris de cælitum hostibus triumphassent. Cui quidem tam laudabili sacrorum Militum nostrorum studio, ne etiam mulieres deessent, armillas manibus, collo torques, monilia auribus detrahère, & pro suo quisque Christianus Zelo in medium contulit, unde novæ Benedictinæ militiæ Tyrones non solum pro necessitate, sed & pro splendore deinceps alerentur, ita ut potentissimi deinceps Reg. & Principes iisdem se adderent & in nomen ac Regulā Magni Archiducis nostri jurarent, navarentq; insignem prorsus operam Reip. Christianæ, donec in hoc sæculorum fine ab imbellibus nonnullis, nec tam militiam quam opes confectantibus, pretium Christiani Sanguinis in luxum verius verteretur; quam ex primæno instituto, in everfionem converteretur tam immanium usque hodie latissimè grassantium, nobisque & ignaviæ nostræ insultantium adversariorum. Sed

cum hæc, tum alia deinceps nostrorum merita, breviter, uti initio operis promissimus, & obiter prosequamur.

Annus Christi 1158. S. P. N. 678.

Memorabili prorsus felicitate desperatissimis Hispaniarum Regnis & rebus consulunt duæ novæ Militum nostrorum de Alcantara & Calatrava familiæ, & modico licet sub initia numero, Monachorum tamen sanctissimorum cum exhortationibus animati, tum precibus freri, non jam restitutas nuper, quas Christiani deseruerant munitiones, propugnant solum, sed in magnos etiam hostium movent exercitus, ultro ad pugnam provocant, & felicissimis successibus multoties hostem in turpem cogunt fugam, spoliisque divites ad suos revertuntur. Quod quia loci hujus non est prolixius prosequi, suo tempore prolixius dabimus & designabimus sua quæque aîo, in Historia nostra Universal. *Ex divers. rer. Hisp. scriptor. Hist. Sacra milit. & Annal. nost. &c.*

Neque segnius viri ex nostris Apostolici, gladio sacro, quod est Verbum DEI, ocipso tempore usi, in propagando longè lateque Christi Regno strenue desudarunt. Quos inter, hoc ipso tempore, præ aliis mirifice se exercuit, & admirabili felicitate per amplissima Sueciæ Gothiciæque Regna inanum Deorum cultum, & sacrilegas superstitiones longè lateque sustulit B. Stephanus noster Alvastrænsis Cænobii Monachus, creatus demum pro meritis Upsalensium primus Archiepiscopus, totiusque Sueciæ Primas; ut illa quoque tam insignis olim Cathedra & Sedes Regni amplissimi metropolitana, præter innumera alia merita, nostris primum Pontificem debeat, & Apostolum quidem suum, summaque præditum vitæ sanctitate potentissimum à morte Tutelaré. Fuit Upsola sive Upsalum à præcipuo Regnorum Aquilonarium fano in primis celebrata, quod totum ex auro fulgidissimum, exterius etiam aurea catena longe splendidissima cinctum, quæ ad mœnia domusque fastigia suspensa late rutilabat, ad impiissimum dæmonum sub trium larvarum seu statuarum forma cultum, longe etiam positas gentes, vel suo quidem splendore provocabat. Thor, fulmini, ventis, imbribus, serenitati, cælo præsidere; VVodan victoriæ;

Fricconem paci voluptatique præesse autumabant; adeo quidem pertinaci errore, ut Reges etiam suos, Christiani jam pridem sacris initiatos, ad templum illud munera mittere, sive Regno cedere cogèrent; è quibus aliqui diadema projicere, quam Sacrilegio fidem polluere maluerunt. Laboravit plurimum Stephanus, ut quod nec Christiani & potentissimi Reges poterant, ipse denique evinceret deiceretque. Nec adire mille pericula reformidans, cum alias passim Idololatriæ fœditates sustulisset, & plurimos mortalium Ecclesiæ aggregasset, hoc denique etiam sanum, ut suo loco dicemus, execrabile iis qui tantopere coluerant reddidit, mille coronas in cælo meritis, qui quotidie in mille neces generosum devoverat pro Christo pectus, tot captivos Christo adducens in felicissimam libertatem. *Ex vita, & Chron. Suec. &c.*

Sed neque minus scriptis alii, cum hic verbo prædicationis, rem fortiter gerebant, quorum unus, Rudolphus nomine S. Trudonis in Belgio Abbas, insigne septem librorum opus, contra Simoniacos Hæreticos strenuè decertavit. Sed & Franco Affligemienfis Abbas, non tam adversum suæ ætatis, quàm nostræ Sectarios potens fuit, & de Gratia DEI pessimè sentientes, potenter convicit, & multa alia edidit. Ut nemo satis tantos ex ordine pugiles, imò Heroes admiretur. *Ex rer. Belgicarum diversis Chronologis & script. &c.*

A. C. 1159. S. P. N. 679.

Merentur immortaliter de Sacratissimo atque amabilissimo Canonorum Regularium Ordine, (quæ hoc ipso sæculo immortalibus adjuncti B. B. Ivo Carnotensis & Norbertus Magdeburgensis, sub nomine & Patrocinio Augustissimi Ecclesiæ Doct. Augustini Regulam Vitæ, ex Eiusdem magni Patris Epistola quadam sumentes, præcipuè fundaverant ac promoverant) diversissimi ex nostris cum in Gallia atque Italia, tum in Germania Sancti Pontifices, quorum alii in Cathedrales aliquot Ecclesias laudatissimum illud vitæ Institutum introduxerunt, alii diversissimorum Monasteria condiderunt, eoque nomine, de Clericorum maxime & Canonorum in nimiam defluentium licentiam statu præclarè meriti, novam quasi

PARS SECUNDA.

quasi faciem Clero induxerunt. Sanè ut plurimos alios taceam, solus Beatus Ortho noster, ex Morimundi Monacho Frisingensium Pontifex, duo sacræ Canonicoꝝ Præmonstratensium familiæ Monasteria, Schefftlariense & Novæ Cellæ liberalissimè fundavit & condidit, sed & tertium Schlierense Canonici Regularibus à se restauratum tradidit, iisque haud aliter atque pater filiis consuluit. Decessit hoc ipso anno idè Sanctissimus Pontifex, mortis, Divina revelatione, non ignarus, cum de Ecclesia sua ita meruisset, ut non tam *Instaurator* quam *Fundator*, prædicetur. Tantum iterum, uti de plerisque per Germaniam, Galliam, Hispaniam &c. Episcopatus parte I. meminimus, de sede sua unus noster Pontifex meruit, atque insuper eandem Sanctitatis titulo gloriosiore reddidit. Fuit Ortho Illustrissimigenis dignissimus surculus; S. Leopoldi Austriæ Marchionis & Magni Tutelaris præstantissimus filius; Henrici IV. Imp. ex Agnete filia nepos, Henrici V. sororius, Conradi Regis Rom. frater uterinus, Friderici I. patruus; Henrici I. Ducis Austriæ, Leopoldi Ducis Baviaræ, Conradi Salisburgensis Episcopi, Sophiæ Vngarorum, Gertrudis Boëmorum Reginæ &c. frater germanus, vera tamen humilitatis & perfectionis Monachicæ exemplar; ut non tam Frisingensis solummodo Cathedralæ, quam Germaniæ universæ, perinsigne omnino, & merito celebretur ornamentum, meritis insuper, Chronico quod scriperat, quodque Doctorum omnium teritur manibus de omni sæculorum posteritate. *Ex mōim. Frising. Ioann. Cuspin. Rob. Bellarm. Raderus, Montalbo, Manrique, Henric. &c.*

Obligant seram sæculorum, posteritatem, relictis ingenii præstantissimis monumentis, magnè nostris Doctores & scriptores, B. Rupertus Abbas Limburgensis, Hugo Corbeiensis, Adelp^h Abbas, Conradus Hirsaugiensis, Eckardus Abbas S. Laurentii, Guilielmus Abbas S. Theodoric, innumeri alii, singuli singulis illustrandis sæculis sufficientes. Legendi *Iepes, Trithem. VVion, Possavin. &c.*

A. C. 1160. S. P. N. 680.

GRavissimū rursus in Ecclesia Schifma, foyente id ipsum nō solum sed

& suscitante Fridericō Imp. Germaniæ vero Episcopis plerisque Cæsarem sequentibus; S. Eberhardus noster ex Abbate Biburgensi Archiepiscopus Salisburgensis, pro Ecclesia strenuè se opponit, Apostolicaque constantia, frementè licet Imp. Alexandro Papæ fidelissimè adhærens, tam Fridericum, quam idolum ejusdem Octavianū Antipapam ad obitum usque constantissimè execratur. Meruit non hac solum fidelitate de Ecclesia universa B. Eberhardus, sed & multis aliis beneficiis Cathedralæ suæ consulens, omnem provinciam æternum sibi obstrinxit vei⁹ *Pauperum pater; & solatium afflictorum* celebratus, idem sempiternum Nobilitatis Germanicæ (fuit Comes de Hipolstein) egregia vitæ sanctitate decus & ornamentum. *Raderus, Iepes, Stengel. Barron. VVig. Hund. &c.*

Extinguitur hoc ipso anno B. VVallenus noster Meilrosensis Abbas, Malcolmī & Guilhelmi Scotiæ Regum avunculus, & ipse de toto Regno, cum aliis meritis, tum admirabili vitæ exemplo meritissimus, qui alia inter beneficia in occurrentes collata, famis tempore, modicum frumentum benedicens, ut non Fratribus solum sed & pauperum quatuor millibus, & quidem per tres menses abūdaret, impetravit. Fuit promotor Cultus Mariani præcipu⁹, cumque hora remunerationis appeteret, memorabili prorsus nuncio edoceri meruit, cum Angelus Fratri cuidam Meilrosensi Converso apparens, involucrum quoddam traderet, juberetque VValleno Abbati suo, directum à D^eo & D^ei para porrigere. Accepit Wallenus, & explicans, lachrymis infusus, & genuflexus legit hoc tenore: *IESVS Christus, & Maria Mater ejus dilectum suum VVallenum salutant: Scias, quod exaudita est oratio tua; & inter duas festivitates Ioan. Baptista venies ad nos perpetuo victurus. Præpara te, Vale.* Ita rei eventus probavit; obiitque 3. Augusti 1160 &c. *Ex Vita & Menol. nostro &c.* Idem post mortem apparens, omnibus suis, se salutem impetrasse affirmavit, *citati.*

A. C. 1161. S. P. N. 681.

Immortale hoc anno meritum Beati Petri nostri, ex Monacho Bonavallis Tarentasiensis Archiepiscopi Sedis Apostolicæ Legati, qui gravissimam dis-

sensionem

sensionem, in funestissimum bellum exarsuram, duos iuter potentissimos Reges, Henricum Angliæ, & Ludovicum Galliæ, felicissimè composuit, eoque nomine amplissima illa Regnæternum obligavit, tum impendentianon solum mala clademque & extremas calamitates avertit, sed intolerandas ad bellum exactiones sustulit, pacemque optatissimam reddidit. Idem in Regnæ eadem summe beneficus, quacunque pertransiit, omnes eorum ad se delatos infirmos, in oculis omnium mirificè sanavit, & quod ad cumulum ingentium meritorum, summum omnino & maximum est: Reges ac provincias illas omnes à Schismate vindicavit, & ab Octaviano avertit, cum non possent non Alexandrum revereri, cujus Legatum intuerentur tantopere ab ipsomet Numine honoratum & commendatum. *Ang. Manriq. Ant. de Iepes. Baron. Henriq. Annal. nost. Germ. &c.*

Ingens tota Germania concursus ad sepulchrum Beat. Bertholdi Garstensis Abbatis, innumeris prodigiis DEO ipsius sanctitatem & merita contestante, afflictos iuvante, ut merito inter maximos Austriæ Tutelares idem celebretur. *Ex vita & Menol. nost.*

A. C. 1162.

S. P. N. 682.

ITerum strenuè passim agunt nostri, & indefessam Sanct. Matri Ecclesiæ navant operam, nunc in Schismaticos, nunc in Saracenos, nunc in Gentiles, summa Romani Pontificis auctoritate gloriosissimas suscipiendo expeditiones, atque in omnes exerèdo utrumque gladium: nunc per Sacras milicias, rebelles atque obstinatos in scelere occidendo, nunc per Apostolatū & miracula, animas dudum mortuas vivificando. Evincit hoc ipso denique anno obstinatos tamdiu in errore Suecorum animos B. Stephanus noster Vpsalensium Archiepiscopus, & aureum illud sanum, Septentrionalium omnium Regnorum ac gentium, unicū Oraculum, abolitis impiis sacris, eversis ac prostratis Idolis, vero Numini templum consecrat, incredibili mox fructu prædicationem ejus per illa Regna consequente. *Ex vita & Annal. nost. &c.*

Ingentia prorsus & admiranda sanè merita sub hunc ipsum annum S. Hildegardis nostræ, quibus sese Ecclesiæ u-

niversæ commendavit: nam præterquā, quod ad ipsam in difficillimis quibusque maximi Principes & Pontifices pro consilio occurrerent, mulier unaprælia Domini præliari plus quam virili magnanimitate aggressa, in Catharorū evertendam Hæresim tota insurrexit, eosdem scriptis doctissimis triumphavit & profligavit. Sororem imitatus Egkbertus, frater ejusdem germanus, Abbas Scho-naugiæ, præter alia præclari ingenii monumenta, insignem contra eosdem librum edidit. Sed & Berengarianum errorem repullulascentem, felicissimè opprimens, Cardensem quendam subtilitate ingenii, & linguæ volubilitate doctissimis quibusque formidandum, de Sacramento Eucharistiæ pessimè sentientem, & errores suos latè spargentē, apud Confluentiam in publico Doctorum Conventu, disputatione non solū convicit, sed & ab errore ad veritatis professionē revocavit. *Ex Trith. Chron. Hirs. Iepes. Annal. nost. Germ.*

Eligitur hoc anno Cantuariensium Archipræsul B. Thomas Becket, multum reluctans deprecatusque, quin & comminatus ac protestatus: fore se adversarium Regis, pro libertate Ecclesiæ, cum Rex summopere promotionem ejus urgeret. Coactus denique à Rom. Pont. Legato, prius admittere noluit, quam se Monachum faceret, quod nemo nisi Monachus impunè sedem illā occupasset. Mox cum cucullo & Regula, nostrorum morem amplexus, Regē adulari nescius, murum pro domo DEI eidem se opposuit, & prælia Domini, insuperabili constantia, contra ambitionem, amantissimi ex teroquin Principis, fortiter gessit. *Ex Vita & Angl. Scrip. Baron. Iepes. &c.*

A. C. 1163.

S. P. N. 683.

Supremus hic annus B. Raymundo nostro Abbati Fiteriensi, Calatravensis Ordinis magno Institutori, & multorum deinceps Ordinum Militarium primo Auctori, cum is institutæ à se Militiæ annos sex admirabili cum fructu præstitisset, & fugientes primū nostros revocasset, confirmasset, & Calatravæ oppidum communiens contra hostes fortiter propugnasset. Is plurimis deinceps & admirandis Victoriis à DEO donatus, alter Iudas Machabeus, rem Christianam præclare restituit, ob ingentia

gentia merita *Pater Patria & Liberator* salutat; quem etiam à morte insignibus & frequentissimis miraculis Numē honoravit, & militarem etiam tuendi honoris Christiani & nominis Zelum commendavit. *Ex Vita, Manriq. Menol. nost. &c.*

Eodem anno feliciter extinguitur B. Fastratus, totius sacræ familiæ nostræ Cisterciensis Prior Generalis, toto spectatus in orbe ob vitæ eximiam sanctitatem, quem, honorem illum refugientem, ipsa DEI para persuasit, occurrenteque spectabili forma, velut Simeoni Seni, infans Verbum, cum his verbis in ulnas credidit: *Accipe, ait, filium meum & serva mihi illum;* cumque dicto disparuit. Adfuere morienti Alexander III. Papa, cum tota Romana Curia, qui & supremum inunxit, ejusque mortem, præsens item Rex Galliarum lugubriter deflevit. Ut quantum de tanto viro Ecclesia & Regnum Galliarum polliceretur facile advertas. *Ex Menol. nostr. Cl. Rob. Manriq. &c.*

Sed & tertium non minus illustre Ordinis sydus extinguitur, cælis inferitur B. Iossio Cælitum Imperatricis cultor præcipuus, & cultus mirificus promotor, monachus S. Bertini, cuius inventione habemus usum illum quinque Psalmorum, quorum initiales litteræ nomen MARIAE exprimunt, insigni miraculo post mortem ejusdem sancti viri approbatum & commendatum, cū ex capite illius quinque purpureæ rosæ erumperent, una ex ore, duæ ex oculis, totidem ex auribus, in quarum prima aureis inscriptum litteris nomen apparuit. Ita 7. dies inhumatus, mirificum populo concurrenti spectaculum Iossio præbuit, atque etiam à morte cultum B. M. V. felicissimè promovit, magnis deinceps miraculis illustratus. *Ex Vita, Menol. nost. Menardo, VVione &c.*

Memorabili Summæ Sedis reverentia, & honorum despectu S. Thomas Cantuariensis, honorem Archiepiscopale, quod sæcularis Principis intercessisset auctoritas, à se abdicat, cui Romam venienti omnes Cardinales in occursum

Alexander III. misit, & vel nolentem in Pontificatu con-

firmavit. *Ex Vita, Baro-*

nio, Maiheu, Har-

psf. &c.

A. C. 1164.

S. P. N. 684.

Moritur, ille Virtute, doctrina, & ab his fama & gloria immortalis Gratianus noster Canonistarum Phœbus. Cui postero ævo hoc illi ab Aldobrando Bononienfi positum Epitaphium:

Gratiani Clusini, Casarii Iuris & Pontificii Enucleatoris propè Divini, qui Monachus in Martyrum Felicis & Naboris ade, absolutissimum ibidem opus Decretorum, anno Gratia 1151. compilavit, monumentum, quod illic carie ruderibusque obsiderat, hic magnificentius renovatum Ioan. Eranciscus Aldobrandus Bononienfis 2. Diœ. ære publico instauravit anno Sal. M. CCCC. IX. XC. Id. Iun. Ioanne Bentivolo 2. Patria Patre, Remp. feliciter gubernante.

De ejus laudibus legendus Iepes tomo 7. cent. 7. 1151. Trith. Matt. Weifs. &c.

Approbatus hoc anno Ordo Militū nostrorum Calatravensium à Rom. Pont. qui quantum deinceps multis sæculis pro Ecclesia præstiterit, quot ejusdem hostes subegerit, quantum sanguinis, purpuræ illius addiderit, volumine integro dignius esset celebrari, quam hic obiter tangi atque observari. *Ex Hist. Mil. Ord. & rer. Hispan. diversis script.*

Cælos triumpho implet, magnus ille & mirificus Ordinis per Gallaciā Reformator S. Ioannes Cyrita Abbas de Tarouca; idem immortaliter de Ecclesia & Regnis Hispaniarum meritis, instituto novo Militum nostrorum de Avis Ordine, quem optimis Legibus instruens, terribilem ac penè insuperabilem Christianæ fidei hostibus reddidit, & cum in vita, tum à morte patrociniō suo mirificè juvit; ipse etiā, manu siquis ullus alius, & longe gloriosius Mutio illo Romano fortis, cum à Venere tentatus, dextram gloriosissimè exureret, & mirè triumpharet. Decessit 23. Dec. in Triumphale illud: *Te DEV M. laudamus* erumpens, simulque ad triumphos æternos evolans. *Ex Vita & Menol. nost.*

Iterum meretur grandi merito, de amplissimis Sueciæ ac Septentrionis Regnis S. Stephanus noster Vpsalensium Archiepiscopus, Primas Regni atque Apost. & gliscencia in grave exitiū provinciarū bella feliciter confopit incredibili populorū plausu, pacem ac quietem reddens. *Ex Vita, Ang. Manriq. &c.*

Depugnat inæstimabili merito, spē. etante cælo & orbe univerſo, paratiſſimus pro Eccleſia ejuſq; libertate mortem oppetere S. Thomas noſter Cantuarienſis, de cujus laboribus & perpelliſis injuriis atque contumeliis fuſe Baroni; verum in hoc plurimum aberrans, dum commendans Thomam, in Cisterciennes noſtros culpam rejicit non exacti denarii S. Petri, à Papa commendato illis negotio, ſed timore Regis neglecto; cum contrarium conſtet ex iſſis Petri Bleſenſis verbis, diſſertiffimè Ordinem prædentiſ: *Rex Henricus*, inquit, *adverſus duos Priores Ordinis tui inexorabiliter incanduerat &c.* ad quem eundem: *Tu vero Regularis Canonicus & ſpiritualis homo, quod in Canonum Epistoſa legitur, evolvere debuiffes &c.* De quo conſulendus fuſior Ang Manrique. &c.

A. C. 1165.

S. P. N. 685.

M Oritur feliciffimè Prophetiſſa noſtra admirabilis, S. Elifabeth Abbatiſſa Schonaugiensis, poſtquam Delphici oraculi vice, maximis quibuſque viris & Pontificibus, una hæc Virgo patuiffet. Sed neque ſæculo ſolum ſuo conſuluit magna hæc Abbatiſſa, ſed & ſeræ ſæculorum omniū poſteritati, ſcripſitq; Latino ſermone, eundem divinituſe docta, ad Eccleſiæ univerſæ ornamentum atque utilitatem.

Viarum DEI, opus ſubtiliſſimum atq; utiliſſimum, Libris 4.

Revelationum diverſarum, Libros 2.

De undecim millibus Virginibus, S. Vrſulæ ſociabus, lib. 1.

Ad S. Hildegardam Abbatiſſam, lib. 1.

Ad fratrem ſuum Egkbertum Abbatem, lib. 1.

Contra Hæreſin Catharorum, lib. 1.

Epistoſarum ad diverſos, lib. 1.

Quam à morte etiam graviffimis miraculis Numen commendavit & illuſtravit. *Ex Vita &c.*

Extingvitur eodem anno B. Godefridus, ex Liſgonenſi Pontifice Clara-vallenſis humilis Monachus, alter Bernardus dictus, quo ipſo ex nomine, de merito ejuſdem omineris. Manrique Henriq. &c.

Hunc ipſo item anno ad cælos conſequitur B. Petrus Alcobaziæ monachus, Alphonſi I. Luſitaniz Regis frater, qui poſtquam magnis meritis patriam demeruiſſet, & bello feliciffimus,

multas de Chriſtiani nominis hoſtibus victorias retuliſſet, de ſeiſpo triumphas, tantus Princeps Fratrum Converſorū numero adſcribi voluit, DE Iparæ in Monasterio adeo devotus, ut dem Angelicam ſalutationem recitaret, vel ſolam B. M. V. intueretur, illico in extraſim raperetur. *Ex Vita & Menol. noſtr. nec non Ephemer. noſtr. Marianobened. &c.*

Libet tanto Principi ſæminam quobq; jungere, Sibyllam Fulconis Regis Hieruſalem filiam, Theodorici Flandriz longe Illuſtriſſimi Comitis lectiſſimam conjugem, quæ dolente plurimum marito, & ægrè admodum annuente Ordinem noſtrum in Sanct. Lazari Hieroſolymitano Cænobio profeſſa, memorabili celebrata ſanctitate, ſeptimo religioſæ profeſſionis anno in cælos evolavit. *Ex Claud. Parad. Iac. Meyero &c.*

A. C. 1166.

S. P. N. 686.

M Agnum denuo terris ex Ordine noſtro terris ſubducitur, cælo inferitur B. Ailredus Rievallenſis Abbas, vir ſanctiſſimus, idemq; erudiſſimus, Theologiam grandi miraculo, ſuoque ac ſuorum fructu, uti Doct̄or Angelicus, divinituſe edoctus, & cum penè illiteratus eſt, ſcribere juſſus, librosque edere, tanti & ipſe habitus ut alter Melliſſus Bernardus celebraretur; à ſcientia infuſa planè mirificus. *Ex Vita & Manriq.*

Admiranda conſtantia, non in Regē ſolum uſus S. Thomas noſter Cantuar. nec Episcoporum quidē, ubi deliquiſſent, tanti auctoritatem & amorem fecit, quin magnanimit̄ in eoſdem pro æquitate animadverteret. Hoc autem anno Legatione functus Apoſtolica, Henrici Regis Legatos, jurantes Regis nomine in Conciliabulo Herbipolenſi, inhærere Guidoni Schismatico, excommunicavit. *Ex Vita & rer. Angl. ſcript.*

In Augienſi, Sangallenſi, Einſidlenſi, Weingarttenſi, Schaffhuſano, S. Blaſii, aliſque Germaniz ſuperioris Cænobiis, ingens Principum, Comitum & Germaniz Magnatum numerus, è ſæculi intumeſcentis fructibus, in Religionis portum emergit, & viliffimis, ultro ſe addicens ſervitiis, taundum admiratione rapit, cælum recreat univerſum iidemque efficiuntur uſque hodie præcipua diverſarum familiarum ornamenta, ita ut vix illuſtris aliqua etiam hoc in

præ-

præcipitio ætatum & sæculi superfit, quæ non aliquem, & plurimos sæpe in ordine nostro sanctitatis opinione celebres entuisse gloriatur, sibi que ac posteris de æterno ejusdem patrocínio gratuletur. *Ex Annal. nost. Germ. Menolog. & Const. Benedict. &c.*

A. C. 1167.

S. P. N. 687.

Iterum felicissimi militum Ordinis sub Regula S. P. N. BENEDICTI, & instituentibus nostris initia: S. Michaëlis Archangeli sub Auspiciis & Patrocínio, vulgo *de Ala* cognominati, quod præsentissimū sæpius Magni Michaëlis auxiliū experti, miras de Mauris Victorias retulissent, cum in oculis frequenter totius exercitus pennatum in aëre brachium, acies nostras præcederet, & potenti gladio atque invincibili hostes cum profligaret, tum in fugam cogeret; Numine summo opere conatus nostrorum in instituendis ejusmodi militaribus Ordinibus probante, juvante ac remunerante. Ut iterum servatorum Regnorum decus, post DEVM præcipuè ad Monachos pertinere videamus. *Ex rer. Hiss. script.*

Florent, orbique afflictissimo consulunt plurimi Episcopi nostri, eosque inter Theodosius Abbas Casin. S. R. E. Cardinalis Ludovicus de Lierheim ex mon. S. Vdalrici Augustanus Pontifex, Bernardus ex monacho Montis Thabor in Palæstina Liddensis Episcopus, Bernardus ex mon. Sanbloncellensi, Sanctonensis, alique plurimi. In terra Sancta ii nostrorum successus & incrementa, totque Cænobia Cluniacensibus nostris condita, ut etiam sub hæc tempora, dignissimam terra promissionis Congregationem *Montis Thabor* dictam instituerent, extendente se Cluniacensium jure usque in Vallē Iosaphat, & Sepulchrum Domine nostræ, cui insigne Ordinis nostri Cænobium adjectum, ita ut eodem tempore etiam Domini Sepulchro nostri præessent. *Leg. Epist. Petri. Venerab. Chron. Cluniac. Arn. Duac. &c.* Singulare prorsus Numinis in nostros argumentum benevolentie & dilectionis, quibus quod optimum & præstantissimum in terris esset crederetur.

Iterum legatus Apostolicus S. Thomas noster Cantuariensis, eo munere in Anglia præclare fungitur, ut ridenda

sanè impudentia Rex, eludens antea omnem Pontificiam Majestatem jam denique ipse, iusto DEI judicio, contra Thomam, ad Romanum Pontificem appellaret. *Ex Vita, script. Angl. Symbolis nostr. Eccl. Hist. &c.*

A. C. 1168.

S. P. N. 688.

Occidit ingenti bonorum dolore, sydus Ecclesiæ & Germaniæ maxime nostræ lucidissimum, B. Conradus Salisburgensis Archiepiscopus, robustissimis Reipubl. Christianæ, afflictissimo tempore, columnis merito adnumerandus. De quo ita Biscoliola: *Vir fuit Conradus undecunque præstantissimus, genereque nobilissimus. Quippe natus patre Liapoldo Marchione Austria, matre Agnete, filia Henrici IV. Imp. germanus fuit Conradi Regis Rom. Fridrici vero Imp. patruus, & sororius Henrici V. iidem Imperatoris &c. Idem vero scientia & morum probitate longe clarissimus, postquam ad Salzburgerensem sedem translatus est, cum penè Germania & Italia Pralati, in gratiam Imp. adhererent Guidoni Antipapa, & sacramento, ne ab eo recederent, sponte vel coactè se obligarent; ipse palam firmissque adhærens Alexandro legitimo Pontifici & Catholicis, immobilis extitit columna Veritatis &c. Vid. cit.*

Innovatum hoc ipso tempore, prius cum in Rege Galliarum miraculum, qui se *mediatorem*, ut vocant, inter Regem Angliæ & S. Thomam nostrum constituens, cum Thomas nihil minus quam de constantia remitteret, victus ante ipsum qui impetebatur, Rex Mediator, in Thomam denique ipse incanduit, & vitæ quoque congruam sustentationē eidē subtraxit. Thoma vero nihilominus, invicto permanente, facti pœnitens Rex Christ. eū rursum ad se vocavit, & corā omnibus ad pedes ejus cū lachrymis se projiciens, veniam ab eo postulavit, & peccati absolutionē, quod dedisset ei consiliū, ut ad nutum hominis, honorem DEI remitteret. *Vid. Baron.*

Non minore animo se opposuit ipsi Friderico Imp. Conradus noster Lobensis Episc. frater Geroldi I. Aldeburgensis Episcopi, mon. Reddageshusanus, qui quantumvis alii Episcopi Guidonem sequerentur, constantissimè Alexandro adhærens, nunquam admisit, ut Episcopatum per Virgam ab Henrico Duce reciperet. *Vid. Helmoldus, Crantz. Annal. nost. Arn. Duac. &c.*

A. C.

A. C. 1169. S. P. N. 689.

Admirandis prorsus Zelo ac fervore, nostri de Calatrava, Alcantara, Avis, & Ala Ordines Militiam suam prosequuntur, quibus maximi quique adjuncti Principes ac proceres arma contra hostes fidei animose sumunt, generose gerunt; fuitque videre stupenda sanè generositatis exempla, qualia vix vidit antea orbis Christianus; cum præter viros sacros, soli Dominio, in maximo vitæ rigore contra invisibiles hostes & potestates, rem fortiter gerentes, sæculares quivis homines nostrorum opera, religiosam planè vitam sub armis sæculi gererent, & præparati animo ad pugnam, innumeri sanguinem suum Domino consecrarent, sive memorabiles de hostibus Ecclesiæ triumphos referrent: *Ex cit. rer. Hist. script. &c.*

S. Thomas Cantuariensis, ad miraculum constans atque invictus, pertinacissimo Regi obnititur, & prodigiosa sanè constantia & patientia pergit triumphare, de quo mira leges hoc anno apud Baronium.

In Cluniacensi Archisterio, mira Sanctorum copia, & ii successus, quibus orbis universus, & remotissimæ provinciarum ditarentur. *Ex Chron. Cluniac. Ant. de Iepes &c.*

Moritur Guntherus ab Andlow, S. Blasii in Hercinia egregia virtute & prudentia Antistes, tanta apud Romanum etiam Pontificem exultatione, ut Pontificatu Lugdunensi dignissimus haberetur, & ab eodem donaretur; etsi intrusi, an ambiciosi alii facile illi præciperent, qui pridem omnia cucullo possiduiisset. *Ex monim. Can. S. Blasii, Constant. nost. Bened. &c.*

A. C. 1170. S. P. N. 690.

Occumbit hoc denique anno, si quis titulo dignus, de credita sibi Ecclesia, deque libertate Ecclesiastica meritiissimi, magnus ille Angliæ Primas, S. Thomas noster Cantuariensium Archiepiscopus; de cujus morte & causa ejusdè cognitissima super sedemus scribere, quod de his fuscè Baronius omnesque rerum Britannicarum scriptores egerint, qui consulendi. Quo ipso anno natum S. Dominicum, magnum illum Ordinis Patrum Prædicatorum Institutorem scribens idem Baronius i

gne DEI beneficium commemorat; quod tanto sydere occumbente, singulari DEI providentia, aliud oriretur. Tantum vero virum Ordini quoque nostro; post DEVM ipsum, maximè deberi, uti palam est, sic vel maximè facit ad Sancti Dominici nostri de Silos Abbatis commendationem. Ad hunc cum Felicis Guzmanni uxor, Ioanna femina ut nobilissima sic religiosissima plurimum afficeretur, ejusque Cænobium ac sepulchrum frequentaret sæpius, & devotissimè coleret, magna magis magisque de tanto Tutelari suo spe concepta, cum sterilis esset, multis & assiduis precibus, conceptoque Voto filium sibi donari rogavit atque impetravit; quem beneficii memor à Dominico cognominari Dominicum voluit, atque etiam deinceps eodem in Monasterio educari. Meruit & alium deinceps Ioanna B. Mammertum nostrum, dignum Dominico fratrem, qui S. P. N. BENEDICTO se devovens, S. Petri prope Gumialem Abbas effectus, magnus & ipse evasit. Sed de nostrorum in S. Dominicum ejusque candidissimum Ordinem beneficiis, Dominicique ad nostros propensione, alias sæpius, ipsa cælorum Augusta, ut suo dicemus loco beneficia illa in nostris agnoscere, probante, & celebrante. *Ex Ephem. nost. & Chronol. Benedict. Marianis. &c.*

Radiis & splendoribus Sanctorum illuminat percellitque Rhætiæ universam, vicinamque Helvetiam, atque egregiè demeretur B. Algottus noster Curiensis Pontifex, plurium Cænobiorum cum Fundator, tum Restitutor, qui & Cathedram suam æternum sibi obligans, Ecclesiam Cathedralem restauravit, tamque Clericos quam Monachos, felicissimè reformavit, ut non tam cælo proxima montium verticibus Rhætia esset, quam pietate ac Religione. *Ex vita, & Annal. nost. Germ. &c.*

A. C. 1171. S. P. N. 691.

Magno cælitum applausu ad eisdè concedit, S. Petrus noster ex Monacho Bonævallis Tarantasiensis Archiepiscopus, de Ecclesia sua non solùm meritisissimus, quam pessime afflictam reperit, sed & de orbe Univerſo. De quo Gaufridus, & in annotationibus Harxus, eum solum, vel prope solum ex Metropolitanis palam restituisse sui temporis

temporis Schismaticis. Nihilominus tamē ab Imperatore cultum devotis officiis, non minori reverentia eidem obsequente, quam gravissimo scelere Catholicos persequente. *Ex vita Ypes. Clem. Robert. &c.*

A. C. 1172.

S. P. N. 692.

DE pœnitentia Regis Angliæ, & ex hac fructu (sanè etiam ipso D. Thomæ assignando) ob occisum sanctissimū Cantuariæ Præfulem, de ejusdem item familiaribus, & exilii locis, ad summos Ecclesiæ honores promotis, (quorum plerique, si non omnes, nostri professione fuerunt) fusè Baronius: de his postremis subiungens. *Talis erat familia præclarissimi Viri, non ad oculos serviens, sed planè ea, qua eorum dominus constantia prædita in perpeffione laborum, Viri Apostolici, Viribus Apostolicis decori, digni habiti, qui præ cunctis, ad Ecclesiasticos promoverentur honores.* Institutus sub hæc tempora Ordo Humiliatorum sub Regula Sanctissimi P. N. BENEDICTI, multis annis exemplari Vita, & ingentibus meritis Ecclesiam DEI ornans adjuvansque *Vit. VVion. l. I. c. 59. &c.*

A. C. 1173.

S. P. N. 693.

Ingenti Ordinis nostri gloria, bonorum omnium applausu S. R. E. Cardinalium unanimes consensu, auditis quæ DEUS in manu potenti & brachio excelso operaretur ingentia & frequentissima miracula, ad Sacrum corpus, novi Martyris Thomæ Cantuariensis, retulit eum solemni ritu in numerum Sanctorum Martyrum Alexander Papa III. *Vid. Rer. Angl. script. & Baron.*

Constantiæ Benedictinæ aliud exemplum, & Speculum Henricus ex Monacho & Abbate Sancti. Ægidii Brunsvicensis Episcopus Lubecensis, sed & doctrinæ & meriti ingentis: Is præfente Imperatore Constantinopolitano grandem sustinuit disputationem, super processione Spiritus Sancti. in Controversia Latinæ & Græcæ Ecclesiæ, & Græcorum erroribus gloriosissime restitit, plura insuper ingenii monumenta posteris reliquit. *Vid. Suppl. Helmoldi; Crantz: Trithemium VVion &c.*

A. C. 1174.

S. P. N. 694.

HO Anno inmensis ob rebellionem suorum, Rex Angliæ Henricus Senior, coangustatus ærumnis, ob necem

Doct. Thomæ illatam, non dubitans fieri, ad ejus sepulchrum invisit. Antequam autem Cantuariam intraret, ut ipsam vidit Metropolitanam Ecclesiam, in qua Martyr quiescebat, mox incredibiliter humiliatus, pauperis servi formam induit, nudibus pedibus, totoque nudato corpore, præterquam vili quadam tunica super nudo amictus, & pedes, & nudus sic palam in omnium conspectu civitatem intravit, & per vicos & plateas luteas cum suspiriis, & gemitibus incedens, Martyris adiit sepulturam; & ad illam tota ea adventus sui die, & nocte sequenti, jejunos & pervigil in oratione perstitit, convocatoque Monachorum Cathedralium cætu, à singulis virgæ disciplinalis percussiones singulas accepit. Ex Hereberto. Addit de admiranda Victoria ejusdem Regis, tantam pœnitentiam conlequuta, eâ ipsa hora, quâ nec dum recollatus, pedibus cæno lutosus erat, Rege Scotorum Hostium juratissimo, à militibus intercepto, cismarinis ac transmarinis paulo post in potestatem ejusdem venientibus, ut videas quantum nostrorum preces, & suffragia etiam post mortem possint. *Vid. Herebert. Roger. Neubrig. Petrus Bles. &c.*

A. C. 1175.

S. P. N. 695.

Prodest consilio, auctoritate, ac Sanctissimæ vitæ exemplis universo Orbi, Sanctissima Hildegardis nostra, cujus consilium summi Orbis Principes, familiarissimis, & demississimis litteris exquisierunt; quorum multos recenset Trithemius, nempe: Eugenium III. Anastasium IV. Adrianum IV. Alexandrum III. Romanos Pontifices; Conradum III. Fridericum I. Imperatores. Archiepiscopos Moguntinos, Henricum, Arnoldum, Christianum, Treverenses, Colonienfes, Brementem, Salisburgensem, Magdeburgensem, plures per Italiam imò & Hierosolymitanum ipsum: Episcopos Spirensensem, Constantiensem, Bambergensem, VVormatiensem, Virdunensem, Lugdunensem, &c. ut nihil de Abbatibus dicamus, ipsoque Divo, dum viveret, Bernardo Claravallensi, aliisque, qui ad Hildegardem, non aliter quam Lydium lapidem, se ipsos suaque examinantes ab eadem velut Delphico olim gentiles oraculo, Dei Voluntatem cognoscere satagebant. *Videndus Chronico Hierfau. noster: Trithem. ex Vita &c.*

A. C.

A. C. 1176.

S. P. N. 696.

ORitur pestilentissima Albigenſium Hæreſis, contra quam illico noſtri ſe ſtrenue obarmant, & multorum annorū affiduis laboribus, ſcribendo, diſputando, convincendo miraculis, alios ad pugnam excitando, contra eoſdem æternum operam ſuam & merita Eccleſiæ commendant, nonnulli etiam vitam cum ſanguine profundentes, quos inter Cifterciennes in primis noſtri Conſtantiam ſuam probavere, ex Geſt. Sim. Montf. bello Alb. &c. Henriq. &c.

Strenue ſentientes & ſtantes pro Rom. Pont. Alexandro Hirſaugienſes noſtri cū ſuo Ab. Ruperto, plurima ab Imperatore, & ejus fautoribus perferunt, Rupert⁹ maximè Ab. qui ne quid gravius ſuis eveniret Abbatia ſua abdicat. Ita honori omni, noſtris ſemper potior æquitas fuit. *Trithē. Chron. Hirſaug.*

A. C. 1177.

S. P. N. 697.

CLarent ſub hæc tempora Viri in ordine doctiſſimi, Arnoldus Abbas Bonævallis Ciftert. Richardus Cluniacenſis, cujus inſigne opus Historia temporum inſcriptum. Rupertus Mon. S. Remigii inter multa, quibus nomen poſteritati tranſmiſit, ſunt libri decem de geſtis Urbani II. contra infideles. Granfredus Antiſiodoreniſis, cujus præter Comment. in Apocalypſin liber inſignis celebratur cōtra Hæreſim Abailardi. Ita ſemper à noſtris contra inſurgentes undique Hæreſes laboratum & pugnatum. De aliis requirendus *Trith. Gauller. Bellarm. &c.*

Beatus Eskilus Lundeniſis Archiepiſcopus, ſedis Apoſtolice Legatus poſt ſuperatas in cauſa fidei plurimas calamitates, plurimis ab Idolorum ſervitute vindictis in libertatem filiorum Dei, pontificatu ſe abdicans, cucullum induit in Clarævalle. *Vid. Henrique &c. Baronius &c.*

A. C. 1178.

S. P. N. 698.

Sebastianus Ziamus Magnus ille Venetorum, celebratiſſimus meritis & fama Princeps, poſtquam Rempublicam annis ſex ſumma cum laudē gubernaveſſet, inter Papam Alexandrum III. & Fredericum Barboroffam Imperatorem Pontificis iuſſa detrectantem, pacem compoſuiſſet, Antipontifici abdicationem ſuaſiſſet, Reipublicæ ſuæ multa à Romano

Pontifice privilegia, aliæque inter celeberrimam illam maris deſpontationem, reliqua Ducalia (quibus hodieque utuntur Duces Veneti) Ornamenta, immunitates item Imperiales plurimas ſibi ac ſucceſſoribus impetraſſet; tandem factum huius Sæculi relinquens, jam ſenio & infirmitate gravis ad Monasterium Sancti Georgii majoris, ut quietius Deus viveret ſe recepit, & habitu Religionis indutus ſingulari Numinis bonitate, optimi Principis Vota recipiente, altera poſt eam, quæ cucullum induit, die feliciter extinctus, ad immortalitatem feliciffimam tranſlatus eſt. Andreas Bendulus. Hier Henning. Wion. &c.

Eodem anno fit S. R. E. Cardinalis ob eximiam Virtutem Petrus Monachus Sancti BENEDICTI de Padolryone, quo eodem tempore ex eodem Cænobio claret Theoclinus S. R. E. Card. Tit. ſancti Vitalis ipſo hoc anno creatus Epicoſopus Card. Portueniſis, Sedis Apoſtolice Legationibus meritiſſimus. *VVion Ciacon.*

A. C. 1179.

S. P. N. 699.

Contra Hæreticos Albigenſis fortiter decertat, & æterno merito Eccleſiam Dei propugnat Henricus Abbas Clarævalleniſis, de cujus admiranda planè conſtantia ſummè memorabilia tradit Chryſoſt. Henriquez in faſcic.

Ipo anno, qui vivus de Eccleſia univerſa, in primis Vero Angliæ Regno meruerat ſancti Thomas Cantuarieniſis, jam mortuus de Regno Galliarum mereri voluit, Philippo Ludovici Francorum Regis filio ad mortem ægrotante, per prodigium reſtituto, ad cujus ſanctiſſimi Martyris tumulum per noctem inviſere juſſus, ſi ſalvum filium vellet Rex pater, petita ſecuritate ab Angliæ Rege, Cantuariam ſupplex abiit, reverſusque cum filium incolumem reperiffet, alterum poſt menſem Rhemis coronari in Regem fecit. *Rogierius in annal. fuſe, Vid. & Baronius.*

A. C. 1180.

S. P. N. 700.

Iterum provincia noſtrarum ſanguine nobilitanda erat, Livonia nimirum, in cujus conversionem B. Bertholdus ex Monacho Ciftercieniſi Epicoſopus, ſeculo incubuit. Is Apoſtoli nomen non ſolum, ſed novi quoque, ac utiliſſimi Ordinis parentis, & propagatoris nomen meruit, ejuſdem ipſe, Cruciferorum nimirum militum, aliquamdiu Generalis. *Vid. Henriquez l. 2. diſt. 35.*

Eo ipso anno moritur 8. Mainardus noster, Livoniensis item Episcopus, qui eam in vestus provinciam cum mercatoribus, ut populis illis fidem Christianam nunciaret, post multos pro Christi perpeffos labores, tam in prædicando, quam in baptizando, vir Apostolicus, cum magna Sanctitatis Opinione ad Apostolicam laureolam percipiendam vocatus est. *Belforestius, Wion.*

A. C. 1181. S. P. N. 701.

MOritur circa hæc tempora (quamvis nonnulli ceu indubitanter priorem annum assignant) Sanctissima Hildegardis nostra, Abbatissa Bingenensis de Summis Orbis Principibus, atque Ecclesia Universa longè meritissima, quâ in rebus difficillimis, viri doctissimi, & Sanctissimi consulere, eiusdemque Orationibus Romanam Ecclesiam, scriptis eam crebrius Visitantes, diversi Pontifices Rom. sollicitè commendavere. Reliquit admiranda scientiæ divinitus infusæ, omni posteritati, plurima monumenta, inter quæ ista etiam recensentur. Scivias; id est, de scientia viarum Dei, & hominis, grande volumen, & mirabile opus. l. 1.

De Sacramento Altaris, contra Catharos. l. 1.

In Evangelia Dominical. Homilias. l. 1.

Divinorum Operum. l. 1.

Vitæ meritorum. l. 3.

Triginta quæstionum. l. 1.

In Regulam S. P. N. BENED. l. 1.

Exhortatorium sæcularium. l. 1.

De Vita S. Ruperti Ducis. l. 1.

De Vita S. Disiboti Episcopi. l. 1.

Ad sorores suas O filiar quæ Vestigia. l. 1.

Ad Monachos Erbacenses Paregoricon. l. 1.

Carminum diversorum. l. 1.

Epistolarum 135. ad diversos. l. 1.

Compositæ Medicinæ. l. 1.

Ad Clerum Coloniensem de futuris periculis. l. 1.

Ad Treverenses de eadem re. l. 1.

De Pinguia Physicorum, id est de Elementorum, fluminum aliquot Germaniæ, metallorum, leguminum, fructuum, herbarum, arborum, arbustorum, piscium, volatilium, & animantium, terræ naturis & operationibus.

Et quis non intentis unius Virginis

meritis, & laboribus, Dei manum miretur, & Virginum Sacrarum ceu immeritarum, & Ecclesiæ inutilium contubernia sacra damnet, seu rideat? *Vid. Trid. Wion. &c.*

A. C. 1182.

S. P. N. 702.

CLaret egregia Sanctitate B. Bartholdus Montis Angelorum Abbas in Helvetia: cuius extat liber doctissim⁹, insigne ingenii ac pietatis monumentū, meriti maximi æternum signum, contra Abbatem S. Ioannis in Thura, sive Durii Germ. Valle. Is gravem, & perniciosum S. Ecclesiæ, errorem cum acriter defenderet, constantissimè à Bartholdo impugnatus, & ammonitus, rationibus denique convictus, manus dedit, & resipuit. Ita sexcenti sepe errores à nostris impugnati, & Hæreses oppressæ, antequam in apertum erumparent, & gravi peste ac strage in integra Regna ac provincias bacharentur tanto maiore nostrorum merito, quanto minore Reip. Christianæ damno sopitæ sunt. Vide de Bartholdo mon. Montis Anglor. de quo nos multist. 3. Constant. Bened. & Hartm. in Annal. Einsidl.

Claret admiranda sanctitate S. Waltherus noster Abbas Melrosensis ex Regibus Scotiæ, filius Davidis Regis, qui Episcopatu S. Andreæ repudiato, cucullo plus detulit. *Vid. Leslæus. &c.*

Celebrantur plurimi Ordinis nostri Episcopi, interque alios B. Alanus Altifod, & Eskil. Lundinensis.

A. C. 1183.

S. P. N. 703.

ÆTerno nostri ordinis cum honore Guilhelmus Monachus S. Trinitatis Cava, & secundus Abbas S. Mariæ Novæ in monte Regali à Lucio III. sum. Pont. petente Guilielmo Bono Siciliæ Rege creatur primus Archiepiscopus Montis Regalis. Ita rursus celeberrimi Archipontificatus initia nostrorū primitiis commendanda. Ludovicus Tellus. Wion. &c. De eiusdem Cathedralis templi collegio, à Monachis possessore vid. Yepes tomo 6. aliq; quos ipse citat.

A. C. 1184.

S. P. N. 704.

INexplicabili labore contra Albigen-
ses Hæreticos contumacissimos non
solum, sed & superbissimos decertant
nostri,

nostri, maximè Claravallenses. vid. Henriq. l. 1. Fasc. SS. Cisterciens.

Celebratur admiranda sanctitate B. Petrus Abbas, ex Galliarum Regum Sanguine procreatus, singulariter à B. Matre Virgine honoratus & amatus. De cuius insignibus meritis legendus idem Henriq. l. 2.

A. C. 1185.

S. P. N. 705.

CLaret insigni nominis & Virtutis fama Petrus de Insula Abbas Cassinensis, qui non in Canobio solum, sed & Ecclesiarum Universalium non semel operam suam strenuè navavit in Lateranensi in primis concilio, ad quod singulari tunc sanè cum honore vocatus, ut eius consilio Summus Pontifex Alexander in te longe gravissima uteretur. Ex diversis. & M. Anto. Scip. &c.

Fridericus Imperator, quantumvis nec ipso Pontifici Romano semper æquus, etiam ipsi quidquam concedere indignum duceret, admirando sane exemplo, seu dignius putaret Monachis parem currere, eorum & dici, & esse fratrem exambiit, & quidem ne quis semi-fraternitatem seu appellaret, seu veritatem dimidiaret, plenum Canobii Ysnensis Fratrem, appellatum, & ex eo titulo, haud parum sibi gratularum fuisse, ex certis monumentis in tomo 3. nostræ Constantiæ Benedictæ asserimus.

Ingens ad nostrum ordinem ex omni statu confluxus, ut salutè hoc ipso tempore, innumera quasi multitudo, cucullo post Deum debeat. Vid. Trith. wion. Const. Bened. &c.

A. C. 1186.

S. P. N. 706.

EXsplendescit præclarissimum Ordinis nostri Ornamentum B. Henricus Altacumbæ, dein Claravallis Abbas. S. R. E. Cardinalis Albanus, cuius infinita penè merita, si numerare conaremur: inter tanta paucissima referimus: Episcopus Tolosanus, ubi maxime Hæreticis Albigensium sedem habuit, electus, omni modo contrahitur, bellum aliàs funestissimum Hæreticis iisdem illaturus, contra eosdem proin mittitur, contra quos Fideles, provocat, & ad prælium accendit, sed & pari industria crucem contra Mahometanos prædicat; Legatus à latere in Galliam, mox & in Germaniam missus, multa præclare agit. Urbano, qui Lucio successerat,

mortuo, cum sanior pars Cardinalium ipsum eligere, Pontificem vellent, ipse totis viribus renuens, signoque crucis se muniens affirmavit: se nullum aliud officium assumere, nisi iter Hierosolymorum promovere, & crucem ubique prædicare, ac proin consecrato Gregorio id insigniter præstitit, ut suo loco dicemus. Sicq; de aliis alibi. Henriq. &c.

A. C. 1187.

S. P. N. 707.

Iterum ex Ordine nostro summus Pontifex deligitur S. Gregorius VIII. qui paucis diebus, quibus præfuit, æternomero profuit, & Ordini ingens decus, ut Orbi commodum addidit: cum in primis pro subsidio terre sanctæ ad universos Christi fideles litteras dedit. Dein alias adiecit, quibus ieiunium quinquennale Universis indixit, ita ut toto eo tempore cuncti fideles saltem per omnes sextas ferias ieiunium quadragesimale observarent, feria autem quarta à carnibus abstinerent, ipse verò Pontifex & Cardinales secunda quoque feria similiter cum suis familiis ab esu carniæ cessarent &c. ab eodem firmissima pax inter omnes Principes ad septennium instituta. Hæc ipsa & plura sane admiratione digna, narrat de Gregorio Baronius: Verum is multo bonorum omnium dolore altero statim mense exstinguitur.

A. C. 1188.

S. P. N. 708.

Laborat fructu ingenti in Ecclesia, Henricus S. R. E. Card. Episcopus Albanus, in cruce in primis contra infideles prædicanda, adeo ut hoc anno eandem suscipiendam permoverit, summos plane Orbis Principes, Fridericum Barborossam ipsum Imp. Reges dein Francorum atque Anglorum, Principes, Magnatesque innumerabiles ex Germania in primis atque Gallia Lepidum, quod eidem in itinere accidit; cū exin in Comitatu semper Monachos haberet, & forte ab eorum aliquo sciscitaretur, quisnam ex ipsis foret, qui dignius in medium, de re aliqua sacra quidpiam proferret, & ipse in simplicem fratrem laicum digitum intenderet, iussus ab Cardinale illico verbum edificationis proponere, cum excusando nihil proficeret, denique eloquitur. Quando mortui fuerimus, & deducti ad Paradysum, occurret nobis S. BENEDI-

BENEDICTVS, visis nobis Monachis cucullatis cum gaudio introducet. Viso vero Henrico Episcopo & Cardinali, mirabitur infulatū eum, & dicet. Quis enim es tu? Et ille: Pater, ego sum Monachus Cisterciensis. Respondebit Sanctus: nequaquam, Monachus non est corniculatus. Tunc Henrico satis pro se allegante, tandem huiusmodi data sententia dicet Ostiariis Sanctus **BENEDICTVS**: ponite eum supinum, & Stomachum eius scindentes aperite, si inveneritis olera incondita, faba, pisa, lentem, pultes, cibosque regulares cum Monachis intromittatur: Sin autem, scilicet pisces grossos, & cibos seculares atque delicatos, foris maneat: dein cōversus ad Cardinalem subiicit. Quid illa hora dicturus es pauper Henrice? Commendavit exhortationem Henricus, ne irrisisse putes, & cordi habuit: unde si nulla alia supperet laudis materia, nunquam satis ipse commendand⁹. Cæsar. Henriq. &c.

A. C. 1189.

S. P. N. 709.

Rursus commendandum ingens meritum eiusdem, de quo iam primum Henrici. Eius nimirum prædicatione, ex contumacissimo, Obedientissimum Romanæ Ecclesiæ filium factum Fridericum Imp. & quos angue peius prius oderat, Monachos nostros, eisdē scelera exprobrantes, eisdem denique propensione addictissimum, inter fratres Cistercienses adscribi voluisse. Supremo verò meruit hoc ipso quoque anno, dum gravi licet morbo afflictissimus, in partes Belgicas deveniens ibidem pacem inter Comitem Flandriæ, & Episcopum Atrebatensium composuit, longa prius & perniciosissima inter se dissensione dissidentes. Vid. Cæsarius. Henriq. &c.

Clarent plurimi Ordinis nostri S. R. E. Cardinales, Archiepiscopi, Episcopi, Viri docti, atque genere illustrissimi, Req. Wion. Trith. &c.

A. C. 1190.

S. P. N. 710.

Claret admirandus omni posteritati, durante in hodiernam diem merito, B. Joachim Abbas Monasterii Coratii, Congregationis Florentis, à quo ipsa illa congregatio initium & Originem, dignissimo sane & utilissimo instituto, habuit, quem imprudenter non-

nulli tanquam Hæreticum damnant. Extant hodieque eius prædictiones, planè admirandæ, & posteris quoque ieris profuturæ. Vid. Baronius. Leand. Bonon. Trithe. Wion.

A. C. 1191.

S. P. N. 711.

In extinguenda Hæresi Albigensum indefessa nostrorum vigilantia & cura, quod singulis ferè annis exin referendum & laudandum foret. Ex Hist. Albig. Henriq.

Plures ex ordine S. R. E. Cardinales, Ecclesiæ auctoritate, consilio & navata strenuè opera, plurimum profunt; quos inter eminet Gandulphus ex Monacho Placentino S. Sixti Congregationis Cluniacensis, S. R. E. Cardinalis, Tit. SS. Cosmæ & Damiani: cuius studium insigne fuit, in reperiendo corpore S. Sixti, Divina revelatione de hoc habita. Ut proin ipsi plurimum debeant pro tanto thesauro Placentini; Roffredus etiam ex Monacho Cassinensi S. R. E. Card. Presbyter Tit. SS. Marcelli & Petri: cuius laus non minima, cucullū semper rubeo galero antetulisse, neque inter delicias & pompam morte prævētum, sed pro voto in Cænobio suo Cassinensi mortuum, & conditum fuisse; ex monum. Cass. Panvino, Ciaconio. &c. Eodem anno moritur Joannes Episcopus Lugdunensis ex Abbate Eligiano ob præclaras dotes ab ipso summo Pontifice ex Cænobio extractus, quo ipso tempore, antecessor eius in Episcopatu ibidem Joannes, egregia claret nominis, & honoris fama Monachus Cluniacensis, cum meritis ingentibus, tres successivè Pontificatus, Pictaviensem, Narbonensem, & Lugdunensem administrasset. Ex Ferr. Locrio partim Cl. Roberto, cui distinguendum fuisset inter duos Joannes, quorum primum illum ob brevitatem forte regiminis non recensuit. Ex diversis, &c.

A. C. 1192.

S. P. N. 712.

Post partam toto orbe vulgatissimam summi nominis, & gloriæ ac Virtutis rarissimæ famam, stupentibus universis, felicitatem veram, & salutem in cucullo Benedictino quærit Aureus Malipetra, sive Mastropetrus, Dux Venetorum potentissimus: cuius admiranda iam Principatum modestia fuit: quando Dux summa omnium gratulatione electus,

honorem reiecit, & in Sebastianum Ziamum transtulit. Verum abdicante Ziamo, & cucullum ex ambiente, de novo electus, primus quidem à 40. viris æterna cum gestorum fama Magistratum gessit, & ex innumeris quibus demeruit Remp. meritis, summa industria Pisanos ab Anconitarum amicitia disiunctos in Societatem Venetorum pertraxit, Jaderam, quæ ad Pannoniæ Regem defecerat, exercitu classeque in Dalmatiam misso obsidione cinxit ac expugnavit. Insulas & loca urbi circumiecta, eidem subdidit. Induciis cum Hungarorum Rege factis, classem in Syriam misit, Saladini classem auxilio reliquorum Principum fudit fugavitque, Ptolemaidem recepit. Christianam religionem in Syria fortiter defendit, alia multa præclare egit. Denique cælesti afflatu tactus, in S. Crucis de Luprio, Monachum professus, eo in Cænobio bonis operibus plenus diem obiit. Eius in Ducali Palatio imagini hæc addita subscriptio.

Ducatum defero, Monachus fio, Morioque.

Bandulus, Marcellus, Henningius, Wion. &c.

A. C. 1193.

P. P. M. 713.

Iterum celeberrimi Episcopatus initia in nostro Savanarico, Monacho & Abbate Glaseoniensi celebranda, qui Bathoniensis ex Monacho Episcopus, primus hoc anno præesse iubetur Glaseoniensis Episcopus, utquamvis Anglia universa, omnium omnino suorum Episcopatum initia à monachis numeret, postero etiam tempore, non solum in nostris miretur propagata, sed et notio aliquarum urbis ornamento, instituta. Chronograph. Britan. Matthæus. &c.

Moritur S. Amatus ex familia Forma, ex Monacho Montis Virginis, Nulcensis Episcopus, præfuit in omni Sanctitate annis triginta tribus, miraculis clarus; ut videas, quantum tantus Pontifex in confutandis Hæreticis vivus potuerit, cum etiam mortuus contra eosdem miraculis pugnaverit. Vid. Henriquez, Felix Reuda. Thomas Costa. Wion. &c.

Moritur S. Balduinus Devonius, Archiepiscopus Cantuariensis, Vir San-

ctissimus, qui ita acuratè à prima adolescentia, liberales artes omnes cum Philosophia imbibit, ut adhuc iuvenis iuventutem docendam, & instituendam susciperet, & publicas Scholas aperiret: Ex Fordensi Monacho & Abbate electus est Cantuariensis Archiepiscopus, eius adhuc Abbatis ingenii patet.

De corpore & Sanguine Domini. l. i.

De Sacramento altaris alius. l. i.

De Sacramentis Ecclesiæ. l. i.

De commendatione fidei. l. i.

De Orthodoxis dogmatibus. l. i.

De Sectis Hæreticorum. l. 2.

De vanitate Charitatis. l. i.

De amore. l. i.

De Sacerdotio Joannis Hircani. l. i.

De eruditione Giraldis. l. i.

Sermonum triginta trium. l. i.

Super Hist. Regum. l. i.

Contra Henricum Wintoniensem. l. i.

De commendatione Virginitatis. l. i.

De Angelinuncio. l. i.

De Cruce. l. i.

De Mythologia. l. i.

Carmen Devotionis. l. i.

Epistolarum ad diversos. l. i.

Tantum unus rursus è nostris præstitit, ut colligas inde, quantum plurimi alii hoc ipso tempore doctrina, & Sanctitate florentissimi. vid. Henriquez.

A. C. 1194.

S. P. N. 714.

Cavenis Cænobii & Congregationis ingens gloria, constat quæ ex uno illo Cænobio totus Sanctorum cohortes cælo adscriptas, cuius quidem hoc ipso anno Abbas Behincasa ingentibus prodigiis, Ecclesiæ ornamentum insigne addens ad superos abiit. vid. Yepes. Wion. &c. Cuius Monasterii eodemque ipso tempore, aliarum nostri ordinis Congregationum si fructus computetur; ut Cluniacensis, Vallumbrosanæ, Camaldulensis, & recentes etiamnum Cisterciensis; in infinitum merita ad vertes crescere. Leg. Div. Cong. script.

A. C. 1195.

S. P. N. 715.

A. C. 1197.

S. P. N. 717.

Ingentia merita, & relicta posteritati, meritorum momenta & monumenta, B. Ioachimi Abbatis Coratii, de cuius admiranda vita, & vitæ gestis *vid. Wion.* Eius insigne illud, si Græci agnoscere voluissent meritum, eventura iisdem mala omnia, & Turcorum Imperium prædixisse, sed & Præcursoris velut vicem obiisse Sanctissimorum Dominici & Francisci, uti ad gloriam eorundem ordinum est, ita & nostri non postrema; omnium utrinque, summa obligatio est, & quidem non ore solum prædixisse, sed etiam pictura, illud in hodiernam usque diem, inter rarissima & illustrissima Venetorum decora cernitur, & refertur. Eius admirandum æternitati omni opus, pavimētum Ecclesiæ Sancti Marci, parietes, fornices, vermiculato opere insolenti plane prodigio, sequuturis etiam sæculis, eventura quælibet prænunciantia. *vid. pl. rer. Ben. script.* Tantum unus iterum decus è nostris, Venetiarum Serenissimæ Reipub. contulit.

A. C. 1196.

S. P. N. 716.

Montis pessulana, seu Mompeliensis universitas erigitur, quæ nostris imprimis plurimum debet, Urbano ante omnes, posteris temporibus, eius nominis V. Summo Pontifici, qui collegium ibidem, quod Papæ dicitur, condidit & fundavit, *vid. Gaultier. Cattin. Middentorp. &c.* Illustre exemplum maximæ, ex summa simplicitate, utilitatis, & singularis in Dei Ecclesia fructus, S. Homobonus noster, de quo in vita: maximè summa vitæ puritate, tantam non inter populares solum, atque finitimos, sed eos etiam omnes acquisivit fidem, ad quos longè lateque celeberrima eius fama pervaserat; ut Hæreticorum etiam plerique ad sanitatem redirent: & qui nullo prudentum Consilio, aut doctissimorum hominum disceptationibus victi, in depravata iam dudum fide obduraverant, eos Homobonus sanctissimis verbis & moribus, miraculorumque frequentia, ab omni errore abductos, ad bene, beateque vivendi rationem traduceret. Ex vitæ gestis & Tab. Humil. &c.

Institutus magna afflictorum consolatione, & insigni pietatis exemplo Ordo Beatissimæ Trinitatis, de Redemptione Captivorum, dein S. Mariæ dictus, cuius est: pro redemptione captivorum qui apud infideles in Terra sancta detinentur, substantiam suam, hilariter impendere, ac eis totis viribus ministrando subvenire. *vid. Trith. & alii de origine Ord.*

De restitutis hoc anno Monachis, ad Cathedralē Ecclesiā Conventrensem, seu Cestrensem, pulsus qui per vim introducti, Canonicis, *vid. Paris. Baron.* Vnde colligas, hoc etiam tempore Monachos Cathedrales viguisse, de quorum in Ecclesia utilitate alibi dignius.

A. C. 1198.

S. P. N. 718.

Orginem sumit à B. Dominico, Sanctissimus ille ordo Patrum Prædicatorum, cuius tanti Ordinis fructus, magna ex parte ad nostros referendus, qui Dominico non solum fautores, & promotores, sed pene authores extiterunt. De quo fuse in multis sanctorum nostrorum vitis, Henriquez, fasc. Cister. Sed & illud singulare, à nostris S. Dominicum, non solum præsignatum, prædictum, & depictum, (ut in Ioachimo Abbate superius diximus) sed etiam, dum in matris lateret utero præcognitum, in prima verò iuventute educatum, institutum, imo à nostris etiam Dominici nomen sortitum, à S. Dominico nimirum nostro de Silos, in cuius Cænobio, adolescens, rudimenta posuit admirandæ sanctitatis. *vid. Antonius de Tepes. &c. Mir. &c.*

A. C. 1199.

S. P. N. 719.

Moritur celebris ille & meritissimus de omni posteritate Dodechinus, sive Dudechinus noster, Monachus, & Abbas Cænobii S. Dissibodi, vir divinis, humanisque litteris exercitissimus: cuius est Historia, sive Chronologia, post Marianum nostrum continuata. Liber item suæ peregrinationis Hierosolymitanæ: ad diversos in super Epistolarum Liber. *Mir. VVion. &c.* De copia aliorum è nostris, doctrina celeberrimum, consulendi *Trith. Gault. VVion. Bell.*

B 3

A. C.

A. C. 1200.

S. P. N. 720.

Confirmatum hoc anno ordinem Humiliatorum, Gaulterius, alique tradunt, de quorum sanctissimo vitæ instituto, multis agit Wion. l. 1. alique.

Creatur Archiepiscopus Bitunicensis S. Wilhelmus noster: Monachus primum Grandimontensis, dein Pontiniacensis, Karoliloci denique Abbas, invitatus ad celeberrimam illam Cathedralam extractus, qui illico mereri de omnibus omnimodo, totumque se Ecclesiæ impendere cepit, pro libertate Ecclesiastica Regi Galliarum instanter restitit. Hæreticis undecunque opposuit, multos prædigiōse restituit, incarceros liberavit, famam atque auctoritatem plurimum Ecclesiæ exornavit. *vid. Henriquez, in fasc. l. 1. dicti. 20. Clem. Rob. &c.*

Moritur hoc ipso anno cælo natus B. Balduinus de Bockla, Monachus Cænobii nostri S. Petri Gardavenfis, Angelorum consuetudine familiari usus, spiritu Prophetico clarus, & admiranda vitæ sanctitate celeberrimus. *vid. id. cit.*

A. C. 1201.

S. P. N. 721.

EX hac vita ad immortalem pergit B. Ioachim Abbas Coratii, prophetiæ Spiritu inclutus, & Florenti institutæ congregatione, Ecclesiæ utilissimus. Ea autem quæ ad æternam posterorum utilitatem composuit, hæc sunt.

De concordia Veteris & Novi Testamenti, libros quinque scripsit iussu Lucii, Urbani, & Clementis Rom. Pontificum hoc nomine Tertiorum, in quibus de S. Sigillis agens, eximia & arcana Mysteria enodavit, ostenditque ita utriusque Testamenti tempora concordare, ut nihil in veteri ætate sit, quod in novo non pariter geratur, aut gestum, aut futurum sit in novissimis diebus.

In Isaiam Prophetam. l. 1.

In Hieremiam Prophetam Liber unus, plurimis refertus vaticiniis, quorum non nulla, iam eventu comprobata, certam de reliquis in posterum fidem faciunt.

In Daniele Prophetam. l. 1.

In Evangelium Ioannis. l. 1.

In Apocalypsim eiusdem. l. 3.

Psalterium decem chordarum. l. 3.

De septem sigillis contra Iudæos. l. 1.

De Nahum, Abacuc, Zachariam, & Malachiam. l. 1.

De futuris temporibus. l. 1.

De quindecim Pontificibus. l. 1.

Sententiarum. l. 1.

De consolatione. l. 1.

Epistolarum ad diversos. l. 1.

Plura alia, de quibus consulendi Ioseph Scaliger. Henricus Wion. alique.

Claret ex mille aliis, eodem anno, Helinandus Gallus, Monachus Frigidimontis Congregationis Cluniacensis, cuius inter præcipua merita commendatur opus insigne Historicum à principio Mundi, libris Octo supra quadraginta absolutum, liber item de reparatione lapsi, Sermones plures, & liber Epistolarum. *vid. Trith. Wion. &c.*

A. C. 1202.

S. P. N. 722.

Pincipum plurimorum ac procerum in Religionis portum ingressu, felix annus; quæ felicitas debiliore sexui insigniter opportuna, è Regis etiam liberis haud paucos servavit; hoc anno principum ferè sibi locum vendicant. Constantia Alphonfi IX. Castellæ & Legionis in Hispania filia, & Berengaria Sancii Portugalliæ Regis illa in Cænobio de las Huelgas, ista in Lovarniensi, ordinem nostrum professæ, regio sanè exemplo, toti omnino orbi præfulgere, Didacus Valera, Campan. Wion. &c. Verum ante omnes, pene orbis universi familias, ipsa hæc Deo devotorum felicitate, felicissima Austrasiæ Ducum Lotharingica progenies, suas quasi generationis cuiusque decimas Deo consecravit, hoc ipso tempore unus Princeps, Simon Lotharingiæ Dux, quatuor filias Numini devovit, omnes omnino legibus nostris devinctas. Albidem Coloniensi, Catharinam Iorienti, Agnetem Treverensi, Bertham Fontisvalliensi in Cænobio Ordinem professas. *vid. General. Ducum Austras. V. Wion. &c.*

Celebrantur à meritis & doctrinæ præstantia Adam, Dorensis Abbas cuius insignis fuit liber contra Giraldum monachum ritus ac consuetudines scripto proscindentem. Rudimenta item Musices libro uno, alique: & B. Gilbertus de Hoilandia. Abbas Suinfetensis, cuius opera recensentur.

In

In Cantica Canticorum. l. i.
Super Psalterium. l. i.
Super Marthæ Evangelium.
Super Epistolas D. Pauli. l. i.
In Apocalypsim S. Ioannis. l. 14.
Theologicarum Sententiarum. l. i.
De statu animæ. l. i.
De vita S. Bernardi. l. i.
Homiliarum diversarum. l. i.
De casu Diaboli. l. i.
Epistolarum ad diversos. l. i.
Videndus Henriq. l. 2. fasci. SS. distinctione vigesima.

A. C. 1203.

S. P. N. 723.

CLaret Brunvvardus, post Bernonem, sive Brunonem, Primum Suerinensem Episcopum, (cuius Pontificatus initia incertiora certo anno assignare non potuimus) secundus eius loci Pontifex, uterque noster, ut rursus præstantissimi Episcopatus initia, nostro ex fonte derivanda. Vid. Crantzius.

A. C. 1204.

S. P. N. 724.

Creatur Archiepiscopus Tolosanus, B. Fulco noster, ex Abbate Grandis sylvæ, qui illico regi pessimè seducto, prodesse satagens, nervos omnes, ut eos ab Albigenum erroribus revocaret, intendit, verum nequidquam se laborare conspiciens, admiranda sane magnanimitate, in Tolosanos animadvertens, eosdem sacris interdixit. Mox Legatus Apostolicus contra Albigenes destinatus, incredibile auditu est, quanta pro Ecclesia Dei, quamque invictus semper, hilarisque pertulit; quem proin merito Iacobus de Vitriaco, viventem etiamnum, ipse Cardinalis, totius Ecclesiæ Christi, fortem columnam salutavit, vid. Henriq. &c.

A. C. 1205.

S. P. N. 725.

Moritur mira sanctitate, & prodigiis celebratissimus S. Benedictus Abbas de Ripolis, de quo legendi auctores Monast. Vallumbrosi. Obiit & B. Stephanus, ex Abbate Iustinæ, Eremita Sanctissimus in mōte Veneris, vid. Scardeon, in Hist. Patav.

Immortale meritum B. Guilielmi nostri, Bituricensium Archipræfulis, qui plurimos Deo animos lucratur, quantumvis innumeris penè insidiis, & adversis appetatur, Albigenum verò Hæ-

resi, pestilentissima lue Aquitaniam universam vastante, ipse, & cruce ipsa signatus, & alios signans, integrum contra eosdem fidelium exercitum colligit. Legendus Auctor vitæ eiusdem, & Henriq.

A. C. 1206.

S. P. N. 726.

Moritur eximium ordinis nostri decus, Roffredus Abbas Cassinensis, & S. R. E. Cardinalis, ipsa electus die qua Romam venerat, ut Abbas confirmaretur. Meritus de Cænobio non solum, sed de Italia universa, & Romana præcipuè Ecclesia, traducto nimirum in Italiam Henrici Imperatoris (cui erat charissimus) contra Tancredum exercitu, Legatione in Siciliam, Pontificis voluntate perfunctus, urbe Sorâ, aliisque Romanæ ditionis oppidis, armorum, animique robore, Innocentio Tertio recuperatis; Vir rarissima iuxta vitæ integritate, & Zelo perfectionis Monachicæ commendatissimus. Leg. M. Ant. Scipio.

Ipsa anno promeritis quoque extollitur Pelagius noster, ad pacem Cardinalitiam dignitatem Tit. S. Lucie in septisolio, non multo post Episcopus Cardinalis Albanus renunciatus ab Innocentio III. Wion. &c.

A. C. 1207.

S. P. N. 727.

Vitæ temporalis iactura, æternam emit, B. Didacus noster Oxomensis Episcopus, singularis spiritus fortitudine, verbo & exemplo, pro Dei Ecclesia militando, laudem æternam meritus, cuius insigne illud ad Abbates & præfules nonnullos dictum: mihi impossibilem, inquit, rem moliri videretur, qui solis verbis putat homines istos (Albigenes Hæreticos) reduci posse in viam, operibus & exemplis potius revincendi sunt, qui vitæ suæ merita iactant impudenter. Ex vita. Qualiter verò quantaque cum patientia, ac Constantia, pedes conficiens longa itinera, se ipsum pro reducendis errantibus, expenderit, & confecerit, legendum ibid. vid. & Abraham Bzovius.

Eidem Didaco nostro, quantum debeat, præstantissimus ille Patrum Prædicatorum Ordo, quantumque orbis universus, pro tanti ordinis institutione promota, quis satis explicet? Cum ipse Theodoricus de Apoldia, Dominica-

nus attestetur, B. Dominicum, à B. Didaco Constitutiones sui ordinis accepisse: Equidem, inquit felicem dixerim electum Dei Dominicum, qui tanti Pontificis, & viri Apostolici, meruerit societate, & amicitia decorari, quo dubium non sit, illum sanctitatis exempla & Religionis institutiones hausisse. *vid. idem, & Henric.*

A. C. 1208.

S. P. N. 728.

FELICI rursus in Gallia successu plurimi fidelium; contra Albigensium pestilentissimam Hæresin, Crucem suscipiunt, accendentibus, ac signantibus nostris; Sacra Cisterciensium congregatione, æterno sanè merito, laborem suum Ecclesiæ egregia opera probante. De quibus legendus Petrus Vallisfarnensis, editus latinè per Camuzatium Tricassinum. Gault, &c.

Moritur insigni sanctitate, & meritis S. Petrus, eius nominis secundus Abbas Sancti Trinitatis Cavæ Leg. Bell. in spec.

A. C. 1209.

S. P. N. 729.

EXtinguitur felici morte B. Guilielmus noster Archiepiscopus Bituricensis, Galliarum Primas; cuius inestimabilia sanè merita nemo unquam satis explicarit, nedum tantillo compendiolo comprehendit. Verum in expugnandis Hæreticis felicissimo successu usus, pestem illam ante omnia, omni industria, sed & armata manu, extirpandam atque evertendam censuit, iisque contritis atque eiectis, magno omnium bonorum applausu, Ecclesias passim restituit, Clericos revocavit, cultum Divinum propagavit. Illud Zeli Religionisque perpetuum argumentum, quo iam Læthali morbo morti proximus, ab exhortando tamen populo non destitit, sed frigidissimo tempore detecto capite, loco ventis obnoxio, summo ipse fervore, licet egerrimus declamavit, Mortuus paulo post in cinere & cilicio, quod nunquam vivens deposuit, plurimis à Deo prodigiis honoratus. Ex vita per Petrum Abbatem Caroliloci. Joan. Molano. Galefino. Maurolico, Calzolano, &c.

Habetur & colitur Patronus Nationis Franciæ, in Academia Parisiensi (ut videas, nostros in Tutelares etiam Aca-

demiarum adoptatos) celebraturque Biturigibus, festum eius ritu solemniori sub Officio Cantoris, duplici etiam officio, in Ecclesia Lingonensi, semiduplicis vero honore in Parisiensi & Rotomagensi. *vid. Claud. Robertus, Vincent. Casar & supra citati.*

Hoc ipso anno, B. Conradus noster, S. R. E. Cardinalis, Henrici Magni Ducis Bavariz; Saxoniz inferioris, Herruriz &c. Filius, sedis Apostolicæ Legatus, quem non semel mirabili Zelo, ordinem Prædicatorum defenderat, Apostolica auctoritate confirmat & approbat; Agnovit ipsa cæli Imperatrix Virgo Virginum, hoc Conradi studium, & obsequium, quod in filiis Dominicanis receperat; etiam in hac vita rependendum sibi existimavit; ac proin, cum S. Præsul meditationi insisteret, ac orationi vacaret, Angelicis stipata cohortibus, ei se videndam, non solum exhibuit, sed & quod ordinem sibi dilectum defendendum suscepisset, ipsi gratulata est. *vid. Vita apud Henriquez. l. 1. dist. 26.*

Ipsa anno Gallias nostri suo sanguine feliciter irrigant, B. Stephanus Abbas Alvensis & Ildebrandus conversus. *vid. Henric.*

A. C. 1210.

S. P. N. 730.

MORITUR admirandæ Sanctitatis, & meritorum ingentium vir Sanctissimus Martinus ex Abbate Hortensi Episcopus, Seguntinus, ex Episcopo rursus Monachus, cuius exemplari vita invitati potentissimi Reges, & Principes, Fratrum Cænobii Hortensis numero adscribi; impensissime exambierunt, & flagitarunt. Valere in primis preces eius contra Saracenos, & infideles, ita ut omnes militiz Duces; & ipse Rex Alphonsus, ac ceteri Principes prælium cum iisdem commissuri, ad Beatum virum confluerent, ut eius benedictione muniti, facilius inimicorum tela superarent; de cuius manu omnes milites, SS. Eucharistiæ Sacramentum sumebant, & si forte occumberent, apud eum sepeliri in claustro capituli eligebant. Eius à morte sanctissimum caput, ex sepulchro auferens angelus, ne Seguntina Ecclesia, prorsus tanti Præsulis & Patroni fraudaretur reliquiis, Seguntinis tradens,

tradens, illico evanuit, vid. Mariana, *enim Dominus, qui sunt eius.* Leg. Morales, Ricardus in vita &c. plur. cit.

Moritur hoc ipso anno Comes Campanus, Monachus Casinensis - S. R. E. Cardinalis, ob vitæ meritum, & sapientiæ doctrinam ab Innocentio III. creatus. *Wion. Trith. &c.*

A. C. 1211. S. P. N. 731.

CLaret multo nomine, à sacrorum in primis ac prophanarum litterarum scientia celebratissimus, Joannes Fordonus, sive de Forda, Abbas Fordensis ob eminentem virtutum perfectionem, ab Joanne Rege, summa in veneratione habitus, & in iis, quæ animum in primis spectant, ut esset ab intimis electus. Eius ingenii Lucubrationes non paucas periisse, insigniter lamentatur Ioannes Lelandus: reliqua magno posteritatis bono.

In cantica Canticorum Commentarius. l. i.

Homiliarum centum & Viginti. l. i.

Introductorium Threnorum. l. i.

In Hieremiæ Threnos. l. i.

Expositione in Hieremiam Prophetam. l. i.

De Triplici Cruce. l. i.

Sermonum duodecim. l. i.

Vita S. Wolfrici Presbyteri. l. i.

De contemptoribus Mundi. l. i.

Acta seu gesta Ioannis Regis. l. i.

Opusculorum. l. i.

Ioannes Lelandus supra cit. *Chrysof.*

Henriquez.

Ipsa anno, ob eximia merita Episcopus Cardinalis Albanus creatur Pelagus noster, de quo superius.

A. C. 1212. S. P. N. 732.

HOc anno B. Arnaldus noster, Cisterciensis Abbas, Generalis Inquisitionis Hæreticæ pravitatis, in vitus licet ac renitens, ab ipso summo Pontifice, creatur Archiepiscopus Narbonensis. De cuius felicissimis successibus, in subigendis & evertendis Hæreticis legendi Ab. Bzovius, Petrus Vallis Sernaij, Cæsarius, Surius. Triumphavit sanè, de innumera hostium Christi multitudine, & felici omine, de pluribus oppidis urbibusque debellatis, Christo victoriam referens, cum metu gladii, Hæreticorum nonnulli Catholicis se aggregarent. Timens ipse, ne ad perfidiam redirent, *Cadite inquit, eos, novit*

A. C. 1213.

S. P. N. 735.

Pertulit hoc anno illustre Martyrium, sanè sub hoc tempore B. Petrus de Castro novo, Abbas Fontis frigidi, Primus Hæreticæ labis corrector, & ante Arnaldum Inquisitor: ut merito æternum sibi Ordo noster, & congregatio Cisterciensium gratuletur, utilissimum, & summe necessarium Christianæ Rei publicæ munus, à suis incæpisse, imo & Sanguine, inter purparatorum decora delatum, insigne ornamentum Ecclesiæ addidisse. *Bern. de Montalbo, Aub. Miraus, Bellovac.*

A. C. 1214.

S. P. N. 734.

Illustrem sub hunc annum de Hæreticis reportat Oratione Victoriam, S. Fulco noster Archiepiscopus Tolosanus, de qua in vita, & Hist. Albigen. De Orationis eius efficacia, legendus Henricus. Ita nostri, simplices etiam, & nulla in dignitate constituti, ingentes hostium exercitus precibus fudere. Ex diversis.

A. C. 1215.

S. P. N. 735.

Debet æternum ordini nostro illustrissimus Patrum Dominicorum ordo, munus Inquisitionis dignissimum, & universo utilissimum, quod primus in primum ordinis Prædicatorii Institutorem, Sanctissimum Dominicum derivavit, beatissimus Arnoldus noster, ex Abbate Grandis sylvæ Archiepiscopus Narbonensis, & Apostolicus Legatus, ita testante ipso Dominico in formula absolutionis, qua ipse est usus, quamque recitant Ludov. Paramus lib. 2. de origine Inquis. Ferdin. de Castillo. Abrah. Bzovius, alique, sed & Miræus, paucis idem exprimit: Fuit autem, inquit, totius adversus Albigenes sacræ expeditionis, ac Legationis Caput, Abbas Cisterciensis, cognomento Arnaldus, ut tradit idem Paramus. Adeo quidem, ut ipse etiam S. Dominicus, à dicto Abbate, suam acceperit, tunc temporis, commissionem.

A. C. 1216.

S. P. N. 736.

Sed & Fulconi Tolosano Archiepiscopo, plurimum debet Ordo Sanctissimus,

simus, Patrum Dominicanorum, isto inprimis anno, quo S. Dominicus, accepta ab eodem Fulcone, Ecclesia S. Romani, Religionem primum ibidem Prædicatorum instituit, sed & priore, quo B. Fulco, pro approbatione eiusdem pretiosissimi Ordinis, admirando sanè Zelo, apud Innocentium Papam institit, ipso etiam Bzovio attestante; eodem anno (inquit ad annum 1215.) cum celebraretur concilium, Fulconi Tolosano Antistiti eò contendenti, S. Dominicus ordinis Prædicatorum conditor, se Comitem adhibuit, ut eius & auctoritate, & gratia nixus, Ordinis recens instituti Confirmationem ab Innocentio obtineret. Sic & in vita S. Dominici, Theodericus de Apoldia, eos asserit, simul coram Pontifice comparuisse, cumque, ait, ea qua poterat, humilitate & reverentia, sua vota exposuissent &c. Porro & possessione ditasse, conditum à se Cænobium Dominicanum, Fulconem, ipse Honorius III. testatur in diplomate, quo ordinem Prædicatorum approbavit. *Legend. Henriq.*

A. C. 1217.

S. P. N. 737.

Sub hoc fere tempus, Legati à Latere potestate, directus in Germaniam S. Conradus noster, S. R. E. Cardinalis, ea insigniter utitur, & multa præclare in utilitatem & honorem Ecclesiæ operatur; dignissimus omnino, qui summo, Maximi Pontificatus honore insigniretur, nisi pulchriore ipse exemplo, & omni fortassis posteritati, utiliore, eum à se honorem avertisset: quando (incertum an priore anno ante electionem nimirum Honorii, an proxime antecedente, seu consequente electione) delata per compromissum, summa potestate Conrado, dignitatem omnino admittere recusavit. Videndi Henriquez. Bernhard. Britus, Panvinus, Ganfrid. Villar. &c.

Duravit etiamnum propagatus olim à nostris toto orbe, cum in Anglia hoc tempore, tum in Germania Psalterii Marianus; & magno quidem apud Germanos fructu, magno quodam & Regii generis servato ab interitu æterno Principe, quod ipse pater Mendacii cacodæmon fateri virtute Divina coactus est, & veritatis Mater suo à secretis

Alano Dominicano, viro Sanctissimo suismet dictavit verbis, dignissimum quod referatur. *Charissimus Sponsus meus* (Magna Mater & virgo loquitur) *S. Dominicus, ex urbe per Germaniam iter Parisios instituerat, Fratribus sex aliis eiusdem secum Instituti, ipsum comitantibus. &c.* Pergit dein prolixam narrare ipsa Historiam, de Principe Regii generis viro, è munitissimo quodam castro hostilia omnia in vicinas provincias exercente, à cuius satellitibus capiendum ligandumque Dominicum prædicit, magno capientium emolumento, quorum principes quindecim pessimè ab inferis elusos, eousque succubis dæmonibus (auditu horrendum) formam indutis muliebrem cohabitasse, recitat. Monet proin crastina postquam celebrasset corpus Dominicum secum deferre, Principi aliisque rem detegere, larvam dæmonibus detrahere, quod ad amulsum Dominæ suæ Dominicus complevit, coactosque verum fateri cacodæmones, cum ex iisdem intellexisset, destinatum ipsa die Principi & complicitibus interitum, cum paratis iam omnibus in hostem movere statuissent, cum sciscitaretur Dominicus: Eccur non expectata hæc die pridem meritos è medio sustulissent, in hæc inviti, eiulantesque prorupere: *Heu, heu, falsa illa cantilena Mariae mulieris Iudaica semper hoc impedivit. Hi enim omnes iussu Principis, omni die salutabant illam.* Interrogat Dominicus: Et quantum orabant? *Quantum tu predicas, Psalterium inimica nostra.* Tum ille: Vnde istud didicerant? *Nosti; quid queritis? heu! Per id antiquum est oraculum (NB.) Orbe toto receptum olim, at arte nostra penè sopitum. Tu nunc in perniciem id nostram instauras. Portant id quidem, hodieque ex antiquo gestant, & demusitant multi, verum quid faciant ignorant.* Pater istius Principis, inimicus noster, eum à puero garrire id coëgit; unde illi insuevit, quantis vis facinoribus se obstringeret; nec ullum voluit commilitonem, qui non idem portaret secum & oraret. Pergit dein de profligatis à Dominico nequissimis spiritibus, conversis Principe & satellitibus, quorum conversio & mira liberatio, magnum merito affert momentū, ad Psalterium idē novo studio post tot sæcula reassumendum, ipsa cælorum Augusta, exemplum adeo dignum

dignum æternitate nobis prodente, & per Sanctum Alanum, Novellum Sponsum suum nobis ingerente. *Ex Eiusdem Alani Psalterio, parte 3. cap. 20. apud Coppensteinium. & Michaellem de Torres, &c.*

A. C. 1218.

S. P. N. 738.

Claret meritis locuples, Thoraldus, Monachus Rievallensis, Abbas Fontanensis, quæ Lelandus celebrat. Vir omni politiore doctrina apprimè eruditus, in iis, quæ ad Deum sunt, pius, ijs vero quæ ad sæculum cautus, prudens in consultandis, felix in gerendis, dexter in expediendis difficilioribus quibusque negotiis.

Clarent & Sanctorum virorum ac mulierum totæ phalanges, in diversis toto orbe Ordinis nostri Congregationibus, Cluniacensi, Cavenfi, Castinensi, Cisterciensi, Grandimontensi, Humiliatorum, Camaldulensium, Valleumbrosana, Montis Virginis, &c. De quibus legenda earundem familiarum Chronica &c. Miraberis unum quandoque Cænobium, integros cælo manipulos transmississe, primis quam maxime nascentium harum Congregationum sæculis, ac deinceps, pia & assidua sui concitatione reforescentium.

A. C. 1219.

S. P. N. 739.

B Conradus noster S. R. E. Cardinalis, & Apostolicæ Sedis Legatus, in id totus incumbit, ut Hæreticorum colluvies tota extirpetur, pro in militum Christi Cruce signatorum, verbo & exemplo, ad tam Sanctum opus perficiendum, animos iugiter concitabat, & impellebat. Huic enim, inquit Bzovius, ut omnes cruci signati morem gererent, Honorius imperat. Nec minori merito, eodem affirmante Bzovio Hispanias quoque, ac Germania abiens Conradus, pro subsidio terræ sanctæ laborabat; nam ait, ei summus Pontifex iniunxit, ut cruce signatos, ad sacram militiam excitaret, & prædicatores, qui ad sacrum bellum omnes hortarentur institueret. Ita in diversis Regnis pro re Christiana, proque oriente etiam ipso, unus hic sanctissimus præsul laborat. Ex vita.

Claret eximia conversatione, inter innumeros proceres, legibus nostris de-

votos, Malfada Saticii Portugalliæ Regis filia, Henrici primi Castellæ & Legionis, in Hispania uxor, ab ipso iussu Pontificis Maximi ob consanguinitatis propinquitatem separata, ipsa primum nobiliori Sponso semet Christo Domino consecrante, in Cænobio Ruthæ, à se condita. Ita cucullum denuo mœrorem solari non solum potuit tantæ Regine, sed & beatam fecit. Mariana. alique.

A. C. 1220.

S. P. N. 740.

Celebrantur B. B. Ethelredus Wardenfis, & Gualterus Morgaviensis Abbates, uterque à vitæ non solum integritate laudatissimus, sed & meritissimus ab relictis posteritati peregregiis ingenii monumentis illius memorantur præcipue.

Expositiones in quædam Sacre scripturæ loca. l. 1.

De vinculo perfectionis. l. 1.

Homiliarum in S. Lucam. l. 1.

Concionum notabilium. l. 1.

De tribus hominibus. l. 1.

Epistolarum ad diversos. l. 1.

Gualteri vero sequentia.

De animalibus terrestribus. l. 1.

De volucris. l. 1.

Carminum de diversis. l. 1.

Videndi Trithem, Waldensis, Lelandus, Henriquez &c.

Illustris etiam ipso tempore, meritis præclaris, Cæsarius Heisterbacensis Monachus, cuius tritissimi omnium manibus.

Illustrium miraculorum. Libri duodecim.

In Evangelia Dominicalia. l. 2.

In Evangelia de Sanctis. l. 1.

Sermonum ad Novitios. l. 1.

In Ecclesiasticum Comment. Lib. novem.

De vita S. Engelberti Episcopi Coloniensis. l. 2.

Horum ex innumeris meminisse libuit, de ceteris diversarum Congregationum script, consulendi.

A. C. 1221.

S. P. N. 741.

Moritur insigne Ordinis nostri decus, B. Walterno de Traiecto, Abbas celeberrimi Cænobii Villariensis congregationis Cisterciensis, dono lachrymarum felicissimus, qui plurimis Monialium Cænobiis exedificatis, fragilem sexum mirificè iuvit, & deprecatores pro Mundo in cælum pluri-

plurimos præmisit. Illa admiranda etiam, à Numine gratia, ita referente Valcellensi Abbate Roberto, qui ab ore eiusdem exceperat: quod dum meditaretur, aut oraret; per dimidiam, vel integram aliquando diem, in tanta mentis sinceritate, & tranquillitate erat, ut nec una saltem tenuissima cogitatione, eius animus pulsaretur. Illud etiam mirum, occultas aliorum cogitationes deprehendisse. De qua singulari in ipsa DEI gratia, ut & felici eius morte legend. Casarius Heisterb. Tho. Cantip. Henriq. &c.

Apud Sublacum claret B. Laurentius de Fanello, inclusorum nostrorum Institutum Sectatus, miraculum rigoris Sacri, Martyr perpetuus, cuius vitam admirandam potius quam imitandam, Cherubinus Mirtius noster accurate descripsit, magnis à Numine miraculis commendatam.

A. C. 1222.

S. P. N. 742.

Mirandum sui sæculi & Italiae hoc tempore Episcoporum S. Randalus Episcopus Nucerius moritur ex illustrissimo Vmbriae Comite, familia de Vicco, Fontis Avellanæ Monachus, à teneris annis voto facto, ad mortem usque custos Virginitatis Solertissimus, ob egregiam vitæ Sanctitatem ad Pontificalem Cathedram evehctus, vir Apostolicus verbo & exemplo potentissimus, familiarissimus Seraphico Francisco, & meritissimus de novello eius Sanctissimo Ordine, quem ipse met præsentate Francisco primum Gualdum introduxit. Idem superiore anno memorabili beneficio creditam sibi Nuceriam, ab imminente clade mirè eripuit, & iam incumbentem agro Nucerino Friderici II. Imp. exercitum, Solâ verbi Divini prædicatione avertit, ob hoc & maxima alia merita, decreto publico, perpetuus Nuceriaæ Protector & Patronus consalutatus, cuius Festum magna celebritate, cum Octava, ut Sacri vocant peragitur, & Sacrum eius corpus confluenti populo ostenditur. Fuit vir per omnia mirabilis, & in multis quam simillimus magno Turonensium Pontifici Martino, mira in primis in pauperes charitate, quorum uni cum præter vestem nihil habens, istam illico dedisset, & commodato aliam à diacono accipens, breviorē quam ut brachia te-

geret, visi inter sacrificandum, dum sacram elevaret hostiam, Angeli, manicis, aureis & argenteis in oculis populi sacra eius brachia cooperire. Super cuius etiam caput, uti Martini, globus igneus apparuit; quem multis & maximis aliis miraculis DEVS honoravit: Pontifex, adeo sui semper similis, ut nunquam ridere, à quoquam sit visus, ut nec contristari. *Lud. Jacobill. Phil. Ferrar. Hist. Nucer.*

Ipsa anno labores suos illustri coronat Martyrio B. Adam ex Monacho Meilrosensi Cathanensi Episcopus, à suis met, quos pro gravi scelere excommunicaverat, subditis immaniter flagris concisus & in ædibus ac culina propriis, flammis exustus, cuius mortem, digna Principe æquitate, severissime ultus est Alexander Rex Scotiae, quadringentis complicum, lata sententia, interemptis, quorum etiam liberos, ne adeo sceleratorum posteritas, superesset, testiculis privari iussit, & loci Comitum, quod in reos minus inquisivisset & animadvertisset, Comitatu exiit, ipso nihilominus Numine, etiam in exulem gravi vindicta incumbente, cum à suis met famulis interemptus, incensus etiam ædibus crematus fuisset. *Heffor Boet. Barn. de Mont. Chrysost. Henr. Gasp. Longel. &c.*

Moriuntur eodem anno Beati Waltherus Baro de Bierbaht, Henrici Lovaniensis Principis consanguineus, cultor DEI paræ mirificus, & ab ipsa gratiosissime redamatus, Hemmenrodensis Monachus & Jacobus S. Galgani in Tuscia Monachus, de familia B. M. V. Dominicanâ præclarissime meritis, quem cum Patres Ord. Prædicatorum, pro eximia vitæ Sanctitate enixius rogarent, ut pro novello illo, & scelere nonnullorum gravius afflicto Instituto Deum precari dignaretur, rem magna charitate aggressus, & à Deo ipso ad id ipsum delectus, dictatas divinitus tres Orationes accepit, quibus in Missa uteretur, easdem deinceps à summo Pontifice approbatas. Quæ, aliæque multæ Sanctioris necessitudinis causæ, dilectissimam illam Magnæ Matri Patrum Dominicorum familiam, Benedictinæ perpetuo amicissimam reddidit. Humbertus de Vitis PP. Prædic. Abrah.

Bzovius, Barn. de Mont.

Henr. &c.

A. C.

A. C. 1223.

S. P. N. 743.

Propagantibus longè lateque Patribus Dominicanis immortalium merito, Psalterii Mariani usum, accenditur mirificè fidelium Studium, & juxta illud *Corona* quoque ut vocant *Mariana*, ætatem Virginis Matris Sexaginta tribus Angelicis Salutationibus designantis, ex Petri nostri Ambianensis inventione, gratissimum Deiparæ obsequiū, ulu sit frequentissimum, adeo multis deinceps etiam vulgo usurpatum, ut plurimis etiam hodie in provinciis Europæ, maximè ubi hæreses invaluerunt, Catholicus esse non censeatur, qui non secum, quacunque pergat, in sacco seu manica Coronam circumferat, nonnullis pro torque, collo gestantibus, magna, quia tam publica, Mariani cultus & observantiæ professione. *Chron. Bened. Mariana. Trith. Abb. Stadenf. Pontacus in Chronol. Polyd. Virg. Ioann. de Pineda, Arn. Duac. &c.*

Claruit eodem tempore magni Ordinis nostri sydus B. Mammertus Guzman, Sancti Petri prope Gumielem Abbas lectissimus, Magni Prædicatorum Institutoris Sancti Dominici, carne & Spiritu frater germanus, qui, uti in aliis virtutibus Sanctissimi fratris piè & strenuè egit æmulum, ita procul dubio, restitutum tanto cæli & terre plausu Marianum Psalterium, præ omnibus aliis complexus, familiare sibi, Commendatisque faciens, & fraternis & propriis meritis DEO ac Deiparæ se plurimum commendavit. *Chrysost. Henr. Barn. de Mont. Chron. Mar. Ben. Menol. nost. &c.*

Insigni Sacræ familiæ nostræ Cisterciensis commendatione, ut huic intereretur Archiepiscopatu Castellensi in Hibernia se abdicat Donatus ô Lanargan, & novem, quibus supererat annis, in omni se humilitate & patientia, non tam Cænobitis quam Cælitibus egregie probat & commendat. In ejus vero locum, ex eodem Ordine & familia nostra assumitur Marianus ô Brien, cujus in gratiam Henricus Rex Angliæ Castelliam eidem & successoribus ab omni jure Regio liberam fecit, ut multum Mariano à posteris debeatur.

A. C. 1224.

S. P. N. 744.

Moritur B. Christina, vulgo mirabilis, (ut agnoscas etiam his temporibus, vivis admirandum nostrum ordinem fuisse) Monialis ord. nostri, in Sancti Ca-

tharinæ, juxta D. Trudonis, Cænobio: de qua Martyrologium Benedictinum: In Hasbania Cænobio Sancti Trudonis, Sancti Christinæ Virginis, quæ semel, ac secunda mortua, talia stupenda perpetravit, quæ hominis sensum plane exsuperant. *Vid. Petrus Cratipol. Felici. &c.*

Hoc denique anno, cum in Sardinia amos ferè ducentos, Ticini quingentos propè, septem omnino sæculis Magni Ecclesiæ Doctoris Augustini, Sacras Corporis exuvias, Summa reverentia, & perpetuis ad tantum thesaurum excubiis, Monachi nostri religiosissimè custodiissent & coluissent, Sacræ & ferventi tunc maximè sub nomine ejusdem Canonici Regularium cesserunt familiæ æterna sanè mutua necessitudinis, & contestatissimæ tanta donatione Charitatis, obligatione; de quo ipso etiamnum tantorum Amicorum religiosissimo affectu, non minus quam cum thesauro illo eousque dives esset, ordo sibi noster plurimum gratulatur.

A. C. 1225.

S. P. N. 745.

Incredibili meritorum multitudine exuberans, hic annus, duo, tria ne quin adnotemus, non possumus. Primum, B. Arnaldi nostri Narbonensis Episcopi, qui paulo ante mortem, parva militum manu, ingentes hostium exercitus, miraculose profligavit, vocata in auxilium, magna illa Hæreticorum calcatrice Beatissima Matre Virgine, quæ cælo vita, ipsa descendere, & hostium ingentem stragem edere, inter quos ipse Aragonum Rex, et si Catholicus, sui tamén juris causa Hæreticorum auxiliarius occubuit; alii ignitis globis (dum præces & lachrymas Monachi nostri miscerent) cælo cadentibus interiëre. Ex vita & gestis B. Arnaldi, &c. Secundum B. Conradi S. R. E. Cardinalis est, qui hoc eodem año Concilium Apostolica auctoritate, Moguntia celebravit, nec multo post Leodiense, in quibus contra concubenarios clericos dignè processit (sic loquuntur) & in S. Engelberti Coloniensis Archiepiscopi occisores, pro scelere gravitate animadvertit aliaque multa, Cleri reformationem spectantia decrevit. Henriquez. Tertium Caducani Britanni est, Episcopi Banchorensis, qui Episcopatus dignissimo honore, à se abdicato, cucullum tiaræ præterens, egregio exemplo, omni posteritati non solum

lolum ita præsuit, sed & Monachus, scriptis egregiis voluminibus consuluit, celebrantur alia inter, liber Homiliarum, & alius liber, quem inscripsit speculū Christianorum. Claret Sanctissima illa & Admirabilis Iueta Reclusa, potentissima mundi apud Deum Advocata, marcum in primis peccatorum Advocata cælorum Augustæ, augustissimo subnixa favore, adjuta Suffragio, cui Iueta à proprio filio, singularissimè, illis ipsis, quibus Ioannes ille felicissimus, verbis: *Mater*, inquit, *ecce filia tua*, commendata est; *Ipsam, ô Mater, tibi committo, tuo nomini tuoque tam specialiter assignans amoris & obsequio, &c.* Ex *Vita Menol. nostr. & Chron. Mar. Bened.*

A.C. 1226.

S.P.N. 746.

FELICITER ad supera evolat B. Beatrix Atestina, filia Azonis Marchionis Atestini Principis potentissimi, & Leonoræ Sabaudæ, Monialis primum Salariolæ, dein Gemmulæ, de qua ita Martyrologium Benedictinum: Gemmulæ Monasterio, depositio B. Beatricis Atestinæ, filia Actii Marchionis, humilitate & paupertate celebris. Cum enim aliquando nummus argenteus super altare repertus fuisset, & nullus alius, in toto Monasterio fuisset reliquus, præcepit eum egenis dari, ne quæso, dicens, nummus iste, splendidum nomen, perfectissimæ paupertatis obnubilet, quam Deo promissimus, & is avaritiæ principium, & malum propagandæ cupiditatis semen, apportet nobis. Post ejus mortem, per longum temporis spatium observatum est, quod quoties, aliquid novi Esteni familiæ, ex qua orta fuerat, immineret, toties multis ante diebus, in sacello ejus, exaudiebatur strepitus prægrandis, & corpus ejus, quod de more supinum, in sepulchro jacebat, in alterum revolutum latus reperiabatur. *Vid. Scardeon. Molan. Baptista Pigna.* Moritur eodem anno Seraphicus Pater, S. Franciscus, ordine ipsius Sanctissimo; nostrorum etiam opera, mirifice propagato, sed &, de quo non minimum gratulamur, primo ipsius Conventu in Ecclesia de Portiuncula, quam D. Francisco, Abbas & Monachi Cassinenses obtulere instituto, in quo, & Magnus ille Pater sepeliri voluit. Iuvère posteris etiam temporibus, & fovère, Sanctissimum hoc Patrum Franciscanorum Institutum, perpetuo affectu, nostri, hodieque eosdem summa veneratione, pro eximiis meritis de Ecclesia,

amplectuntur, Sanctus vero Franciscus, Sanctissimo P. N. BENEDICTO singulariter addictus, ad ejusdem etiam Sacratissimum specum, iter suscepit, illicque dumetum sacratissimum, in quo se olim gloriosissimè circumvolvens, toto corpore vulnerarat, veneratus & exolculatus, insigni prodigio vidit, illico & arido lentice-to rosas prodigiosissimas erumpere & efflorescere. *Vid. Lucas Valdingus & Casin.* De illustri admodum Victoria Boëmorum de Saxonibus & Moravis, ope SS. nostrorum Wenceslai, & Adelberti parta his verbis Bartholdus lib. 1. Bohemiæ suæ narrat. Cum Sobieslaus Dux Bohemiæ animadverteret, Otthonem Moraviæ Lotharii Ducis Saxonie auxilio, qui opes sperabat à Bohæmia ingentes, hostilem irruptionem moliri prope chlumerium, Sobieslaus collecto exercitu Bohemiæ, Deo se commendans contra inimicos progressus est. Sub illo tempore in somnis vidit S. Adelbertum astantem sibi præcipientemque, ut vexillum patris sui Slamiconis, quod in foramine quodam templi Wrbzianensis absconditum in prælio explicarent: quod tandem hastæ Sancti Wenceslai affixum in medio agmine à Sacellano Dobrowiz gestatum est, & adhibitum S. Adelberti canticum. Postea silentio facto, audiverunt in aëre sonitum, quasi magnarum campanarum, videruntque aquilam magnam è Bohemorum phalange, clamore magno contra hostes volitantem; atque sub ipso congressu conspexerunt S. Wenceslaum in aëre super se, equo albo insidentem, vexillumque gestantem ubi unanimi voce ad eum clamaverunt: adesto nobis hoc die S. Wenceslae Dux noster & Martyr Dei. In hac confidentia quasi planè enervatos occiderunt obtenta Victoria gloriosa, gratiisque Deo peractis, & Sobieslaus ruinosum templum S. Georgii in monte Gezio ex toto restaurari fecit, qui & ipse alias ab hostibus mirabiliter liberatus est. Hucusque Bartholdus, merita nostrorum de Boëmis æterna commendans. Bohemiæ suæ libro 1.

A.C. 1227.

S.P.N. 747.

MORTUO Honorio tertio sufficitur Gregorius IX. ex ordine nostro, vir longè dignissimus, & mille meritis de Ecclesia meritisissimus, de quo legendus Bzovius, Ciaconius, alique. Ipso anno supremum edit Spiritum, cæloque commendat, B. Conradus noster S. R. E. Cardinalis

dinalis sæpe laudatus, neque unquam satis laudandus, verus, & iuratus Hæreticorum hostis & profligator; de quo illud rarissimum celebratur: quod digiti ejus, quibus Dominici corpus & Sanguinis hostiam offerre solitus erat, tanta luminis claritate, frequenter effulgere visi sunt, ut noctis tenebras, tanquam meridiem illustrarent. *Guillerm. Abb. in Vita, &c.*

A.C. 1228.

S.P.N. 748.

Illustrissimus famæ & virtutis fulgorè, Radulphus Abbas Coggeshalensis, vir præter prudentiæ & doctrinæ rarissimam laudem, incredibilis frugalitatis, & parsimoniam. Inter opera relictâ memorantur. Additiones ad Rudolphum Nigrum lib. i. Chronicon. terræ Sanctæ liber i. Super quibusdam visioibus lib. i. Sermorum lib. i. Henriquez. Hoc denique anno, S. Fulconis maximè nostri Tolosani Archiepiscopi, indefesso studio, laboribus, & orationibus, Albigenium scelestissima Hæresis oppressa, captus Raymundus Tolosanus Comes, Albigenium antesignanus, Parisiosque venire compulsus, ibidem, quam tuebatur Hæresim ejuravit. *Ex vita.*

Felici morte immortalibus jungitur Stephanus Langtonus Archiepiscopus Cantuariensis Monachus Pontiniacensis, de Angliæ Regno præclare meritis, quod in Clero æquè ac populo strenuè reformavit, cui universus etiam orbis, & terra debet posteritas, Sacræ Scripturæ in capita distributionem: Namque, ait Henriquez, cum Novi, tum Veteris Testamenti libros, primus omnium in capita, uti nunc habemus, ad eorum, qui sacris litteris student utilitatem, multo cum judicio distribuit & distinxit. Quod ante illum, vix quisquam forte unquam cogitavit, & in iis post illum, nemo mutandum aliquid censuit. Quo suo laudabili factò, quantum judicium ipse ostenderit, quantum lumen attulerit, quantum sacrarum litterarum studiosis adjumentum suppeditaverit, doctorum hominum judicium esto, &c.

Idem in omnes & singulos Veteris Testamenti libros inque Epistolas S. Pauli dignissimos ingenio tanto Commentarios edidit, ut nemo satis tantum Archiprælulem admiretur. *Ioann. Pies. Nicol. Harpsf. Phanix Henriq. Phil. Sequini.*

A.C. 1229.

S.P.N. 749.

Dictum superius, quantum Sanctissimus Dominicanorum ordo, nostris

debeat, ordinem, ipsorum opera Pontifici commendatum, contra adversantes protectum, ac defensum; sed & primum Gallis Cænobium, seu conventum, &c. Hoc anno debent, illum Theologiæ solem, S. Thomam Aquinatem, à nostris primum (ut & Sanctum ipsum Dominicum) susceptum, & educatum, & in ipso quidem Principe, orbis ac ordinis Cænobio Cassinensi, cui tum præerat, egregia virtute Abbas, Pandulphus, S. Thomæ patruus, cui hoc ipso anno puer Thomas, uti S. Placidus Patriarchæ Nostro BENEDICTO septennis, iste etiam quinquennis; oblat⁹ est, de cujus in studiis, & virtutibus profectu, consulendus Marc. Ant. Scipio aliiq. Ipso aho, peregregio fastiditi Principatus exemplo, cucullo se vestit, & servitio Christi, se sub Regula nostrâ addidit, Petrus Zianus Sebastiani Ducis filius, Arbæ Comes, de Repub. bene meritus, regiminis anno 22. cum Cretam Insulam celeberrimam, Venetorum Imperio adjecisset. Abdicavit se Magistratu vivente & consentiente charissima & nobilissima conjuge, Constantia Tancredi Sicilia Regis filia, & in Cænobio nostro D. Georgii habitu assumpto, non multo post, feliciter obiit. In Ducali Palatio, ita ejus Imagini subscriptum habetur: Belli potens tota mihi subditur Insula Cretæ: *Marcellus & Monarch. Eccl. l. 25. cap. 8. §. 4.*

A.C. 1230.

S.P.N. 750.

Insigni & dignissimo honore, ordinem nostrum exornat, hoc anno creatus Patriarcha Hierosolymitanus Gerardus noster Abbas Cluniacensis, non tam vita & honore beatus, quam ipsa etiam morte & sepultura, apud sepulchrum nimirum gloriosissimum, Domini sui mortuus & conditus, quæ ferè felicitas nostrorum; dum Christiani Palæstina potirentur, semper fuit, ut Sanctissimus ille locus, ipsis commendaretur; ut in Gerardo item Schaffhusano diximus, & plures passim commemorare potuissemus, & Arnalricum, Wilhelmum, Fulcherium, Stephanum, &c. nostros, omnes item Hierosolymorum Patriarchas, nisi compendio consuluissemus, Biblioth. Cluniac. Martyrio illustri hoc anno, Scotiam illustrat, B. Adamus Episcopus Cathanesij, post gravissima verbera, in propria Culina concrematus. Passus cum eodem Monachus alius, quorum Martyrium, ultio Divina, in necis autores, illico sequuta est.

¶ 2

Vid.

Vid. Barnab. de Montalbo, Hector Boëtius, Bzovius, Henrig. &c.

A. C. 1231.

S. P. N. 751.

SANCTISSIMUS Tolosanorum Archiepiscopus Fulco, pace apud Tolosates, & finitimos stabilita, & rebus fidei, ad optatum finem, feliciter perductis, omnium virtutum genere illustris, inmensis meritis dives, ad cælestem felicitatem summa cum exultatione evolat, ipsa die Natalis Domini. *Vid. Bzovius, Anton. Henrig. Clem. Robert. &c.*

Maximo cæli plausu excipitur hoc año carne soluta Beatissima Ida nostra de Nivella, Monialis Deo & Deiparæ charissima, à Numine mirificè illuminata, & admirabili quadam Divinitatis & Sacrosanctæ Trinitatis, quantum fas homini, cognitione eminentissima, quam Deipara familiariter adamans, miro aliquando dignata favore est, cum filium Deum spectabili infantis elegantissimi formæ, eidem in amplexus & oscula offerret: *Accipe eum, inquit, & collocans in gremio tuo, desideratis amplexibus & osculis, diem festum age cum eo.* Accepit Ida, & inæstimabili stringens affectu, osculari non desiit, assidente Deipara, & cum gratulatione ludum illum spectante, donec exfatiatam, an exhaustam, recepto filio sublevaret, simulque dispareret. *Ex vita per Chrysost. Henrig. edita, &c. Menol. nost. & Chron. Ben. Mar.*

A. C. 1232.

S. P. N. 752.

MAGNO rursus Orbis bono, Ecclesiæ ornamento, alius rursus, sub Regula nostra ordo, sive ordinis nostri Congregatio Sylvestrinorum instituitur, cujus quidem, etiam alii initia, ad sequentem annum referunt. Institutor fuit. D. Sylvester Gozolinus, Civis Auximensis, Doctor & Canonicus Religiosissimus, qui Spiritu Divino tactus, apud montem Fanum, prope Fabrianum, Religionis primordia, Christo Domino sacraavit. Quis vero inde, quantusque fructus consequutus, expendendum lectori relinquimus, Gualterius, Azorius, Wion. Moritur eodem anno, B. Balsamus noster Abbas Cavenfis, cui succedit Sanct. Leonardus, ut facile inde æstimes, dignissimi illius, & celeberrimæ juxta Cavenfis congregationis, fructus & merita, cujus perpetua, ad hæc usque tempora, seriè, omnes

omnino Abbates, iidem congregationis Præsides, eximia sanctitate resplenduerunt. Et quale inde de subjectis iudicium, juxta: Regis ad exemplum, &c.

A. C. 1233.

S. P. N. 753.

ORDINIS Montesiæ initia celebrant, Genebrardus noster, Onuphrius & Gualterius, hoc anno, de cujus utilitate, dignitate, & celebritate, integrum potius esset volumen concinnandum, verum sequenti primum sæculo, nova quasi Origine restitutus, exin multo magis exsplenduit. Ita rursus insigni merito, surculus ordinis nostri, fructum orbi, & Ecclesiæ ingentem parturit & edidit.

A. C. 1234.

S. P. N. 754.

ILLUSTRAT mirifica vitæ sanctitate Hispanias B. Tharasia nostra, sive Theresia Legionis Regina Alphonsi Regis conjux sanctissima, Sancii primi Lusitanæ Regis filia, quæ post trium susceptionem liberorum, ob propinquitatem sanguinis à marito disjuncta, in Monasterio Loranienfi cucullum pro purpura amplexa est, in omni virtutum genere, regia effulsit, supra omnem majestatem, venerabilis summa animi demissione. Claruit magna miraculorum gratia, quæ inter duos mortis jam proximos, solo complexu suo, incolumes reddidit. De anno mortis variant scriptores: quam ipsa instare sibi præcognoscens, ad templum deduci voluit, & in conspectu Ven. Sacramenti Eucharistici Sacro Virginum valedicens cætui, flexis genibus, suavissimum semper sibi Cælorum Augustæ Deo prægnantis canticum *Magnificat* cantari rogans, ad versum illum: *Suscepit Israel, &c.* caput super manus inclinans suaviter expiravit. Cujus sacrum corpus, post trecentos & plures à morte annos, repertum est adeo incorruptum, quasi tunc primum terræ fuisset commendatum. *Chrysost. Henri. Ant. Vasconcell. div. rer. Hisp. Script.*

Ipsa anno, insigni Ecclesiæ & Pontificatus ornamento ac fructu Geruntinus in Calabria Pontifex eligitur, Mathæus Monachus & Abbas Florensis, Beati & illuminatissimi illius Ioachimi Abbatis & Prophetæ celeberrimi discipulus. *Iacob. Syllaneus, Gasp. Iongabinus, &c.*

A. C.

A. C. 1235.

S. P. N. 755.

Plurimi ex ordine viri illustres, summis in Ecclesia honoribus perfunguntur; inter alios eminent, Petrus Cameracensis Archiepiscopus, in S. R. E. Cardinalium numero cooptatus ab Honorio III. Ioannes Algrinus, Monachus Cluniacensis, Priorque Abbatis Villæ, ex Magistro Scholæ Theologicæ Parisiis (viden etiam hoc tempore nostros publice in Academiis litteras profectos) Archiepiscopus Vesuntienfis, postea Cardinalis Sabinensis à Gregorio nostro I X. assumptus (de cuius scriptis Reg. Wion. &c. Sixtus Senensis, &c. alique.) Sinibaldus item de Flisco, Comes Lavanis, Monachus Sancti Benigni Fructuariæ S. R. Eccl. Vicecancellarius, dein Card. Tit. S. Laurentii in Lucina. Rainaldus insuper Comes Signis S. R. E. Cardinalis Tit. S. Eustachii, dein Card. Episcopus Ostiensis & Veliternus, ut ingentem Archiepiscoporum, Episcoporumque, hoc ipso tempore numerum prætereamus. *Leg. Ciacon. Panvinus, aliq. cit.*

A. C. 1236.

S. P. N. 756.

Moritur hoc anno B. Benignus, Abbas Vallis-umbrosæ, & ordinis sive congregationis ejusdem Generalis, quæ Martyrologium Benedictinum appellat doctrina & sanctitate admirabilem, ut rursum ex capite, de corporis universi integritate iudices. Cujus ingenii monumentum celebratur tractatus de claustris animæ & Corporis, aliq. vid. script. Valumb. Iterum potentissimi Episcopatus initia tam sero tempore, & primitiæ, expulsi à Ferdinando Rege Mauris, per nostros, Deo consecrandæ, instituto primo ex ira Cordubensium Episcopo, B. Lupo Fortenensis Cænobii ad Pisoricam Monacho. *Leg. Ioan. Mariana. &c.*

A. C. 1237.

S. P. N. 757.

Deo virginum, utilissimum orbi universo in Prædicatori ordinis lumine B. Iordano Iterum novum novi Pontificatus, à nostris (è veteri sorte, & destinatione Numinis singulari) initium, recepta ejectis Mauris, Corduba à Ferdinando III. Castellæ Rege, cum de erigenda statim sede, & Pontifice deligendo ageretur. Extractus è celebri & feracissimo sanctorum Cænobio Fiteriensi Monachus & Abbas dignissimus Ven. Lupus, cui nomen, etsi vel maxime volenti, patrocinari

non poterat; quo minus pastor eligèretur, magno ovicularum Christi gaudio primò Cordubæ tanto post restitutæ Pontifex consalutatus, dignissime sane urbis, & doctorum non solum virorum, Senecæ utriusque, Lucani Poetæ, Avicennæ & Averrois Medicorum &c. Sed & sanctissimorum virorum parente, quorum præcipui, uti alias meminimus, ex ordine nostro, plurimi Martyrum donati laurea effulserunt. *Marian. Jongelin.*

Gallias modo, qui nuper Britanniam insigniter illustrat Ven. Caducanus ex Abbate Landefidensi Bangorensis Episcopus, Superiore anno impetrata Gregorii I X. autoritate, dimittendi Pontificatum licentia Cisterciensis Monachus, Veterum Angliæ Regum sanguine oriundus, frater Ottreoli Galveiorum Principis, qui in Dorensi demum Monasterio vitam religiosissimè exegit, & ut de orbe Christiano & posteritate omni mereretur, insigne ingenii & zeli Apostolici monumentum reliquit; librum, quem appellavit Speculum Christianorum. *Monim. Eccl. Bangor. Phil. Seguin. Gasp. Jongelin.*

A. C. 1238.

S. P. N. 758.

Memorabile omnino, & plurimum faciens ad commendandum orbi universo utilissimum omni tempore sacrarum Deo virginum Institutum; quod hoc anno, caelestibus adjuncto, magno illo ordinis Prædicatorum sydere B. Iordano, contigit. Is vivens etiamnum, suscepta jam amplissimæ & gratiosissimæ illius familiæ, post Dominicum tanti ordinis Principem & Authorem cura, secundus ejusdem Generalis, cum in id toto pectore incumberet, ut Parentis Sanctissimi Spiritus & fervorem, in diffusissima jam familia conservaret, suis autem, qua erat animi demissione viribus diffideret; certus, quantum magna illa & Sanctissima Lurgardis nostra Aquiriensis Abbatisa apud Deum posset, enixissimis ab ea precibus contendit, atque obtestationibus denique tantum apud eam potuit, ut tamen multum obnixæ, cum Matrem ordinis spirituales, & Patronam apud Deum agere rogaretur, religioni denique sibi duceret adversari, promittens quidquid tantilla posset, infimarum precum pro religiosissimo ordine contentione. Eo quantum effecerit, illico à morte prodidit Iordanus ipse, visusque spectabili forma S. Matri, promissi adeo ordini salutaris ipsam comonefaciens;

faciens : pergeret deinceps ordinis esse Mater, potentia prece atque exhortatione instituit, ut dubitare non posset. Lutgardis, Numinis eam esse voluntatem, de qua adeo disertè à Cælite Iordano edoccebatur; tanto deinceps ferventius, in procuranda apud optimum Numen creditorum sibi salute, elaborans, quanto Deū Deiparamq; potentius demereri sibi videbatur. *Ex Thoma Cantiprat. & div. vitæ script. Menol. nostr. Cult. Marian. Chron. Ben. Mar. &c.*

Moritur Felix Tuamensis in Hibernia Archiepiscopus, è sacra familia nostra Cisterciensi ad id honoris assumptus, de sede illa & provincia benè meritus. Clarent multi Pontifices ex ordine & viri illustres, quos inter Galganus ex Monacho Sanct. Galgani Episcopus Volaterranus, Ven. Siboto Baro de Gundelfingen ex Monacho Cæsareensi Episcopus Augustanus, Ægidius ex monacho Columbæ Pontifex Placentinus, alique. *Petrus Maria Campus, Vbertus Locatus, Jongelin. &c.*

A.C. 1239. S.P.N. 759.

ILLustriissimo sanè exemplo, summe fortunæ cucullum præfert, & in eodem reperit, compendium veræ felicitatis, sanctitatem ipsam Sancta Beatrix Atestina, Andree secundi, cognomento Hierosolymitani, Hungarorum in Pañonia Regis Vxor, insignis formæ & pudicitie fæmina, quæ uti erat animo sublimi, cum nollet post mortem viri, ulli alii inferiori tanto Rege nubere, Regum Regi nupsit Christo Domino, ingressaque Monasterium Sanct. Ioannis Baptistæ Gemmulæ, magna illic in vitæ sanctitate Christo Domino servivit. *Scardeonius VVion. &c.* Claret etiam cucullo, quam diademate felicior, in Cænobio ad Harisam, Eleonora Theobaldi II. Navaræ Regis Vxor, de qua legendus Mariana.

A.C. 1240. S.P.N. 760.

EXsplendescit raro fulgore, ex congregatione Cisterciensi, B. Ioannes Mithelenensis Archiepiscopus, Abbas Claravallensis, de quo requir. Cisterc. script. Inter innumeram nobilitatis sobolem memotantur, exemplo contempti fastus præcipuo, præcipuè Isabella Ludovici VIII. Franciæ Regis filia, S. Ludovici Regis Soror, monialis S. Clodoaldi, & Berengaria filia Ferdinandi III. Castellæ & Legionis, in Hispania Regis, ordinem

nostrum in monasterio Olgis professæ. Ita fragile hominum genus, potentiam calcare didicit, & nostro armata cucullo, de sæculi principe triumphare. *Mariana, VVion aliq.*

A.C. 1241. S.P.N. 761.

MORitur, multis in Pontificatu amplissimè gestis, immortaliter de universo meritissimus, B. Gregorius IX. Pontifex Max. cuius primum iussu (& quantum id bonum) campanæ sonitus, cum ad consecrationem, tum ad salutationem Angelicam institutus est, dein per nostros maximè propagatus, ut suo loco dicemus. Idem Fridericum Imp. & sacrum bellum accendit. Perusinos inter se dissidentes composuit. Hannibalinam Hæresim oppressit. Urbem ad obsequium reduxit, Sanctos Dominicum & Franciscum (tantum rursus Pontifici nostro debent Religiosissimi Patres Dominicani & Franciscani) B. Antonium item, & B. Elisabetham, inter sanctos retulit. Fridericum Imperat. Imperio spoliavit. Genueses & Venetos inter se digladiantes composuit; factionibus item Guelphorum & Gibellinorum exortis, pessimeunti Romæ occurrens, gravissima oratione, rebelles ad sacrum potius bellum accendit. *Vid. Bzovius, Franc. Rosiers, Panvinus, Ciacon. &c.* Quæ singula singulis annis referre placuisset, nisi excrescens compendium supra compendium, prohibuisset. Tantum, tantus quidem, sed unus rursus è nostris Pontifex potuit, &c.

A.C. 1242. S.P.N. 762.

MIRaculum feminei sexus, perditissimo tempore, moritur hoc anno S. Verdiana reclusa, nostra, miraculorum gloria & Spiritu prophetico celebratissima, eo nomine, ut ex eo Ecclesiam mereretur, in qua dignissimo sanè, suo nimirum titulo sepulta est. Vnde rursus supputes velim, quot Basilicarum, & templorum millia, nostri ord. sanctis dedicata, & ob eorundem honorem exstructa, ut ea fileamus, de quibus alibi dictum, à nostris ipsis exædificata, summo universo, & tot provinciarum, totq; mortalium millium bono. Moritur ipso anno ut Verdiana fragili è sexu, sic iste simplici è hominum genere, orbi universo admirandus, & venerandus. Beatus Orlandus Frater Conventus Vallumbrosanus, magnæ in Energumenos virtutis & potestatis. Ita simplicissimi

ciffent ex Monachis, in ipfos inferos præ-
valuere. *Leg. script. Vallumb. VVion. &c.*

A. C. 1243.

S. P. N. 763.

SVMMO rursus Ecclesiæ universæ bo-
no, eligitur ex ordine nostro Pontifex
Maximus, Sinibaldus, ex Monacho S. Be-
nigni Fructuariae S. R. E. Cardinalis; una-
nimi omnium Cardinalium consensu Ana-
gnia electus, & Innocentius eo nomine
Quartus appellatus, de cuius immortalibus
meritis suo loco. Videndi Platina. Vin-
centius. Sixtus Senensis, Volaterranus,
Panvinus, Pingonius, &c. Claret Ange-
lo similior, quam homini, S. Laurentius
Sublacenſis, ea apud omnes probatissima
existimatione, ut Innocentius hic idem, de
quo jam primum Pontifex Maximus, sub
quo Laurentius vixerat, obieratq; illum
à morte quam primū Canonizare dispo-
neret, nisi & ipse morte præreptus fuisset,
ex Wione, & Iulij Mantuani litteris à
Wione citatis. Moritur hoc ipso anno,
prodigiosissimæ sanctitatis vir, & meritis
inæstimabilibus, Pontifex, S. Bernardus
Calvoniū, ex Monacho SS. Crucium
Episcopus Vicensis, & Celsionensis, cuius
inter alia rarissima celebratur, insolens
planè miraculū, quo ejus sanctissimis au-
sis, comendatione rarissima, favit Deus,
cum collectis fidelium copiis, ex Regno
Valentino, Mahometanos omnes ejecit-
set, & profligasset, ab expeditione ipso re-
vertente, omnes undiq; campanæ, se ipsis,
longissimo temporis spatio pullarentur.
Mariq. Ant. Vincent. Henriq. Sic iterum
Regnum integrum æterna gratitudine
nostris obligatum.

A. C. 1244.

S. P. N. 764.

Hic an sequentia anno, dissentientibus
Chronologis, summo Ecclesiæ bono
celebravit Concilium XIII. Generale
Lugdunense I. S. Innocentius noster IV.
sumus Pontifex contra Imperatorem Fri-
dericum II. & pro terra sancta, cui ipse in-
terfuit, cumq; Fridericus interesse renue-
ret, dignissima tanto Pontifice magnani-
mitate, ipsum Regno exuit, & excomuni-
cavit. Expeditionis vero caput, constituit
S. Ludovicum Regem Galliarum. Quo
ipso concilio, instituyente Innocentio no-
stro, galerum suum rubeum, debent po-
steri omnes S. R. E. Cardinales, insigne
tanti honoris decus, quo commonitos
eos voluit, paratos esse debere, ad sangui-
nem pro Ecclesia fundendum. Idem In-
nocentius, S. Ludovico titulum Christia-

nissimi concelsit, isque exin Regibus per-
petuo mansit, quem alias à nostris item
pridem iisdem Regibus datum superius
prædicavimus. *Leg. Platina, Onuphr. Beller.
Iac. Servitius, Bullar. Gualter. &c.*

A. C. 1245.

S. P. N. 765.

Fama ludis Equestribus per Gallias, in-
ter Illustriores prodigiosè (& quidem
dum etiam abesset Regina Cælorum, ope
cælesti) comparata celeberrimus, Beatus
Theobaldus Baro de Marly, admiratione
nunc Regnum implet, mira in cucullo
animi demissione, & admirabili vitæ san-
ctitate, Abbas, etsi diu renitēs deprecans-
que Vallium Cernay electus, in quo cum
procerum maximorum defixi pro admi-
ratione oculi essent, haud levis inde, apud
plurimos est fructus consequutus, acce-
dente insigni miraculorum gratia, quo
servum suum & amicum Numen hono-
ravit.

Constantia & zelo Pontificali clarissi-
mus eniter Ven. Odoardus noster Cal-
mensis in Italia, sub Archiepiscopo Ca-
puano, Pontifex, qui hoc ipso anno in
Concilio Lugdunensi, contra Imperato-
rem Fridericum, pro Ecclesia se oppone-
re, ejusque conatus infringere non veri-
tus, dum ad Ecclesiam suam revertitur, à
satellitibus ejusdem Imperatoris interce-
ptus, in carceres detrusus, atque illic ut
ejus Ecclesiæ referunt tabulæ, pro Eccle-
siæ immunitate interemptus est. *Vir, ut ait
Longelinus, tam sanctioribus, quam doctio-
ribus, sui sæculi viris merito associandus, mi-
nime nomine solo Episcopus, sed opere
atque sermone prædicator strenuus, cu-
jus inter dicendum tanta vis animi, tantus
impetus in oculis, vultu, gestu, ut non solum
incendere auditores, sed ipse ardere videre-
tur, &c. Abrah. Bzovius, Gasp. Long. &c.*

A. C. 1246.

S. P. N. 766.

MOritur Princeps ordinis nostri, hoc
sæculo decus, sanctissimus Cantua-
riæ Archiepiscopus Edmundus, à puero
sanctus ex matris utero mundo mortuus,
& infantiam vix excedens à Christo Do-
mino apparente, his verbis salutatus: Sal-
ve dilecte mi. Ingens gratia! & favor
prorsum inauditus. Litteras & Theo-
logiam, summa omnium admiratione,
professus Parisiis est, ea verborum effi-
cacia, ut sæpe auditores, viri sum-
ma auctoritate, lachrymas cohibere
non valentes, codices complicarent.

Cantuariensem ad Cathedram dum raperetur persuaderi non poterat, ut honorem admitteret, quoad audiret, absque reatu peccati mortalis renuere non posset; confestimque admisit. Crucem contra infideles prædicando, verbo plurimum potuit. Propter Ecclesiasticam libertatem, antiquo nostrorum more, & insita animo constantia, plurima pertulit, plura & vivus, & à morte prodigiosè gessit. *Vid. Laurent. Surius, Abrah. Bzovius Petrus Equilinus. &c.*

A.C. 1247.

S.P.N. 767.

SVpremus hic annus Beatæ Iulianæ Corneliensi moniali, Christi sponsæ lectissimæ, quæ multis præcedentibus revelationibus Festum illud festivissimum & generosissimum SS. *Corporis Christi*, prima omnium institui impetravit, ad id ipsum potentissimè ab omnipotente concitata, quem cū rogaret illa, ut per alium potius hominem, autoritate majorem, tantam rem dignaretur promovere, indignitatemque suam atque abjectionem obtenderet, voce de cælo lapsa: *Confiteor tibi Pater cali & terra, quia abscondisti hac à sapientibus, & revelasti ea parvulis*, parere denique coacta est, plurimas ob id ipsum vexationes, injurias & contumelias perpeffa, quorum tamen malorum omnium initia finemque prædixit. Dignissima sane, quæ maximis magnarum rerum Authoribus atque promotoribus accenseatur, cujus merita post mortem magnis prodigiis & miraculis Deus commendavit. *Barthol. Efsen. Guz. de Silva, Franc. de Bivar. Gileman. Henriq. Bern. Brito, Henriq. &c.*

Illustre meritis nostrorum testimoniū dat hoc anno magnus ille & sanctissimæ memoriæ Toletanæ Ecclesiæ Archiepiscopus Rodericus Ximenius, qui Hortensibus, florentissima disciplina Monachis Bibliothecam suam spectatissimam legans, seipsum quoque donat, eligens inter eosdem sepeliri, quibus potiore sui parte, animo semper convixerat, æmulus per omnia religiosissimi vitæ instituti. *Ex Vita, Ang. Manriq. &c.* Ipso anno moritur insignis ille Aulæ Marianæ in terris Palatinus B. Theobaldus Baro de Marly vallium Cernay Abbas: de quo prolixius in *Menologio nostro*, *Ephemer. Mar. & Chronol. Bened. Mar. &c.*

A.C. 1248.

S.P.N. 768.

EXsplendescit, ex integro sanctorum nostri ordinis firmamento, admirando sanè fulgore Beatus Martinus eo nomine Tertius Prior Generalis Sanctissimæ Congregationis Camaldulensis, ut nemo sanè miretur hoc ipso, & aliis temporibus, ex Camaldulensibus tot Ecclesiæ luminaria colluxisse, quando luminare majus, ipsorum nimirum Generales plerique, eximia enituere sanctitate, à qua fieri vix potest, quin radius saltem aliquis, cæteris comunicetur. *Vid. Camaldulensium rerum scriptores omnes.*

A.C. 1249.

S.P.N. 769.

GAllias & Germanias splendoribus sanctorum percellit, & in admirationem rapit admirabilis ille eruditione, sanctitate & meritis B. Bonifacius Lausannensis ex Monacho Cameræ B. M. Virg. Episcopus Deiparæ dilectissimus, uti ejus cultus promotor ferventissimus, cui nimio quando Domine contuendæ desiderio laboranti, ipsa magna circumfusa luce apparuit, ad cujus cum pedes ille quamprimum advolutus, in hæc verba prorumperet: *Sancta Maria sanctifica me*. Mox illa: *Et sanctificavi*, inquit. *& iterum sanctificabo te*. De quo plura alias & mox anno sequente. Ipso anno moritur Marianus Thuamensis in Hiberniā Archiepiscopus, magnum patriæ suæ & Ecclesiæ columen, è sacra familia nostra Cisterciensi ad id honoris assumptus, vir Iuris Pontificii peritissimus, multo nomine bene meritis. Clarent item Petrus de Garces ex Monacho Cænobii de Petra Albarracinenfis in Aragonia; Dominicus de Azagra, ex eodem Monasterio Segobricensis in Regno Valentia, alique præstantissimi Episcopi ex ordine nostro, diversas provincias strenue demerentur. Sed ante omnes Apostolico se zelo commendat B. Odo, ex Monacho Vrsocam pensis Sancti Rom. Eccles. Cardinalis Episc. Tusculanus, Innocentij IV. nuper ad Sancti Ludovicum Galliarum Regem ad prædicandam Crucem contra Infideles Legatus, qui eundem Sanctissimum Regem ad Crucem item suspiciendam animavit, cui & Pontifex legationem transmare commisit, dignum qui tanto Regi tantus ipse, in re tanti momenti jungeretur, tanti à Rege factus, *Virum secundum cor suum, morum honestate decorum,*

decorum, litterarum scientia præditum, consilii maturitate præclarum, insigni sane elogio honoraret. Scripsit ad ipsum in orientem profectum multas litteras Pontifex, ubi ipse Apostolico labori totum se dedit, & qua corpore non poterat, sese animo exporrexerat, aliaq; inter Orientalem Tartarorum Regem, ad fidem Christi scriptis convertere satagens, tres Monachos, & duos Clericos ad ipsum destinavit; ipse autem in conversione infidelium, prædicando catechizando, disputando, scribendo, multis modis laborando, dignum per omnia, eminentissimo Cardinalium honore & munere se exhibuit, æternum speculum & exemplar, Eminentissimæ dignitatis. *Salimbene in Chron. Prædic. S. Antonin. Bzovius, Sequin. Longelin. &c.*

A. C. 1250.

S. P. N. 770.

ADmirando fulgore Gallias illuminat, Beatus Bonifacius noster Episcopus Lausanensis, acerrimus Ecclesiæ & Ecclesiasticæ libertatis defensor, nihil Imperatoris minas, ac insidias reveritus, à quo captus, prodigiosè liberatur. De eo, ejusque in Ecclesia utilitate, dum adhuc maternis conditus lateret visceribus, per Angelum edocta Mater his Verbis: Concepisti Partum gloriosum, qui acceptus erit Deo, & Sanctis, & hominibus. Hic erit doctrina magnus, & honoratus. Ut frustra eum nos laudare, ejusque merita commendare satagamus. *Vol. Molan. Rusca, Manrique, VVion. Henriquez. &c.*

Ipso anno Fridericus I. Imper. plures è nostris sacra inprimis Cisterciensi familia adversarios nactus, cum erga eosdem hostiliter se habuisset, aliquos è præcipuis etiam Cardinales duos, & B. Bonifacium Cistercii Abbatem in carceres misisset, reatum denique & errorem suum agnoscens, serio poenitens, ab excommunicatione absolutus, cucullum quod oderat, summe veneratus, summæ gratiæ loco petiit, cum supremum decumberet, eodem vestiri, in eodem mori atque sepeliri, uti & meruit. *Ang. Manriq. Mon. Cist. &c.*

Eodem anno B. Aleydis nostra de Sca-renbeca Monialis Cameræ B. M. Virg. à planta pedis usque ad verticem capitis, instar Iob multis flagellata annis, patientia miraculum è terris rapitur, iplo Angelorum Rege cum Regina Matre ad ejus transitum occurrente; eamque his ver-

verbis compellante: *Bonum certamen certasti, cursum consummasti, fidem servasti, propter quod nunc venio, ut duplici corona, tam Martyris quam Virginis decorata, in æternam requiem introducaris. Cujus virtutes & merita, visitationes & miracula, ait doctissimus Molanus, non posse ad plenum explicari. Arn. de Raiffe. Ioan. Gileman, de Assyni, Manriq. &c.*

A. C. 1251.

S. P. N. 771.

MOritur meritissimus Cassinensium Abbas Stephanus eo nomine II. Imperatori Friderico acceptissimus, quod idem Imperio deturbatus; ubi Stephanum Summo Pontifici addictum, sibi que ideo adversum animadvertit, immani furorè in Casinum delævit, occupatis Cænobii ditionibus, Monachis (octo exceptis) è loco profligatis; thesauro tum sacro, tum profano (qui tot annis, tot Principum liberalitate, ac Monachorum parcimonij coaluerat) funditus averso. Ecce quantam, pro Ecclesia jacturam passi nostri, nihil tamen minus, quam adulari Principes, in animum induxere, imo glorioso potius contemptu, favorem, & amicitiam, propensissimi alioquin in se Principis, averlati sunt. Richardum exin Hannibaldum Romanum genere, Cassinates Monachi Abbatæ magistratu, Innocentius Pontifex delata Cardinalatus dignitate, certatim cohonestarunt, quo ille utroq; gradu licet amplissimo dignissimum se præstitit, insigni pietate atq; industria Cænobium moderatus. *Leg. Marc Ant. Scip. VVion. &c.*

Ipso anno claret Stephanus, natione Anglicus, sed moribus, Claudio Roberto affirmante, vere Angelicus, Abbas Clarævallis, S. Edmundi Cantuariensis dein Episcopi auditor Parisiis. *Vid. mon. Clarævall. & Cisterc.*

A. C. 1252.

S. P. N. 772.

INnumera quasi Innocentii nostri, eo nomine IV. Summi Pontificis merita. Inter potiora, insigne sane & ad dignitatem Pontificiam convenientissimum, quod Regnum Neapolitanum Pontificii Solii Imperio adjecerit. Nec minus ad gloriam tanti Pontificis, quod Natæ Virginis Octavam sic vocant; solemni ritu per Ecclesiam universam celebrari præceperit: proximum est: quod Tartaros ad Christianismum, per Asceli-

Ascelinum Ord. Prædicatorum Religio-
sum, & Socios ejusdem vocavit. Idem
Cruciferorum Ordinem approbavit, Ed-
mundum Cantuariensem, Wilhelmum
Briocensem, Stanislaum Cracoviensem
Pontifices, & Petrum Martyrem, San-
ctorum albo adscripsit; mille modis im-
mortaliter meruit. *Leg. Vbertus Fosseta,
Panvinus, Vincent. Volaterr. Platina, Gualter.
Rosiens, &c. Bzovius, &c.*

A.C. 1253.

S.P.N. 773.

Vix extincta, ut supra diximus Alejde
nostra, alterum orbi patientiæ exem-
plum, imo miraculum proponit, & in
ipso multis consulit optimum Numen,
Sanct. Finam nostram rigidissimum In-
clutorum professam institutum, in cuius,
ut in Regis Martyrum, sponsi virginum
& sanguinum corpore, à vertice item ca-
pitis, usque plantam pedis, non erat sani-
tas, cujus carnem non vermes solum, sed
& mures impunè devorabant, ipsa à
sponsi laudibus nunquam desinente, do-
nec à Magno Gregorio nostro de hora
remunerationis edocta, à tantis labori-
bus & doloribus feliciter conquiesceret,
cujus sacrum corpus adeo asseri, cui in-
cumberebat repertum est, defluentium ul-
cerum tabo, ipsisque carnibus agglutina-
tum, ut vix inde posset separari, cælesti ta-
men fragrantia Odoriferum, cum antea
intolerabilis ejusdem foetor fuisset; cam-
panis l'ponte consonantibus, visa ipsa cum
ad tumulum deferretur, benedictis in
morem manum attollere, ad cuius invo-
cationem, ferunt grandia patrata mira-
cula, & puerum mortuum revixisse. Ipsa
usque hodie grande habetur Hetruriz &
subsidiu, & ornamentu, magnoque
populi concursu frequentatur. *Ex Vita,
Razio, Ferrario, Monim. Geminianis, Menol.
nost. &c.*

Meretur immortaliter de Aragoniæ
Regno Ven. Andreas Populetanus Ab-
bas, Iacobo Rege ad meliorem frugem
revocato, à cuius insanis amoribus, Ta-
rasiam Ægidiam Vidauram, Illustrem
cæteroquin faminam, sed Regis pelli-
cem factam, non solum potenter & ge-
nerosè abstraxit, sed & eandem serio
pœnitentem, in Monasterio Gratiz Dei,
ab eodem condito Rege, inclusit & cu-
tullo induit, adeo magnis deinceps vir-
tutibus illustrem, ut magnis Hispania-
rum posset Syderibus accenseri, quam à
morte, magnis prodigiis, & corporis us-
que hodie per annos quadringentos in-

corruptione Numen honoravit, & quan-
ti faceret pœnitentiam, pœnitentibus &
peccantibus universis, monialem hanc
speculum proposuit. *Annal. Cisterc. Ang.
Manrig.*

A.C. 1254.

S.P.N. 774.

Moritur magnum Regni Anglicani,
imo Ecclesiæ universæ decus san-
ctissimus Hugo Eliensis Episcopus, cu-
jus transitum his verbis describit Mat-
thæus Westmonasteriensis ad hunc an-
num: *Quinto idus Augusti obiit Episcopus
Eliensis Hugo, quandoque Abbas Sanct. Ed-
mundi, qui in utraque Ecclesia circiter 40. an-
nos laudabiliter DEO militaverat: cujus cor-
pus cum magna veneratione sepultum est in
Eliensi Ecclesia, in presbyterio nono, quod à
fundamentis, sumptis propriis magnifice con-
traxerat. Ipse cujus obitu, flos nigrorum obiit Mo-
nachorum qui scilicet Abbas Abbatu in Anglia
extiterat, & Episcopus Episcoporum coruscavit,
&c.* Nec minori encomio eum ho-
norans Matth. Paris, post alia subdit: *Hic
quoque sicut in mensa spiritali scilicet altari, de-
votus extitit, & exitus aquarum deducebant
oculi ejus, ita in mensa corporalis refectio-
nis, dapilis fuit, jucundus & serenus.* In cuius
obitu flos nigrorum obiit Monachorum,
quia sicut Abbas Abbatu in Anglia ex-
titerat, ita & Episcopus Episcoporum co-
ruscavit, &c.

Moritur eodem anno, nunquam satis
laudandus Innocentius noster summus
Pontifex, præter commemorata merita, &
alia innumera, bene inprimis meritis de
ordinibus aliis RR. PP. Dominicanorum
& Franciscanorum quibus impensissime
favit. Delatus à morte Innocentij rur-
sum honos, è nostris meritissimo Raynal-
do, Signiæ Comiti, S.R.E. Cardinali. *Leg.
Paulus Langius Panvin. Platina, &c.*

A.C. 1255.

S.P.N. 775.

DE Ezelino iſmanissimo Italiæ Tyrano,
triumphans è carceribus ad Cælos
evolat Beatæ memoriæ Arnaldus S. Iusti-
næ Patavij Abbas, è nobili stirpe Catha-
nea, & Regio Comitum Limine oriun-
dus sanguine, corpore & animo Virgo,
cujus cum sacrum corpus quinquaginta
post obitum diebus, Fratres Minores apud
quos conditus erat, transferre vellent in-
corruptum reperere. *Ex monim. S. Iust.
Cavac. Arnaldo Duac. Fortun. Vincent. Menol.
nost. &c.*

Ipso anno fit Abbas Cistercij Beat. Gui-
do, qui Beati Arnulphi Conventus Villa-
ticiensis,

riensis, viri admirabilis sanctitatis, & miraculorum gloria illustrissimi, Canonizationem solemnem, nulla alia de causa deprecatus est atque impedit; *quam, ne ipsa multitudine Sancti quasi vilescerent, imple suū & ordinis honorem, communi Ecclesie posthabens utilitati. Ex monument. Cisterciens.*

Moritur eodem anno Ven. Garzias Iacobi Aragonum Regis, fortunatissimus quondam exercituum Imperator, Saracenorum gloriosissimus domitor, eruditione non minus, quam genere, & militari, omnique virtute illustrissimus, qui mortua conjuge cucullum pro sagō militari amplexus, de seipso generosissimē & gloriosissime triumphans, ex Imperatore militum, miles Christi & Iervus, stupente militia, omnes calcans honores, spolia & trophæa, Trophæum ipse suæ virtutis extitit, non sine opinione Sanctitatis Triumpho æterno sociatus. *Ex monim. Hortens. Henric. &c.*

A.C. 1256.

S.P.N. 776.

Singulare ornamentum ordinis nostri Semicat, Sanctissimus Bonifacius ex Episcopo Lausanensi, Monachus Cameræ B. Virginis in quo prodigiis & visionibus admirandis honoratus est à Deo, ipsa etiam Cælitum Regina, ei non semel apparente, & familiariter colloquente, sed & Angelis, eidem in SS. Missæ Sacrificio ministrantibus, & coram ipso inclinantibus: ut inde æstimes, quanti meriti fuerit is, quem ipsi etiam cælestes Spiritus venerati sunt. *Ex Vita.*

A.C. 1257.

S.P.N. 777.

Inter maxima sanè, ob admirabilem vitam sanctitatem, Ordinis Sydera, suspicitur haud immerito B. Beatrix nostra, Monasterii Nazarethani prope Litam Brabantiae, Priorissa, quæ Octuennis Virginum Sponsa in Cænobio oblata, adeo à teneris annis, Virgineo corpusculo rigida hostilitatem indixit, ut jam tunc, & in omni vita, jugi probatam Martyrio dixeris. Eam quanti faceret sponsus, stupendis omnino gratiæ argumentis non semel prodidit, affatus quandoque ipsam his verbis: *Fadus ineamus, ac de cætero haud dividamur; sed veraciter uniamur, cui illa: En paratum cor meum, paratum est cor meum Domine, uniri tibi sedere indissolubili ardentissime desidero, corde ejusdem mirificè, ut facta est Spirituali Patri suo, se aperiēte, & mox recludente, quod alio tempore*

sponsus ejusdem virginis filius, jaculo igneo transfigere visus est, & subsequuta vox, quæ diceret: *Ipsa inter omnes mundi (eo tempore) creaturas à Domino specialiter delectam, nomenque ejus in libro vitæ designatū.* Ut facile appareat, quantum pro ordine, pro patria, pro Ecclesia, pro orbe universo potuerint congeminati toties Singultus, preces & lachrymæ, unius Beatricis, cui tamen tot millia lectissimarum eodem tempore virginum nostrarum, tam strenuè apud sponsum suum & Regem, pro salute universi dies noctesque collaborarunt. Sed de Beatrice plura alias, & in *Menol. nostr. Benedict. Vid. Ioann. de Assign. Arn. de Raiffe, Ioan. Gilem. Aub. Mir. Henric. &c.*

Fuit eadem tota in Rosariis Deiparæ dies noctesque contexendis, & offerendis, puellula etiamnum clanculum crebris & molestis, de nocte consurgens, genuflexionibus, genibus teneris nunc in nive meris nunc alio incommodo siti afflictis, dum *Ave Maria* sibi longe gratiosissimum, alterum ex altero, nunquam faciata, congeminaret. Magna deinceps, cum Priorissam ageret, & exemplar Sanctitatis longè lateque innotesceret, promotrix cultus Mariani Singularis. *Ex Vita, & Chron. Ben. Mar. nec non Ephemerid. & Cult. Bened. &c.*

Moritur hoc anno, alterum illustrissimarum feminarum exemplar lectissimū, B. Mafalda Castellæ quondam felicissima Regina, inde cælorum Regina in Cænobio, quod ejus condiderat honori, Araticæ emancipatissima famula, ut purpuræ olim, ita æternum cuculli ornamenti facta, cujus Sacrum corpusculum, quadringentis ferè post obitum annis, nostra primum ætate, pauculis exceptis partibus, repertum est incorruptum, facie ita florida, ac si recenter expirasset, cælestem odoris spirans fragrantiam, Angelorum Musica à nonnullis exaudita, multisque concurrentium ægrotorum, prodigiosè curatis. Quam, etsi relicto Regno imperare desiisset, certum tamen est, neque usq; hodie desinere, pro suo in Regnum jure, potenter in cælis patrocinari. *Ang. Manriq. Ant. Vasc. Chrys. Henric. &c.*

Apud Russos, Pontifex An. Ch. 1254. electus, Gerardus ex Abbate Oppatoviensi, præclare modo meretur sed & apud diversas gentes, multi ex ordine nostro Episcopi, Apostolico zelo labores suos Ecclesiæ comendant, de quibus alias. *Ex libro de Provif. Pralat. Iongelin. & Marchej.*

A.C.

A.C. 1258.

S.P.N. 778.

B Thesaurus, ex Abbate, & Generali Vallumbrolano, priore anno S. R. E. Cardinalis electus, hoc anno sedis Apostolicæ legatus, contra Guelphorum & Gebellinorum factionem destinatus, insigni merito vitam suam pro Ecclesia in supremum discrimen conjicit; Florentiamque ad componendas partes profectus, ab iisdem Martyrio coronatus, capitulis abscissione, merita sua immortalitati consecrat. *VVion. Yepes, &c. t. 6.*

cum parum proficeret. (Ecce quam cordi, pacem Christianorum, & bellum infidelibus inferendū, habuerit) animi more expiravit. Verus pauperum pater, de quibus & maxime Religione ipsa meritis, viros etiam doctos, summo in precio habuit, & sacrum purpuratorum Collegium iisdem egregie exornavit: B. Claram Sanctis accensuit, & alia multa, pro dignitate & more nostrorum gessit. *Leg. Bzovius, Ciacon. Nat. Rosiers. &c.*

A.C. 1262.

S.P.N. 782.

A.C. 1259.

S.P.N. 779.

Moritur æternum de Ecclesia, confirmata hoc anno Sylvestrianorum nostrorum ordine suæ Congregatione, Alexander noster quartus eo nomine Pontifex Maximus, de cujus in rebus præclarissimis conatibus, legendus Abrahamus Bzovius. *Plat. Panvin. Rosiers. &c.*

Moritur eodem año, B. Martinus Generalis Camaldulensium, ea vir sanctitate, ut multos languidos, solo tactu curaret, indeq; æstimes velim, quantum is ordo sanctissimus, sub hoc capite protegerit, orbiq; profuerit. *Ex Camald. script.*

A.C. 1260.

S.P.N. 780.

Illustri Martyrio, sanguine suo, agrò Dominico ubertatem emunt & Poloniam maximè illustrant. Caprunicensis Cænobij Monachi omnes, hoc anno à Barbaris Tartarorū populis cæsi, de quibz consulendus Cromerus, Miræus aliq; Ita ut jugiter nostri pulchritudinem Ecclesiæ purpura insuper sua condecorarent.

A.C. 1261.

S.P.N. 781.

Alexandro nostro, Papæ ejus nominis IV. añus hic supremus fuit, egregie constanterque gestis immortalis. Inter alia Manfredum Siciliæ Regem paterne admonens, nequid contra Ecclesiæ præsumeret libertatem, negligentem sacris interdixit; magnis ab eodem cladibus attrito exercitu Pontificio, nihil tamen de magnanimitate Alexander remisit, verū pro libertate Ecclesiæ, Tyrannis sese ubiq; opposuit, & persequi eosdem nunquam destitit. Sedatis nonnihil Guelphorum ac Gibellinorum turbis, bellum Asiaticum, magnis animo impensisque paravit, prohibitus tamen est Ligurum Venetorumq; nova dissensione, ad quam componendam Viterbium ipse profectus,

Cvullū rejecto diademate amplexa, claret hoc anno ac præluet contemptus dignissimi pulcherrimo exemplo Blanca Alphonsi III. Portugalliæ Regis filia, Sanctimonialis & denique pro meritis Abbatissa Monasterij algis effecta, in quo denique religiosi operibus plena, obdormivit & condita est. Vide Mariana & alij.

Nec leviori exemplo, sibi aliisque profuit Beata Beatrix Estensis Ferrariæ in Monasterio S. Antonii ordinem nostrum professa, quæ cum Azonis Ferrariæ, Veronæ ac Verandini D. conjugio copulata, eo mortuo, ad Religionis Asylum confugiens, in filiam S.P.N. Benedicti adoptata, in eximiam paulo post sanctitatem profecit, ita ut vivens atque mortua miraculis effulleret. *Ioan. Bapt. Giral. Ioan. Bapt. Pigna, &c.* obiit hoc anno.

Implet hoc ipso etiam anno, cælum gaudio gratulationeq; ob felicem transitum suum B. Iuliana Collaltina, ex perillustri Comitum de Collalto familia, prima Abbatissa S. Blasij de Catoldo Venetiis, quod ipsa Cænobium, congregato ibidem virginum Collegio, mirabiliter instauravit, auxit & ornavit: hujus sanctissimum corpus (verba Martyrologij Benedictini sunt) adhuc ibidem visitur, ita integrum ut nihil desit, non secus, quam si his proxime diebus, & vita migrasset; dictu certe mirabile, visu tamen mirabilius. *Vid. Bernard. Scardeonius, & Ioan. Bonifacius, &c.*

A.C. 1263.

S.P.N. 783.

Magno Fidelium Solatio, fructuque & comodo cultum Deiparæ solenter promovet, peculiarius eidem sacra & devota Camaldulensium nostrorum lectissima familia, in quibus revera ipsa, sese habitare, juxta illud, *In plenitudine Sanctorum detentio mea, Eccles. 24.* multis prodigiis

giosis signis declaravit. *Ex Chronic. Marian. Benedict. & diversis Eccles. Camald. monim.*

Patribus Purpuratis, S. R. E. Cardinibus accensetur hoc anno Beatæ memoriæ Guido noster Cisterciensis Archisterii Abbas, Candidissimæ illius familiæ nostræ Generalis: qui vir quantus fuerit, Urbani IV. declarat Epistola, de eius promotione scripta Capitulo Generali, in qua præter eminentes eius animi dotes, quas ibi connumerat: *Virum appellat, Angelicum, Virtutum ac scientiæ splendoribus illustratum, odoriferum florem, & olivam fructiferam, è venustissimo horto Religionis, in Paradyso, Universalis Ecclesiæ plantatam &c.* Cui quidem elogio, haud video, quid à Romano Pontifice, dum viveret addendum, nisi viventem, quod nequit fieri, Canonizare, ut loquimur, statuisset. *Ferdin. Vghellus in vita Urban. Jongelinus, Ciacon. &c.*

A. C. 1264.

S. P. N. 784.

CLaret multo nomine & immortalibus meritis, Sanctissima Camaldulensium nostrorum familia, quæ viris hoc ipso tempore sanctissimis locupletissima, totas deprecatorum, & Patronorum pro mundo cohortes cælo misit: inter alios, legationem eandem obiit B. Compagnus Prior qui quanti sit meriti, quantumq; ex eiusdem precibus, ac interventu sperandum, testatur insigni prodigio *DEV* S ipse, corpore ipsius in hodiernam usque diem penitus incorrupto. *Vid. Scardeonius.*

Ipso anno claret Henricus Stero Monachus Althahensis, Chronologia sua de sequentis sæculis omnibus æternum meritis, *vid. Hen. Canis.*

A. C. 1265.

S. P. N. 785.

Magnis se meritis Ecclesiæ commendat, *vir*, non solum, ut ipsum appellavit Urbanus IV. *Angelicus*, sed revera Zelo fidei & integritatis Apostolicus, B. Guido S. R. E. Cardinalis Sancti Laurentij in Lucina, labore atque industria indefessus, qui sub hunc annum à Clemente IV. in Daniam, Sueciam, Norvegiam, Saxoniam, & universam etiam Germaniam, Legatus à Latere designatus hoc & sequenti anno, plurimos pro Ecclesiâ labores exantlavit; &

provincias & regna amplissima immortaliter demeruit; neque offeratos sceleris Reges veritus, Regem Daniæ & Reginam, Anathematis fulmine percussit, magnis vitæ exemplis, sed & à verbi, & facundi oris potentia commendatus. *Angel. Manriq. Lib. de Orig. Danorum, Jongelin. &c.*

Admiranda vitæ sanctitate, mirè exsplendescit B. Haseka reclusa prope Monasterium Sichenense, DEI paræcultrix egregia, magnis à Numine gratiis honorata, favoribus illustrata, cuius speciali etiam designatione, patriæ Tutelaræ ipsa concessa est, & commendata, ad quam iure merito, magnâ concives & conterranei confidentia usque hodie, pro potente apud *DEVM* suffragio recurrunt. *Ex vita, Polando, divers. rer. Belg. Script. & Menologio nostro.*

A. C. 1266.

S. P. N. 786.

CLaret præcellentissima fama; insignis Ecclesiæ columna Ioannes de Toletō S. R. E. Cardinalis Episcopus Portuensis, propter magnam vitæ sanctitatem, singularem doctrinam, & eminentem in rebus gerendis prudentiam ad tantum honorem ab Innocentio PP. presbyter, Cardin. ab Urbano exin IV. Episcopus ordinatus. Leg. Henriquez, Westmonast. Paris. &c.

Nec minori fama celebratus Bernardus Cassinensium Abbas, sacra ipse etiam purpura ab Urbano decoratus, at Carolo I. Neapolis ac Siciliæ Regi charissimus, quem & itineris comitem voluit, cum Regno Neapolitanum adiret & suorum participem nō solum sed & moderatorem consiliorum. Decusius laudibus nos plura inferius. *ex. M. Ant. Scipione.*

Nobilitat Ecclesiā sibi creditam proprio sanguine Guido noster Sarsinatenensis in Umbria (Plauti Natalibus Illustris urbs est) lectissimus Pontifex, pro immunitate Ecclesiastica impiis sese strenuè opponens, donec in proprio Episcopio, à sceleratis parricidis minutatim concisus ad cælos Martyr evolarer. Extat Clementis IV. Pont. Max. ad Philippum Archiepiscopum Ravennatem gravis ac luculenta Epistola, de tam immani facinore perpetrato, quam refert Marinus de Ebulo in Epistol. Volumin. *Vid. Abrah. Bzovius Hieronym.*

nymus, Rubeus, Jongel. &c.

A.C. 1267. S. P. N. 787.

Militarium sub sanctissima Regula nostra militantium, haud modica celebrantur incrementa, & meritum ingens de Ecclesia barbarorum libidine fortiter oppressa, & fastu humiliato, populisque diversarum nationum, & Regnorum, ingenti metu & periculo liberatis. Tantum rursus ordini nostro debent, tot gentes gratissimam, quam vitâ priorem aestimant, patriæ libertatem. *vid. Henr. Hist. & Ord. Equest. Script.*

Camaldulensium nostrorum perpetua memoria recurreret, nisi sponte excuteremus, de compedio solliciti, quod promissimus. Inter alios excellunt hoc anno defuncti BB. Parisius, Tarvisius, & Ausonius, Peregrinus ideo sic appellatus, quod B. Alexii exemplo duabus sororibus suis monialibus serviens incognitus ad mortem usque permanferit. *vid. Scardeon. Molen. Augustin. Florent. &c.*

Iterum præclarissimè meretur de Rom. & Universali Ecclesia Ven. Guido noster S. R. E. Cardinalis, Legatus à Latere ad Galliarum & Poloniae Reges & Regna, Univerſæ iam Europæ præclare gestis commendatissimus, celebratque hoc anno Viennæ Conciliū, Leges constitutionesque dignissimas pro reformatione cleri populi que sanciens, quas reperies apud Henricum Canisium *tomo. 1. Antiq. Lect.* Sed & Synodum apud Uratislaviam convocans, pro subsidio terræ Sanctæ strenuè laborat, & Jubilæi gratiam, Crucemque contra Saracenos prædicat. *Ciaccon. Jongelin. Monim. Cist. Manriq. &c.*

A.C. 1268. S. P. N. 788.

Perpetua Cavenſium à prima origine Cænobii & Congregationis merita celebranda, adeo Viris omni Sanctitate & meritorum copia locupletibus abundabat. Hoc anno rariore etiam inter Viros sanctissimos exsplenduit Sanctus Leo II. in tanto numero Sanctorum meritis ob præclare gesta, ut principe in Basilica loco ante Principem aram eius à morte Sanctissimum corpus condere-
tur. Quantum vero sub hoc Abbate & Generali profecerint Cænobitæ, & omnis Cavenſium Congregatio, ex præ-

paratione aliorum intelligas licet, quatuordecim nimirum antecessorum, ex quibus non nisi tres, iidemque eximia virtute nomen æternum meriti, inter Sanctos relati sunt, cæteri excellentissimo nomine præstantissimæ sanctitatis, perpetuo successu, magis magisque in grege Monachorum, imitationis studium accendere, ut quintusdecimus hic Generalis, repertos iam antea animos omnium præparatissimos, ad summam virtutum amplissimarum perfectionem eosdem provexerit. Et quantum à tot perfectorum Monachorum laboribus, oportet Mundo universo fructum accrevisse? *vid. Ant. de Tepest. 6. cent. 6. & Arn. Wion. &c. 19. Aug.*

Hoc ipso anno moritur Magna illa & Sanctissima Virgo Beatrix nostra, Nazarethana prope Lyram Priorissa, insignis Brabantia, imo ordinis & orbis universi decus, inter Seraphim olim dum viveret evecta, eundemque quem tunc obtinuerat locum, sibi reservari edocta, admirabili DEI favore & incomparabili beneficio, voluntate sua adeo in Divinam transfusa, ut illa ex toto spoliata se adverteret. Vidit eadem aliquando, mundum universum, ipsa in excessu mentis posita, quasi rotam sub pedibus suis subiectam, se vero quasi totahter in Domini spiritu transfusam, totamque celestem effectam; cuius, stupendo sane eventu, cor naturalem situm deferens, cum nimio sponsi amore ac desiderio effervesceret, ad guttur usque, præter omnem naturæ ordinem ac facultatem, ascendit, per multum temporis spatium illic tremens & palpitans, maxima cum eiusdem exinde debilitate, donec suo loco restitueretur. Nec se continuit ignis ille, qui intus deflagavit, quin ex oculis eiusdem prorumperet, & Sacras Deo Virgines universas mirè percelleret, salubriter autem accenderet atque excitaret, qua quidem nimia claritate impedita Beatrix, cum præsentia nō posset visu discernere, *visibilia tamen & invisibilia, corporalia & spiritualia mirè penetrabat.* Cuius sacrum corpus initio mortuum Belgicorum creditur Angelicis manibus translatus. *Ioan. de Asygnies in vita, Arnol-
dus de Rayſſe Aub. Miraus,
Chrysostom. Henri-
quez. &c.*

A. C. 1269.

S. P. N. 789.

Memorabilis hic annus, solemnissima Sanctorum atque Beatorum celeberrimi Monasterii in Clare-Valle Abbatum, Monachorum, Novitiorum & Conversorum translatione, quorum supra nongenta sacra corpora tunc elevata sunt, & magno cum Religiosorum plausu, non sine maximo sensu & motu animorum, in novum ad id ipsum, apparatum sacellum transportata. *Ex Menol. Henric. & monim. Clar. Vall.* Clarent multi præstanti eruditione, & magnis meritis ex ordine nostro Episcopi: David Maccarvillius Casseliensis in Hibernia Archiepiscopus, qui hoc ipso anno, in suo quod ipse fundaverat Ruper Casheleni Cænobio Monasticen complexus est. *Ex lib. de Provisione Prælat. Jongel. &c.*

A. C. 1270.

S. P. N. 790.

Ingense ex ordine nostro, Episcoporum & Archipræsulum copia, quorum omnium, multis, singillatim essent merita recensenda & explicanda. Inter alios qui sponte occurrerunt, excellere: Odo Archiepiscopus Rotomagensis ex Abbate S. Dionysii Parisiensis, vir doctus & eruditus & Ecclesiæ negotiis aptissimus, nisi gaudium, quod de eius creatione omnes conceperant, paulo post morte abruptisset: Robertus ex Monacho Dunelmensi Archiepiscopus Lindisfarnen. Præsul longe meritisissimus: Gulielmus de Ponteise ex Abbate Cluniacensi, Episcopus Agennensis, Ioan. Episcopus Tornacensis, dein Leodiensis, ex Monacho Stabulensi, Ioannes alius Episcopus Wintoniensis & plurimi alii, summis honoribus dignissimi, suis non solum Ecclesiis, verum Regnis & Provinciis utilissimi, de quibus legendi Episcopatuum Chron. Cl. Rob. Ioan. Buzelinus, Chenu, Chron. Cluniac. Wion, Demochares &c. Minime prætereundus Fennandus Lippiæ Dynasta; is relicto sæculo primum factus est Monachus Mariæfeldensis, dein Abbas, postremo cum desiderio pro Christo peregrinandi tangeretur creatus Episcopus Lealhenensis, à proprio filio Othone Traiectensium Pontifice consecratus est, qui inde factus est parentis sui parens. Et paulo post ipse pater, cum eodem filio, alium filium

Gerardum Archiepiscopum Bremensem consecrarunt. Ita Religiosus pater, religiosos filios in Christo enutrens, familiæ suæ pro testamento, religionem reliquit, non sanguinem. vid. *Reuserus, Henning, Cranzius.*

A. C. 1271.

S. P. N. 791.

Inastimabile pene est, quantus in sola Cisterciensium amplissima congregatione, virorum genere, doctrinâ, sanctitate illustrium numerus, & quantum ipsi, hoc ipso quoque tempore, Ornametum Ecclesiæ addiderint, bonumque universi promoverint. Unus omnium vice sit, venerabilis Arnulphus Sanctissimi illius Cænobii Villariensis Abbas in quo uno, monachis quadringentis, eximio vitæ rigore, se pro peccatis Mundi affligentibus, quantum inde accreverit meriti Ecclesiæ thesauro, æquo bonorum iudicio relinquimus. *Ex Henric. l. 2. d. 25.* Claret Ivo de Poiseu Abbas, Cluniaci quem Girardus de Arverniam vocat Angelum incarnatum, plenum misericordiæ liberatissimum & in consiliis prudentem.

Moritur hoc anno Philippus Abbas Clare-Vallis, pertinacissimus disciplinæ Monachicæ assertor, qui à Roman. Pont. renunciatus Macloviensium Episcopus, nullo modo ut admitteret eum honorem persuaderi potuit, id unum rogans, ut in licentiam, quandam declinans Ordo reformaretur. *Ang. Manriq. &c.*

A. C. 1272.

S. P. N. 792.

Moritur Bernardus, Primus hoc nomine Abbas Cassinensis, & S. R. E. Cardinalis, Ecclesiæ Universæ bono & commodis se totum impendens duabus gravissimi momenti, ac difficultatis Legationibus in Gallias una, altera Constantinopolim, perfunctus, & mitentis summi Pontificis desiderio, & rerum quas tractandas susceperat magnitudini, abunde satisfecit. Xenedochium per amplum, assignatis facultatibus & ampla munerum largitione construxit Ecclesiam item, in D. Germani oppido, Patribus Dominicanis concessit (ut nihil dicamus quam liberales toto passim orbe nostris, in Patres Domin. & Francisc. fuerint, plurimos iisdem convectus erigendo, ope & facultatibus perpetuo juvando &c.) ingenii etiam non pauca monimenta reliquit & ordinis Univer-

si bono maximo, Cassinensium antiquum splendorem & Religionem, felicissimo successu suscitavit. M. Anton. Scipio. &c.

Mortalitatem exuit magnus revera atque Eminentissimus meritis & vitæ integritate Beatæ memoriæ Guido Cardinalis, postquam Roman. Ecclesiæ novem annos, perpetuis ferè in Legationibus, absque ulla pompa atque ostentatione, sed laboribus & industria maximis, in paupertate spiritus, Sancto vitæ exemplo, sese mirificè commendasset, Germaniam, Galliam, Daniam, Sueciam, Norvegiam, Poloniam immortaliter demeruisse; immortalis denique tam gloriosis functionibus, cum iussu Gregorii X. Concilio Generali Lugdunensi interesset. *Alphonf. Ciacon. Ericus de Origin. Daniel. Jongelinus. &c.*

A. C. 1273. S. P. N. 793.

Alterum Eminentissimi Purpuratorum Ecclesiæ Patrum lumen hoc anno, non minus, illo de quo superiore anno diximus, illustre exinguitur Ottho de Castro Rudolphi, sive Odo Episcopus Cardinalis Tusculanus, Apostolico Zelo & spiritu vir, totus, neglecta corporis & sæculi cura, in lucra animarum effusus, Sanct. Ludovici Galliarum Regis amicissimus, & ut ipse est fassus: *Secundum coreius.* Expeditionis sacræ concitator religiosissimus, in quam se etiam ipsum totum expendit, cum eodem Rege in Palæstinam profectus, totarium ingens Regis, & exercitus Christiani. *De cuius meritis, vide Salimb. S. Antonin. Jongel. Manriq. Henriq. &c.*

A. C. 1274. S. P. N. 794.

Inexplicabile rursum de Ecclesiæ Vniversa meritum, Sanctissimi Petri de Morono, Monachi & Abbatis S. Petri Maiellensis; qui hoc ipso anno, augendæ Religionis cupidus, cum ipse S. P. N. BENEDICTI familiam, novo aliquo instituto exornare cogitaret, novam Congregationem instituit, quæ exin ab ipso met, Romano demum Pontifice confirmata Cælestina appellata admirandis incrementis, & fructu atq; utilitate in Ecclesiâ effloruit. *Gene-*

brardus, Azonius, Gualter Walsingham, Westmonast. &c.

Moritur eodem anno Ioannes de Toletio, Sacræ Roman. Ecclesiæ Cardinalis de quo superius, fitque Archiepiscopus Lugdunensis Aymarius de Rosyllon, Monachus Cluniacensis, ipsoque anno creatur ab ipso summo Pontifice, & Concilii Lugdunensis Patribus Episcopus Leodiensis Ioannes de Enghien, ex Monacho Stabulensi Tornacensis Episcopus, ut videas quanti meriti fuerit, quem ipse per Concilii Patres Spiritus Sanctus tanto culmini aptissimum iudicavit. *Democh. Claud. Adbertus, Wion. &c.*

A. C. 1275. S. P. N. 795.

Luctum ex morte tantorum Principum, Ordinis & Ecclesiæ solatur Gregorius Papa, promotus ad honorem eundem Theobaldo de Ceccano Taracineni Comite, Fossæ Novæ in Galliis Abbate, cuius Benedictina Hospitalitas, magnum nuper hospitem meruerat, illum Candidissimi atque Illustrissimi PP. Prædicatorum solem S. Thomam Aquinatem, qui uti apud Cassinates nostros & Landolphum Abbatem patrum suum, primum educatus est, ita & apud nostros in Czarnobio Fossæ Novæ mortuus, in Theobaldi nostri, fessum magnis pro Dei Ecclesiâ laboribus caput & spiritum deposuit; ut minime dubites, de eodem Spiritu, hospitii mercedem Theobaldum meruisse. *Marc. Ant. Scipio, Caiet. &c.*

Moritur eodem anno B. Margaritha Comitissa Brienii, Theodorici de Bevere coniux, regio Cypri Regum genere oriunda monialis Flinensis. Clarent & illustrent Ecclesiâ multi ex ordine eximia vitæ Sanctitate, de quibus fufius in Menol. nost. Bened.

A. C. 1276. S. P. N. 796.

Illustri contempti fastus, & Regni exemplo, prodest Principibus & nobilibus sequitur ætatis, Iacobus Arragonum Rex, cucullo hoc anno diadema & purpura permutans. Ita gloriosi in Imperio gesta, multo feliciore fine coronans. De reliqua Principum ac magnatum multitudine, hoc ipso anno & tempore, sub cucullo securè degente, supervacaneum recensere, cū in sola Germania ex Augiensi, Sangallensi, Ful-

denſi, Einſidlenſi Cœnobiis, totę cohortes, produci poſſent, quibus omnibus, cucullum ſalutis quaſi teſſera fuit; certe fuiſſe debuit, vid. Marineus, Mariana &c.

Iacobus Aragonum Rex à felici rerum contra Saracenos ſucceſſu, cognomento *Expugnator*, quanti noſtros faceret, inſigni hoc anno argumento prodidit. Cum enim diu Regno quam utiliſſime, virorum ex ordine Sanctorum uſus conſilio, & precibus ſuffultus, preſtitiffet, & trigieſies cum hoſtibus Crucis feliciffime confliffet; templa autem & Cœnobia (res admiratione digniſſima) ad duo millia ſtruxiffet, Ordinem de Mercede B. M. V. inſtituiſſet, regna integra Eccleſię adiunxiſſet, nulli toto orbe Regum Secundus habitus, ultimam de ſeipſo reportans victoriam, Petro filio ſponte Regnum cedens, & ſeipſum Populeto Abbati tradens, Monachum profeſſus, cucullum amplexus, certus ad Populeto deinceps vitam omnem exigere, dum eo ferrur, aggravata ex itinere febris moritur; aſſiſtentibus Monachis, quos dudum ſibi in fratres cooptaverat. Corpus Populeto delatum, duplici titulo, & Regis & Monachi, inter utroſque accepit ſepulturam &c. *Ang. Manriq. Barn. de Mont. &c.*

Moritur eodem anno inſigne illud Abbatum ſpeculum B. Arnulphus Villarienſis; cuius præter vitę ſanctioris digniſſima exempla, vox illa digna æternitate, cum oeconomi ſubinde iurata paupertatis in affluentia reddituum minus meminiffent: *Scitote, inquit, Fratres; meipſum, à quo dependet potiffime diſpenſatio rerum temporalium; non poſſe conferre panem unum, niſi pro utilitate Monafterii, vel pro indigentia pauperum, quorum bona ſunt &c.* Ut oftenderet, non minus ad curatam teneri paupertatem, locupletiffimorum Cœnobiolorum Aſcetas, quam Religioſos Mendicantes, ut quibus tanti redditus non alio ſint ſine aſſignati & permiſſi, quam, pro ſola inde ſumptę neceſſitate, ad augmentum ordinis, pro ſuſceptione Hoſpitum, pauperum, & peregrinorum; quod egregie Sanctiſſimus iſte Abbas ſuis inculcavit. *Ex vita per Mon. Villar. Henriq. &c.*

Neque minus Epicoſus exemplo, quam Arnulphus Abbatibus & Mona-

chis, ſub hoc ipſum tempus Beatę memorię Adam ex Abbate Carolilocenſi Sylvanectenſium Pontifex, inſigniter enituit; Divi Guilhelmi, Bituricenſium ex Abbate Archiepiſcopi, ſuę demum Sedis Tutelar, lectiſſimus diſcipulus, qui talentum minime abſcondens, irrequieto ſtudio totus in dũcra animarum ſe expendit, digno elogio à Seguino honoratus: *Vitam, prædicando, docendo, ſcribendo exegiffe.*

A. C. 1277.

S. P. N. 797.

Magna Sanctitatis opinione, non tam populis, quam Gallia Epicoſis, mirę præluce Robertus ex Monacho Chalifienſi, Sylvanectenſis hoc ipſo anno poſt Adamum electus Epicoſus, Eccleſia illa, ſimile Adami exemplar à noſtris repetente, quale ſe revera Robertus exhibuit, *vir, ut ait Seguinus, maximę humilitatis, & Converſationis Sanctiſſima, qui Pontificium munus, quam diu vixit, moribus & ſcientia, magnificę legitur adornaffe &c. Claud. Rob. Jongel. Ioan. Chenu. &c.*

Familias Italię Illuſtres, egregia vitę Sanctitate plurimum ornat B. Paulinus noſter, ę familia Comitum Bigazzini di Chiomeſi de Collalto, Sanct. Sylveſtri noſtri illuſtriſſimus diſcipulus Monachus in Cœnobia SS. Marci & Lucię à Comite Vgolino cognato condito profeſſus, magnis in vita & poſt mortem miraculis clarus, de quo fuſius in Menologio noſtro Bened. & apud Lud. Iacobillum. &c.

Ipo anno ſuper candelabrum exponitur Ven. memorię Ioannes noſter Bitectenſis in Regno Neapolitano ſub Archiepiſcopo Barenſi, renunciatus Pontifex Monachus Sacrę noſtrę familię Cisterciensis. &c. *Jongelinus, & tabula eiusdem Eccleſiæ.*

A. C. 1278.

S. P. N. 798.

MEc minore orbis utilitate Eccleſiæ ornameto, fœmineum etiam fragiliorem ſexum fovit & protexit cucullum, quo ornata etiam Heroibus fortiſſimis feliciores, inferos in pugnam provocare auſę feliciffime debellarunt. Solum Gandusheimenſe Cœnobium, quot Principes ę poteſtate ſæculi vindicarit incredibile proſum eſt, ut de ſexcentis hoc ipſo tempore ſileamus

mus. Sane eodem hoc anno Euphemia Rudolphi I. Imp. filia in Tulnenſi Cznobio, institutum noſtrum quondam complexa, ſervitio Chriſti nobilior multo quam ſummo Imperio, poſt longos labores, ad præmia æternitatis feliciter evolavit. *vid. Panvinus Rom. Prin. l. 3. Genealog. Rom. &c.*

A. C. 1279.

S. P. N. 799.

Illuſtre Mariani nominis & amoris Monumentum condit B. Magarita à Regibus Cypri oriunda, Flandriæ comitiſſa, Monasterium B. M. V. Flinense, in quo generoso pomparum sæculi contemptu cucullum amplectitur, & cælorum Auguſtæ emancipatiſſimam ſe famulam devover, magna opinione Sanctitatis, familiæ Regiæ, & Flandriæ univerſæ, ingens facta ornamentum. *Ex div. rer. Belg. ſcript.*

In Hybernia noſtri ſe plurimum commendant, & ſtrenuè laborant, è quibus hoc anno Derenſis ſive Derrienſis, in Comitatu Tyrconnelliæ ſub Archiepiſcopatu Armachano Pontifex eligitur. Nicolaus Cuſack, de quo Annal. Hib. conſulantur. In Italia claret Theobaldus noſter Cervienſis ſub Archiepiſcopo Ravennate Epicoſus, in Anglia Wilhelmus Eboracenſis Archipræſul, & Ioannes Abbas Burienſis, qui egregia Annalium Regni ſcriptione, omnem demeritus eſt poſteritatem. *Ex lib. de provis. Prælat. Edoardo Maihevu, longelino &c.*

A. C. 1280.

S. P. N. 800.

Claret admiranda ſane æternis ſæculis ſanctitate Diviniſſima Virgo Gertrudis noſtra, generoſa Baronum ſtirpe propagata à prima ætate Rodarſlesdorffenſis Cznobii Monialis, ac denique Abbatiffa, quæ eximie Sanctitatis perfectione, Deo & Cælitibus familiariffime coniuncta, & cæleſtibus revelationibus aſſueta, ex inſtinctu ſpiritus Sancti, à quo fuerat edocta magno Eccleſiæ fructu, piarumque mentium ſalute, & conſolatione, compoſuit nonnullos libros, qui Latinitate donati ſunt à F. Ioanne Landſpergio, ſimul exercitijs ſpiritualibus eiudem. Sunt vero Inſinuationum ſpiritualium Libri quinque, & liber exercitiorum ſpiritualium eiudem unus. *Sed de Gertrude ſapins vid. Gualt. VVion. Stengel. Bloſius. &c.*

A. C. 1281.

S. P. N. 801.

Carolum primm Siciliæ & Neapolis Regem, grandi & inaudita plane ultione DEVS, & Sanctiſſimus Patriarcha noſter Benedictus perſequuntur, cum Caſſinates, propagandæ potestatis Regiæ inſana ambitione, rerum Capitalium foro, grandi cum iniuria exuiſſet: meritas quippe ſanctiſſimi Patris BENEDICTI contemptus tam inſignis pœnas quam primum defendit (mirum) nam quo die, Caſſinates ſuis exiit iuribus, ac privilegijs: eodem ipſe (ſcleris ſupplicium expoſcente Numine) Siciliæ Regno ſpoliatus eſt: Gallorum quotquor tota Sicilia degebant, condito inter Sculos Veſperarû ſigno (inde vulgato illi Sculorum Veſperæ, origo) omnibus miſerrimè contrucidatis. Cuius atrociffimæ cladis cauſam, illatæ potiſſimum Caſſinatibus Monachis à Carolo iniuriæ, diſerte attribuit Urbanus V. ſummus Pontifex, datis hæc ſuper re Neapolin ad Ioannam Reginam codicillis. Tam ſevere ulciſcitur DEVS in noſtrum ordinem contumelioſos, benigne annuens Benedicto ſuorum cauſam ac deſenſionem ſtudioſiſſimè commendanti. *Ex Marco Antonio Scipione. &c.*

A. C. 1282.

S. P. N. 802.

Moritur eximium noſtri ordinis decus B. Torellus, quem nequidquam de noſtrorum numero detractum nonnullos velle, aliquando demonſtrabimus atq; iuxta oſtendemus, quam minimè vanum ſit noſtros ſubinde, pro unius de congregatione ſubtractione tam ſtrenue ſe opponere. *Phill. Ferrar. VVion. Aliique. &c.*

A. C. 1283.

S. P. N. 803.

Illuſtriſſima Vitæ Sanctitate Romæ illuſceſcit Beatus Ioannes, cognomento Raynutius Tudertinus S. Pauli ad urbem Monachus, magnum, ob egregiam in pauperes charitatem, Ioannes Eleemoſynarii alterius nomen conſequutus, qui, ut patria quoque illuceret, Tudertum miſſus, Tudertinos multo nomine demeruit, cum illic Sacris Deo Virginitibus in Monasterio S. Margaritæ præſeſſet, quo multas Sanctorum Reliquias intulit, & Tudertum beavit, ipſe magnus & dum

& dum viveret, & post mortem thesaurus, tanto habitus in pretio, ut supra maius altare conderetur. *Lud. Iacobillus, Monim. Eccl. Tudert.*

Biturigibus strenuè consulit, ex Monacho Cænobii Charitatis, plenus charitate Archiepiscopus, Simon de Bello-Locho, reapse, uti nomine Primas Galliarum; quem magnus & dignissimus Encomiastes Martinus Papa, in Chartulario Bituricensi, vocat: *Virum, magnis Scientiarum dotibus preditum, conversatione laudabilem, honestate decorum, morum elegantia redimitum, variisque gratis & virtutibus insignitum, vid. Claudest. Rob. Gall. Christ. Ioan. Chenu. Iongel. Henrig. &c.*

A. C. 1284.

S. P. N. 804.

IN celum evolat B. Torphinus noster Hamariensis Episcopus, qui cum Ecclesiastica iura, Zelo Domini inflammatus nullam Principum formidans potentiam, contra infractores & contemptores (verba Henricus est) Sacrae & Ecclesiasticæ libertatis defenderet, multas hac de causa tribulationes perpeffus, tandem Ecclesiam, & Patriam deferere compulsus, in Cænobio Dunstano, vitæ reliquum sanctissime transigens, ostendit posteritati omni, quam constanter se nostri pro iuribus Ecclesiæ opponerent, quamque æquo animo, honoribus summis carerent & renunciarent. *vid. Henrig. l. 2. Dist. 10. cap. 5.*

Ipso anno è nostris rursus expetit, accipitque Archipræsulem Ecclesia Lugdunensis Rodolphum de Toretta, de quo consule. *Lugdunens. Episcoporum & gest. Chronol. &c.*

A. C. 1285.

S. P. N. 805.

ARchipræsulatu Eboracensi sponte se abdicans Guilielmus Wickvane Pontiniaci Monachum induit, factus spectaculum & miraculum sui sæculi Pontificum, magnis à Numine miraculis illustratus. *Polyd. Virg. Harpsfeld. Pitseus &c. Iongel. &c.*

Ipso anno, illa olim privatim, religiosissimo cultu adamata, in Cænobio S. Lamberti illustrissimo, DEI parentis Cellensis imago, dum magnis illustrata miraculis, Austriam non minus & Moravias atque Styriam percellit, insigni condita basilica ab Henrico Marchione Moraviæ eiusque coniuge Agnete

honoratur, cum uterque ex desperato morbo, eademque Cellæ colitur matrefamilias, invitante & sanante, prodigiosè convalesceret. Ostendit deinceps usque hodie inter nostros sese (ut plurimis tota Europa Cænobiis nostris) signis & beneficiis admirabilem, magnò undique confluentium concursu & fructu; pœnitentium imprimis, quorum in hanc usque diem tot millia, expositi illic, in amplexus occurrentium, Patres nostri, offenso Numini per Sacramentum pœnitentiæ, & sacra monita, reconciliarunt. Tantum thesaurum Monacho uni debet, allatum, & conservatum sibi Styria atque Austria, quo non habet, post DEVM ipsum pretiosior rem, ut dolendum maxime sit, Ascetæ tam benè de Divæ ejusque cultoribus meriti, de industria procul dubio ejusdem, non repetiri; etsi in sinu ipse Domina suæ requiescat. *Ex Hist. Cellens. &c.*

Immortalibus iungitur eodem anno B. Philippus ex Illustrissimo Antignani Comite, Monachus humillimus Fontis Avellanæ, egregium Illustrissimorum Italiæ virorum exemplar, & Nobilitatis in tanto sui contemptu ornamētum, qui pro insigni vitæ dignitate è Cænobio extractus, ad Nuceriensem Cathedrali Episcopali maiestati, magnum pondus Sanctitatis exemplo addidit.

Sepultus in sua quam condidit S. Agnetis Ecclesia, quæ deinceps, magna meritorum eius commendatione, ab ipso etiam BB. Philippi & Agnetis, appellata est. *Ex Monim. Nucer. Ludovic. Iacobillo. &c.*

A. C. 1286.

P. P. N. 806.

QVanto potius regno & gloria omni sæculi huius, Religiosum sub Regula S. P. N. BENEDICTI institutum esset, pulcherrimo exemplo ostendit, hoc ipso anno Heleohora Henrici III. Angliæ Regis uxor, quæ aliquot à morte mariti annis, cum esset regis uxor, & Regis Mater, tamquam generosa virago, sprete sæculi pompa, apud Ambresburiam die translationis S. Thomæ, habitum Religionis diu desideratum suscepit, & ibidem aliquot ad mortem usque annis vitam religiosissime tra-

duxit, *Thom. VValsing. Matt.*

VVestmon.

A.C. 1287. S.P.N. 807.

Meretur etiam à morte, immortalis beneficio, de patria sua B. Ioanna nostra Monialis S. Lucie in suburbio Balnei sanctissimæ familiæ nostræ Camaldulensis gemma pretiosissima, ad cuius potens apud Numen patrocini-um, cum Balneenses, invalescente nimium pestilentilue, magna confidentia confugissent, & Tutelarem, propitiam experti essent, insigni hoc anno solemnitatem, sacri eius corporis Elevationem curarunt, factam per Iacobum Castellanum, & Guglielmum Aretinum, Episcopos, & grati animi illustre condentes monumentum, splendido Ioannam Sacello & Sarcophago intulerunt, hæc notato inscriptione.

Divæ Ioanna, ob patriam à peste vendicatam

Oppidani, urnam hanc erexerunt, & huc translata iacet.

Cuius sepulchro Petrus Delphinus Generalis Camaldulensium perpetuus ultimus, & ipse celebris opinione Sanctitatis, carmen hoc apposuit:

Virga beata iacet tumulo hoc præstansq; Ioanna.

In corona vero Sacelli legitur.

Pro gratitudine beneficii, Beata Ioanna dicata.

Quo beneficio, vicinos quoque mirificè accendit virgo lectissima, & in spem magnam erexit, auxilii in tempore opportuno. *Augustin. Florent. Arn. Duac. &c.*

E viris Illustribus ordinis effulget Bonaventura Ceensis Episcopus, qui pro libertate Ecclesiæ impijs se opponens, Sede & patria pulsus, benè usus exilio in Claravalle complexus cucullum, cælestem in terris vitam egit, cuius laudes inculto quidem, attamen digno relatione Epitaphio, viri eiusdem loci religiosissimi, sic celebrarunt:

Hic Bonaventura fama nunquam mortura

Dignus commoritur, subque hoc tumulo sepelitur.

Lombardus genere, calis fuit incola verè Et pura mente vixit Deitate favente

Nam se nostrorum rexit norma Monachorum,

Ceensis Præsul, propria de sede fit exul Obfidei scutum &c.

Sed de viris Illustribus eruditione

consulendus Trith. Ed. Maihev; Placidus Rom. Caiet. &c.

A.C. 1288.

S.P.N. 808.

Sola sufficiens ordini nostro, non unius, sed sæculorum omnium decus, Beatissima virgo Gertrudis nostra, eâ hoc ipso tempore, excelluit sanctitate, ut Christus ipse Dominus testaretur, chariorem in mundo animam se non habere, quamvis hoc ipso tempore sanctitate complures etiam in ordine nostro, & ipsa in primis admirabilis illa Mechtildis, huius ipsius Gertrudis soror mirandum in modum excelleret, ita Beata memoriæ egregius ille Abbas Bloisus: Dominus præclara quinque vulnerum suorum stigmata cordi eius sensibiliter impressit, & tam amænam habitationem sibi in ea præparavit, tamque suaviter cor suum erga eam apposuit, ut nisi homines scirent, potentiam & bonitatem eiusdem esse interminam, vix credere possent illum, tantam amicitie familiaritatem præcellentissimæ Matri suæ demonstrasse in terris, quantam isti demonstravit. Hinc ipse Dominus Iesus, de ea adhuc vivente loquens cuidam Sanctæ personæ dixit. Quum nemo hodie vivat, qui per puram intentionem, bonamque voluntatem, & veram fidelitatem, mihi viciniorem, atque coniunctiorem sit, quam illa, ego quoque ad nullam animam in carne degentem, maiori fervore inclinor, quam ad animam illius, unde & nusquam (ô gratiam) convenientius invenire me potes, quam in Sacramento altaris, ac deinde in corde & anima huius sponsæ meæ. Rursum alteri cuidam Dominus: Ego totus sum illius, & eam per amorem, inseparabiliter mihi uni- vi, sicut argentum & aurum per ignem in unum metallum conflantur. Et iterum: Ipsa, inquit, est cunctis cæli civibus dulcissima Harmonia &c. Ut videas quàm de ipsis etiam cæli civibus, in mortali etiamnum degentes corpore, & Sanctimonialium etiam, minimè otiosum otium mererentur. *vid. Ludov. Bloisus. & Insinuat Div. piet.*

A.C. 1289.

S.P.N. 809.


Hoc anno jubente Deo ipso libros Insinuationum Divinæ pietatis orditur eadem magna Gertrudis nostra, bono

bono æterno seculorum omnium & pio affectu legentium, & evolventium; De quorum utilitate ita Dominus ipse ad Gertrudem, si quis inquit devotus desiderio spiritualis profectus in hoc legere voluerit libro, hunc adeo mihi attraham, adeoque me illi coniungam, ut non aliter quam inter manus meas hanc sibi legere videatur, addiditque ubi duo in eadem simul paginâ legerint libri, alter alterius flatum sentiat necesse est, hoc modo, & ego devotionis studio, ex hoc libro legentis, spiritum, desideriaque traham in me; quo fiat, ut pietatis meę viscera moveantur super illum: atque rursus divinitatis meę tantum eidem inspirabo afflatum, ut interior eius homo, spiritu meo renovetur. Quo vero ex hoc libro, pari studio animoque, quædam exscripserit, & quoties id fecerit, totidem illi immittam amoris sagittas, quæ castissimas suavissimasque in anima eius divinitatis meę pariant delectationes. Audi & fructum lectionis alium, quem æternum Gertrudi nostræ debet, sibi relictum, posterorum ætas, & posteritas omnis: Divinitatis meę virtute, ait Dominus hac largior, ut quisquis in hoc libro, ad laudem meam, recta intentione, devotione humili, atque gratitudine piâ, propterea quod incipiat ædificari, legerit & venialium obtineat peccatorum remissionem & spiritualis consolationis assequatur gratiam, & ad gratiam meam idoneus reddatur uberiores. *vid. lib. In sm. Div. piet.*

A. C. 1290.

S. P. N. 810.

Grandibus incrementis proficit Sanctissimus Ordo, à S. Petro nostro de Morono institutus ipso Petro intra brevissimum tempus sex & triginta Monasteria exædificante. Quot vero exemplo sane æternis sæculis admirando, rigoris & perfectionis Monasticæ, toto orbe cognitissimus, à via pravitatis, ad rectam virtutis semitam reduxerit, vitæ eiusdem scriptor ait nullis verbis explicari posse, ut suo modo Petrus, dein Cælestinum inter præcipuos orbis & ordinis Apostolos, merito numeremus. videat. vitæ Auctor, apud Surium Lippellinum &c.



A. C. 1291.

S. P. N. 811.

Dum Sanctus Petrus noster de Morono familiam à se recens conditam strenue curat & dilatat, eidem accensetur S. Robertus Salentinus, qui mox è cucullo, *pietate & miraculis tanquam celeste iubar enituit*, multos exemplo suo Christo lucratus, de patria præclare meruit, fama miraculorum eius, omnes attonitos reddente, è quibus insigne illud, cum quendam sine confessione mortuum vitæ restituit, donec illa ritè expiatus denuo moreretur. Is à puero, ob Sanctitatem, vulgo *Sanctutius*, neque aliter deinceps ab ipso Sancto Fundatore appellatus est. *Ioan. à Bosco, Bibl. Floriacens. Hugo Menardus &c.*

A. C. 1292.

S. P. N. 812.

Coruscet divini plane fulgoris radiis sanctissima Mechtildis nostra admirabilis Gertrudis nostræ soror, non carne tantum sed & spiritu & in eodem Cénobio, professione & convictu, quæ ab infantia Domino consecrata, & spiritus, qui sororem suam repleverat particeps effecta, à quo edocta & familiari amicitia Sponso suo cælesti unita, divinisque revelationibus clara, librum edidit suarum revelationum, spiritualis gratiæ divinæ dulcedinis musto abunde plenum. *vid. Landspergius & Blossius. &c.*

A. C. 1293.

S. P. N. 813.

Demeretur insigniter Seraphici Patris sacratissimum Ordinem Beata Sancia nostra sancij Portugalliæ Regis filia, soror Alphonsi, Monialis postea Cellensis, Sacræ Cisterciensis familiæ nostræ, vere regium exemplar sanctitatis, quæ prima illum Regno introduxit, Regibus & populo commendavit, materna sollicitudine fovit, & religiosissime coluit, & promovit, quos deinceps alij quoque nostri Religiosissimi quivis Abbates, amantissime complexi, cum instruendis Cénobijs, tum eleemosynis & vitæ necessariis subministrandis, liberalissime juverunt, & recrearunt, eo ipso de Ecclesia bene meriti, in cuius ad eo Sanctis, & nunquam satis celebrandis & colendis, laboratoribus, bonum publicum strenue promoverunt, immortalesque non minus, quam mortales,

les, beneficentiam hanc comprobantes, sibi obstrinxerunt. *Ang. Manr. Barn. de Mont. Ant. Vasc. Menol. nost. &c.*

Moritur hoc anno, non sine opinione Sanctitatis Ven. Theobaldus Cistercij Abbas, totius amplissimæ illius cælo familiæ Generalis, cui succedit Robertus sequenti mox anno, ob insignia merita, è candidatorum nostrorū albo, inter Purpuratos Patres adscriptus. sub quo floruit magnus ille Alanus, Doctor Vniuersalis, pro admirabili eruditione apellatus, cuius laudes & merita, quia referte ad annos certos non licuit, hic obiter placuit delibare: Fuit is cognominatus de Insulis, vir omnium scientiarum genere clarus, humanis sacrisque litteris, nulli suo tempore secundus, Theologus insignis, Philosophus & Poëta celeberrimus. Præfuit longo tempore summa cum omnium admiratione Scholis Parisiensibus, repente ex Magistro & Doctore factus humillimus omnium discipulus, ita se ipsum annihilans, ut naspiam deinceps, Tantus ille Alanus appareret. Propositurus discipulis difficillimam ac profundissimam de Mysterio Sanctissimæ Trinitatis quæstionem, cum die indicta, magna animos omnium expectatione suspendisset, pridie ad ripam fluminis deambulans, pari prodigio, quo magnus Aurelius Augustinus olim, nequid nimis auderet, admonitus est, puerum cælitus oblatum contuitus, qui fluvium scrobi ad id factæ inferre non tam laboraret, quam doctior Alano, simularet. Quem cum, affatus per humaniter Alanus: *Et quando speraret exhaurire fluvium? sciscitaretur; Citius fecero, respondit puer, quam tu tuum de Trinitate propositum expleveris.* Obstupuit dicto hoc Alanus, & sequenti mane in frequentia Vniuersitatis conscensa Cathedra, in hoc unum prorumpens: *Sufficiat Alanum conspexisse, cum dicto inde se proripiens, quanta poterat dissimulatione, clanculum se se Cistercium subduxit, nec tam simulans simplicitatem, quam simplicissimus, nec tam in alienis oculis, quam suis met factus, fratribus Conversis accenseri rogavit & impetravit, pastorque ovium factus, oves Cænobij multo tempore ad pascua duxit, donec in servitio semel Abbatibus Romam ad Concilium Generale*

pergentis, ipsum comitatus, mira Numinis voluntate, universis innotuit, & Sanctæ Matri Ecclesiæ insigni merito se commendavit. Dignares, quæ etsi simplici descripta stylo ex Matthiæ Bonhomio audiat: *Tunc Abbas, (Cistercij) pergens Romam, duxit secum Alanum. Adventante die disputationis (quo cum versutissimi ingenii Hæresiarcha in pleno Patrum confessu disputandum erat) Abbas voluit intrare locum disputationis, cum quo Alanus voluit intrare. Cui Abbas dixit: Vade ad hospitium. & pensa de equis, quia locum istum non posses intrare, propter Custodes & Clientes hic existentes. qui non sinunt intrare nisi Prælatos, & magnos Clericos, & posses verberari. Cui Alanus dixit: volo verberari ut intrem, & supponens se cappa seu chlamydi sui Magistri, intravit dictum locum. & ipse sedens ad pedes sui Magistri, audivit disputationem, Hæretici vero proponentes quæstionem superaverunt & vicerunt. Quod videns Alanus, exivit latebras, dicens Magistro suo: Iube domne benedicere. Et Abbas stupefactus, dixit Alano: Sile miser; quid vis facere? Tunc Alanus, iteravit dicens, ut prius; Iube Domne benedicere, usque ad tertiam vicem. Quod videns Papa, permisit eum arguere. Et Alanus recitans quæstiones, per dictos Hæreticos, motas, arguit, & confudit illos. Quod videns Hæreticus, confusus dixit: Tu es Diabolus, aut Alanus. Cui Alanus: Non sum Diabolus, sed Alanus &c. Ita Bonhomius. Quanto autem hoc plausu, quanto fructu factum, ipse æstimes velim. Neque hoc solo contentus deinceps tantus Doctor, Scriptis, magnis magni ingenii monumentis, plurimis contra eosdem, & posteræ etiam ætatis, Hæreticos libris, Atheorum, Sacramentariorum, Albigenium, Waldensium, aliorumque plurium dogmata, felicissime confutavit. Sed & Iudæorum errores & deliria confudit & protrivit, & pro variis sibi oblatis dignitatibus, quas constantissime respuit, id unum petivit gratiæ, ut bini sibi Clerici amanuenses adiungerentur, quibus profunda animi sensa dictaret, sententias Alano dignas, de Hæresibus & inferis, perpetuo triumphaturas.*

Ipsi à morte, quæ sequenti anno immortalitatem eidem conduxit, dignum Alano positum est Epitaphium.

Ala-

*Alanum brevis hora, brevitumulo se-
pelivit
Qui duo, qui septem, qui totum scibile sci-
vit &c.*

Ang. Manrique Hartman. Schede-
lius, Ioannes Trithemius, Barnabas de
Montalbo, Aubertus Miræus. Chy-
sostomus Henriquz. Menologium &
Brev. nostr. Histor.

A.C. 1294.

P.P.N. 814.

O B eximia vitæ merita, & admiran-
dam vitæ Sanctitatem S. Petrus de
Morone Abbas Maiellanus Pontifex
Maximus renunciatur cum Cardinali-
bus in electione gravi discordia la-
borantibus, Latinus denique Ostien-
sis Episcopus, Petrum de Morone no-
minasset cæteri stupefacti illico omnes
consensissent. Cumque populus uni-
versus (verba sunt Petri de Aliaco) de
hoc eius honore lætus profliret ille in-
credibili mœrore repletus, indignum se
tanti honoris titulo clamabat. Et
quia multis obtestationibus ac lachry-
mis frustra eum à se repellere nitebatur,
spem omnem in salutari fuga, quam u-
na cum socio clam meditabatur, consti-
tuit. Verum subita populi multitudine
circumventus, cum iam evadendi
spes non esset, summum illud honoris
fastigium vi magis adactus quàm vo-
luntate adscendit &c.

Interfuisse huius Pontificis corona-
tioni plus quam ducenta hominum
millia Platina ex Ptolomæo, qui tan-
ti novitati se interfuisse fatetur, auctor
est: Divinamque præsentiam non de-
fuisse testatur Matth. Westmonasteri-
ensis in florib. Histor. ad annum 1294.
Statim enim ut contractus quidam a-
sello, quem Pontifex humilitatis causa,
in solemnè inaugurationis pompa a-
scenderat, impositus fuit, illico pedibus
ipse suis institit & incescit. Quia vero
in cælis potius quam in terris versare-
tur Cælestini nomine appellatus, in ip-
so Pontificatu, nihil à solitis studiis re-
misit, & ne quid inter quotidianos
aulæ strepitus de percepta DEI gra-
tia dependeret, in Augusto Palatio
cellam ligneam, augustumque sibi ha-
bitaculum construxit; ut inter turbas
solitarius, & inter divitias pauper libe-
rius orationi ac contemplationi vaca-
ret, quoad denique vixit in pontifica-

tu exactis quinque mensibus, nequid-
quam reclamante Carolo Rege, & Nea-
politaniis, exemplo ad eam diem inau-
dito, stupentibus Vniversis Pontificatu
Romano se abdicans adque cellula suæ
quietem se recipiens, manifeste proba-
vit, quam extra ambitionem nostri vi-
verent, quantoque cucullum summis
honoribus, in summorum honorum
apici anteferrent. Bzovius, Westmon.
Platina, &c.

A.C. 1295.

S.P.N. 815.

V Irorum ex ordine illustrium & de
Ecclesia meritissimorum ingens
numerus, ex summis post Pontificem
maximum orbis & Ecclesiæ Principibus
(ut alios sine numero prætereamus) ex-
celluere Ioannes de Cressij ex Episco-
po Meldensi Sanct. Roman. Eccl. Car-
dinalis Tit. Sanct. Marcellini & Petri,
Vicecancellarius, cuius inter alia præ-
clare gestorum in hodiernam diem ex-
tat monumentum, Collegium Parisiis
ab eo structum, & denominatum. Mo-
nachi: le Moine talia nostrorum innu-
mera penè recenserè possent præstita
posteritati beneficia. Nec minori
claret fama F. Petrus de Aquila ex
Monacho Cassinensi & Archiepisco-
po Beneventano Sanct. Rom. Eccles.
presbyter Cardin. Tit. Sanct. Marcel-
li. Sanct. Sabinæ: F. Thomas Aprutius,
cum alio eiusdem congregationis novæ
Cælestinæ, omnes quidem isti una crea-
tione à Cælestino Papa ad Cardinaliti-
am dignitatem assumpti, unde æsti-
mes, quot aliis creationibus ad eun-
dem ordinem cooptati, ex cænobijs
nostris bono publico extracti sint; a-
deo nostrorum laboribus, & industria
frui Ecclesia solebat perpetuo, & ama-
bat. vid. Ciacon. Wion, &c.

A.C. 1296.

S.P.N. 816.

M Oritur ex fuga retractus cum ad
Sacram eremum suam repeteret
Sanctissimus Petrus de Morono no-
ster, Bonifacio successorì carceri eman-
cipatus, quod vereretur, Pontificem
denuo succlamandum. Dum Romam
interceptus duceretur, tantus per om-
nes urbes vicosque ad viri Sanctissi-
mi miraculum concursus hominum
erat, ut cogeretur media solum nocte
iter

iter suscipere, ne denuò ab omnibus Pontifex salutaretur: à quo tamen nomine & honore ipse nimium quantum abhorruit. Suadentibus etiam imò vi rationum quasi adigentibus Pontificatum nimirum ab ipso abdicari non potuisse, constanter respondit, etsi non abdicasset, de cætero abdicaturum certo fuisse. Ita in carceris teterrimi angustis, quas ferre non poterant absque nausea non solum sed infirmitate, duo ipsius còmites Monachi, libètiùs quam angustissimo palatio agens, post decimum in eo squalore mensem, duplici carcere, lapideo & carneo, sive potius osseo solutus ad triumphos æternos evolavit, & à morte prodigiosissimis miraculis claruit. *Ex vita.*

A. C. 1297.

S. P. N. 817.

INter viros religiosa vitæ perfectione, & reconditiore eruditione illustres, enitet, hoc ipso anno, pastoralis pro meritis donatus lituo, Venerab. Engelbertus Abbas Admontensis, illustri Dynastarum de Volckerstorff familia, qui præclarissima multa posteritati recondidit sublimis ingenii monumenta, quæ inter, sui in DElparam studii argumenta admodum illustra reliquit, è quibus Hymnus ille, Casimiro Principi Poloniae tempore suavis & familiaris, ut præter usum quotidianum, secum conspeliari vellet, à viris doctis & religiosis celebratur.

Omni die, dic MARIAE.

Mea laudes anima &c.

Extat aliquod, pauculis ab Admontensi illustri Cænobio milliaribus, spelæum inter arduos montium recessus, quo sese vir tantus, post impensos aliis pro munere suo labores, ut DEO sibi vacaret frequentius recepit, supra omnem montium thesaurum, auro cælesti dives, dum Engelberto suo intra viscera potiretur. *Ex monument. eiusdem Cænobii, Ephem. nostr. Marini. &c.*

Clarent & alij viri illustres ven. Malachias Elphinensis in Hibernia Episcopus, ex Abbate Buellienfi, Benvenutus Astenfis in provincia Pedemontana Pontifex ex Monacho Morimundenfi, pluresque, qui sive verbo, sive scriptis & Sancto vitæ exemplo multas provincias, omnemque posteritatem, salubriter accenderent. *Monim. dict. Eccl. Gasp. Jong. lib. de provis. Pralat. &c.*

A. C. 1298.

S. P. N. 878.

NE virorum solum opera & prædicatione fructum universi metiamur, rursum magnæ Gertrudis nostræ in excomia prorumpendum. Ita in ipsis Insinuationum libris DE ipsius iussu scriptis: Ipsa namque fortis validissimaque fuit Columna Religionis, ipsa constantissima iustitiæ & Sanctitatis propugnatrix. Quare de ea non absurde quoque dici potest, quod in diebus eius emanaverint putei aquarum. Nam revera quo tempore ea vixit, nemo est inventus, à quo Sanctæ eruditionis flumina, profusus, fructuosius, & efficacius manarent quam ab illa. Receperat enim à Domino linguam disertam, acceptam hominibus omnique consolatione, & virtutis efficacia plenam, quæ ad intima cordium usque penetraret, quod in seipsis experti multi sæpenumero testati sunt, affirmantes sanctum in ea habitare & loqui spiritum, unde & corda, & voluntates audientium ad meliora converterentur. Et quid referri dignius etiam dignissimo Apostolo nostro potuisset? Tantum verbo, scriptis & exemplo etiam virgines possunt & potuere *Ex Insin. Div. pret. l. 1.*

A. C. 1299.

S. P. N. 819.

INnumera virorum doctissimorum ex ordine nostro, singulis penè annis exhibenda hoc sæculo copia fuisset, qui in diversis nostris Congregationibus Casinensi, Cavenfi, Cluniacensi, Cisterciensi, Camaldulensi, Conchenfi, Valumbrosiana, Montis Virginis, Cælestinaque aliisque effloruere, sed crescente in volumen Compendio, vice omnium, quos è præcipuis Nigrorum delegit, selegitque Hieronymus Piatius lib. 2. referamus: Octavo inquit, sæculo ab Anno M. CC. ad M. CCC. floruisse accepimus Helmandum Monachum Belvacensem in Divinis scripturis eruditissimum, & in sæcularibus etiam literis ac multis quoque libris scriptis nobilitatum, eodemque tempore Gulielmum Abbatem Piæaviensem, non solum Theologiæ sed Iuris etiam Civilis scientissimū; deinde Philippum Pergamū in Cænobio Patavino egregium virū tam doctrina quam eloquētia; tum etiā Petrum Bertoriū Monachū Parisiēse, cui⁹ librorū grandis extat catal. *Ita Plat.*

Claret

Claret contemptu pomparum sæculi dignissimo celebratissima Mariâ Eduardi IV. Anglorum Regis filia, purpuram cucullo permutans in nostro Ambrundenſi Cænobio, de qua leg. Pol. Virg. Th. Walsingh. &c.

A. C. 1300.

S. P. N. 820.

Hæreſum diverſarum in Galliarum Regno ſeminibus ac ſcintillis glifcentibus ſed & in grave quam primum incendium erumpentibus, noſtri pro virili, & veteri maiorum conſuetudine, ſe undique pro Eccleſia opponunt, & admiranda conſtantia, contra Hæreticos inſurgunt. Inchoatum hoc ſæculum, ſive potius finitum hoc ipſo anno, illuſtri plurimorum è noſtris Martyrio; ita hæc etiam tempora ſuo ditare, & inpinguare ſanguine, nūquam deſtinare, parati ſemper pro Regnis ac Fidelibus vitam, cum Cænobiorum omnium bonis, profundere. In ſolo B. Mariæ de Firmitate congregationis Cænobio, quinquaginta Monachi cum ſuo Abbate Martyrio coronam adepti, æternum apud Galliarum fideles nomen & memoriam meruerunt. Nec minor in Bohemiæ quoque Regno Hæreſeon ſcelere invaleſcente, noſtrorum gloria, Cænobiis plerisque ex ſpoliatis, ac Monachis contrucidatis; laurum cum applauſu cælitum omnium cælo inferentibus. Legendi Montalvus, Manrique, Henriquez, Aen. Silvius Paulus Langius &c.

A. C. 1301.

S. P. N. 822.

Sæculi huius initia illuſtrat magnis magnæ Sanctitatis fulgoribus B. Ioannes de Monte-Mirabili, ex Regum Galliarum descendens ſanguine, mundus in ipſo mundo à mundi ſcleribus, æternum aulae miraculum, Principum ſæculi ſydus & ornamentum. Is cum DEI parentis ſtudio totus, inter aulae etiamnum ſplendorem, deſlagraret; fortè cum aulicis, dum alio intenderet, imaginem quandam Magnæ Matris, equo præterveſtus, & reſpiciens à tergo, recordatus Dominam non ſaluſaſſe, illico exſiliens ſella, reverſusque ac ingenua proſtratus, errati veniam rogavit, adeo facili ad veniam Miſericordiae Matre, ut in imagine etiam ſua Ioannem honoraret, averſo cæteroquin vultu, prodigioſè ad Principem

converſo, qui ut totus deinceps virginis eſſet, in Longi Pontis ſtructo eius no-
mini Cænobio purpuram cucullo mutans, admirabili vitæ ſanctitate eni-
ruit. Tantis etiam à morte miraculis illuſter, ut quotquot ad ſepulchrum ægri convenirent, à quacunque infirmitate ſanarentur. *Ex vita, Chryſoſt. Hen-
riq. &c. Et ſi aliqui longè ante vixiſſe contendant, de quo nihil deſinimus.*

Dum Hæreticis noſtri pro virili ſe opponunt, haud pauci diverſis in Cænobiis oppreſſi Martyrio coronantur, quorum ſub hoc ipſum tempus in ſolo Firmitatis Burgundiæ Cænobio, quinquaginta trucidati, ad capeſſendam æternitatis & Martyrum lauream, ad triumphos æternos eveſti ſunt. *Chryſ. Hen-
riq. Ang. Manriq. &c.*

A. C. 1302.

S. P. N. 822.

Meretur merito immortalis de Orbe univerſo Guielmus de Nangiaco Monachus S. Dionyſij Pariſiis qui ſuam duxit Chronologiam, ab initio mundi uſque ad hunc præſentem annum, ſcriptor quod in Hiſtorico in primis commendandum, & poſteritati utiliſſimum à fidelitate commendatiſſimus. Nec minori laude dignus Abbas eiſdem Guido de Caſtris, qui grandia ſatis volumina ſequuturis tranſmiſit, de geſtis ſanctorum, quorum ipſe vitas quam diligentiffimè conſcripſit. Ut plane noſtrorum labori & induſtriæ debeat orbis terrarum univerſus, tot ſanctorum millium reſ geſtas tanto cum fructu poſteris commendatas, ut ij ipſi qui ſcripſere etiam præter nomen quod plerique pro annata Monachis animi ſubmiſſione ſubticuere Apoſtolorum ſuum ad ſæculorum uſque finem feliciffime continuaverint. Vid. Clar. Rob. Gault. &c.

A. C. 1303.

S. P. N. 823.

Magno merito, contempto & ſuo, & totius Ordinis periculo, pro Sanct. Rom. Eccleſ. & ſummi Pontificis Bonifacii VIII. auctoritate, reſormidantibus & cōticceſcentibus reliquis Philippo Galliarum Regi, in Concilio Pariſienſi ſe opponit Ioannes II. Leonomine, Sacræ noſtræ Ciſterciensis familiaris Generalis, & ſolus tanto Regi reſiſtit, ob quod Pariſiis detinetur, qui, nequid ſua cauſa detrimenti Ordo patere-

Ⓔ

tur;

tur, qua dignissimus erat, dignitate sponte se abdicat, nullis artibus vinci se passus, ut malè sentienti Principi adulareretur.

Ipso anno moritur Bonifacius Papa, maxima sua in nostros beneficentia verè noster cuius, asserta à nostris integritatis, post trecentos ab obitu annis, illustre quoque Numen ipsum argumentum dedit, tam diuturnæ in tumulto, miraculo incorruptionis, cum, incertum quâ de causa, Sarcophagus aperiretur.

A.C. 1304.


S. P. N. 824.

Tiroensem nobilem provinciam, illustriorem Sanguinis purpura reddit B. Hermannus de Schœnstein, equestri ad superas Rheni partes familia editus, ex Monacho Fabariensi Mariamontani in Valle venusta Cænobij Antistes, venustissimus ipse flosculus, ab Athesis ripa in hortum regium & superum veri Salomonis transplantatus. Visus vir Sanctus à morte vivere, & excubitorum pro suis per vigilem agere, pro quibus etiam, & immunitate Ecclesiæ, vitam cum sanguine profuderat, affirmavitque ipse æternum de cætero fore protectorem. Ut tanto post, iuxta prisca illa Apostolorum nostrorum merita & Hermannum, & plures alios, Tirolis pro se excubitores è nostris habeat, sæpe nulla montium altitudine satis tuta, nisi tutelares tanti pro ipsa excubarent, qui & fulmina ipsa irati Numinis, in montium potius, quam capita hominum amolirentur. *Ex Annal. Fabar. auth. Illustrissimo Principe Iudoco Loci Abb. mon. Mariamont, Menol. nost. &c.*

Floret plurimum Robertus ex Abbate Cistercij Sanct. Roman. Eccles. Cardinalis, eruditione nō minus quam pietate commendatus, Philippo Francorum & Carolo Neapolitanorum Regibus præcipuè charus, variis ad diversos Principes fructus Legationibus, quibus denique gloriose est immortalis, cum pro Philippo Rege sedi Apostolicæ conciliando, in Galliam missus, magnam omnium expectationem morte immatura præverteret. *Ann.*

Cist. longelinus, &c. Ciacon.

&c.



A.C. 1305.

S. P. N. 825.

Cælestinorum Congregationis novellæ, admiranda felicitas & felicissimæ ubertatis, jugis proventus, confluentibus ad novum tam admiranda sanctitate Pontificis Cælestini Institutum, remotissimis ex provinciis, novæ militiæ candidatis, adeoque ex profundissimo peccatorum luto multis mortalium millibus emergentibus, præsertim quod præter inauditum æternis sæculis exemplum, abdicati Pontificatus maximi apicem & neglectam summæ per orbem famæ celebritatem corpus Sanctissimi Institutoris, prodigiosis à DEO miraculis honoratum Cælestini, & Cælestinorum nomen toto orbe summa omnium admiratione, commendaret. *Ex diversis.*

A.C. 1306.

S. P. N. 826.

Matris dolorosæ, viva in terris imago, certè imitatrix, quam fieri à se ulla ratione posset, admodum strenua, B. Elisabeth de Spalbeck nostra, Monialis Herckenrodenensis, Christum patientem perpetua meditatione, in vestigijs Matris Virginis prosequuta (contemplativorum exemplar mirificum) doloris gladium quotidie animam suam pertranseuntis, adeo sensibiliter & acerbè sensit, ut nisi divinitus confirmata tanto in Martyrio, vivere non posse videretur. Septenis quippe quotidie horis, cum Christo suo passa, totum passionis diem cum ipso inter immania tormenta decurrebat, cum alioquin egra perpetuo movere se non posset, velut à lictoribus per cellam rapta. Eadem sacris stigmatibus, instar Seraphici Francisci insignita, è quibus vulneribus frequenter, & feriis maxime sextis, sanguinis irriguum defluebat. Eius vitam quæ omnem humanam virtutem superare visa est, multi magnæ autoritatis viri litteris consignarunt. *Ex ven. Lud. Bloisio, Arn. de Rayse, Franc. de Bivar. Ioan. Gileman. Philippo Clarevall. Menol. &c.*

Iterum egregium de Roman. Ecclesia meritum, & memorabile constanti exemplum Religiosissimorum Patrum nostrorum Cisterciensium, & eorum superiore primum anno electi Abbatibus Henrici: quos cum miro amore

ac benevolentia Philippus Rex demereri satageret, & Henricum Fidelem suum sibi que dilectum appellans insigni privilegio donaret, ipsi tamen defuncti etiam Bonifacii Papæ honori, contra Regem consulere non prætermiserunt, & Henricus quidem eleganti postea Epistola à Clemente Papa ad Concilium Viennense vocatus, nullo modo territus, quod Sanctæ memoriæ suæ Antecessori evenerat, in ipso Regno contra Regem male sentientem inque publico Concilio asserere defuncti Pontificis honorem non dubitavit. *Ex monim. Cist. & Annalibus Angeli Manriq. Catal. Abb. Cist. &c.*

A. C. 1307.

S. P. N. 827.

Magna illa Magnæ Gertrudis foror S. Mechtildis Baronissa de Hackeborn, Monialis Elpediana, Divino illuminatissima Spiritu, non ætatem solum suam, Sanctissimo vitæ exemplo, sed sequuturas omnes scriptis reconditissimi sensus plenissimis, mirifice illuminat, excitat, accenditque. *Ex vita eiusdem & scriptor. Menol. nostr. Blofio. &c.*

Demeretur insigni opere Historico Angliam, Ioannes Castorius, qui & Bevet, Monachus Westmonasteriensis, plurimum à Lelando & Pitfio laudatur, & à veritate ac synceritate, iuxta eruditionem commendatus. Scripsit autem: Historiam Britannorum & Anglorum, ab adventu Briti, à quo genti nomen, usque ad sua tempora, sed & librum de rebus sui Cænobij; quod optimos quosque Sanctissimosque Monachos, nulla vana jactantia fecisse, mille exemplis comprobatur, è quibus, tanta posteritati commendata habemus, virtutum exempla, valitura æternum, ad eorum qui successuri in vestigia nostra sunt, utilem excitationem.

A. C. 1308.

S. P. N. 828.

Sub hæc fere tempora morte absu-
mitur Beata Mechtildis nostra Monialis Helftensis, genere & virtute nobilissima de cuius admirandis visionibus & revelationibus, videndus liber ab ipsa conscriptus, & sæpius typis vulgarus, sub titulo: De spiritali gratia & consolatione, ex quo abunde licebit colligere, Mechtildem, non quod prædicatores & Professores diversarum ar-

tium, uni duntaxat provinciæ & sæculo, sed orbi & omni ætati æternum profuisse; & divinæ gratiæ fluentia summo cum divini nominis honore in legentes, lecturos, & audituros longe lateque & æternitati ipsi commendasse, *videnda etiam In sin. Div. piet.*

A. C. 1309.

S. P. N. 829.

Incredibilis procerum & nobilium multitudo convolat ad Cænobia nostra, diversis per Germaniam factionibus turbato Imperio, & in partes, Regesque diversos incolis inclinantibus. Proin qui in tutum recipi, & consultum saltem animis vellent cucullum, amplexi, in eo salutem, & requiem optatam invenêre. Tantum rursus Cænobijs etiam posteri debent, maiores suos extremo in discrimine, receptos & servatos cum vix illustrem reperias in Germania familiam, cuius non aliqui si non plurimi Cænobijs recepti, illic vitam feliciorum, quam in serico atque auro exegerint, adeoque grata memoria seris nepotibus cænobia, vestigia, & cineres suos commendarint. *Ex Const. Ben. & diversis.*

A. C. 1310.

S. P. N. 830.

Explendescit rarissimum sæculi huius Ornamentum & Sydus, Beatissima Aldobrandescha nostra, Congregationis Humiliatorum, virgo Deo sacra, & unice dilecta. De qua in Martyrologio Benedictino 26. Aprilis his verbis agitur Senis depositio B. Aldobrandesce Sanctimonialis tertii ordinis Humiliatorum, admirandæ Sanctitatis & patientiæ femina. Hæc ex nobili Ponziorum genere nata & Bindoni Bellanti juveni nobilissimo Matrimonio copulata, exemplo Annæ prophetissæ, in perpetua virginitate cum viro suo permansit; quo mortuo, habitum Sanctæ Religionis assumens de manibus R. P. F. Accursij Tolomei tanta Religione vixit, ut & in vita & post mortem multis miraculis claruerit. *Silvan. Razzi &c.*

Fuit Aldobrandesca Illustrium familiarum Italiæ, estque usque hodie & æternum decus, filia Petri Francisci de Pontij & Agnetis Bogherinæ nobilissimorum genere ac virtute parentum. Et vere longe sublimiorem humana revereri in prægnante Agnete visi cælestis aulæ ephēbi, ipsi magno numero inservierūt,

☉ 2 ☉ cele-

cælesti lumine illustratâ cellâ, in quâ parturiens morabatur, Enixa puellam Agnes absque dolore est, paulo antequam ederet, his verbis nocte in somnis compellata: *Tene bonam curam, Agnes, istius creatura, quia DEVS eam elegit suam.* Refulsit inter Humiliatorum nostrorum stellas obscurissimo sæculo lunæ instar, mirabiles à Numine gratias consequuta, quas inter, mirabili visione, quantum fas homini DEI gratia illuminato SS. Trinitatem, & novem choros Angelorum, quin & orbem terrarum universum & secreta ac longe posita, meruit intueri, Mortua est stans, velut in extasi sæpe visa, sic reperta, in cella solis instar resplendente, inter cælestem odoris fragrantiam, junctis manibus, aperto ore, velut si Crucifixum alloqueretur. *Ex vita, & Menol. nost. Bened. &c.*

Moritur eodem anno S. Humilitas Faventina, de omni item posteritate, & ipsa Ecclesia universa meritissima, quod prima ipsa instituerit Sanctimonialium Vallisumbrosæ ordinem, qui ex in plurimum amplificatus, totas Sanctarum Virginum cohortes, ad nuptias illas agni immaculati transmisit, cælo ornamentum terra auxilium opportunè attulit, *Ex tab. Vallum, Wion. &c.*

A. C. 1311.

S. P. N. 831.

INgens in cælo triumphus ob expectatissimum adventum Divinissimæ Gertrudis nostræ, de universo meritissimæ. Ita expectasse Gertrudem cælitales omnes, Christus ipse testatus referente Blasio: aliquando Gertrudis, inquit ille, iter faciens præ nimia sui abiectione dixit ad Dominum: ah Domine mi inter præcipua miracula quæ facis istud valde eximium esse arbitror, quod permittis, ut me vilissimam peccatricem terra ferat. Ad quæ verba Dominus benigne respondit: merito se terra tibi calcandam præbet, quando quidem omnis cælorum dignitatis ineffabili desiderio illam jucundissimam horam expectat, quæ te excipiat & portet.

De mortis genere quis satis explicet? Acceperat quippe, ait Blosius in promissis à Divina & nunquam fallente veritate quod sicut in morte Christi virtus amoris nobilissima separavit animam ipsius Domini Iesu à corpore, ita in morte ipsius Virginis Divinus amor de-

beret omnes vires eius consumere sed & virgini præostensum quanta cum gratia morti proxima suscipienda à Numine ipso & cælitibus esset, In sinu nimirum Domini brachio ipsius sustentata, & caput ipsius Admirabili Matre Virgine cælitum Regina elevante; infinita Angelorum multitudine, dein Patriarcharum, Prophetarum, Apostolorum, Martyrum, Confessorum, Virginum ac Viduarum occurrentibus choris, singulis Apostolorum singulos annulos aureos, singulari vero ac familiarissimo sibi Ioanne Evangelista, binos offerentibus & aptantibus. &c. Sed de his vid. lib. 9. In sin. Meritum vero superioribus longe excellentius, & æternum ipsius est: quod quisque ante vel post obitum ipsius, considerans aut intelligens quam benigne & familiariter DEVS se illi accinaverit devotè fideliterque laudaret DEVM, vel ei gratias ageret pro beneficiis eidem Gertrudj collatis non migraret de hoc sæculo, nisi prius DEVS alicuius specialis familiaritatis delectationem in anima eius haberet. &c. Tantum DEVS sæculorum omnium posteritati propter unam hanc Virginem, & longe plura reliquit; ut merito inter Principes benefactores Gertrudem orbis habeat, numerare quæ tanta abdicatione sui meruerit, quanta neque per æternitatem omnem rependere sufficiat idem universus. *Ex lib. In sin. &c.*

A. C. 1312.

S. P. N. 832.

Moritur sub hoc tempus illuminatissima illa virgo S. Mechtilda nostra Cantrix Cænobij Elpediani, DEIParenti additissima & dilectissima, quæ docente ipsa didicit, & posteritatem omnem docuit, fructuosissimum, & efficacissimum modum *Ave Maria* recitandi, in memoriam Salutationis ab ipsamet SS. Trinitate transmissæ: *Ave* à Patre æterno, *MARIA* à Filio. *Gratia plena* à spiritu Sancto, *Dominus tecum* à SS. Trinitate, quo quidem orandi modo, & religiosa tanti à SS. Trinitate beneficij commemoratione, mirifice affici se cælorum Augusta Mechtildi patefecit, & per hanc merito accendit usque hodie studia universorum.

Ad fuit supremo in agone Mechtildi suæ Magna Mater, & ut collega quædam sanctissima intueri meruit monile quod.

le quoddam illustrissimum eiusdem pe-
ctori imposuit virginis filius virginum
Sponsus, qui ex meritis Matris suæ, hoc
eam privilegio specialius donavit, ut ad
similitudinem quandam Matris suæ,
Mater diceretur & virgo: eo quod ca-
sto Zelo, memoriam sui, in multorum
cordibus genuisset. *Ex Insn. Div. Piet.*
S. Gertrud. Landsp. Menol. & Chron.
Ben. Mar. &c.

Mirabili exemplo, extinctus supe-
riore anno B. Adalbertus noster Altai-
chenfis in Bavaria Monachus, Confes-
sarij, Magistri Novitiorum & Prioris
exemplar mirabile, terris quasi reddi-
tus, cum pro eximia, qua totus ferve-
bat, proximi charitate, pro fugitivo
Monacho prædem se fore dum viveret
promississet, etiam à morte se stitit, &
quod promissit præstitit. Sed & patriæ
consulens, Bavariam plurimum demer-
ruit, multis, claudis, epilepticis, captivis
prodigiosissemè liberatis. *Ex vita, mon.*
Altaich. Matth. Radero. &c.

A. C. 1313.

S. P. N. 833.

Memorabilis hic annus, S. Petri no-
stri de Morono olim Cælestini Pa-
pæ dignissimi vereq; Sanctissimi solem-
ni Canonizatione, tantopere paucissi-
mis post obitum annis à Sede Apostoli-
ca honorati, quem paulo ante orbis u-
niversus viderat, certe audierat, Roma-
ni Pontificis iussu, clausum carceribus,
in iisdem expirasse, virum per omnia,
sed super omnia, animi demissione, &
honorum omnium atque deliciarum
horrore admirandum, in vita & post
mortem mirificum, de innumeris, ut
officium eius habet approbatum, gran-
dimiraculorum beneficentia meritum,
cum variis & insanabilibus morbis, pro-
digiosum remedium sæpe attulisset &
mortuos ad vitam revocasset, usq; ho-
die promptus ac facilis, ad miseros
quoscunque efficaciter exaudiendos,
quidquid defurditate Sanctorum, no-
stræ ætatis hæretici, & Pontificum ma-
ximè Romanorum osiores, impiè com-
miniscantur. *Ex vita, & Breviario Mo-
nast. &c.*

Inter viros Ord. Illustres, emicant
meritis Henricus ex Abbate Villarien-
si, ac dein Henrici VII. Imp. Can-
cellario Tridentinus Episcopus; Phi-
lippus à Razenhausen Eystettenfis, ex
Abbate Perisienti Pontifex de Episco-

patu præclare meritis; Gulielmus Ris-
hangerus S. Albani Monachus, Regius
sub Henrico III. & Eduardo primo at-
que secundo Regibus Anglorum Chro-
nographus, qui multa præstantis inge-
nij posteritati reliquit monumenta.
*Pissius, Ed. Maib. &c. & div. rev. Germ. &
Angl. script.*

A. C. 1214.

S. P. N. 834.

Inter purpuratos Patres S. R. Eccle-
siæ insignem hoc anno operam, præ-
ter superius memoratos pluresque ali-
os eo ex ordine navant: Petrus Arnaldi
Burdegalenfis Vasco ex Abbate Mo-
nasterij S. Crucis Burdegalis Congre-
gationis Cluniac. Sanct. Rom. Eccles.
Presbyter Card. Tit. Sanct. Stephani in
Cælio monte, dein ob eximia merita,
Vicecancellarius; & Petrus alius Gal-
lus item ex Monacho & Abbate S. R. E.
Presbyter Card. Arnaldus item ex Mo-
nacho & Abbate Montis frigid. Coti-
greg. Cist. Presbyter Card. Tit. S. Prif-
cæ, ut Archiepiscopos, Episcopos, ali-
osque sine numero Ecclesiæ Prælatos
prætereamus, singulos cæteroquin sin-
gulari merito commendandos. Et sa-
ne vix depræhendas è nostris paucissi-
mos qui ad Episcopales Cathedras Cæ-
nobijs extracti, non immortale relique-
rint suæ industriæ Religionisque mo-
nimentum. *Ex Panvino Westmonast. &c.*

A. C. 1315.

S. P. N. 835.

Moritur insignis ille honoris Pon-
tificij asse. tor contra Regem
Galliarum Henricus Cistercij, de
quo superius, Abbas, ob navatam Ec-
clesiæ tam strenuam operam, merito in-
signibus privilegijs à Clemente Papa
honoratus. Inter illa relatum in cor-
pus Iuris, quod habetur in Clement. *Ad
nostrum 2. de censibus, exactionib. & procur-
rat.* Vocatur in Chronico per vetusto
Cister. Henricus:

*Mundi contemptor verus Deitatis ama-
tor. &c.*

Ipsi succedit Guilielmus de Valcel-
lis, multo & ipse nomine, sed à promotore
DEI paræ cultu præcipuè celebrandus.
*Ang. Manrique, Catal. Abb. Cist. Claud. Ro-
bertus. &c.*

A. C. 1316.

P. P. N. 836.

Insignis ille & antiquus DEI paræ cul-
tor, S. DE Ocarus Abbas Hasenrieda-
nus,

nus, eo ipso, quo Dominam suam tantopere honoraverat loco, & ipse nunc honoratur, & solemniter hoc anno elevatur, pro magnis deinceps meritis, altera Domina, Ecclesie, oppidi, & provincie Tutelarum Consalutatus. Ita tanto post deletam beneficiorum memoriam, consulendo Amicis suis, Numerum revocat, & novis argumentis vocat incitatque, ad sacra Tutelarium hispana veneranda. *Ex vita, & docum. Hasenried.*

Florent in ordine viri eruditione & meritis gravissimis spectati plurimi, è quibus Iacobus Richardi Populeti Monachus plurimum effulgit, & celebrari meruit, qui in expugnandis Arnaldi Villanovani dogmatibus, & libris expurgandis, cum aliis viris doctis, præfectus legitur: *Apud Eymericum in director. Inquisit. quest. 11. l. 1. c. 13.*

A. C. 1317.

S. P. N. 837.

HOc denique anno Ordo illustrissimus de Montefia Equitum, sub sanctissima Regula nostra DEO & Ecclesie militantium nova quasi origine enascitur & summo Christianorum bono, impios infidelium Maurorum exercitus ab Hispanie imprimis Regnis atterit avertitque. Inter Magistros autem merito laudatur Iacobus Iacobi Aragonum Regis filius, cui Eleonora Alphonsi Castellæ Regis filia, cum esset desponsata, ea intacta relicta militiæ huic nomen dedit, laudatissimeque præfuit. *Ex Mirao, Wione, Henriquez. &c.*

A. C. 1318.

S. P. N. 838.

Demeretur insigniter Cælorum Augustam, omnesque tantæ Augustæ honori & Nomini applaudentes, Ven. Guilielmus Cistercij Abbas, totius sacre familiæ Generalis, *Commemorationes*, ut vocant, de Beatissima Matre & Virgine, in singulis horis, tam Maioris quam Minoris officij instituens, magno sanè Divinæ benedictionis inter nostros incremento, dum nunquam desierunt, cultum Domine sue, cum inter se, toto diffusos orbe, tum apud externos etiam promovere. *Ang. Manriq. Catal. Abb. Cist. &c.*

Ipso eodem anno illustrissimam prodigiosamque victoriam, & servati Regni honorem debent Bohemi, Sanctissimis Tutelaribus suis, Adalberto & Wences-

lao nostris, contra Saxones sub Ioanne Rege mirabiliter defensi. Cum enim illi propè Ciatecium, magno cum exercitu irruerent, terroremque Bohemis maximum incuterent, eo quod decuplo maiores, quam pro defensione Regni aderant, copias adduxissent, Wilhelmus à Waldere, Bohemici exercitus Imperator, in genua procubuit, Deumque pro Victoria contra hostes invocans, missum confestim cælo subsidium expertus est, visusque S. wenceslaus noster, panoplia aurea, equo candido præcedens, & argenteam vibrans hastam. Alacres proin Bohemi, invocato juxta in subsidium S. Adalberto, cum hostibus congressi, ab hora diei tertia ad Vesperum usque felicissime pugnare, hostibus maxima ex parte trucidatis, cum è suis non nisi duodecim desiderassent, *Ex rer. Boem. Script. &c.*

A. C. 1319.

S. P. N. 839.

Nec multo post, hoc ipso nimirum anno celeberrimus, nomine, meritis opibusque Ordo Militum Iesu Christi, æterno Reip. Christianæ commodo institutus; hodieque in Portugalie imprimis Regno florentissimus, de quo Henriquez libro 10. fasciulo Sanctorum dist. 18. Ordo hincquit, Regnū Lusitanie maxime illustrat. Miror tamen quod provincia tam augusto limite conclusa, ordinem & equites tam opulentos contineat, ut nullus ibi quantumvis magnus & potentissimus princeps sit, qui se esse aliquid credat, nisi militie hujus nobilitetur, insigni, nullusque sit Prorex in Indiam destinandus, qui non summo sibi ducat honori, si hoc Ordine à Principe suo donetur. Præcipuum ordinis Monasterium & Domicilium in Castro Marino olim conditum, Tomarium translatum, opulentissimum inter totius orbis numeratur; tanto sumptu, magnificentiaque extructum, ut nulli omnino, nisi S. Laurentij in Escuriali Ecclesijs merito equiparetur. Habet Monasterium idem trecentas & octoginta novem præfecturas, quas commendas vocant, ferturque in censu numerare sexcenta millia ducatorum. *vid. Hier. Rom. Wion. &c.*

Unde colligas, quanti semper fecerint, quantumque ex ordine hoc sperarint, maiores nostri, qui tam profuse omnia sua in eundem concessere.

A. C.

A. C. 1320.

S. P. N. 840.

Meretur de posteritate omni Martinus Polonus noster (quem Dominicanum nonnulli fuisse contendunt) Cisterciens. Cong. Monachus, summi Pontificis Pœnitentiarius & Archiepiscopus Cosentinus, scripto peregregio Chronico à Mundi origine ad sua usque tempora, edente Plantino cum annotationibus Suffridi Petri Anno 1574. Ex Bugrano, Wione &c. Ita perpetua nostris circa, Veterum res summâ cum diligentia, ac fide ad posteros transmittendi.

Ipsò anno admirandus ille sequuturis sæculis omnibus Petrus Boerius Monachus & Abbas Cœnobii S. Aniani, vir suo tempore doctissimus, ob eximiam doctrinam, sacrorumque Canonum peritiam, fit Episcopus Vrbeventanus, qui omne tempus vitæ suæ dictando & scribendo consumpsisse ex operibus relictis comprobatur *vid. Trith. Boerius ipse, VVion. &c.*

A. C. 1321.

S. P. N. 841.

Vivere desinit insigne illud Styriæ superioris decus, Engelbertus Abbas Admontensis, præco Matris Misericordiæ singularis, qui plura inter ingenij sui & pietatis præstantissima monimenta, ut præ aliis suis, illustrius aliquod Benedictini spiritus, sui nimirum erga DEI param, Benedictam ordinis Matrem argumentum ederet, insignem de gratia & virtutibus B. M. V. librum scripsit; in quo, alia inter, *Regni Misericordiæ indivisum cum Filio Imperium*, ipsi tribuit, atque, *Misericordiæ Filii velut thesauri sibi commissi. Dispensatricem. &c.* Ut nemo non amans tantæ Virginis, possit non amare manum Encomiastis tanti, & à montibus æternis, derivata ad illa Styriæ deserta rivos gratiarum demirari, venerari. *Ex monim. celeberrimi Cœnobij Admont.*

Extinguitur & magnum Cisterciensis familiæ lumen Ven. Iacobus Pontigniaci Abbas, ea vir Innocentiæ & vitæ puritate, ut ignara fuci & vanitatis ætas, tantum virum, solemni inscriptione comparare Sanct. Edmundo non vereretur.

Sanctus ut Edmundo, fuit absq. libidine mundus.

Istius Ecclesiæ pater, & fons Theologiæ. Vita norma pia, fervens in amore M. A. R. I. A. E.

Ex monim. Pontigniaci & Catalogo Abbatum apud Angelum Manrique &c.

A. C. 1322.

S. P. N. 842.

Singulis pene annis Episcoporum & Doctorum è nostris Syllabus pertexendus, quod ne faciamus revera cogimur, ita promisso conscientiam perurgente, ne huic contraveniamus, inter præcipuos excellunt Henricus Fialtreus ex Monacho Cluniacensi, ac incuria Romana procuratore Abbas Cluniacensi, dein Episcopus Sanct. Flori in Avernia secundus post Raymundum itidem ordinis nostri Monachum (ut intelligas singulari Numinis providentia singulos pene Episcopatus per nostros inchoatos, seu restitutos, etiam his temporibus quasi ex more nostris assignatos, capisse efflorescere) quem exin plures è nostris consequuti, ceu à nostris ornandus honor ipse esset, priusquam in aliorum manus deveniret. Henricus ita meritis, ut hodiernam, usque in diem posteris omnibus in statua ænea virtus eiusdem, & imago commendetur. Cl. Rob.

Clarent & Iacobus Episcopus Marficanus, Guilielmus Episcopus Tornacensis, Philippus Eistertensis. &c.

A. C. 1323.

S. P. N. 843.

Ioannem Pontificem huius nominis **XXII.** eximia Religio in Sanctissimum Patriarcham **BENEDICTIVM**, & in eos alumnos singularis benevolentia promovit, ut Casinati Cœnobio Rectorem daret Episcopi officio, & dignitate conspicuum: tum quia sacro sodalizio id ipsum videbatur longe honorificentius, tum quod spirituali iurisdictioni (quæ latissimè patebat) minus abundè prospectum rebatur, nisi pastorem haberet tantæ auctoritatis, & dignitatis, quantam in suis prætulibus angustiores diœceses, & inferioris notæ cognoscunt, ac venerantur. Igitur Oddonem ex Archiepiscopo Pisano Patriarcham Alexandrinum Casinalem Abbatem renunciat; quo defuncto maioribus adhuc honorum titulis

locum illum insignire percipiens anno sui Pontificatus sexto, humanæ salutis millesimo trecentesimo vicesimo tertio Casinatem Ecclesiam in Cathedrali Regularium erexit. Episcopi duntaxat dignitatē Abbatis officio, ac præfecturæ superaddita: ita ut ab ipso Patrum Conventu (quem Capituli nomine appellari placuerat) ex sacrorum Canonum formula electus Antistes, utroque munere Abbatis scilicet, & Episcopi fungeretur. *vid. Marc. Ant. Scipio ex quo ista descripsimus.*

A.C. 1324.

S.P.N. 844.

Ingens per Imperium universum Germaniam maximè nostrum, nomen & gloria ex virtute & rerum gerendarum dexteritate Matthiæ nostri Comititis à Bucheck, ex Murbacensi Monacho Archiepiscopi & Sacri Rom. Imperij Electoris Moguntini. Is ea virtute, nec non potentia inter Archipræsules Moguntinos excelluit, ut omnes ferè hos antecessores superaverit. Vitam inter omnia duxit castissimam: dum enim quadam vice, eo ignorante, à Camerarijs suis pulcherrima quædam Virgo in cubiculum suum fuisset intromissa, ut eius sanitati, consilio, ut aiebant, medicorum, continentiam ei obesse affirmantium, consulere; Virginem quidem blandè à se intactam dimisit, sed Camerariis ne talem rem amplius intentarent, sub interminatione præcepit. *vid. Alb. Argent. in Chron. & in gestis Bertholdi à Buchegg Germani eiusdem Arg. Episc. Democh. Brusch. Wion, &c.*

A.C. 1325.

S.P.N. 845.

Moritur hoc anno Beatus Angelus de Gualdo, Conversus Benedictinus, ea Sanctitate vir, ut ex primævo ordinis flore, reservatum posteris pro exemplo censeas, nec posse Annalibus, & censu meritissimorum virorum, fratrè conversum excludi, qui clerum æquè ac populum, supra omnem Oratorum facundiam, exemplo rapiebat, idem, non minus quam illo, etiam verbo potens, sine litteris illuminatus, & doctus scientia infusa, cuius divinitus concessæ sapientiæ, omnibus mira dabat documenta. Eum in vita & post, magnis miraculis Numen commendavit, quæ in-

ter, aquam prodigio in vinum vertit, & rarius illud: cum pro captivo eiusque vita Iudicem rogaret, & hic, prius arentem hyeme arborem cerasa prolaturū diceret, quam reus ille dimitteretur, exorato Numine Angelus, illico effecit, ut recentissimis cerasis arbor fecundaretur. Eo mortuo, cum prodigiose, apparente qui moveret nemine, campanæ diutissime consonarent, illico clero populoque in mentem venit, Angelum sibi suum ereptum & in cælos translatum esse; uti, concursu ad cellam facto, non sine magno luctu suo experti sunt. DEO tamen hunc non levi gaudio attemperante, dum quacunque funus deducerent, Ianuario mense illico spiciæ & dumeta in flores erumperent, baiulorum aliquo, qui sacro funeri cervicem submiserat & humeros, gravi qua laborabat ruptura liberato.

Meruit ut vivus, sic longe magis mortuus de patria Angelus, & quidem de ipsis etiam mortuis, apparente quam primum à morte eius, animâ viri cuiusdam Nobilis, & se cum multis animabus, in gratiam Angeli è purgatricibus eductum flammis prædicante. Cæterum deinceps Angelus patriam demereri nunquam desit, magno & immortalis beneficio, sæpius illam, à bello, peste, & incendijs liberando, magno ob hæc ipsa, & merito in honore habitus, tanquam Patronus patriæ singularis, & alter à proprio illo loci custode, Angelus Tutelaris. *Ex monim. Eccles. & Monasterii S. P. N. Benedicti, Ludov. Jacobillo, &c.*

A.C. 1326.

S.P.N. 846.

Magis se magni exempli meritis commendant, & magnum Regno ac Regum Portugalliæ Sanguini decus addit B. Maria Monasterii B. M. V. de Odivelas Monialis, Dionysij Portugalliæ & Algarbiorum Regis filia, Alfonsi I V. Regis, & Constantiæ Castellæ Reginæ soror, quæ in mortali etiamnum corpore Angelico donata animo, anima quasi sub hoc tempus Regni extitit, miraculo parentibus, & germanis facta, in qua nemo non ludentem in omni virtutum genere DEI manum venerabatur. De qua consulendus *Barn. de Montalbo, Chrysoſt. Henriq. & div. rer. Port. script.*

Inter

Inter viros ordinis eruditione & meritis illustres celebrantur: Thomas S. Marci in citeriore Calabria Episcopus, Robertus Grimus Bardeneiensis, & Richardus Walingfordus Albanensis, in Anglia Monachi, ille Commentariis in quatuor Evangelia scriptis, pie variis ingenii editis monumentis, de omni posteritate meritis; de quo ita ex Pitfio Edoardus noster Maihev. Richardus Walingfordus, ad Sanct. Albanum primum Monachus, deinde eiusdem Monasterij Abbas, vir in omnibus artibus liberalibus insigniter eruditus, & Mathematicarum scientiarum, teste Pitfio, ad miraculum peritus extitit. Addit, ipsum in Arithmetica, Geometria, & Astronomia, summam peritiam consequutum, subditque plura, in laudem admirabilis Horologii ab ipso fabricati, *quod mirabilis ingenij portentosum inventum, & stupendum artificium vocat, cui simile, aut secundum Europa vix, aut ne vix quidem unquam habuisse existimetur*, Reliquit autem posteritati:

- Canones in Albion (sive Horologium suum) librum unum.
- De iudiciis Astronomicis librum unum.
- De finibus demonstrativis librum unum.
- De diametris librum unum.
- De chorda & arcu librum unum.
- De rebus Astronomicis librum unum.
- De Ecclipsibus solis & Lunæ librum unum.
- De Rectangulo librum unum.
- De rebus Arithmeticis librum unum.
- Exafrenon librum unum.
- De computo librum unum.
- Ut de multis alijs multa de industria prætereamus.

A. C. 1327.

S. P. N. 847.

EFFulget admirandæ vitæ Sanctitate Beatus Sagalus Clarimaresci in Artestia Abbas, & provinciam illam accendit exemplo Sanctitatis Benedictinæ hospitalitatis & charitatis exemplar singulare. *Videat. rer. Cister. script.*

Sed & B. Thomas seu Thomasius noster Camaldulensis, qui à nonnullis,

alter Onuphrius & Paulus, ab aliis alter in deserto Ioannes prædicatur, cultor Dei parentis studiosissimus, & maximis à Numine prodigijs honoratus, cuius sacrum corpus, magno concursu populi colitur, præterque aliam miraculorum multitudinem, gratia singularis in curanda hernia & ruptura celebratur, qui usque hodie mereri non desinit, & patriæ atque afflictis potenter patrocinari. *Ex vita.*

Ipsa anno Patrum Purpuratorum sacro Collegio Romæ adlegitur Ioannes Vicecomes, Monachus Sanct. Ambrosij Mediolanensis, & multi alij ex ordine diversas cathedras ornant, demerentur Diæcesis &c.

A. C. 1328.

S. P. N. 848.

Petri Vrbenati Episcopi ingens gloria, & gloria ac nomine omni maius meritum. Inter eius admiranda prorsus ingenij monumenta: In Regulam Sanctissimi Patris nostri explicatio duplex:

In prima, invento planè novo, confert sententias ipsius Sanctissimæ Regulæ cum sententiis SS. Patrū. Altera novo item quodam, & inusitato expositionis genere omnia Regulæ non solum capitula, sententiæ, & dogmata, sed etiam, quod amplioris industriæ est, verba, consilia & præcepta iuri Pontificio conferens, mirabili subtilitate Decretalibus, & Canonibus summorum Pontificum & Patrum approbat. Quorum exemplaria explicationum extare apud se Wion. affirmabat.

In Benedictinam item Benedicti Papæ XII. Commentarij.

De signis locutionum l. i.

In speculum Monachorum liber. i. &c.

A. C. 1329.

S. P. N. 849.

Magnus virorum in ordine eruditorum, numerus, cum vel maxime literarum amor elanguisse in orbe videretur. In sola sanè Anglia, nequid de Hispaniis dicam & Gallia, celebrari non sua solum ætate plurimi, sed & ad posteram omnem meruere. Ex quibus, vivit etiamnum in scriptis suis, & plausum meretur Thomas Pontius sive Pontin^{us}, Cenobii S. Aug. nostri Anglorū Apost. juxta

juxta Cantuaria monachus, dein Abbas Romæ etiam pro virtute atque eruditione magno in pretio habitus, & bene etiam de Ecclesia meritis, in profligando gravi quorundam errore latius serpente, afferentium Beatas animas DEI visione frui ante Iudicium extremum non posse, contra quos librum egregium: *De Visione DEI* Thomas hic notiter scripsit, inter eruditiores sui sæculi ab Harbsfeldio celebratus, & à Guiljelmo Thorneo, & Ioanne Lelando, nec non Pitio plurimum laudatus.

Dein Ioannes duo, Thanatenfis alter Cænobij Salvatoris apud Cantuariam Monachus, alter Everisdenus S. Edmundi Cellerarius; ille Mathematicus, Musicus & Historicus insignis, qui librum unum scripsit de officiis Cantuariensis Ecclesiæ, alterum de Vitis quorundam Sanctorum; posterior autem, *omni humanioris Litteratura*, ut ait Pitius, *scientia instructus*, & Iuris prudentia ex cultus scripsit:

Concordantiæ Historiæ Divinæ librum unum.

Concordiam Decretorum librum unum.

Legum medullam, carmine descriptam librum unum.

De Regibus & Episcopis Angliæ librum unum.

Seriem temporum librum unum.

Sed & Rogerius Hardenus Gestrensis Monachus, vir omni politioris Litteraturæ genere eleganter doctus, Historiam ab origine mundi ad sua usque tempora, puro, terfo, & nitido stylo conscripsit, & hoc titulo insignivit: *Polycratica temporum*. Libris septem distinctum opus, ab Hugone Virleio, in Historiarum figuris, non semel honoris causa citatum. *Ex Edvardo Maihevv, Harpsfeld, Pitio, Lelando &c.*

A.C. 1330.

S.P.N. 850.

Inter præcipua ordinis universi sydera emicat, eminetque Petrus Rogerij de Malomonte Abbas Fiscanensis, ex Abbate Episcopus Atrabacensis, hoc ipso anno electus Archiepiscopus Rotomagensis, vir in Divinis scripturis eruditus, & in prophanis versatus. Iuris vero Canonici Doctor insignis, Trithemio teste, non minus conversatione quam scientia venerandus; suffragente

etiam Hieron. Plato, innumerisque aliis, ingenio acerrimo, eâ dicendi excellens facultate, ut populum quo vellet, concionando impelleret, cuius scripta Trith. libro de script. Eccles. enumerat.

Infinitus penè numerus è diversis Regnis procerum, qui familiæ suæ insignia cucullo post habuere. Inter fæminas non defuere, quæ virili proposito de tribus hostibus, mundo, carne, & dæmone triumpharent: quas inter præcipuo nomine hoc ipso elucescit anno Isabella Caroli Valesij Aragonum & Valentini Regis designati, & Margaritæ Caroli II. Regis Neapolitani filiæ, nata, institutum nostrum in Monasterio Fonteveralliorum professâ ibidem denique in Abbatissam electa. Vid. Wion.

A.C. 1331.

S.P.N. 851.

Mirabile iterum speculum orbi exhibet sacra familia nostra Camaldulensis, B. Paulam Florentinam, totius Hetruriæ rarum, & illustrissimum sanè ornamentum, quæ à Deo ac DEI para favorem & gratiam meruit incomparabilem, & vere inæstimabilem, cum Magna Mater ipsi cum lactente suo illo virginum Sponso appareret, cuius osculo puerili, lactis Virginei rorem (ô dulcedinem!) Paula degustavit. *Ex vita. Ant. Balingh. &c.*

Clarent viri illustres plurimi, è quibus ad Pontificales evecti Cathedras Fridericus ex Abbate Lanckheimensi Episcopus Aichstadenensis in Germania, familia Illustrissimus, ut meritis, ex Landgravijs Sanct. Rom. Imp. Leuchtenbergensibus ortus, Dithmarus ex Monacho Portensi Episcopus Generalensis, multique alii. *De quibus Lib. de Provis. Pralat. &c. Jongelinus, Arnold. Duac. &c.*

A.C. 1332.

S.P.N. 852.

Claret meritis ingentibus tertius Floriensis, Floropolensis sive S. Flori Episcopus Archimbaldus, Monachus S. Flori Cathedralis (ne nescias hoc etiam sæculo, nostros non in Anglia solum, sed & Gallia Cathedrales Ecclesias obtinuisse, sed & hanc Sanct. Flori etiam propter, & per nostros conditam) cui in acceptis referant necesse est

est urbis honorem egregiè promotum cives Floropolitani, & victum etiam opesque suas Canonici Collegialis Ecclesiæ Sanct. Mariæ, ab eodem conditæ. Vid. Clem. Rob. Wion. Democh, Belfort.

Inter purpuratos cum dignitate & merito è nostris eminent Iacobus Furnerii Ioannes XXII. ex sorore nepos ex Abbate Fontis frigidi Sanct. Rom. Eccles. presbyter Card. Tit. S. Priscæ. Ioannes item Vicecomes Mediolanensis ex Monacho S. Ambrosij Mediolani Sanct. Roman. Eccles. presbyter Card. alius insuper, quem non nominat Genebrardus, congregationis Cisterciensis, qui bibliothecam Parisiensem egregie exornans, æterno merito, operam Theologiæ dantes sedecim alumnos perpetuos instituit. Vnde cognoscas alumnorum à nostris primum institutorum, seu potius adoptatorum perpetuam erga Monachos obligationem, de quorum collegiis victuque à nostris exstructis & ceptis alibi fusiis. Vid. Genebrardus, Panvinus, Clemens Robertus &c.

A. C. 1333.

S. P. N. 853.

Sub hæc tempora Ordo Montis Oliveti in agro Senensi, ingenti Ecclesiæ Ornamento, fructuque restitutus, sed & ordo seu Congregatio Grandimontensium, opera maximè ac studio Ioannis summi Pontificis, ad primum non solum fervorem revocatus, verum etiam mirifice auctus, propagatus atque exornatus. Ita nostri ubertati domus DEI, graves & multiplices iugiter manipulos adiecere. Ex Ciaconio.

Claret eximia nominis fama Guericus Abbas noster Igriensis ab reliquis ingenii monumentis celebratissimus. De quo Hieron. Platus, Ciaconius, Trithemius, &c.

A. C. 1334.

S. P. N. 854.

Mirabili Dei providentia, nec sine miraculo, rursus ex ordine nostro Summus Orbis Pontifex eligitur, F. Iacobus Furnerius, quem ex Abbate Montis frigidi Ioannes XXII. Episcopum Appamiarum primum, dein Mirapicensem, & demum presbyterum Cardinalem Tit. S. Priscæ creaverat. Præsignatus pervisum Pontificatus Iacobi,

Episcopo quodam Gallo, qui Furnerio ipsi admiranti, nec expectanti ante electionem significans: pater, inquit, ille qui mihi monstravit faciem vestram, introduxit me in stabulum immundissimum, stercorebus plenum; ubi vidi arcam marmoream, altissimam sed vacuum. Vos estis ille arca, quam debetis in officio vestro virtutibus implere, & signis. Et o Pastor & stabularie, pergit, Curiam & Sedem Apostolatus, iam immundissimum Stabulum, ab avaritiis, & Simoniacis Stercoribus expurgate, vobisque sanctam Romanam Ecclesiam, & Urbem commissas habete. Hæc ex Alberto Argentinensi. Sic occulto Dei consilio electus Iacobus noster, mirantibus ipsis qui eum elegerant, quomodo ipsum præter expectationem nominassent, sed multo magis illo obstupescente, & pro sancta animi submissione exclamavit: asinum elegistis. Verum virum sanctissimum & Reip. Christianæ utilissimum elegisse paulo post patuit, cum statim ac diadema Pontificium accepit, Benedictus eo nomine XII. appellatus, se iuxta visionem memoratam ad iuvandam Ecclesiam totum convertit: sed & eidem exornandæ intentus, quinquaginta aureorum millia, ad reparandas S. Petri, Salvatoris, Lateranensem, aliasque Basilicas Romam misit. Pacem quoque totius Ecclesiæ, atque orbis Christiani sibi in animo esse cum dixisset, nuncios ad Ludovicum Bavarum Ecclesiæ hostem (sic vitæ auctor eum appellat) aliquos destinavit, qui obstinatum sententiæ ad pœnitentiam emollirent. Die Nativitatis Dominicæ, & reliquis sequentibus profusione indulgentiarum omnes Christi fideles ad orationes pro felici administratione invitavit, inque sumptus Cardinalium centena millia florenorum dedit. Eâ liberalitate, turpem avaritiæ luem ex aula non nihil movit, Patrum animos sibi maiorem in modum devinxit. Tantis beneficiis, & præclare gestis Pontificatum cepit Benedictus, unde progressus meritaris. Videantur Albert. Argent. Oldradus in vita. Panvinus, Ciaconius, Bzovius, Dithmarus, Platus. Trithem.

A. C. 1335.

S. P. N. 855.

Admiranda rerum mutatio, sed & ex ea mutatione omnium maxima gra-

gratulatio, diversis Germaniæ, Galliæ, Italiæ &c. Pontificibus, metu Benedicti Pontificis ad sedes suas se recipientibus, qui pro libertate atque animi voluptate, antea cura omni liberi, nihil de ovibus anxij vagabantur, statim quippe atque diadema Pontificium Benedictus accepit, 4. Idus Ianuarij in Consistorio, sic vocant, publico omnes Prælatos & Pastores Ecclesiarum, Avinione ex Curia, ad suas reverti Ecclesias à festo Purificationis Deiparentis iussit: cum omnibus & singulis renunciasset, se vel le uti juris remediis, contra eos, qui nulla causa legitima, ab ovibus Christi, suæ curæ commissis abessent, neque divino de residentia Prælatorum præcepto satisfacere curarent. Ingens planè meritum, & Ecclesiæ Universæ per quam necessarium, ut nescio, quid dignius tantus agere Pontifex potuisset.

A. C. 1336.

S. P. N. 856.

ADmirandus sanè in omnibus Pontificum non solum Romanorum, sed orbis universi Præsulum, speculum Benedictus noster XII. cuius inter alia, dignissimum sanè æterna memoria & imitatione equitatis & Religionis exemplum: quandoquidem insolenti planè, & nunquam satis laudando decreto, Ecclesiastica beneficia, à prædecessoribus suis per inopportunitatem harpyarum Palatarum, ad concedendum, se devorandum Titulo Commendarum omnibus collata, in publico consistorio revocavit, neque ullis unquam, exceptis Patribus purpuratis, ea concedere voluit, hoc Titulo. De eodem Benedicto hæc in vita ipsius habet Oldradus. In beneficiis Ecclesiasticis conferendis id potissimum cavet ne indignis darentur, sæpe dicens, nolle se lutum exornare. Indignos enim illis honoribus homines luto comparabat. Sed ante omnia ad utilitatem posteritatis æterno exemplo commendanda Victoria tanti Pontificis de Carne & Sanguine; ita ut neque ex obliquo quidem, Sanguine iunctissimis quidquam concederet, si ve annueret: agnatos quippe ac consanguineos fingeat sibi ignotos: dignissima & convenientissima Pontificis Maiestati voce asserens: Pontifices Romanos, Consanguineos non habere; Cumque instarent quotidie multi, urgerentque, ut eos promo-

veret, subintulit illud Davidicum, quod pro insigni argumento gerebat. Si mei non fuerint dominati tunc immaculatus ero, & emundabor à delicto maximo. Victus tamen precibus piorum hominum, sororis, an fratris, filium Archiepiscopum Arelatensem esse iussit, eoque excepto, consanguineum vel agnatum neminem agnovit. Mercator quidem Tolosanus dives, Avinionem cum uxore, nepte Pontificis profectus, ad colloquium quidem admisus, magnaue indulgentia ac facilitate tractatus fuit. Cæterum nihil nisi sumptus in itinere factos, & qui domum reversuris necessarij essent obtinuit, atque à Pontifice istud audivit: se quidem, ut Iacobum Furnerium illos agnoscere, at Pontificem renunciatum, consanguineos, & affines non habere. *Ex vita.*

A. C. 1337.

S. P. N. 857.

Efflorescit toto terrarum orbe, incredibili & inæstimabili Ecclesiæ universæ ornamento fructuque, immortalique cum merito Beatissimi Pontificis Benedicti XII. Ordo noster, Monachorum nigrorum; quem hoc ipso anno de consilio Sanct. Roman. Eccles. Cardinalium, & multorum doctissimorum Abbatum, felicissimè reformavit, ut ex ipsis Pontificis verbis liquet: Nos tamen, inquit, ob Zelum amplioris Salutis, & maioris prosperitatis eiusdem, intra nostra præcordia, & cum nonnullis ex Fratribus nostris Sanct. Roman. Eccles. Cardinalibus, & dilectis filiis, Petro Cluniacensi, Ioanne Casæ DEI, Gilberto Masiliensi, Raymundo Psalmodiensi, Gulielmo Montis Olivi, & Gregorio Ysidonensi Monasteriorum Abbatibus eiusdem Religionis, Decretorum Doctoribus, diligenti tractatu præhabito, & super eo digestâ deliberatione sequuta, ut eadem Religio in Divini cultus obsequio floreat. &c. Reformatus autem sic Monasticus Nigrorum Ordo, divisus est in Provincias sex & triginta, quam divisionem subiungendam omnino censuimus, unde ordinis, etiam tempore, amplitudinem, indeque merita, tot diversissimis provinciis, DEO servientium metiaris.

1. Rhemenſis, & Senonenſis pro una provincia.
2. Rothomagenſis, & Turonenſis cum Monafterio S. Florentii, & membris ipſius, quod nulli Epifcopo ſubeſt.
3. Bituricenſis & Burdegalenſis cum Epifcopatu Anicienſi.
4. Narbonenſis & Tolofana & Auxicana.
5. Cantuarienſis & Eboracenſis in Anglia.
6. Hiſpalenſis, Campiſtellæ, & Andaluziæ in Hiſpaniis.
7. Toletana in Hiſpania.
8. Bracarenſis in Luſitania.
9. Tarraconenſis, Caſarauguſtæ, cum Epifcopatu Majoricæ in Regno Aragoniæ.
10. Lugdunenſis, Biſuntinenſis, & Tarrantienſis in Burgundia.
11. Viennenſis, Arelatenſis, Aquenſis, & Ebredunenſis in Delphinatu.
12. Romana Provincia; cum ſeptem Epifcopis ſibi ſubjectis, & Monafteriis ſibi ſubditis; Sublaſcenſi, & Farfenſi, nullius Diceceſeos.
13. Rhegienſis, Coſentia, Sanctæ Severinæ, Roſſanus, Mileti, & Biſignani Epifcopatus.
14. Barenſis, Sipontinus, Beneventanus, Trojanus, Melphitanus, & Epoli Epifcopatus.
15. Conſanenſis, Acherontinus, Tarentinus, Brundifinus, Otruntinus Epifcopatus.
16. Neapolitanus, Campuanus, Malphitanus, Salernitanus, Surrentinus, Caſinenſis, Ravellinus, Averſanus, Epifcopatus, ſimul cum Monafterio S. Vincentii de Vulturno, ab Epifcopali poteſtate exempto.
17. Panormitanus, Meſſanenſis, Montis Regalis, Melitanus Epifcopatus, ſive Regnum Siciliae cum Inſula Melitenſi.
18. Regnum Cypri.
19. Regnum Sardinia & Corſicæ.
20. Patriarchatus Aquilegiæ, Grandenſis, cum provinciis Iudræ & Ragufij.
21. Provincia Mediolanenſis, Genuenſis, & Piſana.
22. Ravenna, Ferrara, & Placentia Civitates.
23. Strigonienſis, & Collocenſis, ſive Regnum Vngariæ.
24. Gneznenſis, ſive Regnum Poloniae.
25. Ardinacenſis, Dublinenſis, Caſſaſlenſis, Duaciſis in Hibernia.
26. Regnum Scotiae.
27. Regnum Bohemiae.
28. Regnum Daciae.
29. Regnum Norvegiae.
30. Regnum Suetiae.
31. Archiepiſcopatus Moguntinus cum Epifcopatu Bambergienſi.
32. Archiepiſcopatus Colonienſis, & Treverienſis.
33. Archiepiſcopatus Bremenſis, Magburgenſis cum Epifcopatu Caminenſi.
34. Archiepiſcopatus Salisburgenſis in Bavaria.
35. Archiepiſcopatus Rigenſis.
36. Provincia item Thebana, Arhenienſis, Patras ſive Corinthi cum Patriarchatu Conſtantinopolitano.

Tam diverſis Provinciis; repente lux nova aſſuſit; & ſingulari Dei gratia id ordini noſtro perpetuum fuit; ut ſingulis omnino ſæculis; velut juventute aquila, renovaretur, adeoque ſanctitatem, merita, exempla in hodiernam uſque diem propagaret, ad finem uſque mundi, prædicente ipſo Numine, propagaturus, & pro Eccleſia Dei, ſtrenue laboraturus.

Ipo año creatus S.R.E. Cardinalis Petrus Rogerij noſter; ex Monacho Filcanenſi & Iuris Canonici eximio profeſſore, Archiepiſcopus Rotomagenſis. *Vid. Ciaconius.*

A. C. 1338.

S.P.N. 858.

Prohibet rursus compendium, tantæ materiei amplitudinem, cui imenſa volumina minimè ſufficerent. Benedictus Pontifex, bono Reipublicæ Chriſtianæ natus, hoc año nervos omnes intendit, & admirabili induſtria, in eo totus eſt, ut Ludovicum Bavarum Ex-Imperatorem ad ſaniora conſilia revocet, pacem toto orbe componat, ſed & graviſſimum Schiſma eliminat. Inter Philippum etiam Franciæ, & Eduardum Angliæ Reges, graviſſimè diſidentes, quamvis apud pertinaces odio Principes, nihil efficeret, Pontificio tamen oneri & honori cumulatè reſpondit. Tantæ verò ipſe Conſtantia fuit, ut dimoveri à recto vel vi, vel pretio,

vel pollicitationibus nunquam potuerit, bonis omnibus amicis malos aperto odio persecutus. Insigne etiam meritum fuit: quo Pontificiam antecessoris dignitatem à calumnia Hæresis vindicavit, ejusque opinionem de mortuorum animis, tam dilucidè exposuit, ut nullus super esset dubitandi locus, decretumque ejus opinionis gratia fecit, & eos qui aliter sentirent Hæreticos pronunciavit. Incredibili dein magnanimitate misso in Italiam Legato, Senatui Populoque Romano persuasit, ut Senatoriam dignitatem, quam diu Regio nomine gesserant, suis tandem & Ecclesiæ auspiciis administrarent. *Ex Vita & Ciacon.*

Protulit hic idem annus, insignes Christi Martyres, Ioannem Messiam Abbatem Alnensem, cum socio Monacho, de quorum Martyrio consulendus, *Henriq. l. 2. dist. 3. q.*

A. C. 1339.

S. P. N. 859.

Benedictus Papa peregregio rursus merito, de Ecclesiâ, & Hispaniâ in primis Regnis meritisimus, bullam cruciatam, contra Reges Marrochionem & Grana-tæ, Agarenos, scribens, qui cruce signarentur contra eosdem, maximis gratiis donat: Vnde plurimis conscriptis, quamvis impare numero nostri pugnarent, ingens hostium fidei clades consequuta, quippe miraculosa sanè victoria, cum Alphonsi Castellæ & Legionis Regis copiæ, quatuordecim millibus equitum, peditum quinque & triginta millibus constarent; Saracénorum tamen exercitum, octaginta quinque minimum equitum, ac sexcenta peditum millia devicere, tanta illata barbaris clade, ut tanto ex exercitu supra quadringenta mortalium millia partim cederentur, partim caperentur, ex Christianor. copiis, non nisi quindecim seu viginti desideratis. *Ex Ciacon. & Hisp. script.*

Claret egregia fama, & contempti Regii fastus immortalis exemplo Ioannua, Caroli Valesij Aragonum Regis filia, quæ à morte mariti Guilielmi III. Hollandiæ & Hañnoniæ Comitum Cænobium Fontanellense ingressa, nec multo post meritis suis exposcentibus Abbatiali honore insignita, benè de Religione & Patria sua merita, cum incredibili sanctimonialium suarum moerore è vivis sublata est. *Vid. Iacobus Meyerus, &c.*

A. C. 1340.

S. P. N. 860.

Richardus Stradleius Abbas Herefordiensis celebratur, præter egregiam

virtutem à scriptis tanto ingenio dignissimis commendatus. Potiora sunt.

Commentariorum in Evangelia, lib. 4.

In quosdam Sacre Scripturæ textus, lib. 1.

In Orationem Dominicam, lib. 1.
Homiliarum, lib. 1.

Videndus Henriquezium alique de pluribus nostri ordinis hoc tempore viris genere, doctrina, & sanctitate illustrissimus. Sed Benedicti ante omnia Pontificis maximi merita fuere Hæresin quippe Fratri cellorum, auctoritate Apostolica damnans, contra Simoniacos exim miranda constantia consurrexit. Sed neque Catholicis parcens, aut adulatus Principibus in delinquentes acerrimè animadvertit, Ioannem Bohemiæ Regem, libertatis Ecclesiasticæ contemptorem, diris percussit. Et Eduardum Angliæ Regem excommunicavit, quod præter decimationem omnium proventuum Ecclesiasticorum, in triennium omnibus Ecclesiis impositam, etiam confiscatione bonorum quorundam Ord. Cister. Monasteriorum, aliarumque ditiorum Religionum, graviter excessisset. Alios item plures pro meritis, sacrorum participatione interdixit. Ut videas, quam constantes, invictique Pontifices nostri, nihil ab homine metuerent, solum Deum reverentur. *Ex Vita & Ciaconio, &c.*

A. C. 1341.

S. P. N. 861.

Obiter paucissima, ex innumeris Benedicti Pontificis, præclare gesta numeramus, ita ut obruente illo manum & calamum, cæterorum è nostris cætera omnia sileamus. Quantum verò ad immortalitatem famæ fuerit tanti Pontificis, Armeniam, Apostolica planè functione, ad communionem Ecclesiæ excitasse, Legatos & Apostolos ad Tartaros misisse, Ecclesiarum per Italiam, omnium Antistitum electionem sibi reservasse, hocque modo, Ecclesiarum dignitatem, pacemque per Italiam stabilivisse, vicarios urbiū per Italiam, & citeriorem Galliam instituisse: Palatium denique Pontificium Avenionè, sumptu atque opere magnificentissimum construxisse, hæc atque alia plura, ponderanda lectori relinquimus. *Ex Ciacon.*

A. C. 1342.

S. P. N. 862.

Sustulit hic annus, tantum Pontificem, incredibili omnium dolore deploratum:

tum: Ejus ante mortem, ingens meritum; instituto ordine, qui hodieque observatur, in expeditionibus poenitentiariae Apostolicae, & pretio taxato Bullarum Apostolicarum & Brevium. Restitutoris Ecclesiarum Titulum meritis, & longiore vita dignus, nisi digniorem meliore Deus judicasset, à quo etiam post mortem est miraculis honoratus. *Vid. Ciacon. Henriquez aliique.* Mœrorem communem, ex tanti Pontificis morte, solata quamprimum Petri Rogerii nostri Fiscanensi Abbate Arelatensis, mox Senonensis, dein Rothomagensis, sacrae denique R. Eccles. Cardinalis, ad summum honorem electio; viri literatissimi, & de Ecclesia meritissimi, quem Ioannes XXII. invito quantumvis Rege Galliarum (qui ejus consiliis carere noluerat) pridem cardinalem creare paraverat. Cui quam primum Clementis VI. nomen impositum. Ciaconius.

Ipsa anno Helftense Cænobium, eo in prælio, quod Brunswicensis Dux cum Mansfeldensibus Comitibus gerebat, eversum, singulari miraculo, necquidquam efferato milite, contra sacras Deo Virgines, earumque Castitatem moliente; precibus utique Magnae Gertrudis, cujus Dux, eam vastitate sacras exuvias textit, utique, quod speramus, majori aliquando cum fructu, ac solatio fidelium eruendas, & proponendas. *Ex Lib. Infim. & Tilman.*

A. C. 1343.

S. P. N. 863.

FRigidissimas illas Septentrionis Regiones, & Regnum inprimis Sueciae, Divinis excitat, accendit & inflammat ignibus Beatus Gerekinus, Monasterii B. M. V. de Alvastra Monachus, qui quantum orationibus posset & proficeret pro Regnis illis & orbe universo, facile inde patuit, quod paucis legitur sanctorum contigisse: ut sub orationis studio, novem Angelorum choros, quasi continenter intueretur. Sed & apud Reginam caeli, orbis Dominam quantum posset, inauditum hujus dignationis exemplum est; cum fortè pro exercitio humilitatis & obedientiae jussus in pistrino, artis ignarus, laborare, ad imaginem in pariete quodam depictam, sibi que cultu familiarem, Dominae suae recurreret, & infantili simplicitate sic ipsam alloqueretur: *Dominæ meae Charisma, Dominus Abbas præcepit; ut cum pistoribus laborem, tu autem scis, me prorsus*

in ea arte rudem esse. Veruntamen juxta voluntatem tuam facere sum paratus, quod mihi suggereris. Stupenda res! Respondit ex imagine virgo: *Fac, quod hucusque feceras* (orationi intentus erat) *& ego pro te serviam in pristino.* Abijt proin ille, ad locum consuetum & orare perrexit, cum interim visa est alia persona pro Gerekinus in pistrino; ejus personam vultu referens ministrasse, cum ipse intem defixus in oratione, in Ecclesia deprehenderetur. Sed postquam Gerekinus similes Suecia habere desuit, & ipsa refrixit, & multas deinceps provincias perdidit, in quas tanquam pruina & grando incubuit, scaturigo maximarum, quas comminatus non semel Deus est, tempestatum Europæ & calamitatum. *Ioan. Tašov. Revel. S. Gertr. Abr. Bzovius, &c.*

A. C. 1344.

S. P. N. 864.

APud Tartaros & Armenios missi non ita pridem à Benedicto nostro duodecimo Apostolici zeli & spiritus viri insignes strenuè laborant, & sudores suos Ecclesiae & caelo consecrant, dispari apud illos & posteriores fructu, cum sanguinariis illi & inhospitales populi, exterorum (quod proprium est barbarorum) osiores, & quasi ex condito hostes, eo ipso incapaces disciplinae se redderent, in Armenia autem multa adhuc priscae pietatis insignia se praderent, nec ita difficulter, plantata pridem cum primævo ordinis flore pietas, etroneis nonnullis depravata dogmatibus, ad rectam rationem revocaretur. *Ex Arachielis Armeni relatione & scriptis divers. Communitatis à R. P. D. Mauro Marchese, Benedicto nostro Redivivo, &c.* Alia plura in Regno Sueciae clarent luminaria, & tria sub hoc ipsum tempus calis lydera inferuntur: Beati Petrus, Olaus, & Tordo Alvastrenses Monachi, quorum nomina, aureis scripta characteribus in libro vitæ legit B. Gerekinus, iminentemque felicem eorum transitum prædixit.

A. C. 1345.

S. P. N. 865.

SUMMA Clementis nostri in Ecclesia Majestas, nomen ipsum consequuta, quod ab ingenii, doctrinae, morumque excellentia decantatissimus, tanto magis in summo Pontificatu suspiceretur, quanto honore illo se digniorem imple fecisset. Absolutum ante omnia Pontificale Palatium Avenionense, ipsi successores Pontifices debuere: Rothomagensis vero Ecclesia,

cui ante Pontificatum summum præfederalat, eidem æternum obligata, in quam ipse seu Matrem propensior, dignitatem ejus inprimis auxit, & Privilegiis plurimis exornavit, sexdecim insuper presbyteros, Collegii Cathedralis numero addidit, æternis redditibus assignatis, quibus alerentur. Vt intelligas quantum Gallia nostris debeat, cujus pleræque Vrbes & Episcopatus, à nostris tanta liberalitate aucti, quanta Religione primum conditi. *Ex Ciacon. Cl. Rob. Gall. divers. script.*

Moritur eodem anno B. Iacobus Gerius Camaldulensis Congregationis Monachus, ipso felicissimo transitu, Angelorum vocibus exceptus. *Aug. Florent.*

A.C. 1346.

S.P.N. 866.

Mira magnitudine in obstinatum Ludovicum, vulgo Bavarum, Eximperatorem animadvertens Clemens, noster summus Pontifex, denuo eundem sacris interdicit, sed & pro auctoritate potestatis Pontificiæ, alium eligi Imperatorem præcipit; Is opera Clementis creatus Carolus quartus, Bohemiæ Regis filius, præfuit annis triginta duobus, mensibus quinque diebus quatuordecim, auctor Bullæ aureæ, summo in pretio à nostris semper habitæ, ut ejus beneficia ex parte ad Clementem etiam nostrum referantur. *Ex Francisco Rosiers. Ciacon. &c.*

Congregatio nostra Vallumbrosana à Benedicto Clementis antecessore egregiè aucta, & propagata, per magnis incrementis floret, & viris præstantissimis, copiosissimisque meritis Ecclesiam auget & ornat, hoc imprimis anno, quo eximia sanctitate electus est Generalis B. Michael Aretinus. *De quo Tabula Vallumbrosana VVion. &c.*

A.C. 1347.

S.P.N. 867.

Hoc circiter anno, Clemens VI. ponderatis ingentibus Coronæ Franciæ in S. Sedem meritis, Christianissimo Regi potestatem fecit sub utraque specie, quandocunque id optaret communicandi. Qua potestate tum ipso die consecrationis suæ, tum in articulo mortis utitur. *Vid. Glos. l. nost. Henriquez, lib. Euchar. cap. 44. §. 7. Gualter. &c.* Item in nostris debent Gallia Reges.

Ipso etiam anno S. Iuonem, presbyterum & Confessorem, in sanctorum numerum, idem Clemens reposuit. *Gerebrard. Baron. in Martyrologio, &c.*

Dignissima dein emptione, cum Pontifices Romani eousque alieno in fundo habitassent, Avenionensis Urbis Dominium ab Ioanna Regina Romanæ Ecclesiæ addidit, auctoritatisque Pontificiæ egregiè consuluit. *Ciaconius. &c.*

A.C. 1348.

S.P.N. 868.

Sanctissimus Bernardus noster Tolomæus, sanctissimum Patriarcham nostrum BENEDICTUM imitatus, inter orationis verba, interque psallentium discipulorum manus, gaudens in Domino, & exultans, beatum spiritum reddidit creatori suo. Is Fundator & Institutor ordinis, sive Congregationis nostræ Monachorum Olivetanorum, de Ecclesia universa, & beatissimis inprimis Parentibus nostris Virgine BENEDICTA & BENEDICTO præclarissimè meruit, cultumque eorundem plurimum promovit. Vir fuit litteratissimus, ut & genere nobilissimus, cumque Philosophiam in publica Academia profiteretur, aliquando repente utroque orbatus lumine, à Deiparente miraculo curatus est, moxque consensu suggestu, tanta facundia copiaque dicendi ad mundi contemptum, cælestesque divitias complectendas, auditores hortatus est, ut omnes, quotquot aderant, in magnam suimet confusionem versi sint, & continuo quidam eorum, inter quos Ambrosius Picolomineus, & Patricius ex æquivoca Patricia familia, uterque ut & Bernardus, nobilissimi Senensium Senatores, Bernardo adhærentes, in proximū Senæ collem se reciperent, eumque de Montis oliveti in Palestina nomine denominantes, ibidem Religiosum vitam, summo rigore, institutum amplecterentur. Ad eos pluribus quotidie confluentibus, metuens, felicem malo suo successum inferus; instigavit, qui nomen eorundem ad Romanum Pontificem, ceu novarum auctorum deferrent. Acciti præter expectationem à summo pastore benignissimè accepti, & Guitorio Aretino Episcopo, qui eis probatam traderet Regulam commendati sunt. Verum dum revertentur BENEDICTA Mater, Angelorum stipata cætu, apparens Episcopo, eidemque viros commendans, BENEDICTI Paris Regulam & Candidum habitum, quibus uterentur porrexit. Ex quo deinceps ordine summo Ecclesiæ bono, viri illustrissimi doctrina & sanctitate prædicere. *Sylvanus Razzi, &c.*

Inter Martyrum candidatum exercituna

tum pro meritis assumptum Bernardum Ptolomæum, etsi ut Confessorem colat Ecclesia, nemo est qui dubitet; Martyrem Charitatis, qui pestilenti lue vehementius grassante cum in novellas quoque oleas invaluisse, verè patrem lectissimorum & dilectissimorum agens filiorum, totum se eis impendit ac superimpendit, vitam, si ita visum Numini, & animam exponens & ponens pro ovibus suis, cum omnibus ipse eo morbo infectis, amantissimè inserviret, donec eodem correptus & ipse decederet. Et sanè ex ejus & tot sanctorum funeribus, non tam desolatum nobile Olivetum est, quàm reviruit, floruit, fronduit, longius deinceps latiusque propagatum. De quorum fervore sic Lancellottus: Corpora pia severitate excruciare flagellis publice, & privatim in templo afficere. In Vigiliis austeri, tamdiu conquiescere, ut vita duntaxat sustineatur, præduris asseribus, nuda humo, culcitra stramentitia, nulla plumarum, culcitrarum, linteorumque cognitione. Precibus nocturnis expeditis, somnus habebatur Monachorum indignus; hinc à Matutinis ad Primas orationibus insistebant. Lectio Bibliorum, quæ certis horis habebatur, omnium jucundissima. Cibis sobriè abstinebant, illis non modo feriis, quas assignat inedia vel mater Ecclesia, vel Pater Benedictus, sed etiam aliis compluribus, pietatis ardore & stuant, sanctorum pervigilia, verumque sejunium pane duntaxat, & aqua transigentes. Imo, paucis annis interjectis, ardentioris pietatis studio adducti, vel ab Apostolo illis vocibus admoniti, Bonum est non manducare carnem, & non bibere vinum, Rom. 14. & à S. Benedicto, Monachis vini mensuram præscribente. (Quamvis vinum omnimodo, legimus, non esse Monachorum, cap. 40.) commoti, hoc potionis genus omnino rejiciunt, utque nulla detur, sancti hujus propositi perumpendi occasio, vineas circumjectas recidunt, & vasa omnia sive dolia, ad servandum at commodata, è Monasterio tollunt. Verum frigidam haurientes, aliquanto post in morbum ferè omnes delapsi, Apostolo auscultare coguntur præcipienti: Noli adhuc aquam bibere, sed modico vino utere propter stomachum tuum I. Tim. 5. Vinum propterea mense apponitur, adeo tamen infuscatum, ut animo nihil obsit, corporis tamen valetudini non minimum proficiat. Silentium, quod servabatur, popularibus intervenientibus admirationem, simul & venerationem faciebat, &c. De vestibus nullo modo laborabant Benedictina legis asperitatem retinentes, imo transilientes, abjectissimis contenti. Longum esset obedientiam, qua non tantum Præsides, sed etiam

æquales prosequerantur commemorare, c. 72. Reg. S. P. N. Sanctissime decertantes, alius in pietate, alius in lenitate, alius in moderatione sermonis; alius in precationum diuturnitate, alius in tolerantia, alius in ope egentibus affrenda, alius tandem in obsequio superis exhibendo. Hæc studia Monachorum, hic ardor, hic in disciplina progressus, &c. Huc usq; doctissimus Lancellottus. Quæ prolixius dedimus, ut vel elanguente apud nonnullos disciplina, quantum se apud alios nostros extulerit animadvertas.

Moritur eodem año S. Sylvester, con-
versus Monasterii SS. Anglorum, Con-
greg. Camald. De quo, unde cognoscas,
quantum Ecclesiæ Dei, etiam Monachi
illiterati, profint exemplo, oratione, & in-
nocentia, legendus *August. Florent. pag. 2.*
hisor Camald.

Pestifera lue toto orbe grassante, tanta contagione, ut vix decimus quisq; ex mille mortalibus superesset; magna pietatis Christianæ, admirandaq; opera Clementis nostri summi Pontifici fuere erga eos, qui labe illa infecti erant; de quibus legendi Ciaconius aliq; unde mireris tantam in tanto Pontifice, filiorum curam, & in pauperes propensionē ac profusionē.

A.C. 1349.

S. P. N. 869.

AETernum debet. Clementi nostro
florentissima hodie Academia Flo-
rentina, hoc ipso año instituta, ab eodem
egregiè ornata, & confirmata, in qua ipse
Theologiam, ceterasq; facultates doceri
præcepit, *vid. Ciacón.*

Claret ipſo tempore Guilielmus noſter Archiepiſcopus Caſarauguſtanus ex Monacho Cluniacenſi, quem Clemens à pu- bertate ſemper ſecum habuerat, ac S. R. E. Cardinalem Titulo S. Mariæ trans Ty- berim creaverat. Cuius ejusdem Clemen- tis opera, & exemplo toto paſſim orbe re- floruere viris doctiſſimis undecunq; acci- tis, quos Clemens eximiis proſecutus fa- voribus, eo ipſo omniũ ad ſtudia liberalia animos mirificè accendit. *Ex vita & div.*

A.C. 1350.

S.P.N. 870.

Inter omnes verò actiones , quas fecit idem Clemens summus Pontifex, nulla illustrior & laudabilior illa, qua post Bonifacium VII. qui Iubileum Plenariæ remissionis, centesimo quoq; anno instituerat, ipse propter brevitatē vitæ humanæ, ipsius Iubilei annum centesimum ad quinquagesimum reduxit: fundato in sacris scripturis usu numeroq; ut quod olim carnaliter apud Hebræos, hoc in animabus nostris spiritualiter fieret. *VVion. Ciaccon. &c.*

A. C. 1351.

S. P. N. 871.

CLarent summa in Ecclesia auctoritate, eximiisq; meritis, præter plurimos ex ordine nostro Episcopos, Archiepiscopos, aliosq; Ecclesiæ Prælatos, Guilielmus de Curti Episcopus Cardinalis Tusculanus, à Clemente creatus, præclarissima ad Longobardos legatione insigniter meritus: Hugo Regerii Monstrius de Malmonte, Clementis ipsius Papæ frater Germanus ex Tullensi Monacho S. R. Eccl. Cardinal. Tit. SS. Laurentii & Damasij; Deodatus de Canithaco S. Flori Cathedralis, nostri ordinis Monachus, dein Episcopus ibidem, à Clemente S. R. Eccl. presbyter Cardinal. Tit. S. Crucis in Hierusalem creatus; Guilielmus de Agrifolio Card. Tit. S. Calixti; Petrus de la Foresta ex Monacho S. Dionysij S. R. E. Cardinal. ab eodem adoptatus. De quorum omnium meritis & dignitate legendi *Ciaconius, Villar. Parvinius.*

A. C. 1352.

S. P. N. 872.

Moritur hoc deniq; año, fama ac meritis immortalis Clemens noster Pont. Max. relictis præter res præclarissime gestas, ingenii quoq; præstantissimis monumentis, ex quorum plurimis, aliqua quæ vidit ipse Arnold. noster commemorat.

De Canonizatione S. Iuonis, lib. I.

De approbatione Caroli Regis, li. I.

Sermonum Variorum, lib. I.

Collationum item, lib. I.

Epistolarum ad diversos, lib. I.

Decretalium ejusdem, & Epistolarum volumina plura, se vidisse idem affirmat, in Bibliotheca Vaticana: quæ speramus aliquando bono publico in publicum proferenda. Eidem debet posteritas Missam ab eodemmetipso compositam & propositam pro mortalitate: Recordare Domine Testamenti tui, &c. Nullam autem, ait Ciaconius, constitutionem posteris relictam, celebriorem existimamus, ea, quæ de victu Cardinalium lata est, quoties ad eligendum Pontificem conveniunt, quæ inter acta Concilii Constantiensis reperitur. Vt insignem illum eligendi Pontificem Rom. ordinem nostris, etiam ipsa Ecclesia debeat. *Vid. Ciacon. &c.*

A. C. 1353.

S. P. N. 873.

Illustrissimum suo sæculo, contempti sæculi exemplum, elucescit è Monasterio Mariæcampensi Venet. Lubertus à

Wenden, vir & genere præstans & eruditione, qui ex Canonico Osnaburgensi, factus Tyro Novitius in prædicto Canobio, cum ad insulas Pontificias, translato ad Bremenses tunc Episcopo, ex ipso Novitiatu peteretur, constantissime abnuitt, pari constantia delatos iterum atque iterum honores Pontificios recusando. *Cranzius, Bruschius, Jongel. & nos, libro de Episcopis Germania, &c.*

Effulsere tamen plures alii sub hoc ipsi tempus è nostris in Pontificalibus Cathedralis, non minus re benè gesta, in insulis, quam rejecto honore gloriosi, è quibus Petrus de Porta ex monacho Bolbonensi Archiepiscopus Messanenensis in Sicilia, Alexander Devereux ex Abbate Donbrothienensi Fernensis Episcopus in Hibernia, Bernardus Clermontius ex Abbate S. Abundi Comensis, in Italia, ut plures alios prætereamus, egregii in Pontificatu, honoris Monachici assertores emicuisse. *Ex Rocho Pino in Hist. Archiep. Messan. lib. de Provif. Pralat. &c.*

A. C. 1354.

S. P. N. 874.

Ioannes V. Cantacuzenus Imperator coactus à Ioanne Andronici filio Imperio se abdicans, solatium mœoris in cucullo quaerit & reperit, eximiis exin meritis, ingenii nimirum & virtutis posteritati magis quam ipso imperio commendatus monumentis: fuere autem:

Contra Saracenorum Hæresim pro Christiana Religione Apologiæ quatuor.

Contra Mahometæ orationes quatuor.

Contradictiones adversus Prochorum Cydonem.

In eundem liber alius.

Paraphrasis in quinq; libros Ethicorum Aristotelis, quæ servatur Venetiis in Bibliotheca SS. Ioannis & Pauli. Floruisse autem hoc ipso tempore Constantinopoli, Cluniacensium & Cisterciensium Congregationum nostrarum, Canobia, & superius diximus, & aliqui auctores Ioanem absolute BENEDICTINIS, sive ut vocant Monachis Nigris adscribunt. *Videndus VVion. c. 2. l. 4. & c. 23. ejusd.*

Claret Ioannes de Schepey, Roffensis Episcopus, ex Monacho & Priore Roffensi, ea virtutis fama commendatus, ut ipsum Romanus Pontifex Ecclesia illa dignissimum judicans, Episcopum esse iussit. *Vid. VValligh. &c.*

A. C.

A.C. 1355.

S.P.N. 875.

ADmirabili vitæ sanctitate, & volumi-
nē pleno incomparabilis fructus, à
Divino dictato Spiritu, orbem demere-
tur B. Brigida Vidua, Brigidani sive Bri-
gittini ab ipsa cognominati ordinis feli-
cissima Institutrix, quæ etsi Divi Patris
nostri Legibus se non obstrinxerit, multo
tamen nomine eidem alias obstricta fuit,
atq; eo inprimis memorando, quò suam
ipsa Regulam ac Instituta nostris debuit,
quæ nimirum eidem Beatus Petrus no-
ster, Prior Cænobii B. M. V. de Alvastra
præscripsit, eoq; nomine, & Brigittam, &
universam amabilem ejus familiam im-
mortaliter demeruit. Sed & aliis magnis
favoribus Brigitta à nostris adjuta & ho-
norata fuit, & in S. Pauli Romano Cæno-
bio, cum se illic totam, ut Magnus sanctif-
simæ illius atq; Illustrissimæ Societatis Ie-
su Patriarcha S. Ignatius, expectoraret,
memorabili perfusa solatio & donata gra-
tia, uti ritè semper agnovit, & in nostris
coluit, sic & à nostris culta, ejusq; sacra
familia, honorata, notata, promota fuit.
*Const. Cajetan. Rer. Cist. div. script. Maurus
Marchesius, &c.*

A.C. 1356.

S.P.N. 876.

HElías de Sanct. Arelio ex Abba-
te S. Florentii Episcopus Vercicen-
sis, dein S. R. E. Cardinalis, claret; Henri-
cus item Baro de Brandis ex Monacho
Einsidlensi, Episcopus Constantiensis.
De quibus legendi *Cl. Rob. Jacob. Mantius,
Chron. Const. Bened. Const. &c.*

A.C. 1357.

S.P.N. 877.

INter eruditos sæculi hujus, relati è no-
stris, plurium auctoritate: Richardus
Cicestrius, Westmonasteriensis Asceta,
quem inter Chroniographos sui tempo-
ris, facile principatum obtinuisse (quæ
magna laus nostrorum tot sæculis ante
ipsum extitit) ex Bostono Buriense Pitius
affirmat. Scripsit autem, Speculum Hi-
storiæ, libris quatuor; *Chronicon Saxonum
libris quinque, aliaque.* Neq; minus, singu-
lari eruditione & meritis se commendavere
Ioannes Petroburgenfis Abbas, & Gual-
terus Bederichworthus, nec non Galfre-
dus Watertonus S. Edmundi Ascetæ le-
ctissimi, quorum primus *Annales Anglo-
rum*; alter, *Commentarios in Magistrum
sententiarum; Lecturas scholasticas; Morali-
tates in Psalterium; Collationes Monasteria-
les, aliaque.* Galfredus similiter, in *Psalte-
rium* commentatus &, ut erat Deiparæ
amantissimus, plura in honorem ipsius,

librum scilicet, cui titulus *Mariale*, & alte-
rum in salutationem angelicam, scripsit,
ut nihil de Ioanne Maluerneo, Wigorni-
ensi Monacho, aliisq; memoremus, quo-
rum libri typis prodire, dolendum au-
tem plurimum sit, tam diversis bellorum
calamitatibus, non tam unius gentis; quã
orbis universi irreparabili detrimento, vi-
ctores quoscunque, qui monumentis qui-
buscunque ejusmodi non pepercerint,
præter infamem victoriam, suam & bar-
bariem & scelus, universæ posteritati, cū
odio sui nominis æterno, indelebili infam-
iæ nota transmisisse. *Vid. Pitius, Harps-
feld. Maihevv. &c.*

A.C. 1358.

S.P.N. 878.

CLaret, summa cum Regni admiratio-
ne illustrioribus è pullo cuculli colo-
re, quam ex auro & purpura Beatus Vi-
pho Princeps Nericia, S. Brigittæ mari-
tus, qui pietatis exemplis cum ipsa in con-
jugio religiosissime contendens, Sueciæ
& Regnorum Septentrionis utroq; in sta-
tu miraculum fuit, cum in Monasterio
Alvastrensi inter Christi servos, esse ulti-
mus majori contenderet generositate,
quam, qui ambitiosissime insidiantur ho-
noribus, pro Regno & Principatu indi-
piscendo, laborant, & in honorum eva-
dere verticem enituntur. *Ex Vita, Chryf.
Henric. &c.*

Magno vitæ exemplo Colonienfis
præluet, & Wilhelmum de Gennepe
Colon. Electorem & Archiepiscopum
demeretur, Ioannis Veteris-Montis Mo-
nachus, ob vitæ doctrinæq; famam Cæno-
bio extractus, & electus Scopiensis in In-
sulis Orcadum Scotiæ Episcopus, prædi-
cti Archipræsulis Vicarius & Comissarius
Generalis, quo in munere, insignem illi
Ecclesiæ navavit operam, & honorè Mo-
nasticū plurimū commendavit. *Ex Monim.
Colon. Episc. nost. libro de Provis. Pralat. &c.*

A.C. 1359.

S.P.N. 879.

EXtinguitur hoc año illustre sacræ no-
stræ Cisterciensis familiæ decus, Beata
memoriæ Ioannes de Chaumenaio, Ab-
bas & Generalis meritisissimus, etsi afflictif-
simus, cum gravissimis jam tunc sacer or-
do & Monasteria, calamitatibus, & in-
hiantium Comendatariorum, Sacrilega
libidine vexarentur, quibus pro virili se-
te, vir sanctus opposuit, & ipso conatu suo
præclare meruit, etsi apud impios parum
prævaleret. Cujus generosos ausus, &
rita, dum in mortali etiamnū ageret cor-
pore, insignibus miraculis comprobavit,

furdīs ad verba tanti viri, ut & cæcis ad opera atque miracula, iis nihilominus in obstinatione perdurantibus, quibus jam decretum est, quod invasere semel Christi patrimonium, usurpare deinceps, & *secure*, ut religiosissimè loquitur Sausseius, *iram Dei præstolari*. *Sequinus, Claud. Rob. Chrysf. Henriq. Barn. de Mont. &c.*

Inter scriptores nostros celebrantur: Ioannes Scheppeius, Roffensis Cænobii Monachus, & Prior, ejusdem dein urbis pro meritis Episcopus, & Ioannes Wiltonus cognomento Iunior, Westmonasteriensis Asceta, in Philosophia subtilis & solidus, rerum sublimium & cælestium contemplationi mirificè deditus, cujus scripta, inquit Pitius, pietatem redolent, & animum à terrenarum rerum contagione penitus alienum demonstrant. *Eduard. Mathew & Pit. cit.*

A.C. 1360.

S.P.N. 880.

Ingens in Ecclesia fructus ex reflorescentibus nostri ordinis Congregationibus, Camaldulensi & Vallumbrosana, sed multo magis ex recentibus, & primo fervore flammantibus, Olivetana, & Grandimontensi, ut si quis de militarium insuper, ex ordine nostro Congregationum meminisse velit, immensum metiri aggrediatur. Legendi eorumdem ordinum scriptores.

Multus virorum illustrium S. R. Eccl. Cardinalium & Episcoporum numerus, quem studiosè negligimus. *Vid. VVion. Cl. Rob. Ioan. Chanu. &c.*

A.C. 1361.

S.P.N. 881.

Androinus de Roca S. Theol. Magister Monachus & Abbas Cluniacensis, ex Abbate S. R. E. Cardinal. Tit. Sancti Marcelli, clarissimus, pluribus pro Ecclesia Legationibus meritisimus effulget, in componenda pace (& quantum id bonum, sine quo nullum est bonum?) felicissimus. *VVion. Bern. Coñ. Ciacon. Bar. &c.*

Celebrantur etiam Simon Eliensis, Henricus Baderbornensis, Hugo Lemovicensis, Guilielmus Carnotensis &c. Episcopi ex ordine nostro viri clarissimi.

A.C. 1362.

S.P.N. 882.

Miranda non solum, sed prodigiola hoc anno electio B. Urbani hoc nomine Quinti Rom. Pontificis. Is Innocentio mortuo, Casini forte agens summa loci Religione ac sanctimonia captus, cū

ex una parte, retroacti temporis opes, & magnificentiam: ex altera, præsentis status angustias, & quandam veluti servitutis imaginem, secum reputaret, inter preces ac lachrymas, ad Sanctiss. Patriarchæ sepulchrum, voto se astrinxit: si quidem destinatione Numinis, Vicariæ Petri vices, aliquando sibi in Christiana Rep. obvenissent (erat autem tunc Cluniaci Monachus S. Victoris Massiliæ Abbas) sedulo curaturum, ut Casinas domus nimium depressa (Episcopi tum aliqui præerant) & penè humi jacens, sublevaretur, & nominatim rerum ac Cænobii administratio (Episcopi munere, ac nomine sublati) ex vetere Instituto penes Abbatem resideret; hoc enim numerabat, ait Scipio Casinas, inter præcipua adjumenta, quibus posset Monachorum existimatio, ac res familiaris, facilius commodiusque reparari. Mirum & verè admirandum, delati supremi honoris diem eundem fuisse (quamvis Cardinalis non esset) quo Casini votum nuncupaverat, ex legatis cognovit, qui ex Italia in Patriam redeunti, litteras, & fausta gratulationis nuncios, ab sacro senatu, in Galliis commorante, ad Urbem Mediolanum obviam facti, detulerunt. Inito postea Magistratu, confestim summo studio perficere, & exequi curavit, quæ antea Sanctiss. parente BENEDICTO promiserat; familia Casinas in tutelam ac patrocinium recepta: Cænobii regimen, perspectæ fidei ac solertiæ procuratoribus demandatum: Abbatis appellatio ac dignitas sibi uni vindicata (ecce Romanum rursum Pontificem eundemque Cassinensem Abbatem) idque per annos quatuor & menses aliquot. *Vid. Ciacon. M. Ant. Scipio, &c.*

A.C. 1363.

S.P.N. 883.

VT nullam non uspiam novam seu noviter institutam sive etiam reformatā novo fervore familiam, nostri quamprimum tanquam à Numine peculiariter sibi commendatam, non amplecti, venerari, & modo quocunque sibi possibili demereri studuerunt, ita & lectissimum *Servorum B. M. V.* Ordinem, vel pro ipsa tanti nominis dignitate & amabilitate, summa devotione & reverentia complexi, in ipso & omnibus eius membris, membra & viscera Dominae suæ venerati sunt. Inde plurimi Abbates nostri & Pontifices, illis non tam consilio solo, quam manu & toto animo adfuere. E quibus Androinus noster à Rupe Maria-

Marianæ familiæ Cluniacensis Archiab-
bas & Generalis, dein S. R. E. Cardinalis,
Protector *Servorum* prædicti ordinis ele-
ctus, Dominæ suæ & Domesticorum ejus
adeo singularium servus humillimus, ere-
ditorum sibi rationes diligentissimè pro-
movit, aliaque inter merita, candidissime
Matris virginis lobolem, purpura sacra
convestiens, in ipsomet, ut vocant, Titu-
lo Cardinalatus sui, *Servorum B. M. V.* Col-
legium fundavit, & præfecturam insti-
tuit; Sed & in habitu servorum eorum-
dem, & ipsis consepeliri voluit, etsi nihil-
ominus postea Cluniacensibus suis à mor-
te redditus, & inter proximos Reginæ
Cælorum Palatinos, Sanctos Hugonem,
Odonem Majolum & Odilonem recon-
ditus. *Ex communicatis PP. Servorum, Clu-
niac. monim. Cajetano, &c.*

Meretur sub hoc idem tempus, non
minus de cælo, quam terris, de ordine in-
primis, & quorum plurimum intererat,
& interesset, nisi amicorum Dei hostes
esse mallerent, quam cultores, de diversis
Regnis, Ioannes de Thinmouth noster,
S. Albani Monachus; qui ut concivium
suorum exemplis totas provincias excita-
ret atque accenderet, vitas, res gestas, &
miracula Sanctorum Angliæ, Walliæ, Sco-
tiæ, & Hiberniæ, ingenti volumine com-
plexus est, quod Sanctilogium Servorum
Dei appellavit; in cuius, & aliorum ope-
rum ejus laudem, multa Pitius comemor-
rat. Scripsit autem teste Bostono Buri-
ensi, præter jam dictum volumen:

Sanctilogium minus, Supplemen-
tum Prioris, librum unum:

In Genesim, lib. 1.

In Exodum, lib. 1.

In Leviticum, lib. 1.

In Numeros, lib. 1.

In Deuteronomium, lib. 1.

In Iosue, lib. 1.

In Iudices, lib. 1.

In Reges, lib. 4.

In Apocalypsim, lib. 1.

Lectionarium Ecclesiæ, lib. 1.

Historiam Auream, lib. 3.

Supplementum ejusdem Historiæ,
lib. 1.

Appendices Martyrologii, lib. 1.

Vir, ut ait Pitius, omni genere virtu-
tum ornatus, & multiplici melioris erudi-
tionis suppellectile instructissimus, sacris
scripturis, legendis, meditandis, expli-
candis impensè deditus, &c. *Videatur
Eduardus Maiheru & citati.* Quo ipso
tempore floruit Anonymus quidam, sed

merito suo satis cognitus Regno, Mona-
chus Malmesburiensis, qui Magnum opus
Historicum libris quinque contexuit, quod
appellavit: Eulogium Historiarum. *Vi-
deantur Capgravius, Maiheru, &c.*

A. C. 1364.

S. P. N. 884.

Quantum Pontifices Roman. & Im-
peratores, in uno Lamberto nostro
Gengenbacensi Abbate repositum habe-
rent, abundè per hæc tempora testati, di-
gnissimis eundem functionibus adhibu-
ere, sed & Cathedrales præcipuè per Ger-
maniam Ecclesiæ, cucullum Monachi
pia propensione & fiducia vellicantes,
eundem sibi præesse exambientes, eun-
dem primo Brixientem, mox Spirensen,
dein Argentinensem, denique Bamber-
gensen Episcopatum administrare co-
gerunt. Vt planè hominis, hoc præfer-
tim tempore, miraculum admiremur.
Vid. dict. Episcop. Chroni. &c.

A. C. 1365.

S. P. N. 885.

Meritis prægnantissimus annus, quæ
ramen omnia nostrorum, unus ni-
mio splendore obfuscat B. Urbanus noster
summus Pontifex ut nec meminisse qui-
dem aliorum seu velimus, siue possimus,
Princeps, & revera maximum est: hoc
anno Urbanum nostrum Pontificiæ Ma-
jestatis præsentiam Romæ reddidisse, &
ab exilio redeuptem Romanam denique
sedem, eousque per Legatos, & sæpe Ty-
rannos occupatam, summa omnium grä-
tulatione applausuque recepisse; Vatica-
num palatium reparasse, hortis & virida-
riis exornasse, & digno planè consilio, iis
excolendis, pauperes Christi adhibuisse,
quorum octingentos, & mille aliquando,
alere consueverat. Carolus IV. Imp. in-
tellecta Urbani Romam protectione, eo
& ipse, cum uxore & liberis, honoraturus
Pontificem, & reditum gratulaturus ad-
volavit, ac stratoris officio Pontifici Ro-
mæ exhibito, eidem & in sacris Diaconus
ministravit, & Evangelium decantavit.
Neque ea solum, Occidentis Augusti sub-
missione, felix fuit Urbanus, sed & Orien-
tis Imperator Ioannes Paleologus; non
eidem solum se submisit, verum & ipse
Romam, venerationis gratia venit, publi-
ceque Catholicam fidem, quam Roma-
na Ecclesia docet, & Spiritum sanctum à
Patre filioque procedere, Romanumque
Pontificem summum Gregis Dominici
pastorè, caput & Magistrum professus est.

A. C.

A.C. 1366.

S.P.N. 886.

INter scriptores sæculi hujus illustrissimos, sydus fulgentissimum elucescit Petrus Berthorij, Monachus & Prior Sanct. Eligij Parisiensis, vir, ut Trithemius asserit, in Divinis scripturis studiosissimus & valdè eruditus, atque in sæcularibus litteris egregiè doctus, in declamandis sermonibus ad populum excellentis ingenii, Philosophus, Historiologus, & Cosmographus insignis: scripsit inter alia magnū & egregium opus tribus voluminibus distinctum, Dictionarium Prædicatorum appellatum.

Repertorium Morale, lib. 3.

Reductorium quoq; Morale, lib. 4.

Inductorium Morale, lib.

Breviarium Historiarū Biblic. lib. 1.

Cosmographiæ, lib. 1.

Sermonum variorum, lib. 1.

A.C. 1367.

S.P.N. 887.

Legatione dignissima, summarum auctoritate fungitur Anglicus noster, ex S. Rufi Monacho, S. R. E. Cardinalis, de *Re qua consulend. Henriquez. l. 1. d. 18.*

Moritur miraculum illud viri Contemplativi Beatus Ero noster Abbas Armentariæ in Hispania, cum aliquamdiu Cænobio suo & Hispaniæ, velut rediivus redditus mirifice illuxisset, ab illo ut diuturno admodum & stupehdo, sic brevissimo sibi ducentorum annorum Contemplationis somno (tanto siquidem tempore expers cibi potusque somnum dilectorum Domini gustaverat) ad labores, & tertium jam Monasterij à se olim gubernati sæculū regressus, vir per omnia prodigiolus, cujus in exhortando, post id otij, gratiam & virtutem, atque ab his & vitæ exemplo fructum, ipse omineris. *Ex monim. Arment. Bern. Montalbo Malach. Hortensi, &c.*

A.C. 1368.

S.P.N. 888.

Spectatissimus toto orbe fama sæculi hujus, & gloria, exsplendescit Simon de Laugham, ex Monacho & Abbate Westmonasteriensis, Regni Angliæ thesaurus, mox Eliensis Episcopus, exin Archiepiscopus Cantuariensis Cancellarius Regni & primas; S. R. E. denique Cardinalis presbyter Tituli S. Sixti, exin prænestinus Episcopus, & S. R. E. Legatus, ut obstupescat totus, qui unius hominis, tot ac tanta merita audiat, videatque tam di-

versis negotiis viri unius ingenium, atque industriam suffecisse. Fuit idem ex meritis ordinis Carthusiani fautoribus, qui Cænobium S. Mariæ de bono condidit, in eodem denique sepultus, ut videas, quam proprium nostris semper fuerit, alios quoscunque ordines fovendi & promovendi. *Ciacon. Thom. VValsingh. &c.*

A.C. 1369.

S.P.N. 889.

Aliud ordinis nostri ex congregatione Cistert. affulget lumen, Adamus Abbas Regiilocii, in celeberrima Oxoniensi Academia SS. Theologiæ Professor nominatissimus. Vir assiduus in librorum lectione, inexhausto labore, indefessa diligentia, insatiabili scientiæ desiderio, qui noctes diesque jugiter studendo ad multiplicem diversarum rerum cognitionem, feliciter pervenit. Ejus inter alia, præcipuè sequentia opera commendantur.

De cavendo ab Hæresi ad Simonem Episcopum, lib. 1.

Ad Scotos Dialogus rationis & animæ, lib. 1.

Pro ordine Monastico, lib. 1.

Defensorium exemptorum, lib. 1.

Epistolarum ad diversos, lib. 1.

Videatur Chrysostomus Henriquez. fasc. SS. lib. 2. dist. 26. &c. pl.

B. Urbani nostri summi Pontificis, innumera in orbem Christianum, & Ecclesiam beneficia, paucissima commemoramus: Illustrissimum planè istud, quo ambitioni nequissimæ frenum imposuit, dum serio edixit: ne quis plura uno, certe pro dignitate virtutis & scientiæ, pauca beneficia Ecclesiastica possideret. Quemque in propria Ecclesia residere coegit: circa cultum corporis externum, & vestium honestatem, multam curam, ac studium impendit, ut ad antiquum morem (dignissima sanè tanto Pontifice sollicitudo) omnia revocaret, habitumque, & vestium pristinum usum induceret, nimiam licentiam edictis ac legibus castigandam, & comprimendam judicavit. Nec minus, quo Italiam universam, maximè Bononiam æterno sibi debito obligavit; quandonimirum Bononiensem celeberrimam toto orbe Academiam longis bellorum turbinibus stratum crexit, & anti-quam illi novis concessis privilegiis restituit dignitatem.

Haud

Haud impari beneficio de Galliis meritus, & Academia Parisiensi, præcipiens eandem optimis legibus instaurari: *Vid. Petrarcha, Ciaconius, Panvin. &c.*

A.C. 1370.

S.P.N. 890.

VRbanus quintus, five minus comòdè Romæ haberet, five ut alia in Gallia transigeret, Avenionem profectus tertio post mense morbo invallescente feliciter emoritur. Statuit, ut corpus more pauperum sepeliretur, incineratum vero, ad suum D. Victoris Monasterium, ubi quondam fuerat Abbas transferretur. Ita Pontifices nostri plurimi, ad Cænobia sua referri, plurimi ibidem mortem expectare voluere. Felicissimus hic Pontifex Urbanus, nova & æterna felicitate urbem atque orbem beavit, dum indicto jejunio & processionibus, abscondita pluribus jam sæculis Apostolorum Petri & Pauli capita reperit, fidelibus, eo loco quo hodie cernuntur veneranda reposuit, & intermissum tanto tempore cultum eorumdem summo Romæ splendore revocavit. Idem, æterna fidelium consolatione & benedictione, sacrata ceræ & S. Chrismate tinctæ, quæ ab imagine Agnû Dei appellant, usum multis item sæculis intermissum, & oblivione incognitum, restituit, sed & Ioanni Imperatori eundem commendans sacratam ceram constantinopolim usque transmisit, qui sacro muneri solemnî pompa triumphantis more occurrens, idem inter festos populi applausus, in urbem intulit. Idem ordinem virorum ac virginum B. Brigittæ, ordinem item S. Hieronymi in Hispania, ordinem Iesuatorum, sed & Montis Oliveti confirmavit, & innumeris claris meritis cum insigni sanctitatis opinione decessit. *Vid. Ciacon. Panvin. VVion. Frusins, &c.*

A.C. 1371.

S.P.N. 891.

Memorabili, & fructuoso in primis pœnitentiæ exemplo, ambitiosi ad honorem Pontificium aditus à se ipso damnati, Orbi & Poloniae præfert Iaroslau cognomento Scotnicus, gente Bogorius, Gnesnensis Archiepiscopus; à se ipso ultro ob id ipsum exauctoratus, qui sacræ familiæ nostræ Cisterciensi in Landensi Cænobio se adjungens; cum illic biennium laudabiliter exegisset, tantum in schola humilitatis tantillo tempore profecit, ut non in vita solum pœnitere

fatis habuerit, sed & à morte cadaver suum, non per Ecclesiæ portas, sed pertuso pariete ad sepulturam deferri iusserit, quasi qui non tanquam pastor, sed ut fur & latro, eandem olim intrasset exemplo hoc, non tam ad sui solum ævi homines valente, sed merito omnium sæculorum ætatem percellente, nisi qui nundinari hodie honores Ecclesiasticos, exambire, extorquere solent, in omni Simonitarum scelere, nullum depræhenderent, ipso ut aspectu & concupiscentia excoecati, sic insensiles tactu atque adustione.

A.C. 1372.

S.P.N. 892.

VT nunquam non maximorum emulos Doctorum Ordo noster habuit, sic obscurissimo hoc sæculo, quo tot hæresum vespertiliones, in publicum prorupere, magnum sane virum atque illustrissimum protulit, non minus virtute conspicuum quam eruditioe, Ioannem à Tinmouth, S. Albani Monachum, qui cum impii sacrum pervertere textum & pro libidine suoque interpretari ingenio non reverentur, ipse sanctissimis atque eruditissimis Commentariis illustravit. Scripsit autem:

In Genesim, lib. i.

In Leviticum, lib. i.

In Deuteronomium, lib. i.

In Iudices, lib. i.

In Apocalypsim, lib. i.

In Exodum, lib. i.

In Numeros, lib. i.

In Iosue, lib. i.

In Reges, lib. i.

Historia Aurea, lib. i.

Sed & vitas, res gestas & miracula sanctorum Angliæ, Walliæ, Scotiæ & Hiberniæ ingenti volumine complexus, omni posteritate immortaliter meruit. *De quo Bostonus, Pitsius, Maihev. &c.*

A.C. 1373.

S.P.N. 893.

INter viros ordinis illustrissimos, claret hoc anno, & pro meritis eligitur ex Abbatè Fiscanensi Præses Curia Iuvaminû Parisiis Ioannes de Grangia; idem Episcopus Ambianensis, dein Cardinalis Tit. S. Marcelli, postea Episcopus Tusculanus. Vnde facile animadvertas, quid de tanto viro sentiendû, quem ipsi homines maximi ita exambierunt. *Vid. Andreas Quercetanus, Paulus AEmilius, Ciacon. Clem. Robertus &c.*

Meritur

Moritur eodem año Petrus de Stamno d' Estain, ex Monacho S. Flori Episcopus Florientis, postea S. R. E. Cardinalis, & Archiepiscopus Bituricensis; de ordine Prædicatorum meritis, quibus Conventum seu Cænobium exstruxit. Idem S. R. E. Camerarius, dein Card. Episcopus Ostiensis, & Veliternus, idem Italiæ Legatus, & à Gregorio XI. post Urbanum ea in dignitate confirmatus. *Vid. Ciacon. Onuphr. &c.*

A.C. 1374.

S.P.N. 894.

Inter Illustriores hujus sæculi viros eximie rutilat atque exsplendescit, eruditissimus ille ut Religiosissimus Montis Veteris Abbas Arnoldus, qui, memorabili sanè elogio à Manriquezio celebratus; dicitur ab universis Germaniæ Academicis Nominales relegasse, idem strenuus libertatis Ecclesiasticæ propugnator, insigni scripto contra commendas & commendatarios volumine, eoquæ Pontificis maximi Sixti I V. nomini inscripto, cujus hoc est initium: *Commenda est vipera, sanctæ Matris Ecclesiæ viscerarumpens*. Ut ex principio, de reliquo opere omineris. *Annal. Cist. Manriq. &c.*

A.C. 1375.

S.P.N. 895.

Omnium oculi in Simone nostro de Langham, ex Archiepiscopo Cantuariensi ad S. R. E. Cardinalatum; Prænestinumque Episcopatum provecto: cujus de Ecclesia dei supra laudem & famam omnem merita fuere, pro quibus & Archiepiscopatu à Rege privatus est, & conviciis Hæreticorum sceleratissime profectus. Is enim primus, qui Viclevinequissimi ex Clerico Apostata, conatibus contra Monachos, dein Ecclesiam universam occurrit, & honore piani Collegij nequiter exambito deturbavit; *ex ungue quod ajunt leonem, & ex cauda draconem cognoscens*, (verba doctissimi Reynerii ponimus) *jam tum illius ferox ingenium prævidit, & ne diutius majori damno venena sua occultando noceret potentius; detexit ut caveretur*. Quam ejus providentiam, si reliqui Episcopi diligentius fuissent æmulati, nec impedivisset Ioannis Lancastrii sequaciumque illius in Clerum invidia, certè Wiclevira anguina soboles, in ipso quod ajunt ovo fuisset extincta. Ita Reinerus.

A.C. 1376.

S.P.N. 896.

Immortali nominis, & meriti commendatione, cum jam Principum potentia

fretus, nefarius Hæresiarcha Wicleff, cœpisset palam contra Religionis Catholicæ sanctissima secreta facere, validissimos è nostris Monachis sensit antagonistas; E primis, an primus omnino, fuit Guilelmus Bingham, Nordovicensis Monachus, de quo ista Pitfius habet apud Reynerum. Vir pius, inquit ingeniolus, & doctus, zelo etiam Divinæ gloriæ plenus. Hunc in eo sanè felicem merito pronunciārim, quod inter primos inventus, si nō omnium primus (ut Lelandi verbis utar) antiquorum rituum observantissimus, Vicleffo, novarum rerū cupido, se constanter opposuit. Nam saltem inter primos erat, quiprehendit, & aliis detexit (post Simonē de Langham, de quo superius) pestilentē hominis doctrinam, ejusque perfidas machinationes scripto doctissimo libro refutavit. Oxonii contigerunt ista: nam illic uterque simul studebat. Illic Binghamus perspicaci oculo, vidit lupum venientem, & non fugit ut mercenarius, sed ut bonus pastor strenuè restitit, & ab insidiatoris tabie, Christi gregem, quantum potuit, defendit. Erat vir alioquin modesto, quieto, & tranquillo animo, constanti tamen, & veritatis amantissimo: Scripsit igitur opus, omni sanè eruditione refectionum, contra positiones Wicleffi. Hæc Pitfius.

Ipso anno moritur Simon de Langham, ex Archiepisc. Cantuariensi S. R. E. Cardinalis, à Pontifice Gregorio mirifice amatus & honoratus. De ejus diversis in diversos beneficiis, de fundata etiam Carthusia Avenionensi (ita perpetuo ferè nostri, in PP. S. Dominici, S. Francisci, S. Brunonis aliosque liberales, opes suas, insigni planè merito profudere) aliisque præclare gestis; legendi scriptores Rerum Angl. & Clemens Reynerus in Apostol. Bened. Sect. 2. f. 219. & 220. &c.

Illustris idem aſus, Martyrio nostro, Cong. Cistert. in Cænobio Setichenbeckensi, Abbatis & Monachorum, de quibus legendus Chrysoft. Henrig. l. 2. dist. 39. & Bzovius, hoc anno.

A.C. 1377.

S.P.N. 897.

Iterum alius Christi Athleta, fortissimus Ecclesiæ propugnator, producendus Vtredus Boldon, ordinis nostri in Cænobio Dunelmensi Monachus. De quo etiam Pitfium audiamus, Vtredus Boltonus in Anglia Tranlabrina, ut Lelandus loquitur, natus ordinis S. BENEDICTI,

DICTI, Monachus Dunelmensis, vir cuius doctrina, tum pietas, suo tempore multum illuxit. Alacritate ingenii, promptus ad studia, affabilitatis gratia, jucundus ad colloquia, suavitate morum aptus ad conciliandam amicitiam, denique felici naturali indole, præclarisq; animi dotibus, dexter ad omnia. Ab omnibus fratribus unice dilectus, Abbati etiã, propter magnam quam de illo conceperat spem, mirè charus; concurrente igitur, cum Monachorum amore Abbatis favore, cõmuni consilio, & unanimi consensu missus est Oxonium ad studia. Vbi labore, industria & ingenii felicitate, ad eam doctrinæ perfectionem tandem pervenit, ut cum eruditissimis sui temporis viris, non inmerito conferri potuerit. Infelicia etiã, in quæ incidit tempora, felici hominis ingenio, per occupationes pessimas, exercitium dederunt, & incrementum. Nam divina, ut interpretor, providentia, tum florere, & inter viros doctos eminere cœpit, cum Ioannes Wicleffus pestilens errorum suorum Venenum, & in scholis inter doctos spargere, & in suggestu in concionibus imperitæ multitudini nequiter propinare, & impudenter obtrudere satagebat. Cui se strenuè, constanter, magnanimiter opposuit Vtredus, & de eo tanquam de hoste publico superato, non semel triumphavit. Ita Pitius: eademque suo rabioso calamo (ut cunque rem dissimulans) fatetur Balæus. Sic integra fama, & ob errorum impugnatione celebris, sub finè Regni Eduardi III. (quem alii quartum appellant, & hoc anno mortuum affirmant) in legatione honoratissima Romã missus fuit ad Gregorium XI. ibique per benignè susceptus, in pretio habitus, in iunctum sibi munus strenue peregrisse scribitur.

Moritur eodem anno Petrus de Stagno ex Monacho S. Flori dein Episcopo ibidem, Archiepiscopus Bituricensis, denique S.R.E. Cardinalis, de quo uti sexcentis aliis, utinam per compendium pluralicuiisset. *Vid. Clem. Robert. & ab eodem citati, &c.*

A. C. 1378.

S. P. N. 898.

OLivetana sacra nostra familia, ubertate pinguescens oleæ, dum, cum annis, aliorum deflorescunt studia, sacrum vitæ rigorem ipsa adauget, & mirè proficit, afluente piorum votis Romano Pon-

tifice, & concedente, ut qui apti essent, & ad solidariam eremi pugnam, fraterna ex acie instructi aspirarent, sublime illud vitæ genus aggredierentur. Ita rursus germinans germinavit, nostrorum opera, solitudo; decôr Carmeli datus est ei, & Saron. neque Ioannes, & Ioannis æmuli Petri Damiani, tanto post defuere. *Sec. Lancell. &c.*

Moritur hoc eodem anno alter ille ordinis Brigittini Fundator, legum scriptor, & Magnæ Brigittæ Institutor atque animi post Deum præcipuus arbiter. B. Petrus noster, Prior Cænobii Alvastrensis, qui & Revelationes ejusdem Divæ Brigittæ, iussu Numinis conscripsit, & orbi ac futuris sæculis memorabili ut merito, sic fructu cõmendavit. Sed & officium Ecclesiasticum pro eodem ordine composuit, quod Pontificia postea auctoritas confirmavit. Ut de tanto rursus viro, ejusq; tantis meritis, sed & amicissima Divæ Brigittæ ipsiusmet atque ejusdem clientum relatione merito sibi ordo universus gratuletur. *Ex vita ejusdem Henrici Vastoni. &c.*

A. C. 1379.

S. P. N. 899.

BONO publico, magnis rursus ingenii monumentis, ex ordine nostro præpræclarè cõsulunt Stephanus Brikingtonus, Wilhelmus Tornæus, Castortonus Norvicensis, quorum hic plures in Sacram Paginam Cõmentarios, illi diversa, at summa digna cõmendatione scripserunt, quo ipso tempore celeberrimus ille torique orbi notissimus scriptor Matthæus noster Westmonasteriensis floruit, à floribus Historiarum, quos acuratè collegit. Florilegus, & Florilogus appellatus. Ejus laudes diversi celebrant. *Vid. Matth. Parckerus, Harpsfelds Maihev. Pitius, &c.*

Claret egregia vitæ sanctitate Beatus Benedictus Sanct. Brigittæ filius, ex Principe Nericiæ humilis Alvastræ Monachus, qui quantus esset, vel pro meritis tantæ Matris facile æstimare est, neque minus pro meritis quem sibi adlegit Patris, ejus & nomine meruit insigniri, cui & illud quod Patri convenit, gratia Benedictus & nomine; resplendentibus in uno hoc filio diversis splendoribus sanctorum, Brigidæ ac Benedicti. *Ex vita, Annal. Cist. Menol. nostr.*

A.C. 1380.

S.P.N. 400.

A.C. 1382.

S.P.N. 902.

EGregiè & constanter Ecclesiam Dei progignat, contra impiissimos Wicleffistas, Vtredi, de quo superius, in Oxoniensi quondam Academia condiscipulus, Simon Sonthrarius, Albanensis Monachus. De quo Pitius loco citato: Erat sacre Theologiæ Doctor Oxoniensis. Hunc pietas, doctrina, Divinæque gloriæ zelus celebrem in Anglia reddiderunt. Cum per id tempus Wicleffus errores suos spargere inciperet, hic omni qua potuit ratione illi obstitit, & communicato consilio cum quodam Dunelmensis Cænobii Monacho, Doctore etiam Oxoniensi, multum laboravit, & publicis disputationibus, & privatis colloquiis, & libris tandem scriptis contra præfatum Wicleffum, ut impiam ejus doctrinam refutaret, & ab Ecclesia Christi periculum Hæresis propulset. Ita Pitius.

A.C. 1381.

S.P.N. 401.

Iterum orbi spectaculum ingens, factus olim ex Duce, Divionensis in Burgundia nostri ordinis Monachus, Vladislaus, petentibus Regni Polonici proceribus, dispensante, (velut nostri jure loquuntur) sive legibus eum solvente Pontifice Romano, ad sceptrum & diadema Poloniæ è Cænobio evocatur. Verum in itinere morbo correptus, quod sciret, quam expedit in cucullo ac Cænobio mori, quàm in purpura & Regno, quamprimum ad suum S. Benigni Monasterium reportari voluit, in quo & sepultus est cum hoc Epitaphio:

Hic jacet vir illustris & devotus Dominus Boladeslaus quondam Dux Albus Poloniæ, Monachus hujus Monasterij per plures annos existens: postmodum dispensatus per Papam, pro successione Regni Poloniæ, obijt in Civitate Argentina, hic eligens sepeliri. Anno Domini 1381. Anima ejus requiescat in pace.

Franciscus Belforestius in univers. Cosmograph. & descript. Divionis. Clemens Robertus.

Claret multa nominis & doctrinæ fama Ioannes Fabri ex Monacho Tornusiano & Abbate Atrebatensi Cancellarius Ludovici Andegavenfis Siciliæ Regis Episcopus Carnotensis, sed abrupte, aliosque præterire oportet. *Clem. Robert. Arnold.*

Ioannis Wellii nostri Remeseyensis sive Ramseyensis Monachi ingens gloria, & meritum de Ecclesia sempiternum. Huius quo magis liceat gloriam æstimare, convitium inferente Hæretico Apostata Balæo audiamus: Wellius, inquit Balæus, Ramesiensis Cænobii, quod à divitiis nomen accepit, Monachus, nunc inter scriptores nostros, locum sibi designari poscit non infimum. Exhaustis ille primum ex communi Religionis hoste Aristotele prophorum dogmatum poculis, Theologistici Doctoratus fastigium Oxoniæ magistrorum manibus suscepit. Vnde ut Cedrus Libani altè superbiens, contempto humili Dei verbo, sublimiter gloriabatur in verbis mendacii, piissimos veritatis assertores ferocibus odiis infectando. Nam & hic quoque tanquam canis rabidus, frivolis argutiis vehementer in Wiclevum latrabat, & quoddam ex sui sectatoribus, in quo dente lethaliter mordebat. Plura protulit aculeata scripta (ac post Catalogum eorum addit.) Pluraque alia in eos (Wiclevistas) inaniter blaterabat, credens in solo Monachatu Baptistico esse Christianæ perfectionem. Claruit ex primis Wiclevi damnatoribus unus, anno incarnati Messiae 1382. Hæc impurus iste Balæus: quæ non immerito per antiphrasin intelligenda agnovit D. Pitius ideoque de eodem Wellio dicit, fuisse Hæreticorum omnium, & præsertim Wiclevi suorum sectatorumq; juratum hostem, & unum ex illis duodecim, qui primi omnium & illum, & illius errores damnaverunt. *Ex Reinero, &c.*

A.C. 1383.

S.P.N. 903.

EGregia spiritus alacritate & zelo innocentiae ac puritatis sexum atque imbecillitatem muliebrem superans B. Ioanna nostra, Monialis & Abbatissa Sancti Benedicti de Castro, dum immania militum, in quos inciderat, scelera intueri morte tristius judicat, & magno fervore redarguit, ab impiis pietatis mercedem adepta, immaniter trucidata est, ut triumphis Martyrum sociata. In cujus etiam discipulas, cum nimio furore succenssi satellites, pari crudelitate sævire contenderent, & in Cænobium sanctissimæ Martyris imperum facerent, insigni prodigio, cæcitate percussi sunt, & sponsæ CHRISTI mirabiliter præservatæ: *Ex*

CORONA

corona Lucida Henric. Bernard. Brito; Ang. Manriq.

A.C. 1384.

S.P.N. 904.

Celebratissimi Wicleffi Antagonistæ in Anglia clarent Ioannes Radinghal, & Henricus V Woodhil, Monachi Cantuarienses, Rectores successivè Collegii Cantuariensis; cujus præfecturam impiissimus V Wicleff ambiens, ea defraudatus, virus in Ecclesiam tam pestilens evomuit, de quibus *vid. Parkerus.*

Ipsò anno, insigni & extraordinario Numinis, ut apparebit, dono, nascitur perditissimo orbi singulare lumen & columnen, B. Francisca nostra, cognomento Romana, ab ipsa infantia jam admiranda, cum à nemine contingi se, nec à parentibus denudari pateretur, uberrimis lachrymis & quib9 poterat signis obnixa, donec tegeretur. *Ex Act. Canonizat &c. Menol. nost. &c.*

A.C. 1385.

S.P.N. 905.

Mellifluus ille Doctor noster Sanct. Bernardus Clarævallensis quondam Abbas, tanto post, etiam à morte, benè mereri de Lusitanis non desinens, implorata ope sua, Regem Ioannem & Regnum servat, memorabilemque ipsi de hostibus victoriam impetrat. Proingratus tanto liberatori idem Rex, quinto post partum triumphum die, supplex Alcobaziam (Princeps ordinis Canobium) advolat; ubi, publice pro corona Regni sui juravit, sensisse se miram Divini auxilii præsentiam, dum in maximo periculo positus, Divi Patris nostri Bernardi nomen & auxilium imploraret; & juxta tentorium Regis Castellanos, videret baculum erectum in ære, cum rubro paludamento. &c. *Ex monim. Alcobaz. Ang. Manriq.*

A.C. 1386.

S.P.N. 906.

Ingens sacrorum Antistitum & Cardinalium Sanct. Rom. Eccles. numerus referendus, quorum singulorum res gestæ singulos annos requirerent: Anglici ante omnes, Sanct. Rom. Eccles. B. Urbani V. nostri ex fratre nepotis innumera merita numeranda, quæ ut saltem ex honorum prærogativa, ad quos à viris sanctissimis evocatus & coactus est, cognoscas, submetiarisque: præter Avenionensis Præfulatus sedem, quæ tam diu Romanos Pontifices fovit, & altera quasi Ro-

ma (juxta illud, ubi Papa ibi Roma) est facta, præterque Cardinalitiam summam in terris post Pontificatum maximum dignitatem, Titulo Eudoxiæ, postea Episcopus Albanus, mox Piceni, Umbriæ, Hetruriæ, Campaniæ maritimæ legatus, & vicarius Generalis constitutus, diversis legationibus plurima præclarissime præstitit. *Vid. script. rerum Pontif. &c.*

A.C. 1387.

S.P.N. 907.

Pro libertate Ecclesiastica, quanta valet auctoritate strenuè se opponit Gerardus sacre nostræ Cisterciensis familiæ meritissimus Generalis, aliaq; inter facta præclarissimum à se scriptum volumen contra commendans, summo Pontifici dedicat.

Claret Guilielmus Gillinghamius Monachus Cantuariensis, vir eruditione & meritis præstans, qui alia inter, Bibliothecam Benedictinam insignem composuit, hoc est, omnium ordinis Benedictini scriptorum & librorum nomina collegit, & magno labore descripsit, illis ipsis pro insigni studio suo jure merito adscribendus, *de quo plura Pitius.*

Enitet iterum Edmundus Bromfeldus Buriensis Monachus, vir eximie doctus, ordinis Benedictini Procurator in urbe Generalis, & Scholarum Palatii Apostolici in SS. Theologia Professor publicus, idem postea Monasterij Silvæ Majoris in diocesi Burdegalensi Abbas, Episcopus denique Landavenensis. *Godwinus, Harpsfeld. Leland. Balans, Pitius, &c.*

A.C. 1388.

S.P.N. 908.

Egregia nominis celebritate excellit inter sexcentos alios Petrus Aiscelini, sive de Monteacuto, ex Monacho & Priore Sanct. Martini Patisiensis Episcopus Laudunensis, dein Sanct. Rom. Eccl. Cardinalis, cujus inter alia præclara numerandum merito Collegium sui nominis Parisiis ab ipso instauratum, ut mille jam exemplis docearis, quam nostri de re litteraria benè mereri perpetuo studuerint. Opprimat penè calamum fragilem, tot undiq; se ingerentium è nostris Pontificum gloria, ut consulto subtrahamus. *Ciacon. Cl. Rob. Panvin. Jac. Bru. &c.*

A.C. 1389.

S.P.N. 909.

Infigne lumen Angliæ extinguitur Thomas Brintonus noster (alias Brampton)

pton) Monachus Canobii Norvicensis, tanta juvenili etiamnum aetate, fama celebrer, ut cum ob virtutis, tum eruditionis nomen Romam honorificè à Pontifice vocaretur, coram quo frequentius perorare rogatus, insigniter nomen suum commendavit, Sedis Apostolicæ Pœnitentarius, ac deinceps Roffensis Episcopus designatus. Fuit idem de Richardo II. Rege Angliæ optimè meritis, eique à Confessionibus, cujus singulari vigilantia atque industria multa à Regno, dum viveret, mala averfa sunt, invalescentibus deinceps sectis, etsi nostri strenuè obniterentur, multique deinceps Generositatem suam suo sanguine consignarent. *Godwin. Maithew. Balau, &c.* Ipso anno obiit religiosissimè Wichboldus ex Monacho Monasterii de oliva in Prussia Culmensis Episcopus, vir egregie doctus, & pro justitia multa perpeffus, ac demum sede sua pulsus, magno in honore apud Colonienfes habitus, quorum curam habuisse, videtur Longelino, & fuisse Archiepiscopi Electoris Suffraganeus, ibidem insigni Epitaphio & Mausolæo honoratus.

A. C. 1390.

S. P. N. 910.

Constantissimus R. R. E. propugnator, miles CHRISTI gloriosissimus floret Nicolaus Radcliffus; Ordinis S. BENEDICTI (verba Pitfij ponemus) Monachus ad Sanct. Albanum, & ibidem Archidiaconus. Ioannes Lelandus à piis studiis, & à pietate studiosa admodum laudat, & quidem non immerito. Nam quidquid ingenio, industria, doctrina poterat, id omne ad Dei gloriam, animarum salutem, fidei propagationem, & Hæresum extirpationem totis viribus applicabat. Et quoniam incidit in illa infelicia tempora, quibus Hæresis Wicleffiana coepit invalescere, nullum non movit lapidem, ut perfidum illud dogma, & impium ejus progressum, perniciosumque Reipub. Christianæ incrementum impediret. Wicleffum igitur in privatis colloquiis, in domesticis exhortationibus, in scholasticis disputationibus, in publicis concionibus, & tandem in libris scriptis, tanquam novarum doctrinarum inventorem, antiquarum desertorem, veritatis oppugnatorem, mendaciorum artificem, & fabricatorem, inimicum crucis Christi, & Ecclesiæ jura-

tum & publicum hostem, semper infestabatur. Scripsit contra eum doctissimos Dialogos de Sanctissima Eucharistia, quod opus inscripsit. Viaticum animæ, &c.

A. C. 1391.

S. P. N. 911.

Hippolytus Mediolanensis, sacre familiæ nostræ Olivetanæ Generalis, generaliter meretur, & alter sui ordinis reftitutor optimis Constitutionibus, sacrum fervorem fovet ac promovel, magno publici bono, cum ad hæc virorum Religiosorum studia, ipsi etiam sæculares accensi, virus jam latius toto orbe serpens sectariorum, suo calore eluderent, & ad majorem Numinis gratiam animi disponderentur. *Ex Annal. Olivetan. Lanrell. &c.*

Afflictissimo Galliarum Regno & Regi præfenti adest è cælis Patrocinio, Sanct. Richardus Abbas noster, & tedulo imploratus, rogatusque qui in peregrinos quosque magnis & prodigiosis beneficiis adeo beneficus esset, domestico quoque & Regi quidem, cujus majores tanto opere ipsum honoraverant, adesse ne dedignaretur; memorabili beneficio Carolum eo nomine VI. vulgo Benenatum prodigiosè juvit, simulque mentis & corporis sanitatem eidem impertitus, grandia simul impendentia Regno mala avertit, quæ cum Rex ipse, tum effusi in nimiam licentiam populi meruerant. *Ex vita & rer. Gall. div. script.*

A. C. 1392.

S. P. N. 912.

Perinsigne ordinis nostri decus, sed præter meritum indigna passus, toto orbe exsplendescit Adamus Estonius, ex Nordovicensi Monacho Episcopus Londoniensis, ac demum Sanct. Rom. Eccles. Cardinalis: quem verbis describemus Balæi, quamvis impij, tamen quia hostis, teste Reinero, Monachorum acerrimus fuit, in hoc negotio fidem facturi, præsertim quia videtur D. Pitfius ejus verba per paraphrasim reddidisse: hic igitur de eo sic scribit. Adamus Eston Benedictinæ Professionis, Ventæ Iævorum, seu Nordovici Monachus, & Oxoniensis Academix Doctör, ex singularibus Dei donis in nostro Catalogo locum petit illustrem, licet hic tenui natus sit parentela, vir tamen facundix, & solidæ eruditionis fuit, tum præterea tam exactus Philo-

Iosophus, ut ad omne disciplinarum genus aptissimus videretur. Erat ille præter alias linguas, Hebraicè, Græcè, & Latinè peritus; quod ea ætate pro miraculo haberi poterat. Hanc illi linguarum, ac scientiarum virtutem non educatio, aut natura ipsa, sed insignis quidam labor, & diligentia attulerunt. Vnde Romam vocatus à Gregorio XI. fit Ecclesiæ Presbyter Card. Tit. S. Cæcilie. Circa annum vero à Christinativitate 1380. sub Urbano VI. qui Gregorio successit, incommoda sustinuit multa, & ut Theodericus à Niem libro primo de schismate cap. 57. testatur Genuæ cum aliis captivum Pontifex reliquit. Postea tamen ad petitionem Richardi Anglorum Regis, & Monachorum qui pro eo scripserant, è carcere missus, sed non liberatus, privatam atque pauperem duxit vitam, usque ad Bonifacium IX. qui in statum pristinum ipsum tandem reposuit. Plura Adamus scriptis commendavit, scilicet latina:

De communicatione Idiomatum
De potestate Ecclesiæ
De Electione Pontificis
Defensorium Ecclesiæ
Perfectionem vitæ spiritualis
Modum conferendi beneficia
Formam procedendi contra Hæreticos.
Opus vitæ contra Hæreticos
Dialogum Regis & Episcopi
De diversitate translationum
De veritate Catholica: Græcè.
Meteora Aristotelis, ex Græco
Hebraica vero ejus:
Alphabetum Iudæorum Hebraicè.
Textum Hebraicum Bibliorum
Postillam Hebraicam.
Psalterium Hebraicum.
Expositionem I. evitici.
Hebraica Sarraceni
Hebraica Salomonis Iarchi.

Et plura alia habuisse, & scripsisse dicitur: ferturque Totum Verus Testamentum ab Hebræo in Latinum illis diebus transtulisse. Hæc Balæus, cujus Testimonium credibile nimis est contra se ipsum, & Hæresim suam cum virum tantum collaudet tam insigni præconio, quem non diffitetur sectariorum hostem acerrimum, & Romanæ Ecclesiæ observantissimum fuisse. Patria Godwinus de eodem refert: quæ nisi ejus opera

fuisse homines Hæretici certò cognovissent, nunquam certè illi tantum laudis attribuisent, qui passim nostris (utpote quibus in fidei simplicitate satis fuit Hieronymum Hebraicè, quod sufficit Christianis, scivisse) Hebrææ linguæ ignorantiam; passim Monachis otiositatem, & ignaviam (cum aliis nonnullis Hæreticorum odia & mendacia probantibus, & sequentibus) soliti sunt objicere. Et illa sanè maxima laus est, hujus Monachi nostri (primum fortassis post Hieronymi tempora) totius Canonis Hebraici libros de Hebræa in Latinam linguam vertisse. *Reynerus, &c.*

A. C. 1393.

S. P. N. 913.

DEcedit è vivis Bernardus de Turre ex Monacho & Abbate Tornusiano Lingonensis Episcopus, vir in difficillimis exequendis negotiis dexterrimus, digna & propria perpetuò nostris legatione, ad pacem componendam cum Ioanne IV. Britannia Rege, à Carolo VI. Rege Galliarum missus; quem Claudius Robertus in Charta Franciscanis Divionensibus data, ait Ducem & Episcopum appellari. *Vid. Froissardus, Guil. Vrsinus, &c.*

Celebratur sub hæc quoque tempora, inter mille alios Ioannes Monachus Castellensis, cujus insigne opus copus commendatur.

Breviarium Biblior. lib. 1.
Sed & alia commendatione digna.
Super Regulam S. P. N. B E N E D I C T I
lib. 2.
De passione Domini sermones, 42.
Epistolarum ad diversos, lib. 1.
Sermorum de tempore, lib. 2.
Sermorum de sanctis, lib. 1. & c.

Claret item Laurentius Anglus Monachus Sanct. Martinj de bello Ataphiensis Episcopus, antea Summi Pontificis Avinionis Pœnitentiarius, de quo leg. *VVal. singh.*

A. C. 1394.

S. P. N. 914.

HOc anno moritur celebratissimus ille S. R. E. Cardinalis Guilielmus de Chanaco Monachus S. Florentii de Sani-mario, de quo ut & plurimis hoc ipso tempore ex ordine nostro in summo honore constitutis, singulis annis, nimis quam multa referenda occurrissent, *Vid. Pont. Hist. script. & rerum Gall.*

A. C. 1395.

S. P. N. 915.

A. C. 1397.

S. P. N. 917.

Repetendus Simon Ponthraius noster Sancti Albani Monachus, Hereticæ pravitatis Wicleffistarum malleus. Cujus hoc ipso tempore, ingentes pro Ecclesiâ labores exitere. Scripsit igitur in hac Dei & Ecclesiæ causâ librum unum contra eosdem Hæreticos, alium de auctoritate Ecclesiæ, & alium de Sacramento Altaris, ut videas, nullo unquam tempore nostros quievisse, quod partim ex dictis, partim deinceps dicendis manifestissime deprehenditur, Convitium huic docto viro magnum se fecisse putavit excucullatus Balæus, cum de eo sic scribit: in pingui Benedictinorum cucullionum Collegio ad Albani fanum Monachus benè pascus, post subtilia paganorum studia, Theologici nominis Rabbinatum Oxonij inter Magistros acquisivit. Ore rabido sæviebat & hic canis atrox, protuenda sua Antichristi superbia adversus Christum pauperem, in Ioannem Wiclevum, Evangelicæ doctrinæ restauratorem fidelissimum perfortiter latrans. Arguebat nimirum ille ex Magistro, ac præceptore primo Aristotele magnæ meretricis etiam inebriatus poculo immaculatam filii Dei legem ad hominum salutem non sufficere, sine superadditis Romani Pharaonis decretis, atq; decretalibus, &c. Manifestum hinc fiat necesse est sapienti, quantis laudibus revera attolli mereatur, quem iste rabidus scurra, tot maledictis appetivit, & proscissum voluit.

A. C. 1396.

S. P. N. 916.

Claret illustri admodum ut nomine, sic vitæ exemplo, venerabilis Vincentius noster Ferrerius, Sancti Vincentii Ferrerii, Magni Prædicatorum Patrum Iubaris consanguineus, sed & spiritu atque Amicitia propinquus, pro meritis Populeti Abbas electus, sub quo disciplina Monachica plurimum floruit, & nonnulli eximia vitæ sanctitate celebrati sunt. *Ex Annal. Cist. Manriq. &c.*

Claret illustri item exemplo venerabilis Blanca de Harcour Galliarum Regis consanguinea Fontis Everardi merituissima Abbatisa, sub qua mirificè sanctissima illa virginum congregatio floruit, Paradysus revera aureorum Regni Gallici liliorum. *De quibus consulemus lilia nostra Gall. Claud. Robertus, &c.*

Moritur eximium ordinis nostri decus, Hæreticorum triumphator invictissimus Adamus ex Episcopo Londoniensi S. R. E. Cardinalis, quem superius ab Urbano VI. pessimè & indignissimè habitum diximus. Eum Bonifacius IX. ob eximiam vitæ innocentiam & admirandam eruditionem, non solum pristino honori restituit, sed & intimius dilexit ac fovit, eundem magno Britanniarum Regi commendans Regni maximum zelatorem, dignissimo sanè titulo, appellavit. Obiit Romæ XIII. Cal. Novemb. Epitaphium Ciaconius descripsit.

Artibus iste Pater famosus in omnibus
Adam

Theologus summus Cardiquenalis
erat.

Anglia cui Patriam titulum dedit ista
beatæ

Cæciliazque suum morsque supre-
ma polum.

Ejus inter alia longè illustrissimū meritum, & æternum in Ecclesiâ monimentum, officium visitationis B. M. V. ab ipso compositum, & à Bonifacio PP. confirmatum. *Vid. Reyner. Ciacon.*

A. C. 1398.

S. P. N. 918.

Miraculum purissimæ virginis, mirificè Romam juvenili ætate ornat, S. Francisca Romana, sola retenta obedientia, quo minus virginitatis votum ederet, Deo nimirum ipsam, virginitatis primū, dehinc purissimi conjugii, viduitatis postea, vitæ demum Religiosæ mirabile prorsus exemplar volente & designante, in qua nihil non admirandum in omni vita extitit. Fuitque hoc ipso jam tempore, sub parentibus non aliter atque ordinem professæ Monachicum, speculum Monachorum & Monialium, orationis & contemplationis studio adeo addicta, ut non tam in terris agere, quam in cælestibus habitare videretur. Cui Archangelus, velut ephēbus honorarius spectabili forma perpetuo adstitit, cujus monitis & nutibus in omnibus regebatur, adeo sacri rigoris per omnia observans, ut nemo strictius, qui inter perfectissimos Ascetas haberetur. Neque dubium est, plurima jam tunc precibus suis orbi atq; urbi impendentia, mala avertisse, edocta cælitus à Numine, ad quantam ipsa gratiam, & ad

& ad quantum Reip. Christianæ bonum nata esset, cum Ecclesiæ imago, gravis matronæ specie ipsi objiceretur, ab immanibus gygantibus oppugnata, pro qua dum ipsa preces funderet, visi illico Tyranni illi dissipari, quibus schismatici designati sunt, admirabili Franciscæ ad ipsū electione, ut suo videbimus loco, schismate sublato, quo plurimis annis orbis Christianus pessimè agitabatur, *Ex Actis Canoniz. & vita.*

A.C. 1399.

S.P.N. 919.

Nimius Episcoporum, Archiepiscoporum, genere, virtute, doctrina illustrium numerus facit, ut nihilminus, quā de recentendis eorumdem peregre-giè factis, seu gestis referamus, adeun-dum unicum Claudium Robertum sua-demus, & Catalogos Episcoporum solius Galliæ evolvendos; unde speramus lecto-ribus abundè fore satisfactum.

Magnæ cum eruditionis, tum virtutis nomine commendatissimus Richardo II. Anglorum Regi, exsplendescit Tide-mannus de Winchome, ejusdem Regis quondam Medicus, Monachus dein at-que Abbas Bellilocenſis, Landavenſis postea & Wigornienſis demum Ponti-ſex, qui omnes honores illos præclare gessit, cathedramque & populum mirè demeruit, inter lectiores hujus ævi Epi-scopos computandus. Sed & in Hiber-nia non minus quam Anglia varij exor-dine viri Illustres exsplendescunt, è qui-bus Ioannes Rapotenſis & Petrus Clo-nenſis Episcopi facem aliis prætulērunt, in eo strenuè operā navantes, ut serpen-tes longè lateque per Britanniam Hære-tes, ab illa sanctorum insula averterent, quo quidem ipſo, de Regno & Ecclesia plurimum meruere. *Ex rerum Britann. scriptor. Jongelino, libr. de Provis. Prælat. &c.*

A.C. 1406.

S.P.N. 920.

Ingenti furore in sacros Deo viros vir-ignesque sæviunt impij per Boëmiam Hæretici; quibus cum se incredibili ma-gnanimitatē, & Constantia opponerent, & Ecclesiā Dei pro virili defendendā no-ſtri, congregationis præcipuè Cisterciē-sis Monachi, susciperent, extrema omnia passi, & integra denique Cænobia Mar-tyrio exhausta sunt, ut proin felicissimū succēssu, tertium decimum à Christo na-to sæculum sine gloriosissimo coronarint,

& feliciore decimum quartum inchoa-rint. *Ex script. Boëm. div. Chrysostom. Hen-riq. &c.*

A.C. 1401.

S.P.N. 921.

Nostris plurimum promoventibus, quod Urbanus VI. eorumdem in-stantia jam approbaverat, Bonifacius IX. Solemnitatem & Festum Visitationis B. M. V. confirmat, & per universam Eccle-siam promulgat atque propagat. Cujus officium Ecclesiasticum, paulo ante mor-tem venerabilis Adamus noster Eastonus S. R. E. Cardinalis, composuerat, insigni rurſam nostrorum erga cæli Reginam monumento, quo haud vulgarem, omniū Clientum Marianorum, sed & cæli ipsius amorem meruere. Sed de Festis, aliis-que ad honorandam cæli Imperatricem, Monachorum nostrorum gratiosissimis inventionibus fusius agimus, in Chrono-logia nostra Benedictino-Mariana, sed & cultoribus Deiparæ Benedictinis, tomo singulari.

A.C. 1402.

S.P.N. 922.

Inter plures ex ordine nostro egregios virtute, doctrina, & ab his fama celeberrimos Antistites, excellit hoc tempore Ioannes Canardi ex Monacho S. Diony-sij Parisiis, Philippi Burgundionum Dū-cis, & Artesiæ Comitis Cancellarius, A-trebatenſis dein Episcopus, de quo con-sulendi Nicol. Camuzat. Claud. Rober-tus, &c. Nec minore nominis celebra-te efflorescit Bartholomæus Raimundus ex Monacho & Abbate S. Felicis Bono-nienſis Episc. De quo Carolus Sigon. & Wionius. Sed & Ioannes Lincolnienſis Episcopus, & Pontifices alii plurimi di-versis Regnis celebrantur.

A.C. 1403.

S.P.N. 923.

Diversas demerentur provincias pluri-mi ex ordine nostro Episcopi, & in-valescentibus passim Hæresibus strenuè obnituntur; Conradus ex sacra familia nostra Soderenſis in Mannia à Bonifacio I X. constitutus Episcopus zelum suum exerit, nec minus Ioannes Derenſis in Hibernia ex claro fonte accitus, Rober-tus Tonata Scópienſis in Orcadum In-sulis, Conradus Ochlenius Ebronēnsis multa eruditione conspicuus, Ottho ex monacho Walckenriedenſi Mersbur-genſis ad Salam Episcopus, natus Comes ab Honstein, aliique plurimi. *Ex lib. de provis. Prælat.*

A.C. 1404.

S.P.N. 924.

Singulis jam penè annis, sub initia & incrementa maximè Hæresis Hussitæ per Boëmiam nostrorū certamina, maximè ex Congregatione Cisterciensi referenda, testante Henriquezio, vix collegium aliquod Monachorum fuisse, quod non ab impuris illis, & impiis eversum, & Monachi victimæ Deo ceciderint. Quæ quia ad finem maturamus compendii, lectori in annos distinguenda, ex diversis Rerum Boëmicarum scriptoribus, relinquimus.

A.C. 1405.

S.P.N. 925.

Ilustre sanctioris vitæ speculum hoc anno Gallis eripitur, interque sydera collocatur Iacobus, candidissimæ familiæ nostræ Cisterciensis Generalis, multis pro ordine & libertate Ecclesiastica exaltatis laboribus meritisissimus, idem ob eximias virtutes, insignibus elogiis & Titulis à morte honoratus: *Religionis formæ, & Devotionis exemplar* appellatur, qui & *Splendidior Sole*, inter Elogia Abbatum & Generalium, illustrissimo sanè encomio celebratur. *Ex monim. Cist. Ang. Manriq. &c.*

A.C. 1406.

S.P.N. 926.

Inter illustrissima ordinis nostri sydera, admirando sanè splendore exsplendescit hoc tempore Angelus Corarius eruditione, nec non generis nobilitate, sed eximia super omnia vitæ sanctitate celebratissim⁹, ac proin tot nominibus omnibus venerandus, summis in Ecclesia honoribus ingenti meritorum commendatione perfunctus; qui hoc ipso anno, multo bonorum plausu ex S.R.E. Cardinale electus Pontifex Maximus, & Gregorii XII. nomine est appellatus. *Const. Gajet. Gaultier. &c.*

A.C. 1407.

S.P.N. 927.

Mvndo in præceps raptō, cum sacrā passim canibus projicerentur, summa se magnanimitate opponunt nostri, & strenuos pro libertate Ecclesiæ pugiles agunt, sacrā inprimis Cisterciensis familia è qua plurimi insignia scribunt eduntque volumina, periculumque imminens Ecclesiæ disertissimè pronunciant, cum pro legitimis pastoribus, mercenarii sese undique obtruderent, & veris destitutæ pastoribus oves, solutæ in licentiam, in præceps denique raperentur. Quæ ipsa occa-

sione Hæreses impunè grassari cœperunt, fictitiis pastoribus commodo suo, non ovium intendentibus, & ut sibi firmarent Hæreditatem Domini, facile Hæresiar-chis studiis, & ad ingenium talium Abbatum & Pontificum Monachis & Clero se conformantibus. Quod totum multoties nostri Romanæ Curia & Summo orbis Pastori explicare conati, adeo potenter id præstiterunt, ut etiam lachrymas elicerent, prævalente nihilominus malo, ut in violata Ecclesiæ potius jura & sacri-legos incubatores atque usurpatores, tanti originem mali conjicias, quam in illos, qui cum rerum satagere vellent, mille ut vides passi sunt impedimenta: *Ex Annal. Cisterc. Ang. Manriq. Archivis divers. Monast. & efficacissimis ad id ipsum scriptis Epistolis.*

A.C. 1408.

S.P.N. 928.

Dvm in oppressione sacrorum ordinum, totus cū Mundo Inferus con-nititur & solemne illud impiorum: *Hæreditate possideamus sanctuarium Dei*, toto passim orbe congeminatur, inter tantas prefuras, sacrā illa Deiparæ, familia nostra Olivetana, palmæ juxta oleæ naturam induta, altior altiorque confurgit, suoque flore ac vernahtia multos percellit atque attrahit. Conditur eidem hoc anno celebre illud B.M.V. de Spasmo, Panhormi Cænobium, pro quo Raphaël de Urbino miraculum illud imaginis Deiparæ Dolorosæ penicillo designat, quo quidem in opere nescias, inquit Lancelotus, *utrum seipsum ille an fortunam superaverit*, eo quod Raphaëls manu, etsi miranda multa, nihil tamen hoc *formosius quidquam, nec admirabilius extiterit.* *Ex Annal. Olivetan. &c.*

Clarent multi præstanti eruditione in ordine viri & in Anglia inprimis contra Wiccleffum strenuè desudant. *Vid. Edward. Maib.*

A.C. 1409.

S.P.N. 929.

Nobilissimus & decantatissimus ab immortalibus meritis B. Ludovicus Barbus, Sanct. Iustinæ Patavinæ Abbas, creatur à summo Pontifice, ad quem illico egregia nobilitas, abdicato sæculi fastu, Sanct. Patriarchæ nostri legibus emancipari, felicitatis veræ compendium reputat, exambitque. Vnde celeberrimæ illi congregationi S. Iustinæ de Padua origo

origo & nomen, à qua, ingens Ecclesiæ universæ ornamentum, gloria ac fructus ordini immensus accessit. De singulari Numinis providentia, signis, eventibusque mirandis hanc reformationem signantibus, præcidentibus, comitantibusque legendus Iacobus Cavacius noster lib. 5. Hist. Cænobij S. Iustinæ. &c.

A.C. 1410.

S.P.N. 930.

CAlatravensem & Alcantarensem illustriissimos Equitum sub Regula nostra ordines, à veteri disciplina male & periculose dilaplos, reformat magno merito, Ioannes Abbas Morimundensis, & leges iisdem promulgat. Clarent in firmamento Pontificum, Matthæus de Lura ex Monacho Fontis vivi Diocesis Parmensis Anconæ Episcopus, Franciscus ex Monacho S. Galgani Lexiensis in Dalmatia, Robertus Lemulteldius ex Monacho Melsenfi Laonensis in Hibernia, aliique præstanti eruditione & vitæ meritis Episcopi, potentia tamen Principum passim prævalente & indignissimos quoque ad pinguiore cathedras, sive sanguinis, sive quocumque alio respectu commendante & promovente, ut mirum non sit tantillos tantis prævalere non potuisse.

A.C. 1411.

S.P.N. 931.

INsigne Ecclesiæ universæ decus addit Sanctissima Congregatio ordinis nostri Humiliatorum, qua viris hoc ipso tempore præstantissimis florentissima, in vinea Domini sedulo operatur. Cujus felicitas, sanctitasque merito capite & Principe metienda, sanctissimo nimirum, Luca Mazolo, ordinis Generali, quem superioribus annis, statim ab inito Pontificatu inter S. R. E. Cardinales Gregorius noster duodecimus, ob rarissimam, præter sanctitatis pretiosissimum, eruditionem cooptavit. *Hieron. Garimbert. VVion. aliique.*

Ipso anno & tempore B. Daniel Camaldulensis à latronibus strangulatur, æterno, ab ipso Numine, rarioris sanctitatis testimonio commendatus, cujus in hodiernam diem incorruptissimum in D. Matthiæ de Maurano visitur coliturque, &c.

A.C. 1412.

S.P.N. 932.

ITerum viri ex ordine egregii honorem Ecclesiæ vitæ dignitate tuentur, in gradu Pontificio constituti, & dum pessimis exemplis Mercenarii alii, honori Sanctæ Matris pessimè consulunt, ipsi sanctiori

exemplo, Vespertilionum Hæreticorum oculos percellunt, iisdem viriliter obnixi. Clarent præ aliis Ioannes ex Monacho Barbellensi Engolismensis in Gallia Episcopus, Dominicus de Anglona ex Monacho SS. Vincentij & Anastasij & Abbate S. Sebastiani in Vrbe Montis Flasconis ad lacum Vulsinium Pontifex, Robertus ex Abbate Vallis Crucis Asaphensis in Anglia & Walliæ Principatu, aliique plures Episcopi. *Ex lib. de provi. Prælat. Gasp. Iongel. &c.* Plurima per Italiam Cænobia, insigni omnino fructu, adiunguntur, ad institutam noviter Congregationem S. Iustinæ. *Ex Cavac. &c. Cajet. & dict. &c. &c.*

A.C. 1413.

S.P.N. 933.

Postquam magnus ille Gratianus roster, de quo superius, hominum studia, immortalis & explicabili penè merito, ad jus sacrum suo partim Decreto accendit, mirum dictum est, quam multi, ex eadem maximè S. P. N. BENEDICTI familia Canonici juris, & docendi, & commentariis quoque illustrandi curam susceperint; ut plurimos proin sæculis quibusque ad annos certos, referre à nostris licuisset pulcherrimo & dignissimo studio, de universo quam meritissimos. Hoc tamen tempore, minimè prætereundus Nicolaus noster sicutus, ex Abbate Archiepiscopus Panormitanus, & sacræ denique R. Eccl. Cardinalis, qui in hoc studio annis plurimis versatissimus, magna cum nominis sui, tum universi ordinis gloria, & Reipub. utilitate æterna, id consequutus denique est, ut per insigni Titulo Lucerna Juris appellaretur. *Ex Matth. VVeiss. Lycer. Bened. &c.*

A.C. 1414.

S.P.N. 934.

Memorabili, in præcipiti orbis ruina, exemplo Henricus Quinqueecclesiensis in Vngaria ad Dravum Episcopus, Fontis Regii quondam in Suecia Monachus, honorum pertæsus, ad Monasterii latibula sacra revertitur, & à seipso exautoratus, positus infulis, sacro se denuo rigori devover, in Monasterio Bebenhusano, ubi & feliciter in Domino requievit, ante altare S. Stephani inhumatus. In Gallia Wilhelmus ex Abbate Gimontano, Vabrensis; in Italia, Iacobus ex Monacho S. Sebastiani in Vrbe, Milerensis Episcopi celebrantur. In Bohemia Theodoricus Nazarethanus, & Nicolaus Stephani Dionysiensis, & hi quidem postremi Titulares solum Episcopi clarent, adver-

adversum tamen nascentes hæreses per-
vigiles, veri & legitimi pastores, etiam cū
vitæ dispendio, pro ovibus suis contra lu-
pos pugnaturi, & cum Christo animam
pro iisdem posituri. *Ex cit.*

A. C. 1415.

S. P. N. 935.

PRæclarissimè meritis de Ecclesiâ, Mat-
thæus Aulæ Regiæ in Bohemia Mona-
chus Congregationis Cisterciensis, cele-
berrimus tam prædicatur. Is cum Ioan-
ne Hufs Pragenfi Hæresiarcha sæpe con-
gressus, cum cum Hæreticis lectoribus
sæpissimè devicit: sed post nimiam Hære-
teon pullulationem, ex Bohemia in Ger-
maniam, ad Monasterium veteris cellæ,
tanquam in portum venit, in quo fratres
assidua lectione instruens, reliquit in o-
mnes psalmos scholasticam lectionem.
Vion. &c.

A. C. 1416.

S. P. N. 936.

Rursum è nostris Cassinensibus qui-
dam, fidem, & fidelitatem Apostoli-
cæ sedis debitam gloriosissima morte Deo
consecrat. Is fuit Henricus Thomacel-
lorum Patricia Neapolitana gente, Boni-
facii IX. affinis Abbas Casinensis meritis-
simus. Qui cum Ladislao Regi acceptissi-
mus ab eodem plurimis pro virtute bene-
ficiis coleretur, necquidquam reveritus
ejusdem iram, & implacabile post tot in
se collata, beneficia odium, quando is Be-
nedicto Pseudopontifici adherere perti-
naciùs decrevit, iste noster Abbas, dignis-
sima constantia restitit, & impio communi-
cæ detrectavit, ac proin occupatis Cæ-
nobii Casinatis ditione, Oppidis, Castel-
lisque, ipse in Spoletanam arcem ad vin-
cula, & compedes relegatus, indigna qui-
dem, sed gloriosa morte æternitatem feli-
cissimam meruit. *M. Ant. Scipio.*

Obiit eodem anno Thomas Siracusa-
nus in Sicilia Episcopus. Sacræ Theolo-
giæ & Decretorum Doctor peritissimus.
De quo Ignat. Zamparan.

A. C. 1417.

S. P. N. 937.

Summa Patrum Concilii Constantien-
sis celeberrimi consolatione abdicato
à se Pontificatu ante biennium Gregorius
noster XII. suo exemplo impium Bene-
dictum Antipapam permotus, ut & ipse,
honoris maximi per summum scelus sibi
arrogato Titulo renunciaret, adeoque Ec-
clesiâ diuturno, & perniciosissimo schif-

mate liberaret, de Ecclesiâ immortaliter
meretur, hoc deniq; anno nova electione,
rejectione competitorum, Patribus Ecclesiæ
consulentibus. Tanto magis æternis sæcu-
lis illustrissimo insolentis meriti exemplo
commendandus, quanto difficilius erat,
quibusdam de abdicatione sibi plausum
ab invidentia concitantibus, aliis insuper
ut abdicaret urgentibus, hostibus gratum
facere, quā propria sponte abdicare. Fui-
se virum præter summam eruditionem san-
ctissimum, sexcenti tradidère, unde & an-
te Pontificatum, summis honoribus per-
functus, primum Episcopus Castellanus,
post Chalcidensis, dein Patriarcha Con-
stantinopolitanus, dein Legatus à Bonifa-
cio IX. ad componendos motus Neapo-
litani Regni, mox & Picena legatione or-
natus, absensq; Cardinalis Tit. S. Marci
renunciatus, demum consiliorum Papæ
intimè particeps, & conscius, ab ejus mor-
te, summo omnium bonorum plausu Ponti-
fex salutatus. Mortuus vero hoc aëno Gre-
gorius, paulo ante Martini V. electionem;
ut neq; vivente quidem ipso, & abdicato,
alius Pontifex crearetur. Creatus a: post
abdicationem à Concilio S. R. E. Cardi-
nalis Episcopus Tusculanus, collegiique
Apostoli Decanus, ac Piceni perpetuus
legatus, reliquum vitæ summa quiete, &
sanctitate felicius, quam in Pontificatu
tranlegit. *Cajet. Onuph. Ciaccon. &c.*

A. C. 1418.

S. P. N. 938.

Miraculum sui temporis Episcoporum,
honorem illum mirificè condecor-
at, vitæ sanctissimæ illustrissimo exem-
plo Beatus Ludovicus noster ex Abbate
Tornusij Arelatenfi in Gallia Pontifex,
vir per omnia magnus, & qui perditissimo
tempore singulari Numinis providentia,
propositus sit exemplar non tam gregis,
quam ipsorum Episcoporum, etsi pleriq;
post carnem currentes, & sæculum, à
Monacho quidquam condiscere, præter
dignitatem esse status sui reputarent. Mi-
rè effulgent plures ex nostris, finito hoc
anno Constantiensis in Germania Conci-
lio à Martino Papa ob navatam strenuè
Ecclesiæ operam, publice laudati: è qui-
bus Matthæus de Pillard Clarævallis Ab-
bas, Ecclesiæ Gallicanæ, ut vocant,
ambasciator, Ioannes de Martiniaco,
& plures alij. Ioannes certè in eo-
dem Concilio cum duobus Cardinali-
bus & uno Episcopo, examinandæ do-
ctrinæ Wiccleffi & Hufs, cum plena
potestate

potestate præfectus, multa deinceps & per seipsum & per suos, contra eorumdē sectatores præclare gessit, multoque nomine de Romana Ecclesia præclare meruit. *Vid. Acta Concilii, Annal. Cist. Angel. Manriq. &c.* Clarent, Ioannes de Curcumro Episcopus Duacensis in Hibernia, Ioannes Argensis in Peloponeso, Hugo Chienfis ex Monacho Flavigniensi, alique assumpti cum ex Cisterciensi, tum aliis familiis nostris Episcopi. *Ex libro de Provif. Pralat.*

A.C. 1419.

S.P.N. 939.

Confulunt famæ & dignitati ordinis per occasionem Concilii Constantiensis Patres Benedictini ibidem congregati numero 464. hoc anno in festo Sanctiss. Patriarchæ nostri solemni ad Petrusianum Cænobium processione instituta, de quorum præstita in eodem concilio perutili Ecclesiæ opera, in Contantia nostra Benedicta, & Constantia sacra prophana fufius, &c.

Claret scriptis celebris Antonius Parmensis Abbas Vangadicæ, Congregationis Camaldulensis, Ferrariensis demum Episcopus, cujus maxime Sermonum de Tempore & de Sanctis libri duo comendantur. Moritur eodem año S. Petrus, de bono, de quo Martyrologium Benedictinum primo Non. Iunij in Monasterio Cluniacensi, depositio S. Petri de Bono, qui primum mercator Burgenfis, & uxoratus; deinde sæculo & uxore relictis Monachus Cluniacensis, & Sacerdos adeo Religiosus & devotus; ut totum ex integro platearium quotidie, ultra suæ servitutis pensum devotè persolverit; insuper & Horas de Spiritu sancto addiderit: unde in sancto die Pentecostes, ea hora, qua conventus cantabat in Choro: Veni creator spiritus; ad paradyfi amœna deductus est.

A.C. 1420.

S.P.N. 940.

Hoc anno alius è sanctissimo illo Cluniacensium Patrum Collegio hoc ipso tempore florentissimo in cælum promundo deprecator evolat Sanctus Tonsanus Monachus ibidem & Prior, nepos S. Colletæ Institutricis sanctimonialium Colletarum sub Regula S. Francisci, vir exemplo vitæ, & ceremoniarum Monasticarum observatione venerabilis, in cuius morte signa plurima divinitus apparuerunt. *Biblioth. Cluniac.*

Cælestinorum nostrorum & Vallumbrolanorum felices successus, & incrementa, & ab his redundantia in universum merita commemoranda, sed ad eorumdem scriptores lectores remittimus.

A.C. 1421.

S.P.N. 941.

Ornatissima sanguinis gloriosi purpura, multa frequentia Martyres ex ordine nostro, vestem Ecclesiæ Matris tingunt, per varia in primis Bohemiæ Cænobia à juratissimis Fidei hostibus Wiclefistis & Hussitis variè cruciati, & immaniter interempti. *Ex Annal. Bohem. & div. rer. Cist. script.* Quo ipso anno illustris ille Monachorum Zedtlizenfium in eodem Regno cuneus, Martyrum illustri laurea donatus est, de quo *A. Eneas Sylvius, Ioan. Cochleus, Paulus Langius, &c.* Claret sanctorum splendoribus illuster; & magna virtutis opinione Venet. Ludovicus Savigniaci Abbas, idem nuper Legatus Concilii Constantiensis ad Scotos, vir, ut inquit Hector Boëtius, *multa eruditione & vita Sanctimonialia insignis, &c.*

A.C. 1422.

S.P.N. 942.

In amplissima & nobilissima Senarum Urbe æterna cum nominis fama, & Senensium gloria libros Decretalium publicè interpretatur Nicolaus noster Panormitanus, tantam inde gloriam consequutus, ut nec quisquam sit Iuris Canonici paulo studiosior, qui aut Panormitani auctoritatem ignoret, aut non cum Panormitano errare malit, quam cum multis aliis sapere. Nimirum excocta, matura, & rebus quam verbis plenior est Panormitani doctrina, quantumvis nec ipsa volumina sint exigua. *Matth. V. Veiff. Lye. Bened. &c.*

A.C. 1423.

S.P.N. 943.

Nvanti orbi egregio sanctitatis exemplo consulit venerandæ memoriæ vir Odo de Pereria, hoc ipso anno Abbas celeberrimi illius Galliæ Cænobii Cluniacensis, & alterius Casini Abbas electus, quod primevo quamprimum flori redde re aggressus, cælo terrisq; mirificè se commendavit, magno statim se fructu prodente, etsi jam tunc sacrilegi multorum oculi, sanctissimum illum locum, ambitione depascerent, Numine ipsum diutius præservante, dum Odo & Similes Odoni disciplinam illic Monasticam strenuè tuerentur, adeoque conat9 omnes elideret inferorum. *Ex Bibl. Clun. & monim. Clun.*

Ipso

Ipso anno ex Abbate Seltzenfi dioecesis Argentinensis Monasterio, creatur Basilienfis Episcopus & S.R.I. Princeps Ioannes, qui Episcopatum illum strenuè reformare allaboravit. Sed & David Brendogus, Cluanensis in Hibernia Pontifex, à Martino V. designatur. *Ex lib. de provis. Præl. Iongel. &c.* Claret Wilhelmus noster de Nanton Senonensis Archiepiscopus, sed & alii diversas Cathedras meritis & virtutibus implent, dum nonnulli ad inanes pompas & luxum iisdem & Patrimonio Ecclesiæ, Christi & pauperum pessimè abutuntur. *Claud. Rob. Ioann. Chenu. Annal. nost. Eccl. &c.*

A.C. 1424.

S.P.N. 944.

Mirabili Numinis providentiâ & bonitate sanctissima illa & celeberrima ordinis Reformatio, & Religiosissima Congregatio Montis Sion in Hispania vix orta latius effunditur & Hispanias accendit suo fervore universas, è cuius Fundatoribus & promotoribus præcipuis cū esset Ven. P. F. Martinus de Logronno, tanta tamen animi demissione enituit, ut Cænobii ejusdem Prioratum admittere noluerit, donec Abbas & Generalis omnia peccata venialia, quæ ratione illius officii committere poterat, in se susciperet. Vir admirandæ sanctitatis, & innocentiae penè infantilis, cujus exemplo, mirum omnino est, quantum universi profecerint, visaque quamprimum Hispania primitivæ Ecclesiæ fructibus abundare, cum sanctissima hæc Congregatio, ut Paradysus Domini effloresceret, & latissimè ramos extendens, fructus ederet *honoris & honestatis*. Congregationi eidem plurimum favere eandemque promoveret Martinus V. Pont. Maxim. & Ioannes Castellæ Rex & Legionis, haud modico emolumento, à tantis vitæ exemplis in Regnum & Ecclesiam Christi universam redundante.

A.C. 1425.

S.P.N. 945.

Religiosissimam Monachorum vitam, sub ipsis etiam seculiaris complexu sanctissimus Lusitanæ Princeps Henricus, Regulæ S.P.N. Benedicti, in ordine Equestri de Christo te devovens, memorabilia edit specimina, pulcherrimè sic sociatæ utriusque militiæ. Quippe fervore sacræ animosior militiæ, propagandæ fidei zelo, difficillima suscepta navigatione, idem felicissimus Princeps, Gentes &

regiones, à Zona torrida (quam falso veteres exustam penitus & inhabitabilem crediderunt) ad usq; Bonæ spei Promontorium, hætenus omnino incognitas aperuit, & ultra Athlantem (qui ad eum diem terminus navigationis fuerat, quadringentas leucas ad montem Leenam progressus, Maderam Insulam, plurimasque alias in vasto oceano detexit, atque ut milia animarum è faucibus interi præriperentur primus author fuit. Idem, Divino, ut scribunt, monitu incitatus, Septem Mauris eripuit, supra omnem fortunam, ab eximia commendatus & virginitate & vitæ sanctitate. *Henric. Aub. Mir. Chronol. Portugall. &c.*

A.C. 1426.

S.P.N. 946.

Inter densissimas orbis tenebras, admirandæ sanctitatis radiis exsplendescit, S. Francisca Romana, novæ familiæ sub Regula S.P.N. Institutrix, quam familiarissimè ipse zelo descendens eidemque spectabili apparentis forma idem magnus Benedictus, in dirigenda eadem sua familia instituit, per cujus absentiam ad eandem Magnus Gregorius occurrit, & quasi Vicediscalum agit, eadem magnis Numinis favoribus singulares omnino gratias consequuta, cujus Custodiæ, è quarta Angelorum Hierarchia Angelus assignatus est, ut videas, quantum rursum ab hac amplissimi ordinis gemâ speres, quam Deus ipse tantopere honoravit, & sane tanti fecit, ut per illam tanquam lectissimum suum instrumentum, magna omnino & mira efficeret, in eaque ostenderet & dignationis & charitatis suæ magnalia, eo in primis tempore, cum ob infanda mundi scelera, ipsum penè delevisse videretur. *Ex vita Act. Canoniz. Menolog. nost. &c.*

A.C. 1427.

S.P.N. 947.

Iterum cælo triumphans ex ordine manipulus submittitur, illustris Cellæ Novæ, Monasterii in Silesia, numerus Martyrum, qui ab Hussitis repente oppressi in odium Religionis & Fidei, immanissimè trucidati, ad triumphos æternos translati sunt. *Ex Menol. & Fascic. SS. Henric. &c.*

A.C. 1428.

S.P.N. 948.

Plures egregia vitæ sanctitate in Archisterio illo Cluniacensi, facem Gallicæ atque orbi præferunt, magno fervore vene-

venerabilis viri Odonis de Pereria ejusdem loci Abbatis nuperrime concitati, è quibus alii cum generis, tum eruditionis claritudine insignes, novam plane Religionem nostram faciem visi sunt induxisse. *Conf. Biblioth. Clun. fol. 1675.* In candelabro expositi faciem diversis provinciis præferunt, spississimas inter orbis tenebras, multi egregii ex ordine Episcopi, Ioannes Thomasius, ex Priore Sancti Angeli de Monte, Nucerinus, Ioannes Epiphanius ex Monacho & Abbate sacre familiaris nostrae Cisterciensis Neritonensis in Regno Neapolitano, Iacobus ex eadem familia Potentinus in Lucania, aliiq; Pontifices, omnes pro illustri vitæ exemplo, & singulari virtutum laude à Martino V. Romani Pontifice, vigilantissimo pastore Cænobiis extracti, & Ecclesiae Dei consulere iussi, quod & præclare præstitere. *Ex divers. Eccles. monim. lib. de provif. Præl. Gasp. Iongel. &c.*

A.C. 1429.

S.P.N. 949.

Singulis annis singula referre ea prohibent, quæ sæpius suggestimus. Hoc passim tempore perpetua etiam sanguinis, & vitæ impensa in juvandum mundum se toti effundunt Monachi nostri. In Bohemia præcipue exquisitissimis tormentis, tota rursus Monachorum Collegia ad Hussitarum Hæresim, sed nec quidquam adiguuntur, verum æterna fidei Catholica gloria, mortem gloriosissimam invicti oppetunt, inter quos celebratissimi Monachi Cænobiorum Osseckenensis, Nova Cellensis, Grumachinensis, &c. *Videndi Cocleus; Paulus Langius; Henríquez. &c.*

Moritur hoc anno Ioannes Gerloni noster, Cancellarius Parisiensis, Monachus Congregationis Cælestinorum, cuius fama ob eximia merita est immortalis. Excusa haud ita pridem ejus opera universa, cuius inter alia insigniter celebratur Summa Theologica & Canonica in sex libros digesta, Monotesaron item, aliaque.

A.C. 1430.

S.P.N. 950.

Claret admirandæ vitæ sanctitate, Cætonicus primum Sancti Gregorii in Alga, Cælestinam dein ordinis nostri in Congregationem transcriptus magnus ille, & admirandus sanctitate vir B. Laurentius Iustinianus Venetorum Episcopus, ac Primus Patriarcha patriam suam

invecto tanto honore æternum nobilitans. Ejus vitam fusè descripsit Bernardus Iustinianus. *Vid. Gauleterius; Bellarminus.* Clarent eodem tempore Bernardus notiter Aquensis Archiepiscopus, Franciscus Gebennensis, Antonius Ferrariensis, alique plurimi ex ordine nostro Episcopi de suis Ecclesiis meritisimi. Sed & celebratur ipso hoc tempore Henricus Gulpen in Concilio Constantensi notissimus. Abbas Sancti Egidii Norimbergensis I. V. D. cujus inter alia commendantur super septem distinctionibus de penitentia liber unus, super distinctionibus de consecratione liber unus. De passione liber unus. *Vid. Trith. VVion. &c.*

A.C. 1431.

S.P.N. 951.

Merissimè in sceleribus mundo, memorabile penitentiae exemplar, insigni cum fructu seipsum exhibet Beatus Petrus Marginet noster, ex Monacho Apostata, adulter, prædo, latro, scandalum populorum, mira tamen Numinis gratia ex tot sceleribus emergens, ad æternos carceres & in Cænobio se offerens, imple ingeniosissimus sui corporis tortor & carnis fex, non multo post, tantum amantissimi Numinis amorem meritis, ut Cælestibus visitationibus recrearetur, demonibus terrori esset, ipsumque superbiæ Principem, asini forma Zona sua ligatū, onerata Cænobii, calcem, sabulum, lapides conferre cogeret; miraculorum gloria à Numine commendatus. *Ex vita, Ioan. Alvaró, Ang. Manriq.* Fuit Monachus Populetanus, illustri admodum genere, ejusque celebris admodum memoria in Catalonia habetur.

A.C. 1432.

S.P.N. 952.

Magna rursus ex ordine lumina Ecclesiae utiliter præsent, ipsamque plurimam illustant, Bernardus in primis sive Berardus ex Monacho Cluniacensi Aquensis, Guilielmus ex Abbate S. Germani Antisiodori, Senonensis Archiepiscopi, Episcopi quam plurimi, de quibus consulendi *Claud. Rob. Ioann. Chemu. Arnold. Duac. lib. de provif. Præl. Gasp. Iong.*

In Germania diversis passim locis Benedictinus se spiritus prodit, & in novum florem Religio adolescit; certè aliis Austriæ Cænobiis faciem præfert Ioannes Baro à Daglperg Lambacenensis celebris Monasterij ad sinistram Trautnæ Abbas, insignis disciplinæ Monastice reftitutor & al-

ter Lambaci Fundator. De quo plura
ejusdem Canobii monumenta. *Car. Sten-
gel. &c.*

A.C. 1433.

S.P.N. 953.

Florentissimus & felicissimus ordo seu
congregatio nostra Camaldulensis,
præsidente per hæc tempora eidem Ge-
nerali summo honore B. Ambrosio è
Porticu oppido Flamminiæ, cujus ab san-
ctitate & doctrina nōmē celeberrimum,
à meritis vero immortale fuit. Scripsit ut
erat sui temporis doctissimus, & in lingua
Græca alter quasi Homerus.

De Sacramentis, lib. I.

Epistolarum, lib. I.

De Spiritu sancto, lib. I.

Orationum, lib. I.

Transtulit è Græco in Latinum, Sanct.
Dionysium Areopagitam, elegantiori &
faciliori stylo. Vitam Sanct. Ioannis Chry-
sostomi; Basilium de virginitate, Laer-
tium de vita Philosophorum, Chrysosto-
mum ad Stagyrium Monachum: Sanct.
Athanasij quædam: Sanct. Ephrem Syri
Sermones aliquot. Ioannem Climacum,
& alia multa: Epitaphio dignissimū, quod
ipsius tumulo Bartholomæus Latomus
inscripsit.

Qui legis hunc tumulum legeres si
scripta sepulti,

Possent hic oculis nuda patere
tuis,

Quam fluit eloquio, quam dulciter
afficit, utque

Nil nisi nectarium quolibet ore sa-
pit.

Divinus fieres, nec quamlibet ante
scissiles

Iurares dictum protinus Ambro-
siam.

A.C. 1434.

S.P.N. 954.

Fontis Eberhardi limpidissimus splen-
dor, magno Gallix & Ecclesiæ orna-
mento, cujus sacræ familiæ luminaria ex-
splendescunt hoc anno Illustrissimæ san-
ctæ ut genere sic virtute faminæ Margarita
Mommorancia, & Maria de Hareour,
extinctæ illi modo suffecta, ornamenta
æterna Gallicæ Nobilitatis, & tanta qui-
dem, de quibus non tam faminæ solum,
sed viri, nec minus familiæ Deo Sacræ,
quam sanguine illustres æternum sibi gra-
tulentur. *Ex Monim. & Annal. Font. Everh.
Cland. Rob. Aub. Mir. &c.* Fuitque san-
ctæ

admiratione omni dignissimum, optimis
quibusque statutis, cum tempore in de-
terius prolapsis, illud sacrarum virginum
institutum, superata quasi omni virorum
industria, & ipsa rerum natura.

A.C. 1435.

S.P.N. 955.

Inter illustrissimos fama, virtute, do-
ctrina, & generis nobilitate Præfules;
singulis, si per compendium liceret, an-
nos enumerandos, excellit singularem
laudem meritis Ioannes, Ioannis Borbo-
nij Ducis filius, Cluniacensis Monachus,
omnium suffragiis à morte Odonis II.
Abbas electus, Aniciensis dein Episco-
pus: cujus inter alia præclarè gesta refe-
rendum, quod æterna foundatione insti-
tuerit, triginta quotidie Missæ Sacrificia
in Canobio suo Numini offerenda: cu-
jusmodi foundationes penè infinitæ in or-
dinē nostro ab ejus origine institutæ, & ad
hæc usque tempora continuatæ, quan-
tum fidelibus & universo profint difficil-
limum prorsus est explicatu. *Cland. Rob.
&c.*

Moritur hoc año, decimo nono à pro-
fessione Monachisthi, vitæ religiosissimæ
exactæ, meritis locupletissima Leonora
Alburquerqueia Aragonum Regina, mor-
tuo Ferdinando Regi marito superstes
Canobium nostrum Medinæ campi in-
gressa, quod ipsa condiderat, in eodem
coronam & purpuram sacro velo permu-
tans. Ita ejusmodi exempla contem-
pti fastus gloriosissima nunquam in or-
dinē nostro detecere. *Vid. Illescas, &c.*

A.C. 1436.

S.P.N. 956.

Approbatur hoc anno Solemniter ab
Eugenio IV. Summo Pontifice Re-
gula Sanct. Franciscæ Romanæ, majore
ex parte ab ipso met Divo BENEDICTO
Monachorum Archiparente dictata, qui
Franciscam ejusque discipulas spectabili
forma dirigere atque informare visus est,
& pro delictis quarumvis sororum cōmo-
nere, qui & professioni ejus solemniter cum
Paulo Apostolo interfuit & ipsam perpe-
tuo fovens ut filiam, sacram illam fami-
liam mirificè promovit, qui idem, sub hoc
ferè tempus, eamdem ut imminencia Or-
bi atque Urbis Divinæ indignationis fla-
gella suis precibus avertere conaretur,
jussit, quæ cum sedulo illa exequi cura-
ret, non multo post placatum Numen in-
tellexit, & immortalis sane merito, urbem
ac or-

ac orbem demeruit universum. *Ex vita & Act. Canonizat. &c.*

politanus, de quo suo loco. *M. Ant. Scipio.*

A. C. 1437.

S. P. N. 957.

A. C. 1438.

S. P. N. 958.

Ingenti Ecclesiæ ornamento, universi- que ac maximè Italiæ bono, grandibus incrementis succrescens sanctissima D. Iustinæ Reformatio & Congregatio, in- numeros ex hinc calo, pro mundo inter- cessores ac Tutelares, transmisit. Vt vi- deas autem, quæ Monachorum hæc sæ- culo vivendi ratio, ex Cavacio describe- mus: *Quod in primitiva Ecclesia legitur fuisse omnium cor unum, & animam unam de pri- scis illis Patribus, etiam refertur. Divina officia noctu diuque, ab universis celebrabantur, Meditationes, jejunia tum regularia, tum ul- tronea agebantur frequentius. Silentium sta- tis horis, inviolatum, sermo, cum liceret, de Divinis rebus, quia ineruditos docerent, & eruditos accenderent. Quidquid ultra sum- ptus domesticos erat pauperibus dabatur. Per- egrinis ac infirmis inservire totius Congrega- tionis usque ad amulationem studium fuit. Nulla præterea cum secularibus conversatio, consanguineorum pia oblivio. Vestes ex pan- no liburnico crassiore, interula ex eodem instar cilicii. Lectuli ad hominis mensuram, tomen- ta nulla, præter saccos palea infartos, tulcitra vilosa, quæ frigus arceret, non delicias mini- straret. Linteorum nullus usus, quia ex præ- cepto Sancti Patris Benedicti, omnes vestiti cubabant. Privata exercitia ad normam ve- terum Eremitarum, in codicibus scribendis, vel in hortuli alicujus cura. Doctiores Patres vel in audiendis laicorum sacris confessioni- bus, vel in exponendis sanctis auctoribus labo- rabant. Quot codices, quales interpretatio- nes manuscriptas vidimus? Utinam vel nostra incuria, vel aliorum malitia non deperiissent. Apud Civem ea erat de Canobitis nostris opinio, ut citra quis per urbem incederet (raro id con- tingebat) illum obvius quisque ac sanctum ve- neraretur. Ita Cavicius lib. 5.*

Ipso anno B. Ludovicus Barbus noster Canobio extractus Tarvisinus Episcopus ab Eugenio summo Pontifice quantum- vis obniteretur, ac quibus posset precibus, eam curam deprecaretur, summa populi gratulatione, renunciatus, sedem ean- dem egregia sanctitate, & meritis ingen- tibus exornavit. Citat.

Ipso anno moritur Pyrrhus Abbas Ca- finensis, ex Thomacella familia, anteces- soris Nepos, eadem prorsus, qua patruus, fortuna jactatus, cui successit egregia fa- ma & nobilitate Antonius Caraffa Nea-

Memorabili Divinæ dignationis ex- emplo (quod male nonnulli año sæ- culi hujus 32. tribuunt) humilia præ subli- mibus diligentis Numinis egregio argu- mēto, magnus sane legatus ad sanctā Fran- ciscanæ Romanam destinatur S. Thomas Apostolus, monetque Numinis voluntatē esse, ut per ipsam Eugenius Papa cōmo- neatur, gravi occurrere in Ecclesia Schif- mati, & turbulentæ Synodi Basileensis decreta, quantum fieri posset rata habere. Proin misso conscientiæ suæ arbitro Fran- cilca, facile Eugenio persuasit, apud quā jam tunc magnum tantæ Matronæ nō- men erat, ut Divinis se jussis accommo- daret, etsi non ita, ut oportebat, rem Eū- genius maturaret, multo deinceps con- lequente fructu, etsi tardius ille remedium amplecteretur. *Ex vita & Actis Canoniz. &c.*

Nec Hispanis defunt raræ miracula sanctitatis, è quibus venerabilis Bartholo- mæus Covill, Populeteni sanctissimi Cæ- nobii ex Medico Regio Monachus, su- pra omnem medicinæ virtutem, Medi- corum scientiam, prodigiose agris me- detur, quin & mortuum grandi miraculo resuscitat. Idem priore anno, Populeti Abbas electus, quod munus ut admitte- ret nullis suorum, sed neque Blanchæ Regine ardentissimis precibus evinci po- tuit, donec cogente obedientia, præcipi- ente Eugenio Papa annuere cogeretur. Ut facile de regimine tantæ virtutis viri omineris. *Ex vita, & monim. Popul. Ang. Manriq. &c.*

A. C. 1439.

S. P. N. 959.

Magnis meritis celebratur Ioannes eo nomine VII. Sacræ familiæ no- stræ Cisterciensis Generalis, vir unde qua- que maximus, & maximi ab omnibus ha- bitus, idem in Concilio Basileensi Orator ad Bohemos destinatus, & cum duobus Episcopis Iudex in Causis Fidei designa- tus, idem summopere à Ioanne de Regu- sia Dominicano laudatus, quem magno sane Elogio monimimenta Cisterciensia sic honorant:

Lux Prælatorum, Vox & Tuba Conci- liorum.

Sub quo & alii in eadem sacra familia nostra plurimi excellunt, è quibus duo

Germani Abbates, Eberbacensis & Lanckheimensis ejusdem Concilij Basileensis nuncij, & Thomas Dundrenensis unus & primus ex triginta duobus, in quos idem Concilium compromisit, rem strenue contra Hæreticos gelsere, suamque fidem operam in multis S. R. E. comprobare. Neque minus celebre nomen Ioannis Gehusij Abbatis Maulbrunnensis fuit, eodem solemnibus litteris à Patribus evocati. *Eo quod propter dexteritatem ingenii, & regionum ac rerum experientiam multum eo egerent ad Concilij Legationes, &c. Ex Act. Concil. Annal. Maulbr. & Cist. Ang. Mauriq. &c.*

Moritur hoc anno summe virtutis opinione celebris venerabilis Ambrosij Traversius SS. Angelorum Florentiæ Monachus, miris maximorum Magistrorum Ioannis Ravennatis & Ambrosij Grylloræ discipulus, de quo consulendi Camaldulensium rerum scriptores. Quo ipso anno inter Purpuratos Patres accensetur pro magnis vitæ meritis Guilielmus de Estoutiville. *Vid. Ciacon. Arnold. Duacen. &c.*

A.C. 1440.

S.P.N. 960.

Ingenti meritorum cucullo locupletissimus, cælo triumphum cum applausu Cælitum infert, S. Hieronymus noster, Camaldulensis Congregationis Monachus, vir Sanctiss. Lituanorum Apostolus, I. V. D. & Theologus, qui accepta concionandi cum potestate, Episcopali facultate, his temporibus, felicissimæ prædicationis successu, perpetua ordinis nostri gloria, Lituanos ad fidem Christi convertit. Idem Orientales quoque populos Ecclesiæ uniendos suscipiens, contra errores Græcorum doctissime scripsit, sed & Hæreses varias, iisdem armis appetens, egregie & constanter triumphavit. Inter opera ejusdem præcipua numerantur;

Sermonum Dominicalium, lib. 1.

Sermonum de sanctis, lib. 1.

Sermonum Quadragesimalium, lib. 1.

Orationum in Conciliis, lib. 1.

Contra Hæreticos, lib. 1.

Contra errores Græcorum, lib. 1.

De Corpore Domini, lib. 1.

Ita neque hoc quidem tempore ex ordine nostro egregia sanctitate Apostoli defuere: *leg. scriptor. rer. Camald.*

Moritur eodem anno, meritissima de Ecclesia universa Sanct. Franciscæ vulgo Romana dicta, Instituta sanctissima virginum congregatione Mont. Olivetani; ut videas quam perpetuo usu ordinis nostri non solum viris, sed & feminis, restituendi, seu verius perpetuo continuandi primi fervoris curâ infederit, quoque fructu is Ecclesiam beavit, sed & posteritati disciplinam, & paria studia commendaverit. Extat passim Franciscæ vita Romæ excusa; digna sanè lectu non solum, sed summa etiam admiratione, quæ videatur, &c.

A.C. 1441.

S.P.N. 961.

Hoc anno perinfigne ordinis nostri decus Nicolaus de Tedeschis I. V. D. Abbas, dein Archiepiscopus Panormitanus & Auditor rotæ, Lucerna Iuris, super eminentissimum Ecclesiæ Candelabrum positus S. R. E. Cardinalis renunciatur. *Panvin. Trithem. Ciacon.*

Parem in dignitatem plures è nostris elevantur, interque eos Franciscus ex Episcopo Genuensi Sanct. Roman. Eccles. Cardin. Tit. Sanct. Marcelli, & Bernardus ex Archiepiscopo Aquisgranensi Cardinal. Tit. Sacro-Sanct. Nerei & Achillei. Cit. & Clem. Rob. &c.

A.C. 1442.

S.P.N. 962.

Iterum magni viri ex ordine in Theatrum & Scenam orbi spectabiles producuntur: Bernardus de quo supra, Aquisgranensis Archiepiscopus nunc inter Roman. Eccles. Cardinales autoritate ut meritis conspicuus; Quintinus ex Monacho Flavigniaci Vesuntinus Archiepiscopus, Philippus Ioannis de Vienna & Catharinæ Belfortis filius ex Monacho Cisterciensi Lingonensis in Gallia, Mierus ex Procuratore Ordinis Generali in Vrbe, Sissiniensis in Vngaria Episcopus, Christophorus de Borcheriis ex Abbate Sanct. Petri de Aremia, Fulginas Pontifex, alique cum eruditione tum virtute præstantissimi Heroës, qui decus Sanct. Matris Ecclesiæ contra tot undique enascentes hostes tuerentur. *Ex lib. de Provif. Pralat. Claud. Rob. Ioan. Chenu. Arn. Duacen. Gasp. Iongel. &c.*

A.C. 1443.

S.P.N. 963.

Infigne ordinis equestris Militiæ de Avis sub Regula nostra decus Ferdinandus

duſ Ioannes Portugallia Regis filius, non ſine Martyrii gloria, feliciffimè in deter- rima captivitate moritur, & meritis, mè- ritiffimi de Eccleſia ordinis, ſed & nobi- liſſimæ Luſitanorum gentis ſplendori, & Regiæ inſuper familiæ decus æternum addit. Ita de eodem Martyrologium Benediſtinorum XV. Calend. Iunij. In Hiſpania Sancti Ferdinandi filij Ioannis Regis Portugallia, qui cum eſſet equitum de Avis Generalis Magiſter bello captus à Saracenis, apud eos in magna humilita- te, & patientia vixit, & miraculis clarus quievit in Domino. Admiranda planè ejusdem vita legenda apud Vaſconcel- lum in Regibus Luſitani. Stephan. Luſi- gnan. &c.

A.C. 1444.

S.P.N. 964.

Meretur æternum de orbe & ordine noſtro Beatus Ioannes Baſſandus magnus hoc afflictiffimo tempore diſci- plina Monachiſtica reformator. Is Cæle- ſtinæ familiæ cæleſte in terris ornamen- tum, cum & illa cum tempore humanum quid pati videretur, Cæleſti vitæ rationi ipſam reddidit, & de novo, ex Monachis hominibus cæleſtes Spiritus fecit; & mi- rificis exemplis orbem mirè accendit, re- formatione ab ipſomet per Galliam, Ita- liam, Angliam atque Aragoniam felicif- ſime propagata, quem maximi orbis Prin- cipes, ob perfectiſſimam vitæ ſanctita- tem eximie coluere. *Ex vita, monim. Cæ- leſt. Hugone Menardo, &c.*

Ejuſdem Baſſandi ingens & immorta- le meritum fuit, cum Caroli VII. Gallo- rum Regis Legatum agens, Felicem V. Antipontificem magni ponderis oratio- ne aggreſſus, non ſine inſigni Numinis gratia zelum ipſius juvante & proſequen- te effecit, ut perſuaſus ille tanti viri autho- ritate & rationibus, Pontificatu Romano, ſive arrogato potius ſibi nomine, ultro ſe abdicaret, Eccleſiæque univerſæ, tamdiu deſideratam pacem & tranquillitatem redderet. *Ex cit.*

A.C. 1445.

S.P.N. 965.

Suprenus hic annus Nicolao Panor- mitano, viro ſi quis alio, de Rep. Chri- ſtiana meritiffimo, & immortalis nominis gloria æterno; qui cum decennio integro ſumma cum orbis admiratione Decreta- lium libros è Cathedra publicè interpre- tatus fuiſſet, animum denique ad comen- tandum, & ſcribendum adjecit, ea facilli-

tate, ut non tam commentaria, quam ius ipſum ſcripſiſſe videretur. Breviter ipſe de ſe: Ego Nicolaus de Tudifco Cata- nenſis Siculus, inter Doctores minimus, ipſius ſcientiæ Capitis & Auctoris præſi- dium invoco. Et poſt: Conſilius igitur de implorato auxilio, ad ipſius honorem, cujus res agitur, piiffimæ ac devotiſſimæ virginis ipſius Genetricis Mariæ glorio- ſiſſimæ, Agathæ Patronæ ac compatrio- tæ, Luciæ præclariffimæ Siculæ, cujus ho- die vigiliam celebramus. Non minus BENEDICTI, cujus à puero habitum ge- ro, ad deſtinati operis perfectionem, con- deſcendo, &c. *Matth. VVeiff. & plures alij.*

A.C. 1446.

S.P.N. 966.

Sacræ purpuræ in tanta temporum ſcæ- ditate miraculum enitet Beatæ memo- riæ Ioannis de Meſſana Sanct. Rom. Ec- cleſ. Cardinalis è Monacho & Abbate congregationis tunc florentiſſimæ Sanct. Iuſtinæ de Padua ad id honoris aſſumptus, cum Eugenio IV. de tantis viri virtutibus innotefceret. Excelluit ſummo cuculli & purpuræ, urbis, orbis, atque ordinis or- namento, eximia ſummo in honore mo- deſtia, omnem omnino pompam atque oſtentionem, velut in Monafterio exe- cratus, & ſanctiſſimo, ſanctitate vitæ con- ſpicua & magnis meritis, cum & rara ex- celleret eruditione, præclare adſtitit, ad negotia maxima tanto viſus aptior, quan- to magis ab omni ambitione atque avari- tia abſuiſſet. Verum triennium ſolum ſupervixit, & clariſſimus vitæ continentis exemplo, & retentæ in purpura diſcipli- næ atque integritatis Monachiæ laude clarus Neapoli deceſſit, ibidem in floren- tiſſimo Sanct. Severini Cænobio, inter dilectiſſimos confratres mortuus & ru- mulatus, ſub A.C. 1448. *Ciacon. Carvat. Belforeſt. &c.*

Clarent & alij plures è Pontificalibus reſplendentes Infulis Ioannes Borbonius è Cluniacenſi Monacho Podienſis, Au- guſtinus è Cifterciienſi Famauguſtanus in Cypro, Nicolaus Calioſopolitanus alii- que ex ordine Epifcopi, de quibus conſu- lendi. *Ioann. Chenu. Claud. Rob. Jongel. & cit.*

A.C. 1447.

S.P.N. 967.

Inter S. R. E. Cardinales inſigni fulgent auctoritate, meritis præſtantiſſimi, cla- riſſimi Ioannes Meſſanenſis Siculus, San-

ctiff. Cænobij & Congregationis S. Iustinae Abbas meritissimus, dein jussu Eugenii Papæ Romam Profectus & à Monachis S. Pauli ibidem Abbas electus, cui Cænobio religiosissime præfuit donec ab eodem Pontifice Cardinalis Titulo Sanct. Sabinæ pronunciatus est. Excellebat (summo nimirum purpuræ, & cuculli, Ecclesiæ, & ordinis nostri ornamento) Ioannes noster sanctitate & eruditione, & quod magis admiramur, etiam negotiis Principum aptus. Triennium in ea dignitate vixit, clarissimus exemplo continentis vitæ, ac retentæ Monachalis disciplinæ, Neapolique defunctus in D. Severini sepelitur. Guilielmus dein de Estontevilla ex Monacho & priore S. Martini de Campis S. R. E. Cardin. vir nunquam satis laudandus, eodem in honore annis plurimis, variis legationibus, ac Titulis honoratissimus, de quo deinceps sæpius narranda occurrent. *Cavacius, Ciaconius, Belforest. Panvius, Clem. Rob.*

A.C. 1448.

S.P.N. 968.

Iterum alia Reformatio, ut suos nunquam deseruisse Sanctus Pater noster videatur, magno fervore se prodit, & multa Cænobia, totasque provincias suo fervore accendit, exsuscitante primum flammæ atque excitante animos, magnæ sanctitatis viro Beato Eustachio Iardineri Abbate, qui disciplinam Monachicam passim restituens, attonitos vitæ Religiosæ exemplis populos rapit, nec tam Religiosis, quam ipsis etiam sæcularibus consulit, ipse magnis Gratiis à Numine excultus, & Prophetiæ dono illustratus. *Ex monim. & script. div. Belg.* Ipso anno plures rursus ad diversas cathedras vocati, de quibus prolixius alias suo loco.

A.C. 1449.

S.P.N. 969.

Inter celeberrimos nostri ordinis viros eminet Ludovicus de Vazambone, aliis de Palude, Doctor Parisiensis Academiæ, custos conclavis in electione Martini V. in Concilio Constantiensi, Episcopus Maurianensis, & Lofanensis administrator creatus ab Antipapa Felici V. Cardinalis, hoc anno ob eximia merita à Nicolao V. confirmatur titulo S. Anastasiæ presbyter Card. Panvin. Trith. Ciac. Cl. Rob.

Obiit eodem anno Ioannes Siculus, de quo superius, Sanct. Rom. Eccl. Cardinalis, sacri illius Collegii hoc sæculo, ab egregia sanctitate, singulare decus & ornamentum. *Ciacon. Cavac. &c.*

A.C. 1450.

S.P.N. 970.

IN Germania nostra insigniter laborat pro ordinis reformatione Ioannes Abbas S. Magni in Faucibus. Vir sanctiss. De quo in Monasteriologia sua ita scribit Carolus Stengelius: *Ioannes doctrina & Religione valde claruit: nam admiranda fuit abstinencia, jejuniis, exercitiis spiritualibus, & vitæ contemplationi totus deditus, ut interdum visus fuerit in mensa lecti ita attentus, ut oblitus sit ferculorum, ac quasi in extasi raptus videretur.* Interfuit Concilio Basiliensi, & propter doctrinam & zelum Religionis inter ceteros nostri ordinis Abbates Præsidentis officio functus est: multumque laboravit pro reformatione ordinis circa annum Domini 1450. Cui successorem in nullo dissimilem fuisse idem Stengelius deprædicat.

Circa idem tempus ingenti Ecclesiæ ornamento celeberrima illa ordinis nostri Bursfeldensis congregatio, felicissimis incrementis latissime propagatus: ut nullo unquam tempore, sibi videas nostros defuisse, sed bono ordinis atque, orbis maximo prima primum instituti ordinis exempla, & fervorem revocasse, suoque calore Mundi hujus gloriam rupisse & resolvisse.

A.C. 1451.

S.P.N. 971.

NE Regia quoque decesse pergerent in ordine exempla sanctitatis, decus verè Regium effulget Beata Philippa Ferdinandi Cypri, & Petri Aragonum Regis Soror, Monialis Sanct. Dionysij de Odivelis, præter eximiam vitæ sanctitatem, eruditionis etiam laude, & relictis ingenij monumentis immortalis. *Barnab. de Montal. Chrys. Henr. & nos in Menol. nost. &c.*

Exsplendescunt ex infulis Pontificalibus, & diversas demerentur Cathedras, Dominicus ex Monacho & Abbate Miniacensi Archiepiscopus Montis-Regalis in Sicilia, Ioannes Loffredi Luxoviensis ex Monacho, Atrebatensis in Belgio Episcopus, Dominicus Cisterciensis, Agri- gentinus in Italia, de quibus lib. de provist. Prælat. &c.

A.C. 1452.

S.P.N. 972.

Immortali merito, de Academia orbis præcipua, Parisiensis, meritisissimus Guilielmus noster de Estontevilla, ex Priore S. Martini de Campis Episcopus Marinenfis, dein Andegavenfis, Biterensis, ac Archiepiscopus Rotomagensis, ex S. R. E. presbytero Cardinali priore auctore creatus Episcopus Portuensis, eandem Pontificia

ficia & Regia Auctoritate hoc anno reformat. Ut singulari videatur Numinis voluntate per eos restituenda, per quos primum fuerat instituta. *Vid. Claud. Rober.*

A.C. 1453.

S.P.N. 973.

Rursum egregia sanctitate vir venerabilis Petrus, cognomento Siis, Dunensis Cænobi Prior, rarum sæculi huius ornamentum, magnis meritis Belgio prodest, & disciplinam Monasticam strenuè reformat, idem Magnus Deiparæ cultor & cultus suo exemplo promotor, tantæ virginis amoribus feliciter immortalus, cum cygni instar suavissimo cantu obitum suum præsignaret, cantando mortuus, cum lucta suprema Antiphonam illam ô intemerata solemniter intonans, & gratiosissimo cantu supremum anhelitum exhalans. *Ex vita, & mon. Dun.*

Ne quid Cluniaco tot viris illustribus nitido cederet Regale Sanct. Dionysij Parisiis Monasterium, & ipsum sancta emulatione totum accenditur; clarent præ aliis Ioannes Chartier, & alter Ioannes, Wilhelmi Archiepiscopi Parisiensis frater, viri digni tanto Cænobio, & Regio nomine, utpote, quod difficillimum Regibus ipsis est, sibi ita imperantes, ut ad voluntatem Numinis formati viderentur. *Claud. Rob. monim. Monast. Reg. &c.*

A.C. 1454.

S.P.N. 974.

Ingens factus ex reformatione ordinis & congregationis Sanct. Iustinae in Italia, Sicilia, & Neapolitano Regno plurimis ex ordine viris sanctitate, genere & doctrina, efflorescentibus, & strenuam operam, exemplo & prædicatione Ecclesiæ navantibus. *Vid. Cavac. &c.*

A.C. 1455.

S.P.N. 975.

Infulis Pontificiis non tam ornantur, quam decus atque ornamentum tecum ipsi afferunt, populosque atque urbes verbo vitæ atque exemplo demerentur, plurimi iterum ex ordine Episcopi. Quorum Wilhelmus de Tonteville noster Rotomagensis Archiepiscopalem Cathedram meritis implet, & Iacobus Messanæ Archiepiscopus, Siculorum omnium animos rapit. Sic Michael Insulanus, Iacobus Arborensis, alique Episcopi, tantum scientia merentur, lituo benè usi, magno & Ecclesiæ quisque propriæ commodo, & universalis ornamento, ad insignem eorum confusionem, quos ni-

hil promovit quam vel ambitio propria, vel favores eorum, qui non tam populi, quam sua interesse sciverant, quibus pro libidine ipsi sua uterentur, bonis Ecclesiæ abuterentur.

A.C. 1456.

S.P.N. 976.

Hoc año moritur felicissimè in S. Nicolai de Buschetto Genuensi Cænobio Beatus Nicolaus prior ibidem, cuius quin referamus paucissima ex innumeris stylo simplici in compendium à quodam Monacho coacta, præterire non possumus. *Hic vir, inquit ille, Dominus Nicolaus, magna sanctitatis fuit, multisque miraculis in vita & post mortem claruit, &c.* Huic beato dum esset sacrista in principio suo conversionis, in Monasterio nostro Sanct. Iustinae (inde colligat licet, auctorem è Diva Iustina fuisse) ante altare majus apparuit. Dominus in ea forma, quæ cum suis conversabatur discipulis: dixitq., Nicolae sequere me, (ex quo haud improbabile deducas, Monachorum vocationem Apostolica haud imparem esse.) Et non multo post cum venetias ad S. Georgium majorem missus fuisset, celebranti iterum in hostia apparere dignatus est. Sequenti tempore ad Monasterium S. Nicolai de Buschetto extra Genuam missus fuit, ubi per triginta & quatuor ferè annos commoratus est, ibiq., Divina præeunte gratia, multas virtutes operatus est. Obsessum à Dæmone illico liberavit. Cum diabolus ex capitulo ad dormitorium asportasset, ut per fenestrâ eum precipitaret, affuerunt subito in præsidium ejus in ipso dormitorio duo chori Angelorum tantantes: Nicolae oramus pro te: in quorum pulchritudine aliquamdiu valde delectatus est. Dum pro quadam tentatione quam patiebatur se commendasset S. Dorotheæ, statim liberatus est. Existens Prior dicti Monasterii Buschetti, cū agrè ferret huiusmodi prædicationem, rogassetque per triennium Patres, ut eum ab ipso Prioratu absolverent, nec obtinere posset, dixit undecim millia Pater noster, & totidem Ave Maria, & miraculosè absolutus fuit, ut latius patet in vita ejus. Quis vitam ejus virtutibus ac sanctitate plenam sufficit explicare &c. Deniq., moriens hoc ultimum verbum me audiente dixit: Diem hominis nunquam desideravi. Quantum post mortem ejus Dominus miracula fecerit per eum, qui nosse cupit ejus legat vitam. Ad tactum namq., vestimentorum ejus innumeri infirmi, & aliqui à sensu alienati liberati sunt, &c. Hæc fusius: ex quibus aliorum huius sæculi ex nostro ordine perfectionem, pari sanctitate celebrium, innotiatis. Vitam fuscus scripsit Julianus noster Genuensis.

Mortuus eodem año haud impari sanctitate B. Odo de Pereria Abbas Cluniacensis insignis ordinis reformator, Sanct. Odonem primum strenuè imitatus, ut inde facile de subjectorum quoque virtute ætates, iudicesque. A Claudio Roberto Vir sanctiss. prædicatur, à silentii maximè nocturni cautissima custodia, & observantiæ Regularis amore, Prophetiæ insuper spiritu, & reformationis studio celebratus. *Vid. Chron. Cluniacense, Clem. Robertus, &c.*

Eodem tempore inter plurimos ex ordine universo spectatissimos in Ecclesia Pontifices haud vulgariter eminebat Carolus Archiepiscopus Mediolanensis ex Monacho S. Celsi ad eam sedem à Calisto PP. III. ob merita promotus. *Vid. Morigia, Galefin. Catalogo Episcop. Mediolanensium.*

A.C. 1457.

S.P.N. 977.

Moritur sub hunc annum Ioannes Whethanistedus, cognomento Frumentarius, Canobij S. Albani in Anglia Monachus & Abbas, totius deniq; Congregationis Benedictinæ in Anglia Præses, de ordine suo, sed & Regno meritissimus, cuius opera Rex ipse gravissimis in negotiis usus est, idem ob insignes animi dotes apud Principes & magnates summo in pretio habitus, à quibus Syrenum nova & impia dogmata præ aliis feliciter avertere visus est, & solidioribus argumentis eosdem in Fide Sanct. Roman. Eccles. retinere. Eum fuisse *industriam mirabilem, Pitius ait, aterrimum ingenii, solidissimum iudicii, incredibilis in rebus agendis prudentia, &c.* Claruit in Conciliis Senensi & Papiensi, ad quæ orator missus est, inque iisdem solemnes orationes habuit. Reliquit multa præstantis ingenii monumenta, è quibus sequentia extare dicuntur:

Expositionum in Sacram Scripturam, lib. 5.

Commentariorum in varios script. libros, lib. 1.

De vita Amphibaldi, lib. 1.

De situ terræ sanctæ, lib. 1.

Ordinationes suæ Abbatæ, lib. 1.

De viris illustribus ad Glocestriæ Ducem, lib. 1.

Manipularium Doctorum, lib. 1.

Contra Episcopum Norwicensem, lib. 1.

Defensorium Exemptorium, lib. 1.

De Gestis propriis, lib. 1.

Iterum ad Glocestriæ Ducem, lib. 1.

Opus Necessariorum, lib. 1.

De omnium hominum officiis, lib. 1.

De Hæreticis & eorum fautoribus, lib. 1.

Declamationum variarum, lib. 1.

Epistolarum ad diversos, lib. 2.

Opus quoddam metricum, lib. 1.

Palearium Poëtarum, lib. 2.

Declamationes Metricæ, lib. 1.

Floruere & alij in Anglia viri ex ordine illustres Ioannes Talangernus Wigornienfis Monachus, & Ioannes Amundhamus San-Albanensis, de quibus aliisque consulendus Eduardus Maihew, Pitius & diversi rerum Angl. script.

Etiam à morte mereri non desinit B. Nicolaus Genuensis Prior de Buschetto, mira sanctitate vir, innumeris ægris, solo etiam vestis ejusdem contactu prodigiosè sanatis, salutem cucullo debentibus. In Galliis claret Maria de Britannia mirabilis illius & felicissimi Regum Regis Gynecæi Fontis Eduardi meritissima Antesignana. *Ex monim. ejusd. Canobii, Claud. Rob. Aub. Mirao, &c.*

A.C. 1458.

S.P.N. 978.

Rursum è nostris congregationis Camaldulensis Sanctiss. Monachis fuit, qui Ecclesiam purpura sanguinis sui ornavit, & agrum Dominicum impinguarit, B. Angelus de Massacio, insignis verbi Domini prædicator, ideoque Hæreticis invisus prorsus, & religione odium implacabile meritis, à quibus & occisus ingentitriumpho cælum exhilaravit. *Vid. script. rer. Camaldulensium diversi.*

Claret Avianus Monachus S. Winoci, de omni posteritate meritissimus, cuius laudatur Chronicon universale ab origine mundi summa diligentia, & fide scriptum, usque ad sua tempora, opus & volumen ingens. *Vid. Catalog. script. Belgii, & Arnoldus VVion. &c.*

A.C. 1459.

S.P.N. 979.

Non minus Bartholomæo, Reges ac Regnum demeretur Michaël del Gado, viri sanctissimi in Abbatia Populeтана Successor, Nicolao V. & Calixto III. Romanis Pontificibus, dum in Italia pro negotiis

negotiis veraretur eximie charus, idem Ioanni Regi & Regno pernecessarius ab eodem ad Pium II. an Paulum Roman. Pont. Legatus, dehinc publicis Regni negotiis deputatus, vir per omnia tantus, cui Reges & Regna, omnisque posteritas plurimum debere, ex eiusdem sudoribus & laboribus convincantur, idē Religiosæ disciplinæ custos integerrimus, sub quo plures egregia virtute tanti Magistri discipuli effloruere. *Ex Monim. Popul. Ang. Manriq. &c.*

Clarent, Artus noster Burdegalensis in Gallia Archiepiscopus Bartholomæus Derensis, alique ex Monachis præstantibus præstantissimi Pontifices, quorum elogia in alium librum rejicimus. *Vid. Chenu, Robert. &c. Lib. provif. &c.*

A.C. 1460. S.P.N. 980.

Maximorum quorumque ex ordine universæ gloriæ æmulatus, & affectus hoc ipso tempore meritis quoque æternis nomen posteritati consecrat, D. Ioannes Abbas Nivicellensis, qui cum esset in sacris litteris apprimè versatus, & scientia Iuris Canonici, nemini suo tempore inferior opus præclarum, & insigne, & à nullo alio (teste Arnoldo nostro) tentatum, Biblior. scilicet, & Canonum concordantiæ posteris reliquit, tali principio. In principio creavit Deus, &c. In quo opere dilucidè ostendit: omnem vitæ humanæ perfectionem, è sacris debere sumi litteris, nec quidquam in sacris Canonibus ad eam acquirendam positum, quod ab illis non pendeat, scripsit præterea:

Sermonum de Tempore, lib. i.
Sermonum de Sanctis, lib. i.
Epistolarum & quæstionum variarum, lib. i.

Videndi Ioannes Trithemius de scriptoribus Ecclesiasticis. *Arnoldus, VVionius, &c.*

A.C. 1461. S.P.N. 981.

Hoc anno cum celeberrimus ille Pontifex Roman. Pius II. (antea Æneas Sylvius) Religione & Sanctiss. Patriarchæ nostri BENEDICTI amore, ductus sacram ejus specum & vestigia venerabundus inviseret: Hæc de Sublacensi Cænobio, ejusdemque Monachorum perfectione Bzovius narrat: Ex oppido Sublacensi ad Monasteriū Sublacense iter est duorum

milliarium, per abruptas petras, & difficiles aditus. Hinc ad locum, quod Ipecus vocitant, mille passibus ascenditur, via difficili, & ferro facta adeoque præcipiti ut absque horrore adiri nequeat. Hinc profundissima in Avienem descendente rupe, iude altissimo imminente saxo; nec accessibilis ullo pacto, nisi modo ad dextram, modo ad sinistram varios agens flexus in anguis morem ab imo usque ad summum ducta, & plerisque in locis muro defensa fuisset. BENEDICTUM patrem sequuti sunt discipuli, & cœpta habitari & spelunca. Sicut in altis scopulis nidos videmus hirundinum in crepidine lapidum, ita est Monasterium hoc cernere affixum sublimi Saxo, ex quo sæde frustra concidunt, quæ aut Monachos perimunt, aut ædificiorum ruinam faciunt. Multa hic sancti viri miracula referuntur, & tintinabulum ostenditur, quo diabolus illuisse bonis operibus conatus est. Monachi hic viri viginti degebant, ut par erat credere, Deo etiam, nunquam carnes edebant, vinum multa domabant aqua; jejunia longa producebant. Luxuria erat duo ova comedisse, oleribus & pane vescerantur, vel leguminibus his epulis mensas onerabant, brevissimum tempus cibo dabant; nec multo majus somno: reliquum in oratione consumeabant. Rem Divinam peragabant summa devotione, psallebant Deo confidenter. Major pars se numerat, quorum plerique inoffensa valetudine ad octuagesimum annum pervenerant, vultu alacres, & alloquio venerabiles, quorum unica cura fuit, dissolvi tandem & esse cum CHRISTO. Prius in utroque inferiori & superiori Monasterio rem coram se Divinam celebrari fecit, & loca omnia, quæ fama vulgaverat, corpus Sanctiss. BENEDICTI attigisse exosculatus, ac Monachis spirituales gratias elargitus, oppidum pernoctaturus descendit, &c. In cælum eodem anno abiit felicissima morte vitæ æternæ natus D. Ioannes Eustachius Abbas primus Iardineti Congregationis Cisterciensis, qui plurima per totum Belgium Cænobia, ad Sanctiss. Regulæ normam reformans, propter innumera sanctitatis opera, fama longè lateque celebratissimus, & viris Principibus acceptissimus fuit. Prophetiæ etiam spiritu claruit: de cuius præclarè gestis consulendus Chrysof. Henriq. t. i. fasc. Sanctorum Cisterciens. &c.

A.C.

A.C. 1462.

S.P.N. 982.

Salmana, congeminaſſent, improbitas evieſſet. *Ex mon. Cifterc.*

NObilitatis humanæ caeleſte decus, mortali etiamnum in corpore exſplēdeſcit, Beata Margarita noſtra Montferratensis Princeps Ludovici Sabaudi Pedemontium & Achaia Principis filia, Theodori Paleologi vidua, B. Magdale-næ Albenſis Canobii Monialis, verum humilitatis exemplar monialibus facta, ſpeculum ſanctitatis Sabaudia univerſa, inquam cum Principes intendentes, tum populi, haud modicum viſi ſunt pietate proficere; & univerſi potens ejusdem apud Dominum pro patria ſuffragium experiri. *Ex Pingonio, Hug. Menard. VVio-mo, &c.*

Moritur eodem anno Guido eo nomi-ne IV. Sacrae familiae noſtrae Cifterciensis Generalis, vir præſtantiffimus & qui for-titer prælia Domini geſſit contra Com-mendatorios, & Sacrilegos rerum Eccle-siaſticarum invatores, præfuitque annis quatuor; quo tempore Sanct. Antonius Archiepiſcopus Florentinus ad ſuperos migravit, de cujus glorioſo ad cælos trans-itu prima revelatio fratri alicui Converſo in Ciftercio facta eſt, idemq; pro Canoniza-tione ejusdem, eſt teſtis requiſitus. *Ex monim. Cift. Manriq. &c.*

A.C. 1463.

S.P.N. 983.

INter præcipua ordinis Sydera, novam orbi facem præfert Himbertus de Lana Sacrae Reformationis Cifterciensis meritiſſimus Generalis, qui vix adito Magiſtratu Benedictæ ordinis Matris & virgi-nis honorem promovere aggreſſus, apud ſuos primum præcepto, apud alios deinceps conſilio & exemplo tantum effecit, ut Admirabilis illa Divi Hermannii Contra-cti noſtri, tantopere dilecta Mellifluo Doctori Antiphona *Salve Regina* Veſperis couſque ſolummodo ſeu Completorio ſubjungi ſolita, omnibus deinceps Horis Canonicis pro clauſula ſubjiceretur. Im-mortali procul dubio merito, de quo to-tum etiam ſibi cælum gratuletur. Idem hoc ipſo anno ad inſtantiam Abbatum Romam proſectus, adeo acriter & poten-ter, dictante procul dubio Numine, con-tra commendas coram Pontifice & Car-dinalibus peroravit, ut lachrymas ab om-nium oculis extorſiſſe memoretur. Sed lachrymas ſolas & cautiones aliquot im-petravit, cum conjurata voluntate Prin-cipes, *Hereditate poſſideamus ſanctuarium Dei*, cum Principibus Oreb & Zebee, &

A.C. 1464.

S.P.N. 984.

Germania tota fervet, dum invale-ſcentibus Hæreſibus multa alia pro-vincia deſerveſcunt, Burſteldenti Con-gregatione, maximo bonorum plaſfula-tius ſeſe expandente, cujus hoc ipſo pri-mum anno Capitulum Generale ſolem-niter celebratur. Clarent magna ordi-nis luminaria Wilhelmus S. Bertini Ab-bas, ſummo Reipubl. & patriæ bono na-tus, & Iluardus Glandatenſis ex Mona-cho & Abbate Lirinenſi Epifcopus.

Moritur eodem anno Pius II. Pontif. Max. Aeneas quondam Sylvius vir præ-ſtantiffimus, cujus ipſa hora animam, tri-plici corona redimitam in cælos ab An-gelis deportari Beatus Petrus noſter, co-gnomento Teutonicus, Monachus Ca-maldulenſis intuitus eſt; ejusque obitum Fratribus prænunciavit. *Ex vita, & An-nalibus Camald. &c.*

A.C. 1465.

S.P.N. 985.

Moritur hoc anno ſtrenuus ille, de quo ſupra, Monachicæ diſciplinæ Reſtitutor B. Petrus cognomento Siis; ipſa in morte Antiphonam illam: *O Inte-merata, &c.* Suaviter occinens & occi-nendo moriens, quo ipſo tempore, claret alter, in ſuperiore Germania Petrus, & ipſe Deiparæ amantiſſimus, Abbas Sanct. Petri Salisburgi, Capellanus Beatae M A-RIAE virginis, inſigni tanè titulo, pro ſuo eximio erga eandem cultu, appellatus. De quo R. D. Albertus ejusdem loci Ab-bas, in ſuo de Abbatibus Sanct. Petri Tra-ctatu. Ipſo anno inter Patres S.R.E. Pur-puratos adſcribitur Eminentiffimus Do-minus Ioan. Godefridus Balues, Mona-chus & Abbas S. Dionyſii Pariſienſis, &c. *Ciacon. Arn. Duac. Claud. Rob. &c.*

A.C. 1466.

S.P.N. 986.

IN Canobio noſtro Sanct. Dionyſii Pa-riſienſis exſplendēſcit ex Monachis ge-nere & virtute nobiliſſimis, meritiſſimus de Galliarum Regno, & omni ſæculo-rum poſteritate Ioannes Chartier Mo-nachus, & Cantor Cænobij, frater Gui-lelmini Pariſienſis Archiepiſcopi celeberrimi, & Alani Secretarii Caroli ſeptimi. Scripſit Ioannes noſter, Philippo Abba-te, Chronica Francia tribus volumini-bus

bus, quæ vulgo dicuntur Dionysiana Magna. *Vid. Claud. Rob. &c.*

In Germania nostra viri illustres excellent plurimi, quos inter Vdalricus Sancti Galli Abbas, Sixto Pontifici acceptissimus; qui à nonnullis admonitus de petendo Cardinalatu, cui ipse & Pontifex imprimis statim faverent, constantissime respuens, indignitatem suam objiciens; ea animi submissione, & modestia ex cucullo dignius quam purpura exsplenduit. *Vid. Stumpfius.*

A.C. 1467.

S.P.N. 987.

Celebri sanctitatis opinione Ecclesiæ honori consulit, coepiscopos concitat, confundit Romanæ fidei adversarios, & exemplo populos lucratur Beatæ memoriæ Ioannes Zerdanus, ex Monacho Populeti Barcinonensis Episcopus, idem eruditionis laude celeberrimus, verbo & opere potentissimus, *de quo consulendi Anal. & script. Cist. nostror.*

A.C. 1468.

S.P.N. 988.

Aterna nominis fama claret Nicolaus noster, cognomento de Donis Monachus Richenbachensis Congregationis novæ Bursfeldensis, divinarum scripturarum non ignarus, & Græcè atque Latine insigniter doctus. Philosophus, Mathematicus & Cosmographus, nullo suo tempore secundus, cum sua vigilantia Ptolomæi tabulas cosmographicas, multis ante sæculis deperditas reperisset, sagacitate sua ita eas instauravit, & admirando opere cum picturis, & novis tabulis elegantissime ordinato, sic diligentissime correxit, ut novi operis potius compositor quam reparator existimetur: Quod in septem partes seu libros divisum, Paulo II. Pontifici Maximo dedicavit. Sicque factum est, ut non Musica tantummodo, ait Arnoldus noster, Iurisprudentia, Pontificia maximè, aliæque liberales artes à Monachis Benedictinis, repertæ, auctæ, & meliorem in modum ordinatæ fuerint; verum etiam Cosmographia ipsa, quæ ad Divinam scripturam intelligendam pernecessaria est, ut nunc videmus, nec non & Medicina, ac Eloquētia, ut superius diximus, ab iisdem in tantum illustratæ, ut auctores earum magis, quam illustratores merito dici queant. Eiusdem Nicolai præter libros septem de Cosmographia, ce-

lebratur liber de mirandis, & alius Epistolarum ad diversos. *Vidend. Tritheimius, &c.*

A.C. 1469.

S.P.N. 989.

Felicissime moritur B. Eustachia nostra, cujus æternum in hodiernam usque diem meritum de ægris ac debilibus innumeris, per ejus sanctissimam intercessionem sanatis. Ita de ea Martyrologium Benedictinum: Patavij ad Sancti Prodocimum obitus. B. Eustachia Virginis sanctimonialis, quæ ex Monachæ sacrilego partu, ut rosa ex spinis effloruit, & à pessimo dæmonio usque ad extremum vitæ fatigata, invicta animi patientia omnia superavit: ex cujus tumulto limpidissima aqua statis quibusdam diebus, scaturire cernitur, ex cujus potu innumeri mortales è gravissimis ægritudinibus convalescunt. Tantus in hac virgine contemptus mundi fuisse legitur, ut cum audiret Venetiis Regias nuptias Catharinæ Cornelie viri clarissimi sororis Reginæ Cypri maximis sumptibus, & omni magnificentia genere fieri, tantoque conviviorum apparatu, totoque pompa chorearum, & tanto vestium splendore, ac gemmarum, & mundi muliebris omnis generis, quanto ferè nunquam alibi factum fuerit, subridens dixerit: ærumnas, luctumque meum, ac dolores, quibus assidue premor, omnibus iis gaudiis & voluptatibus non commutarem. Pro certo asserens se in hac vita malle pro Christo angere gravissimis corporis cruciatibus, quam immensis hujusmodi mundi gaudiis, & momentaneis voluptatibus, brevi cum aliquo animæ detrimento pati. Tanto perfectionis exemplo, etiam postremis sæculis Sacra Deo in ordine nostro virgines universo præluxere; ne otioiam, & inutilem orbi multitudinem ejusmodi collegiorum opineris. *Ex Vita.*

A.C. 1470.

S.P.N. 990.

Claret Ioannes Bertinensis Abbas, cujus laudatur immensum volumen de origine, progressu, & constitutionibus Equitum aurei velleris, quorum Cancellarius perpetuus est (insigni etiam honore, & meritorum de gloriosissimo illo ordine commendatione) Abbas S. Bertini Audomariensis pro tempore existēs. Unde rursus liquet, quā de omni omnino ordine

ordine nostri perpetuo mereri, sed & honorem cujusque auctum voluerint. *Vid. script. Belg. div. & Vion. nost. &c.*

A. C. 1471.

S. P. N. 991.

Sacrum Oliverianam nostram familiam, magno sacrarum proventu Oliveriarum moderatur venerabilis Leonardus Mezanachius Bononienfis, vir ingenea charitate in proximos totus flagrans, de cujus oculis illa Cantici canticorum usurpari poterant: *Oculi tui sicut piscina Hebeson*, cum instar Magni Arsenii lachrymarum imbre continuo defluerent, & si quem lapsum intelligeret, si vel accusaret, vel moneret, sive solaretur, verba ab imo amoris fonte hausta, lachrymis calidissimis consignaret, & propinaret. Is cum Antecessoribus honoratius sepulchrum moliretur Franciscum Ringhlerium, cui in Generalatu proximè succederat, post decimum ab obitu mensem, incorruptissimum reperit, & suaviter dormienti similem, & facile de ordine, sub his parentibus omineris. *Ex Hist. Oliver. Lancell.*

A. C. 1472.

S. P. N. 992.

Leonardi immaturè ad superos rapti Generalatum assequitur pro meritis hoc anno Nicolaus Roverellius, vir sanctitatis opinione clarus, splendore natalium & eruditione illustrissimus, qui cum semel iterumque ac tertio ad Episcopales infulas expeteretur, constantissimè semper rejecit, ob id ipsum nefciri ab omnibus cupiens, ægre persuasus, ut vel maximè ipsum amanti & desideranti fratri suo germano Bartholomæo Roverellio Sanct. Roman. Eccles. Cardinali Romæ supremum decumbenti adesset, quod retineri metueret, ut erat Sixto IV. Pontif. Maxim. valdè dilectus & in summa apud ipsum admiratione & veneratione, quem contuitus aliquando Papa, in illa quamprimum gratulabundus prorupit: *Ecce verè Israëlita, in quo dolus non est*, quem & alij Principes summè coluere, exempla autem ejus inter Monachos plurimi imitati sunt, quorum nonnullis, post mortem tanti Patris in cælo gloria revelata est. *Sec. Lancell. &c.*

A. C. 1473.

S. P. N. 993.

Inter Germaniæ nostræ Abbates multa nominis fama, sed multo majore

virtute & meritis excellit Vdalricus Wiblingensis, prope Vlmam ad Illarum amnem, Cænobii Abbas, alter ejusdem fundator, qui Zelo Heroico non in suo solum Cænobio disciplinam Monasticam restituit, sed & latè propagavit eo suo dignissimo labore meritis, ut Cænobium Wiblingense, insigni planè nomenclatura, sanctum diceretur. Præfuit annis quatuor supra quadraginta, hoc anno laborum percepturus præmiū in cælum evocatus. Ex Monumentis Bibliothecæ Cænobii ejusdem.

Eodem anno extinguitur illustre ordinis nostri decus Ioannes Iofredi Monachus Cluniacensis Decretorū & Theologiæ Doctor ex Priore Sanct. Mariæ de Castro, Abbas Sanct. Petri de Luxovio, post Episcopus Atrebatensis, & Referendarius Apostolicus Sanct. Roman. Eccles. presbyter Cardinalis Tit. Sacrosanct. Sylvestri & Martini, Tit. Equitii in montibus. Vir doctrina, ingenio, & memoria præstans, tantoque pluris faciendus, quanto ex obscuriore familia, ad summas dignitates, & à prudentissimo & sanctissimo Pontifice Pio II. subvectus est. *Vid. Ciacon. Claudius Rob. Hist. Ep. Atrebat.*

A. C. 1474.

S. P. N. 994.

Beata Beatrix à Sylva, Portalegiæ Comitissa, Beati Amedei, & Iacobi à Sylva soror germana, cum ad miraculū formæ excelleret pulchritudine apparente ipsi cælorum Augusta, ejusdem filio Regum Regi, virginitatem suam consecrat, in Monasterio virginum nostrarum Toleraño, quod à Sanct. Dominico nostro à Silos nomen habet cuculum amplexa, magna deinceps novæ familiæ sub nomine Conceptionis immaculatæ Fundatrix futura. *Ex vita, & Menol. nost. Benedict.*

Quo ipso tempore Theobaldus ex illustrissimo Comite Sanct. Pauli & Fiemes, & Ducè clarissimo humilis Monachus, Cenomanensis dein creatus Episcopus, mox etiam ad Sanct. Romanæ Ecclesiæ eminentissimam purpuram vocatur, sed à cælo præripitur. *Ex divers. rer. Gall. script. Ioan. Chenu. Claud. Rob. &c.*

Ipso anno moritur Antonius Vienneſis Archiepiscopus ex Abbate S. Petri ibidem, *cis.*

A. C.

A. C. 1476.

S. P. N. 995.

Ioannes de Granlais sive de Villiers, inter sydera Ordinis nostri, miro splendore rutilat, Abbas S. Dionysij Parisiensis, Episcopus dein Lombardien- sis, Abbas S. Quintini Bellovacensis, Præses curiæ iuvaminum Parisiis, & S. R. E. denique Cardinalis, vir (ita de eo Conventus Monachorum Sandiony- sianorum, in litteris ad summum Ponti- ficem) cui amor Religio, cui honori fa- pientia, cui bono odori iustitia est, Vas electionis in honorem, plenum gratiæ & veritatis. &c. *Clem. Robertus. &c.*

A. C. 1476.

S. P. N. 996.

Moritur magnus ille Cisterciensi- um nostrorum Abbas & Genera- lis Himbertus de Lana Zelator hono- ris & libertatis Ecclesiasticæ potentissi- mus ac generosissimus, cui Ioannes succedit familia de Circeo seu Circio, quem: *Massam, omnibus virtutibus, eli- matam*, Bonifacius Simoneta appellat. In Galliis alter ex eodem Cænobio Ab- bas, successor successor, in Archie- piscopatu quoque Viennensi subroga- tur, Guido, Sancti Petri ibidem Mona- chorum Antistes, ut videas, quantum sit, inter tot ambientium vota, minime ambientes votis prævaluisse. *Claud. Rob. Annal. Vienn. &c.*

Sed ante omnes insignis hoc anno ad sacram purpuram promotio Georgij Costæ Lusitani, qui cum infimo gene- re natus esset, & humilitate nihilomi- nus semper decrescere contenderet, ob vitæ Sanctimoniam Populeti creatus Abbas, inde quanto magis fugeret, ad honores raptus, Episcopus Alben- sis, dehinc Archiepiscopus Vlisipponen- sis, hoc demum anno Presbyter Car- dinalis Tit. Sancti Marcellini creatus, non tam ornatus purpura est, quam purpuram ornavit, magnis dein pro Ecclesia laboribus strenuè perfunctus. *Ex Garimberto, Bern. Brito, Barn. Montal- bo, Gasp. Jongel. &c.*

A. C. 1477.

S. P. N. 997.

Magna gloria sacre familiæ nostræ Virginum fontis Ebraldi seu E- verardi, in qua cælorum Augustæ, Illustrissimæ Galliarum Principes, ma- gno omnium exemplo, ancillas se de-

vovent, quibus mortua sub hunc an- num, imo immortalibus pro vitæ me- ritis juncta Maria Britannicæ Ducissa, hoc anno præest Anna Ducissa Aurelia- nensis (de Orleans) Ludovici XII. Galliarum Regis soror, Fuitque admi- randum semper, eius sacri Institutû de- cus, & Sacrum Vitæ rigorem, inter delicatissimas & Regias Virgines, ita sibi semper constitisse, ut id ipsum mi- raculo proximum, si miraculum nolis dicere, fateri cogaris; etiam usque hodie, observantia illa perennante, maxima cum Regni, tum tot Illustrissi- marum familiarum, atque ordinis in- primis universi ornamento. *Ex mo- niment. & Annal. Font. Ever. Claud. Ro- bert. &c.*

Sed neque Germaniæ, rapto in præ- ceptum mundo talia desunt exempla pie- tatis, etiam in fæminis, è quibus cele- bratur hoc ipso tempore Venerabilis Catharina ex Illustrissima Comitum Rheni familia Abbatissæ Horrei, & multæ aliæ Principes Cænobij Gan- dersheimensis, Quedlinburgensis, Es- lensis, Herefordensis &c. Priusquam sequentis sæculi tempestas pleraque demersisset, cum nemo iam esset, qui infirmo sexui piam manum præberet, auri sacra fames omnia depalceret, & quæ prisca maiorum fundaverat tot sæculis pietas, momento abliguri- ret.

Sed neque virorum Sanctitatis opi- nione illustrium, diversis passim pro- vinciiis copia defuit, è quibus B. Ioan- nes Cælestinus, Viennæ in Gallia, mi- raculis gloriosus refulsit, Dunis in in- feriore Germania B. Iacobus mire eni- tuit, quem sequenti anno ipse Doctor Mellissus spectabili forma ad patriam cælestem invitavit, quo ipso anno ibi- dem Ven. Ægidius cognomento de Roya, Abbas quondam Montis Rega- lis, sanctissime decessit, cuius vita An- gelica potius fuisse, quam hominis me- moratur. &c. *Ex Menol. nost. Montalbo, Henriq. &c.*

A. C. 1477.

S. P. N. 998.

Nunquam satis pro meritis extol- lendus Guilelmus noster de Eston- tevilla singulare Eccl. Romanæ, & uni- versalis ornamentum, inter Patres purpu- ratos

ratos eminet, & omnes in sui admirationem convertit, tantis virtutibus ita diversis Pontificibus commendatus, ut in eo ornando extollendoque omnes quasi contenderint. De eodem, & honoribus eius sic Ciaconius: D. Guil-elmus de Estontevilla, Normandus, Gallus; decretorum Doctor, Monachus & Prior S. Martini de campis Parisiis Ordinis S. BENEDICTI Congregationis Cluniacensis, Episcopus Marinenfis, post Andegavenfis, deinde Bitterrenfis, postremo Archiepiscopus Rothomagenfis, & Sanct. Rom. Eccles. presbyter Cardinalis SS. Martini & Sylvestri in Montibus Titulo Equitij, factus postea Episcopus Cardin. Portuenfis & Sanct. Rufinæ à Nicolao Papa V. & Ostiensis & Veliternus à Pio II. Qui nobilissima & antiquissima ortus familia, Regibus enim Francorum sanguine junctus erat, virtute, doctrina, Religione ita excelluit, ut merito ab Eugenio IV. Cardinalitia dignitate donaretur, apud omnes enim Principes ob familiæ splendorem, & vitæ integritatem plurimum valuit, & maxima in estimatione fuit, Religionis maximus cultor, Ecclesiam Sanct. Augustini urbis à fundamētis construxit, & amplissimis dotibus, & vestibus pretiosissimis ornavit, Basilicæ etiam S. MARLÆ Maioris multos ad cultum Divinum reliquit proventus, vasa aurea & argentea ingentis valoris donavit &c.

A. C. 1479.

S. P. N. 999.

PLurimū demeretur Ecclesiam Venerabilis Gregorius Costa Sanct. Rom. Eccles. Cardinalis, ex Abbate Populitano, idem de Regno Portugallie nuper meritisissimus, cum Ioannis Regis Confessarium egisset, vir per omnia Sanctus, & quidem eruditionis etiam fama celeberrimus. Fuit idem amantissimus Regiæ illius & Doctissime Heroine S. Catharinæ Virg. & Martyris, cuius cum arma gentilitia non haberet, rotam, acutis præfixam ferris pro insigni accepit; eamque in omni vita Religiosissime coluit, inde etiam Cardinalis à S. Catharina cognominatus. *Ex cit. supra.*

Quo ipso etiam anno Ioannes de Balves noster Episcopus Ambianensis creatus est; Sed & plures alij ex ordine ad diversas Cathedras promoti.

Obijt eodem anno B. Hieronymus de Corsica Conversus Oliverianus, prophetico Spiritu, & aliis insignibus à Numine gratiis adornatus. Cuius vitam scripsit, Andreas Valaterranus, &c.

A. C. 1480.

S. P. N. 1000.

PLurimus egregiorum ex ordine Pontificum numerus recensendus, quorum res præclare gestæ ad annos singulos referendæ, quas tamē omnes inventu faciles, quia ætati nostræ propiores, brevitatis causa prætermittimus. Ex eo tamen numero quin nominemus saltem, Godofridum Virdunensem Monachum, ex Monacho Episcopum Andegavensem (quem nequicquam Anoldus S. Dionysij Abbatem asserit) ex Episcopo S. R. E. presbyterum Cardinalem, facere non possumus, ex infimâ fortuna ad summam provectum, in ipso etiam summo deinceps honore maioribus titulis ob merita auctum & locupletatū. Bellforest, Ciacon. Fuit secundum alios etiam Ebroidensis & Virdunensis Episcopus, idem à nonnullis præter meritum pessimè traductus, quem Claudius Roberbus male commendatarium appellat. Vid. Wion. in annotatione ad eiusdem creationem.

Ipsa anno claret Cosmus de Milioratis, Visinus, Romanus, Monachus & Abbas Farfensis, Archiepiscopus Travenfis S. R. E. Cardin. Tit. SS. Nerei & Achillei, *Leg. Ciacon, Panv, Sansovini. &c.*

A. C. 1481.

S. P. N. 1001.

Meretur immortaliter de Augustissima cælorum Imperatrice, eiusque devotis clientibus Ioannes de Lannoy Abbas Audomarentis in Belgio, insigni instituto sodalitis, sub nomine & Patrocinio Virginis præsentatæ, ad cuius altare primarium, non pauca deinceps evenisse miracula memorantur, DEO ac Deipara optimi Institutoris, & fidelium Clientum suorum, contestatam publicè fidem ac devotionem, publicè item approbante, & sic sovente ac magis magisque concitante. *Ex Annal. Belg. monim. Audomaropol. &c.*

Ipsa anno, maxima fervoris sacri apud alumnos suos concitatione, solemnissima pompa transfertur Sanct. Romualdus Camaldulensium nostrorum magnus Institutor è Valle castri, Fabrianum, ibidemque in Sanct. Blasij

Blasij Basilica summo cum honore reconditur. *Ex August. Fortun. Menol. nost. &c.*

A.C. 1482.

S.P.N. 1002.

Rursum in amplissimas laudes Guilelmi nostri rotavillani, Sancti Rom. Eccles. Cardin. Episcopi Ostiensis, & veliternei erumpendum, nisi prohiberet promissum, qui hoc anno post innumera in Ecclesiam Romanam, & Galliarum Regnum, suosque maximè Episcopatus merita, felicissimè in naturæ debitum concessit, Vir pietate insignis & magno animo præditus. *Octav. Pancirolo. Panvin. Ciaccon. Clem. Robert. Philelphus.*

A.C. 1483.

S.P.N. 1003.

In signiter Regium genus & ordinem nostrum in Gallis illustrat Joannes Barbonius Abbas sanctissimi illius Archisterij Cluniacensis, sub quo multi ibidem Ascetæ magnis emicuere virtutibus, & ad primævam loci, magnis conatibus enixi sunt sanctitatem; Ioanne, quo erat Regio ingenio & pectore, regium in hoc ipso animum præferente, suoque exemplo, non tam de suis solummodo, quam pluribus alijs præclare merente. *Ex Bibl. Cluniac. Claud. Rob. &c.*

Inter viros eruditione illustriores, eminent Guilelmus Cellingus, Sancti Servatoris Cantuariæ Asceta, Abbas dein Sancti Augustini, de Regno Angliæ meritissimus, cuius consilio in rebus Regni maximè arduis Rex usus est, cumque Romam aliquando Legatum & Oratorem destinavit. Fuit Angelo Politiano Bononiæ familiaris, & plura præstantissimi ingenii post se reliquit monumenta; dein Thomas Radburnus, Hidenfis iuxta Wintoniam Cænobii Monachus, cuius plura digna æternitate opera extare dicuntur, alijsq; præstantes ingenio viri. *De quibus consulendi diversarum Angl. script.*

Ipsa anno Severinè in Calabria Archiepiscopus creatur Henricus Abbas Sancti. MARIE de Altilia, à Sixto IV. pro vitæ meritis ad id honoris promotus. *Gasp.*

longel.

A.C. 1484.

S.P.N. 1004.

NOvo Ecclesiæ, circumamictæ diversorum ordinum varietate, ornamento & plurimarum animarum summo instituitur hoc anno Ordo Conceptionis Beatissimæ Virginis; quem primo inchoavit in urbe Toletana B. Beatrix à Sylva, nobilissima Virgo Lusitana, quem post tertium ab hoc, annum sub Regula Serenissimi Patris nostri B E N E D I C T I confirmavit Innocentius Octavus. *Henriq. &c.*

Eodem anno ad ulteriorem gradum promotus pro meritis noster Godfridus Balves, renunciatur à Sixto IV. Cardinalis Episcopus Albanensis. *Panvin. &c.*

A.C. 1485.

S.P.N. 1005.

Memorabili prodigio institutam superiorem anno novam à B. Beatrice familiam confirmat & commendat Numen ipsum; Cum enim idem sanctissimum illud Institutum Innocentius VIII. Pont. Max. solemniter confirmasset, & Bulla Confirmationis, magno desiderio à B. Beatrice & novis DEI paræ alumni, in Hispania expectaretur, contigit navem in qua Bulla advehebatur naufragio interire, super quo recurrens ad Dominum Beatrix, & in orationem effusa, dum ea completa, ad negotia regreditur, res stupenda? Bullam salvam & integram in scrinio quodam suo, alijs admixtam chartis reperit, magno inde gaudio perfusa, adeo spectabili, comprobati ab ipsomet Numine Instituti sui, honorata & edocta argumento. *Ex vita, Marieta &c.*

Moritur ipso hoc anno Ioannes Barbonius magnus revera Abbas Cluniacensis, cui Iacobus de Ambrosia succedit & ipsi à maximis dotibus commendatus.

Ipsa anno, dum Ioannem Aragonum Ferdinandi Aragonum & Neapolis Regis filium, sacri Casinatis montis Abbatem commendatarium & Sancti Roman. Eccles. Cardinalem cupido cepisset (verbis religiosissimi & disertissimi P. D. Marci Antonii Sci-

pionis referimus) Sanctissimi Patriarchæ Benedicti, eiusque sororis Scholasticæ sacra pignora, si qua ratione posset, inveniendi. Iussit igitur sub Ara maxima fabros cémentarios quaquaversus terram effodere, donec latitantem thesaurum aperirent; Sed crebris tonitruis, & frequenti terræ motu, imbriumque profluentia perterriti, à perquirendo desistere cogitabant. Verum in suscepto animi decreto nihilominus perdurante Cardinali, eundem laborem vel tertio repetere compelluntur, fremente interim continenter, ac minitante horrendis fragoribus cælo; donec quod erat in votis, tandem aliquando detectum est. Auxit optatissimæ sacrorum pignorum inventionis summam voluptatem, Crystallinus liquor, sepulchrali lapidi porphyre tico abunde superfusus, nec tamen ulla ex parte exundans, Aragonio, satis fuit, Sanctissimi Patriarchæ, eiusque sororis, pretiosas exuvias reperisse ac vidisse: loco moveri easdem, qua reverentia tanti Patris, qua conspecti liquoris religiosa admiratione, non est passus.

Divorum etiam Constantini, simplicii & Carolomanni Regis & Monachi, sacri cineres, qui eadem opera iuxta pedes SS. Benedicti & Scholasticæ reperti fuerant, in Sacrarium translati, ibidem ad annum insequentem jacuere; Sed, ut sunt Divina Indicia mortalibus incomperta, multæ ingentesque calamitates subinde toto Regno consequutæ sunt, ac bellis præsertim civilibus laboratum est. Quin Ioannes eodem anno Romæ, vi pestilentiæ correptus occubuit mense Iunio. Reliquis etiam, qui aliquid operæ in illud opus contulerant, & (quod magis mirere) ipsiusmet Neapolitani Regis filii omnibus intra biennium extinctis. Demum iussu D. Ioannis Antonii Caraffa, filij Comitæ Magdaluni, ac Vice regis Abbatæ Casinensis, prædicta Divorum corpora ad pedes Sanctorum Benedicti & Scholasticæ, ubi prius reperta fuerant referuntur; ipso etiam altari eum in locum, unde per occasionem effodiendi sepulchri remorum fuerat, restituito. Idque eodem planè mense & die contigit, in quem biennio ante Sacrorum Pignorum Inventio Translatioque inciderant. Divino potius

Consilio, quam humana industria; cum istuc ipsum nemo, nisi re perfecta translataque animadverterit: uti ex publico documento. Christophori Peroni de Sanct. Germano Imperiali & Abbatiali auctoritate tabellionis, inter cæteras Archivi Casinensis membranas annumerato, & in libellum de vera existentia corporis Sanct. Pat. Benedicti in Sanct. Casinensi Basilica indito, perspicuum habetur & exploratum. *Ita doctissimus & amicissimus noster P. D. Scipio.*


A. C. 1486.

S. P. N. 1006.

In fanda sacri auri fame sitique, Commendis, ut vocant, pessime commendatis, & Symonia invalescentibus, cum re seo devenisset, ut à magnis etiam Regibus Innocentius Papa, de extinguenda penitus, sacra Cisterciensi familia sollicitaretur, verbo potens & exemplo Ioannes de Circio eiusdem Sacri Instituti meritissimus Generalis, tantis fluctibus, omni destitutus humano subsidio, solus quasi obnixus, ipsa sua integritate atque ob egregiam famam auctoritate, de potentissimis adversariis triumphavit, & contra perniciosissimam Romanæ Ecclesiæ pestem, Commendarum usum seu abusum, verbo & scriptis doctissime disputavit, simulque ordini & Libertati Ecclesiasticæ generosè consulvit, ob id ipsum ab Innocentio magno in pretio habitus, & singulariter adamatus, Ang. Manriq. Monument. Cist. &c.

Ipsa anno Antonius Petrus Monachus Cluniacensis Vabrensum Pontifex renunciatur, & Petrus Frigidi Montis in Gallia Abbas Belluacensi Episcopo Vicarius adiunctus suffraganeus declaratur & consecratur, verum ipse & Vigilantissimum pastorem agens, invalescente circumlate nequitia Hæretico-

rum,



A. C.

A. C. 1487.

S. P. N. 1007.

A. C. 1489.

S. P. N. 1009.

Ingens gloria & fama congregationis S. Iustinae Monachorum, cui hoc ipso anno prae fuit Gaspar Papiensis, Abbas Cœnobij Sanctae Iustinae Paduani, vir eximia Sanctitatis & doctrinae, ut ex capite facile totius corporis proportionem metiaris. vid. Iac. Cavacius, &c.

Nec minor à meritis, & viris perfectis commendatio Congregationis Bursfeldensis, quæ nunc quam maximè florere cœpit, & latissimè propagari. Ita diversis passim provinciis primus Benedictini Spiritus fervor, singulari Numinis providentia resuscitatur, Trith.

A. C. 1488.

S. P. N. 1008.

In Hispania etiam invalescente à Commendatariis peste strenuè è nostris rem nonnulli agunt, & de Triennialibus instituendis Abbatibus Consilium ex animi procedit sententia, quo invento multa Cœnobia servata sunt.

Sed & reformatio illa Montis Syon plurimos accendit, & filios veros benedictionis Syon effecit, summo bonorum inter tot afflictiones solatio, sed & lucro fidelium maximo, cum nova hæc vitæ Monachicæ ratione, nemo non raperetur & excitaretur, præter illòs, quorum Saerilega sitis, gehennæ iam accensa ignibus, inextinguibili quoque siti triseros vexabat, & lethargo prosternebat exitiosissimo, ita ut bonis Ecclesiasticis incubantes canes, & indormientes, securè, ut loquitur doctissimus Saufseius, præstolarentur iram DEI.

Claret præ alijs ordinis nostri hoc tempore Episcopis, Godefridus ex Monacho & Abbate Sancti Germani de Pratis Catalaunensium in Gallia Pontifex, pulcherrimo exemplo *Monastica vita semper memor, qui regularem disciplinam, ad finem usque indefesse observare studuit*, quæ ipsa, nulla ipsius ambitione, promotum sed Divino vocante spiritu, electum, DEO que dilectum comprobarunt. *Arnoldus Duac. &*

quem citat, Belforest.

22(0)28

In Sanctæ Rom. Eccles. Cardinalium Collegium cooptatur ab Innocentio Papa VIII. Andreas noster de Espanay ex Monacho & Priore Sancti Martini de Campis, vir plane egregius, & ob raram virtutem à diversissimis Cathedralium Ecclesiarum Collegiis ex ambitus, Arelatensis, Lugdunensis, Burdegalensis, Archiepiscopus, quem corruptæ de l'espine Lurbæus in Chron. & male Ludovicum Onuphrius & Ciacon. vocant. Fuit Carolo VIII. & Ludovico 12. Regibus in primis dilectus, fratresque habuit Robertum Nannetensem, Joannem Mirapinensem postea Valentini, & patrum Jacobum Redonensem, Episcopus. Vnde colligas virtutem eorundem, & ex tantis fratribus & cognato, Andream nostri principatum metiaris, Clem, Rob. &c. Andream inter alia illustre illud, & dignum æternitate Religionis exemplum commendatur, cum comitatus sui amantissimum Carolum Regem ad bellum Neapolitanum occurrentibus Venetorum ac Ludovici Sfortiæ copiis, ac sacerdotibus reliquis, & in primis Guisberto Buffoneto Sanct. Rom. Eccles. Cardinale, arma protinus capientibus, & omni militari apparatu ferreo se munientibus, ipse solus tale damnans ac detestatus consilium, arma viro sacerdoti ac Cardinali magis convenientia accepit. Etenim tyara tantum capiti imposita, solaque Sacerdotali Chlamyde indurus, Crucem Dominicam intrepidus, dextera assumpsit: quo confusus gestamine à Caroli latere nunquam discedens armatorum omnium spicula ac tela elusit. vid. Ciacon. Panvin. &c.

A. C. 1489.

S. P. N. 1009.

Miraculum orbis ex ordine nostro, Carolus Ferdinandus Brugenis claret, à prima ferè ætate oculis captus, & ob id elementorum quoque ignarus, ea tamen ingenij sagacitate, ut alter sæculi huius Homerus esset, in omni scientiarum genere versatissimus, adeo ut in celeberrimo orbis Parisiensi Gymnasio publicè doceret. Is contempto eo, quod miraculo omnibus esset Monasterium ordinis nostri Casalinum

33 num

num S. Vincentij ingressus, cucullum fama omni sanctius & potius habuit, & Apostolica dispensatione Diaconus ordinatus nomen suum per insignibus ingenii monumentis æternum fecit. Reliquit

Commentariorum lib. 1.

Laudis ordinis Carmelitarum l. 1.

De Conceptione B. Mariæ Virginis l. 1.

Odatum in laudem Christi Domini l. 4.

Carmen Iambicum de virgine Maria. l. 1.

Orationem de eadem l. 1.

De S. Catharina l. 1.

Carmina diversi generis l. 1.

Elegiarum de contemptu mundi l. 1.

Epistolarum ad diversos l. 2.

Speculum disciplinæ Monasticæ l. 4.

Epistolam Paræneticam observationis BENEDICTINÆ &c.

Inter innumeros genere, & contemptu sæculi illustrissimos Ordinis nostri eminet rarissimo exemplo Anna Caroli Valesij filia, Ludovici XII. Galliarum Regis soror Sanctimonialis & Abbatissa Fonteveralliorum. Arnoldus, &c.

A. C. 1491.

S. P. N. 1011.

SUPREMUS hic annus fuit Godofrido Balves Episcopo Cardinali Albano, perpetuo Marchiæ Legato, Romanis Pontificibus diversis ob virtutem, & merita charissimo, & ad summa provecto. Quo ipso tempore claret egregia Sanctitate & doctrina illustrissimus B. Maphæus Gerardus Congregationis Camaldulensis Monachus S. R. E. Card. Veneriarum Patriarcha, à Garimberto impiè profissus, quem Ciaconius & alii sequuti, stupidum ac crassæ Minervæ per errorem dixere, quem ob sanctitatem, eruditionem & rarissimam animi demissionem summo opere commendare debuissent. Insolens plane sanctissimæ negligentia, si non industria exemplum in Maphæo fuit, quod diploma Innocentij Pontificis, quo eius in Collegium purpuratorum Patrum cooptati nuncius perferebatur siue industria, siue quod non æquè magni ista honorum insignia penderet, amiserit. Idcirco à Garimberto, & qui

ipsum solum legerunt, pessimè traductus. vid. Augustin. Florent. Arnoldus. &c.

A. C. 1492.

S. P. N. 1012.

INsigni vitæ Sanctimonialia honorem ordinis inter tot tempestates procellas & tenebras tuetur Venerabilis Petrus Delphinus Patricius Venetus, Victoris & Luciae Superantiæ Illustrissimorum parentum filius, lectissimæ familiæ nostræ Camaldulensis Generalis, æternum Sacri & Patricij ordinis decus, qui perditissimo tempore admirabili constantia calamitatibus generose obnixus, meritissimis de ordine Heroibus accenseri meruit. Ipso anno moritur Ioannes de Lannoij Abbas Sanct. Bertini, & ipse, magnis pro vitæ dignitate & meritis, encomiis celebratus.

A. C. 1493.

S. P. N. 1013.

RELICTIS omnibus aliis, quin hoc anno meritissimum de ordine nostro, gratissimæ recordationis Arnoldum Wionium, alterum Historici maris (quamvis non sine nonnullis in tanta vastitate erroribus) domitorem, & Columbum audiamus, non possumus: Super Bucilli nostri Archi- & Proto Americæ & Antipodum Apostoli & Patriarchæ ad novum orbem profectio: Benedictus, inquit, DEVS & Pater Domini nostri Iesu Christi, qui benedixit nos in omni benedictione spirituali, in cælestibus in Christo, sicut elegit nos in ipso ante mundi constitutionem, ut essemus Sancti & immaculati in conspectu eius in charitate. Quid quæso Ecclesia Sancta DEI protulit ordine Benedictino sanctius? Quid eius institutore immaculatum magis, cuius anima letali vulnere nunquam maculatæ legitur? Quid charitate Benedictina mirabilius dici potest, & maius? illam enarrare & demonstrare cum hætenus in hoc unum incubuerimus, quid juvat? Europam, Asiam, Africam, nonne seminibus ejus repletas vidimus? Nonne hæc sua sancta prædicatione Regna, & provincias convertit? sua humilitate superbos Reges vicit: tyrannos sua constantia terruit: idola subvertit suo Zelo: sua doctrina sapientiam huius sæculi confudit: barbariem offeram, manfuetam sua simplicitate reddidit: in via & in-

& inaccessa, pervia sibi suo labore fecit? Nonne pro hac quidam in solitudinibus errantes, in montibus & speluncis, & in cavernis terræ inventi: alii ludibria, & verbera experti, in super & vincula, & carceres; alii lapidibus obruti; alij gladio necati; alij igne consumpti; alij diversis tormentorum generibus affecti sunt? Nec his tamen terminum suis pedibus posuit; magna est enim domus Benedictina, & ingens locus possessionis eius; gentes quos non noverat semen eius hæreditavit, civitates desertas inhabitavit, & non est finis acquisitionis eius: transfretavit mare, & adinvenit terram prudentia sua, quam præparavit ei DEVS in æterno tempore, ex qua attulit fructum super aurum electum, ut sit illi in laudem gloriæ eius. Benedicens benedixit ei DEVS, in benedictione tali, quæ omnem benedictionem superat. Antipodas namque, quos veteres ut fabulosos rejiciebant, nostra hæc ætate experientia veros repertos, Benedictinorum primitias esse voluit, ut quemadmodum præteritis sæculis Benedictini, voluntariè ex mera charitate, se totos in conversione gentium, ad DEI laudem insumpserant, ita nunc digna pro meritis suis remuneratione, ab ipso ad pium hoc opus eligerentur, ne alij hanc ab eis laudem, quæ ipsis solis debebatur, præriperent. Cum enim Columbo Genuensi Duce anno Domini circiter 1490, India Occidua, quæ Indico nomine Peru, & ab Americo Vesputio Florentino, qui quatuor navigationibus eam operuit, America (quarta pars orbis dicitur) nunquam antehac cognita, imo, ut dixi, pro fabulosa habitata, reperta non sine Divina voluntate fuisset, & Ferdinandus ac Isabella Hispaniæ Reges, ab Alexandro Papa VI. anno 1493. 1 V. Kal. Maij bulla, legitimi ejus Domini constituti, ita tamen ut præcones Evangelii illuc mittere tenerentur, Dominus Bueill Hispanus Catalanus, Monachus Ord. S. BENEDICTI (Monasterij ut arbitror, quamvis illud ab auctoribus non prodatur (imo proditur) S. MARIE Montis ferrati, quod tunc primum agente D. Garfia à Cisneros illius congregationis Reformatore, uti superius diximus, Sanctitatis suæ radios expandere incipiebat) ob singularem Sanctitatem, & admirabilem doctrinam, primus novi orbis Apo-

stolus electus, & Indiarum Archiepiscopus, & Patriarcha, ac Vicarius Summi Romani Pontificis apud illas Regiones nominatus est. Qui sic electus duodecim sibi sacerdotes, viros Religiosos elegit, & benedictione Pontificali percepta, omnibus ad hanc novam Evangelij prædicationem necessarijs præparatis, ex Hispania discessit, eodem anno 1493. die 25. mensis Septembris. Videntur Honorius Philoponus, Petrus Cieza, Gilbertus Genebrardus, &c.

A. C. 1494

S. P. N. 1014.

Hispanias & Ferdinandum Regem Catholicum strenuè demeretur Ioannes Payus, cognomento Coëllus, patria Zamorensis Monachus & Abbas Hortensis dein Populeti eadem Regi ob eximias animi dotes plurimum & inter paucos dilectus, à quo deputatus negotijs publicis totius Comitatus Barcinonensis, adeo prudenter cuncta administravit, ut idem Rex frequenter dictaret, nullam ad se querelam delatam esse de factis, cum Populeti Abbas assisteret: si forte abesset, vix decerni quidquam, quod non per eum veniret emendandum. Magno sanè elogio, quia à magno Rege; & tanto maius, quāto frequentius ab eodem congeminatum. *Ang. Manrique. Monim. Popul. & Hort. &c.*

A. C. 1495.

S. P. N. 1015.

HOC & præcedenti anno præclare merentur de Ordinibus per Hispanias Militaribus Cistercienses nostri, Petrus in primis Clarevallis Abbas, qui magna dexteritate eosdem ad meliora, rem strenuè urgente & promovente Rege Catholico, revocat, præterque restitutas antiquas ordinum leges, novas aliquas & tempori conformes adijcit; ex quo magnus est fructus consequutus, repressa vitia, & grandia inde emergentia scandala & damna sublata. *Ang. Manrique. &c.* E viris eruditione illustribus eminet Thomas Mellingus ex Abbate Westmonasteriensi Herefordensis Episcopus, Eduardo Regi charissimus, qui eius consilio in rebus arduis usus est, cuius primogenitum Principem Eduardum è sacro fonte levavit; Henricus item Bradshaus Cestrensis, & Iacobus Traiectensis ex familia oliveta-

næ Monachus, relictis ingenij monumentis immortales. *Leland. Pitfins, Maiheu, Lancell. &c.*

A.C. 1496.

S.P.N. 1016.

Bernardinus Gadolus, singulare ordinis nostri lumen emicat, Monachus & Abbas Camaldulensis, vir non minoris Sanctitatis quam doctrinæ. Eius opera celebriora sunt, quibus de omni posteritate præcipuè meruit:

In omnes Sacræ Scripturæ libros Commentaria.

De fugiendo sæculo & Religione amplectenda l.i.

Contra superbiam & ambitionem l.i.

Opera S. Hieronymi in ordinem redegit.

Sermonum qui extant l. i.

Epistolarum l. i.

Nec minori fama celebris, & gloria commendandus, singularis Beatissimæ Virginis amator Conradus de Rodenberg Monachus & prior S. Mariæ Treverensis, demum Abbas Sancti. Ioannis Baptistæ Rinaugienfis, scripsit in laudem cælitum Imperatricis, sumptis de singulis eius membris materia,

Vineam Domini Sabaoth l. i.

Exercitium Novitiorum l. i.

De præparatione ante Missam l. i.

Orationum variarum l. i.

De alijs diversis ex ordine scriptoribus consulendi Trithem. Wionius, Gaull. &c.

A.C. 1497.

S.P.N. 1017.

Iterum illustis ordinis Reformatio, præcipitante quotidie in deterius mundo, se prodit, & magno statim fructu se exporrigit, suscepta primum in Monasterio Cafalis Benedicti, atque inde cognominata, ex qua multi quamprimum viri illustres prodire, è quibus Princeps Guilhelmus enituit eius loci Abbas, & præcipuus promotor reformationis. *Vid. Claud. Rob.*

Ipso anno consecratur Tornacensis in Belgio Episcopus Petrus Kuick, Abbas S. Amandi, professus Monasterij Duensis, & ordinem fama virtutis atque eruditionis haud leviter illustrat. Sed & inter eminentissimos è sacra effulget purpura Ioannes S. Dionysij Monachus & Abbas, ex Regio Legato &

Oratore Presbyter Card. Tit. S. Sabinæ, exsplendescunt & alii è Cathedris amplissimis, Ioannes Cordis Archiepiscopus Bituricensis, Wilhelmus Archiepiscopus Rheimensis, alijque è Monasterijs & Cellis, ad summos honores pro meritis extracti. *Ioan. Chenu, Claud. Rob. lib. de provis. Pralat. &c.*

A.C. 1498.

S.P.N. 1018.

Florentissimus Rei Benedictinæ Status, per Congregationem Bursfeldensem in Germania, S. Justinæ in Italia &c. reformatissimus: In Italia viri Sanctitate præstantissimi plures excellunt, omnes fere omnino Sanctitatis opinione: Bursfeldensem congregationem, postquam felicem & sanctam prædicavit Arnoldus noster, ob plurimos in omni scientiarum genere viros doctos, & Sanctos quos protulit, tunc vero maximè beatam extrulit, cum Dominum Ioannem illum Trithemium toto terrarum orbo ex fama notissimum (floruit is hoc ipso tempore, summis Principibus intimè charus & familiaris, & omnibus omnino admirandus) Abbatem Spanheimensem & Herbipolensem edidit: virum, si doctrinam consideres sapientissimum; si Sanctitatem, incomparabilem, & quodammodo, ut ita dicam, Orbis miraculum. Sed de eo pro meritorum copia frequentius.

A.C. 1499.

S.P.N. 1019.

Eodem quo Germani, Italique Spiritu Domini DEI, iustorumque omnium, quo plenus, Gregorio nostro teste, Sanctissimus Pater, & Patriarcha noster fuit, incitati Hispanorum animi, Garfia in primis de Cisneros Duce, tota mentis intentione, atque contentione, ad revocandum primorum sæculorum in ordine fervorem convertuntur. Sequutus ingens inde in Hispaniam, sed & Ecclesiam universam fructus, suo tempore pluribus commendandus, & reformatis longè lateque per Hispaniarum Regna Cænobijs, vere Sanctitatis, & profundæ doctrinæ inveterascenti Mundo exempla dignissima ministrata. *vid. Ant. de Tepes in Monserrat. script. rer. Hispanicarum.*

Ipso eodem tempore floret & propagatur Congregatio Sagienfis de qua Carolus Ferdinandus. Wion. &c. Vnde colli-

colligas, toto passim ordine omni non solum sæculo, de continuando primo fervore laboratum, sed & continuatum proximo in primis ante hoc nostrum sæculo, quo mundo ipso in tenebris merso, nostri omnimodo emergere, sed & alios juvare studuerunt.

A. C. 1500. S. P. N. 1020.

Felicissimi nostrorum successus in America; & quod ad cumulum plenitudinis gloriæ Benedictinæ unicum deerat: omnibus iam Europæ, Asiæ, Africæ, Orientis atque Occidentis provinciis nostrorum sanguine tinctis, atque exornatis, sub hoc ipsum tempus felicissima hac purpura Novus ille orbis excolitur, & initiatur. Trucidati aliquot ex Bucillij socijs, quod indignissime Gentiles ferrent, sua passim omnia Idola destrui ac comminui, quæ summo ipsi cultu atq; honore observabant: quorum nostri, in una solum Hispaniolæ Insula plus quam centum septuaginta millia confregerant. Erectæ vero diversis Regnis ac provinciis à primo Novo orbis Patriarcha nostro Bueillio Crucis diversæ, quæ paulo post summa in veneratione ab incolis habita, admirandis prodigijs à DEO excultæ sunt. Ex quibus, quam in Hispaniola crexit, ac consecravat Bueillius, ea paulo post celebritate (nequidquam frèdentibus, evertere, & cremare satagentibus Idololatris, Divina virtute prohibitis) à novellis Christianis, cultuque perpetuo est frequentata, ut percrebescente in primis miraculorum fama, insula deinceps eadem Sanct. Crucis nomine appellaretur. Vid. Honor. Philop. & ab eo cit.

Moritur eodem anno Andreas de Espinay Sanct. Roman. Eccles. Cardinalis vir laudatissimus, de quo superius; atque utinam in eius laudibus immorari licuisset. Ciacon. Clem. Robert. &c.

A. C. 1501. S. P. N. 1021.

Incredibili successu Serenissimæ Reformationis dignissimum studium infelicissimo illo, & celebratissimo per orbem terrarum universum Cænobio Montisferrati à viro Serenissimo Garfia de Cisneros nostro perque socios eiusdem Monachos perfectissimos promo-

vetur, atque inæstimabili de orbe terrarum universo, æternoque merito, ab ipsa Deiparentis cælitum Imperatricis cultus augetur, dum ad famam tantæ perfectionis etiam loco honor magis magisque accrescens, infinito quodammodo, omnium orbis Regnorum ac provinciarum bono, ex Europa, Asia, Africa, Orientis atque Occidentis, Regionibus, undique concurritur, & immensitas penè scelerum per Magnæ Virginis filium, perque merita Matris, ac sudores nostrorum expiatur. Vid. Ant. de Yepes, & liber de origine Cænobij Monterrat, &c.

Camaldulensis etiam congregationis ingens gloria, in qua virorum sanctissimorum, in hanc usque diem, multitudo nunquam defuit. Inter alios vero, hoc ipso, de quo agimus tempore egregie excelluit, B. Eusebius Hispanus Monachus S. Michaelis de Murano, de quo ita Martyrologium Benedictinum ad I V. Id. Feb. Venetiis in Monasterio Sanct. Michaelis de Murano depositio B. Eusebij Hispani ordinis Camaldulensis, qui cum oratoris pro Rege Hispaniæ apud Serenissimam Remp. Venetam fungeretur officio, spretis Mundi illecebris, Monasticæ vitæ propositum arripuit, & cum in omni vita semper admiranda egerit, illud tamen præcipue commemoratur, quod ante mortem Sexdecim totos dies nihil prorsus edens nec bibens in laudibus DEI permanserit. Aldus Munutius sic eius tumulum inscripsit.

Lector parum per siste, rem miram leges

Hic Eusebij Hispani Monachi corpus situm est,

Vir undecunque qui fuit doctissimus.

Nostræque vitæ exemplar admirabile,

Morbo laborans sexdecim totos dies

Edens, bibens nihil prorsus, & usq; suos movens.

Deum adiit: Hoc scires volebam: abi & vale.

A. C. 1502. S. P. N. 1022.

TRithemius ut mundi miraculum, voce ac scriptis omnium prædicatur. Ejus ingentia, & innumeramenta, quibus hoc ipso tempore orbem, ordi-

ordinem, & Germaniam maximè patriam æternum demeruit. Sequutur omnibus sæculis, solus & unus ipse librorum integram bibliothecam unius ingenii fecundissimum partum reliquit: Ordinis verò, bono promovendo intentissimus, Bursfeldensis congregationis stimulus imò animus fuit. Cæterum Germaniæ decus non solum ingens attulit, sed exemplum immortale prætulit, quod omnis posteritas, summa deinceps contentione assequi laboravit: Bibliotheca nimirum instructa, quæ præstantiorem Germania tunc nullam habuit: Ita ipse ad Ioannem Damium, qui sibi à cubiculis olim fuerat. In omni facultate scientiarum, volumina multa comportavimus, non solum impressa, sed etiam pergamenoscripta complura pretiosa, & rara, ut confidenter ausim dicere, in tota Germania similem non esse Bibliothecam, in quâ tot rara & pervetusta reperiantur volumina in omni varietate scripturarum, tam Divinarum quàm sæcularium, diversarum quoque linguarum: Hebraicæ, Græcæ, Latinæ, Chaldaicæ, Arabicæ, Indianæ, Ruthenicæ, Tartaricæ. Taceo reliquas consulto quæ nostris uruntur characteribus, ut Italiæ, Bohemicæ, Gallicæ, & similes &c.

Quantus verò ad Trithemium undique cōcurtus esset, ipse Chronici Spanheimensis auctor commemorat: Bibliotheca, inquit, huius Spanheimensis Monasterii (vix quadraginta octo volumina illic primum invenerat) hodie in omni terra prædicatur in tantum, ut multi Principes Episcopi, Doctores, Magistri, Nobiles, viri Clarissimi non solum è vicino, sed etiam è Regionibus longinquis, nomine & fama Ioannis Trithemij Abbatis, & voluminum eius excitati, hunc locum inviserint, quibus antehac nec nomen quidem Cænobij constabat. Inter quos ut paucos cæteris præstantiores commemorem, fuit Ioannes Dalburgius Episcopus Wormatiensis, Ioannes Capnion Portzensis, Conradus Celser Protutius poëta Laureatus, Franciscus Bononius Regiæ Roman. Secretarius, omnes viri doctissimi, Græcæ quoque & Hebraicæ linguarum peritissimi, Henricus Bunnangius Saxonæ Ducum Secretarius, Ioannes Cuspinianus poëta laureatus & Medicus. Iacobus Winpelingus

Theologus. Aquinus natione Suedus Mathematicus subtilissimus. Ægidius Delphius Theologus Parisiensis, Iason Italus, Iodocus Gallus Rubiacensis Theologus. Gabriel Biel Theologus famosissimus &c. alijque multi, quorum nonnulli ad mensam, quidam ad duos vel tres, alij etiam ad unius anni spatium, solutis expensis, amore litterarum tam Græcarum quam Latinarum, quibus instructus affatim habebatur Trithemius, in hoc mansere Cænobio. Ita Chron. Spanheimense.

In Hispaniis vix instituta reformatione, ingens quam primum virorum sanctorum numerus accrevit: inter quos meritis enituit Franciscus de Castro Abbas S. Isidori, quem ob eximiam vitæ sanctitatem, viventem etiam num Franciscum bonum appellavere; de cuius antecessore & successore, ut & plurimis aliis ex ordine viris perfectissimis, legendus in diversis Cænobiorum foundationibus, & Abbatum Catalogis Antovius de Yepes tomo. 4. 5. 6. 7. &c.

A. C. 1503.

S. P. N. 1023.

PER insigne ordinis nostri ornamentum tollitur, Godefridus ex Monacho & Abbate S. Germani de Pratis Catalanensis Episcopus, vir teste Belforestio, Wione, aliisque Monasticæ vitæ semper memor, qui regularem vitæ disciplinam ad finem usque indefessè observare studuit.

Ex congregatione Camaldulensium eminet inter alios Theophilus Martini, Balnensis Monachus, ac dein Abbas, demum Episcopus Drivastensis in Creta. *Aug. Flor. &c.*

Claret etiam ex sexcentis, quos negligimus inviti, Sancti Iustini Patavinæ Congregationis Monachis Lucas Bernardus Brixienfis, cui posteritas debet hoc ipso tempore B. Ioannis Chrysostomi Homilias octingentas è Græco in Latinum versas: quæ excusæ sunt Basilæ tomis duobus.

A. C. 1504.

S. P. N. 1024.

Ingenti prodigio, & æternis sæculis prædicando restitute Monachorum deplorate in Casino res, & propensissima Numinis in Monachorum studia voluntas, hoc sæculo manifestissime com-

comprobata Serenissimum illud Cz-
nobium aliquamdiu commendatarij,
eosque inter postremos Ioannes Medi-
cæus Cardinalis habuerant. Ab hoc
Iulius Pontifex Maximus Abbatiam e-
nixè contenderat (verbis Scipionis re-
feramus) Consalvi Magni assiduis, ac
penè importunis precibus efflagitatus.
Hic enim Ferdinandi Regis Hispaniæ
copiarum in Italia Imperator cum in-
tra Bandum inclusus, à Gallis semestri-
am obsidione acriter adeo premere-
tur, ut præ victus inopia, quodvis herba-
rum genus, ac mures ipsi iam cessissent
in cibum; nec ulla comearus & subsidii
spes in proximo ostenderetur: tam dif-
ficili tempore & loco, ad preces & vo-
ta conversus est. Divi BENEDICTI
opè ac patrocínio, deploratis Hispano-
rum rebus, suppliciter implorato: nec
frustra. Nam insequenti nocte per
quietem à suo Tutelari BENEDICTO
confirmatus, bono esse animo iubetur,
hostem statuto loco, atque hora lace-
sere ad prælium, ex quo certam Victori-
am ac Triumphum esset relaturus: tan-
tum recordaretur, ubi Campaniæ Re-
gno potitus esset, suos Monachos in Ca-
sinatis Cznobio liberam professionem
asserere. Ex nocturno viso Dux, ac
milites erecti capeffunt pugnam, tanto
animi ardore atque audacia, ut Gallis
longè numero superioribus, partim cæ-
sis, partim in fugam coniectis, victoria
brevi ad Hispanos inclinaverit; qui tem-
poris accēstis Patrociniij beneficium
occupantes, invadere hostium castra,
prædas agere, vicinis locis deinceps po-
riri, donec capta Neapoli (principe
Regni Vrbe) reliqua oppida, & urbes,
sponte sua deditionem fecere &c. Ex
hâc porro serie atq; eventu rerum qui-
vis (opinor) facile animadvertet, Divi
BENEDICTI Numen quantopere
Hispanorum Regum rationes, atque
amplitudinem promoverit: Scilicet
providerat Neapolitanum Regnum,
haud longo post tempore, ad Austria-
cos Principes (sui generis sobolem) dif-
fuso per tot provincias ac Regna domi-
natu, & Catholicorum Regum non ti-
tulo magis, quam professione, atque
actionibus gloriosissimos, devolutum
iri: Quorum in dititione futurum erat,
ut plurima sui instituti collegia (Casi-
nas præsertim) Sanctitate atque opibus
florerent, gauderentque opima pace, ac

Religioso otio, pijsimorum Principum
munita patrocínio, libertate cumulata,
decorata privilegiis. Ac mihi qui-
dem, illud etiam hâc in re spectasse vi-
detur Sanctissimus Patriarcha, ut quem-
admodum Francorum olim Regibus,
per sui ordinis homines, Galliæ sceptrū
ac diadema conciliaverat, sic Hispanos
Reges, bona Italiæ parte, longeque pul-
cherrima donandos, haud dissimili be-
neficio, per se ipse adjuvaret. Ita. M.
Antonius Scipio &c. Inter alios ordi-
nis viros illustres morte hoc anno de-
fungitur, Antonius de la Haye Abbas
S. Dionysij Parisiis, quem consanguine-
um, & consiliarium vocabat Ludovi-
cus XII. Francorum Rex. *vid. Clem. Ro-
bert.*

A.C. 1505.

S.P.N. 1025.

HOc anno primus rursus ex sodali-
tate Casinensi Abbas electus D.
Eusebius Mutinensis, Congregationis
S. Iustiniæ Præses, ac caput Religioso
centum Monachorum comitatu stipa-
tus Casinū abiit, & unito cum con-
gregatione Iustiniana tanto Cznobio,
eadem deinceps, ob reverentiam Con-
gregatio Casinensis, quæ ante S. Iustiniæ
de Padua appellata, mirandis deinceps
incrementis propagata per Italiam san-
ctorum Monachorum multitudine, ea-
dem Regna juvit, atque exornavit. Re-
bus quippe ad eum, de quo supra egi-
mus, modum præter expectationem à
Consalvo Magno compositis, & sub-
acto Campaniæ Regno, ipse Dux annu-
ente Ferdinando Rege, Regnum idem
Proregis dignitate atque Imperio mo-
derabatur. Iamque tam insignis Vi-
ctoriæ (quam Divi BENEDICTI au-
xilio retulerat) optimè conscius ac me-
mor, de voto persolvendo religiose co-
gitabat. Omnes igitur (pergit Scipio)
omnium Cznobitarū Antistites (quot-
quot sanctissimi Patriarchæ Regulam
Neapoli profitebantur) ad se accersiri
mandat; visurus cuinam sodalitiis, Do-
micilium Casinas ex voti obligatione
attribueret. Hos inter, simul ac Vin-
centium Neapolitanum (id temporis ad
sancti Severini Abbatem) adspexit, cu-
cullo laxioribus manicis, multiplicique
plicatura concimato, atratum ac gra-
vem, intento in eum digito; hic enim
vero, inquit, ille est, qui Casinatem sa-
tum

tum cum amplissimo Cznobio retulerit, ex obiecta mihi specie, Divi BENEDICTI habita quam simillimus. Mox cum Ferdinando Rege ac Julio Papa, summa sollicitudine per litteras, ac nuncios agere non destitit, donec Monasterium Casinas, ad eam Congregationem adiungeretur, cui Sancti Severini sodales antea copulatos compererat.

A. C. 1506.

S. P. N. 1025.

Rursum alii ex ordine nostro Congregationis Camaldulensis Monachi Orientalem versus Indiam, ante biennium, Clementis VIII. Summi Pontificis auctoritate, atque jussu profecti, Apostolico munere immortalis cum merito probè perfuncti sunt, qui Persiam, atque finitimos Persiæ Indos Evangelica prædicatione indefesse informarunt. Ita perpetuo sæculorum decursu, nostri inremisso labore, fidem Christianam, & Ecclesiæ atque Romani Pontificis auctoritatem in omnes omnino mundi plagas protulerunt, ac felicissimè propagarunt. *vid. Honorius Philoponus. & cit. &c.*

A. C. 1507.

S. P. N. 1027.

Gliscentibus iam tum diversarum per Germanias Hæresum seminibus, egregio sanè argumento ostendit, quid ijs in apertum erumpentibus facturus erat, si superstes foret, noster Abbas Trithemius, quibus velut præsciis futurorum insigni octo quæstionum enodatione occurrat, & lucubrationes illas anno sequente (quo nimirum caput ipsum Imperij adversum technas, & Machinationes impiorum præmuniret) Maximiliano Cæsari consecravit. Fuere autem.

1. De Fide & intellectu.
2. De Fide necessaria ad salutem.
3. De miraculis infidelium.
4. De Scriptura Sacra.
5. De reprobis atque maleficiis: ubi pestem Germaniæ maximam prævidit, annotavit.
6. De potestate maleficarum, ubi de variis Dæmonum generibus.
7. De promissione Divina.
8. De providentia Dei.

Neque minus providè idem Abbas scripsit.

De quibusdam in Psalterio dubijs lib. 1.

De certis dubiis & quæstionibus in Evangelio secundum Ioannem. lib. 1.

De prænotionibus licitis Christiano, & non licitis l. 2.

Variarum quæstionum, orationum & propositionum l. 20.

Inexplicabile vero meritum, quo obstrictam Germaniam universam (utinam impia & diabolica hominum pestis, & colluvies agnosceret) voluit, fuit, quod improbas mortalium invalescentes longe lateque superstitiones, magiam, & cum Infero consuetudinem detestandam, & maleficia omnia fore pro virili laboravit: ac proin.

Contra maleficos, & omnes artes & superstitiones ab Ecclesia prohibitas libros quinque conscripsit.

His alios duodecim: De Dæmonibus, & artibus profanis, maleficis, & superstitiosis libros addidit, inque iisdem omnia diabolicarum artium vaframenta, egregiè explosit, confudit, atque evertit. *Ex eius operibus, Duraculio, Wione, &c.*

Moritur hoc anno Eusebius primus à restitutione Abbas Casinensis, & Congregationis eiusdem celeberrimæ præles, sive Generalis, plurimis, si immorari liceret, virtutibus atque meritis, sed inprimis à mirifico ardore Religiosam disciplinam instaurandi, & indefesso animi studio eam conservandi commendatus: Videndus M. Ant. Scipio, &c.

A. C. 1508.

S. P. N. 1028.

Quia deinceps Apostolatus nostrorum in America apud Antipodas, resque gestæ eorundem, ut & felix vitæ exitus ad certos referri annos non possunt, vel hoc saltem anno supremum, immortalia eorundem præstita novo orbi beneficia brevissime commemoramus. Illud proinde longe amplissimum ordini nostro, singulari propensissimi Numinis voluntate decretum, ut primum ipse Novi orbis, eoque in cogniti, Patriarcham, & Sanctorum Petri & Pauli à Sancta Sede Romana delegatum, ac plenipotentem super Indorum novi orbis Ecclesias Vicarium, ei destinaret. Itaque præter plurimos alios, ocula-

oculatus testis, vir clarissimus, & præstantissimus Ferdinandus Gonsalvus Ovettenis, qui tunc Romæ (quando ea missio adornata Anno 1493.) cum Hispaniæ Legatis adfuerat &c. Verum fide optima reddamus. In data Bulla Anno 1493. ordinavit Papa per donationem Apostolicam, de cura quâ habere debeant de convertendis gentibus Indianis ad Fidem Sanctam; Ad quam ordinavit in secundo itinere cum Columbo certas personas Religiosas, doctas & approbatæ vitæ. Ad quem effectum electus fuit compressis Frater Buill Catalanus ex ordine Sancti BENEDICTI: cui Pontifex dedit plenissimam potestatem regendi Ecclesiam ijs in Regionibus Indiæ. Qua propter iste caput fuit aliorum Religiosorum ac Clericorum, qui Deo in Conversione harum gentium Indicarum inservire, & progredi constituebant. Itaque cruces & calices, & imagines, ac reliqua paramenta necessaria, quibus opus habebant ad Ecclesias constituendas secum portabant. Ita Ferdinandus. Patria Franciscus Lopez, Thomas Botius, Genebrardus &c.

Debent dein Antipodes sive Americæ novi orbis incolæ, Benedictinis Monachis, & primo Patriarchæ suo Buellio, Pontificis Romani Vicario, primos ibidem ordinatos Episcopos, & Ecclesiæ pastores, exstructas Ecclesias, fundata Monachorum ac Clericorum Collegia, Scholas, Seminaria, fidem denique, qua maius, & necessarium magis non est ad salutem sempiternam. De Buellij sanctitate, raris virtute Sanctæ Crucis prodigiis, everfis delubris ab eodem ac Simulachris, *Vidend. Honorius Philoponus, alijsque.*

A. C. 1509.

S. P. N. 1029.

VAllumbrosanæ Congregationis nostre, quamvis, perpetuâ observantia, constantissima vigerit sanctitas & disciplina, alijs tamen atque alijs ex ordine Congregationibus supremam perfectionem, vota ac conatu consequentibus, & ipsa incitata, magis atque magis pio studio atque fervore exarsit. Celebratissimi rarioris opinionione Sanctitatis, mortalitati valedixere Sanctus Angelus, Vallisumbrosæ Monachus, de quo inter alia fertur,

quod in elevatione Sacrosanctæ Eucharistiæ meritis B. MARIÆ Virginis, cui erat devotissimus, meruerit gloriam DEI aspicere; & Sanct. Simeon ex eodem Cœnobio, qui varijs corporis infirmitatibus, precibus à Deo impetravit, in hac vita affligi, ne purgatorij ignibus post mortem cruciaretur. Ita, ut alia totius orbis, tot millia Cœnobiorum; & reformata in primis Italiæ, Hispaniæ, Germaniæ. &c. prætereamus; unicum Vallumbrosanum duos eodem anno, pro mundo in cœlum patronos ablegavit. *Ex Martyr. Ben. & Vallumb. gest.*

A. C. 1510.

S. P. N. 1030.

Moritur præstantissimum sæculi huius ornamentum B. Garfias à Cifneros Congregationis Hispanicæ illustrissimus Auctor, qui immortalis sanæ & nunquam satis de prædicando merito, posteritati sequuturæ æternum doctrinæ & sanctitatis momimentum reliquit duos illos tractatus, de quibus non veretur dicere Arnoldus noster ex ijs, maximè postremo, Reverendos Societatis JESU Patres omnem suæ Religionis perfectionem, meditandique modum desumpsisse. Fuere autem,

Directorium Horarum Canonicarum & Exercitatorium vitæ spiritualis.

Sed de his ipsis, & sanctitate atque meritis Garfiæ nostri consulendus Antonius de Yepes noster, tomo quarto. De quadruplici item DEVM in Monte Serrato laudantium genere & ab hoc fructu per eundem instituto consulendus idem ib.

A. C. 1511.

S. P. N. 1031.

Observat omnia omnium ferè merita, nimio suorum splendore Trithemius Abbas noster, adeo ut nec meminisse quidem virorum sanctitate & Doctrina clarissimorum libeat, dum miranda & memoranda unius huius viri etiam ad molestiam usque perurgent. At vero nunc tandem unius ingenii partum tam multiplicem, quo orbem universum implevit, & sequutura sæcula beavit, verè sæculi nostri miraculum numeremus.

R

Chro-

- Chronicon Hierfaugiense l. 1. in fol.
 Chronicon Monasterij S. Iacobi a-
 pud Herbipolim l. 1.
 Chronicon Spanheimense l. 1.
 Chronicon Ducum Bavarix & Pala-
 tinorum Rheni l. 1.
 Annales de Origine, Regibus & ge-
 stis Francorum & Germanorum,
 in tres tomos distincti.
 Epitome eorundem trium Volumi-
 num l. 3.
 De origine Regibus ac Ducibus Ba-
 varorum simul & Comitum Pala-
 tinorum & Spanheimensium. l. 4.
 Itinerarium vitæ suæ l. 2.
 De varijs & diversis Materijs & rebus
 antiquitatum l. 14.
 De causis ac Cura morbi Caduci ac
 maleficorum l. 3.
 De Origine & Regibus Francorum
 lib. 1.
 Hieraticum pro diversis morbis pro-
 pellendis l. 1.
 Ad quæstiones Rutgeri Sicambri
 lib. 1.
 De Ducibus & Episcopis Francorum
 Herbipolensium l. 1.
 De septem Intelligentijs, Orbem
 movent. l. 2.
 De laude Scriptorum l. 1.
 De laude Carmelitarum l. 2.
 De scriptoribus Ecclesiasticis l. 1.
 De viris Illustribus Ord. S. P. N. BE-
 NEDICTI. 4.
 De luminaribus Germaniæ l. 2.
 Epistolarum ad diversos l. 2.
 Epistolarum Spanheimensium. l. 4.
 Polygraphiæ ad Maximilianum Cæ-
 sarem l. 6.
 Stenographiæ (opus immensi labo-
 ris) l. 8.
 De certis dubijs & quæstionibus in
 Evangel. S. Ioan. l. 1.
 De quibusdam in Psalterio dubijs
 lib. 1.
 Octo quæstionum ad Maximil. Cæs.
 lib. 1.
 De laudibus studij Divinarum scri-
 pturarum l. 1.
 De Computo Ecclesiastico l. 1.
 Variarum quæstionum, Orationum
 & propositionum l. 20.
 De prænotionibus licitis Christiano
 & non licitis l. 1.
 Contra Maleficos, & omnes artes &
 superstitiones ab Ecclesia prohi-
 bitas l. 5.
 De Dæmonibus & artibus profanis,
 maleficis & superstitionis l. 12.
 De Miraculis B. M. V. Dittelbacen-
 sis l. 2.
 De miraculis eiusdem in urticeto a-
 pud Helprunnam l. 6.
 De sanctissima Anna Rosarium 50.
 Distinctum articulis, simulq; Ho-
 rariæ preces & Missæ.
 Officium de eadem l. 1.
 Rosaria de SS. Petro, Paulo, Maria
 Magdalena, collectæ, profe, ora-
 tiones piæ & ejusm. sine numero.
 De S. Ioseph. Nutricio Domini simul
 cum Rosario & officio Missæ
 l. 1.
 De laude S. Annæ Matris Genetricis
 Domini l. 1.
 De laudibus Sancti Andreæ Apostoli
 lib. 1.
 De laudibus S. P. N. BENEDICTI
 lib. 1.
 Orationes Diversæ ad DEVM &
 Sanctos l. 1.
 Sermones in diebus ad populum
 lib. 1.
 De vita D. Rabani Archiepiscopi
 lib. 3.
 De ejusdem à Moguntia in Saxoni-
 am translatione l. 1.
 De vita S. Maximi Episcopi Treve-
 rensis l. 1.
 De vita & Herminæ l. 1.
 Ad requisitionem Ioachimi Princi-
 pis Electoris plurium sanctorum
 vitas abbreviavit l. 1.
 In Regulam SS. P. N. BENEDICTI
 lib. 2.
 Summulam virtutum l. 2.
 De tentationibus Monachorum l. 2.
 De miseria vitæ præsentis l. 1.
 De Vitio proprietatis l. 1.
 De modo & forma visitationis Clau-
 stralium l. 1.
 De modo & forma celebrandi Syno-
 dum ordinis l. 1.
 Statuta annalis Capituli Patrum de
 observantia Bursfeld. l. 1.
 De modo & forma annalis Capituli
 celebrandi l. 1.
 Meditationis vitæ Christi l. 2.
 Speculum celestis doctrinæ l. 1.
 De institutione vitæ Sacerdotalis
 lib. 1.
 De triplici Religione Claustralium
 lib. 3.

Exercitium spirituale Monachorum
lib. 1.

Epitome item ipsius Exercitii spiri-
tualis l. 1.

Orationes in Capitulis & alias habi-
tae. 24.

De miseria Prælatorum Claustrali-
um l. 2.

Contra vitium proprietatis Clau-
straliu l. 1.

De laudibus vitæ Monasticæ l. 1.

De laudibus veræ penitentiae l. 1.

Monologion hominis Deo devoti ad
seipsum l. 1.

Sermonum five exhortationum ad
Monachos l. 2.

De ruina ordinis Monastici Panti-
con. l. 1.

Maximus Abbas de Incarnatione
Domini translatus l. 1.

Alia insuper plurima & scripsit ipse,
& transtulit, quæ posteritas videre, ne-
dum habere, non meruit. Sed consu-
lendi qui eius opera quæ haberi pote-
rant, ediderunt, in fronte operum eo-
rundem.

A. C. 1512.

S. P. N. 1032.

Inter viros Religione & doctrina illu-
strissimos eminet hoc anno in ordine
nostro Paulus ille Orlandinus, relictis
ingenij pretiosissimis monumentis cele-
bratissimus, Monachus Angelorum
Florentiæ Congregationis Camaldu-
lensis. Inter scripta eiusdem celebra-
tur in primis.

De Theologia separata l. 1.

Dialogorum de Theologia l. 3.

De Theologia mixta l. 1.

Disputationum super Epistolam S.
Hieronymi ad Paulinum.

quæ incipit: F. Ambrosius; Lectio-
nes 24.

Sermones 32.

Et alia nonnulla.

Monachum hoc ipso anno profite-
tur in celeberrimo illo & sanctissimo
Monferrateni Cænobio nostro Ioan-
nes Cianones Gallus ab egregia sancti-
tate vitæ, rarissimo vitæ rigore, Oratio-
nis, silentij, & humilitatis studio com-
mendatissimus, qui trigesimum jam vi-
tæ annum agens, huic sanctissimo Cæ-
nobio se, conservavit & tot ibidem hoc
ipso tempore perfectissimorum Mona-
chorum exemplis, paulo post in tantū vi-

rum adolevit. Sed de eo pluribus suo
loco. Vid. *Yepes* 1. 4. cent. 5.

A. C. 1513.

S. P. N. 1032.

A Eterna sæculi huius, & ordinis no-
stri amplissimi gloria, Ecclesiæ vero
Catholicæ summo per Italiam in primis
bono seu fructu reformat seu restituit
sanctissimum ordinem five Congrega-
tionem nostram Camaldulensem Beatus
Paulus Iustinianus Venerus, Illustris-
sima Iustinianorum gente, Patre Fran-
cisco Iustiniano, matre Paula de Mari-
pétris editus, summa omnium admira-
tione, delicatissimus adolescens sum-
mum vitæ rigorem in Cænobio Camal-
dulensi professus, in quo rarissima vitæ
sanctitate excellens plurimos ad sui i-
mitationem, ex mundi periculis in por-
tum religionis pellexit, & ab interitu
vindica vit. Quos inter Petrus Quiri-
nus Patricius Venetus Hebraica, Græ-
ca, ac Latina lingua peritissimus, haud
vulgaribus ante Monachismum, in Pa-
tria legationibus perfunctus. Qui Pau-
lo nostro in ordinis reformatione egre-
giam etiam operam navavit. Ita rur-
sum novum lumen ex ordine nostro or-
bi perditissimis his temporibus affulsit,
& Ordo hic primæ sanctitati redditus
exempla æternitati sæculorum omniū
utilissima ministravit. *Lucas Eremita in
Romualdinis. &c.*

A. C. 1514.

S. P. N. 1033.

P Lures ex ordine nostro, & Cænobijs
extracti, ob vitæ meritum, hoc ipso
tempore, magna provinciarum utilita-
te, & Ecclesiæ Dei Ornamento, Episco-
patus diversos, Sanctissimè ac utilissime
administrarunt. Eos inter hoc maxi-
mè anno excellunt. F. Antonius Bo-
hier, Austremonij Baronis de Saint Ci-
ergue, ex Berarda Antonij Cardinalis à
Prato sorore filius ex Monacho S. Tri-
nitatis Fiscanensi, Bituricensis Archie-
piscopatus & Galliæ primas, idem jam
ante, ob insignem virtutis famam, variis
honoribus auctus & muneribus amplif-
simis honoratus. Et F. Ludovicus
Mendez, ex Monacho S. Dominici de
Silos Episcopus Sidoniæ, & Abbas per-
petuus eiusdem sui Cænobij S. Domini-
ci, meritissimus Sanctissimæ Congrega-
tionis Hispanicæ propagator. *vid. Claud.
Rob. Yepes* 1. 4. *Ciacon.*

R 2

A. C.

A.C. 1515.

S.P.N. 1035.

EXtrahitur Cænobio alius rursus in Gallia Monachus, & celeberrimæ Claromontanæ Diocesis Cathedralis præficitur, Iacobus de Ambasia Monachis Gemmaticensis, quem plurimi jam honores pro dignitate & gloria ordinis felicissimè gesti, plurimum omnibus longè lateq; commendavere: quippe Prioratum S. Martini virtute meritus, mox Abbas Gemmeticensis, dein S. Illidij, demum etiam Cluniacensis electus est; Inde evocatus, Claromontanorum Pontifex salutatus, Ecclesiam illam meritis quam plurimis demeritus, ac virtutis fama celebri exornans, inter alia quæ struxit, seu perfecit, Basilicam majorem plumbo texit, & multo nomine subjectis profuit. *vid. rer. Gall. script. & Cl. Rob. &c.*

A.C. 1516.

S.P.N. 1036.

Moritur meritorum copia & felicitate immortalis Abbas noster Trithemius, vir sæculi huius planè ingeniosissimis & meritissimis; Is quantum vis à diversis & maximis Germaniæ Principibus in familiam & familiaritatem etiam ambiciosissimè expeteretur, Monastici tamen Instituti tenacissimus, nec ab ipso quidem Imperatore Maximiliano primo persuaderi potuit, ut aulam Cæsaream, cellulæ suæ præponeret. Vir, quem merito suo, dignis honoribus ac Titulis, nisi respuisset ille, Principes maximi, evehum volueret, & Ioachimus in primis Sanct. Rom. Imp. Elector Brandenburgius extulit, dum in litteris ad ipsum datis, ita denique ipsum compellavit: Vale Germaniæ decus, totiusque arca sapientiæ, mei memor ad DEVM, & amans, quia te vehementer amamus &c. Videndi Buxæus, Duraclusius &c. Mortuus eodem anno Petrus Gouffier Abbas S. Dionysij Parisiensis, Frater Arturi magni Franciæ Magistri, & Adriani S.R.E. Cardinalis, vir illustrissimus. *Vid. Cl. Rob.*

A.C. 1517.

S.P.N. 1037.

Inter præclarissima Ecclesiæ Sydera referendus Petrus Quirinus, de quo superius, ex Patricio Veneto, Monachus Camaldulensis, propter egregiam

vitæ Sanctitatem & doctrinæ eminentiam, ad exornandum Purpuratorum Patrum Sanctissimum Collegium è Cænobio extractus & à latere B. Pauli Iustitiani abreptus; S.R.E. Cardinalis renunciatus est. *vid. Romual. Luc. &c.*

Eodem anno ad parem honorem evocatus Antonius Boherius noster ex Gemmeticensi Monacho Bituricensium Archiepiscopus & primas, Collegiū idem fama virtutis, & meritis præstanti Ecclesiam insigniter demeruit. *Script. Franc. & Ciacon. Wion. Cl. Rob. &c.*

A.C. 1518.

S.P.N. 1038.

Ingens virorum Sanctissimorum nec non doctissimorum in Congregatione nostra Hispanica numerus, & mirandum sanè ac penè incredibile videretur si Præsulum in hac Congregatione tam novâ, hoc ipso anno viventium Syllabū pertexerem; ita cum ratione vitæ Sanctitate, omnes omnino litteris sacris atque humanis exercitatissimi, eruditionem conjungere: in solo Monserrateni Cænobio, quamvis vix esset, qui Sancti viri nomine atque fama non celebraretur, excelluit ante alios Beatæ memoriæ F. Petrus Munoz, dignissimus Garfiæ de Cisneros Successor, & strenuus novi rigoris, sive potius restructæ Veteris disciplinæ propagator. F. Franciscus item de Turre. F. Petrus de Burgos. F. Ioannes de Bartolina, de quorum singulorum vitæ rationibus, anni integri, imo libri implendi essent. *Vid. Tep. t. 4. &c.*

Ipso hoc anno rursus è nostris, sibi Episcopum Galli expetunt, ac Cænobio S. Benigni Divionensi evocant Renatum de Breschia, Constantienses in Normannia Cathedrales Canonici, de cuius utilitate atque Religione Galliæ scriptores consulendi.

A.C. 1519.

S.P.N. 1039.

Miranda exactissimæ Regularis ob-servantiæ exempla, à diversis nostri ordinis Congregationibus Camaldulensi, Cælestina, Sylvestrina, Vallumbrosana, Hispanica, Cassinensi Bursfeldensi toti mundo præferuntur, ut nullo unquam sæculo, tot restructæ, atque ad primum fervorem revocatæ sacræ Deo familiæ legantur, sed insolentis & stupendi potius, quam imitandi exempli ob sacrum vitæ rigorem, celebrandi nunc aliqui forent ex Hispanica; Camaldulensi & Vallumbrosana familiis; cujus

cuius postremæ vel unum saltem liceat domesticum producere, siue potius nominare, hoc ipso anno post feliciter in Religione summâ constantia traductam ætatem cælo receptum; Beatum Homodeum domo Ariminensem, qui inter alia pœnitentiæ perpetuæ voluntaria tormenta, etiam hoc postremo sæculo senex nonagenarius, Dominici nostri Loricati fortitudinem retulit, & quadraginta ipsos annos, discalceatus incedens, catena ferrea super nudo præcinctus est, ut ex hoc facile cæterum vitæ genus, eiusdem rigorem metiaris. *Consul. Script. Volum. brof.*

Sed & parcendum diversorum in Ecclesia ex ordine Pontificum rerum gestarum descriptioni, quorum quo propior ætati nostræ gloria fuit, tanto facilius à quocunque indagabitur. Inter Cassinates excelluit præ alijs Honoratus Hiserniensis, ex familia Fascitella, vir doctus, & Poeta insignis ob virtutem atque eruditionem creatus Episcopus Insulanus in Calabria. *Plac. Rom. Arnold.*

Eodem anno Illustrissimum Ordini Sydos occumbit Antonius Boherius Sanct. Roman. Eccl. Cardinalis Presbyt. Tir. Sanct. Anastasiæ & Bituricensis Archiepiscopus sepultus in Ecclesia Metropolitana cum hoc Epitaphio.

Antonius jacet hic Boërius, origine

quondam

Arcernâ; eloquio vir meritisq; gravis.

Apuero Monachus, claustris compluribus Abbas.

Dignus, & hæc celebri Præsul in urbe fuit.

Tempore non multo plures sortitus honores,

Cardineo tandem schemate clarus obit.

Eum per errorem Ciacon & Wion, familia Pratenſi, siue de Prato editum voluere, cum patre Austremonio Barone, matre vero de Prato natus esset. *Vid. Cl. Rob. &c.*

A. C. 1520. S. P. N. 1040.

Rursum novæ Ecclesiæ Ornamento, nova sub Sanctissima Regula nostra Congregatio exorta Grotanorum, siue Montis Coronæ, in hodiernam usque diem viris sanctissimis locuples. Institutor, eiusdem B. Paulus noster Iustinia-

nus, quem superius Camaldulensium Reformatorem commendavimus. Is altiori, & ferventiori desiderio inflammatus accumulandi Deo gloriam, per Sanctæ Camaldulensis solitariæ vitæ studium, litteras à Sancta Sede Apostolica impetravit, ut ubicunque terrarum ipsam Camaldulensem Religionem sibi dilatare liceret, sicut ex diplomate liquet hoc anno dato. Habitavit autem Paulus primum cum quodam Oliva Converso ad S. Hieronymi de Pascialupo Diocesis ugubine, deinde apud oppidum Massacium, quarundam speluncarum habitator factus, suæ Religionis & Congregationis fundamenta jecit, quæ à speluncis & cryptis, quas Itali Grotas dicunt, Grotanorum, siue Montis Coronæ Eremitarum denominationem accepit. Ita invalescente apud sæculi filios Hæresum peste, Ordo noster virtutibus atq; meritis adolescens, sanctioris vitæ exempla, ad confirmandos bonos, malos confundendos, jugiter protulit. *Rom. Luc. &c.*

A. C. 1521.

S. P. N. 1041.

Miris incrementis Sanctissima Montis Coronæ congregatio augetur, sanctitatis novorum Christi militum, odore commotis certatim hinc inde confluentibus hominibus, & Religiosæ vitæ consortium efflagitantibus, quos inter genere & doctrina illustres plurimi, ea quibus hoc ipso anno Hieronymus Sueſſanus omni scientiâ cultissimus, & medica in primis excellens arte Sacri Palatii sub Leone X. Protophyſicus, qui multo nobilior, atque perfectior in cellula Monachica factus, mira ex in sanctitatis opera dum viveret ostendit. Excrevit vero in tantum, Luca Camaldulensi teste, numerus Religiosorum vix nati ordinis, ut neque locus eos caperet, neq; alendis alimenta sufficerent, nisi opportunæ ipsi Deus per potentiorū subsidia occurrisset. Extendebatur quippe, aut idem, supra modum inauditæ rigiditatis inſuetæq; austeritatis vulgatum nomen, & spiritalem progressum mirabantur omnes &c. *Consul. Romualdina Mont. Cor. lib. 3. c. 3. & c. 2. &c.* Et tantus quidem non solum numerus salutem debet ab Oceano sæculi ad portum Religionis elatus, verum etiam multo maior perditissimis hinc temporibus exemplo horum, à communi cæterorum exitio & præcipitio revocatus.

A.C. 1520.

S.P.N. 1040.

Obstinuit sub hæc tempora, æterna sanè necessitudinis sanctissime obligatione (sicut alios superius vidimus ordines æterno gratæ voluntatis debito nostris devinctos) Ordo noster, & laudatissima illa Hispanica Congregatio, per Sanctissimum, novæ militiæ Ducem Ignatium Loiolam universam charissimorum filiorum eiusdem RR. Patrum Societatis Iesu Sacram posteritatem; quem novum vitæ institutum meditantem, nostri primum quam humanissime exceptum, consilio ac multis modis iuvare, atque in proposito confirmare; adeoque post Deum Opt. Max. Ignatio præcipui auctores fuere, ea, ad quæ ab Numine impellebatur, absque mora, seu trepidatione ulla constantissime exequendi: Nam sub initia, ait ex diversis Ignatij res gestas describentibus Scipio noster, suæ conversionis, votiva peregrinatione ad Montem ferratum profectus, cum in æde totâ Hispaniæ præcipuo DEI paræ cultu celeberrimâ, totum se DEO, eiusque sanctissimæ Parenti, traductâ in precibus nocte, devovisset, tum apud unum ex alumnis Divi BENEDICTI, totius vitæ superioris noxas per sacram confessionem triduo deposuerat; multis etiam præsidis instructus non in præsens duntaxat ad animi expiationem ac medelam, sed ad eum Sanctitatis apicem, quo postea evasit, securius, faciliusque conscendendum: siquidem à Ioanne Cianone (de cuius sanctitate superius) eximie virtutis, & innocentie Cænobita. (cui de peccatis confessus erat) spiritualibus exercitiis diligenter excultus est: ijs ipsis, quæ Garzias de Cifredo (de Cifneros) admirandæ Sanctitatis Abbas, & Monasticæ disciplinæ non in ea tantum domo, sed per omnem Hispaniam felicissimus instaurator paulo ante concinnaverat; quæque iam inde ab anno 1500. typis evulgata, in Bibliotheca Casinati asservantur, Ignatius itaque hominem nactus qualem salutis ipsius rationes requirebant, & ipse optabat maximè, Ioanni se totum aperuit; quæ mente agitare, quæ designaret in posterum de procurandâ plurimorum salute, deque genere Vitæ huic rei accommodato, ac nominatim de suscipienda Ierosolymitana peregrina-

natione, cum eo contulit omnia: denari ipsius ac sententia stabiliens, quidquid deinceps admirabili studiorum, actionumque convenientia ad obitum usque est exequutus. Quin etiam Manresæ (oppido tres circiter leucas à Religiosissima æde distant) subsistere aliquandiu decrevit, unde sæpius, & commodius, Montem ferratum repeteret, seu virginis colendæ studio, seu spiritualis Patris conveniendi necessitate promoveretur. Sed de Ignatio nostrorum observantissimo, deque impensis eidem sanctissimo Patriarcha nostro, filiisque Monachis, ope ac consilio, sæpius suis locis. Videndi R. P. Petrus Ribade Neyra in vita Sanct. Ignatij. Antonius de Yepes. tom. 4. alique plurimi. &c.

Ipso anno moritur B. Michael noster Florentinus, Congregationis Camaldulensis Monachus, merito dignissimo sanè, ac maximo immortalis, adinventum nimirum Rosario illo precatorio, quod vulgo Coronam Domini appellamus, de quo anno sequente. *Aug. Florent. Wion. &c.*

A.C. 1523.

S.P.N. 1043.

Coronæ Domini, sive Rosarij ætatis Christi, usus à morte B. Michaëlis nostri, longe lateque propagatus, ingenti Ecclesiæ fructu toto passim orbe receptus est: fidelibus in primis Institutoris sanctitate plectis, & Pontificio maximè indulto, quo Michaellem ante septennium beaverat Leo X. incitatis, ut eo quisque Rosario, sive Coronâ, Numinis demereretur gratiam, pro virili satageret. Adeo ut inter præclarissima ordinis merita tanto dignius hoc institutum referatur, quanto maiore tot millium provinciarum, nedum hominum fructu constat in totum terrarum Orbem propagatum.

Visum haud abs re si Pontificias litteras, licet ante septennium datas, hic etiam inferamus.

Bulla Dominicæ Coronæ, eiusque Indulgentiæ.

Leo Episcopus Servus Servorum.

Universis & singulis Christi fidelibus, præsentibus litteris inspecturis, salutem & Apostolicam benedictionem.

Nuper nobis fide digna relatione innotuit, quod cuidam seniori Eremitæ intra unius cellæ angustias, iam quinde-

sim

cim annos in sacra Camaldulensi eremo in magna vitæ austeritate recluso commoranti, Domino, ut credere pi-um est, inspirante, à quo omnis recta procedit cogitatio, in mentem venit, quod in honorem salvatoris, & D.N.I. C. fideliumque devotionem cedere posset, si quemadmodum ex antiquissima, valdeque communi institutione Christi fidelium, in honorem Beatissimæ Mariæ Virginis, secundum numerum annorum, quos vixisse in hoc mundo creditur, sexaginta tres Angelicas Salutationes septem interpositis Dominicis Orationibus devotè dicere solent: quod Orationis genus Coronam Virginis appellant, ita in honorem D.N.I. C. pro commemoratione annorum, quibus ipse in terris versatus est, ex triginta tribus Dominicis orationibus, quinque interpositis Angelicis Salutationibus, quasi Dominicam Coronam dicere assuecant. Supplicarique nobis humiliter fecit, ut ad excitandum fidelium devotionem, aliquam Indulgentiarum gratiam, eam Coronam Domini dicentibus concedere Apostolica benignitate dignaremur. Nos vero quibus incumbit, & honorem D.N.I.C. quantum ipso auxiliante possumus augere: & omnibus Christi fidelibus devotionis incitamenta præbere, huiusmodi supplicationibus inclinati prædictum orandi modum ab illo seniore, reclusoq; Eremita excogitatum, approbamus, confirmamusq; & Coronam Domini volumus appellari. Quod Orationis genus ut à Christi fidelibus devotius suscipiatur, frequentiusque excolatur, universis & singulis utriusque sexus, cuiuscunque Status, ordinis & professionis, qui eandem Dominicam Coronam semel in die dixerint, per singulas vices, decem amorum Indulgentias. His vero qui justo amoto impedimento per continuum anni circulum eandem Dominicam Coronam semel in die dixerint, ultra prædictam summam, mille annorum Indulgentiam de nostræ plenitudine potestatis, auctoritate Apostolica concedimus & elargimur. Hic vero qui ad extremum usque vitæ diem, eam Domini Coronam semel in die dixerint, eosdem annorum summas duplicamus, & discedentibus ex hac vita Apostolicam elargimur benedictionem. Quia vero difficile esset præsen-

tes litteras ad universorum notitiam pervenire, nisi oportuno prævideretur auxilio, eadem auctoritate volumus & decernimus, ut transumptis etiam impressis, sigilloque sacre Camaldulensis Eremitæ, & alicuius Eremitæ subscriptione munitis, ea prorsus fides adhibeatur, quæ ipsis originalibus litteris adhiberetur. Volentes ut omnes prædicatores, ad quorum notitiam hæc pervenerint, eas in populorum præsentia publicare possint. Contrariis non obstantibus quibuscunque. Datum Florentiæ sub annulo piscatoris, die 18 Feb. 1516. Pontificij nostri anno 3. Per manum Petri Bambi. Rosarium idem Gregorius XIII. pluribus & maioribus Indulgentiis ornavit, & magnæ Reip. Christianæ bono propagandum censuit. *vid. August. Florentin. &c. Lucas Erem.*

A. C. 1524.

S. P. N. 1044.

SYdera ordinis illustrissima è cælo Benedictino exsplendescunt hoc ipso anno: Galeatius Gabriellus qui tricis mundi huius extricatus se ipsum dare DEO non contentus, sua etiam omnia una secum obtulit; & novæ militiæ Montis Coronæ nomen dedit; Cuius utique ingressus, plenissima Religionis huius Confirmatio extitit, teste Luca Eremita, & ab Galeatij conversione, viri nimirum spectatissimi, multo maxime sanctissimi ordinis propagatio promota est, de cuius laudibus fusius idem auctor & nos alibi: Iustinianus dein Bergomensis vir doctrina eximius, eloquentia rarus, naturali clarus ingenio, moribus ornatus, ac Religionie pius: Congregationis eiusdem famam mirificè auxit, atque adeo ordini atque orbi universo multis modis profuit: Sed ante omnes Paulus ipse Iustinianus vir sanctissimus enituit, de cuius laudibus ita Historia Romualdina: Hic doctrina plenus, verbo potens, calamo facundus atque luculentus. Nec vacua fuit in eo Gratia DEI, cum multos à via peccati converterit, quos secum ad Religionem traxit: plures vel alibi vel domi piè vivere edocuit; innumeros à blanditijs sæculi ad durissimam penitentiam vivo sermone, operibus exhibitis transire compulit. Ejus inter relictæ ingenij monumenta laudantur Constitutiones Eremiticæ; de vera item ho-

minis felicitate. De officio Pontificis ad Leonem X. (unde colligas, quam nostris proprium fuerit, absque adulatione Ecclesiae universae in capite mederi) Tractatus de obedientia. De decem gradibus amoris. DE I. De penitentia. De Eucharistia. De contemplatione: opuscula verò expta nec perfecta, quae centenarium numerum teste B. Iustiniano Bergomeni superant. *Vid. Luc. Eremita in Rom. Mon.*

A.C. 1525.

S. P. N. 1045.

Incredibilis virorum sanctitate, doctrina, ac genere illustrium numerus in una unica Hispaniarum nostri ordinis Congregatione; ex quibus vel unum saltem alterumve Monserratenfis Cænobij solo nomine celebremus: Excel- luit inter alios præclarissima sanctitatis fama præstantissimus F. Christophorus de Zamora, vere simplicitate Colum- bae juxta ac serpentis prudentia prædi- tus; inter alia mille merita, à DEO prophético spiritu edoctus, quò suam alio- rumque ex nomine Monserratenfium Monachorum mortem præcognovit prædixitque. Nec minor sanctitas, & ab hac in celo terrisque gloria Fratris Mauri de Alfaro, Magistri Novitiorum in eodem Sanctissimo Cænobio, ante cuius sanctissimum obitum triduo ante singulis noctibus Angelorum applau- dentium cantus exauditi. Sed & Fra- tris Francisci de Bejar, viri innocentis- simi sanctitas illuxit: ita superis etiam ipsis commendata, ut ad ipsum Magna cælum Regina inviseret, & sua præsen- tia moriturum solaretur. De multo pluribus, etiam diversorum Cænobio- rum Abbatibus sanctis, & doctis consu- lendus *Ant. de Yepes. &c.*

A.C. 1526.

S. P. N. 1046.

Ingens iterum meritum, quo exorien- Item hoc ipso tempore novum Sera- phici Patris Francisci ordinem Capuci- norum, nostri suo iam more, & naturæ proximæ consuetudine, primi suscipi- endum, fovendum, defendendumque susceperunt. Institutores primi FF. Lu- dovicus, & Raphael indumentum quo hodieque utuntur, B. Francisci Carra- cetani nostri prophetica voce attoniti assumsere, cum is Matthæum à Dacio, quem nunquam viderat, præviderat ta-

men tali habitu venientem, affirmasset nativum S. Francisci habitum gestare, quo obstupefacti, cum illum eundem Matthæum insolenti veste adventantē, & ad Franciscum nostrum invisentem conspicerent; illico de assumenda ea veste & Capucio consensere; irrisui ve- rò vulgo habiti, & carceribus inclusi, à B. Paulo Iustiniano nostro, in liberta- tem asserti sunt. Videndus fusior in his describendis Lucas noster Ruhensis lib. 2. c. 14. qui insuper ait ex illa prima cum Camaldulensibus nostris conver- satione Patres Capucinos mutuam sem- per amicitiae conjunctionem servasse, sed & à nostris Eremitis quædam pecu- liariter sibi communiter servanda sum- plisse: quale est barbam nutrire, nec nō sine cantu, solaque distincta pronuncia- tione divinas laudes persolvere &c. *vid. Gault. Luc. Ang. Flor.*

A.C. 1527.

S. P. N. 1047.

B. Hieronymi Sueffani ineffabiles virtutes digno encomio attollendæ nunc essent, nisi & fandi, atque scriben- di facultatem superarent, & compen- dii, si quid amplius vellemus, metas ex- cederent. Vnum tamen quin refera- mus, præterire non possumus, unde a- nimadvertas, qualiter antiquis miracu- lis reformationis ordinis nostri foverit atque juverit Numen optimum, & qua spe & confidentia esse debeamus, etiam de cætero novis conatibus nostris affu- turum: Contigit aliquando, ait Lucas Ruhensis, cum in Cryptis Almasacij Prior esset, ut de mense Iannarij nivium abundantia obrueretur vallis illa, ita ut per dies quindecim illinc quis exire, aut aliunde illuc ingredi prorsus prohi- beretur. Vnde factum est ut fratri- bus victui necessaria in totum defice- rent, (fidelium enim largitionibus vi- vebatur, cum hodie moris non sit per- petuis redditibus Cænobia condere, verum sua Monachis rapere) eoque Cellarius Constantius nomine apud eundem quereretur, quasi fame atque inedia Fratres perituros timens. Cui fidelis Pater: O Constanti, inquit, fili, tu fidem nō habes, puta, quia Deus de- feret servos suos? Ipse dixit & non men- tietur: nolite solliciti esse quid mandu- cetis, aut quid bibatis: qui pascit oves, non dabit escas famulis suis? Confido & ora,

ora, non deerit tibi & fratribus tuis in Crastinum opportunus cibus. His & aliis multis hominem consolatus, Ecclesiam ingrediens ante altare prostratus humi (qui mos illi frequens erat) in multam noctem orationem traxit: Cæperat eadem ferè hora tenuis, paulisper mitigato aere, imber defluere, qui paulatim in abundantem pluviam crevit. Ecce mane factò, dum prima de more diceretur, Ostij tintinabulum pulsatur: illuc proximè currit Christophorus, ostiario non expectato, ac foribus patefactis, hominem & jumentum pane, & aliis alimentis onustum coram se stare videt. Nihil tanto gaudio plenus interrogat, sed veloci cursu ad Ecclesiam redit; & quasi Divino stupore attonitus, Agite, clamat, Patres, agite gratias, mandavit Deus cibaria nobis, quod per Patres actum est; Erat autem homo ille ex domo S. Lucie de Ficano: qui cum durante pluvia magna venisset (mirabile dictu) pluviam non sensisse asseruit; nec eius pallium, aut etiam sarcina, in aliquo madefacta fuere reperta, Sed de cæteris eius factis idem Lucas consulendus, &c.

A. C. 1528.

S. P. N. 1048.

MOritur hoc anno dignus tanto ordine Princeps (quo magis doleas in tanto viro honorem tanti Cænobij desisse) ultimus Abbatum Regularium S. Dionysij Parisiensis, Azmardus Gausfier Guilhelmi & Philippæ Memorantiz filius Arturi Magni Franciæ Magistri, & Adriani Sanct. Rom. Eccl. Cardinalis Frater, de Cænobio suo optimè meritis, sed velut supremum parentaret, cum à morte eius, quanto magis ipse promovisset Cænobij bonum, tanto magis illud ab esurientibus, & inhiantibus Harpijs appeteteretur. Fuit idem promeritis Albienfis Episcopus, & magna bonorum comploratione extinctus, Successore in Episcopatu non minus infelix, quam in Abbazia fuit; quando Principum potentia in Galliis Ecclesiastica bona penè omnia paulatim devorabit. *Vid. Rev. Franc. Script. &c.*

Auxiteodem anno cælitum numerum, meritissimus ille de Ecclesia Univerſa Camaldulensis nostræ congregationis Reformatör, & Montis Coronæ Monachorum felicissimus Institutor B. Paulus Iustinianus, qui cum ex itinere

ad summum Pontificem contracto morbo, suorum destitutus auxiliis & ministerio, à fratre converso qui unus unicus ipsi, ignarus quid ageret, aderat, deploraretur, prophetico spiritu adfore quam primum qui se solaretur prænuncians: cum paulo post occurreret vir egregius B. Gregorius Bergonensis, olim prior Generalis S. Eremi, Paulus in ista erumpens: Suavis Dominus, exclamat, universis, & miserationes eius super omnia opera eius. Non mei meriti fuit, sed divinæ miserationis opus: ut tu charissime Frater & Pater mihi emigranti assisteres, meque Catholica exhortatione morientem in fide confirmares. Qua de re Deo meo primum, ac deinde tibi gratias ago ingentes: Oroque supplex ut sicut letatus sum in his quæ dicta sunt mihi: ita Dominus concedere dignetur, animam servi sui lætantem ire in domum suam supernam, eiusque pedes stare faciat in atrijs cælestis Hierusalem.

Adesto tu jam mihi ô bone Iesu, unica spes mea, sola salus mea, cui soli vixi, cui uni morior, & suscipe in misericordia spiritum meum, quem in manus tuas commendo: quia tu redemisti me Deus veritatis: Quibus sic dictis in bona pace quievit die 28. Iunij. Sed de virtutibus & operibus consulendus Lucas Ruhenſis. lib. 2. & 3.

A. C. 1529.

S. P. N. 1049.

INcredibile dictu est, quanta in sola Germania perpeſſi nostri ab Hæreticis, quando, quod admireris, plerisque paulatim exſpoliatis, denique Cænobijs etiam ipsis ejecto Monachorum Collegio à Principibus, per certos Principatus, deficientibus barbata illa ferarum fecunditas introducta, cum pleraque interim Imperij Cænobia, nulli alij Principi subdita, admiranda constantia, se suaque, sola fortitudine ac Religione tuerentur; adeoque potentissimis Germaniæ Urbibus, fractis deficientibusque, subiecti tamen absoluto jure Cænobijs, soli in fide, & fidelitate Ecclesiæ permanerent; quantumvis mille insidijs, ac malis innumeris urgerentur, atque opprimerentur. In Helvetia libertate abusi subiecti non à Religione Catholica solum multi, sed & à fidelitate Dominis debira sese subduxere; quod Cænobitæ Sangallenses præter meritum experti

experti sunt, nihilominus Francisco Abbate invicta animi magnanimitate (ut erat Hæresum triumphatricis Magnæ Virginis cultor præcipuus,) ac Zelo dignissimo, impijssimis Hæreticorum conatibus viriliter se opponente. *Ex diversis Cænobiorum Chronicis.*

A. C. 1530.

S. P. N. 1050.

INter viros ordinis doctissimos, & Philosophos huius sæculi præstantissimos floret hoc tempore Benedictus Maioricensis Monachus S. Pauli Romæ Congregationis Cassinensis, scripsit inter alia. In librum Porphyrij Commentaria, & in Logicam quæstiones Vniversales. &c.

Inter præstantissimos vero Pontifices ex ordine exsplendescunt hoc anno Philippus de Cossæ, Constantiensis in Normandia Episcopus, & Eusebius Priolus Episcopus Vegiensis, ille Cluniacensis, hic Camaldulensis Congregationum Monachi, de quibus legendi Demochares, Bellforestius. *Claud. Robertus. August. Flor. Wion. &c.*

A. C. 1531.

S. P. N. 1051.

Summa in Imperio auctoritate, apud Carolum Augustum, & Ferdinandum Regem gratia, eminet Gervicus ex nobili Blarerorum genere, Monachus & Abbas Weingartensis, vir præter familiæ splendorem, doctrina, facundia, & iuris maximè Canonici, sed multo magis forensis sive civilis praxi spectatissimus, morum insigni venustate, in rebus agendis admiranda prorsus dexteritate celebratissimus; inter præcipua Imperij decora, ordinisque, sed & Ecclesiæ universæ referendus. Is hoc ipso anno à Ferdinando Rege, ut sapientiore ab Augustissimo Cæsare consultationi rerum gravissimarum adhibitus, ita fidem, ingenium, atque indefessum in summe arduis Imperij rebus, ac negotijs animum utrique probavit, ut exin, multo quidem cum ordinis, tum Cænobij sui honore, sed ingente sanè onere, & cum periculo gravissimo vitæ, difficillimas obite functiones cogeretur. Quibus tamen felicissimè perfunctus, Monachorum studia æterno merito, Germaniæ Vniversæ, sed & Ecclesiæ commendavit. De quo suis locis plu-

ra recensenda occurrent. *Ex MS. & litteris diversis Weing. Arch. &c.*

A. C. 1532.

S. P. N. 1052.

Proximis meritis Gervico Weingartensi accessit, Diethelmus S. R. I. Princeps Abbas S. Galli ex eadem Blarerorum prænobili familia (qua vix ulla alia ex Equestri ordine plures electione Sanct. Roman. Imp. Principes dedit) ante biennium electus, cuius hoc ipso anno merita egregia, quando Novatores Hæreticos, insigni in primis constantia felicissimè terruit, armis deinetiam attrivit; & recepto à perduellibus Cænobio inter circumundique ambientes hostes, imperterritus, invictusq; fidei Catholicæ pro virili consuluit, & verbo exemploque nutantes in fide revocavit, & longe etiam positis ipsa virtutum fama animam addidit ac confirmavit.

Sed & Benedicti Abbatis S. Magni in Faucibus, vulgo Fussen, inter tantas Germaniæ tenebras, tanto magis virtus enituit, ut proin ob virtutem Imperatori charissimus, sed in primis suis utilissimus, florentissimum ipse Cænobium, inter asperrimam hanc calamitatum hiemem & pruina, administraret, & inter commune orbis incendium, rubi Divino nimirum igne ardentis, sed incombusti quasi exemplum orbi præferret, tanto quidem convenientius, quanto amantior illius Matris Virginis fuisse commendatus, quam rubo illo signari Sancti Ecclesiæ Doctores contestati sunt. *Ex Chron. S. Galli. & Stengelio. & Germ. Ben.*

A. C. 1533.

S. P. N. 1053.

Ad summam, post caput ipsum Ecclesiæ, Cardinalitiam dignitatem summo ordinis Ornamento evectus hoc anno Philippus Ducis Albani Archistrategi Cæsarei frater, ex Monacho Corbienti eiusdem Cænobij Abbas, dein Episcopus Bononiensis, demum S. R. E. Cardinalis Presbyter Titulo S. Martini in Montibus. Is vero quum promoveri ob vitæ meritum dignus esset, Paulus in primis III. Summus Pontifex manifestè testatus est, qui titulos viri meritissimi pro dignitate augens Christi anno millesimo quingentesimo quadra-

dragesimo tertio Episcopum Cardinalem Tusculanum renunciavit. *vid. Ciacon. Panvin. Claud. Rob. &c.*

Moritur Guil. Eps. Meldensis vir verè magnus, *v. Cl. Rob. &c.*

A. C. 1534.

S. P. N. 1054.

Felicissima morte vitam hanc ærumnis plenissimam abruptit B. Petrus Favensis Montis Coronæ Monachus, exemplo vitæ Sanctissimæ sæculo huic, ut & patrocinijs utilissimus. Huic mortis proximo, cum fandi facultas violentia morbi ablata esset, paulo ante supremum vitæ anhelitum restituta est, cum inter illam silentij diuturnam moram gravissimo conflictu cum Demonibus depugnasset. Saluta proin rursus lingua hilaris, in ea quam primum iuxta & suprema verba erupit: Ego vici, Ego vici, Ego vici. Te DEVM laudamus, Te Dominum confitemur; mox Fratribus Cantici eiusdem Cætera prosequentibus, cum fine Cantici felicem ille animum creatori suo transmisit. *Lucas Rubens.*

Præterea jam singulis fere annis Monachorum pro fide exantlata per Germaniam pericula commemoranda; quorum prædia, villæ, possessiones, omnes aut plæræque ob invictam eorundem constantiam direptæ perduellibus Christi, & Ecclesiæ hostibus cessere. *Chron. div. &c.*

A. C. 1535.

S. P. N. 1055.

Inæstimabili vitæ merito excellit venerabilis Pater Ludovicus de Strada Hortensis Monasterij reformator Cisterciensis. Monachus, Complutensis Collegij sub hæc tempora Rector; de suis non solum, verum de Patribus Societatis Iesu, noviter à B. Ignatio institutis longè meritissimus, quos complutum venientes, cum graves illico adversorum procellæ exciperent, & plurimi ibidem everfos cuperent; insigniter non solum juvit Consilio, sed & manum ipse operi admovent, eos qui se opponebant placare studuit, & litteras multa Sanctitate, & spiritu Divino plenas ad Vniversitatem misit, in quibus novi hujus instituti perfectionem commendavit, quantumque ex illorum receptione commodi ad omnes

perventurum esset indicavit. Ita opera nostrorum, non solum ipse Sanct. Ignatius primum usus est, neque solum fundata à nostris plura collegia, sumptus insuper, & proventus annuos accipere, verum patrocinijs eorundem in celeberrimam primum Complutensem illam Academiam admissi sunt, ut pluribus sanè nominibus nostris obligati, perpetua charitatis necessitudine teneantur. De fructu à prædicatione & exemplo ejusdem Ludovici orto pluribus Henriquez fasciculi l. 2. d. 27.

A. C. 1536.

S. P. N. 1056.

Plurimum è nostris felicissimo sanguine tingitur atque exornatur Angliæ Regnum, per eosdem olim ad Christi fidem aggregatum. Alios inter Ricardus Wohintinger celeberrimi Glastemburiensis Canobij Abbas, cum F. Ioanne Torne & F. Rogero Iacobo, omnes suspensi, & in quatuor partes secti, glorioso Martyrio consummati. Simili omnino morte, & Corona eodem anno digni à DE O habiti sunt duo alij Abbates Whallensis & Sauliensis; & Guillelmus Hadodoc Monachus Wallensis Congregationis Cisterciensis, ut nullo omnino sæculo nostrorum deficeret magnanimitas atque Constantia, ad fidem Catholicam etiam cum proprio sanguine consignandam, quorum hic exempla pauca pro sexcentis proferimus, ut saltem continuationem meritorum Benedictinorum astruamus. *Vid. Rer. Angl. script. divers. &c.*

Pari felicitate coronam consequuti duo alij Abbates Congregationis eiusdem Riveriensis & Fontanensis, ut ex una unius anni dignissima fertilitate ceterorum etiam copiam facile metiaris, & ab exemplo tot Abatum, subjectorum virtutem atque imitationem colligas atque agnoscas. *vid. cit.*

Sed ante omnium constantiam enituit infractus Vitingi nostri Glastoniæ Abbatis animus, qui velut murum pro domo Dei opposuit se impijssimi Henrici Regis contra Ecclesiasticam libertatem conatibus. De cuius, ut & Hugonis Feringdoni Redingensis, & Iohannis Beci Colcestrensis Abbatum, & Ruggi

Ruggi Onionique Monachorum prefbyterorum gloriosissima morte confulendus Clemens noster Reinerus in Apost. Bened. Angl.

Moritur eodem anno B. Petrus de Burgos, intimus quondam amicus, & alter velut Achates; viri Sanctissimi Garfiaz de Cisneros, Congregationis Hispanice Institutoris, cui post B. M. Petrum de Nunnoz in Abbacia successit, Garfiam spiritu & merito proximè assequutus, & plurimis per Hispaniam reformatis Cœnobijs longè meritissimus. Vid. Anton. de Yepes. &c.

A.C. 1537.

S. P. N. 1057.

Gervvici noster Weingartenensis Abbas Rei Catholicæ, & Imperio totus intentus impensusque, nulla spe lucri aut honorum, gravissimis sui Cœnobij incommodo, dispendio, & impensis, Imperatoris atque Imperij commodis prospiciens, & necessitati patriæ consulens, gravissimis fungitur Legationibus, in remota & extera regna Imperatorem ob Regni negotia consequutus, adeo nostri ambitione, & fortuna omni potiore fidem & Constantiam habuere. *Ex vinea nostra & Chronol. Ab. & rerum Weing. &c.*

De B. Hieronymi Sueffani meritis, & virtutibus multa & miranda celebrat Lucas Ruhensis, qui hoc ipso anno Rhuzæ foundationem scriptis commemorat, ad quem Lectorem remittimus, & ad alia properamus.

A.C. 1538.

S. P. N. 1058.

Singulis ferè annis minimè tamen singula, sed plurima atque ingentia Gervvici Weingartenensis nostri Cœnobij Antistitis de Imperio atque eius Augusto merita commemoranda forent; nec censeremus, etiam Compendio excludenda, nisi amor proprio, Sanguinis ac Religionis propinquitati obnoxia laudatio videri possit. Prætermittendum tamen minimè est, Gervvici imprimis Consilio atque opera; haud modico Imperii bono, ordinisque nostri, atque aliorum etiam Abbatum ornamento Collegium Sueviz Abbatum esse institutum, Gervvi-

co eiusdem Collegii rem & honorem primum promovente, Archivum habente, & Cancellario ab Abbatibus designato. Ex Weingart. monumentis.

A.C. 1539.

S. P. N. 1059.

IN Anglia summa se constantia nostri pro defensione libertatis Ecclesiasticæ Regi Henrico opposuere, ac proin ejecti Cœnobijs gravissima perpassi nonnulli, ut supra vidimus, & alias videbimus, pietatem hanc etiam luere morte debuerunt. Audiamus Sanderum ipsum testem omni exceptione maiorem ipsumque de Ecclesia longè meritissimum: post quam Constantiam Martyrum nostrorum graphice descripsisset, sic deniq; descelere Henrici Regis loquentem: Henricus igitur tanquam victor (trucidatis Abbatibus, ac Monachis eiectionis) omnia invasit, deiecit, vastavit, ac demolitus est: possessiones autem annuosque Cœnobiorum redditus, ne unquam postea repeti, aut à quoquam suorum successorum Principum Ecclesiæ Christi restitui possent, universos fere nobilitati distribuit, nonnullos aliis censibus ac creditibus, nonnullos pecunia numerata commutans, Catholicosque etiam invitos cogebar, ut spolia hæc Ecclesiastica emerent, quo vel sic eos ad sceleris sui defensionem obligaret. Atque hic finis fuit Monasteriorum ac Monachorum in Anglia post mille ferè annos, quam illi ad eam Insulam Christianam fidem attulerant, & cum eadem creverant, omniumque Regum munificentia aucti fuerant &c. Sed de causis tanti mali alios; etiam Hæreticos ipsos audiamus, unde manifestum fiat, non inertiam aut luxum Monachorum (ut nonnulli minus humaniter iudicantes loqui solent) occasionem impio Regi ministrasse, abominandum scelus de Religionem opprimenda excogitandi, aut aggrediendi: Clarissimè enim Scanderus descripsit Abbates, & Monasteria ordinis Congregationisque nostræ illo tempore communi Regularique vita, & chori maiestati; Monachorum numero, hospitalitatis laude, & eleemosynarum sanctissimarum abundantia, infi-

insigniter floruisse. Nec sine sanguine & vulneribus expirare Monasticam professionem suam passi sunt. Quum nobilissimi eorum Abbates, & gravissimi, cum aliquot Prioribus, & Presbyteris Martyrio propter constantiam fidei fuerint affecti, & multi ex illis ad ultramarina dilapsi Monasteria, multi in propinquorum ædibus, sanctè in professione perseverantes calamitati suæ supervixerint. Sed ecce causam mali ingentis, & gravissimi in Ecclesia scandali, pulcherrimo titulo palliatam: Collegia duo à Cardinali VVolsæo magno nimirum, ut Anglicanæ Reipubl. bono ædificata, ubi juvenes studiosi & viri docti alerentur, & in horum dotationem quadraginta Cænobiorum redditus absumendi videbantur. Dicat suum liberrimè judicium, impius cætera Camdenus in sua Britannia p. 117. Fuerunt etiam regnante Henrico VIII. (fas sit meminisse) avitæ pietatis monumenta, ad DEI horem, fidei Christianæ, bonarumque litterarum propagationem, & pauperum sustentationem, domus Religiosæ, scilicet Monasteria, sive Abbatix, & Prioratus numero 645. à quibus cum Clementis VII. Pontificis permissu fuerint suppressæ quadraginta in gratiam Cardinalis VVolsæi, qui tunc duo Collegia, alterum Oxonij, alterum Ipswichi inchoaverat: Statim circa annum Domini 36. Henrici VIII. in Rempubl. Angliæ Ecclesiasticam, quasi torrens rupto agere irruit, qui gentis Ecclesiasticæ partem maximam, Orbe stupente, & Anglia ingemente, cum pulcherrimis ædificiis fudit prostravit. Nam Papa Cardinali, Rex sibi cum Parlamenti assensu permisit. Unde anno 1536. singulæ Religiosæ ædes, cum facultatibus omnibus, quæ in redditibus annuos ducentas libras, vel minus habuerunt, numeroque erant 376. Regi fuerunt concessa. Et anno insequenti specioso eruendæ superstitionis obtentu, reliquæ cum Collegiis, Cantariis, & Hospitalibus, Regis arbitrio fuerunt permixtæ. Quo tempore censitæ sive taxatæ fuerunt Religiosæ ædes superstites 605, Collegia, præter ea quæ in Academiis 96. Hospita-

lia 110. Cantariæ & liberæ capellæ 2374. Quæ pleraque omnia brevi post tempore passim diruta, redditus distracti, & opes, quas Christiana Anglorum pietas, ex quo primum CHRISTO nomen dedisset, DEO consecraverat, quasi momento dispersæ, & absit verbo invidia, profanatæ. Hæc Camdenus à fide alienus; & paria Godvvinus, cuius verba Reinerus exscripsit, qui insuper ipse Sacrilegii pænam Regi ab Numine immisam, plurimorum (quos ipse pios & doctos veneratur) ore assignatam, liberè profitetur. Sanè quantum incommodi ex everfione Monasteriorum, & profligatione Monachorum, pauperibus acciderit, refert ex bonis autoribus Stens in suis annalibus, à Reine-ro adductus, his verbis; Parlamentaribus Comitibus mense Februario inchoatis (Anno 1536.) permixta sunt Regis arbitrio, omnia Regni Angliæ Cænobia, quorum redditus annui singulorum non excederent censum duorum millium Francorum Turonensium cum omnibus bonis, quæ ad eadem pertinerent. Fuerant illa numero 376. Mobilia bona, & supellex horum Conventuum minimo pretio distracta, taxata sunt centum millibus florenorum.

Lamentatione digna res fuit, inquit autor meus, quem sequor, audire populi plebiorumque gemitus, & lachrymas, summa enim in his Cænobiis vigeat Hospitalitas, putanturque ex hac suppressione, amplius quam decem millia personarum omni spe & re ad victum, vestitumque necessaria excidisse &c.

Addit Reinerus: Quantum igitur gemituum, quot flumina lachrymarum pauperes de plebe profudisse par est anno sequenti, quando 600. maiora Cænobia, longe opulentiora redditibus, abundantiora eleemosinis, numerosiora clientelis sunt ad privatorum fisci, & fiscalium prædatorum usus redacta; quorum suppressione proculdubio aliquot centena hominum millia ad extremam sunt mendicitatem redacta. Sed audiamus jam DEI judicium, non trepidè seu

seu dubitanter, sed affirmate & sine dubio, ab eodem Annalium autore pronunciatum. Cum obtinuisset Cardinalis Wolfæus, inquit, à Clemente VII. potestatem quadraginta Monasteria, optimæ famæ, hospitalitatisque laude celebria, neque Rex propterea illū reprehenderet, nullus Episcoporum, aut procerum Regni, contra hircere ausus fuit. Quinque habuit huius facinoris administratos præcipuos; qui cum Priorem conventumque Daventriæ quadam vice quædam Cœnobii latifundia postulassent, passique fuissent à Monachis repulsam: Statim excogitata causa, eosdem apud Cardinalem accusarunt, qui occasione gaudens oblata, statim iussit Conventum dissolvi, & novo Collegio suo Cœnobij bona applicari. Quântum autem supplicium sumpserit DEVS ipse, de authoribus, & ministris huius sacriligæ rapinæ, ad ambitionem tantummodo suffulciendam commissæ, cui opes privati Cardinalis non sufficiebant (inquit meus autor) nos ipsi in parte oculis nostris conspeximus; è quinque enim istis, quos diximus, administris, duo inter serixantes à verbis ad gladios ita processerunt, ut alter occisus, alter superstes pugnæ propter ipsum homicidium fuerit in furcam subfatus, tertius se ipsum in puteum præcipitavit, quartus benè notus multis ex valde divite redactus ad extremam inopiam usque ad diem ultimum miserabilis vitæ, ostiatim medicare coactus sit, quintus vocatus Doctor Alanus, præcipuus Sacrilegiorum istorum exsequutor, jam in Hibernia factus Episcopus, crudeliter membris truncatus fuit. Cardinalis ipse paulo post in Regis odium incurrens, miserabili morte periit, omnibus dignitatibus prius exutus; Collegia, quæ meditabatur magnificentissima structura, ex ruinis Monasteriorum erigere, nunquam fuere consummata. Nam Ipsv vicense Collegium penitus fuit dirutum, & Oxien se etiam hodie manet duntaxat inchoatum. Pontifex quin etiam Clemens, qui hanc Cardinali licentiam permiserat, magno vitæ suæ discrimine in Castro Sancti Angeli obsessus vix evasit, Romana urbe ab obsessioribus, miserè ante oculos ejus devastata. Hæc ad

verbum Stous, & Reinerus noster; unde colligas manifestè, quam rigidè animadverterit in eo Numen, qui Collegia pro studiosis potiora, Monachorum precibus, & contemplatione duxere, sed fusior exin Reinerus de Vsurpatoribus Bonorum Ecclesiasticorum, & mira Numinis in eos vindicta: qui requirendus.

A. C. 1540.

S. P. N. 1060.

IN Hispania, Italiaque felicissimi nostrorum successus. Hispania in primis, viris Sanctissimis & doctissimis abundat, ut qui solus Abbarum Hispanorum conviventium syllabos apud Antonium de Yepes obiter obeat, obstupescat totus, tot uno eodemque tempore in cœlo Benedictino sydera colluxisse. Interim eminentissimos vero sanctitate excellit, & in sui admirationem concitat Hispaniam universam Alphonsus de Burgos, auctoritate atque opibus inter palatinos, & familiares Caroli V. Augusti olim princeps, nunc Cœlitum Regine obsequio proximus, de quo consulendus Yepes tomo quarto centur. 5.

Inter doctrina præstantiores celebratur in Italia Ioannes Baptista Folenus Monachus & Prior S. BENEDICTI prope Mantuam, qui inter alias, dignissimas æternitate lucubrationes posteritati nomen multis meritis commendavit, Commentarijs in primis in omnes Psalmos Davidicos elegantissimo sermone scriptis: aliis item Commentarijs in Epistolas Canonicas omnes, & in primam Joannis. *Arnold. Wion.*

A. C. 1541.

S. P. N. 1061.

SANCTO Ignatio primo Patrum Societatis JESU Institutori non satis in nostro Monserrateni Cœnobio, ea quæ supra commemoravimus subsidia accepisse. Sed & quia ita feliciter successerant, quæ apud nostros inchoaverat, DEO auspice, & nostris quæ poterant ope atq; consilio iuvantibus, supremam denique recens inchoato operi apud nostros quoq; imponendam manum

manum censuit. Proin constituta jam societate, Religionis vota nuncupaturus, tot inter Romanæ Urbis Basilicas, antiquitate ac piorum hominum frequentia illustres, non aliam delegerat, quam Apostolo Paulo via Ostiensi dicatam: Vbi coram Divi BENEDICTI Monachorum Abbatis, & Patriarchæ ejusdem Sanctissimæ aræ, ex sui instituti formula sacram illam Cæremoniam perageret. Ita rursus apud nostros, maxima quæque aggredi imo absolvere sanctissimi viri animo fedit; quo suos nimirum filios, perpetua quasi obligatione, in suo, ac primo suorum voto coram DEO, & Sanctissimo Patriarcha nostro obsides contraderet. *Vid. Ribaden. Biderm. M. Ant. Scipio. &c.*

A. G. 1542.

S. P. N. 1062.

Merito suo, extra invidiam, & supra famam omnem evectus, eminentissimo dignitatis gradu sublimatur Gregorius Cortesius, ex Monacho & Abbate S. P. N. BENEDICTI de Padolryone in agro Mantuano Sanct. Roman. Eccles. Cardinalis Presbyter creatus à Paulo tertio, titulo Sanct. Cyriaci in Thermis, honorem illum multo magis ipse sapientiæ, doctrinæ, ac pietatis eximie fama ornavit, quam ipse à purpura ornari potuerit. De quo *vid. Hieron. Platus, Ciacon. Panvin. Wion. &c.*

Subidem tempus renunciatur Episcopus Cardinalis Tusculanus Philippus noster della Camera Episcopus Bononiensis, de quo etiam multis agendum foret, nisi calamum promissa rejicerent. *Vid. Ciacon. Panvinus. &c.*

A. C. 1543.

S. P. N. 1063.

Inter illustrissimos genere & virtute Orbis universi, & sæculi hujus ex ordine amplissimo viros, excellit atque exsplendescit F. Benedictus de Toco, illustrissimis parentibus genitus, & Regum Albanæ sive Epiri Sanguine descendens, & ultimorum Orientis Imperatorum; Idem Imperatori Carolo charus, atque in aula pincernæ munere spectatus, stupentibus uni-

versis, priore sæculo Monserratense Cænobium ingressus, atque per dura & aspera probatus, hoc ipso anno ordinem nostrum professus est, in quo deinceps, tanta morum enituit excellentia, ut ad amplissimos deinceps honores, & diversas Episcopales Cathedras promoveretur. Et hunc quidem hoc anno pro sexcentis dedimus, qui in unica congregatione Hispanica, ut Casinensem aliasque taceamus, cucullum amplissimis honoribus, & generis dignitati longe anteposuerit: quorum in hodiernam diem sola Hispania tot tantosque producere potest, ut jure merito sequutura posteritas obstupescat super tanto sæculi contemptu universa, & primam BENEDICTINI, cuculli gloriam demeretur. Videant, rerum Hispanic. scriptores, &c.

A. C. 1544.

S. P. N. 1064.

In novos Christi Tyrones, Sanct. Ignatii Loyolæ discipulos, Societatis JESU Patres, affectu propensissimi Monachi nostri, diversim passim Provinciis eosdem suscipiunt, fovent atque arctissime amplectuntur. Verum ut impensa socijs, ac filijs auxilia omnia prætereamus, demeriti sub hæc tempora (quamvis certum annum non assignemus) Casinenses nostri, ne quid Monserratenibus, ac Divi Pauli Monachis officio, atque humanitate cederent, novo & insigni beneficio Sanctissimum Novi Instituti Parentem ipsum Beat. Ignatium, cui longum Hospitij jus, sua seque ipsos promptissimis animis impendere. Digna memoratu res, ac proin ex Casinate Monacho audiamus. Quo tempore Ignatius (ait Scipio noster) oportunam remotioris secessus quietem præscribendis suæ sodalitati Regulis exquirebat. Casinum adiit, ibique tum qui opus essent, tum verius, alteriusve Monachi subsidio à Præsidente instructus, ad Albenetam se contulit, locum (est membrum sive Prioratus Casinensium B. M. V. sacer) in eodem Casinati saltu, quingentos circiter passus à primario Cænobio disjunctum, eique operi, quod Ignatius moliebatur

apprimè accommodatum & habilem. Hic omni humanarum rerum cura, & cogitatione abjecta, passim assiduis precibus explorandæ Numinis voluntati, partim studiosè lectitandis expendis, disque Sanctorum Patrum, qui Religiosas familias condidere, Sacris decretis, plures dies traduxit, alia ab aliis, quæ aptè videbantur ad suum institutum transferri posse, (sed plura utique, ac meliora è D. BENEDICTI Statutis sapienter mutuatus,) sanctissimas Leges conscripsit, quarum postea è praxi, & usu, tam ingens ac multiplex, tam brevi ad Christianam Rempublicam utilitas est derivata, ut Orbis Vniversus admiretur, & obstupefeat. Multis præterea DEVS, indulgentioris benevolentia argumentis, degentem apud Albanetamignatium est prosequutus, tum præsertim cum illi inter orandum Socij cuiusdam è suis (qui per id tempus Romæ obierat) animam in cælum subeuntem, aspectabile specie representavit: ut sanctissimus Patriarcha BENEDICTVS videri potuerit, diversanti domi suæ Ignatio, & pulcherrimo operi intento gratificari voluisse, impetrata illi Divinitus communicatione miraculi, quo ipse apud Casinum degens, Scholasticæ sororis, & Germani Capuæ Antistitis animas, ad superos evolantes, charissima in luce conspexerat. *Ita Scipio.*

A.C. 1545.

S.P.N. 1065.

Pontificijs infulis in ordine non pauci merita & gloriam Præscorum æquavere. Præcipuis annumerandus Iacobus Regius, Renati ex Magdalena Gauffier filius, Monachus primum Dolensis, dein Abbas ibidem, mox & Villelupensis, dein & Cluniacensis electus, armatis cedere Regis Gallia precibus (ita Anglum mox alij, alique imitati Cardinalem, Cænobium cum cucullo nil peius odissent, in purpura ipsa exambiebant) in favorem Ioannis Cardinalis Lotharingi cogitur. Denique Iacobus Bituricensis Archiepiscopus renunciatus, insigne tanto in honore ordini decus addidit. *De quo leg. Gall. Hist. &c.*

Floruit hoc ipso tempore Antonius

de Monte, ex Monacho Montis Angelorum Congregationis Cluniacensis, Episcopus Civitatenfis. *Consul. Aug. Florent. &c.*

A.C. 1546.

S.P.N. 1066.

IN nova ordinis nostri Congregatione Montis Coronæ (sic enim illam à posteriore nomenclatura, sed hodiè notiore appellamus) virorum genere, doctrina, sanctitate illustrium tanta frequentia: ut perfectorum æquè convenienter, quam Monachorum congregationem licuisset appellare. Adeo ex tanta tenebrarum densitate, lumina nostra perpetuo effulserunt, & perquam insigni luce facem cæcutientibus, ut qui vellent, & saperent, tenebras sæculi agnoscerent prætulere. *Luc. Ruch. &c.*

Gervvici Weingartensis Antistitis nomine, præter voluntatem nostram, & merita ejusdem, singulis annis abstinuimus, nec porro hoc anno possumus, ut abstinemus: tantis rursus meritis Imperio atque imperatori Carolo se probavit: quorum vel unum illud, quamvis præter dignitatem videatur; Abbatem, Monachum, castra sequi, è re tamen Imperij fuit, consilio tanti viri, Imperatorem, & qui pro Religione atque Imperio pugnarent, nunquam destitui. Adeoque compulsus exercitui adesse, etiam pro Duce Albano, jussus com meatum, atque alia providere, quod hominem maiore fide & integritate, quam quemvis è sæculi magnatibus, in ea procuratione versaturum appareret, illustri exemplo docuit, virum litteratum, mobilem, ac Religiosum nihil dedecere quod juvanda patriæ, & in causa maximè fidei, prodesset. Ex Abb. V Veingart. histor. nostra & monument. V Veingart. &c.

A.C. 1547.

S.P.N. 1067.

Sed longe illustrius meritum, & inter præcipua ordinis referendum; longè lateque Hæretum pestilentissima lue Germaniam universam invadente, Gervvicum ardentissimo Zelo, ferventissimo studio, vigiliatâ perpetuâ,

tua, tantum à magna & nobili Sueviæ parte multum avertisse, sed & Imperio atque Imperatori consulentem, plurimas passim, urbes, oppida, atque subiectas, iisdem ditiones in officio continuasse, mox ab Cæsare Legatum fidelitatis sacramentum eiusdem nomine exegisse. Ex citat.

Ipso anno Gervvicus idem in publica ac solemni, Festi corporis Christi, processione, circumtulit supremum in inclinante jam imo mersa Hæresum abominatione, Ulmensi urbe, venerabile & sacrosanctum Christi Domini corporis Sacramentum. Vt merito obstupescat, qui inter tantam juratissimorum Romanæ Ecclesiæ hostium copiam, unius viri Monachi constantiam & professionem fidei, tam pulchro exemplo, tam publicam videat, seu remiscatur, cit. &c.

A. C. 1548.

S. P. N. 1068.

Lugubris hic annus ordini universo atque Romanæ in primis Ecclesiæ morte viri præstantissimi, & tanto culmine honorum dignissimi, Gregorij Cortesij, ex Monacho & Abbate S. BENEDICTI prope Mantuam Cænobij S. R. E. Cardinalis. Vir fuit doctissimus, peritissimusque Græcè atque Latine, ex cuius laboribus seu lucubrationibus, multis & peregregijs, incertum quo casu sublatis, seu deperditis, pauca super esse memorantur. Nimirum:

De viris illustribus Ordinis Monastici lib. i.

Hymnorum diverso metro lib. i.

Quod S. Petrus fuerit Romæ lib. i.

Epistolarum familiarum lib. i.

S. Basilii de virginitate ab ipso ex Græco in Latinum translatus.

Is quanti semper cucullum fecerit, adeoque purpuram riserit, in ipsa morte pulcherrimo sanè dicto, comprobavit, cum imminente suprema hora cubicularium compellans: Ecce jam, diceret, ecce pluribus annis Cardinalis fuimus: quid autem nunc super est de hoc honore? Quanto satius fuerat in Religione mori, ubi minus erat animæ periculum. Hieron. Platus. Ciaco. Panvin. &c.

Ipso anno probatus exercitiorum libellus à Summo Pontifice. S. Ignatij Maurofæ quondam seu meditatus, sive etiam scriptus, ad cuius perfectionem haud modice fecisse Monserratensum nostrorum diligentiam, & Cianonis præcipuè Monachi, qui à confessionibus Ignatio fuerat, opem atque operam sed ante omnia materiam subministrasse Garlæ Abbatis Exercitiorum librū, Antonius de yepes noster, Arnoldus Scipio alique affirmant, & luculentè demonstrant.

A. C. 1549.

S. P. N. 1069.

Fortissimi Christi Athletæ atque invictissimi Catholicæ Ecclesiæ propugnatoris Joannis Feckenami Euisshamensis Monachi, admiranda constantia, & magnanimitas celebranda. Is anno 1536. cum aliis Patribus ac Fratribus suis Monachis Cænobio per vim exactus, Joanni Bello adhæsit Wigornienſi Episcopo, eidem à Sacellis factus eoque mortuo anno 1539. ad Edmundum Bonnerum se contulit Londinensem Episcopum, apud quem agens, totum se ad gravissimos Hæresum errores confutandos, & propagandam catholicæ fidei veritatem dedit, eoque in primis gravissimum Hæreticorum odium incurrit, ac proin Edmundo Episcopatu pulso: Feckenamus in vincula abreptus, Turrique Londinensi inclusus est. Verum Feckenamo neq; in angustiis carceris, animus angustus fuit, roburq; ac virtus singulari Numinis dono crevere, ita summa libertate, cum liberis ipse victus configeret, & Hæreticorum antesignanos, & principes in certamè provocaret. Contèptim accepere unius Monachi provocatione Hæretici, tantòq; libètius consenterāt, quo minus ab uno multi, præsertim in impio dogmate versatissimi metuebāt, Itaque hoc fine eductus ex carcere septem solemnes habuit disputationes, circa præcipuos fidei articulos, ita solidè sceleratorum convicit, & Catholicæ Ecclesiæ doctrinam propugnavit, ut Hooperus ipse Pseudo Episcopus Wigornienſis Princeps assessorum non immerito sibi satisfactum esse fate-ri cogeretur. Sed de gloriose gestis Feckenami, suis locis deinceps

ceps. *Vid. Reiner in Apost. Ben. Ang. Stapletonus, Camdenus, Pitius, &c.*

A. C. 1550.

S. P. N. 1070.

VT subinde aliquorum saltem ex ordine virorum eruditione & scriptis celebrium meminerimus, abundante in primis eiusmodi plurimis, Belgio, Italia, & præcipuè sub hæc tempora Hispaniæ regnis: Clarissimus hoc anno effulgit Benedictus Canophilus, Sanguinus Carinensis Monachus J. V. D. cuius celebrantur in primis,

De foro fori, & foro poli tractatus.
Repertorium Iuris Civilis
Multa in Iure Canonico.
Summa rerum, & alia plura.

Neque minore commendatione dignus Miniatus Pittus, nobilis Florentinus, Monachus & Abbas Sancti Miniati Florentiæ, Mathematicus præstantissimus, qui plura in Mathematicis maximè ingenij reliquit monimenta, & librum insignem, de nominibus antiquis, & recentioribus omnium Civitatum & Regionum totius orbis. Arnoldus, alijque.

Inter Episcopos ordinis sub hæc tempora celebriores Philibertus de Rie, & Petrus de Balura, uterque successivè Genevensis Episcopus, ex Abbate S. Claudij, plurima pro fide ab Hæreticis perpeffi, posterior denique creatus Sanct. Rom. Eccl. Cardinalis Tit. Pammachij SS. Ioannis & Pauli & Archiepiscopus Vefuntinus. *Vid. Cl. Robertus. Wion. &c.*

Sed & fama celebratus hoc ipso tempore ex illustrissimo Cimacensium Principum genere F. Carolus de Croij, ex Monacho Abbas Affligemensis, mox Altimontensis; & Sanct. Ghisleni, Episcopus denique Tornacensis, cuculli in tanto honore amantissimus, & Cænobii maximè Ghisleniani; in quo etiam vitam hanc mortalem reliquit, & ibidem conditus est. *Vid. Belg. Rev. script. &c.*

A. C. 1551.

S. P. N. 1071.

INter Germaniæ Abbates insigni vitæ innocentia, dignissimoque Religionis exemplo posteritati præit, sed & eidem relictis lucubrationibus viro Re-

ligiosissimo dignissimis, pro virili consulit, Henricus Clausius Abbas Wiblingensis, fidei luce illuminatissimus, radios suos spargit, & divino Calamo libris scriptis, cultum Sanctorum, eorum ipse observantissimus, & contemplatione cælestium, quantum mortali homini licet, iisdem proximus, nomen suum, solatio posterorum fidelium, labore sanctissimo commendavit. Scripsit

Hierapolim sive de cælesti Curia lib. 2,

Orationes ad cælestem Curiam l. 1.

Speculum propriæ cognitionis l. 1.

Dialogorum vitæ Christi l. 3.

Dialogum, cui titulus, negligens Pater

Miscellaneorum l. 1.

Sermonum Variorum l. 1.

Exercitium devotissimum ad Deum, & Sanctos Patronos.

Commendarionem devotam ad S. Annam.

In Caput Regulæ sanctissimæ de observatione quadragesimæ sermones 2.

Apologiam pro se adversus Apostatam.

Dialogus ad Patrem & Filium ad Religionem aspirantem

Epistolarum ad diversos l. 1.

Obijt hoc 1551. 13. Augusti decrepitus, & optimè meritis. *Ex monim. wibling. &c.*

Eodem anno Sanct. Roman. Eccles. Cardinalis creatur petente Carolo V. Imper. Vir eo honore dignissimus F. Gregorius noster Martinus Hungarus, Monachus Monasterij Sanct. Pauli, Cænobij nomine decepti, asseruere. Arnoldus,

A. C. 1552.

S. P. N. 1072.

IOannes Feckenamus noster, post longum carceris squalorem, exaltata ad thronum Regni Maria, educitur; & pro merito felicissimè triūphatis Hæreticis; utcunque remuneratus, in clientelam Regiam asciscitur, eidem à sacris factus, & decanus Cathedralis Eccles. Londinensis renunciatus. Is quanto ex in animo cum Hæreticis liber conflixerit, qui captivus de iisdem tam frequenter ac gloriosè triumphavit, dici & deprædicari satis non potest; vel

velipsis Hæreticis id ipsum testari coactis, cum non post multos iterum annos eundem interruptum, nec admittere quidem ad concertationem aliquam, nedum committere cum eodem de rebus fidei quisquam ausus esset. *vid. Sander, Reiner. Pitius &c.*

Claret Hieronymus Sochierius Abbas Claravallensis Congregationis Cisterciensis Theologus insignis, in Concilio Tridentino clarus, postea Cistercij Abbas Ordinis Generalis, & tandem Sanct. Rom. Eccles. Cardinalis. *vid. Clem. Rob. &c. Petramellarius Ciacon. Wion. &c.*

A.C. 1553.

S.P.N. 1073.

PRæclarissimum postremi sæculi sy-
dus, Ludovicus Blofius Abbas Læ-
tionis ex Belgio in orbem universum
Religionis & doctrinæ radios emittit.
Isnobili Blofiorum familiâ apud Han-
nonios natus, dignè tanto genere edu-
catus, Clenardum virum doctissimum
iuventutis Magistrum habuit, tribus ab
eodem linguis institutus. Ex hinc pa-
latinis addictus, instructusque moribus
in Cæsaris aulam missus est. Sed illud
Pœtæ prudentior juvenis animo sollici-
tus versans. Regalibus exeat aulis,
qui vult esse pius &c. In Lætiense per-
vetus Hannoniæ Ascetorium, vel ab
Oceano naufragus se contulit, sacramq;
indutus vestem, sacro se Tyrocinio Mo-
nachis probavit, exin dilectus omni-
bus, Monachum professus, & Lovani-
um ut sacras illic addisceret litteras mis-
sus est, tanta apud suos vittutis opinio-
ne, ut absentem Ægidii Gippi, decrepi-
ti Abbatis Vicarium omnia suffragia
nominarint, & rogata (quod ætatis se-
cundum & vicesimum annum non ex-
cederet) Romani Pontificis authori-
tate eundem sibi præficerent. Bien-
nio post, extincto morte Ægidio, plena
potestate Lætiens Abbas. Collapsam
nonnihil apud suos, veterem & sanctio-
rem disciplinam instaurare, & revocare
animum induxit. Quo factum, ut suis
Monachis decreta Pauli III. Pontif.
Maxim. diplomate firmata propone-
ret: estque hodie Belgica inter Cæno-
bia Lætiense nulli secundum cum ob
disciplinæ Monachicæ observantiam,
tum ob Bibliothecæ veteris, ac potissi-

mè Sacrarum litterarum custodiam.
Cæterum Blofius familiaritate usus S.
Ignatij Loiolæ in ipsis Societate initijs,
per litteras crebriores, eundem in pieta-
tis negotiis identidem consuluit, ex-
tantque sat graves eorundem apud Pa-
tres fasciculi, qui utriusque Divi summa
cum commendatione deinceps orbi
patebunt. Sed de meritis Blofij fusè
suo loco, hic sufficiat, sui Cænobij stre-
nuum reformatorem induxisse. *Extor-
mo. 1. Sanct. Ord. nostri. sep. cit. Moreo.
Burghes.*

Mortuus eodem B. Iodocus Palme-
rius Monachus Cænobij & Congrega-
tionis Montis Virginis, sanctitate clarus.
Mart. Ben. Arnold. &c.

Floret eodem anno Flavius Ferrari-
ensis, Monachus Casinas, vir doctissi-
mus Græca & Latina lingua valde in-
structus, & à Papa Iulio III. plurimum
dilectus, à quo tandem Ravellensis E-
piscopus creatus, munus sibi injectum
laudabiliter implevit. *Bland. Rom.
&c.*

A.C. 1554.

S.P.N. 1074.

ADmirandus prorsus virorum ge-
nere, doctrina, & Sanctitate illu-
strium numerus in Hispania, & præci-
pue Cænobijs Vallisoletano, Monser-
ratenfi, & Naiarenfi, de quibus Hispan-
rerum scriptor. consul. & mirabitur sa-
nè qui vel solos Abbatum Hispanorum
syllabos denuo perleget, tot simul se-
melque Cænobiorum diversorum An-
tistites, summâ doctrinæ atque San-
ctitatis opinione celebratos. In An-
gliâ, & Germania nonnulli Hæreticos
gloriosè oppugnant. Sed & Italia non
calamo, pro ferro contra eosdem absti-
nuit, in qua Iacobus de Leccio Mona-
chus Congregationis Cælestinæ Paulo
IV. Summo Pontifici charus, impia eo-
rum dogmata, & Hæreseos auctorem,
insigni libro elusit, ac convicit. Scri-
psit idem præter librum memoratum,
de consolatione Crucis librum unum.
de Cæremonijs ordinis sui lib. 1. de
vita Cælestini V. lib. 1.

Sed ante omnes Gervvicus Wein-
gartenfis, & Dithelmus Sangallensis
Abbates, ille toto ferè Imperio Hæ-
resi obstitit, hic in Sangallensi ditione
contra eosdem strenuè laboravit. De

quibus Consul. *Mon. Wein. & Sangall.*
Monum.

A.C. 1555.

S.P.N. 1075.

Meritissimus de orbe & posteritate
universa ad felicem immortalita-
tem felicissimus transit Isidorus Cla-
rius noster, Monachus S. Ioannis Evan-
gelistæ Parmensis, & Abbas S. MA-
RIÆ Cefenæ Congregationis Cafi-
nensis, singulis si per compendium li-
cuisset, annis, singulis imo à pluribus
meritis commendandus. Is Fulgina-
tis Ecclesiæ Pontificatu sublimatus, in
omni vita dignum se Episcopatu osten-
dit. Vir & morum integritate, & Scri-
pturarum intelligentia, nec non lingua-
rum peritia clarissimus, qui Concilio
Tridentino summa cum laude adfuit,
& scriptis doctissimis Ecclesiæ orna-
mentum insigne addidit. Mortuus in
Cathedrali sua Ecclesia conditus, à ci-
vibus suis sequenti Epitaphio est con-
decoratus.

Isidorus Clarius Brixinensis, Ful-
ginæ jam VII. annis Episcopus,
vita & moribus integerrimus, ex-
emplo, & verbis admirabilis, do-
ctrina clariss. Christiana, Græca-
que, Hebraica, Latina: mira in
pauperes charitate ignitus, annū
luz ætatis circiter sexagesimum
agens: acutissima correptus febre
patientissimè placideq; obdormi-
vit, æ XL. post mortem horis, ob
assiduam populi deosculatorem;
maximis cum lachrymis ejusdem,
non fœtens certè, prò mirum, sed
redolens, hic situs est, die 28. Maij.
1555.

De operibus eius quibus nomen æter-
nitati consecravit, hæc referuntur.

In sermonem Domini in monte ha-
bitum Orationes 69.

In Evangelium Lucæ Orat. 54:
Orationum extraordinariarum tomi
duo

De iustificatione hominis & gloria,
orationes duæ, in Concilio Tri-
dentino habitæ.

Aliæ plures orationes in eodem Con-
cilio Tridentino habitæ.

De modo divitiis adhibendo homi-
ni Christiano Oratio, 1.

Novum testamentum vulgatæ edi-
tionis translatum

In Caput IX. Epist. ad Romanos
Orat. 2.

In Caput XV. Epist. 1. ad Corinthios
lib. 3.

In Cantica Canticorum lib. 1.
Pleraque excusa Venetiis, & Medio-
lani extant, &c.

Eodem anno Pontifex Maximus ele-
ctus Paulus IV. (dictus Caraffa) Nea-
politanus, antea Joannes Petrus voca-
tus, nostris propensione addictissimus,
fundator, ante Cardinalatum, Cæno-
bii S. Nicolai Teutinorum, cuius extra-
re epistolam propria manu scriptam, ait
Lucas Ruhensis, ex qua ostendatur, Ca-
raffam statuisse cum sociis, cucullum
Camaldulensium nostrorum amplecti,
nisi Deus prohibuisset, & ad aliud ma-
ius ipsum vocasset. Is primo Pontifi-
catus anno Hieronymum Sueffanum
nostrum, ad se accersiri iussit, verbis
Lucæ cit. referamus, simplicitate veri-
tatem aptissimè enarrantibus. *Venit
Romam vir obedientissimus, ac lato vultu, à
Pontifice suscipitur, eumque oculo pedum
præmisso, sic alloquitur Papa. Quale tegu-
mentum istud Hieronyme (erat enim vilissi-
mis & asperis, tunica & pallio indutus) seu
qua austeritas ista? Nimis durè tecum a-
gis, dimittas ea oportet. Cui senex: nec a-
lius, ni fallor, habitus penitentem decet.
Nam qui mollibus vestiuntur, non in deserto.
sed in domibus Regum sunt. Nec tu, inquit
Pontifex, amplius in deserto eris, sed manebis
hic nobiscum: nec de cætero Eremitam te, sed
Cardinalem volumus. Quo audito statim
cecidit pronus in terram senex: multis etiam
lachrymis profusus, cum diu in refutando di-
gnitatem oblatam persisteret, vix tandem
breve tempus ad deliberandum obtinuit. Quo
finito, ad Pontificios pedes revolutus, humili-
ter petiit, ad suum Eremitorium remitti, as-
firmans nullam dignitatem sibi chariores ef-
se, quam vera penitentia sanctissimum sta-
tum: neque alicubi delicias sibi futuras extra
solitudinem. Ex his cum intellexisset Pon-
tifex piam ac sinceram viri Dei voluntatem
noluit eum cogendo contristare: sed totam
rem in ipsius arbitrium contulit, & Hierony-
mus ad suum desideratum Eremitorium re-
vertit. Hæc ideo, ut inde nostrorum
estimes dignitatem, qui purpuram ip-
sam hoc etiam tempore cucullo
suo viliorẽ æstima-
vère.*

A.C. 1556.

S.P.N. 1076.

Meritissimus hoc anno Sanct. Maurontus noster Abbas, de celeberrimâ Vrbe Belgij Duacenâ, ab hostibus liberata, beneficium tantum æterna memoria, & festo solemni concelebrat, verbis Martyrologij Benedictini referamus: VIII. idus Ianuarij apud Duacum Flandriæ commemoratio Sanct. Mauronti Abbatis, ejusdem Civitatis Patroni, quod hâc die ejus meritis & præsentia liberati sint Duacenses, à traditione Gasparis Colinzi summi Gallorum Ammiralij, Anno Domini 1556. Cum enim ille hâc nocte in quâ præcipuè populus Flandricus ex antiqua consuetudine mero indulgere solet, urbem capere moliretur, quod omnes ebrios ac sopori deditos se inventurum putaret, apparuit Sanct. Maurontus in somnis custodi Ecclesiæ Sanct. Amari (in qua sacrum ejus corpus quiescit) ei que ut Matutini signum daret, usque tertio præcepit, quod cum facere recusasset, horam matutini nondum advenisse asserens, ab eo coactus, tandem perfecit. At cum matutinum pulsare se crederet, Campanæ ipsæ non matutini, sed armorum signa dabant; quarum sonitu populus excitatus, ad maxima cum festinatione armatus properans, ipsum Sanctum veste Monachali fulgida, lilijs aureis respersa (sic enim depingitur) indutum, dextraque Regale sceptrum tenentē ac mœnia circum-euntem, claris oculis viderunt: eumque donec populus excitaretur urbem suam defendisse apertissimè cognoverunt. Cujus beneficii gratia à Sanct. Roman. Eccles. Duacensi, hâc die processiones solemnes institutæ sunt, in quibus venerandæ ejus reliquiæ in capsa argentea reconditæ maxima cum populi frequentia, & devotione ab Ecclesiæ Canonicis reverenter deportantur. Ita Martyrol. Bened.

Hoc anno restituto denuo Benedictinis Monachis celeberrimo illo Monasterio Westmonasteriensi, per Mariam Reginam; primus eidem Abbas bonis universis applaudentibus designatur, fortissimus ille Christi athleta, & Hæresum calcator Ioannes Feckemannus, De quo legendus Sanderus & Reynerus.

&c.

A.C. 1557.

S.P.N. 1077.

Quantis meritis omnium existimatione esset Antonius Simonis Monachus Montis Angelorum Congregationis nostræ Camaldulensis facile ostendunt magni honores, ad quos ipse minimè ambitos quæsitus, Cenobio extractus, primum Episcopus Minoritanus in Regno Neapolitano electus, mox Sutrij Episcopus renunciatus, dein & Nepiensis Pontifex salutatus, omni tamen honore major exsplenduit. *Aug. Florent. &c.*

Nec minori gloria effulsit hoc ipso anno Ioannes Olivarius noster, ex Monacho Sanct. Iovini apud Pictones, elemosinarius Sanct. Dionysij in Francia, mox Abbas Suessionensis, Episcopus denique Andegavenensis, vir literatissimus, & Poetica imprimis facultate præstans, editis non paucis ingenij monumentis. Fratrem habuit Protopræsidem Iacobum Olivarium, Francisci Cancellarij Franciæ patrem. *vid. Cl. Robertus &c.*

Creatus eodem anno Episcopus Sanctonensis Tristandus de Beze ex Monacho Clarevallis Congreg. Cister. *vid. Demochares. alijs.*

A.C. 1558.

S.P.N. 1078.

Mirandum prorsus, quanta ad conciliandos Ecclesiæ Hæreticorum animos eiusdemque gremio adducendus, egerit Ioannes Feckenamus noster Westmonasteriensis dignissimus Abbas, quantaque benevolentie, ac charitatis Christianæ signa iuratis hostibus suis exhibuerit. Ita Reinerus quoque attestatur: cum valeret, inquit, magna apud Reginam gratia, multis officiis pietatis, & humanitatis conatus est devincire, tum alios nobiles, tum Elisabetham, adhuc privatam: quorum officiorum testes appellat Stapletonus Comites Leicestriæ, Warwici, & Bedfordiæ, inter quos, & Reginam Mariam sæpius mediator, & sequester fuerat. Gulielmum etiam Cæcilium, qui potuerit attestari, factum opera & intercessione Feckenami, quod Dominus Ioannes Checus eques, & non ignobilis protestantium sectator, vita fortunisque privatus non fuerit: quia aliquoties coram ipsa Regina pro concione inter-

intercessisset pro Elisabetha sorore Reginz, unde ipsius Mariæ non medio-crem indignationem incurrent: idque ab eo factum fuit, & antequam eadem Elisabetha in custodiam fuit coniecta, & postquam custodiæ mandata fuisset: cuius officii memor ipsa, antequam coronaretur, Feckenamo gratias egit. Atque utinam, inquit Stapletonus, post septem annos carceris tantum inveniat Feckenamus humanitatis, & favoris, quantum cum rebus secundis floreret, ipse aliis exhibuerat. *vid. Apost. Bened. Mon. Angl.*

Abdicat se hoc anno, stupente ad insolentiam exempli universo, Carolus V. Imperator, Romano Imperio tot annis feliciter administrato, & Cænobium Sancti. Iusti ingreditur, haud dubium quin persuadente, certe juvante per sacros libellos suos Blasio Abbate nostro, quos ita charos familiaresque Carolus habuit, ut eos in sinu, non secus atque Alexander ille Magnus in Narthecio Homeri Iliadem, gestarit atque in Cænobio deinceps ipsos multo diligentius attentiusque jugiter lectitavit. *Ex vita tomo nostro I. SS. & BB. Ben.*

A. C. 1559.

S. P. N. 1079.

Ludovici de Strada Hortensis Abbat-
tis, nunquam satis laudanda ob magnitudinem, multitudinem, & insolentiam planè stupefendam merita. Vnicum hoc anno in medium afferamus, quo super cætera omnia, morti proximus meruit. Invalescente quippe summa per orbem annonæ caritate, & pauperibus non solum, sed & ditioribus non nullis ob alimentorum inopiam cum ipsa morte conflictantibus, ipse Cænobij alimenta omnia indubitanter expendit, & innumerabilem pauperum multitudinem, velut filios, fovit. Ac proin pauperes undique confluentes (audi rem miram, sed apud nostros olim, & perpetuo frequentem, unde plurimis per orbem urbibus opidisque sua initia referuntur, ingenti hominum frequentia quotidie sive pro Divini officij frequentatione, sive propter hospitalitatem, & liberalitatem Monachorum, ad Cænobia se recipientium) totum Monasterium casis & tuguriolis circumdederunt, ut & val-

les, & montes eis replerentur. Omnia circum circa loca pueris & mulieribus plena erant, qui meridie ad Monasterij portam veniebant, illicque quod ad victum sufficeret accipiebant. Dum verò (stupendum prorsus charitatis exemplum) ob nivium altitudinem pauperes tuguriola sua exire non poterant, eo victus deferabatur, ut hoc facto Monachi magnam charitatem suam, & misericordiam ostenderent. Confirmata illustri miraculo hæc Monachorum, & Ludovici Abbatis pietas, quando post plurimas expensas cum porro ex locis circumpositis coemere, & corradere non posset, quod tantæ multitudini sufficeret, ad preces conversus, impetravit ut prodigiosâ sanè messe frumentum ante tempus, bimestri spatio maturesceret, ac demeretur. Ludovico alios inter Principes familiarior erat Dux Medinæ cæli, qui ipsum & pro Sancto habuerat, & ut talem sanctè venerabatur, tantumque suspiciebat, ut Ludovico sene sedente, ipse Dux aperto capite staret, credens se Angelum DEI habere præsentem. Is admiratus tantam multitudinem, Ludovicum rogavit, an omnibus illis cibum daturus esset? Quo annuente, obstupefactus Dux intulit: Ego sanè (ita vitæ auctor habet) in me recipere non auderem omnibus his de victu providere, nisi statum meum oppignere vellem: & non videor mihi sufficere posse, tum quia ubique maxima panis, & necessariorum penuria. Cumque responderet Abbas, sibi non defore, si etiam plures essent, quibus pauperes aleret: Curiosior deinceps Dux sciscitatus est, quidnam igitur, ac quantum esset unde pauperibus tantis erogaretur: ac proin ductus ab Abbate ad locum, ubi panes: pauci sanè pro tanta multitudine supererant, singulis singulos panes dandos affirmavit: neque tamen defuturos ex iisdem, quos etiam aliis elargiretur, incredibile visum Principi: quod vix ducenti panes essent, & ferè innumerabiles homines convenissent. Experti tamen Dux, & quos adduxerat famuli, miraculum ipsi spectare meruerunt, non pane solum, sed & alio qui in eisdem erogabatur cibo prodigiosissimè multiplicato. *Ex vita. &c.*

Floret

Floret hoc ipso anno haud minimi inter litteratos nominis F. Maurus Pandolphinus, Monachus S. M A R I Æ de Florentia Congregationis Casinensis, cuius laudatur eleganti sermone scripta: Harmonia quatuor sensuum Sacrae scripturae l. 4. de quo leg. Arn. Wio.

A. C. 1560.

S. P. N. 1080.

Copia virorum ex ordine illustrium & de Republ. Christiana meritissimorum felicissimus hic annus, quorum paucissimos commemorabimus; eminet præ aliis Joannes Doceus Laudunensis in Gallia Episcopus, vir Religiosissimus & doctissimus, ex Monacho, & majore Priore S. Dionysij Parisijs ad Episcopalem dignitatem pro meritis eVectus. Fuit S. Theologiae Doctor, & verbi DEI prædicator celeberrimus, scripsitque inter alia. Sermonum ad populum librum unum. De Passione Domini lib. 1. De æterna Generatione Filij DEI & temporali nativitate ejusdem Filij hominis libros duos. Pari gloria exsplendescit Simon de Maille ex Monacho & Abbate de Loroux Archiepiscopus Turonensis, cuius inter eximia merita referendum, Concilium Provinciale ab eodem summa utilitate & gloria anno 1583. celebratum. Idem vir Doctissimus inter alias dignissimas ingenio & professione lucubrationes, vertit è Græco in Latinum 24. Homilias S. Basilij, & multa alia præclare gessit. Floret etiam Bernardus de Aragonia Ferdinandi Nepos, Monachus noster Congreg. Cister. ex Monacho Archiepiscopus Cæsaraugustanus, de quo Gonsalvus Illescas consulendus. Sed præ omnibus excellit, non solum scientia litterarum, sed & sanctitate insignis Chrysostomus de S. Gemiliano Calaber, Monachus montis Casini, creatus sub hunc ferè annum Archiepiscopus Ragusinus, & egregius Ordinis nostri reformator in Insula Meliteni. Ut videas rursum diversis locis ordinem novo fervore effervescentem, & perfectionis eximiae exempla, nunquam per nostros orbi & Ecclesiae defuisse. vid. Placidus Romanus à Wione tacitus. In Hispania incredibilis virorum illustrium numerus, inter quos principe fama celebrati F. Michael Fornerius, olim Abbas Monserratenensis longe meritissimus, vir planè celestis & Angelicus, &

ab Hispanis pro Sancto dum viveret habitus; gloriosissimo contemptu Episcopatus Vicensis sibi à Carolo V. Imp. oblatus, merito celebrandus. Obijt hoc anno 26. Ianuarij. Proximus Michaeli insigni ab vitæ integritate gloria Didacus de Lerma ejusdem in Abbacia successor, dein Abbas Vallisoletanus & Congregationis Hispanicae Generalis, vir ob virtutem summè æstimatus. Nec minor fama Bartolomæi Garrigæ hoc ipso anno Monserratenis Abbatis viri doctissimi, qui celeberrimum illud templum Monserratense ingenti sumptu honori Dei parædis exædificavit, sicut puerulus olim ipse prædixerat. De quo consulendus fusior. *Ant. de Tep. C. 5. l. 4.*

Feckenami Westmonasteriensis Abbatis perpetuum meritum, quod utinam pro dignitate attollere satis liceret. Is hoc anno Elisabethæ Impiæ Reginae jussu, cui læpius ipse benefecerat, carceri denuo Londinensi inclusus, quod scelestissima Hæreticorum dogmata convellere, atque opprimere non desisteret, egregiam constantiam, virtutemque indignissimè luere cogitur. Quippe Maria Regina per immaturam Catholicis mortem ad superos evocata, Feckenamus in Comitibus Regni, pro Abbatiali dignitate locum possidens, & suffragium, constanti gravique oratione mutationem, aut innovationem Religionis, quantum in ipso fuit fortiter dissuasit. Accersivit eum ad colloquium suum Elisabetha Princeps, non longè antequam corona Regni foret insignienda. Nuncius, qui primo eo missus fuerat, invenisse eum dicitur, (verba Reyneri sunt,) occupatum in plantandis ulmis, quæ nunc adhuc in Collegij Westmonasteriensis horto crescunt; nec ullo modo voluit nuncium sequi, antequam captum opus plantationis finivisset: Forte tunc intentus meditationi & orationi: ut quemadmodum ipse eas arbores collocasset, ita DEVS replantatam nuper Religionem conservaret, aut Monachos, quos providebat ab hac Regina ejiciendos, Deus suo tempore iterum reduceret. Quid tunc cum Regina colloquij habuerit incertum: Credibile tunc Reginam egisse instantius, ut aliquo usq; Feckenamus & Monachi se Reginae votis confirmarent, atq; ita in Monachatu, ac possessione Abbatiae perseverarent.

Nam

Nam & illud vehemēter optasse Reginā narrat Sander⁹, nimirū ut in illa Religione suæ invocatione, novū genus Monachorū (restitutos Westm. puta) sibi cōsentientes haberet. Sed frustra optavit, quia vir S. in Deo firmiter stabilitus, nullis blanditiis, aut terroribus ab Ecclesiæ communi fide potuit dimoveri, quamvis etiam ei Archiepiscopatum Cantuariæ ea conditione Regina obtulerit. Convocato primo Parlamento sub Elisabetha & disputatione instituta de articulis fidei inter cæteros Episcopos, & novos prædicatores, etiam Feckenamus magno Zelo obtulit se, ut inter primos pro fide disputaret, sed admissus non fuit, Regina nolente ipsum in numerum collatorum venire. Ut facile inde pateat, quantum ab uno sibi Monacho tōtius Regni Hæretici metuerent, *vid. Reynerus.*

Cum amplissima Gervvici nostri, Abbatis Weingartenensis merita, orbi & Imperio Rom. conspicua, ipsum etiam orbis & urbis Pontificem minimè fugerent, constaretque, quantum ingenio, fide ac fidei Zelo, cum apud Cæsarem, tum apud Principes Imperij unus ille vir posset, datis ad ipsum litteris, Nuncio item suo in Germanias destinato, ut de tollendis fidei controversiis, & Schismatibus, cum Gervvico censeret, imperavit, ejusque quod jussu erat, Gervvicū admonuit, Litteras subijcimus

P I U S P A P A. IV.

Dilecte fili, salutem & Apostolicam Benedictionem. Cum ad tollendas de Religione controversias, & sedanda Schismata, aliaque quæ correctione indigent emendanda, nuper indixerimus Concilium Oecumenicum & Generale, DEO annuente, in Civitate Tridentina celebrandum, sicut cognoscēs ex bullæ nostræ exemplo, misimus huius rei causa in Germaniam, Venerabilem fratrem Zachariam Episcopum Pharensensem Nuncium nostrum, datisei nonnullis, ad tuam quoq; devotionem mandatis. Petimus igitur, ut ejus Orationi, seu litteris, si te commodè alloqui non potuerit, fidem habeas. Datum Romæ apud S. Petrum sub annulo Piscatoris, die primo Dec. M D LX. Pont. nostri anno primo.

Antonius Florebellus Iavellinus.
Dilecto filio Gervvico Abb. Weing.

Constat autem ex diversis Principum & Pontificum scriptis ad eum deinceps litteris, quam fidelem tanto in negotio tum S. R. E. ejusq; Pontifici, tum sui amantissimo Cæsari, operam navaverit, non sine gravi & vitæ periculo & Cænobij sui dispendio, difficillimis negotiis & legationibus strenuè perfunctus, *Ex Archivo & monim. Weing. &c.*

A. C. 1561.

S. P. N. 1081.

Angelus de Faggis vir meritissimus, Monachus & Abbas Casinensis, egregia Sanctitatis, & doctrinæ eximie fama ordinem exornat. Is poetica facultate usq; adeo excelluit, ut quidquid libuisset facile, & ubertim pene extemporeo Carmine enunciaret. Teruntur manibus eius versus Colonie Agrippinæ impressi, in quibus apertissime prædivitem illam venam, & pangendi Carminis admirabiles à naturâ impetus apertissime ubiq; dignoscas. Plura etiam ad sacras meditationes argumenta, Latino idiomate evulgavit; quæ Religiosam eius mentem, & cælesti flamma incensum, facile ostenderint. Mirum qua rerum gerendarum solertia atq; dexteritate fuerit, tam provide ac feliciter cuncta ab ipso administrata: Monasterij jura ac jurisdictiones retentæ, plurima ab eodem structa & restaurata. Trina administratione Casinum rexit annis undecim. Alia item primæ notæ Monasteria plures annos, totamq; adeo Congregationem præsidis Generalis honore, atq; officio temperavit; eodem semper prudentiæ & Sanctitatis tenore ac fama (unde facile subiectorum etiam profectum metiaris) cumque Angelum adæque moribus, ac nomine se præberet, summam omnium venerationem simul ac benevolentiam adeptus, Vulgo prisce virtutis & Sanctimonie specimen, & Germanus Casinatis Sodalitij alūnus prædicabatur. Quin imo vigere etiam nū Angeli nomen recentī memoria perinde ac novissime demortui, Scipio noster asseverat, esseq; præcipuo cultu apud omnes, & in honore; tū propter vitæ totius periodum religiosissime traductā, & egregia promerita; tū quia non desint, qui referant ejus cada-ver anno Octavo, postquā terræ mandatū fuerat, integrū illæsumq; se vidisse in sepulchro. Sed de reliquis ejusdē legendus idem Scipio in Elogiis Abbatū Casinensium.

Rur.

suum crebro misit. Prælatum Apostatam doctissimis scriptis ab Hæresi revocavit. Dimissis ad tutiora Patribus (ecce veri pastoris, dignissimum, & S.R. Imperii Principis exemplum verè admirandū) pestilentissima lue passim grassante, ipse curā populi suscipit, atque in Festo S. Bartholomæi (insigni planè loco, die & morte) in ipso suggestu apoplexia tactus, post paucas horas emoritur. Scripsit de exercitatione veræ virtutis, librum unum, & totam penè summam D. Thomæ redegit in tabellas. *MS. Sangall. &c.*

A.C. 1595.

S.P.N. III5.

Meritisissimus longè etiam ampliores, sumosq; honores Gilbertus noster Genebrardus, ex Regio litterarum Hebraicarum professore eligitur hoc anno Archiepiscopus Aquensis, acerrimus Hæreticorum hostis, & expugnator, cui, si nullo alio titulo deberet Aquensium Vrbs celeberrima, immortaliter deberet gloriam ac famam, solo tanti Archipræfulis nomine partam & posteritati commendatam. *Vid. op. Cle. Rob. &c.*

Clarent eodem tempore Patthalis Venetus Monachus Carcerensis prope Atestum Cong. Camald. Episcopus Arbienfis: Augustinus item Fortunius Monach. Angelorum Florentiæ, scriptis celebris, libris in primis Octo Hist. Camald. & aliis pluribus. Sed & Vitalis Zuccoli Patavini Abbatis insignis memoria relictis ingenij doctissimis lucubrationibus, quarum præcipuæ sunt.

Dialogorum super Meth. or. lib. i.
Enarrationum super con: T. ass. li. i.
Traductio Cambiorum iustorum
Commentariorum & Quæstionum,
super Platonem, lib.
Octoginta sermones super Cantica
Canticorum.

Et alia plura, *vid. Arnold. VVion. &c.*

Eodem anno, quæ nostrorum perpetua fuit in novos ordines benevolentia, Ioannes Saracenus Vedastinus Abbas Atrabatenfium Civitati inducit R.R. PP. Capucinos, (quos superius dixeramus à nostris primum exceptos & curatos) iisdemque Cænobium ibidem construit. *Cl. Rob. &c.*

A.C. 1596.

S.P.N. III6.

Florentissimum fama nomen Ioannis Dorothei nostri, Monachi & Prioris S. MARIE Valensis, sive de Valle, Con-

greg. Cluniacens. I.V. Doctor. & in Academia Dolensi Professoris primarij, qui ob eximiam virtutem, & eruditionem factus Episcopus Nicæopolitanus, & Suffraganeus Archiepiscopi Bituntini; exin S. R. E. Cardinalium Granvelli & Lotharingi Vicarius. *Arnold. &c.*

Eodem anno, maxima tua, Cænobii & ordinis universi gloria, multaque sedis illius felicitate, creatur Archiepiscopus & Dux Cameracensis, Ioannes Saracenus, Amplissimi Cænobij Vedastini Antistes, & Philippi II. Hispan. Regis Consiliarius in sui sanctioris status Belgici status intimo Senatu. Litterarum omnium Mecænas munificus; de cuius ingenij monumentis consulendus. *Ferr. Locrius, &c.*

A.C. 1597.

S.P.N. III7.

Nimis maturè, æterno omnium bonorum luctu terris eripitur, cælo dignissimus, Aquensium Archipontifex, sæculi nostri Phœbus, doctissimus noster Genebrardus Aquensium Archiepiscopus, idem Religione & pietate præstantissimus, de quo inter alios Franciscus de Sales Episcopus Genevensis, lib. II. de Amore Dei, c. II. cui Genebrardo mortuo, ære alieno parentavimus.

Abstulit una dies ævi decus, istaque luctu

Conticuit sacre tristis facundia linguæ.

Eum non immerito O. præclarum Ecclesiæ litterarumque sydus appellavit. *Et Cl. Robertus:* Genebrard decedè an grand regre de toute la Chrestiente pour la profonde Theologie & Savoir universel, Cæsar de Nostre Dame en son Histoire de provence & sponde, scripsit inter alia.

Commentarios egregios super Psalmos.

Notas Chronicæ, sive Chronologiam, & universam Historiæ methodum

Chronographiæ à Principio Mundi, lib. 4.

Transtulit & de Hebræo in Latinum Chronologiam Hebræorum maiorem, quæ Seder olam Rabba inscribitur, & minorem Seder olam zuta. Et plurima alia. *Videndi Anton. Possévin. Claudius Robert. Franciscus de sales, &c.*

A.C. 1598.

S.P.N. III8.

Mortalibus valedicit, Bruxellæ mortuus Ioannes noster Saracenus Cameracensis Ecclesiæ Archiepiscopus, atque

N

Vedasti-

Vedaſtini Cænobii Abbas vir litterarum amantiffimus, atque de iis, ſubjectisque optimè meritus. *Vid. Loc. & Belg. rer. ſcript.*

Eodem anno Saraceno ſuccedit in Cænobii Vedaſtini præfecturam Philippus Caverrellius, vir omni laude major, doctrina, genere, & virtute nobiliſſimus, de quo plura ſuo tempore.

Meritiffimi ſub hæc tempora Hieronymus Caſinenſis Abbas, & Victorinus Manſus ejus in honore ſucceſſor, quorū liberalitate inſigne Seminarium, ſic vocant, ad juventutem clericali diſciplina imbuendam exſtructum & inſtructum. Vnde colligas per noſtros ad Clericorum educationem, quod ſexcentis ejuſmodi exemplis probare poſſemus, nihil unquā deſiderari potuiſſe. Quo eodem anno Victorinus Stabienſis Epiſcopus à Clemente VIII. acerrimi judicii ac prudentiæ Sapa, creatus eſt, qui præſens ipſe, dū Victorinus ad Epiſcopatum ſubiret, prudentibus viri reſponſis, & reconditiore doctrina uſque adeo captus eſt, ut eo impenſus collaudato, aſſeruerit: Cathedræ quidem à ſe ſatis conſultum eſſe, Antiſtiti vero item. Hinc facile fuit eidem Clementi, aliquot poſt annos, pinguiorum Epiſcopatum (Ariauſenſem ſcilicet) eidem conferre. *Sed vid. M. Ant. Scipio.*

Mortuus eodem anno Ioannes Fremypt, Cænobij S. Benigni Divionenſis Monachus & infirmarius, inſignis pietate, & nobilitate vir, Andreæ Archiepiſcopi Bituricenſis patruus, hoc Epitaphio decoratus.

Ioanni Fremioto, Patritio Divionenſi, Cænobitæ, Benigniano, ſæculo irregulari Regulæ obſervantiſſimo ſanctimonia & bonitate inſigni, Mathematicæ & Mechanicæ ſolerti, ad vitam quam diligentibus ſe Chriſtus repromiſit præcoci morte properanti. A. D. 1598. 4. Id. Iulij.

Vid. Cl. Robert. &c.

A. C. 1599.

S. P. N. III9.

Vixit hoc anno, ut immortaliter vivereſſet doctiſſimus ille, & æquè Sanctiſſimus F. Ioannes Caſtaniza, Ioannis Alphonſi Curielis, celeberrimi illius Theologi animus (qui idem Curiel, quamvis ordinem noſtrum non profeſſus, multo tamen noſtris accenſendus, quibuſcum & perpetuo ferè vixit, & ſua omnia legavit, denique ſepeliri apud eosdem voluit) in cujus unitus laudibus foret quam diutiſſimè immorandum, quibus ut ſatisfacia-

mus utrumque, & nos expediamus, ipſius hic Epitaphium, pro compendio, exſcripſimus.

Venerabili Magiſtro Frat. Ioanni de Caſtaniza Benedictino, Sermone aureo, ore fecundo, in dicendo ſuavi, in perſuadendo miro. Apoſtolo Paulo prædicatione ſimillimo. Ob amabilem vitæ ſuæ ſanctitatem, honori & decori omnibus: poſt oboblatas ſibi à Philippo II. præclaras dignitates, ac magnificè ſpretas, chariſſimi ſui D. M. Illeſonſi Curiel petitione propè ipſum tumulato. Obiit 18. Oct. Anno 1599.

Videndus Antonius de Xepes tom. 7. Cent. 7. f. 346. &c.

Inſigni rurſus merito à noſtris devincta RR. Patrum Societatis Ieſu Sanctiſſima Religio, quibus hoc ipſo anno in Urbem Atrebatenſem magno Reip. fructu receptis ſtupenda ſtructura, atque amplitudine Collegium Philippus Caverrellius Abbas noſter Vedaſtinus exædificavit. *Vid. rer. Belg. ſcript. &c. & Ferr. locr.*

Quo ipſo anno alia fundatio Ioannis Lentallier Abbatis Aquicinctenſis pro ejusdem Societatis Ieſu PP. ſtabilita. *Vid. Cl. Rob.*

A. C. 1600.

S. P. N. II20.

Inſignis fructu in Hiſpania noſtri laborant, florente inprimis Valliſoletana Congregatione, ex qua innumeri doctrina, & ſanctitate viri illuſtrimi prodire, quorum plurimi ſumma ordinis noſtri gloria & Regnorum Hiſpaniæ bono in celeberrimis Academiis Complutenſi, Salmaticenſi, &c. Theologiam Philoſophiamque publicè profitentur. Sed in Regulari quam maximè Cænobio, & præſtantiffima Benedictinorum univerſitate S. MARIÆ de Yrache, ingens noſtrorum gloria, hoc tempore præſidentibus RR. MM. FF. Benedicto de Gacaza, & Manuele Angles, ejusdem Cænobij Abbatibus & (qui perpetuus honos Abbati eſt) Vniverſitatis Rectoribus, *de quibus conſulendus Antonius de Xepes to. 3. cent. 4.*

Eodem anno inter præcipuos Religionis, doctrinæ, & generis præſtantia ex ordine noſtro viros, in iisdem Hiſpaniæ Regnis, Orbe univerſo, & ipſius Clementis VIII. Summi Pontificis ore & publico decreto celebratur F. Ioannes de Caſtro filius Ferdinandi de Caſtro Comitæ de Lemes Monach9 S. Vincentij Salmaticenſis ob exi-

ob eximiam virtutem ad diversos in Congregatione Vallisolerana honores promotus: & hoc denique anno per Clementem VIII. Archiepiscopus Tarrentinus creatus, de cujus laudibus fusè cit. *Yepes tom. 7. cent. 7.*

A.C. 1601.

S.P.N. 1121.

NE ulli sæculo sanguinis gloriosissimi Martyrum nostrorum pretiosissima purpura deesset; primus felici exordio hoc sæculum beavit, suumque cruorem ad ornandam Sanctissimæ Matris Ecclesiæ vestem impendit F. Marcus Barckwortus, alias Lambertus: qui post diuturnam carcerem, ex quo cum facile evadere potuisset, & aliis evadentibus, eumque ad hoc impellentibus sese conjungere; maluit tamen constanter ultimam mortis sententiam pro Christi gloria prestolari; post novem itaque examina, quæ ad judicium tribunalia subiit, tandem 27. Februarij dicto anno Londini Martyrio affectus, coronam Monasticam sibi eo ipso die, quo occisus est tonderi curavit; habitum Religionis (quem nimirum publicè portare in Anglia prohibentur) reinduens, in eaque fide mori, & pro ea, protestatus est, quam ordinis sui Monachi, primi omnium Anglis prædicassent. *Ex Reynero.*

A.C. 1602.

S.P.N. 1122.

PROdigium sui evi claret F. Raphaël noster Sarmientus, Hortensis Congreg. Cistert. Monachus, ea dicendi gratia & copia locuples, ut si eum cæteris conferre velles (ait Henriquez) parem vix aliquem invenire, majorem neminem posses. Celebrantur & alij ejusdem Cænobii Religiosi, qui utriusque Regni Castellæ & Gallitiæ scholas sua doctrina illustrarunt, & magno discipulorum concursu Theologiam & Philosophiam docuerunt, alij, verbi Dei disertissimi concionatores, Regiam urbem cæterasque illius provinciarum civitates stupore, & admiratione repleverunt. *Vid. cit.*

Caverelij nostri Vedastini Abbatis, multa gloria, neque ab administrata solum prudenter utiliterque functione officii, & in studiosos, novosque ordines liberalitatis fama; sed ex litteris, & commendatis scripto lucubrationibus partum decus; cujus floridum stylum inprimis commendat Locrius, & se non pauca pro Chronico suo fatetur mutasse.

A.C. 1603.

S.P.N. 1123.

Congregatio nostra Suevica, maximo non Cænobiorum solum, sed & vicinorum omnium bono, & longè positorum ex pulcherrimi exempli intuitu, commodo, velut aquilæ juvenus renovata, hortante inprimis Clemente ipso Pontifice maximo, & successum strenuè promovente, Ioanne Comite de Turre Nuncio Apostolico languescens temporum decursu (quod in rebus omnibus fieri videmus) primum Monachicæ Religionis fervorem reaccendit. Vnde multa statim auctoritas Monachis, & incredibili flore novum quasiver in Religionis paradiso sese ostendens, maximos Principes & Germaniæ procures admiratione percelluit; ut qui novam rerum faciem intuerentur, vix lachrymis abstinere, omnes in Dei laudes erumperent, ejusque dexteræ hanc mutationem adscriberent. Inde concursus ad Cænobia pænitentium sine numero quotidianus, & dignissima imitatione, pro conditionis cujusque qualitate, & facultate, exemplo se Monachorum, conformantium; ut in uno horum Cænobiorum (ut sileam cætera pari, aut majori numero Medicos animarum exponantium, sive in majore populi frequentia constituta) brevissimo annorum decursu ducenta quinquaginta septem hominum millia maculas conscientiarum suarum nostrorum sinu ablueret, quod eo mirandum magis, Cænobio eodem, neque in Civitate aliqua sito, neque curam animarum profitente.

A.C. 1604.

S.P.N. 1124.

Nec minor gloria sub hoc ipsum tempus Congregationis Montis Sion in Hispania, cujus Monachi, quantumvis strictam profitentur clausuram, proximam tamen utilitati consulere non desistunt. Habent hac de causa in Regnis Castellæ, & Gallitiæ Philosophiæ & Theologiæ scholas & collegia, ex quibus nostra memoria atque etiamnum eminentissimi prodire ac prodeunt viri, qui postea publicè professi sunt, & profitentur, non solum in ordinis Collegiis, sed & universitatibus. Quorum multi & per omnem Hispaniam celeberrimi extiterunt: interque eos excelluerunt: F. Cyprianus Ruys, F. Ignatius de Ibero, & F. Petrus de Lorca, primarius professor Complutensis, alique qui Sanct. Theologiam docuerunt in Seminario Complutensi; Salamanticensem universitatem illustrant Reverendissimus Pater Frat. Ludovicus

Bernardi, F. Angelus Manriquez. Nec minore celebritate clarent, F. Bartholomæus Gomez, F. Dominicus de Aldave, F. Lupus de Cabanas, F. Alphonfus Perez, F. Chrysostomus Caverus, aliq; plurimi, inter decora sæculi nostri summo applausu referendi. *Vid. Henriq. &c.*

In Anglia nostrorum se pietas ubique insinuat, & veste mutata conversioni, seu reductioni errantium omni vigilantia & cura intendunt, Congregatio Anglicana paulatim viribus ac viris crescit; & vacillantium plurimorum, ea nostrorum charitate, inconstantia roboratur. *Vid. rer. Angl. script. Reyner. aliq; de fructu Congreg.*

A.C. 1605.

S.P.N. 1125.

Rursum alia Reformatio ordinis & Congregat. Cistert. in Gotlandia, (ut toti obstupescamus super tam admiranda, sive nostrorum vigilantia, sive potius singulari Numinis in ordinem nostrum benevolentia, singulis sæculis, non unum, non duos solum, sed plurimos zelantes pro Domini Domo excitantis, qui diversissimis Regnis ac provinciis primum Benedictinum spiritum foveant, resuscitentque) reformante Pontificis Maximi iussu, magno illo & spectatissimo, meritis sanctitatis, & doctrinæ viro Ven. Laurentio de Zamara, in quo hoc ipso tempore, tanta vitæ integritas, & candor effulset, ut nō modo totius devotæ plebis præconio sancti, ac verè pij nomen acceperit, sed & virorum Principum, tum Barchinæ & Cæsar Augustæ, quam Madriti, Regia Civitate, ita amorem atque animos perstrinxerit, ut eum non aliquem è mortalium cætu, sed tanquam Numen ab alto lapsum suspicerent, ac venerarent. Obligavit æternitatem ipsam, præter alia merita, immensi laboris ac doctrinæ opere Laurentius noster, quod Monarchiam Mysticam nuncupavit, omni divinarum, humanarumque scientiarum ornamento exculturn, atque in diversos libros distinctum.

De perfectionibus & attributis Divinis, & ineffabili mysterio SS. Trinitatis, lib. 3.

De cognitione propria, de casu, hominis, miseriis naturæ humanæ, & effectibus peccati, lib. 4.

De prærogativis & laudibus Virginis Mariæ, lib. 10.

De viribus illustribus Ecclesiæ, tom. 3. lib. 8.

De armis offensivis, & defensivis Ecclesiæ, lib. 2.

De fuga Beatissimæ Virginis in Ægyptum, lib. 1.

Sermonum in quadragesima, to. 1.

In cantica canticorum dum scriberet, morte præventus ad immortalitatem felicem evocatus abiit atque obiit. *Vid. Villeg. Marian. Mor. &c.*

A.C. 1606.

S.P.N. 1126.

Plurimum ex ordine Sanctorum Martyrum gloriosissimo sanguine tinguntur Anglia, Gallia, Belgium, & maxime Hibernia, in qua hoc anno constantissime pro fide, & Ecclesia occumbunt, F. Bernardus Trejur, & Eugenius Ogallahure Abbas S. Mariæ de Samaria, quibus ab Hæreticis capita præcisa sunt, similique gloria refulset B. Wilhelmus Walchæus, quamvis in carcere, post tredecim annorum captivitatem mortuus, *de quibus rer. Angl. script. legendi.*

Clarent eodem anno, viri sanctitatis opinione, & vitæ exemplo præstantissimi venerabiles FF. Bernardus de Escobar Abbas Montis Sion, & Iustus Matienç, de quorum meritis legendus *Henriquez. aliique.*

A.C. 1607.

S.P.N. 1127.

Inter ordinis sydera cum primis exsplendescunt, vitæ integritate, doctrina, & meritis gravissimis summo opere commendandi F. Prudentius de Sandoual, Monachus S. Mariæ de Najara, & Abbas S. Isidori, Chronographus Regius, à Philippo III. ob virtutum præstantiam sed & nobilitatis eminentiam promotus primum in Tudensem, dein Pampilonensem Episcopum, cujus ingenij dignissima extant monimenta. Nec minore laude excellunt Fr. Martinus Ximenez Monachus Vallisoletanus, Fr. Franciscus de Canseco Abbas S. Isidori post Prudentium, F. Franciscus de Vega, aliique in Hispaniis plurimi: *de quibus Yepes. &c.*

Sub hunc eundem annum Victorinus quondam Abbas Casinensis, dein Stabienensis, mox Arianensis Episcopus Clementi Summo Pontifici probatissimus & acceptissimus, à Paulo V. nihilo minoris indicii ac sapientiæ Pontifice inter assistentes Episcopos honorifice coopatur, vir amplissimis honoribus longè dignissimus. *Vid. M. Ant. Scipio. &c.*

A.C. 1608.

S.P.N. 1128.

Item alius ex ordine nostro, genere virtutis, & doctrina nobilissimus, purpura sanguis-

sanguinis prop. ij. decorem addit Domui Domini, & felicissimo rore impinguat agrum fertilissimum olim, nunc vero denovo excolendum, Regni Anglici, F. Georgius Gervasius, primum Duaceni Seminarii presbyter, dein à P. Augustino præposito Generali ordinis nostri pro Anglia ad habitum susceptus. *De ejus Martyrio nos tomo I. vita SS. Ben.*

De aliis nostrorum in Anglia laboribus & periculis, sed & suppliciis olim plura, nunc ad finem maturamus, quando materia proxima sub oculis etiamnum versatur, & verecundiæ viventium merito parcimus. Ipso anno inter sanctos tolemniter relata B. Francisca Romana, cujus congregatio ab ipsa non ita pridem instituta egregie floret. *Ex vita, & subjecto actu Canoniz. &c.*

A.C. 1609.

S.P.N. 1129.

Felicissimo successu proficit laudatissima & meritissima congregatio Anglicana pro convertendis Anglis, Scotis & Hibernis instituta, in quam plurimi pro suo zelo, ad Apostolicam planè functionem assumpti, constantiam suam, ac magnanimitatem Ecclesiæ insigniter hodieque approbant, & plurimi sanguine jam suo testati sunt. *De quibus legendus Reynerus in Appendice & alibi, &c.* Sed ut zelum hunc animarum in nostris perpetuo laudatissimum, perpetuo conservatum, & hoc postremo sæculo rursus reaccensum Lector videat, votum professionis Monachorum nostrorum huic sanctissimæ congregationi nomen dantium, adscribendum duximus.

Ego N. Anglus Monachus professus promitto, spondeo, & voveo coram Deo, Beatissima semper Deipara Virgine, & Beato nostro BENEDICTO &c. me semper paratum fore in Angliam Fidei Catholicæ propagationis causa redire, atque ibi permanere, indeque reverti ad locum mihi destinatum, quando & quoties mihi præceptum fuerit à Reverendissimo Patre Præsidente Missionis, & Congregationis Anglicanæ.

Invidere hanc gloriam nostris nonnulli, missitatumque passim eam professionem Monachis minimè competere, quibus conveniret, contemplationi solum, non prædicationis, & docendi laboribus se dare: Vnde permoti Congregationis Hispanicæ primates, causam alioqui li-

quidam, & non semel definitam gravissimo celeberrimi Salmanticensis senatus, facultatis Theologicæ judicio, & censuræ permittendam censuere. Respexere iudices ad Bonifacii Papæ IV. suo tempore prolatum Decretum (quo ante millenimum annos ejusmodi querelas oppressas, & elusas pridem memoravimus) & ulu perpetuo ac consuetudine fundatum institutum agnovere; post producta Bonifacii verba, sic pergentes. Nos convicti tam aperta Pontificis decisione, non potuimus ei non subscribere, debita reverentia & observantia, atque ita censemus, Monachos BENEDICTINOS, quantum est ex professione, qua juxta Regulam suam devinciuntur, aut ex instituto seorsim vivendi à reliquis hominibus, ut liberius possint vacare contemplationi rerum Divinarum, non impediri, quo minus possint à suis superioribus mitti in Angliam, & alias provincias, ut dent operam reductioni Hæreticorum ad fidem Catholicam, à quo defecerunt: & conversioni quorumcunque infidelium ad eam. Addimus præterea perpetuo usu, & consuetudine fuisse in ordine Divi BENEDICTI hoc receptum, summa & evidente Catholicæ Ecclesiæ utilitate, ut confirmat testimonium, cujus meminit Gratianus 16. q. 1. & præter id sunt plenæ exemplorum Ecclesiasticæ Historiæ, plena ferè omnium Catholicorum scripta, quæ hoc nomine hunc ordinem miris laudibus extollunt. Vnde communis penè omnium Christianorum animis inhæsit opinio, innumeros ex hoc ordine Doctores, Concionatores, Martyres, & Pontifices prodiisse, adeo ut nemo sit, cui hæc ignota esse possint. Ita tenet Schola Theologorum Salmanticensium.

F. Bartholomæus Sanchius Decan. Ioannes Alphonsus Curiel. Canonicus Salmanticensis.

F. Augustinus Antolinez.

Magister Andreas de Leon. Canonicus Pænitentarius.

Magister Petrus Arrago.

F. Ludovicus Bernardus.

F. Petrus Ledesma.

Magister Sagredo de Porres, Canonicus Salmanticensis.

F. Petrus Corneio.

F. Franciscus Corneio.

F. Andreas de Espinola.

F. Basilus Pontius Legionensis.

F. Dionysius Iubero.

Magister Geland. Profess. Hæbr.

N 3

F. Petrus

F. Petrus de Herrera.

F. Bernardus Bivanco.

Et ego Antonius Ruano de Medrano publicus Apostolica autoritate Notarius, & Salmanticensis Academiae Secretarius, facio fidem, fuisse hanc resolutionem Collegij Theologici ejusdem Academiae, & Magistrorum ejus, quos novi, facta prius in suo clauistro praedictae difficultatis, publica conferentia, cui interfui, & de mandato ejusdem Collegii hoc publicum Instrumentum exhibui. *Die 27. Mensis Julii 1609. Rogatus.*

Antonius Ruano de Medrano.

A.C. 1610.

S.P.N. 1130.

Rerum sanguine Benedictino sacrandum fuit hoc anno, nostrorum laboribus, longo saeculorum decursu, exulta Anglia. Fuit is, qui Anglorum salutem sanguine, & vita potiore habuit P. Ioannes Robertus de Mervinia, unus ex primis Monachis, qui post Religionis in Anglia suppressionem, ad ejusdem reductionem operandam fuit destinatus, vir magnae constantiae, zeli praecipui, charitatis; qui saeviente Londini peste gravissima, morientibus intrepidè assistere, & Sacramenta ministrare, fidemque annunciare pro Christo, perseverantissima devotione sustinuit: postquam saepe saepius è carceribus in exilium missus fuisset: tandem ob fidei Catholicae constantiam Londini 10. Decemb. sanguine suo Christo Domino litavit, morte felicissima & gloriosa, infinito populo spectante, caelum meruit. Ex Reynero. Ejus agonem fusius describit Antonius noster de Yepes, to. 4. in Chronol. Gener. aitque inter omnes Religiosos, qui in Insula illa laborarunt penè principem reputari posse, quod ad laborem & fructum praedicationis attinet. Fuit autem quinquies captus, & iterum Dei providentia ad multorum salutem liberatus: Sexta vero vice comprehensus ipsa Dominica I. Adventus, cum in Catholici cujusdam domo sacrum Missae officium fecisset. Octava die Decembris in festo Conceptionis B. M. Virginis in iudicium productus mira constantia coram Iudicibus rationem reddidit fidei. Decimo Decemb. ad locum supplicij deductus coram toto populo sacerdotem se, ac Monachum Ordinis S. P. N. BENEDICTI professus suspensus est, ac postea exsectis intestinis, in quatuor partes dissectus, cum aliis quatuor Catholicis, interque 16. latrones, quorum unum in ipso supplicij loco per

breve colloquium dicitur convertisse. *Sed vid. Yepes cit.*

Moritur eodem anno Iacobus Delrio Abbas de Bodelo Cong. Cistert. vir nunquam satis laudandus, cujus merita Epitaphium loquitur mortuo positum:

Abbatum exemplum, specimen
venerabile morum,

Spes inopum, Fidei splendor,
honoris honor.

Et patriae communis amor, verè aurea prisci

Vena boni, & Rivus perpetuae
uber opis.

Quae Delrio tibi simul omnia confluxere,

Omnia nunc tecum tot perire bona.

Aut potius caelum tecum subire petente

Omnia, ut Oceanum flumina
prona petunt.

Videatur Chrysof. Henric. l. 1. d. 15.

A.C. 1611.

S.P.N. 1131.

Anglicana Missio & Congregatio nostrorum, aeterno de Angliae Regno merito, & studio Monachorum aeternis saeculis commendando plurimum proficit, & legibus optimis providetur atque instituitur, atque anno sequente à Paulo V. Pontif. Maxim. confirmatur. Celebrantur ex Hispaniae atque Italiae Congregationis Monachis viri Religiosissimi, & doctissimi, qui Spiritu Dei pulsi certatim eidem Sanctissimae Missioni nomen dantes, se veras Christi victimas, pro gloria Numinis, & salute populi, & Regni Anglicani ultro & sponte in sacrificium obtulerunt. Inter quos extitere RR. PP. FF. Anselmus de Mancestria Cassinensis, Augustinus de S. Joanne Hispan. Robertus Sadlerus, Thomas Praestonus. Hillus Hispan. &c. Legendus, fuisse omnia persequens Reynerus in App. parte 1.

A.C. 1612.

S.P.N. 1132.

Moritur insigne ordinis nostri decus Reverendissimus P. F. Victorinus quondam Cassinensis Abbas meritissimus, exin Stabienensis, tum Arianensis Episcopus, denique inter Assessores Episcopus. Summi Pontificis adoptatus Clementi VIII. & Paulo V. charissimus: cujus superesse ait M. Antonius Scipio noster, quae

quæ scripsit, litteratorum judicio & confessione, plena doctrinæ, plena eruditionis, & ingenij volumina. *Vid.*

Iterum gloriosum hunc efficit añum, & Romanam Ecclesiam quidam è nostris novæ congregationis Monachis, sanguine suo condecorat, R. P. F. Guilelmus Scottus, nobilitatem generis, meritis gravissimis, & dignissima fidei constantia æternū commendans, post crebros carceres, & exilia, ad munus suum Apostolicum imperterrito semper animo reversus, Londini denique hoc anno, Nonis Junii, martyrio coronatus est. *Hist. Mart. Angl.*

A. C. 1613.

S. P. N. 1133.

Illustrissimum Hybernix, imo Ecclesiæ universæ tydus ex ordine, & congregatione reformata Cistert. in Hispania illucelcit, vir revera Apostolicus R. P. F. Candidus à S. Bernardo Monachus Nucalensis, à prima juventute gratia Dei singulariter præventus, ac in omni deinceps vita miraculis à Deo honoratus. Is ad conversionem Patriæ in Hiberniam destinatus, illico ab Hæreticis interceptus, mira Dei bonitate, post liberrimam Fidei professionem ad Hiberniæ bonum maximū dimissus est. Miranda prorsus sunt, quæ compendium istud non permittit, quæ de ipso in vita narrantur. Clartuit admirandis prodigiis, & omnis generis morbos & infirmitates, applicatione plantarum quarumcunque, Medicum pie simulans, nequid ejus sanctitati tribueretur, curabat. Ita de ipso in litteris ad superiores in Hispania scribit Reverend. Pat. Thomas Madan: *Hoc affirmo, homines graves suspicari, illum herbarum & plantarum scientiam, & cognitionem habere, ideoque cuique morbo insolita quædam adhibebat, qua nunquam à Medicis audita fuere, nec ipse ejusmodi studebat, nisi in oratione. Hoc enim ipse notavi toto tempore, quo ei comes fui, quod nunquam nisi dicta Missa, alicui alicujus rei auctor esse, vel suadere vellet, post sacrum vero facile omnibus consilia dabat, vel etiam mille hominibus, una die, &c. Sed ipsum sanctum in Epistola ad Nucalenses suos Abbatem & fratres scripta audiamus. Nova quæ jam habeo hæc sunt. De concionatore me medicum fecerunt, visitoque pauperes infirmos condolens eis, qui magis brutorum quam hominum vitam vivunt. Suadeo victum mutare, nec aliam medicinam do; hoc modo plurimi convalescunt. Quod plebs considerans credidit me medicum esse, & claudis, debiles, cæci, & aliis infirmitatibus correpti ad me remedii*

ergo confluunt. Sique illis respondeo, me non esse Medicum, nequid remedii scire, non mihi credebant, & scandalizabantur, ut ergo scandalum vitarem, sanabam quot poteram, & applicabam quotidiano quæ nobis sunt in usu, & cinerem, salem, avenam, frigidam aquam, pomam, & alia hujusmodi. Et contigit multos & insuetos morbos brevi tempore sanari, ut lepram, Hydropisim, cacitatem, & alia, non solum in pauperibus, sed etiam in nobilioribus Regni. Unde contigit plurimos ad me confluere, & omni populi congregatione, de nulla ferere agi, quam de nostra medicina. Hæc ipse Sanctus unde merito in ejus vita, quam versui complexus est P. Stephanus Sortal, ista leges.

Nam claudis, ægro, inopi, cæco, morientibus, orbo est,
Pes, vigor, auxilium lumina, vita,
Pater.

Ita Henriq. l. 2. distinct. 33. & litteræ ejusdem S. Viri hoc ipso anno datæ. &c.

A. C. 1614.

S. P. N. 1134.

In signem hunc annum facit, gloriosissimo triumpho B. Thomas noster Helmius, sive Dunstallus; adhuc novitius, sed jam pridem laureæ maturus, cujus felicissimum agonem fusius descriptum in nostris SS. ex ord. Tomis alibi proponemus; vir admiranda constantia planè Heroicus, qui priusquam moreretur, petiit ab iudicibus, ut quia in porta Nordoviensis esset porta Divi BENEDICTI nomine sacra, caput demortui (quia supplicis affectu membra solent persequutores Angli prælongis sudibus, vel contis affixa in portis civitatum terroris incutiendi causa suspendere) in illa Divi BENEDICTI, porta ponerent, cujus Divi Religionem, & Regulam ipse profiteretur, quod & illi concessum est. *Vid. Reyner. & citat. V. MSS. &c.*

Inæstimabili merito laborat in Conversione Hæreticorum Hiberniæ F. Nicolaus Fagan, Monasterij Fetrariensis in Castella Monachus, electus Episcopus Waterfordiensis, ab Hæreticis pessimè mulctatus, & miraculis illustrissimus. *Vid. Henriq. cit.*

A. C. 1615.

S. P. N. 1135.

Sine numero, & penè sine fundo, ut & inæstimabilia S. P. F. Candidi merita, qui ob gratiam curationum inauditam ab ipsis etiam Hæreticis honoratur, ab Rege

Angliæ ad curandam consanguineâ evocatur, eamque mirabiliter sanat; aliis sola manuum impositione medetur, pari modo viris nobilissimis succurrit, infusa scientia illustratur, futura prædicit. Totus est prodigiosus. Audiamus denuo ipsum in litteris aliis ad suum Nucalensis Canonij Abbatem: Dedit mihi Dominus exiguo, virtutem, faciendi signa in populo Barbaro, qualia nec Epistolis leguntur facta, ita ut in nomine Domini nostri Iesu Christi resuscitare à mortuis valeam, corpora in pulveres ab annis multis resoluta. Nullus tamen credat me ob ista, sive ob his similia paritaciendum Apostolis (ô dignam Monacho confessionem) aut aliquibus perfectis viris, cum exiguus sim, & peccator, & contemptibilis. *Ex Henriq. &c.*

A.C. 1616.

S.P.N. 1136.

Iterum in augenda missione anglicana, & congregatione nova propaganda insigniter laboratum. Notanda solum subscribentium nomenclatura, unde colligas, quanti viri se pro salute Angliæ in hostiam obtulerint, si ij solum venerint numerandi, qui pro tot aliis soli subscripsere. Sunt vero, qui tum aderant: F. Leander de S. Martino, Vicarius Missionis Hispanicæ S. Theologiæ Doctor; & in Academia Duacena linguæ sacræ professor Regius. F. Rudesindus Barlo Presbyter, Prior S. Gregorij dicti R. P. Vicarij assistens S. Theologiæ Doctor & Professor in Collegio S. Gregorij Duaceno. F. Ioannes Barneſius Doctor in artibus pro tempore missionis nostræ assistens, superior Benedictinorum Congregationis Hispan. in Hispan. in Collegio Marchianensi degentium, & in eodem primarius Professor publicus. F. Thomas Grynæus presbyt. Collegij Gregoriani Regens, S. Theologiæ Licentiatus, & Professor ejusdem in dicto Collegio. F. Thomas Torquatus presb. & Professor primarius in Collegio Marchianensi. F. Guilhelmus de S. Martino presb. & Collegij S. Gregorij Oeconomus. F. Anselmus Cronderus presb. & subregens in Collegio Marchianensi. F. Franciscus de Onuo presbyter. Concionator. F. Gregorius Hungarus presbyt. Theol. F. Bonifacius Wilfred presb. Theol. F. Thomas Moringthonus presbyt. Theolog. F. Robertus de S. MARIA, presb. Theol. F. Cælestinus Trembius presbyt. Theol. F. Ildephonſus de S.

Gregorio presb. Theolog. & professor publicus Philosophiæ in Collegio Marchianensi. F. Antonius de S. Guilhelmo Philosophus. F. Iacobus de Sanct. Greg. Theolog. F. Deodatus de S. MARIA Theol. F. Maurus de Sanct. Ioan. Theol. F. Dunstanus de Sanct. Ioann. Theolog. F. Ambrosius de Sanct. Eduardo Theologus, &c.

Moritur eodem anno meritisſimus Conversione infinitorum B. Candidus mortis suæ præsciis, à morte miraculis illustrisſimus, & post mortem etiam Conversione Hæreticorum Ecclesiæ operam navans. *Vid. Henriq. &c.*

A.C. 1617.

S.P.N. 1137.

Multis pro fide Catholica conservanda, & infidelibus convertendis exanthlatis laboribus, magno cum populi Catholici luctu, & mœrore diem extremum obit, absolutisſimus perfectione & doctrina vir, Vener. F. Nicolaus Fagan, electus Episcopus Waterfordienſis, de cujus vitæ mirandis, & dignisſimis de Ecclesiâ meritis, leg. *Chryſostom. Henriq. l. i. dist. 34.*

De continuata tot sæculis nostrorum in adducendis Deo Hibernis industria, ac labore, & hoc ipso tempore eorundem constantia ac fortitudine consulendus auct. cit. in Epistol. hoc anno ad ipsum data à quodam Hiberno Catholico, l. 2. *dist. 37.*

Moritur eodem anno B. Guilhelmus Walchæus Congregat. Cistert. Monachus Episcopus Midenſis in Hibernia & Martyr, post tredecim annos carceris, & multos cruciatus, dolore vulnerum in exilio extinctus. *Vid. citat.*

A.C. 1618.

S.P.N. 1138.

Salisburgensis Gymnasilij initia, paulo post in universitatis celeberrimæ splendorem adolescentia, Marco Sittico Archiepiscopo, & singulari ordinis nostri fautore, sese orbimagno Archipræſulis & Ecclesiæ ejusdem ornamento aperiunt. Sittico æterna nominis sui gloria, primû honori ordini, ordinem Diœcesi, restituente; adeoque impensa ante nongentos ferè annos à BENEDICTINIS Monachis suæ Ecclesiæ beneficia, quanto magis sero, tanto digniore munere, refundente. *Ex lit. S. Cæs. Majest.*

A.C.

A.C. 1619.

S.P.N. 1139.

ADmiranda virtutis fama excellit, & prædicatur Ioannes Malderus ex Abbate B. MARIE de loco S. Bernardi Cist. Cong. Antuerpiensium Episcopus. De quo Henriquez in Abbatibus Cænobij ejusdem. Nihil antiquius duxit, quàm Monasticam disciplinam restaurare, veteresque ordinis præses ac consuetudines restituere &c. Vt enim piissimus est prælatus, nihil illi magis in votis, quam exemplis & scriptis, aurea primi Christianissimi tempora reducere, ut jure optimo primis ordinis Patribus æquiparari debeat, &c. De laudibus ejusdem Reverendissimi Episcopi, nec ingenti quidem volumine latis, quantumvis præcisè res egregiè gestas concinnare, & cogere conaremur. Sed alibi aliquando fufius tractabimus. *Henriq. &c.*

A.C. 1620.

S.P.N. 1140.

ÆTernum sibi in Benedictinorum omnium pectoribus, amplissimo de antiquissimo ordine nostro, merito, fruit monumentum R. & Ill. S. R. I. Princeps Parisius Comes Lodronius Archiepiscopus Salisburgensis, Apostol. S. Sed. Legatus natus, dum Gymnasium à Marco Sittico antecessore erectum summa sua atq; ordinis nostri commendatione universalis studij Titulo atque facultate insigniendum à suprema S. Cæs. Majest. auctoritate contendit impetratque. Donata hæc universitas Privilegiis, Prærogativis, immunitatibus, exemptionibus, &c. ab eadem S. Cæs. Majest. iisdem omnino omnibus, quibus aliæ omnes Italiæ, Galliæ, Germaniæ, &c. fruuntur, pariformiter, & æque principaliter, absque ulla differentia &c. atq; pro Patribus Benedictinis ab eadem S. Cæs. Majestate in perpetuum confirmata. Ex litt. & privilegiis hoc anno datis. Eandem foundationem, ac donationem ratam habuit, atque pro suo in optimos filios S. R. E. Benedictinos PP. amore & propensione, amplissimis gratiis, mirificè auxit, extulitque Sanctissimus D. N. Urbanus Papa VIII. cujus ut & S. Cæsar. Majest. tabulas, brevitatis studio inserendas non esse censuimus; sed à Patribus potius ejusdem celeberrimæ universitatis, pro dignitate commendandas arbitramur.

Insigni ordinis & Congregationis Sanctissimæ Cisterciensis gloria creatus Archiepiscopus Dominicapolitanus, & To-

tius Novi Orbis Primas instituitur Reverendissimus & Illustrissimus Dominus F. Petrus de Oviedo Hortensis Monachus, postquam annis pluribus Philosophiam, ac Theologiam summa admiratione Compluti professus esset, & virtutis doctrinæque insolentibus planè radiis longè lateq; effulgefcens, Regi Catholico, & inprimis Pontifici Maximo, Hispaniæ, immo Europæ universæ, perinsigniter se commendasset. *Vid. Henriq. l. i. d. 7.*

A. C. 1621.

S.P.N. 1141.

INcredibile, quanto numero virorum Religiosissimorum & Doctissimorum efflorescat Congregatio nostrorum Monachorum in Hispania, ex quibus sub hæc tempora eminent inprimis RR. PP. FF. Prudentinus Sandovallius Prior perpetuus Monasterij Sancti Ioannis Regalis de Naranco, & Chronographus Regius, multis aliis honoribus ob virtutem à Rege Catholico exornatus, tandem Pompeionensi Cathedra sublimatus, vir relictis ingenii monumentis toto orbe notissimus; dein Sebastianus de Villoslada, ob doctrinæ, & raram hæc ævo eximiæ sanctitatis famam, in Hispania celebratissimus, variisque muneribus perfunctus, in vita, & post mortem miraculis clarus. Alphonsus item de Corral, Abbas Sancti BENEDICTI Vallisoletanus, pari sanctitatis fama notissimus, & meritis gravissimis, si per institutum scribendi genus liceret, summoperè commendandus; F. Didacus de Marquina Abbas Sanfeliensis, F. Christophorus de Almeida, F. Ioannes de Gentierrez, F. Didacus de Vannegas, F. Gaspar Vuca, F. Franciscus de Cordona, omnes litteris, sive genere, atque meritis gravissimis illustrissimi. *De quibus cons. rerum Hispan. script. & Tepes noster, aliæque.*

A. C. 1622.

S.P.N. 1142.

SVccessu felicissimo, multo fidelium consolatione, at uberrimi spe fructus, immortalis ordinis atq; nostrorum omnium gloria, egregiè propagatur ac crefcit Congregatio Anglicana institutis hoc anno Provincialibus, sive diversarum in Anglia Provinciarum Superioribus. Cujus commissionis copiam proposuit in appendicis parte prima D. Clemens Reynerus noster eo ipso tempore congregationis ejusdem Secretarius. *Vid. Vnde perpetuo colligas, quam nostris Anglorum Salus curæ*

curæ perpetuo fuerit, quamque perditissimis temporibus, suæ etiam vitæ negligentes essent, modo proximorum salutem prodesse, atque pro Ecclesia laborare possent.

A.C. 1623.

S.P.N. 1143.

INter alia ordinis præclarissima sydera effulget, & suum hoc ipso anno, lumen Empyreæ cælo infert R. P. D. Adrianus Cancellier Abbas Dunensis, insignibus meritis gloriosus; quæ inter non minimū illud, quod mira munificentia; & liberalitate sumptus, & necessaria suppeditavit, ad ædificia & sustentationem plurimum Cænobiorum, & Collegiorum; quorum alij Deum laudant, alij proximorum utilitati, & juventutis instructioni vacant, fructu eorundem merito ad Adrianum etiā nostrum, & sexcentos ejusmodi, hoc ipso tempore, de aliis Religiosorum ordinibus optimè merentes referendo. Quorum hic & deinceps, utpote viventium modestiæ, & verecundo rubori omnino parcendum duximus: adeoque, nullo modo defectu materiæ, sed modestia Religiosa, annos hos in viventium laudibus minimè extendimus. Obiit Adrianus ipsa Refutgenti Sacratissima Die, vir omni virtutis perfectione absolutissimus, juratus Corporis sui hostis, verus pauperum pater. Dum felix illius anima carne solvenda cū morte luctaretur, cælesti lumine locus in quo decumbebat illustratus, illuminatissimo viro illustre sanctitatis testimonium præbuit. *Vid. Henric. &c.*

A.C. 1624.

S.P.N. 1144.

INcredibili merito Ecclesiam Matrem demerentur Congregationis Montis Sion in Hispania Monachi, qui & publicè in diversis universitatibus litteras, & SS. Theologiam, & Philosophiam profitentur, & ad Infidelium Conversionem in diversas Regionem missi innumerabilem mortalium multitudinem, ex interitibus eripientes, gremio Ecclesiæ Romanæ adducunt, de quorum sanctissimæ vitæ instituto, & præter SS. Regulam nostram constitutionibus fusè agit *Henric. l. 2. d. 15.*

Inter celebriores per Hispanias Doctores celebrantur RR. PP. FF. Malachias Datus Monachus Hortensis Congregat. Cist. ob morum gravitatem, & sapientiæ doctrinam Sacensis Episcopus creatus, eidem sedi in omni sanctitate præfuit,

pauperum amator præcipuus, quidquid habebat in egenos liberaliter profundēs, cujus præclara merita Dominus post ipsius obitum patefecit, evidentibus miraculis ad ejus sepulchrum frequenter patratis. Claret & F. Angelus Manrique scriptis doctissimis notissimus, disertissimus verbi Dei prædicator, Philosophus subtilissimus, Theologus consummatus, eaque in facultate Professor Academiae Salmanticensis Ordinarius. Sed & celebris F. Basilius de Molina Doctor Theologus, publicus Theologiæ Professor in universitate Ferrariensi in Italia, vir fecundissimi ingenii, scripsit de Immunitate Ecclesiastica librum 1. Celebrantur etiam Eugenius Martinez, Bernardus Lopez, Bernardus de Ribera, vir facilis ingenii & in enodandis Sacrae scripturæ difficultatibus, quaestionibusque dissolvendis felix, scripsit librum cujus titulus est: Conceptus S. Scripturæ, &c. Et quidem omnes unius Cænobii Hortensis in Hispania Religiosi, unde ingentem multitudinem totius Hispaniæ Cænobiorum sub uno capite, & Congregatione minimè dissimilium, submetiatis. *Vid. Henric. &c.*

A.C. 1625.

S.P.N. 1145.

INnumera multitudo eorum, quos ex ordine hoc ipso tempore, insigni vitæ innocentia, & doctrina atque eruditione mirandos orbi proponere, & æternis sæculis commendare oporteret, consulto præterimus, ab aliis, & Reverendis in primis Societatis Iesu Patribus summo opere commendatos, quorum tanta copia hoc tempore extitit, ut redivivus in terris Admirabilis Pater Noster BENEDICTUS, & revertisse in terras totus è cælo SS. Monachorum exercitus videretur. De quo nostrorum fervore, & antiquo Spiritu resuscitato ita R. P. Conzen Societatis insignis sacerdos Politic. lib. 6. cap. 46. n. 12. *Nunc vero omnes ordines ferventius & constantius, quam à trecentis annis factum sit sese reformant, alii aliorum exemplo excitati. Et eodem libro 6. multo luculentius, cap. 11. Veteres familiæ Religiosorum, pristinam integritatem, rigoremque receperunt, & in dies magis magisque reflorescunt, magna spe meliorum temporum. Cum tam Sancta, fortia, Deo sacratissima pectora, caliginoso mundo demonstrent, contemnere sæculi pompas, & sese pro nobis apud Deum interponant: & novorum turba selecta primitias spiritus præferentes senescenti orbi auxiliari conantur, &c.* Apud Casinum

Casinum etiam nova luce sacra societas illustratur, Simplicio Caffarello Abbate, viro in paucis meritissimo, sub quo Casini antiqua dignitas, & fama reparata, Hospitalitas in primis, quæ ex usu Monachorum nostrorum fere præcipua suspicitur, cum uno unico ille Iubilæi Anno Septuaginta peregrinorum millia hospitio exciperet, & pro dignitate tractaret. Sed de hac nostrorum in peregrinos ac pauperes liberalitate planè immensa, in ordine perpetuata stupenda olim referemus, quæ quantumvis fidem excedere videantur, reapse demonstrabimus. *M. Ant. Scip. &c.*

Eodem anno Ianuenses, supremo in discrimine, quem olim, dum superites in terris ageret, amicum experti erant, tanto post è cælis Protectorem solemniter evocant, Mellissimum Doctorem nostrum; experti quamprimum sese exauditos. *Ex Manriq. referamus;*

Ianuenses, verba Patris Sancti (Bernardi in Epistola quadam ad se data) *in æternum non obliviscar tui, adeo sibi firma esse censuerunt, imo & experti sunt*, ut etiam post quingentos fere annos, Christi nimirum millesimo sexcentesimo vigesimo quinto, cum excellentissimum Principem Carolum Emmanuelem Sabaudia Ducem, quem hostem patiebantur nimis infensum, ditionis suæ oppida vastare, & sibi jam imminere, vix quinto ab urbe lapide conspicerent, omni humano auxilio desperato, fidem sanctissimi Patris interpellaverint, concepto voto, post alia in hunc tenorem.

Posthac, inter Divos Reipubl. nostræ Tutelares, Divum Bernardum; qui dum in humanis agebat, nostri in æternum non obliviscendū, suis litteris spondit, adscribere & connumerare promittimus, & voramus, diem ejus festum celebrare, & à populis nostris, & à Clero, accendente Ill. Archiepiscopi & RR. Episcoporum consensu, celebrari curare. In hac Ecclesia majori, vel in alia arbitrio nostro, Capellam eidē dicatam construere. Eadem die Divi Bernardi quotannis in perpetuum, solemnem processionem fieri, & sacrum solemne ad ejus altare, nobis pie assistentibus celebrari facere. Et demum manu Ducis, dicti sacri inter solemnities singulis annis in perpetuum, & pro hoc anno, duodecim puellis, ut vocant, dotes, scilicet libras centum unicuique earum persolvere. In cujus rei testimonium, has ab infra scripto nostro Secretario publicè lectas recipi, & subscribi, & signo nostro muniri jubemus. Datas in Ecclesia Cathedrali die Dominica 25. Aprilis, anno 1625.

Hæc Ianuensis instanti ruina suæ Rei-

publ. At quam ex voto, id votum ejus successerit, non multo post eventus monstravit. Nam Pater sanctus, dilato solum auxilio, quoadusque ipsius esse comprobaretur, in ipsa solemnitate suæ vigilia, Hispana classe auxiliari propitius affuit, hostiles copias ocys fugaturus. Nec quisquam in populosa urbe fuit, qui non Bernardi cognosceret tutelam, præsentem sanctum, cui beneficium acceptum reddendum foret. *Ita Manriq.*

A.C. 1626.

S.P.N. 1146.

Floret insigni omnium admiratione Congregatio nova Monachorum nostrorum in Belgio atque Lotharingia, eo ab ipsis Hesperia finibus derivata, de qua Balduinus Junius in Chron. Mor. pag. 4. Cæterum, inquit Monachi isti Angli (quorum primi ex Hispanicis Vallisoletana Congregationis Monasteriis in Belgium ac Lotharingiam venerunt) magna cum laude Philosophiam ac Theologiam publice profitentur. Sic & Monachi pariter BENEDICTI in Congregationis Vitoñanæ in Lotharingia, Francia & Burgundia, juventutem docent, catechizant, concionantur, sacras confessiones audiunt, & alia munia ad proximorum salutem spectantia obeunt, &c. Vnde rursus colligas, quam admirabilis Deus in sanctis suis, aliis aliisque locis ex ordine nostro perpetuo resuscitatis, &c.

A.C. 1627.

S.P.N. 1147.

Extinguitur (absque affectu ullo sanctè dixerim, & nemine, qui tantum virum noverit, gloriæ ejus invidente) magnum ordinis nostri, & Germaniæ universæ Prælatorum Decus, Georgius Abbas Weingartensis, à viris prudentissimis pro illuminatissimo habitus, à maximis Germaniæ proceribus, pro sancto honoratus, vulgo speculum Abbatum, Pater pauperum, humilitatis exemplar, Cænobiorum reformator, prisca sinceritas, & longè dignioribus Titulis, à Summis Principibus Pater, Religiosissimus Abbas, à nonnullis sui sæculi Miraculum, neque privatim, sed palam, & in confesso virorum maximorum nemine refragante, tanta Nomenclatura honoratus. Nos in tanta meritum copia, quid proferamus, omnino nihil cupimus, undique capimus, & cum bono Numine, annuentibus, quos à Numine primos veneramus, superioribus, nos aliquando, rara & mira, singulari volumine

lumine deprompturos, promittimus.

Ingentibus prodigiis Casinum illustratur, Consilio ibidem agitato de ornando Sanctissimi Patris, & Patriarchæ nostri sepulchro; ara maxima ipsi Patri Beatissimo sacra sponte loco mota, prodigiosa luce apparente. Organis pulsante nemine auditis, aliisque sanè mirandis, singulari Numinis providentia, sanctitatem loci attestantibus, ut haud immerito iudices, ea omnia restituendum primum ordinis fervorem, & integritatem portendere. *Sed de his leg. Maxim. Ant. Scipio, &c.*

A.C. 1628.

S.P.N. 1148.

Mirum proflus quot quantiq; eximia sanctitate Antistites ex ordine nostro, & Abbates atque Monachi diversissimis per Germaniam locis, ante sexcentos, octingentos, & mille propemodum annos incinerati, insolentissimis prodigiis sese ostendant, quasi reviviscant, qui immortalis beatitudine felices jam cū Christo in cælis triumphant. Inter alios, decretus rursus in terris triumphus, insigni Bavariæ, Carinthiæ, Austriæ, Styriæ gratulatione ad VIII. & VII. Cal. Octobr. Sanctissimis Salisburgis Ecclesiæ, quondam Pontificibus Ruperto, & Virgilio, nostri ordinis absolutissimi Monachis. Cujus solemnissimæ Pompæ descriptio, à Patribus nostris BENEDICTINIS universitatis Salisburgensis Professoribus edita, passim manibus teritur. *Vid. Thom. VVeiss. in Ded. Salisb.*

A.C. 1629.

S.P.N. 1149.

Rursus alij in terris sese ostendunt, & ad confirmandos nostrorum pios ubiq; locorum conatus, mortalibus immortalis sese ingerunt, & admirandis prodigiis Helvetiæ, Sueciæ, vicinisque regionibus illucescunt, eximia ordinis nostri sydera SS. Othmarus & Notkerus, Sangallenses olim Monachi, insigni etiam pompa, post tot sæculorum, ab eo quo decessere, decursu, honorati & translati. Ut ipsi etiam cælitates, reforescentibus primo flore Cænobiis applaudere, & denuo convivere suis velle videantur. Quæ omnia suis singillatim voluminibus essent explicanda. Virorum doctissimorum juxta ac sanctissimorum numerum inire si contendamus, id verendum, ne immensum ne innumerum aggrediamur: tantus ubique est, ut virorum doctissimorum & Religiosissimorum ore, & scriptis Manu propria litteris, prædicatum audierimus, & legeri-

mus, quotquot in Lotharingia, quotquot in Hispania viderint, quotquot in Anglia, in Hibernia audierint è sacra nostra D. BENEDICTI familia Monachos, non homines, sed vere Angelos vidisse, audisse. De Germania nostra præclarissimum, testis exceptione omni majoris Sereniss. Guilielmi Bojavorum Ducis, assertum in litteris ad Sereniss. fratrem Electorem Colonensem: quod candidè vertimus, meismet oculis vidi majorem Monasteriorum partem, & eorum præcipua, tam insigniter reformatam, & in tam bono statu, de quo quisq; cordicitus gaudeat, &c. Veniens ad ejusmodi Monasterium aliquod, videre mihi visus sum, verum antiquum zelum, & pietatem, prout ea instituta erant sine dubio à principio, & prout de iis in veterum monumentis scriptum scimus. *Ita de Reformationis nostræ rudibus initiis tantus Princeps Anno 1597.*

A.C. 1630.

S.P.N. 1150.

Rursus majoribus animis augendæ & propagandæ Reformationi Suevica nostra congregatio intendit, & unus inter turbulentissima Regni negotia; & ingruentes undiq; periculorum fluctus, Abbatum omnium labor est, suos omnes ad prima antiquissimæ sanctitatis exempla provocare & capta cum admiratione omnium intuentium studia & conatus religiosissima constantia prosequi. Restitutis interim per Wirtembergiam Cænobiiis, eo quamprimum operarii ablegati, ingenti statim fructu vineam Domini excoluere, indubiumq; omnibus, ipsis etiā Hæreticis erat, nisi paulo post mutata rerum facie, alij ingruissent fluctus, brevissimo temporis spatio futurum fuisse, ut omnes, aut prope omnes, ad quos se nostrorum prædicatio & labor extenderet, ad gremium Ecclesiæ Matris, nostrorum opera atq; industria, adducerentur. Nec minori fructu in Palatinatu & alibi laboratum, ut pauculos intra menses, animarum aliquot millia sint in Christo reconciliata.

Iterum ingens numerus virorum ex ordine præstantissimorum referendus, quorum tamen viventium Religiosissimæ parcendum modestiæ; Reverendissimum tamen Patrem F. Antonium Perez nostrum, quin nominemus saltem, non possumus, toto jam orbe, omnium ore atque litteris celebratum, quem in tanto omnium applausu, tanto securius superstitem, insigni præconio efferre ausa est, san-

Rursum de Hispanica congregationis viris sanctissimis ac præstantissimis agendum. Sed supersedere cogimur, annis prope singulis supra præmissum excrescentibus: unus Franciscus Levotorus nominandus. Is miraculosè per vocem per aera lapsam ad Montem Serratum vocatus, ibidem egregia excelluit sanctitate, mira compunctione, & pænitentia rigore, omni posteritati exemplum proponendus. Semel ad serum in die comedeat, à fine Matutinorum media nocte, usque mane (ubi totum diem confessionibus excipiendis consumebat) coram crucifixi imagine orabat. Sed cætera apud Antonium de Yepes legantur. Obiit Octogenarius ipsa nocte Nativitatis Christi.

A.C. 1552.

S.P.N. 1082.

Immortali ordinis gloria, postremis hisce temporibus, primam nostrorum dignitatem repræsentat Gerardus Americurius Abbas S. Bertini beneficentia in Remp. laudatissimus hoc ipso anno Primus Audomarensium Episcopus ordinatus: adeo is honor perpetuo, à Numine Ordini nostro reservatus, ut plerique orbis Christiani Episcopatus posterioribus sæculis, ævo nimirum Benedictino conditi, vel à nostris primum initiarentur: certè omnes restituerentur, & ornarentur. *Ferreolus Locrius, &c.*

In Hispania illustrissimum ordinis lumen extinguitur, Venerabilis F. Petrus Alphonsus de Burgos, quondam in sæculo notissimus, Carolo V. Augusto charus, & summa admiratione Monachum Monferrati professus, in quo Cænobio, ac deinde in cellulis montis solitariis, dignissima fama excelluit eximiae sanctitatis. Contemplationi addictissimus utilitati posterorū, non pauca reliquit, spiritu quo ipse plenus erat refertissima, quæ inter Yepes noster recenset.

De immortalitate, lib. i.

De beneficiis Dei, lib. i.

De SS. Sacramento Altaris, lib. i.

De vita Solitaria, lib. i.

De laudibus Cali Regine M. V. lib. i.

De præparatione ad mortem, lib. i.

Videatur Ant. de Yepes, tom. 4. centuria 5. fol. 245. &c.

A.C. 1563.

S.P.N. 1083.

Suam ad omnes auctoritatem, & de sua eruditione, ac integritate opinio-

nem obtinuit, sub hæc tempora per Germaniam celebratissimus Ioachimus Abbas S. R. I. Princeps Einsidlensis, Eum conventu Rapeswileni dignum præ omnibus, & potissimum iudicavit ordo Ecclesiasticus totius Helvetiæ, quem suo nomine ad Concilium Tridentinum mitterent. In quo quidem, jam pridem & multo quidem tempore, peregre regio hæc ad posteritatem omnem merito laboravit Diethelmus S. Galli Abbas, Princeps Helvetiæ auctor, ut ad Concilium idem, Legatos destinarent. *Ex monim. Einsidl. & Sangall. &c.*

In Hispania, Italia viri ex ordine illustrissimi plurimi florent, apud Belgas, præter Blofium Laticensem, insignes Antistites plures, quos inter Rogerius Montmorentius, Vedastinus Abbas hoc anno electus, vir ut genere sic virtutibus illustrissimus. In cæteris id notatum, quod præter virorum nobilium consuetudinē, invitatus procerum conventibus interesset, animo anhelans ad solitudinem quandam, ubi grato otio liceret Deo servire. Ita Ferreolus Locrius in Chron. &c. Mortuus hoc anno B. Iustinianus Bergomensis Congregationis novæ Camaldulensis Monachus, tribus ante mortem mensibus, quam ipse instare prædixerat, Major S. Eremitæ creatus, de cuius admirandis virtutibus acerbissimè dolemus nobis fufius hic agere per compendium non licere. Scripsit, ut erat doctissimus, ad utilitatem posterorum non pauca: quæ incendio deplorando posteris subtrahita sunt, quæ ait Lucas Rubensis, incendii jacturam, qui hōrint, sine lachrymis recordari, aut referre nequeunt; magnum scilicet lucubrationes illas Ecclesiæ Dei lumen allaturas fuisse, & Hæresum modernarum tenebras detecturas affirmantes. *Sed. Vid. Camald. script.*

A.C. 1564.

S.P.N. 1084.

Floret celeberrimus ille Historicus noster, F. Gonsalvus de Illescas Monachus & Abbas S. Fromes Hispanus, auctor Historiæ Pontificiæ & Catholicæ, quæ sæpius jam excusa, æterna Gonsalvi gloria, toto orbe circumfertur & legitur.

Nec minori nomine celebratur F. Hieronymus Lauretus Catalanus, Monferratenfis, vir Religiosissimus & ingeniosissimus, inter scriptores sui sæculi princeps, ob admirabilem

scri-

scribendi methodum, & ordinem referendus; qui de futuris sæculis præcipue meruit lectissimis duobus voluminibus. *Sylvæ Allegoriarum. Vid. Ypes.* Mortuo eodem anno Illustrissimus ille Carolus noster de Croy, ex Abbate Affligemensi Episcopus Tornacensis, de quo superius.

A.C. 1565.

S.P.N. 1085.

INcredibile prorsus quanta constantia Ioannes Feckenamus noster etiam in extremis rerum angustiis, carcere, ac vinculis, fidem catholicam propugnans, perfidiam Hæreticorum confuderit, affligeritque. Admirandus sanè magnanimitate Heros, nihil Reginam, Regnumque universum reveritus, cum audisset iuramentum suprematus Regii fuisse edicto Parlamenti propositum, in ipsis vinculis liber, argumentis gravissimis demonstravit, iuramentum illicitum, adeoque invalidum fuisse. Aliquamdiu in ædibus Horni Pseudo Episcopi detentus, sed inciviler & perfide habitus, in tutum denuo Londinensem reclusus est. Dein in Castro Wisbicensi inclusus, ad finem usque vitæ detentus est, quo toto tempore, ait Pitius, à Catholicis dogmatibus propugnandis, & ab aliis charitatis operibus exercendis, quoad fieri potuit, nunquam cessavit. Vnde colligas, quæ primum solutus præstitisset, qui tanta alacritate victus pro Ecclesiæ libertate laboravit. *Vid. Reiner. Pitius, Stapler.*

A.C. 1566.

S.P.N. 1086.

Morte venerabilis Blosij nostri Lætiensis Abbatis tristissimus annus, cuius æterna & immortalia merita apud piorum animos æternum operantur, fructificant, & fructificabunt, Scripta ejus Divini Spiritus dictata esse, ut Doctissimi & Religiosissimi quivis sentiunt, sic omnes omnino summè venerantur, & religiosissimè conservant. Inter alia, quæ reliquit universi, & Religiosorum consolationi, numerantur Libri quatuor Pŷchagogiæ: Appendix ex Ruperto. Collyrium Hæreticorum, cum Append. lib. 1. Expostulatio Christi. Epit. vitæ Christi Explicatio Passionis Domini. Farrago utilissimarum Institutionum. Facula pro illuminandis Hæretis; Apologia pro Ioanne Taulero. Institutio spiritualis. Exercitia quotidiana. Consolatio pusillanimum. Dicta Patrum. Tabella spiritualis. Canon vitæ spiritualis. Enchiridion parvu-

lorum. Speculum spirituale. Monile spirituale. Corona spiritualis, Salutaris doctrina. Speculum Monachorum. Scriniolus spirituale. Cimeliarchion piarum preclarum, preclaræ piæ. Medullæ psalmodiæ. Ignariolum Divini amoris, &c. De Carolo V. Imperatore, superius, quanti ipse Blosij libellos fecerit, Patris vestigiis insistens filius Philippus II. Hispaniarum Rex potentissimus, morti & ipse vicinus, unica filia, Isabellæ, claræ, Eugeniz Belgarum nunc Principi, familiares hosce libellos, sibi auscultanti, quotidie legendos præcepit. Blosij virtus summos honores in Ecclesia meruisset, nisi ipse constanter eos calcasset, & respuisset. Cameracensem Ducatum & Archiepiscopatum à Carolo V. Imp. oblatum multo maiore laude repudiavit, quam quisquam & unquam administraverit. Obiit 7. idus Ian. sepultus cum hoc digno, si quid dignum esse possit, tanto Antistite, Epitaphio.

Qui tres exactè linguas callebat ab ipsa

Ephæbia, virtutū omnium Narthecium.

Blosius, heu cecidit; busto quo reconditur isto,

Nostri decus, miraculumque sæculi.

Qui legis hæc vitæ functo bona cuncta precare,

Et te para ad summi tribunal Iudicis.

Vid. Ambert. Miræus, Ioann. Burghesius, Ferreol. Locrius & alii Belg. script. &c.

A.C. 1567.

S.P.N. 1087.

QUæ nostrorum perpetua de societate Iesu merita: hoc anno agente & sagente Gerardo nostro Americurio, primo Audomarensium Episcopo: R.R. Patres societatis ejusdem primum Audomaropoli Collegium contequuntur, ædibus in vico Velbruglio, ejusdem Episcopi benevolentia adparatis. Ita Ferreolus Locrius, Claud. Robert. &c. Ut videas, nostris nihil unquam magis cordi fuisse, quàm sua & aliena opera ad bonum commune Reip. & Ecclesiæ ubique, & semper promovendum, perpetuo uti: ac proin Religiosarum familiarum quarumcunque fautores, patronos, & parentes extitisse. Extinguitur eodem anno insigne illud Germaniæ & Sueciæ in primis nostræ decus, Gerwicus Weingartensis Abbas, summis

summis infimisque gratissimus, & gratissimus, Hæreticis etiam ipsis & venerandus simul & venerandus, à quorum Principibus, pro eximia vitæ integritate, gratissima morum concinnitate, & singulari eruditione præcipuè diligebatur; cujus laudes, nec maximis voluminibus satis possunt explicari. Sepultus in suo Weingartenfi Cænobio in Sacello B. M. Virginis, &c.

A.C. 1568.

S.P.N. 1088.

HOc anno plures è nostris Boneffensis, in Namurcensi Comitatu, Cænobii, Congregat. Cistert. Fratribus, Martyrio donantur; quibus, Cænobio ab Hæreticis vastato & incenso, funes in præclaris ceciderunt. Ut nullo unquam tempore non Martyrii laureola Matrem Ecclesiam nostri ornaverint, triumpho cælum impleverint. *Vid. Chrysost. Henriquez. l. 2. d. 40. &c.*

A.C. 1569.

S.P.N. 1089.

INgens fama sanctitatis Ludovici nostri de Strada Hortensis Abbatis, summos Principes, ac Magnates facile eidem copulavit, ut familiaritatem ejus undique exambirent, læpius Ludovicum convenirent, & si per negotia non possent, per litteras de gravissimis ipsum negotiis consulerent, & iis quidem tanti momenti, ut ab ipsius voluntate totius Regni Castellani status pendere videretur. Extare, ait; Henriquez in Hortensis Cænobii Bibliotheca librum integrum Epistolarum, quibus ferè omnibus, vel ad Principes ac nobiles datis modum regendæ familiæ præscribebat, vel ad Respublicas, eisdem, de rebus gravissimis consultus, sententiam suam aperiat. Inter alios Principes, qui ejus familiaritate, & colloquio plurimum afficiebantur, fuit etiam Ioannes ab Austria, celebratissimus ille belli Dux, qui Cænobium Hortense sæpissime adiit ea unica de causa, ut Ludovicum videret, cujus colloquii jucunditate ita afficiebatur, quasi cum Angelo Dei conferret. Nam cum illo de maximi ponderis negotiis agebat, eumque consulebat, nihilque illo inconsulto agebat, magno cum affectu, res suas, & proposita viro Dei commendans. Neque dubium (ait vitæ auctor) esse potest, quin ea de causa tantis victoriis potiretur, & de inimicis tanta trophæa erigeret. Dū enim hic gladium hostiū cruore imbue-

ret, ille ut alter Moyses in cellæ suæ angulo (ecce Monachorum labores, & merita) puras ad cælum levabat manus, Deum rogans ut populo suo faveret, eosque qui nomen suū extinguere conabantur confunderet. Quod invictissimum hunc principem non latuit, ideoque non tam sibi, quam Deo, & hujus Sancti Senis precibus fesus in bella ruebat. *Ex vita.*

A.C. 1570.

S.P.N. 1090.

LAbores suos eternitati merito immortaliter consecrat, & posteritati relinquit Benedictus de S. Germano Monachus Casinensis, & ejusdem postea Congregationis Abbas, Latina, Græca, & Hebraica linguis doctus: Inter alia quæ doctissimè scripsit, referuntur,

In Psalterium Hebraicum Commentaria.

In Epistolas S. Pauli Apostoli commentaria.

In Psalmos expositio.

Tractatus de usuris.

Super libros Perihermenias, Priorū posteriorū, de Anima Aristotel.

In libros prædicamentorum Disputationes.

Proverbia animalium: Opus pulcherrimum.

De imitatione Ciceronis Tractatus. Contra Calumniatores Apologia.

Floruit eodem tempore Philippus Fantoni Congreg. Camald. Monachus, Philosophus & Mathematicus, & ejusdem disciplinæ, in publico Pisanorum studio Professor. Scripsit de modo reducendi annum ad suum legitimum numerum librum I. & alia nonnulla.

Hunc utq; ad annum perduxit Historiam suam Georgius Cabillau Monachus Aldemburgensis, de re Historica meritisissimus. *Sand. in scripto: Flandria. &c.*

Iterum ingenti merito de re litteraria meretur Abbas noster Aquiscinctinus Ioannes Lontailleurus, amplissimo Gymnasio excitato in Academia Duacena. Ut hoc ipso tempore passim nostri litteras non solum propagarent, sed alerent atq; animarent. *Fast. Belg. &c.*

Eodem anno purpura Martyrij vestem Ecclesiæ condecoravit B. Nicolaus Macgerald monachus Congregat. Cistert. in Hibernia: is patibulo Dublinij suspensus, ac semivivus in quatuor partes divisus, egregium spectaculum cælo, & exemplum Ecclesiæ militanti præbuit. *Vid. Henric. &c.*

A.C. 1571.

S.P.N. 1091.

Ex vita Pij V. Ciacon. Cl. Rob. Arnoldo
Vionio, &c.

NVnquam satis pro meritis amplissimis de Repub. Christiana, laudandus Hieronymus Socherius Sanct. Rom. Eccles. Cardinalis ex Monacho Clarævallis dein Abbate Cænobij ejusdem ad tantum honorem pro eximie sanctitatis opinione evectus. Fuit Theologiæ, & virtutis laude charissimus, summis Principibus pro insigni sanctitatis fama præcipuè dilectus. Ejus opera & consilio Henricus II. Franciscus II. & Carolus IX. Gallorum reges usi, solers hominis ingenium, sapientiamq; singularem admirabantur. Abbas electus, ad Concilium Tridentinū profectus, plenas Religionis ardore, & eruditione sententias protulit: unde major illi nominis opinio parva novos honorum titulos cumulavit. Hinc Cisterciensium Congregationis Generalatu sublimatus, ea prudentia Magistratum gessit, eoque pietatis studio cuncta gubernavit, ut minimè spectata quæsit purpura cum exornandum Pius V. censuerit. Sed incredibilis modestiæ vir, nullaque prorsus honorum cupiditate accensus, amplissimam purpuræ dignitatem ut acciperet, Pontificis jussu, & amicorum precibus, vix tandem adductus fuit. Ergo presbyter Cardinalis Tit. Sanct. Matthæi in Merulana factus Romam veniens, in perpetuaque illa continentissimi animi tranquillitate conquiescens, quam singulari magnitudine contempsit gloriam cumulo laudis amplissimo consequutus, hoc anno Romæ obiit X. Calend. Novemb. Hoc Epitaphio honoratus.

Donno Hieronymo Socherio, Arverno, Parisiensi Theologo præstantissimo, qui Henrico II. Franciscus II. & Carolo IX. Gallorum Regibus, Carolo Cardinali Lotharingo; bonisque omnibus eximie charus Clarævallis Abbati, in Tridentina synodo sententias doctrinæ, pietatis, ac prudentiæ plenissimas dixit. Inde Cistercii electus Abbas, ipsiusque ordinis Generalis, à Pio V. Pontif. Maxim. delatam absenti Cardinalatus dignitatem ut acciperet vix adduci potuit: deinde in urbem accitus, singulari opum atq; gloriæ contemptu, & vitæ moderatione omnibus admirationi fuit. Vixit ann. 63. obiit X. Calend. Novemb. 1571. Monachi Cl. Val. ponitur. &c.

A.C. 1572.

S.P.N. 1092.

IN Belgio incredibile prorsus est, quanta nostri pro fide Catholica ab Hæreticis perpessi, plurimis Cænobiis everfis atque incensis, ac Monachis miserè trucidatis, sive potius gloriosissimè coronatis. Celebratur hoc anno inter alios præcipuè constantia Cornelij Poldersmanni Monachi S. Salvatoris Antuerpiæ, Congreg. Cistert. qui Zirizeam Holandiæ, ad ejus oppidi Cænobiū regendum missus, multa ibidem strenuè præstitit, tandem vero Monachis omnibus vel occisis jam, vel inde profligatis. Cornelius mirabili constantia perseveravit in suo Monasterio potius mori eligens, quam vel Religionem mutare, vel locum deferere. Ac proin ab Hæreticis in furorem versis, atque vesano impetu in ipsum irruentibus immaniter trucidatus est, in festo S. Valentini Martyris. *Henriq. Miraus, &c.*

A.C. 1573.

S.P.N. 1093.

Benedicti de Toco, ex Regia Epiri Regum prosapia editi, Monachi Monferratenensis, fama ex virtutibus immortalis, ac proin Philippo Regi longè charissimus, ad amplissimas dignitates promotus, non Abbatibus solum diversis, sed & Episcopatibus, exemplo vitæ, & sua ingeundis dexteritate prodesse jubetur, ex Abbate, factus Episcopus Biquensis, postea Gerundensis, demum Ilerdensis. Cæterum in congregatione Casinensi, Hispanica, Bursfeldensi ingens virorum doctrina, & virtute insignium numerus, in Belgio in primis: ubi prima ordinis lumina resuscitata licebit admirari. *Vid. rerum Belg. script. &c.*

Inter viros sæculi hujus doctissimos meritis referri noster Montantius, Monachus Sanct. MARIÆ de Florentia congregationis Casinensis, qui ob præclaras animi

animi dotés à Magno Hetruriæ Duce Cosmo Hospitalis Sanct. MARIÆ novæ Præses constitutus est. Transtulit ex Græco in Latinum Philosophiam Nili Monachi antiquissimi. *Vid. VVion. &c.*

A.C. 1574.

S.P.N. 1094.

Inter præcipua orbis & ordinis nostri decora merito referendus Referendissimus Dñus Matthæus Moullartius, Gisleniani in Advaticis Cænobii Abbas, qui hoc ipso anno Francisco Richardoro Burgundo, Atrebatium Episcopo mortuo, virtutis & doctrinæ, atque zeli incomparabilis (ita Ferreolus ipse Locrius) ad omne bonum propendentes nomine successor renunciatus est. Cujus utinam laudibus diutius immorari liceret; quem omnis ob merita præstantissima posteritas posteritati commendabit. *Vid. Belg. script.*

A.C. 1575.

S.P.N. 1095.

Æterno merito nostri constantiam suam, cælo; terræque probant sub hæc tempora, sub impio Elisabethæ Anglorum Reginæ imperio in Anglia & Scotia pro fide extrema omnia; & mortem perpeffi. Sanè in sola Scotia, ex sola Cisterciensium congregatione, eodem ferè tempore, cum fluctuantem in pectoribus Scotorum orthodoxam fidem; confirmare satagerent, ducenti Monachi proprio sanguine salutem aliorum pulcherrimo exemplo redimere voluerunt. Vt videas quantum Ecclesia debeat universa longè pluribus aliis ex eodem ordine congregationibus, lisdem in Regnis fidei Catholicæ veritatem tam gloriola subscriptione, signantibus, & Matrem sua purpura exornantibus. *Montalvus, Henr. Rer. Angl. script.*

A.C. 1576.

S.P.N. 596.

Inter Belgii fidera emicat insigni splendore Galpar Bonincourt Atrebas, Eques Hierosolymitanus, dein Aquiscincti Monachismum professus, ex Monacho factus Audemburgensis Abbas: Græcè, Latinè, Gallicè, Teutonicè, Italicè, Hispanicè peritus: scripsit idioma gallico peregrinationem suam Hierosolymitanam, & ad Montem Sinay: Sermones ad Fratres, librum unum de Arithmetica: item libros duos versibus gallicis, alterum de Prædestinatione, al-

terum de sui ipsius cognitione: *Sander. Locrius, &c.*

Floret, & celebratur æterna meritorum fama in provincia eadem Arnoldus Gantoisus Abbas Marchianensis, cui posteritas æternum debet Magnificum in Academia Duacena Gymnasium, ab eodem exstructum. Ita nostris proprium semper fuit, per litterarum studia juventuti & Patriæ consulere. *Fasti Belg. &c.*

A.C. 1577.

S.P.N. 1097.

Gerardus Americurius primus Audomarensum Episcopus ex Monacho & Abbate Bertiniano, vitæ muneribus defungitur. Vir fuit, teste Locrio, pietate, prudentia, atque liberalitate commendabilis, studiosorumque singularis amator: ac proinde rectè de eo Ioannes Molanus libro de Cænonicis l. cap. 42. ita scribit: valde porro in Seminario Clericorum erigendo occurrit illustre in Belgio exemplum Gerardi ab Hamericourt Abbatis Monasterii Sanct. Bertini, quod est intra oppidum Sanct. Audomari, & ejusdem oppidi primi Episcopi, cuius ante paucos annos defuncti memoria in benedictione est. Is enim nec dum in Episcopum postulatus, ac proinde ut Abbas, non ut Episcopus (ecce quam exponeret, meritum in Monacho, dignum Episcopo, doctissimus Molanus) in sua civitate incæpit in honore septuaginta duorum Discipulorum Christi, pro totidem studiosis, foundationem erigere, ac dotare, ne unquam aut Civitati, aut territorio Audomarensi boni, & veri Pastores, ab Abbate plerisque in locis nominandi deessent. Ad quorum etiam institutionem, & totius orbis suæ majorem ornatum Episcopus factus Collegium Societatis Iesu, ibidem & erexit & dotavit. Denique ut seminatum illud non tantum Seminarium, sed etiam plantarium esset, in Lovaniensi universitate domum extruit, quam Collegium Sanct. Bertini dici voluit, etsi vulgo Collegium Audomarense dicitur, in quo sub Regimine unius Præsidis, in gravioribus disciplinis formantur, postquam in studiis inferioribus sufficienter instituti fuerint. *Vid. Ferrar. Locrius, &c.*

Ipso año Calendis Octobris Matthæus Moullartius ex Gisleniano in Hannonia Abbate, in Atrebatium Pontificem ante biennium inauguratus, urbem magna Cleri

M 3

Sanct.

S. R. Q. A. congratulatione solemniter ingressus, demandatam sibi Spartam ornare aggreditur. Quo in munere, tanto cum splendore partes suas gessit: ut cum labore pietas, vigilantia, prudentia, modestia, continentia, & cæteræ quas in vero pastore requirit Apostolus virtutes, in eo certare de laurea viderentur. *Vid. cit. &c.*

A.C. 1578.

S.P.N. 1098.

Rvrlus illustrissimo & mirando in omnem æternitatem exemplo quadraginta ex ordine nostro Martyres, Cænobii Magiensis, Congreg. Cistert. Monachi, sanguinem suum fidei Orthodoxæ subsignandæ constantissimè impendunt, & sacratissima jucunditate agrum Ecclesiæ Hibernicæ impinguant & inebriant. Ii cum Abbate suo, irrudentibus in Cænobium Hæreticis, ante SS. Eucharistiæ in templo sacramentum genua curvantes, se ipsos in sacrificium, pro mundi peccatis, & Hiberniæ, atque Ecclesiæ universæ salute obtulerunt, omnes omnino hæreticorum gladii contrucidati. Aberat tū forte ob negotia Pater Cænobii Cellarius, is reversus cum suo omnes immerfos sanguine reperisset; totus in luctum effusus ac lachrymas, recordatus crastina assumptionem B.V. per Ecclesiam universam solemni festo celebrari, tantamque Matrem fratrum sanctorum solitis laudibus defraudari maxime indolens, flexis denique genibus, in has querelas erupit. Nosti virgo purissima, unica Domina protectrix nostra, quantā sollicitudine, quanta devotione, & diligentia semper tibi servierunt in hac domo, & celebrant omnia tua festa. Cur ergo permittis, ut tanta solemnitas, qualis ista, negligatur hoc modo? Hæc multis cū lachrymis, & suspiriis protulit, quod magis festū negligi, quam fratrum mortem doleret. Dum sic oraret, audit pulsari Monasterii Campanas, licet nemo illas accederet vel tangeret, & videt sanctorum Martyrum corpora surgere, & quodque caput suum humo tollere, & corporibus imponere. Quo factō ad sedilia sua vadunt, & Abbas vespertas, cæteris prolequentibus incipit, tanta cantus dulcedine, & suavitate, ut potius Angeli quam homines viderentur. De tanto successu valde miratus est Cellarius, & tam cantus dulcedine captus est, ut apud se non esset. Magna cum gravitate & mora absolverunt sancti vespertas, quibus absolutis rursus mortui

sunt, & in eundem statum redierunt. Miraculum hoc multis innotuit plurimique superlunt in Hibernia, quid illud evenisse meminerunt, potestque inter rarissima, quæ unquam in Catholica Ecclesia contigerunt memorari. Ita eorundem acta. Vnde colligas quam Deo & Cælitum Imperatrici clamor Monachorum in choro probetur, quem prodigiosissimo hoc miraculo, ad unius festi solemnitatem desiderari, seu deesse non patiebantur. *Henric. Manrique, &c.*

A.C. 1579.

S.P.N. 1099.

Extinguitur in signe ordinis dec9 Thomas de Parentii Abbas Vedastinus, a puero ac ipso summo illo Imp. Carolo V. Cænobio oblatus, singulari à modestia, & maturitate ad imperandum commendatus, vir omni virtutum genere ornatissimus: cui merito sanè suo sufficitur, dignissimus summis honoribus: Ioannes Saracenus, de quo ita Locrius. Fuit Saracenus, acerrimi iudicii, præstantis doctrinæ, & ab ipsa velut natura ad summa factus. Accedebat vultus, & corporis dignitas, gratia mira in dicendo, in donando Regia liberalitas. Illum Philip- pus Rex sacratoris Consilii senatoribus accensuit: & postmodum sede Camera- censi, per obitum Illustrissimi D. Ludovici de Berlaymont vocante, ejusdem loci Archiepiscopum nominavit, &c.

Moritur eodem anno B. Romualdus Fabrianensis, Montis acuti Monachus post 56. annum conversionis, vir sanctissimus, tanta simplicitate, præter alias virtutes præditus, ut merito Paulo illi Magni Antonii discipulo sit comparandus. *Vid. Luc. Rubens.*

A.C. 1580.

S.P.N. 1100.

Moritur Andreas Croquezius Prior Monasterii Halnoniensis, vir litteratissimus: *de consul. Sander. in script. Flandria.*

Celebratissimus hoc ipso anno Silvanus Razzi Florentinus, Monachus Congreg. Camald. linguæ Hetruscæ alter Cicero appellatus: scripsit inter alia.

De descriptione Sacræ Heremi, lib. 1.

Collectorium orationum ad Christum & B.M.V.

Coronam Domini, sive de vita Iesu Christi.

Vitam

Vitam B. MARIE Virg. & S. Ioannis Baptistæ

Quatuor virorum illustrium Colmi Medicæ, &c. Vitas.

De Misericordia, lib. i.

Miraculorum B. M. Virg. lib. i.

De vita Christi, lib. i.

De vitis sanctorum & Beatorum Hetruriæ, lib. i.

Vitas illustrium Pictorum, lib. 3.

Traduxit e Latino in Italicum Sermone, ut de Patria mereretur.

Evangelistarium M. Maruli.

Regulam S. P. N. BENEDICTI, cui annotationes adjecit.

Ioannem Ferum de Passione Domini.

Plura alia secularia composuit. Vid. rev. Ital. script. &c.

Gloriosissimo fine coronat vitam sanctissimam B. Gelasius oculinas Abbas Boylensis. Cong. Cister. Cænobii sæculi nostri splendor, ordinis nostri decor, & totius Hiberniæ gloria: Is hoc ipso anno ab Hæreticis comprehensus gravissimis tormentis excruciatu est. Summos honores, & dignitatum cumulos, interque alia Archiepiscopalem sedem & totius provinciæ Conatiæ dominium, si sibi annueret Regina promittente, constantissime omnia rejecit, & contempsit. Quia propter post multa, & gravia tormenta in carcere positus, & tandem mortis sententia prolata condemnatus est, & ad locum Martyrii optatum ignominiose deductus, per plateas hominum concursu undique circumdatas, ut tanti Patris benedictionem, ac doctrinam sibi cælitus traditam acciperent. Vbi per totam viam incedens, tanto fervore, ac divino spiritu prædicavit, tantumque timorem & admirationem hæreticis incussit, ut quingentos homines dum ad patibulum duceretur converterit. Passus cum Monacho socio; post mortem Miraculis insignibus à Deo honoratus. *Henriq. &c.*

A. C. 1581.

S. P. N. 1101.

Ingenti prodigio, fidei hostibus Camberonense Congreg. Cister. in Belgio Cænobium invadere parantibus & jam muros superantibus Divina adfuit virtus, & impiorum consilium turbavit: coniecti in effusissimam fugam milites, dum viderent magnum candidorum Monachorum numerum in hortis Cænobii in

equis discurrentium, qui suos Clientes tuerentur. Recolitur grata memoria ingens miraculum solemnique quotannis processione, & victoria insignis B. M. V. adscribitur. *Henriq. &c.*

Moritur eodem anno admirabilis sanè in omni vita, & de Ecclesia universa, & Hispaniarum inprimis Regnis meritisissimus Ludovicus de Strada, sæpe laudatus, ea in hoc corpore perfectione, ut in eodem etiamnum agens delicias cælestes abundè degustarit, & in oratione divino splendore, & Angelicis spiritibus cingi videretur. *Vid. Henriq. l. 2. d. 27.*

A. C. 1582.

S. P. N. 1102.

Floret Euticius Cordes Belga Antuerpueusis Monachus S. Iustinae de Padua & ejusdem cong. Abbas, qui in Concilio Tridentino, magna cum sua laude adfuit. Inter plurima quæ scripsit laudantur inprimis.

Commentaria in omnes Epistolas S. Pauli

In Symbolum Apostolorum Commentaria.

Dictionarium Biblicum, &c.

Floret item in Belgio Carolus Blendæque Atrebas, Aiceta Marchianensis, qui scripsit Historiam quinque partitam de Energiemenis. Alias item Historias memorabiles, transtulitque ex Latino in Gallicum senn. Violam animæ Raymondi Sebonij, &c.

Moritur hoc eodem anno, vir meritisissimus, & æternæ memoriæ Abbas Marcianensis Arnoldus Ganthois: inter alia merita, constructo celeberrimo & sumptuosissimo Collegio ad utilitatem studiorum in universitate Duacena commorantium, ferè immortalis, in cuius Collegii templo sepultus jacet. Ut mirari satis non possimus brevissimo tempore in solo Belgio tot à nostris excitata collegia, & gratias referre dignas posteris nostris nunquam possint, ob majorum & posteriorum, Reique publicæ utilitatem tanto studio atque sumptu promotam ac curatam. *Vid. Arnold. in notis ad Martyr. Ben. 12. Maij, &c.*

A. C. 1583.

S. P. N. 1103.

Montis Corônæ possessione felices Camaldulenses nostri reformati, vulgo Grottani, quem ante quinquen-

nium donatione Illustrissimorum de Cassa Comitum obtinuerunt, exinde Monachorum, & congregationis Montis Coronæ nomen, ipso primum summo Pontif. Gregorio XIII. illud imponente, usurparunt. Floruitque deinceps novo femore ordo, & locus ob sanctitatis tamā, toto mox orbe deprædicatus, innumera paulo post peregrinorum multitudine frequentatus, inter præcipuos orbis terrarum visitur coliturque. Quantum inde in Ecclesiam universam ab exemplo Monachorum fructus redundet, sis explicandum relinquimus, qui ad Montem illum aliquando inviserunt: cum ad solam ære vulgatam ejusdem imaginem, sacro quodam horrore, & Religione intruentium animi occupentur, & ad Dei & Deiparentis laudem excitentur. Sed de viris sanctissimis & illustrissimis Congreg. Camaldulensis hoc ipso tempore viventibus consulendi, *Aug. Flor. & Luc. Ruben. &c.*

A.C. 1584.

S.P.N. 1164.

INterea quæ præcipuè miramur hoc sæculo, quibusque quæ sua sunt tam sedulo quærentibus, & Cathedralium Ecclesiarum Canonicis, in Episcoporum electionibus, se solum ipsos circumspicientibus & contuentibus, singulati tamen Numinis providentiâ Episcopos Monachos ordini nostro nunquam defuisse, & mirabili quodam modo semper aliquos ejus nostris, Cellulam solitudine excoctos, ad diversos Episcopatus & honores extractos, iisdem summa cum dignitate ordinis, & subjectorum utilitate maxima præstitisse. Inter ceteros hoc ipso anno evocatus ad Cathedram Stragensensem in Dalmatia Basilus Gradi Monachus Melitenensis, Congregationis Casinensis, vir doctus, & eruditus eoque honore dignissimus à Gregorio XIII. Summi nominis Pontifice judicatus: scriptis etiam egregiis de posteritate meritis. Pari honore ab eodem Pontifice hoc ipso etiam anno insignitus Marcus Fedoceia Mirandulanus Monachus S. BENEDICTI de Mantua, & Abbas S. Vitalis Ravennæ Congreg. Casinensis creatus Episcopus Laquedonensis in Apulia, vir in Mathematicis scientiis eruditissimus, & Gregorio in primis commendatus. Quorum aliorumque laudibus immorari super sedendum necessarium duximus.

Moritur eodem año & ad felicem im-

mortalitatem pergit B. Rudolphus monaster Voronensis, quem Lucas Ruhenfis merito suo scrinium virtutum, Regularis vitæ exemplar, & vitæ solitariæ normam appellat. De cujus virtutibus, obituque idem consulendus in histo: Erem. &c.

A.C. 1585.

S.P.N. 1165.

Meritissimus ille de Ecclesia universalis, incredibilis constantiæ, & magnanimitatis exemplo, fortissimus Christi Athleta, heros imperterritus, ad triumphos æternos, post longissimi squalores carceris, evocatur Ioannes Feckenamus noster, Abbas Westmonasteriensis, contemptis potentissimæ Reginæ familiari amicitia, amplissimis opibus ac honoribus, potentissimo Principatu, & amplissimo Archiepiscopatu insolentissima animi generositate planè admirandus. De eo sic Pirsius apud Reytherum: Ioannes Feckenamus, inquit, ordinis S. BENEDICTI Monachus Anglus, & tandem Abbas Westmonasteriensis creatus eo tempore, quo in Anglia regnarunt Philippus & Maria Reges Catholici. Vir cui Deus largas benedictiones, natura egregias contulerat dotes. Erat in eo pietas in Deum insignis, in proximos miranda charitas, in majores singularis observantia, in æquales atque etiam inferiores mitis quædam affabilitas, in omnes dulcis humanitas; multiplex doctrina, redundans in concionibus facundia, incredibilis Religionis Catholicæ zelus. Cum jam non obscuris indiciis cerneret omnia vergere ad ruinam, & fidem avitam omnino periclitari, hostibus Ecclesiæ strenuè se opposuit, & habitis frequentibus concionibus, nonnunquam etiam publicis disputationibus, libris denique scriptis Ecclesiam Dei, & Catholicam fidem quantum potuit propugnavit. Cum denique regnante Elisabetha in Comitibus (parlamentum vulgo vocant) ageretur de fide Catholica extirpanda, & hæresi plantanda: intrepidus publicè prodiit, & apud solemnem illum Principum, procerum & populi cæterum Anglica lingua eloquentissimam, & valde nervosam habuit orationem de veteri Patrum Religione retinenda, de nova non excogitanda nec introducenda. Cum autem res planè collapsa esset, & prævaluisset iniquitas, ille confestim carceribus mancipatus est, primum Londini in Carcere Equitis Martij, deinde in castro Wisbicensi (Turris Custodiam carceralem

ceralem hic omisit Pitius, sed non tacuit Stapletonius) in universam continuus plus minus viginti sex annis. Quo tempore, à Catholicis dogmatibus propugnandis, & ab aliis charitatis operibus exercendis, quoad fieri potuit, nunquam cessavit. Inter cætera quæ præstitit charitatis officia, Ioanni Storæo legum Doctori propter fidem Catholicam capitis condemnato, per totam noctem adfuit, & ad mortem in crastinum pro Christo fortiter perferendam animavit. Sed ad ea quæ sunt eruditionis veniamus. Multas quidem easque eruditæ exaravit lucubrationes, quæ pleræque propter temporum iniquitatem, & authoris incarcerationem etiam usque ad mortem, una cum eo interciderunt. Servarunt tamen boni viri quædam ejus opuscula, vel operum reliquias: inprimis sermonem quendam, cujus thema quasi spiritu prophetico sumptum fuit ex Ecclesiastici capite 4. *Laudavi magis mortuos quam viuentes, &c.* cui titulum fecit; sermonem funebrem in exequiis Mariæ Reginæ. Orationem habitam in Comitibus Angliæ. Contra juramentum supremæ authoritatis Regiæ in Ecclesiasticis lib. 1. De Eucharistia contra Hoope- rum. Scripsit etiam Commentarios in Psalmos Davidis, quod opus Londini in manibus auctoris vidisse nihil sanctè affirmavit Richardus Stainhurstius. Sed & illud perijt, & ejusmodi alia. In vinculis confessor obiit anno Christi 1585, sub duro in Anglia Elisabethæ Regno. *Vid. Reynerus, &c.*

Eodem anno duo ex ordine nostro Cong. Cist. egregii Christi milites Beati Patricius & Malachias Monachi Bullienses Iberniæ suo sanguine consecrati, pro fide Catholica primum suspensi, & ante mortem alter in quatuor partes sectus, alter lancea adusque cor transfossus illustri triumpho ad immortalitatem felicissimam pertigerunt. *Vid. Henr.*

Moritur eodem anno Benedictus de Toco ex Abbate Monserrateni ad diversos Pontificatus, Biquensem, Gerundensem, Ilerdentem pro eximiis meritis erectus, *de quo consul. Hispan. rer. script. & Repes, l. 4. &c.*

A.C. 1586.

S.P.N. 1106.

ITerum ex ordine nostro diversis Cathedralis maximi Præsules petiti, easdem summam nostrorum gloria, utilitate subditorum maxima felicissimè administra-

runt. Quos inter eminet Constantinus de Lannoy ex Monacho celeberrimi illius & florentissimi Cænobii Sanseverini in Vrbe Neapolitana Episcopus de Vico, ac dein electus Archiepiscopus Rhegitanus in Apulia, hoc ipso anno mortuus. Quo eodem tempore ingenti gloria floruit Annas Giutius de Elcras ex Monacho & Abbate S. Benigni Episcopus Lexoviensis, ac dein S. R. E. Cardinalis, qui Romæ jam grandis natu, ipsaque canitie venerandus cū summa prudentia eam ipsam omnibus probabat, innocentiam, cum qua S. BENEDICTI habitum non plus octo annos natus susceperat, cujus rei testem habeo Gasparem Scioppium, quo ille perfamiliariter usus est. Sed inprimis commendarunt se meritis gravissimis nostri, Ecclesiæ Laudunensi, ex quorum numero, quatuor sibi proximè succedentes hoc tempore Episcopi, ad eam sedem suis Cænobiis evocati, seu extracti insigniter claruerunt Ioannes Docæus ex Priore S. Dionysij, Ioannes Burseus ex Abbate S. Quintini, Valentinus du Glas, & Godofridus de Billus, uterque S. Dionysij Religiosi, Monachi Parisienses, Episcopi Laudunenses designati. *De quibus consulend. Clem. Rob. & Rev. Gall. script.*

Floruit sub hæc ipsa etiam tempora F. Rodericus de vadillo Monachus Vallisolettanus Cong. Hispan. Episcopus Cephaludensis, ob sapientiæ meritum in Siciliam usque evocatus. Ut videas eodem tempore, Italiam, Galliam, Hispaniam, Belgium, Siciliam, præstantissimos suis Ecclesiis Monachos ex Cænobiis nostris postulasse, adeoque de meritis nostrorum opinionem florentissimam semper fuisse. *Ex diversis rerum Gall. Hispan. Belg. script. &c.*

A.C. 1587.

S.P.N. 1107.

IN Anglia dignissimus Beatæ memoriæ Feckenami Abbatis discipulus Segebertus Buclæus, Westmonasteriensis Monachus, ob egregiam in fide constantiā, carceribus emancipatus, pro eximia magnanimitate etiam in hac vita insigni à Numine gratia, & beneficio honoratur: quippe Monachis Angliæ omnibus sive à Regno profligatis cum unus ipse superstes esset, accendente Deo Hispanorum, atque Italicorum Monachorum animos, quibus de captivitate, felicissimi hujus senis constabat, in ejus licet nomen, pro Reverentia tamen Ecclesiæ Anglicanæ, à nostris

nostris olim primum plantata, & mille penè annis felicissimè ad ministrata, jurare, & nova quadam congregatione instituta, eundem sibi præfectum sive potius ut exemplar constantiæ, præpositum voluere; ut paulo post ingenti spe fructus illustrissima illa congregatio nostrorum Anglicana, pro populi ejusdem ad Ecclesiæ Catholicam reductione effloresceret. De qua denique Pontificia auctoritate approbata, & fructu ejusdem suo loco.

A.C. 1588.

S.P.N. 1108.

Celeberrimus ille & meritissimus de universi posteritate omni, doctissimis scriptorū monumentis, si quis ullus alius, immortalis, Gilbertus noster Genebrardus, Monachus Mansfrensis, & exin B. M. Virginis Semurienſis Prior, orbem radiis suis implet, & in sui admirationem longè lateque omnes convertit. Is præceptoribus olim usus, in Græcis Turnebo, in Philosophicis Carpentario, in theologia Sanctæo; in singulare demum ipse Ecclesiæ, & universi ornamentum adolevit. De illo quia notissima pleraque ob insolentiam, & magnitudinem præcipuæ famæ, plura nunc scribenda non duxim⁹, quamvis deinceps aliqua ad certos annos referamus; quamvis, quantumcunque à nobis deprædicaretur, & ab aliis sit deprædicatus laudari (teste Cle. Roberto) satis, & prodignitate nunquam possit: Cū materia superet opus. *Vid. Hilarion de Coste in Elog. ill. Gall. Francisc. de Sales. Possévinus in app. VVion. &c.*

Floret eodem tempore in Italia Iacobus de Graffis nobilis Capuanus, in Cænobio celeberrimo S. Severini Neapolitano, Monachum professus I.V.D. cujus inter alia opera Theologica plura commendantur, & diversis locis ob doctrinæ præstantiam impressi sunt libri 4. Decisionum aurearum Catuum conscientiæ, qui passim extant. &c.

A.C. 1589.

S.P.N. 1109.

IN Hispania virorum in ordine genere, doctrina, & inprimis virtute illustrissimorum ingens planè numer⁹, inter quos præcipuè celebratur F. Ioannes de Castañiza, de quo suo loco inferius, F. Placidus de Salinus Abbas Monterratensis, F. Antonius de Corduba, F. Laurentius Niet⁹, alique sexcenti, ad summos pro meritis

honores à sanctissima congregatione Hispanica promoti: *de quibus conf. Tepes, l. 4. & alij.*

Moretur inter alias ordinis congregationis inprimis de Ecclesia Catholica universa Congreg. Cistert. Montis Sion in Hispania perditissimo hoc tempore, quo tot Hæreticorum phalanges fidem orthodoxam undique oppugnant, variis passim collegiis, diversis in Academiis, Complutenſi, Salmanticensi, &c. olim à se erectis, viros doctissimos, Theologos ac Philosophos præstantissimos educens, eodem Sanctissimæ Regulæ observantia præmunitos, ad universi utilitatem, iisdem in Academiis Professores publicos, sive, ut vocant, cathedricos exponens, rursumque Cænobii disciplina & calore cellulæ refovens, iterumque bono publico remittens, & recipiens, *de quo leg. Chryſ. Henr. &c.*

A.C. 1590.

S.P.N. 1110.

Matthæi Moullartii Episcopi Atrebatensis ex Abbate Gisleniano, ingens in Episcopatu administrando virtus & gloria enitet; cujus si vel primas in depingendo lineas duceremus, manum deinceps à prosequendo abstinere nunquā possemus, alibi tamen aliquando commodius, dignius, & copiosius, ad insignem ordinis gloriam præstabimus.

Hæc minor fama ex pari virtute, Ioannis Baptistæ Bertuzuli Cæsenatis, Fanensium in Marchia Anconitana Pontificis, qui ob morum dignissimam gravitatem, & sapientiæ doctrinam, super Candela-brum positus orbi atque ordini illustrissimum lumen prætulit, & de sibi subjectis præclare meruit. *Ang. de Carp. Arnold. &c.*

Rursum memoranda Congregationis Montis Sion merita ponderosissima, quæ sane hoc loco vix notare, nedum prosequi longo encomio licet. De quibus fusè Henriquez, qui præter alia, plurimos, ait, ad infidelium conversionem missos in Hiberniam inprimis, viros revera Apostolicos, qui innumerabiles homines ad Ecclesiæ Catholicæ gremium aggregarint. *Vid. lib. 2. dist. 15.*

A.C. 1591.

S.P.N. 1111.

Moritur hoc anno Ven. P. F. Laurentius Genzalez Abbas Bonavallis, vir Angelica vita, hominum mores supergressus,

gressus, mortis suæ præcius: mortuusque suprema inter verba, circumstantibus undique fratribus vultu hilari dicens: Fratres video gloriam Dei, quibus in verbis cum expirasset, facies ejus Angeli simillima visa est, & signa alia, sanctitatisque argumenta apparuerunt. Sed de aliis ejus *Consul. Henric. dist. 34. l. 2.*

Cum sacra congregatio Montis Sion, de qua superius, & numero Cænobiorum, & Monachorum virtute, magis magisque ornaretur & augetetur, eam Pontifices summi totis conatibus promovere curarunt, & insignia eidem Privilegia contulerunt, collegiorum inprimis eorundem universitatum privilegia augentes, & confirmantes, de quibus consulendus Auctor. cit. qui ait (rationem reddens, cur tanta multitudo, ad nostros conflueret:) Experiebantur enim singuli efficaciam mirabilem, quæ ad reducendos peccatores ad viam salutis homines illi Deo dediti, penitusque mundi vanitatibus crucifixi, pollebant, eorumque salutaribus monitis plurimi, quasi coacti, semitam amplectebantur virtutis, &c.

A.C. 1592.

S.P.N. III2.

HOc anno pulcherrimum ordinis nostri ornamentum Pius Fundanus in Campania Episcopus, cælo asseritur, vir & genere illustris (ex antiqua nimirum Lotteriorum familia, patria Neapolitanus) & Religionis, & naturæ præcipue bonitate commendandus, Monachus inprimis Casinensis Cænobii, dein S. Severini Neapoli Prior, Fundanus denique Pontifex à Gregotio XIII. æquissimo meritorum ponderatore, creatus, & de grege suo præclare meritis. *Plac. Rom. Arn. &c.*

Pium pietate ac meritis proximè affectus, Anastasius Vbertus Cæsenas Monachus, & Cellerarius Sanct. MARIÆ de Monte, non procul à Cæsena, vir præter pietatis insignæ monili insuper doctrinæ ornatissimus, qui Immolensium in Flaminia Pontifex electus, verbo & exemplo sive opere, egregie ovile Domini custodivit, & nonnullis lucubrationibus suis, qualis & quantus fuerit ostendit. *Arnold. &c.*

A.C. 1593.

S.P.N. III3.

VT alios omnes prætereamus, uniusque ex una Cisterciensium sanctissima congregatione Monachi nostri meminerimus: Floruit hoc tempore, & isto inprimis

anno Ven. & verè immortali præconio dignissimus Laurentius de Zamora S. Theologiæ doctor, scriptis, & discipulorum gloria celebratissimus, quem jure sanè meritissimo Ecclesiasticæ dictionis Tullium, non nemo, Theologiæ Homerum, Rationum fidei Aristotelem, & Paulum in pulpito Christiano differentè appellat. Quis enim, inquit, narrare sufficit, quod sceleratos homines ab ipsis inferorum faucibus extraxerit? quot obstinatos, ad scelerum cognitionem adduxerit? Quot mundi vanitatibus insatiabiliter deditos, ad earum contemptum revocaverit? quot denique cælitus vocatos per virtutis iter deduxerit? Sic enim demulcebat, ut vinctos quasi auditores teneret. Ita docebat, ut divinis sensibus aures impleret. Ita exhortabatur, ut virtutum ardoribus animos inflammaret, &c. *Vid. Henric. &c.*

A.C. 1594.

S.P.N. III4.

Ingenti Angliæ bono, Ecclesiæ atque ordinis nostri immortali ornamento, congregatio illa, de qua superius, Anglicana felicissimo successu, quamvis à multis impugnata, efflorescit, & propagatur: nomen suum eidem dantibus Illustrissimis hoc ipso tempore in ordine nostro viris, quorum primi & præcipui extiterunt atque effulserunt: D. Gregorius Sayrus orbi catholico doctissimus in Theologia lucubrationibus notissimus; D. Thomas Prestonus, D. Anselmus de Mancestria; D. Antonius Martinus, Augustinus de S. Ioannē vir magni animi, summi zeli, præcipuæque industriæ, & imperterritæ constantiæ. F. Ioannes de Mervinia, postea Martyrio affectus, ut & F. Marcus Lambertus. F. Maurus Scottus, F. Georgius Gervasius, diversis temporibus beata morte, pro Christi fide constanter suscepta, sæculo erepti cæloque inserti. Fuisse verò controversiam non parvam invidentium gloriæ, & laboribus tam sanctis & præclaris BENEDICTINORUM nonnullis, ex litteris quas subicimus Illustriss. Card. Alani ad Athanasium S. Trinitatis Cavæ Monachum apparebit, ex quibus quantopere placuerit maximo illi S. R. E. Cardinali causa nostrorum, lectori manifesto apparebit.

Charissime Frater, & Fili: binas à te litteras, ex quo in illa sancta loca concessisti accepimus: utrasque eleganter & amantè, & quod caput est, religiosè scriptas.

Prio-

Prioribus per meos familiares respondi: his posterioribus aliquid nacti otij, ipsi rescribere volumus: primum, ut non ab aliis solum, quantum à nobis diligaris, sed nostris id potius verbis; manusque nostræ scriptis tabulis intelligas; deinde ut cognoscas quanti faciamus illos tuos in sancta Religione progressus; de quibus te nunc multo magis in Domino, quam unquam ante in sæculo (licet semper propter præstantes animi dotes charissimus existeris) amemus & complectamur; postremo ut gaudium hoc nostrum, quod de felicissima hujus vitæ sorte planè cælesti concepimus; tecum communicemus. In quo genere licet mihi Apostolicis uti verbis: majorem horum non habeo gratiâ, quâ ut videam filios meos in veritate ambulare. Quod igitur contemptis rebus humanis tanto animi ardore; ac impetu cælestia consecreris, mundique hujus, & vitæ sæcularis sævissimis ac periculosissimis negotiis sæculi prudenter prætuleris: hoc bonum solidum ac summè tibi salutare fili ex animo gratulamur: nec à Christo optim. max. hujus consilij tui authore aliud continuis precibus, vel à tua charitate, vel à nobis postulandum est, quam ut opus salutis tuæ, quod ab ipso coeptum est, piè prosequatur & perficiat. Faciet autem, si tu, postquam manum ad aratrum Domini posueris, retro non respicias, sed ad anteriora totis viribus contendas; Si Religionis graves, sed suaves labores naviter pertuleris; si tentationes fortiter & constanter repuleris; si ea quæ in sæculo vel ab Hæreticis, vel malis Catholicis, vel ab æmulis, vel ab invidis ad tui probationem perpeffus es, ex animo prorsus ejicias tuo; ac etiam pro te persequentibus ores, quod faciunt omnes sancti in cælo, quorum tu nunc vitam, & charitatem cæpisti degere ac imitari in terra. Quidquid alij de hoc vitæ tuæ sanctissimo instituto sentiant, aut loquantur, tibi persuadeas velim, tuas rationes summæ curæ esse; atque hoc tuum de Religione capessenda consilium vehementer placere; nosque sperare te sanctissimo ordini in patria nostra florentissimo (NB.) restituendo, ac calamo & ingenio adornando ab hoc sæculo nequam divinitus ereptum esse. Quantum ergo in illa sanctissima disciplina proficies: tanto magis te amabimus, tanto què minus te salutaris consilij hujus pœnitebit. Si per Epistolarem breviter, aut scriptionis laborem liceret, possum pietati tuæ multa ex historiis

nationis nostræ, de istius ordinis in Anglia celebritate & sanctitate commemorare; nam & Augustinus ipse, & cæteri sancti Gregorii discipuli, qui gentem nostrâ ad fidem converterunt, erant omnes hujus ordinis: atque omnia primum instituta Monasteria (de quibus venerabilis Beda) sicut & ipse Beda, erant ejusdem instituti; & capitula Cathedralia universa, quæ posterioribus temporibus erant Canonicoꝝ secularium, ab initio erant ordinis S. BENEDICTI; ita erat Cantuariensis Ecclesia tempore Lanfranci, Anselmi, Thomæ Martyris, qui & ipsi fuerunt Monachi ejusdem instituti. Vt nihil dicamus de nobilissimis Monasteriis Westmonasteriensi, S. Albani, Sancti Edmundi, Glasterburienſi, cujus Abbas, sicut & plurimi alij clari perfuncti sunt Martyrio, tempore Henrici VIII. Horum exempla te, mi fili, ac cæteros nostrates, ad hanc solidam in Christo & Ecclesia gloriam sectandam animare possunt: nos certè tantorum hominum sola commemoratione summo pœre delectamur: quæ quoque cogitatio, veterumque rerum nostrarum memoria nos prolixiores quam volumus effecit; sed ad animum utriusque nostrum non male; nam tecum libenter loquimur. Memineris ergo nostri in orationibus, & sacrificiis tuis: atque superioribus loci & ordinis istius à nobis multam salutem in Domino: qui & ipsos, pro hac in peregrinos & nostros Christianissima charitate, abunde beabit. Vale fili mi. Romæ ex ædibus nostris 12. Kal. Feb. 1594. Manu propria. Tui in Christo Guilielmus Cardinalis Alanus. *De reliquis vid. Reynerus.*

Moritur eodem año in Germania nostra, præclarissimis Abbatibus accensendus Ioachimꝯ Sangallensium Archimandrita, vir Religiosissimus, & doctissimus, qui Parisiis & Avernii olim (ita fluctuante bellis Germania, nostri, Sangallenses, Weingartenses, Einsidlenses, &c. ingenti sumptu in exteras provincias, ne ordini, & Ecclesiæ viri doctissimi deesset, ad studia mitterentur) omnes scientias imbibit. De viri meritis laudibus, plurimum doctissimꝯ P. Iodocus Mezlerus Mon. S. Galli in 8. lib. rerum Sangall. quæ per multitudinem inferere non licet, nec libet. In Coadjutorem Episcopi Curienſis cum jure & decreto succedendi electꝯ, generosissimè refulavit. Fratres suos Dillingæ, Romæ, Parisiis, &c. in studiis aluit: Pontifici Max. Regibus Galliarum militem suum

sanctissima nostrorum in Hispania Congregatio, quanto evidentius, nullis eum tangi, molliri, seu flecti posse laudibus cognovit, in tanta universi acclamantis vocalitate surdum, laudum ac meritorum tuorum depredicatione ignatum; gloriæ certa deinceps immortalitate, sæculo ejusque præconiis vere mortuum; Ita de ipso & de ejus in SS. Regulam nostram Commentariis censuit Generalis Hispanicæ congregationis, & qui ob maturitatem Iudicii censores Religionis sunt designati. *Invenimus spiritu & nomine Antonium: in quo Deus duplicavit annonam, dum panem vitæ & intellectus, non de dimidio integrat, sed integrum sine fractione frangit, quæ parvuli (immo & magni) hucusque petierant, nec erat qui frangeret eis. Nec minora quæ lequuntur. Miramur Gregorium illum magnum, qui sanctus laboravit pro sancto, dum Benedicti sanctissimi sui parentis scripsit vitam, non laborasse Doctorem pro Doctore, Magistri sui præcepta denodantem. Miror hæc commentaria præterisse Leandrum, Ildefonsum, Bedam, Anselmum, Casiodorum, Rabanum, & tot Doctorem turmas, qui sub sancta Regula militantes, nihil quod facerent; ex ea præterierunt; cur non quod docerent, cum magni vocati sint in Regno calorum? Sed ut hi omnes, immo & exteri Patres, quin & Oecumenia Concilia, & Sacri Canones ad Regulam istam aspexisse videantur; non immerito ad Antonium nostrum sese ipsos suspicor reservasse, ut sub una apparerent mente, & sub uno pectore clausi: Commentaria hæc novissima, exquisierunt omnium antiquorum sapientiam, & inventum tradunt, &c. Extant ipsius scripta Theologica, paulo post, quod speramus, summo rei litterariæ, & Scholasticæ Theologiæ bono, typis otibi communicanda, quem haud immerito non nemo, summi nominis Theologus, licet diversi omnino ordinis, Theologorum Hispaniæ Primatem, & Principem appellavit. Neque talentum illud ipse abscondit, verum summo Hispaniæ ornamento, atque utilitate ex celeberrimis Cathedris miro omnium applausu, universo exposuit. Sed de ipso innumeris aliis per Hispanias, Italiam, Belgium &c. immortali laude dignissimis, tunc convenien-*


tius, quando nec erubescere porro, nec dolere hac fama deinceps Nominis, poterunt, &c.

A.C. 1631.

S.P.N. 1151.

PRisca Majorum nostrorum studia, & de orbe terrarum benè merita, in Italia, Hispania, Gallia, Germania passim reflorescunt, quando non uno jam loco, neque in iis solum, quæ per nostros, sive propter eosdem conditæ sunt, Academiis, nostri publice litteras profitentur, verum communi Rei Christianæ bono, collegia ejusmodi, Gymnasia, atque universitates sive ipsi excitant, sive in gratiam Monachorum fundatas, summa auctoritate soli obtinent, ac moderantur. Præter enim ea, quæ supra commemoravimus, seu commemorare debuissimus; nova universitas Rhintelensis sub hæc tempora æterno nostrorum merito, gloriaque excitata fructum ingentem, & antiquo illi (quem abunde degustavit Majorum ætas, & nunquam satis miratus sera posteritas) haud imparem Ecclesiæ Dei, ex Monachorum laboribus pollicetur. Certè de Belgio in litteris ad nos datis die 12. Feb. Anno ipso, Aubertus Miræus, postquam nostrorum in superiore Germania studia commendasset: sic ait: Et verò in nostra Germania inferiore non jacent. In Flandria nominatim Gerardimontenses Benedictini, exemplo Patrum Societatis Iesu scholas litterarias juventuti, undique confluenti, annis superioribus aperuerunt: Duaci Philosophiam publicè docent, in Collegio seu Gymnasio Vedastino, quod nostra memoria Cavarellus Abbas Vedastinus à fundamentis exstruxit. Alibi, nec uno loco, Theologiam explicant: ut meo quidem iudicio, velut reddita juventute, familia BENELECTINA, hodie reviviscere videatur. Quid in Hispania, Italia, Gallia, & alibi totales vestri agant, in originibus nostris Monasticis, Coloniae editis, explicui, nec hinc repeto, &c.

Ita Miræus.



COMPENDIUM COMPENDIOSISSIMUM

Ex Chronico

R. P. D. ANTONII DE YEPES,

*Ex quo cum de ejusdem, tum de nostro operis proposito,
prudens Lector, judicet; utroque utatur.*

A. C. S. P. N.

490

I



Ascitur Sanctissimus, & Admirabilis Pater Noster Benedictus.

493

13

Deserit mundum idem Sanctissimus Pater, in desertum se conferens.

494

14

Egregia excellit sanctitate, & summo rigore delicatissimum corpusculum excruciat.

497

17

Victor de carne, & Dæmone triumphat gloriosissimus juvenis, toto corpore cruentatus reperitur à pastoribus, & jussu Divino à Presbytero pascitur.

510

30

Eligitur à cujusdam Cænobij Monachis Abbas, multum recusans, quod sui, & eorumdem mores, & vitæ institutum minimè congruerent.

523

43

SS. Maurus, & Placidus, alique Procerum Romanorum filij à parentibus eidem offeruntur. Miraculis insignibus effulget.

Duodecim condit Cænobia, plura enim alia. Ordo Monasticus propagatur.

528

40

Infidiis gravissimis S. P. à Florentio Presbytero appetitur.

Casinum proficiscitur. Idola evertit, lucos succendit, populum Christo adducit.

529

49

Casinense, toto orbe celeberrimum Cænobium exstruit. Cujus dignitas, opes, potentia, viri illustres,

Abbatum syllabus explicantur.

De Regula S. P. agitur, ejusque excellentia.

De gratia sanitarum eidem S. P. à Numine concessa, ut & gratia miraculorum.

Spiritu prophetico illustratur, futura prænosce, abdita cogitationum intelligit, aliis gratiis præpoller.

530

50

Ab Equitio, & Tertullo S. P. N. visitatur, à quibus liberalissimè Casinense cænobium dotatur, & locupletatur.

531

51

S. P. N. plurima Romæ, & per totam Italiam fundat, & condit cænobia. Exstruit ante omnia cænobium Sancti Erasmi; & Sancti Pauli Romæ.

532

52

Cænobia Sancti Salvatoris, & S. Spiritus Majelensis. Monasterium Novaliciense, exstruitur. Excitantur, & alia cænobia, præcipuum Tremitense in Insulis Diomedis. Sed & Monialium collegia instituntur sub SS. Regula nostra.

Sancti Maurus ordinatus Diaconus, enodatur dubium de sacerdotio S. P. N.

536

56

Propagatur Ordo, & S. Placidus in Siciliam destinatur, miris itinere signis claret, & Messanæ cænobium condit.

S. P. N. videt Germani Capuani Episcopi in sphaera ignea in cælum deferri; videt etiam in solis radio Mundum universum, & Divinam essentiam, de qua mirabili visione fufius cap. 5. Yepes, anni hujus.

537

57

Ordo à S. P. N. in Hispaniam usque propagatur, missæ Monachorum coloniz, & conditum Monasterium S. Petri de Cardenna; quod exin insigniter floruit, & totas SS. cohortes cælo misit, vid. ib. Syll. Abb. Funda-

- Fundatur in Hispania cænobium S. Turibij de Lievana.
In Portugalliam usque nostri excurrunt, ubi exstruitur Monasterium Lorbanense.
- 538 58 Consulendus Yepes de statu Italiae hoc tempore, & de Monachatu S. Silverii Papæ.
- 539 59 Fame lævissima grassante per Italiam, miraculose confluentes egenos sustentat S. P. N.
- 540 60 Ad S. Placidum in Sicilia invifunt DD. germani ejus Euticius, Victorinus, & Flavia.
- 541 61 Adpulsis ad Messanæ litora barbaris, S. placidus cum lociis, & Germanis Martyrio afficitur; quos sepelit Gordianus, & Martyrium describit. Restauratur S. Placidi Messanense Cænobium.
- 542 62 Gordianus, & Maurus semel litteris compellant S. P. N. Totilæ eventura prænunciat. Legati ex Gallia ad S. P. N. veniunt; petita Monachorum ab eodem colonia quibus ipse annuit.
- 543 63 S. Maurus destinatur cum lociis in Galliam, miraculis, maximè in itinere illustribus à DEO honoratur; plures in Gallia difficultates peritur.
- Moriuntur SS. P. Adm. N. Benedictus, & sanctissima Soror ejusdem Scholastica, quæ ante mortem ad ipsum inviserat. Videndus hic porro Yepes de iis qui vitam ejusdem Sanctissimi P. scripsere de miraculis post ejus mortem, diversis capitibus.
- 544 64 Fundator Glanofoliente in Gallia Cænobium celeberrimum à S. Mauro; singulari miraculorum gloria, ut & Sanctitate admirabili excellit S. Maurus. Florus princeps Theodoberto Regi charissimus Monachum proficitur.
- 545 65 Gordianus Constantino Casinensi Abbati scribit. Florent plurimi egregia sanctitate Sanct. Pat. Nost. Bened. discipuli; ædificantur plurima passim Cænobia: crescit in imensum Monachorum, & Sanctorum nostrorum numerus.
- 546 66 S. Romanus claret, & moritur. Claret idem S. Herculani Monachus Ord. nostri, & Episcopus, postea Martyr.
- Duo concilia celebrantur, in quibus aliqua in gratiam nostram sancita.
- 549 69 Status Regni Hispanici ab Yepes explicatur.
- 550 70 Vivit Abbas noster Dionysius Romanus, cognomento exiguus, author computi Ecclesiastici. Claret M. Ant. Cassiodorus, & fundatur Monasterium Vivariense.
- 552 Propagat mirifice Ordinem in Gallia S. Maurus, & plurima Monasteria passim exstruit.
- Inter antiquiora cænobia nomen Ordini dat Monasterium, vulgo Majus Turonense, olim à S. Martino fundatum, & conditum. In eodem postea universitas instituta; nostris publice profitentibus.
- Crotilda Franciæ Regina vidua plurima condit cænobia; in quorum uno tandem se ipsam includit.
- Plures Sancti ex ordine celebrantur, inter quos eminent S. Monegunda S. Venantius, S. Leobardus.
- Clarent Theodechiddis filia Reginæ Crotildis & S. Clodoaldus
- Fundatur Monasterium Senoniense, viris sanctissimis deinceps locupletissimum de quibus hoc anno Yepes.
- 553 73 Floret Gordianus, & describit Martyrium SS. Placidi, & lociorum auctoritate script. conf. Yepes.
- Gotthi in Italia dominantur. Ex nostris plurimi rarissima sanctitate clarent: quos inter præcipue Isaac Abbas Nonnosus. S. Spes, &c.
- 554 74 Martyrium S. Vincentii Abbatis, S. Claudii Legionensis, & ejusdem Abbatiae initia celebrantur. Vid. Yepes de ratione temporis, ut & de successu ejusdem Abbatiae.
- Claret S. Æmilianus, cujus vitam antequam Regulam nostram profiteretur, describitur.

- Plura in Vrbe Toletana Ordinis nostri Monasteria ædificantur. Initia cænobii famosissimi Agaliensis; de ejusdem cænobii viris sanctis, & illustribus legatur hic Yepes.
- Childebertus Rex multa condidit in Galliis nostro Ord. cænobia: interque ea eminet Arelatenſe.
- 555 75 Conditur cænobium S. Carileſi: claretque ejus conditor, & primus Abbas S. Carileſus, viris dein illustribus frequentissimum illud idem Cænobium; de quibus legatur Yepes hoc anno.
- 556 76 Celeberrimum S. Vincentij Cænobium Parisienſe fundatur à Childeberto Rege, hodie dictum S. Germani.
- S. Germanus Episcopus Parisienſis ab Antonio nostro celebratur, & recensentur Abbates S. Vincentij
- Conditur aliud cænobium S. Vincentij de Mans.
- Discipuli S. Germani, viri illustres numerantur.
- 557 77 Benchorenſe Cænobium in Hibernia longè celeberrimum.
- 558 78 Summa apud Reges, & principes auctoritate pollet S. Maurus Abbas, plurimis idem miraculis illustratur.
- Lirinensis Insula Sanctissima, & Cænobium antiquissimum, post diversarum observantiarum varietatem Regulam S. P. amplectitur. Alia per Franciam Cænobia antiquissima reformata SS. Regulam nostrā amplectuntur. Inter quæ etiam Agaunenſe.
- Claret S. Marculphus Abbas. (Vandopera.
- 559 79 Floret S. Leonardus Abbas Novaliciensis, & S. Leonhardus Abbas de
- 560 80 S. Simplicius Casino præſt, tertius ejusdem Sanctissimi loci Abbas. In Italia sancti plurimi ex ordine elucescunt, eosque inter S. Libertinus, S. Eleuterius SS. Eutichius, & Florentius, de quibus S. Gregorius.
- 561 81 S. Machutus in Britannia minori celebris habetur, plurima ibidem Cænobia.
- 562 82 S. Sampſon Archiepiſcopus Dolensis fundat famosissimum Cænobium Dolense, inde congregatio Dolensis.
- Clarent SS. nostri Maglorius, Paulus Episcopus Leonensis, Gildas Tudualo, Ethbinus, & alij plures in minore Britannia.
- Floret S. Maynus noster, conditum ejus deinceps nomine Cænobium insignitur, in quo tres Reges cuculum pro purpura amplexi sunt.
- 563 83 Dumienſe Cænobium Illustrissimum in Gallitiā conditum: Celebratissimus S. Martinus noster Dumienſis, Braracensis Archiepiſcopus. Monasterium de Tibaes in Portugallia fundatur.
- 564 84 Potentissimum S. Medardi in Gallia cænobium exædificatur. De ejus potentia, & nobilitate legatur Yepes hoc anno.
- 565 85 S. Radegunda Regina dein Abbatiſſa insignis.
- 566 Progreſſus noſtrorum in Scotia. S. Columba noster Piectos convertit; miraculis prodigiosissimus.
- 567 Conditum celebre illud, & frequentissimum deinceps Monachis cænobium Huente.
- 568 87 S. Launomarus Abbas sanctitate clarissimus.
- 88 Sancti Patroclus, & Marcius.
- 569 89 S. Æmilianus. (Magnus ille Hispaniæ Patronus) ordinem nostrum, & regum amplectitur.
- 573 93 Prophetico spiritu illustris S. Æmilianus.
- 574 94 Moritur S. Æmilianus atque ingentibus prodigiis ejus Sanctitas declaratur. Cænobium S. Æmiliani longè splendidissimum, & præstantissimum.
- Multus est in hujus cænobii ratis describendis Yepes noster, recensens cænobia eidem annexa, Abbates, viros illustres C. Vid.
- Fundatur cænobium Sanctissimum B. M. V. Valanera, & in hujus describendis qualitatibus fusior est Yepes noster hoc anno.
- 575 95 Benedictus I. Papa, ex Monacho Ord. noſt. clarent Sanctus Hoſpicius, & S. Calupanus.

- 576 96 Fundatur Monasterium S. Andree in Vrbe Romana: Claret S. Gregorius Magnus, agit hoc loco contra Baronium Cardinalem auctor noster Anto. de Yepes pluribus cap. clarent SS. Romula, & Redempta de quibus S. Gregorius in Dialogis.
- 577 97 Moritur S. Benedictus, I. & eligitur S. Pelagius II.
- 578 98 S. Ebrulphus noster inter sanctos hujus temporis eminet. Exurgit ejus deinceps nomen Cœnobitarum perinsigne. Idem ipse alia plura exstruit, & mille quingentis Monachis præest.
- 579 99 Clarus habetur S. Eparchius Abbas.
- 581 101 Describitur status Ecclesiæ, & Ordinis hoc tempore. S. Maurus Abbas abdicat se Abbatia, & eligitur Bertulphus.
- 582 102 In Monasterio Glanoforiensi moriuntur centum, & quatuordecim Monachi.
- 583 103 Moritur felicissime S. Maurus Abbas. Describitur status Monasterij Glanofolicensis, & miracula S. Mauri celebrantur. Vid. placet cap. Yepes de Glanofolio. Maurusmunster prope Argentinatam sub hæc tempora conditum. S. Gregorius Magnus missus Constantinopolim Legatus, fit familiarissimus S. Leandro nostro Archiepiscopo Hispalensi. Moriuntur Regina Andovera, & Chindequinda filia ejusdem ex Chilperico Galliarum Rege, ordinis nostri sanctimoniales.
- 584 104 S. Leander Archiepiscopus Hispalensis eximia sanctitate Ecclesiam Dei illustrat. Vid. Yepes de statu Hispaniarum.
- 586 106 Destruitur cœnobium Cassinense, nostri Lateranum secedunt, plurimis ibidem annis morantur. Floret S. Martinus de Surento, & S. Suranus, & S. Antonius Monachus Cassinensis.
- 587 107 Nostri habitant etiam, & habent Ecclesiam Patriarchalem S. Laurentij Romæ. Celebris habetur S. Salvinus noster Episcopus Albigenensis.
- 588 108 S. Sulpitius Bituricensium Archiepiscopus florentissimus. Multa cœnobia ordinis nostri ædificat.
- 589 109 Regale Monasterium Cabilonenſe construitur per Regem Guntramnum. Celebratur tertium Concilium Toletanum, in quo multa in favorem Monachorum sancita.
- 590 110 S. Gregorius Magnus summus Ecclesiæ pastor eligitur, quantumvis omni modo reniteretur, denique initio Pontificatu, præclarissime de Ecclesia universa meretur.
- 591 111 Sancti Gregorius, & Leander familiarissime litteris semet compellunt. Fundatur perinsigne cœnobium S. Petri de Arlanza, in quo Bamba Rex potentissimus postea Monachum est professus. Cœnobij ejusdem res, & Abbates fuse describit hoc anno Yepes.
- 592 112 S. Gregorius M. felicissime præest Ecclesiæ, in qua summo opere cultum divinum promovet.
- 593 113 Mauritiuſ Imperator lege lata, prohibet milites cucullum amplecti, quam illico corrigit Gregorius Magnus.
- 594 114 Monasterium S. Pancratij Romæ à Monachis occupatur. Claret S. Maximianus noster Archiepiscopus Siculus, à S. Gregorio magno insigniter commendatur.
- 595 115 Claret Marinianus Archiepiscopus Ecclesiæ Ravennatis. Fundatur Monasterium Classense, hodie congregationis Camaldulensis principatu nobile. Congregat Romæ Concilium S. Gregorius Magnus, in quo Regula S. P. N. approbatur, & confirmatur. Insigni sanctitate exsplendescit in orbe S. Gregorius noster Archiepiscopus Turonensis.

- 596 116 Intendit conversioni Anglorum S. Gregorius Magnus.
- 597 117 S. Augustinus Monachus cum sociis secum ad conversionem Anglorum destinatis strenue in Anglia operatur.
- Fundatur per Augustinum, & socios, plura per Angliam Monasteria, inter quæ præstantissima illa S. Salvatoris, & S. Petri, ac S. Pauli Cantuariæ.
- Fliense celeberrimum Angliæ cænobium exstruitur, in Ecclesiam postea Cathedralē erectum.
- 598 118 Legatio à Recaredo Rege Hispan. & S. Leandro ad Gregorium Magnum decreta.
- 599 119 Pari sanctitate elucet in Hispaniis soror S. Leandri Archiepiscopi S. Florentina Abbatissa.
- Celebrantur tres viri illustres Cyriacus Abbas S. Andreæ Romæ Sanct. Maximus Episcopus Syracusanus, & S. Ioannes Viclarensis Episcopus Gerundensis.
- 600 120 Celebris sanctitate S. Hermelinda, sive Hermelindis Monialis, S. Wolfius egregia sanctitate plurimum prædicatur.
- 601 121 Celebrat Concilium I. Lateranense S. Gregorius Magnus, in quo multa in favorem monachorum.
- Iterum aliud cogit Concilium Lateranense II.
- In Oriente, etiam Hierosolymis nostri ordinis cænobia exædificata.
- 602 122 S. Claudius Abbas insignis habetur.
- Multa scribit opera S. Gregorius Magnus. Miranda in summo honore humilitate excellit S. Gregorius M.
- 603 123 Prodigiousis miraculis commendatur à Deo S. Venerij Abbatis præstantissima sanctitas.
- Brunichildis Regina ædificat celeberrimum Augustoduni cænobium.
- 604 124 Variis morbis tentatur; & conficitur S. Gregorius Magnus.
- S. Gregorius Magnus miraculis illustratus.
- De Trajani anima liberata pulchrè disputat Yepes.
- Moritur S. Gregor. Magnus de Ecclesia universa meritissimus.
- 605 125 Clarent in Anglia, & indefessè in convertendis infidelibus laborant SS. Laurentius, mollitus, & Iustus.
- Fundatum celeberrimum Westmonasteriense S. Petri in Anglia Cænobium.
- Excurrit hoc loco Yepes ad usque nostra tempora agens de nostrorum in Anglia Martyrum constantia, sub Henrico nimirum, & Elisabetha Regibus.
- 606 126 S. Faustus scribit vitam S. Mauri Abbatis. Fuit uterque discipulus S. P. N. Benedicti.
- 607 127 Fuit creatus Pontifex Maximus ex ordine nostro Bonifacius Papa quartus.
- Sub quo Concilium celebratum, in eoque plura pro nostris à Patribus constituta.
- 609 129 Moritur S. Augustinus Anglorum Apostolus.
- 610 130 Concilium celebrat Bonifacius IV. in quo Monachorum honori præclarissimè consultū, iidemq; contra obrectatores insigniter defensi, de quo legendus hoc aŋo Antonius noster.
- 611 131 Describit Yepes rationem temporis, & statum Ecclesiæ atque Ordinis.
- Claret miranda sanctitate S. Columbanus, Monachus Berctorensis, prædicator insignis per Galliam, & Germaniam.
- Fundatur illustrissimum Cænobium Luxovienne, cujus præstantiam, & ab ubertate sanctissimæ prolis, felicitatem describit Yepes fusius.
- 612 132 S. Columbanus multa patitur, dum Theodericum Regem corripit, ac reprehendit.
- S. Columbanus per Theodericum Regno ejicitur, & venit ad Clotharium.
- Florat S. Deicola Abbas S. Columbani discipulus.

- Fundatur Monasterium S. Petri Salisburgense.
 S. Rupertus Episcopus Salisburgensis primus, Bavaris verbum DEI annunciat. Pertexit hoc loco Syllabum Abbatum S. Petri Salisburgensis Yepes.
 S. Columbanus, & discipuli in Austrasia prædicant.
 613 133 S. Columbanus concedit in Alemanniam.
 614 134 S. Gallus liberat à Dæmonio Frideburgam filiam Ducis Alemanniæ Guntzonis, Sanct. Columbanus floret in Italia, & condit cænobium Bobiense.
 615 135 Moritur magnus, & sanctissimus vir Columbanus, de cujus Monachismo pulcherrima affert Yepes hoc asio.
 616 136 Sanctus Atalus, & S. Bertulphus Monachi Bobienses, & in Abbazia S. Columbano electi successores clarent.
 617 137 S. Eustasij secundi Luxoviensis Abbatis grandia merita. Nec minori encomio celebrandus, S. Walaricus Monachus Luxoviensis, in conversione gentilium meritis.
 S. Eustasius in convertendis gentibus, ac Hæreticis laborat.
 S. Fara Abbatisa rara sanctitate exsplendescit, & insignem cælo sanctarum filiarum familiam educat.
 Luxovienses monachi nec quicquam Abbatem sibi præesse desiderant, & evocant, S. Gallum id oneris prorsus detrectantem.
 618 138 S. Agilus S. Columbani discipulus vivit.
 Fundatur Cænobium Resbacense, cujus primus Abbas fuit S. Agilus.
 619 139 Celebratissimi ex Ordine S. Ioannes Episcopus Syraculanus, & S. Heliadius Archiepiscopus Toletanus.
 620 140 Insigniter floret S. Amatus Monachus Luxoviensis, dein Abbas Montis S. Romarici.
 621 141 S. Paulus Monachus Episcopus Virdunensis excellit.
 De Monasterio Theologiensi fusius agit Antonius noster, ejusdemque qualitates describit, & catalogum Abbatum contexit.
 622 142 De Machometanæ sectæ initiis agit auctor.
 623 143 Celebrantur S. Licinius Episcopus Andegavensis, & S. Winebaldus Abbas Tricasinus.
 624 144 Monachi nostri Regnum Northumbriæ ad fidem Christi perducunt.
 625 145 S. Paulinus egregiè laborat in Angliæ Regno Northumb.
 626 146 Eduuinus ipse Northumbriæ Rex ad fidem convertitur.
 627 147 Totum Regnum cum Rege baptizatur.
 628 148 In cælum abit S. Iustus Archiepiscopus Cantuariensis, cui sufficitur, S. Honorius.
 630 150 Illustrissimus sanctitate Amandus, qui prædicatione sua in universa Gallia strenuè operatur.
 Claret S. Alovinus S. Amandi discipulus.
 Conditum Cænobium S. Petri Gandente; exiti dictum S. Bavonis.
 631 151 S. Arnulphus ex Duce Austrasiæ Mosellanicæ Monachus, Episcopus Metensis.
 632 152 S. Amandus repræhendit Regem Galliæ, & Regno pulsus, ad conversionem Gentium convertitur.
 632 152 S. Floribertus Abbas, & S. Livinus prædicationi indefessè instant, Sanct. Claudius Episcopus Bisuntinus cucillum amplectitur, & virtutibus, ac prodigiis insignitur. (cita sunt.
 633 153 Concilium V. Toletanum celebratur, in quo multa pro monachis san-
 Moritur S. Paulinus Archiepiscopus in Anglia; moritur, & Eduintus Rex, à cujus morte res variæ per Angliam.
 634 154 Admiranda sanctitate effulget S. Aydanus Archiepiscopus, insignis verbi Dei prædicator.
 Construitur potentissimū cænobiū Lindisfarnense: factum ex in monasterium Cathedralē monachorum: in quo viri plures sanctissimi convixere.

- 635 155 Saxones Occidentales convertuntur per S. Birinum.
- 636 156 Successus felicissimus Evangelij in Orientalium Saxonum Regno.
Sigebertus Rex monachum proficitur. Idem ante Cantabrigienfi universitate instituta de Regno meritisissimus.
S. Aydarus imprimis celebratur.
- 637 157 Plurimæ Regum filij ordinis se nostro devotes, ab Antonio enumerantur, omnes circa hæc tempora cucullum purpura potius ducentes, & eligentes, S. Ebba, S. Lauisida, S. Editha, S. Eaburga, S. Ofitha, S. Aoduvana, Eracongotha, Sedrida, Edilburga, S. Syra, Sanct. Hilda, &c.
- 638 158 S. Faro Meldensis Episcopus, & S. Tiacrius insigni sanctitatis opinione celebres habentur.
- 639 159 S. Amandus ferventer insitit prædicationi. Instituit Cathedralem Argentinæ Ecclesiam, in qua Monachi vices Canonicorum objicere.
- 640 160 Barbaries Germanorum per Monachos abstergitur, propè cænobia eorundem populus congregatus, & urbes ædificantur. Plurima per Germaniam Monasteria exstruuntur, & à monachis universitates, si-ve Scholæ publicæ instituuntur: ex quibus ingens consecutus in Ecclesia fructus, & barbarorum studia ad liberalium artium, & virtutum præstantiam conversa.
- 641 161 Wilemburgensis Imperialis cænobij initia.
S. Rictrudis illustrissima princeps, velum, & cucullum induit.
Initia celeberrimorum Monasteriorum Marcianensis, & Hamaticensis.
Clarent SS. Eusebia, Clotendis, Allenda, & S. Maurontus germani S. Rictrudis liberi.
Floret S. Richarius Abbas Sanctissimus; Construitur Centulanum cænobium nobilissimum.
- 642 162 Tria cænobia excitantur pro nostris in urbe Treverensi.
Eminent insigni vitæ sanctitate S. Severa, S. Adela, & S. Hermina vel Irmina.
- 643 163 Iterum alia plura conduntur pro nostris cænobia Treveris.
Initia & splendor insignis cænobii S. Maximini Trevirensis; si-ve potius restitutio cænobij ejusdem, nostri Ordinis Monachis in illud primum introductis.
De cænobiis S. Eucherii, & S. Matthiæ Treveris pluribus hoc loco, agit auctor noster.
Celebre est Monasterium Mediolacense. Vid. Yepes hoc anno agens ibidem de SS. Clodulpho, Basino, & Luthroino.
- 644 164 Dagobertus Rex nostris mirificè favet.
Initia cænobii potentissimi S. Columbæ Sennonensis.
Describitur ab auctore initium, splendor, & dignitas potentissimi cænobii Ord. nostri S. Dionysij Paris. Vid. Yepes. In eo aliquando cænobio litteras professi monachi, non aliter quam in universitate.
- 645 165 Sancti Reges Iudicael, & Iodocus, contempto Regno, sanctè in cænobio vivunt.
Plura cænobia exædificantur per f. Eligium gloriosum Christi confessorum, inter quæ eminet Solemniacense.
- 646 166 Yepes agit de statu Ordinis in Hispaniis, & de initiis vitæ S. Fructuosi.
Conditum Sanct. Petri de Montibus cænobium, cui præfuit Sanct. Fructuosus.
Principium cænobii S. Romani de Ornisga, per Cindasuindum Regem.
- 647 167 S. Eugenius II. Archiepiscopus Toletanus floret.
S. Gislenus celebratur, ejusq; nomine cænobium in Flandria.
S. Vincentij S. Waldetrudis, nec non S. Aldegundis res gestæ commendantur.
Castrilocense cænobium.
- 648 168 Pipinus Brabantia Dux, S. Iduberga conjunx, S. Begga, S. Gertruda filij eorum ab autore laudantur.

- Ex Hibernia multi prædicatores veniunt in Galliam Belgiam. Videntur
Yepes de eisdem viris præstantissimis hoc anno.
S. Gertrudis insignis sanctitatis exemplo refulget S. Foillanus, & S. Ultanus celebres habentur.
S. Amandi celebratur memoria.
- 649 169 Idem S. Amandus visitat limina Apostolorum.
- 650 170 S. Landelinus Abbas multa condidit cænobia.
- 651 171 Monasterii Laubiensis initia: cujus conventus Patrum fuit dein Cathedralis.
- 652 172 De variis in Hispania succelsibus consulendus hoc anno Yepes.
- 655 175 S. Yrene Ordinis nostri sanctimonialis Martyrio coronata.
Concilium congregatur in civitate Toletana.
- 656 176 Concilium x. Toletanum: Sanct. Fructuosus fit Archiepiscopus Bracarenfis.
- 657 177 S. Eugenius III. Archiepiscopus Toletanus floret.
S. Ildephonsus, Archiepiscopus dein Toletanus, celebris habetur.
Monasterium Stabulense celeberrimum fundatur, in quo præest Abbas
S. Remachus:
In eodem cænobio dein claruerunt S. Theodardus Episcopus, & Martyr, & S. Pabolenus.
- 658 178 Celebratur à sanctitate eximia Sanct. Trudo ex comite Hasbania, Monachus noster: à quo celebre illud Ordinis nostri monasterium Trudonense.
- 659 179 S. Wandregisitus Abbas floret. Conditur nobilissimum Cænobium Fontanellense in Normandia.
- 660 180 Translatum corpus S. Patris N. Benedicti nonnulli hoc annotare volunt, de quo pulchrè disputat Yepes hoc loco, & Floriacensis cænobij initia ac splendorem describit. Item agit de S. Aygulpho.
- 661 181 S. Amandus fundat cænobium Eleronense, in quo se recondens vitam denique abtumpfit.
- 662 182 Batilda Franciæ Regina à cucullo insigniter exsplendescit.
Fundatum cænobium Calense.
Fundatum S. Petri Corbeiense cænobium amplissimum, viris illustribus deinceps frequentissimum.
- 663 183 S. Florentinus Episcopus ex Monacho, Argentinenfibus præest.
- 664 184 Multi per Angliam excellunt ex Ordine viri præstantes.
Celebratur in monasterio Estrene falcense Concilium de celebratione Paschatis.
- 665 185 SS. Colmanus, & Agilbertus florent. Idem SS. Wilfridus, & Cedda vel Ceadda.
- 666 186 Monasterium Melrosense nominatissimum efflorescit.
Sanct. Cutbertus Melrosensis Monachus, dein Archiepiscopus Lindisfarnensis.
- 667 187 Post Deodatum Wighardus nominatur Archiepiscopus Cantuariensis; dein Adrianus Abbas, & post Adrianum Theodorus monachus.
- 668 188 S. Adrianus delatum Pontificatus Cantuariensis honorem omni modo à se removens; cogitur nihilominus cum S. Theodoro in Angliam proficisci.
- 669 189 S. Adeo datus ex Monacho dein Summus Pontifex insigni enitet vitæ sanctitate.
- 670 190 S. Theodorus Archiepiscopus cum S. Adriano Abbate partitur onera: uterque publicè litteras profitetur.
- 671 191 Describitur status Regni Francici,
Martyrij laurea coronantur:
S. Projectus, & S. Amarinus Abbas.
- 672 192 Mortuo Recensundo Rege, in Regni solium elevatur Wamba gloriosissimus, exin post aliquot Regni annos, & multa fortiter gesta monachum Ord. nostri professus.

- 673 193 Wamba five Bamba rebelles fortiter edomat; & multa præclare gèrit.
 674 194 Wamba triumphans Toletum ingreditur, pace æquè ac bello gloriosus.
 675 195 Wamba Regis studio Concilia diversa in Hispaniarum Regnis celebrata.
 Idem Episcopatus honore aliquot ex cænobiis nostris ornari impetrat, nostrisq; impensissimè faver.
 S. Valerius Abbas illustrissimus habetur, cujus vitam scripsit Ambrosius de morales.
 676 196 Fundatio monasterij Bertiniacensis.
 Clarent S. Audomarus Episcopus Tarvanensis, & S. Bertinus Abbas. Fufior in describendo S. Bertini cænobio Yepes, Syllabum ejus loci sanctorum pertexit.
 677 197 Moritur S. Audoenus Archiepiscopus Rothomagensis.
 Initia Flavicensis Abbatiz, & aliorum monasteriorum per Sanct. Audoenum. Agit hoc etiam loco Yepes de Sanct. Geremaro Abbate, & S. Leufredo.
 678 198 Ansbertus monachus, & Abbas Fontanellæ, & Archiepiscopus Rotomagensis claret.
 679 199 S. Agatho Summus Pontifex ex monacho nostri Ordinis præest.
 680 200 Farfensis cænobij nobilissimi in Sabinis initia, cujus progressus, & Abbatès describit auctor noster.
 681 201 Bamba Visigothorum Rex gloriosissimus cucullum pro diademate amplexus se in cænobio includens, vitam sanctissimè illuc exigit.
 Concilium duodecimum Toletanum celebratur.
 682 202 Agit hic pluribus Yepes de pænitentibus variis per inquisitionem cænobio inclusis, deque eorum habitu.
 683 203 Concilium decimum tertium Toletanum convocatur: de quo consulendus Yepes.
 684 204 S. Benedictus II. Pontifex Maximus ex nostri Ordinis monacho.
 Rex Galliz hoc loco obiter attingit author ad pleniorè Historiz cognitionem.
 Fundatio Magni illius Gemeticensis cænobij, toto orbe olim nobilissimi.
 S. Philibertus Abbas claret.
 S. Austrebeta prima Pauliacensis Abbatissa.
 Agit alio rursus capite Yepes de vita S. Philiberti Abbatis hoc ipso año, deque successore ejus S. Aichardo viro Sanctissimo, & de Sanctis Confessionibus 450. Gemeticensis cænobij Monachis S. Aichardi discipulis una die felicissimè mortuis. Sed & agit obiter de aliis non-gentis ejusdem cænobij, licet multo post, una item die Martyrio affectis.
 685 205 S. Martyrio coronantur S. Leodegarius Episcopus. Gravia patitur ab Ebroino Tyranno S. Amatus; pari furore in alios Galliz sanctos insanit idem Ebroinus.
 686 206 Sanct. Chilianus, & socij in conversione Franconiz laborantes tandem perimuntur.
 687 207 De supremis S. Guthberti Lindisfarnensis Episcopi agitur.
 688 282 Plurium Angliz Sanctorum meminit hoc loco Yepes, quos brevi elogio exornat S. Eadbertum Archiepiscopum Lindisfarnensem, Sanct. Eattram ejusdem urbis Pontificem, S. Boffonem Archiepisc. Eboracens. S. Eleuterium, S. Eddonem, S. Winfridum, S. Erchenwald. &c. omnes Pontifices diversarum Cathedralium Ecclesiarum.
 Eodem anno celebrat memoriàm plurium sanctarum Reginarum Ordinem nostrum professarum; ut S. Ediltrudis, S. Sexburgæ, S. Ermenildæ, S. Wereburgæ, S. Ælfredæ, S. Ethelfridæ, S. Chineburgæ, S. Eadburgæ, S. Wedæ, S. Quineldridæ, S. Milburgis, S. Miltridæ, S. Edilburgæ, &c. Vnde colligas, ex unius temporis felicitate reliqui quoque felicitatem.

- 689 209 S. Egberti nostri ingentia de Ecclesia merita; de quibus consulendus Yepes hoc anno.
- 690 210 Ad Conversionem Germaniæ accinguntur, digno Apostolica functionis numero duodecim Monachi nostri, quos inter Principes eminet S. Wilibrordus, alias Clemens appellatus.
- 691 211 Clarissimus habetur Sanct. Vulmanus Monachus, & Abbas Boleniensis.
- 692 212 S. Othiliæ, siue Otiliæ celebre nomen, quæ plura ædificat Ordinis nostri canobia; in quorum unico, cuius fuit Abbatilla, trecentas triginta moniales sanctissime educavit.
- 693 213 Concilium XVI. Toleti celebratum, in quo aliqui Abbates promoti ad Cathedrales Ecclesias.
- Videndus hoc eodem loco Yepes noster, de insigni Monachorum constantia, & indefesso labore in convertendis Mauris.
- 694 214 Vedastini Canobij illustrissimi primordia, & nobilitas describitur, & viri ejusdem illustres aliquot celebrantur.
- Duodecim nostri Apostoli provincias inter se partiti, toto animi sensu, ac pro viribus in Conversionem infidelium incumbunt.
- 695 215 S. Witbertus labores suos sanguine exornat, & gloriosissimo fine coronat, ab infidelibus crudelissime peremptus.
- Alij multo fructu fidem Christi prædicando propagant.
- S. Suitbertus Werdenfis Episcopus mira sanctitate efflorescit.
- 696 216 Mortuum resuscitans Sanct. Suitbertus, multos qui aderant gentiles convertit.
- S. Wilibrordus à Sergio Papa consecratur Archiepiscopus, & prope Tajectum plurimos ad Christum adducit.
- 697 217 Concilium Ultrajecti celebratur, cui præsider S. Wilibrordus.
- Ex Angliâ alij rursum è nostris in auxilium Apostolorum nostrorum occurrunt, & ipsi in diversas provincias destinantur.
- Sancti duo fratres Erraldi Monachi Martyrio coronantur.
- Fundatur Imperiale Monasterium S. Emmerani in Vrbe Ratisponensi, cujus nobilitatem, & Abbatum seriem describit Yepes.
- 698 218 Sanct. Willibrordus celeberrimi Canobij Epternacensis fundamenta jacit.
- S. Lambertus noster Episcopus admiranda sanctitate claret & tandem Martyrio coronatur.
- 699 219 S. Willibrordus in Francia, & Frisia, in Dei verbo disseminando Armeniæ laborat.
- 700 220 S. Vulfrannus Senonensis Archiepiscopus Frisonum Conversioni incumbit.
- 701 221 S. Hermelandus Abbas Antrensis. Fundatio Antri celeberrimi Ordinis nostri Monasterij.
- 702 222 Sanct. Wiro ad conversionem gentium ad juvandos Apostolos nostros duodecim missus cum Sanctis Plechelmo, & Otgero strenuè laborat.
- 703 223 Claret S. Benedictus Anglus Abbas Sanctissimus Magister sancti, & venerabilis Bedæ.
- 704 224 S. Andelmus Abbas dein Schireburnensis in Angliâ Episcopus mira sanctitate exsplendescit.
- 705 225 Edilredus, Chenredus, siue Choenredus, & Offa ex Regibus Monachi.
- Reges imitatæ Reginæ, & Regum filiæ, idem institutum amplexæ sunt, S. Chineswida S. Ethelredi Regis soror, Offæ Regis uxor, & S. Chineburga Alfredi Northumbriæ Regis uxor, Chineswidæ soror velum pro diademate amplexæ sunt. Eundem ordinem professæ, Sanct. Chinesdrida, S. Eadburga, S. Weda, de quibus consulendus hoc anno Yepes.

- 706 226 S. Guthlaci nostri celeberrima memoria.
- 707 227 Conditum celebre Div. Michaelis Virdunense cænobium in Lotharingia.
- 708 228 Clarissimus S. Bonitus Arvernorum Episcopus, ac Episcopatu relicto postea monachus Magnilocensis.
- 709 229 Insignis apparitio Sancti Michaelis Archangeli in Gallia, cuius proin honori in monte Tumba nobile ordinis nostri cænobium excitatur.
- 710 230 Prosequitur Yepes nostrorum duodecim in Germania Apostolorum labores, & fructum.
- 711 231 S. Swibertus prædicando multum proficit, mortuum ad vitam revocat, alia multa prodigiose operatur.
Agit eodem anno Autor noster de Monasterio Werdensi, & de Canonizatione S. Swiberti.
- 712 232 Laborant indefesse in conversione Gentilium strenui cooperatores S. Swiberti S. Willeicus, S. Marcellinus Sancti Werenfridus, & Sancti Achatius.
In Hollandia agro Dominico excolendo operam insignem Ecclesiæ navat S. Adelbertus. Fundatum præstantissimum nostri ord. cænobium Egmondense.
- 713 233 Describitur Maurorum in Hispaniis barbaries Regnorum vastitas, & ordinis nostri status. Vbi mira, & lectu dignissima de Monachis, & cænobiis nostris.
- 714 234 S. Gregorius secundus, ex ordinis nostri Monacho Pontifex Maximus de Ecclesiâ meritissimus, qui primus in Ecclesiâ hostes exercitum collegit.
- 715 235 Florent hæc ipso tempore viri ex ordine nostro vita, & genere illustrissimi, Eleutherius ex Duce Austrasiæ Monachum professus, quem ex in relicto item Ducatu consequutus Lambertus frater, pace ac bello gloriosissimus, cuius exemplum deinceps, & filius successor, & filiarum plures imitææ cucullum purpuræ, ac aurum omni antetulere clavis. S. Sebaldus ad conversionem Gentium accingitur, ac tandem Norinbergæ subsistit celebrantur item S. Ioannes ex Monacho S. Hildæ Hagulstaden Episcopus miraculis illustrissimus.
Effulgent eodem tempore Sancti. Herminus Abbas, & Episcopus Laubienensis, ejusque in eodem honore successor S. Theodulphus.
Agit sub finem hujus anni Yepes de incremento ordinis nostri, & Cænobiorum per Germaniam potentia qua videnda.
- 716 236 Describitur Europæ sub hæc tempora status, & afflictio oriente oppressisque ibidem Monachis, in Occidente eorumdem multiplicatio, Imperatoribus, Regibus, ac Principibus certatim cucullum, Sanctiss. Pat. Nost. amplectentibus, monasterij Casinensis insignis restauratio.
- 717 237 Restauratur post longam vastitatem Hispania, & multa ibidem cænobia ex ædificantur 87. cænobia in sola Asturia olim, & nunc celebrata enumerat Yepes noster, ordinis nostri universa.
- 718 238 Fundatio Monasterii S. Ioannis de la Penna, quo annò de initio Regni Nayarrai consulendus Yepes, ut & de Concilio Provinciali Arragoniæ Rege convocante Episcopos, & Abbates sui Regni ad idem S. Ioannis Pennente cænobium.
- 719 239 Agit eodem loco Yepes de Regibus in eo Monasterio sepultis.
- 720 240 Cænobium S. Galli in Helvetia conditur, quod sanctitate mirum in modum illustrat ejusdem primus Abbas S. Gallus.
- 722 242 Magnus ille Germaniæ Apostolus S. Bonifacius celebratur.
- 723 243 Idem vir sanctissimus à Gregorio nostro II. Pontifice Max. Episcopus ad conversionem Gentium ordinatur.
- 724 244 Fundatur potentissimum Germaniæ cænobium Augiense per S. Priminium Episcopum, cuius insignia facta, & plura ab eo condita cænobia com-

- nobilia commemorantur, nobilitas deprædicatur, & Schola inter universitates Ordinis spectatissima laudatur, viri Augienses illustres, ut & Abbates ejusdem monasterii enumerantur.
- 725 245 Transfertur S. Augustinus magnus Ecclesiæ Doctor, & in Cænobio S. Petri de Cælo aureo, multis annis conditus nostrorum domicilio, & servitio usus est. Dignissima lectu hic plura reperies.
- 726 246 De statu Galliæ atque Italiæ discurret Yepes noster, in ordine ad Historiam reliquam.
- Clavis habetur S. Eucherius ex Monacho nostro. Aurelianensis Episcopus.
- 727 247 S. Ina Angliæ Rex & Ethelburga Regina ordinem nostrum profitentur.
- Fundatur spectatissimum illud olim cænobium Glatconienſe in Anglia, cujus prærogativa, & splendor describuntur,
- 728 248 Explendescit insigni sanctitatis, & doctrinæ fulgore S. Ioannes Damascenus, ejusque Magister B. Cosmas, de quorum Monachatu Benedictino pulcherrime differitur.
- 729 249 Diversis Provinciis eximia sanctitate ex Ordine florent S. Bainus, ex Abbate Fontanellenſi Episcopus Morinensium, Jonas Abbas Fontanelle vir doctissimus, S. Floribertus Huberti Aquitaniæ Ducis filius Abbas Stabulensis, dein Episc. Florbargifus Salisburgensis Episcopus ex Abbate S. Petri S. Wendelinus Scotiæ Regis filius Sanct. Britorraldus Archiepiscopus Cantuariensis Sanct. Edilwaldus Episcopus Lindisfarnensis, &c.
- 730 250 Plurima conduntur per S. Pirminium, & S. Bonifacium Monasteria, quæ inter splendescit Imperiale Murbacense Cænobium.
- 731 251 Moritur Sanct. Gregorius noster II. Pontif. Maxim. succedit Gregorius III.
- Claret doctrina, & sanctitate illustrissimus Sanct. Venerabilis Beda noster, de cujus scriptis, & Monachismo Benedictino consulendus Yepes.
- 732 252 Elwangenſe Cænobium conditur, viris illustribus præstantissimum.
- 733 253 S. Corbinianus noster primum ac Cathedrale templum Frisingæ condit, & consecrat in honorem Sanctissimi P. N. Benedicti. Agit ibidem de pluribus olim in honorem ejusdem Sanctissimi P. N. Benedicti exstructis monasterialibus, parochialibus, & Cathedralibus templis Yepes, & vitam prosequitur Sanct. Corbiniani primi Frisingensium Episcopi.
- 734 254 S. Pirminius fundat tria nobilissima Monasteria Amorbacense (sive Amorbacense) Cellam Monachorum & Fabariente.
- 735 255 Strenuè laborat sanctiss. Germaniæ Apostolus noster Bonifacius in conversione Teutonum, ac plura exstruit monasteria.
- Clarissima habetur S. Lioba Abbatissa, de qua miranda affert auctor de fructu ingenti maximè ab ejus vitæ exemplo consequuto, à cujus ore atque eruditione maximi Franciæ, & Germaniæ Principes pendebant: Pari sanctitate excelluit S. Thecla Abbatissa, de qua hoc eodem anno agitur.
- 736 256 Monasterium Hirsfeldense conditur, ejusque dignitas, & virorum illustrium frequentia commendatur.
- Moritur S. Clemens noster Ultrajectensium Pontifex, cum se ante mortem in Cænobium rursus conclusisset; cui S. Bonifacius communis scriptorum opinione in Archiepiscopatu succedit.
- 737 257 S. Theodulphus Northumbriæ Rex relicto Regno, Monachum proficitur, & insigni sanctitate proficit.
- S. Tetta filia Cutredi Saxonum Occidentalium Regis cucullum Regno anteponit, & pari sanctitate excellit.
- 738 258 Willicarius Archiepiscopus Viennensis ex Monacho nostro celebratissimus.

- 739 259 Moritur Favilla Rex II. Austrasiæ de nostris meritissimus.
S. Bonifacius aliquot per Bavariam Episcopatus erigit, & autor est plurimum in provincia eadem canobiorum exstructorum.
- 740 260 S. Bonifacius ædificandis canobiis, & propagando monachismo intensissimus. Plura hic ab Ypès canobia celebrantur, diversis capitibus enumerata.
- 741 261 S. Bonifacius plures per Germanias excitat Ecclesias Cathedrales, & novos erigit Episcopatus, eosdemque terminis suis distinguit. Monachi Cathedrales passim instituti, & ex nostris ad Pontificatum evecti, strenuè in Ecclesia Dei, & infidelium conversione laborant.
S. Burchardus noster Herbipolensis Episcopus primus instituitur; cuius vitæ res gestæ narrantur, & S. Adelarius celebratur.
Moritur S. Gregorius III. Pont. Maxim. eligitur Zacharias Ordinis nostri monachus, cuius merita commemorantur.
- 742 262 Concilium celebrat S. Germaniæ Apostolus Bonifacius.
- 743 263 Aliud ab eodem Concilium in Germania celebratur, ubi multa in nostri ordinis favorem per insignia.
- 744 264 Fuldense illustrissimum ac potentissimum Germaniæ Monasterium conditur per nostrum Germaniæ Apostolum S. Bonifacium, cuius præminentia, & qualitates, nec non viri illustres, ac schola publica ample commendantur.
- 75 265 Rursum Concilium in Alemânia convocat S. Bonifacius noster. S. ipse Bonifacius eligitur primus Archiepiscopus Moguntinus. Aistertensis Episcopatus in Germania primordia.
Fit primus Episcopus Aistertensis S. noster Willibaldus.
Agitur hoc eodem loco de Germanis S. Willibaldi.
SS. Wunibaldo, & Walpurgæ, omnibus Sanct. Pat. Nost. Ordinem professis.
Virgiliacensis canobij initia, in quod translatum S. Mariæ Magdalenzæ sanctissimum corpus.
Fundatum S. Michaelis de Cuxan in Catalaunia monasterium in quo rarissima sanctitate exsplenduit S. Nazarius monachus.
- 746 266 Viri sanctitate, & fama celebratissimi præcipuè hoc ipso tempore in ordine celebrantur. S. Ebbo Archiepiscopus Senonensis, S. Alboinus Episcopus Frislariensis, S. Wigifus Abbas, & Episcopus Laubienfis SS. Hatiinda, & Relinda Abbatissæ, Iacobus ex Episcopo Tullenfi Monachus S. Benigni, S. Hidulphus Archiepiscopus Treverensis, &c.
- 747 267 S. Carolomanus ex Rege fit monachus, cuius vita lectu dignissima ab Ypès describitur.
- 748 268 Per hæc tempora consecravit Ecclesiam Casinensem Zacharias Papa, & splendor ejusdem Canobii exprimitur.
- 749 269 Monasterium Nonantulanum conditur, fitque primus Abbas S. Anselmus ex Duce Foro-Juliano Monachus. Multitudo sanctorum monachorum, & martyrum ejusdem Canobii deprædicatur. Abbatum item Syllabus textitur.
- 750 270 Rachisus Longobardorum Rex monachum, relicto amplissimo Regno, in Canobio Casinate induit. Thesia Rachisij Longobardorum Regis uxor, mariti exemplum sequuta eidem instituto se addicit. Patremque Reges, irritatæ filiæ Ordinem eundem profitentur omnes insigni vitæ sanctitate excellere.
- 751 271 Childericus Rex Franciæ, & Gisala Regina cucullum induunt.
Fulradus Abbas S. Dionysij celeberrimus habetur.
- 752 272 Mortuo S. Zachariæ nostro Summo Pontifice, rursus ex eodem ordine sufficitur, S. Stephanus III. Monachus Casinensis, qui in canobio Sanct. Dionysij Pipinum, & Bertham Franciæ Reges inauguravit, & coronavit.
S. Hildebertus Abbas primus Martyr pro defensione sanctarum imaginum.

- 753 273 Pipinus Rex ordini nostro plurimum favet, & tria insignia excitat cœno-
bia. S. Magni Faucense, S. Altonir. (cujus monachi cum ipsa funda-
tione, sive bonis fundatoris, translati ad montem S. Martini prope
Palatium Guelphicum, à Ducibus Guelphis, hodie vinearum nomi-
ne, vulgo Weingartenſe, appellatur,) & S. Salvatoris Prumiense. Pru-
miensis cœnobij splendor, & viri illustres celebrantur.
- 754 274 Archiepiscopatu Moguntino se abdicat, eundemq; S. Lullo commen-
dat, S. Bonifacius noster Magnus Germanorum Apostolus, atq; ipse
ad conversionum pergit.
- 755 275 S. Bonifacius noster post innumera de Ecclesia, & Germaniæ Regno
amplissimo merita, cum sociis in Frisia, prædicationis, & laboris fi-
nem sortitus illustrissimo Martyrio coronatur.
Præcipuorum ex sociis quinquaginta S. Bonifacij Martyrum Mona-
chorum memoria celebratur.
S. Bonifacij merita, de Anglia, Germania, ordine nostro, ac Ecclesia uni-
versa mirum in modum deprædicantur.
- 756 276 Ultrajectensis Ecclesiæ status à morte S. Bonifacij describitur.
Clarissimus exsplendescit gravissimis de Ecclesia Dei meritis S. Grego-
rius Ultrajectensis Episcopus.
Pari sanctitatis fama, & meritorum gloria emicat S. Lebuinus, in con-
versione Gentilium indefessus.
Regale cœnobium S. Benedicti Saguntinum extruitur, cujus potentia,
splendor, & dignitas fusissime depingitur.
Agit hoc eodem anno de cathedralibus Benedictinorum in Hispania
Ecclesiis Yepes, qui vid. omnia observatu longè dignissima.
- 757 277 Status Regnorum Hispaniæ describitur. Et cœnobio ab Alphonsò Re-
ge condita commemorantur.
Eadbertus Rex Angliæ Monachum in Lindisfarnensi cœnobio in-
ducit.
- 758 278 Gorziense Religiosissimum in Lotharingia monasterium fundatur.
- 759 279 Monasterium S. Iulii Brixienſe conditur.
Fundatum item Sancti Michaelis de Petroso in Hispanis Monaste-
rium.
Exstructum eodem anno monasterium Sancti Iuliani de Samor in Gal-
latia per Regem D. Fruelam. cujus cœnobij præstantia fusius ex-
plicatur.
- 760 280 Schlierſeenſe in Bavaria cœnobium exædificatur.
- 761 281 Monasterij S. Vincentij de Oviedo principia, cujus dignitas explicatur,
de Cathedralibus nostris Monasteriis, deq; aliis cœnobiis prope Ec-
clesias Cathedrales conditis prolixius agitur.
- 762 282 In cœnobio eodem Asturiæ Regum veterum sepultura.
Inter Pontifices ex ordine nostro præstantiores hoc anno referuntur:
Gaymbertus Archiepiscopus Cantuariensis, Monachus SS. Petri &
Pauli Cantuar. & post ipsum Aderandus Archiepiscopus, ex mona-
cho Malmesburienſi, S. Perwinus ex monacho item Malmesburien-
ſi Episcopus casæ candidæ, &c.
- 763 283 Clarissimi habentur S. Abel Abbas, & Episcopus Laubienſis, & S. Amal-
winus ejusdem in Episcopatu successor, S. Tamo item ex Monacho,
& Abbate Amarbaricenſe Episcopus, Werdenſis.
- 764 284 Monasterium Ottenpuranum in Suevia ædificatur in honorem Sancti
Alexandri: cujus viri aliquot illustres recententur.
- 765 285 S. Naboris in Lotharingia cœnobium fundatur, olim S. Hilarij appella-
tum.
- 766 286 Plurima per Bavariam exstruit cœnobio Taſilo Dux Bojorum: quæ in-
ter Wessenbrunnen, Manſee, Thierhaupten, &c.
Fundata item celeberrima Monasteria Chremſmunſter, & Lauriſſenſe,
in quo tandem Monachum induit ipse Dux Taſilo.
- 767 287 Constantinus Imperator monachos in Oriente sumopere persequitur.

- 768 288 S. Stephanus Papa IV. ex ordinis nostri monacho.
Pipini in nostros benevolentia commendatur.
Pipini Regis filia Caroli Magni sorores Idaberga, Ada, Gisela ordini nostro se addicunt.
- 769 289 S. Stephanus Papa, Concilium Romae celebrat, & paulo post moritur de Ecclesia bene meritus.
- 770 290 Theodora Regina propter sterilitatem à Carolo Rege an aliam ob causam, repudiata, meliori sponso nubit, Christo Domino, ordinem in D. Iulia Brixienfi professam.
- 771 291 S. Adclardus Caroli Magni consobrinus, ob indignitatem repudij Theodoræ Reginae Caroli conspectum fastidians, & ipse Monachum induit, & in sanctitatem imitandam proficit.
- 772 292 Sub hæc tempora plura ædificantur cænobia in Hispaniis. Vid. Yepes.
- 773 293 Monasterium Imperiale Campidonense conditur, cujus splendor, & prærogativæ prædicantur.
- 774 294 S. Ioannis de Pravia in Hispaniis fundatur per Regem Silo, & Adosindam Reginam.
- 775 295 Clarissimus habetur Sanct. Rumoldus noster Archiepiscopus Dublinensis.
- 776 296 Italiae status describitur, & Casinense cænobium in primis floret, quando Numen hic ipso tempore miranda per S. P. N. Benedicti corpus operatur.
- 777 297 Claret Theodemarus Abbas Casinensis, de cujus ad Carolum Magnum litteris legendus Yepes.
- 778 298 Plura conduntur hoc aho nostri ordinis cænobia in Catalaunia per Carolum Magnum, de quibus consulendus Yepes.
- 779 299 In Archiepiscopatu Trevenienti multi hoc ipso tempore ex ordine viri illustres prodire, quos inter duo in primis Archiepiscopi Treverenses Vismadus ex Monacho S. Maximini Treverensium Pontifex, & successor Ricobaldus ex monacho Mediolanensi enituer.
- S. Mariae de Horreo ingens splendor, in quo uno cænobio decem Abbatissæ sanctitate vitæ insignes excellere.
- 780 300 Principia sanctissimi cænobij S. Iustinae de Padua ejusque splendor describitur.
- 781 301 Fundatur insigne monasterium S. Mariae de Obona in Regno Asturicensi.
- 782 302 Pipinus ungitur Rex Italiae, cui tutor assignatur S. Adelandus noster Abbas Corbeiensis.
- Celebratur S. Zenonis Veronense monasterium, ejusque exordia describuntur. Plura in Gallicia monasteria excitantur.
- 783 303 Mortuo Silo Rege, Adosinda Regina pro purpura cucillum amplectitur. Claret S. Beatus, & Aethereus.
- 784 304 SS. Beatus, & Aethereus contra Elipandi errores se strenue opponunt, & duobus libris eos refutant.
- 785 305 Ex ordinis nostri Episcopis hoc tempore præ aliis exsplenduer, S. Gregorius Episcopus Ultrajectensis, S. Albericus ejus successor, S. Remigius Episcopus Argentinenfis, ejusque successor Sanct. Rato, Sanct. Simpertus Episcopus Augustanus, Sanct. Deotinus Episcopus Aurelianensis, Bertricus Episcopus Salisburgensis, Simbertus Episcopus Ratisponensis, & Adalwinus successor.
- Florent etiam viri illustres sanctitate plurimi S. Frodinus Abbas Novalicenfis, & S. Fremundus filius Regis Merciorum.
- Ex genere illustribus Monachi eminent Carolomannus, & Pipinus filij Carolomanni Regis.
- 786 306 Albinus Flaccus vulgo Alcuinus vir eruditissimus, & scriptissimus claret Theologiae scholasticæ hoc ipso tempore

- debetur, atq; in primis Alcuino. Clarissimus item eo ipso tempore
Vluardus autor Martyrologii.
- 787 307 Exsplendet cit pari luce ac fulgore Paulus noster, vulgo Diaconus, Mo-
nachus Casinensis.
- 788 308 Tasilo Rex Bavarie Monachum induit.
Veremundus Asturum Rex pari modo relicto regno cucullum am-
plexatur, & amplectitur.
Sanct. Wileadus Bremenensis Episcopus Gentilitatem indefesse profligat.
- 789 309 Neque minus strenue laborat in Frisie conversione Daventriensium
Apostolus S. Ludgerus.
Fundatur Imperiale monasterium Werdense per S. Ludgerum Episco-
pum, cujus vita, & mors describitur.
- 790 310 Monasterium Dodonienle in Flandria exedificatur.
Idem Monasterium S. Ioannis Cillapraelata.
- 791 311 Agitur de fundatione universitatum Parisiensis, & Papiensis.
- 792 312 De statu Bavarie differitur. De vita item S. Angelberti Abbatis, Sanct.
Richarij. & Pipino Monacho Caroli M. filio.
- 793 313 S. Alfreda filia Offae Regis Merciorum cucullum induit.
- 794 314 S. Albani Moguntiae canobium exstruitur.
S. Albani aliud Monasterium in Anglia exedificatur, cujus splendor
proponitur.
- 795 315 Abbatia S. Felio Gujoles exstruitur; cujus qualitates, & dignitas pradi-
cantur.
- 796 316 Plura canobia prope principales Romae Ecclesias reedificata sive fun-
data.
- 797 317 Guisulphus Abbas Casinensis claret.
- 798 318 Rex Alphonfus Castus in Hispaniis regnat, cujus in nostros propensio
extollitur.
S. Pelagii de Oniedo extruitur, & de illustribus ejus canobij Monialibus
agitur, ex quibus Regio genere, & maiestate nonnullae enitueret.
- 799 319 Floret insigni sanctitate notissima S. Ida vidua.
- 800 320 Leo Tertius Pontifex Maximus Romae coronat Imperatorem D. Ca-
rolum Magnum.
- 801 321 S. Petri de Las Buelas Monasterium Baccelonense construitur.
- 802 322 Moritur Garzias Rex, & succedit Fortunius, uterque apud nostros se-
pultus.
- 803 323 Monasteria aliquot exstruuntur per Hispaniam, quae inter numerantur
S. Martini de Saras, & monasterium de Obarra.
- 804 324 Fundatur Cathedralis monachorum nostrorum Ecclesia de Valpueste
legendus Yepes.
- 805 325 Plurima per Italiam atq; Germaniam fundantur ordinis nostri Mona-
chis Scotis monasteria; de quorum praestantia, & monachorum vir-
tute videndus Yepes.
- 807 327 Mauri Monachos plures captivos abducunt.
Monasteria plura exstructa in Aquitania.
- 808 328 S. Bartholomaei corpus per mauros dispersum nostri colligunt & poste-
riorum pietati conservant.
- 809 329 S. Humberti in Flandria canobium aedificatur.
- 810 330 Angelus Particiacum Dux Venetorum extruit monasterium Sanct. Za-
chariae.
Moritur eodem anno Pipinus Italiae Rex sepultus in nostro S. Zenonis
Veronensi monasterio.
- 811 331 Multi filij, & filiae Caroli magni Imperatoris Ordinem nostrum profes-
sa memorantur.
- 812 332 Viri ex ordine illustres plutimi; pra aliis celebrantur Hettho Basiliensis
Episcopus Caroli M. ad Orient. Imper. Legatus; Eldoynus Archi-
episcopus ex monacho Lirinensi, Aygulphus Episcopus Bituricensis,

- Aystolphus Archiepiscopus Moguntinus Amoluvinus Archiepiscopus Salisburgenfis, Rato Episcopus Argentinensis, Wolfcon Episcopus Constantiensis, Frotarius Episcopus Tullensis, Cortila Episcopus Werdensis, &c.
- 813 333 Quinque Concilia per Franciam celebrantur in iisq; multa in favorem nostrorum constituuntur.
Legati ad Imperatorem Constantinopolitanum missi hoc año B. hamularius Fortunatus ex Monacho nostro Archiepiscopus Treverensis, & Petrus Abbas Novantulanus.
- 814 334 Moritur Carolus Magnus Imp. cujus de Ordine nostro merita explicantur.
- 815 335 Principium, & incrementa S. Mariæ Regalis de Yrache.
Describitur vita S. Veremundi Abbatis.
Grandes prærogativæ, & splendor ejusdem Monasterii de Yrache commendantur cujus Abbas est simul Rector universitatis ibidem. Sed Consul. Yepes.
S. Lintpurga claret. Et conditur Cænobium Ordinis perillustre Swarzachium.
- 816 336 Moritur S. Leo III. Pont. Max. & ejus excellentia deprædicatur. Succedit S. Stephanus IV.
- 817 337 Moritur S. Stephanus IV. & eligitur Paschalis I. ex Ordin. nostri Monacho.
Congregantur Monachi, & Abbates nostri Aquisgrani super observatione sanctissimæ Regulæ. Vid. Yepes.
Hoc eodem loco multæ controversiæ pulchrè enodantur.
- 818 338 Iterum agitur de filiis Caroli Magni monachis.
S. Apollinaris Casinensis præest, quorum tunc Religio laudatur.
S. Paschalis I. ædificat Romæ monasterium S. Praxedis.
- 819 339 S. Beda Genuensis, longè diversus ab illo Angliæ, venerabilis cognomen merito, clarus habetur.
- 820 340 Wiquelcombæ Monasterium in Anglia exstruitur.
- 821 341 Reædificatur Ecclesia S. Cæciliæ in urbe per S. Paschalem primum, eademque adjicit Cænobium, quod in hodiernam diem Moniales nostræ obtinent.
- 822 342 Fundatur monasterium S. Mariæ de Aquilas.
- 824 344 Coronatur Imperator Lotharius à S. Paschale nostro, qui Sanctiss. Pontifex post menses paucos ad felicem æternitatem abiit.
- 825 345 S. Sebastiani Martyris egregij corpus translatum in D. Medardi Cænobium nostrum.
- 826 346 S. Ansgarius Corbeienfis monachus in conversione Infidelium Danorum strenuè operatur.
- 827 347 S. Gregorius IV. ex Monacho Fossæ novæ fit Pont. Max. Et Fossæ novæ brevis narratio texitur.
- 828 348 Religione, & doctrina in Ordine eminent: S. Theodatus Abbas, Sanct. Rixfridus Episcopus Trajectensis: S. Hefingerus Episcopus Werdensis, S. Harrucus de Werda. Hieremias Archiepiscopus Senonensis, ejusque successor Aldricus; celebratur etiam Adelelmus insignis Historicus, & Freculphus Lexoviensis Episcopus.
- 829 349 Canones Concilii Parisiensis aliquot tractantur, de velo nostrarum Deo Sacrarum Virginum.
- 830 350 Initia, & progressus Cænobiorum Hirsaugiensis, & Corbeienfis in Saxonia, quod fuit seminarium Episcoporum, & Apostolorum ex Ordine ad conversionem Gentium destinatum, Status Mundi, & Ordinis Benedictini describitur, Hirsaugiensis Cænobij amplitudo commendatur.
- 831 351 Sanct. Mariæ superius in Vrbe Ratisponensi Cænobium ædificatur.
- 832 352 S. Adelardus Abbas pro meritis celebratur, Corbeiz Saxoniz fundatio, &

- tio, & praerogativae amplius explicantur, S. Ansgarii Apostolatus commemoratur. Rursum agitur de Ecclesiis Cathedralibus Benedictinis, à S. Ansgario erectis. Clarent fama celeberrimi Drogo Archiepiscopus Metensis Caroli Magni filius, & Angelomus scriptorū monumentis clarissimus. Einardus item ex secretario Imperatoris Caroli Magni Selgenstadenfis Monachus.
- 833 353 Ludovicus Pius à filiis improbè vexatus, & afflictus, cucullum tandem in Divi Medardi, aliquandiu indutus, dum aliter Deus Regni res disponeret. Iuditha Imperatrix pari modo reclusa tandem proposito, & voto Monialis in pace, & quiete moritur; cujus honor ab Yepes strenuè describitur. Frauwenmünster Tyguri potentissimum monialium Cænobium fundatur.
- 834 354 Abbatum Casinensium S. Adeodati, Hilderici, & Auberti insignis memoria. Ducenti martyres de Cardenna Cælis triumphantes recipiuntur.
- 835 355 Inventum Corpus Gloriosissimi Hispaniæ Tutelaris S. Iacobi. Fundantur perillustria Hispaniæ Cænobia S. Petri Antealteres, & S. Martini in Civitate S. Iacobi. De quibus consulendus fusiōr Yepes; & maxime de monachis S. Martini facientibus officium in Ecclesia majore Sanctæ Mariæ de Cortezela, & servientibus corpori Sancti Iacobi Apostoli.
- 836 356 Fundatur monasterium del Zebrero in honorem B. M. V.
- 837 357 Bassacius Abbas Casinensis clarissimus, & sub eodem Cænobij status.
- 838 358 Rhabani Mauri Archiepiscopi moguntini ingens fama. Ejusdem librorum syllabus textitur. Eodem tempore celeberrimi habentur Aymon ex Abbate Hirsfeldensis Episcopus Halberstattensis, duo Strabones, Theodulphus Abbas Floriacensis dein Episcopus Aurelianensis. Bertrammas monachus, Christianus Deutmarus, &c.
- 839 359 Monasterium S. MARIÆ Virginis Wormatiense conditur.
- 840 360 Plura exædificantur Cænobia in Regno Navarræ.
- 841 361 Sancti Germani Antisiod. transfertur: & viri ejusdem Cænobij illustres enumerantur.
- 842 362 Gandersheimense Illustrissimum in Germania Cænobium extruitur.
- 843 363 Moriuntur Alphonsus castus Rex Hisp. & Gregorius noster I V. Pont. Alex. qui inter alia mirificè coluit Ecclesiam Beat. Mar. Virg. trans Tyberim, ibique Monasterium condidit, in quo Monachos Canonicos aggregavit.
- 844 364 Res & statum describit Hispaniæ autor noster.
- 845 365 Mauri Christianorum provincias invadunt, plurimi ex nostris Martyrio coronantur. S. Germani miraculum contra Nordmannos recensetur. S. P. N. BENEDICTUS mirabilia plura contra Nordmanorum Regem & exercitum operatur.
- 846 366 Monasterium S. Cypriani de Calogo in Hispaniis.
- 847 367 Comendatur mira sanctitas S. Leonis Papæ hoc nomine quarti ex monacho Ordinis nostri. Celebratur Concilium provinciale Moguntiae, enumeranturque qui ex Ordine nostro viri illustrissimi interfuere.
- 848 368 Concilium II. Moguntiae cogitur, cui rursus praeest B. Maurus Rhabanus noster, & virorum illustrium ex Ordine qui adfuere nomenclatura profertur. De Hildesheimensibus nostris monachis Canonicis agitur.
- 849 369 Florent in primis B. Notgerus S. Galli monachus, Werembertus, Hartmundus, ejusdem Cænobij monachi, Otfridus Hersfeldensis, Lupus Ferrariensis, Waldebertus five Wandelbertus Prumiensis auctor martyrologij, Ioannes Scotus, de quorum scriptis prolixius agitur.
- 850 370 Status Hispaniarum depingitur, & de nostris Cordubæ monasteriis multa afferuntur. De duplicibus monachorum & monialium Cænobiis olim frequentissimis agitur.

- 851 371 Martyrij corona donantur SS. Isaac, Petrus aliq; plures.
- 852 372 Laurea Martyrij illustres fiunt S. Gumefindus, S. Servideus, &c.
Condit a S. Sixti Placentinum, & S. Viti in Lotharingia Cænobia.
- 853 373 S. Remigij Rhemenfis Archimonafterij splendor describitur.
Pipinus Aquitaniæ Rex, ejusque Germanus Carolus, purpuram & Regnum cucullo permutant. In Monasterio Turonensi Martyrio coronati centum viginti Monachi. In Hispania passi SS. Monachi Fandila, Anastasius, Felix &c.
- 854 374 Monasterium de las Dunas conditum.
- 855 375 Plures Cordubæ Martyrio afficiuntur. Clarent S. Folquinus, Marianus Scotus, S. Lotharius, &c.
- 856 376 Martyrium passi SS. Helias, Paulus, Isidorus, &c.
- 857 377 S. Bertharius Abbas Casinensis insigni sanctitate effulget.
- 858 378 In Septentrionis Regionibus ingenti fructu laborat S. Ansgarius. Clarissimus iisdem partibus illucescit S. Rembertus Bremensis Archiepiscopus.
- 859 379 Agitur de S. Eulogio Archiepisc. & Martyre, & titulo Abbatis.
- 860 380 Vita & Martyrium S. Meginradi Augiensis Monachi, initium Cænobij Einsidlenfis, ex Principibus præcipuè celebrati: Lotharius filius Imper. Caroli Calvi, Carolomanus ejusdem Imp. filius Hugbertus eorundem frater, & Rothilda soror, omnes nostri Ordinis monachi, Alpaïda item Ludovici Pij Imper. Luitgarda & Bertha Ludovici Alemanniæ Regis filia cucullo quam diademate illustriores. De aliis consulendus Yepes. De destructione Cænobiorum, & reedificatione, sopita persecutione in Hispaniis hoc etiam loco agitur.
- 862 382 S. Swituni Wintoniensis Episcopi celebris sanctitas.
- 863 383 Monasteria S. Felicis de Auca, S. Mariæ de Puerto, SS. Petri & Pauli de Trubia in Hispaniis conduntur, in quorum postremo Episcopus Gladila monachum professus atque etiam Abbas est electus.
- 864 384 Agitur de translatione S. Vincentij levitæ & martyris.
- 865 385 Celeberrimi hoc tempore Egilus Archiepiscopus Senonensis & Ruthardus ex monacho Fuldensi Rector Scholæ Hirsaugiensis.
- 866 386 Res inquietæ in Gallia de quibus legendus Yepes. Claret Hugbertus ex Duce Monachus. Mortuo Ordonio Rege succedit Alphonſus magnus, nostris addictissimus.
- 867 387 Principia antiquissimi Monasterij S. Victoriani in Aragonia.
- 868 388 Memoria Monasterij S. Stephani de Ozan. Bulgari ad fidem conversi eorumq; Rex Trebellius cucillum induit.
- 869 389 Translatum corpus S. Mauri discipuli S. P. N. BENEDICTI Clarus Sanct. Hunfridus noster Morinorum Episcopus. Agitur de octava synodo Constantinopolitana in ordine ad reliquam Historiam, defenditurque Anastasius Bibliothecarius & Aymoinus contra Baronium.
- 870 390 Hinckmarus noster Rhemenfis Archiepiscopus vir sæculi hujus illustrissimus celebratur. Dani in Angliam irrumpunt ex nostris plurimi Mart. Fundatio Sanct. Walburgis Eistettensis, & Furnensis in Flandria.
- 871 391 Ansegisus noster Senonensis, collegit in tomum I. Leges Francorum Plura per Hispanias Cænobia ædificantur, quæ inter S. Vincentij de Ocazta, è Vizcaya.
- 872 392 Regale Monasterium Saguntinum reedificatur.
- 873 393 S. Emiliani Monasterium Seminarium Religionis celebratur.
- 874 394 Rex Britannia minoris Salomon monachum profitetur. Monasterij Redonensis Splendor. Martyrio in Britannia plures coronantur.
- 875 395 Moritur Ludovicus II. Imperator conditus in Cænobio Sanct. Ambrosij mediolanensi, cujus Cænobij dignitas Reliquiæ Sanctorum, aliæque describuntur. Successus Cænobij S. Martialis in Gallia commemorantur.
- 876 396 Moritur Ludovicus Germaniæ Rex apud nostros Lauriffenses sepultus. Caro-

- 877 397 Carolus Calvus Imperator naturæ concedit conditus in D. Dionysij Parisiis enumerantur aliquot Ordinis nostri Cænobia ab ipso ædificata. clarent Henricus Monachus Antisiodorensis illustris scriptor; Remigius item ibidem Monachus; vir doctissimus; dein Antisiodorensis Episcopus; qui diversas Galliarum Universitates doctrina sua plurimū illustravit. Milo item Monachus Elnonensis, Hugobaldus Sancti Amandi. Palchastius Ratbertus, Bertrannus, & Ambrosius Ansbertus Theologi absolutissimi celebrantur.
- 878 398 Rex Alfredus Danis victis consilio B. Neoti Monachi nostri fundat universitatem Oxoniensem, ubi nostri publice profitentur.
- 879 399 Moritur Ludovicus Balbus Rex Galliarum conditus in S. Cornelij de compendio. Florent Walbertus Episcopus Hildesheimensis, & Ado Episcopus Beluacensis. Clarent item Bertolfus Archiepiscopus Treverensis, & Wallo Episcopus Metensis, Eurardus item Archiepiscopus Senonensis.
- 880 400 Caroli Magni Monarchia in hæreses diversos diversa. Vid. Yepes.
- 881 401 De pluribus hujus temporis ex Ordine nostro Martyribus universim agitur.
- 882 402 Nortmannorum in Ecclesiam Dei furor, ut & Saracenorum in Italia irruptio describitur, infinitis per eosdem ex Ordine nostro Martyrio affectis.
- 883 403 Multi in Hispania per Saracenos Martyrio afficiuntur. Principia Monasterij S. Petri de Rocas Principia & successus Abbatiae S. Isidori de Duennas.
- 884 404 Ingens multitudo Martyrum cum S. Berthario Casinensi Abbate.
- 885 405 Nordmanni devastant Galliarum Regnum. Clarent Goslinus Episcopus Parisiensis, Ansaldus Abbas Prumiensis.
- 886 406 Prosequitur Yepes Nordmannorum in Gallias irruptionem. In unico Gemmeticensi Cænobio Martyrio sublatis nongenti SS. Monachi.
- 887 407 S. Richarda Imperatrix Ordinem nostrum proficitur.
- 888 408 S. Rembertus noster moritur; succedit S. Adalgarius. Plura in Catalaunia Cænobia exædificantur per Witredum Comitem de Barcellona S. Mariæ de Ripot splendor & prærogativæ explicantur. Historia S. Imaginis Monserratenensis, ejusque sacri loci & Monachorum præstantia prolixissimè celebratur.
- 889 409 Vngarorum irruptio memoratur.
- 890 410 Angelarius Abbas Casinensis fit Episcopus Theanensis, ei succedit Ragemprandus & Casinensium res comendantur Haderardo Abbate Hirsaugiæ felicitas prædicatur. Inter viros Ordinis illustriores: Salomon Episcopus Constantiensis Rupertus Monachus S. Albani, Amelricus Episcopus Spirensis, Adrebalus Historicus Floriacensis. Sigismundus Episcopus Halberstattenensis, Cunicigo Abbas Laurisensis, Herdericus Monachus Hirsaugiensis, &c. Inter genere illustriores celebrantur Ethelwida Alfredi Angliæ Regis uxor, Ethelwida Merciorum Regina, & Hildegarda Ludovici Alemanniæ Regis filia, soror Caroli Crassi, Moniales.
- 891 411 Moritur Sunderoldus Moguntinus Archiepiscopus, succedit Hatho noster.
- 892 412 Plurimi Ordinis nostri Monachi maximè in Cænobio Prumiensi hoc anno à Nordmannis trucidantur, Rhegino fit Abbas Prumiensis.
- 893 413 Monasterium S. Salvatoris de Valdedios fundatur. Ecclesia Cathedralis Spirensis Canonicos Ordinis nostri habet.
- 894 414 Suatocopius Moraviæ Rex monachum proficitur.
- 895 415 Concilium Triburiense celebratur, & viri illustres nostri eidem præsentibus enumerantur.
- 896 416 S. Dionysij Episcopatus Mindensis Monasterium memoratur.
- 898 418 Claret S. Gennadius ex Abbate S. Petri de Montibus Episcopus Asturicensis. Plura ejus Dioceseos nostri Ordinis Cænobia nominantur.

- nantur. Ecclesia Asturicensis Cathedralis à nostri Ordinis Monachis curatur.
- 899 419 S. Radbodus noster Episc. Ultrajectinus habetur clarissimus.
- 900 420 S. Fulco Archiepiscopus Rhemensis, & Martyr, effulget Plurima passim Cænobia fundantur: inter alia S. Vitalis apud Ravennates, S. Servatii in Lotharingia, & S. Salvatoris de Lorvela. Clarus S. Smaragdus Abbas.
- 901 421 Infiniti Monachi Martyres in D. Ioannis Messanæ in Sicilia. Fortunius II. Rex Navarra Monachus Sancti Salvatoris de Leyre clarissimus celebratur.
- 902 422 Ioannes IX. Pontif. Max. Monachus ordinis nostri.
- 902 422 Fundatur Sancti Vincentii de Monforte, & describitur. Fundatur item illustrissimum Cænobium S. Trudperti in Hercinia. Claret S. Grimbaldus Monachus S. Bertini. Plurimi Monasterii Nonantulani Monachi Martyres.
- 903 423 Moritur Ethelwida Regina, & Monialis. Monasterij de Alga dese memoria.
- 904 424 Restauratum denuo Regale Cænobium Saguntinum.
- 906 426 Novaliciensis Cænobij splendor, & Bibliotheca celebratur.
- 907 427 Leonis V. & Christophori Romanorum Pontificum vitæ.
- 908 428 Insigne Cænobium Sancti Stephani de Rivas del. Sil in Gallitia conditur. Eodem in Cænobio plurimi relicto Episcopatu vitam Monachicam amplexi sunt. Condita S. Salvatoris de Cinis, & S. MARIA de Ferreyra.
- 909 429 Clarus Sancti Otgerus ex Monacho Corbeix Bremensis Archiepiscopus.
- 910 430 Huni Monasteria plurima evertunt. Monasterium illud famosissimum S. Petri Cluniacense construitur: potentia, sanctitas, & dignitas prolixè commendatur. Ejusdem Cænobij viri sancti & illustres plurimi enumerantur.
- 911 431 Fundatur Monasterium S. Petri de Eslonca Regni Legionensis facile princeps. Conditum item Cænobium SS. Adriani, & Nataliæ in eodem Regno Legionensi.
- 912 432 Legendus Yepès de controversia super quorundam Cænobiorum fundatione.
- 613 433 Fundatum Monasterium S. Petri de Aureliaco, alias dictum Sancti Giraldi.
- 914 434 Principia, & successus Monasterii S. Pauli Barcelonensis.
- 916 436 Conditum Cænobium S. Leocadiæ de Castannera ubi fuit Monachus S. Gennadius. Agitur de Episcopis Cixila, & Fruminio. Plurimi per diversas orbis partes ex Ordine viri illustrissimi exsplendescunt inter alios S. Gennadii Discipuli, & in Episcopatu successores, Fuertes, & Salomon viri spectatissimi, & meritis graves, Obecus Episcopus de Oviedo ex Monacho S. BENEDICTI Saguntino, &c.
- 917 437 S. Elfreda, & S. Elgida filia Eduardi Angliæ Regis, Moniales.
- 918 438 S. Winto noster Bremensis Archiepiscopus ex Monacho Corbeienfi Danorum, & Gothorum Apostolus. Principia insignis Monasterij S. Dominici de Silos, & splendor. Agitur fusè de S. Dominico Abbate, ejusque miraculis.
- 920 440 Fundatur S. Martini de Albelda. Vita Abbatis Salij. Fundantur Monasterium S. Flori, ex in Cathedrale.
- 921 441 Celebratur S. Guibertus fundator Monasterij Gemblacensis.
- 922 442 Conditum insigne Monasterium Beat. Mar. Virg. de Sobrado in Gallitia.
- 923 443 Monasterij de Santa Columba memoria.
- 924 444 Fundatio monasterij S. MARIE de Pisca.
- 925 445 Celebratur memoria Monasterij S. Dictini Episcopi.
- 926 446 Principiū Regni Alphonfi IV. Hisp. Regis, vulgo monachi describitur. Alphon-

- 927 447 Alphonsus Rex Hispaniæ Monachum proficitur.
- 928 448 Fundatur S. Claudij in Gallitiā: Claret S. Hildebertus.
- 929 449 Plurimi per hæc tempora viri illustres ex Cænobiis maximè Laubiensi,
& Hirsaugiensi; quos inter Hilduinus Archiepiscopus, Ratherius
Diethmarus Hirsaugiæ Abbas; Theogerus Metensis Episcopus;
Diethardus Hildesheimensis Episcopus, & S. Adelardus Monachus
Hirsaugiensis celebrantur.
- 930 450 Vitæ insigniorum aliquot Reginarum, & filiarum Principum hoc tem-
pore ex cucullo exsplendescantium breviter adnotantur. S. Eadgi-
thæ S. Eadburgæ, S. Edelfredæ Alfredæ, & Algidæ Mathildæ Impe-
ratricis, Mathildæ junioris Henrici Imp. filia, Mathildæ alterius. Ot-
thonis I. filia. Elvitæ Ramiri II. Hispan. Regis filia, aliarumq;
- 934 454 Status Ordinis atque orbis, depingitur. Nostorum merita in con-
versione gentium. S. Æmiliani nostri octuaginta Maurorum millia
trucidantis triumphus describitur.
- 935 455 S. Rotendus sive Rudesindus Episcopus Dumienfis claret Cellæ novæ,
Monasterium fundatur, ejusque præstantia.
- 936 456 S. Laurentij de Carguero describitur.
- 937 457 Bohemiæ conversio, & nostorum merita prædicantur. S. Wenceslai
Ducis Martyrium adnotatur.
- 938 458 Guntharius ex Monacho S. Emmerammi Episcopus Ratisponensis.
- 939 459 S. Gerardus Abbas Broniensis insignis ordinis restitutor, floret.
- 940 460 Illustrißimum Monasterium Magdeburgense conditur.
- 941 461 Viri Participatius ex Duce Venetorum Monachus.
- 942 462 Fundatio Monasterij S. Ioannis del Poyo in Gallitiā, & splendor. Sanct.
MARIE del Cambre conditus: Vita S. Hermoygij Episcopi Tuden-
fis Ordinis nostri Monachi refertur.
- 943 463 S. Hermenegildus Monachus claret, adducunturque plura quæ ad reli-
quam Historiam faciunt.
- 944 464 S. Martini de Pinilla origo. S. Guillelmus II. Dux Normanniæ, restau-
rator Cænobii Gemmeticensis Monachus habitu; & voto noster:
Fundatur celebre Cænobium Walciodorensis: Moritur S. Odo Clu-
niacensis Abbas.
- 945 465 Hugonis Italiæ Imperatoris res gestæ, & Monachatus.
- 946 466 Vita S. Hunegundis Monialis absolutissimæ.
- 947 467 Restauratur Casinense Cænobium, ejusque Abbates.
- 948 468 Viri sanctitate, doctrina, & dignitatibus variis sublimēs aliquot ex ordi-
ne recensentur; aliosque inter Gonzales Episcopus Legionensis, Si-
gerus Abbas Hirsaugiensis, Meginradus Monachus Hirsaugiensis,
alter Hieronymus dictus; Witikindus Monachus scriptore egregius;
plurimi item ex Ordine nostro Episcopi celebratissimi; quos inter
Senonenses Archipræsules sibi proximè succedentes, Guillelmus ex
Monacho S. Petri Vivi, Gerlanus ex S. Germani, & Hildemannus ex
Dionysij Monasteriis: Clari item S. Helinwardus Episcopus Min-
densis, S. Adon sive Odo Archiepiscopus Cautuariensis plures suc-
cessive Episcopi Spirenses, S. Elphegus Episcopus Wintoniensis, An-
tio Wormaciensis, &c.
- 949 469 Artaldus noster Archiepiscopus Rhemenfis insigni nominis famā cele-
berrimus.
- 950 470 Moritur Ramirus II. in Hispania sepultus in S. Salvatoris de Palaz. Cé-
lebre per hæc tempora Cænobium S. Martini de Albelda. Principia
Monasterij Sanct. Prudentii in Hispan. quod primo nigrorum nunc
Cisterciensium est.
- 951 471 Memorandum quid de monasterio S. Martini de Alvelda.
- 952 472 Monasterium S. Martini de Castranneda restauratur.
- 953 473 S. Bruno Archiepiscopus Colonienfis plura condit Ordini nostro Cæ-
nobis quæ inter S. Pantaleonis & S. Martini.
- 954 474 Illustrißimus celebratur S. Majolus Abbas Cluniacensis.

- 955 475 S. Vdalricus Augustæ Episcopus votâ habitus noster.
 956 476 Admiranda S. Dunstani nostri Archiepiscopi referuntur gesta.
 957 477 S. Dunstani in reprehendendo Rege constantia, ac plura de eodem recitantur, &c.
 958 478 Moritur S. Adon sive Odo Archiepiscopus Cantuariensis, vir zelosissimus pro Dei Ecclesia.
 959 479 S. Dunstani vitæ reliqua pertexuntur.
 960 480 S. Oswaldus Eboracensis Archiepiscopus laudatur. S. Ethelwoldus Episcopus Wintoniensis floret. Celebrantur aliquot concilia in Anglia per S. Dunstanum.
 961 481 SS. Libutius, & Adelbertus Ruthenorum S. Adelbertus Sclavorum, Apostoli.
 962 482 Aliquot Cænobiorum in Castilia meminit autor.
 963 483 In Legionensi Vrbe ædificata S. Ioannis, & S. Petri, &c.
 964 484 Fundatio S. Stephani de Ribas, & S. Vincentii de Pombeyo.
 965 485 Vvilla Imperatrix monasticam profectetur.
 966 486 Fundatio mirabilis. S. Michaelis in monte Caprasio.
 967 487 Teresa Regina, Ordini nostro se devover.
 968 488 Duo Archiepiscopi Capuani Leo, & Gebertus Monachi Casinates; Ioannes item Abbas de Parma, Honestus Abbas Classensis, Bosoprimus Episcopus Merseburgensis, Adelbertus Archiepiscopus Magdeburgensis, Hugo Episcopus Cicensis, Hattho Archiepiscopus Moguntinus, celebrantur.
 969 489 Vivit S. Comes Osorius Gutierrez fundator Monasterii S. Salvatoris de Lorencana, & monachus ibidem.
 970 490 Moritur Comes Fernandus Gonzalez.
 971 491 Fundatur S. BENEDICTI de Bages.
 972 492 Conditum S. Andreæ de Ciruenna.
 973 493 Otho I. Imp. moritur, multa Cænobia ædificantur.
 974 494 Clarissima habetur S. Editha Regina monialis.
 975 495 Agitur de Ecclesia S. Crucis in Ierusalem Romæ nostris inhabitanda concessa.
 976 496 Monasterium S. Crucis Bergenle construitur.
 977 497 Moritur S. Rudesindus Dumienfis Episcopus. S. Senorina Abbatissa, claret. Fundantur S. Petri de Besalu, & Sanct. MARIÆ de Ferratex monasteria.
 978 498 Monasterium Monialium de Covarruvias ædificatur.
 979 499 Illustrissimis sanctitatis radiis Germaniam implet Sanct. VVolfgangus.
 980 500 Italiæ sancti aliquot illustres ex Ordine viri recensentur, Sanct. Romualdus, &c. Petershausen Cænobium Germaniæ ad Rhenum prope constantiam conditur. Super promissiones Ordini diversis Monasteriis à Deo factis pulchre disputatur.
 981 501 De Conversione Regni Boemici agitur. Dierhmarus ex monacho primus Pragæ Episcopus, & secundus S. Adelbertus.
 982 502 Sanct. Adelbertus mores Bohemorum ac impietatem graviter redarguit.
 983 503 S. Adelbertus Romam atque inde Casinum proficiscitur. Vid. Yepes. S. Bonifacii monasterium Romæ restauratur. S. Adelbertus in Bohemiam revertitur, dein in conversione Vngarorum strenuè laborat. Ex Vngaria in Poloniam usque excurrrens, ex Polonia in Prussiam, illic Martyrio coronatur. De fundatione S. Georgii Majoris Venetiis agitur.
 984 504 Spectatissimi Cænobii S. BENEDICTI de Padolirone initia celebrantur. Clarissimus effulget S. Medericus Abbas Eduensis.
 985 505 Conditur insigne Cænobium Morervela in Episcopatu zamorensi. Agitur de vita SS. Froilani, & Atilani Abbatis, Fufius describitur excellentia Monasterii Morervelenfis.

- 966 506 S. Petrus Episcopus Compostellanus celebratur.
- 987 507 Varij successus in Italia, & Francia describuntur.
- 988 508 S. Lubentius Archiepiscopus Bremensis bene de Ecclesia meretur. Agitur rursus de Canonicis Monachis.
- 989 509 Agitur de fructu S. Adelberti nostri in Vngaria.
- 990 510 Plura ædificantur Cænobia; Fiscanense, &c. S. MARIE de Carracedo illustrissimum Cænobium.
- 991 511 Herigerus Abbas Laubiensis. Adelboldus Episcopus Vltrajectensis, Osbertus Cantuariensis, alique florent.
- 993 513 Clarissimum Sydus emicat S. Odilo Abbas Cluniacensis.
- 994 514 S. Ansfridus Vltrajectensis Episcopus celebratissimus.
- 995 515 Agitur de Canonicis Monachis Lindisfarnensibus, & Dunelmensibus.
- 996 516 Gregorius V. fit Summus Pontifex.
- 997 517 S. MARIE de Pomposia conditur, & S. Guidonis vita. Ioannes Abbas Casinensis vir sanctus claret.
- 998 518 Ioannes III. Abbas Casinensis insigniter prodest. S. Abbo Floriacensis vivit, ejusque Martyrium describitur.
- 999 519 Gerbertus Rhemensis, postea Summus Pontifex claret.
- 1000 520 In conversione Regni Vngarici laborat, præcipue Anastasius Monachus. Fundatur Sanct. Martini in Pannonia potentissimum Monasterium.
- 1001 521 Principia, vitæ S. Romualdi referuntur.
- 1002 522 Moritur Otho III. Imper. succedit Henricus II. Plurima Romualdus fundat, & reformat Monasteria.
- 1003 523 Martyrium S. Petri Abbatis Sublacensis.
- 1004 524 Reformant ordinem, in Italia S. Romualdus in Gallia S. Odilo. Clarissimus S. Wilhelmus, Splendor fructuariæ.
- 1005 525 SS. Matthæus, Benedictus, Ioannes, &c. Martyrio coronantur.
- 1006 526 Sanct. Elphegus Cantuariensis Archiepiscopus, & Martyr commendatur.
- 1007 527 Neoburgense in Germania Monasterium fundatur.
- 1008 528 Martyrium S. Brunonis Monachi nostri Archiep. Russiæ. S. Bonifacii discipuli S. Romualdi Martyrium.
- 1009 529 S. Romualdi vitæ extrema, & mors felicissima. Camaldulensis Cænobii origo, & sanctitas.
- 1010 530 Otho Abbas S. Cucufatis à Mauris trucidatur.
- 1011 531 Monasterium S. Salvatoris de Onna, ejusque præstantia.
- 1012 532 S. MARIE Tuitiense fundatur. Agitur de Monasterio SS. Vdalrici & Affræ in Vrbe Augustana.
- 1013 533 S. MARIE Othmarsheimense, & S. Sebastiani in Guipuzcua.
- 1014 534 S. Bernwardus Episcopus Hildesheimensis claret.
- 1015 535 D. Michaelis Bambergense Monasterium, extruitur.
- 1016 536 S. Simeon Monachus S. BENEDICTI de Padolirone claret. Arduinus Lombardiæ Rex ordinem nostrum proficitur.
- 1017 537 Eluira Veremundi II. Regis uxor cucullo exsplendescit.
- 1018 538 Diethmarus Episcopus Mersburgensis Historicus moritur.
- 1019 539 Vivit S. Olbertus Abbas Gemblacensis. Condita S. Laurentii, & S. Iacobi Lugduni Cænobia.
- 1020 540 Reformat plurima Cænobia S. Poppo. Fundatur S. Eadmundi Regis in Anglia.
- 1021 541 S. Andrea Monasterium in Civitate Cambray.
- 1022 542 S. Henricus Imper. à S. P. N. calculi dolore liberatur. Celebrantur Athenulphus, & Theobaldus Abbates Casinates.
- 1023 543 Erbo Moguntinus Archiepiscopus celebrat Concilium Seligentadiense, cui plurimi ex nostris Episcop. & Abbates intersunt. Celebratur Meginfred, insignis Historicus, Meginfred. item alius ex Monacho

- nacho S. Burcardi Herbipoli Archiepiscopus Magdeburgensis sextus vel septimus (videndus hic Yepes de primis ejusdem sedis Archiepiscopis omnibus ex nostro assumptis) Warmanus Episcopus Constantiensis, Suno Episcopus Werdenensis, Egelnotus Archiepiscopus Cantuariensis, Elias Scotus Abbas S. Pantaleonis Coloniae Gauzlinus Archiepiscopus Bituricensis, Sanctius Episcopus Pampilonensis. Sampirus Episcopus Asturicensis, Theodericus Treverensis Monachus, & Theodorus uterque ex D. Matthiae Canobio, Berno Abbas Augiae, Helpericus S. Galli Monachus, &c. De quibus legendus hoc anno Yepes, &c. Guido Aretinus Monachus noster artis Musicae cum notis inventor clarissimus habetur.
- 1024 544 S. Salvatoris de Corneliana fundatur per Christinam filiam Veremundi Regis.
- 1025 545 Vita describitur S. Chunegundis Imperatricis Monialis S. Crucis Con- fugiensis. Guilielmus III. Dux Aquitaniae Monachum induit in S. Cypriani Pictaviensis Canobio.
- 1026 546 S. Bononius Monachus S. Stephani de Bononia ingenti merito claret, qui S. P. N. BENEDICTI ordinem per Aegypti deserta & alibi latissimè propagavit.
- 1027 547 S. Crucis Limburgense illustrissimum in Spirensi Episcopatu Cano- bium conditur. Monasterij Murensis in Helvetia principia.
- 1028 548 S. Winoci Bergense in Flandria extruitur.
- 1029 549 S. Aniani in Galliis consecratio & initia memorantur.
- 1030 550 S. Ioannes Gualbertus vir sanctissimus, instituit Congregationem Or- dinis nostri celeberrimam Vallumbrosam, de qua fusius aliquot capitibus tractatur. Claret S. Gothardus noster Hildesheimensis Episcopus, fundator Monasterii S. Bartholomaei ejusdem Urbis, Floret item S. Guntherus Altrahensis Monachus Eremita in Bohemia.
- 1031 551 Status Mundi, & Ordinis nostri describitur. S. Casimirus Princeps Po- loniae cucullum induit in Monasterio Cluniacensi, atque post septen- nium, annuente Romano Pontifice ad Regnum Poloniae extractus illud felicissimè administravit. Fundatur S. Dominici Sorensis in Italia Monasterium.
- 1032 552 Monasterij S. Ioannis de Corias principia.
- 1033 553 Fundatio Abbatiae S. Salvatoris de Chantada. Moritur Robertus Gal- liarum Rex.
- 1034 554 Moritur Sancius Rex Hispan. sepultus in nostro Sanct. Salvatoris de Onna.
- 1035 555 Vita S. Simeonis Monachi Reclusi.
- 1036 556 Casinatis Monasterii eventus describuntur.
- 1037 557 Moritur Veremundus III. Castellae Rex.
- 1038 558 Richerius Abbas fit Cassinensis. Videndus Yepes de mirandis prodi- giis S. P. N. BENEDICTI. Moritur sanctissimus Vngarorum Rex Ste- phanus, ejusque. Vxor Regina Gisela cucullum amplectitur. S. Ge- rardus Vngarorum Apostolus insigniter meretur.
- 1039 559 S. Bardo Archiepisc. Moguntin. Meginfred. Archiepisc. Magdebur- gensis Rudolph. Episc. Paderbornensis. Bruno Mindensis. Regimbald. Spirensis Halicardus Pragensis, Drogo Tarvanensis, Garfias Arrago- nensis, Garfias alius ex Abbate S. Aemiliani Episcopus, Froillanus & Arrianus Episcopi de Oviedo, Cyprianus Episcopus Legionensis, aliique plures: reclusi item Ordinis nostri sanctissimi aliquot tum- mopere celebrantur.
- 1040 560 Fundatio Monasterij de Vendosma, & splendor. Eberlspergensis Sanct. Sebastiani in Bavaria Canobij res compendio re- latae.
- 1041 561 Reaedificatur per haec tempora Monasterium S. Crucis de Bordeaux.
- 1042 562 Monasterii Casae Dei origo, & Sanct. Roberti vitae praestantia commen- datur.

- 1043 563 Monasterium S. Andreæ de Espinareda, & Monasterium S. Nicolai de litore Venetiis, conduntur.
- 1044 564 Monasterium Selestadiense in Alsatia conditur.
- 1045 565 S. Bartholomæi Heidelbergæ fundatur.
- 1046 566 Moritur Gregorius VI. Pont. Max.
- 1047 567 Insigne Cænobium S. Zoili exædificatur. Agitur de Felice de Carrion. Alcatensi, Vid. de hoc Cænobio Yepes.
- 1048 568 Hugo Magnus eligitur Abbas Cluniacensis, Marciniacense Monasterium fundatur.
- 1049 569 Bruno ex Monacho Tullensis Episcopus, fit summus Pontifex.
- 1050 570 Admirandæ sanctitatis fama celebratur S. Alferius Abbas. Fundatum Cænobium illud famosissimum & sanctissimum Sanctæ Trinitatis Cavæ, à quo, principium etiam petendum militaris Ordinis præstantissimi Equitum S. Ioannis, Vid. Yepes.
- 1051 571 S. Bardo Archiepiscopus Moguntinus, Heribertus Episcopus Altisiodorensis, Anselmus Monachus Rhemenfis, Aaron Abbas S. Pantaleonis Colonia, Aaron Episcopus Cracoviensis, Paulus Senonensis, Algerus Corbeiensis, Algerus Cluniacensis, &c.
- 1052 572 Principia potentissimi Imperialis Schathufani ad Rhenum Cænobij. Principium item S. MARIÆ la Real in Civitate Najaria in Hispania, cujus Monasterij præstantia fusè describitur.
- 1053 573 Clarissimus habetur S. Procopius Monachus.
- 1054 574 Hermannus Contractus Monachus claret. Humbertus S. Leonis IX. in Orientem Legatus meritissimus. Agitur de Friderico Cancellario Summi Pont. & S. R. E. Cardinale, ad Imp. etiam Constantinop. legato, ac dein Cassini Monachum professore.
- 1055 575 Florentissimus Cassini status, S. Petro Abbate.
- 1056 576 Fridericus de quo superius Card. dein Monachus, eligitur Abbas Casinensis.
- 1057 577 Fundatur Conventrense Monasterium, idemque Ecclesia Cathedralis. Fridericus Abbas, Casinensis eligitur Pontifex Maximus.
- 1058 578 S. Petri Damiani nostri vite principium narratur. Sanct. Crucis de Fonte Avellanæ Monasterii laudes. Vita S. Dominici Loricati poenitentium miraculi.
- 1059 579 Hirsfeldensis Monasterii Universitas seu Scholæ commendantur.
- 1060 580 Guilmundus Archiepiscopus Aversanus, Luipoldus Archiepiscopus Moguntinus, Sigefridusque ejus successor, Aldelbertus Limburgius Episcopus Herbipolensis, Eimardus Episcopus Spirensis, Drogo Episcopus Morinorum, Godebaldus Episcopus Trajectensis, Sanct. Maurilius Archiepiscopus Rothomagensis, Hugo Antisiodorensis Episcopus, Heribertus item Antisiodorensis, Angelricus Archiepiscopus Lindisfarnensis Aldredus Monachus Wintoniensis, dein electus Archiepiscopus Eboracensis, alique ex nostris Clarissimi.
- 1061 581 Prædicatur S. Wulfstannus Episcopus Wigorniensis.
- 1062 582 S. Ioannis de Penna Monasterium laudatur, ex quo ordinariè assumpti Aragoniæ Episcopi.
- 1063 583 S. Alvitus Episcopus Legionensis, & S. Ordonius Asturicensis, Dominicus Abbas S. Sebastiani de Silos, celebrantur. Agitur etiam de gestis S. Garziæ Abbatis S. Petri de Arlanca.
- 1064 584 S. Anno Archiepiscopus Coloniensis. Sigebergense Monast. fundat. Agitur de S. Norberto Præmonstratensium Fundatore.
- 1065 585 S. Agnes Imperatrix Cucullum induit, item Sancia Regina Castellæ Fundatum Mesinense Cænobium. Conditum item Oetelstettenle Monasterium.
- 1066 586 Vita S. Desiderij Abbatis Casinensis describitur, multi Casinates alique celebrantur.
- 1067 587 Guillelmus Rex Angliæ fundat Monasteria S. Martini de la Batalla & S. Stephani Cadomense.

- 1068 588 Fridericus Abbas Hirsaugiensis vir innocentissimus deponitur.
- 1069 589 Magnus ille & Sanctissimus Guilhelmus Abbas Hirsaugiensis instituitur. Clarus S. Goderannus ex Monacho Cluniacensi Episcopus Maleacensis.
- 1070 590 S. Lanfrancus eximium Ecclesiae tydus celebratur Monasterium Hafnoniente S. Eneconis Abbatis vita.
- 1071 591 S. Dionysij de Banto in Franconia, S. item Martini Sarisburiense. Sanct. MARIE de Hohenwart, Garstense, Gotwicense, Elsembacense, & S. Albani Alsiacense monasteria fundantur. Alphonfus VI. Rex Hispaniae Monachum induit in Sacro-Sanct. Primitivi & Facundi Monasterio.
- 1072 592 Mortuo S. Petro Damiani pari sanctitate Monachus in ejus locum S. R. E. Card. sufficitur S. Gerardus. Elucelcit ingenti sanctitatis fulgore S. Anselmus noster Lucensis Episcopus, S. Victoris Massiliae Splendor ac dignitas commendatur.
- 1073 593 Vita Sanct. Gregorij VII. antea Hildebrandi Monachi Cluniacensis aliquot capitibus comprahenditur. Aliquot ab ipso creatorum ex Ordine nostro S. R. E. Cardinalium elogia subtexuntur.
- 1074 594 Plura per Germaniam Cænobia ædificantur, & S. Blasij in Hercinia excellentia describitur.
- 1075 595 Petrus de Roda Episcopus Pampilonensis ex Monacho S. Petri de Tomeras. Claræ habentur Cæcilia & Athela filię Guilielmi Anglorum Regis Moniales. Fundatum S. Petri de las Duenas Monasterium in signe Monialium.
- 1076 596 Monasterij S. Fructuosi illustris memoria. Condita in Hispania plura Cænobia, inter quæ S. Antonini de Torques, S. Torquati de Yrestosa, S. Mariæ de Seros &c. Vita S. Sisehuti Abbatis subjicitur. Vivit item S. Stephanus. Fundatur Congregationis Ordinis nostri illustrissimæ Grandimontensis, cujus dignitas & præstantia describitur multis.
- 1077 597 Plurima per Catalauniam Cænobia reformantur, & in Bavaria exstruuntur.
- 1078 598 Salomon Vngariæ Rex Monasticum habitum ante mortem assumit. De aliquot Vngariæ Cænobiis tractatur.
- 1079 599 Historia celeberrimi monasterij S. Martini à Campis refertur. Monasterium S. Salvatoris Aquiscincti conditum.
- 1080 600 Plurima passim rursus ædificantur Cænobia, & reformantur.
- 1081 601 Fundatur S. Trinitatis Monasterium Dumfermilingense in Scotia. Claret Turgorus ex monacho Archiepiscopus in Scotia. Marianus Scottus Monachus Historicus celebris habetur.
- 1082 602 Vita Sanct. Hugonis Episcopi Gratianopolitani Monachi Casæ DEI recitatur. Sanct. Petrus Rudolfus quintus Prior Camaldulensium floret.
- 1083 603 Monasterium Affligemiense in Brabantia conditur. Cænobium Sanct. MARIE Luxemburgense ædificatur.
- 1084 604 S. Arnulphus Abbas S. Medardi Episcopus Sueffionensis in Gallia vivit. Pacem inter diffidentes conciliat & optime meretur.
- 1085 605 S. Colmanni Mellicense in Austria Monasterium celebratur. Cathedralis Toletana Ecclesia Monachorum fuisse perhibetur. In eadem Vrbe celebrantur plura ordinis nostri Cænobia, S. Petri de las Duenas, S. Servandi, Monasterium S. Salvatoris de Pennafiel, S. Victoris de Martella, S. Dominici de Silos.
- 1086 606 Bernardus Abbas Saguntinus, ex in pulsis Mauris primus Archiepiscopus Toletanus laudatur. Claret item monachus Moyfiacensis in Gallia Archiepiscopus Bracarensis in Portugallia Item S. Petrus ex Monacho Ord. nostri Episcopus Oimensis. Desiderius Abbas Casinensis electus Pontifex multo tempore renititur.
- 1087 607 Acceptat tandem Desiderius Pontificatum dictus Victor III. Vide miraculosam S. Petri Casinum properantis apparitionem apud Yepes.

- Yepes. Clarus item Oderisius Abbas Casinensis Sanct. Rom. Eccl. Cardinal.
- 1088 608 Moritur Victor III. succedit Ortho Cardin. Episcopus Ostiensis Cluniacensis Monachus vir sanctissimus, cuius res gestæ fufius narrantur, S. Bernardus Vberti S. R. E. Cardinalis miraculis illustrissimus. Vallumbrosanæ Congregationis sanctitas, & laudes referuntur.
- 1089 609 Gebhardus Episcopus Constantiensis Monachus Hirsaugienfis, legatus per universam Germaniam officio suo præclarissimè fungitur. Ruthardus sive Richardus ex Monacho S. Petri Erdfordenfis Archiepiscopus Moguntinus, multa pro Ecclesia Dei patitur. Idem fundat Monasterium S. Ioannis Richaugienfe.
- 1090 610 Inter viros ordinis maximos maximi fiunt hoc tempore S. Altmannus Episcopus Pataviensis, & S. Thiemo Archiepiscopus Saliburgensis, & Martyr.
- 1091 611 Clarissimus Gebhardus Abbas Hirsaugienfis ac dein Episcopus Spirenfis, S. Ioannis de Burgos Cænobij potentissimi principia memorantur, ejus primus Abbas Sanct. Adelelmus, ejusque res gestæ prolixius laudantur.
- 1092 612 Catanensis Cathedralis Ecclesia in Sicilia fundatur pro ordinis nostri Monachis. De quo consulendus Yepes hoc anno.
- 1093 613 Magnus, & sanctissimus ille Anselmus ex Monacho Beccenfi Archiepiscopus Cantuariensis celeberrimus habetur.
- 1094 614 Hieronymus de Petragoras amplissimis meritis, & fame longè latèque notissimus effulget, ex ordinis nostri Monacho Episcopus Valentinus, & Salmaticensis. Dalmachius ex monacho Cluniacensi Episcopus Compostellanus, Sanct. Imperatricis Adelheidis res gestæ, & professio monachismi referuntur.
- 1095 615 Plura per Germaniam struuntur Cænobia. Neresheymentle, Blaubyrense, &c. Memorantur item ædificata, seu restituta S. Martini Tornacense. S. Adriani, S. Iacobi de Pontida, &c.
- 1096 616 Rursum plura passim Monasteria condita: S. Georgij Yfmenfe, S. MARIAE Forestenfe, Reinhausenfe, &c. Plura de Petro Eremitano nostri Ordinis Monacho exercitus Christiani in Palæstinam ductore afferuntur hoc anno. Videnda lectu dignissima de Psalterio B. M. V. ejusque usu propagato per nostros.
- 1097 617 Meritissimus de Romana Ecclesia Godefridus Abbas S. Trinitatis de Vandosma, cui datum ut & ipsi successores ejusdem Cænobii Abbates omnes eo ipso S. R. E. Cardinales essent.
- 1098 618 Principium illustrissimæ Abbatiae Cisterciensis. Describitur status Ordinis nostri universim. Vita S. Roberti nostri primi Molismensis, & Cisterciensis Monasteriorum Abbatis multis describitur.
- 1099 619 De supremis: S. Roberti vitæ annis, & de Monachis Molismensibus agitur, S. Albericus II. Cistercii Abbas vir eximia sanctitate clarissimus aliquot nostri Ordinis Cænobia Ierosolymis condita: Plura item per universam Palestinam præcipuè in valle Iosaphat propè sepulchrum B. V. M. &c.
- Viros inter ordinis illustres plurimi hoc tempore floruerunt, ex uno, fanè Cluniacensi Cænobio non pauci, cum maximis quibusque confendi.
- Guido Comes Matisconensis, Hugo Dux Burgundiæ, Luitolfus Comes, Albertus comes contemptu sæculi gloriosissimi, &c.
- Celebrantur eodem tempore Hildebertus Archiepiscopus Turonensis. Peregrinus Monachus Hirsaugienfis. Gaufredus de Malaterra Historicus præstantissimus.
- Fundantur aliquot per Germaniam ordinis nostri monasteria, Augia Brigantina. Wiblinga, S. Crucis Donawerdenfe.
- Moritur Sanct. Urbanus noster II. Pontif. Maximilian. rursumque ex Monasterio Cluniacensi Monachus ad eundem summi honoris

- noris apicem evehitur Raynerus, appellatus Paschalis II. vir meriti-
tissimus.
- II00 620 Monasterium sanctissimum atque celeberrimum Fontis Ebraldi con-
ditū, à quo illustrissimæ congregationi Fontis Ebraldi nomen fluxit,
& origo, Vid. Yepes.
Relatio insignis Monasterij S. MARIE de la Serrana, & Historia Fontis
Ebraldi continuatur.
- II01 621 Martyrij corona hoc anno donatur Sanctissimus Episcopus Monacho
Hirsaugiensi Thiemo.
- II02 622 Vita S. Otthonis Bambergensis Episcopi Pomeranorum Apostoli, à S.
Otthone fundata Monasteria plurima numerantur; cumque relicto
Episcopatu ad professionem Monachismi properaret, & obedi-
entiam Abbati S. Michaëlis promississet Abbas per obedientiæ eiusdem
virtutem eidem præcepit (cum grave imminere Episcopatu malum
metueret) ut Episcopus esse & prodesse pergeret. Inde sequuta Po-
meranorum conversio, & plura ex obedientia Otthonis bona.
- II03 623 Corpus Magni, & Sanctissimi illius Antonii Anchorætæ, ex Ægypto
translatum in Gallias, plurimis annis apud nostros quievit, & cura-
tum fuit.
Initia ordinis Equestris celeberrimi Equitum S. Ioannis Baptistæ, qui
Originem suam nostris debent, cujus ordinis incrementa, & splen-
dor describuntur.
- II04 624 Claret sanctissimus Ordinis nostri Episcopus Ambianens Godefridus
ex Monacho S. Quintini.
- II05 625 Moritur B. Odorifus S. R. E. Card. & Abbas Casinensis, cui succedit
Ottho ex comitibus Fundensibusque Monachus Casinas.
Plures ex ordine nostro ad Cardinalitium honorem à Paschale II. as-
sumpti numerantur. Magnus & Sanctissimus Anagninensium Epi-
scopus Petrus ex Monacho S. BENEICTI Salernit. celebratur.
Vita S. Brunonis Hirsaugiæ Abbatis describitur.
- II06 626 Monasterii Floriacensis cum Casinensi de Corpore Sanct. P. N. contro-
versia.
- II07 627 S. Bruno Episcopus Signiensis & Abbas Casinensis egregia fulget san-
ctitate. Principia celeberrimi Dunensis in Flandria Monasterij.
Varia per orbem extruuntur Ordinis nostri, Cænobia, S. Walpurgæ in
Diocesi Argentinenfi. S. MARIE Scheurense, Kuebacense, Ma-
lastorfense, Cortebergense, Vtringente, Sanct. Paulinæ in finibus
Thuringiæ.
- II08 628 Moritur S. Albericus II. Abbas Cisterciensis, eligiturque Abbas tertius
S. Stephanus idem primus Generalis Cisterciensis.
Cisterciensis congregatio in tantum crescit, ut toto passim orbe pluri-
ma construantur Cænobia.
- II09 629 S. Anselmi præstantissimi Ecclesiæ Doctoris vita multis capitib9 descri-
bitur, & de asserta ab eodem immaculata conceptione multa irrefra-
gabilia adducuntur. Item de Festo Conceptionis ab eodem in Eccle-
sia, & provincia Cantuariensi instituto agitur Moritur Magnus ille
& sanctissimus Hugo Cluniacensis Abbas, cui succedit Pontius. Mo-
ritur Alphonfus VI. Hisp. Rex, à Cluniacensis Monachis tormentis
purgatorii ignis ereptus.
Illustrissimum Monasterium Sanct. Clementis Toleti conditur & lau-
datur.
- II10 630 Insigni nominis fama plurimi ex ordine florent, ex quibus præcipuè Hu-
go junior S. Magni Hugonis consobrinus, Duardus de Bredon, Go-
derannus, S. Morandus, Sigebertus Gemblacensis, Gozelinus Mo-
nachus S. Bertini, Franco-scriptor egregius, Balduinus ex Comite
Flandriæ Monachus S. Bertini &c.
- II11 631 Girardus eligitur Abbas Casinensis, & successus Casini describuntur.
- II12 632 De S. Disibodi Monasterii restauratione agitur.

- III3 633 S. Bernardi Melliflui Doctoris nostri vitæ Principia referuntur. Fundatur Sanct. MARIÆ de Firmitate Cænobium, prima filia Cistercij.
- III4 634 Pontiniacensis Abbatia conditur, secunda Cistercii filia. Major Prior Camaldulensis totius sanctissimæ Congregationis Generalis instituitur.
- III5 635 Fundatur illustrissimum Claravallense Monasterium, ejusque Abbas primus instituitur S. Bernardus, de cujus vita pluribus agitur. Sanct. MARIÆ de Morimundo conditur, ejusque excellentia commendatur.
- III6 636 Raynaldus Archiepiscopus Lugdunensis clarissimus ex Monacho Cluniacensi. Virorum ex Ordine illustrissimum numerus multus profertur; inter quos Rodolphus Archiepiscopus Cantuariensis, Vdalricus Episcopus Constantiensis, Arnolphus Episcopus Spirensis. Elbo Episcopus Wormatiensis, &c. Clafus item Honorius Augustodunensis Monachus doctissimus scriptis relictis immortalis. Eadmundus item Monachus Cantuariensis, Erebertus Monachus Cluniacensis, &c.
- III7 637 Fundantur plura per Alemanniam Cænobia Vid. Yepes.
- III8 638 Condita item plurima pro Congregatione Cisterciensium Monasteria. Moritur S. Paschalis II. Pont. Maxim. succedit Gelasius II. Casinensis Monachus cujus vita describitur.
- III9 639 Moritur S. Gelasius II. in Cænobio Cluniacensi, cui rursus ex ordine nostro succedit Calixtus II. cujus res summa cum laude & nominis immortalitate feliciter gestæ referuntur. Vita S. Turstini, sive Turstani nostri Archiepiscopi Eboracensis desctibitur.
- II20 640 Præmonstratensis Ordo per S. Nobertum instituitur, cui sancto, ut & ipsius Ordini nostri summo opere faventes, & imprimis S. Bernardus, ejusdem Instituti Viris insigniter benefecerunt. Ioannis de Citra primi in Portugallia Cisterciensis Congregationis Monachi præstantissimi vita contexitur. S. Ioannis de Tarouca in Portugallia fundatur & commendatur.
- II21 641 Claret Sanct. Erminoldus Abbas Prufeningensis. Moritur Bruno Abbas Hirsaugiensis & succedit Volmarus. Plura passim Monasteria ædificantur.
- II22 642 Rursus multa plurimis locis Cænobia fundantur, quæ inter Carcer Religionis de quo consulendus Trithemius. Oderisus II. Abbas Casinensis, sub quo Casinenses Ordinem in Dalmatia promovent. Vita S. Petri Mauritiij, vulgo Abbatis Venerabilis Cluniacensium describitur.
- II24 644 Mittit suorum Colonias in Hispanias usque S. Petrus Venerabilis Abbas Cluniacensis. Fundatur S. MARIÆ Sponheymentse Cænobium.
- II25 645 Clarissimus habetur S. Matthæus ex Monacho Cluniacensi Sanct. R. E. Cardinalis Albanensis.
- II26 646 Fundatum S. MARIÆ Ebracense Monasterium prope Herbipolim. Monasterium plurima fundata. S. Martini Anhutense, Edelstetten, Elchingense, &c.
- II27 647 Igniacense Monasterium extruitur. Celebrantur S. Humbertus, & S. Guericus.
- II28 648 Raymundus ex Monacho nostro Archiepiscopus Toletanus præcipue commendatur. Theodoricus Dux Lotharingiæ potentissimus relictæ Ducatu fit Monachus Metelocensis.
- II29 649 Vita Sanct. Guilielmi Abbatis apud D. Theodorici refertur. Plurima struuntur Cænobia & floret imprimis S. Vivina Abbatissa Bigardiæ Majoris. Celebrantur inter alios ex Ordine spectatissimos Sigefridus Monachus Glasconiensis, Rupertus Abbas Limburgensis, Rudoltus Abbas

- Abbas S. Trudonis, Lucas Abbas Montis S. Cornelij, Guilielmus Malmesburiensis, Elmerus Monachus Cantuariensis Cuno Abbas Sigeburgensis, &c. Illustrissimus item exsplendescit B. Rupertus Tuitiensis, &c.
- 1130 650 Vitæ gesta recensentur Innocentii II. ex Monacho Ordinis nostri Pontificis Maximi. Plures ab eodem ex Ordine Cardinales Sanct. R. E. assumpti. S. Bernardus insigniter de Ecclesia meretur.
- 1131 651 S. MARIÆ Aurea Vallis conditur. Moritur Stephanus Vngariæ Rex paulo ante mortem cucullum amplexus.
- 1132 652 Cisterciensium plura Cænobia exædificantur S. Aybertus Crispiniensis Monachus vir sanctissimus celebris habetur.
- 1133 653 Raynaldus IV. Cistercij Abbas & secundus Generalis Cisterc. eligitur. Rursum multa Cisterciensibus struuntur Monasteria. Moritur S. Bernardus Vberti septimus Generalis Vallumbrosanus cui succedit S. Atto vel Ottho Generalis octavus, de quibus Yepes.
- 1134 654 Concilium Pisanum celebratur, cui interfunt præcipua Ordinis lumina SS. Petrus Venerabilis, & Bernardus mellifluus. Ramirus ex Monacho Ordinis nostri extrahitur ad Regnum.
- 1135 655 S. Bernardi in Aquitania res gestæ, & Conversio S. Guilielmi Aquitanie Ducis memoratur. Opera S. Bernardi seu scripta commendantur, & enumerantur.
- 1136 656 Sugerij Abbatis Sandionysiani virtus & facta celebrantur, qui per absentiam Regnum administravit : & SS. Bernardo & Petro dilectissimus fuit. Aliquot Reges Ordinem nostrum profitentur cucullum pro purpura amplexi.
- 1137 657 S. Bernardus clarissime de Ecclesia meretur & altera vice Romam proficiscitur. Iterum plura pro Congregatione Cisterciensi Monasteria excitantur vita S. Gerardi germani S. Bernardi describitur. Regalis Cænobii Dominæ nostræ de Offera in Gallitia ponuntur principia. Item conditur insigne Monasterium Vallis paradyfi, à Rege Alphonso.
- 1138 658 S. Bernardus in Gallia strenue laborat, & optime meretur. Theobaldus ex Abbate Beccensi fit Archiepiscopus Cantuariensis. Rursum multa Cisterciensibus Asceteria exædificantur Status Cænobij Casinensis sub Rainaldo Abbate, ac dein S. R. E. Cardinale describitur.
- 1139 659 Concilium Lateranense celebratur, in quo multa in causa Monachorum sancita S. Bernardus insignis Catholicæ contra Hæreticos propugnator.
- 1140 660 Monasterium Scotorum Herbipoli fundatur, cujus primus Abbas Macharius Magno illi Machario meritissimo jure comparatur. Fundatur item S. Egidij Monasterium Norinbergæ amplissimum & potentissimum. Fundata item alia nostri Ordinis Monasteria hoc ipso tempore, de quibus duobus capitibus agit Yepes. Prolixius vero describitur fundatio insignis Monasterii S. MARIÆ de Fitero, in Regno Navarra.
- 1141 661 In Cænobio Montis salutis plurima miracula operatur Beat. Virg. MARIA.
- 1142 662 Congregatio nova Ordinis nostri Montis Virginis sumit initium, atque mirum in modum efflorescit. Vita S. Donati ejusdem Congregationis Monachi proponitur. S. MARIÆ de Monte Rami, atque alia plura Congregationis Cisterciensis Monasteria exstruuntur.
- 1143 663 Monasterium S. Petri de la Espina à Sancia Sorore Alphonsi Regis VII. conditur, quod & laudatur prolixius Insigne Collegium S. Vincentii Salmanticæ, quod erat antea Canonico Regularium ab Alphonso Imperatore Hispaniarum donatur Cluniacensi Monasterio, & Canonici ibidem nostrum Ordinem profitentur. Illud ipsum multis describitur.
- 1144 664 Rursum multa Cænobia exstructa, præcipue Sanct. MARIÆ Hortense & Sanct.

- & Sanct. MARIE de Valbuena. Claret Sanct. Martinus Hortensis, &c.
- 1145 665 Eugenius Tertius ex monacho Cisterciensi fit Pontifex Maximus. Idem Eugenius multos ex Ordine ad summam Cardinalitii honoris sublimitatem provehit, qui enumerantur.
- 1146 666 Eugenius promovet indefesse profectioem five expeditionem in terram sanctam in quo negotio strenue etiam laborat S. Bernardus. Fundatum monasterium S. MARIE de Vervela.
- 1147 667 Plurimis miraculis coruscat S. Bernardus Abbas Clarissimus: celebratur ob eximiam sanctitatem S. Eberhardus ex Abbate Biburgensi Salisburgensis Archiepiscopus.
- 1148 668 Describitur vita S. Malachie nostri Archiepiscopi Hibernie. Condita Regalis Abbatia S. MARIE de Alcobaca in Portugallia, cujus preclara laus texitur. Res Hibernie ad intelligentiam relique Historie pertinentes tractantur.
- 1149 669 Fit Monachus Claravallis Henricus Regis Galliarum germanus.
- 1150 670 Sanct. Hildegardis Abbatisa S. Ruperti revelationibus Divinis illustrissima.
- 1151 671 Memoria rerum Cisterciensium & in primis S. MARIE de Bellmonte. Gratianus Monachus noster hoc anno publice Ius Canonicum in Vniversitate Boloniensi proficitur.
- 1152 672 Gozuvinus V. Abbas Cisterciensis claret. Fundantur monasteria Sanct. Crucis, & de Roda, illud in Catalaunia, hoc in Aragonia, S. Elisabeth Schoenaugienfis, prophetie spiritu insignis celebratur.
- 1153 673 Moritur Eugenius III. Summus Pontifex, & laudatur idem & S. Bernardus Mellifluus, succedit S. Robertus ex Abbate Dunensi. Plures insigni sanctitate viri tempore S. Bernardi in Claravalle, S. MARIE de Poblete fundatur, & alia plura monasteria.
- 1154 674 Electus Adrianus IV. Tractantur res Scoticæ in ordine ad Historiam. Diversis Congregationibus plurimi ex Ordine viri illustres numerantur. Godescalcus Episcopus Atreb. Henricus Saxo, Theobaldus Anglus, Guido Episcopus Beluacensis, &c. alij dein ex Camaldul. & Vallumbrosanis plurimi. Fundatio S. MARIE de Salzedain Portugallia.
- 1155 675 Lambertus fit Abbas Cisterciensis: florent in Congregatione viri insignes.
- 1156 676 Militum de Alcantara, five S. Iuliani primordia sub S. Regula nostra, eorum splendor & merita describuntur.
- 1157 677 Moritur Sanct. Petrus Venerabilis Abbas Cluniacensis, succedit Hugo III.
- 1158 678 Ordo celeberrimus Equitum Calatravæ sub Regula nostra institutus laudatur.
- 1159 679 B. Ottho Frisingensis, ex monacho Cistercij Episcopus Frisingensis floret, S. Roberti Angli Abbatis Cisterciensis vita describitur. Fit Pontif. Max. Alexander III. qui diversos ex Ordine creat Cardinales.
- 1160 680 S. Petrus de Tarantasia Archiepiscopus ex monacho Cisterciensi celebratur. S. Amatus Episcopus de Nusco ex monacho montis virginis claret.
- 1161 681 S. Fastradus Septimus Abbas Cistercii eligitur, de cujus vita Yepes plura. Cisterciensium ingens pro Alexandro legitimo Papa Constantia commendatur, S. Elkilus Archiepiscopus Lugdunensis fit monachus Cisterciensis.
- 1162 682 Principia Equestri Ordinis de Avis. Proficitur monachum Alcoba-
tia Petrus Alphonfi Portugallie Regis Frater. Fundatur S. MARIE de Ruetè.
- 1163 683 Fundatur Monasterium S. P. N. BENEDICTI de castro illustrissimum quod multis commendatur.

Describitur

- 529 40 Divinitus ad Conversionem Gentilium S.P.N. vocatur, & comitantibus Angelis Casinum migrat.
- 530 51 Idola evertit, lucos succendit, predicatione continua, indomitum populum ad Christi fidem vocat ultimus Italia Apostolus S.P.N.
- 531 52 Ad Concilium Lateranense evocatur S.P.N. à Bonifacio II. Pont. Max. cujus, & Urbis magnò plausu, plurima singulis ferè Ecclesiis, Monachorum adjungit Collegia, & Scholas instituit. Ipso anno ab ipso sacrum habitum accipit Sanct. Turibius.
- 532 53 Illustrem Monachorum coloniam, cum eodem Turibio in Hispanias destinat, quorum plerique ad Pontificales erecti Cathedras, Apostolicis deinceps meritis se commendarunt.
- 533 54 Justinianus Imperator, plures item mitti Monachorum in Orientem colonias efflagitat, quin & pro AEgypto, & Thracia aliisque provinciis idem urget.
- 534 55 Subacta per Belisarium Africa, idem Imperator similiter consulturus, Victoria participem esse vult Sanctum Patriarcham, Monachos petit, & varia illic construendis Canobiis loca assignat.
- 535 56 Magna Ordinis incrementa per Scotiam atque Hyberniam. Occurrunt ex Oriente Casinum usque pro instructione Græci Monachi, quos grandi miraculo sibi devincit S.P.N.
- 536 57 Stupendo exemplo, admirabili in luce totum intuetur orbem terrarum S. P. N. & adhuc mortalis Deum ipsum, & in ipso Deo, quidquid infra Deū est videt. Rogatus item, Sardinia missis coloniis consultit.
- 537 58 Siculis, quos jam per suos pridem demeruerat, nepotem, & filium charissimum Placidum mittit, qui stupendo miraculo convocatos Regni, die indicta, agros omnes, quotquot adesse poterant prodigiosè sanat.
- 538 59 Psalterij Mariani usus, cum ab ipso S.P.N. tum discipulis ejusdem longè lateque immortalis cum fructu, & merito propagatur.
- 539 60 Duodecim lectissimam, Apostolicis numero, & meritis Monachorum coloniam, Toletum mittit, & urbem regiam ac Regnum mirè demeretur.
- 540 61 Solatur exiliū suum cucullo S. Silverius Papa, apud nostros spontè exules in insula Palmaria, et si per summam injuriam eodem à Belisario amictus. Meretur æternum de pauperibus, & Hospitibus S.P.N. quibus inexhausta liberalitate apud omnem etiam posteritatem suam consultit.
- 541 62 Martyrio coronatur Protomartyr Ordinis S. Placidus, cujus meritis Italia magna peste liberatur, Saracenorum valentissima classe mari mersa. Oblatas patrias Placidi ades, in Monasterium Roma convertit S.P.N. invisenti ad se B. Sylvia pregnantis, nativitatem, nomen, & officium Magni Gregorij prædicit.
- 542 63 Ingens orbis, & Italia terror Totila Rex tremens ad pedes S.P.N. prosternitur, potenter corripitur, de eventuris edocetur; unde Italia, & orbi præclarè consultitur.
- 543 64 Gloriosissima morte, stans ante sepulchrum, elevatis in calum manibus, magnus Imperator noster vita defungitur, & admirabili triumpho ad calos deducitur, e cujus instituto, universa Ecclesia, non pauca Officio Ecclesiastico adjecit. Totila in Regnum Neapolitanum equitas S. Patri debetur.
- 544 64 Regnum Gallia per S. Maurum mirificè ornatur, & virorum Sanctorum copia beatur.
- 545 65 Tanta Casinatis canobii hoc tempore, & deinceps perpetuo à Monachis sanctis gloria, ut memorabile sanctitatis Ecclesiæ probanda argumentum unum illud Monasterium præbuisse videatur.
- 546 66 S. Herculanus Perusinus Episcopus, cum honorem, & Patriam nobili Martyrio condecorat. Multa in favorem Monachorum sancita.
- 547 67 Inter innumeros nunc, & deinceps Gallia procures, portu Religionis exceptos hoc anno Florus Princeps cum filio unico amplissime ditionis hærede S. Mauro se addicit, ipso Theodeberto Rege capillos ipsi præscindente.
- 548 68 Theobaldus Theodeberti filius, S. Mauri alumnus, ab ipso ad Regnum formatus Patri succedit.

- 549 69 Multa mortalium millia per Italiam, Hispaniam, Gallias, &c. salutem in cucul-
lo querunt, opes abjiciunt.
- 550 70 Omnia ferè Italia, Gallia, Hispania, Scotia canobia ordinem nostrum amplectun-
tur; interque alios Dionysius ille exiguus, reapse Maximus, singulare orbis, &
ordinis decus.
- 551 71 Primi ferè ex Regibus, neglecto Regno cucullum exambiunt S. Clodoaldus Aurel.
Regis fil. & S. Tichildis Clodovei M. filia.
- 552 72 Ingens in Gallia ex nostrorum incremento fructus, & sanctorum virorum
copia.
- 553 73 Orbem universum fama, & meritis implet B. M. Aurelius Cassiodorus ex V. C.
Monachus noster.
- 554 74 Meritissimus de Hispaniarum Regno S. Vincentius Abbas protomartyr Ord. no-
stri in Hispania occumbit. Sanctorum ingens copia, quos inter exsplendescunt
S. Isaac Syrus, S. Carilephus, S. Clotildis Gall. Reg. &c.
- 555 75 Germania novum ex ordine nostro lumen affulget, Disibodus, cujus ope denique
barbaries agnita profigatur.
- 556 76 S. Broioci in Britannia minore Episcopatus à Brioto nostro primo ibidem Episcopo
nomen, & honorem habet. Clarent plurimi.
- 557 77 Hiberniam justi nostrorum exercitus opplent; duo, triave Monachorum millia
unum saepe canobium alit.
- 558 78 Theobaldus Aurel. & Astrasia Rex in participium quasi Regni S. Maurum no-
strum vocat. A. S. Marculpho nostro perpetua illa Regibus Gallia gratia cu-
randi strumas, &c. Agaunense, & Lirinense monasteria ordini addita totos
talo exercitus educant.
- 559 79 Vnicum, & aeternum afflictorum, & captivorum in hodiernam diem solatium
claret S. Leonardus noster.
- 560 80 Præter eximia sanctitate viros, salutem Regnis potiore in canobio quasierunt
Sanct. VVinfredus Scotia Regis filius. Ingertrudis, & Cordilla Gallia Regum
filia.
- 561 81 S. Maini in minore Britannia canobium plures è Regibus, è fluctibus seculi suo
splendore allectos extrahit.
Universa ferè Hibernia Sanct. P. Nost. Benedicto se emancipat, & sanctitate pro-
ficit.
- 562 82 S. Sampson noster Abbas Dolensis, mutato honore Dolensis Episcopus jubetur. Ita
plerique Episcopatus nostri initia sua debent.
Felicitem suam hoc tempore debet Gallia S. Germano nostro, Rege Childeberto
ab ipso prorsus dependente.
- 563 83 Pulcherrimo ad aeternitatem omnem exemplo M. Aur. Cassiodorus ex V. C. Mo-
nachus litteras profitetur.
- 564 84 Floret S. Paulus noster Leonensis Pontifex, princeps ejus Episcopatus, à quo dein-
ceps, & Ecclesia, & urbi nomen fuit.
- 565 85 Apostolica constantia Idololatriam denique universa Gallia proscribit S. Rade-
gundis nostra Galliarum Regina.
- 566 86 Trecorensis Episcopatus initia S. Tuduvulo nostro debentur; ipsa in super Prin-
ceps à morte Patronus deligitur.
Merentur de Ecclesia universa rarissimis meritis, & vita sanctissima exemplo S.
Gildas, VVinvalocus Ethbinus, &c.
- 567 87 Scotia nostrorum copia redundans orbis universi provinciis sanctorum munipu-
los destinat.
Pictos Ecclesia adducit S. Columba noster, & mille modis meretur.
- 568 88 Archiepiscopalem dignitatem Dolensi Ecclesia accessisse nostris referendum. Cla-
ret ibidem S. Maglorius noster, &c.
Iterum, alia Ecclesia Cathedralis, initia, honorem, & patronum nostris, & et à
quo nomen S. Asaphi habet, merito debet.
- 569 89 S. AEmilianus singularis Hispaniarum patronus, ordinem nostrum profitetur,
& aeternum meretur exstructo canobio, quod sanctorum, & Hispanorum
Pontificum exin promptuarium extitit.

- 570 90 *Diversis toto orbe provinciis sanctitas nostrorum miraculo est : Inter plurimos eminet S. Leander Hispania Patronus.*
- 571 91 *Rursum Cathedralis Ecclesia originem, nomen, honorem nostris debet, Aethensis, ipsa etiam urbe nomen à S. Maclovio nostro usurpante.*
- 572 92 *Sed, & hoc anno Dunniensis Pontificatus initia ex canobio nostro surrexere, & Abbas illius S. Martinus primus Pontifex renunciatur. Idem Sanctissimus Episcopus Hispanias ab Arianorum Hæresi liberat : merito Apostolus, & Patronus Hispania dictus.*
- 573 93 *Iterum summum honorem in S. familiam nostram insert meritissimus de Ecclesia universa S. Benedictus Papa I. Eodem anno sanctissimus ille Gallia Tutelaris Gregorius ex Monacho S. Martini fit Turonensium Episcopus.*
- 574 94 *Meritissimus de Hispaniarum Regnis, eorumdem defensor æternus, S. AEmilianus moritur; sapius exin hostes Hispania profligare visus. S. Andovera Chilperici Gallia Reg. uxor, & S. Basina ejusdem filia cucullum amplectuntur.*
- 575 95 *Clotharius Rex Gall. Salutem debet S. Germano, Regnum felicitatem plurimam S. Mauro. Primus è nostris Gallias sanguine suo excolit S. Arnulphus Abbas Norvaliciensis.*
- 576 96 *Omnia Campania, Samnia, Valeria, Tuscia, Liguria, &c. canobia ordinem nostrum amplexantur Sancti plurimi florent.*
- 577 97 *Moritur Sanctissimus Benedictus PP. I. cui succedit S. Pelagius II. item noster, uterque cathedram S. Petri rarissima Sanctitate condecorans. Turbinibus sæculi ereptas cohortes integras calo asserit Sanct. Ebrulphus noster.*
- 578 98 *Meretur æternum de innumeris captivis, damnatis, mortuis Sanct. Eparchius Abbas.*
- 579 99 *Meritissimus de universo S. Germanus noster moritur, jure à Chilperico Rege, Ecclesia speculum, patriæ vigor appellatus.*
- 580 100 *Reip. Christiana, & Ecclesia universa præclarissimè consulit S. Pelagius noster plurimis Conciliis celebratis.*
- 581 101 *Gloriosissimè, & constantissimè catholicam fidem tuetur, & contra Arianos SS. Trinitatis Mysterium propugnat S. Gregorius noster Turonensis.*
- 582 102 *Nostris promoventibus duo hoc anno concilia celebrantur, Cabilonense, & Matisconense.*
- 583 103 *Plura Monachorum perfectorum millia passim numerantur. Meretur insigni legatione de Ecclesia S. Gregorius Magnus, S. Salvius noster Chilpericum Regem, adeoque Galliam à Sabellianismo avertit. Moritur S. Martinus Hispan. Apostolus, S. Leander noster de Hispaniis perinsigniter meretur, Rege Hermenegildo converso.*
- 584 104 *Idem S. Leander meritis Hispanias, implet, educans Patria SS. Isidorum, Fulgentium & Florentiam germanos suos, omnes ordinem nostrum professos. Moritur meritissimus ille prodigiis innumeris S. Eparchius.*
- 585 105 *Leovigildum Arianum Regem mira patientia ita vincit S. Leander, ut ipsi Recaredum filium commendaret summo universa Hispania bono.*
- 586 106 *Orientem, & urbem imprimis Constantinop. gravi errore liberat, convicto Eutichio Patriarcha S. Gregorius Magnus.*
- 587 107 *Meritibus amplissimis celebrantur SS. Sulpitius Severus, S. Radegunda, Regina &c. Moritur magnus ille S. Salvicus.*
- 588 108 *Consulit egregiè Ecclesia universa S. Pelagius Papa indicto Matistonenſi Concilio, in quo Episcopos reformat.*
- 589 109 *Altero jam Rege ad Ecclesiæ unitatem traducto, Arianam Hæresim ex Hispaniis profligat S. Leander noster. Auctoritate S. Pelagii nostri PP. Concilium Generale Toletanum, item Narbonense, & Valentin. cogitur.*
- 590 110 *Pelagio mortuo Gregorius noster Magnus sufficitur plurimo nomine vix inito Pontificatu meritissimus.*
- 591 111 *Bajoaria cum Duce suo per S. Rupertum conversa, & ab eodem Salisburgensis Cathedralis instituta.*

- 592 112 Africa, & Hibernia, illa à Donatistis, hac à schismate per S. Gregorium vindicata. Florent Sancti plurimi.
- 593 113 S. Gregorii Magni merita maxima, & ab eo scriptis, ac factis hoc anno Ecclesia egregie consultum.
- 594 114 Manichæos in Sicilia, Donatistas in Africa, sed & gentiles Barbaricos, & Iudaos eodem tempore idem expugnat.
- 595 115 Plurimi egregii ex ordine Pontifices diversis Ecclesiis præstant: Error, & arrogantia Patriarchæ constantinop. corrigitur.
- 596 116 Gregorius nostros ad conversionem Angliæ ablegat. Civium Romanorum salus debetur sanctimonialium precibus.
- 597 117 Edilbertus Angliæ Rex per nostros conversus. Initia Pontificatus Cantuariensis, &c. per nostros.
- 598 118 Probus Abbas ab Agilulpho Rege, Italia, & urbi pacem impetrat. Hæreticos Thessalonica, & Iudaos in Sicilia opprimit S. Gregorius.
- 599 119 S. Goar apud Treverim predicationi intentus, eum populum Christo aggregat. & miris exsplendescit. Si unquam, hoc imprimis anno Sanct. Gregorius noster meretur, inter alia Istriam Ecclesia jungit.
- 600 120 Arianis fortissime in Hispania debellatis meritisque amplissimis dives moritur S. Fulgentius Episcopus.
- 601 121 Gregorius & S. Columbanus Gallias Simoniaca Hæresi purgant. In Angliā nostri strenuè laborant.
- 602 122 Diversis Regnis Hæretici, & Schismatici opera M. Gregorij Ecclesia uniuntur. Africa imprimis juvatur. Plures mira sanctitate orbi prosunt, è Regibus multi salutem cucullo debent.
- 603 123 De Palmaria Insula, & Ecclesia universa meritissimus S. Venerius. Moritur S. Leander Gothis ad fidem conversis, &c.
- 604 124 Moritur Magnus noster Gregorius, hoc ipso etiam anno inexplicabilibus meritis laudandus, verè immensus ipse thesaurus, Alfredo Rege testante: quia generis humani maximam partem calo lucrifecerit.
- 605 125 Etiam mortuus Gregorius laboranti fame urbi adest. Sanctitate eximia ornat honorem Cardinalitium S. Petrus Diaconus.
- 606 126 Meretur immortaliter de Belgio S. Vincentius noster. Superant centies millium numerum SS. Virgines unius sæculi ex ordine nostro effulgentes. Machomet à S. Isidoro ex Hispaniis profligatur.
- 607 127 Fit Pontifex Rom. S. Bonifacius noster IV. de universo statim, & calo meritissimus consecrato honori Admir. Matris templi Pantheon.
- 608 128 Exornat, juvatque miræ sanctitatis exemplo, & fructu Hispanias, & Ecclesiam universam S. Helladius Toletanus Archiepiscopus.
- 609 129 Moritur S. Augustinus noster Anglorum Apostolus, cui succedit S. Laurentius, mox de Scotia etiam, & Hibernia meritissimus.
- 610 130 Pluribus celebratis conciliis æternū meretur de Ecclesia S. Bonifacius IV. Eidem debet Metropolitanum honorem Toletum.
- 611 131 S. Austregisili nostri miranda de universo, & Gallie imprimis Regno merita edomita maxime Regis à varitia memorantur.
- 612 132 Theodericum Regem, nec non Clothariū summo Regnorum bono, imperterritus corripit S. Columbanus, & Moguntia accolæ ad fidem Christi adducit.
- 613 133 In Germania S. Gallus Idololatriam diversis locis profligat. Columbanus Mediolano Arianismum exterminat.
- 614 134 Haud impari, quo primus è nostris etiam Apostolus Angliæ, gloria, revocant hoc anno, & Adevaldum Regem nostri Christo adducunt.
- 615 135 Gallia Reges, & Regnum bene institutum, omnisque inde gloria S. Arnulpho nostro debetur, Metensi Pontifici.
- 616 136 Acephalitarum Hæresim triumphat, & eximiis meritis claret S. Isidorus noster Hispal. Archiepiscopus.
- 617 167 Ad Photini, & Bononii Hæreses debellandas aptissimi Luxovienfes nostri à Concilio Gallici Patribus designantur. Agrestini errores, non Monachi solum nostri, sed & Sacra Virgines, interque eas S. Burgundofora expugnant.

- 618 138 *Ingenti fructu in Anglia laborat, & de Rege imprimis meretur S. Iustus Roffensis Episcopus. Plurimi Reges, & Principes salutem cucullo debent Oceano sæculi erepti.*
- 619 139 *Sanctorum copia ingenti Orbi consulit, & Ecclesiam excolit hoc anno Ordo noster.*
- 620 140 *Meritissimus de Rege Clothario claret S. Faro noster Meldensis Episcopus. Sanct. VValbertus S. Columbinus. S. Clarus.*
- 621 141 *Rursum Idololatria ex Germania exterminanda sedulo instat Sanct. Gallus, & socij.*
- 622 142 *Cathedris diversis immortaliter prosunt plurimi hoc anno ex Ordine Episcopi. Terror Regum S. Columbanus moritur.*
- 623 143 *De innumeris captivis, afflictis prodigiosissime meritis effulget S. VVinebaldus Treccassinensis Abbas.*
- 624 144 *Moritur S. Gallus vir verè Apostolicus. S. Mellito plurimum Anglia Dorovernenses urbem suam debent.*
- 625 145 *In conversione Regis ac Regni Northumbria strenuè laborat S. Paulinus noster, Claret S. Austregislus. Regnis Gallia mirifice prodest consilio, & auctoritate S. Arnulphus noster, cui Dagobertus Rex juvenis commendatus.*
- 626 146 *Belgio summo perè prosunt SS. Bertinus, Mumblinus, Bertrandus, &c. Gallia vero Magnus ille meritis S. Claudius.*
- 627 147 *Provincia Berniciorum, & Deirorum, Regnumque Northumbria universum per nostros Christo adductum. Orientales etiam Angli cum Rege Carpualdo, pluresque alii populi per Sanct. Paulinum conversi. Sanct. Arnulphus gravissimam dissensionem componit inter Reges Gallie.*
- 628 148 *Lindissira provincia consulitur per nostros, & Episcopatus Lindisfarnensis, sed & paulo ante Eboracensis instituitur.*
- 629 149 *Compositis in Hispania rebus, & triumphatis Haresibus scriptis sanè admirandis Ecclesia prodest S. Isidorus. Relictis Regnis, & amplissimis opibus felicitatem veram in cucullo plurimi amplectuntur.*
- 630 150 *Conversioni infidelium accingitur S. Amandus noster Tungrorum, Eburonum Brabantie, Flandrie, Alsatia Apostolus.*
- 631 151 *Potentissimus Galliarum Patronus S. Licinius noster Andegarvensis Episcopus, de Ecclesia meritissimus moritur.*
- 632 152 *Magnus ille S. Claudius, & S. Arnulphus secundus à Rege, Gallie moderator divino jussu Canobia repetunt.*
- 633 153 *S. Eligius noster ad consulendum Regno Gallie pro S. Arnulpho, Canobio extrahitur. Obiit Sanctissimus Baro.*
- 634 154 *S. Amandus Gall. Regem intrepide corripit, & in exilium mittitur. Idem Vasconibus, Gandavensibus. Tornac. & Solanis verbum Dei annunciat.*
- 635 155 *SS. Florbertus. & Livinus innumeros Christo adducunt, & Martyrio etiam coronatus Livinus Tutclaris Gandensium eligitur.*
- 636 156 *Opera nostrorum, & maxime S. Isidori celebratur Concilium IV. Taletanum præfidente eodem.*
- 637 157 *S. Aidanus in conversione Gentilium indefessè, ingenti fructu laborat. Isidorus Concilium cogit.*
- 638 158 *S. Birinus noster Occidentales Saxones cum Rege Cynigildo convertit, & Dorcestrensem Episcopatum instituit. Moritur S. Ioannes Gerundensis Episcopus, Ariana Hareseos debellator egregius. Succedit S. Nonnitus.*
- 639 159 *Moritur Magnus Ecclesie Doctor, Haresion, & Mahometus triumphator, & Hispania Patronus S. Isidorus. Ad conversionem gentium missus S. Gisalarius noster, de Austria ejusque metropoli Vienna meretur. Exemplo Sanctitatis mirando plurimas calo cohortes adducunt SS. Claudius ejusque discipuli. Claret S. Magnus, &c. Plurimis Regna præ cucullo vilent, exiis eminet S. Ebba, Ethelfridi Regis filia Illustrissimo Martyrij genere cum plurimis patriam nobilitans.*

- 639 159 S. Amandus noster revocatus Regno Gallia mirifice prodest, nec minori fructu præst Biturigibus S. Sulpitius.
- 640 160 Barbarie absolvitur per nostros Germania, & juxta Canobia pleraq; Germania urbes extrui cepta.
- 641 161 Moritur unicum Regni Gallici præsidium S. Arnulphus noster S. Rictrudis nostra de Rege mire triumphat.
- 642 162 Prædicatione sua æternum meretur de Pontina provincia, & ultramarinis Britannis S. Richarius Abbas.
- 643 163 S. Amando nostro debetur institutus Episcopatus Argentoratensis, mox etiam Urbs propter nostros condita. Plurima turba cucullo calis asserta. Clarent eximia Sanctitate plures Regii generis, & dignitatis.
- 644 164 S. Fursus fidem insigniter propagat apud Orientales Anglos. Moritur Apostolicis meritis vir S. Paulinus Episcopus.
- 645 165 Multi è Regibus portu Religionis excepti, in cucullo Sanctitatis exemplo, universo profundi.
- 646 166 Cantabrigiensis universitas instituta per S. Sigebertum Regem, Monachum nostrum. Alsatia illustrata.
- 647 167 Belgium, ut Paradysus Domini efflorescit, Sanctorum ex Ordine nostro copia, & fructibus.
- 648 168 SS. Fursus, Foillanus, Vltanus, fratres Germani, ex Regibus Monachi exemplo totas cohortes calo lucrantur.
- 649 169 Immensitas penè sæculi fluctibus toto orbe ereptorum, ex constructione tot Canobiorum.
- 650 170 Conversioni gentium diversis locis intendunt, SS. Amandus, Landelinus, Landoaldus, & Amantius.
- 651 171 S. Aidanus vir Apostolicus clarissimus habetur, S. Eligius conversioni Antuerpiensium, & Flandria insistit. Plurimi ex nostris Apostoli strenuè laborant. SS. Etho, Bertwinus, Eloquius Mombolus, Adalgisus, &c.
- 652 172 S. Emmeramius aliquamdiu virgari Deum annuncians, Bojaria prodest, tandem Martyrio coronatur.
- 653 173 Opera nostrorum Concilium Toletanum VIII. Mediteranei Angli Christo per nostros aggregati. Nostri plures eosque inter S. Honorius, & S. Deusdedit Columna Ecclesia celebrantur. Reges plures Monachi.
- 654 174 Prædicationem suam laurea Martyrii coronat S. Foillanus, S. Vincentii Comitis Hannonia merita commendantur.
- 655 175 Mira victoria contra Merciorum Regem parta: & fides per nostros amplissime propagata.
- 656 176 Fructuosissimus ille Fructuosus Archiepiscopus Bracarensis instituitur. Principes multi salutem cucullo referunt.
- 657 177 Orientalium de SS. Trinitate errorem expugnat S. Eugenius Toletanus, & moritur; succedente Magno Ildephonso nostro, Haresum triumphatore invictissimo.
- 658 178 Pro libertate Ecclesiastica fortiter pugnant S. Theodardus Leodiensis Episc. glorioso Martyrio coronatur.
- 659 179 S. Vrsmarus multos in Gallia partibus ad fidem convertit, in Fania, Theoracia, sed & Menapum finibus.
- 660 180 Claret immortalibus meritis S. Vandregisilus, inter alia apud Caletenses fidem penè abolitam restituit.
- 661 181 S. Audomarus noster Idololatria apud Tarvanenses, & Marinenses triumphata felicissime moritur.
- 662 182 Innumeris ad Christi Ecclesiam aggregatis, Magnus diversarum gentium Apolus S. Amandus calo excipitur.
- 663 183 De Alsatia, & Dagoberto Rege meritisissimus, innumeris prodigiis claret S. Florentius Argentinensis Episcopus.
- 664 184 S. Aigulphus noster cum sociis Martyribus insigni numero triumphos calo auget, & terram purpura ornat.

- 665 185 Moritur Flandrensiū, Antuerpiensium. Frisonum, &c. magnus Apostolus S. Eligius Noviom. Episc. Eodem anno calis recipitur S. VVandregisilus Caletensium Apostolus; Et Deus dedit vir Apostolicus.
- 666 186 S. Cuthbertus predicatione sua strenuè laborat, & Idololatriæ reliquias longè latè-que feliciter eradicat.
- 667 187 Moritur Hereticorum triumphator S. Ildephonsus, iure os aureum, & Fidei anchora appellatus. Claret S. Humbertus predicatione de Antuerpiensibus, & Brabantinis optime meritis.
- 668 188 In Anglia conversioni gentium toti incumbunt Sacro-Sanct. Theodorus, & Adrianus. Nostri dum Ecclesia, & Gallia Regno consulunt exulare coguntur.
- 669 189 Nostri hoc anno summam felicitatem debet Anglia. In Sicilia tota Martyrum cohortes in calum misse.
- 670 190 Gallia Ecclesiam purpura sua ornant SS. Praejectus, & Amarinus. Tutelaris Montensium S. VValdetrudis moritur.
- 671 191 Innumeri hoc ipso tempore ex Ordine, sancti Ecclesia thesaurum meritis accumulant.
- 672 192 S. Ceadda S. Edilburgis, & innumeri in Anglia clarent, eosque inter precipue S. Sebbi Orient. Sax. Rex. De Anglia meritisissimus Sanct. Theodorus concilium convocat.
- 673 193 S. Audoeni nostro debetur tranquillatum Gallia Regnum, &c.
- 673 193 Ingentes ovium greges Christo adducit S. Begga, & Belgium illatione immensi Reliquiarum Theauri beat.
- 674 194 Admiranda Constantia Ebromo resistit S. Philibertus, & innumero fructu Christi horreum implet.
- 675 195 S. Leodegarius Constantissimus Martyr coronatur, pro meritis plurimarum Ecclesiarum Tutelaris electus.
- 676 196 Obiit gravissimorum meritorum cumulis dives S. Adeodatus Papa. Anglia per nostros ut Paradysus Domini.
- 677 197 Inter Austrasios, & Francos pacem conciliat, & praeclarissime meretur Sanct. Audoenus.
- 678 198 Vindicata Auctoritas Pontificia debetur S. Agathoni nostro, ob sublatam summam pecuniariam pro confirmatione Imperatori debitam. Eodem anno ab eodem Ecclesia Ravennas Romanae unita, & Frisia à S. VVilfrido Christo adducti.
- 679 199 Monothelitarum Heresis per S. Agathonem expugnata. Per S. Honorium Anglia compositis litibus servata.
- 680 200 Romanum Concilium celebratum à S. Agathone nostro VVamba Rex Hispania salutem in cucullo quarit.
- 681 201 Immortaliter meretur S. Agatho noster celebrato concilio generali VI. Constantinop. Monothelitis prorsus profligatis, & sacris imaginibus defensis.
- 682 202 S. Ansbertus de Ecclesia meritisissimus celebrat Concilium Rothomagi, cui ipse praesedit.
- 683 203 Admirando vita exemplo innumeras Christo oviculas adducit Sanct. Etheldreda Regina.
- 684 204 Benedictus II. fit Pont. Max. cui debetur Pontificia libertas restituta, & plurimum aucta dignitas.
- 685 205 Restaurata urbs Romana, atque exornata debetur S. Benedicto II. nostri Ordinis Papae.
- 686 206 Franconia cum Duce suo Gosberto per Sanct. Kilianum nostrum ad fidem conversa.
- 987 207 Moritur S. Rictrudis Marcianensis Abbatissa. Gallias meritis implet S. Amatus Senon.
- 688 208 Concilium Toletanum celebratur summo Ecclesia bono, presidente S. Iuliano nostro; De schismaticis triumphum agit S. Sergius ex Ordine N. Pont. Maxim.
- 689 209 Franconia Christi Ecclesia aggregata, & instituto Herbipolensi Episcopatu, merita tanta Martyrio coronat S. Chilianus noster.

- 690 210 SS. Egbertus, Vuitpertus, & Theodorus ingenti per Ecclesiam universam fructu
predicant.
- 691 211 Cedualla Orientalium Saxonum Rex opera nostrorum convertitur. Magnus
ille Mommolenus claret.
- 692 212 Pseudo Concilio Constantinopolitano, & ipsi Imperatori constantia insigni obni-
titur S. Sergius noster.
- 693 213 Pulcherrimo in labore, conversione nimium antiquorum Saxonum, sanguinem
cum vita profundunt SS. Euvaldi.
- 694 214 Campaniam, Brabantiam, sive Taxandriam Christo adducit Sanct. Lambertus
noster.
- 695 215 Teisterbandia, Vvestphalia, Boructuariorum, Frisonum, Batavorum, &c. Aposto-
lis S. VVigbertus occumbit. Sanctissimus Audomarus Theoranensium Apo-
stolus calum plausu implet.
- 696 216 Idololatriam diversis in provinciis profligat. felicissime S. VVillibrordus noster
Traiectens. Pont.
- 697 217 SS. Suibertus, & VVilibrordus insigni fructu in Germania, Frisia, Trasia, &c.
laborant.
- 698 218 Martyrio coronatur insignis ille Taxandria Apostolus S. Lambertus Tungrensis
Episcopus.
- 699 419 SS. Anthelmus & Adamannus Ecclesiam constantissime propugnant, & schis-
mate diversas provincias liberant. Pictavorum gens Ecclesie Romana se
conformat, opera S. Ceolfredi Abbatis nostri.
- 700 220 Apostoli nomen apud Frisios indefesso labore meretur S. VVulfrannus Archiepi-
scopus Senonens.
- 701 221 Venerabilis Beda noster à Pont. Max. consulitur. Hasbaniorum Apostolus Sanct.
Trudo in calum abit.
- 702 222 Ad predicandum Gallis Belgicis Evangelium ad Pipinum se confert S. VViro, de
eodem meritissimus.
- 703 223 Anglia Paradysus Dei effecta, opera S. Benedicte Angli, & Monachorum nostro-
rum felicitopia.
- 704 224 Victoriā insignem hoc anno debet Aripertus Longobard. Rex, & Ecclesia Ro-
mana, patrimonium suum S. Bonito nostro Atvernorum Episcopo.
- 705 225 Brunsvicenses, & Boructuarij converti per S. Suibertum. Mirificus ille noster
S. VVilfridus claret.
- 706 226 Apostolico labore fructum ingentem Ecclesie accumulat S. VVillibrordus, claret
S. Guthlacus.
- 707 227 Transsylvanos Christo lucratur, Idololatria exterminata Sanct. Marcellinus
noster.
- 708 228 Colonienfibus mirifice prodest vir Apostolicus Sanct. Suibertus, sed & VVerden-
sibus.
- 709 229 Leodiensis Pontificatus initia nostris debentur, ejusdem precipuus item ex ordi-
ne nostro Patronus.
- 710 230 Ad salutis tutissimum portum, cenobium confugiunt Ethelredus, Choenredus,
Offa, & Chinesvitha Reges.
- 711 231 Potentissimi Episcopatus Caesaris VVerde initia debentur S. Suiberto nostro. Cla-
ret S. Ioannes Eboracensis Episcopus.
- 712 232 Innumeras oviculas Christi caulis aggregant SS. VVerensfridus, & Achatius
Apostoli nostri.
- 713 233 Plures iterum Reges salutem cucullo debent, quos inter Alfredus Northumbriae,
& VVinocius atque Atrocus Britannia.
- 714 234 S. Adalbertus Edilwardi Deirorum Regis filius Holcandia, & Lenemarie con-
versioni intendit.
- 715 235 S. Gregorius noster II. Pont. Max. Urbem restaurat, jura Ecclesie, etiam armis
vindicat.
- 716 236 Frisingensis Cathedralis Ecclesia, nostris initia sua, & Patronum debet. Ordina-
tur gentium Apostolus S. Corbinianus noster.
- 717 237 Mirificus Saxonum, Frisorum, VVestphalorum, Boructuariorum, &c. Aposto-
lus S. Suibertus moritur.

- 718 238 Magnus ille Germanorum Apostolus S. Bonifacius noster, ad prædicationem Germani: à Gregorio II. destinatur.
- 719 239 S. Bonifacius S. Villibrordo in conversione Frisorum coadjutor, strenuè collaborat.
- 720 240 Moritur S. Vulfrannus Senonensis Episcopus, Frisorum item Apostolus. Claret S. Ioannes noster Damascenus.
- 721 241 Consulit Ecclesià universa convocato concilio Roma, & præclare sancitis S. Gregorius PP. II.
- 722 242 Occidentalis Ecclesià conversione gentium opera Sancti. Bonifacii mirifice propagatur.
- 723 243 Idem S. Bonifacius, Tonitruum filius à Baronio merito appellatus etiam Hæreses profligat.
- 724 244 Insigni Constantia Grimoaldi Ducis scelus corripit, & ad saniora eum convertit S. Corbinianus. Utillissimum Germania universa Asylum aperitur Augia Divæ, innumeram multitudinem procerum calo deinceps asserens.
- 725 245 Hassia Christo nomen dat, & magna pars Thuringia opera Sancti. Bonifacii nostri.
- 726 246 Admiranda animi magnanimitate S. Gregorius noster II. sacras imagines tueatur, & Leoni Imperat. se opponit.
- 727 247 S. Ioannes Damascenus Iconomachos fortiter debellat. Mirifice prodest, S. Pirminius Episc.
- 728 248 Apostolorum colonia ex ord. nostro, & Regno Anglia Germania immittitur. Beda de universo meretur.
- 729 249 Gregorius noster II. Urbem ab interitu vindicat, & mirè de Luitpardo Longobard. Rege triumphat.
- 730 250 Idem S. Pontifex in victo animi robore Leoni Imp. Italia Imperio exuit, & Hæreticum pronunciat.
- 731 251 Immortalibus meritis cumulatissimus obiit S. Gregorius II. eligitur Gregorius III. qui illico ad extirpationem Hæreticorum convertitur.
- 732 252 Magno orbis Christiani bono Concilium Roma indicit S. Gregorius noster ejus nominis III.
- 733 253 Magna peste, Hærese nimirum Erconvolvi, Bavariam liberat S. Bonifacius. Leonem Imperatorem reducere parat Gregorius III.
- 734 254 Mirum in modum prodest Anglia, & consilium flagitanti S. Bonifacio Nothelmus noster Dorovernensis Archiepiscopus.
- 735 255 Multi è nostris Orientem glorioso occasu pro SS. Imaginibus occisi exornant. S. Theodulphus conversioni gentium incumbit.
- 736 256 Ingens per hæc tempora toto orbe sanctorum ex ord. copia. Ecclesià Cathedrales per Germaniam Monachis data.
- 737 257 Ceolulphus Northumb. Rex salutem in cucullo quarit, & sanctitate eminet. Rursum Hæreticos expugnat S. Bonifacius.
- 738 258 Bojariorum exercitum calo conscribit S. Bonifacius, & illatis Roma Sanctorum plurimis exuvias Germaniam beat.
- 739 259 Borealium omnium Regnorum Pipino Reg. parentum, sed & Frisia, atque Dania Apostolus moritur S. Villibrordus.
- 740 260 S. Ina Rex Saxonum occidental. Vexilligale Regnum Ecclesià facit, eandem mirè ornat, & Monachum professus sanctitate vitæ eminet.
- 741 261 S. Bonifacii, Concilio in Germania celebrato, & Episcop. institutis meritum ingens. Debent nostris Titulum Christianissimi Reges Gallia.
- 742 262 Moritur S. Gregorius III. praelius pro fide Cathol. gestis gloriosissimus, succedit S. Zacharias noster, illico mirè meritis.
- 743 263 Sabinese, Narniense, Auximanum, Anconitanum patrimonium Sancti. Petro per Zachariam PP. partum. Concilium celebratur à S. Bonifacio Grandi peste Hæresum Adalberti, & Clementis per S. Bonifacium Germania liberatur. Iterum idem Concilium celebrat.
- 744 264 Concilio Roma celebrato Ecclesiasticam disciplinam restituit S. Zacharias PP. Fuldense canobium de universo meritissimum.

- 745 265 Metropolitana sedis Moguntinæ initia S. Bonifacio nostro debentur. Idem mirè Germania, & Anglia consulit.
- 746 266 Iterum duo potentissimi Episcopatus instituti, Aistettensis, & Herbipolensis S. Bonifacio debentur.
- 747 267 Salutem in cucullo quaerit Carolomannus potentissimus Austrasia Rex, in quo sanctitate eximia claret.
- 748 268 Restituta rursus per Germanias Monachica disciplina mirificè consulit ordini, & orbi S. Bonifacius.
- 749 269 Saxones VVestphalosque Ecclesia imminentes è calo triumphat S. Suvitpertus. Hæresim pessimam Gnaphæi jugulat S. Ioannes Damascenus.
- 750 270 Cucullo sanctitatem, sive profectus tantopem debent Rachisius, Thesia, & Truda Longobard. Reges.
- 751 271 S. Bonifacii ingentia de Germanis, & Moguntina inprimis Archiepiscopali cathedra merita.
- 752 272 In inclitum Regem Pipinum ejusque dignissimam familiam Regnum Galliarum transfert S. Zacharias Papa.
- 753 273 Multa millia Christo, ejusque Ecclesie aggregat in Frisia Sanct. Bonifacius noster.
- 754 274 Univerſale quasi studium Germania primum apud Fuldam per nostros inducitur atque propagatur.
- 755 275 S. Bonifacius Germanorum, & Frisonum meritisimus Apostolus, merita immensa sanguine condecorat.
- 756 276 Iterum alius è nostris Saxonia Apostolus, S. Sturmio in ejus gentis conversione strenuè desudat.
- 757 277 Dissolutam Cleri disciplinam summo Ecclesie bono coercet S. Stephanus noster Pont. Max.
- 758 278 Potentissimi Reges, & Principes fluctibus sæculi emergentes portu Religionis excipiuntur.
- 759 279 Germaniam fama sanctitatis implet S. Othmarus à quo aternus redundat Sangallensi canobio per ipsum restituto, & præcipuè excolto honor.
- 760 280 Perpetuis ferè in hodiernam usque diem S. Othmarus Hæreticos confundit miraculis.
- 761 281 Publico sacrarum litterarum Gymnasio Eboraci instituto, & Bibliotheca comparatà insigniter de Regno Angliæ meretur S. Egbertus noster.
- 762 282 Scriptis suis mirificè prodest Ecclesie egregius Doctör Venerabilis Beda noster, cujus superstitis lectiones in Ecclesia publicè recitantur.
- 763 283 Archimagister universi, & summus litterarum Dictator Alcuinus diversas per provincias immortaliter meretur.
- 764 284 Ex multis canobiorum millibus totæ sanctorum legiones, mundo Numen consulant.
- 765 285 Aeternum orbis, & Ecclesia debet S. Gregorio nostro Trajectensium Episcopo Dorſtradi Trajecti, &c. Apostolo.
- 766 286 Moritur S. & Venerabilis Beda noster innumeris de Ecclesia universa meritis locupletissimus.
- 767 287 Orientem nostri rursus sanguine suo purpurant, & pro SS. Imaginibus gloriosissime decertant. S. Abel noster Archiepiscopus ad conversionem gentium destinatus strenuè desudat.
- 768 288 Eligitur Stephanus IV. illico juvanda Ecclesie intensissimus. Simoniacam Hæresim profligat Etho Episcopus Argentoratensis.
- 769 289 S. Stephanus egregie consulit Ecclesie graviter laboranti indicto Romæ concilio. Idem fortissimus Iconomachorum debellator.
- 770 290 Litterarum studia toto orbe propagata, sed & res à Carolo Magno præclare gesta, etiam nostris debentur.
- 771 291 Velut in civitatem Refugii ad canobia conflunt potentissimi rursus Reges, & Principes.
- 772 292 Mercede aternitatis felicissima donatur S. Stephanus PP. plurimis erroribus profligatis meritisissimus.

- 773 293 *Praclare de universo, & Salisburgensibus maxime meretur S. Virgilius noster eorundem denique Patronus à Divo Ruperto nostro praeipuus.*
- 774 294 *Implet universum meritorum fama SS. Saxonum Apost. Lullus Archiepiscopus Moguntinus.*
- 775 295 *Moritur Thuringiae Dorstad, &c. Apostolus S. Gregorius Episcopus. In Frisia convertenda sedulo operatur S. Ludgerus noster.*
- 776 296 *Inter praeipuos Germaniae Apostolos, discipulus quondam, & cooperator S. Bonifacii claret S. VVilibaldus. A Eterno prodigio in hodiernam diem sanctitatem S. VValpurgis nostra tuetur contra Haereticos Deus Opt. Max.*
- 777 297 *Rursum alius è nostris Apostolus, S. Sturmio claret, & interiores Saxones, quibus Evangelii fax nondum illuxerat Christo adducit.*
- 778 298 *Ingentia merita Alcuini nostri ab opere maxime illo ingenti, quo tota Biblia ipse emendavit. Nec minus ejusdem meritum dum libros de divinis officiis elaboravit. Laus VVuaridi item à compositione Martyrologii.*
- 779 299 *Multa manipulorum millia Christi horreo illata debentur S. Ludgero, ejusque ex Ordine nostro coapostolis.*
- 780 300 *VVederovia Christo Domino adducta moritur felicissimus Thuring. & Saxon. Apostolus S. Sturmio.*
- 781 301 *Aistettensis Urbis initia S. VVilibaldo nostro debentur. Initia item oppidi S. Die, S. Deodato nostro.*
- 782 302 *Apud DöKumenses, Huchmarkos, & Dretenses idololatriam expugnat S. VVillehadus Apostolus.*
- 783 303 *S. Svvibertus à Saxonibus VVestphalisque pro eximiiis meritis specialis Patronus adoptatur. Circa hac tempora plurima templa, & Canobia per nostros erecta.*
- 784 304 *Elipandi gravissimam Haesim profligant SS. Beatus, & Etherius nostri. Moritur Sanctissimus Salisburg. Episc. & Patron. S. Virgilius Carenthanorum Apostolatu meritisissimus.*
- 785 305 *Rejecta Pontificatus Treverensis oblata sibi dignitate, Convertendorum Frisionum laborem praefert S. Ludgerus noster.*
- 786 306 *Augusta vindelicorum amplificata atque illustrata S. Simperto debetur. Varii è nostris Episcopi ornant Ecclesias.*
- 787 307 *Paulus Diaconus summis honoribus defunctus ad Religionis portum se recipit. Carolo Imperatori familiarissimus.*
- 788 308 *Initia ac felicitatem debet Bremensis Ecclesia S. VVillehado nostro primo suo Episcopo, & Patrono.*
- 789 309 *SS. Ludgerus, & VVillehadus in Apostolatu suo strenue defudant. Plures è Regibus cucullum ambiunt.*
- 790 310 *Meritis locupletissimus ad triumphos aeternos evolat Frisia, & Saxonia Apostolus S. VVillehadus.*
- 791 311 *Moritur S. Burcardus primus Herbipolensis Episcopus, Franconia Patronus, & Apostolus, à quo praesulatu illi initia. Initia celeberrima toto orbe Vniuersitatis Parisiensis per nostros, & maxime per Alcuinum.*
- 792 312 *Pari beneficio mox Italiam demerentur; instituta etiam Vniuersitate Papiensi, agente in primis Ioanne Scotò.*
- 793 313 *Honori SS. Trinitatis, festo ipsius propagato, & Officio composito consulit noster Alcuinus.*
- 794 314 *A Eterno merito se Ecclesia commendat B. Paulus Diaconus Officium Ecclesiasticum componens, & scriptis plurimis Ecclesiam illustrans.*
- 795 315 *Initia nostris debet; sed & felices successus Paderbornensis Episcopatus hoc anno.*
- 796 316 *Restitutis atq. ornatis per Urbem Basilicis; sed & Clevo atq. populo ope & opibus consulens egregie meretur de omnibus S. Leo noster Pont. Max.*
- 797 317 *Alcuini rursum ingentia merita, à compositione in primis Missarum Votivarum, & relictis ingenii monumentis.*
- 798 318 *Merita sua universo commendat quadriga scientia omnis, Clemens, Rhabanus, Claudius, & Ioannes Scotus nostri.*

- 799 319 Speculum admiranda prorsus, patientia S. Leo III. pro iustitia indignè exoculatur, & miraculo incolumis à Numine Ecclesie redditur.
- 800 320 Immortali merito longè meritissimus de Occidente universo S. Leo noster, illuc Imperio Occidentali translato.
- 801 321 Debet Leoni nostro PP. Ecclesia universa, Rogationes, siue tridui ante Ascensionem ritum solemnem. Moravi ad fidem conversi per S. Godvvinum.
- 802 322 S. Lugderus è Frisia ad usque confinia Dania excurrrens Fosetelandiam Ecclesia adjungit.
- 803 323 Haytho, & VValda Episcopi orbi universo auctoritate, & consilio profunt. In Haythonis gratiam urbis Basileensis Dominium Prasulatus adjectum, ipse alter fundator habitus, &c.
- 804 324 Nostri originem, famam, gratias debet celeberrimā rursus cathedralis Ecclesia Valpuesta in Hispania.
- 805 325 Plurima per Gallias atque Germaniam erecta Xenodochia aeterno debito nostris obligantur. Omnes longe lateque provincie Scotis Monachis implentur, inde summo Ecclesia bono diversis Cathedralis, viri sanctissimi praeiciuntur.
- 806 326 Relictis Episcopatibus plurimi passim ad canobia conflunt, hoc ipso tempore in sola Augia plures Episcopi Regulam amplectuntur.
- 807 327 Gallia atque Italia ingens felicitas administrante pro Pipino juniore provincias S. Adelardo nostro. Spoletum & Beneventum aeternum obligantur S. Adelardo per eum inter se reconciliata.
- 808 328 Arnulphus Nortumbria Rex per nostros Regno restitutus, Infinita ex ordine lumina exsplendescunt.
- 809 329 Moritur S. Ludgerus Protoepiscopus Monasteriensis, Apostolus Saxonum, &c. Vlma urbis splendor, & incrementa nostris debita.
- 810 330 S. VWilhelmo nostro Gellonensi Monacho debetur Gallia à Saracenis liberata. Schola Augiensis Germania utilissima.
- 811 331 Incredibilis numerus orbis Principum hoc ipso tempore Mundi fluctibus exemptorum.
- 812 332 Scholis plurimis per Europam institutis aeternum nostri merentur: adeo ut sola Gallia antiquis Romanis, & Atheniensibus aquaretur.
- 813 333 Gravissimo Reip. Christiana in negotio tractanda pacis cum Imp. Constantinop. strenuè laborat Hamularius noster.
- 814 334 Germania exuta barbarie, ita bonis artibus floret, ut non illata, sed inter nostros nata viderentur. Sub Carolo Magno, felicitatem suam universus mundus nostris debet, vel ipso quidem Carolo teste.
- 815 335 Initia, incrementa, jura, immunitatemque nostris debet praclara urbs Lucernensis in Helvetia. Theologia, & Humaniorum litterarum studium primus Lugduni instituit Leidradus, noster Episc.
- 816 336 Septentrioni novum sydus illucescit Magnus ille Apostolus noster S. Anscharius. Compostellana Ecclesia, Episcopalem, Ovetensis Archiepiscopalem honorem S. Leoni tertio debent.
- 817 337 Sanctitatem Ecclesia commendant vita SS. exemplo post mortem S. Leonis III. Sanct. Stephanus V. & hoc anno electus post ipsum Sanct. Paschalis I. ordinis nostri Monachi.
- 818 338 De Oriente universo multis modis hoc anno meritissimus Sanct. Paschalis noster Primus.
- 819 339 Civitas Refugii, & Asylum Christiana libertatis Casinum à Baronio sub hac tempora depradicatur. Floret Magnus aequè venerabilis Italia Beda vir meritissimus.
- 820 340 Per Saxoniam Apostolica praeicatione plurimum desudat Sanct. Kortilla Abbas Amarbaricanus.
- 821 341 Fons Consilii, & Institia Regula appellatus S. Adelardus, ut prodesset ab universo Gallia Regno revocatus. Immensitate scientiarum prodest Rhabanus noster. Titulus Card. S. Cecilia nostris debetur.
- 822 342 Imperatori, ut publice penitentiam susciperet, auctor est S. Adelardus, idem columnen Regni Gallia pradicatur.

- 823 343 *Inestimabilia S. Paschalis nostri PP. merita ob auctum Patrimonium S. Petri, & liberam Romanorum Pontificum, & Episcoporum electionem, &c.*
- 824 344 *Rursum miranda merita S. Paschalis I. stipendia Clerici aucta æternum debent, sed & captivi transmarini libertatem.*
- 825 345 *Gothia cum suo Rege Olao ad Christum conversa. Mox & Suecia cum suo Rege, sed & Regiones finitimæ Christo adductæ per S. Ansgarium nostrum.*
- 826 346 *Dania Rex Haraldus Christo dat nomen, laborat strenuè in ejus Regno S. Ansgarius.*
- 827 347 *Potentissimus Episcopatus Upsalensis in Suecia, ut & alij plures ibidem nostris ini-
tia debent. Meretur de Ecclesia universa B. Hamularius.*
- 828 348 *Egregium Ecclesia ornamentum Pontificum Romanorum sanctitas, quam dum
præessent nostri insigniter conservare, hocque anno S. Valentino nostro suc-
cessit S. Gregorius IV. meritis gravissimus.*
- 829 349 *Ostia Tiberina à Gregorio nostro munita, & Italia contra Saracenos strenuè de-
fensa.*
- 830 350 *S. Theodulphus noster Ecclesia prodest. Hirsugia canobium conditum, ex quo
meritorum dein immensitas.*
- 831 351 *Scholas per Daniam instituit S. Ansgarius, & ad eruditionem etiam pueros coe-
mit. Plures è nostris Martyres.*
- 832 352 *Immortaliter ipsi etiam mortui debent Hamulario nostro vere Fortunato insti-
tuto & composito officio mortuorum. Amaburg. Transalbinorum Metropo-
lis Primatus sui dignitatem Ansgario nostro debet.*
- 833 353 *Ad gravissimas dissensiones Ludovicum inter Imperatorem ejusque filios compo-
nendas S. Gregorius noster Summus Pontifex ipse in Gallias proficiscitur.*
- 834 354 *Drogo noster Metensis Pontifex ex Monacho Luxoviensi Imperium, & Gallias
ab interitu vindicat.*
- 835 355 *De cala ipsa, & calitibus omnibus præclarissime meretur S. Gregorius IV. institu-
to Omnium Sanctorum festo.*
- 836 356 *Moritur Academiæ orbis præcipuarum institutor, Rector atque animus
Magnus ille noster Alcuinus.*
- 837 357 *Græcarum litterarum studium invehit Germania Rhabanus noster. Nostri pas-
sim publicè docent.*
- 838 358 *Corfica Insula salutem suorum, ac vitam debet Sanct. Gregorio nostro à Saracenis
erepta.*
- 839 359 *Rursum dissensiones gravissimas in Regno Galliarum componit S. Gregorius no-
ster, & Ecclesia consulit.*
- 840 360 *Ingens Sanctorum, & Doctorum ex ord. copia Ecclesiam ornat. Corpus S. Bar-
tholomæi in ventum nostrorum precibus.*
- 841 361 *Præcipuus Homiliarum declamator, singulare ordinis atque Sydus Haymo Hal-
berstadtensis claret.*
- 842 362 *Primus, & præcipuus Helfingorum Apostolus S. Stephanus Corbeiensis Monachus
strenuè meretur.*
- 843 363 *Immortale atque dignissimum tanto viro meritum Strabonis nostri, cui primum
debetur Glossa ordinaria comportata.*
- 844 364 *Bremensem Cathedram ex Episcopali Metropolitanam effectam Saxones Sanct.
Ansgario nostro debent. Felicitas Hispania jure sanctitati Alphonsi Regis no-
stri adscribenda.*
- 845 365 *Magni illius Hinckmari Rhemensis Archiepiscopi, & Hilduini Abbatis ingentia
de Gallis merita.*
- 846 366 *Freculphus Luxoviensis totius sæculi decus, immortalibus ingenii monumentis
æternum orbi prodest.*
- 847 367 *Libertatem eligendi Pont. Roman. rursum periclitantem æterno merito redimit
S. Leo noster IV. idem illibata Imperio jura Caesaribus promittit: grandi peste,
sed & incendio urbem liberat, &c.*
- 848 368 *Concilio Moguntia celebrato insigniter de Germania Rhabanus meretur. Idem
à pestilentissima Godscaldi Hæresiarcha lue eandem vindicat.*
- 849 369 *Insigni victoria Divinis Mysteries armatis legionibus nostris Saracenos debellat
S. Leo noster.*

- 850 370 Leo Pontifex Ecclesias urbis restituit. Hispanias illustri certamine animat, & sanguine suo ornat S. Perfectus M.
- 851 371 Anglia universa Tributaria fit Romanæ Ecclesiæ, ita permoto sanctitate S. Leonis PP. Rege ejusdem Addulpho. Rursum plures è nostris pro fide in Hispania occumbunt.
- 852 372 Rursum nostri Hispanias suo sanguine excolunt. E Gallia Godscalci Hæresim Hincmarus eliminat.
- 853 373 Romæ Concilio celebrato insigniter Ecclesiæ consulit S. Leo. In Galliis atque Hispaniis plures è nostris Martyres.
- 854 374 Centumcellense oppidum eversum à Saracenis, restitutum, & plura alia loca munita debentur S. Leoni nostro. Debet eodem tempore initia sua, & omnem exin felicitatem, nostris Tigurinorum Metropolis.
- 855 375 Lotharius Imp. portu Religionis extipitur, S. Leo moritur cui vitam atque opes Italia debet S. Petrus noster conversioni gentium intentus Martyrio pro laboribus coronatur.
- 856 376 Rursum apud Frisones alius è nostris Apostolicos labores glorioso fine Martyrii consumat S. Hieron. Plures item in Hispania Martyres. Bassatio Abbati Casinensi debetur Campania à Saracenis liberata. Rhabano Vniuersus orbis debet Isogrammatica expositionis S. Scriptura inventionem, & alia plurima Gallia, & Germania.
- 857 377 Indicta Moguntia Synodo præclare meretur Carolus noster ibidem Archiepiscopus. Cella, & Episcopica oppida condita nostris originem referunt.
- 858 378 Bremensem & Hamburgensem Cathedras copulatas, & successores vicarios Sed. Apost. in omnibus gentibus Danorum, Suecorum, Sclavorum, &c. constitutos S. Ansgario nostro debetur. Iterum telapsos sub uno Rege ad gentiliismum Danos revocat, & Regem ipsum convertit S. Ansgarius.
- 859 379 Rursum in Hispania purpura sanguinis nostrorum Ecclesiæ decorem commendat. Occumbit gloriosus ille S. Eulogius noster.
- 860 380 S. Remberti Apostolatus in Dania gloriosus hic annus. Collegia, Xenodochia, &c. per septentrionem plurima extruit S. Angarius.
- 861 381 S. Bertharius Abbas Casinensis plurimos labores suscipit ad Italiam à Saracenis liberandam.
- 862 382 Viri sanctitate atque doctrina præstantissimi ex ordine nostro Ecclesiæ mirum in modum consulunt.
- 863 383 Germaniam suo sanguine tingit S. Meinardus noster à quo initia dignissimi Einsidensis canobii, ex quo infinita in orbem merita redundarunt.
- 864 384 Regum ac Principum plurimi salutem in cucullo quarunt, in S. Galli unico canobio 200. seu 300. sanctitatis nomine eodem tempore celebrantur.
- 865 385 Moritur Maximus Suecia, Gothia, Dania omniumque Aquilonarium Apostolus SS. Ansgarius.
- 866 386 Ex Scholis nostrorum virorum doctissimorum agmina prodeunt. Cantum Musicum varia modulatione primus in Germania componit Ioannes noster Monachus, discipulus Rhabani.
- 867 387 Immensi penè labores, & merita innumera Sanct. Remberti nostri in conversione gentium, & liberatione captivorum.
- 868 388 Hincmarus noster causam Ecclesiæ apud Reges summo ejusdem bono agit, & æternum meretur. Diligentia nostrorum omnis Historia, unica lux temporum, in orbe subsistit, & conservatur.
- 869 389 Convertendis Bulgaris nostri egregiam operam navant, quorum Rex Trebellius Monachum induit.
- 870 390 Anglia, & Scotia Regna nostrorum sanguine faciuntur. Ingens Heroissarum SS. Virginum constantia.
- 871 391 Ansegisi Senonensis Archiepiscopi æternum ab insigni exemplo meritum, inter alia legibus Francorum in volumen collectis. Gallia florentissima, & felicissima sanctorum, & Doctorum ex ordine nostro copia.
- 872 392 Neque minor Germania felicitas ex tantorum virorum multitudine.
- 873 393 S. Adalgairus incredibili labore in Dania, Suecia, Gothia defudat. Burgundia multum debet Ysoni nostro.

- 874 394 S. Salomon ex Rege Britannia minoris Monachus, hoc anno Ecclesiam suam etiam sanguine honorat.
- 875 395 Corbeienfes Monachi multas Slavorum provincias, & Rugianos imprimis ad fidem Christi vocant.
- 876 396 Nostri ex Hibernia catervatim in Gallias, & Germaniam effunduntur, & cathedras scholasque beant.
- 877 397 Hinckmarus Regno Galliarum utilior quam Reges ipsi, instruendo eosdem aeternum meretur, relictis maxime eis sua opera monumentis.
- 878 398 Regnum Anglia vastum incultumque à nostris denuo restituitur, excoliturque, & Rex veniam à Deo obtinet.
- 879 399 Gito Danorum Rex, precibus S. Neoti merentibus, insigni clade profligatur, atque ex in Christo dat nomen.
- 880 400 Oxoniensem celeberrimam Academiam institutam Angli Sanct. Neoti nostro debet, siue potius ejus splendorem, ac restitutionem pridem per nostros instituta.
- 881 401 Ingens Martyrum ex ordine numerus per Hispan. Gallias, Belgiumque. Fraudem Gracorum nequissimum detegit Ioannes Diaconus.
- 882 402 Haresim praedestinationum convincit Hinckmarus noster. Rursum tota Martyrum legiones ex Ordine calo adscriptae.
- 883 403 Scholas ipsas purpura Sanguinis sui ornat S. Ioannes Scotus noster à discipulis lente confossus.
- 884 404 Ingens Monachorum, ex universa Italia, confluentium, Casini cum Berthario Martyrio afficitur multitudo.
- 885 405 Immensa in orbem utilitas per nostros redundavit: instituta Confraternitate fratrum vulgo Conscriptorum, in quam Impp. & Reges potentissimi adscripti, & pietas longè latèque propagata.
- 886 406 Rhemensium Scholarum auctor Fulco noster Archiepisc. idem multis nominibus de Gallis meretur.
- 887 407 Iterum toti Martyrum exercitus ex Ord. nostro: Solum Gemeticum Monaster. nongentos una die victimas consecrat.
- 888 408 Moritur Magnus ille Danorum Apostolus S. Rembertus. Conditum in Monte Serrato Canobium ex quo immensa meritorum copia in orbem dimanavit.
- 889 409 Apostolatuum suum Martyrio consummat gloriosissimus Suecia, Gothia, & Helfingæ Apostolus S. Stephanus. In iisdem Regionibus haud impari fructu labores prosequuntur SS. Otgerus & Adalvardus nostri.
- 890 410 S. Samson Abbas S. Zoili, strenuè pro Ecclesia contra Saracenos pugnat, & Mahometi sectam debellat.
- 891 411 B. Sunderoldus Archiep. Moguntinus pro patria occumbit. Succedit totius Germania bono maximo Hattho.
- 892 412 Rursum de Ecclesia merentur strenuè, eamque excolunt plurimi nostri Martyres.
- 893 413 Imminentì Ecclesiae ruina ut subveniat Fulconem nostrum hortatur Summus Pontifex. Idem suae etiam Ecclesiae aeterno merito prospicit.
- 894 414 B. Falco Gallia regno insigniter consulat, & pro eo indigna patitur, plures è regibus cucullo beantur.
- 895 415 Concilium Triburiense opera nostrorum utilissimum. De Germania atque Ratisbona meritissimus B. Tuto noster.
- 896 416 Salomon Constantiensis, & Hattho Moguntia Praefules universum cum Caesare administrant.
- 897 417 Friderico nostro Patriarcha Aquileiensi Magna Virginum Virgo, & Ecclesia debet festum Conceptionis B. Mariae Virg.
- 898 418 Adalgarius, & Viggarius Apostoli nostri, ille in Suecia ac Dania, iste in Helvetia praeclare merentur. Debet se totam rursum Gallia Fulconi nostro, & Odonis Tyranni, & Nortmannorum illuvie liberata.
- 899 419 Agrum Frisia Apostolico labore percolit S. Kadbodus noster Traiectensis Episcopus.
- 900 420 Illustrissimo Martyrio innumera merita coronat S. Falco noster pro defensione libertatis Ecclesiasticae occisus.

- 901 421 *Incredibili Martyrum copia ex Ordine nostro Ecclesia exornatur, & Sicilia maxime fecundatur.*
- 902 422 *Pro defensione Religionis, & libertatis Ecclesiastica S. Grimbaldus fortiter certans in exilium actus moritur.*
- 903 423 *Iterum plurimo nostrorum sanguine ager Dominicus impinguatur.*
- 904 424 *Doctore suo, & Hymnorum ab Ecclesia receptorum compositione insigniter meretur B. Ratpertus Monachus.*
- 905 425 *Ioannes IX. Pont. Max. Ecclesiam afflictissimam recreat, & tribus conciliis celebratis plurimum iuvat.*
- 906 426 *Copiosissimus triumphis Martyrum nostrorum denuo hic annus. Immortale nostrorum meritum ob innumeram librorum copiam posteritati transmissam.*
- 907 427 *Ex ore Tutelonis nostri varios Ecclesia cantus excepit, hodieque cum ejusdem merito usurpat.*
- 908 428 *Constantia Vrbs ad Rhenum atque lacum Bodamicum auctam se atque exornatam debet Salomoni Episcopo.*
- 909 429 *Moritur insignis Suecia, Gotthia, Frisia, &c. Apostolus S. Adalgarius, cui succedit in Apostolatu S. Hogerus.*
- 910 430 *Conditur Sanctissimum Cluniacense Canobium, quod totos paulo post Sanctorum exercitus celo transcripsit.*
- 911 431 *De Principibus ac Magnatibus Germania meritissimum Augia Canobium, totas cohortes cano seculi eductos recipit.*
- 912 432 *Germaniam insigniter demeretur S. Notkerus Balbudus, quem Impp. in rebus gravissimis consulebant.*
- 913 433 *Moritur gravissimis de Imperio meritis locupletissimus Hattho Archiep. vulgo secundus Imperator dictus.*
- 914 434 *Salomoni nostro, Pontifici suo, Ecclesia Constantiensis, jura sua, & bona servata debet, & insidiantibus praecepta.*
- 915 435 *Magnus Saxonum, Suecorum, Danorum, &c. Apostolus S. Hogerus, post longos labores premia aeterna recipit.*
- 916 436 *Sanctissimus VVimo noster Bremensis Archiepiscopus efferatissimos Gothia populos Ecclesia reducit.*
- 917 437 *Post innumeros apud Frisios labores ad quietem vocatur Sanctissimus Frisia Apostolus Radbodus.*
- 918 438 *Debet amplissima Diaecesis Constantiensis Salomoni nostro Episcopo S. Pelagii Patroni sui exuvias, &c.*
- 919 439 *Moritur de Imperio universo atque imprimis Germania, & Constantia sua meritissimus idem S. Salomon.*
- 920 440 *Albanense in Hispan. & S. Flori in Arvernia Canobia conduntur, quibus originem suam referunt cognomines duo potentissimi Episcopatus.*
- 921 441 *De Germania aeternum meretur Otfridus Monachus noster, qui patriam linguam ab interitu revocavit.*
- 922 442 *Diversi passim Episcopatus felicitatem nostris debent. Ruthgerus Archiep. Trever. Decretorum librum utilissimum collegit.*
- 923 443 *Regino noster Prumiensis opus de Ecclesiastica disciplina absolvens, eam mirè adjuvat, & propagat.*
- 924 444 *Misnensis Saxonia Cathedra Originem suam, & splendorem nostris debet.*
- 925 445 *Germaniam iterum Martyres nostri suo sanguine ornant atque impinguant.*
- 926 446 *Quod nec Imperator hoc tempore praesumeret solus S. Guibertus noster Vngarorum exercitui occurrens eosdem redarguens plurimos Christo adduxit.*
- 927 447 *Consilia B. Hildeberti nostri Ottho Imper. & Imperium universum nititur, & iuvatur.*
- 928 448 *Contra Anthropomorphitarum Haresim Ecclesiam constantissimè propugnat B. Ratherius noster.*
- 929 449 *Quedlinburgense illud sanctissimum Canobium conditum, cui tota Principum Germanorum cohortes salutem suam referre constat.*
- 930 450 *Relapsos ad Gentilismum Danos cum Insulis omnibus adjacentibus ad Christum reducit S. VVimo noster.*

- 931 451 *Sacramentariorum Haresi insigniter occurrit B. Ratherius. Reges & Regina plurima salutem in cucullo quarunt.*
- 932 452 *Devictis Saracenis, liberata atque peccata Italia, saluti suae in Canobio consulit B. Vrsus Participatius.*
- 933 453 *Nordmannos ac Sueones Christi Ecclesiae immortalis merito aggregat S. VVimo Apostolus noster.*
- 934 454 *Plures egregia Sanctitate Episcopi vita exemplo, & grandibus meritis sua cathedra, & Ecclesia universa plurimum profunt.*
- 935 455 *Causa, & negotia universi ad Cluniacenses Monachos deferuntur, atque iisdem commendantur.*
- 936 456 *Hugone Rege, & Alberico inter se conciliatis gravi interneccione Italiam liberat S. Odo. Idem disciplinam Ecclesiasticam in Italia collapsam restituit. Moritur magnus ille noster Danorum, Gothorum, Sueonum, Sclavorum, Cimbrorum, & Scytharum Apostolus S. Vnni.*
Ottho Magnus Imperator primus Germanorum à Sanct. Hildeberto nostro inauguratur.
- 937 457 *Flandria Ecclesia plurimum debet Transmaro Tornacensi Episcopo, eas in libertatem asserente.*
- 938 458 *S. VVenceslaus noster Bohemia Dux Martyr occumbit. S. Odo miraculis ac sanctioris vitae exemplo plures ad saniora revocat.*
- 939 459 *Grandi fructu universi Belgii collapsam restituit passim disciplinam S. Gerardus Broniensis.*
- 940 460 *Plurimum debet S. Dunstano nostro, sed & vitam eidem debet hoc anno Rex Edmundus.*
- 941 461 *Admirandus in Ecclesiam redundat fructus 2000. Canobiorum se Sanctissimo Odoni nostro subicientibus, & cateruatim naufragis saculi portu Religionis in tutum receptis.*
- 942 462 *Rursum in componenda Italia pace laborat S. Odo, & plurimis aliis titulis praeclarissime meretur.*
- 943 463 *Salutem in cucullo quarit Constantinus III. Scotia Rex Sanctitate vitae plurimi Orbi profunt.*
- 944 464 *Hugo Italia Rex post vigesimum Imperii annum Religionis portu recipitur.*
- 945 465 *Bohemia, S. Ioannis Pennensis Canobii Monachis denuo debet lumen fidei communicatum.*
- 946 466 *Iterum Angliae Regnum longe felicissimum, Edredo Rege, seque Regnumque S. Dunstano nostro subiciente.*
- 947 467 *S. AElphegus VVintoniensis in Anglia Episcopus de eodem Regno meritissimus in caelum abit. Nostri exorientes Hareses opprimunt feliciter.*
- 948 468 *Christus Dominus Caelo descendens ipse consecrat Sacellum B. M. V. Einsidlense, ab ipso Canobio, & ejus Monachis ingentia dein in Germaniam beneficia propagata.*
- 949 469 *Artaldo nostro Archiepiscopo suo Rhemenses debent praeter plurima Comitatum Rhemensem, &c. Eidem Gallia universa plurimum obstricta. Plures Reges cucullum amplexi.*
- 950 470 *VVormatiensis Cathedra in gratiam Annonis nostri liberalissime aucta. Sic & aliae plurimae.*
- 951 471 *Reges ac Principes plures cucullo tecti de saculo triumphant. Tempia, & Xenodochia aucta in Vrbe Constantiensi S. Conrado nostro debentur.*
- 952 472 *Scholarum apud nostros ingens, & inexplicabilis utilitas, ex quibus hoc tempore Sanctorum ac Doctorum tota agmina prodire.*
- 953 473 *Debet initia Annoni, & progressus, reliquis D. Galli Abbatibus, opulentissima hodie Vrbs Sangallensis.*
- 954 474 *Otthonem Regem, filiumque ejus Luitolphum paratis exercitibus inter se concursuros conciliat S. Adalricus.*
- 955 475 *Merseburgensis potentissimi Episcopatus initia nostris debentur: Sed & Victoria de Vngaris relata.*

- S. Dunstanus dum Regem à sceleribus revocat, exilio mulctatur. Inde Regnum penè omne concidit, quoad deturbato Rege, Dunstanus revocatur.*
- 956 476 *Vniuersum cumulat, & prodigiosè factis mirificè exornat Sanct. Majolus Abbas Cluniacensis.*
- 957 477 *Felicissimum rursus Regnum Anglia, dum S. Dunstano Edgarus Rex seipsum, & Regnum subijcit.*
- 958 478 *Moritur meritissimus ille de Belgio S. Gerardus, Abbas Broniensis, qui in hodiernam usque diem grandibus prodigiis mereri nunquam desit.*
- 960 480 *S. Adelbertus noster in causa fidei apud Russos gravissima patitur. S. Dunstanus illustri exemplo Pontificem perditissimum veneratur.*
- 961 481 *Vidichindo nostro aeternum obligata posteritas omnis ob Historiam. Principes plures portum Religionis subeunt.*
- 962 482 *S. Guiberto nostro prater plurima quae ipsi debentur, referenda initia oppidi Gemblacensis. Verè aureum suum Chronicon scribit Flodoardus.*
- 963 483 *S. Ethelwoldus noster meritorum immensitate celebratissimus Anglia Regno prodest.*
- 964 484 *S. Osvaldus noster VVigorniensis Episcopus acerrimus inferi debellator Ecclesiam illustrat.*
- 965 485 *VVilla Italia Regina cucullo Regnum posthabet. Principes Germania Sanct. Galli Monachis ad pietatem accenduntur, atque inde ingens Imperio bonum accrescit.*
- 966 486 *Meretur de Vniuerso imperio praeclarissimè Hattho noster Moguntinus Archiepiscopus.*
- 967 487 *Innumerus pauperum multitudinem ab interitu vindicat Sanct. Ethelwoldus. Eckardus Sanct. Galli Monachus Otthonem juniorem Imperio educat atque informat.*
- 968 488 *Milverbургensis in Misnia Episcopatus nostris originem debet. In conversione gentium sedulus S. Adelbertus.*
- 969 489 *Primus è nostris Merseburgensium Episcopus Boso Ecclesiam ornat. In Canobio admirandam consequitur sanctitatem S. Mathildis Imperatrix.*
- 970 490 *Incredibili fructu opera S. Dunstani Concilium Generale aduersus incontinentiam clericorum celebratur, cui ipse praesidere à Ioanne Pontif. Maxim. iubetur.*
- Idem Sanct. Dunstanus inaudita planè constantia Regem Edgarum corripit, & punit.*
- 971 491 *Primus Magdeburgensium Archipontifex cathedram miranda sanctitate exornat S. Adalbertus noster. Plurimam debent SS. Ethelwoldo, & Honesto nostris Ecclesia Vintoniensis, & Ravennatensis.*
- 972 492 *Moritur B. Ratherius noster insignis, extirpator Heresis. Anthropomorphitarum, veritatis zelator, Principumque terror.*
- 973 493 *Summa enitet in Canobio vite sanctitate Adelheidis Otthonis Magni Imper. quondam Coniux. Gliscentibus Heresibus Eucharistico Sacramento insidiantibus strenuè nostri occurrunt.*
- 974 494 *Splendidissimum Ecclesiae uniuersae atque orbi sydus illucescit Sanctissimus Romualdus noster.*
- 975 495 *Sententia pendentis in Cruce Christi Imaginis Monachorum causa in Cathedralium Ecclesiarum possessione defenditur.*
- 976 496 *Dignissimum Apostoli VVandalorum Titulum meretur S. Adalbertus noster.*
- 977 497 *S. Ingelmundus Renemariensium Apostolus celebratus, qui etiam à morte plurimum meretur.*
- 978 498 *Summo uniuersi bono se longè lateque extendit Congregatio Camaldulensium, cui dat nomen Petrus Vrseolus Saracenorum domitor.*
- 979 499 *Miranda S. Dunstani contra Regem constantia. Monachorum insignia de Anglia Regno merita.*
- 980 500 *S. VVolfgangus noster celebratus. De Vngaris primus eorum Apostolus praeclarissimè meretur.*
- 981 501 *Schola Magdeburgenses opera S. Adalberti plurimum efflorescunt, & orbi profunt.*

- 982 502 Insigni opera ac labore Bohemorum Apostoli nomen lucratur Sanctissimus Adalbertus noster. Hildesheimensis Ecclesia, & canonici opem ac sortem suam debent Othuvino nostro Episcopo.
- 983 503 Moritur S. Adalbertus Apostolus VVandalia, Ethelredo Regi pro Ecclesia libertate se constantissime opponit B. Dunstanus.
- 984 504 Sanctissima Editha Regina Monacha nostra moritur, cui debet se ipsum ab interitu liberatum Rex Canutus.
- 985 505 Viri ex Ordine doctissimi Hareses rursus profligant, & de Historia aeternum merentur.
- 986 506 B. Milada nostra, Bohemia Ducissa, primas Scholas publicas debent Boemi. Claret doctissima illa Rosvudis.
- 987 507 Claret VVitegovius Abbas Augiensis, ob merita, vulgo Os & manus Regis. Prima, item inter catholicas columnas.
- 988 508 Insignis Germania, & finitimarum Regionum Apostolus S. Lubentius Bremensis claret. Moritur mirificus ille Dunstanus noster Cantuar. Archiepiscopus. Vir verè Apostolicus.
- 989 509 S. Adalbertus summis Boemorum votis ad Apostolatam suum revocatus, Pontificis, & Synodi jussu redire cogitur, & strenuè laborat.
- 990 510 S. Adalbertus idem Geisa Duce ad fidem converso Vngaria etiam Apostolatam meretur.
- 991 511 Tribuno Memo Monacho nostro, quondam suo Duci Veneti Patriam debent contra Otthonem Imper. defensam. Compostellana Cathedralis Ecclesia, adeoque S. Iacobus, debet Patrimonium suum S. Petro Episcopo nostro.
- 992 512 B. Abbo noster Floriacensis Abbas Titulum Apostoli Vasconum meritis Martyr occumbit.
- 993 513 Multa operariorum millia agrum Dominicum incolunt opera S. Majoli nostri. Idem Principum oraculum fuit, & miraculum universi.
- 994 514 Incredibile pietatis argumentum per universum orbem, propagante reformationem Cluniacensem S. Odilone.
- 995 515 S. Leo noster Abbas S. Bonifacii in Vrbe, Ecclesia insigniter consulit, celebrato Rhemis Concilio, cui jussu Ioannis XV. ipse praesedit.
- 996 516 S. Gregorio V. debent honorem suum Electores Imperii, & Germania. Consequens inde bonum Tiburtini, nomen, vitam, atque omnia debent Romualdo nostro ab exitio vindicanti. Ottho III. Voto fit noster, quamvis morte interveniente praeventus sit.
- 997 517 Martyrio coronatur S. Adalbertus noster Magnus Vngaria, Bohemia, Polonia, Prussia, &c. Apostolus.
- 998 518 Immortaliter aeternum debent S. Odiloni & Cluniacensibus Monachis, anima purgatrix flammis addicta atque addicenda, eorum per Ecclesias memoria instituta.
- 999 519 Moritur de Ecclesia, Imperio, Germanique meritis Gregorius V. cui succedit magnus ille Gilbertus.
- 1000 520 Hungaria Sylvestro nostro Titulum Regni, Metropolitana sedis dignitatem, & Regni insignia debet.
- 1001 521 Plurimum meretur sanctissimus ille Hunnorum, Sclavorum, & Ruthenorum Apostolus S. Bonifacius.
- 1002 522 Vngariam indefesso labore demerentur nostri. Nostris eadem debet Regem suum Stephanum.
- 1003 523 Primus ingenti gloria, & merito, sacra militia classicum occinit Sylvester noster II. Eidem debetur Horologii, & organi aquatici inventio. Idem iurium Ecclesie strenuus defensor.
- 1004 524 Berengariana Haresis pullulans, & paulatim serpens a nostris primum deprehenditur, & impugnatur. S. VVilhelmus noster Abbas Fructuaria periculosissima bella avertit à Galliarum Regno.
- 1005 525 Argentoratensis Episcopatus auctus, & insigniter locupletatus debetur Aluvico

- co nostro, cui ipsa etiam urbs Argentoratensis dono data. Eodem modo propter Adalberonem ditata Basiliensis Ecclesia.
- 1006 526 Multas hominum myriades nostri hoc tempore eleemosynis sustentant. In Polonia ac Boemia per nostros fides propagatur.
- 1007 527 Immortali prorsus merito Ecclesiam obligat S. Fulbertus Carnotens. invictissimus ejusdem contra invasores bonorum, ac jurium Ecclesia belli Dux, & triumphator.
- 1008 528 Martyrio labores suos coronat insignis noster Prussia, Lituania, & Sarmatia Apostolus S. Bruno Archiepisc. Summa ordinis gloria, atque universae molumento Decretorum volumen absolvit Burcardus Vormatiens. Episcopus.
- 1009 529 Alius rursus Russorum, Hunorum, Sclavorum Apostolus S. Bonifatius Martyr occumbit, cui originem suam in acceptis refert Gnesnensis Archiepiscopatus. Sanctitate sedem S. Petri ornat S. Sergius IV.
- 1010 530 Poloniam sanctissimi sanguinis sui purpura tingunt Benedictus, Matthaeus, &c. nostri.
- 1011 531 Anglia Regnum rivis nostrorum sanguinis irrigatur. S. Elphegus hostium exercitum ab internecione liberat. De Illirico atque Vngaria meritissimus S. Ioannes Abbas Casinensis.
- 1012 532 Austriam Sancto Sanguine suo ornat atque impinguat Illustrissimus Martyr noster S. Colomannus.
- 1013 533 Regnum Vngariae laboribus suis Christo jam pene universum lucratur plures nostri SS. Monachi.
- 1014 534 Summo universi bono S. Henricum Casarem, acriter corripit, corrigitque Sanct. Poppo Abbas Stabulens.
- 1015 535 Hildesheimensis civitas jura Urbis, & Mœnia, sed & Germania universa plurimum debet S. Bernwardo nostro.
- 1016 536 Erchenboldo nostro plurimum Ecclesia Moguntina, & initia, ac opes suas debent Canonici S. Crucis ibidem.
- 1017 537 Nostrorum industria atque opera repullulascens Manichaorum Hæresis in Gallia opprimitur.
- 1018 538 Moritur Ditmarus noster de re Historica meritissimus, Catholicae fidei assertor strenuus, & Hæreticorum nostro etiam tempore, æternus malleus.
- 1019 539 Rursus immortalibus meritis Basiliensem Cathedram obstringit Adalbero noster, accedentibus ad ius ejusdem Dominiis Pseffingensi, & Landehrensi. S. Osbertus institutis publicè scholis de Belgio meretur.
- 1020 540 Moritur S. Vvalboldo Episcopus Leodiensis, qui inter alia merita gravissimas similitudines inter Colonensem, & Imperatorem composuit.
- 1021 541 Egregius Hæreticorum expugnator B. Guido noster, Musices docenda, usitatam hodie rationem, invenit.
- 1022 542 Sanctissimum Henricum Imperatorem suum ab Admirab. P. N. Benedicto sibi restitutum, debet orbis Christianus, qui mortis periculo se Casinensi canobio devovit.
- 1023 543 Branthoo nostro Halberstadensi Episcopo, fortunas suas, atque omnia debent duo Canonorum Collegia. Sanctitate, & doctrina clarissimi viri clarent.
- 1024 544 Moritur S. Henricus noster Imp. Aug. quem nostris Imperium debet. Benedictus Papa à S. Odilone è purgatorii flammis eripitur.
- 1025 545 S. Chunegundis Imperat. cucullum amplectitur. Cucullum præ Italia Regno, eligit VVilhelmus Aquitan.
- 1026 546 Revocavit pristinam Ecclesiae disciplinam Eurchardus Vormatiensis. Eidem debet se restitutam Vormatia.
- 1027 547 Aegyptum à Barbarie absolvit, & strenuè de Aegyptis meretur S. Bononius Abbas noster, S. Romualdus Calum triumpho implet, felicissimo transitu, congregatioque Camaldulensis ea sumit incrementa, ut totus terrarum orbis Monachismum professurus videretur.
- 1028 548 Moritur S. Fulbertus noster Carnatensis, quocum Philosophia in Francia studiū, & decus præcipuum perit.
- 1029 549 Rursus de Vngaria Regno ingentia nostrorum merita, in disseminatione Evangelij.

- 1030 550 S. Ioannes Gualbertus ordinem nostrum profitetur, atque Ecclesiam universam illustrat.
- 1031 551 S. VVilhelmus noster bellum civile in Regno Galliarum sopit, & Reges inter se conciliat.
- 1032 552 Magnam Calì Imperatricem demeretur, & Vngaria Regnum S. Gerardus, quod vectigale B. M. Virginì facit.
- 1033 553 Robertum verè pium Gallia Regem, Galli nostris debent: clarent multa SS. millia.
- 1034 554 S. Popponi nostro Stabulensi plurima provincia debent. Sanctorum copia se locupletatas.
- 1035 555 Arabiam atque AEgyptum Monachi nostri aeterno merito, gravissima in fame prodigiosissime sustentant.
- 1036 556 Berengarina Hæresi, jam in apertum erumpenti, pro Ecclesia opponunt pugiles nostri plurimi.
- 1037 557 Præter Vngariæ Apostolatam Silesiæ Apostoli Titulum meretur S. Gerardus, cui primam etiam in finibus suis Cathedralē sedem Moravi, ac Silesij debent.
- 1038 558 B. Guido Aretinus noster insigni constantia, & felicitate errores Berengarii convincit, enervatque.
- 1039 559 Ex Vngaria insolens Beatiss. Virginis cultus, Domina nostra Titulo, in universum orbem propagatur.
- 1040 560 S. Chunegundis Imperatrix in cucullo miram indipiscitur sanctitatem, nec minor felicitas Gisla Vngaria Regina S. Stephani uxoris.
- 1041 561 E canobio, formatissimus Regno extrahitur B. Casimirus Polonia Rex, cui præcipuam suam felicitatem Poloni debent.
- 1042 562 Miranda prorsus constantia Ovonem Regni Vngarici invasorem, redarguit, & rejicit S. Gerardus noster.
- 1043 563 Immensa hoc tempore Sanctorum in ordine copia Orbi gratiam meretur. In solo Cluniacō Sanctorum millia convivere.
- 1044 564 Ingens meritum S. Gregorii VI. Papæ, qui statum Pontificii primo juris restituit, pacem quasi postliminio reduxit.
- 1045 565 Patris Patriæ titulum in Regno Polonia meretur B. Casimirus noster, quod etiam Ecclesia Romana tributarium facit.
- 1046 566 Stupendo miranda humilitatis exemplo, ut periculum schismatis tolleret, S. Gregorius Pontificatu se abdicans ad canobium rediit.
- 1047 567 Beat Vngariam glorioso sanguine Protomartyr Vngariæ, Silesiæ insuper, & Moraviæ Apostolus S. Gerardus.
- 1048 568 Meritis locupletissimi calumpnetunt SS. Odilo Cluniacensis, & Poppo Stabulensis Abbates, quibus multorum millium animi atq. corporis Salus debetur.
- 1049 569 S. Leo IX. electus à Casare, rejectis Pontificiis insignibus liberum eligendi jus Clero, & populo Romano restituit. Idem primo Pontificatus anno tria concilia celebrat, Hæresim Simoniacam profligat, &c. In Siciliam ad prædicandum Dei verbum missus S. Humbertus noster strenuè defudat.
- 1050 570 Insigni universi bono duo Romæ Concilia S. Leo IX. celebrat. Idem de Venetis æternum meritum Patriarchatus ibi Cathedra constituta.
- 1051 571 Universi bono maximo Vallumbrosana congregatio propagatur, & multos orbi apud Deum patronos alit. Libidinis turpissimum scelus ex Ecclesia undique profligat S. Leo noster.
- 1052 572 Immortati laude dignissimum studium S. Leonis nostri, quo ut Imperatorem, & Regem Vngariæ dissidentes conciliaret, difficillimum iter in Germaniam suscepit. Perniciosissimam, de reordinandis ordinatis à Simoniacis, Hæresim, unus Damianus noster profligat.
- 1053 573 S. Leo noster agit cum Imperatore de intoleranda Northmannorum immanitate opprimenda.
- 1054 574 Laborat æterna cum ordinis gloria S. Humbertus noster, in Orientali Ecclesia cū Romana conjungenda. Moritur immortaliter de universo, & Germania meritis S. Leo, Item Hermannus contractus, ex cuius ore universa Ecclesia toties veneratur calitum Imperatricem: Salve Regina, &c.

- 1055 575 *Grandi prodigio Ecclesiam Simoniacis praelatis liberat S. Hildebrandus noster. Sed & Berengarium ipsum convincit.*
- 1056 576 *Inestimabilia S. Damiani nostri merita officio B. M. V. in Ecclesiam, & usu flagellorum introductis. Idem ut Feria II. animabus defunctorum liberandis, sexta, Dominica passionis, Sabbatum B. M. Virginis memoria distinguerentur auctor fuit.*
- 1057 577 *Originem nostris debet Ecclesia Cathedralis Conventuensis. Meretur aeternum S. Stephanus IX. noster.*
- 1058 578 *Moritur Sanct. Stephanus PP. insignis libertatis Ecclesiastica defensor. Sanctitate Regium nomen ornat, regnumque beat S. Casimirus noster Rex Poloniae.*
- 1059 579 *Relapsum tertio Haresiarcham Berengarium, Haresim ejurare nostri cogunt. Inter alios nostros Albericus Casinensis propugnatoris SS. Sacramenti Titulum meruit. S. Damiano nostro se debent Mediolanenses, ducentorum fere annorum Haresi Nicolaitarum liberatos.*
- 1060 580 *Ex S. Lanfranci nostri Schola Theologia Scolastica enata. VVeingartensi Canobio salutem plurimi Germania proceres debent.*
- 1061 581 *Contra Schismaticos, & Hareticos constantissime Ecclesiam propugnant SS. Hildebrandus, & Damianus.*
- 1062 582 *Incredibile rursus S. Damiani meritum in Concilio Osboriensi omnibus Patribus ipsi contra Antipapam atclamantibus.*
- 1063 583 *Florentinos à Simoniacæ Hareseos pestilentissima lue liberat S. Petrus noster Monachus.*
- 1064 584 *Incredibili dicendi libertate Imperatorem aggressus Damianus, effecit demique ut Legatum pro Schismate componendo Romam mitteret, inde in Concilio Mantuano Antipapa rejectus est.*
- 1065 585 *S. Petrus Damianus varias rursus Hareses, Incestuosorum, Nicolaitarum, &c. profligat. Principes plurimi Religioni se addicunt.*
- 1066 586 *In conversione Sclavorum desudat plurimum S. Benno noster. Berengarianam Haresim constantissime oppugnat S. VVolphelmus.*
- 1067 587 *Ecclesia universa bono maximo efflorescit congregatio nostra Columbina. Marianus Scotus de re Historica aeternum meritis, & totus Doctorum exercitus in ordine nostro floret.*
- 1068 588 *Ingens illud Ecclesia universa decus, Magnus Hirsaugiae Abbas S. VWilhelmus efflorescit.*
- 1069 589 *Insigni infamiae malo Imperatorem atque Imperium liberat S. Petrus Damianus noster. Principes plurimi in cucullo servati.*
- 1070 590 *Alphonfus Hispaniarum Rex salutem suam hoc anno nostris debet. Sanct. Lanfr. Summo Anglia bono, Ecclesiaeque universa ornamento fit Archiepiscopus Cantuariæ. Alexandri Summi Pontificis salutem debet Ecclesia universa S. Ioanni nostro Lucensi.*
- 1071 591 *Tribus præclarissimis voluminibus errores Berengarii profligat B. Guidmundus noster Aversanus.*
- 1072 592 *Ravennates S. Damiano nostro se debent à schismate vindicatos. Idem diluvii universalis exsiccator.*
- 1073 593 *Infinita quasi primo Pontificatus anno S. Gregorii nostri VII. de Ecclesia, & Imperio merita.*
- 1074 594 *Rursus de diversis aliis regnis ingentia S. Gregorii nostri VII. merita. Idem expeditionem contra Northmannos, & Saracenos parat.*
- 1075 595 *Concilium Roma ab eodem celebratur & diversis per orbem Regnis egregie consultur.*
- 1076 596 *Summo Regni Galliarum bono, Ecclesia universa ornamento Congregatio Grandimontensis propagatur. Croatia, ac Dalmatia Regna Coronam, & Reges Gregorio nostro VII. debent.*
- 1077 597 *Sigefrido Moguntino Archiepiscopo Moguntina Diocesis debet Simoniacis se liberatam. Fornicarii Presbyteri in Flandria oppressi à Gregorio VII.*
- 1078 598 *Norvegiam in dilatanda fide Christiana demeretur S. Gregorius. Idem eodem anno Concilia plura celebrat summo Ecclesia bono.*

Meretur

- 1079 599 Meretur de Ecclesia universa Berengario Haresiarcha in pleno Concilio Romani confesso convicto S. Bruno noster Signiensis dein Pontifex. Inter innumera merita pacem diversis provinciis, & Regnis conciliat, & Dalmatiam à gravi clade eripit S. Gregorius VII.
- 1080 600 Nunquam satis laudanda nostrorum in Ecclesia contra schismaticos defendenda magnanimitas. Infiniti S. Gregorii nostri labores.
- 1081 601 S. Gregorius Pontificia auctoritate Occidentis, Orientisque Imperatoribus opponit, & hoc anno Alexium vincit.
- 1082 602 Romam ab incendio, & hoste liberat S. Gregorius. S. Norberto nostro plurimum profunt.
- 1083 603 Abundante malitia nostri spiritu Domini magnis incallescunt, & potentissimi procures saculi inconstantiam fastidientes sese cucullo tegunt.
- 1084 604 De Orientis occidentisque Imperatoribus triumphat S. Gregorius VII. Sed & de schismaticis S. Anselmus Lucensis.
- 1085 605 Moritur Gregorius VII. verè Maximus Pont. immenso immeritorum cucullo verè immortalis, & de Calitum etiam Imperatrice meritissimus. Obiit Robertus Guiscardus S. P. N. Benedicto addictissimus fortissimum in pralio S. P. N. Benedictum Calo descendentem expertus.
- 1086 606 Desiderii Abbatis Casinatus mirandum contemptus honorum, rejecto summo Pontificatu exemplum depradicatur. S. Anselmus Lucensis etiam mortuus Schismaticos Ecclesie conciliat.
- 1087 607 S. Victor II. Pont. Max. Saracenos in Africa profligat, & Romam schismate liberat.
- 1088 608 Eligitur S. Urbanus noster II. qui vix adito Pontificatu ad S. P. N. Casinum inviens, morti proximus prodigiose per S. P. N. curatus, Ecclesie restituitur. De Toletano Archiepiscopatu ejusque Ecclesie immortaliter merentur S. Bernardus noster, & alii nostri.
- 1089 609 Fluctuanti Ecclesie insigniter adest S. Urbanus II. Meretur de Ecclesia universa S. Gebhardus Dux Zaring. Episcopus Constantiensis.
- 1090 610 Duo Concilia uno anno celebrat S. Urbanus II. S. Thiemo Archiep. Salisburgensis velut alter S. Athanasius pro Ecclesia exagitur.
- 1091 611 Saculares homines, instituto Sancti. VVilhelmi Hirsaugiensis, vitam quasi Religiosam sub Magisterio Monachorum vivunt. Iterum concilium celebrat B. Urbanus.
- 1092 612 Nostrorum egregia contra Schismaticos Ecclesie navata opera. Catanensis in Sicilia Cathedra nostris originem debet.
- 1093 613 Rursum generali celebrato Concilio per insigniter meretur S. Urbanus. Moritur S. Lanfrancus, cui felicitatem suam omnem debet Regnum Anglia. Succedit Magnus ille S. Anselmus noster.
- 1094 614 Profligat repullulascensem Sabellianorum Haresim S. Anselmus. Idem defensor Ecclesiastica libertatis.
- 1095 615 Duo iterum Concilia celebrat S. Urbanus PP. Zamorensis Episcopatus nostris originem debet. S. Bernardus Florentinus Schismaticos Ecclesie conciliat.
- 1096 616 B. Urbanus PP. auctor Cruciate contra infideles. Eodem anno, haud impari merito, Officium B. M. V. etiam ad Clericos transfert, & rursum Concilium celebrat, Turonense.
- 1097 617 Immensa S. Anselmi merita, profligatis in pleno Concilio Gracis, & Mahometanis plurimis conversis.
- 1098 618 Rursum Concilium Roma celebrat S. Urbanus, in quo S. Anselmus Schismaticos profligat. Summa universi utilitate Ecclesiam nova Congregatione Cisterciensi beat S. Robertus noster.
- 1099 619 De Saracenis triumphat, & Hierosolymam recipit S. Urbanus: idem moritur immensis meritis locuples.
- 1100 620 Immortalibus meritis demeretur Ecclesiam S. Paschalis II. qui inter alia mox Pictavis Concilium celebrat: & in Oriente innumeros infideles profligat. B. Gebhardus noster Constantiensis, vir verè Apostolicus, Murus pro Domo Dei appellatur.

- II01 621 *Alteram in Palestinam expeditionem expedit S. Paschalis I. Innumera Sancto-
rum ex ordine copia.*
- II02 622 *Iterum concilium celebrat B. Paschalis, in cuius & Gregorii VII, gratiam auctum
insigniter S. Petri Patrimonium.*
- II03 623 *S. Ioannis Equestris Ordo nostris initia debet. S. Anselmus pro libertate Ecclesia-
stica exulet.*
- II04 624 *Compostellana Sedis Archiepiscopalis dignitas à nostris profecta. Concilium
Trecense celebratur. In Persia, Armenia, Palestina, atque ipsa Aethiopia, no-
stri pro Christo strenuè desudant.*
- II05 625 *Paschalis PP. rursum Concilio celebrato Ecclesiae consuit. Eidem se denique Hen-
ricus Imp. submittit.*
- II06 626 *Ecclesiam diu concussam restituit Paschalis. Innumera hominum multitudo in
portum Religionis evadit.*
- II07 627 *Iterum inexplicabili merito Ecclesiam juvat S. Paschalis Concilio II. Trecensi ce-
lebrato. S. Bruno Abbas Casinensis pro Ecclesia strenuè laborat, & de Beren-
garia Hæresi triumphat.*
- II08 628 *S. Paschalis Tyrannos varios opprimit, Romanorum insolentiam compefcit, &
Concilium Beneventi celebrat. S. Anselmus ingenti merito, pro Ecclesiastica
libertate decertans, Regem denique convincit, flectitque.*
- II09 629 *Inastimabili merito Deiparentem V. ejusque amatores, devincit Sanct. Anselmus
Festo Conceptionis introducto.*
- II10 630 *Immensum meritum Opera Paschalis PP. Investiturarum juri diu vindicato Im-
peratorem renunciaffe. Eidem Paschali debentur initia Episcopatus Bethle-
emitici.*
- II11 631 *Egregius pro domo Dei zelator S. Bruno Casinensis, ipsi etiam summo Pontifici er-
ranti, occurrit.*
- II12 632 *Concilium Generale Romæ celebrat S. Paschalis in quo scandalo Fidelium mede-
tur.*
- II13 633 *Palestinam & Ecclesiam universam felicissima sanguinis sui purpura nostri ex-
ornant.*
- II14 634 *Admiranda constantia Henricianam Hæresim oppugnat Chuno noster Cardinal.
Comes Vracensis. Duo rursum Concilia celebrantur.*
- II15 635 *B. Guido Archiepiscopus Viennensis Galliam beat. Trojano Concilio Ecclesiam
mire juvat S. Paschalis.*
- II16 636 *Rursum Concilium Romæ celebrat Paschalis. Lugdunensem Ecclesiam egregiè di-
tat Rainaldus Archiepiscopus.*
- II17 637 *Origo Congregationis Fontis Ebraldi ingenti fructu & Ornamento Ecclesiae. S.
Benno noster Misnensis Episcopus etiam mortuus Casarem & Schismaticos
impugnat. Concilium in Apulia per Paschalem nostrum.*
- II18 638 *Moritur Paschalis II. innumeris de Ecclesia meritis ditissimus: Ecclesiastica li-
bertatis restitutor. Succedit Gelasius II. ex Mon. Casinate, qui plurimam
diem Pontificatus suo sanguine consecrat. Nostri Orienti plurimum pro-
sunt.*
- II19 639 *Celebrato ingentis fructus Viennensi concilio moritur B. Gelasius II. PP. Succedit
Calistus II. ex Monasterio Cluniacensi, qui mox bellum ob investituræ feli-
cissimè comprimit. Idem mox indicit Concilium Rhemense.*
- II20 640 *Debet Viennensis Ecclesia Calisto nostro PP. primatus dignitatem. Idem Cali-
stus ad purgandam Ecclesiam totus incumbit.*
- II21 641 *Calistus PP. rebelles Ecclesiae edomat. Casarem ad officium revocat, permover-
que.*
- II22 442 *Eidem Calixto debetur Concilium Generale Romanum quo Ecclesia disciplina re-
staurata. Debetur eodem anno VVormatiense, quo denique sic Casarem flexit,
ut Electionibus Episcoporum sponte renunciaret.*
- II23 643 *Hispania Calixto nostro debet S. Jacobi Apostoli sui honorem mirè propagatum,
& Compostellana Sedis Metropolitanam eminentiam. Eidem debetur ingens
victoria de Saracenis reportata.*
- II24 644 *Pomerani à S. Othone nostro ad fidem conversi. Hibernia desolata restituitur, re-
surgit-*

- furgitque per S. Malachiam nostrum. Memorabili exemplo, potentissimus Noricorum Dux Henricus, in Vineis Monachum profitetur.*
- II25 645 *Moritur Magnus ille Bruno noster Signiensis Pontifex, gestis pro Ecclesia legationibus immortalis.*
- II26 646 *Petrobussianorum Hæresim obterit B. Petrus Venerabilis Abbas Cluniac. Obiit S. Stephanus Grandimontensis Ordinis institutor, ex quo ingentia in Orbem merita.*
- II27 647 *Insigni merito Concilio Drecenti præsidet B. Matthæus noster S. R. E. Card. ibidemque strenuè laborat pro Ecclesia S. Bernardus Claravall. Tyri Archiepiscopatus initia nostris debita.*
- II28 648 *Beatus Stephanus noster electus Patriarcha Hierosolymitanus pro juribus Ecclesie sese Regi opponens, eadem suo sanguine defendit.*
- II29 649 *SS. Ecclesiam juvat & ornat mirificè, Mirabilis ille Abbas noster Rupertus Tui-tiensis. Episcopos corripit, inutiles dejicit S. Matthæus noster Cluniacensis.*
- II30 650 *Ecclesia gravissimis procellis agitata contra Schismaticos adest S. Bernardus Abbas Claravallensis.*
- II31 651 *S. Innocentius II. noster Concilium Rhemense indicit, in quo repetente Lothario Regi investituræ. S. Bernardus ipsum mira auctoritate absterruit. Baldunus Hierusalem & Stephanus Ungariæ Rex salutem in cucullo quarunt.*
- II32 652 *S. Innocentius noster PP. Galliam reformat, Synodum Placentiæ indicit. Pisanorum cum Genuensibus bellum componit.*
- II33 653 *Hæreses in Armorica confutat D. Hugo noster Rothomagensis Archiep. Hildebertus idem Turonensis Archiepisc. merito à S. Bernardo magna Ecclesie columna appellatur.*
- II34 654 *Celeberrimo Concilio Pisano Schismaticos profligat Innocentius II. S. Bernardus Mediolanenses à Schismate liberat.*
- II35 655 *Aquitania amplissima provincia cum suo Duce Guilhelmo insigni Sanct. Bernardi constantia Ecclesia reconciliatur.*
- II36 656 *Inestimabilia Sugerii Sanct. Dionysii Abbatis de Regno Galliarum merita, qui sui temporis Salomon appellatur, & pulcherrimis legibus Regnum reformat. Ludovicus Gallia, & Ericus Dania Reges salutem in cucullo quarunt.*
- II37 657 *B. Innocentius Papa gravi Romam atq; Italiam metu & tyrannide liberat. Apostoli titulum apud Hybernos meretur S. Malachias Metropolitæ.*
- II38 658 *Ingenti merito Ecclesiam Schismate liberat S. Bernardus, persuadetque ut Victor pseudopontifex se Innocentio subiceret.*
- II39 659 *Summo Ecclesie bono Concilium Romæ Generale cogit B. Innocentius, & Arnaldistarum Hæresim profligat. Eodem anno Rogerium Siculum mirabiliter lucratur, & penitentem Regni insignibus ornat.*
- II40 660 *Petrus Venerabilis execrandum illum Hæresiarcham Abailardum errores non solum abjurare persuadet, sed & Monachum profiteri: ut in sanctitate dein proficeret.*
- II41 661 *S. Vicelinus Aldeburgi Episcopus, Slavos, ac Vandalos convertit. Innocentius Papa totus in componendis intestinis tumultibus.*
- II42 662 *Insignibus meritis Innocentium Papam, & Ludovicum Galliarum Regem gravissimè dissidentes conciliat SS. Petrus Cluniac. & Bernardus Claravall. Abbates.*
- II43 663 *Reddita Ecclesia pace moritur B. Innocentius II. Papa, Gallia Regem ferocius savientem compefcit S. Bernardus.*
- II44 664 *Politicorum Hæresim & Romanorum obstinationem gravissimè impugnat Sanctus Bernardus. Ad Cluniacenses Monachos in gravissimis causis ex universo orbe concurritur.*
- II45 665 *Pontificatus Eugenii III. initia Armeniorum per nostros conversione illustrantur. Idem Romanos rebelles compefcit.*
- II46 666 *Bellum sacrum indicit Eugenius Papa ad illud Maximos Reges & Principes per-movet S. Bernardus. Eodem anno jussu Eugenii alia item expeditio suscepta adversus Boreales populos paganos.*
- II47 667 *Expeditio in terram sanctam auspiciis Eugenii Papæ procedit, & absente Rege. Regni cura Sugerio Abbati committitur. Exortas eodem tempore Apostolicorum,*

- corum, & Porretanorum, Hæreses profligat S. Bernardus. Idem de maxime Petrus Cluniacensis Abbas Henricianam Hæresim expugnant.
- 1148 668 Summo Ecclesie bono Eugenius PP. Concilium Rhemenſe indicit, Eudonis Hæresim evertit. Bellorum gravissimorum incendia sopita. Moritur S. Malachias magnus ille Hybernia restitutor. Scalabim expugnatam S. Bernardi meritis debent Portugallenses.
- 1149 669 Inestimabilibus meritis Germaniam demeretur universam S. Bernardus innumeros ad meliora revocando, sanando, adificando, &c.
- 1150 670 Rarissimo merito S. Petrus Abbas Cluniac. Rogerium Sicilia Regem cum Casare conciliat, Græcorum item Augustum ad saniora adducit.
- 1151 671 Immortali Ordinis splendore, Orbis commodo Gratianus noster Decretorum volumen absolvit.
- 1152 672 S. Bernardus Summo Pontifici ejusque successoribus plurimum prodest scriptis quinque de consideratione libris S. Elisabeth Schonaugiensis innumeram multitudinem ad penitentiam pellicit.
- 1153 673 Compositis intestinis tumultibus moritur B. Eugenius Papa. Eodemque anno in celos abit ditissimus inestimabilibus meritis Sanctus Bernardus.
- 1154 674 Moritur Anastasius Papa, Europam universam fame exedente prodigalissima liberalitate commendatissimus. Succedit Adrianus IV. ex Suecia & Norvegia Apostolo Apostolicus creatus.
- 1155 675 Ingenti peste Orbem liberat Adrianus Papa Arnoldo Hæresiarcha profligato & cremato. Idem Schismaticos compeſcit. Adrianus Papa in conciliandis Romana Ecclesia multum laborat, & Legatos Constantinopolim mittit.
- 1156 676 Ingenti Ecclesia fructu, ejusque hostium detrimento ac terrore instituitur Ordo de Alcantara sub Regula nostra. Incredibili SS. copia Ordo efflorescit, paucissima Canobia multa sanctorum millia hoc ipso tempore alunt.
- 1157 677 Moritur S. Petrus Venerabilis, dictus invictissimum Ecclesia propugnaculum. Alius rursus sub Regula nostro Ordo à nostris instituitur, militum de Calatrava, Maximo Maurorum ac Saracenorum malo.
- 1158 678 Rudolphus Abbas S. Trudonis felicissime Simoniacos impugnat. Scriptorum in Ordine mira copia, qui orbem universum, & sæcula aeterna suis lucubrationibus demerentur.
- 1159 679 Moritur Adrianus IV. postquam Apostolica sedis dignitatem magnopere amplificasset, & S. Petri patrimonium contra Siculum strenue defendisset.
- 1160 680 S. Eberhardus noster Salisburgensis Archiepisc. admiranda constantia contra Casarem & Schismaticos pro Ecclesia Dei murum se opponit.
- 1161 681 Immortale meritum B. Petri Tarentasensis Archiepisc. funestissimum bellum inter Gallia & Anglia Reges componentis, eosdemque à Schismate revocantis.
- 1162 682 Eligitur Cantuariensis Archiepiscopus S. Thomas noster, professus ante electionem Regi se adversarium fore propter Ecclesiasticam libertatem, pro qua mox fortiter decertat. B. Hildegardis miro exemplo Catharorum Hæresim debellat. Egbertus Abbas repullulascens Berengarii Hæresim scriptis & disputatione publica felicissime profligat.
- 1163 683 Moritur B. Iosio ingenti merito, cultus B. V. M. in universum propagator. Sanct. Thomas Cantuariensis indigne ferens Regis ad suam electionem auctoritatem intercessisse, Romam profectus Papa pontificatum resignat, & recipit.
- 1164 684 Moritur meritissimus ille de universo Decretorum Compiler Gratianus. Sanct. Thomas incredibili labore pro libertate Ecclesia desudat.
- 1165 685 S. Elisabeth Schonaugiensis Abbatisa moritur innumeris meritis meritissima, prophetia spiritu Orbi futura incredibili fructu prænuncians. Sibylla Fulconis Regis Hierosol. filia in cucullo miram sanctitatem indipiscitur.
- 1166 686 Potentissimi Germania Dynastia velut ad portum salutis invalescente Schismate confugiunt, & Monachos in Sanctissimis Canobiis Sangallensi, Augiensi, Schaffhusano, VVeingartensi, S. Blasij, &c. profitentur. Iterum S. Thomas Cantuar. pro Ecclesia, Regios Legatos, & plures Anglia Episcopos nihil reveritus, quod Casari Schismatico faverent excommunicat.
- 1167 787 Ingens Episcoporum, ex Ordine numerus diversissimis provinciis optime consulit.

- sulit. De Oriente optimè nostri item merentur. Sanctus Thomas Cantuariensis etiam exul legatus ad Regem missus mira constantia ipsum aggreditur.*
- 1168 688 *Moritur Conradus Salisburg. Archiepisc. Caesarum germanus, patruus, sororius, eorundem tamen pro Ecclesia impugnator fortissimus, merito à Baronio immobilis veritatis columna appellatus. Pari constantia Casari & Henrico Duci se opponit Conradus alter Lubecensis Episcopus. S. Thomas Cantuariensis etiam alteri Regi, nimirum Gallia fortissimè resistit, eumque denique ad sanctissimam revocat.*
- 1169 689 *Ingenti rursus Sanctorum numero Cluniacum Ecclesiam ornat, Orbi prodest. Iterum novis praliis S. Thomas, & Prodigiousa planè constantia pro libertate Ecclesiae dimicat.*
- 1170 690 *Fulgidissimum illud Ecclesiae Sydus S. Thomas hoc denique anno pro Ecclesiae libertate felicissimè occumbit.*
- 1171 691 *Moritur Magnus ille Schismaticorum obtritor S. Petrus Tarentasiensis, de Ecclesia non solum sua, sed universa meritissimus.*
- 1172 692 *Ordo Humiliatorum sub Regula S. P. N. institutus, ingentibus meritis, Ecclesiam ornat, adjuvatque.*
- 1173 693 *Henricus Episcopus Lubecensis, insigni constantia contra Graecorum errores, in Oriente praliatur. S. Thomas Cantuar. etiam mortuus insignibus prodigiis Ecclesiastica libertati consulit, & in Sanctorum numerum refertur.*
- 1174 694 *S. Thomas precibus ingenti victoria Rex Angliae potitur, eidemque debet Cismarina & transmarina in potestatem redacta.*
- 1175 695 *Inaudito exemplo Orbi universo prodest una sanctissima Virago Ord. nostri Beatissima Hildegardis, quam, consilium opemque efflagitantes Romani Pontifices, Caesares, Principes, Episcopi & sanctissimi conveniunt.*
- 1176 696 *Oritur pestilentissima Albigensum Haeresis, contra quam illico nostri è Canoniis velut fortissimis Ecclesiae propugnaculis tela stringunt & contorquent.*
- 1177 697 *B. Eskilus Lundensis Archiepisc. plurimis à Gentilismo conversis insigniter de Ecclesia meretur. Viri ex Ordine doctissimi scriptis universam implent, Ecclesiam ornant, Haereses diversas profligant.*
- 1178 698 *Moritur Sebastianus noster Zianus, Magnus ille Venetorum Dux, cui Veneti debent Ducalia ornamenta, immunitates Imperiales &c. Orbis verò universus Papam & Caesarem reconciliatos, &c. Schisma sublatum.*
- 1179 699 *Constantissimè contra Albigeneses decertat Henricus Abbas Clarevall. Gallia S. Thoma Cantuar. debet Philippum Ludovici filium, Regem suum è mortis faucibus ereptum, regnum servatum.*
- 1180 700 *S. Bertoldus Apostolatum suum Livonia, Martyrio consecrat: idem insigni Ecclesiae fructu Ordinis Militum Cruciferorum Generalis instituitur. Moritur & alter Livoniae Apostolus S. Marnardus Episcopus, qui plurimos Ecclesiae lucratus est.*
- 1181 701 *Moritur inestimabilibus meritis opulentissima S. Hildegardis, relinquens aeternis saeculis Scriptorum insignem thesaurum, meritorum maximum cumulum.*
- 1182 702 *Haesim gravissimam, primo initio opprimit S. Bertoldus Abbas Mont. Angelorum & auctorem Haeresis revocat.*
- 1183 703 *Celeberrimis Archiepiscopatus Montis Regalis initia nostris debentur, Guilhelmo ex Abbate ibidem creato Episcopo.*
- 1184 704 *Decus universa Gallia ex Regum ejusdem sanguine excellit B. Petrus Igniacensis Abbas contra Albigeneses. Nostri fortissimè Ecclesiam propugnant.*
- 1185 705 *Immortali merito Ecclesiam universam demeretur Petrus de Insula Abbas Casinensis in re gravissima ab Alexandro Papa ut Ecclesiae adesset advocatus: Innumeri hoc tempore in portum Religionis emergunt.*
- 1186 706 *Mirando exemplo B. Henricus Altacumba Abbas ac S. R. E. Cardinalis Pontificatum Summum Orbis atque Urbis rejicit, praferens Crucis contra Haereticos & Mahometanos predicationem. Idem de Germania meretur.*
- 1187 707 *Gregorius VIII. pacem inter Christianos omnes Principes sancit, eosdem ad expeditionem Palesthinensem excitat.*

- 1188 708 *Fridericum Barbarossam Imper. Reges Gallie, Anglia &c. D. Henricus noster ad crucem suscipiendam efficacissime permovet.*
- 1189 709 *Idem contumacissimum Ecclesia adversarium Casarem obediensimum format, actionem item inter Flandrenses & Atrebatenses componit.*
- 1190 710 *Insigni Ecclesia ornamento & fructu Congregatio Florentis instituitur per S. Ioa-achimum Abbatem.*
- 1191 711 *Incredibili studio rursus nostri in Albigenis Hæreseos lue expurganda desudant. Cardinales & Episcopi nostris plurimi Romanam & alias Ecclesias mirè ju-
vant.*
- 1192 712 *Aureus Malipetra Venetorum Dux in portum Religionis se recipit. Cui Vene-
ti debent Iaderam receptam, & Insulas Vrbi circumjectas, ditioni Venetæ ad-
jectas.*
- 1193 713 *Glasconensis Episcopatus initia, hoc anno, Monachis nostris debentur. S. Ama-
tus Nuscensis Episcopus & mortuus miris prodigiis contra Hæreses decertat.*
- 1194 714 *Iterum Ecclesia summopere ornatur & juvatur à Congregatione nostra Cavèn-
si, quæ totas Sanctorum cohortes calo alit, & eò viam innumeris mortalibus
monstrat & præt.*
- 1195 715 *Eventura Orientis Imperio, si sapere voluissent, insigni merito prædicit B. Ioa-chim
Abbas, & de Venetis egregiè meretur.*
- 1196 716 *Montispeffulana universitas erecta nostris plurimum debet. S. Homoboni exem-
plo & miraculis Hæretici quicvis obstinatiores Ecclesia reconciliantur.*
- 1197 717 *Maximis merito, & consolatione Afflictorum instituitur Ordo SS. Trinitatis de
redemptione captivorum, dein S. Maria dictus.*
- 1198 718 *Dominicani Sacro - Sanct. Ordinis initia quodammodo nostris referenda,
cujus institutor à nostris in matris utero agnitus, apud nostros educatus, ru-
dimenta sanctitatis posuit, nomen etiam ipsum à Sanct. Dominico nostro Silos
mutuatus.*
- 1199 719 *Moritur meritissimus de posteritate omni Dodechinus noster, scriptor celeberr-
mus: quo eodem tempore plurimi è nostris lucubrationibus suis Orbi mirifice
consulunt.*
- 1200 720 *S. Vilhelmus Bituric. Archiepisc. Regi Gallie pro Ecclesia libertate, & Hæreticis
pro fide Catholica fortissime resistit.*
- 1201 721 *Helinandus Frigidi Montis Monachus 48. libris Historic. à mundi principio in-
signiter de universo meretur. Moritur B. Ioa-chim Abbas præter supradicta
libris illis quinque de concordia veteris & novi Testamenti meritissimus.*
- 1202 722 *Reges Principesque iterum plurimi salutem in cucullo quarunt, sanctitate proffi-
ciunt; unde ingens totis provinciis utilitas, Ecclesia splendor.*
- 1203 723 *Suerinensis celeberrimi Episcopatus initia nostris debentur. Clarent ibidem Ber-
no & Brunwardus Episcopi.*
- 1204 724 *Tolosates Hæreticos sacris interdicit B. Fulco Archiepiscopus: & Legatus Aposto-
licus contra Albigenes destinatus mirè de Ecclesia meretur, à Iacobo de Vi-
triaco Sanct. Rom. Eccles. Cardinale totius Ecclesia Christi fortis columna sa-
lutatus.*
- 1205 725 *B. Guilmelmus Bituricensis Archiepiscopus Aquitania consulturus integrum con-
tra Albigenes exercitum colligit.*
- 1206 726 *Moritur Roffredus Cassin. Abbas & Sanct. Rom. Eccles. Cardinal. Henrico Im-
per. charissimus, quem contra impium Tancredum concitans, traducto ex-
ercitu de Italia æternum meritus est. Romana ditionis oppida &c. plurima
recuperans.*
- 1207 727 *Moritur B. Didacus Oxoniensis Episc. Hæreticorum malleus, incredibiles labores
pro Ecclesia Dei, pedes conficiens longa itinera, perpeffus. Idem de Ordine
Sanctissimi Dominici longè meritissimus.*
- 1208 728 *Cistercienses nostri æterno merito laborem suum Ecclesia probant, in proterenda
Albigensium Hæresi.*
- 1209 729 *Moritur B. Guilmelmus Archiepiscopus Bituricensis, pro gravissimis meritis Pa-
tronus Nationis Francia in celeberrima universitate Parisiensi adoptatus. Eo-
dem anno B. Conradus Sanct. Rom. Eccles. Cardinalis de Ordine SS. Patrum
Dominicæ*

- Dominicanorum praeclarissime meretur, cui pro tanto merito apparens B. V. M. gratulatur.*
- 1210 730 Moritur S. Martinus Episcopus Segunt. contra Saracenos potentissimus, ad quem Rex Alphonsus, & omnes militia Duces, ante praelium pro ope imploranda confluebant.
- 1211 731 Ioannes Abbas Fordensis claret, de Ioanne Rege ejusque Regno, ac re litteraria longè meritissimus.
- 1212 732 B. Arnaldus Abbas Generalis Inquisitor Haereticorum, & Narbonensis Episcopus, mira felicitate Haereticos longè lateque obterit, captos bello, ne ad perfidiam redirent, obtruncari jubet.
- 1213 733 Beat. Petrus de Castro novo primus ante B. Arnaldum Haereticorum Inquisitor, praeclarissimum munus martyrio insuper coronat.
- 1214 734 Ingentem hostium exercitum S. Fulco noster Archiepiscopus Tolosanus precibus profligat.
- 1215 735 Debet Sanctissimus Patrum Dominicanorum Ordo B. Arnaldo nostro dignissimo Sanctae inquisitionis munus in se derivatum, à quo ingens Ecclesia fructus.
- 1216 736 Idem Sanct. Ordo debet D. Fulconi nostro primam S. Romani Ecclesiam, & Monasterium, ac sui confirmationem, ejusdem opera à S. Romana sede impetratam.
- 1217 737 Praeclarissime de Germania meretur B. Conradus Card. Apostolica Sedis Legatus. Idem Pontificatus Maximi honorem à se amolitur.
- 1218 738 Stupendus omnino tot diversissimarum Sanctissimi Ordinis nostri Congregationum fructus, ex quibus singulis integra SS. Calo phalanges hoc tempore transmittuntur.
- 1219 739 Cruce signatis summo cum imperio praesse jubetur B. Conradus Cardinal. qui & in Hispaniis & Germania pro Ecclesia multum desudat.
- 1220 740 Merentur scriptis & sanctissimis vitae exemplis de universo Beati Ethelredus & Gualterus Morgan. Abbates & Casarius Eistarbatenensis.
- 1221 741 Moritur insigne Ordinis decus B. Valtherus Abbas Vitlar. Monialium reformatione, & plurimorum Canobiorum fundatione deprecatores pro mundo plurimos constituens de eodem meritissimus.
- 1222 742 Miraculum sui saeculi Episcoporum Sanct. Ranaldus Episcop. Nucerinus moritur, pro summis meritis & vitae sanctitate perpetuus Nuceria protector delectus.
- 1223 743 Memorabili calcati honoris exemplo, ex Archiepiscopo Casselensi in Hibernia sit humilis Cistercii Monachus Ven. Donatus, cui succedit ex eadem familia Marianus, in cujus gratiam dotatur ab Henr. III. Rege cathedra.
- 1224 744 Moritur B. Christina, vulgo mirabilis, admirando vitae genere universum ad penitentiam provocans, & alumnos Christo adducens.
- 1225 745 A Beato Arnaldo Episcopo exorata B. V. M. visa Calo descendere, & hostilem exercitum cadere. B. Conradus praest Conciliis Moguntino, & Leodicensi, Ecclesiam reformat, & concubenarios Clericos corrigit.
- 1226 746 Moritur B. Beatrix Atestina Principum aeternum speculum, de Atestinis aeternum merita, quos deinceps mortis imminens semper admonuerat: Franciscani primam Ecclesiam, & multa alia nostris debent.
- 1227 747 Mortuo Honorio III. sufficitur Gregorius IX. qui illico grandibus meritis se Ecclesiae probat. Moritur B. Conradus Cardinalis Haereticorum malleus.
- 1228 748 Hoc denique anno S. Fulconis nostri indefesso studio Haereticis Albigenis exturbatur, & Comes Tolosanus eandem ejurat.
- 1229 749 R. Patres Dominicani & universus orbis debent Casinatibus nostris Maximi Doctoris Thomae Aquinatis sanctissimam educationem. Petrus Zianus Venetorum Dux fit Monachus in S. Georgii Majoris, cui Veneti celeberrimum Creta Imperium debent.
- 1230 750 Orientem meritis implet Gerardus noster ex Abbate Cluniacensi Patriarcha Hierosolymitanus. Scotiam martyrio suo exornat B. Adamus Episcopus Cathanensis.

- 1231 751 *Immensis meritis dives S. Fulco pace apud Tolosales, & finitimos stabilitate Calum emigrat.*
- 1232 752 *Ingenti Ecclesia Univerſa fructu Congregatio Sylveſtrinarum inſtituitur, & late propagatur. Floret viris ſanctiſſimis Congregatio Carvenſis.*
- 1233 753 *Rurſum inſigni merito ſub Regula noſtra Ordo Montefia originem ſumit, & diverſis provinciis mirè conſulitur.*
- 1234 754 *Inſigni Eccleſia & Pontificatus ornamento & fructu Geruntinus in Calabria Pontifex eligitur Ven. Matthaus, monachus & Abbas Florenſis, Beati & illuminatiſſimi Ioachimi Abbatis diſcipulus.*
- 1235 755 *S. R. E. Cardinalium, Archiep. & Epiſcoporum ingens ex Ordine numerus Eccleſias diverſas juvant & ornant.*
- 1236 756 *Doctrina & ſanctitate Admirabilis Benignus Abbas celebratur. Rurſus potentiſſimi Cordubenſis Epiſcopatus initia à noſtris.*
- 1237 757 *Iterum novum novi Pontificatus à noſtris initium recepta ejectis Mauris Corduba, Venerabili Lupo Abbate Fiterienſi ad id muneris evecto. Claret Ven. Caducanus ex Epiſcopo Monachus.*
- 1238 758 *Mortalib. valedicit B. Iordanus Ord. Præd. Generalis ſanctiſſimus, & S. Luggardi noſtra apparens, uti vivens fecerat, denuo ipſam orat Ordinis Dominicanæ Matrem eſſe, & apud Deum advocatam.*
- 1239 759 *Reges & principes plurimi ad portum Religionis ſe recipiunt, & mira ſanctitate Regnis, & Orbi pralucet.*
- 1240 760 *Iterum pulcherrimo exemplo Iſabella Ludovici VIII. Regis Gallia filia; & Berengaria filia Ferdinandi Caſtell. & Legion. Regis. Alique Principes ſalutem in cucullo quarunt.*
- 1241 761 *Moritur B. Gregorius IX. ingentibus meritis dives, Hannibalina Hæreſis oppreſſor. Salutationis Angelica propagator. Idem Urbē ad obſequiū reduxit. Genuenſes & Venetos compoſuit. Peruſinos item diſſidentes pacavit, &c.*
- 1242 762 *SS. Orlandus & Verdiana ſtupendis prodigiis in Dei laudes univerſum concitant & provocant.*
- 1243 763 *Moritur S. Bernardus Epiſcopus Viciſis, qui inſolenti prodigio Mahometanos à Regno Valentino proſtigat. Fit Summus Pontifex Innocentius IV. qui illico Eccleſiam maximis meritis ſibi obligat.*
- 1244 764 *Concilium Generale Lugdunenſe debetur B. Innocentio noſtro. Eidem Reges Gallia debent Titulum Regis Chriſtianiſſimi. Debent eidem S. Romana Eccl. Cardinales galerum purpureum.*
- 1245 765 *Claret illuſtriſſimum Ord. Sidus Ven. Odoardus Calmenſis in Italia Epiſcopus mirabili Zelo Friderico Imperatori obniti auſus. Clarent Ven. Henr. ex Archiepiſcopo Bituric. mon. & B. Theobaldus Abbas.*
- 1246 766 *Moritur magnus ille Edmundus noſter Cantuar. Archiep. Eccleſiaſtica libertatis propugnator acerrimus. Idem crucis prædicatione de Eccleſia meritiſſimus.*
- 1247 767 *Egregiè floret & fragrantia Hiſpanias replet, verè Hortus B. M. V. Monasterium Hortenſe, cui hoc anno Beata mem. Rodericus Ximonius Archiepiſc. Tolet. Bibliothecam & ſeipſum legat. Clarent plures ex Ord. Sanct.*
- 1248 768 *Camaldulenſes noſtri eximiis meritis diverſiſſimas provincias obligant; & Eccleſiam exornant. Clarent in Ordine plurimi vita ſanctitate.*
- 1249 769 *Gallias fulgoribus ſanctitatis percellit, & multum populum Chriſto lucratur Beatus Bonifacius Lauſanenſis Epiſcopus. Moritur Marianus Thuamenſis in Hibernia Archiepiſcopus, magnum Regni illius Syduſ.*
- 1250 770 *B. Bonifacius Lauſanenſis Epiſcopus conſantiſſime ipſi Imperatori pro Eccleſia opponit, & ab eodem captus prodigioſe liberatur.*
- 1251 771 *Casinate inſigni conſtantia Caſar ſaverſati gratiam, graviſſima damna pro Romana Eccleſia patiuntur.*
- 1252 772 *Innocentius noſter IV. Tartaros ad Chriſti Eccleſiam vocat; & Regnum Neapolitanum ditioni pontificia adjicit.*
- 1253 773 *Miraculum patientia orbi diu repræſentans S. Fina Recluſorum noſtrorum inſtitutum*

- stitutum complexa calis invehitur. Claret & meretur egregie Ven. Andreas Abbas Populeti, Rege Iacobo ad meliorem frugem revocato.
- 1254 774 Moritur meritiſſimus de Anglia S. Hugo Eliensis Episc. Abbas Abbatum dictus, & Episcopus Episcoporum. Moritur S. Innocentius IV. de SS. Ordinibus Dominicanorum & Franciscanorum singulariter meritis.
- 1255 775 De Ezelino tyranno triumphans, è carceribus ad calos evehitur B. Arnaldus Abbas S. Iustinae de Padua. Fit Abbas Cist. B. Guido, qui B. Arnulphi Villar. canonizationem impedit: ne multitudine Sancti vileſcerent.
- 1256 776 Excellentissimum Ordinis Decus S. Bonifac. Episcopus Lausanensis, universam Ecclesiam ornat, quem Angeli ipsi honorant.
- 1257 777 Mirifica vita sanctitate Belgium irradiat B. Beatrix, priorissa B. M. V. de Nazareth, ab usu psalterii Mariani & Deipara cultu commendatissima. Apud Russos praclare meretur Ven. Gerardus, primus Abbas Oppatoviensis, designatus ejus gentis Episcopus.
- 1258 778 B. Theſaurus Abbas & S. R. E. Card. Legatus Apost. dum vitam suam pro Ecclesia in omne discrimen abjicit, & in componenda factione Guelph. & Gibell. laborat, martyrio coronatur.
- 1259 779 Sylvestrinorum Ordo ab Alexandro nostro IV. confirmatus Ecclesiam mirifice juvat; similiter Camaldulenses.
- 1260 780 Rursus nostri vestem Ecclesia purpura sua ornant Cuprunicenses in Polonia Monachi à barbaris caesi.
- 1261 781 Moritur Alexander IV. Ecclesiasticum jus contra Manfredum pro virili defendens, & bellum Asiaticum maximo animo, & impensis parans.
- 1262 782 Cucullum reſecto diademate amplectitur Blanca Alphonsi III. Portugalliae Regis filia. Beatrix item Aleſtina exemplum sanctitatis Orbi facta. Ita semper plurimi Principes plurimum nostris debent.
- 1263 783 Cultum Deiparae summo studio, fructuque promovent Patres nostri Camaldulenses. Egregia sanctitate Ecclesia consulunt BB. Sperandus, Martinus Generalis Camald. Stanislaus Abbas, &c.
- 1264 784 Camaldulensis familia mire exsplendescit, & totas deprecatorum pro mundo Legiones in Calum destinat.
- 1265 785 Admiranda vita sanctitate mire exsplendescit B. Haleka reclusa prope Monasterium Sichemense, à morte non minus quam in vita singularis patriae Tutelariorum à Numine designata.
- 1266 786 Insignis Ecclesiae columna Ioannes de Toletis S. R. E. Card. & pari dignitate Bernardus Casinas clarent.
- 1267 787 Ingentia Militantium Ordinum nostrorum hoc tempore merita, qui diversissima Regna hostium metu liberant.
- 1268 788 Mundo universo maximus accreſcit fructus ex laboribus & sanctitate Congregationis Cavenſis.
- 1269 789 Clarent multi praestanti eruditione & magnis meritis ex ordine nostro Episcopi. Memorabilis ſolemni SS. atque BB. Monasterii Clarevallus Monachorum translatione hic, annus, quorum supra nongenta corpora, ſolemniſſime, ut vocant, elevata sunt.
- 1270 790 Plurimus perfectissimorum Episcoporum numerus diversis provinciis de perfectione sua communicat.
- 1271 791 Incredibile quantum numerum sanctitate & eruditione illustrium sola familia Cisterciensis hoc tempore Ecclesiae subministraverit.
- 1272 792 Moritur Bernardus Casinensis S. R. E. Card. duabus gravissimis negotiis Legationibus in Galliam atque Orientem felicissime confectis longe meritiſſimus.
- 1273 793 Moritur immortalis fama & meritis Ottho ex monacho Vrsicampensi S. R. E. Card. vir Apostolicus, qui S. Ludovicum Regem ad expeditionem sacram concitavit, & multo nomine de Ecclesia meruit.
- 1274 794 Inexplicabile rursus de Ecclesia meritum B. Petri de Morono Congregationem nostram Celestinam instituentis admirando cum Ecclesia fructu.
- 1275 795 Priore anno magnis duobus Orbis & Urbis sideribus ex ordine nostro Ioanne de Toledo, & Ioanne de Franciogia S. R. E. Cardinal. extinctis substituitur Theobaldus

- baldus de Ceiano Abbas Fossa Nova, in cuius sinu, ut sic loquar, Solille Dominici ordo S. Tho. apud Fossam Novam felicem animam exhalavit.*
- 1276 796 *Iacobus Aragonum Rex abjecto diademate cucullum amplectitur; eodemque tempore ingens procerum & maximè Germanorum copia è fluctibus mundi in portum Religionis se recipit.*
- 1277 797 *Magna sanctitatis opinione non tam populis, quam Gallia Episcopis mire præluet Robertus ex monacho Chalisiensi Silvanectensis Episcopus.*
- 1278 798 *Nec minore Orbis utilitate in parem securitatem Ordo noster Princeps faminas innumeras recipit.*
- 1279 799 *Illustre Mariani nominis, & amoris sui monimentum condit Beata Margarita è Regibus Cypri oriunda, Comitissa Flandr. monasteriū Flinense, in quo seipsam consecrat. Sanctitatem eruditioni jungit Ioannes Abbas Burtenfis in Anglia, regnum demeritis dignissima Annalium scriptione.*
- 1280 800 *Claret admiranda sanctitate æternis seculis Divinissima Gertrudis nostra, & iratum mundo Deum potentissimis precibus reconciliat.*
- 1281 801 *Siculi hoc anno Casinatibus, & Sanctissimo Patriarcha nostro debent Carolum Neapolis Regem mirè profligatum.*
- 1282 802 *Moritur Sanctus Torellus Monachus noster, incredibili prodigiorum copia Ecclesiam summopere exornans.*
- 1283 803 *Egregia sanctitate facem Vrbi præfert B. Ioannes cogn. Rainutius, patria Tuderlinus, S. Pauli in Vrbe Monachus. Biturigibus consulit ex monacho charitatis, Archiepiscopus Simon de Belloloco, verè Primas Galliarum.*
- 1284 804 *Trophimus noster Hamariensis Episcopus acerrimus Ecclesiastica libertatis propugnator, pro eadem Episcopatum, & patriam relinquere cogitur.*
- 1285 805 *Archiprasulatu Eboracensi sponte se abdicans Guilielm. VVichovane Pontiniaci monachum induit, miraculum factus sui temporis Pontificum, magnis à numine miraculis illustratus. Augustissima illa Styria atque Cella Mariana conditur, unde tot in eas provincias beneficia.*
- 1286 806 *Heleonora Henrici III. Angliæ Regis uxor cucullum diademati præfert, & Angliæ sancto exemplo consulit.*
- 1287 807 *Insignis Translatio B. Ioanna nostra Camaldulensis, & erectum eidem immortalis meriti monimentum hoc anno à Balnensibus: ob Patriam à peste vindicatam. Clarent multi viri illustres.*
- 1288 808 *Divinissima nostra Gertrudis decus Ordini atque Orbi ingens addit, de qua Christus ipse testatus ejus anima se in universo cariorem non habere.*
- 1289 809 *Iubente Deo eadem BB. Gertrudis libros Insinuationum scribit, in quibus Deo universo gratiarum ingentem cumulum pollicetur.*
- 1290 810 *Inter præcipuos Orbis, & Ordinis Apostolus B. Petrus Calestinus innumeras animas Christo lucratur.*
- 1291 811 *S. Petrus noster de Morono, magno merito Ordinem suum sub auspiciis Benedictæ Matris Virg. & Benedicti Patris strenuè dilatat.*
- 1292 812 *B. Mechildis soror B. Gertrudis, scripto mirabili libro revelationum, sequentis æternum seculis prophetico spiritu consulit.*
- 1293 813 *Demeretur insigniter Seraphici Patris restitutum B. Sancia nostra, Sancti Regis Portugallia filia, soror Alphonsi Regis, Monialis Cellensis, quæ prima illud Regno introduxit, amantissimè fovit, & promovit.*
- 1294 814 *Inaudito ad eam diem exemplo B. Petrus Calestinus summo Orbis gratulatione Pontifex Maxim. electus post quinque menses summum honorem denno rejicit, postquam utilissimum orbi suum ordinem confirmasset.*
- 1295 815 *S. R. E. Cardinales & Episcopi sanctitate & doctrina illustrissimi faciem universò præferunt.*
- 1296 816 *S. Petrus Calestinus felicissime in carcere moritur, quem universi ad resumendum Pontificatum deposcentes persuadere nunquam potuerunt.*
- 1297 817 *Magnum rursus sydas ex Ordine, & Admontensi Styria Canobio exsplendescit Beata mem. Engelbertus Abbas maximis revera Scriptoribus, & Marianis maxime Cultoribus adnumerandus.*
- 1298 818 *Apostolica virtute & prædicatione BB. Gertrudis plurimos Christo adducit.*

- 1299 819 Doctissimorum virorum ex ordine insignis thesaurus universo promittitur. Maria Eduardi IV. Anglia Regis filia in cucullo salutem quarit.
- 1300 820 Haresum diversarum in Gallia gliscensium semina nostri opprimunt & pluri-
mi suo sanguine ac morte Ecclesia gloriam augent.
- 1301 821 Dum Hereticis nostri pro Ecclesia viriliter se opponant, non pauci martyrii
purpura exornantur.
- 1302 822 Guilhelmus de Nangiaco, & Guido de castris pulcherrimis ingenii moni-
mentis de universo merentur.
- 1303 823 Moritur Bonifacius VIII. Papa eruditione & vita integritate, ac magnis me-
ritis conspicuus, cujus corpus trecentis ab obitu annis repertum est incorru-
ptum. Fuit à puero nostris addictissimus, & pro suis erga eosdem meritis,
Benedictinis accensendus.
- 1304 924 Tirolensem provinciam, illustri martyrio nobilitat B. Hermannus de Schoen-
stein Abbas Mariamontanus, mire pro Monasterio suo à morte excubans.
- 1305 825 Celestina Congregationis nostra incredibilis in Ecclesia fructus, ad quam in-
gens hominum concursus.
- 1306 826 Miram Christi passi in seipso imaginem orbi representat B. Elisabetha de
Spaelbeck mortalis Herchenrodensis, sacris stigmatibus in manibus pedibus
& latere insignita.
- 1307 827 Magna illa magna Gertrudis soror Mechtildis, illuminatissima Divino Spi-
ritu, non aetatem solum suam vita exemplis, sed sequuturas omnes scriptis
illuminat accenditque.
- 1308 828 Longe lateque & aternis etiam saeculis prodest S. Mechtildis nostra, divina
gratie fluente, mirabili libro orbi communicat.
- 1309 829 Turbato diversis factionibus Imperio nobilissimi qui vis cucillum amplectun-
tur, & saluti consulunt.
- 1310 830 S. Humilitas, inestimabili merito instituit Ordinem Virginum Vallumbrosae-
narum, unde ingens in Ecclesiam redundat fructus.
- 1311 831 Moritur divini illa Gertrudis nostra, in cujus gratiam Christus Domi-
nus orbi inestimabilia pollicetur, & per eam rogantibus elargitur.
- 1312 832 Moritur illuminatissima à S. Spiritu Mechtild, quam matris titulo, quod in
cordibus multorum memoriam sui genuisset, Christus ipse honorat & com-
mendat.
- 1313 833 S. Petrus Celestinus à morte plurimos demeretur prodigiosissima ope, etiam
mortuorum suscitatione, ob qua sanctos inter solemni ritu refertur. Viri
ordinis Illustres celebrantur.
- 1314 834 Plurimi è Canobiis nostris ad S. R. E. Cardinalatum, & Cathedras Episcopa-
les extraeti, immortalia relinquunt sue industria monumenta.
- 1315 835 Insignis Pontifici honoris contra Regem Galliarum assertor Henricus Cister-
ciensium nostrorum Generalis extinguitur.
- 1316 836 S. Deocarus Abbas Hasenriedanus oppidi, & provinciae Tutelaris consalutatur.
Nostris in Arnoldi Villanovani erroribus opprimendis strenue laborant.
- 1317 837 Infidelium Maurorum exercitus felicissime ab Europa & Hispaniis maxime
avertit ordo noster Montesia Equitum.
- 1318 838 Sancti Adelbertus & Venceslaus invocati, prodigiose Bohemis suis in praelio
assistunt, memorabili victoria obtenta. Vilhelmus Generalis Cisterc.
Commemorationem B. M. V. omnibus horis, aeterno, de cali Regina, merito,
adjicit.
- 1319 839 Insigni fructu Ecclesia & Regnorum Hispania Ordo Militum Iesu Christi in
Portugallia sub Regula nostra instituitur.
- 1320 840 Orbem illustrant universum Martinus Polonus Archiepiscopus Cosentinus, &
Petrus Boerius Episcopus Vrbevetanus.
- 1321 841 Magnum superioris Stiria Sydus occumbit, Beata memoria Engelbertus Ab-
bas Admontensis. Moritur item Iacobus Abbas Pontigniaci, alter S. Ed-
mundus.
- 1322 842 S. Flori in Arvernia Episcopatus nostris sua initia & splendorem debet. Cla-
rent plures Episcopi nostri.

- 1323 843 *Eximia Ordinis merita rependens Ioannes 22. Papa Casinatem Ecclesiam in Cathedrali Regularium erigit.*
- 1324 844 *Mortuos aquæ ac vivos demeretur Beatus Angelus de Gualdo Conuersus Benedictinus, magnus dein patria Tutelaris, quam sæpe à peste, incendiis, bello, prodigiose eripit.*
- 1325 845 *B. Maria Regis Portugallia Dionysij filia, Monialis B.M.V. de Odivelas, exemplo miræ virtutis Regnum uniuersum percellit. De re litteraria præclarè nostri merentur.*
- 1326 846 *Matthias Comes à Buckeck elector Moguntinus ex Monacho nostro, insigniter de Imperio, & Moguntia meretur.*
- 1327 847 *Artesiam plurimum illustrat & demeretur B. Sagalus Abbas. Patronum afflictorum miris beneficiis se clarè demonstrat B. Thomas 9 Camaldulensis, maxime in iuvandis prodigiose Herniosis.*
- 1328 848 *Petrus Episcopus Vrbevetanus insignibus ingenii monumentis posteritati prodest.*
- 1329 849 *Orbem plurimum illustrant scriptis suis Thomas Pontius, aliique plures, ille sectæ novæ ejusque gravissimum errorem profligat.*
- 1330 850 *Petrus Rogerii Archiepiscopus Rotomagensis Iuricanonico facem profert, idem insigni exemplo, incredibili fructu, mirabili successu, verbi divini prædicatione plurimos Christo lucratur. Plurimi Principes ad portum Religionis consurgunt, eosque inter elucescit Isabella Caroli Valesij filia.*
- 1331 851 *Mirabile Orbis & Virginum in primis omnium speculum B. Paula nostra Florentina, meretur osculum pueri Iesu, & inde lactis Virginei reliquiis inescari. Clarent egregii ex Ordine Episcopi.*
- 1332 852 *Floripolitani nostris debent urbem suam insigniter auctam, atque ornatam. Clarent meritissimi S.R.E. Card.*
- 1333 853 *Miro Ecclesia uniuersa commodo sacri Ordines nostri Grandimontensis, & Montis Oliveti, novo fervore & fructu efflorescunt.*
- 1334 854 *Eligitur Benedictus noster XII. qui illico ingentibus meritis Pontificatum exorsus, Cardinalium avaritiam corrigit; pacem conciliare adgreditur & Ecclesias Urbis reparat, Curiam Apostolicam immundissimam purgat.*
- 1335 855 *Admiranda rerum mutatione Benedicto Pontifice efficiente Episcopi Gallie, Italia, Germania, &c. reformantur.*
- 1336 856 *Stupenda magnanimitate Commendatarios profligat Benedictus XII. eisq; commendas à prædecessoribus concessas eripit. Idem consanguineos non agnoscit, nepotismum excommunicat.*
- 1337 857 *Velut Aquila iuventute reflorescit Vniuersus SS. Ordo noster à SS. Benedicto XII. reformatus.*
- 1338 858 *Idem meritissimus Pontifex Ludovicum Imperatorem ad saniora revocare, & pacem inter Reges Gallie, atque Anglia conciliare satagit. Idem incredibili magnanimitate populo Romano persuadet ut Senatoriam dignitatem, quam diu Regio nomine gesserat, Ecclesia auspiciis administraret.*
- 1339 859 *Benedictus noster contra Reges Marochiorum, & Granata exercitum cruce signat, miraculosiss. victoria ad 400000. hostium cadit & capit.*
- 1340 860 *Idem Magnus Pontifex Fratricellorum Hæresim opprimit, Simoniacos compefcit, & incredibili constantia contra Reges Bohemia, & Anglia pro libertate Ecclesie consurgens eos excommunicat.*
- 1341 861 *Idem Armeniam ad communionem Ecclesia vocat, in Tartariam Apostolos destinat; libertati Ecclesiastica insigniter consulit.*
- 1342 862 *Moritur meritissimus noster Benedictus XII. Restitutoris Ecclesiarum titulum merito indeptus; paulo ante mortem multo cum bono Ecclesie Penitentiaria Officium reformans. Succedit noster Clemens VI.*
- 1343 863 *Frigidissimas Septentrionis regiones, novo calore accendit B. Gerekinus Asceta, pro quo Cali Regina, quandoque ministrare dignatur.*
- 1344 864 *Apud Tartaros, & Armenios nostri Apostolico Zelo strenuè desudant. Iterum alia nostra in Septentrione Sydera illucescunt.*
- 1345 865 *Clementi nostro VI. Pontifices debent splendidissimum Palatium Avenionense; Idem insigni merito Rothomagensi Ecclesiam mirifice exornat, ditatque.*

- 1346 866 *Mira constantia Clemens noster Ludovico Imperatori se opponit, obstinatum Imperio dejicit, & alium eligi jubet, quo facto insigniter de Imperio meretur. Congregatio Vallumbrosana viris praestantissimis Ecclesiam exornat sub Generali ejusdem Ord. B. Michaelis Aretino.*
- 1347 867 *Clementi nostro VI. debent hoc anno Reges Galliae titulum Christianissimi.*
- 1348 868 *B. Bernardus Tolomaeus Fundator Olivetanorum sanctissime moritur cum multas Calo cohortes peperisset. Eodem anno immani totum per Orbem lue grassante, incredibili sollicitudine agris subvenit Clemens VI. noster Papa.*
- 1349 869 *Aeternum debet Clementi nostro Orbis Pontifici Academia Florentina, hoc anno instituta, ab ipso egregie ornata.*
- 1350 870 *Immortali merito universum demeretur Clemens noster VI. qui Iubilaeum centesimi anni ad quinquagesimum reduxit.*
- 1351 871 *Ingentia plurimorum Episcoporum nostrorum de Ecclesia merita, Guilhelmi in primis de S. R. E. Cardinalis ob insignem, multique fructus ad Longobardos legationem.*
- 1352 872 *Moritur Clemens noster Pontifex Max. cui debet Ecclesia insignem illum eligendi Rom. Pontificis ordinem.*
- 1353 873 *Contempti Episcopalis honoris egregium exemplar Novitius etiamnum Ordinis Lubertus à Venden Veteranis faciem praefert, confundit omnem omnium ambitionem. Claret plures nostri Episcopi.*
- 1354 874 *Ioannes V. Catacuzenus Imp. Orientis, coactus quidem, Imperio se abdicat, & Monachus noster factus, contra Saracenos egregie decertat.*
- 1355 875 *S. Brigittam in condendo novo ordine, & Regula, praecipue juvat B. Petrus noster Monachus, & Prior B. M. V. de Alvastra, & immortaliter omnes ejus sequaces demeretur.*
- 1356 876 *Helias de S. Aredio ex Abbate S. Florentiae Episcopus Veticensis, atque inde S. R. E. Cardinalis claret.*
- 1357 877 *Richardus Cicestrinus, Ioan Petroburgius, Galfredus Vwateronus pluresque alii è nostris Angliam, magnis ingenii monumentis sibi devinciunt.*
- 1358 878 *B. Vlpheo Nericia Princeps Sueciam admiratione implet, & vita exemplo illustrat. Claret apud Colonenses Ioannes è veteri Monte, Generalis Vicarius Electoris.*
- 1359 879 *Magno merito etsi modico fructu sacrilegis obnititur, & pro Ecclesiastica libertate decertat Beata mem. Ioannes de Chaumenaio Generalis Cisterciensis.*
- 1360 880 *Mirabile dictum, quanto Ecclesia cum fructu denuo, primo fervore, diversa nostra Congregationes efflorescant, Camaldulensis nimirum Vallumbrosana, Olivetana, Grandimontensis, &c.*
- 1361 881 *Androinus noster de Roca S. R. E. Cardinalis claret, plurimis Legationibus in componenda pace felicissimus.*
- 1362 882 *Vniuersa Ecclesia plurimum debet Ordini nostro ob electionem Sanctissimi Pontificis Urbani V. qui ope S. P. N. Pontifex renunciatur.*
- 1363 883 *Servorum B. M. V. novum Ordinem multis modis demerentur nostri, praecipue Androinus Abbas Cluniacensis, dein S. R. E. Cardin. & magnus Ordinis delectus Protector.*
- 1364 884 *Gravissimis Legationibus pro Ecclesia, & Imperio defungitur Lambertus Abbas, idem Canobio ad summas Cathedras extractus, eas mirè exornat.*
- 1365 885 *Insigni merito B. Urbanus V. exulem diu apud Callos Sedem Pontificiam denuo transfert. Incredibili tanti Pontificis, & Ecclesia iubilo Ioannes Paleologus Orientis Imperator Romam veniens Urbano se & Ecclesia submittit.*
- 1366 886 *Sylvestinorum Ordinis nostri Congregatio insigniter efflorescit, & Ecclesiam viris praestantissimis ornat.*
- 1367 887 *Anglicus noster Sanct. R. E. Cardinalis gravissima legatione de Ecclesia bene meretur.*
- 1368 888 *Stupendum prorsus, unum hominem S. R. E. Cardinalem Simonem de Langham tam diversis pro Ecclesia laboribus suffecisse. Idem Carthusianos insigniter demeretur.*

- 1369 889 *Collapsam Ecclesia disciplinam felicissimè restituit S. Urbanus V. Idem Bononien-
sem Academiam bellis stratam erexit.*
- 1370 890 *Beat. Urbanus Papa indicto jejunio capita SS. Petri, & Pauli reperit. Idem usum
Agni Dei reintroduxit.*
- 1371 891 *Egregium penitentia exemplum ambitiosi damnati à se ad honorem Pontificum
aditus Iaroslavus Gnesnensis Archiepiscopus, seipsum exauctorat, & inter no-
stros se recipit. Clarent multi scriptores.*
- 1372 892 *Claret Guilielmus Brihamus Norfolciensis Monachus, qui insigni merito, pri-
mus VVicleffum adoriri ausus, magno animo eidem se pro Ecclesia oppo-
suit.*
- 1373 893 *Ob insignia merita ad summas, & diversissimas honores Canobiis extracti Ioan-
nes de Grangia, & Petrus de Stammo.*
- 1374 894 *Celeberrimus ille vir Arnoldus Abbas veteris montis, inter sydera eruditorum
mirè exsplendescit, qui ab universis Germaniæ Academiis dicitur Nominales
relegasse.*
- 1375 895 *Egregia sanctitate, & insigni constantia VVicleffi Haresiarcha scelus, primus de-
prehendit, & convincit Simon de Langham noster Sanct. Rom. Eccles. Cardi-
nalis.*
- 1376 896 *Majorum suorum more, nostri, in ejusdem VVicleffi Haresiarcha perniciosissi-
mam Haresim felicissimè consurgunt, eosque inter præcipuè Guilielmus Bing-
ham Nordoniensis Monachus.*
- 1377 897 *Rursum alius in VVicleffum, fortissimus Antagonista consurgit Viredus Bolton
Monachus Dunelmensis.*
- 1378 898 *Olivetana nostra familia, ubertate pinguescens olea, dum cum annis aliorum de-
fiorescunt studia, sacrum vitæ rigorem ipsa adaugēt, & mirè proficit. Meri-
tissimus de Regno Suecia, & omni posteritate B. Petrus Prior de Abvasta mo-
ritur.*
- 1379 899 *Steph. Brickingtonus VVilhelm. Thorneus, Castertonus Norwic. alique scripto-
res nostri bono publico magnis ingenii monumentis consulunt.*
- 1380 900 *Omni qua potest ratione VVicleffo obstitit Simon noster Sonthraius, & alius è no-
stris Oxoniensis Doctor.*
- 1381 901 *Miro exemplo Canobio S. Benigni ad Regnum Polonia extrahitur Vladislaus
Dux, agrotans autem ad Canobium referri petit, in eoque moritur.*
- 1382 902 *Ioannes VVellius Ramesiensis Monachus errores VVicleffi felicissimè, & constan-
tissimè convincit.*
- 1383 903 *Memorabili zelo, dum una se mulier insana militum libidini opponit B. Ioanna
Monialis de Castro, & scelera reprehendit ab iisdem immaniter trucidata est,
mirè servatis cæteris Virginibus.*
- 1384 904 *VVicleffum impiissimum Haresiarcham Præfecturam Collegii Cantuariensis ne-
quiter ex ambientem, ingenti merito duo è nostris ejusdem Collegii rectores,
deturbant.*
- 1385 905 *Mellifluus Doctor noster Bernardus, tanto post à morte, benè mereri de Lusitanis
non desinens, implorata ope sua, Regem, & Regnum servat, & memorabilem
de hostibus victoriam impetrat.*
- 1386 906 *Anglicus B. Urbani V. ex fratre nepos, summis auctus honoribus præclarissimè
de Ecclesia meretur, gravissimis maximè Legationibus.*
- 1387 907 *Pro libertate Ecclesia strenuè laborat Gerardus Sacre familie Cisterciensis Gene-
ralis, aliaque inter præclare facta, præclarissimum volumen contra Commen-
das, Summo Pont. dedicat.*
- 1388 908 *Ingens Pontificum è nostris diversorum gloria, eosque inter Petrus Aiscelini S. R.
E. Cardinalis, de re imprimis litteraria felicissimè meretur.*
- 1389 909 *Benè meritis de Rege Angliæ Richardo, extinguitur Thomas Brintonus ex Mo-
nacho Norwicensi Rossensis Episcopus. Claret VVichboldus Kulmensis in
Prussia Episcopus pro libertate Ecclesiæ pugil strenuus.*
- 1390 910 *Nicolaus Radcliffus Monachus S. Albani mirum, quantum in extirpatione He-
reseos in Angliæ desudat.*
- 1391 911 *Hippolytus Mediolanensis Sacre familie nostre Olivetana Generalis, optimis
constitutionibus fervorem Sacrum fovet, & promoves, magno publici bono.
Sanct.*

- S. Richardo nostro sanitatem mentis, & corporis debet Carolus VI. Rex Galliarum.*
- 1392 912 *Adamus Eston S. R. E. Cardinalis, præter alia maxima merita, totum vetus Testamentum ab Hebreo in Latinum transfert, & pro Ecclesia strenuè laborat.*
- 1393 913 *Bernardus de Turre Episcopus Lingonensis insigni merito se Gallia, atque Angliæ commendat, ob præclarè insumptam in componendis illis Regibus operam.*
- 1394 914 *Moritur Guillelmus de Chanaco S. R. E. Card. celebratissimus, & plurimi Ecclesiæ Magni proceres præstant.*
- 1395 915 *Simon Southbrajus noster nunquam quiescens, diversis libris editis Romanam Ecclesiam defendit, Hereticos obterit.*
- 1396 916 *Claret insigni vita exemplo Ven. Vincentius Ferrerius Abbas Populetanus S. Vincentii Ferrerii carne, & spiritu propinquus & eidem plurimum charus, & familiaris.*
- 1397 917 *Adamus Episcopus Londoniensis moritur Regni Britannici Zelator maximus dictus, cui debet Ecclesia festum, siue officium Festi Visitationis B. Mariæ Virginis.*
- 1398 918 *In Hibernia pro vita meritis, plures è nostris ad diversas cathedras Pontificias erecti nomen, & honorem primatum Ordinis tuentur.*
- 1399 919 *Ingens Archiepiscoporum, Episcoporum, &c. in Ecclesia ex Ordine numerus, eam præclarissimè demeretur.*
- 1400 920 *Plurimi ex Ordine nostro Martyres, Ecclesiam sanguine suo defendunt, ab Hereticis maxime in Bohemia.*
- 1401 921 *Nostris plurimum promoventibus, quod Urbanus VI. jam approbaverat, Bonifacius IX. Solemnitatem Visitationis Beat. Mar. Virg. confirmat, & propagat, cujus Officium paulo ante mortem Adamus noster Eastonus Cardinalis composuerat.*
- 1402 922 *Inter Ecclesiæ præcipua decora, effulgent Gerardus Atrebatensis, Raimundus Bononiensis, Ioannes Lincolniensis Episcopi.*
- 1403 923 *Multi ex Ordine egregiis meritis Episcopi diversis provinciis prosunt, è quibus Robertus Tonata Scopiensis in Orcadam Insulis Conradus Soderensis in Manina, Ioannes Derensis in Hibernia, &c.*
- 1404 924 *Hussitica Hæresi exorienti cum pro virili nostri se opponunt, tota per Bohemiam Canobia Martyrio exhauriuntur.*
- 1405 925 *Illustre speculum vitæ sanctioris, Gallia eripitur Iacobus Generalis Cisterciensis: Religionis forma, devotionis exemplar appellatus. Idem Splendidior Sole, inter elogia Abb. celebratur.*
- 1406 926 *Angelus noster Corarius S. R. E. Cardinalis mira Sanctitate Ecclesiam ornat. Idem hoc anno electus Romanus Pontifex.*
- 1407 927 *Mundo in præceps rapto, cum Sacra passim canibus projicerentur, summa magnanimitate se se opponunt, Cistercienses maxime nostri, & Ecclesiasticam libertatem, tueri conantur.*
- 1408 928 *DEI para multis argumentis suam erga Patres nostros Olivetanos benevolentiam demonstrat. Florent iterum magni ex Ordine Prasules, & Scriptores.*
- 1409 929 *Claret magnus, & meritissimus ille Ludovicus Barbus noster, à cujus mox Congregatione Ecclesia ingens fructus, atque ornamentum accessit.*
- 1410 930 *Calatravensem, & Alcantarensem Illustrissimos Equitum Ordines, à veteri disciplina male dilapsos reformat Ioannes Abbas Morimundensis, & leges isdem promulgat.*
- 1411 931 *Lucas Mazolus à B. Gregorio XII. S. R. E. Cardinalis adoptatus, sub quo Ordo noster Humiliatorum renovatur ut Aquila.*
- 1412 932 *Plurima Canobia per Italiam, insigni omnino fructu adiunguntur, ad institutam noviter reformationem S. Iustina.*
- 1413 933 *Orbem universum illuminat Abbas noster Panormitanus, jure merito Lucerna juris appellatus.*
- 1414 934 *Pontificales Cathedras meritis implent Robertus Asaphensem in Anglia, Matthæum*

- thaus Anconensem in Italia, Robertus Laonensem in Hibernia, Ioannes Engolismensem in Gallia, alique magno numero.*
- 1415 935 Cum ipso Haresiarcha Hussio, ejusque sectatoribus publicè congressus Matthæus Aula Regia Monachus triumphat.
- 1416 936 Fidem, & fidelitatem Sedi Apostolica debitam gloriosissima morte Deo consecrat Henricus Abbas Casinensis.
- 1417 937 B. Gregorius XII. immortaliter de Ecclesia meretur, in gravissimo Schismate, Pontificatu se abdicans, inaudito exemplo, ut de electo deinceps Ecclesia certior fieret.
- 1418 938 Mirè effulgent plures ex nostris, finito hoc anno Constantiensi Concilio, à Martino Papa ob strenuam Ecclesia navatam operam laudati, è quibus Matthæus de Pillard, Clarevallis Abbas, Ecclesia Gallicana, ut vocant, Ambasciator, Ioannes de Martiniaco, & plures alii.
- 1419 939 In Concilio Constantiensi, aeterno merito praeclaram Ecclesia operam, nostri navant.
- 1420 940 Ingentiarursus in Orbem Universum redundant merita Caelestinorum nostrorum, & Vallumbrosanorum Sanctitate.
- 1421 941 Ecclesiam Gallicanam perditissimis temporibus mirè illuminat, veri exemplar Pontificis B. Ludovicus, ex Abbate Tornusij creatus Archiepiscopus Arelatensis. Claret insigni etiam Sanctitatis opinione Ludovicus alter, Abbas Savigniaci. Sed & plures ex Ordine Martyrio illustrantur.
- 1422 942 Libros Decretalium Senensi in Vrbe publicè interpretatur Panormitanus, ingens Ordinis nostri decus.
- 1423 943 Odo de Pereria Vir Sanctus eligitur Abbas Cluniacensis. Inter Pontifices eminent Guilelmus de Nanton Archiepiscopus Senonensis, David Cluanensis, Iacob Miletensis, Ioannes Basileensis, Epiphanius Neritonensis.
- 1424 944 Magno prorsus merito, Hispanias, & Sacram familiam nostram Cisterciensem demeretur Beata memoria Martinus de Vargas, qui auctoritate Martini V. Papa, & Ioannis Castella Regis, felicissimo successu ordinem reformat. Ei strenuè cooperatur B. Mem. Martinus alter cognomento de Longono.
- 1425 945 Insigni Hispaniarum fructu, & gloria Sanctissima Congregatio Montis Sion instituitur.
- 1426 946 Inter densissimas Orbis tenebras admiranda Sanctitatis radiis exsplendescit, S. Francisca Romana, nova familia Institutrix, quam familiariter ipse S. P. N. calo descendens in dirigendis suis instituit, ut & Magnus Ecclesia Doctor Gregorius.
- 1427 947 In Silesia Sancta Matris Ecclesia vestem sanguinis sui purpura multi ex Ordine tingunt, & ornant, Nova cella in primis Monachi ab Hussitis interempti.
- 1428 948 Moritur Ioannes Sacra nostra Cisterciensis familiae Generalis, praeclare non semel de Ecclesia meritus, in Hussitis maximè, atque VViclefistis opprimendis.
- 1429 949 Aeterna Fidei Catholica gloria, Haresim Hussiticam confundunt nostri in Bohemia, & suo sanguine copiosissimo Ecclesia agrum irrigant.
- 1430 950 Claret Magnus ille Laurentius Iustinianus, primus Patriarcha Venetus, de patria sua longe meritissimus.
- 1431 951 Claret mirabile peccatoris conversi exemplar, B. Petrus Marginet, ex Apostata adultero, praecone, scandalo populorum, penitentia speculum, Monachus Populeti, miraculorum gloria celeberrimus.
- 1432 952 Memorabili exemplo Divinae dignationis, missus ad Sanct. Franciscam Roman. Sanct. Thomas Apostolus, Eugenium Papam commonere jubetur, pro tollendo gravi Schismate, turbulenta Synodi Basileensis decreta, quantum fieri posset, rata haberet. Quod maximo Ecclesia universa bono, ab Eugenio est praestitum.
- 1433 953 Congregatio nostra Camaldulensis miro Ecclesia ornamento efflorescit sub B. Ambrosio è Porticu Generali.
- 1434 954 Fontis Everardi, lympidissimus splendor, magno Gallia, & Ecclesia ornamento, cuius Sacra familia luminaria exsplendescunt hoc anno Margarita de Mom-

- de Mommorancus, & Maria de Harcour, extincta illi modo suffecta, ornamenta aeternae Gallicae Nobilitatis.
- 1435 955 Clarent Ioannes Ioannis Borbonii Ducis filius Cluniacensis Monachus, & Eleonora Regina Aragonum Monialis contemptu Mundi, & praeclare gestis faciem Orbi praeferunt.
- 1436 956 Approbatur hoc anno solemniter ab Eugenio IV. Regula S. Franciscæ Romanæ, defixis omnium Romanorum obtutibus, magno Urbis fructu, in recentissima, & præsentissima sanctitatis exempla.
- 1437 957 Rursus stupente Italia nova ex Ordine nostro Congregatio S. Iustinae Sanctitatis, & meriti primævi exemplo universo illucescit. Ludovicus Barbus Tarvisinus Episcopus Episcopatum Sanctitate ornat.
- 1438 958 Nec Hispanis desunt rare miracula Sanctitatis, è quibus Venerabilis Bartholomæus Populeti ex Regio Medico Monachus, & Abbas, supra omnem medicorum scientiam, prodigiōse medetur, quin & mortuum reddit vita. Plures sub hac tempora Martyres.
- 1439 959 Magnis meritis clarus celebratur Ioannes eo nomine VII. Abbas, & Generalis Cisterciensis, quem magnò sanè Elogio Monumenta Cist. honorant.
Lux Prælatorum, vox & tuba Conciliorum.
- 1440 960 S. Hieronymus noster Camald. Cong. Lituanorum Apostolus, Schismaticorum, & Hereticorum fulmen corruscat. Moritur admirabilis illa S. Franciscæ Romana, cui summum ornamentum Ecclesia debet, Institutionem nempe Congregationis Virginum Montis Oliveti.
- 1441 961 Nicolaus noster Panormitanus Abbas, dein Archiepiscopus, insigni omnium applausu, S.R.E. Cardinalis renunciatur.
- 1442 962 Patientia in magno Principerarissima Illustrissimum exemplar orbis habet in B. Ferdinando nostro, Sacra Militie de Avis Magistro, qui post res praeclare gestas pro fide, captus ab hostibus, Deiparam, & calites ad se invisendos pertrahit. Sequenti anno in carcere extinctus.
- 1443 963 Decus aeternum Ecclesiae, Regno, Ordini addit B. Ferdinandus Ioannis Portugalie Regis filius Magister General. Ordin. Equit. de Avis vita Sanctitatis, & Martyrio illustris.
- 1444 964 B. Ioannes Bassandus Cælestinae familiae nostra, caelestè planè ornamentum, caelesti vitæ rationi ordinem reddit, orbem exemplis accendit.
- 1445 965 Moritur Magnus ille noster Nicolaus de Tedeschis, de Universo immortaliter meritisissimus.
- 1446 966 Bernardus Aquensis, Philippus Lingonensis, Ioan. Borbonius Podiensis, Augustinus Famangustanus, Nicolaus Calipolitanus, alique ex Ordine Episcopi florent.
- 1447 967 Sanctitate, & eruditione purpuram, & Ecclesiam ornat Ioannes noster Messanensis S.R.E. Cardinalis. Guilielmus de Estontevilla ex Priore S. Martini de Campis S.R.E. Card. Legationibus gravissimis, multisque aliis titulis de Ecclesia meritisissimus.
- 1448 968 Magna Sanctitate Abbas, B. Eustachius Iardinetensis, Ordinem passim reformat, & attonitos exemplis vitæ religiosa populos rapit, & accendit, clarus Prophetia Spiritu.
- 1449 969 Ludovicus de Palude Doctor Parisiensis S.R.E. Cardin. eximiis meritis se Orbi commendat.
- 1450 970 Rursus alia nostri Ordinis Congregatio Bursfeldensis, longè lateque exemplo, & meritis proficit.
- 1451 971 Ne regia quoque deesse pergerent in Ordine exempla Sanctitatis, decus verè Regium effulget B. Philippa Ferdinandi Cypri, & Petri Aragonum Regis soror, Monialis S. Dionysij de Odivelis, præter Sanctimoniam, relictis etiam ingenii monumentis, immortalis.
- 1452 972 Pontificia, & Regia autoritate Parisiensem Academiam reformat Guilielmus noster de Estontevilla.
- 1453 973 Magnis vitæ meritis Belgio prodest, rarum seculi huius ornamentum B. Petrus cognomento Siis, Dunensis Canobii Prior, strenuus disciplina Monachica reformator.

- 1454 974 *Doctrina, genere, & maxime Sanctitate Neapolim, Siciliam, Italiam universam illustrant nostri Congregationis S. Iustina Monachi.*
- 1455 975 *Insulis Pontificiis decus addunt, varias provincias demerentur, Guilielmus Rothomagensis, & Jacobus Messanensis Archiepiscopi: Michael Insulanus, Iacob Arborensis, & multi alii Episcopi.*
- 1456 976 *B. Nicolaus Genuensis, & B. Odo de Pereria Abbas Cluniacensis, & Carolus Archiepiscopus Mediolanensis mirè merentur.*
- 1457 977 *Etiam a morte mereri non desinit B. Nicolaus noster Genuensis, innumeris agris solo etiam vestis ejus contactu sanatis, salutem cuculla debentibus. Claret Mariana,*
- 1458 978 *Ad calos, terris subtrahitur B. Bartholomaeus Populeti Abbas, magna miraculorum gratia illustris, cujus exemplo, ipsi etiam Reges utiliter accensi sunt.*
- 1459 979 *Non minus Bartholomaeo Reges, ac Regnum demeretur Michael del Gado, ejus in Abbatia successor, Romanis Pontificibus charissimus. Clarent Artus noster Burdegalensis Archiepiscopus, Bartholomaeus Derensis, alique Pontifices ex ordine illustres.*
- 1460 980 *Immortali merito Biblior. & Canonum Concordantiam primus molitur Ioannes Abbas Nirvicellensis.*
- 1461 981 *Moritur Sanctitatis opera, & fama longè celebratissimus ille Sardineti Abbas B. Ioan. Eustachius. Primavera Sanctitatis exemplo illustres celebrantur Monachi nostri Sublacenses.*
- 1462 982 *Nobilitatis humana caeleste decus, mortali etiamnum in corpore exsplendescit B. Margarita Montferratenensis Princeps, B. Magdalena Albensis Monialis, cujus exempla tota rapitur Sabaudia.*
- 1463 983 *Inter precipua Ordinis Sydera novam Orbi facem praefert Himbertus de Lana, Sacra familia Cisterciensis Generalis, cujus exemplo, antiphona, Salve Regina Vesperis solum, seu Completorio subungi consuevit, omnibus Horis Canonicis subjuncta est.*
- 1464 984 *B. Margarita Ludovici Sabaudi filia Theodori Paleologi Vxor, à morte mariti nostra, Sanctitate insigne ornamentum Ecclesiae, familiae & suis provinciis attulit.*
- 1465 985 *Amatoribus Marianis praeludens suaviter Cygnus, moritur B. Petrus Dunensis, de transitu doctus, inter cantandum: O intemerata, &c. felicissime extinctus, quo ipso tempore claret alter in superiore Germania Petrus, Abbas S. Petri Salisburg. Capellanus Deipara dictus.*
- 1466 986 *Meritissimus de Galliarum Regno, & posteritate omni Ioannes chariter Monachus S. Dionysii Parisius frater Guilielmi Parisiensis Archiepiscopi. Insigni exemplo egregia demissionis purpuram oblatam respuit Vdalricus Abbas Sancti Galli.*
- 1467 987 *Celebri sanctitatis opinione Episcopos resuscitat, exemplo animat Beata mem. idè eruditionis laude celebratus Ioannes Zerdan ex Monacho Populeti Episcopus Barchinonensis.*
- 1468 988 *Nicolaus noster de Genis Cosmographiam restituit, & praeclarissime de posteritate meretur.*
- 1469 989 *Etiam Sacra Virgines nostra, velut fax mundi, universo illucescunt quas inter enitet B. Eustochia nostra Sancti. Prosdocii Monialis meritis praeagnatissima.*
- 1470 990 *Ordinem Equestrem Velleris Aurei insigniter extollit, & demeretur Ioannes noster Abbas Bertiniensis.*
- 1471 991 *Ne nullum non ordinem nostri demerentur, Ioannes Abbas Divi Bertini, Aureum illum B. M. V. & S. Andrea Velleris Aurei Equestrem Ord. scripto per insigni de religiosis Constitutionibus volumine, Institutum Orbi, simulque Ordinis alumni commendat.*
- 1472 992 *Inter Camaldulenses nostros emicat splendoribus Sanctitatis B. Petrus cognomento Teutonicus, inter Cistercienses anonymus conversus, quorum ille Pium II. iste S. Antoninum, inter calites assumptos, ipsa hora obitus illorum mirè oculati intuiti sunt.*

- 1473 993 *Illustre Ordinis nostri decus Ioannes Ioffredi ex Monacho Cluniacensi Atrabaten-
tensis Episcopus; & S.R.E. Cardinalis Ecclesiam ornat.*
- 1474 994 *B. Beatrix à Sylvia Portalegra Comitissa; formæ miraculum; amoribus sæculi à
Virginum Virgine præripitur; magna deinceps novæ conditrix familiae futu-
ra; Monialis Toletana: Theobaldus ex Illustrissimo Comite S. Pauli & Fien-
nes, & Duce clarissimo humilis Monachus, Cardinalis designatur.*
- 1475 995 *Vas electionis plenè gratiæ; & Veritatis deprædicatur Ioannes de Villiers ex Ab-
bate S. Dionysi, S.R.E. Cardinalis.*
- 1476 996 *Moritur Magnus ille Cisterciensium nostrorum Abbas, & Generalis Humbertus
de Lana; adeo potens coram Rom. Pont. & PP. Purpuratis pro libertate Eccle-
siæ contra Commendas Orator, ut lachrymas iisdem eliceret. Succedit Ioan-
nes de Circio; quem Massam omnibus virtutibus elimatam; Bonifacius
Simoneta appellat.*
- 1477 997 *Magna Gloria Sacra familia nostræ Virginum Fontis Ebraldi, seu Everardi, in
qua Calorum Augusta, Illustrissima Galliarum Principes, magno omnium ex-
emplo ancillas se devoverunt, quibus mortua hoc anno Maria Britannia Ducis-
sa præest Anna de Orleans Lud. XII. Regis soror.*
- 1478 998 *Variosos sui admiratione percellit Guilhelmus de Estonteville Sanctæ R.E. Car-
dinalis de Romanis, & diversissimis Cathedris meritissimis.*
- 1479 999 *Magna opinione sanctimonie honorem Ordinis tuetur Sacram purpuram ornat;
Georgius Costa ex Monacho & Abbate Alcobatie Cardinalis Episcopus Albanus;
dein Tusculanus & Portuensis; cum Dei prius Regem ac Regnum Lusitanie
plurimum demerisset.*
- 1480 1000 *Clarent ex Ordine nostro viri Illustrissimi Godefridus Baluesius Virdunensis
Monachus Sanct. R.E. Cardinalis, & Cosmas de Melioratis Cardinalis, viri
maximi.*
- 1481 1001 *Apud Andomaropolim magnò merito cultum Beatissima Virginis promovet;
Ioannes de Lannoy Abbas ibidem Sodalitio perinsigni sub nomine Virg. Præ-
sentate instituta.*
- 1482 1002 *Post innumera in Romanam, Andegavensem, Biterrensem, Rothomagensem, me-
rita moritur Guilhelmus Totavillanus S.R.E. Cardinal.*
- 1483 1003 *Insigniter Regium genus & Ordinem nostrum in Gallis illustrat Ioannes Borbo-
nius Abbas Cluniacensis; sub quo sanctissimum illud Canobium, ad prima-
vam enititur sanctitatem.*
- 1484 1004 *Novo Ecclesiæ ornamento multarum millium bono instituitur Ordo siue Congre-
gatio nostra Conceptionis à B. Beatrice.*
- 1485 1005 *Hoc & superiore anno, immortalis sanè merito, novam sub Regula S. P. N. condit
familiam, Titulo longè gratiosissimo Conceptionis B. M. V. B. Beatrix nostra;
monialis S. Dominici de Silos in Vrbe Toletana.*
- 1486 1006 *Infanda auri Sacri, Commendis & Simonia invalescentibus, cum res eo devenis-
set, ut à multis Regibus Innocentius Papa de extinguenda penitus SS. Cisterci-
ensi familia sollicitaretur, verbo petens & exemplo Ioannes Cisterc. Generalis
tantis fluctibus verè solus obnuitur, simulque Ordini & libertati Ecclesiasti-
cæ consulit.*
- 1487 1007 *Congregationes S. Iustine, & Bursfeldensis novis radiis Orbem replent. Claret
Gaspar Papiensis eximie sanctus.*
- 1488 1008 *Plures potius institui Sacras familias, quam extinguere ex Numinis voluntate esse
illustri miraculo sub hoc tempus patuit, cum Diploma Confirmationis Roma B.
Beatrici nostra missum, navi & omnibus naufragio pereuntibus, illud tamen,
fufis precibus integrum illa sumque ab aquis, felicissima Fundatrix, in scrinio
suo reperiret. Clarent multi viri illustres ex Ordine.*
- 1489 1009 *Arelatensem, Lugdunensem, Burdegalensem, Episcopatus & Romanam Ecclesiam
insigniter demeretur Andreas de Espinays.*
- 1490 1010 *Miraculum Orbis Carolus noster Ferdinandus claret, alter sæculi huius Home-
rus, idem licet cæcus Parisiis publicè docens. Inter innumeros ex Ordine sæculi
contemptu illustres eminet Caroli Valesij filia Ludovici XII. Gallie Regis Soror
Anna.*

- 1491 1011 B. Maphaus Gerardus Camald. S. R. E. Card. Veneriarum Patriarchapuram, & Ecclesiam meritis vita condecorat.
- 1492 1012 Ex Insulis Pontificalibus exsplendescunt, & variis consulunt Ecclesiis & provinciis, Robertus Briconet ex Abbate S. Vedasti Archiepiscopus Rhemensis, Godefridus Catalaunensis Antonius Petrus Vabrensis, Henricus Archiepiscopus S. Severinensis in Calabria, &c.
- 1493 1013 Benedictinorum Primitia Antipodes, primum hoc aro è nostris Apostolum Indiarum & America Patriarcham Bueillum merentur.
- 1494 1014 Hispanias & Regem Catholicum strenuè demeretur Ioannes Payus Abbas Populeti, cuius magnis meritis plurimum tribuit idem Rex, & magnatidem Regni negotia committit.
- 1495 1015 Aeternis magni ingenii monumentis, Angliae honori, & rei litterariae consulunt Thomas Radburnus, Guilhelmus Cellingus, Thomas VVestmonasteriensis, & alii Scriptores nostri.
- 1496 1016 B. Bernardinus Gandolus singulare Ord. nostri lumen emicat, & doctrina & sanctitate Camaldulenses ornat.
- 1497 1017 Iterum illustris Ordinis Reformatio, precipitante quotidie in deterius mundo, suscepta primum in Monasterio Casalis Benedicti: inde cognominata, & multo cum fructu & fidelium adificatione latius propagata.
- 1498 1018 Plurimi per Italiam ex Ordine nostro viri sanctissimi Ecclesiae sanctitatem, & felicitatem commendant.
- 1499 1019 Ingens in Ecclesiam universam consequitur fructus ex Sanctissima Congregationis nova in Hispania institutione. Sed & eo ipso tempore Sagiensi Congregatione instituta mirifice sanctitas nostrorum accenditur.
- 1500 1020 Nostri in novo Orbe felicissime laborant, in una Hispaniola supra 17000. Idola comminuunt, & ad cumulum, suo sanguine novum Orbem irrigant.
- 1501 1021 Montisferrati toto terrarum orbe celebritas spargitur, & à Sanctis Monachis nostris cultus Deipara mirè propagatur. Camaldulenses nostri sanctorum copia fertiles Ecclesiam ornant. Claret precipue B. Eusebius Hispanus Monachus.
- 1502 1022 Trithemius noster, ut mundi miraculum depradicatur: eximia vita sanctitate enitet Franciscus de Castro.
- 1503 1023 Insigne Episcoporum speculum mundo subtrahitur Godefridus noster ex Monacho S. Germani Catalaunensis Episcopus: Nec minore laude celebratur Theophilus Camald. Drivastensis Episcopus. Claret Lucas Bernardus Patavinus.
- 1504 1024 Insigni prodigio S. P. N. Benedictus profligatis Gallis Hispaniarum Regi Neapolitanum Regnum tradit.
- 1505 1025 Casinum & ab hoc dicta Congregatio insigniter exsplendescit, & Campania à nostris excolitur.
- 1506 1026 Auctoritate Pontificia alii nostri in Persidem, & ad finitimos Persis Indos profecti conversionem gentium feliciter intendunt.
- 1507 1027 Immortali merito velut praescius futurorum exoritur as hereses scriptis profligat Trithemius Abbas. Idem invalescentem passim Magiam opprimere, & eliminare satagit.
- 1508 1028 Primos in America Ordinatos Episcopos & pastores, fundatas Ecclesias, instituta seminaria Antipodes nostris debent.
- 1509 1029 Summo Ecclesia ornamento novo fervore exardescit Congregatio Vallumbrosana. Clarent BB. Simeon & Angelus viri sanctissimi.
- 1510 1030 Moritur maximorum meritorum vir B. Garsias de Cisneros Congregat. Hispanica Reetor, Sydus Hispania clarissimum.
- 1511 1031 Trithemius solus saeculum hoc laudibus implet, solus Bibliothecam universo mirandam ingenio, & manu propriis instituit.
- 1512 1032 Sanctitate & doctrina Ecclesia honori mirè consulunt Paulus Orlandinus & Ioannes Cionones.
- 1513 1033 B. Paulus Iustinianus rarissima vita sanctitate, ut genere illustrissimus, prima sanctitati celeberrimam Camaldulensium Congregationem restituit.
- 1514 1034 Galliam perinsigniter demeretur F. Antonius Bohier ex Monacho Fiscanensi Bitu-

- Bituricensis Archiepiscopus & Gallia Primas. Claret & in Hispania insignis Ordinis propugnator F. Ludovic. Mendez ex Monacho Episcopus Sidonia.*
- 1515 1035 *Iacobus de Ambasia Monachus Gemeticensis Claromontanus Pontifex meritis gravissimis Cathedra sua prodest.*
- 1516 1036 *Moritur magnus ille Trithemius, totius arca sapientiae appellatus. Sed & maximi meriti vir Petrus Goffier, Frater Arturi Magni Francia Magistri Abbas S. Dionysij.*
- 1517 1037 *Ob egregiam vitam sanctitatem Canobio extrahitur, & galera purpurea ornatur Petrus Quirinus Patricius Venetus. Eodem anno ob merita gravissima eodem honore excolitur Antonius Boerius Monachus Gemmetricensis.*
- 1518 1038 *Ingens sanctissimorum doctissimorumque virorum in Hispania numerus. Benatus de Breschia fit Constantiensis Episcopus.*
- 1519 1039 *Nullumquam saeculo, tot eodem tempore Sanctissima Ordinis nostri Congregationes effloruere, ex quibus Sanctorum mira copia. B. Homodeus saeculi huius miraculum rutilat. Honoratus Casinas Monachus fit Episcopus Insulanus. Obiit Boherius Cardinalis.*
- 1520 1040 *Rursus nova Ordinis Congregatio Grotanorum, sive Montis Corona Sanctorum usque hodie fertilissima, instituta a B. Paulo Iustiniano.*
- 1521 1041 *Ad novam inauditi rigoris Congregationem, veluti in portum ingens naufragorum numerus emergit. B. Hieron. Sueffanus mirè celebratur.*
- 1522 1042 *Sanctissimo Viro Ignatio Lojola Monserrateneses nostri maximè merentur, eoque merito RR. Societ. Iesu Patres; uti & mundum universum amantissime sibi obstringunt. B. Michael Florentinus Coronam Domini adinvenit.*
- 1523 1043 *Inter praeclarissima Ordinis merita, referenda propagatio Rosarii Coronae Domini, à nostris toti Orbi commendata.*
- 1524 1044 *Innumeros à blanditiis saeculi abstractos Christo adducit B. Paulus Iustinianus. Clarent Galeatus Gabrielius, & Iustin. Bergomensis.*
- 1525 1045 *Praeclarissima sanctitatis fama Ecclesiam latificant, & augent ex Ordine plurimi quos inter ex solo Monserratenfi Canobio exsplendescunt praeter alios F. Christophorus de Zamora, F. Maurus de Alfaro, F. Franciscus de Bejar.*
- 1526 1046 *Ingenti merito novo exorienti RR. PP. Capucinatorum Ordini Camaldulenses nostri mirifice profunt, eumque fervent.*
- 1527 1047 *B. Hieronymi Sueffani ineffabiles virtutes celebrantur, adeoque meritum ingens mundo cetero in interitum ruente.*
- 1528 1048 *Aymandus Gauffier ultimus Abbatum Regularium S. Dionysij, idemque Episcopus Albienensis, vir longè meritisissimus moritur, Obiit eodem anno immensorum de Ecclesia meritorum vir B. Paulus Iustinianus Institutor Congregationis Montis Corona.*
- 1529 1049 *Incredibilis nostrorum in Germania Haereticos, inter eorumque conatus constantia, multis millibus ab exitio servatis.*
- 1530 1050 *Inter praestantissimos ex Ordine Pontifices eminent Philippus de Cossè Constantiensis, & Eusebius Priolus Vegiensis Episcopi.*
- 1531 1051 *Monachorum studia aeterno merito Ecclesiae & Imperio commendat Guërricus Abbas VVeingartensis gravissimis perfunctus Legationibus.*
- 1532 1052 *Insigni conatu Haereticis se objicit Dithelmus Abbas S. Galli, quos etiam armis atterit, & nutantes in fide restituit.*
- 1533 1053 *Philippus Albani Ducis frater Corbeiensis Monachus ob merita gravia summis honoribus augetur, & Cardinalis Episcopus Tusculanus renunciatur.*
- 1534 1054 *Inter plurimos Ordinis Sanctos celebratur B. Petrus Favensis. Nostri per Germaniam ob fidei constantiam extrema patiuntur.*
- 1535 1055 *Inestimabili merito Hispanias sibi obligat B. Ludovicus de Strada Complutensis Collegii rector: qui idem Societ. Iesu Patres contra adversarios tuetur, operaque sua ut ad Complutensem universitatem admitterentur efficit.*
- 1536 1056 *Nostri Angliam, quam olim Christo lucrati sunt, hoc etiam postremo saeculo sanguine suo ornant, & facundat. Vitingus noster Glasconia Abbas murum pro domo Dei se opponit contra Regem Angliae. Moritur meritisissimus de Hispania B. Petrus de Burgos.*
- 1537 1057 *Gernicus Abbas VVeingartensis, cum gravissimo rerum suarum, & vitae periculo, & incommodo, Imperii commodis prospicit.*

- 1538 1058 Rursum Gervici laudes memoranda, cujus inter precipuas censeretur debet Collegii Sueviae Abbatum institutio.
- 1539 1059 Nostri defensores libertatis Ecclesiastica, omnibus per Angliam Canobus, bonisque excluduntur, multi mactantur.
- 1540 1060 In Hispaniis & Italia viri sanctissimi & eruditissimi Orbi illucescunt. Veneratur ante omnes Hispania Alphonsus de Burgos, inter familiares Caroli V. Imperatoris olim Principem.
- 1541 1061 S. Ignatio non satis apud Monserratum prima Conversionis subsidia quassisse, apud nostros S. Pauli, sua Religionis vota nuntiat.
- 1542 1062 Eminentissimum honorem Cardinalitum mirifice ornant vita meritis Gregorius Cortesius, & Philippus de Camera.
- 1543 1063 Celebratur inter clarissima seculi hujus lumina F. Benedictus de Toco ex Regum Epiri ultimorum Orientis Imperatorum sanguine Monserratenensis Monachus.
- 1544 1064 Insigni rursus de Ecclesia meritum sanctissimum SS. Societ. Iesu Ordinem, primis initiis, insigniter fovet nostri, & universo commendant.
- 1545 1065 Iacobus Regius Bituricensis Archiepiscopus, & Antonius de Monte Pontifex Civitatis, insigne decus Ecclesia addunt.
- 1546 1066 In summa tenebrarum densitate, fulgentissima ex Ordine nostro, maxime Corona Montis, sydera exsplendescunt. Gervicus VVeingartensis Abbas à fide & integritate Carolo Imperatori probatissimus rursus gravissimis Imperii negotiis adhibetur.
- 1547 1067 Idem plurimas passim Vrbes, & amplissimas ditiones in fide Ecclesia, & Caesaris continet, frementes inter Hæreticos velut adamantinus sibi constat.
- 1548 1068 Gregorius Cortesius noster summo in honore studiorum suorum minime immemor, praeclarissimis scriptis purpuram & Ecclesiam ornat.
- 1549 1069 Ioannes Feckenanus noster stupenda constantia, etiam ex carceribus Hæreticos Anglia universos provocat.
- 1550 1070 Benedictus Canophilus, & Miniatus Pittas, inter eruditissimos, inter Religiosissimos meritisque Filibertus de Ric, & Petrus de Balma, Genuenses successive Episcopi, nec non F. Carolus de Croy Tornacensis Episcopus emineat.
- 1551 1071 F. Georgius Martinus Cardinalatum ornat. Velut stella in medio nebula Hæreticorum oculos perstringit Henricus Clausius Abbas VVibtingensis, scriptis doctissimis meritis.
- 1552 1072 Ioannes Feckenanus noster sub Maria Regina è carcere eductus, ita Hæreses profligat, ut nemo congregari sit ausus.
- 1553 1073 Ludovici Blois Abbatis Latiensis insignia merita universo commendantur. Moritur B. Iodocus Palmerius.
- 1554 1074 Ex Ordine nostro egregii pugiles pro Ecclesia Catholica se Hæreticis opponunt, Itali, &c.
- 1555 1075 Miraculum Episcoporum postremi avi Isidorus Clarius claret, de Fulginati Cathedra sua longe meritis. Hieronymus Sueffanus noster, egregio ad immortalitatem exemplo purpuram à Paulo IV. oblatam cucullo posthabet.
- 1556 1076 Insigni merito B. Maurontus Abbas noster celeberrimam illam Urbem, Daecenam grandi prodigio ab hoste liberat.
- 1557 1077 Antonius Simonis Sanctissima Congregationis Montis Angel. de diversis Ecclesia Cathedris, Minoritana, Sutriensi, Nepiensi, meritis effulget. Nec minori gloria effulgent Ioannes Olivetarius ex Abbate Sueffano Episcopus Andegavensis, & Tristanus Sanctonensis Episcopus.
- 1558 1078 Feckenanus noster de Anglia, Regina Elisabetha, & proceribus multis meritis. Carolus V. lectione opusculorum Blois nostri mirè accensus S. Iusti Canobium ingreditur.
- 1559 1079 Innumerabiles ferè homines à morte liberat grandi miraculo B. Ludovicus de Strada Abbas Hortensis.
- 1560 1080 Egregia vita sanctitate Ecclesia sua consulit Chrysostomus noster de S. Gemiliano Casinas, Archiepiscopus Ragusinus; idem de Insula Melitensi meritis.

- simus. Exsplendescunt hoc ipso tempore Simon de Maille Archiepiscopus Turonensis, & Ioannes Docens Episcopus Laudunensis. Feckenanus de-
nuo noster in Regni comitiis mutationem Religionis convellit, Archiepisco-
patum Cantuariensem respuit. Clarent plurimi illustres sanctitate & me-
ritis, quos inter Didacus de Lerna, Michael Fornerius, &c.*
- 1561 1081 *Clarēt egregia vita sanctitate ex innumeris aliis Franciscus Levoretus Mon-
serratenfis: & Angelus de Faggis Abbas Casinensis.*
- 1562 1082 *Rursum à nostris initium celeberrimus Audomarensium Episcopatus, ordina-
to illic primo Episcopo Gerardo Americurio. Moritur exigua sanctitatis
fama celeberrimus Alphonsus de Burgos Monserratenfis.*
- 1563 1083 *Ioachimus Abbas Einsidlensis Ordinis Ecclesiastici nomine Helvetiorum ad
Concilium Tridentinum Legatus insigniter meretur. Clarent Ludovi-
cus Blasius, & Rogerius Montmorentius Abbates. Moritur Beatus Iusti-
nianus Bergomensis meritiissimus.*
- 1564 1084 *Gonsalvus de Illescas & Hieronymus Lauretus celebrantur. Moritur Caro-
lus Princeps Cimacensis ex Abbate Episcopus Tornacensis.*
- 1565 1085 *Obstupescenda rursus constantia Feckenanus noster iuramentum suprematus
Regii ut illicitum ridet & expugnat.*
- 1566 1086 *Blosius repudiato Ducatu & Archiepiscopatu illustrior, quam quisquam admi-
nistrato plenus grandium meritorum moritur.*
- 1567 1087 *Insigni de Audomarensibus merito, Collegium PP. Societ. Iesu illic condit Ge-
rardus noster primus ibi Episcopus. Moritur lectissimus ille & de Imperio
meritiissimus VVeingartensis Abbas Gervicus.*
- 1568 1088 *Nostrorum plurimi etiam postremo hoc saculo Ecclesiam sui sanguinis purpura
ornant, in Comitatu Namurcensi.*
- 1569 1089 *B. Ludovicus de Strada Castellanus Regnum demeretur. Idem victorias
ingentes Ioanni de Austria impetrat.*
- 1570 1090 *Rursum decus Ecclesie addit sanguinea laurea B. Nicolaus Margeraldus. Viri
doctissimi plures recensentur.*
- 1571 1091 *Insigni sanctitatis fama purpuram Cardinal. meretur & ornat Hieronymus
Socherius Abbas Clarae Vallis, idem de diversis Regibus meritiissimus. Cla-
ret item Martinus Cupperus Episcopus Calcedonensis.*
- 1572 1092 *Cornelius Boldersmannus, & plurimi e nostris Angliam, Hollandiamque san-
guine suo irrigant, nobilitantque.*
- 1573 1093 *Benedictus de Toco Monserratenfis ob virtutis famam Canobio extractus in-
signiter Episcopatibus Biquensi, mox Gerundensi, demum Ilerdensi meretur.*
- 1574 1094 *Virtutis doctrina atque zeli incomparabilis speculum, insigni cum merito Bel-
gis proponitur Matthaeus Moullartius Atrebatensis Episcopus ex Abbate S.
Gisleni.*
- 1575 1095 *In Anglia & alibi rursus plurimi nostri Martyres: in sola Scotia ducenti eo-
dem tempore sanguine matrem Ecclesiam exornant.*
- 1576 1096 *Iuventuti, veterum nostrorum more egregie consulit, magnifico Gymnasio
Duaci exstructo Arnoldus Abbas Marchianensis.*
- 1577 1097 *Moritur Gerardus noster Audomarensis Episcopus, cuius de recenti Diœcesi
eterna merita & exemplum celebrantur.*
- 1578 1098 *Hybernia felicissima irrigatione quadraginta e nostris Martyres sanguine suo
colunt & impinguant.*
- 1579 1099 *B. Romualdus Fabrianensis. Paulo simplici, Magni Antonii discipulo compa-
randus moritur. Item Thomas de Parentis.*
- 1580 1100 *B. Gelasius Abbas Boylensis saculi nostri splendor Martyr occumbit, ipso sup-
plicii loco 500. homines convertens.*
- 1581 1101 *Celestis candidorum Monachorum exercitus Camberona fidei hostibus con-
gressus eops in effusissimam fugam conjicit. Moritur admirabilis, & meri-
tiissimus ille Abbas Ludovicus de Strada.*
- 1582 1102 *Celeberrimo Collegio constructo Duaci de re litteraria, studiosisque meritiissi-
mus Arnoldus Ganthois Abbas Marcian. moritur. Florent Eutitius Cor-
des, & Carolus Blendecque viri doctissimi.*

- 1583 II03 Novo fervore effervescit Congregatio Montis Corona, & Mons iste ob sanctitatis famam, ex orbe terrarum universo multitudinem pellicit & mirè perficit.
- 1584 II04 Cathedrales Ecclesias nostri mirè exornant Basilius Geradi Episcopus Stagensis, & Marcus Fedoce Episcopus Laque donensis. Scrinium virtutum, & Regularis vitæ exemplar, postrema ætati sanctitatis exemplo consulit B. Rudolphus Veronensis.
- 1585 II05 Merito maximis Ecclesiæ martyribus accensendus moritur in carcere Feckenanus noster constantia exemplum stupendum BB. Patricius & Malachias Bullienses crudelissimè mactati Hiberniam suo sanguine consecrant.
- 1586 II06 Italia, Gallia, Hispania, Belgium, Sicilia præstantissimos hoc ipso tempore Episcopos à Canoniis nostris extrahunt. Hos inter eminent Annas de Escars ex Monacho Episcopus Luxoviensis, mox S. R. E. Cardinalis, Constantinus de Lannoy Archiepiscopus Rhegitanus, &c.
- 1587 II07 Rursus exemplar Constantia admiranda è carceribus Angliam illustrat Segeber-tus Bucleus Monachus VVestmonasterii.
- 1588 II08 Orbem radiis suis implet Ecclesiæ & universi ornamentum Gilbertus Genebrardus noster Prior Semuriensis. Claret item Iacobus de Graffis Sanseverinas.
- 1589 II09 Congregatio Hispana Montis Syon ad universi utilitatem Sanctitatis, atque eruditione præstantissimos viros producit.
- 1590 III0 Innumerales homines ad gremium Ecclesiæ congregant, viri ex Ordine Apostolici ad conversionem Hiberniæ &c. ex Hispania missi. Ioannes Baptista Bertutulus Fanensium Episcopus, & Matthæus noster Atrebatensis Pontifex præclare merentur.
- 1591 IIII Salutaribus nostrorum in Hispania monitis, stupenda rerum mutatio. Moritur B. M. Laurentius Conzalez Abbas verè Angelus.
- 1592 III2 Rursum Cathedrales Ecclesias mira vitæ integritate ornant Pius ex monte Casinensi, Fundanus & Anastasius Immolenis Episcopi.
- 1593 III3 Mirè de Ecclesiæ meretur Laurentius de Zamora Tullius, Homerus, Aristoteles, Paulus ab eruditione, & pietate dictus.
- 1594 III4 Congregatio nostrorum Anglicana ad ejus conversionem Regni, Apostolico exemplo instituta, mirifice efflorescit. Insigne Abbatis & Principis speculum Ioachimius S. Gallensis, contemptu honorum, zelo Religionis celebratur.
- 1595 III5 Genebrardus noster eligitur Archiepiscopus Aquensis, & Hereticos felicissimè expugnat. Idem de Archiepiscopatu meritissimus.
- 1596 III6 Ingenti felicitate Cameracensium Dux & Archiepiscopus creatur Ioannes Saracenus. Claret Ioannes Dorotheus Episcopus Arliensis.
- 1597 III7 AEvi decus, præclarum Ecclesiæ, litterarumque Sydus Genebrardus Archiepiscopus moritur relictis immortalibus universo monumentis.
- 1598 III8 De Cameracensibus meritissimus moritur Ioannes Archiepiscopus. Clarent Victorinus Episcopus Stabiensis, & B. M. Ioannes Fremiotus S. Benigni Monachus.
- 1599 III9 Moritur egregia sanctitatis fama F. Ioannes de Castanza. Atrebatenses, & Societ. Iesu Patres demeretur Carverellius noster.
- 1600 II20 Ingens eruditissimorum numerus Hispanias beat. F. Ioannes de Castro ob eximia merita creatur Archiepiscopus Taratinus.
- 1601 II21 Seculum hoc felicissimè inchoat, & S. Matrem Ecclesiam purpura sanguinis sui honorat F. Marcus Barckworts.
- 1602 II22 Galletia & Castella Regna, stupore, admiratione & fructu implent Raphael Sarminetus & alii nostri.
- 1603 II23 Insigni longè lateque fructu juventute Aquile juvenescit Congregatio nostrorum Suevica, & strenuè in Ecclesia laborat.
- 1604 II24 Ingenti periculo nostri Angliæ se insinuant, & strenuè desudantes conversioni Hæreticorum intendunt.
- 1605 II25 Rursus alia Ordinis nostri reformatio, & ab hac fructus ingens Gottlandia auctore Venerabili & sancto viro Laurentio de Zamora.


- 1606 1126 Gallia, Anglia, Hibernia, Belgium postrema etiam atate Martyrum nostrorum sanguine irrigantur. Clarent item sanctitate vita plurimi, eosque inter Bernardus de Escobar, & Iustus Mantienus.
- 1607 1127 Tudenſis, Pampilonenſis, Stabiensis, Arianensis Episcopatus à nostris mirè ornantur. Victorinus noster Casinas Abbas inter Assistentes Pontifici Max. Episcopos à Paulo V. adſciſcitur.
- 1608 1128 Rurſus decorem ex ſanguine Martyrum nostris Anglia debet. Beata Francisca Romana inter Sanctos relata, cujus Congregatio inſigniter floret.
- 1609 1129 Aeterno ad poſteritatem omnem exemplo noſtri ſanguinem, ac vitam pro conſervatione Hæreticorum devotent.
- 1610 1130 Ioannes Robertus de Mervinia, vir ſane Apoſtolicus, poſt innumeros labores, plenus meritorum ſanguine ſuo Angliam beat.
- 1611 1131 Hiſpani certatim miſſionem Anglicanam exambiunt. Clarent Anſelmus de Manceſtria, Thomas Preſtonus, &c.
- 1612 1132 Moritur de Romana, multisque Eccleſiis meritiſſimus Victorinus Abbas Caſinenſis, & Episcopus. Guilielmus Scotus purpura glorioſi ſanguinis Matris Eccleſiæ veſtem tingit.
- 1613 1133 Apoſtolicus revera vir F. Candidus Monachus Nucalenſis admirandis prodigiis claret, Conſervationi Hibernia intendit.
- 1614 1134 Miraculis Illuſtriſſimus F. Nicolaus Fagan ex Monacho Ferrarienſi, VVatterford. Episcopus, ab Hæreticis peſſime mulſatur, in Hibernia item inſignicum fructu deſudans. B. Thomas Cuſtallus decorem domui Domini addit glorioſiſſimo ſuo ſanguine paſſus Londini.
- 1615 1135 Memorabili fructu Britannicis inſulis ſe commendat Ven. P. F. Candidus noſter Nucalenſis, mirificus mortuorum in oculis Hæreticorum reſuſcitator, verbo, vitaque verè Apoſtolicus.
- 1616 1136 Generaliſſimo propaganda fidei zelo, viri ex Ordine egregii, Congregationi Anglicana ſuum adſcribunt nomen, vitam & ſanguinem pro conſervatione animarum offerunt, ac devotent.
- 1617 1137 Duorum maxime illuſtrium pro fide Chriſti pugilum, imo Heroum, ad triumphos æternos tranſitu memorabilis annus, Nicolai Fagan electi VVatterfordienſis, & Guilielmi VValarchai Midenſis, Episcoporum, poſtquam multa & gravia pro Chriſto exantlarunt. Claret multi egregia vita ſanctitate.
- 1618 1138 Inter moniales etiam mirifice propagatur perfectionis ad amuſſim Regula ſtudium opera Veneranda memoria Margarita de Vennii & Villamont. Abbatissa Vallis Gratia, miraculorum gloria illuſtriſſima. Ipſo anno moritur Ven. Antonia de Orleans Inſtitutrix Congr. de Calvario.
- 1619 1139 Celebri ſanctitatis opinione ipſorum etiam Inſidelium oculos, & mentes perſtringit Ven. Paulus Abbas Ordinis noſtri, orthodoxa fidei cultor & promotor, propè Campam Majoris Armenia Vrberem, miraculis illuſter.
- 1620 1140 Alterum etiam Orbem virtutis atque eruditionis fulgoribus illuſtrat Petrus de Oviedo Hortenſis Monachus electus hoc anno & conſecratus Archiepiſcopus Dominicapolitanus & Totius Novi orbis Primas. Excolitur plurimè & ornatur à Caſ. Maij. confirmante Rom. Pont. Vniverſitas noſtra Salisburgenſis.
- 1621 1141 Virorum eruditionis laude, ſanctitatis opinione illuſtrium plures celebrantur, è quibus hoc anno Gabriel à S. Maria, ex monacho & Priore Delavarienſi Archiepiſcopus Rhemenſis & Galliarum Primas, verbo & exemplo potentiſſimus, plurimos, eosque inter magnos etiam Principes Rom. Eccleſiæ lucratur.
- 1622 1142 In procuranda Anglorum ſalute plurimum noſtri deſudant. Primævam Cluniaci reddere diſciplinam illuſtri exemplo vita, & magnis conatibus allaborat Iacobus de Arbous, Beata mem. Margarita digniſſimus patrum.
- 1623 1143 Memorabilis feliciſſimo ad ſuperos tranſitu annus, Ven. viri Deſiderii à Curia, Congregationum SS. VVitoni & Hydulphi, ac S. Mauri Parentis & zelantiſſimi inſtitutoris, item V. Ven. VVilhelmi à S. Alexio Fulienſis & Adriani Dunenſis, non ſine opinione ſanctitatis, ex hac vita migrantium.


Plurimos

- 1624 II44 Plurimos infideles pro conversione eorundem missi Ecclesia lucrantur, Congregationis Montis Sion in Hispania Monachi. Vita emigrat Ven. Dionysij de Argentier Abb. Claravallis, miraculorum deinceps gloria usq. hodie illustrissimus.
- 1625 II45 Maximo Orbis in declivem ruentis exemplo & fructu in Gallia, Germania, atque Hispania, Monachorum Congregationes ad primævum Ordinis fervorem revocantur; prodeunt multi viri illustres.
- 1626 II46 Mirifica illa Ordinis Virginum nostrarum Reformatrix Ven. Margarita de Arbous Villemont. &c. in vita & post mortem stupendis illustrissima miraculis, sancta morte defungitur. In procuranda populi salute strenuam passim Romana Ecclesia navant operam cum Fulienfis, tum SS. Mauri & Viti Congregationes.
- 1627 II47 Illius summi Ordinis Reformatore immortalibus jungitur Ven. Bernardus de Montguyllard. Aurea-Vallis Abbas, miraculorum gloria Illustrissimus, quo ipse, haud impari Reformationis studio successuque felix, religiosissime defungitur Georgius Abbas VVeingartensis. Ingentibus prodigiis Casinum illustratur.
- 1628 II48 Celeber annus festivissima SS. nostrorum Ruperti & Virgilii, Bavaria quondam & Carinthia Apostolorum solemnissima translatione. In Indiis nostri praeclare merentur; Petrus inprimis de Oviedo Indiarum Primas, sub hunc ferè annum, celeberrima in Regno Peruvensi Urbis Quitensis Pontifex designatus.
- 1629 II49 Iterum festiva admodum Translatione SS. Othmari & Notkeri in Monasterio S. Galli, sollemnis annus. Serenissimus VVilhelmus Bavaria Dux mirè commendat ferventissimum per Germanias Studium Reformationis. Pulcherri-
mo incremento augetur Sanctissima Congregatio nostra Filienfis, accessione Societatis Britannica, haud ita pridem à Ven. & Sancta mem. Patre Natale Marsio, Monacho majoris monasterii instituta.
- 1630 II50 Iterum nova gliscit per Hispanias adamussim SS. Regulae Reformatio ad Sacra Maenia, e qua dein illustra Regnis illis sydera illuxere. E maximis Theologis elucescit sub hoc tempus Veneranda memoria vir Antonius de Perez noster, Vrgellitanus postea pro meritis Pontifex, demum Archiepiscopus Tarraconensis.
- 1631 II51 Reflorescunt passim cum apud nostros in Monasteriis, veteri instituto, Studia litterarum tum apud alios promoventur. In conversione Haereticorum nostri plurimum desudant.
- 1632 II52 Multorum per Germanias sanguinis purpura & agonibus Heroicis illuster annus, quorum aliqui praeclare inter tantos patriae fluctus meruere. Mirati hominum studia, & collectas posteritati Bibliothecas depradicant.
- 1633 II53 Easi ingens virorum illustrium, & de multis provinciis nec non re litteraria meritum copia affluat, & ad hunc ipsum, quo hac edimus annum Iubileum produci queant, quia tamen plerique superstites in oculis omnium sunt, malumus suomet virtutum splendore innotescere, & alieno indigiti digitum quam nostro; quanto etiam dignius est, seipso quemque exsplendescere, quam lumine, seu caloribus illustrari alienis, & ne contra Divini Spiritus dictata, quemquam in vita sua, concursu nimirum vita necdum exacto laudare videamur. Qui tamen in omni gratia sua, magnificum in mortalibus atque immortalibus, Deum in Benedictis suis Benedictum, magnificamus, benedicimus, & adoramus in saeculis aeternis, Amen.

Ad maiorem Dei, Benedictae Virginis Matrisq. &
Benedicti Patris gloriam.

*Eremitarum Canaliculorum
Montis Regii.*






Biblioteka Jagiellońska



stdr0029785



ANNAL

BENEDICTIN

VLET II